

Kitabu ka Kanu



Portions of the Holy Bible in the Baga Sitemu language of
Guinea

Kitabu ka Kanu
Portions of the Holy Bible in the Baga Sitemu language of Guinea
Des portions de la Sainte Bible dans la langue Baga Sitemu de Guinée

copyright © 2015 Pioneer Bible Translators

Language: Baga Sitemu

Translation by: Traducteurs Pionniers de la Bible

Contributor: Pioneer Bible Translators

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-29

PDF generated using Haiola and XeLaTeX on 29 Apr 2025 from source files dated 29 Apr 2025

e5320012-5c6f-534d-9205-97d787f9a95c

Contents

Dəkəcop	1
Kəwur	65
ALewy	122
Kələm	164
Sariyε	219
Yosuwe	268
Rut	299
Matiye	304
Kəbaru Kətət ka Mark	355
Luk	384
Yebəc ya Asom a Yesu	436
Areka nηε Sak εnacicəs mə	481
1Isaη	487
2 Isaη	493
3 Isaη	495

Tawureta Musa, Buk 1: Dəkəcop da Doru

Moloku ma kəsəkəs buk ba Musa bəcəkə-cəkə: Dəkəcop

Buk bəcəkə-cəkə ba Musa mbe aṅwe «Dəkəcop» mə buk ba kədəm kəkur ka Kitabu ka Kanu bə. CəHebərə yati c'ancicəs bi «Dəkəcop». Buk mbe bementər nde mes fəp məyefe mə, nte Kanu kə afum ṅanacop kəsumpər mes mə. Acicəs ṅayə məkə moloku melarəm ma afum aṅe ṅanacicəs buk ba Dəkəcop mə, kə tem nte anacicəs buk babəkə mə. Aləma ṅancəm-cəmne a tələma yecicəs yokur yoləṅka nde Babiləṅ yə, kəyefe ka meren masar camət-tin (600) haṅ kəbəp masar kəcamət (500) ta antakom Yesu-ε. Aləma sə ṅawosə kələṅ kəkur, a Musa ecicəs səbuk saṅse kəcamət: Dəkəcop da Doru, Kəwur Dacar, ALewy Aləṅne, Kələm ka aYisrayel kə Sariye Səgbəkəre kəyefe meren wul win masar maṅkələ (1.400) kəbəp ka meren wul win masar maas (1.300) ta antakom Yesu-ε.

Buk ba Dəkəcop bəntəmpər moloku metəkse mme məyə dəkəcəme dərəṅ mə, mme meṅmar kələṅkanə ka alaṅ a Yesu Krist kəcərə ka melpəs ma Kitabu ka Kanu: Kədəm kəkur kə Kəfu mə. Buk bambə bəmentər nte kəciya kəmbere doru mə, kə kəfaṅ ka afum kəsətə ka wəyac. Tatəkə tementər sə dərə da Kanu kəyac ka afum. Antam kənəṅk tatəkə kədəṅk kəcəkə-cəkə teta Yesu (Dəkəcop 3.15) kə Kanu kənderəm kəsəṅ Abraham kəpocə ka afum a doru fəp pətət (Dəkəcop 12.3).

Teyer ta Moloku ma Buk Bambə

1-2, Alokū təkə Kanu kənalompəs doru, Adama kə Awa mə.

3-5, Alokū teta Adama kə Awa, kəciya kəṅan kə yuruya yaṅan.

6-9, Alokū teta Nuha kə kutup kəpəṅ.

10-11, Asəkəs təkə tenacəpər tem ta Nuha kə Abraham dacə mə, kələkənə teta kələ kəṅeci ka Bəbəl.

12-50, Alokū teta Abraham, kələ kən disre, kə tocop ta afum aka Yisrayel:

12-25, Alokū teyi ta Abraham kə wəran kən Sara.

21-28, Alokū teta Siyaka kə wəran kən Rebeka,

35, Alokū teta defi da Siyaka.

25-50, Alokū teta Yakuba, awut ən kə kəcəpe kəṅan Kanaṅ nde Misira.

37-50, Alokū teta Isifu wan nwe Yakuba enanaṅkanə kəbətər mə, kə təkə Isifu enader pəyənə wəbe Misira mə.

Dəkəcop da Doru

Dəkəcop da Doru

1-11

Kə Kanu kələmpəs doru kə afum

¹ Dəkəcop, kə Kanu kəwure kəm k'antəf.

² Tem tatəkə antəf ṅenayə fe teyi, kubump kənayi kəba kəron. Mba Amera ṅa Kanu ṅenayi sə domun kəron ṅocbum ṅi.

³ Kə Kanu kələku: «Pəwaṅkəra peyi!» Kə pəwaṅkəra peyi.

⁴ Kə Kanu kənəṅk a pəwaṅkəra pentese. Kə Kanu kəṅbey pəwaṅkəra kə kubump.

⁵ Kə Kanu kəwe pəwaṅkəra «dəsək», kə kəwe kubump «pibi.» Kə dəfəy deyi, kə bətbət beyi, kə təyənə dəsək dəcəkə-cəkə.

⁶ Kə Kanu kələku sə: «Pəkuyme peyi, nte təṅsəṅe domun deyersənə mə!»

⁷ Kə Kanu kəyə kə pəkuyme peyi kə pəṅbey domun d'antəf kə dakəron, kə teyi tatəkə.

⁸ Kə Kanu kəwe pəkuyme mpe «kəm.» Kə dəfəy deyi kə bətbət beyi, kə təyənə dəsək da merəṅ.

⁹ Kɔ Kanu kɛlɔku: «Domun ndɛ deyɪ kɛm tantɔf mɔ, dolonkanɛ tofo tin, pɛwosu peyi, powur, peyi takɛron!» Kɔ teyi tatɔkɔ.

¹⁰ Kɔ Kanu kɛwɛ tofo towosu «antɔf,» kɔ kɛwɛ mofo mmɛ mɛla domun mɔ «cɛba.» Kɔ Kanu kɛnɛŋk a tentesɛ tatɔkɔ.

¹¹ Kɔ Kanu kɛlɔku sɔ: «Antɔf ŋɔpɔŋ pubuk, yika ŋa defet, kɔ tɔk yokom nyɛ yende yockom antɔf kɛron taciŋa mɔ! Yɔyɔ sɔ defet da yi!» Kɔ teyi tatɔkɔ.

¹² K'antɔf ŋɔmpɔŋ pɛbuk, kɔ yika yɔyɔ defet, kɔ tɔk yokom yɔyɔ defet da yi. Kɔ Kanu kɛnɛŋk sɔ a tentesɛ.

¹³ Kɔ dɔfɔy deyɪ kɔ bɛtbɛt beyɪ, kɔ tɔyɔnɛ dɔsɔk da maas.

¹⁴ Kɔ Kanu kɛlɔku sɔ: «Yomotɛr-motɛr yeyɪ dɛpɛkuymɛ, ntɛ tɛŋsɔŋɛ dɔsɔk dɛgbɛyɛnɛ kɔ pibi mɔ! Kɔ tɔyɔnɛ mɛgbɛkɛrɛ ma tɛm*, dɔsɔk kɔ meren.

¹⁵ Yɔyɔnɛ yomotɛr-motɛr ya pɛkuymɛ nyɛ yende yɔcsɔŋ antɔf pɛwanɛkɛra mɔ!» Kɔ teyi tatɔkɔ.

¹⁶ Kɔ Kanu kɛwure yomotɛr-motɛr mɛrɛŋ kɔ kɛndɛt yi. Pomot pɛpɔŋ pɛtasɛrnɛ dɔsɔk, kɔ pomot pɛfɛt pɛtasɛrnɛ pibi. Kɔ Kanu kɛwure cɔs kɔ kɛndɛt.

¹⁷ Kɔ Kanu kɛndɛt yomotɛr-motɛr nyɛ dɛkɛm yɔcsɔŋ antɔf pɛwanɛkɛra.

¹⁸ Pomot pɛpɔŋ pɛtasɛrnɛ dɔsɔk, pomot pɛfɛt kɔ cɔs yetasɛrnɛ pibi, tɔsɔŋɛ pɛwanɛkɛra pɛgbɛyɛnɛ kɔ kubump. Kɔ Kanu kɛnɛŋk a tentesɛ.

¹⁹ Kɔ dɔfɔy deyɪ, kɔ bɛtbɛt beyɪ, kɔ tɔyɔnɛ dɔsɔk da maŋkɛlɛ.

²⁰ Kɔ Kanu kɛlɔku sɔ: «Yɛŋɛsɛm ya dɛkɛba yɛcsɛp dɛromun. Bɛmp yɛcfɛlɛr-fɛlɛr kɛm tantɔf!»

²¹ Kɔ Kanu kɛwure sɛm yɔpɔŋ ya dɛromun dokom dokom, kɔ yɛŋɛrɛŋ-ŋɛrɛŋ ya dɛromun, kɔ domun doncop kɛsɛp. Kɔ Kanu kɛwure sɔ bɛmp dokom dokom. Kɔ Kanu kɛnɛŋk a tentesɛ.

²² Kɔ Kanu kɛmpocɛ yi pɛtɔt†, kɔ kɛlɔku: «Nɔyɔnɛ akombɛra, nɛla, nɛlas domun da dɛkɛba, kɔ bɛmp, yɛla antɔf kɛron!»

²³ Kɔ dɔfɔy deyɪ kɔ bɛtbɛt beyɪ, kɔ tɔyɔnɛ dɔsɔk da kɛcamɛt.

²⁴ Kɔ Kanu kɛlɔku sɔ: «Antɔf ŋɔyɔ yɛŋɛsɛm dokom dokom, sɛm yɔcɔl, yɛliŋɛ-liŋɛ, kɔ sɛm ya dɛkulum, fɛp fa yi kɔ dokom da yi!» Kɔ teyi tatɔkɔ.

²⁵ Kɔ Kanu kɛwure sɛm ya dɛkulum dokom dokom, yɔcɔl dokom dokom kɔ yɛliŋɛ-liŋɛ fɛp dokom dokom. Kɔ Kanu kɛnɛŋk a tentesɛ.

²⁶ Kɔ Kanu kɛlɔku: «Awa, palompɛs fum teyi tosu, wɛwureɛnɛ kosu, nwe endetasɛrnɛ lop ya dɛkɛba, bɛmp ya darenc, yɔcɔl kɔ yɛliŋɛ-liŋɛ ya dɛntɔf fɛp mɔ!»

²⁷ Kɔ Kanu kɛsɛl afum

ntɛ tɛŋsɔŋɛ ŋawureɛnɛ kɔ nkɔn mɔ,

kɔ kɛsɛl ŋa ŋawureɛnɛ kɔ nkɔn Kanu yati.

Kɔ kɛsɛl ŋa wɛrkun kɔ wɛran.

²⁸ Kɔ Kanu kɛmpocɛ ŋa pɛtɔt, kɔ kɛlɔku: «Nɔyɔnɛ akombɛra, nɛla, nɛlas antɔf, nɛboc antɔf tɛfan tonu! Nɛtasɛrnɛ lop ya dɛkɛba, bɛmp nyɛ yɛŋfɛlɛr darenc mɔ, sɛm kɔ yɛliŋɛ-liŋɛ ya dɛntɔf fɛp.»

²⁹ Kɔ Kanu kɛlɔku: «Isɔŋ nu yika nyɛ yɔyɔ defet dakayi mɔ, kɔ yokom ya tɔk. Yɔyɔnɛ nu yeri.

³⁰ Sɛm ya dɛntɔf, bɛmp ya darenc, yɛfɛlɛr-fɛlɛr ya darenc, kɔ yɛliŋɛ-liŋɛ ya dɛntɔf, ca fɛp nyɛ yɛŋɛsɛm mɔ, isɔŋ yi dɛmɛnɛ yika yobuk yɔyɔnɛ yi yeri.» Kɔ teyi sɔ tatɔkɔ.

³¹ Kɔ Kanu kɛnɛŋk a mes mɔkɔ ɛnayɔ mɔ fɛp, mɔtɔt dɛm mɛnayɪ. Kɔ dɔfɔy deyɪ kɔ bɛtbɛt beyɪ, kɔ tɔyɔnɛ dɔsɔk da camɛt-tin.

2

¹ Dɔsɔk da camɛt-tin dadɔkɔ, di d'analɔpɛs kɛm kɔ antɔf, kɔ ca yɔkɔ yeyɪ yi disrɛ mɔ.

* **1:14** Tɛm (ta teren): mɔlɔfɛ, dɛrɛŋ, lɛŋk, katɛla, kɛtɛn. † **1:22** Kɛpocɛ pɛtɔt = «kɛsɔŋ yi baraka».

² Tataka ta camət-mērəṅ, kə yolompəs ya Kanu fəp yelip, k'əsak, k'eṅesəm tataka ta camət-mērəṅ ta yebəc yən.

³ Kə Kanu kəsəṅ tataka ta camət-mērəṅ pələli. K'eleləs pi, bawo dəsək dadəkə də Kanu kəsək yebəc ya kəlompəs yəkə enayi mə.

⁴ Dəkəyefe da kəm k'antəf də dadəkə, nte awure yi mə.

Dalə da Eden

Nte MARIKI Kanu* owure antəf kə kəm mə,

⁵ ali tətək pa dalə pin pənayi fe antəf kəron, ali ayika ḡa dalə ḡin ḡenapən fe tem tatəkə. Bawo MARIKI Kanu enatore fe wəcafən dəntəf, fum enayi fe sə, nwe embəc antəf mə.

⁶ Mba kifir kəncpe dəntəf, nke kəncdəməs antəf fəp mə.

⁷ Kə MARIKI Kanu esele fum kəbof ka dəntəf. Kə Kanu kəfurup kə dololəm kifir ka kəyine doru, kə fum əyənə paka peṅesəm.

⁸ Kə MARIKI Kanu əmbəf tək yokom nde dalə da Eden, kəca nke dec dəmpə mə, k'emberse di fum nwe enasel mə.

⁹ Kə MARIKI Kanu əsəṅ kə tək yokom yəbət kədi yomponəs-ponəs fəp, kələkene kətək ka kəyine wəyən katina nke kənacəmə nde dalə dəcə mə, kə kətək ka kəcərene pətət kə pələc.

¹⁰ Kə kəṅgbəkə kəwur Eden, nke kəncdəməs dalə mə. Kə kəṅgbəkə kəṅkə kəṅkə kəyerənə dalə disre waca maṅkələ.

¹¹ Kəca kəcək-cəkə k'ancwe «Pisəṅ», ki kənəṅkər atəf ḡa Hawila fəp, nde kəma kəyi mə.

¹² Nde ambəp kəma kəsoku pes mə, tək yobotu ambənc,† kə masar mətət meyim seṅ‡.

¹³ Kəca ka mērəṅ k'anḡwe «Kihəṅ», ki kənəṅkər atəf ḡa Kus.§

¹⁴ K'anḡwe kəṅgbəkə ka maas «Tikər»*, ki kəcəpər kəca nke dec dəmpə dare da Asur mə. Kəṅgbəkə ka maṅkələ kəyənə «Efərat.»

¹⁵ Kə MARIKI Kanu elək fum, k'emberse kə dalə da Eden disre, a pəcəbət ca, pəcbumənə sə di.

¹⁶ Kə MARIKI Kanu entḡ-tḡ fum: «Məntam kədi yeri ya dalə dandə fəp.

¹⁷ Mba ta mədi pokom pa kətək ka kəcərene pətət kə pələc de! Bawo dəsək nde mändedi pokom pa ki mə, maṅfi!»

¹⁸ Kə MARIKI Kanu oloku: «Pəmar fe wərkun pəyi sona! Indelompəs wəmarəs kən, nte təṅsəṅ ḡayi mērəṅ mə.»

¹⁹ Kə MARIKI Kanu eṅkere sem ya dalə kə bəmp ya darenc nyə enawure dəntəf mə, pədəməmən nte fum ende pəcwe yi mə. Nte təṅsəṅ yowure yən fəp yəyə mewe mme fum ende pəcwe yi mə.

²⁰ Kə fum əsəṅ sem yəcəl fəp mewe, kə bəmp ya darenc kə fum əsəṅ sə sem ya dəkulum fəp mewe. Mba nte təyənə ta fum mə, əsətə fe nwe endetam kəcmar kə mə.

²¹ Kə MARIKI Kanu əsəṅ wərkun mere məpəṅ, k'endire. Kə Kanu kəwure wərkun kəbent kəkəsək ka dəbəkəc. Kə kəluksərne sə, kə kəntaməs dənda.

²² Kə MARIKI Kanu olompse wəran kəbent kəkəsək nke enawure wərkun mə, k'eṅkene wərkun wəran nwe.

²³ Kə wərkun oṅkule: «Apayə!»

«Wəkawə,
kəbent ka bənt yem,
tesem ta sem yem.»

Wəkawə andewe «wəran» wənəncənə ka wərkun,
bawo nno dis dem d'awure kə.

²⁴ Ti təsəṅ nte wərkun eṅsake kas kə kere pəsektərne kə wəran kən mə. Nəkafələ ḡayənə tesem tin.

* **2:4** MARIKI = Tewe ta Kanu cəHebare «YHWH» təyənə «lyənə» kə pəyənə fe ti-ε, «Indeyənə.» † **2:12** Labundə docuca kənəṅk, di d'anḡwe «bədeliyəm.» ‡ **2:12** Masar mətət mme aṅwe «ənəkəs» mə. § **2:13** Dif'anḡwe məkə «Ecopi» kə «Sudaṅ».

* **2:14** Tikər = Kəṅgbəkə kəpəṅ ka təf ya Asi: LaTurky, Siri, kə Irak.

²⁵ Wərkun kə wəran mərəj maŋan fəp kəsəkər kə ŋanayi, ta ŋaŋlapərəne-ε.

*Kiciya kəkəkə-cəkə: Wərkun kə wəran kəbeləs kəŋan nde dale da Eden
3.1-24*

3

Wərkun kə wəran: Kəbeləs kəŋan nde dale da Eden

¹ Abok ŋenacərə mes ŋetas sem ya dale fəp nyε MARIKI Kanu enawurε mə. K'abok ŋeyif wəran: «Kanu kəloku nu ti yati a ta nədi yokom ya tək ya dale dandε ba?»

² Kə wəran oloku abok: «Səndi yokom ya tək ya dale dandε yati.

³ Mba kətək nke kəyi dale dacə mə, Kanu kəloku: «Ta nədi yokom ya ki, ta nəgbuŋεne ŋaŋ ki! Kə nəyɔ ti-ε, nəŋfi.»

⁴ K'abok ŋoloku wəran: «Nəfəfi!

⁵ Bawo Kanu kəncərə, a dəsək nde nəndi yi mə, fər yonu yeŋmərə, nəyi pəmə Kanu nke kəncərə pətət kə pələc mə.»

⁶ Kə wəran enəŋk a pokom pa kətək pəmbət kədi, pəmbət kəməmən, pəntam kəsəŋ kəcərə pətət kə pələc. Kə wəran ŋgbotu pokom k'endi. K'əsəŋ wos wəkə ŋanasol mə, kə wəkəkə sə endi.

⁷ Kə ŋamepe fər, kə ŋancərəne a kəsəkər kə ŋawur. Kə ŋaŋgbotu bəpər, kə ŋasət maŋkara kə ŋamberne mi.

⁸ Dec dərəfəy, nte tefef towur mə, wərkun kə wəran ŋane dim da MARIKI Kanu, nwe əncəkətəs mə. Wərkun kə wəran kə ŋaŋkə ŋagbərpe ŋabələ MARIKI Kanu fər kirin, tək ya dale dadəkə dacə.

⁹ Kə MARIKI Kanu ewe wərkun eyif kə: «Deke məyi-ε?»

¹⁰ Kə wərkun oloku Kanu: «Dim d'in'am dale disre, k'inesε, bawo iwur kəsəkər, ti t'ingbərpe.»

¹¹ Kə MARIKI eyif kə sə: «Anə'mentər əm a kəsəkər kə məwur-ε? Cəpə məndi pokom pa kətək kəŋkə inamən'am mə ba?»

¹² Kə wərkun oloku: «Wəran nwe məsəŋ im mə, nkən əsəŋ im pi k'ina sə indi.»

¹³ Kə MARIKI Kanu eyif wəran: «Ta ake tə məyənε tantε-ε?»

Kə wəran oloku Kanu: «Abok ŋetiŋkər im, k'indi pokom pampε.»

¹⁴ Kə MARIKI Kanu oloku abok:

«Bawo məsəŋε wəran kəciya,
kəsəŋ əm kənder pələc sem yəcəl,
kə sem ya dōp fəp dacə.

Kor kə mənde məcliŋεne,
məcdi kəbof mataka ma kiyi kam doru fəp.

¹⁵ Kəberəs əm k'inder dacə kə wəran,

kəyεfε nəna haŋ awut a wəran
kəbər awut a mənə, abok!

Wəran ende pəcputək əm domp,
məna abok, məcŋaŋ kə dəmnε atek.»

¹⁶ Kə Kanu kəloku wəran:

«Indeyə kəbəkəs kam kəccu'm.

Pəcuca pə mənde məckom.

Məfaŋ mam məndəkə nda wos əm.

Mba endetasərn'am.»

¹⁷ Kə Kanu kəloku wərkun:

«Bawo məncəŋkəl dim da wəran kam,

kə mändi pokom pa kətək nkε inamən'am kədi mə,
indəsəŋ antəf pələc tetam:

Pəcuca pə mände məcsətər ŋi yeri yam
dəsək o dəsək kiya kam doru fəp.

18 Yika ya dəkulum yə mände məcdi.

Mba antəf ŋende ŋockom am
beŋk kə ŋgbəŋkələ.

19 Kawonε ka tobu tam
kəndəsəŋ'am kəcsəm kəcom
haŋ tēm nte mändelukus dəntəf
nde məyεfε mə.

Bawo kəbof kə məyənε,
dəkəbof mändesəlucus.»

20 Kə wərkun əsəŋ wəran kən tewe ta «Hawa»*, bawo nkən Hawa əyənε iya wəka afum
a doru fəp.

21 Kə MARIKI Kanu olompse Adama kə wəran kən, Hawa, yamos ya akata, k'ember ŋa
yi.

22 Kə MARIKI Kanu oloku: «Ah! Nte fum ende pəyi ŋə pəmə səna mə, pəcərə pələc kə
pətət, səkəmbərne ta pətenc kəca pələk sə pokom pa kətək kəyine wəyən, pədeyi ŋə doru
katina.»

23 Kə MARIKI Kanu owurεne Adama dale da Eden disre, pəkəbəc antəf nyε enasεle kə
mə.

24 Nte MARIKI Kanu owurεne fum dale da Eden mə, k'encəmbər mələkε kerub † ntende
dec dəmpε dale da Eden, kə dakma ndε dencfikələ dəcəsəŋε nenc, nte tənşəŋε ta alətərne
kətək ka kəyine wəyən mə.

4

Kayin kə Abel

4.1-26

1 K'Adama ŋambəpene kə wəran kən Hawa, kə Hawa embəkəs, k'ŋkom Kayin. Kə Hawa
oloku: «Isətə wan wərkun kəmar ka MARIKI disre.»*

2 Kə Hawa ŋkom sə wəfət ka Kayin nwe anawe Abel mə.

K'Abel ende pəyənε wəkək ka cir kə ŋkesiya. Kə Kayin əyənε wəbifti.

3 Kə tēm tələma tende tēbəp, kə Kayin elək yokom ya dəntəf, k'əŋkεre yi MARIKI
kədeloŋne.

4 K'Abel nkən sə, əŋkεre MARIKI yokom yəcəkə-cəkə ya yəcəl yən kə moro ma yi. Kə
MARIKI əməməne Abel kə kəloŋne kən fər yətət.

5 Mba MARIKI enaməmənε fε Kayin kə kəloŋne kən fər yətət. Kə pəntεle Kayin, k'əŋey
kəro.

6 Kə MARIKI eyif Kayin: «Ta ake tə pəntelen'am-ε, ta ake tə məŋeyε kəro-ε?

7 Kə məŋkət belbel-ε, mändesel. Kə məŋkət pələc-ε, kiciya kəy'am dəkusunka kə mεfan
ma ki mey'am. Mba məsep mətasərne ki.»

8 Kə Kayin əncəpər wenc Abel. Mba nte ŋanayi dale mə, kə Kayin eyefər wenc Abel
kəsutεne, k'endif kə.

9 Kə MARIKI eyif Kayin: «Deke wenc əm Abel eyi-ε?» Kə Kayin oloku: «Incərə fε. Cəpə
wəkəkəs kən iyənε ba?»

10 Kə Kanu kəyif Kayin: «Cəke cə məyə wenc əm-ε? Dim da mecir ma wenc əm dey
kəkule-kule kəyεfε dəntəf haŋ nnə iyi mə.

* 3:20 Hawa = «Iya», nwe əsəŋ kiya wəyən † 3:24 Mələkε kerub = mme mombum dəbε da Kanu mə. Kerub kəyə
dobomp da fum, dis da kusununku, kə səyə sə banca yεfεlεre. * 4:1 Kayin = cəHebərə «kəmar»

¹¹ Ndekəl oŋ, kətolan'am k'antəf ɲender pələc, ɲɛ ɲɛwani kusu kə məsəɲɛ ɲi kəmerəs mecir ma wənc əm mə.

¹² Kə mənɛde məcbəc antəf-ɛ, ɲəfəde ɲəcsəɲ əm pəbotu pa ɲi. Ti tə pənde pəctələn'am məccepɛ-cepɛ dəkəbəc.»

¹³ Kə Kayin oloku MARIKI: «Pələl pa kiciya kem pəmbək kəsare.

¹⁴ Məmbeləs im məkə nnə antəf ɲam ɲɛbi ɲɛyi mə. Pənamar im kəgbəpən'am, kə kəcepɛ-cepɛ dəntəf, kə fum əmbəp im dənda-ɛ, pədif im.»

¹⁵ Mba, kə MARIKI oloku kə: «Kə fum endif Kayin-ɛ, aɲlukse ayək ɲən camət-mɛrəɲ.» Kə MARIKI enɲbesi Kayin nte təɲsəɲɛ aɲɛ ɲambəp kə mə, ta ɲasut kə ɲadif.

¹⁶ Kə Kayin owur fər ya MARIKI kiriɲ dalɛ da Eden, k'əɲkə pəyi atəf ɲa Nodu nde dec dəmpɛ dalɛ da Eden mə.

Yuruya ya Kayin

¹⁷ Kə Kayin ɲambəpənɛ kə wəran kən. Kə wəkəkə embəkəs k'əɲkom Henok. Kə Kayin owurɛ dare k'əsəɲ di tewe ta wan kən Henok.

¹⁸ Kə Henok ɲkom Iradu, k'Iradu ɲkom Mehuyayəl, kə Mehuyayəl ɲkom Metusayəl, kə Metusayəl ɲkom Lɛmek.

¹⁹ Kə Lɛmek əlek aran mɛrəɲ, pacwe wəkin «Ada,» kə wəka mɛrəɲ «Cila.»

²⁰ K'Ada ɲkom Yabal, nkən əyənɛ wətem ka akək yəcəl acɛpɛ-cepɛ.

²¹ Tewe ta wənc tənayənɛ Yubal: Nkən əyənɛ wətem k'afer cəɲkəlo k'afula luk.

²² Kə Cila nkən sə dəmnɛ ɲkom Tubal Kayin, nwe enɲgbɛc ca fəp ya kəpər kə ya fɛc mə. Wəkire kən ancwe Nahama.

²³ Kə Lɛmek oloku aran ɲn:

«Ada kə Cila nəcəɲkəl dim dem!

Aran a Lɛmek nəsu ləɲəs nəcəɲkəl moloku mem.

K'asut im-ɛ, indif fum.

K'ambopər im-ɛ, indif wanfɛt.

²⁴ Kə pəyənɛ padif afum camət-mɛrəɲ

kəlukse ayək ɲa Kayin-ɛ,

andedif afum 77,

a paclukse ayək ɲa Lɛmek.»

²⁵ Adama kə Hawa ɲasətə sə wan. Kə Hawa ewe kə «Set», ti tə tatəkə «Kanu kəsəɲ im sə wələma kədəyən'em Abəl wəkə Kayin endif mə.»

²⁶ Kə Set ende pəkom wan pacwe kə Enəs. Təm tatəkə t'anacop kəkər-koru tewe ta MARIKI.

5

Kəyɛfɛ Adama haɲ Nuha

¹ Buk ba dokombəra da Adama bə bambɛ. Dəsək ndɛ Kanu kəsəl Adama mə, k'ɛsəl kə, pəwurɛnɛ kə nkən Kanu.

² Wərkun kə wəran k'ɛsəl ɲa, k'ompocɛ ɲa pətət, k'ewe ɲa tewe ta «fum,» dəsək ndɛ enɲsəl ɲa mə.

³ Adama endəsətə meren 130, k'əsətə wan wəwurɛnɛ kə nkən, pəmə təkə eyi mə, k'əsəɲ kə tewe ta Set.

⁴ Nte Adama ɲkom Set mə, k'eyi sə doru meren 800, mme enasətə sə awut arkun k'awut aran mə.

⁵ Kəwon ka Adama doru kənasətə meren 930, a k'endefi.

⁶ Set enasətə meren 105, a k'endekom Enəs.

⁷ Nte Set ɲkom Enəs mə, k'eyi sə doru meren 807, mme enakom sə awut arkun k'awut aran aləma mə.

⁸ Kəwon ka Set doru kənasətə meren 912, k'efi.

⁹ Enəs enasətə meren 90 a pədəkom Kenəɲ.

¹⁰ Ntε Enəs oηkom Kenanə mə, k'eyi sə doru meren 815, mmε enakom sə awut arkun k'awut aran aləma mə.

¹¹ Kəwon ka Enəs doru fəp kənasətə meren 905, k'efi.

¹² Kə Kenanə əsətə meren 70 a k'endekom Mahalalel.

¹³ Ntε oηkom Mahalalel mə, kə Kenanə eyi sə doru meren 840, mmε enakom sə awut arkun k'awut aran aləma mə.

¹⁴ Kəwon ka Kenanə doru fəp kənasətə meren 910, k'efi.

¹⁵ Mahalalel enasətə meren 65 a k'endekom Yεεdu.

¹⁶ Ntε Mahalalel oηkom Yεεdu mə, k'eyi sə doru meren 830, mmε enakom sə awut arkun k'awut aran aləma mə.

¹⁷ Kəwon ka Mahalalel doru fəp, kənasətə meren 895, k'efi.

¹⁸ Yεεdu enasətə meren 162 a k'endekom Henok.

¹⁹ Ntε Yεεdu oηkom Henok mə, k'eyi sə doru meren 800, mmε enakom sə awut arkun k'awut aran aləma mə.

²⁰ Kəwon ka Yεεdu doru fəp kənasətə meren 962, k'efi.

²¹ Henok enasətə meren 65 a k'endekom Metusela.

²² Ntε Henok oηkom Metusela mə, k'əsətə sə meren 300 ηasol kə Kanu. K'oηkom sə awut arkun k'aran aləma.

²³ Kəwon ka Henok doru fəp kənasətə meren 365.

²⁴ Kə Henok encəme dəpə da Kanu darəη, kə tende telip, bawo Kanu kənalək kə pəyi wəyən.

²⁵ Metusela enasətə meren 187 a k'endekom Lεmek.

²⁶ Ntε Metusela oηkom Lεmek mə, k'əsətə sə meren 782, mmε enakom sə awut arkun k'awut aran aləma mə.

²⁷ Kəwon ka Metusela doru kənasətə meren 969, k'efi.

²⁸ Lεmek enasətə meren 182 a k'endekom wan wərkun.

²⁹ Kə Lεmek ewe wan wəkəkə «Nuha.»* K'oloku: «Wəkawε ende pəcyamsε-yamsε su, kəcem-cəmnε ka pucuy mpε yebəc yocuca nyε waca womboc antəf nyε, MARIKI enasəη pələc tetosu mə.»

³⁰ Ntε Lεmek oηkom Nuha mə, k'eyi sə doru meren 595. K'oηkom sə awut arkun k'awut aran aləma.

³¹ Kəwon ka Lεmek doru fəp kənasətə meren 777, k'efi.

³² Nuha enasətə meren 500 a k'endekom Sem, Ham, kə Yafet.

6

Kanu kəncem-cəmnε kən kənim ka afum doru

¹ Ntε afum ηancop kəla antəf kəroη mə, k'aηkoməs ayecəra.

² Kə melekε ηanəηk a ayecəra aka afum ηantesε. Kə ηayek-yek aran aηan ayecəra akakə dacə.

³ Kə MARIKI oloku: «Ifaη fε kəsak afum ηayinε kifir kəyinε doru nkε inasəη ηa mə, bawo fum sεm dəm yə. Kəyi kən doru kəfəde kəccepər sə meren 120.»

⁴ Tεm tatəkə tə cərgba cənayi doru, ntε awut a Kanu* ηantəfərnε ayecəra aka afum, akə ηasəη ηa awut mə. Awut akakə ηanayəne abε akur a tεm tatəkə.

⁵ Kə MARIKI enəηk deyenki bəkəc da afum dεla doru, dəsək o dəsək məcem-cəmnε mələc gbəcərəm mə afum ηayinε.

⁶ Kə MARIKI eηaηnε telər kəsəl kən fum, k'abəkəc ηeηkafələ kə.

⁷ Kə MARIKI oloku: «Kənim k'inder afum aηε inasəl mə, kəyεfε afum, kəbər sεm, kəkə ka yeliηε-liηε haη bεmp ya darenc, bawo iηaηnε telər kəsəl kəηan.»

⁸ Mba kə Nuha əsətə kəηanənε ka MARIKI, bawo Kanu kənanəηk dolompu dən.

Kanu kəyac Nuha

* **5:29** Nuha = cəHebərə «kəyaməs-yaməs» canu», «melekε», kə pəyənε fε ti-ε «afum aηəη».

* **6:4** Awut a Kanu it'əyənε cəHebərə cəkur: «Awut a Kanu», «awut a

⁹ Tecepərəne ta Nuha tətə: Nuha, fum wətət enayi pəlomp, pəsol kə Kanu.

¹⁰ Nuha, awut maas η'enakom: Sem, Ham kə Yafet.

¹¹ Mba nnə fər ya Kanu kirin, afum ηanatese fə bəkəc. Mes mələc gbəcərəm mənayi doru.

¹² Kanu kənanənk a doru dəsəkpe, bawo afum fəp ηanagbayme-gbayme dəpə dətət.

¹³ Ti t'enasəηe Kanu kəloku Nuha: «Incəm-cəmne kəmələk yeηesəm ya doru fəp, bawo tes taηan təsəηe kə doru dəla kədəkəterene, kənim ηa k'inder doru.

¹⁴ Məcaηe abil ηəpəη cəbam ca kawe, məwure ηi sədukələ səlarəm, məsop ηi kərtal tedisre kə todoru.

¹⁵ Nte tə məndecəη ηi: Nəbəl cururu 300 (mētər 137), ηəwəkəl cururu 50 (mētər 23), ηotukme cururu 30 (mētər 14).

¹⁶ Məgbəpər ηi tadarenc, məsak kururu katin (mētər dacə) kəyefe nde kəroη haη nde dəkəpom, məwure ηi kumba kəsək, mədeηər ηi dek maas.

¹⁷ Bawo ina, domun dələrəm † d'indesak nde dendemələk ca fəp mə. Mpe o mpe peηesəm doru mə, pendefi.

¹⁸ Kə mənə, indese kə danapa kə mənə, məde məberε debil kə wəran kam, awut am k'aran aηan!

¹⁹ Məde məbersene sə ηi disre sem ya doru fəp mērəη mērəη, workun kə wəran, nte təηsəηe nəde nəyi doru kə yi mə.

²⁰ Sem yeηesəm ya doru fəp, yorkun kə yeran, yefet kə yəpəη, yede yələtərn'am nte təηsəηe yi sə yede yeyi doru mə.

²¹ Awa, məten yeri fəp, məmēnkərne yi nte təηsəηe nəde nəcsətə yedi nənə kə yi mə.»

²² Ti tə Nuha enayə, enayə mes fəp mme Kanu kənaloku kə mə.

7

Nuha kəberε kən debil

¹ Kə MARIKI kəloku Nuha: «Məberε abil disre, mənə k'afum am fəp, bawo inəkəce a mən'olomp fər yem kirin detemp dandε dacə.

² Mələkene sem yətət camət-mērəη camət-mērəη, yorkun kə yeran, mba sem yelec, məlek yi mērəη mērəη: Workun kə wəran gbəcərəm.

³ Kə bemp, mələkene yi fəp dacə, yorkun camət-mērəη kə yeran camət-mērəη. Ti t'endesəηe yi sə yeyi doru.

⁴ Pəncəme mata camət-mērəη, itore wəcafən mata 40 kə pibi 40 camcam. Tem tatəkə indefəη nnə doru afum aηe inasel mə fəp.»

⁵ Nuha enayə məyə fəp, mme MARIKI enasom kə mə.

Kutup kəpəη

⁶ Nuha enasətə meren 600 a kə domun dendekal antəf.

⁷ K'emberε debil kə wəran kən, awut ən k'aran aηan, nte təηsəηe ηayacne domun nde dənabaη antəf mə.

⁸ Sem yətət kə yelec, bemp kə sem yefet yefet nye yeηliηe-liηe mə fəp,

⁹ kə Kanu kəmbərse yi abil disre nde Nuha eyi mə, mērəη mērəη yorkun kə yeran, pəmə təkə Kanu kənaloku ti mə.

¹⁰ Nte tataka ta camət-mērəη tencepər mə, kə domun dēmbaη antəf.

¹¹ Kəren nke Nuha əsətə meren 600, tataka ta wəco kə camət-mērəη, ηof ηa mērəη disre, kə domun dombuncε dəcəηgbəkə fəp, kə kəm kəηgbite pəpəη.

¹² Kə wəcafən oncop kətuf mata 40 kə pibi 40.

¹³ Dəsək dayi də Nuha enaberε debil kə wəran kən k'awut ən, Sem, Ham, kə Yafet, k'aran aηan maas,

¹⁴ kə sem ya dop kə ya dare yin yin kə sem yefet yefet, bemp kə taktaka.

† 6:17 Domun dələrəm = «Wəcafən indetore pəkal doru fəp.»

¹⁵ Kə yeñesəm (sem) yorkun kə yeran mērañ mērañ nyē yenayi doru mə, kə yender nde abil ŋa Nuha ŋeyi mə.

¹⁶ Kə yorkun kə yeran sem dokom fəp, yembere abil disre pəmə təkə Kanu kənaloku ti Nuha mə, kə MARIKI kəŋgbətər ŋa kumba.

¹⁷ Kə domun dembañ antəf mata 40, nte domun dempe mə, k'abil ŋofoy.

¹⁸ Nte domun dencpe mə, ti tə abil ŋoncfoy.

¹⁹ Kə domun demberene kəpe hañ kə mərə meñeci fəp meñkale.

²⁰ (Telpəs oñ kə domun dempe hañ kə dencepər cururu wəco kə kəcamət mərə kəron). Kə domun dempe kə deñkal mərə meñeci hañ cururu wəco kə kəcamət (metər camət-mērañ).

²¹ Ca nyē yenayi antəf kəron, a yecñesəm mə fəp, kə yefi: Bemp, sem yəcəl, sem ya dop kə yeliñe-liñe fəp kələkene afum.

²² Kəyefe paka mpe penayi antəf kəron a pecñesəm mə, kə pefi.

²³ Kə Kanu kəfeñ dəntəf paka mpe pencñesəm mə, kəyefe fum hañ kəbər sem yəpəñ, yefet yefet kə bemp, k'enim yi doru fəp. Mene Nuha gbəcərəm, aka kələ kən disre kə sem nyē yenayi debil mə, ŋanafis.

²⁴ Domun denabañ antəf hañ mataka 150.

8

Domun kəwosər

¹ Kə Kanu kəncəm-cəmnē Nuha, sem ya dop kə yəcəl ya dare, nyē yenayi kə Nuha abil disre mə. Kə Kanu kəwure afef doru, kə domun doncop kətor.

² Kəba ka dəntəf kə darenc cəmerene, kə wəcafən esak kətuf.

³ Kə domun dembele antəf kəron tepic tepic. Mata 150 disre, kə domun dencese dəntəf.

⁴ Tataka ta wəco kə camət-mērañ (17), ŋof ŋa camət-mērañ, k'abil ŋende tərə tin ta Ararat kəron.

⁵ Kə domun dencese hañ ŋof ŋa wəco. Tataka təcəkə-cəkə ta ŋof ŋaŋəkə, kə mərə meñeci moncop kəwure səbomp.

⁶ Tataka ta 40, kə Nuha eñgbiti wunder nwe enaber abil mə.

⁷ K'esak abemp ŋa ser * ŋin kə ŋəŋkə. Pəwon fe kə ŋoluksərne, pənamar Nuha pəkar domun delip kəwosər dəntəf.

⁸ Kə Nuha esak sə antantoriya kəkəməmən kə pəyəne a domun d'ontor-ε.

⁹ Mba ŋenasətə fe kəfo nke ŋentam kənde mə, bawo domun denasərəbañ antəf fəp, kə ŋoluksərne nde debil. Kə Nuha entenc kəca k'osumpər ŋi, k'emberse debil.

¹⁰ K'eñkar sə mata camət-mērañ, k'esak sə ŋi.

¹¹ K'antantoriya ŋoluksərne dec dərəfəy ŋeğbəm təbərər təcəŋk ta kətək ka olif†. Kə Nuha encəre katina a domun dencese.

¹² K'eñkarene sə hañ tataka ta camət-mērañ, k'esak sə antantoriya. Mba nte ŋi ŋəŋkə mə, ŋenalukus fe sə nnə eyi mə.

¹³ Tataka təcəkə-cəkə ta ŋof ŋəcəkə-cəkə ŋe Nuha əsətə meren 601, ti tə domun denasak antəf. Kə Nuha eñgbipi abil, k'əməmən doru. K'enəŋk a domun fəp dowosər.

¹⁴ Tataka ta wəco mērañ kə camət mērañ (27), ŋof ŋəcəkə-cəkə ŋayi, antəf fəp ŋenawos fər.

¹⁵ Kə Kanu kələku Nuha:

¹⁶ «Məwur abil disre, mənə kə wəran kam, awut am k'aran añañ.

¹⁷ Məwurene sə sem yeləpəs nyē yeyi abil disre kə mənə mə. Kə bemp dokom fəp, sem yefet kə yəpəñ, yesam doru yokom.»

¹⁸ Kə Nuha owur debil nkən kə wəran kən k'awut ən k'aran añañ.

¹⁹ Kə sem, bemp kə yeliñe-liñe yowur fəp dokom dokom.

* **8:7** *Abemp ŋa ser* = «abemp ŋa Mənar,» kə pəyəne fe ti-ε «kəwan ka aser.» † **8:11** *Kətək ka olif* = Yokom ya kətək kanjke kə nke aŋwure moro mme antam kədi, pamotene ki dəlamp, kə pəyəne fe ti-ε pasəm pokom pa ki.

²⁰ Kɔ Nuha olompəs tetek tolonɛ MARIKI, k'elek sem kɔ bemp yosoku dacɔ yin yin, k'ancɔfɛ yi MARIKI nde tetek tolonɛ kəronɛ.

²¹ Kɔ MARIKI embəŋ ambənc ɲa kəlonɛ nɲɛ ɲontore-tore kɔ abəkək mɔ, k'olokunɛ dɛbəkək, «Ifəsɔsɔŋ antɔf pələc teta fum. Kance kɔ, bawo afum mɛcɛm-cɛmnɛ mɛlɛc meyi ɲa dɛbəkək kəyɛfɛ dowut danan, mba ifəsɔləsər ca nyɛ yeɲesəm doru pəmɔ nte intɛp ti kəcyɔ mɔ.»

²² «Kəwon ka antɔf doru fəp,
kəbɔf kɔ kətɛl,
pəwonu kɔ pəcaŋki,
kətən kɔ dɛrəŋ,
dɔsək kɔ pibi,
yɔfɔdelip.»

9

Kanu kədermɛ kən Nuha

¹ Kɔ Kanu kəmpocɛ Nuha pətət k'awut ɔn, kɔ kəloku ɲa: «Nəyɔnɛ akombəra, nəkom pəlarəm, nəlas antɔf.

² Kəyɛfɛ məkɔ, sem ya doru fəp, kəbəp bemp, sem yɛfɛt kɔ lop, yende yecnesɛ nu. Nəndetam kəcsəm yi.

³ Paka o paka mpɛ peyi wəyɛŋ pəkəkət mɔ, pəyɔnɛ nu peri pəmɔ nte inasɔŋ nu yokom ya yika yɛcaŋk kɔ ya tək mɔ. Isɔŋ nu ɔŋ ndɛkəl yayəkɔ fəp.

⁴ Mba ta nəde nəcsəm wɛsɛm nwe wəsɔrɔyɔ mecir ma wi mɔ. *

⁵ Indeyif nu teta mecir monu, mɛmɛ məyɔnɛ kəyi doru konu mɔ. Indeyif sɔ ti sem fəp nyɛ yendedif fum mɔ. Pəmɔ nte indeyif ti fum nwe endedif wɛnc mɔ.»

⁶ «Nwe endif fum mɔ,
padif sɔ (məna wəkayi),

bawo Kanu kəlompəs fum pəwureɛnɛ kɔ nkən sərka.

⁷ Kɔ nəna, nəyɔnɛ akombəra, nəkom pəlarəm, nəsamsər doru.»

⁸ Kɔ Kanu kəloku sɔ Nuha k'awut ɔn:

⁹ «K'ina, indesek sɔ danapa kɔ nəna, kəbəp ka yuruya yam kɔ nəna nəncepər-ɛ,

¹⁰ kɔ ca fəp nyɛ yɔnəŋkər nu mɔ: Bemp, sem ya dare kɔ ya dop, nyɛ yowur debil mɔ, kɔ nyɛ andekom nnɔ doru mɔ.

¹¹ Isek danapa kɔ nəna, nte t'indeyɔ: Domun dɔfɔdesɔdi antɔf, wəcafən ɔfɔdesɔyi nwe endeləsər antɔf mɔ.»

¹² Kɔ Kanu kəndenɔr: «Paka pa danapa dosu pempɛ mpɛ pendeyi su dacɔ kɔ nəna doru o doru, kəbəp ka ca yeɲesəm.

¹³ Isekən ambəncəran (asiŋki) ɲem nde dəkəp. In'ende kəccɛm-cɛməs im temer nte isɔŋ antɔf mɔ.

¹⁴ Tɛm o tɛm nte wəcafən ende pəcbiyɛ, a asiŋki ɲowur mɔ,

¹⁵ incɛm-cɛmnɛ temer təkɔ inasɔŋ nu kɔ ca nyɛ yeɲesəm doru mɔ, wəcafən ɔfɔdesɔtuf nwe endesɔləsər ca ya doru fəp mɔ.

¹⁶ Dəkəp ambəncəran ɲəŋkəyi. K'indenəŋk ɲi-ɛ, indecɛm-cɛmnɛ temer ta danapa dem ta doru o doru nte inalek kɔ ca fəp nyɛ yeɲesəm doru mɔ.»

¹⁷ Kɔ Kanu kəŋgbəkəreɛnɛ sɔ moloku mamɛ Nuha: «Asiŋki ɲementər temer nte isɔŋ nu kɔ ca ya doru nyɛ yeɲesəm mɔ.»

Nuha k'awut ɔn maas: Doru dofu, kɔ kiciya kəfu sɔ

¹⁸ Awut a Nuha aɲɛ ɲanawur debil mɔ ɲanayɔnɛ: Sem, Ham, kɔ Yafɛt. Ham ɔyɔnɛ papa wəkə Kanaŋ.

¹⁹ Awut a Nuha akanɛ maas ɲagbəkəre sɔ kəlas antɔf.

* **9:4** Wɛsɛm nwe antɔfay amera mɔ.

²⁰ Kɔ Nuha ɔyɔnɛ wɔbifti antɔf k'ambɔf ɲɔbɔɲkɛlɔ ya wɛn. †

²¹ Kɔ Nuha omun member k'encis. K'ɔɲkɔ pɔwɔr kɛsɔkɛr nde abal ɲɔn disrɛ.

²² Ntɛ Ham papa wɔka Kanaɲ ɛnɔɲk kas Nuha pɔyi kɛsɔkɛr mɔ, k'ɔɲkɔ pɔloku ti awɛnc aɲa mɛrɔɲ, aɲɛ ɲanayi nde doru mɔ.

²³ Sem kɔ Yafɛt ɲalɛk kɛloto. Mɛrɔɲ maɲan fɔp, kɔ ɲaɲkumpnɛ kɛloto kaɲkɔ dɛcɛro. Kɔ ɲaɲkɔ cɛkɛmuntɛra kɔ ɲaɲkɔ ɲabɔp papa kɛɲan pɔyi kɛsɔkɛr. Kɔ ɲaɲkump kɔ kɛsɔkɛr kɛɲkɔ ɛnafɛntɛrɛ mɔ. Mba ntɛ ɲanakafɛli cɛro cɛɲan a kɔ ɲaɲkɔ kas kɛɲan cɛkɛmuntɛra mɔ, ɲananɔɲk fɛ kas kɛɲan kɛsɔkɛr.

²⁴ Ntɛ pɔncɛrɲɛ Nuha kɛcis kaɲkɔ disrɛ mɔ, k'aloku kɔ tɔkɔ pɔnayi kɔ ntɛ ɛnacis mɔ, kɔ tɔkɔ wan kɔn wɔlpɔs ɛnayɔ kɔ mɔ.

²⁵ Kɔ Nuha oloku:

«Intolanɛ Kanaɲ pɔlɛc!

Kanaɲ pɔyɔnɛ wɛcar ka acar a awɛnc aɲa!»

²⁶ Kɔ Nuha oloku sɔ:

«Intola MARIKI, Kanu ka Sem,

Kanaɲ pɔyɔnɛ wɛcar kɛɲan!

²⁷ Kanu kɔyɔc Yafɛt!

Yafɛt pɔyi abal ɲa Sem disrɛ,

Kanaɲ nkɔn pɔyɔnɛ wɛcar kɛɲan!»

²⁸ Kɔ Nuha eyi sɔ doru meren 350, ntɛ domun dɛlarɛm dencepɛr mɔ.

²⁹ Kɔwon ka Nuha doru fɔp, kɛnasɔtɔ meren 950, a k'endefi.

Dokombɛra da awut a Nuha dɛndɛ

10

Tɛla ta afum doru

¹ Dokombɛra da awut a Nuha: Semy, Ham, kɔ Yafɛt dɛndɛ. Awut a Nuha ɲanakom awut, ntɛ domun dɛlarɛm denacepɛr mɔ.

² Awut a Yafɛt ɲanayɔnɛ: Komɛr, Makɔk, Maday, Yawaɲ, Tubal, Mɛsɛk, kɔ Tiras.

³ Awut a Komɛr: Askenas, Rifat, kɔ Tokarma.

⁴ Awut a Yawaɲ: Elisa, Tarsis, Kitim, kɔ Dodanim.

⁵ Awut akakɔ ɲanakom afum aɲɛ ɲayersɛnɛ kɛndɛ cɛba kɛsɔk mɔ, kɔ tɔf yaɲan, kɔ cusu cɛɲan, kɔ cusuɲka cɛɲan nde tɔf yaɲan.

⁶ Awut a Ham ɲanayɔnɛ: Kus, Misira, Put, kɔ Kanaɲ.

⁷ Awut a Kus: Seba, Hawila, Sabta, Rama, kɔ Sabatɔka. Awut a Rama: Saba kɔ Dedan.

⁸ Kus ɛnakom sɔ Nimrod, nkɔn onuɲkɛnɛ kɔyɔnɛ korgba doru dandɛ.

⁹ Nimrod ɛnayɔnɛ wɔpɛn korgba nde fɔr ya MARIKI kirinɲ. Ti tɔ alokɛnɛ: «Pɛmɔ Nimrod, korgba kɔpɛn nde fɔr ya MARIKI kirinɲ.»

¹⁰ K'ɛɲkɛkɛrɛ dɛbɛ kɛrɛsna Babel, ɛrɛk, Akad, kɔ Kalne nde atɔf ɲa Sinhar.

¹¹ Dɛndo atɔf ɲaɲkɔ ɲɔ Asur ɛnawur, k'ɛncɛmbɛr Niniwe, dare da Rehobot, Kalah,

¹² kɔ Rɛsɛɲ, dare dɔpɔɲ dɔkɔ dɛnayi Niniwe kɔ Kalah dacɔ mɔ.

¹³ Kɔ Misira ɛnayɔnɛ wɔtem k'afum aɲɛ: Aka Lud, aHanam, aLehab, aNaftu,

¹⁴ aPatɛrus, aKasɛlu (aɲɛ aFilisti ɲawur dacɔ mɔ) k'aKaftor.

¹⁵ Kɔ Kanaɲ ɔɲkom Cidonɲ, coco cɔn, kɔ Het.

¹⁶ Kanaɲ ɛnayɔnɛ wɔtem ka cusuɲka cɛlarɛm: Aka Yebus, Amɔr, aKirkas,

¹⁷ aHewy, aHarki, aSini,

¹⁸ aka Arwad, aCemar, aHamat. Ti disrɛ kɔ cusuɲka ca Kanaɲ cɛndɛ cɛsamsɛr.

¹⁹ Cɛlɛncɛr ca aKanaɲ cɛnakɔ kɔyɛfɛ Cidonɲ, Kerar kɛsɔk, haɲ Kasa, kɔ kɛca ka Sodom, kɛca ka Komora, kɛca ka Adma kɔ kɛca ka Ceboyim, haɲ Lasah.

† 9:20 Len yayɔkɔ yɔ aɲwɛ «wɛn» iy'ambɔf Yisrayel nyɛ yokom yayi yɔɲsɔɲ member mɔ.

²⁰ Awut a Ham ηə akakə, dəcusuηka cusuηka, dəcusu cusu, dətəf təf.

²¹ Kə Sem wəbeki ka Yafət, əsətə sə awut. Sem əyənə wətem ka Heber k'afum ən fəp.

²² Awut a Sem ηanayənə: Helam, Asur, Arpaksad, Lud, k'Aram.

²³ Awut a Aram ηanayənə: Huc, Hul, Kəter kə Mas.

²⁴ Arpaksad enakom Selah. Kə Selah oηkom Heber.

²⁵ Kə Heber oηkom awut arkun mərəη. Tewe ta wəkin tənayənə Pələk,* bawo təm tən tə antəf ηənayerənə. Kə tewe ta wənc tənayənə Yoktan.

²⁶ Kə Yoktan oηkom Almodad, Selef, Hacarmawət, Yerah,

²⁷ Hadoram, Husal, Dikalah,

²⁸ Hobal, Abimayel, Saba,

²⁹ Ofir, Hawila, kə Yobab. Akanə fəp awut a Yoktan ηanayi.

³⁰ Kə ηandə kəyefe ka Mesa, Sefar kəsək, haη nde mərə ma nde dec dəmpə mə.

³¹ Awut a Sem ηə akakə, dəcusuηka cusuηka, dəcusu cusu, dətəf təf.

³² Cusuηka ca awut a Nuha cə cacəkə, kə təkə aηkom ηa mə. Afum akanə ηə afum ηawur dəris a kə ηandeyersənə dəntəf, doru fəp nte domun dəlarəm denəcəpər mə.

11

Kələ kəηeci ka Babel

¹ Təm tatəkə doru fəp kusu kin k'anccəp, pacloku, moloku min mayi.

² K'afum ηandə ηakə kəca nke dec dəmpə mə, kə ηanəηk mərə atəf ηa Siηhar, kə ηandə mi dəcə.

³ Kə ηalokenə: «Pasut birik, pacəf bi!» Kə birik bəcəf babəkə bəyənə ηa masar, kə kərtal kəyənə ηa dəs.

⁴ Kə ηaloku sə: «Paηkən, pacəmbər dare kə kələ nke domp da ki dendekə haη dəsə kəm mə. Nte təηsəηe pasətə tewe mə, təsəηe su sə kətəsamsər doru.»

⁵ Kə MARIKI ontor kədəməmən dare kə kələ nke afum ηanccəmbər mə.

⁶ Kə MARIKI oloku, «Nəməmən afum aηe! Fəp faηan kusu kin kə ηancəp. Nəməmən sə nte ηancəp kəyə mə. Tələm o tələm teyi fe nte təηməne ηa kəyə ka tefəη taηan mə.

⁷ Paηkən, pator, panəηkəl-nəηkəl kusu kəηan nte təηsəηe ta ηanenənə sə mə.»

⁸ Kə MARIKI esamsər ηa doru, kə ηasak kəcəmbər dare.

⁹ Ti t'awenə di Babel, bawo difə MARIKI enanəηkəl cusu, k'esaməsər afum doru.

Tecepərəne ta Sem kə awut ən, kəbəp ka Abram

¹⁰ Tecepərəne ta Sem tənə: Sem enasətə meren 100, a pədəkom Arpaksad, teren ta mərəη nte domun dənasak antəf mə.

¹¹ Kəkom ka Arpaksad, kə Sem eyi sə doru meren 500, mme enakom sə awut arkun k'awut aran aləma mə.

¹² Arpaksad enasətə meren 35, a pədəkom Selah.

¹³ Kəkom ka Selah, Arpaksad enasətə sə meren 403, mme enakom sə awut arkun k'awut aran aləma mə.

¹⁴ Selah enasətə meren 30, a pədəkom Heber.

¹⁵ Kəkom ka Heber, Selah enasətə sə meren 403, mme enakom sə awut arkun k'awut aran aləma mə.

¹⁶ Kə Heber əsətə meren 34, a pədəkom Pələk.

¹⁷ Kəkom ka Pələk, Heber enasətə sə meren 430, mme enakom sə awut arkun k'awut aran aləma mə.

¹⁸ Pələk enasətə meren 30, a pədəkom Rehu.

¹⁹ Kəkom ka Rehu, Pələk enasətə sə meren 209, mme enakom sə awut arkun k'awut aran aləma mə.

²⁰ Rehu enasətə meren 32, a pədəkom Seruk.

* 10:25 Pələk = cəHebərə «kəyerənə»

²¹ Kəkom ka Seruk, Rehu enasətə sə meren 207, mmε enakom sə awut arkun k'awut aran aləma mə.

²² Seruk enasətə meren 30, a pədekom Nahor.

²³ Kəkom ka Nahor, Seruk enasətə sə meren 200, mmε enakom sə awut arkun k'awut aran aləma mə.

²⁴ Nahor enasətə meren 29 a pədekom Terah.

²⁵ Kəkom ka Terah, Nahor enasətə sə meren 119, mmε enakom sə awut arkun k'awut aran aləma mə.

²⁶ Terah enasətə meren 70, a pədekom Abram, Nahor kə Haran.

Tecepərene ta Terah kə Abram

²⁷ Tecepərene ta Terah tēntē: Terah okom Abram, Nahor kə Haran nwe enakom Lot mə.

²⁸ Haran, fər ya kas kirin y'enafi, atəf nne anakom kə mə, nde dare da Ur nde atəf na Kaldi.

²⁹ Abram kə Nahor njanence. Wəran ka Abram ancwe Saray kə wəran ka Nahor, Milka. Milka, wan ka Haran enayi, napanne kas kin kə Yiska.

³⁰ Saray enakom fε, enasətə fε wan.

³¹ Kə Terah elek wan kən Abram, kə wansə kən Lot, wan ka Haran, k'elekene sə Saray wəran ka Abram, kə nəsəl fəp fañan kəwur ka nde dare da Ur nde atəf na Kaldi kəkə ka atəf na Kanan. Kə nambəp atəf na Haran kə nandε di.

³² Terah enawon doru meren 205, a k'endefi dāndo atəf na Haran.

12

Tecepərene ta Abraham

12.1-25.18

Kanu kəloku ka Abram kəwur ka atəf nən

¹ Kə MARIKI oloku Abram: «Məwur atəf nam, dənkom dam, kəlo ka papa kam, məkə atəf nne indementər əm mə.

² Indesəñ'am kəyənε ka kas k'afum alarəm, indesəñ əm pətət, indesəñε tewe tam təkək. Məndetolanε afum aləma pətət.

³ Indesəñ pətət anε nāndetolan'am pətət mə. Indesəñ pələc anε nāndetolan'am pələc mə. Tetam t'indesəñεε cusunka ca doru fəp pətət.»

⁴ K'Abraham owur Haran pəmə təkə MARIKI enaloku kə ti mə, kə Lot encepse kə darəñ. Tənətəñne Abram pəsətə meren 75.

⁵ K'Abraham elek Saray, wəran kən, kə Lot wan ka wəbek'ən wərkun kə ca yəkə nānyə di mə, k'afum * akə enasətə Haran mə. Kə nāwur kəkə atəf na Kanan.

Abraham nde atəf na Kanan, kə kəndε kən Misira

Kə nambere atəf na Kanan.

⁶ K'Abraham encali atəf han kəfo nke ancwe Səkem, han nde tofo nte Ankiri na More nencəmə mə. Aka Kanan nānyai atəf nāñəkə tēm tatəkə.

⁷ Kə MARIKI owurər Abram k'oloku kə: «Indesəñ atəf nāñε yuruya yam.» K'Abraham olompse MARIKI mmε mēnawurər kə mə, tetek toloñne dāndo.

⁸ K'eyekti sə di sanja, nde encyεfε pəkəkə dāmərə mə, kəca nke dec dəmpε Betel † mə. K'encəmbər abal di, Betel beyi kə nde dec dəñkalε mə, dare da Hay deyi kə nde dec dəmpε mə. K'ələ di tetek toloñne MARIKI, k'ontola tewe ta MARIKI. ‡

⁹ K'Abraham eyεfε kəcal-cali kəkə ka kəca ka Nəkεf.

¹⁰ Dor dənyai dətəf, k'Abraham ontor Misira kəkəcepərene tēm, bawo dor dəncbək kəbək dām.

* **12:5** *Afum* = Ti təyənε «yēñesəm, ca yeyi wəyən.» † **12:8** *Betel* = «kəlo ka Kanu.» ‡ **12:8** *MARIKI* = Tewe tətət ta Kanu, ti təyənε «YHWH.»

¹¹ Nte ələtərnə kəberə Misira mə, k'oloku wəran kən Saray: «Məcənkəl im, incərə a wəran wətət teyi məyəne.

¹² K'aka Misira nədekənənk əm-ε, nədekəloku: «Wəran kən əfə!» Təm tatəkə nədekədif im, nəsak məna.

¹³ Mədəkə məloku nə a wəkire kem məyəne. Nte tənşəne nəsumpər im belbel tetam mə, tetam t'endəkəsəne, ta ifi-ε.»

¹⁴ Nte Abram əmberə Misira mə, k'aka Misira nənənk wəran nwe entese pəcəpərər.

¹⁵ K'akəsək a Firawona § nənənk kə, kə nəyek-yekəs kə nda Firawona. Nte tə k'anəkere wəran nwe nde kələ ka Firawona.

¹⁶ Kə Firawona osumpər Abram belbel teta Saray, k'əsətə kəyefe səm yefət han yəpən, səfale, amarəs arkun k'aran kə yəkəmə.

¹⁷ Mba kə MARIKI əsən Firawona k'afum ən runc yəpən teta Saray, wəran ka Abram.

¹⁸ Kə Firawona ewe Abram, k'eyif kə: «Cəke cə məyə em nte? Ake'sənə nte məntələk'im a wəran kam əfə mə?

¹⁹ T'ake tə məloke a wəkire kam əfə-ε? Məsən'em kələk kə pəyəne wəran kem. Ndekəl ən, wəran kam εwe. Mələk kə! Məkə!»

²⁰ Kə Firawona oloku afum ən, «Nəsak kə pəkə nkən, kə wəran kən kə ca nyə yəyəne yən mə fəp.»

13

¹ K'Abram əmpərənə Misira kəkə ka kəca ka Nəkəf, nkən, wəran kən kə ca yəkə ənayə mə fəp, pəsəl kə wərok kən Lət.

Kəgbeyənə ka Abram kə Lət

² Abram ənəsətə daka dəlarəm, ənala yəcəl, pəsəm kə kema.

³ K'eyefe kəcal-cali kəyefe ka Nəkəf han Betel da ənədəf əbal təcəkə-cəkə mə, Betel kə Hay dəcə.

⁴ Kəca nke ənənənənə kələmpəs tetek tolojnə Kanu dənda, k'Abram ənkorənə tewe ta MARIKI.*

⁵ Lət nwe nənasəl mə, nkən sə ənayə cır, nəkesiya, cəna kəbər cəbal.

⁶ Atəf nənafətər nə kəyi kənan tofo tin, bawo yəcəl yanən yənala.

⁷ Kə kəcər kənde kəyi akək a yəcəl ya Abram k'akək a yəcəl ya Lət dəcə. Atəf nənəkə sə, aKanañ k'aPerisi nənəndə ni təm tatəkə.

⁸ K'Abram oloku Lət: «Pəmar fə akək a yəcəl yam nəcər k'akək a yəcəl yem. Səna sə pəmar fə su ti, bawo aka kələ kin disre nə səyəne.

⁹ Antəf fəp nə nəne nəy'əm fər kirin mə. Kə mənəkə kəca kətət-ε, inəkə kəmeriya. Kə mənəkə kəmeriya, inəkə kətət, mba məwose səgbeyənə.»

¹⁰ Kə Lət eyekti fər k'ənənk aranta nə Yurdən təkə nəndəm mə (təm tatəkə ta Kanu kəntələsər Sodom kə Komora-ε), pənckə han Cohar pəmə aranta (mərə) nə MARIKI, pəmə atəf nə Misira.

¹¹ Kə Lət ələk dale da Yurdən fəp, k'ənəkə kəca nke dec dəmpə mə, tatəkə tə nənəgbeyənə kə Abram.

¹² K'Abram əndə atəf nə Kanañ, kə Lət əndə sədare sa aranta nə Yurdən k'əndəf cəbal cən kəca ka Sodom.

¹³ Afum a Sodom nənətesə fə bəkək, nənciya MARIKI.

¹⁴ Kə MARIKI oloku Abram, nte nəsakənə ən kə Lət mə: «Məyekti fər kəyefe dənda məyi mə, məməmən kəca kətət, kəmeriya nde dec dəmpə kə nde dənkale mə.

¹⁵ Bawo atəf nəne mənənənk mə fəp indəsən əm ni kə yuruya yam.

¹⁶ Indəsənə yuruya yam yela han ta antəm kələm nə-ε, pəmə təkə antətəm kələm kəbof antəf kəron mə.

§ 12:15 Firawona = Bafə tewe ta fum tə, mba tewe ta abə a Misira tencyi.

* 13:4 Məməmən Sora sa 12.8.

¹⁷ Məyəfə məkət atəf nəjə dobolu kə dowokulu da ni, bawo indesən əm ni.»

¹⁸ Kə Abram encepə cəbal cən, k'ende pədəf ci nde tofo nte Ankiri nə Mamre yencəmə mə kəsək, ta əmbələ Heberən-ε, k'olompəs di tetek tolonə MARIKI. †

14

Abram, abε kə Melkisedek

¹ Təm tatəkə tə abε a təf mañkələ nəncyəfərəne kə abε a sədare kəcəmət: Amrafəl wəbe wəka Sijnhar,* Aryok wəbe wəka Elasar, Kədər-Lahomər wəbe wəka Helam, kə Tidəhal wəbe wəka Koyim,

² tənətənne abε akakə nəncyəfərəne kə abε a sədare kəcəmət: Bera † wəbe wəka Sodom, Birəsa ‡ wəbe wəka Komora, Sinab wəbe wəka Adma, Semeber wəbe wəka Ceboyim kə wəbe wəka Bela mbε bəyənə Cohar mə.

³ Abε akanə kəcəmət fəp aranta nə Sidim dacə nənandε, nde pəyənə məkə Kəba Kədokət mə.

⁴ Meren wəco kə mərəj nəyi kətam ka Kədər-Lahomər dəntəf, mba teren ta wəco kə maas kə nəyənkar kə səbomp.

⁵ Teren ta wəco kə mañkələ, Kədər-Lahomər k'abε akə nənabərəne mə, nəsut aRefay nde dare da Asterot-Karnayim, kə nəsut aSus nde Ham, kə nəsut afum a Em nde Aranta nə Kiriyatayim.

⁶ K'abε mañkələ nəsut aHor ndaranən, nde mərə ma Sehir.§ Kə nəmbələs aHor nəjə nde tofo nte Ankiri nə Paran nəncəmə mə, nde tēgbərə kəsək.

⁷ K'abε akanə mañkələ nəluksərne Eyən-Mispe * (nəjə nəyənə Kadəs mə), kə nəsut aka Amalek atəf nəjan fəp kə Amər anə nənandε Hacacən-Tamar mə.

⁸ Kə abε a sədare kəcəmət (Sodom, Komora, Adma, Ceboyim kə Bela, ti tə tatəkə Cohar) nəmbərəne kəsutənə nde aranta nə Sidim.

⁹ Akə sə nəyi: Kədər-Lahomər wəbe wəka Helam, Tidəhal wəbe wəka Koyim, Amrafəl wəbe wəka Sijnhar, kə Aryok wəbe wəka Elasar. Abε mañkələ nəyefərəne kə abε kəcəmət.

¹⁰ Nte Aranta nə Sidim nənala cələmp ca kərtal mə, k'abε anə kəcəmət dacə, wəbe wəka Sodom kə wəka Komora nəyəkse kə nəntəmpənə ci disrε. K'alpəs anə maas k'asədar nəjan nəyəkse kə nəntefərne kəca ka dətərə.

¹¹ K'atam a asədar a abε kəcəmət nəwətəs ca ya aka Sodom kə Komora kə yeri nəjan fəp, kə nəjəkə.

¹² Kə nəsumpər sə Lət kə daka dən, nkən Lət wan ka wəbeki ka Abram ənayi, (kəyefərəne kanke kənbəp Lət nwe pəyi Sodom).

¹³ Kə wəmulpə dəkəwan wəkin ende pələku ti Abram wəHebərə, nwe ənandε nde kəfo nkε Ankiri nə Mamre wəAmər nənacəmə mə. Mamre nwe pəyənə wənc ka Eskəl kə Haner, anə nənacənəs kətənne kə Abram mə.

¹⁴ Nte Abram ene kəsumpər ka wan ka wəbek'ən mə, k'olonka asol ən afum 318 anə nənabənse, akomənə ən dacə mə. K'encepse abε anə nənəsumpər wan ka wəbek'ən dərəj nəjə dare da Dan.

¹⁵ K'Abraham eyərəs kənay (kəgba) kən, kə nəwəkərne nə kəyefərəne ka pibi, nkən Abram k'amar ən, kə nəsut asumpər a wan ka wəbek'ən, kə nəmbələs nə nəjə Hoba, nəjə nəyi Damas kəca kəmeriya mə.

¹⁶ K'olukse ca fəp, k'olukse sə Lət wan ka wəbek'ən, aran, k'afum alpəs anə.

¹⁷ Nte Abram osut Kədər-Lahomər k'amərəne ən mə, kə wəbe wəka Sodom owur kədəfaynə kə nde aranta nə Sawe, nde pəyənə «Aranta nə Wəbe» mə.

¹⁸ Melkisedek, wəbe wəka Salem,† ənkerε kəcom kə member: Melkisedek, wəlonne

† 13:18 MARIKI = Itə tatəkə cəHebərə «YHWH»: Məməmən Sora sa 4.26 * 14:1 Sijnhar = Mesopotami † 14:2 Bera ti tə tatəkə «pələc» ‡ 14:2 Birəsa ti tə tatəkə «abəkəc nələc» § 14:6 Sehir ti tə tatəkə Edəm, ndena Esayu kə afum ən

* 14:7 Eyən-Mispe ti tə tatəkə «abat nə kiti» † 14:18 Salem = «Yerusalem», ti tə tatəkə Darsalam

wəka Kanu nke kəyi canu cəloma fəp kəronj mə, enayi.

¹⁹ Kə Melkisedek ontolanə Abram, k'oloku: «Məna Abram, Kanu nke kəyi canu cəloma fəp kəronj mə, Wəbe wəka dəntəf kə darenc, kəroc'am pətət.

²⁰ İleləs Kanu nke kəyi canu cəloma fəp kəronj mə, nke kələk ayefərenə am kə kəmbər əm dəwaca mə!» Kə Abram əsənj kə farilə fa ca yəkə njanasətə dəkəwan mə fəp.

²¹ Kə wəbe wəka Sodom oloku Abram: «Məsənj im afum, məlek ca yayə fəp yam.»

²² Kə Abram olukse wəbe wəka Sodom məcəp: «İndot kəca nnə MARIKI nwe eyi canu cəloma fəp kəronj mə, nwe əyənə wəbe wəka darenc kə dəntəf mə.

²³ İfələk ali paka pin ca yam dacə. Ali debənjə kə pəyi fə ti-ε pəpətərə pa kəfta kam. Ti tə məntətəm kəloku: «In'əsənjə Abram kəyə daka.»

²⁴ İfələk daka o daka, mənə yeri nyə afum em njanđi mə, kə kəyer nke atəmp em Eskəl, Haner, kə Mamre njasətə mə, bawo pəmar njasətə kəyer.»

15

MARIKI encajəs kiyi kəjan tes tin kə Abram

¹ Nte mes maməkə mencepər mə, kə MARIKI owurər Abram dəmere k'oloku kə nte: «Ta mənəsə, Abram! İna yati indeyən'am aca. İndeluks'am kəway pəpənj.»

² Kə Abram eyif Kanu: «MARIKI Wəbe kem, ake mändəsənj im-ε? İntas ta iyə wan-ε, wədəlek kə kem əyənə Eliyeser wəka Damas.»

³ Kə Abram ənəcər: «Məsənj f'em awut, * nwe ankom nde kələ kem disre mə, nkən endelek kə kem.»

⁴ Kə MARIKI oloku kə, «Ala, bafə nkən endeyənə wələk ka kə kam, mba wan kam wəkom nwe endewur əm dərıs mə yati.»

⁵ Kə MARIKI owurənə Abram abal njan disre, k'oloku kə: «Məgbətne kəm. Mələm cəs cacəkə, kə məntəm-ε.» K'ənəcər: «Pəmə cəs cacəkə, yuruya yam afəde pactam kələm nja fəp.»

⁶ Abram enagbəkər kələnj kən MARIKI. Ti tə MARIKI enaləmə kə fum wəlompı.

⁷ Kə Kanu kəloku kə: «In'əyənə MARIKI nwe enawur'am Ur nja aKaldi kədesənj əm atəf njanə, məde məlek ni kə mə.»

⁸ Kə Abram eyif: «MARIKI Wəbe kem, cəke c'indetam kəcərə a indesətə atəf njanə kə-ε?»

⁹ Kə Kanu kəloku kə: «Məkər'em wana weyəcərə win, wir wəran win, kə ankesiya norkun njin fəp fayi ya meren maas maas, təpay tin kə apokpoka njin.»

¹⁰ Kə Abram ənkərə səm yayəkə k'engber-gberi yi dacə dacə k'ombocəs yegber-gberi yayəkə mərənj mərənj yetefərenə, kə bəmp, məlməl m'enaboc yi ta anğberi yi-ε.

¹¹ Kə yəfən yontorər səm yegber-gberi yayəkə, mba k'Abraham embələs yi.

¹² Dec dendekələ, k'Abraham endirərnə, k'ayekyek njanə njənğbəpərnə kə k'enesə dəmere.

¹³ Kə Kanu kəloku Abram: «Məcərə a yuruya yam yendeyənə acikərə atəf nəcuru nje nantəyənə njanə mə. Nandəkəyənə di acar, andəkətərəs nja di hanj meren 400.

¹⁴ Mba İndətərəs afum anjə nandecəmbər nja dacar mə, nandewur atəf njanəkə kə ca yəlarəm.

¹⁵ Kə məna Abram, mändəkəbər atəm am pəforu disre, † pawup əm detəm dobotu disre.

¹⁶ Yuruya yam yendelüksərənə nnə mənə təm ta danapa da manjələ, bawo Amər nantəcəpərər fə kiciya kəjan a idebeləs nja de.»

¹⁷ Nte dec dənjkalə mə, k'asum njanət (dimi dontor) kə teken pəncəsənjə, nənə kə kinimə yencepər yoboc ya səm yeyer yayəkə dacə.

¹⁸ Dəsək dadəkə də MARIKI encajəs kəyi kəjan danapa kə Abram. Pəcloku Abram: «İsənj yuruya yam kəyefe ka kənjbəkə ka Misira hanj Əfərat, kənjbəkə kəpənj:

* 15:3 Yuruya † 15:15 Ti tə tatəkə «Məndəfi pəforu disre.» ‡ 15:15 Ti tə tatəkə «Pəbotu pa detəm dam.»

- 19 Indesəŋ yuruya yam atəf ŋa aKeni, aKenisi, aKadmon,
 20 ŋa aHewy, aPerisi, aRefay,
 21 ŋa Amər, aKanaŋ, aKirkas, kə aYebus.»

16

Kəkom ka Səmayila

1 Saray wəran k'Abram enakome fe kə wan. Mba enayə wəcar wəran wəMisira, pacwe kə Hakar.

2 Kə Saray oloku Abram: «Mənəŋk, MARIKI eyamsər im kəsətə ka wan. Məfəntərə kə wəcar kem, təlma intam kəsətər kə wan wərkun.» Kə Abram encəŋkəl dim da Saray.

3 Awa, kə Saray wəran ka Abram elek wəcar kən wəMisira, Hakar, k'əsəŋ kə wos Abram pəyə kə wəran. Tənətəŋne kəndə ka Abram atəf ŋa Kanaŋ kəsətə meren wəco.

4 Kə Abram ŋafəntərə kə Hakar, kə Hakar embekəs. Nte encərə a embekəs mə, Hakar əməməne fe sə Saray fər yətət.

5 Kə Saray oloku Abram: «Mən'endesare pəcuy pa mələməs mme ələməs im mə! Ina yati, in'elek wəcar kem k'imber əm kə dəwaca, mba nte enəŋkne oŋ pəbekəs mə, k'eyefe kəfər-fərəs im. Mba MARIKI omboc su kiti dacə (kəyi su dacə), ina kə mənə!»

6 Kə Abram olukse Saray moloku: «Wəcar kam ey'am dəwaca. Məyə kə təkə tentes'am mə.» Awa, kə Saray əntərəs Hakar haŋ kə Hakar eyeksər kə, k'əŋkə pəbələ.

7 Kə meleke ma MARIKI məŋkə məbər kə nde dətəgbərə kələmp kələma kəsək ta əmbələ kəŋgbəkə * nke kəyi dərə da Sur mə.

8 Kə meleke mme meyif: «Hakar, wəcar ka Saray, deke məyefe-ε? Deke məŋkə-ε?» Kə Hakar olukse mi moloku: «Mariki mem Saray, iyeksər.»

9 Kə meleke ma MARIKI moloku, «Məluksərne ndena Mariki mam, məkə məfəntərə kə dəntəf.»

10 Kə meleke ma MARIKI moloku kə: «Indesəŋe yuruya yam yela haŋ ta antam kələm ŋa-ε.»

11 Kə meleke ma MARIKI moloku kə: «Məmbekəs tantə, wan wərkun mənədekom, wan wəkəkə məde məsəŋ kə tewe ta Səmayila†, bawo MARIKI ene kəkule-kule ka pəcuy pam.

12 Wan kam endeyi pəmə səfale sa dop. Ende pəccaŋ afum fər kəyefərəne, fər fəcyefərəne kə nkən. Sona s'endendə pəbələne afum alpəs aŋe.»

13 Kə Hakar ewe MARIKI mme mənalok-lokər kə mə, «Ata-El-Roy,» ti tə tatəkə: «Inəŋk nno Kanu nke kənəŋk im mə.»

14 Ti t'awene kələmp kaŋkə, kələmp ka Lahay-Roy. Kələmp kaŋkə kəyi Kadəs kə Beredu dacə.

15 Kə Hakar oŋkome Abram wan wərkun, kə Abram ewe wan wəkəkə Hakar enakome kə mə tewe ta Səmayila.

16 Abram enasətə meren 86 tēm nte Hakar onckome kə Səmayila mə.

17

Kanu kəsəkpər tewe ta Abram kə təyənə «Abraham»

1 Nte Abram əsətə meren 99 mə, kə MARIKI owurər kə, pəcloku kə: «In'əyənə Kanu nke kəntam mes ma doru fər mə, məkət fər yem kirin, məcəmə pələmpu darəŋ.

2 Indecəŋəs danapa dosu, ina kə mənə dacə, isəŋ əm yuruya yelərəm.»

3 Kə Abram encəp tobu dəntəf kə Kanu kələku kə nte:

4 «Ta ina, danapa dem dəndə kə mənə dacə: Məndeyənə kas ka afum a təf yelərəm.

5 Afəsəw'am tewe ta Abram, mba Abraham,* bawo indesəŋ'am kəyənə ka kas ka afum a təf yelərəm.

* 16:7 Tofo tənayi, nde domun dətət doncwur dəntəf mə. † 16:11 Səmayila = cəHebərə «Encəŋkəl» * 17:5 Abram = «Papa ka afum alarəm,» Abraham = «papa ka təf yelərəm.»

⁶ Indesəŋ əm dokombəra dəpəŋ, indesəŋ'am kəkom ka afum alarəm, abe yati ŋandeyi ŋa dacə.

⁷ Indepene danapa, ina kə mənə dacə kəbəp ka yuruya yam kə mənə məfi-ε, indecəme danapa dadəkə darəŋ kə yuruya yam doru o doru. Təm tatəkə Kanu kam k'indeyənə kə ka yuruya yam kə mənə məndecəpər-ε.

⁸ Indesəŋ əm kə yuruya yam atəf ŋa Kanaŋ ŋaŋe məntep kəcbere mə fəp, ŋendeyənə ŋaŋan doru o doru, iyənə Kanu kəŋan.»

⁹ Kə Kanu kəloku Abraham: «Mənə kə yuruya yam, detemp detemp nəleləs danapa nde səncəŋəs mə.

¹⁰ Nte tə nəndetəmpərərne danapa dem nde incəŋəs mənə kə yuruya yam kə məndecəpər-ε. Nwe o nwe əŋyənə wərkun yuruya yam dacə mə, pakənc kə.

¹¹ Kəkənc konu kəndementər kəcəme konu danapa dem darəŋ.

¹² Kəyefe detemp kə detemp awut anu arkun fəp packənc ŋa tataka ta camət-maas, pəyənə wəkom wəka kələ kam, kə pəyənə fe ti-ε fum nwe asətəne pəsam nnə wəcikəra eyi mə, ta əyənə wəka yuruya yam mə.

¹³ Pəmar pade packənc nwe andekom nde kələ kam kə nwe andesətəne pəsam mə, ti tendeyənə kəfat ka danapa dem da doru o doru nde dis donu.

¹⁴ Wərkun nwe o nwe antəkənc mə, aŋwure wəkayi afum ən dacə, təm tatəkə danapa dem delip nnə nkən eyi mə.»

¹⁵ Kə Kanu kəloku sə Abraham: «Nte təyənə ta wəran kam Saray mə, ta məwe kə sə Saray, kəyefe məkə Sara s'ande pacwe kə.

¹⁶ Kəpocə kə k'inder, ipocə sə mənə wan nwe endekom'am mə. Indepocə kə pətət, nkən endeyənə kerə ka təf yelarəm. Abə a təf yelarəm ŋandewur kə dərīs.»

¹⁷ Kə Abraham encəp kəro dəntəf kəsəl, k'olokunə dəbəkəc: «Wərkun wəka meren 100 entam kəkom ba? Kə Sara əsətə meren 90 endekom ba?»

¹⁸ Kə Abraham oloku Kanu: «Məgbətne Səmayila doru!»

¹⁹ Kə Kanu kəloku: «Ala! Wəran kam Sara endekom'am wan nwe məndewe Siyaka † mə. Indecəme danapa dosu darəŋ kə nkən, iyefe sə icəme di darəŋ kə yuruya yən kə nkən encəpər-ε danapa da doru o doru də.

²⁰ Nte tendəŋərne ti mə, ine wəran kam pəctolanə Səmayila: Indepocə kə pətət, indesəŋ kə dokombəra dəpəŋ indesəŋe yuruya yən yela endeyənə kas ka abe wəco kə merəŋ kə wətem ka afum alarəm.

²¹ Mba nte təyənə ta danapa dem mə, Sara oŋkom'am təm tantə dok.»

²² Nte Kanu kəlip kəlok-lokər Abraham mə, kə Kanu kəmpə darenc.

²³ K'Abraham elək wan kən Səmayila kə afum aŋe anakom kələ kən disre mə fəp, kəbəp ka aŋe enawaye pəsam pən mə, ti tə tatəkə arkun a kələ kən disre fəp. K'əŋkənc ŋa dəsək din dadəkə, pəmə təkə Kanu kənaloku kə ti mə.

²⁴ Abraham enasətə meren 99 a k'andekənc kə.

²⁵ Wan kən Səmayila, enasətə meren wəco kə maas a k'andekənc kə.

²⁶ Dəsək dadəkə d'aŋkənc Abraham kə wan kən, Səmayila.

²⁷ K'aŋkənc arkun aka kələ kən disre fəp, kəyefe acar aŋe anakom di mə haŋ akə enawaye pəsam pən nnə acikəra ŋayi mə. K'aŋkənc ŋa fəp kə nkən Abraham.

18

Kanu kəndəŋk a Sara endesətə wan wərkun

¹ Kə MARIKI owurər Abraham nde tofo nte ŋkiri ya Mamre yənacəme mə, tetəŋne Abraham pənde nde kusunka ka abal ŋən dan, təm nte pəŋwone mə.

² Kə Abraham eyekti fər, k'ənəŋk arkun maas ŋacəme ta ŋambəle kə-ε. Nte enəŋk ŋa mə, k'ewirne kəkəbəpene kə ŋa, k'ontontnəne ŋa haŋ dəntəf.

† 17:19 Siyaka, itə cəHebərə = kəsəl.

³ Kɔ Abraham oloku wəkin ŋa daco: «Mariki, ilɛtsɛn'am intam kəsətər əm kəwosɛn'em kəcəmɛ ka nnəna wacar kam ba?»

⁴ Pakɛɛ nu oŋ domun depic nəbikɛnɛ wɛcək, nəŋɛsəm nnə kətək nke dɛntɔf.

⁵ Indesəŋ nu sɔ peri, ntɛ tɔŋsəŋɛ nu kəsətɔ sɔ fənɔntər mə, a nədekɔ tɛm tatəkɔ nəfɔdeceper nnə nderem kifəli, iyi kiyi konu.» K'acikərə ŋaloku: «Tentesɛ! Məyɔ təkɔ məloku mə.»

⁶ Kɔ Abraham əŋkɔ katəna katəna abal ŋən disrɛ nde Sara eyi mə, k'oloku kɔ: «Məkufɛ mələk kəmbefe kətət tafala kəmaas məgbɛntɛ akanɛ cəcom.»

⁷ K'eyɛksɛ sɔ kəkɔ ka nde yɔcɔl yeyi mə, k'osumpər tana pətət dis nde yɔcɔl yən daco, k'əsəŋ pi wəcar kən wətemp wəkin kɔ wəkakɔ olompəs pi katəna katəna.

⁸ Kɔ Abraham ɛlək fulaya kɔ mɛsɛ ma wana kɔ sɛm ya tana tatəkɔ analompəs mə, k'əŋkɔ pəcəmbərər yi acikərə ən. Kɔ nkən Abraham ɛncəmɛ ŋa kəsək kətək dɛntɔf, k'acikərə ŋacdi yeri.

⁹ Ntɛ ŋalip kədi yeri mə, kɔ ŋayif Abraham: «Deke wəran kam Sara eyi-ɛ?» Kɔ Abraham oloku ŋa, «Eyi nde abal disrɛ.»

¹⁰ Kɔ wəcikərə wəkin oloku: «Inder nnə ndaram dok tɛm tantɛ wəran kam Sara endekom wan wərkun.» Sara ɛnacəmɛ dəkusunɟa Abraham tadarəŋ pəcɛŋkəl.

¹¹ Abraham kɔ Sara ŋanasikər, ŋabek, Sara ɛnawurɛnɛ fɛ sɔ wətam kəsətɔ awut.

¹² Kɔ Sara eselərɛ pəcloku: «Ndekəl ntɛ isikər oŋ mə, pəbotu pendey'im sɔ ba? Mariki wos im sɔ, esikər.»

¹³ Kɔ MARIKI eyif Abraham «Ta ake tɔ Sara eselɛ-ɛ a pəcloku: «Mba kance kɔ, indetam kəsətɔ wan nnə isikər mə ba?»

¹⁴ Tes teyi ntɛ tɛntəmbər MARIKI mə ba? Dok tɛm tantɛ imboncər əm mə, inder nnə ndaram, Sara endesətɔ wan wərkun.»

¹⁵ Kɔ Sara eyemɛ, k'ombupərə «Isel fɛ,» bawo ɛnanesɛ. Kɔ MARIKI əŋgbəkərə: «Ala, məsel!»

¹⁶ K'afum aŋɛ ŋayefɛ kəkɔ, kɔ ŋaməmən kəca ka Sodom. Kɔ Abraham ɛncəmbər ŋa kəkələmbərɛ ŋa.

¹⁷ Kɔ MARIKI eyifnɛ: «Imɛŋkər Abraham ntɛ ifaŋ kəyɔ mə ba?»

¹⁸ Abraham endeyɔnɛ kas ka afum a atɔf ŋəpəŋ, ŋa fənɔntər. Afum a doru fəp tetən tɔ ŋandesətɔnɛ kəpocɛ pətət.

¹⁹ Bawo inasom kɔ pəloku awut ən kɔ afum ən, a ŋacəmɛ dəpɔ da ina MARIKI darəŋ, ŋacəmɛ pəlompu darəŋ kɔ sariyɛ ntɛ tɔŋsəŋɛ ina Kanu ilasɛ Abraham dim ndɛ ɛnasəŋ tetən mə.»

²⁰ Kɔ MARIKI oloku Abraham: «Mes mmɛ amboncɛ Sodom kɔ Komora mə, məmbek kɔ kiciya ka mi kəyɔ wɛyɔwɛy.»

²¹ Kətɔr k'inder dɛntɔf ideməmən kɔ pəyɔnɛ a ntɛ aŋloku taŋan mə kance kɔ-ɛ, kɔ pəntəyɔnɛ ti-ɛ, ina sɔ icərə ti.»

²² Kɔ acikərə aŋɛ ŋayefɛ tofo tatəkɔ kɔ ŋantɛfərɛ kəca ka Sodom. MARIKI pəsərɔyi kɔ Abraham.

²³ Kɔ Abraham ɔlətərɛ k'eyif Kanu: «Məndekətərsɛnɛ sɔ fum wəlompu pəmɔ wələc ba?»

²⁴ Tələma afum atət wəco kəcəmət (50) ŋayi afum aka dare dadəkɔ daco, məndekələsər sɔ dare dadəkɔ ba? Məfətam kəŋaŋnɛnɛ ŋa teta afum alompu akanɛ wəco kəcəmət (50) aŋɛ ŋayi ŋa daco mə?»

²⁵ «Təbəl'am məna kəyɔ ka tantɛ! Məfɔdedifɛnɛ fum wəlompu kɔ wətəlomp, tɛm tatəkɔ wətədəkət pəsətɔ pəcuy pin payi kɔ wədəkət. Təbəl'am məna nɔwɛ məyɔnɛ wəboc kiti ka doru fəp mə, məfɔdeyi ta mələləs sariyɛ!»

²⁶ Kɔ MARIKI oloku: «K'imbəp nde dare da Sodom disrɛ afum alompu wəco kəcəmət-ɛ (50), iŋaŋnɛnɛ alpəs akɔ tetəŋan.»

²⁷ Kɔ Abraham əŋgbəkərə k'oloku: «Nəməmən ntɛ iyeŋk abəkək kələk-lokər Mariki Kanu mə, ina nɔwɛ iyɔnɛ kəbof ka dɛntɔf kɔ ka dənɛnc dəm mə.»

²⁸ Tɔlɔma afum alompu akanɛ wɛco kɛcamɛt (50) ɲandekɔbut afum kɛcamɛt palɛsɛr ɔɲ dare fɛp ba?» Kɔ Kanu kɛloku: «Ifɔlɛsɛr di k'imbɛp di afum alompu wɛco maɲkɛlɛ kɔ kɛcamɛt-ɛ (45).»

²⁹ Kɔ Abraham ɛncɛmɛ kɔ darɛɲ kɛloku kɔ toloku ntɛ: «Tɔlɔma alompu wɛco maɲkɛlɛ (40) ɲ'andekɔbɛp di?» Kɔ Kanu kɛloku: «Ifɔlɛsɛr, k'imbɛp di alompu wɛco maɲkɛlɛ-ɛ (40).»

³⁰ Kɔ Abraham oloku: «ilɔktɛrn'am, Mariki Kanu! Ta pɛtɛl'am k'ilok-loku sɔ-ɛ! Tɔlɔma alompu wɛco maas (30) ɲ'andekɔbɛp di?» Kɔ Kanu kɛloku Abraham: «Ifɔlɛsɛr di k'imbɛp dɔtɔf afum alompu wɛco maas-ɛ (30).»

³¹ Kɔ Abraham oloku: «Mariki Kanu, mɛɲaɲɲɛnɛ mɔcɔp mem. Tɔlɔma alompu wɛco mɛrɛɲ (20) ɲ'andekɔbɛp di?» Kɔ Kanu kɛloku Abraham: «Ifɔlɛsɛr di tɛta afum akakɔ wɛco mɛrɛɲ (20).»

³² Kɔ Abraham oloku: «ilɛtsɛn'am, Mariki mem! Ta pɛtɛl'am, tɛlpɛs t'indelok-lokɛr ɛm. Tɔlɔma alompu wɛco ɲayi di.» Kɔ Kanu kɛloku sɔ Abraham, «Ifɔlɛsɛr di tɛta afum akakɔ wɛco.»

³³ Ntɛ ɲalip kɛlok-loku mɔ, kɔ MARIKI ɔɲkɔ, kɔ Abraham olukus ndɛ ndɔrɔn.

19

Lɔt kɛyacɛ kɔn kɛlɛsɛr ka Sodom

¹ Dec dɔrɔfɔy kɔ mɛlɛkɛ mmɛ mɛrɛɲ mɛndɛr Sodom. Lɔt pɛndɛ dɛkɛbɛrɛ da dare. Ntɛ ɛnɛɲk mi mɔ, k'ɛyɛfɛ kɛkɔbɛpɛnɛ kɔ mi, k'ontontnɛnɛ mi dɛntɔf.

² Kɔ Lɔt oloku ɲa: «Ilɛtsɛnɛ nu, nɛna mariki mem, nɛdɛr nnɔ kɛlɔ ka wɛcar konu. Nɛcɛpɛrɛnɛ dɛ pibi, nɛbikɛnɛ wɛcɛk, nɛdɛna nɛyɛfɛ bɛtbɛtana suy, nɛsumpɛr sɔ dɔpɔ donu, nɛkɔ.» Kɔ mɛlɛkɛ mɔloku kɔ: «Ala, nnɔ tofo tantɛ tɔ sɛndɛcɛpɛrɛnɛ pibi!»

³ Mba kɔ Lɔt ɛncɛmɛnɛ ɲa ti darɛɲ haɲ kɔ ɲadɛ ɲalɛpsɛr kɛkɔ ndɛ ndɔrɔn. K'olompɛ ɲa yɛri yɔtɔt, k'ɛmpɛcɛ ɲa cɛcom, kɔ ɲandi yɛri.

⁴ Ta ɲantafɛntɛrɛ-ɛ, k'afum a dare da Sodom ɲaɲkɛl kɛlɔ, kɛyɛfɛ awut haɲ abeki fɛp faɲan ɲanayi di, ali fum anasak fɛ.

⁵ Kɔ ɲawɛ Lɔt kɔ ɲayif kɔ: «Deke afum akɔ ɲayi-ɛ, aɲɛ ɲambɛrɛ nnɔ ndaram nnɔ pibi pampɛ mɔ? Mɛwurɛnɛ ɲa nnɔ sɛyi mɔ, ntɛ tɔɲsɔɲɛ sɛfɛntɛrɛr ɲa mɔ.»

⁶ Kɔ Lɔt owur dɛkusunɲa nnɔ ɲayi mɔ, k'ɛɲgbɛt kumba tadarɛɲ tɔn.

⁷ K'oloku ɲa: «Ala, Anapa, Ilɛtsɛnɛ nu ta nɛyɔ pɛlɛc pampɛ!

⁸ Ilɛtsɛnɛ nu! Iyɔ ayɛcɛra mɛrɛɲ atɔcɛrɛ arkun, ilɛtsɛnɛ nu ikɛrɛ nu ɲa nnɔ dabanɲa, nɛyɔ ɲa mɛfaɲ monu. Mba ta nɛyɔ acikɛra ɛm ntɛ o ntɛ, bawo kɛyi kem kɔ ɲayinɛ dɛ!»

⁹ K'afum a Sodom ɲaloku kɔ: «Mɛbɔlɛ day! Mɛna wɛcikɛra mɛfaɲ kɛbɔcɛr sɛna dɔpɔ ndɛ sɛndɛkɔt mɔ, kɔ mɛntɔwurɛnɛ ɲa-ɛ, tɔkɔ sɛndɛdɛɲɛr mɛna mɔ tendɛcɛpɛr taɲan!» Kɔ ɲawɛn Lɔt pɛpɔɲ kɔ ɲalɔtɛrnɛ kumba kɛkɛlɛsɛr ki.

¹⁰ Kɔ mɛlɛkɛ mmɛ mɛrɛɲ mosumpɛr Lɔt, kɔ mɛmbɛrɛ kɔ, kɔ mɛɲgbɛt kumba.

¹¹ Afum akɔ ɲanayi dɛkusunɲa mɔ, kɔ mɛlɛkɛ mɔsɔɲ ɲa kɛtɔnɛɲk, kɛyɛfɛ wanfɛt haɲ wɛbɛki, kɔ tɛyamɛ ɲa kɛnɛɲk sɔ kumba.

¹² Kɔ mɛlɛkɛ ɲayif Lɔt: «An'ɔ mɛyɔ sɔ nnɔ fum-ɛ? Arkun aɲɛ mɛsɔɲ aran mɔ, awut am arkun kɔ aran, kɔ afum am fɛp, akɔ mɛyɔ dare dandɛ mɔ fɛp, mɛwurɛnɛ ɲa nnɔ dare dandɛ.

¹³ Kɛlɛsɛr kɔ sɛndɛr tofo tantɛ, bawo MARIKI fɔr kirinɲ, ntɛ aɲlokɛ afum a dare dandɛ mɔ, tɛmbɛk. MARIKI osom su kɛdɛlɛsɛr dare dandɛ.»

¹⁴ Kɔ Lɔt ɔɲkɔ pɛbɛp arkun aɲɛ ɲananɛncɛ awut ɔn mɔ, k'oloku ɲa: «Nɛkufɛ nɛyɛfɛ dɛ! Bawo MARIKI ɛndɛdɛr kɛlɛsɛr dare dandɛ.» Mba, kɔ arkun akanɛ ɲancɛm-cɛmnɛ a kɛwolɛs kɔ Lɔt ɛndɛ.

¹⁵ Pɛndɛyi dɔsɔka dɛlɛpɛs kɔ mɛlɛkɛ ɲaloku Lɔt: «Mɛrɔkɛnɛ mɛyɛfɛ dɛ, mɛlɛk wɛran kam, kɔ awut am ayɛcɛra aɲɛ ɲayi nnɔ mɔ, ta pɛlɛc pɛdɛsɔtɔ ɲa kɔ dare dandɛ dɛnciya mɔ.»

¹⁶ Mba Lɔt pɛcwɔn, kɔ mɛlɛkɛ ɲasumpɛr ɲa waca, nkɔn kɔ wɛran kɔn kɔ awut ɔn ayɛcɛra mɛrɛɲ, kɔ mɛlɛkɛ ɲawurɛnɛ ɲa dare disrɛ, bawo MARIKI ɛnafɛɲ kɛyɛc kɔ.

17 Nte melleke njawurene ja dare disre ma, ko melleke min moloku Lot: «Meyekse nte tɔɔsɔɔne ta mafi ma! Ta mamamɔn tadarɔɔ, ta macambɔrɔs tofo o tofo nno aranta nɔɔne! Meko mande mayacne nde datɔɔ, ta mɔdefi.»

18 Ko Lot oloku ja: «Ala, mariki mem! Tɔɔtam kayi.

19 Iletsɔn'am! Wɔcar kam ɔsɔtɔr ɔm kɔɔɔɔɔne nte mɔlas layidi dam nno iyi ma, nte mɔsak im kayi doru ma, mba ifɔtam kayekse ibɔp tɔɔ tatɔko a mɔtɔre pɔlec, ko pɔyi fe ti-e ina sɔ, infi.

20 Iletsɔn'am mɔɔnɔɔk dare dɔko, dɔlɔtɔrn'em k'iyekse ibere di ko defete sɔ. Mɔc'em iko inde iyacne di, defete fe ba? Intam di kabere, tɔsɔɔ'em kayi doru!»

21 Ko melleke moloku ko: «Awa, katola kam kɔɔke disre, ifɔlɔsɔr dare dadɔko mɔɔne ma.

22 Awa, mɔrokne mako, bawo ifɔtam kayɔ tɔlɔm o tɔlɔm ta mantabere di-e.» Ti t'ɔsɔɔne nte awene dare dadɔko Cohar * ma.

23 Dec dɔncpe, a ko Lot embere Cohar.

24 Ko MARIKI ɔntufɔr aka Sodom ko Komora kayefe darenc, pɔrbɔko ko nenc, nye MARIKI encsak ma.

25 Ko Kanu kelɔsɔr sɔdare fɔp, ko aranta, ko afum kabɔp ka yopɔɔ dɔntɔf fɔp.

26 Ko wɔran ka Lot ɔmamɔn tadarɔɔ, k'entɔɔkle k'ɔyɔne tɔɔɔka ta mer.

27 Ko Abraham eyefe bɔtbɔt suy, k'ɔɔko nde tofo tɔko njacɔme ko MARIKI ma.

28 Ko Abraham ɔmamɔn kɔca ka Sodom ko Komora, k'ɔmamɔn sɔdare sa aranta fɔp, k'ɔɔɔk kinime kɔcpe pɔmɔ nte kinime kɔɔɔ kɔnde kɔcpe daranta ma.

29 Nte Kanu kɔncɔsɔr sɔdare sa aranta njɔko ma, ko Kanu kɔncem-cemne Abraham, ko kayac Lot pɔlec nte kɔncɔsɔr sɔdare nse Lot enande pɔyacne ma.

Lot ko awut ɔn aran

30 Ko Lot eyefe Cohar k'awut ɔn aran merɔɔ kɔpe kɔkɔnde datɔɔ, bawo enanesɔ kɔnde ka Cohar. K'ɔɔko pɔyi kumbunƙum † ka tɔɔ tɔlɔma disre.

31 Ko wan wɔran wɔcɔko-cɔko wɔka Lot oloku wɔlpɔs: «Papa kosu ɔyɔne wɔtem, fum eyi fe dɔtɔf nwe endeder su ma, pɔmɔ nte mes mosu mokur moloku ti ma.

32 Mɔder sɔsɔɔne ko kɔmun member nte tɔɔsɔɔne pɔfɔntɔrɔr su, tɔɔsɔɔne sɔsɔtɔne ko yuruya ma.»

33 Ko njɔsɔɔne kas kɔɔɔn kɔmun member pibi papɔko. Ko wan kɔn wɔran wɔcɔko-cɔko ɔɔko pɔfɔntɔre ko kas. Mba Lot enacɔrene fe kabere ko kawur ka wan kɔn.

34 Dɔckɔsɔk k'oloku wɔfetɔra kɔn: «Ifɔntɔrena nno pibi ko papa. Pasɔɔne ko sɔ kɔmun member nno pibi, nte tɔɔsɔɔne mɔna sɔ nɔko nɔfɔntɔre ko nkɔn ma tɔsɔɔne pasɔtɔne ko yuruya ma.»

35 Pɔndesɔbiye ko awut ɔn aran njɔsɔɔ ko sɔ member. Pibi papɔko ko wan kɔn wɔran wɔfet wɔko ɔɔko pɔberɔr papa kɔɔɔn Lot, ko njɔfɔntɔre. Kas kɔɔɔn enacɔrene fe kabere ko kawur ka wɔkako sɔ.

36 Ko awut aran a Lot aɔne merɔɔ fɔp njambekse Lot kas kɔɔɔn.

37 Ko wan wɔran wɔka Lot wɔcɔko-cɔko ɔɔkom wan wɔrkun, k'ewe ko Mohab.‡ Nkɔn ɔyɔne papa ka aMohab, njayi doru haɔ mɔko.

38 Ko wan ka Lot wɔran wɔfet ɔɔkom wan wɔrkun, k'ewe ko «Ben Ami.»§ Nkɔn ɔyɔne papa ka aka Amɔɔ njayi doru haɔ mɔko.

20

Abraham ko Abimɔlek

1 Ko Abraham eyefe di kɔko ka atɔf ja Nekɔf. K'ende Kadɔs ko Sur dacɔ, k'eyefe sɔ k'encepɔrene tem Kerar.

* 19:22 Cohar = «pɔfet» † 19:30 Abi nde tɔɔ kɔɔɔn nte tɔɔsɔɔne njatam kɔgbɔpne ma. ‡ 19:37 Mohab = «wɔka papa» § 19:38 Ben Ami = «wan ka afum em»

² Abraham oncloku afum aka di teta wəran kən Sara: «Wəkirɛ kem ɔfɔ.» Kɔ Abimɛlɛk, wəbɛ wəka Kerar, embanj Sara.

³ Awa, kɔ Kanu kənder Abimɛlɛk dāmere ma pibi kɔ kəlɔku kɔ: «Kəfi kɔ mənder teta wəran wəkɔ məsumpər mə, bawo wəran wəlɔ ɔfɔ!»

⁴ Abimɛlɛk nwe enatəgbuɲɛnɛ wəran nwe mə, k'eyif: «Mariki mem, cəke cɔ pəyi-ɛ, kədif kɔ mənder atɔf ɲin ali ɲayɔnɛ afum alompu?»

⁵ Nkən Abraham yati olɔk'im: «Wəkirɛ kem ɔfɔ,» kɔ wəran yati nkən sɔ olɔku: «Wɛnc im wərkun ɔfɔ?» Abəkəc ɲosoku ɲ'inayɔ, ali pələc iyɔ fɛ.»

⁶ Kɔ Kanu kəlɔku kɔ dāmere: «Incərə belbel ina sɔ, a abəkəc ɲosoku ɲɔ mənayɔ nte məcyɔ tantɛ mə. Ina yati in'eyaməs am kədəktər im, ti t'inatəwos'am a məgbuɲɛnɛ kɔ.

⁷ Ndəkəl, məlukɛ wəran wəkawɛ wos. Bawo sayibɛ sa Kanu s'ɔyɔnɛ, endetolan'am məyi doru. Kɔ mənɔlukɛ kɔ-ɛ, məcərə a kəfi kɔ mənder kɔ ca yəkɔ məyɔ mə fəp.»

⁸ Kɔ Abimɛlɛk eyɛfɛ bətbət suy, k'ewe acar ɔn fəp. K'ɔlɔmər ɲa mere maməkɔ fəp. Kɔ kənesɛ kəpɔɲ kəsumpər afum akakɔ.

⁹ Kɔ Abimɛlɛk ewe Abraham k'eyif kɔ: «Cəke cɔ məyɔ su tantɛ-ɛ? Kɔ kiciya kərə k'inci'y'am-ɛ, nte məsɔɲɛ su, ina k'atɔf ɲem kəciya pəpɔɲ mə? Məy'em məyɔ mme pəntəmar məy'em mə.»

¹⁰ Kɔ Abimɛlɛk eyif Abraham: «Cəke cɔ mənafan nte məyɔ tantɛ mə?»

¹¹ Kɔ Abraham olɔku: «Inacem-cemne a kənesɛ Kanu kəyi fɛ nnɔ, a andedif im teta wəran kem.

¹² Nte tendɛɲərnɛ ti mə, kance kɔ, a wəkirɛ kem ɔfɔ. Kas kin kɔ səmpaɲnɛ, səyerɛnɛ cɛrɛ. K'ender sɔ k'ɔyɔnɛ wəran kem.

¹³ Nte Kanu kəsɔɲ'em kəyɛfɛ kəlɔ ka papa wəkem mə, ti t'inalɔku Sara: «Mələk'em layidi kəca nke o nke səɲkɔ mə, mədekɔ məclɔku a wɛnc əm wərkun iyɔnɛ.»

¹⁴ Kɔ Abimɛlɛk elɛk cir, ɲkesiya, cəna kɔ acar arkun kɔ aran k'ɔsɔɲ Abraham k'olukɛ kɔ wəran kən Sara.

¹⁵ Kɔ Abimɛlɛk olɔku: «Atɔf ɲem ɲɔ ɲaɲɛ nnɔ fər yam kirin, mənɛ nnɔ pəndebɔt əm mə.»

¹⁶ K'olɔku Sara: «Isɔɲ wɛnc əm wərkun mɛncəmbəl ma gbeti wul win, bəyɔn'am aca nnɔ afum ɲayi mə, kəmentər a məncərə fɛ təlɔm o təlɔm tes tantɛ disrɛ.»

¹⁷ Kɔ Abraham ontola Kanu, kɔ Kanu kəntaməs Abimɛlɛk, wəran kən kɔ acar ɔn, kɔ ɲantam kəkom,

¹⁸ bawo MARIKI enasumpər aka kəlɔ ka Abimɛlɛk fəp dokombərə teta wəran ka Abraham, Sara.

21

Kəkom ka Siyaka

¹ Kɔ MARIKI embanj Sara pəmɔ təkɔ enalɔku ti mə, kɔ MARIKI elasɛ kɔ dim dəkɔ enasɔɲ kɔ mə.

² Kɔ Sara embəkəs, k'ɔɲkɔmɛ Abraham wan wərkun detem dən disrɛ, tɛm tatəkɔ Kanu kənaboncər kɔ mə.

³ Kɔ Abraham ewe wan wərkun nwe Sara ɔɲkɔmɛ kɔ mə «Siyaka.»

⁴ Kɔ Abraham ɛɲkənc Siyaka wan kən wərkun nwe tataka ta camət-maas tən, pəmɔ təkɔ Kanu kənasom kɔ ti mə.

⁵ Abraham enasɔtɔ meren tasar tin (100), nte anckom wan kən Siyaka mə.

⁶ Kɔ Sara olɔku: «Kanu kəsɔɲ'em kəselsər. Nwe o nwe ene kəkom kem Siyaka mə, tɔɲyɔ kɔ mesel.»

⁷ K'endɛɲər: «An'ɛnatam kəsɔɲɛ Abraham kəlanj a Sara endeməsər awut-ɛ? Mba ɲɲkɔmɛ kɔ wan wərkun detem dən disrɛ.»

Abraham kəbeləs kən Hakar kɔ Səmayila

8 Kə wan embək k'awurε kə mεsε. Kə Abraham omboc kəsata kəpən dəsək ndε awurε Siyaka mεsε mə.

9 Kə Sara εnəjk wan wərkun, nwe wəran wəMisira Hakar εnakomε Abraham mə, pətsel.

10 Kə Sara oloku Abraham: «Məbeləs wan wəran wəcar nwe kə wan kən wərkun. Bawo wan ka wəcar wəkawε ηafədepaηne kε kə wan kem.»

11 Kə toloku tatəkə tentεle Abraham belbel teta wan kən.

12 Mba kə Kanu kəloku Abraham: «Ta tetel'am teta wan kam wərkun kə kεrε, wəcar kam. Məwosεnε Sara nte o nte εηfanər əm mə. Bawo nnə Siyaka eyi mə, məndesətə yuruya nyε yendetəmpər tewe tam mə.

13 Indeyəne sə wan ka wəcar kam atəf. Bawo nkən sə yuruya yam y'əyənε.»

14 Kə Abraham eyεfe bətbət suy, k'elεk kəcom, k'elas apampε domun k'əsəη Hakar, k'endəndəsər kə wan, k'embeləs ηa. Kə Hakar əjkə pəyi Tεgbərə ta Bersaba.

15 Nte apampε ηelip domun mə, kə Hakar esak wan tətək dəntəf.

16 K'εηkafələr k'əjkə pəndε kəsək pəccəpəsne: «Ifan fε kəgbətne wan kem pəcfi.» K'əjkə pəndε pəbəlεnε kə dobolu da kələm ka ambəncəran katin pətəfərne kə, pəcbok.

17 Kə Kanu kəne wan dim, kə mεlekε ma Kanu mewe Hakar darenc kə meyif kə: «Ake'ntərs'əm-ε Hakar? Ta mənεsε! Bawo Kanu kəne wan kam dim nde eyi mə.

18 Məyεfε mələk wan, məsumpər kə waca mērəη, bawo afum alarəm η'indesəη kə.»

19 Kə Kanu kəmeπi Hakar fər k'εnəjk kələmp. K'əjkə pələs apampε domun, k'əsəη wan k'omun.

20 Kə Kanu kəmbum wan nwe εncbək, pəyi dətεgbərə mə, k'ende pəyənε wəpənε mbəncəran.

21 Kə Səmayila embək dəndo tεgbərə ta Paran, kə kεrε εntεnε kə wəran wəMisira.

Abraham kəsək kən danapa kə Abimεlek

22 Tεm tatəkə, Abimεlek ηasol kə Pikəl, wəbε wəka asədar ən, k'ende pəloku Abraham: «Kanu kəsol am mes mme məηyə mə fəp.

23 Mədərəm'em əη ma nnə, məckornε Kanu a məfədetiηkər im, awut em, kə awut-sə em, mədərəm em sə a məndetəmpər em kə atəf nηε məyi mə abəkək ηosoku, pəmə təkə iyən'am mə.»

24 Kə Abraham oloku: «Indərəm am ti.»

25 Mba kə Abraham εnal Abimεlek teta kələmp nke acar a Abimεlek ηanabanε fənəntər mə.

26 Kə Abimεlek oloku: «Incərə fε nwe εnayə təyə tatəkə mə: Mənasəηε f'em ti kəcərə, məkə məndesəη'em əη ti kəcərə.»

27 Kə Abraham elεk ηkesiya, cir kə cəna, k'əsəη yi Abimεlek. Kə ηaluksərne kə ηasek danapa mērəη maηan.

28 Kə Abraham εncəmbər kəsək cir cəyəcərə camət-mērəη ca yəcəl yən.

29 Kə Abimεlek eyif Abraham: «ηkesiya yeran camət-mērəη ya ake yə mənəcəmbər kəsək-ε?»

30 K'Abraham oloku Abimεlek: «Məwosε kəbaη ηkesiya yeran camət-mērəη yayε təyənε kətəηne kosu tes a in'εnakay kələmp kaηkε.»

31 Ti tə awenε tofo tatəkə «Bersaba», bawo dəndo kəfo kaηkə kə ηanadərmenε.

32 Kə ηantəηne kəsək danapa dəndo Bersaba. Kə tεyεfε dənda, Abimεlek kə Pikəl wəbε ka asədar ən ηayεfε, kə ηalukus atəf ηa aFilisti.

33 Kə Abraham əmbəf abet * Bersaba, k'əηkornε MARIKI nwe əntəlip doru o doru mə.

34 K'Abraham εncepərənε tεm tobolu atəf ηa aFilisti.

22

Abraham owoσε kələηnεnε Kanu wan kən Siyaka

* 21:33 Kətək nke kəwurεnε «tumbunyi» mə.

¹ Nte mes mme mencepər mə, kə Kanu kəmbocər Abraham dərə, kə kəwe kə: «Abraham!» K'owosene ki: «In'ewel!»

² Kə Kanu kəloku: «Mələk oŋ wan kam sona Siyaka, wəkakə məmbətər mə. Məkə atəf ŋa Moriya dəndo, məkə məlonnen'em wan kam kəlonne ka kəcəf nde tərə mpe indekəmentər əm mə.»

³ Kə Abraham eyefe bətbət suy k'engbək səfale sən kəbənda, k'elekene acar ən atəmp mərəŋ kə wan kən Siyaka. Kə Abraham engbes tək nyə enakəcəfe Kanu polonne mə, k'entas nde kəfo kəŋkə Kanu kənamentər kə mə.

⁴ Tataka ta maas, kə Abraham eyekti kəro k'ənəŋk kəfo kəŋkə pəbələ.

⁵ K'oloku atəmp ən: «Nəyi nnə kə səfale. Siyaka k'ina, kəpə kə sənder nde kəron kəkəntontnəne Kanu. Kə səlip-ε, səndəbəp nu nnə.»

⁶ Kə Abraham elek tək nyə anakəcəfe Kanu polonne mə, k'esarsər yi wan kən Siyaka, kə nkən elek nenc kə faka. Kə ŋasol mərəŋ maŋan kəkə.

⁷ Kə Siyaka ewe kas Abraham k'eyif kə: «Papa!» Kə wəkakə owose: «In'ewε, wan kem!» Kə Siyaka oloku: «Nenc də dandε kə tək, mba deke teŋkesiya təkə aŋkəlonne Kanu pacəf mə peyi-ε?»

⁸ Kə Abraham oloku: «Wan kem, Kanu ki sərka kəŋkəsətə teŋkesiya nte aŋkəcəfe kə polonne mə.»

Kə ŋasol mərəŋ maŋan sə kəkə.

⁹ Nte ŋambəp kəfo nke Kanu kənamentər kə mə, kə Abraham encəmbər tetek tolonne Kanu, k'omboc tək. K'əŋkot wan kən Siyaka, k'edenər kə tək ya kəlonne kəron.

¹⁰ Kə Abraham entenc kəca k'elek faka kəkəfay wan kən amera.

¹¹ Kə məleke ma MARIKI mewe kə darenc. Kə moloku: «Abraham! Abraham!» K'owose: «In'ewel!»

¹² Kə məleke moloku: «Ta mədenər wan kam kəca, ta məyə kə tes o tes, bawo incərə oŋ ndekəl a məŋnese Kanu, nte məntəfatən'em wan kam mə, wan kam sona.»

¹³ Kə Abraham eyekti fər k'ənəŋkne tadarəŋ aŋkesiya ŋorkun len ya ŋi yepətsərne derəntəm. Kə Abraham əŋkə pələk aŋkesiya ŋŋe k'esəkpəre ŋi wan kən, k'olonne ŋi Kanu k'əncəf, k'esak wan kən.

¹⁴ Kə Abraham əsəŋ tofo tatəkə tewe ta «MARIKI eŋnəŋk*.» Ti tə aŋlokə məkə: «Nde tərə ta MARIKI kəron, andekənəŋk kə.»

¹⁵ Kə məleke ma MARIKI məŋgbəkəre sə kəwe Abraham darenc,

¹⁶ kə moloku: «Toloku ta MARIKI indərəm'am ti, ina sərka! «Bawo məyə tante, məfatene f'em wan kam sona Siyaka,

¹⁷ indelas əm kəpocə pətət, indesəŋe afum am ŋala pəmə cəs ca darenc kə asənc ŋa kəba kəsək. Yuruya yam † yendetasərne aterene aŋan.

¹⁸ Afum a doru fəp ŋandesətə kəpocə pətət teta yuruya yam, bawo məncəŋkəl dim dem.»

¹⁹ Kə Abraham oluksərne nde atəmp ən ŋanckar kə mə, kə ŋayefe kə ŋasol fəp faŋan kəkə Berseba, bawo Abraham Berseba enandε.

²⁰ Nte mes maməkə mencepər mə, k'ande paloku Abraham nte: Milka oŋkome sə wənc Nahor awut arkun:

²¹ Huc wan kən wəcəkə-cəkə, Bus wənc wərkun, Kemuyel papa ka Aram,

²² Kesed, Haso, Pildas, Yidlaf kə Betuhəl.

²³ Kə Betuhəl oŋkom Rebeka. Awut arkun akanε camət-maas ŋə Milka enakome Nahor, wənc ka Abraham.

²⁴ Kə wələk'ən Rehuma, nkən sə enakome kə awut: Tebah, Kaham, Tahas, kə Mahaka.

23

Abraham kəwaye kən Sara kufu

* 22:14 MARIKI eŋnəŋk = «Wəbe Kanu əsəŋ pəmarsene.» † 22:17 Yuruya yam = pəlay pa kəbənda ka dokom dam

¹ Kəwon ka Sara doru kənasəto meren tasar tin wəco mərəŋ kə camət-mərəŋ (127), meren maməkə mə Sara enasəto doru.

² Sara enafi nde dare da Kiriyat-Arba, ti tə tatəkə Hebərəŋ atəf ŋa Kanaŋ. Kə Abraham ender kətəŋne kəwup ka Sara, pəbok kə.

³ Kə Abraham eyefe pəsak wəran kən wəfi, k'oloku aHewy moloku mme:

⁴ «Wəcikəra iyəne, wəcepərəne tēm nnə ndoronu, nəpoc em tofo towupene nnə ndoronu, intam kəwup wəran kem, ibələn'em kə.»

⁵ Kə aHewy ŋaloku Abraham:

⁶ «Məcəŋkəl su, mariki! Fum wəpəŋ wəka Kanu məyone su daco. Məməmən kəfo nke kəmbət əm mə, məwup wəran kam dəkəwupene dosu daco. Ali fum əfədefatene dəkəwupene dən kəwup ka wəran kam.»

⁷ Kə Abraham eyefe k'ontontne afum a dətəf, aHewy fər kirin.

⁸ Kə Abraham oloku ŋa nte: «Kə nəwose a iwup wəran kem nnə ibələn'em kə-ε, nəcəŋkəl im, nəlukse tefan tem Hefəron, wan ka Cohar.

⁹ A pəsak em kumbun̄kum * ka Makpela nke kəyone kən mə, nde dale dəkusu. Pəwayər im di gbeti mbε bentam kəsəto di mə, nte təŋsəŋe pəyone di dəkəwupene dem nənə daco mə.»

¹⁰ Hefəron enandε aHewy daco. Kə Hefəron wəHewy oloku Abraham aHewy fər kirin kə aŋe ŋancberε dare danan dəkusun̄ka mə:

¹¹ «Ala, mariki mem. Məcəŋkəl im! Isəŋ əm dale, k'isəŋ əm sə kumbun̄kum kəŋkə kəyi di mə. Isəŋ əm ki, fər ya awut a atəf ŋem kirin. Məwup di wəran kam.»

¹² Kə Abraham ontontne afum aka dətəf.

¹³ K'oloku nte Hefəron, fər ya afum a dətəf kirin: «Məna sə məkafələ məcəŋkəl im! In̄səŋ kəway ka dale! Məwosen'em ti, a idewup di wəran kem.»

¹⁴ Kə Hefəron oloku Abraham:

¹⁵ «Mariki mem, məcəŋkəl im! Antəf ŋa gbeti mēncəmbəl masar maŋkələ (400), ake babəkə bəyone ina kə məna daco-ε? Məwup di wəran kam!»

¹⁶ Nte Abraham ene moloku ma Hefəron mə, k'əsəŋ kə gbeti mbε enabonc mə, gbeti mēncəmbəl masar maŋkələ (400), fər ya aHewy kirin. Gbeti mēncəmbəl masar maŋkələ (400) babəkə, benayone hake ŋa kəway ka antəf ŋaŋəkə tēm tatəkə nnə acaməs ŋayi mə.

¹⁷ Kə təyone oŋ dale da Hefəron nde deyi Makpela, pətəfərene di kə Mamre mə, kəyefe dale kəkə kumbun̄kum haŋ tək nye yenacəme dəkələncər mə fəp,

¹⁸ kə yəyone oŋ ya Abraham fər ya aHewy kirin kə akə ŋancberε dare dadəkə dəkusun̄ka mə.

¹⁹ Nte tencepər mə, kə Abraham owup wəran kən Sara nde kumbun̄kum ka dale da Makpela, nde pətəfərene kə Mamre mə, ti tə tatəkə Hebərəŋ atəf ŋa Kanaŋ.

²⁰ Dale kə kumbun̄kum nke kənayi di mə, kə pəyone di oŋ dəkəwupene da Abraham nde enaway fər ya aHewy kirin mə.

24

Kənencene ka Siyaka kə Rebeka

¹ Abraham enasikər, meren mən mənabələ kətenc, MARIKI enapocε kə pətət fəp.

² Kə Abraham oloku wəcar kən nwe enanan̄kanε kəwon nnə ndərən mə, nwe onclompse kə ca yən mə: «Mədeŋ kəca kam aləŋk ŋem tantəf,

³ Indesəŋ'am kədəerəm MARIKI, Kanu nke kəyi darenc kə dəntəf mə, ta mələke wan kem wəran wəKanaŋ, afum akanε inde daco mə.

⁴ Mba məde məkə atəf ŋem nde dəŋkom dem, mələke di wan kem Siyaka wəran.»

⁵ Kə wəcar kən oloku kə: «Tələma ta wəran ŋəkəwose kəcəps'em darəŋ kədəer ka nnə-ε, tēm tatəkə ilukse wan kam atəf nŋε məyefe mə ba?»

* 23:9 Bi yəkə yeyi nde mərə dəntəf, nde ŋancwupene cəkə-cəkə mə.

⁶ Kə Abraham oloku: «Məkembərnə a məlukse wan kem dəndo de!

⁷ MARIKI, Kanu nke kəyi darenc mə, nke kəsəŋ'em kəsak afum em kə dəŋkom dem mə, nke kəlok-lokəŋ im a kədərm'em kəsəŋ ka atəf ŋəŋe yuruya yem mə, nkən sərka endesom mələke məcəm'am fər kirin, dəndo məndekələke wan kem wəran mə.

⁸ Kə wəran ɔntəkəwose kəcəm'am darəŋ-ε, iŋəŋnən'am kədərəm nke isəŋ'am kədərəm mə. Mba ta məlukse wan kem dəndo de!»

⁹ Kə wəcar endəŋ kəca mariki mən Abraham aləŋk tantəf, k'endərmε kə teta moloku maməkə.

¹⁰ Kə wəcar elək yəkəme wəco yəkəme ya mariki mən dacə, k'əŋkə. Tənətəŋne pətəmpər daka da wəbe kən dətət fəp.

¹¹ Nte embere Mesopotami nde dare da Nahor mə, k'encəp yəkəme suwu dare kəsək ta ɔmbələ kələmp ka domun-ε, dec dərəfəy tēm təkə aran ŋəŋwur kəkəkət domun mə.

¹² K'ontola: «Məna MARIKI, Kanu ka Abraham mariki mem, məmar im kənəŋk ka paka mpε intən mə, ilətsen'am. Kə məyɔ ti-ε, məlasε mariki mem Abraham layidi dəkə mənasəŋ kə mə.

¹³ In'ewε incəme nnə kələmp kəsək mə, k'ayecəra a afum a dare ŋawur kədəket domun-ε.

¹⁴ Pəyɔne a wəyecəra nwe indeloku: «Ilətsen'am məti təbəl tam imun,» a wəkayī pələk'im: «Məmun, isəŋ sə yəkəme yam yomun,» pəyɔne a wəkakə məmpocε wəcar kam Siyaka! Tēm tatəkə indecəre a məlasε mariki mem Abraham layidi dəkə mənasəŋ kə mə.»

¹⁵ Enalip fε moloku, kə Rebeka wan ka Betuhel, wan sə ka Milka kə Nahor wenc ka Abraham oŋwur pəgbaŋne təbəl tən.

¹⁶ Wəyecəra wətət teyi enayi, ta entacəre wərkun-ε, ali wərkun wəkin enacəre fε kə dərən. K'ontor dəkələmp k'elas təbəl tən k'empε.

¹⁷ Kə wəcar eyekse kəkəfayne kə, k'oloku kə: «Məpoc em domun depic da təbəl tam, ilətsen'am.»

¹⁸ Kə Rebeka oloku: «Məmun, mariki mem!» K'embelkər kətinε kə təbəl tən, k'əsəŋ kə domun, k'omun.

¹⁹ Nte elip kəsəŋ wəcar ka Abraham k'omun mə, k'oloku kə sə: «Indekete yəkəme yam domun yi sə yomun haŋ pətəŋne yi.»

²⁰ K'embelkər kənəŋkəli domun dələpəs dəkəsəmp, k'eyekse sə kəkəkət domun dələma dəkələmp, k'əŋkete yəkəme fəp domun.

²¹ Kə wəcar ka Abraham eyifne teta wəyecəra nwe dēbəkəc, kə pəyɔne a MARIKI eyi kələmpse kə pəkət pən-ε.

²² Nte yəkəme yelip kəmun mə, kə wərkun nwe elək kurundε ka kema ka tencəmbəl dacə,* kə cəsora ca dəkəca mērəŋ ca kema ka məncəmbəl wəco,† kəsora kin o kin k'əsəŋ Rebeka.

²³ Kə wərkun nwe eyif Rebeka: «An'okom əm-ε wəyecəra? Mələk'im ti ilətsen'am. Səntam kəsətə kəfo dəkəcepərəne pibi, nde kələ ka papa kam?»

²⁴ Kə Rebeka oloku: «Wan ka Betuhel iyəne, nwe Milka enakome Nahor mə.»

²⁵ K'endəŋər: «Məmpələ kə yika yelərəm yeyi nnə ndorosu kə tofo tecepərəne pibi teyi sə di.»

²⁶ Kə wərkun nwe ontontnεne MARIKI,

²⁷ pələoku: «Iŋkor-kor'əm məna MARIKI, Kanu ka mariki mem Abraham. Məna nwe məntəsak kələs layidi nde mənasəŋ kə mə, məcyəne mariki mem məfan mən fəp mə! MARIKI məsol'em kə məŋker'em haŋ nnə kələ ka awenc a mariki mem Abraham.»

²⁸ Kə wəyecəra eyekse k'əŋkə pələmər mes maməkə fəp kere nde ndərən.

²⁹ Rebeka enayɔ wenc wərkun pacwe kə Labaŋ. Kə wəkakə eyekse kəkəməmən wərkun nwe, nde dəkələmp.

* 24:22 Delel da kurundε ka kema kaŋkə dənayəne «grammes» camət-tin. † 24:22 Delel da kəsora kin dənayəne «grammes» tasar tin kə tələma.

³⁰ Laban enanəŋke Rebeka kurunde kə cəsora dəwaca, k'enanene kə pəcloku: «Ti tə wərkun wəkakə olok-lokər əm.» Kə wənc wərkun wəka Rebeka ender nda wərkun nwe, enayi kələmp kəsək kə yəkəme yən mə.

³¹ Kə Laban oloku: «Məder mənə nwe MARIKI ompocə mə! Ta ake tə məndeyinə daban̄ka-ε? Ifeŋ dukulə k'ilompse yəkəme yam tofo.»

³² Kə wərkun nwe emberε dəkələ. Kə Laban ontore yesare ya yəkəme, k'əsəŋ yi yika kə mēmpələ. K'əsəŋ wərkun nwe kə afum aŋe enasolε mə domun debikene wεcək.

³³ Kə tēyεfε dānda k'ancəmbərə kə yeri. Mba k'oloku: «Ifədi kəresna paka, mēne iloku toloku nte inder kəloku mə.» Kə Laban oloku kə: «Məloku!»

³⁴ K'oloku: «Awa. Wəcar ka Abraham iyəne.

³⁵ Bel-bel bə MARIKI ompocə mariki mem pətət nwe əyənε fum wələl mə. Kanu kəmpocə kə cəna ŋkesiya kə cir, gbeti kə kema, acar arkun kə aran, yəkəme kə səfale.

³⁶ Sara wəran ka mariki mem ende pəkəme kə wan wərkun detembəra dən disre. Wan wərkun wəkakə, nkən mariki mem əsəŋ daka dən fəp.

³⁷ Mariki mem Abraham əsəŋ'em kədəerəm, kəcloku: «Məfədetene wan kem wəran ayecəra a Kanaŋ dacə atəf nŋe iyi mə,

³⁸ mba məde məkə nde iyεfε mə, kor kosu disre, mətene di wan kem wəran.»

³⁹ K'iloku Mariki mem: «Tələm ta wəran əŋkəwosε kəcəps'em darəŋ kədəer nno-ε.»

⁴⁰ K'olok'im: «MARIKI nwe in̄kət fər kirin̄ mə, endesom mələkε mən məban̄ əm pəkət pam. Mələkε wan kem wəran nde kusun̄ka kosu, pəyənε sə wəka kor kosu.»

⁴¹ Kə Abraham olok'im: «Indewur'am kədəerəm kaŋke imbers'am a məderəm mə, kə pəyənε a mən̄kə nde kor kosu a ta awos'am, kəsəŋ ka wan wəran-ε in̄ŋaŋnen'am kədəerəm kaŋke.»

⁴² Nte imbəpna məkə nde dəkələmp mə, k'iloku: «MARIKI, Kanu ka mariki mem Abraham, kə mən̄wosε kələmpəs em pəkət-ε,

⁴³ in'əfə nwe iyi kələmp ka domun kəsək mə.» Wəyecəra nwe endewur kədəket domun mə, nwe indeloku: «Məpoc em domun depic da təbəl tam imun,»

⁴⁴ a wəkayi pələk'im: «Məban̄ məmun mənə sərka, indesəkεtε yəkəme yam!» Wəyecəra wəkakə pəyənε nwe MARIKI encəmbərə wan ka mariki mem Abraham mə!

⁴⁵ Ilipna fε ti kələkunε dəbəkəc, kə Rebeka oŋwur pəgban̄ne təbəl dəkəbanca. K'ontor dəkələmp k'əŋket domun. K'iloku kə: «Ilətsen'am məpoc'em imun.»

⁴⁶ K'embelkər kətin'em təbəl tən təkə eŋgban̄nena mə, k'olok'im: «Məmun, indepocə sə yəkəme yam yomun.» K'imun, k'ompocə sə yəkəme yem kə yomun.

⁴⁷ K'iyif kə: «An'okom əm-ε wəyecəra?» K'olok'im: «Wan ka Betuhəl iyənε, wansə ka Nahor kə Milka.» K'imber kə kurunde dololəm kə cəsora dəwaca.

⁴⁸ K'intontnεnε MARIKI, k'iyek-yekəs kə, Kanu ka mariki mem Abraham, nke kəsol'em kədəlek wan ka wənc idesəŋ kə Siyaka wan ka nkən Abraham mə.

⁴⁹ Ndekəl oŋ kə pəyənε a məwosε kələse mariki mem Abraham pəsoku disre, layidi nde mənəsəŋ kə mə, məsəŋ'em ti kəcərə, kə pəyənε fε ti-ε, ikə kəca kəmeriya, kə pəyi fε ti-ε, kətət.»

⁵⁰ Laban kə Betuhəl ŋaloku: «Tes tantε nda MARIKI tēyεfε, səfətam kəloku ti tələm o tələm.

⁵¹ Rebeka əfə wəkawε fər yam kirin̄, mələk kə nəkə. Pəkə pəyənε wəran ka wan ka mariki mam pəmə təkə MARIKI oloku ti mə.»

⁵² Nte wəcar ka Abraham ene moloku maməkə mə, k'ontontnεnε MARIKI dəntəf.

⁵³ Kə wəcar k'Abraham owurε yosumpər-sumpər ya gbeti, ya kema, kə yamos k'əsəŋ yi Rebeka, k'ompocə sə Laban wənc wərkun wəka Rebeka kə kərə kəŋan pələrəm.

⁵⁴ Nte mes maməkə melip mə, wərkun nwe k'asol ən, kə ŋandi yeri kə ŋamun, kə ŋancepərənε pibi. Dec dendesək, nte ŋayεfε mə, kə wəcar nwe oloku: «Nəsak im iluksərne nda mariki mem.»

⁵⁵ Kə Laban ŋaloku kə kere: «Wan wəran pəyi nnə kəresna mata wəco kə səna. Kə tencepər-ε, məntam kəkə.»

⁵⁶ Kə wərkun nwe oloku ŋa: «Ta nəsoŋ'em kəwon ka nnə, bawo MARIKI olompəs em pəkət. Nəsak im ilukus ndena mariki mem.»

⁵⁷ Kə Laban ŋaloku kə kere: «Səwe wan wəran, səyif kə təkə efan mə.»

⁵⁸ Kə ŋawe Rebeka kə ŋayif kə: «Məfan kəkə kə wərkun nwe ba?» Kə Rebeka owose: «Ey.»

⁵⁹ Laban kə kere ŋasak Rebeka kə wəran nwe enaban kə mə, wəcar ka Abraham kə asol ɔn kə ŋaŋkə.

⁶⁰ Kə ŋantolanε Rebeka kə ŋaloku kə:

«Məna wəkire kosu, məyɔne wəka afum alarəm!

Məyɔne fum nwe yuruya yɔn yendetam aterεne aŋan mə!»

⁶¹ Kə Rebeka eyefe kə acar ɔn ayecəra k'empεε yəkəme kəroŋ, k'encəme wərkun nwe darəŋ. Kə wəcar ka Abraham elek Rebeka kə ŋaŋkə.

⁶² Tətəŋne Siyaka pəlukus kəyefe ka kələmp ka Lahay-Roy, pənde nde atəf ŋa Nəkεf.

⁶³ Dəfɔy dələma kə Siyaka ŋkə dəŋkətəs dəkulum, endeyekti fər k'ənəŋk yəkəme yecder.

⁶⁴ Rebeka endeyekti sə fər k'ənəŋk Siyaka, k'ontor yəkəme kəroŋ.

⁶⁵ K'eyif wəcar ka Abraham: «Wərkun wəre ɔfə wəkawε nnə dəkulum nwe ender kəfayne su mə?» Kə wəcar oloku kə: «Mariki mem mə.» K'elek kəloto kən k'εŋgbalərne.

⁶⁶ Kə wəcar ka Abraham ɔlmər Siyaka mes məkə enacepərεne mə fəp.

⁶⁷ Kə Siyaka eŋkekəre Rebeka abal ŋa kere Sara disre. K'elek Rebeka k'əyɔne wəran kən, k'əmbətər kə. Ti t'enasəŋε Siyaka pəwak kəpəl-pələs defi da kere.

25

Defi da Abraham: Mewe ma yuruya yɔn nyε wəran kən Ketura enakome kə mə

¹ Kə Abraham elek sə wəran wələma, pacwe kə Ketura.

² Kə Ketura oŋkome kə awut arkun: Simraŋ, Yəksaŋ, Medan, Madiyaŋ, Yisbak, kə Suwah.

³ Kə Yəksaŋ oŋkom Saba kə Dedan. Awut arkun a Dedan ŋanayɔne afum a təf maas: Asuri, aLetusi kə aLeyumi.

⁴ Awut a Madiyaŋ ŋanayɔne Hefah, Hefer, Henok, Abidah, kə Eldaha. Akaŋε ŋanayɔne awut a Ketura.

⁵ Abraham εnasəŋ daka dən fəp Siyaka.

⁶ Awut a alak'ɔn, k'ompocε ŋa, pəsəryi doru, k'eŋkekəre ŋa poŋ pəbələne ŋa wan kən Siyaka, atəf nŋε ŋeyi ntende kəca nkε dec dempe mə.

⁷ Kəwon ka Abraham doru kənasətə meren tasar tin wəco camət merəŋ kə kəcamət (175).

⁸ Kə Abraham ontore kifir, k'efi nte encepərεne detem dobotu mə, pəbek, pənembərə mataka ma doru, k'ənoŋkəl atem ɔn aŋε ŋanafi mə.

⁹ Siyaka kə Səmayila awut a Abraham, ŋawup kə nde dəkəwupεne da Makpela, nde dale da Həfəroŋ wan ka Cohar wəHewy, pətəfərεne di kə Mamre.

¹⁰ Dale dənayı nde Abraham enaway nnə aHewy ŋayi mə. Difə anawup Abraham kə wəran kən Sara.

¹¹ Nte defi da Abraham dencepər mə, kə Kanu kəmpocε wan kən Siyaka nwe εnandε nde kələmp ka Lahay-Roy kəsək mə.

¹² Awut a Səmayila ŋə akaŋε, Səmayila wan k'Abraham, nwe wan wəran wəMisira Hakar wəcar ka Sara enakome Abraham mə.

¹³ Mewe ma awut a Səmayila mεmε, təkə ŋanabekεne mə: Nebayət coco ca Səmayila, Kedar, Adebēl, Mibəsam,

¹⁴ Misma, Dumah, Masa,

¹⁵ Hadad, Tema, Yetur, Nafis, kə Kedema. Awut a Səmayila ŋə akakə.

¹⁶ Mewe mañan mə maməkə tēndē tañan cəgbo cəgbo. Abē wəco kə mērəñ ñanayi ña kirin dēlay dañan.

¹⁷ Kəyi ka Səmayila doru kəñawon meren tasar tin wəco maas kə camət mērəñ (137). K'ontorē kifir, k'əñəñkəl atem əñ akə ñanafi mə.

¹⁸ Afum a Səmayila ñayi kəyēfē ka Hawila hañ Sur nse səntēfərne Misira mə, kəkə ka kəca ka Asiri. Yuruya ya Səmayila ñanandē ñatēfərne awēnc aña fəp.

Tecepərənē ta Yakuba

25-36

Esayu kə Yakuba

¹⁹ Afum a Siyaka ñ'añe, wan ka Abraham. Abraham okom Siyaka.

²⁰ Siyaka ənasətə meren wəco mañkələ (40) a k'endenence Rebeqa, wan wəran wəka Betuhəl wəka Aram wəka Padañ-Aram, wəkirē ka Labañ wəka Aram.

²¹ Kə Siyaka ontola MARIKI teta wəran kəñ, bawo ənakom fē wan. Kə MARIKI ene kətola kəñ. Kə wəran kəñ Rebeqa embekəs.

²² Kə awut ñayēfərənē kə kor disrē, kə Rebeqa eyifne: «Ak'ender im tantē-ε?» K'əñkə pəkorne MARIKI.

²³ Kə MARIKI oloku kə: «Afum a təf mērəñ ñay'əm dəkor, afum mērəñ akəkə ñandegbeyenē kəwur əm dəkor. Afum a wəkin nwe ñandetasərne aka wəka mērəñ. Wəbeki endeyi wəfət tantəf.»

²⁴ Dəñkom dən k'anəñk a cəberi cəyi kə dəkor.

²⁵ Dəñkom dañan, kə wəcəkə-cəkə ender pəla cəfon cəyim dərīs pəmə wēsəm, k'awe kə Esayu.

²⁶ Kə tencepər, kə wəka mērəñ ender pəsumpər atek ña wəcəkə-cəkə. K'awe wəkəkə Yakuba. Siyaka pəsətə tēm tatəkə oñ meren wəco camət tin (60) a k'andekomē kə awut akañe.

²⁷ Kə awut arkun añe ñambek. Kə Esayu ende pəyənē wəpən wətət, wəbətər kəyeksē-yeksē dəkulum kəten ka sēm yepən, kə Yakuba nkən əyənē wəyi wəka dare, wətəsimse dis pəbətər kəndē d'abal.

²⁸ Siyaka ənabətər Esayu bawo ənabətər sēm nyē Esayu encpən mə. Rebeqa nkən pəbətər Yakuba.

²⁹ Dəsək dələma kə Yakuba oncoñər mēnc, kə Esayu ender pəyēfē dəkulum dis dələl kə.

³⁰ Kə Esayu oloku Yakuba: «Məpoc'em, ilətsen'am idi pəyim pam papəkə bawo dis dələl im.» Ti tə asəñe Esayu tewe ta «Edəm*».

³¹ Kə Yakuba oloku Esayu: «Məwayər im məkə dəkəcəmə da debeki dam.»

³² Kə Esayu oloku kə: «In'ewe icfi, ake dəkəcəmə da debeki dadəkə dendeyə em-ε?»

³³ Kə Yakuba oloku: «Məderəm'em kərəsna.» Kə Esayu endermē Yakuba k'ewayər kə dəkəcəmə da debeki dən.

³⁴ Kə Yakuba ompocē Esayu kəcom, kə mēnc maməkə. Kə Esayu endi yeri yayəkə, k'omun, k'eyēfē k'əñkə. Tatəkə tə Esayu ənagbal dəkəcəmə da debeki dən.

26

Siyaka kə Abimēlek

¹ Kə dor dende deyī dətəf, ndē dənaciyanē kə dor dəcəkə-cəkə dəkə dənayi di tēm ta Abraham mə. Kə Siyaka əñkə nda Abimēlek, wəbē ka aFilisti nde Kerar.

² Kə MARIKI owurər Siyaka, k'oloku kə: «Ta mətor Misira, məyi atəf nñe indeboncər əm mə.

³ Məndē atəf ñañe. Isol'am, indepoc'am pətət, bawo məna kə yuruya yam * ñ'indəsəñ antəf ñañe fəp. Indelas tēm tatəkə kəderəm nke inadermē papa kam Abraham mə.

* 25:30 Edəm ti tə tatəkə «pəyim» * 26:3 Delay dam

⁴ Indeyo yuruya yam yela pemo cas ca darenc. Indeson yuruya yam taf yaye fap. Afum a doru fap nande nacten ketola nno yuruya yam yeyi mo.

⁵ Abraham enacanjkal dim dem, pacame dapo dem daron, pampar moloku mem, palelas mefan mem ko sariye sem.»

⁶ Ko Siyaka ende Kerar.

⁷ Nte afum a tofo tatoko nancyifat teta waran kon mo, pacloku na: «Wakire kem ofo.» Pacnese kaloku a waran kon ofo, ta afum a tofo tatoko nadif ko, bawo Rebeka enatese.

⁸ Nte kayi kon kancwon di mo, ko tosurene Abimelek wabe ka aFilisti pawure kero dawunder pacmoman, k'enanjk Siyaka paccene ko waran kon Rebeka.

⁹ Ko Abimelek ewe Siyaka k'eyif ko: «Waran kam ayone waran nwe ba! Ake'sone nte maloku su a wakire kam ofo mo?» Ko Siyaka oloku ko: «Iloku ti kenses disre ta idefine tetan.»

¹⁰ Ko Abimelek oloku ko: «Coke mayo su tante? Papi pacame walama su daco nafantere ko waran kam, ko man'osone su k sare kiciya.»

¹¹ Ko Abimelek onon dim dadoko afum on fap, nte: «Fum nwe o nwe ongbuene warkun nwe ko waran kon mo, mene padif wakayi.»

¹² Ko Siyaka ombof karen kanjo datof k'entel tasar tin (100) ta toko enabof mo, bawo MARIKI enapoc ko patot.

¹³ Ko warkun nwe osoto daka, k'emberene kasoto daka han k'enanjan kayone waka daka wapon.

¹⁴ Siyaka enayo yocol yelarom: Cana, cir, nkesiya, ko acar alarom, tosonne aFilisti nayone ko karaca.

Siyaka kasek kon danapa ko Abimelek

¹⁵ Calamp nce acar a kas Abraham nanakay kiya kon doru mo, ko aFilisti namantan ci, ko nalas ci kabof.

¹⁶ Ko Abimelek oloku Siyaka: «Mayefe ndorosu mako bawo mambek su fanantar.»

¹⁷ Ko Siyaka eyefe di, k'onko pacambor sanja nde dangbal da Kerar kasak.

¹⁸ Ko Siyaka ongbokere so kakay calamp nce anakay tem ta kas Abraham, a ko aFilisti namantan ci kacepar ka defi da Abraham mo. K'ewe so ci mewe mako kas enawe ci mo.

¹⁹ Ko acar a Siyaka nanjay so kalamp kaloma, dendo mero daco, ko nambor ki disre domun datot.

²⁰ Akek a yocol ya dare da Kerar nancan akek a yocol ya Siyaka kacop, nacsimse kalamp, ko naloku: «Kalamp kanke kosu ko.» Ko Siyaka ewe kalamp kanjo Esek, bawo afum nanagbekalene ta ki ko nkon.

²¹ Ko acar a Siyaka naluksarne so kakay kalamp kaloma nke anagbekalene so taka ki mo, k'ewe ki Sitna.

²² K'elin sanja son dendo, k'onko pakay so kalamp kaloma nke anatgbekalene ta ki mo, k'ewe ki Rehobot, bawo, oncloku: MARIKI payac su, pasikali su, kadesoto fanantar atof nanje.

²³ Ko Siyaka emperne Bersaba.

²⁴ Ko MARIKI owurar ko pibi papoko, k'oloku ko: «In'ayone Kanu ka papa kam Abraham. Ta manese, bawo isol'am, indepoc'am patot, indeyo so yuruya yam nala, teta wacar kem Abraham.»

²⁵ Ko Siyaka encambor di tetek tolongne k'okorne tewe ta MARIKI. K'encambor so di abal, ko acar on nanjay so di kalamp.

²⁶ Ko Abimelek eyefe Kerar kakonanjk nkon Siyaka nasol ko Ahusat wanapa kon, ko Pikol wabe waka asodar on.

²⁷ Ko Siyaka eyif na: «Ta ake to nanderene nno nderem-e, bawo nanter im, ko nambelas im nde ndoronu?»

²⁸ Ko naloku ko: «Sananj belbel a MARIKI osol'am. Ti to saloke: A padermene, ti to tatoko mana ko sana, patonje pasek danapa.

²⁹ Nte tendesɔŋe ta mɔyɔ su ali pələc pin, pəmɔ təkɔ sənətɔyɔ əm pələc, kɔ sɔyɔ əm pətət haŋ kɔ səsak əm kɔ mɔŋkɔ pəforu disrɛ mɔ. Ndekəl oŋ MARIKI ompoc'am.»

³⁰ Kɔ Siyaka ombocɛ ɲa kəsata, kɔ ɲandi yeri kɔ ɲamun.

³¹ Kɔ ɲayefɛ bətbət suy kɔ ɲandermenɛ. Kɔ Siyaka esak ɲa kɔ ɲalukus kɔ ɲasak Siyaka pəforu disrɛ.

³² Dəsək din dadəkɔ dɔ acar a Siyaka ɲander ɲaloku kɔ teta kələmp kəŋkɔ ɲanakay mɔ, kɔ ɲaloku kɔ: «Səsətɔ domun.»

³³ Kɔ Siyaka ewe kələmp kəŋkɔ Sibeya. Ti təsɔŋe nte aŋwenɛ dare dadəkɔ Bersaba haŋ məkɔ mɔ.

Esayu kənence kən

³⁴ Esayu kəsətɔ kən meren wəco maŋkələ (40), k'ɛlək aran aHewy, pacwe ɲa Sudit wan ka Beri kɔ Basmat wan ka Elɔn.

³⁵ K'aran aHitara akanɛ mɛrəŋ ɲawonəs Siyaka kɔ Rebeka dis.

27

Yakuba kəsətɔ kən kəpocɛ nkɛ pənamar Esayu kəsətɔ mɔ

¹ Siyaka əncyɔnɛ wətem, fər yɔcɔl kɔ haŋ kɔ tɛləpsər kɔ kətɔnəŋk. K'ewe wan kən wəcəkɔ-cəkɔ Esayu, k'oloku kɔ: «Wan kem!» Kɔ Esayu owosɛ: «In'ɛwɛ!»

² Kɔ Siyaka əŋgbəkərə: «Iyɔnɛ wətem, incərə fɛ dəsək dem defi.

³ Mələk oŋ yɛpɛnɛ yam, cəbəlma cam kɔ ambəncəran, məkɔ dəkulum məkɔ mərən'em wɛsɛm.

⁴ Mələmpəs'em peri pəmɔ təkɔ imbətər ti mɔ. Məkər'em pi, idi, nte tɔŋsɔŋe ina yati itolan'am pətət a icfi mɔ.»

⁵ Rebeka pəcənəkəl təkɔ Siyaka oncloku wan kən Esayu mɔ. Kɔ Esayu əŋkɔ dəkulum kəkəpən wɛsɛm, pəkɛrɛ.

⁶ Kɔ Rebeka oloku wan kən Yakuba: «Nte t'ine. Papa kam pəcloku wɛnc əm Esayu:

⁷ «Məkər'em wɛsɛm. Mələmpəs'em peri mpɛ indedi, itolan'am pətət nde MARIKI eyi mɔ, a icfi.»

⁸ Ndekəl oŋ wan kem məcənəkəl dim dem, mɔyɔ təkɔ indelok'am mɔ.

⁹ Məkɔ mələk'em nde yɔcɔl dacɔ, mbiyofɔ yətət mɛrəŋ. Ilompɛ papa kam peri pətət pəmɔ təkɔ əmbətər pi mɔ.

¹⁰ Məndekenɛ papa kam peri papəkɔ, nte tɔŋsɔŋe pətolan'am pətət a pəcfi mɔ.»

¹¹ Kɔ Yakuba oloku kɛrɛ Rebeka: «Ey, mba wɛnc im Esayu ɛla cəfon dərɛs, k'ina iyɔ fɛ ci.

¹² Təlɔma papa wəkem pəkəwakəs im dis, endecər'em kətələmp təsəŋ'em kəsətɔ pələc ta isətɔ pətət-ɛ.»

¹³ Kɔ kɛrɛ oloku kɔ: «Tɔyɔnɛ a pələc papəkɔ peder im! Məcənəkəl gbəcərəm dim dem. Məkɔ məkər'em mir.»

¹⁴ Kɔ Yakuba əŋkɔ pələk mir, k'ɛŋkɛrɛ iya kən. Kɔ iya kən olompəs peri, pəmɔ təkɔ papa kən ɛnabətər pi mɔ.

¹⁵ Kɔ Rebeka ɛlək yamos ya Esayu wan kən wəcəkɔ-cəkɔ, yamos yətət yəkɔ ɛnatam kəsətɔ dɛkɛr mɔ, k'əsəŋ yi wan kən wəlpəs Yakuba k'ɛmbernɛ.

¹⁶ K'əŋkump Yakuba akata ɲa mbiyofɔ yəkɔ ɲanadif mɔ dəwaca kɔ dəkilim, kəbər ka mofɔ məkɔ mənətɔyɔ cəfon mɔ.

¹⁷ Kɔ Rebeka əsəŋ wan kən Yakuba peri pəkɔ ɛnalompəs mɔ, kɔ kəcom.

¹⁸ Kɔ Yakuba əŋkɔ nde papa kən eyi mɔ, k'oloku: «Papa wəkem!» Kɔ Siyaka owosɛ: «In'ɛwɛ. Mən'an'ɔfɔ-ɛ, Wan kem?»

¹⁹ Kɔ Yakuba oloku kas: «In'ɔfɔ Esayu wan kam wəcəkɔ-cəkɔ. Iyɔ təkɔ məlokun'em mɔ. Məyɛfɛ iletɛn'am, mənɛ məsəm wɛsɛm wem, nte tɔŋsɔŋe mənə yati mətolan'em pətət mɔ.»

²⁰ Kɔ Siyaka oloku wan kən: «Mba məyɛŋk kəsətɔ wɛsɛm wan kem!» Kɔ Yakuba oloku: «MARIKI Kanu kam kəkər'em wi fər yem kirin.»

21 Kɔ Siyaka oloku Yakuba: «Məcəŋne oŋ wan kem, iwakəs əm, icərə kɔ pəyənə a wan kem Esayu ɔfɔ-ε.»

22 Kɔ Yakuba ɔlɔtərne kas Siyaka, k'ɛwakəs kɔ k'oloku: «Dim dandε da Yakuba dɔ, mba waca wawε wa Esayu wɔ.»

23 Siyaka enanɛpəl fε kɔ. Bawo waca wɔn wɛnala cəfon pəmɔ waca wa wɛnc Esayu, k'ontolanε kɔ pətət.

24 K'eyif: «Mən'ɔfɔ mənə wan kem Esayu?» Kɔ Yakuba owosɛnε kɔ: «Ey.»

25 Kɔ Siyaka oloku: «Məber'em isəm wɛsɛm wa wan kem, nte tənɔŋɛ, ina yati itolan'am pətət mɔ.» Kɔ Yakuba ɛmbɛrε Siyaka yeri k'endi, k'ɛŋkɛrε kɔ sɔ member k'omun.

26 Kɔ kas Siyaka oloku sɔ: «Məcəŋne məcup im wan kem.»

27 Kɔ Yakuba ɔncəŋne, k'oncup kɔ. Kɔ Siyaka ene ambənc ŋa yamos ya Esayu. K'ontolanε kɔ nte: «Ey, ambənc ŋa wan kem ŋeyi pəmɔ ambənc ŋa dale ndε MARIKI ompocε pətət mɔ.

28 Kanu kəsəŋ əm pəcaŋki pa darenc kɔ daka da dəntɔf:

Malɔ kɔ member pəlarəm!

29 MARIKI pəsəŋɛ, afum ŋay'am dəntɔf,

Kanu kəsəŋɛ afum ŋatontnɛn'am!

Kanu kəsəŋɛ məyi awɛnc əm aŋa kəroŋ,

Kanu kəsəŋɛ awut a iya kam ŋatontnɛn'am dəntɔf!

Kanu kəsəŋ pələc, wəkɔ ɛŋfaŋ'am pələc mɔ,

Kanu kəsəŋ pətət wəkɔ ɛŋfaŋ'am pətət mɔ.»

30 Siyaka ɛnadɛlɪp kətolanε Yakuba, Yakuba endeyɛfε kas dəntɔf, kɔ wɛnc Esayu ɛmbɛrε pəyɛfε dəkəpɛn.

31 Kɔ Esayu olompəs sɔ peri k'ɛŋkɛnε kas Siyaka. K'oloku kas: «Papa məyɛfε məsəm wɛsɛm wa wan kam, nte tənɔŋɛ mətolan'em pətət mənə yati mɔ.»

32 Kɔ kas Siyaka eyif kɔ: «Mən'an'ɔfɔ-ε?» Kɔ Esayu oloku kɔ: «In'ɔfɔ wan kam wəcəkɔ-cəkɔ Esayu.»

33 Kɔ pəyi Siyaka yamayama, yamayama pəpəŋ k'oloku: «An'ɔkɔ pəpɛn wɛsɛm k'ɛŋkɛr'em-ε? Isəm yi a kɔ məndeder, intolanε kɔ pətət. Kətola pətət kəlɪp kəsumpər kɔ.»

34 Nte Esayu ene moloku ma kas mɔ, k'ɛmbɛr kəbebe, k'ɔŋkule-kule pəpəŋ, k'oloku kas: «Ina sɔ mətolan'em pətət Papa.»

35 Kɔ Siyaka oloku kɔ: «Wɛnc əm enderɛnε cəmpənpən k'ɛlɛk kətolanε pətət kam.»

36 Kɔ Esayu oloku: «Cɛpɔ nte asəŋ kɔ tewe ta Yakuba mɔ, ti t'ɛŋnɛmpɛs'em haŋ kəmerəŋ? ɛnabaŋər im təkɔ dəcəmε da debeki dem. Kɔ pəndesəyi tante k'ɛŋlɛkər im sɔ kətolanε pətət kem.» Kɔ Esayu endəŋər: «Papa, məmɛŋkərne fε sɔ kətolanε pətət kəlɔma, məsəŋ im ki?»

37 Kɔ Siyaka oloku Esayu: «Isəŋ kɔ kəyi kam kəroŋ, k'isəŋ kɔ awɛnc aŋa fəp kəyi kɔ dəntɔf, k'isəŋ kɔ bələ* kɔ wɛn. Cəke c'indɛyənε mənə-ε, wan kem?»

38 Kɔ Esayu eyif kas: «Kətola pətət kin kaŋkɔ gboŋ kɔ məyɔ ba, Papa? Ina sɔ mətolan'em pətət, Papa!» Kɔ Esayu ɛyɛfε kəbok.

39 Kɔ kas Siyaka oloku kɔ: «Mənəŋk!

Dəkəndε dam dɔfɔdeyɔ daka da dəntɔf

Kɔ pəcaŋki mpɛ pɛŋyɛfε darenc mɔ.

40 Dakma dam dendedəs əm doru,

Məndeyi wɛnc əm dəntɔf.

Məndeyi tam taciŋa

Fənəntər fam fəndesəŋɛ, məccer kɔ məfaŋ mən.»

Kəkə ka Yakuba nda ncək'an Labaŋ

* 27:37 CəTabo «blé»

⁴¹ Kɔ Esayu emenke Yakuba metele, teta katolanɛ pɛtɔt nke kas enatolanɛ Yakuba ma. Esayu paccɔpɛsne debakɛc, «Mataka ma defi da papa wɛkem mɔmbɔle fe sɔ. Indedif wenc im Yakuba.»

⁴² K'anjɔ paloku Rebeka mɛcɛmcɛmnɛ mɛlɛc ma Esayu nnɔ Yakuba eyi ma. Kɔ Rebeka ewe wan kɔn Yakuba, k'oloku kɔ: «Mɛne nte wenc ɛm Esayu efanj kɛluks'am ayek ma, a pɛdif ɛm.

⁴³ Awa wan kem, mɛcɛnjɛl im! Mɛyɛfe, mɛkɔ mɛgbɔpne ndena wenc im wɛrkun Laban nde Haran.

⁴⁴ Mɛkɔ mɛyi di mataka, hanj metele ma wenc ɛm melip.

⁴⁵ Kɔ metele ma wenc ɛm mendelip-ɛ, pɛpɛlɛrne pɛcuy pɛkɔ mɛyɔ kɔ ma, indew'am mɛder. Ta ake t'indebutɛ nu mɛrɛnj monu dɔsɔk din-ɛ?»

Kɛyɛkse ka Yakuba Pɛkɔ Mesopotami

⁴⁶ Kɔ Rebeka oloku Siyaka: «Doru denjgbɛf im teta awut aran aHewy. Kɔ Yakuba enence wɛHewy, wan wɛran wɛka dɔtɔf pɛmɔ akanɛ, ake indesɔyɔ oj doru-ɛ?»

28

¹ Kɔ Siyaka ewe Yakuba, k'ontolanɛ kɔ pɛtɔt, k'osom kɔ nte: «Ta mɛnence wɛran wɛka Kanan.

² Mɛyɛfe. Mɛkɔ Pagan-Aram, ndena papa ka iya kam. Mɛlek di wɛran awut aran a ncɔk'am Laban daco.

³ Kanu ke kantam mes fɛp doru ma kɛpɔc'am pɛtɔt, kɛsɔnj ɛm dokombɛra, kɛsɔnj'am mɛla nte tɔnjɔnjɛ mɛyɔne afum alarɛm ma!

⁴ MARIKI pɛsɔnj ɛm pɛtɔt pa Abraham kɔ yuruya yam nte tɔnjɔnjɛ atɔf njɛnjɛ mɛyi decikɛra ma, njey'am dɛwaca pɛmɔ tɔkɔ Kanu kɛnasɔnj njɛ Abraham ma.»

⁵ Kɔ Siyaka ɛsak Yakuba k'ɔnjɔ Pagan-Aram, ndena Laban wan ka Betuhel, wɛAram, wenc wɛrkun wɛka Rebeka, iya wɛka Yakuba kɔ Esayu.

⁶ Kɔ Esayu enɛnk a Siyaka ontolanɛ Yakuba pɛtɔt, k'oloku kɔ kɛkɔ sɔ Pagan-Aram pɛkɔten wɛran, mba nte Siyaka onctolanɛ kɔ ma, ɛnasom kɔ nte: «Ta mɛnence wɛran wɛka Kanan de.»

⁷ Yakuba enane moloku ma kas kɔ kɛrɛ, k'ɔnjɔ Pagan-Aram.

⁸ Kɔ Esayu enɛnk a mes ma awut aran aka Kanan mɛnabɔt fe papa kɔn Siyaka.

⁹ Kɔ Esayu ɔnjɔ ndena Sɛmayila, k'ɛlek di wɛran pacwe kɔ Mahalat, wan wɛran wɛka Sɛmayila wan k'Abraham, wɛkirɛ ka Nebayɔt, kɛbɛrɛnɛ ka aran aHewy akɔ enayɔ ma.

Kɛwɛrɛp ka Yakuba

¹⁰ Kɔ Yakuba ɛyɛfe Bersaba k'ɔnjɔ Haran.

¹¹ K'ɛmbɛp tofo tɔlɔma k'endire di, bawo dec denalɛpɛ kɔ. Kɔ Yakuba ɛlek tasar tin ta kɛfo kanjɔ, k'ɛfakɛnɛ pi, k'ɛfantɛrɛ kɛfo kanjɔ.

¹² K'ɛwɛrɛp, k'ɛnɛnjɔ same sɛcɛmɛ dɛntɔf domp da si docgbunɛnɛ kɔm mɛlɛkɛ a Kanu mɛcfɛrɛnjɔ si, mɛcɛpɛ, moctor.

¹³ Kɔ MARIKI ɛncɛmɛ same sasɔkɔ darenc. K'oloku: «In'ɔyɔnɛ MARIKI, Kanu k'Abraham papa kam, kɔ Kanu ka Siyaka. Antɔf njɛnjɔkɔ mɛfantɛrɛ ma, indesɔnj ɛm njɛ mɛna kɔ yuruya yam.

¹⁴ Yuruya yam njendela pɛmɔ kɛbof ka dɛntɔf. Mɛndewɔkɛlɛs dɛkɛnde dam kɛca kɛtɔt kɔ kɛmeriya, nde dec dɛmpɛ ma kɔ nde denjɛkɛ ma. Afum a doru fɛp njande njactɛnɛr ɛm kɛtolanɛ pɛtɔt kɔ yuruya yam.

¹⁵ Ina yati in'osol'am, inde icbum ɛm kɛca nke o nke mɛnjɔ ma, indeker'am atɔf njɛnjɛ, bawo ifɔsak ɛm ta intalas tante injɔk'ɛm ma.»

¹⁶ Kɔ Yakuba entime dɛmere, k'oloku: «Tɔlɔma MARIKI eyi nnɔ tofo tante, k'intɔnacɛrɛ ti!»

17 K'enesε k'oloku: «Mba tofo tɔyɔ weywey! Pənciyanε fε dε kɔ kəlɔ ka Kanu, kusunja ka darenc kɔ!»

18 Kɔ Yakuba eyefε bətbət suy, k'elek tasar tɔkɔ enafakεne domp mɔ, k'encəmbər pi, k'olonjər pi kəronj moro mɔbɔy teta kəpusε ka pi Kanu.

19 Kɔ Yakuba ewe tofo tatɔkɔ Betel, mba dare dadɔkɔ dɛnanunjkεne dɔyɔ tewe ta Lus.

20 Kɔ Yakuba ontola pəcloku: «Kɔ pəyɔnε a Kanu kəsol'em kəcbum im dɔpɔ ndε injkət mɔ, kɔ pəyɔnε a kənsɔnj im kəcom kem kəsəm, kəsɔnj im sɔ yamos ibεrne,

21 k'ilukus pəforu disrε nde kəlɔ ka papa wəkem-ε, awa MARIKI endeyɔnε Kanu kem.

22 Tasar tante incəmbər teta kəpusε ka pi Kanu mɔ, pendeyɔnε kəlɔ ka Kanu. Indesɔnj əm farilε fa mpε o mpε məndekɔsɔnj im mɔ.»

29

Yakuba kəbəpεne kɔ Rasel

1 Kɔ Yakuba eyefε kəkət kəkɔ ka atɔf ŋa awut a nde dec dεmpε mɔ.

2 Kɔ Yakuba enənj kələmp dəndo dəkulum, kɔ yɔcɔl yefet yefet yolɔnkane mofɔ maas yecəme kələmp kanj kɔ kəsək, bawo kələmp kanj kɔ yɔcɔl yoncmun. Tasar mpε penayi kələmp dəkusu mɔ penabek.

3 Difɔ yɔcɔl fəp yenchəpεne. Pabinj kəli tasar papɔkɔ anaboc kələmp dəkusu mɔ, cir kɔ ŋkesiya yomun. Kɔ yelip-ε paluksε tasar papɔkɔ sɔ kələmp dəkusu.

4 Kɔ Yakuba eyif akεk yɔcɔl: «Awenc im aŋa, aka deke ŋɔ nəyɔnε-ε?» Kɔ akakɔ ŋaloku kɔ: «Aka Haranj ŋɔ səyɔnε.»

5 Kɔ Yakuba eyif ŋa: «Nəncəre Labanj, wan ka Nahor?» Kɔ ŋawosε: «Ey, səncəre kɔ.»

6 K'eyif ŋa: «Cəke cɔ pəyi kɔ-ε?» Kɔ akakɔ ŋaloku kɔ: «Daka o daka! Wan kən wəran Rasel ender wəkɔ kɔ yɔcɔl yefet yefet.»

7 Kɔ Yakuba oloku ŋa: «Dec dəsərɔbək kərəsna. Tεm tolonjka yɔcɔl tentabəp fε. Nəsɔnj yɔcɔl domun, kɔ nəlip-ε nəkekəre yi kərəsna yəkəsəmət.»

8 Kɔ ŋaloku kɔ: «Səfɔtam ti kɔ yɔcɔl fəp yəntɔlonjkane-ε, bawo ti tɔ səmbinj kəli tasar ntε aŋsuncε kələmp mɔ, a yɔcɔl yefet yefet yomun.»

9 Yakuba eyi kəlɔk-lokər akεk kɔ Rasel embere kɔ yɔcɔl yefet yefet ya kas, bawo Rasel wəkεk enayi.

10 Ntε Yakuba enənj Rasel wan wəran wəka Labanj kɔ yɔcɔl yefet yefet ya Labanj mɔ, k'əncɔŋne k'embinj kəli tasar tatɔkɔ ancsuncε kələmp mɔ. Kɔ yɔcɔl yefet yefet ya Labanj yomun.

11 Kɔ Yakuba oncup Rasel, k'eyefε kəfək, pəcbok.

12 Kɔ Yakuba oloku Rasel: «Fum ka papa kam iyɔnε, wan ka Rebeka iyɔnε.» Kɔ Rasel eyεksε kəkɔloku ti kas Labanj.

13 Ntε Labanj ene kəder ka Yakuba wan ka wəkire kən mɔ, k'eyεksε k'ende pəsapnε Yakuba, k'εmakərəne kɔ. Kɔ Labanj enjkekəre kɔ nde kəlɔ kən, kɔ Yakuba əlmər kɔ mes məkɔ mənəsɔtɔ kɔ mɔ fəp.

14 Kɔ Labanj oloku kɔ: «Kance kəsoku pəs kɔ: Mecir min mɔ səmpənjne!» Kɔ Yakuba eyi ndena Labanj ŋof ŋin.

Kənencε ka Yakuba kəmerəŋ

15 Kɔ Labanj ende pəloku Yakuba: «Bawo fum kem məyɔnε, məfɔdebəc'em kifəli? Məbɔncər im daka ndε məfan da kəway kam mɔ.»

16 Labanj enayɔ ayecərə mərəŋ: Tewe ta Bəmbɔ bən tənayɔnε Leya, kɔ Cayi cən Rasel.

17 Leya enatesε fər dəkəro, mba Rasel enananjkane kətesε.

18 Rasel enabət Yakuba mes. Kɔ Yakuba oloku Labanj: «Indebəc'am meren camət-mərəŋ, teta wan kam wəran Cayi: Rasel.»

19 Kɔ Labanj oloku kɔ: «Kəsɔnj əm kɔ kəncəpər im tɔkɔ injkəsɔnj kɔ wərkun wəcuru mɔ. Məyi nnɔ nderem!»

²⁰ Kɔ Yakuba embæce Laban meren camət-merəŋ teta Rasel. Kɔ meren camət-merəŋ maməkɔ meyi, Yakuba dəfər pəmɔ mataka, bawo Rasel enabət kɔ mes.

²¹ Kɔ Yakuba ende pəloku Laban: «Məsəŋ im wəran wəkem bawo tɛm tɛm ta yɛbəc telip, ifaŋ kənence kɔ.»

²² Kɔ Laban ewe aka tofo tatəkɔ fəp, kɔ ɲambəpene k'omboc kəsata.

²³ Pəndeyi dəfəy, k'elek wan kən wəran Leya k'enkene Yakuba, kɔ Yakuba enence kɔ.

²⁴ Kɔ Laban əsəŋ wan kən wəran Leya wəcar wəran nwe ancwe Silpa mɔ.

²⁵ Dec dendesək, kɔ Yakuba enəŋk a bafɔ Leya əsəŋ kɔ. K'oloku Laban: «Cəke cɔ məyɔ em nte? Bafɔ teta Rasel t'imbəc'am? Ta ake tɔ məntiŋkər'em-ε?»

²⁶ Kɔ Laban oloku: «Afəsəŋ səna ndorosu Cayi, ta antasəŋ Bəmbə-ε.

²⁷ Mələpəs tataka toluksər kɔ Bəmbə, a sədəsəŋ əm sɔ Cayi kɔ məndewose sɔ kəbəc'em tetən meren camət-merəŋ-ε.»

²⁸ Kɔ Yakuba əyɔ tatəkɔ, k'ələpəs tataka toluksər kɔ Leya, kɔ Laban əsəŋ kɔ sɔ wan kən wəran Rasel.

²⁹ Kɔ Laban ɛlek wəcar kən Bilha k'əsəŋ kɔ Rasel.

³⁰ Ka Yakuba enence sɔ Rasel nwe enabət kɔ mes, pətas Leya mɔ. K'embæce sɔ Laban meren camət-merəŋ.

Awut a Yakuba

³¹ Kɔ MARIKI enəŋk a ambətər fɛ Leya pəmɔ Rasel, k'əsəŋ Leya dokombəra. K'osumpər Rasel dokombəra.

³² Kɔ Leya embəkəs. K'əŋkom wan wərkun, k'ewe wan wəkakɔ Ruben. Ti tɔ tatəkɔ nɔɔ eyi mɔ, «MARIKI enəŋk kələpəs kem. Ndekəl ŋ, wos im endebətər im.»

³³ K'əŋgbəkəre sɔ kəbəkəs, k'əŋkom sɔ wan wərkun. Kɔ Leya oloku a: «MARIKI ene a ambətər f'em, k'əsəŋ im sɔ wəkawε.» Kɔ Leya əsəŋ wəkakɔ tewe ta Simeyəŋ.

³⁴ Kɔ Leya oluksərne k'embəkəs, k'əŋkom wan wərkun sɔ. K'oloku: «Tantɛ taŋ, wos im endegbəkər'em, bawo iŋkome kɔ awut arkun maas. It'anasəŋe wan wəkakɔ tewe ta Lewy.»

³⁵ K'embəkəs sɔ k'əŋkom wan wərkun sɔ. K'oloku: «Tantɛ taŋ indekor-koru MARIKI.» Ti tənawene wan wəkakɔ tewe ta Yuda. Kɔ Leya ɛsak ŋ, kəkəkom.

30

¹ Nte Rasel enəŋk a eyi fɛ kəkome Yakuba mɔ, k'əyənɛ wenc wəran Leya kəraca. Kɔ Rasel oloku Yakuba: «Məsəŋ im awut kɔ pəyi fɛ ti-ε, iŋfi!»

² Kɔ pəntɛlɛ Yakuba nɔɔ Rasel eyi mɔ, k'oloku: «Incəme dəkəcəme da Kanu, nke kəntəsəŋ əm dokombəra mɔ?»

³ Kɔ Rasel oloku: «Wəcar kem wəran Bilha εwe, məfəntərə kɔ nkən nte təŋsəŋe pəsəto wan mɔ. Nɔɔ suwu sem s'endekom wan wəkakɔ, pəsəŋ'em kəyɔ wan.»

⁴ Kɔ Rasel əsəŋ Yakuba wəcar kən wəran Bilha. Kɔ Yakuba əŋkɔ kɔ,

⁵ Kɔ Bilha embəkəs, k'əŋkome Yakuba wan wərkun.

⁶ Kɔ Rasel oloku: «Kanu kəmboc'em kiti, kɔ kəne sɔ dim dem, kəmpoc'em wan wərkun.» Ti tənəsəŋe wan wəkakɔ tewe ta Dan.

⁷ Kɔ Bilha wəcar ka Rasel, əŋgbəkəre sɔ kəbəkəs, k'əŋkome Yakuba wan wərkun taməŋ.

⁸ Kɔ Rasel oloku: «Kanu kəmar im kəsimes kɔ wenc im wəran Leya, k'intam kɔ.» Kɔ Rasel əsəŋ wan wəkakɔ tewe ta Naftali.

⁹ Nte Leya enəŋk a ɛsak kəkəkom mɔ, k'elek wəcar kən Silpa k'əsəŋ kɔ Yakuba pənence.

¹⁰ Kɔ Silpa wəcar ka Leya əŋkome Yakuba wan wərkun.

¹¹ Kɔ Leya oloku a: «Pəbotu pender!» Kɔ Leya əsəŋ wan wəkakɔ tewe ta Kadu.

¹² Silpa wəcar ka Leya əŋgbəkəre sɔ kəkome Yakuba wan wərkun taməŋ.

¹³ Kɔ Leya oloku: «Mba pəmbət im! Ey, aran ɲande ɲackul'em ŋ a pəmbət əm.» K'əsəŋ wan kakɔ tewe ta Aser.

14 Dəsək dələma katela kənayi, kə Ruben əjkə dale. K'əjkə pəsətə di yeri yokom yələma*, k'əjkəre yi iya kən Leya. Kə Rasel oloku Leya: «İletsən'am, məpoc'em yokom yələma nyə wan kam əjkər'am mə.»

15 Kə Leya oloku Rasel: «Pəntənnə f'am nte məmbənar im wos im mə, mənə məsətə sə yeri ya wan kem?» Kə Rasel oloku Leya: «Awa! Ndaram ende məkə fəntərə, kəway ka yeri ya wan kam.»

16 Dəfəy dendeber, nte Yakuba əyefe dale mə, kə Leya əjkə pəfayne kə, k'oloku Yakuba: «Nnə nderem mənde məkə fəntərə, bawo kəsətə kam pibi pəməkə, mənə nte isəkpərə pi yeri yələma ya dale nyə wan kem əjkərəna mə.» Kə Yakuba nəfəntərə pibi papəkə kə Leya.

17 Kə Kanu kəmbənar Leya, k'əmbəkəs. K'əjkəmə Yakuba wan wərkun wəka kəcamət.

18 Kə Leya oloku: «Kanu kəsən im kəway kem. Ina nwe ilək wəcar kem wəran k'isən kə wos im mə.» Kə Leya ewe wan wəkəkə Isakar.

19 Kə Leya endesə pəbəkəs, k'əjkəmə Yakuba sə wan wərkun wəka camət-tin.

20 Kə Leya oloku: «Kanu ompoc'em! Tante tan, wos im endeyi tofo tin k'ina, bawo əjkəmə kə awut arkun camət-tin.» Kə Leya ewe wan wəkəkə Sabulon.

21 Kə Leya əmbəkəs, k'əjkəmə wan wəran nwe ənasən tewe ta Dina mə.

22 Kə Kanu kənde kəcəm-cəmnə Rasel, kə kəne kətola kən, kə kəsən kə dokombəra.

23 Kə Rasel ende pəbəkəs, k'əjkəmə wan wərkun. K'oloku: «Kanu kəlin im malap.»

24 Kə Rasel ewe wan kən wəkəkə Isifu, k'oloku: «MARIKI pəberən'em sə wan wərkun wələma!»

Yakuba kəsətə kən daka

25 Nte Rasel əjkəmə Isifu mə, kə Yakuba oloku Laban: «Məsək im ilukus nnə nderem, ikə nde atəf nəm.

26 Məsən im aran em k'awut em aņe imbəc'am tetanjan mə, ņa nğ səndəkə, bawo mənə yati mənçərə yebəc nyə imbəc'am mə.»

27 Kə Laban oloku Yakuba: «İfan a məbonçər im kəway nke indesən əm mə. Canu cem çəsən'em kəcərə a MARIKI ompoc'em pətət tetam.

28 Məbonçər im kəway kam inşən əm ki.»

29 Kə Yakuba oloku Laban: «Mənə yati, mənçərə kə təkə imbəc'am mə, kə təkə isən kə yəcəl yam yeyi mə.

30 Bawo yəcəl yepic yəkə inabər'am mə, yela ən ndəkəl. Kə MARIKI ompoc'am kələk dəsək ndə imberə kələ kam mə, han məkə. Ndekəl ən ake təm tə indebəcə afum em-ε?»

31 Kə Laban eyif kə: «Ak'indesən əm-ε?» Kə Yakuba oloku: «Məfədesən im daka o daka. Kə məwosə kəyə təkə indelok'am mə, indesəkəkəs yəcəl yam yefət yefət, ibum'am sə yi.

32 Məkə indeçər yəcəl yam yefət yefət fəp daco, mədekəcəmbər nkesiya yetəmsər kə yəcəmçəmər fəp kəsək yəyənə yəpən, yəyənə yefət, nkesiya nyə yəyə lom yəcapsər mə, kə cir nce çəncəmçəmər, nce çəntəmsər mə. Yayəkə yendeyənə kəway kem.

33 Dolompu dem deņmentər əm ti alna, kə məndəkəməmən kəway kem-ε. Mpe o mpe pə mənənk di alna cir daco ta pəntəmsər, ta pəncəmçəmər kə nkesiya daco ta pəncapsər alom mə, məçərə a inkiyər əm pi.»

34 Kə Laban oloku Yakuba: «Awa! İwosə toloku tam.»

35 Awa, dəsək dadəkə də, Laban əncəmbər mbiyofə ya çəgber, yəcəmçəmər, cir çəntəmsər kə çəcəmçəmər cir nce çənayə pəfer mə fəp, nkesiya yəkə yenayə alom nəcapsər mə. Kə Laban ilək yi fəp, k'əmbər awut ən dəwaca.

36 K'awut ən nambələne yəcəl yayəkə, kəkət ka mata maas kə Yakuba daco nwe enckəkəs sə yəcəl ya Laban mə.

37 Kə Yakuba ilək wara wəcaņk wa tək maas yeciyanə, k'ənaci wi pol nte tənşənə pəfer pa kətək powur mə.

* 30:14 Yokom nyə yəyənə acəl ņa dokombəra mə

³⁸ Kɔ Yakuba ɔndɔfɛt wara wawɔkɔ enanaci mɔ nde yɔcɔl yoncmun mɔ, nte tɔɲsɔɲɛ yecnɔɲk wara wawɔkɔ mɔ, tɔsɔɲɛ yorkun yecceɛc yeran kɔ yender dɔkɛmun-ɛ.

³⁹ Kɔ yɔcɔl yencɛɛɛnɛ wara wawɔkɔ kɛsɛk, ti tenasɔɲɛ yɔcɔl yockomɔs mowut ma cɛgbɛr, mɛtɛmsɛr kɔ mɛcɛmɛmɛr.

⁴⁰ Nte Yakuba ɛɲgbɛy mɛɲkesiya mɔ, k'encɛmbɛr yi fɔr ya yɔcɔl ya Labaɲ kirin nyɛ yɛnayo cɛgbɛr kɔ alom ɲɛcapsɛr mɔ, k'ɔsɔtɔ yɔcɔl nyɛ ɛnacɛmbɛr taciɲa ta owosɛ yɔnɔɲkɛlɛnɛ kɔ ya Labaɲ mɔ.

⁴¹ Kɛɛɛ nke o nke yɔcɔl yetifi yorkun yɛcfan kɛɛɛc yeran mɔ, Yakuba ɛncɛk wara wɔn wɛnaci pɛcɛmbɛr wi yɔcɔl fɔr kirin dɔndo yoncmun mɔ, nte tɔɲsɔɲɛ yetam kɛɛɛɛnɛ, yecnɔɲk wara wawɔkɔ mɔ.

⁴² Kɔ Yakuba ɛnɔɲk a, pɔcɔl pɛlɛɲki pɛfan kɛɛɛɛ-ɛ, ɔɔf fɛ pi kɛra kɔn kɛnaci. Kɔ tende telɛpsɛr oɲ Yakuba kɛyɔ yɔcɔl yetifi kɔ Labaɲ ɔyɔ yɛlɛɲki.

Yakuba kɛyɛksɛ pɔkɔ ndena Labaɲ

⁴³ Kɔ Yakuba ende pɔyɔnɛ wɔka daka wɔpɔɲ. K'ɔyɔ yɔcɔl yɛfɛt yɛfɛt yɛlarɛm, acar arkun, acar aran, yɔkɔmɛ kɔ sɔfale.

31

¹ Kɔ Yakuba ene mɛcɛm-cɛmɲɛ ma awut a Labaɲ, ɲacloku: «Yakuba ɛlɛk daka da papa kosu fɔp, di dɔsɔɲɛ kɔ kɛyɔnɛ ka wɔka daka dandɛ fɔp.»

² Kɔ Yakuba ɛɲgbɛkɛrɛ a kɛro ka Labaɲ kɛyi fɛ sɔ nnɔ eyi mɔ, pɛmɔ tɔkɔ pɛnayi cɔkɔ-cɔkɔ mɔ.

³ Kɔ MARIKI oloku Yakuba: «Mɛlukus atɔf ɲa awisi aɲa, dɔɲkom dam. Isol'am.»

⁴ Kɔ Yakuba ewe Rasɛl kɔ Leya aɲɛ ɲanayi dɛlɛ ɲackɛk yɔcɔl yɔn cir kɔ ɲkesiya mɔ.

⁵ K'oloku ɲa: «ɲgbɛkɛrɛ a, kɛro ka papa konu kɛyi fɛ sɔ nnɔ iyi mɔ, pɛmɔ tɔkɔ pɛnayi cɔkɔ-cɔkɔ mɔ. Mba Kanu ka papa kem kɛsol'em.»

⁶ Nɛncɛrɛ nɛna yati a imbɔcɛ papa konu kɔ fɛnɔntɛr fem fɔp.

⁷ Mba papa konu ɛɲkafɛli-kafɛli, k'encepɛ-cepɛ kɛway kem haɲ wɔcɔ. Mba Kanu kɛwosɛ fɛ kɔ kɛy'em pɛlɛc.

⁸ Pɛnaloku a yɛtɛmsɛr yɔyɔnɛ kɛway kam-ɛ, kɔ yɔcɔl fɔp yɛnader yockomɔs awut atɛmsɛr. Pɛnaloku sɔ a ya cɛgbɛr yɔyɔnɛ kɛway kam-ɛ, yɔcɔl fɔp kɔ awut a cɛgbɛr yɔ yɛnader yockomɔs.

⁹ Kanu kɛmbaɲ yɔcɔl yɔn nnɔ papa konu eyi mɔ, kɔ kɛsɔɲ im.

¹⁰ Tɛm nte yɔcɔl yɛncfan kɛɛɛɛnɛ mɔ, k'iyɛkti fɔr darenc, k'iwerɔp a yɔcɔl yorkun nyɛ yencceɛc yeran mɔ, yɛnayo cɛgbɛr, yɛtɛmsɛr, yɛcɛmɛmɛr.

¹¹ Kɔ mɛlɛkɛ ma Kanu molok'im dɛmɛrɛ: «Yakuba!» K'iwosɛ: «ɲn'ɛwɛ!»

¹² Kɔ mɛlɛkɛ molok'im: «Mɛyɛkti fɔr mɛmɔmɛn. Yɔcɔl yorkun fɔp nyɛ yeyi kɛɛɛc yeran mɔ, yɔyɔ cɛgbɛr kɔ yɛntɛmsɛr kɔ yɛcɛmɛmɛr. Bawo ɲnɔɲk mɔyɔ mɔkɔ Labaɲ ɔy'ɛm mɔ fɔp.»

¹³ ɲn'ɔyɔnɛ Kanu ka Betel, nde mɛnacɛmbɛr tasar, kɔ mɛbɔy pi moro teta kɛpus mɔ, nde mɛnadɛrm'im mɔ. Ndɛkɛl oɲ, mɛyɛfɛ atɔf ɲaɲɛ, mɛlukus dɔɲkom dam.»

¹⁴ Rasɛl kɔ Leya ɲaloku kɔ: «Mba sɔyɔ sɔ kɛ nnɔ kɛlɔ ka papa kosu?»

¹⁵ Mba ɔlɛm fɛ su oɲ pɛmɔ acikɛra ba, bawo ɛncamɔs su, k'endi pɛsam posu.

¹⁶ Daka ndɛ Kanu kɛmbaɲɛr papa kosu mɔ fɔp, dɛndeyɔnɛ oɲ dosu k'awut asu. Mɔyɔ tɔkɔ Kanu kɛlɔk ɛm mɔ fɔp.»

¹⁷ Kɔ Yakuba ɛyɛfɛ, k'ɛndɔs awut ɔn yɔkɔmɛ kɛrɔɲ kɔ aran ɔn.

¹⁸ Kɔ Yakuba osolɛ yɔcɔl yɔn kɛkɛk, kɔ daka dɔn fɔp ndɛ ɛnasɔtɔ mɔ, yɔcɔl nyɛ ɛnasɔtɔ Padaɲ-Aram mɔ, k'ɔɲkɔ ndena papa kɔn Siyaka, atɔf ɲa Kanaɲ.

¹⁹ Kɔ Labaɲ ende pɔkɔ kɛgbɛt-gbɛt ɲkesiya yɔn. Kɔ Rasɛl ɛɲkiyɛ mɛrɔɲka ma papa kɔn Labaɲ.

²⁰ Kɔ Yakuba nkɔn ɛntiɲkɛr Labaɲ wɛAram nte ɔncɔkɔ ndɔrɔn, ta ɛlɛmbɛrnɛ kɔ mɔ.

21 Kɔ Yakuba eyekse kɔ daka dɔkɔ enayɔ mɔ fɔp, k'eyefe k'empimne kɔngbɔkɔ, k'entefarne mɔrɔ ma Kaladu.

22 Tataka ta maas, k'aloku Laban a Yakuba eyekse.

23 Kɔ Laban elek awenc anja kɔ nancɛme Yakuba darɛn kɔkɔt ka mata camɛt-mɛrɛn, kɔ nambɛp kɔ nde mɔrɔ ma Kaladu.

24 Kɔ Kanu kɔnder Laban wɔAram dɛmere ma pibi, kɔ Kanu kɔloku kɔ: «Mɛkɛmbɛrne kɔlok-lokɛr Yakuba.»

25 Kɔ Laban embɛp Yakuba pɛcɛmbɛr abal nɔn tɔrɔ kɛrɔn. Kɔ nkɔn sɔ dɛmne encɛmbɛr abal nɔn kɔ awenc anja tɔrɔ ta Kaladu kɛrɔn.

26 Kɔ Laban eyif Yakuba: «Cɛke cɔ mɔyɔ tantɛ-ɛ? Ta ake tɔ mɛntɛnkɛr'em, mɛckekɛrɛ awut em aran pɛmɔ afum anjɛ asumpɛr dɛkɔwan mɔ-ɛ?

27 Ta ake tɔ mɛngbɔpɛnɛ kɔ mɔyɛksɛ-ɛ? Mɛntɛnkɛr f'em ba, mɔyɛksɛr f'em ba? K'inasak ɛm mɛkɔ pɛbotu disrɛ, pacleɛnɔs, pacfula pacfer.

28 Mɛwɔsɛ f'em kɛcup awut-sɔ em arkun kɔ awut em aran! Tantɛ tan mɛmbut amera.

29 Intam kɔyɔ ɛm pɛlɛc, mba Kanu ka papa kam kɔlokus'em nendisna: «Mɛkɛmbɛrne kɔloku ka Yakuba pɛlɛc!»

30 Bawo pɛnwon ɛm kɛkɔ ndena papa kam, ta ake tɔ mɛnkiyɛnɛ canu cem-ɛ?»

31 Kɔ Yakuba oloku Laban: «Indenanesɛr-nesɛr ti kɛcem-cɛmne a, mɛndebanɛr im awut am aran.

32 Mba mɛmɛmɛn nwe o nwe mɛnɛnɛkɛ canu cam afum em dacɔ mɔ, wɛkakɔ ɛnfil Awenc asu anja fɔr kirɛn mɛmɛmɛn mɛlek mɛpɛ o mɛpɛ pɔyɔnɛ pam mɔ mɛkɛkɛrɛ.» Mba Yakuba ɛnacɛrɛ fɛ a Rasel ɛnkiyɛr Laban canu ca kusunja kɛnjan.

33 Kɔ Laban embɛrɛ abal nja Yakuba, k'owur k'embɛrɛ nja Leya, k'owur k'embɛrɛ abal nja acar aran anjɛ mɛrɛn, ɛnɛnk fɛ daka o daka. Kɔ Laban embɛrɛ abal nja Rasel disrɛ.

34 Rasel pɛlek mɛrɛnka pɛboc mi dɛntɔf, k'elɛk dɔcɛm ndɛ anɛnɛnɛ yɔkɛmɛ kɛrɔn mɔ k'endenɛr, k'eyefe k'endɛ di kɛrɔn. Kɔ Laban efen-feni abal disrɛ fɔp ɛnɛnk fɛ mɛrɛnka mme.

35 Kɔ Rasel oloku papa kɔn: «Mariki mem, ta pɛtel'am, nte intɔyɛfen'am mɔ, tentɛnɛnɛ iyɔ tɔkɔ tenyi aran tɛm o tɛm mɔ.» Kɔ Laban ɛnten mɛrɛnka mme han, ɛnɛnk fɛ.

36 Kɔ abɛkɛc nɛmpɛ Yakuba, k'encan Laban kɛcɔp. Kɔ Yakuba elek moloku, k'oloku: «Deke ilɛsɛr-ɛ, deke inciya-ɛ tantɛ mɛncɛm'em darɛn mɔ?

37 Nte mɛfen-feni ca yem fɔp mɔ, ake mɛnɛnk-ɛ ca yam ya dukulɔ-ɛ? Mɛmentɛr im yi fɔr ya awenc im anja kɔ awenc ɛm anja nɛbɛrɛ su dacɔ ina kɔ mɛna.

38 Meren wɛcɔ mɛrɛn mɔ iyi nnɔ ndaram. Mba ankesiya njan njan, wir wan win wɛlɛcɛ fɛ kor, isɛmɛ f'am ankesiya yɔcɔl yam dacɔ.

39 Inkerɛ f'am pɔcɔl pefi, in'enasarɛ teta yi. Mɛncwer im kɛsɔn ka kɔway kɔ nyɛ ankiyɛr im pɛwanɛkɛra kɔ pibi mɔ.

40 Inayi nnɔ nne yɔccɔf im pɛwanɛkɛra, kɛfɛ kɛcsut im pibi, mere mɔbɔlɛn'em.

41 Tɔsɔtɔ meren wɛcɔ mɛrɛn nte iyi nnɔ ndaram mɔ. Icbɛc'am teta awut am aran meren wɛcɔ kɔ mɛnkɛlɛ, kɔ meren mme camɛt-tin, ta yɔcɔl yam yɛfɛt yɛfɛt. Mba mɛnacɛpɛ-ɛpɛ kɔway kem han wɛcɔ.

42 Pɔyɔnɛ fɛ Kanu ka papa kem Abraham, Kanu Kɔwɛy-wɛy ka Siyaka kɛsol'em-ɛ, kɔ tantɛ tɔ mɛsak im ilukus waca wɔsɔkɛr. Kanu kɛnɛnk malap mem, kɔ kɛlɔlɛs nke inalɔlɛs waca mɔ, ti tɔ kɛmbocɛsa su nendisna kiti.»

43 Kɔ Laban oloku Yakuba: «Awut arkun akanjɛ, awut aran akanjɛ kɛbɛp yɔcɔl yayɛ fɔp yemi yɔ. Cɛke c'intam mɛkɔ kɔyɔnɛ awut em aran kɔ awut anjɛ njanɛm mɔ-ɛ?

44 Nɛkɛl mɛdɛr sɛsɛk danapa fɔr ya fum wɛlɔma kirɛn ina kɔ mɛna.»

45 Kɔ Yakuba elek tasar tin, k'encɛmbɛr pi cos teta kɛpus ka pi.

46 Kɔ Yakuba oloku awenc anja: «Nɛwɛtɛs masar!» K'awenc anja nɛwɛtɛs masar kɔ namboc tɛpɛsa. Kɔ nɛndɛ tɛpɛsa papɔkɔ kɛrɔn kɔ nɛndi yeri.

47 Kə Labaŋ ewe tēpəsa papəkə «Yekar Sahaduta,» * kə Yakuba nkən ewe pi «Kaled.»†

48 Kə Labaŋ oloku: «Tēpəsa pampə peyi su məkə dacə.» Ti tə asəŋe pi tewe ta Kaled.

49 Tēpəsa papəkə p'aŋwe sə Mispə, bawo Labaŋ ənaloku: «MARIKI kəgbəkəre su ina kə mənə kə səndəsələreŋe.

50 Kə məntərəs awut em aran-ε, kə məlek sə aran ələma-ε, məcərə a bafə fum eyi su dacə, mba Kanu yati.»

51 Kə Labaŋ oloku: «Tēpəsa pəmpə, kə tasar təkə incəmbər ina kə mənə dacə mə.

52 Tēpəsa pa masar pampə kə tasar pəcəmbər cos pampə peyi su dacə kətəŋne tes, a ifəsəcepər tēpəsa pampə kəkəcaŋərn'am kəyə ka pələc, mənə sə ta məcepər tēpəsa pampə kə tasar pampə kəkəcaŋərn'em kəkəyə pələc.»

53 Kə Labaŋ oloku: «Kanu ka Abraham kə Nahor, kə Kanu ka kas kəŋan kəyi su dacə.» Kə Yakuba endərme Kanu Kəwey-wey ka papa kən Siyaka.

54 Kə Yakuba oloŋne tərə tatəkə kəroŋ, k'ewe awənc aŋa kədədi yeri yayəkə. Kə ŋandi yeri yayəkə kə ŋandire tərə papəkə kəroŋ.

32

1 Kə Labaŋ eyefe bətbət suy, k'oncup awut-sə ən arkun k'aran, k'ontolanə ŋa, k'osumpər dəpə kəlukuš ka nde ndəran.

Yakuba kəlompəsne kən kəbərəne kə Esayu

2 Kə Yakuba sə encəme dəpə dən darəŋ, kə məleke a Kanu ŋancepse kə darəŋ.

3 Yakuba endenəŋk mi, k'oloku: «Afan ŋa Kanu ŋə!» K'əsəŋ tofo tatəkə tewe ta Mahanayim*.

4 Yakuba pəyi tadarəŋ k'osom nda wənc Esayu nwe ənəyi kulum ka Edəm mə, atəf ŋa Sehir.

5 Kə Yakuba osom ŋa nte: «Nte tə nəŋkəloku mariki wənc im Esayu: «A wəcar kam Yakuba-ε, a iŋkə iwon nda Labaŋ haŋ.

6 Iyə cəna, səfale, ŋkesiya, cir, acar arkun kə aran. Ti t'isom'am nno mariki wənc im eyi mə, pəctam kəwose ibere.»»

7 K'asom ŋaluksərne nno Yakuba eyi mə, kə ŋaloku kə: «Səŋkə nda wənc əm Esayu, nkən sə kəlompəsne k'endə kədəbər əm, kə afum 400.»

8 K'abəkəc ŋəntəfəntərə Yakuba, kə kənesə kəsumpər kə. K'eyer afum akə ŋanasol mə cəgba mərəŋ, kəbər ŋkesiya, cir, cəna haŋ yəkəme.

9 Kə Yakuba oloku: «Kə Esayu entam afum a kəgba kin-ε, a kə ŋaŋyekse.»

10 Kə Yakuba oloku: «Kanu ka papa kem Abraham, Kanu ka papa kem Siyaka, MARIKI nwe olək'im: «Məlukuš atəf ŋam nde aŋkom əm mə, indeyən'am pətət!»

11 Ifətər layidi kə pətət mpə mənker'em mə, ina wəcar kam. Bawo nte incəpər Yurden yayə mə, togbo tem gbəcərəm t'inatəmpər, ndəkəl oŋ iyer afum em cəgba mərəŋ.

12 İlətsen'am məbaŋ im, wənc im Esayu dəwaca! Bawo iŋnese ta pədesut im, kə iya ka awut em.

13 Kə mənə Kanu mənalok'im: «Indeyəm pətət, indeyə yuruya yam ŋala pəmə asənc ŋa dəkəba, ŋne antətam kələm mə.»»

14 Difə Yakuba ənəcəpərəne pibi. K'eyek-yek daka dən dəkə ənakere mə dacə kəkəpocə wənc Esayu:

15 Cir masar mərəŋ (200), mbiyofə wəco mərəŋ (20), ŋkesiya yəran masar mərəŋ (200) kə yorkun wəco mərəŋ (20),

16 kə yəkəme yəran wəco maas (30) kə awut ayi akə yəncməsər mə, cəna cəran wəco maŋkələ (40), mura wəco (10), səfale səran wəco mərəŋ (20) kə sərkun wəco (10).

* 31:47 Itə tatəkə cəAram cə «Tēpəsa pa sede» † 31:47 Kaled = CəHebərə «Tēpəsa pa sede» * 32:3 Mahanayim = CəHebərə «fan mərəŋ»

17 Kɔ Yakuba ɔsɔŋ yɔcɔl yayɔkɔ fɛp fa yi kɔ dokom da yi acar ɔn, k'oloku ŋa: «Nɔy'im kirin, nɔsolɛ yɔcɔl yayɛ dokom dokom, nɔbɔlɛnɛ yi kɔ yɔkɔ.»

18 K'osom wɔcɔkɔ-cɔkɔ: «Kɔ nɔŋkɔbɔpɛnɛ kɔ wɛnc im Esayu a pɔyif ɔm: «An'ɔ mɔyɔnɛ? Deke mɔŋkɔ-ɛ? An'ɔyɔ yɔcɔl yayɛ mɔsolɛ mɔ-ɛ?»

19 Mɔlokɔ kɔ: «Ya wɔcar kam Yakuba yɔ, kɔpocɛ kɔ nke ɔsɔŋ im a ikɛnɛ mariki mem Esayu mɔ. Mba nkɔn ɔfɔ wɔkɔ ender im tadarɔŋ mɔ.»

20 K'osom sɔ kɔsom kin kanɔkɔ, asolɛ yɔcɔl ya mɛrɔŋ, ya maas kɔbɔp ka alpɔs akɔ ŋanayi tadarɔŋ ŋasolɛ yɔcɔl mɔ: «Tatɔkɔ tɔ nɔŋkɔlokɔ Esayu kɔ nɔŋkɔbɔpɛnɛ-ɛ.»

21 Nɔlokɔ kɔ: «Wɔcar kam Yakuba ender su wɔkɔ tadarɔŋ.» Bawo Yakuba ɛnalokɔ: «Kɔpocɛ kanɔkɛ kɔy'im kirin mɔ, ik'inɔkɔtor-tɔrɛnɛ kɔ abɔkɔc, a sɔdenɔŋkɛnɛ fɔr disrɛ. Tɔlɔma endekɔsɛlɛn'em belbel.»

22 Kɔ yopocɛ yayɔkɔ yeyi kɔ kirin, k'encepɔrɛnɛ pibi papɔkɔ dɔndo dɔkulum.

Yakuba kɔsimɔs kɔn kɔ Kanu

23 Kɔ Yakuba ɛyɛfɛ pibi papɔkɔ, k'ɛlɛk aran ɔn mɛrɔŋ, amarɔs aran ɔn mɛrɔŋ k'awut ɔn wɔcɔ kɔ pin, k'ɛncalɛnɛ ŋa dɔŋgbɔl da Yabɔk.

24 Ntɛ Yakuba ɛlɛk aran ɔn, k'ɛncalɛnɛ ŋa dɔŋgbɔl kɔ daka dɔkɔ ɛnayɔ mɔ fɛp.

25 Kɔ Yakuba ɛyi di sona. Pɔndɛbiyɛ, kɔ fum wɔlɔma ɛyɛfɛ kɔsimɔs kɔ Yakuba han dɔsɔka.

26 Ntɛ wɔsimɔsɛnɛ kɔn ɛnɔŋk, ɛyi fɛ kɔtam kɔ mɔ, k'osut kɔ nnɔ dɔtɔkɔc. Kɔ tɔkɔc ta Yakuba towur pɔcsimɔs kɔ fum wɔkɔkɔ.

27 Kɔ fum wɔkɔkɔ oloku: «Mɔsak im ikɔ, bawo pɔyi kɔyɔ panpan.» Kɔ Yakuba oloku kɔ: «Ifɔsak ɔm mɔkɔ ta mɔntolan'em-ɛ.»

28 Kɔ fum wɔkɔkɔ ɛyif Yakuba: «Cɔkɛ c'anɔw'am-ɛ?» Kɔ Yakuba oloku: «Yakuba y'anɔw'em.»

29 Kɔ fum wɔkɔkɔ oloku kɔ sɔ: «Yakuba yɔfɔsɔyɔnɛ tɛwɛ tam, Yisrayel† ŋ'ande pacw'am, bawo mɔsimɔs kɔ Kanu kɔ afum, kɔ mɔntam ŋa.»

30 Kɔ Yakuba ɛyif fum wɔkɔkɔ: «Ilɛtsɛn'am mɔboncɔr im tɛwɛ tam.» Kɔ fum nwɛ ɛyif kɔ: «Ta ake tɔ mɔfanɛ kɔcɔrɛnɛ tɛwɛ tem-ɛ?» Kɔ fum nwɛ ontolanɛ Yakuba dɔndo.

31 Kɔ Yakuba ɔsɔŋ tofo tatɔkɔ tɛwɛ ta Peniyel‡, bawo nkɔn olɔkɔnɛ: «Inɔŋk Kanu sɔgbɔtnɛnɛ, k'intɔfi.»

32 Dec dɛncpɛ a pɔccɛpɔr Peniyel. Yakuba pɔctorɔr tɔkɔc tɔn.

33 Ti tɔsɔŋɛ ntɛ awut a Yisrayel ŋantɔsɔm abɔnta ŋa dɔtɔkɔc mɔ, bawo abɔnta ŋa dɔtɔkɔc ŋɔ Kanu kɔnasut Yakuba, ndɛ kɔbɛnt ka dɔkɔcɔk kɔ kɔbɛnt ka dɔkumunt yɛmbɔpɛnɛ mɔ.

33

Yakuba kɔbɔpɛnɛ kɔŋan kɔ Esayu

1 Kɔ Yakuba ɛyɛkti kɔro k'ɛnɔŋk Esayu pɔcder pɔsɔlɛ afum tasar tin (100). Kɔ Yakuba ɛyɛr awut Leya, Rasɛl, kɔ acar anɛ mɛrɔŋ dɔcɔ.

2 Kɔ Yakuba ɛncɔmbɔr aran ɔn acar kirin, k'awut anɔŋan ŋancɔnc ŋa, kɔ Leya ɛncɛk k'awut ɔn ŋayi kɔ darɔŋ, kɔ Rasɛl ɛncɔmɛ kɔ wan kɔn Isifu ɛyi kɔ darɔŋ.

3 Kɔ nkɔn yati ɛncepɔr ŋa fɔr kirin, k'ontontnɛnɛ Esayu dɔntɔf camɔt-mɛrɔŋ, han k'ɔlɔtɔrnɛ kɔ.

4 Kɔ Esayu ɛyɛkɛ kɔkɔbɔpɛnɛ kɔ Yakuba wɛnc, k'ɛsapnɛ kɔ, k'ɛnɛpsɔrnɛ kɔ dɔkilim, k'ɔncup kɔ, kɔ ŋayɛfɛ fɛp fanɔn kɔbɔk.

5 Kɔ Esayu ɛyɛkti kɔro, k'ɛnɔŋk aran kɔ awut, k'ɛyif: «Are ŋɔ akanɛ?» Kɔ Yakuba oloku kɔ: «Awut akanɛ ŋɔ Kanu kɔnamar im kɔsɔtɔ nɔnɔfɔr dɔn disrɛ, ina wɔcar kam.»

6 Kɔ aran ɔn acar ŋalɔtɔrnɛ Esayu, kɔ awut anɔŋan, kɔ ŋantontnɛnɛ kɔ.

7 Kɔ Leya ɔlɔtɔrnɛ kɔ sɔ kɔ awut ɔn, kɔ ŋa sɔ ŋantontnɛnɛ kɔ, kɔ Isifu kɔ Rasɛl ŋalɔtɔrnɛ kɔ, kɔ ŋantontnɛnɛ kɔ.

† 32:29 Yisrayel = CɔHebɔrɛ «kɔsimɔs kɔ Kanu» ‡ 32:31 Peniyel = CɔHebɔrɛ «kɔro ka Kanu»

⁸ Kɔ Esayu eyif kɔ: «Ake mɔndeyɔne yɔcɔl yayɛ sɔncepɔr-cepɔr mɔ?» Kɔ Yakuba oloku kɔ: «Kɛtɔɲne ka mɔna mariki mem k'inafan. Ti t'inacɛm-cɛmnɛ kɛsɔɲ ɔm yi.»

⁹ Kɔ Esayu oloku Yakuba: «Yɛlar im ina wɛnc im, mɔmɛɲkɔrne yayɛ yɔyɔne yam.»

¹⁰ Kɔ Yakuba oloku Esayu: «Ala. Iletsɛn'am, kɔ pɔyɔne a isɔtɔr ɔm kɛtɔɲne, mɔwɔsɛ mɔban kɔpɔcɛ kem. Ti t'imɔmɔne kɔro kam pɔmɔ tɔkɔ aɲmɔmɔn kɔro ka Kanu mɔ, kɔ mɔselɛn'em belbel.

¹¹ Mɔban kɔpɔcɛ kem nke isɔɲ ɔm mɔ, bawo Kanu kɔmar im k'isɔtɔ daka dɔkɔ ifan mɔ fɔp.» Kɔ Yakuba ɛncɛmɛnɛ ti Esayu darɔɲ han kɔ wɛkakɔ owosɛ kɔban ka kɔpɔcɛ kanjɔ.

¹² Kɔ Esayu oloku: «Paɲkɔn, pasolnɛ dɔpɔ, in'endey'ɔm kirin.»

¹³ Kɔ Yakuba oloku: «Mariki mem, mɔncɔrɛ a awut ɲancuca kɔkɔtɛnɛ, k'isolɛ sɔ mir mowut kɔ mana mɛmɛsɛ. K'ayɔ yi yɔkɔt pɔpɔɲ dɔsɔk din-ɛ yɔcɔl yowut fɔp yɛɲfi.

¹⁴ Mariki mem mɔy'im kirin, indey'ɔm tadarɔɲ, pɔpic-pɔpic isurɛnɛ yɔcɔl k'awut pɔkɔt, han ibɛrɛ ndena wɛnc im nde atɔf ɲa Sehir.»

¹⁵ Kɔ Esayu oloku: «Isakɔr'am afum em alɔma akɔ isolɛ mɔ.» Kɔ Yakuba eyif Esayu: «Ak'indeyɔne ɲa-ɛ? Tɛfan ta ina, isɔtɔ kɔɲaɲne nɔnɔ mɔna mariki mem meyi mɔ.»

¹⁶ Dɔsɔk dadɔkɔ dɔ Esayu ɛlɛk dɔpɔ kɔlukus ka Sehir.

Yakuba kɔndɛ kɔn Sɔkɛm kɔsɔk

¹⁷ Kɔ Yakuba ɔɲkɔ dare da Sukɔt. K'ɔlɔ kɔlɔ kɔn k'ɔlɔnɛ yɔcɔl yɔn ɲɔɲɔnɔnɔ. Ti t'asɔɲɛ tofo tatɔkɔ tewe ta «Sukɔt*».

¹⁸ Kɔ Yakuba ɛmberɛ kɔtamnɛ disrɛ dare da Sɔkɛm, atɔf ɲa Kanan. K'ɔɲkɔ pɔcɛmbɔrɔs dare kɔsɔk kɔberɛ kɔn kɔyɛfɛ ka Padaɲ-Aram.

¹⁹ K'ɛway awut a Hamɔr arkun dɔwaca, papa ka Sɔkɛm, tofokɔl ta antɔf nde ɛnacɛmbɔr abal mɔ. ɛnaway di mɛncɛmbɔl† tasar tin (100).

²⁰ Kɔ Yakuba ɛncɛmbɔr di tetek tolonɛ Kanu, k'ewe tofo tatɔkɔ «El-Elohe-Yisrayel‡».

34

Simeyɔɲ kɔ Lewy kɔlukɛ ayɛk ɲa wɔkirɛ kɔɲan Dina nwe analapɔs mɔ

¹ Dina, wan wɔran nwe Leya ɛnakomɛ Yakuba mɔ, ɛyɛfɛ kɔkɔnɔɲk awut aran a dɔtɔf.

² Sɔkɛm, wan ka Hamɔr wɔHewy wɔbɛ wɔka dɔtɔf, ɛnɔɲk kɔ, k'ɛmban kɔ, k'ombocɔrne kɔ, k'ɛlapɔs kɔ.

³ Kɔ Sɔkɛm esektɔrne teta Dina wan wɔran ka Yakuba, han dɔmoloku mɔn k'ɛsɛp kɔsɔtɔ ka kɔbɔtɔr ka Dina.

⁴ Kɔ Sɔkɛm oloku papa kɔn Hamɔr: «Mɔsɔɲ im wɔyɛcɔra wɔkawɛ pɔyɔne wɔran kem wɔnɛncɛ.»

⁵ Kɔ Yakuba ende pɔcɔrɛ a Sɔkɛm ɛncɔrɛ wan kɔn Dina dɛran. Mba nte awut a Yakuba arkun ɲanayi dale kɔ yɔcɔl yɔn mɔ, kɔ Yakuba ɛncanɲɛ ti han kɔ ɲander kɔyɛfɛ dale.

⁶ Kɔ Hamɔr papa ka Sɔkɛm ɔɲkɔ pɔlok-lokɔr Yakuba.

⁷ Kɔ awut a Yakuba ɲander kɔyɛfɛ dale. Nte ɲane moloku mamɔkɔ mɔ, kɔ mosumpɔr ɲa. Kɔ pɔntɛlɛ ɲa, bawo Sɔkɛm ɛnɔyɔ tɔyɔ nte pɔnatɔmar paɲaɲnɛnɛ kɔ Yisrayel mɔ: Kɔkiyɛ kɔcɔrɛ Dina wan ka Yakuba dɛran, ta ɲayɔne akin ayi-ɛ.

⁸ Kɔ Hamɔr oloku ɲa nte: «Wan kem Sɔkɛm ɛfan kɔfan dɔm wɔkirɛ konu Dina kɔnɛncɛ, nɔsɔɲ kɔ kɔ pɔnɛncɛ, iletɛnɛ nu.

⁹ Antam kɔkɔtɔrɛnɛ pacnɛncɛnɛnɛ. Nɔde nɔcɔɲ su awut anu aran, nɔclɛk awut asu aran.

¹⁰ Nɔndɛndɛ kɔ sɔna, atɔf ɲɛndeyi nu dɔwaca pɔmɔ sɔna, nɔyi dɛ, nɔccamɔs, nɔtɛn sɔ dɛ ntɔf.»

¹¹ Kɔ Sɔkɛm oloku papa kɔ awɛnc a Dina: «K'isɔtɔr nu kɔwosɛ-ɛ, ɲɔsɔɲ nu mɲɛ o mɲɛ nɔɲwɛr im mɔ.

* 33:17 Sukɔt = CɔHebɔrɛ «ɲɔɲɔnɔnɔ» † 33:19 CɔHebɔrɛ «kesita» = kɔway ka tɛɲkɛsiya kɔnɔyi tɛm tatɔkɔ ‡ 33:20 El-Elohe-Yisrayel = CɔHebɔrɛ «El, Kanu ka Yisrayel»

12 Nəwer im kəfac kəpəŋ kə yopocə yelərəm. Inşəŋ nu yi. Mba nəşəŋ wəyecəra wəkawə Səkəm pənence.»

13 Kə awut a Yakuba arkun ŋantıŋkər Səkəm kə kas bawo Səkəm enakiye kəcərə ka wəkire kəŋan dərən.

14 Kə awut a Yakuba ŋaloku Səkəm kə kas: «Pəncuca su kəsəŋ wəkire kosu, fum nwe antəkənc mə, bawo tendeyəne kəlapəs kosu.

15 Kə səndewosə təfan tonu-ε, mənə nənə sə nəwosə kəyi pəmə səna, ti tə tatəkə arkun aŋə ŋayi nu dacə mə fəp pakənc ŋa.

16 Təm tatəkə səŋwosə kəclək awut anu aran sənence, nənə sə dəmnə nəclək akosu nəcnence. Səndə nnə kə nənə payəne sə afum akin ayi.

17 Mba kə nəntətəm kəne təkə səloku a pakənc nu mə, səŋlək wan kosu Dina, səkə.»

18 Hamər kə wan kən Səkəm ŋawosə moloku maməkə, kəwosə a pakənc ŋa.

19 Kə wan wərkun nwe oncop təyə tatəkə, bawo enabətər Dina haŋ pəcəpərər. Nkən Səkəm sə, anabətər kə nde ndaraŋan patas aka di fəp.

20 Hamər kə Səkəm ŋaŋkə nde dəkəberə da dare daŋan, kə ŋaloku afum a dare:

21 «Afum akaŋə ŋasəkə su bəkəc. ŋawosə kəndə atəf ŋaŋə ŋaccaməs, atəf ŋaŋə ŋəwəkəl ŋa. Andə pacləkərəne aran kə ŋa.

22 Mba afum akaŋə kəwosə kəŋan kəndə kə səna, payəne akin ayi, mənə pawosə arkun aŋə ŋayi su dacə mə fəp, pakənc ŋa pəmə ŋa.

23 Yəcəl yaŋan kə ca yaŋan fəp yəfədeyənə yosu ba? Pawosə təfan taŋan gbəcərəm, ŋayi su de.»

24 Akə ŋanakə dəkəberə da dare daŋan mə fəp, kə ŋancəŋkəl Hamər kə wan kən Səkəm. Arkun akə ŋanader dəkəberə da dare daŋan dəkəcəŋkəl mə fəp, k'aŋkənc ŋa.

25 Tataka ta maas ta kəkənc kəŋan, akənc ŋayi kəcunənə, kə awut a Yakuba mərəŋ, Simeyəŋ kə Lewy awənc arkun a Dina, ŋaləkəs sakma səŋan kə ŋander ŋacop dəkəberə da dare daŋan, nde afum a di ŋanacəm-cəmne kəyi pəforu disre mə. Simeyəŋ kə Lewy ŋawəkərne arkun a dətəf kədifət haŋ kə ŋalip ŋa fəp.

26 Kə ŋandifənə sə Hamər kə Səkəm sakma səŋan, kə ŋalək wəkire kəŋan Dina ndena Səkəm kə ŋaŋkə.

27 K'awut a Yakuba ŋawəkərne sə afi, kə ŋaŋkiyəər aka dare bawo mətələ mənayi ŋa kəlapəs ka wəkire kəŋan Dina.

28 Kə ŋalək ŋkesiya, cir, cəna, səfale, yəcəl yəkə yənayi dare disre kə dəkulum mə fəp.

29 Kə awut a Yakuba ŋawətəs ca ya afi, awut aŋan, aran aŋan, kə ca yəkə ŋanabər nda Səkəm kə Hamər mə fəp kə ŋaŋkəkərə.

30 Kə Yakuba oloku Simeyəŋ kə Lewy: «Nəyə em pələc tetonu tendesəŋə aka Kanaŋ kə aka Perisi ŋadeter im! Nəncərə a səmpicə, kəberənə kə ŋander kədesutənə kə ina, təm tatəkə ŋandesut im ŋaləsər afum em.»

31 Kə awut a Yakuba ŋaloku kas kəŋan: «Səndewosə Səkəm pəyə wəkire kosu pəmə wəran wəyi yamayama ba?»

35

Yakuba kəyefə Səkəm pəkə Betel

1 Kə Kanu kəloku Yakuba: «Məyefə məpə məkə məndə Betel, məlompəs di tetek toloŋne Kanu nke kənawurər əm, nte mənayəksər wənc əm Esayu mə.»

2 Kə Yakuba oloku afum ən, kə akə ŋanayi kə nkən mə: «Nəwure nu dacə canu cəcikəra. Nəsəkəsne, nəşəkpər yəberne.

3 Kəyefə k'ander, pəpərne Betel. Dəndo inəkəcəmbər tetek toloŋne Kanu nke kənalokləkər im dəsək ndə inayi pəcuca disre, a kə kəsəl'em təm nte inayi dəpə ickə decikəra mə.»

4 Kə ŋasəŋ Yakuba canu cəcikəra nce cənayi ŋa dəwaca mə fəp, kəbər ya dələŋəs yaŋan. Kə Yakuba emət yi nde kətək kəpəŋ kəŋkə kəyi Səkəm kəsək mə.

⁵ Kə ɲaŋkə. Kə ayek-yek ɲa Kanu ɲeɲgbəpərne aka sədare səkəsək fəp, kə ɲantətam kəcəme awut a Yakuba darəŋ.

⁶ Kə Yakuba ɲambere kə akə ɲanacəme kə darəŋ mə fəp, kəkə ka Lus, ti tə tatəkə dare da Betel, atəf ɲa Kanaŋ.

⁷ K'encəmbər di tetek toloŋne Kanu, k'ewe tofo tatəkə «El-Betel», bawo difə Kanu kənaɹurər kə tēm nte enayeksər wənc mə.

⁸ Kə Debora, wəran nwe enadusum Rebeka mə, efi. K'awup kə Betel tantəf, nde aŋkiri dantəf ɲe awe tewe ta «Kətək ka Məncər» mə.

⁹ Kə Kanu kəwurər sə Yakuba, nte embere Padaŋ-Aram mə, kə kəmpocə kə pətət.

¹⁰ Kə Kanu kəloku kə: «Mən'aŋwe Yakuba, mba afəsəw'am tewe ta Yakuba tatəkə. ‹Yisrayel› ɲ'ande pacw'am oŋ.» Kə Kanu kəsəŋ kə oŋ tewe ta Yisrayel.

¹¹ Kə Kanu kəloku kə: «In'əyənə Kanu nke kəntam mes fəp mə. Məyənə wəkombəra, məla. Afum a təf yelərəm ɲə məndekom, abe ɲandewur əm dərīs.

¹² Atəf ɲe isəŋ Abraham kə Siyaka mə, indesəŋ əm ɲi kə yuruya yam kə məndecəpər-ε. Indesəŋ ɲa atəf ɲaŋε.»

¹³ Kə Kanu kəmbəle kə day, nde kənalok-lokər kə mə.

¹⁴ Kə Yakuba encəmbər tasar da kəfo kaŋkə Kanu kənalok-lokər kə mə. K'olonər pi member kə moro məbəy teta kəpuse ka pi Kanu.

¹⁵ Kə Yakuba əsəŋ tofo tatəkə tewe ta Betel*, nde Kanu kənalok-lokər kə mə.

Kəkom ka Benyamin, defi da Rasel

¹⁶ Yakuba eyefe Betel kə afum ən. ɲanawak kəbəle sə kəbere ka Efrata, kə Rasel oŋkom, kəkəkom kəcuy.

¹⁷ Eyi pəcuy pa kəkəkom kaŋkə, kə wəbaŋ kən wan oloku: «Ta mənese, bawo məsətə sə wan wərkun!»

¹⁸ Nte Rasel encfi mə, k'ewe wan wəkəkə Ben-Oni†. Mba kə kas ewe kə Benyamin‡.

¹⁹ Kə Rasel efi. K'awup kə nde dəpə da Efrata, nde Betlehəm.

²⁰ Kə Yakuba encəmbər tasar nde kufu ka Rasel, tasar popus papəkə enacəmbər kufu ka Rasel mə, pəsəryəyi di haŋ məkə.

²¹ Kə Yakuba əŋkə, pəcəmbər abal nde Mikədal-Edər takəroŋ.

²² Nte Yakuba eyi atəf ɲaŋəkə mə, kə Ruben əŋkə pəfəntərər Bilha wələkə ka papa kən, kə Yakuba encəre ti.

Yakuba enasətə awut arkun wəco kə mərəŋ:

²³ Awut a Leya: Ruben coco ca Yakuba, Simeyəŋ, Lewy, Yuda, Isakar, kə Sabulon.

²⁴ Awut a Rasel: Isifu kə Benyamin.

²⁵ Awut a Bilha, wəmarəs ka Rasel: Dan kə Naftali.

²⁶ Awut a Silpa, wəmarəs ka Leya: Kadu kə Aser. Awut a Yakuba ɲanayi akəkə, aŋε enakom Padaŋ-Aram mə.

²⁷ Kə Yakuba ender kas Siyaka kəsək, nde Mamre, nde Kiriya Arba, nde pəyənə Hebərəŋ mə, a kə Abraham kə Siyaka ɲanayi decikəra mə.

²⁸ Kəwon ka Siyaka doru kənasətə meren tasar tin kə wəco camət maas (180).

²⁹ K'əŋbiŋ kifir. K'efi, k'əŋkəl atem ən akə ɲanafi mə, Siyaka enasikər, doru dətəŋne kə. K'awut ən Esayu kə Yakuba ɲawup kə.

36

Esayu kəndε kən nde atəf ɲa Edəm

¹ Dokombəra da Esayu də dandε, nwe aŋwe sə Edəm mə.

* **35:15** *Betel* = CəHebərə «Kələ ka Kanu» † **35:18** *Ben-Oni* = CəHebərə «wan wəka pucuy» ‡ **35:18** *Benyamin* = CəHebərə «Wan wəka kəca kətət»

² Kɔ Esayu ɛlek aran ɔn, aran a Kananɔ dacɔ: Ada, wan wəran ka Elon wəHewy, Oholibama wan wəran ka Ana, wan wəran ka Cibehɔnɔ wəHewy,

³ Basmat wan wəran ka Səmayila, wəkirɛ ka Nebayɔt.

⁴ Kɔ Ada ɔŋkomɛ Esayu Elifas, kɔ Basmat ɔŋkom Rehuwɛl.

⁵ Kɔ Oholibama ɔŋkom Yehus, Yahelam, kɔ Korah. Awut a Esayu nɔ akakɔ aŋɛ anakomɛ kɔ Kananɔ mɔ.

⁶ Kɔ Esayu ɛlek aran ɔn, awut ɔn arkun kɔ aran, afum ɔn aka kɛlɔ kɔn, yɔcɔl yɔn kɔ ca yɔkɔ ɛnasɔtɔ atɔf nɔ Kananɔ mɔ fɔp, k'ɔŋkɔ atɔf nɔlɔma. K'ɔmbɔlɛ wɛnc Yakuba,

⁷ bawo yɔcɔl yɛnalar nɔ, ta nɔntam kɛyi tofo tin-ɛ. Atɔf nɔɛ nɔnayi mɔ nɛnafɛtɔr nɔ teta yɔcɔl yaŋan yɛlarɛm.

⁸ Kɔ Esayu ɛndɛ nde mɔrɔ ma Sehir. Esayu, nkɔn ancwe sɔ Edɔm.

Yuruya ya Esayu

⁹ Dokombɔra da Esayu, dɔ dandɛ wɛtem ka yuruya nyɛ aŋwe Edɔm mɔ, nde mɔrɔ ma Sehir kɔrɔnɔ.

¹⁰ Mewe ma awut a Esayu mɔ mamɛ: Elifas wan ka Ada wəran ka Esayu, Rehuwɛl wan ka Basmat wəran ka Esayu.

¹¹ Awut a Elifas nɔnayɔnɛ: Teman, Omar, Sefo, Kahetam, kɔ Kenas.

¹² Timna wɛlakɔ ka Elifas ɛnayi wan ka Esayu. K'ɔŋkomɛ Elifas Amalɛk. Awut a Ada nɔ akakɔ wəran ka Esayu.

¹³ Mewe ma awut a Rehuwɛl mɔ mamɛ: Nahat, Serah, Sama, kɔ Misa. Awut a Basmat nɔ akakɔ wəran ka Esayu.

¹⁴ Mewe ma awut a Oholibama wan wəran ka Ana, wansɔ ka Cibehɔnɔ, wəran ka Esayu: K'ɔŋkomɛ Esayu Yehus, Yahelam, kɔ Korah.

¹⁵ Mewe ma abɛ a yuruya ya Esayu mɛmɛ: Awut abɛ a Elifas, coco ca Esayu: Wɛbɛ Teman, wɛbɛ Omar, wɛbɛ Sefo, wɛbɛ Kenas,

¹⁶ wɛbɛ Korah, wɛbɛ Kahetam, kɔ wɛbɛ Amalɛk. Abɛ a Elifas nɔ akakɔ, atɔf nɔ Edɔm. Awut a Ada nɔ akakɔ.

¹⁷ Awut a Rehuwɛl, wan ka Esayu nɔ akanɛ: Wɛbɛ Nahat, wɛbɛ Serah, wɛbɛ Sama, kɔ wɛbɛ Misa. Abɛ a Rehuwɛl nɔ akakɔ atɔf nɔ Edɔm. Awut a Basmat nɔ akakɔ, wəran ka Esayu.

¹⁸ Awut a Oholibama nɔ akanɛ, wəran ka Esayu: Wɛbɛ Yehus, wɛbɛ Yahelam, kɔ wɛbɛ Korah. Abɛ a Oholibama nɔ akanɛ wan wəran ka Ana, wəran ka Esayu.

¹⁹ Awut a Esayu nɔ akakɔ, kɔ abɛ aŋan. Esayu nwe ancwe sɔ «Edɔm» mɔ.

²⁰ Awut a Sehir wəHori nɔ akanɛ: Lotan, Sobal, Cibehɔnɔ, Ana,

²¹ Disɔn, Eser, kɔ Disan. Abɛ aHori nɔ akakɔ, awut a Sehir nde atɔf nɔ Edɔm.

²² Awut a Lotan nɔnayɔnɛ Hori kɔ Hemam. Wəkirɛ ka Lotan ɛnayɔnɛ Timna.

²³ Awut a Sobal nɔnayɔnɛ Alwan, Manahat, Ebal, Sefo, kɔ Onam.

²⁴ Awut a Cibehɔnɔ nɔnayɔnɛ Aya kɔ Ana. Ana wɛkakɔ ɛnafir kɛlɔmp nde dɛtɛgbɔrɛ, pɛkɔ dɛŋkɛk sɔfale sa papa kɔn Cibehɔnɔ.

²⁵ Awut a Ana nɔnayɔnɛ Disɔn kɔ Oholibama, wan ka Ana wəran.

²⁶ Awut a Disan nɔnayɔnɛ: Hemdan, Esban, Yitɔran, kɔ Keran.

²⁷ Awut a Eser nɔnayɔnɛ: Bilan, Sawan, kɔ Akan.

²⁸ Awut a Disan nɔnayɔnɛ Huc kɔ Aran.

²⁹ Abɛ a Hori nɔ akanɛ: Wɛbɛ Lotan, wɛbɛ Sobal, wɛbɛ Cibehɔnɔ, wɛbɛ Ana,

³⁰ wɛbɛ Disɔn, wɛbɛ Eser, wɛbɛ Disan. Abɛ a Hori nɔ akakɔ, abɛ aŋan atɔf nɔ Sehir.

³¹ Tem tatɔkɔ abɛ nɔnatɔmpɔr fɛ kɛrɛsna dɛbɛ nde atɔf nɔ Yisrayel. Mewe ma abɛ aŋɛ nɔnacepɔr atɔf nɔ Edɔm mɔ, mɔ mamɛ:

³² Bela, wan ka Behor, ɛnayɔnɛ wɛbɛ Edɔm, tewɛ ta dare dɔn tɛnayɔnɛ Dinaba.

³³ Kɔ Bela efi. Kɔ Yobab wan ka Serah wɛka Bɔcɔra ɛlek dɛbɛ dɔn.

³⁴ Kɔ Yobab efi. Kɔ Hucam wɛka atɔf nɔ Temani ɛlek dɛbɛ dɔn.

³⁵ Kə Hucam efi. Kə Hadad wan ka Bedadu elək dəbe dən. Nkən enacəmbər Madiyan nde kulum ka Mohab. Tewe ta dare dən tenayəne Awit.

³⁶ Kə Hadad efi. Kə Samla wəka Masreka elək dəbe dən.

³⁷ Kə Samla efi. Kə Sawul wəka dare da Rehobot Dəkəngbəkə elək dəbe dən.

³⁸ Kə Sawul efi. Kə Bal Hanan, wan ka Akbər, elək dəbe dən.

³⁹ Kə Bal Hanan wan ka Akbər efi. Kə Hadar elək dəbe dən. Tewe ta dare dən tenayəne Pawu, kə tewe ta wəran kən tenayəne Mehetabel, wan ka Materodu wəran, wan ka Mesahabu wəran.

⁴⁰ Mewe ma abe a Esayu mə maməkə, dəcor dəcor, dətəf təf. Pəmə tatəkə mewe manjan moloku ti mə: Wəbe Timna, wəbe Alwa, wəbe Yetet,

⁴¹ wəbe Oholibama, wəbe Ela, wəbe Pinəŋ,

⁴² wəbe Kenas, wəbe Teman, wəbe Mibəcar,

⁴³ wəbe Makdiyəl, wəbe Iram. Akanje ŋanayəne abe a Edəm, kə dəkənde danjan atəf ŋəkə ŋanayəne abe mə. Esayu enayəne wətem ka aka Edəm.

37 Tecepərənə ta Isifu

37-50

Taruku ta Yakuba k'afum ən

Mewerəp ma Isifu

¹ Kə Yakuba ende atəf ŋa Kanaŋ nde kas enandə mə.

² Dokombəra da Yakuba dəndə: Kəsətə ka Isifu meren wəco kə camət-merəŋ, kə Isifu eyefe pəccəpse awənc aŋa darəŋ ŋackək ŋkesiya kə cir. Pəyənə wan wəfet, pəccəmə awut arkun a Bilha kə Silpa darəŋ, aran a kas. Mba Isifu encder pəcsəŋe papa kəŋan kəcərə mecemcemne mələc məkə mencepər di mə fəp.

³ Yakuba* enabətər Isifu pətəs awut ən alpəs aŋe fəp, bawo detem disre d'enasətə kə. Kə Yakuba əsət burumus bənəŋkəsəl lom k'əsəŋ bi Isifu.

⁴ Kə awənc a Isifu ŋande ŋanəŋk, a kas kəŋan əmbətər Isifu pətəs ŋa fəp. Kə ŋaməŋkə Isifu metele maməkə. Kə ŋayi ta ŋaŋlok-lokər Isifu belbel-ε.

⁵ Kə Isifu ewerəp, k'əŋkə pəloku mere maməkə awənc aŋa, kə akakə ŋananəkanə sə kəter kə.

⁶ Kə Isifu oloku ŋa: «Awənc im aŋa, nəcəŋkəl mere mme iwerəpna mə!

⁷ Dəkulum ayina pacsek mēmpələ. Pəwon fe kə kilim kem ka mēmpələ kəyefe kə kəncəmə sot! Kə cilim ca mēmpələ ma nənə cənder cənəŋkər kem, kə cəntontnənə ki.»

⁸ Kə awənc aŋa ŋaloku kə: «Mba mənə mənəcem-cemne kəyənə ka wəbe ka sənə ba? Məyi su kəroŋ?» Kə ŋamberənə sə kəter kə teta moloku mən maməkə.

⁹ Kə Isifu endesə pəwerəp, k'oloku sə ti awənc aŋa. K'oloku: «Iwerəpna sə: Dec, ŋof kə cəs wəco kə pin yontontnən'em.»

¹⁰ Kə Isifu oloku mere maməkə papa kən kə awənc aŋa. Kə papa kən oŋkul-kulər kə, k'eyif kə: «Cəke cə mere mame məwerəp mə moloku-ε? Mənəcem-cemne a səndeder, iya kam, awənc əm aŋa, kə ina sədetontnən'am dəntəf?»

¹¹ Kə awənc a Isifu ŋayənə kə kəraca. Mba kə kas kəŋan eməŋkərne kəwerəp kəŋkə.

Awənc a Isifu ŋancaməs kə

¹² Kə awənc a Isifu ŋande ŋawur, kəkəkək ŋkesiya kə cir ya kas kəŋan nde Səkem.

¹³ Kə Yakuba oloku Isifu: «Awənc əm aŋa ŋayi Səkem ŋawurənə yəcəl kəkəsəmət. Məder, ifaŋ kəsom əm nde ŋayi mə.» Kə Isifu owosε: «In'εwε!»

* 37:3 CəHebərə «Yisrayel» = tewe tantə tə Kanu ki sərka kənasəŋ Yakuba. Məməmən

¹⁴ Kə Yakuba oloku kə: «Məkə məməməən em kə pəyəne a daka o daka dəyə fe awənc əm anja kə yəcəl yefət yefət-ε. Məder mələk'im ti.» K'osom kə kəyəfe ka aranta ɲa Hebərən, kə Isifu ənkə Səkem.

¹⁵ Kə wərkun wələma ənkə pəbəp kə pəkafəle-kafəle dəkulum. Kə wərkun nwe eyif kə: «Ake məntən-ε?»

¹⁶ Kə Isifu oloku kə: «Awənc im anja ɲ'intən, ilətsen'am məmentər im nde ɲayi kəkək yəcəl mə.»

¹⁷ Kə wərkun nwe oloku kə: «ɲayəfe də, inenəna ɲa ɲacloku: «Paɲkən kəca ka Dotan.»» Kə Isifu encəmə ni yanjan darən kə yəcəl han k'ənkə pəbəp ɲa Dotan.

¹⁸ K'awənc anja ɲanənk kə pəbəle, ta entabəp ɲa-ε, kə ɲaseke kə kədif.

¹⁹ Kə ɲalokən: «Wəbε ka kəwərəp ender wəkə.

²⁰ Nəder on padif kə, pagbal kə nde dəkələmp. Pakə paloku a wəsem wəsəm kə. Paməməən on daka nde kəwərəp kən kəndeyənə mə.»

²¹ Kə Ruben ene ti, k'emban kə akakə dəwaca. K'oloku: «Ta pasənε kə kəfi.»

²² Kə Ruben oloku sə: «Ta nəwure mecir! Nəgbal kə kələmp kanke kəyi nnə dətegbərə mə. Ta nədeɲər kə kəca!» Ənaloku ɲa moloku məmə, nte təɲsənε pətam kəyac Isifu defi, pəkənε kə kas mə.

²³ Nte Isifu embəp awənc anja mə, kə akakə ɲawure kə burumus bənənkəsəl lom bəkə enabərne mə.

²⁴ Kə ɲasumpər kə, kə ɲantore kə dəkələmp. Kələmp kanke kənawosər, ali domun kənayə fe.

²⁵ Kə ɲandε ɲacdi yeri, ɲandeyekti fər, kə ɲanənk afum a Səmayila ɲayəfe atəf ɲa Kaladu. Yəkəmə yanjan yəsare suray, cəl kə labundε nyε ɲancəkəre Misira mə.

²⁶ Kə Yuda eyif awənc anja: «Ta ake tə andedife wənc kosu pamənke mecir mən-ε?»

²⁷ Nəder pacamsər kə afum a Səmayila. Ta padenər kə kəca. Bawo wənc kosu əfə, mecir min mayi mə ampanne.» K'awənc anja ɲanənε kə moloku məməkə.

²⁸ Kə acaməs aMadiyan anε ɲanccepər mə, ɲampənε Isifu dəkələmp. Kə awənc a Isifu ɲancamsər kə aMadiyan gbeti ncəmbəl wəco mərəɲ, k'aMadiyan ɲankekəre Isifu Misira.

²⁹ Nte Ruben oluksərne kədeməməən kələmp disre mə, embəp fe sə Isifu kələmp disre. K'əwal-wali yəberne yən.

³⁰ K'ənəkafəle nnə awənc anja ɲayi mə, k'oloku: «Wan nwe eyi fe sə nnə dəkələmp! Cəke indeyə on-ε?»

³¹ Kə ɲalək burumus ba Isifu, kə ɲafay ambiyofə amera, kə ɲasopət burumus babəkə mecir.

³² Kə ɲankenε kas kəɲan burumus bənənkəsəl lom ba Isifu babəkə, kə ɲanke ɲacloku kas kəɲan: «Yamos yayε yə sənke sənənk. Məna sə məməməən ma kə pəyəne a burumus ba wan kam bə-ε.»

³³ Kə Yakuba ənepəl bi, k'oloku: «Burusus ba wan kem bə! Wəsem wələc wələma wəsəm kə! Wəsem wəwatəri-watəri kə!»

³⁴ Kə Yakuba əwal-wali yamos yən, k'esəkənε kəloto k'abək defi. K'ombok wan kən Isifu mataka məlarəm.

³⁵ Kə awut ən arkun kə aran fəp ɲayəfe kətore-tore kə abəkək. Mba k'ombupərə kələtsənε fəp. K'oloku: «Indebok wan kem han dəsək nde indekəbəp kə dabiya mə!» K'encəmə kəbok ka wan kən darən.

³⁶ Kə aMadiyan ɲancaməs Isifu Misira. Kə Potifar wətupε ka Firawona yeri nwe ənayənε wəbε ka abum a dəsənka sa Firawona mə, əway kə.

38

Yuda kə Tamar

¹ Təm tatəkə, Yuda pəbələnε awənc anja, k'ənkə pəyi kə wərkun wələma nwe ancwe Hira mə, wəka Adulam ənayi.

² Dāndo, kɔ Yuda ɛnɛŋk wəyɛcərə wəKananj wəlboma pacwe kɔ Suwa. K'elɛk kɔ k'ɛnɛncɛ k'ombocərɛ kɔ.

³ Kɔ Suwa embɛkəs, k'ɔŋkomɛ Yuda wan wərɔkɔn k'ewɛ kɔ Er.

⁴ K'embɛkəs sɔ k'ɔŋkom wan wərɔkɔn k'ɔsɔŋ kɔ tɛwɛ ta Onaŋ.

⁵ K'ɔŋgbɔkərə sɔ kəkɔm wan wərɔkɔn nwe ɛnawɛ Selah mɔ. Dare da Kisibu Yuda ɛnayı tɛm nte Suwa onckom Selah mɔ.

⁶ Kɔ Yuda ɛfacɛ coco cɔn wəyɛcərə nwe ancwɛ Tamar mɔ.

⁷ Mba Er, nwe ɛnayıncɛ coco ca Yuda mɔ, ɛnatesɛ fɛ fɔr ya MARIKI kirinj. Kɔ MARIKI ɔsɔŋɛ kɔ kəfi.

⁸ Kɔ Yuda oloku tɔŋɔ tɔn Onaŋ: «Məbocərɛ wəran ka wəbɛk'am. Məsɔŋɛ wəran kɔn pəsɔtɔnɛ kɔ yuruya.»

⁹ Nte Onaŋ ɛnacərə a awut aŋɛ endesɔŋ wəran ka wəbɛk'ɔn, ŋafɔdeyɔnɛ akɔn mɔ, kɔ Onaŋ ŋanckɔnafəntərə kɔ wəran ka wɛnc-ɛ, pəclɔŋ domun dɔn d'arkun dəntɔf, nte tɔŋsɔŋɛ ta ɔsɔŋɛ wɛnc kəsɔtɔ yuruya mɔ.

¹⁰ Mɔyɔ mɔn maməkɔ mɔncbɔt fɛ MARIKI, k'ɔsɔŋɛ sɔ nkɔn Onaŋ kəfi.

¹¹ Kɔ Yuda oloku Tamar wəran ka wan kɔn: «Məndɛ kəbal ka wos əm ndena papa kam haŋ wan kem wərɔkɔn Selah pəcbɛk.» Bawo Yuda onclɔkunɛ: «Wəkawɛ sɔ kəfi k'ender pəmɔ abɛk'ɔn.» Kɔ Tamar ɔŋkɔ pəyi nde kəlɔ ka papa kɔn.

¹² Kɔ mataka mɛlarəm mencepər, kɔ wan wəran ka Suwa, wəran ka Yuda, ɛfi. Nte abəkək ɛnator Yuda mɔ, k'ɛmpɛrɛnɛ kəca ka Timna kɔ wanapa kɔn Hira wəka Adulam, nde akɔ ŋanckɔn ŋkesiya yɔn ŋanayı mɔ.

¹³ K'ɔŋkɔ paloku Tamar: Konci kam ɛntas Timna kəkɔfon ŋkesiya yɔn yɛfɛt.

¹⁴ Kɔ Tamar owurɛ yamos yɔn ya cəbɔkərə, k'ɛŋgbalərɛnɛ kəloto, k'ɛnɛpsərɛnɛ ki, k'ɔŋkɔ pəndɛ dəkəbɛrɛ da Enayim nde dɔpɔ da Timna. Bawo ɛnanəŋk a Selah embɛk, k'antələk kɔ pasɔŋ Selah pəyɔnɛ wəran kɔn.

¹⁵ Kɔ Yuda ɛnəŋk Tamar, kɔ pəyi kɔ pəmɔ wəran wəyamayama, bawo ɛnakumpɛnɛ kəro.

¹⁶ Kɔ Yuda ɛncəŋ Tamar moloku dɔpɔ: «Taŋkɔn, səkɔ səfəntərə.» Bawo Yuda ɛnacərə fɛ a wəran ka wan kɔn wərɔkɔn ɔfɔ. Kɔ Tamar ɛyif kɔ: «Ake məndekəsɔŋ im, kɔ məmbocərɛn'ɛm-ɛ?»

¹⁷ K'oloku: «ŋkəkɛr'am wir wowut yɔcɔl yem dacɔ.» Kɔ Tamar oloku: «Mɛnɛ məsɔŋ im paka pəlɔm itəmpər haŋ məkɛrɛ wir wowut wawəkɔ.»

¹⁸ Kɔ Yuda ɛyif kɔ: «Ake indəsɔŋ əm haŋ ickɛrɛ wir wowut nwe-ɛ?» Kɔ Tamar oloku kɔ: «Məsɔŋ im tamp tam, kəbənda kɔ kəgbo kəŋkɔ məntəmpər mɔ.» Kɔ Yuda ɔsɔŋ kɔ yi. Kɔ Yuda ɛfəntərə kɔ Tamar, kɔ Tamar embɛksɛ Yuda.

¹⁹ Kɔ Tamar ɛyɛfɛ k'ɔŋkɔ, k'owurɛ kəloto kəŋkɔ ɛnagbalərɛnɛ mɔ, k'ɛmbɛrɛnɛ sɔ yamos yɔn ya kəbal.

²⁰ Kɔ Yuda osom wanapa kɔn wəAdulam, a pəkɛnɛ Tamar wir wowut, pəkɛrɛnɛ ca yɔkɔ ɛnacəmbər di sɛkɛ mɔ. Mba ɛnanəŋk fɛ kɔ.

²¹ Kɔ wəkakɔ ɔŋkɔ pəcyifət afum akɔ ɛnabəp di mɔ: «Deke wəran wətɛn arkun, nwe ɛncəməna nɔ dɔpɔ da Enayim mɔ, ɛyi-ɛ?» Kɔ akakɔ ŋaloku kɔ: «Wəran wətɛn arkun ɔfɔcəmə nɔ.»

²² Kɔ wərɔkɔn nwe olukus k'ɔŋkɔ pəclɔku Yuda: «ŋnəŋk fɛ kɔ. Ali afum a tofo tatəkɔ ŋaloku: «A wəran wətɛn arkun ɛyi fɛ nɔ.»»

²³ Kɔ Yuda oloku: «Pəmɛŋkərɛnɛ ca yem yɔkɔ ɔntəmpər mɔ! Ta patɛnərɛnɛ malap. Bawo isom pakɛnɛ kɔ wir wowut kɔ məntənəŋk kɔ.»

²⁴ Nte yof maas yencepər mɔ, k'andɛ paloku Yuda: «Wəran ka wan kam ɔŋkɔt yamayama, kɔ tɔsɔŋɛ kɔ kəbɛkəs.» Kɔ Yuda oloku: «Nəwurɛnɛ kɔ. Pacɔf kɔ!»

²⁵ Nte asolɛ kɔ kəwurɛnɛ doru mɔ, k'osom nda konci kɔn: «Wəbɛkəsəs kem ɔyɔ ca nyɛ. Məsɛp məcərə nwe ɔyɔ tamp pampɛ, kəbənda kəŋkɛ, kɔ kəgbo kəŋkɛ mɔ.»

²⁶ Kɔ Yuda ɛnɛpəl yi. K'oloku: «Tamar olomp pətəs im, bawo iwosɛ fɛ kəsɔŋ kɔ wan kem Selah.» Difɔ tɛnalip ɛncərə fɛ kɔ sɔ dɛran.

²⁷ Nte Tamar eyefe kəkom mə, k'anəjk a cəberi cəyi kə dəkər.

²⁸ Tamar eyi kəkom. Kə wan wəcəkə-cəkə owurə kəca. Kə wəran wəbañ wan osumpər kənaka nkə kəca k'oñkot kə debeña deyim dəkəca, pəcloku: «Wəkawə andenuñkene kəkom.»

²⁹ Mba kə kənaka nkə kəliñ kəca, kə wənc onuñkene kəwur. Kə wəbañ wan eyifne: «Kəpəc kəre kə məwurə kañke-ε?» Kə Tamar ewe wan wəkəkə Pεεc. *

³⁰ Kə wan wəka mεrəñ owur, nwε anakot debeña dəkəca mə, kə Tamar ewe wəkəkə tewε ta Serah. †

39

Isifu kiyi kən Misira ndena Potifar

¹ K'anjekərə Isifu Misira. Kə Potifar wəMisira, wəbe wəpəñ wəka firawona, nwε enayəne wəkiriñ ka abum ən mə, εway kə afum a Səmayila dəwaca akə ñanakεε kə Misira mə.

² MARIKI enasolε Isifu, pəcuca fəp pə MARIKI encbañ kə. Kələ ka Mariki mən wəMisira k'enayi.

³ Kə Mariki mən enəjk a MARIKI osolε Isifu. Mosumpər mən fəp, MARIKI encmar kə mectεε kə dəwaca.

⁴ Kə Isifu ende pəsətə kəlañ ka wəbe kən nwε encbəcə mə. Kə wəkəkə elεk kə, k'əsəñ kə dəbe da kəcəmbər-cəmbər mes ma kələ kən disrε. K'elεk daka dən fəp, k'ember di Isifu dəwaca pəclompse-lompse kə di kəcəmbər-cəmbər.

⁵ Nte Potifar elañ Isifu, a k'əsəñ kə kəcəmbər-cəmbər ka mes ma kələ kən disrε fəp mə, kə MARIKI ompocε kələ ka wəMisira nwε, teta Isifu. Kə kəpocε ka MARIKI kəsumpər daka da Potifar fəp, kəyεfe dεkεr hañ nde dalε.

⁶ K'εsakərə teta daka dən fəp Isifu, nkən enasumpər fε sə nte o nte mēne yeri nyε encdi mə.

Isifu kə wəran ka Potifar

Mba Isifu fum wətət teyi enayi.

⁷ Nte mes maməkə mencepər mə, kə wəran ka mariki mən ende pəcencər Isifu fər, k'oloku kə: «Məfəntərə kə ina!»

⁸ Kə Isifu efati. K'oloku wəran ka mariki mən: «Mənəjk nte mariki mem elεk mes mən fəp k'ember im dəwaca mə, təsəñε əfəsəyə nte o nte dεkεr k'elεk sə daka dən fəp k'əsəñ im kəcəmbər-cəmbər.

⁹ Fum nwε o nwε eyi fε nnə kələ kañke nwε elele pəcəpər im mə. Əmənεne f'em nte o nte ta kələ kañke mēne mənə, bawo wəran kən məyənε. Ak'endesəñ'em oñ kəyə pələc pəpəñ, iciyanε sə Kanu-ε?»

¹⁰ Kə wəran nwε encəmēne Isifu moloku maməkə darəñ hañ mataka mēlarəm. Mba Isifu enawosε fε mēcēm-cēmne mən, kəcərə a ñafəntərə kə nkən.

¹¹ Dəsək dələma, kə Isifu embere dukulə dəkəlompəs yεbəc yən. Mba dəsək dadəkə afum a kələ kañkə ali wəkin enayi fε dεkεr.

¹² Kə wəran nwε osumpər pəberne pa Isifu k'oloku kə: «Məfəntərə kə ina!» Kə Isifu εsakərə kə pəberne pən, k'eyεkse k'owur doru.

¹³ Nte wəran nwε enəjk a Isifu εsakərə kə pəberne pən dəwaca, k'eyεkse k'owur doru mə.

¹⁴ K'ewe afum a kələ kəñan k'oloku ña nte: «Nənəjk, wəHebərə nwε wos im* εñkεre pədefani su mə. Isifu ender im a pədefəntərə kə ina. Ti tə iñkul-kulene pəpəñ.

¹⁵ Nte endecərə a kəpene k'inde dim mə, k'eyεkse. K'εsakər'em pəberne pən kə nkən owur nde doru.»

¹⁶ Kə wəran nwε ombocərne pəberne pa Isifu kəsək, hañ mariki ma Isifu pəbεrε dεkεr.

* 38:29 Pεεc = «kəpəc» † 38:30 Serah = «kəpε ka dec» * 39:14 Potifar

17 Kɔ wəran nwe oloku wos tin tayi, k'oloku kɔ: «Wəcar wəHebərə nwe mənkerε su mɔ, ender im a pədefan'im.

18 Mba nte injule-kule pəpəŋ mɔ, k'esak pəberne pən nnɔ iyi mɔ. Kɔ nkən eyεkse k'owur nde doru.»

19 Nte mariki ma Isifu ene moloku ma wəran kən, nwe oncloku kɔ: «Nte tɔ wəcar kam ɔy'em!»

20 Kɔ mətεle məpəŋ mosumpər mariki ma Isifu. Kɔ wəkakɔ ember Isifu dəbili kəca nke wəbe enčber afum dəbili mɔ. Kɔ Isifu eyi dəndo dəbili.

Kəyi ka Isifu dəbili

21 Kɔ MARIKI osolε Isifu, k'elas layidi da amera ŋobotu ŋəkɔ enasəŋ kɔ mɔ. K'əsəŋε wəbe wəka dəbili kəmar kɔ.

22 Kɔ wəbe wəka dəbili εlek aka dəbili fəp k'ember ŋa Isifu dəwaca, nte o nte tencepər oŋ di mɔ, Isifu tencepər dəwaca kəresna.

23 Wəbe wəka dəbili ɔncməmən fε sɔ nte o nte Isifu enatəmpər dəwaca, bawo MARIKI enasolε kɔ, pəclompse kɔ mosumpər mən fəp.

40

1 Nte mes maməkɔ mencepər mɔ, kɔ amarəs mērəŋ a Firawona, wəbe ka Misira, wətupe kɔ wəcəfe kən cəcom, ŋande ŋaciyane mariki maŋan.

2 Kɔ pəntεle Firawona nnɔ amarəs ɔn mērəŋ ŋayi mɔ.

3 Kɔ Firawona osom k'asumpər ŋa, k'anəkɔ pacəŋər ŋa nde bili bəkɔ anacəŋər Isifu mɔ.

4 Kɔ wəbe ka aka dəbili oloku Isifu kəgbəkərə ŋa pəmɔ nte enayi ŋa kəsək mɔ. Kɔ ŋayi dəbili tɛm telarəm.

Isifu kəloku tedisre ta mere ma amarəs a Firawona, aŋε enacəŋəs dəbili mɔ

5 Pibi pin disre, kɔ amarəs a Firawona aŋε mērəŋ ŋawerəp. Nwe o nwe, tɛwerəp tən taciŋa teciyane kɔ ta wəkɔ.

6 Dec dendesək, kɔ Isifu enəŋk ŋa ŋaməncne.

7 Kɔ Isifu eyif amarəs a Firawona aŋε mērəŋ aŋε ŋanayi dəbili kɔ nkən mɔ, k'eyif ŋa: «Ta ake tɔ nəŋeye cəro məkɔ-ε?»

8 Kɔ ŋaloku Isifu: «Səwerəpna nnɔ pibi, mba fum eyi fε nnɔ nwe endetam kəloku su tedisre ta mere maməkɔ mɔ.» Kɔ Isifu eyif ŋa: «Bafɔ Kanu kətəmpər kəcərə ka tedisre ta mes ba? Nəlɔk'im ma mere monu.»

9 Kɔ wətupe ka Firawona yomunəs əlmər Isifu mere maməkɔ enawerəp mɔ. K'oloku: «Mere mme iwērəpna mɔ: Anŋbəŋkəlɔ ŋa wən ŋeyin'em fər kirinŋ.

10 Nɔyɔ wara maas. Nte anŋbəŋkəlɔ nŋε ŋonŋbuc mɔ kɔ cək ya yokom yembək, kɔ yokom yayəkɔ yəlɔl.

11 Tətəŋne itəmpər apət nŋε inctupe wəbe kem Firawona mɔ. K'ilək yokom yəlɔma k'ifɔcəs yi nnɔ apət nŋε inctupe Firawona mɔ disre, k'isəŋ Firawona mənčəncɔ ma pokom papəkɔ inafɔcse kɔ dəpət mɔ.»

12 Kɔ Isifu oloku kɔ: «Tedisre tayi tɛntε: Wara wawəkɔ maas, mata maas mɔ.

13 Kɔ mata maas mencepər-ε, Firawona endesolukus kəyekt'am domp, pəluks'am yebəc yam. Məndesɔ məctupe kɔ yomunəs pəmɔ təkɔ mənčbəc ti mɔ, məčber kɔ yeri yəkɔ mənde kəctupe kɔ mɔ dəkəca.

14 K'andesak əm-ε, ta mədekəpələrn'em, ilɛtsen'am məlek'em layidi a məndekəmar im nnɔ wəbe eyi mɔ. Nte tənəŋε pəwuren'em nnɔ kəlɔ kəŋke disre mɔ.

15 Bawo atəf ŋa Hebərə ŋalək im k'ankerε Misira. Kɔ nnɔ, ali tes iyɔ fε nte andeber'em dəbili mɔ.»

16 Nte wəcəfe ka Firawona cəcom enəŋk a moloku mme Isifu oloku ma mere mɔ, mambət kəne, k'oloku Isifu: «Ina mere mem, mafala maas ma kəcom kəgbent m'isarena.

17 Kafala kan̄kō kan̄ecna ci dacō mō fəp, yeri yōkō wəcəf cəcom ontup a pəcsəŋ yi Firawona mō fəp yeyina dānda. Bemp yōcsəm yeri yayōkō isarena kafala disre mō.»

18 Kō Isifu oloku kō: «Tedisre tayi tēntē: Cəfala cacōkō maas, mata maas mō.

19 Kō mata maas mencepər-ε, Firawona endepen'am darenc, pəber əm kəbānda dəkilim pəgbek əm, bemp yōsəm əm.»

20 Tataka ta maas, dəsək doluksər da kəkom ka Firawona. K'ombocə amarəs ən kəsata kəpəŋ. K'osəŋ wəcəfē kən cəcom dəbe dəpəŋ, amarəs ən fəp fər kirin̄.

21 K'olukse sō wəka mērəŋ wəkō yebəc yōkō enayi cəkō-cəkō mō: Kō wəkakō oncop sō kəctup pəber Firawona apət dəkəca.

22 Kō Firawona osumpər wəcəf cəcom wəpəŋ pəmō təkō Isifu enaloku ti mō.

23 Wətupe ka Firawona yomunəs encəm-cəmne fē sō Isifu, k'empələrne kō.

41

Kəwərəp ka Firawona

1 Kō teren tin tencepər, teren ta mērəŋ, kō Firawona ewerəp: Pəcəme kəŋgbəkō nkē aŋwe Nil mō kəsək.

2 Kō cəna cəran cətifi camət-mērəŋ cəncəfē dəkəŋgbəkō. Kō cəyefē kəsəmət dale.

3 Kō cəna cəran camət-mērəŋ cəlōma cələnki cəncəfē sō cəkō tadarəŋ dəkəŋgbəkō. Kō ci cəŋkō sō cəcəme cəcəkō-cəkō kəsək dəkəŋgbəkō.

4 Kō cəna cələnki nce cəyefē kəsəm cəna cətifi cəkō. Kō Firawona entəme.

5 Kō Firawona əŋgbəkəre sō kədire, k'ewerəp sō tamērəŋ.

6 Səbomp sa malō camət-mērəŋ səpəŋ səwurəs atoka ŋin ŋətət. Kō səbomp sa malō səfət səwurəs səcəkō-cəkō tantəf.

7 Kō səbomp sa malō səfət nse səndi səbomp sa malō səpəŋ səlare səkō. Kō Firawona entəme sō. Mere mayi mō maməkō.

8 Dec dendesək, kō amera ŋelεce-λεce Firawona. K'ewe acəre mes k'abeki a Misira fəp. Kō Firawona əlōmər ŋa mere mən. Mba ali fum enayi fē nwe enctam kəlōku kō tedisre ta mere mən mō.

9 Kō wətupe kən yomunəs εlek moloku, k'oloku Firawona: «Incəm-cəmne məkō tēpələrne tem.

10 Pənatεle Firawona nnō amarəs ən ŋayi mō, k'osom k'asumpər im kō wəcəfē kən cəcom, k'embər su dəbili nde kəlō ka wəbe ka abum ən.

11 Kō səwerəp ina kō wəka mērəŋ kem pibi pin. Nwe o nwe mere mən taciŋa mme antam kəlōku tedisre ta mi mō.

12 Tətəŋne səyi bili bin kō wətəmp wəcar wəHebərə wəka wəbe ka abum a Firawona wəlōma. Kō səlōku kō nwe o nwe mere mən k'oloku su tedisre ta mi.

13 Kō tosurene kō teyi pəmō təkō enaloku nwe o nwe mō. Kō Firawona oluks'em yebəc yem yōcəkō-cəkō. K'əŋgbek wəka mērəŋ kem.»

Isifu oloku tedisre ta mere ma Firawona

14 Kō Firawona osom a pawene kō Isifu. K'awurene kō katəna katəna dəbili. K'ofonne, k'əsəkpər yamos, k'əŋkō nde Firawona enawe kō mō.

15 Kō Firawona oloku Isifu: «Iwerəp, mba ali fum isətō fē nwe oŋlok'im tedisre ta mere mem mō. Mba alok'im a məntam kəlōku tedisre ta mere mme aŋlok'əm mō.»

16 Kō Isifu oloku Firawona: «Bafō in'əfō! Kanu kəndeloku Firawona tedisre ta mere mən.»

17 Kō Firawona oloku Isifu: «Mere mem-ε, kəŋgbəkō kəsək incəmena.

18 Kō cəna camət-mērəŋ cətət cətifi cəncəfē dəkəŋgbəkō, kō cəyefē kəsəmət dale.

19 Kō cəna camət-mērəŋ cəlōma cələnki cələc, ci cəncəfē sō cəkō tadarəŋ dəkəŋgbəkō. Mba intanəŋk fē Misira cəna cələce pəmō cacəkō.

20 Kō cəna cələc cələnki nce cəyefē kəsəm cəcəkō-cəkō camət-mērəŋ cətifi cətət cəkō.

21 Cəna cətifı nce cəcbere cəlenki dəputuk, ta ancəre kə pəyone yati cəmbere ci dəputuk-ε. Kə cəna cələc nce cənanəkanə sə kələce, pətəs təkə cənaləce mə. K'intəme.

22 K'iwerəp sə nte: Səbomp camət-mərəj sa malə sətət səlare səwurəs atoka jin nayı.

23 Kə səbomp camət-mərəj sa malə sələma səfət səwurəs səcəkə-cəkə səkə tantəf.

24 Kə səbomp sa malə səfət nse səndi səbomp sa malə səpəj səkə. Iloku mere mame acərə mes. Mba ali fum isətə fε nwe oηlok'im tedisre ta mi mə.»

25 Kə Isifu oloku Firawona: «Mere ma Firawona fəp, toloku tin tə moloku. Kanu kəyi kəmentər Firawona nte kəndeyə mə.

26 Cəna cətət nce camət-mərəj, meren camət-mərəj mə. Kə səbomp sa malə sətət nse camət-mərəj, meren camət-mərəj mə, mere min mə.

27 Cəna cələc cəlenki nce cəmpena cəkə tadarəj mə, meren camət-mərəj mə, kə səbomp sa malə səfət nse, dor da meren camət-mərəj də.

28 Pəmə təkə intep ti kəcloku Firawona mə, Kanu kəmentər Firawona təkə kəndeyə mə.

29 Meren camət-mərəj ma kənəmbərə mender mame atəf nja Misira fəp.

30 Kə meren camət-mərəj ma kənəmbərə mencepər-ε meren camət-mərəj ma dor mendecəme mi darəj: Dor dadəkə dendeluxe Misira darəj.

31 Kə dor dadəkə dencepər-ε, afədetam kəcərə yati kə pəyone a kənəmbərə kənayı də tələma-ε. Debeki da dor dadəkə dendesəje ti.

32 Kə mənəjk Firawona pəgbəkərə kəwerəp mere min maməkə kəmerəj-ε, Kanu kəyi kəsəje kə kəcərə: A mes melip nne kəyi mə, kəbelkər kə kənder oη kəbəc yəbəc ya ki.

33 Nte Firawona encərə oη a Isifu əyə amera, k'encərə sə mes mə, kə Firawona əsəj kə dəbe atəf nja Misira disre.

34 Firawona pəyefe oη, pəboncəs akə nandeyone abe aηe nandekətene atəf nja Misira mə, nte tənsəje nabanəs katin ka kəcəmət ka kəsətə yetel yanən, atəf nja Misira meren camət-mərəj ma kənəmbərə mme disre mə.

35 Njaləjka yeri ya meren mobotu mme mender mə, nayo ti dim da Firawona dəntəf. Firawona pəsom pəmənjk yeri sədare fəp.

36 Yeri yayəkə yə andemənke atəf, kədəm ka meren camət-mərəj ma dor mme Isifu oloku kədeyi mə, nte tənsəje ta dor dadəkə dedetam atəf nja Misira mə.»

Isifu əyone wəmarəs wəcəkə-cəkə wəka Firawona

37 Kə moloku maməkə məmbət Firawona kə amarəs ən.

38 Kə Firawona eyif nja: «Andetam kəsətə fum pəmə Isifu ba, pəyə amera nja Kanu?»

39 Kə Firawona oloku Isifu: «Nte Kanu kəsəj əm kəcərə ka mes mame fəp mə, fum o fum eyi fε nwe əsək domp, pəcərə mes pəmə mənə mə.

40 Mənə Isifu, mən'endeyone wəkiriη ka kələ kem, afum a atəf nje fəp. Mən'ə nandeyi darəj, dəbe da ina Firawona gbəcərəm dencepər dam.»

41 Kə Firawona oloku Isifu: «Misira mə mame isəj əm dəbe da atəf njaηe fəp.»

42 Kə Firawona owure kurunde kən dəkəca, k'ember ki Isifu dəkəca. K'ember Isifu yamos yətət ya kəloto ka səbeηa sa kentəler. K'əηgbək kə kəma dəkilim.

43 Kə Firawona embək Isifu abil nja dəkəwan nəkə ηenacənc ηən mə, kə nancək kəkə. Kə afum naye fe kəkul-kulene nja: «Abərek!» * Tatəkə tə Firawona enasəj Isifu dəbe, atəf nja Misira.

44 Kə Firawona oloku sə Isifu: «In'əyone Firawona! Kə məntəwose-ε atəf nja Misira, ali fum əfəyektı də kəca, k'əηkəyektı kəcək kən atəf nja Misira.»

45 Kə Firawona ewe Isifu tewe ta Misira «Cafənət Paheneyah.» K'əsəj kə wəran pacwe kə Asnat, wan wəran ka Potifera, wəloηne ka dare da Hon. Kə Isifu owur kəkəcərə Misira mme enasətə kəkətene dəbe ta encərə mi mə.

46 Isifu enasətə meren wəco maas (30) a Firawona pədecərə kə. Nte ancəmbər kə dəbe mə, fər ya Firawona kiriη yə Isifu enawur kəkəcərə atəf nja Misira fəp.

* 41:43 *Abərek* = «Nətonne!»

⁴⁷ Meren camət-mērəŋ ma kənembəre maməkə disre, kə afum a Misira ŋamberene kabəc.

⁴⁸ Kə Isifu olonka yeri yayəkə fəp Misira meren mme camət-mērəŋ. K'olonka yeri ya sədare səfet səkə sənəŋkər sədare səpəŋ mə.

⁴⁹ Isifu enalonka kur ka yeri pəmō kəsənc ka dəkəba, kur kənabək haŋ paccem-cemne a dor dɔfəsətam kəsumpər aka Misira.

⁵⁰ Teren tɔcəkə-cəkə ta dor, kə Isifu oŋkom awut arkun mērəŋ aŋe Asnat wan wəran ka Potifera wəlonne ka dare da Hon enakome kə mə.

⁵¹ Kə Isifu ewe coco cən Manase, ti tatəkə Kanu kəsəŋe kə kəpələr ka pəcuy fəp kə kəsakene kə aka kəlō ka kas.

⁵² K'ewe wan kən təŋə Əfrayim, ti tɔ tatəkə Kanu kəsəŋ kə dokombəra atɔf nne analapəs kə mə.

⁵³ Kə meren camət-mērəŋ ma kənembəre melip.

⁵⁴ Kə meren camət-mērəŋ ma dor moncop pəmō təkə Isifu enaloku ti mə. Dor denayi tɔf ya Misira fəp. Mba yeri yeməŋkərne yenayi sɔ atɔf ŋa Misira fəp.

⁵⁵ Nte dor dosumpər aka Misira mə, kə ŋambokər Firawona kəsətɔ ka cəcom. Kə Firawona oloku aka Misira: «Nəkə nənəŋk Isifu, nte oŋloku nu mə, nəyɔ tatəkə!»

⁵⁶ Nte dor dembək Misira mə, kə Isifu oncop kəcamsər aka Misira malɔ. Mba dor denčbək kabək dəm atɔf ŋa Misira.

⁵⁷ Afum ŋacyefe mofɔ fəp ma Misira kədeway malɔ nnɔ Isifu eyi mə, bawo dor denanankanə kabək Misira.

42

Yakuba kəsom kən awut ən Misira

¹ Kə Yakuba ene a mēŋgben * meyi Misira. Kə Yakuba oloku awut ən: «Ta ake tɔ nəndeyine nnɔ nəcməmənene fər disre-ε?»

² Kə Yakuba oloku: «Ine a malɔ meyi Misira. Nətor nəkə nəwaye su dəndo malɔ, ta padefine dor.»

³ Kə awenc a Isifu wəco ŋantor kəkəway malɔ Misira.

⁴ Mba Yakuba enasak fe Benyamin wəkə enapanne kere kə Isifu mə pəcepse awenc aŋa darəŋ, bawo Yakuba enaloku: «Benyamin ɔfəkə ta tes tɛləc təlɔma təkəsətɔ kə.»

⁵ Kə awut a Yakuba ŋəŋkə Misira kəkəway malɔ pəmō təkə afum alarəm ŋanckə Misira dəkəway malɔ mə, bawo dor denayi atɔf ŋa Kanaŋ fəp.

Isifu eyenkas abəkac ŋən nnɔ awenc ŋayi mə

⁶ Tem tatəkə Isifu pəyənne wəbe wəka sədare sa Misira. Nkən encwayər afum a Misira fəp malɔ. Kə awenc a Isifu ŋander ŋatontnene Isifu fər yən kirin, ŋacəp mobu dəntɔf.

⁷ Kə Isifu enəŋk awenc aŋa. K'enepəl ŋa. Mba owurər fe ŋa kəcərene. K'olok-lokəre ŋa dim deyenki, k'eyif ŋa: «Deke nəyefe-ε?» Kə awenc aŋa ŋaloku kə: «Atɔf ŋa Kanaŋ ŋɔ səyefe, kə sənder kəway nnɔ yeri.»

⁸ Kə Isifu enepəl awenc aŋa. Mba awenc aŋa ŋananepəl fe kə.

⁹ Kə Isifu encem-cemne mere məkə enawerəp tetanjan mə. K'oloku ŋa: «Atən mes ŋɔ nəyənɛ! Mes ma atɔf ŋaŋe mə nənder kəten, nəkə nəloku mi aka atɔf ŋonu.»

¹⁰ Kə ŋaloku Isifu: «Ala, mariki mem, dəkəway yeri gbəcərəm sənder.

¹¹ Dəwencia dɔ səyɔ fəp fosu, wərkun wəkin okom su. Səsəkene bəkək! Səclok'am a dəkəten yeri gbəcərəm sənder.»

¹² Kə Isifu oloku ŋa: «Kəbupəre ti kə nənde, metambər ma atɔf ŋaŋe mə nənder kəten nəkəloku mi ndoronu.»

¹³ Kə awenc aŋa ŋaloku Isifu: «Wəco kə mērəŋ wɔ sənayi kas kosu kəkom nde Kanaŋ. Mba wəkə efete su dacɔ mə eyi məkə dəkər kə papa kosu, kə wəkin enafi.»

¹⁴ Kə Isifu oloku ŋa: «Təkə iloku nu mə, ti təyənne kance: Atən mes ŋɔ nəyənɛ!

* **42:1** Mēŋgben mme ancɔ pasətɔ farin mə

¹⁵ Awa, yebac nye y' indecambær nu: Indermε nu tewe ta Firawona, náfɔwur nnɔ ta wáfet konu wəlpəs wəkakɔ nəsak dɛkɛr mɔ ender-ε.

¹⁶ Nəsom wənc konu wəkin pəkəkɛrɛ wənc konu wəkakɔ nəsak dɛkɛr mɔ. Kɔ nənə aɲɛ endesak nnɔ mɔ, dɔbili andeber nu. Andeməmən moloku monu, pacərə kɔ pəyɔnɛ kance kɔ nəlɔku-ε. Kɔ pəyɔnɛ fɛ ti-ε, indermε nu tewe ta Firawona atɛn mes ηɔ nəyɔnɛ!»

¹⁷ Kɔ Isifu ember ηa dɔbili mata maas.

¹⁸ Tataka ta maas, kɔ Isifu oloku ηa: «Nəyɔ nte, təsɔnɛ nu kəyi doru. Innesε Kanu!

¹⁹ Kɔ pəyɔnɛ a nəsəkɛnɛ bəkək-ε, nəsak wənc konu wəkin dɔbili. Nənə alpəs aɲɛ nəkenɛ afum anu yeri kərəs bawo dor deyi.

²⁰ Nəkɛrɛn'em wáfet konu wəkɔ nəsak dəndo mɔ nte tɔnɔnɛ paməmən moloku monu kɔ pəyɔnɛ a kance kɔ-ε, ta nədefi.»

²¹ Ti tɔ ηanayɔ, ηaclɔkɛnɛ: «Ey. Sən'ɛnayɔ ti wənc kosu. Bawo anəɲk ayɛk ηɔn, tɛm nte oncloku su a paɲaɲnɛnɛ kɔ mɔ, ta ancəɲkələ kɔ-ε. Ti tɔ ayɛk ηɔn ηeyi kəsutɛ su tantɛ.»

²² Kɔ Ruben ɛlɛk moloku, k'oloku ηa: «Inaloku fɛ nu ti ba, ta nəyɔ wan nwɛ pələc? Mba nənacəɲkəl f'em. Nɛkəl oɲ awer su mecir mən.»

²³ Awənc a Isifu ηanacərə fɛ a Isifu eɲne kusu kəɲan bawo wəcəpərənɛ moloku ɛnayı kɔ dacɔ kɔ awənc aɲa.

²⁴ Kɔ Isifu əmbələ awənc aɲa, k'əɲkɔ pəbok.

Awut a Yakuba kəlukus kəɲan Kanaɲ

Nte elip mɔ, k'oluksərɛnɛ kədəlok-lokər ηa. K'ɛlɛk Simeyɔɲ awənc aɲa dacɔ, k'ember kɔ dɔbili fər ya awənc aɲa kirinɲ.

²⁵ Kɔ Isifu osom a palasɛ ηa yeri dələba, paluksɛ nwɛ o nwɛ pəsam pən nde aləba ηɔn, pasarsər ηa yeri yayɔkɔ. Ti tɔ anayɔnɛ ηa.

²⁶ Kɔ awənc ɔn ηasarsər sɔfale səɲan yeri. Kɔ ηasumpər dɔpɔ kɔ ηaɲkɔ.

²⁷ Kɔ wənc ka Isifu wəkin ende pəsikəli aləba ηɔn nde dəkərwanɲɛ pəfan kəwurɛ sɔfale sən yika yəsəm, kɔ wəkakɔ ɛnəɲk pəsam pən aləba ηɔn disrɛ.

²⁸ K'oloku awənc aɲa: «Aluks'em pəsam pem. Ipempɛ nnɔ aləba ηem.» Kɔ mera yeyi ηa yamayama kəcərə a ηaɲkɔ dəkəway paluksɛ ηa sɔ pəsam paɲan. Kɔ ηayifnɛ: «Cəke cɔ Kanu kəyɔ su tantɛ-ε?»

²⁹ Kɔ ηamberɛ ndena papa kəɲan Yakuba nde atəf ηa Kanaɲ. Kɔ ηaləmər kas kəɲan mes məkɔ mənəsətɔ ηa mɔ fəp.

³⁰ Kɔ ηaloku kas kəɲan: «Fum wəkɔ ɔyɔnɛ mariki ma atəf ηa Misira mɔ, olok-lokərə su dim deyenki, k'endenɛ su kəyɔnɛ atɛn mes ma Misira mme səndeloku aka nnɔ mɔ.

³¹ Kɔ səlɔku kɔ a səsəkɛnɛ bəkək, bafɔ atɛn mes ηɔ səyɔnɛ.

³² Kɔ Səlɔku kɔ sɔ a wəcɔ kɔ mɛrəɲ wɔ sənayı kas kosu kəkɔm, mba wáfet kosu eyi dɛkɛr nde Kanaɲ, kɔ wəkin ɛnafi su dacɔ.

³³ Kɔ mariki ma Misira moloku su: «Nte tɔ nəndeyɔ a itam kəcərə a nəsəkɛnɛ bəkək. Nəsak wənc konu wəkin nnɔ, nəkenɛ afum anu yeri kərəsna bawo dor deyi.

³⁴ Nəkɔ, nəkɛr'em wáfet konu. Tɛm tatəkɔ, indecərə a bafɔ atɛn mes ηɔ nəyɔnɛ, kɔ nəsəkɛnɛ bəkək. Indeluksɛ nu wənc konu, tɛm tatəkɔ nəcəmɛ sɔ kəcəməs konu darəɲ dətəf.»

³⁵ Nte ηamberɛ ndaraɲan akɔ ηayuk malɔ məkɔ ηanakɛrɛ mɔ, kɔ fəp faɲan ηanəɲkəs-nəɲkəs pəsam paɲan nde ləba yaɲan disrɛ. Nə kɔ kas kəɲan nte ηanəɲkəs pəsam nde ləba yaɲan disrɛ mɔ, kɔ kənɛsɛ kənder ηa.

³⁶ Kɔ kas kəɲan Yakuba oloku ηa: «Awut em ηɔ nəfan kəbaɲsər im! Isifu eyi fɛ sɔ doru, Simeyɔɲ eyi fɛ sɔ doru, kɔ nəfan sɔ kələkər im Bənyamin-ε! In'ɔ maməkɔ fəp mendətərəs.»

³⁷ Kɔ Ruben oloku papa kən: «Mədə məyɔ padif awut em mɛrəɲ k'intəkər'am Bənyamin. Məber im kɔ dəwaca, indekɛr'am kɔ.»

³⁸ Kɔ Yakuba oloku: «Wan kem ɔfɔtor kɔ nɔna, bawo wɔbɛk'ɔn Isifu efi. Sona s'eyi ɔŋ. Kɔ tɛlɛc tɔsɔtɔ kɔ dɔpɔ-ɛ, cɛke cɔ nɔndeyɔ-ɛ, tɛm tatɔkɔ nɔŋsɔŋ'em kɔtorɛ cɔfon cem cɔfer dabiya kɔ abɛkɛc ŋocuy nde afi ŋayi mɔ.»

43

Yakuba kɔwosɛ kɔn Benyamin kɔkɔ kɔ awɛnc aŋa

¹ Dor dɛncbɛk kɔbɛk dɔm dɔtɔf.

² Ntɛ ŋalip kɛdi malɔ mɔkɔ ŋanakɛrɛ kɔyɛfɛ Misira mɔ, kɔ Yakuba oloku awut ɔn: «Nɔluksɛrɛnɛ, nɛkɔ nɔwayɛ su yeri yɛpic.»

³ Kɔ Yuda oloku kɔ: «Wɔbɛ ka Misira ɛnabɛŋnɛ su: «Ta inɔŋk nu sɔ cɛro, kɔ nɔntɔkɛr'em wɛnc konu wɔlpɔs-ɛ.»

⁴ Kɔ mɔŋwosɛ kɛsak wɔfɛt kosu sɛkɔ-ɛ, sɔntɔr Misira kɔkɔway'am yeri.

⁵ Kɔ mɔntɔwosɛ kɛsak kɔ sɛkɔ-ɛ, sɔfɔtam kɔtor Misira kɔkɔway'am yeri, bawo wɔrkun wɔkakɔ ɛnaloku: «Ta inɔŋk nu sɔ cɛro kɔ nɔntɔkɛr'em wɔfɛt konu-ɛ.»»

⁶ Kɔ Yakuba oloku: «Ta ake tɔ nɔnayɔn'em pɔlɛc tantɛ, kɛcloku wɔrkun wɔkakɔ a nɔyɔ wɔfɛt-ɛ?»

⁷ Kɔ awut ɔn ŋaloku: «Wɔrkun wɔkakɔ ɛnayifɛt su pɔlarɛm tetosu kɔ tokomɛnɛ tosu, pɔcyif su: «Papa konu ɔsɔrɔyi doru? Nɔyɔ wɛnc wɔlɔma sɔ?» Kɔ sɔlukɛ kɔ moloku mamɔkɔ. Sɛnatam kɛcɛrɛ, a ɛndeloku su: «Nɛkɔ nɛkɛr'em wɔfɛt konu!?»»

⁸ Kɔ Yuda oloku papa kɔŋan Yakuba: «Mɔsak wɔfɛt sɛkɔ kɔ ina. Sɔndeyɛfɛ sɛkɔ, tɔsɔŋɛ su kɛdeyi doru ta sɔfi-ɛ, mɔna papa, awut asu kɔ sɔna.

⁹ In'ɔsɔŋ ɛm temer, teta wɔfɛt: In'ɔ mɔndewer kɔ, kɔ intɔkɛr'am kɔ-ɛ, ta ilukɛ kɔ ider ibɛr ɛm kɔ dɔwaca-ɛ, in'ɛndesarɛ tɛm tatɔkɔ kiciya doru o doru nnɔ mɔyi mɔ.

¹⁰ Patɔbɔlsɛnɛ moloku-ɛ, kɔ sɔntam ntɛ kɔkɔ kɛmɛrɔŋ sɔlukus.»

¹¹ Kɔ papa kɔŋan Yakuba oloku ŋa: «Bawo teyi tantɛ, nɛkɔ nɔyɔ ntɛ: Nɔlɛk yopocɛ, ca ya atɔf ŋaŋɛ yɔlɔma nɔtɔmpɛrɛnɛ wɔrkun wɔkakɔ: Dɔni, mɛsɛ ma cɛmɛ mɛpic, cigbili, yamaku, mɛŋgbɛn ma yalake kɔ cɔla.*

¹² Nɔlɛk pɔsam pɔkɔ nɔnakekɛrɛ tɔcɔkɔ-cɔkɔ mɔ kɛmɛrɔŋ. Nɔlukɛ pɔsam pɔkɔ anabɛrɛ nu dɔlɔba mɔ, tɔlɔma ŋanaciya kɛciya dɔm.

¹³ Nɔlɛk wɔfɛt konu nɛkɔ ndena wɔrkun wɔkawɛ.

¹⁴ Intola MARIKI nwɛ ɛntam mes ma doru fɔp mɔ, pɔsɔŋɛ wɔrkun wɔkakɔ pɔkɔ pɔyɔnɛ nu nɔnɔfɔr pɔsak wɛnc konu wɔkɔ osumpɛr mɔ nɔdɛr, nɛkɛrɛnɛ sɔ Benyamin! Kɔ ina kɔ pɔyɔnɛ a awut ɛm ŋandewur im dɔwaca-ɛ, awa ŋawur im dɔwaca!»

Isifu ŋandi yeri kɔ awɛnc aŋa

¹⁵ Kɔ awut a Yakuba ŋalɛk yopocɛ yayɔkɔ kɔ pɔsam pɔkɔ ŋanakekɛrɛ tɔcɔkɔ-cɔkɔ mɔ kɛmɛrɔŋ, kɔ Benyamin. Kɔ ŋayɛfɛ, kɔ ŋantɔr Misira. Kɔ ŋaŋkɔ ŋamentɔrɛnɛ Isifu.

¹⁶ Ntɛ Isifu ɛnɔŋk Benyamin kɔ awɛnc aŋa mɔ, k'oloku wɛcamɛ kɔn: «Mɔbɛrɛsɛ afum akaŋɛ dɛkɛr, mɔdif pɔcɔl, mɔcɔŋ, bawo afum akaŋɛ ŋɔ sɔndenadi mɔkɔ yeri tofo tin daŋana.»

¹⁷ Kɔ fum wɔkakɔ ɔyɔ tɔkɔ Isifu ɛnaloku kɔ mɔ, k'ɛmbɛrɛsɛ afum aŋɛ dɛkɛr ndena Isifu.

¹⁸ Kɔ awɛnc a Isifu ŋanɛsɛ ntɛ anabɛrɛsɛ ŋa ndena Isifu mɔ, kɔ ŋaloku: «Teta pɔsam pɔkɔ anasak lɔba yosu disɛ mɔ ti t'aŋkɛrɛ su nnɔ. Aŋkɛrɛ su nnɔ, ŋadewɛkɛrɛnɛ su ŋacɔmbɛr su daɔar kɔ sɔfale sosu.»

¹⁹ Kɔ ŋalɔtɔrɛnɛ wɛcamɛsɛ ka Isifu, kɔ ŋaloku kɔ moloku mɛmɛ dɔkusunɔka:

²⁰ «Nɔŋaŋnɛnɛ su, mariki mem! Sɛnader tɔcɔkɔ-cɔkɔ kɛdɛway yeri.

²¹ Ntɛ sɛnclukus mɔ, kɔ sɔŋkɔsikɛli lɔba yosu karwanɔsɛ, kɔ sɔnɔŋk nwɛ o nwɛ pɔsam pɔn nde alɔba ŋɔn. Mba sɔŋkɛrɛnɛ sɔ pi.

²² Sɔŋkɛrɛnɛ sɔ pɔsam pɔlɔma kɛdɛway yeri. Sɛncɛrɛ fɛ nwɛ ɛnabɛr pɔsam papɔkɔ nde lɔba yosu disɛ mɔ.»

* **43:11** Ti tɔ tatɔkɔ mɛŋgbɛn mɛyɛŋk kɔway.

²³ Kɔ wɔrkun nwe oloku ɲa: «Ta nɛnesɛ bɛkɛc yɔfɔr nu! Kanu konu kɔ, Kanu ka papa konu kɛnasɔɲ nu pɛsam nde lɔba yonu. Pɛsam ponu pɛnader im.»

Kɔ wɛcamse ka Isifu owurene Simeyɔɲ nnɔ awenc aɲa ɲayi mɔ.

²⁴ Kɔ fum wɛkawɛ emberɛ ɲa nde kɛlɔ ka Isifu disre. K'ɔsɔɲ ɲa domun, kɔ ɲambikene wɛcɛk. K'ɔsɔɲ sɔ sɔfale sɔɲan yika.

²⁵ Kɔ ɲalompɛs kɛpocɛ kɛɲan, ɲackar kɛder ka Isifu dan, bawo ɲananene Isifu pɛcloku: «Sɛn'endedi yeri dan dɔmɔkɔ kɔ ɲa.»

²⁶ Nte Isifu ender dɛker dan mɔ, kɔ ɲasɔɲ Isifu yopocɛ yaɲan nye ɲanatɔmpɛrene kɔ mɔ, kɔ ɲantontnɛne kɔ dɛntɔf.

²⁷ Kɔ Isifu eyifɛt ɲa teta dis dan, k'eyif ɲa: «Papa konu wɛtem wɛkɔ nɛɲle mɔ, entamne? Ɔsɔɔyi doru?»

²⁸ Kɔ awenc aɲa ɲaloku: «Wɛcar kam, papa kosu entamne, ɔsɔɔyi doru.» Kɔ ɲantontnɛne Isifu.

²⁹ Kɔ Isifu eyekti fɔr. Nte ɛnɛɲk Benyamin wɛpaɲne kɔn kɛre mɔ, k'eyif ɲa: «Wɛkawɛ ɔyɔne wɛfɛt konu wɛlpɛs, wɛkɔ nɛnalok'im tetɔn mɔ?» K'ɔnɔcɛr: «Kanu kɛmar ɛm wan kem!»

³⁰ Kɔ Isifu oncopɛr moloku, bawo ɛnctɛyɛ-tɛyɛ pɛbotu pa kɛnɛɲk ka wɛnc, ɛnafan kɛbok. Kɔ Isifu emberɛ dukulɔ dɔn, k'ombok di han.

³¹ Kɔ Isifu ɛsak kɛbok, k'ombufɛrne kɛro, k'owur. K'ɛsɛp kɛtɔbok sɔ fɔr ya awenc aɲa kirin. K'oloku: «Nɛwurene su yeri.»

³² K'amberɛ Isifu yeri taciɲa, awenc aɲa taciɲa, kɔ aMisira ɲa ɲayi sɔ taciɲa. Bawo aMisira ɲancwɛse fɛ kɛpaɲne dap da yeri kɔ aHebɛre.

³³ Kɔ awenc a Isifu ɲandɛ fɔr yɔn kirin. Kɛyɛfɛ ka coco ca papa kɛɲan han wɛfɛt kɛɲan nwe o nwe kɔ dɛkɛnde dɔn. Kɔ ɲayɛfɛ kɛlokɛne kɛciyanɛ nke kɛyi ɲa nte Isifu osumpɛr ɲa mɔ.

³⁴ Kɔ Isifu emberɛne ɲa yeri yɔn nye nkɔn ɛncdi mɔ. Mba pɛberɛne mpe ɛnasɔɲ Benyamin mɔ pɛnala kɛcamɛt, pɛtas pa akɔ. Kɔ ɲamun han kɔ pɛntɔɲne ɲa kɔ nkɔn Isifu.

44

Isifu ɛntɔrɛs awenc ɔn nte tɔɲsɔɲe pɛtam kɛcɛre bɛkɛc yaɲan mɔ

¹ Kɔ Isifu oloku wɛcamse kɔn: «Mɛlase afum akanɛ malɔ dɛlɔba pɛmɔ tɔkɔ lɔba yaɲan yɛntam kɛlek malɔ mɔ. Mɛber pɛsam paɲan nde lɔba yaɲan disre.

² Mɛber sɔ apɔt ɲem ɲomune ɲa gbɛti ɲɔkɔ, nde alɔba ɲa wɛfɛt wɛkɔ kɔ pɛsam pɔkɔ ɛɲkɛre kɛdewayɛ malɔ mɔ.» Kɔ wɛcamse ka Isifu ɔyɔ tɔkɔ Isifu ɛnaloku kɔ mɔ.

³ Dec dendesɔk, k'asak afum aɲɛ kɛlukus nde ndaraɲan kɔ sɔfale sɔɲan.

⁴ ɲawur dare disre ta ɲantabɔle-ɛ, kɔ Isifu oloku wɛcamse kɔn: «Mɛyɛfɛ mɛcɛme afum aɲɛ darɛɲ han mɛbɛp ɲa. Mɛyif ɲa: «Ta ake tɔ nɛsɔɲe pɛtɔt kɛway pɛlec-ɛ?»

⁵ Bafɔ apɔt ɲaɲɛ ɲɔ mariki mem ɔɲmune, ɲɔsɔɲɛ kɔ kɛcɛre tɔkɔ tender mɔ ba? Nɛnciya kɛyɔ tantɛ nɛyɔ mɔ.»

⁶ Kɔ wɛcamse ka Isifu embɛlɛr ɲa k'embɛp ɲa. K'ɔɲgbɔkɛrene ɲa moloku mɔkɔ Isifu ɛnasom kɔ mɔ.

⁷ Kɔ ɲaloku wɛcamse ka Isifu: «Ta ake tɔ mariki ɔɲlok-lokɛre su tantɛ-ɛ? Sɛna amarɛs am sɛfɔtam kɛyɔ tatɔkɔ.

⁸ Sɛnɔɲkɛne kɛresna kɔ sɛɲkɛre nu pɛsam pɔkɔ sɛnanɛɲk nde lɔba yosu mɔ, kɛyɛfɛ Kanaɲ. Ta ake tɔ sɛndekiyɛne pɛsam kɔ pɛyi fɛ ti kɛma nde kɛlɔ ka mariki mam-ɛ?»

⁹ Nwe o nwe aɲnɛɲkɛ ca yayɔkɔ mɔ, padif kɔ, kɔ sɛna fɛp sɛyɔne acar a mariki mem!»

¹⁰ Kɔ wɛcamse ka Isifu oloku ɲa: «Awa. Ine nu sim! Nwe o nwe aɲnɛɲkɛ paka mɔ, ɔɲyɔne wɛcar kem. Nɛna alpɛs aɲɛ nɛɲkɔ.»

¹¹ Kɔ ɲambɛlkɛr-bɛlkɛr kɛtɔre-tɔre lɔba yaɲan dɛntɔf kɔ ɲasikɛli-sikɛli yi.

¹² Kɔ wɛcamse ka Isifu oncop kɛfen-feni kɛyɛfɛ alɔba ɲa wɛbɛki, k'ɛlɛpsɛr alɔba ɲa wɛfɛt. Kɔ wɛcamse ka Isifu ɔɲkɔ pɛnɛɲk apɔt nɲɛ nde alɔba ɲa Benyamin.

¹³ Kə awənc a Isifu ηawal-wali yamos yaŋan, kə ηandəndəsər sə səfale səŋan ləba yaŋan. Kə ηaluksərne sə dare disre.

Yuda kəcəpe Benyamin

¹⁴ Yuda kə awənc aŋa ηander sə nda Isifu wəkə enasərəyi kəfo kaŋkə ηanasak kə mə. Kə ηantempene dəntəf Isifu fər kirin.

¹⁵ Kə Isifu eyif ηa: «Cəke cə nəyə tante-ε? Nəncərə fe a intam kəcərə təkə təŋgbəpne mə, təkə tender mə?»

¹⁶ Kə Yuda oloku: «Cəke c'indeloku mariki mem-ε? Cəke c'indeloku mətam kəlan su-ε? Kanu kəmbəp amarəs am ηaciya. Səyənə oŋ acar a mariki mosu, kəyefe səna haŋ wəkə anəŋk apət aləba ηən disre mə.»

¹⁷ Kə Isifu oloku: «İfədebəc ti tatəkə! Fum nwe anəŋkə apət mə, endeyənə wəcar kem. Kə nəna, nəpərne nəkə ndena papa konu bəkəc yoforu disre.»

¹⁸ Kə Yuda ələtərne Isifu k'oloku kə: «İləktər'n'am mariki, məwose wəmarəs kam pələk-ləkər əm ta abəkəc ηep'am nno eyi mə! Bawo məyi pəmə Firawona.

¹⁹ Təcəkə-cəkə Mariki enayifət amarəs ən pələku: «Nəyə kas kə pəyənə fe ti-ε wəfet ba?»

²⁰ Kə səwosənə kə: «Səyə kas kətem, kə wəfet wan nwe oŋkom detem dən disre mə. Wəpaŋne kən kərə enafi. Kərə kən kəkom, sona s'eyi oŋ, kə kas əmbətər kə.»

²¹ Kə məloku amarəs am: «Nəkə nəkərə wəfet konu inəŋk kə fər yem.»

²² Kə səloku mariki mem: «Wəfet kosu əfətam kəyefe papa kosu kəsək. K'eyefe kə kəsək-ε, papa kosu eŋfi.»

²³ Kə məloku amarəs am: «Kə nəntəkərə wəfet konu-ε, ta inəŋk nu sə de.»

²⁴ Nte səluksərne ndena papa kosu wəmarəs kam mə, kə səlukse kə məloku ma məna mariki mem.

²⁵ Kə papa kosu oloku: «Nəkə sə nəwaye su yeri yepic.»

²⁶ Kə səloku kə: «Səfətam kəkə. Mba kə səŋsole wəfet kosu-ε, səŋkə, bawo wərkun wəkəkə əfəwose kənəŋk su cəro ta səŋkenə kə wəfet kosu pənəŋk-ε.»

²⁷ Kə papa kosu wəmarəs kam oloku su: «Nəncərə a wəran kem awut mərəŋ η'ənəkom'em.

²⁸ Kə wəkin ende pəsək im. İlan ti a wəkəkə, anawatəri-watəri kə, bawo intanəŋk fe kə haŋ məkə.

²⁹ Kə nəmbaŋər im sə ndəkəl wəkawε-ε, tes tedekəsətə kə-ε, pəcuy disre pə nəndesəŋ'em kətorə cəfon cem cəfer dabiya nde afi ηayi mə.»

³⁰ Ndekəl oŋ k'ilukus nde wəmarəs kam, papa kem eyi mə, ta inkenə kə wəfet kosu nwe abəkəc ηən ηosumpər mə,

³¹ eŋfi katina kə əntənəŋkə su wəfet kosu-ε. Təm tatəkə amarəs am ηandesəŋe wəmarəs kam papa kosu kətorənə cəfon cən cəfer dabiya pəcuy disre.

³² Bawo ina wəmarəs kam isəŋ kə temer kəlukse kə sə wan kən, icloku papa kosu: «K'intəlüks'am wəfet kosu-ε, in'endesərə kiciya doru o doru nno papa kem eyi mə!»

³³ Ndekəl ilətsen'am: İna wəmarəs kam iyi nno. İyənə wəcar ka məna mariki mem. Wəfet kosu pələkus kə awənc im aŋa nde papa kosu eyi mə.

³⁴ Cəke c'intam kəlukus, ta ilukse wəfet kosu nno papa kosu eyi mə-ε? Ha! İntola fe kənəŋk pələc pəkə pendekəsətə papa kosu mə, k'intəlüksə kə wəfet kosu-ε!»

45

Isifu əsəŋe awənc aŋa kənepəl kə

¹ Isifu enatam fe sə kəməŋk mənəcər nno afum akə ηanayi kə kəsək mə dacə, k'oŋkulə: «Nəwurenə afum fəp!» Ali wəkin enayi fe sə Isifu kəsək nte enməntərne awənc aŋa mə.

² K'eyefe kəbok, aMisira kə aka kələ ka Firawona ηane kə dim kəbok.

³ Kɔ Isifu oloku awɛnc aɲa: «In'ɔfɔ Isifu! papa kem ɔsɔɔyi doru ba?» Mba awɛnc aɲa ɲanatanam fɛ kɛlukɛ kɔ moloku nte pɛnciyanɛ ɲa kɛnɛɲk kɔ sɔ mɔ.

⁴ Kɔ Isifu oloku awɛnc aɲa: «Iletsɛnɛ nu, nɛlɔtɛrn'em.» Kɔ ɲalɔtɛrnɛ kɔ. K'oloku ɲa sɔ: «In'ɔfɔ Isifu wɛnc konu nwe nɛnacamɛs a kɔ aɲkɛrɛ kɔ Misira mɔ.

⁵ Nɛkɛl ɔɲ, ta nɛwakɛsnɛ. Ta pɛtɛlɛ nu kɛcamɛs kem pakɛr'em nnɔ, bawo kɛbum konu, nɛyi doru kɔ Kanu kɛnabɛlkɛr'em kɛkɛrɛ nnɔ, iyi nu kirinɲ.

⁶ Teren ta mɛrɛɲ ta dor tɔ tantɛ dɔtɔf. Pɛncɛmɛ meren kɛcamɛt afɔde pacbifti, afɔde pactɛl.

⁷ Kanu kɛkɛr'em iyi nu kirinɲ, nte tɔɲsɔɲɛ nu kɛsɔtɔ ka nnɔ atɔf ɲaɲɛ yuruya mɔ, imar nu ta nɛfi, icbum nu pɛyɛɲki pampɛ ayi kɛcɛpɛrɛnɛ mɔ.

⁸ Nɛkɛl ɔɲ, bafɔ nɛn'ɛkɛr'em nnɔ, mba Kanu kɔ. Kanu kɛncɛmbɛr im iyɔnɛ papa ka Firawona, mariki ma kɛlɔ kɛn disrɛ, wɛkirinɲ ka sɛdare sa Misira fɛp.

⁹ Nɛrɔknɛ nɛpɛ nde papa kem eyi mɔ. Nɛkɔ nɛloku kɔ: «Nte tɔ wan kam Isifu ɛnaloku su: Kanu kɛncɛmbɛr im mariki ma atɔf ɲa Misira fɛp. Ta mɛwon kɛder nnɔ iyi mɔ!

¹⁰ Nde atɔf ɲa Kosɛɲ ɲɔ mɛɲkɔyi, mɛfɔdebɔl'em, kɛyɛfɛ mɛna papa kɛbɛp awut am, awut-sɔ am, yɔcɔl yam yɔpɔɲ kɔ yɛfɛt haɲ ca nyɛ mɛyɔ mɔ fɛp.

¹¹ Nnɔ taɲ indetam kɛcsɔɲ ɛm ca fɛp bawo pɛsɔrɔcɛmɛ meren kɛcamɛt a dor declip. Ti disrɛ dor dɔfɔdesumpɛr yɔkɔ mɛyɔ mɔ.»

¹² «Fɔtɔ nɛɲgbɛtɛnɛ ti fɔr yonu, kɔ wɛfɛt kem Bɛɲyamin ɛɲgbɛtɛn'em fɔr yɔn yati a in'ɔɲlok-
lokɛr nu.

¹³ Nɛkɔ nɛloku papa kem kɔ pɛlɛl mpɛ isɔtɔ Misira mɔ fɛp. Nɛlɔmɛr kɔ nte nɛnɛɲk dɛ mɔ fɛp. Nɛrɔknɛ nɛtɔrɛnɛ papa kem nnɔ iyi mɔ.»

¹⁴ Kɔ Isifu ɛnapsɛrnɛ sɔ wɛfɛt kɛn Bɛɲyamin dɛkilim, kɔ ɲayɛfɛ kɛbok.

¹⁵ Kɔ Isifu oncupɛs awɛnc aɲa fɛp. Kɔ ɲandelɛpsɛr kɛndɛ tofo tin kɔ ɲalok-loku.

Firawona kɛwe ka Yakuba Misira

¹⁶ Kɔ moloku mamɔkɔ mɛsam kɛlɔ ka Firawona fɛp disrɛ, a awɛnc a Isifu ɲanderna mɔkɔ. Kɔ toloku tatɔkɔ tɔmbɔt Firawona kɔ amarɛs ɔn.

¹⁷ Kɔ Firawona oloku Isifu: «Mɛloku awɛnc ɛm aɲa: «Nɛyɔ nte: Nɛlɛk yɔcɔl yonu, nɛkɔ atɔf ɲa Kanaɲ.

¹⁸ Nɛlɛk papa konu kɔ afum ɔn, nɛder nnɔ iyi mɔ. Indeyɔnɛ nu nte o nte tentɛsɛ atɔf ɲa Misira mɔ. Nɛnde nɛcdi yeri yobɔɲu ya Misira.»

¹⁹ Iwos'am kɛloku awɛnc ɛm aɲa: «Nɛyɔ nte: Nɛlɛk cibil atɔf ɲa Misira, nɛkɔ nɛlɛk awut kɔ aran anu kɔ papa konu nɛder.»

²⁰ Ta nɛɲaɲɲɛ mɛlɛr tɛta ca yonu yɔkɔ nɛndɛkɔsak di mɔ, bawo mpɛ o mpɛ peyi atɔf ɲa Misira pɔyɔnɛ pɔtɔt mɔ, pɛndeyɔnɛ ponu.»

²¹ Kɔ awut a Yakuba ɲayɔ tatɔkɔ. Kɔ Isifu ɔsɔɲ awɛnc aɲa cibil pɛmɔ tɔkɔ Firawona ɛnasom kɔ ti mɔ. K'ɔsɔɲ ɲa sɔ yeri yɔkɔ ɲanakɔ kɛcdi dɔpɔ mɔ.

²² Kɔ Isifu ompocɛ awɛnc aɲa fɛp yamos yɛsɛkɛpɛrɛ k'ɔsɔɲ Bɛɲyamin gbɛti mɛncɛmbɛl masar maas (300) kɔ yamos kɛcamɛt yɛsɛkɛpɛrɛ.

²³ Ca nyɛ yɔ Isifu ɛnasɔɲ pakɛnɛ kas kɛɲan: Sɔfale surkun wɛcɔ sɛsare ca yɔtɔt ya Misira, kɔ sɔfale sɛran wɛcɔ sɛsare malɔ, cɛcom kɔ yeri ta nte ɔɲkɔsumpɛr dɔpɔ kɛder Misira mɔ.

²⁴ Kɔ Isifu ɛsak awɛnc aɲa kɔ ɲalokus. K'oloku ɲa: «Ta nɛkɔcɔp dɔpɔ de!»

²⁵ Kɔ awɛnc a Isifu ɲayɛfɛ Misira kɔ ɲampɛ Kanaɲ ndɛna papa kɛɲan Yakuba.

²⁶ Kɔ awɛnc a Isifu ɲaloku kas kɛɲan tɛta Isifu kiyi kɛn doru sɔ. Kɔ ɲaloku kas kɛɲan a Isifu ɔyɔnɛ wɛbɛ wɛka atɔf ɲa Misira fɛp. Mba abɛkɛc ɲɛnapɛ fɛ Yakuba bawo ɛnalɲ fɛ ɲa.

²⁷ Kɔ ɲalɔmɛr kɔ moloku mɔkɔ Isifu ɛnasom ɲa mɔ fɛp. Nte Yakuba ɛnanɛɲk cibil cɛkɔ Isifu ɛnasak kɛdɛlɛk kɔ mɔ, ti tɛnasɔɲɛ kɔ ɔɲ abɛkɛc kɛpɛ.

²⁸ Kɔ Yakuba oloku: «Ilanɲ ti ɔɲ! Wan kem Isifu ɔsɔɔyi doru! Indɛkɛnɛɲk kɔ a icfi.»

46

Yakuba kəkə kən Misira

¹ Kə Yakuba ɔŋkə kə ca yəkə enayə mə. Nte emberε Bersaba mə, k'olonje di Kanu ka papa kən Siyaka.

² Kə Kanu kəlok-lokər Yakuba kənəŋk ka pibi disre. Kə Kanu kəwe kə: «Yakuba! Yakuba!» K'owosε: «In'ewε!»

³ Kə Kanu kəloku kə: «In'ɔfə ina Kanu, Kanu ka papa kam. Ta mənese kətor ka Misira. Bawo difə in'kəsəŋ'am kəyənε ka kas ka afum alarəm.

⁴ Sən'endesol kətor ka Misira. In'endesəŋ'am sə kəpε. Isifu yati endemεp'am fər waca wən.»

⁵ Kə Yakuba eyεfe Bersaba. Kə awut a Yakuba ŋəŋkekəre kas kəŋan, aran aŋan, kə awut aŋan cibil ca dəntəf disre nce Firawona enasəŋ pakə kere ŋa mə.

⁶ Kə ŋalek sə yəcol yaŋan kə ca yəkə ŋanasətə atəf ŋa Kanaŋ mə. Kə Yakuba ɔŋkə Misira kə afum ən fəp.

⁷ K'ənkenεnε atəf ŋa Misira yuruya yən fəp, awut ən arkun kə awut-sə ən arkun, awut ən aran kə awut-sə ən aran.

Delay da afum a Yakuba

⁸ Mewe ma awut a Yakuba mə mmε, aŋε ŋanakə Misira mə. Yakuba kə awut ən: Coco ca Yakuba, Ruben.

⁹ Awut a Ruben: Henok, Palu, Hecərəŋ, kə Karmi.

¹⁰ Awut a Simeyən: Yemuyel, Yamin, Ohad, Yakin, kə Cohar, kə Sawul wan wəkun wəka wəKanaŋara.

¹¹ Awut a Lewy: Kerson, Kehat, kə Merari.

¹² Awut a Yuda: Her, Onan, Selah, Perεc, kə Serah, mba Her kə Onan ŋanafi nde atəf ŋa Kanaŋ. Awut a Perεc ŋanayənε Hecərəŋ kə Hamul.

¹³ Awut a Isakar: Tola, Puwa, Yəb, kə Simrən.

¹⁴ Awut a Sebulən: Sered, Elən, kə Yahaləl.

¹⁵ Awut akaŋε ŋə Leya enakomε Yakuba nde Padaŋ-Aram, mba wan kən wəran Dina eyi fe ti. Kələk awut ən aran haŋ arkun, ŋanakə afum wəco maas (33).

¹⁶ Awut a Kadu: Cifyən, Haki, Suni, Ecəbən, Eri, Arodi, kə Areli.

¹⁷ Awut a Aser: Yima, Yisuwa, Yisuwi, kə Beriya, kə Sera wəkire kəŋan. Wan ka Beriya: Heber kə Malkiyel.

¹⁸ Awut a Silpa wəmarəs nwe Labaŋ enasəŋ wan kən wəran Leya mə, ŋə akakə aŋε enakomε Yakuba mə. ŋanayi afum wəco kə camət-tin (16).

¹⁹ Awut a Rasel, wəran ka Yakuba: Isifu kə Benyamin.

²⁰ Kə Isifu nkən oŋkom Misira awut mərəŋ: Manase kə Efrayim, aŋε Asnat wan wəran ka Potifera wəlonje ka dare da Hon, enakomε Isifu mə.

²¹ Awut a Benyamin: Bela, Bekεr, Asubel, Kera, Naman, Ehi, Rəs, Mupim, Hupim, kə Ardu.

²² Yuruya yaye yə Rasel enasətənε nkən Yakuba, ŋanayi afum wəco kə maŋkələ (14).

²³ Wan ka Dan: Husim.

²⁴ Mewe ma awut a Naftali mεmε: Yacel, Kumi, Yecer, kə Silem.

²⁵ Awut a Bilha ŋə akakə, Bilha nwe Labaŋ enasəŋ wan kən wəran Rasel mə pəyə kə wəcar, k'oŋkomε ŋa Yakuba. ŋanayi afum camət-mərəŋ.

²⁶ Afum aŋε ŋanacεpse Yakuba kəkə ka Misira mə, ŋanayi afum wəco camət tin kə camət tin (66) aŋε ŋanayənε akom ən mə, aləm fe aran a awut ən arkun de.

²⁷ Awut a Isifu aŋε enakom Misira mə: ŋanayi awut mərəŋ. Afum a Yakuba aŋε ŋanacεpse kə darən kəkə ka Misira mə, ŋanayi fəp faŋan afum wəco camət mərəŋ (70).

Yakuba kəndε kən nde Misira

²⁸ Kə Yakuba osom Yuda pəyi kə kirin kəkə ka Kosεŋ ndena Isifu. Kə Yuda emberε atəf ŋa Kosεŋ.

29 Kɔ Isifu elek abil nɔn k'empɛ Koseŋ kəkɔbɔpɛnɛ kɔ papa kɔn Yakuba. Isifu nɔnɔwɔrɛnɛ kɔ papa kɔn, k'ɛnapsɛrnɛ kɔ dɛkilim k'eyɛfɛ kɔbɔk. K'ombok haŋ.

30 Kɔ Yakuba oloku Isifu: «Intam oŋ kɛfi bawo inɔŋk ɔm kɛro, k'incɛrɛ oŋ a mɔyi doru!»

31 Kɔ Isifu oloku awɛnc aŋa kɔ afum a papa kɔn: «Ilukus ikɔ ilukse Firawona kɔbɛrɛ konu. Ikɔ iloku kɔ a: «Awɛnc im aŋa kɔ afum a papa kem aŋɛ nɔnɔyɛ atɔf nɔ Kanaŋ mɔ, nɔnder nɔnɔ iyi mɔ.

32 Afum akɛk a nkesiya, cir, kɔ cɛna nɔ nɔyɔnɛ, bawo akɛk a acɔl nɔ. Nɔnɔkɛrɛ yɔcɔl yaŋan fɔp kɔ ca yaŋan.»

33 Kɔ tɛm tendebɔp nɛ Firawona endewe nu pɛcyif nu: «Ake'yɔnɛ yɛbɔc yonu-ɛ?»

34 Nɛcɔloku kɔ: «Sɛn'acar am, akɛk nɔ sɔyɔnɛ, kɔyɛfɛ dɛtɛmp dosu haŋ mɔkɔ, yɛbɔc yaɔkɔ yɔ sɛmbɔpɛ akombɔra asu.» Ti disrɛ, nɔyi Koseŋ, bawo pɛcyik-yik aMisira kɛndɛ kɔ akɛk a nkesiya kɔ cir.»

47

1 Kɔ Isifu ɔŋkɔ pɛlukɛ ti Firawona. K'oloku kɔ: «Awɛnc im aŋa kɔ papa kem nɔnder kɔyɛfɛ ka atɔf nɔ Kanaŋ kɔ yɔcɔl yaŋan nkesiya, cir kɔ cɛna kɔbɔp ka ca yaŋan fɔp. Nɔyi tante atɔf nɔ Koseŋ.»

2 Kɔ Isifu elek awɛnc aŋa kɛcamɔt k'ementɔr nɔ Firawona.

3 Kɔ Firawona eyif awɛnc a Isifu: «Ake'yɔnɛ yɛbɔc yonu-ɛ?» Kɔ awɛnc a Isifu nɔloku Firawona: «Sɛn'acar am, akɛk a nkesiya, cir kɔ cɛna nɔ sɔyɔnɛ pɛmɔ papa kosu aŋa.»

4 Kɔ nɔloku sɔ Firawona: «Sɛnder kɛdɛndɛ atɔf nɔnɛ, bawo dɛkɛcɔl deyɛ fɛ sɔ ndɛ acar am nɔyɛfɛ mɔ, kɔ dor dɛmbɛk kɔbɛk dɛm atɔf nɔ Kanaŋ. Mɔwosɛ oŋ acar am kɛndɛ atɔf nɔ Koseŋ.»

5 Kɔ Firawona oloku Isifu: «Papa kam kɔ awɛnc ɔm aŋa nɔnder nɔnɔ mɔyi mɔ.

6 Atɔf nɔ Misira nɛy'ɔm dɔwaca, mɛdɔs papa kam kɔ awɛnc ɔm aŋa nɔnɔ pɛntesɛ nɔ Koseŋ mɔ, kɔ mɛncɛrɛ sɔ awɛnc ɔm aŋa dɛcɔ afum alompu-ɛ, mɛcɛmbɔr nɔ nɔckɛks'em yɔcɔl.»

7 Kɔ Isifu ɛŋkɛrɛ papa kɔn Yakuba kɛdɛmentɔr kɔ Firawona. Kɔ Yakuba ontolanɛ Firawona.

8 Kɔ Firawona eyif Yakuba: «Meren cɔkɛ mɔ mɔyi doru-ɛ?»

9 Kɔ Yakuba oloku kɔ: «Meren mɛmɛ isɔtɔ kɛcɛpɛ-cɛpɛ disrɛ mɔ, mɛmbɔp meren tasar tin kɔ wɔcɔ maas (130), kiyi kem doru kɛncɛpɔr katɔna katɔna. Inɛpɛrɛnɛ meren meyenki kiyi kem doru. Intasɔtɔ fɛ meren mɛmɛ akombɔra em nɔnasɔtɔ mɔ, mba teɛcɛpɛrɛnɛ doru tin tayɛ tɔ sɛncɛpɛrɛnɛ doru.»

10 Kɔ Yakuba ontolanɛ sɔ Firawona. K'eyɛfɛ, k'ɛsak kɔ.

11 Kɔ Isifu endɔs papa kɔn kɔ awɛnc aŋa atɔf nɔ Misira. K'ɔsɔŋ nɔ antɔf Misira, ndɛ atɔf nɔ Ramsɛs, pɛmɔ tɔkɔ Firawona ɛnaloku kɔ ti mɔ.

12 Kɔ Isifu ɛntam oŋ kɔgbɛkɛrɛ papa kɔn, awɛnc aŋa, kɔ aka kɛlɔ ka papa kɔn fɔp pɛmɔ tɔkɔ nɔnalanɛnɛ mɔ.

Isifu kɛkɛtɛnɛ mes ma Misira

13 Yeri yɛnɔyɛ fɛ sɔ atɔf nɔ Misira fɔp, bawo dor dɛnasɔtɔ fɛnɔntɔr. Atɔf nɔ Misira kɔ atɔf nɔ Kanaŋ dor dɛncɛŋkɛs oŋ kɛlɛŋkɛs dɛm afum a tɔf yaɔkɔ.

14 Kɔ Isifu ɛwɛtɔs gbɛti fɔp mɛbɛ bɛnɔyɛ atɔf nɔ Misira kɔ atɔf nɔ Kanaŋ mɔ. Pɛcsɛkpɛrɛ gbɛti babɔkɔ malɔ, kɔ Isifu ɛmbɛrɛ gbɛti babɔkɔ ndɛ kɛlɔ ka Firawona.

15 Nɛ gbɛti ba Misira kɔ Kanaŋ belip mɔ, kɔ aMisira fɔp nɔnder nɔnɔ Isifu eyi mɔ. Kɔ nɔloku: «Mɔsɔŋ su yeri! Cɛpɔ sɛndɛfi fɔr yam kirin bawo gbɛti beyi fɛ sɔ?»

16 Kɔ Isifu oloku: «Nɔsɔŋ yɔcɔl yonu. Inɔsɔŋ nu kɛcom kɛsɛkpɛ ka yɔcɔl yonu, bawo gbɛti beyi fɛ sɔ.»

17 Kɔ nɔnɔkɛrɛ Isifu yɔcɔl yaŋan. Kɔ Isifu ɔŋsɔŋ nɔ yeri kɛsɛkpɛ ka yɔcɔl yaŋan: Fɛlɛs, yɔcɔl yɛfɛt kɔ yɔpɔŋ, sɔfale. Kɔ Isifu ɔsɔŋ nɔ yeri ya teren tatɔkɔ kɛsɛkpɛ ka yɔcɔl yaŋan fɔp.

¹⁸ Nte teren tatoko tenceper ma, ko aka Misira nander so nno Isifu eyi ma teren tacksak. Ko naloku ko: «Sefotam kamejkar mariki mem a gbeti bosu belip, ko yocol yosu yelip. Daka o daka dencame fe su so, mene dis dosu ko ntof yosu.»

¹⁹ Sandefi on for yam kirin ba, ko ntof yosu? Maway su ko ntof yosu kaskpe ka yeri. Tem tatoko sayone acar a Firawona, sana ko ntof yosu. Mason su defet sabac ta sedefi, ntof yosu yedefantare gbalmas.»

²⁰ Ko Isifu awaye Firawona ntof ya Misira fep, aka Misira fep nanacaməs ntof yanjan, bawo dor denabekar ja. Ko atof nyone on ja Firawona.

²¹ Ko Firawona elek afum anje nanayi dcalencar ca Misira ma, k'enkere ja sadare sapon.

²² Mba Isifu enaway fe ntof ya alonne, bawo Firawona enamone kaway ka ntof yanjan. Alonne nanyi kkekəs ka Firawona disre, ti to alonne nanatocamse ntof yanjan.

²³ Ko Isifu oloku afum a Misira: «Iway nu moko ko ntof yonu, nyone moko aka Firawona. Defet dende: Nantam kabof dontof.»

²⁴ Ko nande nactel-e, nade nacsan farile poboc pin pa yetel yonu Firawona. Nana nalek yoboc mankale nye, yendeyone nu yeri ya deker ko awut, yoyone nu so defet da teren tanc ma.»

²⁵ Ko naloku Firawona: «Malukse su kayi doru! Sasoto kajanene ka mariki mosu, sendeyone acar a Firawona.»

²⁶ Ko Isifu encambor ti ko toyone moko toyo ta Misira: Poboc pa kacamot fep pa Firawona po. Mene ntof ya alonne gbacoram yotoyone ya Firawona.

Mefan ma Yakuba melpas

²⁷ Ko Yakuba ende atof ja Misira, atof ja Koson. Ko pyone di ndaranjan koyone kas ka afum alaram.

²⁸ Ko Yakuba eyi doru meren waco ko camot-meran (17) atof ja Misira. Kawon ka Yakuba doru fep kansasoto meren tasar tin waco mankale ko camot meran (147).

²⁹ Mataka ma Yakuba kalotas kalip, k'ewe wan kon Isifu k'oloku ko: «Ko mafan kamar im-e, maboc kaca kam alanj nem tantof, malek'em layidi pasoku disre nde mandetampar'em ma: Iletsen'am ta mawup im Misira!»

³⁰ K'indefantare ko papa kem ana-e, mawuren'em Misira. Mako mawup im nde kufu kajan kayi ma.» Ko Isifu oloku ko: «Indeyo toko malok'im ma.»

³¹ Ko Yakuba oloku: «Maderam'em ti.» Ko Isifu endermə ko ti. Ko Yakuba ontontne nde kafanc kon daromp.

48

Yakuba katolane kon awut arkun a Isifu

¹ Nte mes mamoko menceper ma, k'anjko paloku Isifu a Papa kon entamne fe. Ko Isifu elekene awut on meran Manase ko Efrayim.

² K'asone ti Yakuba kacare, k'aloku ko: «Wan kam Isifu eyi kader nno mayi ma.» Ko Yakuba olonka fanontar fon k'eyefe, k'ende kafanc kon karon.

³ Ko Yakuba oloku Isifu: «MARIKI nwe entam mes fep ma doru ma enawurer im dare da Lus nde atof ja Kanaj k'osan im temer kadepoc'em patot.

⁴ K'olok'im: «Indeson am dokombara, indeson'am kala, indeson'am kayone watem ka afum alaram. Indeson atof nanye yuruya yam ko menceper-e, atof nanye hendeyone nanjan doru o doru.»

⁵ «Ndekəl on, awut meran anje mankom atof ja Misira a k'indeder nno mayi ma, hendeyone akemi. Efrayim ko Manase nayne akemi, pamo toko iyo Ruben ko Simeyon ma.»

⁶ Mba awut anje mandekom on anje meran tadaran ma, akam handeyi akako, awenc ana no handesotar ke.

7 Kəder kem Padañ, kə Rasel efir im dəpə da Kanañ, ta pəmbəle su kəberε Efrata-ε. Difo inawup kə katina dəndo dəpə da Efrata, nde pəyənε Betləhem mə.»

8 Kə Yakuba əməməñ awut a Isifu k'eyif: «Are ηə akanε-ε?»

9 Kə Isifu oloku papa kən: «Awut em ηə, anε Kanu kəsəñ im nnə mə.» Kə Yakuba oloku: «İletsən'am məyə ηa ηacəñne nnə itolanε ηa.»

10 Detem dənələləs Yakuba fər. Enctam fε sə kənəñk. Kə Isifu əncəñ awut ən nde Yakuba eyi mə, kə Yakuba oncup ηa, k'εmakərne ηa.

11 Kə Yakuba oloku Isifu: «İnacem-cəmənε fε sə kədenəñk əm. Mba Kanu kəsəñ'em k'inəñk əm hañ awut am!»

12 Kə Isifu elin awut kas dələñk, k'encəp kəro dəntəf.

13 Kə Isifu osumpər mərəñ mañan fəp waca, pəsumpərə Efrayim kəca kətət mba pəyi kəca kəmeriya ka Yakuba, k'osumpərə Manase kəca kəmeriya mba pəyi Yakuba kəca kətət, k'əncəñne ηa sə nde wətem kəñan eyi mə.

14 Kə Yakuba əntənc kəca kən kətət, k'endenε ki Efrayim dərəmp nwe εnafεtε mə, k'endenər Manase kəca kən kəmeriya dərəmp. Enacərə belbel təkə əncyə waca wən mə, ali nte Manase εnayənε wan wəcəkə-cəkə mə.

15 Motolanε mmε mə Yakuba εnatolanε Isifu:

«Kanu nkε kənəñk papa kem anə Abraham kə Siyaka tecepərəne tanan mə, Kanu nkε kəñkεks'im kəyεfε nte iyi doru hañ məkə mə,

16 Mələkε mmε mencyac im pələc mə, məsəñε awut anε!
Pawe ηa tewe tem

kə mewe ma papa kem anə, Abraham kə Siyaka.

Kanu kəsəñε ηa kəkom pəlarəm nde atəf ηañəkə dacə.»

17 Nte Isifu εnəñk kas pəcdeñər Efrayim kəca kən kətət mə, kə təntəbət kə. Kə Isifu osumpər kəca ka kas, k'əncəñ ntende domp da Manase ta pədeñər ki Efrayim.

18 Kə Isifu oloku papa kən: «Ta məyə tantε, fətə Manase εbək. Nkən pəmar mədeñər kəca kam kətət.»

19 Kə papa kən εfati, k'oloku: «İncərə ti, wan kem. İncərə ti! Nkən sə endeyənε wətem ka afum alarəm, endebək. Mba wənc Təñə endebək kə, yuruya yən yendelas təf fəp.»

20 Kə Yakuba ontolanε ηa dəsək dadəkə, k'oloku: «Mən'endesəñε Yakuba pəctolanε a pəckulε a: «Kanu kəsəñ'am kəyi pəmə Efrayim, pəmə Manase!»» Tatəkə tə Yakuba εnacəmbər Efrayim Manase kirin.

21 Kə Yakuba oloku Isifu: «Kəfi k'inder! Mba Kanu kəndesolε nu. Kəndelukε nu atəf ηa atem anu.

22 İmbərən'am pəkə awənc əm anə ηantədəsətə mə*, ip'əyənε mpε inabanərə aka Amər dakma dem kə ambəncəran ηem mə.»

49

Kətolanε ka Yakuba awut ən wəco kə mərəñ

1 Kə Yakuba ewe awut ən, k'oloku:

«Nəlonkane iloku nu təkə tendeder nu kirin mə.

2 Nəlonkane, nəcəñkəl im awut a Yakuba!

Nəcəñkəl Yisrayel* papa konu!

3 Ruben, məna coco cem,

məna nwe inakom

təm nte inayə fənəntər mə:

Məncəpər awənc əm anə

tokom, kə fənəntər.

4 Məyənε pəmə domun nde dənyεkse dəkəñgbəkə mə,

* 48:22 Paka papəkə pəyənε dare da Səkem. * 49:2 Məməməñ 32.29, 35.10

m̄ba m̄af̄ades̄aȳone w̄akirin,
 Bawo m̄anap̄ese dak̄af̄ant̄are da papa kam,
 M̄anayik-yik̄as k̄af̄anc kem k̄ap̄ese ka ki, k̄o w̄aran kem w̄akin.

⁵ Simeȳon̄ k̄o Lewy d̄ew̄enca d̄o η̄ayo:

η̄a η̄ant̄aη̄ne, η̄asek k̄ak̄oȳo p̄alec.

⁶ Ala, ifan̄ f̄e k̄an̄oη̄k̄al t̄eη̄k̄and̄am tan̄an!

Ta m̄ec̄em-c̄em̄ne mem̄ met̄aη̄ne nde η̄ant̄aη̄ne k̄ab̄ap̄ene m̄o!

Bawo met̄ele maη̄an dis̄re, η̄andif̄ fum.

K̄awose k̄aη̄an dis̄re, k̄o η̄ancopu-copu mura b̄anta.

⁷ Intolan̄e met̄ele maη̄an p̄alec, bawo m̄embek̄ p̄el̄as̄er.

Intolan̄e p̄alec deyen̄ki b̄ak̄ac dan̄an, bawo d̄of̄aȳone n̄on̄of̄ar.

Indeyer̄as η̄a at̄of̄ η̄a Yakuba,

Indesams̄er η̄a at̄of̄ η̄a Yisrayel.

⁸ Yuda, m̄ana, aw̄enc̄ am̄ aη̄a η̄andeyek-yek̄as am̄.

M̄andesump̄ar ater̄ene am̄ c̄ar̄ob̄o.

K̄o aw̄enc̄ am̄ aη̄a η̄andec̄ap̄ am̄ s̄abomp̄ f̄ar yam̄ kirin̄.

⁹ Yuda, kusun̄uη̄ku k̄awut̄ k̄o m̄aȳone.

D̄ak̄awat̄ari-wat̄ari w̄es̄em̄ wam̄ m̄aȳefe, wan̄ kem!

Nk̄on̄ oη̄nut̄ w̄ec̄ak̄, p̄af̄ant̄are p̄am̄o kusun̄uη̄ku.

P̄am̄o kusun̄uη̄ku k̄aran: An'entam̄ ki k̄aȳekti ta k̄af̄an̄-ε?

¹⁰ K̄agbo ka d̄ebe k̄af̄ode k̄acb̄ole Yuda,

k̄agbo ka d̄ebe k̄andeyi yuruya ȳon̄ d̄awaca,

han̄ t̄em̄ n̄te w̄aka k̄agbo kan̄k̄o yati endeder̄ m̄o,

w̄ak̄o afum̄ f̄ap̄ η̄andeyi d̄ant̄of̄ m̄o.

¹¹ Nk̄on̄ (Yuda) ende p̄ackot̄ s̄afale s̄on̄ d̄an̄gb̄oη̄k̄al̄o ya w̄en,

p̄ackot̄ wan̄ ka si nde k̄at̄ok̄ ka w̄en,

Ende p̄acyak̄ yamos̄ ȳon̄ d̄aw̄en,

k̄o burumus̄ b̄on̄, d̄am̄anc̄anc̄o ma yokom̄ ya w̄en.

¹² Member̄ mendes̄oη̄e k̄o f̄ar k̄ayimb̄are,

M̄ese ma wana mendefert̄er̄ am̄ sek.

¹³ K̄o m̄ana Sabulon, k̄aba k̄as̄ak̄ m̄andend̄e,

nde cibil̄ c̄andeȳo k̄at̄anta m̄o.

C̄al̄anc̄ar̄ ca at̄of̄ η̄an̄ok̄o c̄andew̄ak̄al̄ han̄ Sidon̄.

¹⁴ Isakar, m̄ana s̄afale s̄ap̄oη̄ s̄o m̄aȳone,

n̄se s̄an̄f̄ant̄are gb̄ore m̄er̄aη̄ dac̄o m̄o.

¹⁵ P̄an̄oη̄k̄ a k̄af̄o kan̄k̄o eyi k̄aη̄es̄am̄ m̄o k̄ant̄ese,

k'at̄of̄ η̄omb̄ot̄.

P̄atirmi kumunt̄ pad̄and̄as̄er̄ k̄o p̄esare,

Yeb̄ac̄ ya dacar̄ y'endeyi.

¹⁶ Dan, endeȳone afum̄ on̄ w̄abe.

P̄am̄o kusun̄ka k̄al̄oma cusun̄ka c̄alp̄as̄ ca Yisrayel c̄ak̄o.

¹⁷ Dan, endeyi p̄am̄o abok̄ n̄η̄e η̄eyi d̄op̄o m̄o,

aη̄kisin̄ n̄η̄e η̄eyi d̄op̄o k̄as̄ak̄ m̄o.

Abok̄ n̄η̄e η̄eη̄aη̄ b̄anta ya af̄ales,

a t̄os̄oη̄e w̄aȳeks̄ene ka η̄i k̄at̄emp̄ene m̄o.

18 Ingbəkər əm amera MARIKI, a məndeyac im!

19 Kadu, kənay† kəndepaḡne kə
pəyefe pəcəme ḡa darəḡ kəbeləs.

20 Ndena Aser, yeri yoboḡu yendela di.

Antəf ḡam ḡende ḡəcsəḡ yeri nyə pəmar yəyəne yeri y'abə mə.

21 Naftali, were w'əyəne nwe weyi kiyi ka wi, ta tes o tes toḡkotərne wi mə.
Ende pəckoməs awut atət‡.

22 Isifu, popoḡ pa kətək kəkom pəyəne,
Popoḡ pa kətək kəkom nke kəcəme kəḡgbəkə kəsək mə,
wara wa ki wetilsərne damba.

23 Nandəktər kə, kə ḡampən.

Apəne mbəncəran ḡanayəne ayefərəne am.

24 Mba ambəncəran ḡən ḡende ḡetəḡḡene kə nkən sərka.

Anacaḡəs waca wən

kətam ka Kanu kə fənəntər fa Yakuba dəntəf.

ḡyəne wəkəkəs kə togbu pa aka Yisrayel§.

25 Tewe ta Kanu ka papa kam, nke kəyəne wəmar kam mə,
tewe ta Kanu nke kəntam mes fəp ma doru mə, nke kəndepoc'am mə:

Kəpocə pətət nke kəndeyefe darenc mə,

kəpocə pətət nke kəḡyefe dəntəf mə,

kəpocə pətət ka awut alarəm kə yəcəl yelarəm.

26 Kətolanə nke papa kam ontolan'am mə,

kəncəpər kətolanə pətət ka aḡe ḡaḡkom im mə,

ḡaḡ dəkələpsər da mərə ma doru o doru.

Kətolanə pətət kaḡkə kəyi Isifu dəromp,

dəndo domp daco da Isifu

nwe əyəne wəbe ka awənc aḡa mə!

27 Benyamin, kalma k'əyəne nke kəḡwatəri-watəri mə.

Bətbət kəwatəri-watəri wəsəm wa ki,

dəfəy, pəyerəs yəsətə ya ki.»

28 Awut akanə ḡayəne cusuḡka wəco kə mərəḡ ca Yisrayel. Moloku mame mə kas kəḡan
ənaloku ḡa, nte onctolanə ḡa mə. Yakuba ənətolanə ḡa nwe o nwe kə kətolanə kən tacḡa.

Defi da Yakuba

29 Nte Yakuba elip kətolanə awut ən mə, k'osom ḡa: «Intas kəbəp atem em aḡe ḡafi mə.
Nəwup im kə papa kem aḡa, nde kufu kəḡkə kəyi nde dalə da Həfəroḡ wəHewy mə,

30 nde kufu nke kəyi dalə da Makpela, Mamre kəsək, nde atəf ḡa Kanaḡ. Dalə dadəkə də
Abraham ənəway nno Həfəroḡ eyi mə, pəyəne di dəkəwupəne da afum ən.

31 Difə anawup Abraham kə wəran kən Sara, difə anawup Siyaka kə wəran kən Rebeka,
difə inawup sə Leya wəran kem.

32 Dalə kə kufu nke kəyi di mə, Abraham ənəway di aHewy dəwaca.»

33 Nte Yakuba elip kəsom awut ən mə, k'efəntərə dəkəfənc. K'əḡḡbiḡ kifir k'ənəḡkələne
atem ən aḡe ḡanafi mə.

50

Kəbal ka Yakuba

† 49:19 Kənarə ‡ 49:21 Pəcloku moloku mətət § 49:24 CəHebərə = «tasar pa aka Yisrayel»

¹ Kə Isifu entəmpənə papa kən kəron, k'ombok kə kəron, k'oncup kə.

² Kə Isifu osom acar ən akə njanayənə atən cəl mə, a njasop kas acəl nne nəsənə ta wəfi ente katəna mə. Kə atən cəl njasop Yakuba acəl njanəkə.

³ Kə tənəkə mata wəco maŋkələ (40). Təm tatəkə mataka maməkə m'ancsop afi acəl nja kətətə njanəkə, kə aMisira njanbok kə mata wəco camət mərəŋ (70).

⁴ Nte mataka ma kəbal kən mencepər mə, kə Isifu oloku afum akə njanayi nde saŋka sa Firawona mə, k'oloku nja: «K'intam kəsətər nu layidi-ε, nəloku nte Firawona ilətsənə nu:

⁵ Papa kem enasən'em kəderəm, pəcloku: «Kəfi k'inder! Məkə məwup im nde kufu kənəkə inəkay nde atəf nja Kanaŋ mə.» Difə ifaŋ kəpə ikəwup papa kem. K'ilip-ε, inder.»

⁶ Kə Firawona oloku kə: «Məpə məkə məwup papa kam pəmə təkə əsən'am kəderəm mə.»

⁷ Kə Isifu empe kəkəwup papa kən. Kə njampe kə abeki aka saŋka sa Firawona fəp kəbər abeki a atəf nja Misira.

⁸ Kə afum a Isifu fəp, kələk awənc aŋa kəbər ka afum a papa kən, mənə awut afət, yəcəl yaŋan yərən kə yəfət n'anasak atəf nja Koseŋ.

⁹ Isifu kə cibil ca dəntəf k'ayeksənə fələs njampe kə nkən, kə təsənə akə a Kanaŋ kəla.

¹⁰ Njandəbər pəferere pa Atad, nne njei Yurden takəron mə, kə njasop Yakuba dəndo kəyek-yekəs disre. Kə Isifu ombok kas mata camət-mərəŋ.

¹¹ Kə andə a atəf njanəkə, aka Kanaŋ, nja kəbal ka Yakuba dəndo pəferere pa Atad. Kə njaloku: «Defi dərən də dandə aMisira dacə!» Ti t'asənə tofə tatəkə tewe ta «Abel Misira» nde Yurden takəron.

¹² Kə awut a Yakuba nja təkə papa kəŋan enaloku nja mə.

¹³ Kə awut ən njankekəre kə atəf nja Kanaŋ. Kə njasop kə nde kufu ka dalə da Makpela, dalə nde Abraham enaway Həfəron wəHiti dəwaca mə, pəyə di dəkəwupənə da afum ən, nde Mamre kəsək.

¹⁴ Nte Isifu elip kəwup papa kən mə, k'oluksərne Misira kə awənc aŋa kə akə njanacəmbər kə, kəkəwup papa kən mə.

Mes maməkə mənacepər nte defi da Yakuba delip mə

¹⁵ Nte awənc a Isifu njanək a papa kəŋan efi mə, kə njaloku: «Kə Isifu eŋkafələ pəyənə wəterənə kosu, kəluksə ka ayek nja pələc mpe sənayə kə mə!»

¹⁶ Kə njasom a paloku Isifu: «Papa kam enasom nte a pəcfi:

¹⁷ «Nte tə nənəkəloku Isifu: O! İletsen'am məŋaŋnənə awənc əm aŋa pələc kə kiciya kəŋan, bawo njanayə əm pələc! İletsen'am məŋaŋnə oŋ kiciya ka acar a Kanu ka papa kam!» Kə Isifu ombok nte analoku kə moloku maməkə mə.

¹⁸ Kə awənc aŋa nander nja sərka ntempenə Isifu dəntəf kə njaloku: «Sən'əfə akanə acar am.»

¹⁹ Kə Isifu oloku nja: «Ta nənesə. Cepə Kanu k'iyənə?

²⁰ Nənasek'em kəyə ka pələc. Mba Kanu kənəkəfəli ti pətət, kəlompse ka nte teyi məkə mə, kə kəyəc ka defi da afum alarəm.

²¹ Ndekəl oŋ, ta nənesə! İndetamə nu məfaŋ monu fəp kə ma awut anu.» Kə Isifu ontore-tore nja bəkəc, k'olok-lokərə nja dim d'antəf.

²² Kə Isifu endə Misira nkən kə afum ən. K'eyi doru meren tasar tin kə wəco (110).

²³ Kə Isifu enək awut a Əfrayim haŋ detemp maas. Kə Makir, wan ka Manase, oŋkom awut ən ləŋk ya Isifu kəron.

²⁴ Kə Isifu oloku awənc aŋa: «Kəfi k'inder. Mba Kanu kəndemar nu ilaŋ ti. Kanu kəndepənə nu nde atəf njanəkə kənələkə Abraham, Siyaka kə Yakuba layidi kəsən nja mə.»

²⁵ Kə Isifu əsənə awut a Yakuba kəderəm, pəcloku: «Kanu kəndemar nu ilaŋ ti. Nədə nəpənə bənt yem, nəbələnə yi nnə.»

²⁶ Kə Isifu efi pəsətə meren tasar tin kə wəco (110). K'asop kə acəl nne nənəsənə wəfi kətətə katəna mə. Kə njamber kə kənəkəra ka tasar pəpat dəndo atəf nja Misira.

Tawureta Musa, Buk 2: Kəwur ka aka Yisrayel Misira Nayi Yeŋən Moloku ma kəsəkəs buk ba Musa ba mērəŋ: Kəwur

Dəbuk bəcəkə-cəkə ba tawureta Musa bə taruku ta aka Yisrayel poncop, mbə aŋwe: «Dækacop da Doru.» Sora səlpəs səkə səmentər təkə aka Yisrayel ŋanayi atəf ŋa Misira tēm ta Aŋnabi Isifu mə.

Nte Isifu kə awenc aŋa ŋafi mə, kə kəbət kəncop kəpicə aka Yisrayel kə aka Misira daco. Dəkələpsər da ti, kə aka Yisrayel ŋayəne acar a aka Misira. Kə abe a Misira ŋancəmbər aka Yisrayel yebəc yocuca, ti disre kə aka Yisrayel ŋaləne aka Misira sədare səŋan.

Mba MARIKI nwe ɔntəpələrne afum ɔn mə, osom Aŋnabi Musa nde atəf ŋa Misira nte tɔŋsəŋe aka Yisrayel ŋasətə kəyi yeŋən mə. Kə Kanu kəmentərə mes mēwey-wey wəco dəwaca wa Musa haŋ kə firawona embeləs aka Yisrayel. Nte aka Yisrayel ŋancop kəkət mə, kə ŋaŋkə ŋabəp kəba ka Cəŋkəlma nke kəyənə kələncər ka Misira nke kənafəŋ kəyamsər ŋa kəcepər mə. Firawona kə asədar ɔn ŋasəp kədifət ŋa dəndo, mba kə Kanu kəmentər sɔ dəndo tes tēwey-wey, k'əŋgbiti dəpə kəba daco nde aka Yisrayel ŋanacali. Arkun, aran, awut kə yəcəl yaŋaŋ fəp ŋanacali dəkəba dəpə dowosu kəron. Nte aka Misira ŋanacəme ŋa darəŋ mə, kə Kanu kəŋgbəpər ŋa domun da dəkəba.

Kəba mokuru, kə aka Yisrayel ŋancop kəkət dətəgbərə kəkə ka atəf ŋa Kanaŋ nŋe Kanu kənasəŋ temer kəsəŋ ŋa mə. ŋasərəyi dəpə, kə Kanu kəsəŋ Aŋnabi Musa mosom mən wəco nde tərɔ ta Sinayi kəron fər ya afum kirin. Mba tenawon fe, kə afum ŋaŋgbekəl sariye sa Kanu, kə ŋasalene terəŋka. Ti tɔ Kanu kənasəŋene aka Yisrayel kəkət dətəgbərə meren wəco maŋkələ disre, nte tɔŋsəŋe aŋe ŋanagbekəl Kanu mə fəp ŋalip kəfis-fis a ŋacberə atəf ŋa Kanaŋ.

Kəkət kaŋkə disre, kə Kanu kəyi ŋa kirin kəsələ ŋa. Nəɔ da debeki dən dənayi ŋa kirin pibi kə daŋ. Nte ŋanayefe kəkə mə, kə ŋantore aŋgbancan. Nəɔ da debeki da Kanu dənayi aka Yisrayel kirin haŋ kə ŋamberə nde ŋanacəmbərəs mə. Towurəne ta tatəkə tenayi meren wəco maŋkələ disre fəp.

Teta defi da Aŋnabi Musa tɔ buk bambə boloku telpəs. Ta pəmbələ kə sɔ kəfi-ε, k'elək aka Yisrayel k'əsəŋ Aŋnabi Yosuwe nwe enabersene ŋa atəf ŋa Kanaŋ mə.

Kəyi ka Kanu afum ɔn daco, pətəkse ŋa dolompu, pəbumə ŋa səkət, tatəkə fəp towurəne tɔ tɔyənə afum a Kanu tēm tosɔ tantə ayi mə. Kanu kəfaŋ kəcəmbər su dəpə dətət kəkə ka ariyana nde ŋkəbersene su mə. Kanu kəmar su marənt maməkə disre. AMINA!

Teyer ta buk bambə

- 1, Asəkəs təkə anacəmbər aka Yisrayel dacar atəf ŋa Misira mə.
- 2-4, Asəkəs tecepərəne ta Musa haŋ tēm nte enade pəbaŋ aYisrayel aka Misira dəwaca mə.
- 5-15.21, Alokɔ təkə Kanu kənayə mes mēwey-wey kə arom nŋe kənasəŋ aMisira nte tɔŋsəŋe kəbaŋər asədar a firawona afum ɔn mə.
- 15.22-19, Alokɔ təkə ŋanayefe Misira kə ŋaŋkə ŋande toro ta Sinayi mə.
- 20-31, Alokɔ təkə Kanu kənasəŋ Aŋnabi Musa Sariye nse sənəsəkəs mosom nte pəmar aka Yisrayel ŋade ŋayi kə təkə pəmar ŋade ŋacleləs nkən Kanu mə.
- 32, Alokɔ təkə aka Yisrayel ŋanayəŋkər Kanu səbomp nte ŋanacəŋəs Aruna kəsələ kəma terəŋka pa tura mə.
- 33-40, Aləm təkə Musa enanəŋk nəɔ da debeki da Kanu mə. Kə tēyefe day, Kə Musa entəkse aka Yisrayel Sariye sa Kanu kə təkə pəmar palompəs dəkiyi da Kanu, kaŋkəra

ka Sede, kə yogbuŋsərəne yələma teta kəbəcə Kanu dəndo aŋgbancan yosoku, kə yamos taciŋa ya aloŋne.

Kəwur ka aka Yisrayel Misira

Kanu kəwurenə aka Yisrayel Misira

1-15

Aka Yisrayel kəyi kəŋan dacar Misira

¹ Mewe ma awut a Yakuba* mə mme, aŋe ŋanader Misira kə nkən Yakuba mə. Fəp faŋan ŋanakerene aka wələ waŋan disre fəp:

² Ruben, Simeyən, Lewy, kə Yuda,

³ Isakar, Sabulon, kə Benyamin,

⁴ Dan, Naftali, Kadu kə Aser.

⁵ Yuruya ya Yakuba fəp ŋanayi afum wəco camət-mərəŋ (70). Tenatəŋne Isifu nkən pəyi təm tatəkə Misira.

⁶ Kə Isifu ende pəfi kə awenc aŋa, kə danapa dadəkə fəp.

⁷ Kə aka Yisrayel ŋande ŋasətə dokombəra, kə ŋala, kə kəŋay kəŋan kəsətə səkət kəcəpərə. K'atəf ŋa Misira ŋelare ŋa.

⁸ Nte təm tələma tencepər mə, kə fum wələma nwe enatəcərə Isifu mə, ende pəyənə wəbe Misira.

⁹ Kə wəbe nwe ende pələku afum ən: «Nənəŋk, afum aka Yisrayel ŋala, kə ŋayə səkət ŋatas su.

¹⁰ Mene paten kəcərə kəkət, nte andeyamsər ŋa dokombəra daŋan mə. Kə pəyənə fe ti-ε, kə kəwan kəyefe-ε, ŋantam kəmar aterene asu kəsutene, kə telip-ε, ŋamulpər su ŋawur atəf ŋaŋε.»

¹¹ Awa, kə aka Misira ŋancəmbər akiriŋ aŋe ŋanakəsəŋəs aka Yisrayel yebəc ya dacar mə. Ti disre, kə aka Yisrayel ŋancəmbər sədare sa Pitəm kə Ramses, pəyənə di dəkəmeŋk da firawona†.

¹² Mba pəkət pa firawona penakət fe few, bawo tatəkə anctərəs aka Yisrayel mə, ti tə ŋanckom, ŋacla, ŋacwəkələs dəkənde daŋan, kə təsəŋe pater aka Yisrayel pəpəŋ.

¹³ Kə aka Misira ŋancəmbər aka Yisrayel yebəc ya dacar yeyenki.

¹⁴ K'aka Misira ŋandoktəsə aka Yisrayel doru yebəc yeyenki: Yebəc ya dos, ya birik, ya dale fəp. Yebəc ya dacar yayəkə yə ŋanacəmbər aka Yisrayel.

Firawona antərəs aka Yisrayel

¹⁵ Kə wəbe wəka Misira ende pələku aran aban awut aHebərə, pacwe wəkin «Sifra,» kə wəka mərəŋ «Puwa.»

¹⁶ Kə wəbe wəka Misira oloku ŋa: «Kə nənde kəcban aran aHebərə awut-ε, nəcməmən ŋa kirin. Nwe əŋyənə wərkun mə, nədif kə, nwe əŋyənə wəran mə, nəsak wəkəkə pəyi doru.»

¹⁷ Mba kə aran aban awut aŋe ŋanesə Kanu, ŋayə fe nte wəbe ka Misira enaloku ŋa mə, kə ŋance awut arkun kə ŋayi doru.

¹⁸ Kə wəbe wəka Misira ewe aran aban awut aŋe, k'eyif ŋa: «Ta ake tə nəyənə tante-ε? Ta ake tə nəncene awut aŋan arkun ŋacyine doru-ε?»

¹⁹ Kə aban awut aŋe ŋaloku firawona: «Nte təsəŋe ti mə, aran aHebərə ŋayi fe pəmə aran aka Misira. Aran aHebərə ŋayenki mənec dəŋkom, ŋaŋlip kəkəkom a səna aban awut səcbəp di.»

²⁰ Kə Kanu kəyənə aban awut aŋe pətət, k'aka Yisrayel ŋala, kə ŋasətə sə səkət kə ŋancepərə.

²¹ Aban awut aŋe ŋananesə Kanu, itə Kanu kənasəŋe ŋa dokombəra.

* **1:1** CəHebərə = «Awut a Yisrayel,» Kanu kənasəŋ Yakuba tewe ta «Yisrayel.» Məcməmən Dəkəcop 32.29. † **1:11** Firawona = Bafə tewe ta fum tə, mba tewe ta nwe o nwe ontəmpər dəbe da Misira mə.

²² Kə firawona ende pəsom afum ən fəp: «Nəsumpər awut arkun aHebərə fəp, anje ande packom mə, nəcgbal ɲa nde kəɲgbəkə ka Nil, mba nəcsak gbəcərəm awut aran ɲayi doru.»

2

Kəkom ka Musa kə dowut dən

¹ Kə wərkun wələma wəka kusunja ka Lewy enence wəran wələma nwe ɲanapaɲne kusunja kin kə nkən mə.

² Kə wəran nwe embəkəs, k'ɔɲkom wan wərkun. Kə wəran nwe enəɲk dətət da wan, k'ɔɲgbəpnene wan kən yof maas.

³ Nte enəɲk a əfəsətam kəgbəpnene wan mə, kə wəran nwe elek kəfala nke andune cəɲkəlma mə, k'osop ki paka mpe powurene kərtal kə bən ya cəme mə, nte təɲsəɲe ki kəfəy mə. K'ember wan kəfala nke disre, k'ɔɲkə pəcəmbər ki dəcəɲkəlma nde aparpara ɲa kəɲgbəkə ka Nil.

⁴ Kə wəkire ka wan nwe anjbal mə, encəme pəwak kəbələne kanjərə nke, nte təɲsəɲe pəctam kəcərə təkə tendeder wan mə.

⁵ Kə wan wəran wəka firawona ende pətor nde kəɲgbəkə kəkəbikə-bikə, amarəs ən aran ɲayi kəkətəs agbep ɲa kəɲgbəkə ka Nil. Kə wan ka firawona wəran nwe enəɲk kəfala cəɲkəlma dacə, k'osom wəmarəs kən wəran kəkələk ki.

⁶ Wan ka firawona wəran endegbipi kəfala nke, k'enəɲk wan: Wan wərkun enayi, pəcəbok. Kə təyənə kə nənfər, k'oloku: «Wan wəHebərə wələma əfə wəkawε!»

⁷ Kə wəkire ka wan nwe oloku wan ka firawona wəran: «Məfan a ikə iwen'am wəkəmbərə wəHebərə wələma, pədemsər'am wan wəkawε?»

⁸ Kə wan ka firawona wəran olukse wəyecərə nte: «Məkə!» Kə wəyecərə nwe ɔɲkə pəwe iya wəka wan wəkəkə anafir mə.

⁹ Kə wan ka firawona wəran oloku wəran nwe: «Məkenene wan wəkawε məkə məcməsər'em kə belbel. Indesəɲ əm kəway.» Kə wəran nwe elek wan, k'eməsər kə.

¹⁰ Nte awure wan məse mə, kə wəran nwe elek kə, k'enjkenə wan ka firawona wəran, pəyənə kə wan. K'əsəɲ kə tewe ta Musa bawo ti tə tatəkə «dəromun incafi kə.»

Pəmar Musa pəyekse pəkə Madiyan

¹¹ Nte Musa embək k'əyənə wətəmp mə, dəsək dələma k'ende pəkə kəkəməmən awenc aɲa, k'ɔɲkə pənəɲk yəbəc yaɲan yeyenki nyə anacəmbər ɲa mə. Nte əncəɲne kirin mə, k'ɔɲkə pənəɲk wəka Misira pəcsut wənc wəHebərə wəkin.

¹² Kə Musa əməmən-məmən, nte əntənəɲk fum mə, k'osut wəka Misira nwe k'endif, k'elek kə k'emət dəsənc.

¹³ Dəckəsək kə Musa owur sə, k'ɔɲkə pənəɲk aHebərə mərəɲ ɲacsutene. K'eyif wəkə enadəkət mə: «Ta ake tə məɲsute wəkəs əm-ε?»

¹⁴ Kə fum nwe oloku kə: «An'ecəmbər əm dəbe kə wəboc kiti su kəroɲ-ε? Kədif im kə mənder pəmə təkə məndifsa wəka Misira mə ba?» Kə Musa enese, k'olokune dəbəkək: «Tələma ancərə tes tantə iyəsə mə.»

¹⁵ Kə firawona ene təkə tenəcəpər mə, k'enten ɔɲ kədif Musa. Mba kə Musa eyekse k'əmbələ firawona, k'ɔɲkə atəf ɲa Madiyan. Nte emberə Madiyan mə k'ɔɲkə pənde kələmp kəsək.

¹⁶ Awa, wəloɲnene ka aka Madiyan enayə awut aran camət-mərəɲ. Kə awut aran anje ɲander kədəket domun, kə ɲalasəs dəkəmun da yəcəl ya kas kəɲan.

¹⁷ Kə akək aləma ɲander ɲabeləs ɲa. Kə Musa eyefe k'ɔɲkə pəban ɲa, k'əsəɲ yəcəl yaɲan domun kə yomun.

¹⁸ Nte ɲalukus nda kas kəɲan Rehuwel mə, kə kas kəɲan eyif ɲa: «Ta ake tə nənuɲkenene məkə kəberε-ε?»

¹⁹ K'ayecərə anje ɲaloku kas kəɲan: «Wəka Misira wələma eyac su nnə akək ɲayi mə. Eɲketena su domun yati, k'əsəɲ yəcəl yosu.»

²⁰ Kə Rehuwəl eyif ayecəra: «Deke eyi-ε? Ta ake tə nəsakε fum wəkakə-ε? Nəwe kə pəder pədi yeri.»

²¹ Kə Musa ende pəwosε kəyi ka ndena Rehuwəl, nwe εnasəη wan kən wəran Sefora kənεncε mə.

²² Kə wəran kakə ende pəkom wan, k'awe kə Kersəm, «Wəcikəra,» bawo k'oloku ti tə tatakə: «Wəcikəra iyəne kəresna atəf ηocuru.»

Kanu kəyεk-yεk Musa kəwure ka aka Yisrayel dacar

²³ Nte pəwon mə, kə wəbe wəka Misira ende pəfi, aka Yisrayel ηacgbis, ηackule-kulεne teta dacar deyenki dəkə ηanayi mə. Kə kəmar nke ηancbok mə, kəmpε han nde nkən Kanu eyi mə.

²⁴ Kə Kanu kəne kigbis kəjan. Kə Kanu kəncεm-cεmne danapa nde ηanacanəs kə Abraham, Siyaka kə Yakuba mə.

²⁵ Kə Kanu kəməmən aka Yisrayel, kə kələk te tanan waca disre.

3

¹ Kə Musa ende pəyiəne wəkεk yəcəl ya Yetero, papa ka wəran kən, nwe εnayəne wəloηne wəka Madiyan mə. Dəsək dələma, k'ende pəkekəre yəcəl k'encepər dətεgbəre, k'embəp Horeb tərə ta Kanu.

² Kə mələke ma MARIKI mowurər kə dənenc demar disre, nde dərəntəm. Kə Musa əməmən, k'ənəjk arəntəm fəp ηεmar, mba ηencteyε fe.

³ Kə Musa encεm-cεmne: «Iluksərne ma, iməmən tes nte intatənəjk mə, ta ake tə arəntəm ηəntətεyεne-ε?»

⁴ Kə MARIKI enəjk a kəluksərne kə Musa ende kəkəgbəkəre tes nte. Kə Kanu kəwe kə dəndo dərəntəm, k'oloku kə: «Musa! Musa!» K'owosεne kə: «In'εwe!»

⁵ Kə Kanu kəloku kə: «Ta məcəηne nnə, məwure cəfta dəwεcək, bawo kəfo kanjə mənçəme mə, antəf ηosoku ηə.»

⁶ Kə kəndəηər: «In'əyəne Kanu ka papa kam, Kanu ka Abraham, Kanu ka Siyaka, Kanu ka Yakuba.»

Kə Musa oηkumpne kəro, bawo εnanesε kəməmən Kanu.

⁷ Kə MARIKI oloku: «Inəjk belbel nte antərəs afum em aηe ηayi Misira mə. Ine nte ηayi kəbokər kətərəs ka abe aηe ηancəmbər ηa dacar fər kirin mə, incəre pucuy paηan.

⁸ It'intorene kədebaηər ηa aka Misira, ipene ηa sə atəf ηaηe, ikekəre ηa atəf ηobotu, atəf ηowokəlu disre, nde atəf ηoboηu dalε k'awop, atəf ηηe aka Kanaη, aHit, aka Amər, aPerisi, aHiwy kə aYebus ηandε mə.

⁹ Kəbok ka aka Yisrayel kənder oη han nnə iyi mə, k'inəjk kətərəs kələrəm nke aka Misira ηayi kətərəs afum em mə.

¹⁰ Ndekəl oη məkə, isom əm ndena firawona. Məwurene afum em aka Yisrayel Misira.»

Kanu kəmboncər tewe tən Musa

¹¹ Kə Musa eyif Kanu: «An'iyəne-ε, nte indekə nda firawona, ikəwurene aka Yisrayel Misira mə?»

¹² Kə Kanu kəloku kə: «In'osol'am! Tεgbəkəre nte tendesəη'am kəcəre a in'osom əm: Nte məndewurene aka Yisrayel Misira mə, fəp fonu nəde nəcsalən'em nnə tərə nte.»

¹³ Kə Musa oloku kə: «K'ijnkə nnə aka Yisrayel ηayi mə, ikə icloku ηa: Kanu ka atem anu kəsom im nnə nəyi mə. Mba kə ηaηkəyif im nte aηwe ki mə, cəke c'ijnkəloku ηa-ε?»

¹⁴ Kə Kanu kəloku Musa: «Nwe iyəne mə, iyəne!» Kə kəndəηər: «Nte tə mənjkəloku aka Yisrayel: Nwe aηwe <Iyəne> osom im nnə nəyi mə.»

¹⁵ Kə Kanu kəloku sə Musa: «Nte tə mənjkəloku aka Yisrayel: <MARIKI, Kanu ka atem anu, Kanu ka Abraham, ka Siyaka, ka Yakuba kəsom im nnə nəyi mə.> Tewe tem tə tatakə ta tem o tem, kə tεcεmçεmne tem tantε tə dεtemp kə dεtemp.

¹⁶ Məko məlonka abeki aka Yisrayel, məloku ɲa: «MARIKI, Kanu ka atem anu Abraham, Siyaka, kə Yakuba owurər im.» Kə kəloku: «Incem-cemne kəwure nu pəcuca pəkə ançəmbər nu Misira mə.»

¹⁷ K'iloku a kəwurene nu k'inder kətərəs disre nke ɲayi Misira mə, ikekəre nu atəf ɲa aKanan, aHit, aka Amər, aPerisi, aHiwy kə aYebus, atəf ɲɛ ɲobon dale k'awop mə.»

¹⁸ «Aka Yisrayel ɲaɲkəcəɲkəl dim dam, nəsol on ɲəkə, mənə kə abeki aka Yisrayel, ndena wəbe wəka Misira, nəloku kə: «MARIKI, Kanu ka aHebərə kəmbər su. Ndekəl məwose su kəkət marənt ma mata maas nde dətəgbərə, nte təɲsəɲe səko səlonɲe MARIKI Kanu kosu mə.»

¹⁹ Ina incəre a wəbe ka Misira əfədekəwose nu kəkə, ta pəyone fənəntər fəsəɲe kə ti-ε.

²⁰ Kətenci k'inder kəca isut Misira, mes məwey-wey məpəɲ fəp m'indesute Misira. Kə mes maməkə mencepər-ε, ɲadesak nu nəkə.

²¹ Indesəɲe aka Yisrayel ɲasətə kəmar ka kəbətər ka aka Misira. Kə nənde nəckə-ε, nəfədekə waca wəsəkər.

²² Aran aka Yisrayel fəp ɲade ɲawer aran a Misira aɲe ɲayi ndaranan, kə pəyone fe ti-ε, aran akə ɲandε mə, ca ca gbeti, ya kəma kə yamos, nyε nəndesarsər awut anu arkun kə aran mə. Nte tə nəbanər aka Misira ca cəɲan.»

4

Kanu kəmentər fənəntər fən Musa

¹ Mba kə Musa olukse MARIKI moloku: «ɲafədekəlan im, ɲafədekəcəɲkəl dim dem. Nte ɲandekəloku mə: «MARIKI owurər f'am.»»

² Kə MARIKI eyif kə: «Ake məntəmpər-ε?» Kə Musa oloku: «Kəgbo.»

³ Kə MARIKI oloku: «Mələm ki ma dəntəf.» Kə Musa eləm kəgbo kən dəntəf, kə kəgbo kəntəɲkəle abok. Kə Musa eyeksər ɲi.

⁴ Kə MARIKI oloku Musa: «Mətənc kəca məsumpər ɲi nde dəkəleɲa.» Kə Musa entənc kəca k'osumpər ɲi, kə ɲentəɲkəle sə kəgbo kəca kən disre.

⁵ Kə MARIKI oloku Musa: «Tantε t'endekəsəɲe aka Yisrayel kəlan on a MARIKI Kanu ka atem aɲan, Kanu ka Abraham, Siyaka, kə Yakuba kəwurər əm.»

⁶ Kə MARIKI oloku sə Musa: «Məber kəca duma tantəf dəbəkəc,» kə Musa ember kəca kən duma tantəf k'endəɲne dəbəkəc. Nte elinɲe ki mə, «Eh!», kə sen səsumpər kə kəca kə kəferε, pəmə nte kibi kəntufər paka mə.

⁷ Kə Kanu kəloku kə sə: «Məgbəkəre sə kədeɲne kəca dəbəkəc.» Kə Musa endəɲne sə kəca kən duma tantəf dəbəkəc, «Eh!», kə akata ɲa kəca kən ɲoluksərne sə kəyi pəmə ɲəcəkə-cəkə.

⁸ Kə MARIKI oloku Musa: «Kə pəyone a ɲalan f'am, ɲancəɲkəl fe dim da tēgbəkəre tēwey-wey təcəkə-cəkə-ε, ɲandəlan əm teta tēgbəkəre tēwey-wey təcənc tantε.

⁹ Kə pəyone a ɲasumpər fe sə moloku mam ta məgbəkəre məwey-wey mame mərəɲ-ε, ta ɲancəɲkəl dim dam-ε, məket domun da Nil, məlon di antəf ɲowosu kəron, domun da kəngbəkə ka Nil dadəkə məɲlon mə, dəɲyone mecir antəf ɲowosu kəron.»

Kanu kəyək-yək Aruna pəyone wədəɲk ka Musa

¹⁰ Kə Musa oloku MARIKI: «Məɲaɲne Mariki, mba fum nwe əntəfəfərənε temer mə iyone. Bafə nendisna, bafə nendecna, bafə kəyefe nte mənalək kəlok-lokər ina, wəcar kam, a k'ilele kusu kə temer mə. Təsəkpər fe. Bawo ilele kusu kə temer.»

¹¹ Kə MARIKI oloku Musa: «An'əsəɲ fum kusu nte təɲsəɲe pətam kəlok-loku mə-ε? An'əsəɲe fum kəyone bobo, kə pəyone fe ti wətəne-ε? An'əsəɲe fum kənəɲk, kə pəyone fe ti wətənəɲk-ε? Bafə in'əfə, ina MARIKI ba?»

¹² Ndekəl on, məkə! Ina yati indekəyi kə kusu kam, indekə ictəks'am təkə məndəkə məcloku mə.»

¹³ Mba kə Musa oloku sə: «Məɲaɲne Mariki mba iletən'am, məsom wələma wəkə məfan mə.»

¹⁴ Kə pəntələ MARIKI nnə Musa eyi mə, k'oloku Musa: «Bafə məyə wənc Aruna, wəLewy? Incərə a oŋlok-loku belbel. Gbəs, nkən ender wəkə kədəfayn'am. Kənəŋk kam kəndebət kə dəbəkəc.

¹⁵ Mədə məlok-lokər kə, məde məloku kə nte endekəloku mə. In'endekətəmpər kusu kam kə kən, iŋkətəks'on təkə nəndekə nəcyə mə.

¹⁶ Aruna endekəlök-lokər'am afum aka Yisrayel, endekə kəcyən'am kusu, mənə məyi pəmə kanu nkə kəsom kə mə.

¹⁷ Mətəmpər kəgbo kaŋkə dəkəca, ki kə mənjkə məcmentərə megbəkərə məwəy-wəy.»

Musa olukus nde afum ən ŋayi mə

¹⁸ Kə Musa əŋkə, k'oluksərne ndena Yetero papa ka wəran kən. Kə Musa oloku kə: «İletsən'am kəwos'em kəluksərne Misira nde afum em ŋayi mə kəkənəŋk kə ŋasəryi doru-ε.» Kə Yetero oloku Musa: «Awa məkəne abəkəc ŋoforu.»

¹⁹ Kə MARIKI oloku Musa, dəndo atəf ŋa Madiyan: «Məkə, məlukus Misira, bawo afum aŋe ŋanafan kədif əm mə, ŋafi.»

²⁰ Kə Musa əlek wəran kən kə awut ən, k'endəs ŋa səfale kəron, k'olukus atəf ŋa Misira pətəmpər kəgbo nkə Kanu kənaloku kə kələk mə.

²¹ Kə MARIKI oloku Musa: «Nte məyi kəlukus Misira mə, məkəkce megbəkərə məwəy-wəy məkə isən'am kətam kəyə mə fəp, məkə məyə mi firawona fər kirin. Mba ina Kanu, iŋkə icyenkas kə domp nte tənşəŋe ta esak aka Yisrayel ŋakə mə.

²² Məkə məloku firawona: «Nte tə MARIKI oloku: Yisrayel coco cem cə.

²³ İlək'əm a məsak wan kem pəkə, nte tənşəŋe pəkəsələn'em mə. Mba nte məfati kəsak kə pəkə mə, kədif k'inder wan kam wəcəkə-cəkə.»

Kəkənc ka wan ka Musa

²⁴ Kəlukus kəŋan disre, kə Musa əŋkə pəcepərənə pibi kəfo kələma, kə MARIKI ender pəbər kə, pəcfan kədif kə.

²⁵ Kə Sefora wəran kən əlek tasar towonju, k'əŋgbintə kərot ka wan kən, k'əŋgbuŋənənə ki wəcək wa Musa, k'oloku: «Wos im wəka dəmecir məyən'em!»

²⁶ MARIKI encəm-cəmne fe sə kədif ka Musa teta kəkənc ka wan kən. İtə Sefora enalokənə sə Musa: «Wos im wəka dəmecir!» Toloku tantə t'əŋloku teta kəkənc.

Kəbərənə ka Musa kə Aruna

²⁷ Kə MARIKI oloku Aruna: «Məkə məbərənə kə Musa nde dətegbərə.» Kə Aruna əŋkə pəbər wənc Musa nde tərə ta Kanu, k'əsapnə kə.

²⁸ Kə Musa oloku wənc Aruna moloku kə megbəkərə məwəy-wəy fəp mme MARIKI enasom kə kəloku kə kəyə mə.

²⁹ Musa kə Aruna ŋasol, kə ŋəŋkə ŋaləŋka abeki aka Yisrayel fəp.

³⁰ Kə Aruna olukse abeki a Yisrayel moloku mme MARIKI enasom Musa kədəloku mə fəp, k'ementər megbəkərə məwəy-wəy fər ya afum kirin.

³¹ Kə afum a Yisrayel ŋalaŋ. Kə ŋancərə a MARIKI enderənə te taŋan k'encərə pəcuca pəkə ŋayi disre mə, kə ŋantontnə kəkər-koru belbel MARIKI.

5

Musa kə Aruna ŋəŋkə nda firawona

¹ Nte tencepər mə, Musa kə Aruna ŋəŋkə ŋabər firawona kə ŋaloku kə: «Nte tə MARIKI oloku, Kanu ka aka Yisrayel: Məsak afum em ŋakə ŋaboc'em kəsata ka sali nde dətegbərə.»

² Kə firawona eyif ŋa: «An'əyənə MARIKI, nte indecəŋkəl dim dən, isak aka Yisrayel ŋakə mə? Incərə fe MARIKI, tamərən ta ti sə, ifəsak aka Yisrayel ŋakə nnə o nnə.»

³ Kə Musa ŋaloku kə Aruna: «Kanu ka aHebərə kənbər su. Məsak su, ilətsən'am, səkət mata maas dətegbərə səkəlonnə MARIKI Kanu kosu, nte tənşəŋe ta osutə su arom kə dakma mə.»

⁴ Kə wəbε ka Misira eyif ɲa: «Məna Musa kə Aruna, ta ake tə nəfanj kəyamse afum yebəc yaɲan-ε?» A cəke? Nəkə nəsumpər yebəc yonu ya dacar.

⁵ Kə firawona oloku: «Nənəɲk, aka Yisrayel ɲala oɲ dətəf! Kə nəsoɲε ɲa kəsak yebəc yaɲan yeyenki.»

Firawona kənəcərə ka aka Yisrayel yebəc

⁶ Dəsək din dadəkə də firawona osom abε a dacar aMisira kə abum aYisrayel, pəcloku:

⁷ «Ta nəgbəkərə sə kəcsəɲ aka Yisrayel mēmpələ mosutε birik pəmə təkə nəsoɲsa ɲa nendisna kə nendecna mə. Mene ɲasərka ɲakə oɲ ɲacten mi!

⁸ Kələm ka birik nkε ɲasutsa nendisna kə nendecna mə, nəgbəc ɲa ɲasut ki! Ta nəbele ɲa kələm kanjə de! Bawo acembər ɲə ɲayəne! Ti tə ɲambokenene, ɲacloku: «Paɲkən loɲne Kanu kosu.»

⁹ Nəberene yebəc ya afum akanε, pəmar ɲabəc yi nte təɲsoɲε ta ɲancənkel sə moloku ma yem maməkə mə!»

¹⁰ Kə abε a dacar kə abum aYisrayel ɲaloku afum: «Nte tə firawona oloku: «Ifəsəsoɲ nu mēmpələ!»

¹¹ Nəkə, nənasərka nəten mēmpələ nnə o nnə nəntam kəsətə mi mə, mba ali pəpic afəbeli yebəc yonu yeyenki nyε pəmar nu kəbəc mə.»

¹² Kə aka Yisrayel ɲasamsər atəf ɲa Misira fəp, kəten toka ya mēmpələ mosutε birik.

¹³ Abε a dacar aMisira ɲacgbəɲ-gbəɲər ɲa, ɲacloku: «Nəkufe nəlip yebəc yonu ya dəsək o dəsək, pəmə cəkə-cəkə nte mēmpələ mencyi mə.»

¹⁴ ɲanakə haɲ ɲacsut abum aYisrayel aɲε abε a Misira aka firawona ɲanacəmbərə aka Yisrayel mə, ɲacyif ɲa: «Ta ake tə nəntəbərə məkə kələm ka birik bəkə nəsutsa nendisna kə nendecna mə-ε?»

¹⁵ Kə abum aYisrayel ɲanjə ɲabokenε nnə firawona eyi mə, kə ɲaloku kə: «Ta ake tə məntərse tante acar am-ε?»

¹⁶ Ayi fε sə kəsəɲ acar am mēmpələ, k'anjloku su sə: «Nəsut birik!» Mənəɲk nte aɲsut acar am mə, mba afum am yati, ɲasare kiciya.»

¹⁷ Mba kə firawona olukse ɲa: «Nəna nəncembər, nəfanε! Ti tə nəɲlokene: «Paɲkən loɲne MARIKI!»

¹⁸ Ndekəl oɲ, nəkə nəsumpər yebəc yonu. Afəsəsoɲ nu mēmpələ, mba kələm ka birik bəkə amboncər nu kəsut mə, kə nəndesut.»

¹⁹ Kə abum aYisrayel ɲa sə ɲanəɲk pəcuca pəkə ɲayi mə nte aloku ɲa: «Afəbeli kələm ka birik bəkə amboncər nu kəsut dəsək o dəsək mə!»

²⁰ Nte abε aɲε ɲancəsoɲəs aka Yisrayel yebəc yeyenki ɲawur nda firawona mə, kə ɲambəp Musa kə Aruna aɲε ɲackar ɲa mə.

²¹ Kə abum aYisrayel ɲaloku Musa kə Aruna: «MARIKI pəməmən nu, pəsəɲ nu kəway! Nəsəɲε firawona kə amarəs ən kəter su. Nələk sakma kə nəmber ɲa dəwaca ɲadif su!»

²² Kə Musa oluksərne nnə MARIKI eyi mə, k'oloku: «Mariki ta ake tə məyənε afum akanε pələc-ε? Itə mənasom em ba?»

²³ Kəyεfε nte injə ndena firawona k'ilok-lokər kə tewe tam mə, pələc dəm peyi kəyə afum akanε, məyi fε kəyə tələm o tələm məbaɲ afum am.»

6

¹ MARIKI oloku Musa: «Kənəɲk kə mänder oɲ, nte indeyə firawona mə: Kəca ka fənəntər k'indesəɲene kə kəsak aka Yisrayel ɲakə. Təyə ta kəca ka fənəntər fem tendesəɲε kə yati kəbeləs aka Yisrayel atəf ɲən disre.»

Kanu kəsəɲ Musa temer kədewurε aka Yisrayel dacar

² Kə Kanu kəlök-lokər sə Musa, kəcloku kə: «In'əyənε MARIKI.

³ Inawurər Abraham, k'iwurər Siyaka, k'iwurər Yakuba, ina, Kanu nkε kəntam mes ma doru fəp mə, mba təcəkə-cəkə inasəɲε fε ɲa kəcərə tewe tem ta «MARIKI».

⁴ Inasek sə danapa kə ɲa, k'isəɲ ɲa Kanaɲ atəf ɲɛ ɲanccepe-cepe kənde mə.

⁵ K'ine sə kigbis ka aka Yisrayel aɲe aka Misira ɲayi kətərse dacar mə, k'incem-cemne danapa nde inasek kə ɲa mə.

⁶ Ti tə məɲkəlokene aka Yisrayel a in'əyənə MARIKI, indewure nu yebəc yeyenki nyə aka Misira ɲancəmbər nu mə, indewure nu yebəc nyə aka Misira ɲayi kətərse nu mə. Fənəntər fem f'indewurse nu ɲa dəwaca a idebocər ɲa kiti kələl.

⁷ Indebaɲ nu nte təɲsəɲe nəyənə afum em, iyənə Kanu konu mə. Tem tatəkə nəndecərə sə a in'əyənə MARIKI Kanu konu, nke kəwure nu yebəc yeyenki nyə aka Misira ɲancəmbər nu mə.

⁸ Inəkəberse nu atəf ɲɛ inadot kəca idərme Abraham, Siyaka, kə Yakuba kəsəɲ nu mə. Ina MARIKI inəkəsəɲ nu ɲi ɲəyənə ɲonu.»

⁹ Ti tə Musa ənaloku aka Yisrayel, mba ɲancne fe təkə Musa oncloku ɲa mə. Bəkəc yənafəfərəne ɲa teta yebəc yeyenki yəkə ɲanayi disre mə.

¹⁰ Kə MARIKI oloku sə Musa:

¹¹ «Məkə məloku firawona wəbe ka Misira a pəsak aka Yisrayel ɲakə, ɲawur atəf ɲən.»

¹² Kə Musa oloku fər ya MARIKI kirin: «Kə aka Yisrayel ɲantəcəɲkəl im, cəke cə firawona əɲkəcəɲkəl im-ε, ina nwe ilele temer mə?»

¹³ Kə MARIKI oloku Musa kə Aruna, k'osom ɲa teta aka Yisrayel kə firawona wəbe ka Misira, ɲawurenə aka Yisrayel atəf ɲa Misira.

Mewe ma atem a Musa kə Aruna

¹⁴ Mewe ma akirin aɲan dəwələ mə mme:

Awut a Ruben Coco ca Yisrayel (Yakuba): Henok, Palu, Hecərəɲ kə Karmi. Cor ca Ruben cənayi cacəkə.

¹⁵ Awut a Simeyən: Yemuyel, Yamin, Ohad, Yakin kə Cohar, Sawul wəkə wəKanaɲara ənakome kə mə. Cor ca Simeyən cənayi cacəkə.

¹⁶ Mewe ma awut a Lewy mə mme təkə ɲaɲkomene mə: Kerson, Kehat kə Merari. Kəwon ka Lewy doru kənasətə meren tasar tin wəco maas kə camət-merən (137).

¹⁷ Awut a Kerson: Libni kə Simeyi, kə cor cəɲan.

¹⁸ Awut a Kehat: Amram, Yicahar, Hebərəɲ kə Usiyel. Kəwon ka Kehat doru kənasətə meren tasar tin wəco maas kə maas (133).

¹⁹ Awut a Merari: Mali kə Musi.

Cor ca Lewy cənayi cacəkə kə təkə anacicəs taruku ta dokombəra da Lewy disre mə.

²⁰ Kə Amram ənence wəran nwe ancwe Yokəbed wəkirə ka kas mə, kə wəkəkə əɲkome kə Aruna kə Musa. Kəwon ka Amram doru kənasətə meren tasar tin wəco maas kə camət-merən (137).

²¹ Awut a Yicahar: Kore, Nefek kə Sikiri.

²² Awut a Usiyel: Misayel, Elcafaɲ kə Sitiri.

²³ Kə Aruna ənence wəran nwe ancwe Eliseba mə, wan ka Aminadab wəran, wəkirə ka Nasəɲ. Kə wəkəkə əɲkome kə Nadab, Abihu, Elasar kə Itamar.

²⁴ Awut a Kore: Asir, Elkana kə Abiyasaf. Cor ca Kore cənayi cacəkə.

²⁵ Kə Elasar, wan ka Aruna, ənence wəran awut aran a Putiyel dacə, kə wəkəkə əɲkome kə wan wərkun nwe anawe Finehas mə. Akirin a cor ca Lewy ɲ'akəkə.

²⁶ Afum akaɲe merən Musa kə Aruna ɲə MARIKI ənaloku: «Nəwurenə aka Yisrayel atəf ɲa Misira dəcor dəcor.»

²⁷ Aruna kə Musa yati ɲanalok-lokər firawona wəbe wəka Misira teta kəwurenə ka aka Yisrayel atəf ɲa Misira.

Kanu kəɲgəkəre sə kəsəɲ ka Musa temer

²⁸ Dəsək nde MARIKI ənalok-lokər Musa nde atəf ɲa Misira mə,

²⁹ Kə MARIKI oloku Musa: «In'əyənə MARIKI. Məkə məgbəkəre məloku firawona wəbe ka Misira moloku fəp mmə ilok'am mə.»

³⁰ Kə Musa oloku fər ya MARIKI kirin: «Ina nwe ilele temer mə: Cəke cə firawona ənkəcənkəl im-ε?»

7

¹ Kə MARIKI oloku Musa: «Məcənkəl im, indesəñ'am kəyənə kanu nnə firawona eyi mə. Wənc əm Aruna nkən endedənk mi, nkən pəyənə sayibε sam.

² Mən'endekə məcloku təkə indekə icsom əm fəp, wənc əm pəcgbəkəre nε mi firawona, nte təsəñe pəsak aka Yisrayel ηawur atəf ηən mə.

³ Kə ina, in'əñkə icyənkəs firawona domp, icyə Misira məgbəkəre məwəy-wəy kə məyə məpəñ melarəm.

⁴ Firawona əfəcənkəl nu. Təm tatəkə t'inqəsute Misira kəca kem, iwurənε aka Yisrayel afum em dəcor dəcor, citi cəpəñ c'indewurənε ηa atəf ηa Misira.

⁵ Aka Misira ηandecəre a in'əyənə MARIKI nte indesute ηa kəca kem, iwurənε aka Yisrayel di mə.»

⁶ Musa kə Aruna ηayə belbel təkə MARIKI εnasom ηa mə.

⁷ Tənatəñne Musa pəsətə meren wəco camət-maas (80), kə wənc Aruna meren wəco camət-maas kə maas (83), təm nte ηanclok-lokər firawona mə.

Firawona əfati kəcənkəl Musa kə Aruna

⁸ Kə MARIKI oloku Musa kə Aruna:

⁹ «Təm nte firawona endeloku: «Nəyə təgbəkəre təwəy-wəy mə,» mənə məloku Aruna: «Mələk kəgbo kam mələm ki firawona dəntəf.» Kəgbo kañkə kəndetənkələ kəyənə abok.»

¹⁰ Kə Musa ηañkə kə Aruna nde firawona eyi mə, kə ηayə pəmə təkə MARIKI εnasom ηa mə. Kə Aruna ələm kəgbo kən dəntəf fər ya firawona kə amarəs əñ kirin, kə kəgbo kañkə kəntənkələ abok.

¹¹ Mba kə firawona ewe aser kə acərə mes a Misira. Dure fəp fañan kə ηa sə ηayə tin tayi.

¹² Akakə fəp, kə ηələməs cəgbo cəñan dəntəf, kə cəntənkələ bok. Mba kə kəgbo ka Aruna kəmerəs cəgbo cəñan.

¹³ Kə firawona eyəñk sə domp, k'əfati kəcənkəl Musa kə Aruna pəmə təkə MARIKI ənaloku ti mə.

Pələc pəcəkə-cəkə: Domun da Nil dəntənkələ mecir

¹⁴ Kə MARIKI oloku Musa: «Firawona əntəñ aləñəs, əfati kəsak aka Yisrayel ηakə.

¹⁵ Bətbətana, mədena məkə məbəp firawona təm nte endena pəcder nde dəkəñgbəkə mə. Mədena məcəmə məkar kə nde agbər ηa kəñgbəkə ka Nil, mətəmpər kəgbo kañkə kənatənkələ abok mə.

¹⁶ Mədena sə məloku firawona: «MARIKI Kanu k'aHebərə kəsom im nnə məyi mə, idelok'am: Məsak afum em ηakə, nte təñsəñe ηakə ηasalen'em nde dətəgbərə mə.» Mba mənə, hañ ndekəl məyi fε kəcənkəl ti.

¹⁷ Nte tə MARIKI oloku: «Tante tendesəñ'am kəcərə a in'əyənə MARIKI: Kəsute k'inder domun da kəñgbəkə ka Nil kəgbo kañkə, dətənkələ dəyənə mecir.

¹⁸ Lop nyε yeyi dəkəñgbəkə mə, yendefi. Domun da dəkəñgbəkə dendesən pələc, aka Misira ηafədewosε sə kəmun ka domun da kəñgbəkə kañkə.»

¹⁹ Kə MARIKI oloku Musa: «Mələku Aruna: Mələk kəgbo kam məcenc kəca kam domun da Misira kəroñ kəyεfε ka domun da də səbo kəbər ka da də səñgbəl, hañ da dəcumbul kəkə ka da yeməñkε domun yañan fəp.» Domun dēndetənkələ mecir, mecir mendeyi Misira fəp, hañ dəyeməñkε domun ya masar kə ya tək.

²⁰ Musa kə Aruna ηanayə pəmə təkə MARIKI εnasom ηa mə. Kə Musa eyekti kəgbo kəsute ki domun da Nil fər ya firawona kə amarəs əñ kirin, kə domun da dəkəñgbəkə fəp dəntənkələ mecir.

²¹ Kə lop nyε yənayi kəngbəkə ka Nil mə fəp yefi, kə domun da Nil dəsən pələc, aka Misira njanctam fε sə kəmun domun da Nil, kə mecir meyi Misira fəp.

²² Kə dure aka Misira nayo deser danan fəp. Kə firawona eyenjk sə domp, encənkəl fε Musa kə Aruna, pəmə təkə MARIKI enaloku ti mə.

²³ Kə firawona olukus nde ndərən, enaber fε məyo maməkə dəbəkəc.

²⁴ Kə aka Misira fəp nənəkayəs cələmp nde kəngbəkə ka Nil kəsək nte tənşəne nəsətə domun domun mə, bawo njanctam fε sə kəmun domun da Nil.

²⁵ Kə mata camət-mərəj mencepər kəyεfε nte MARIKI osut domun da Nil mə.

Pucuy pa mərəj: Fəntəl

²⁶ Kə MARIKI oloku Musa: «Məde məkə nde firawona eyi mə, məloku kə: «Nte tə MARIKI oloku: Məsək afum em nəkə nte tənşəne nəkə nəsələn'em mə.

²⁷ Kə məfati kəsək nə nəkə-ε, ina MARIKI, inşute atəf nām fəntəl.

²⁸ Kəngbəkə ka Nil kəndesep fəntəl, nyε yendepε yebere kələ kam disre, yebere nde dəkəfəntərə dam, yepesε nde kəfənc kam, yebere sə nde wələ wa amarəs am kə afum am fəp, yendebere sə nde ancəf'am cəcom, hañ ampəcək'am cəcom mə.

²⁹ Fəntəl yendefərənk əm, yefərənk afum am kə amarəs am fəp.»

8

¹ Nte tə kə MARIKI oloku Musa: «Mələku Aruna: «Məcenc kəca kam kə kəgbo kam kəngbəkə kəron, nde dəsəngbəl sa Nil fəp, hañ nde dəcumbul, məpene fəntəl atəf nā Misira.»»

² Kə Aruna encenc kəca kən domun da Misira kəron, kə fəntəl yempε kə yonkump antəf nā Misira.

³ Kə dure kə deser danan nā sə nayo pəmə tatəkə, kə nampene fəntəl antəf nā Misira.

⁴ Kə firawona ewe Musa kə Aruna k'oloku nā: «Nətolanε su MARIKI pəbələn'em fəntəl yayε kə afum em. Təm tatəkə inşak afum aka Yisrayel, nte tənşəne nəkə nələnε MARIKI mə.»

⁵ Kə Musa oloku firawona: «Pələl pam, ake tēm t'indetolan'on, kə amarəs am, kə afum aka atəf nām, nte tənşəne pəsələnε fəntəl ya nde ndaram kə ya nde wələ wam, pəcəme ya nde dəkəngbəkə gbəcərəm nyε əntədelin mə-ε?»

⁶ Kə firawona oloku kə: «Məyo tialna.» Kə Musa oloku kə: «Tendeyi pəmə təkə məloku ti mə, təsən'am kəcəre a ali fum eyi fε pəmə MARIKI Kanu kosu!

⁷ Fəntəl yendebəl'am kə wələ wam, k'amarəs am, k'afum am, mēne nde dəkəngbəkə ka Nil gbəcərəm yendeyi.»

⁸ Musa kə Aruna nāwur ndena firawona, kə Musa eltsenε MARIKI teta fəntəl nyε enakerε firawona kətərəs kən mə.

⁹ Kə MARIKI əyo təkə Musa enaloku kə mə. Kə fəntəl yefis-fis kəyεfε nde dəwələ, dəcəbanjka hañ nde dalε.

¹⁰ K'alonjka-lonjka yi mepesa mepesa, kə ambənc nā pəte pa yi nōsumpər atəf nā Misira fəp.

¹¹ Mba nte firawona enənk a kənesəm kənder mə, k'eyenjk sə domp, encənkəl fε sə Musa kə Aruna pəmə təkə MARIKI enaloku ti mə.

Pəcuy pa maas: Mes-yenaj

¹² Kə MARIKI oloku Musa: «Mələku Aruna: «Məcenc kəgbo kam, məsutε ki kəbof ka dəntəf.» Kəbof kanjka kəndetənkələ mes-yenaj Misira fəp.»

¹³ Itə nānayo. Kə Aruna encenc kəgbo kən k'osutε ki kəbof ka dəntəf. Kə kəbof kanjka kəntənkələ mes nyε yencnəj afum kə yəcəl mə, kə kəbof ka atəf nā Misira fəp kəyənε mes.

¹⁴ Kə dure nā sə nāwakəs deser danan fəp nte tənşəne nā sə nāwure mes-yenaj mə, mba nānatam fε. Kə mes yelar-lar afum kə yəcəl.

15 Kə dure ɲaloku firawona: «Kəca ka Kanu kə!» Mba firawona encyeyk kəyeyk dəm domp, owosε fε kəcəɲkəl Musa kə Aruna, pəmō təkō MARIKI ɛnaloku ti mō.

Pəcuɣ pa maɲkələ: Wanəkəp

16 Kə MARIKI oloku Musa: «Məde məyεfε bətbət suy, məkō məcəmə dəpō dəkō firawona encepər mō. K'ende kəcwur kəkō ka nde dəkəɲgbəkō-ε, məde məloku kə: «Nte tō MARIKI oloku: Məsak afum em nte təɲsəɲε ɲakō ɲasalen'em mō!»

17 Kə məntəsak afum em ɲakō-ε, iɲwənər'on kəɲay ka wanəkəp yelərəm, kəyεfε mənə, kəkō amarəs am, kəbəp afum am haɲ wəlō wam. Wəlō wa aka Misira wendelarε wanəkəp haɲ yokump antəf ɲε ɲayi mō.

18 Mba dəsək dadəkō indegbey atəf ɲa Kosəɲ nde afum em ɲayi mō, dəndo taɲ wanəkəp yelərəm yəfəkəyi di, isəɲ'am oɲ kəcərə a ina, MARIKI, iyi atəf ɲaɲε dacō.

19 Indeboc tεgbəkərə afum em kə afum am dacō, nte tendeyōnε tεyacε ta afum em mō. Alna tεgbəkərə tεwεy-wεy tatəkō tenyi.»

20 Kə MARIKI əyō tatəkō. Kə wanəkəp yelərəm yender nde kəlō ka firawona kə nde kəlō ka amarəs ən, kə nde atəf ɲa Misira fəp kə wanəkəp yelərəm yayəkō yeləsər atəf.

21 Kə firawona ewe Musa kə Aruna, k'oloku ɲa: «Nəkō nəloɲnε Kanu konu nno atəf ɲaɲε disrε.»

22 Kə Musa oluksε firawona: «Pəntesε fε kəyō tatəkō, bawo kəloɲnε nke səɲkəloɲnε MARIKI Kanu kosu mō, kəloɲnε kə nke kəyik-yik aka Misira mō teta dinε daɲan, kə səloɲnε ki fər yaɲan kirin-ε, bafō ɲandeca-cas su ba?»

23 Mata maas mō səndekət nde dətεgbərə a səkəloɲnε MARIKI Kanu kosu, pəmō təkō əɲkəloku su ti mō.»

24 Kə firawona oloku: «Ina kəsak nu k'inder nəkəloɲnε MARIKI Kanu konu nde dətεgbərə. Mba ta nəbələ de, nətolanən'em!»

25 Kə Musa oloku firawona: «Inckəwur nno ndaram intola MARIKI, alna tuɲ wanəkəp yelərəm yayε yəmbələ firawona, amarəs ən kə afum ən. Mba ta firawona pəgbəkərə sō kəyembər su, ta pəfati kəsak aka Yisrayel ɲakəloɲnε MARIKI.»

26 Nte Musa owur ndena firawona mō, k'ontola MARIKI.

27 Kə MARIKI əyō təkō Musa ɛnaloku kə mō, kə wanəkəp yelərəm yəmbələ firawona, kə afum ən, kə amarəs ən. Ali awanəkəp ɲin ɲenayi fε sō Misira.

28 Mba kə firawona ɛntaɲ aləɲəs, owosε fε kəsak aka Yisrayel ɲakō.

9

Pəcuɣ pa kəcəmət: Docu da yəcəl

1 Kə MARIKI oloku Musa: «Məkō məbəp firawona, məkō məloku kə: «Nte tō MARIKI, Kanu ka aHebərə kəloku: Məsak afum em ɲakō nte təɲsəɲε ɲakō ɲasalen'em mō.»

2 Kə məfati kəsak ɲa ɲakō, məwon sō kəsumpər ɲa sə-ε,

3 MARIKI oɲsute yəcəl yam kəca nyε yeyi dəkulum mō, kəyεfε ka fələs kəbəp ka səfale, yəkəmə kəkō ka nde cənə kə ɲkesiya yeyi mō, yendesətō arom ɲelεc.

4 Mba MARIKI endegbey yəcəl ya aka Yisrayel nno yəcəl ya aka Misira yeyi mō, ali pəcəl pin pəfədefi yəcəl ya aka Yisrayel dacō.

5 MARIKI ombonc dəsək ndε toncop mō, oloku a alna əɲyō ti atəf ɲa Misira disrε.»

6 Kə MARIKI əyō ti dəkəsək. Kə yəcəl ya aka Misira yefi, ali pəcəl pa aka Yisrayel pin pənafi fε.

7 Kə firawona osom pakō paten mes maməkō. K'əɲkō pabəp ali pəcəl pa aka Yisrayel pin pənafi fε. Mba haɲ tēm tantε firawona ɛntaɲ aləɲəs, ɛsak fε aka Yisrayel ɲakō.

Pəcuɣ pa camət-tin: Bεcε

8 Kə MARIKI oloku Musa kə Aruna: «Nəwεt asum ɲa karərə kəca pet, Musa pələm ɲi darenc fər ya firawona kirin.

⁹ Asum nənjəkə nendətənkələ kəfəl atəf nə Misira fəp kəron. Kəfəl kanjəkə kəndəsəy atəf nə Misira fəp kəyefə afum kəbəp ka yəcəl pəkəfər-kəfər mpe pendeyəne nə bəce mə.»

¹⁰ Musa kə Aruna nəwet asum nə karəro kə nənjəkə nəbəp firawona, kə Musa eləm asum nənjəkə darenc, kə nəsəy afum kə yəcəl bəce ya arom.

¹¹ Dure aMisira nəntam fə kəcəme Musa fər kirin, teta bəce nyə yənwur nə pəmə təkə yənwur aka Misira fəp mə.

¹² Kə MARIKI əncəyəs sə firawona kəyənək domp, əncənkəl fə nə sə pəmə təkə MARIKI ənaloku ti Musa mə.

Pəcuuy pa camət-məreş: Letər

¹³ Kə MARIKI oloku Musa: «Məde məyefə bətbət suy, məkə məmentərne firawona kirin. Məloku kə: «Nte tə MARIKI, Kanu ka aHebərə kəloku: Məsak afum em nəkə, nəsalen'em.

¹⁴ Bawo tantə tan mən'indəsəy pucuy pem fəp, kəyefə ka amarəs am kəbəp ka afum am fəp, nte tənşəy məcərə a paka mpe o mpe powurenə fə kə ina doru dandə.

¹⁵ Inacenc kəca isut am arom, məna kə afum am-ə, kə məməlkə nte doru dandə.

¹⁶ Mba isak əm kə məyi doru nte təsəy imentər əm fənəntər fem, təsəy sə tewe tem tesamsər doru fəp mə.

¹⁷ Kə məmpətəs sə afum em, məsak fə nə nəkə-ə,

¹⁸ intufər aka Misira alna dec dandə letər dəlarəm ndə dentatətuf Misira kəyefə dəsək ndə moncop mə haş ndəkəl.

¹⁹ Ndekəl oş, məsom ndə dale pakere pəcəl mpe o mpe kə daka ndə o ndə dəyənə dam mə, letər dendetərər afum kə yəcəl fəp kəron nyə yeyi dale ta alonka yi dəkələ mə, yendefi.»

²⁰ Amarəs a firawona aşə nənanese toloku ta MARIKI mə, nəmbərse acar aşan kə yəcəl yaşan dəcəkər katəna.

²¹ Mba aşə nənatəber moloku ma MARIKI dəbəkəc mə, nəsak acar aşan kə yəcəl yaşan dale disre.

²² Kə MARIKI oloku Musa: «Məpenə kəca kam darenc, letər dotor atəf nə Misira disre fəp, afum kəron, yəcəl kəron kə yika ya dale da Misira kəron.»

²³ Kə Musa əmpənə kəgbo kən darenc, kə MARIKI owure dim da pukule-kule, kə letər dontor, kə dəwe dosut antəf. Kə MARIKI ontore letər dəntəf pəpəş.

²⁴ Kə letər dontor, nənc dəccəsəy letər dacə. Kəyefə nte doru dənacop mə haş məkə, letər, afef kə dəwe yəntator fə Misira pəmə dəsək dadəkə.

²⁵ Kə letər dontorər ca yəkə yənayi dale mə fəp, antəf nə Misira fəp kəyefə ka afum kəbəp ka yəcəl. Kə letər dosut sə yika ya dale fəp, kə dentep-tepi sə tək ya dale fəp.

²⁶ Atəf nə Kosəş gbəcərəm ndə aka Yisrayel nənayi mə, nə letər dənatətər.

²⁷ Kə firawona osom pawenə kə Musa kə Aruna k'oloku nə: «Tantə tan, inciya. MARIKI olomp, ina kə afum em sən'eciya.

²⁸ Nətola MARIKI. Pukule-kule kə letər yecəme! İnşak nu nəkə, afəsəcəmbərəs nu kəkə.»

²⁹ Kə Musa oloku firawona: «Kə indenawur dare-ə, indepenə waca wem ndə MARIKI eyi mə. Pukule-kule pendenasakə, letər dəfədenayi, tendəsəy'am kəcərə a doru dandə da MARIKI də.

³⁰ Mba incərə a məna kə amarəs am, nəfədesənese MARIKI Kanu.»

³¹ Akotan nənalənək, pundu pokom letər dənasəy yi kələce.

³² Mba məngben mələma mənaləce fə, bawo mi moncwon kəkə, ti tə letər dənatələsərə mi.

³³ Kə Musa owur ndena firawona kə dare disre, kə Musa encəncər MARIKI waca. Pukule-kule pa darenc kə letər yəsakə, kə wəcafən əsak kətuf.

³⁴ Nte firawona ənək wəcafən, kə letər yəsak kətuf kə pukule-kule pa darenc pəsakə mə, k'əşgbəkərə sə kəciya k'əntəş aləşəs, nəkən kə amarəs ən.

³⁵ Kə firawona eyənək domp, əsak fə aka Yisrayel nəkə, pəmə təkə MARIKI ənasəy ti Musa kəloku mə.

10

Pəcuypa camət-maas: Cəlanjkəma

¹ Kə MARIKI oloku Musa: «Məkə məbəp firawona, bawo in'endesəne kə kətaŋ aləŋəs, nkən kə amarəs ən, nte təsəne imentər megbəkəre mēwey-wey mem fər yaŋan kirin mə.»

² Nte tendesəŋ'am kəsətə təkə mənəde məcloku awut am kə awut-sə am mə, mes mme iyə aMisira, kə megbəkəre mēwey-wey mme iwure ndaraŋan mə. Tendesəŋ'on kəcəre a in'əyənə MARIKI.»

³ Musa kə Aruna ŋaŋkə nde firawona eyi mə, kə ŋaloku kə: «Nte tə MARIKI Kanu ka aHebərə kəloku: Ake təm tə məndesak kəfati kətontnən'em-ε? Məsak afum em ŋakəsalen'em.»

⁴ Kə məfati kəsak afum em ŋakə-ε,alna injkere cəlanjkəma atəf ŋam.

⁵ Cəndekump atəf ŋam ali antəf ta aŋŋəŋk-ε. Ci cəndesəm yəbəf yelpəs nye letər desak mə, cəndesəm tək yonu yəkə yeyi kəpəŋ nde dəkulum mə fəp.

⁶ Cəndelas wələ wam, wələ wa amarəs am, kə wələ wa aka Misira fəp. Kəyefe awisi aŋa kəbəp ka atem am, ali wəkin əŋəŋk fə towurəne ta ti haŋ məkə.» Kə Musa ember firawona kumunt, k'owur ndrən.

⁷ Kə amarəs a firawona ŋayif kə: «Ake təm tə fum wəkawε endesak kəyənə su towul-ε? Məsak afum aŋe ŋakəsalenə MARIKI, Kanu kəŋan. Məntacəre fə a Misira meyi kələcə ba?»

⁸ K'aŋkə sə pawe Musa kə Aruna, kə ŋander nnə firawona eyi mə. Kə firawona oloku ŋa: «Nəntam kəkəsalenə MARIKI, Kanu konu. Mba are ŋaŋkə-ε?»

⁹ Kə Musa oloku kə: «Səŋkə kə atemp asu, atem asu, səŋkə kə awut asu arkun kə ayecəra, səŋkə kə yəcəl yosu yəpəŋ kə yefət, bawo kəsata ka MARIKI kə nnə səna səyi mə.»

¹⁰ Mba kə firawona oloku ŋa: «MARIKI pəmar nu kə pəyənə icsak nu nəkə nəna kə aran anu kə awut anu-ε! Təsək pəs a nəyə məcəm-cəmne mələc!»

¹¹ Təfan tonu tətətam kəkət! Nəna arkun nəkə nəsalənə MARIKI, tatəkə tə nəfan!» K'ambələs ŋa firawona fər kirin.

¹² Kə MARIKI oloku Musa: «Məcenc kəca atəf ŋa Misira, nte təŋsəne cəlanjkəma kəder mə, cəpə, cəsəm yika ya dətəf fəp kə yobuk yelpəs nye letər dənasak atəf ŋa Misira mə.»

¹³ Kə Musa encenc kəgbo kən atəf ŋa Misira, kə MARIKI owurə afef kəyefe ka ntende dec dəmpə mə, kə afef ŋowur Misira dəsək dadəkə fəp pibi kə pəwanjkəra. Dec dendesək, afef ŋa ntende dec dəmpə mə ŋeŋkəre cəlanjkəma.

¹⁴ Kə cəlanjkəma cəmpə atəf ŋa Misira fəp, kə cəndes-dəs mofo fəp Misira disre. Nte tə doru doncop cəlanjkəma cəntayi fə pəmə tatəkə, cəfəsəyi pəmə ti.

¹⁵ Kə cəlanjkəma cəŋkump antəf ŋa Misira fəp, kə cəmbiyəsər antəf. Kə cəsəm yika ya dəntəf fəp, kə yokom ya tək fəp, kə ca nce letər dənasak mə fəp. Misira disre fəp anasak fə ali bubuk pin pa kətək kə pəyənə fə ti-ε pa ayika ŋa dalə.

¹⁶ Kə firawona embəlkər kəwe ka Musa kə Aruna. K'oloku ŋa: «Inciyanə MARIKI Kanu konu, k'inciyanə sə nəna.»

¹⁷ Ndekəl ŋə iletən'am məŋaŋnən'em kiciya kem telpəs tantə. Nətolan'em nnə MARIKI Kanu konu eyi mə, nte təŋsəne pəluks'em darəŋ defi dandə mə.»

¹⁸ Kə Musa owur ndena firawona, k'ontola MARIKI.

¹⁹ Kə MARIKI əŋkəfəli afef ŋəpəŋ nŋe ŋənayefe kəca nke dec dəŋkalə mə, afef ŋaŋəkə ŋənəfelərəne cəlanjkəma cacəkə, kə ŋeŋkəkəre nde kəba ka Cəŋkəlma. Ali kəlanjkəma kin afef ŋaŋəkə ŋenasak fə atəf ŋa Misira fəp.

²⁰ Mba kə MARIKI eyəŋkəs sə firawona domp, kə firawona efati kəsak ka aka Yisrayel ŋakə.

Pəcuypa camət-maŋkələ: Kubump

²¹ Kə MARIKI oloku Musa: «Məcenc kəca kam darenc, kubump kətor atəf ŋa Misira, kubump ka kəwakəs.»

²² Kə Musa encenc kəca kən darenc, kə kubump ka kəwakəs kəntor atəf ɲa Misira fəp haɲ mata maas.

²³ Nwε o nwε encnəɲk fε wəkə, ali fum enctam fε kəyεfε dəkɪyi dən haɲ mata maas. Mba aka Yisrayel fəp ɲanayə pəwəɲkəra nde ɲanayi mə.

²⁴ Kə firawona ewe Musa k'oloku kə: «Nəkə nəsalenε MARIKI! Mba yəcəl yonu yεfεt kə yəpəɲ taɲ nəndesak yi nnə, awut anu afet afet kə aran anu, nəntam kəkəkəre ɲa.»

²⁵ Mba kə Musa oluksε kə: «Məna yati, mənε mədesəɲ su yəcəl yələma nyε səndəkəlɔɲnənε kə yəkə səndəkəcəfε MARIKI Kanu kosu mə.

²⁶ Ntε tendəɲərne ti mə, səndekenənε yəcəl yosu ali kəgboro kin səfədesak, bawo yi yə səndəkəwure daco nyε səndəkəlɔɲnənε MARIKI Kanu kosu. Səntacəre fε kərəsna mpe səɲkəlɔɲnənε MARIKI mə, mənε səcbere dəndo.»

²⁷ Kə MARIKI eyenəkəs sə firawona domp, firawona enafan fε sə kəsak aka Yisrayel ɲakə.

²⁸ Kə firawona oloku Musa: «Məwur nnə nderem! Məkembərne ta inəɲk əm sə fər yem kirin, dəsək nde o nde mənder sə nnə mə, mənfi dəsək dadəkə.»

²⁹ Kə Musa oloku firawona: «Ntε məloku ti tatəkə mə, awa! Ifəsəgbəkəre kəder nnə fər yam kirin.»

11

Kədəɲk ka pucuy pələs

¹ Kə MARIKI oloku Musa: «Pəcuy pin gboɲ p'indəsədeɲər firawona, kə Misira. Kə tencepər-ε, endesak nu nəwur dε. K'endelip kəsak nu a nəkə-ε, endəkə haɲ pəcbeləs nu dε few.

² Məmənəkəs afum am, iletsen'am, a wərkun nwε o nwε kə wəran nwε o nwε ɲawer andε aɲan ca ca gbeti kə kema.»

³ Kə MARIKI əsəɲ aka Yisrayel kəmar ka kəbətər nde fər ya aka Misira kirin. Musa sə yati fum enayi nwε amarəs a firawona kə afum ɲanaleləs atəf ɲa Misira mə.

⁴ Kə Musa oloku: Ntε tə MARIKI oloku: «Cεkcekana, indenacepər Misira daco.

⁵ Awut acəkə-cəkə fəp ɲandenafi atəf ɲa Misira, kəyεfε coco ca firawona wəkəkə endε dəcəm dən dabε kəron mə, haɲ kəkəbər coco ca wəmarəs kən wəran wəkə eɲgbente kə kəcom mə, kəkə haɲ awut acəkə-cəkə fəp a yəcəl.

⁶ Kəbok kəpəɲ kəndeyi Misira, kəbok nke kəntatəyi Misira, a kə kəntəsəyi dε mə.

⁷ Mba ndena aka Yisrayel, ali acen ɲəfədekul-kulər di kəyεfε fum, haɲ pəcəl, ntε təɲsəɲε nəcəre təkə MARIKI eɲgbey kəyə aka Misira nnə aka Yisrayel ɲayi mə.

⁸ Amarəs am fəp ɲandeder ɲatontnən'em ɲacloku: «Məna kə afum aɲε ɲancəm'am darəɲ mə fəp, nəkə!» Kə tencepər-ε, indewur atəf ɲaɲε.» Kə Musa owur nda firawona, pətεle kə pəpəɲ.

⁹ Awa kə MARIKI oloku Musa: «Firawona əfəkəcəɲkəl nu, ntε təɲsəɲε məgbəkəre məwəy-wəy mem mela atəf ɲa Misira mə.»

¹⁰ Musa kə Aruna ɲayə məgbəkəre məwəy-wəy mme fəp fər ya firawona kirin. Kə MARIKI eyenəkəs domp da firawona tun, esak fε aka Yisrayel ɲawur atəf ɲən.

12

Kəsata ka Kəcəpər

¹ Kə MARIKI oloku Musa kə Aruna nde atəf ɲa Misira:

² «ɲof ɲaɲε ɲendeyənε nu oɲ ɲəcəkə-cəkə ɲa yof. ɲi ɲendeyənε nu ɲəcəkə-cəkə ɲa teren.

³ Nəloku ti kəlɔɲkanε ka aka Yisrayel fəp, nəcloku ɲa: Tataka ta wəco ta ɲof ɲaɲε, wəkombəra o wəkombəra, kə pəyənε fε ti-ε, kələ o kələ ɲalək aɲkesiya ɲorkun ɲa teren tin, kə pəyənε fε ti-ε, ambiyof.

⁴ Kə afum a kələ ka wəkayi disre ɲampicər pəcəl papəkə-ε, wəkayi pələkene ande ɔn akə ɲalətərənə wələ mə, wəkayi pəməmən delay da afum a kələ kən. Nəyerəs pəcəl papəkə, nte nwe o nwe entam kəsəm mə.

⁵ Pəyənə pəcəl porkun pa teren tin mpe pəntəyɔ dolokəp mə. Nəntam kələk aɲkesiya ɲorkun ɲa teren tin, kə pəyənə fε ti-ε, ambiyofɔ.

⁶ Nəmənɲ pi haɲ tataka ta wəco kə maɲkələ ta ɲof ɲaɲε. Fitiri fa dəsək dadəkə, kəlonkanε ka aka Yisrayel fəp ɲasurenε kəfayəs nwe o nwe pəcəl pəkə emenɲkərne kədif mə.

⁷ Palək mecir maməkə pasop mi cəsək kə takəronɲ ta fərəm fa kusunɲa ka kələ kəɲkə andesəm sɛm yayəkə mə.

⁸ Pakakəl sɛm yayəkə pibi payi, pasəmε sɛm yayəkə cəcom cətəyɔ lebin kə bəpər yodokət.

⁹ Afəsəm sɛm yayəkə yogbulpun, kə pəyənə fε ti-ε, papεcε yi domun de! Aɲkakəl yi kəkakəl dəm, kəyεfε domp kəbər ka cəgboro cayi, kəkə yedisre ya pəcəl papəkə.

¹⁰ Ali tɛsɛm tin ta nəsak pa dəkəsək. Mba kə nəsak tɛsɛm tələma-ε, dəkəsək nəcɔf pi.

¹¹ Nte tə pəmar nəlompəsne kəsəm sɛm yayəkə: Nəkotne mabamaba dəfi, nəbərne cəfta, nətəmpər mogbo dəwaca. Nəsəm yi katəna katəna. Ti tendeyənε kəsata ka Kəcepər ka mələkε medif teta kələləs ka MARIKI.

¹² Pibi pampε pender mə, indecepər atəf ɲa Misira disre fəp, idifət awut acəkə-cəkə a atəf ɲa Misira, kəyεfε ka nnə afum ɲayi mə haɲ nnə yəcəl yeyi mə, kəbocər k'inder canu ca Misira kiti kələl. In'ɔfɔ MARIKI.

¹³ Mecir maməkə mendekəyənε nu tɛgbəkəre ta dəwələ nwe nəndekəyi mə: K'indekə icnəɲk mecir-ε, indekə iccepər nu ta intorər nu pələc mpe o mpe pɛɲmələk mə-ε, mpe indekə icsutε atəf ɲa Misira mə.

¹⁴ Dəsək dadəkə dendeyənε nu dəsək dεcɛm-cɛmnε, nədekə nəcbocε kəsata kəɲkə MARIKI. Nəde nəcboc kəsata kəɲkə nətəmpərne sariyε sasəkə dɛtɛmp donu tɛm o tɛm.»

Kəsata ka kəcom cətəyɔ lebin

¹⁵ «Mata camət-mɛrəɲ disre, nənde nəcsəm cəcom cətəyɔ lebin. Tataka təcəkə-cəkə, nəwurenε lebin nde wələ wonu, bawo nwe o nwe ɔɲsəm kəcom kəyɔ lebin mə, kəyεfε tataka təcəkə-cəkə haɲ tataka ta camət-mɛrəɲ ta kəsata kəɲkε, aɲwure wəkayi afum aka Yisrayel dacɔ.

¹⁶ Tataka təcəkə-cəkə kə tataka ta camət-mɛrəɲ nəde nəwe kəlonkanε kəsoku teta kələləs ina MARIKI. Ali yɛbəc ta fum pəsumpər dəsək dadəkə mɛrəɲ, mənε yeri yonu yedi gbəcərəm yə nəɲlompəs dəsək dadəkə nyε nwe o nwe entam kədi mə.»

¹⁷ «Nəbocε kəsata ka Cəcom cətəyɔ lebin, bawo dəsək dadəkə yati d'inawurenε afum anu atəf ɲa Misira dəcɔr dəcɔr. Nəde nəcboc kəsata kəɲkə tɛm o tɛm dɛtɛmp kə dɛtɛmp.

¹⁸ ɲof ɲəcəkə-cəkə tataka ta wəco kə maɲkələ (14) tayi dec dərɔfɔy, nəsəm cəcom cətəɲɲkəl lebin haɲ tataka ta wəco mɛrəɲ kə tin (21) dec dərɔfɔy.

¹⁹ Mata camət-mɛrəɲ mme disre, pəmar fε pabər lebin nde wələ wonu disre. Nwe o nwe ɔɲsəm kəcom kəɲɲkəl lebin mə, aɲwure wəkayi kəlonkanε ka aka Yisrayel dacɔ, pəyənə wəka Yisrayel, pəmɔ wəcikəra.

²⁰ Ta nəsəm mpe o mpe pəyɔ lebin mə. Cəcom cətəɲɲkəl lebin gbəcərəm cə nəntam kəsəm, nnə o nnə nəndε mə.»

Kəsata ka Kəcepər kəcəkə-cəkə

²¹ Kə Musa ewe abeki a Yisrayel fəp, k'oloku ɲa: «Nəkə nələk ɲkesiya, kə pəyənə fε ti-ε cir kələ o kələ pəcəl pin teta kəcepər ka mələkε medif, nəfayəs yi. Nəsə məbəl mecir maməkə mɛbɛrε mi.

²² Nələk sɔ lε ya hisəp nəcgbət yi dəmecir ma polonɲε məkə meyi dətəbəl mə, nəcəpət mi dəfərəm fa cumba ca cusunɲa cəsək kə takəronɲ ta wələ wonu. Kə nəna dacɔ ali fum ta pəwur nde kələ kən haɲ dec dəsək.

23 Nte MARIKI endenanəŋkər Misira kəcsute ɲa pələc mə, k'ənəŋk mecir maməkə nde fərem fa cusuŋka ca wələ wonu-ε, MARIKI encepər kəcepər dəm wələ wonu kəron, əfsak wəmələk kə pələc pən kəberε wələ wonu.

24 Nəde nəmənəkərne ti, təyənε on sariye sa mənə kə yuruya yam doru o doru.

25 Kə nəndekə nde atəf nɲε MARIKI endekəsəŋ nu mə, pəmə təkə oloku ti mə-ε, nədekə nəmənəkərne tokor-koru tante.

26 Kə awut anu ɲandekəyif nu: «Cəke cə təyə tokur tante toloku-ε?»

27 Nəloku ɲa: «Kəlonne ka kəcem-cəməs nte MARIKI encepər wələ wa aka Yisrayel dəndo Misira nte oncsute Misira pələc, pəcyay wələ wosu mə.» K'aka Yisrayel ɲantontnεne MARIKI, kə ɲancəpε kə suwu.

28 Nte tatəkə tencepər mə, k'aka Yisrayel ɲasumpər dəpə, kə ɲaŋkə. Kə ɲayə tatəkə MARIKI enasom Musa kə Aruna mə.

Pəcyay pəlpəs: Defi da awut acəkə-cəkə a Misira

29 Cəkək cəndəbər, kə MARIKI endifət awut acəkə-cəkə fəp nde atəf ɲa Misira, kəyεfe ka wan ka firawona wəcəkə-cəkə nwe enandε dəcəm dən dabε mə, haɲ wan wəcəkə-cəkə wəka fum nwe osumpər k'ember dəbili mə, kəbər ka awut acəkə-cəkə a yəcəl fəp.

30 Kə firawona eyεfe pibi, nkən kə amarəs ən, kəbər ka aka Misira fəp, bawo kələ kənayi fε nke kənatəyə wəfi mə.

31 Pibi disre kə firawona ewe Musa kə Aruna, k'oloku ɲa: «Nəyεfe nəwur afum em daco, nəna k'aka Yisrayel fəp! Nəkə nəsalenε MARIKI pəmə təkə nəloku ti mə.

32 Nəkenεne yəcəl yonu pəmə təkə nəloku ti mə. Nəkə! Nətolan'em sə!»

33 Aka Misira ɲancəbəkər aka Yisrayel kəwur ka dətəf bawo ɲancloku: «Kəfi kə sənder fəp!»

34 K'aka Yisrayel ɲalεkene cəcom cəɲan ta lebin dentakəfəs ci-ε. Kə ɲaŋgbəŋəsne yənəkε yaɲan cəcom pafəktər yi dəyamos yaɲan.

35 K'aka Yisrayel ɲayə təkə Musa enaloku ɲa mə: Kə ɲantola aka Misira ca ca gbeti, ya kema, kə yamos.

36 Kə MARIKI əsəŋ aka Yisrayel kəmar ka kəbətər nde fər ya aka Misira, kə akakə ɲasəŋ aka Yisrayel ca cəkə ɲanafəŋər ɲa mə. Ti disre kə ɲafəŋət aka Misira.

37 K'aka Yisrayel ɲayεfe Ramses kəkə ka Sukət, kənay k'asədar kənatam kəyi arkun wul masar camət-tin (600.000) ta aləm awut k'aran aɲan-ε.

38 Acikəra aləma ɲananəŋkələne aka Yisrayel kəkə. Nəsələne yəcəl yεfət kə yəpəŋ yaɲan yelərəm.

39 Kə ɲalompse biskit bətənəŋkəl lebin ambefe ɲəkə ɲanayεfεne Misira mə. Kəmbefe kaŋkə kənəpε fε bawo ananəŋkəl fε ki lebin. Nte anabeləs ɲa Misira mə, ɲanatham fε kəkər kəlompəsne ɲadēmne yeri ya dəpə.

40 Kəndε ka aka Yisrayel Misira kənawon meren masar maŋkələ kə wəco maas (430).

41 Dəsək ndε meren mme masar maŋkələ kə wəco maas (430) melip mə, dəsək dadəkə yati də afum a MARIKI fəp ɲawur Misira dəcər dəcər.

42 Pibi papəkə camcam MARIKI encepərεne pi kəwurεne aka Yisrayel atəf ɲa Misira, pəmar pibi papəkə pəyənε aka Yisrayel pəmənəkərne dətəmp kə dətəmp kətədirenε teta MARIKI, tendeyənε ɲa on təyə taɲan tokur ta doru o doru.

Sariye səbocε kəsata ka Pak

43 Kə MARIKI oloku Musa kə Aruna: «Nte tə sariye sa kəsata ka kəcem-cəməs ka Kəcepər ka mələkε medif səloku: Ali wəcikəra ta pəde pəcdi yeri yayəkə.

44 Wəcər nwe awayε pəsam mə, entam kədi yeri yonu, kə pəyənε a aŋkənc kə-ε.

45 Amənε wəcikəra wəcepər kə wəbəc nwe aɲsəŋ kəway mə kədi yi.

46 Səm yayəkə dəkər aɲsəm yi, afəkəkəre yi kəfo kəcuru, ali kəbent kin ta papor-poru.

47 Kəlonkanε ka aka Yisrayel fəp ɲamboc kəsata kaŋkə.

⁴⁸ Məna wəcikəra nwe məfan kəboce MARIKI kəsata kanə mə, mənə arkun a kələ kən disre fəp, pakənc nə. Wəkayi entam kəlotərne kəsata, pəyi kə pəmə wəka Yisrayel. Mba wətəkənc nwe o nwe əfəsəm sem yayəkə.

⁴⁹ Tətəkse tin tatəkə t'amboncər wəYisrayel yati kə wəcikəra nwe eyi nu dacə mə.»

⁵⁰ K'aka Yisrayel nəsurene kəyə təkə MARIKI enasom Musa kə Aruna mə.

⁵¹ Dəsək dadəkə də MARIKI enawurene aka Yisrayel atəf nə Misira, pəcək nə cəgba cəjan dəcor dəcor.

13

Metəkəs mələma ma Pak

¹ Kə MARIKI oloku Musa:

² «Nəpus'em awut acəkə-cəkə fəp, pəyəne aka afum, pəyəne aka yəcəl, nwe o nwe əyəne wan ka kere wəcəkə-cəkə aka Yisrayel dacə, wəkemi əfə.»

³ Kə Musa oloku afum: «Nəde nəccem-cemne dəsək nde nəwur atəf nə Misira, nde nənayəne acar mə, bawo səkət sa kəca ka nkən MARIKI sənawurene nu di. Ti disre ta pasəm paka o paka pənəjkəl lebin.

⁴ Nəwur məkə nəf nə Abib*.

⁵ Təm nte MARIKI endəkəbers'am atəf nə Kana, nda aHit, nda Amər, nda aHiwy, nda aYebus, atəf nəyə nəmbəy dale k'awop mə, nəyə MARIKI enadərmə atəm anu kəsəy əm mə, mədekə məboce MARIKI kəsata kanəyə nəf nəyə.

⁶ Mata camət-mərəy məcsəm kəcom cətənəjkəl lebin. Tataka ta camət-mərəy məboce MARIKI kəsata.

⁷ Cəcom cətənəjkəl lebin c'andəkə pacsəm mata maməkə camət-mərəy. Pəmar fə padəkə pacnəjk nda nwe o nwe daka o daka dənəjkəl lebin, pəmar fə yati padəkə sə pacnəjk ndaram lebin, atəf nəm disre fəp.»

⁸ «Dəsək dadəkə məde məloku wan kam nte: <Teta təkə MARIKI enayən'em nte incwur Misira mə.»

⁹ Tendeyəne nu tēgbəkəre kəca kam kəron kə təcemceməs ta fər yam, təsəyə metəkse ma MARIKI mey'am dəkusu, bawo kəca ka səkət kə MARIKI enawuren'am Misira.

¹⁰ Tataka tante ombonc mə tə mənəde məboce o y kəsata kən, kəren o kəren.»

¹¹ «Kə MARIKI endəkəbers'am Kana, pəsəy əm di, pəmə təkə endərm'am ti kə atəm am mə,

¹² məde məcsəy nwe o nwe əyəne wan wərkun wəcəkə-cəkə wəka wəran, kə awut acəkə-cəkə a yəcəl yam. Arkun akə, MARIKI əyə nə.

¹³ Kə pəyəne a wan wəcəkə-cəkə wəka səfale əfə-ε, məwurusə si ankesiya, kə pəyəne fə ti-ε, ambiyofə. Kə məntəwurus si-ε, mətepi səfale sasəkə kilim. Məwurus sə awut arkun acəkə-cəkə a afum.

¹⁴ Alna kə wan kam endeyif əm: <Cəke cə tante toloku-ε?>, məloku kə: <Səkət sa kəca sə MARIKI enawurene su Misira, nde atəf nəyə sənayəne acar mə.

¹⁵ Nte firawona encfati kəsək su səkə mə, kə MARIKI endifət awut acəkə-cəkə fəp atəf nə Misira, kəyefe ka awut acəkə-cəkə a afum nəy awut acəkə-cəkə a yəcəl. Ti təsəyə nte inləyənəne MARIKI pəcəl porkun mpe o mpe pəyəne pəcəkə-cəkə pa kere ka pi mə, icwurus awut em arkun acəkə-cəkə.»

¹⁶ Tendeyən'am tēgbəkəre kəca kam kəron kə tafəc mpe anəkət əm dətəbu fər yam dacə mə, bawo səkət sa kəca sə MARIKI enawurene su Misira.»

Kanu kəsəle afum ən kəkə

¹⁷ Nte firawona esək aka Yisrayel nəkə mə, Kanu kəsəlnəne fə nə dəpə da atəf nə aFilsti, ali nte pənayəne a dəpə dadəkə dələtərne mə. Bawo Kanu kənalokune: «K'aka Yisrayel nənəjkə kəwan-ε, nəyəyəne telər kəwur kəjan Misira, təsəyə nə sə kəluksərne di.»

* 13:4 Nəf nə Abib = «Təm ta Ləjk»

18 Kə Kanu kənoḡkəreḡe aka Yisrayel kəca ka dəpə da dətəgbəre, ntende kəba ka Cəḡkəlma. Aka Yisrayel ḡanawur atəf ḡa Misira ḡalompəsne cəkəwan.

19 Kə Musa elekeḡe bent ya Isifu, bawo Isifu enasəḡe awut a Yisrayel kədəram, pəcloku: «Kə Kanu kəndemar nu-ε, nənde nəmitəne bent yem, nəkekəre.»

20 K'aka Yisrayel ḡayefe Sukət, kə ḡaḡkə ḡacəmbər saḡka səḡan Etam, ntende təgbəre dəkusu.

21 MARIKI ənckət kə ḡa, daḡ pəkətəne ḡa kə acul ḡa kəp nte təḡsəḡe ḡa kəsolne dəpə mə, kə pibi pəmot pa acul ḡa nenc pəsəḡ ḡa pəwanḡəra, təḡsəḡe ḡa kətam kəkət daḡ kə pibi.

22 Acul ḡa kəp ḡenclḡḡe fe aka Yisrayel fər kirinḡ daḡ, acul ḡa pəmot pa nenc ḡenclḡḡe fe ḡa sə fər kirinḡ pibi.

14

Firawona eyefe kəbeləs aka Yisrayel

1 Kə MARIKI oloku Musa:

2 «Məloku aka Yisrayel a ḡaluksərne ḡader ḡacəmbər saḡka səḡan nde Pi Hirət tekirinḡ, Mikədəl kə kəba dacə, ḡatefərne Bal Cefəḡ. Kəfo kaḡkə tekirinḡ kə nəḡkəcəmbər saḡka kəba kəsək.

3 Firawona əḡkə pəcloke aYisrayel: «Kəyara-yara kə ḡandə dətəf, pənciyane ḡa, təgbəre tendi ḡa!»

4 Indeyəḡəs firawona domp, endecəme ḡa darəḡ kəbeləs. Ti disre, indesətə kəyek-yekəs dəməyə mme indeyə firawona kə asədar ən fəp mə, aka Misira ḡandecəre a in'əyənə MARIKI.» K'aka Yisrayel ḡayə ti.

5 K'əḡkə paloku wəbe wəMisira a aka Yisrayel ḡayekse. K'abəkəkə ḡa firawona kə amarəs ən yeḡkafələ sə teta aka Yisrayel. Kə ḡayifne: «Cəke cə səḡayə tantə kəsək aka Yisrayel ḡakə-ε? Səḡbal abəce asu!»

6 Kə firawona osom a pasektər abil ḡən ḡa dəkəwan, k'osole asədar ən kə ḡaḡkə.

7 Kə firawona elek cibil ca dəkəwan cətət masar camət-tin (600), kə cibil ca dəkəwan ca Misira cəlpəs, abe asədar ḡanayi ci kəroḡ.

8 Kə MARIKI eyenḡəs domp da firawona wəbe ka Misira: k'encəme aka Yisrayel darəḡ kəbeləs, mba aka Yisrayel ḡanaḡec səbomp kəwur atəf ḡa Misira.

9 K'aka Misira ḡancəme aka Yisrayel darəḡ kəbeləs: Fələs ya firawona fəp kə cibil cən ca dəkəwan, kəbər ka ayeksəne ən fələs, kəkə ka asədar ən, kə ḡaḡkə ḡabər aka Yisrayel nde Pi Hirət ntende kəba kəsək nde ḡanacəmbər saḡka ḡatefərne Bal Cefəḡ mə.

10 Nte firawona ənclətərne mə, aka Yisrayel ḡandeyekti fər, apayə! kə ḡanəḡkə aka Misira ḡancəme ḡa darəḡ kəbeləs. K'aka Yisrayel ḡanesə pəpəḡ, kə ḡaḡkule-kule MARIKI.

11 K'aka Yisrayel ḡaloku Musa: «Cufu cəla fe Misira nte məḡkəre su kədədif nno dətəgbəre mə ba? Cəke cə məḡyə su tantə-ε, məwurene su Misira mə?»

12 Bafə sənalok'əm Misira: «Məcə su səbəcə aka Misira, bawo kəbəcə ka aMisira kəncepər su kəfi nno dətəgbəre!»

13 Kə Musa oloku aka Yisrayel: «Ta nənesə, nəcəme ḡbiḡ, nəḡbətne nte MARIKI endeyac nu məkə mə, bawo aka Misira akaḡe nəḡbətne məkə mə, nəfəsənəḡkə ḡa few.

14 MARIKI endesutnəne nu, kə nəna, nəndə nəcaḡkə.»

Kanu kəwurene kən dəpə kəba disre

15 Kə MARIKI oloku Musa: «Ta ake tə məḡkul-kulən'em-ε? Məloku aka Yisrayel ḡasolne dəpə daḡan darəḡ tuḡ kəkə.

16 Kə məna Musa məyekti kəḡbo kam, məcenc ki dəkəba, məḡberi ki. Aka Yisrayel ḡakət kəba disre antəf ḡowosu kəroḡ.

17 Kə ina MARIKI, kəyeḡkəs k'inder səbomp s'aka Misira, nte təḡsəḡe ḡacəme nu darəḡ kəbeləs mə. Difə indeyek-yekəsne kələsər firawona, asədar ən fəp, cibil cən ca dəkəwan, k'ayeksəne a ci.

¹⁸ Tem tatəkə, aka Misira nandecəre a in'əyənə MARIKI, k'indeyek-yekəsne firawona, kə cibil cən ca dəkəwan k'ayeksene ən fəles.»

¹⁹ Mələke ma Kanu mme mencyi asədar aka Yisrayel tekirin mə, mənəkə mecəme asədar aka Yisrayel tadarə, acul na kəp nne nencyi na tekirin mə, ni sə kə nənəkə na tadarə.

²⁰ K'acul na kəp nənəkə neyi asədar aka Yisrayel k'asədar aka Misira dacə. Acul na kəp nne nənəcən pibi kəsək k'aka Misira, kəsək ka merən nəcən aka Yisrayel pəwanəkəra pibi disre. Pibi papəkə disre fəp, aka Yisrayel kə aka Misira nənələtərene fe.

²¹ Kə Musa entenci kəca kən dəkəba, kə MARIKI owure afen nənən nne nencyefe kəca nke dec dempe mə. Kə nənən pibi papəkə fəp domun da dəkəba kə nənəsəs kəba, kə domun degbeyene.

²² K'aka Yisrayel nantor dəkəba antəf nənəwu, kə domun deyi kəca kətət kə kəmeriya pəmə binəkəli.

²³ K'aka Misira nənəcəme aka Yisrayel darən kəbeləs kəyefe fəles ya firawona kəbər cibil cən ca dəkəwan, kəkə ka ayeksene ən fəles, fəp fanən kə nantor dəkəba.

²⁴ Dəsəkə deləpəs kə MARIKI ontore fər, k'əməmən asədar aka Misira pəyi acul na nənec kə na kəp disre, k'osute asədar aka Misira pəyamayama.

²⁵ Kə MARIKI eyamsər sənəf sa cibil ca dəkəwan ca aka Misira kəkafələ belbel, kə tənənec ci kəyelnə kəkət. K'aka Misira naloku: «Payekse pamulpər aka Yisrayel, bawo MARIKI eyi kəsutnəne na nənə aka Misira nənəyi mə!»

²⁶ Kə MARIKI oloku Musa: «Məcenc kəca kam dəkəba, domun degbəpərne aka Misira, kəyefe ka cibil cənən ca dəkəwan kəbər ka ayeksene fəles ənən.»

²⁷ Kə Musa encenc kəca kən dəkəba, dəsəkə deləpəs kə kəba kəlüksərne təkə kənəyi mə. Aka Misira nənəyi kəyeksər kəba, mba kə MARIKI enəgbəpər na domun.

²⁸ Kə domun dender kə deəgbəpərne cibil cənən ca dəkəwan, kə ayeksene fəles kə asədar a firawona fəp, ənne nənətər dəkəba kəcəpse ka aka Yisrayel mə. Ali wəkin enəmulpe fe.

²⁹ Mba aka Yisrayel na nəkət kəba disre antəf nənəwu fər. Domun deyi na kəca kətət kə kəmeriya pəmə binəkəli.

³⁰ Dəsək dadəkə də MARIKI enəbanə aka Yisrayel aMisira dəwaca. K'aka Yisrayel nənənəkə aka Misira nənəfis-fis dapərpara.

³¹ K'aka Yisrayel nənənəkə fənəntər nfe MARIKI enəsute aka Misira mə. K'aka Yisrayel nənənə MARIKI, kə nənən MARIKI kə Musa wəmarəs kən.

15

Telen ta Musa kə aka Yisrayel

¹ Nte tencepər mə, Musa k'aka Yisrayel nənənə MARIKI telen nte:

«Indenənə MARIKI

bawo enənətər debeki da kətəm kən:
Enəbal afələs kə wəyeksene ka ni dəkəba.

² MARIKI əyənə səkət sem kə telen tem,

Nkən əyənə wəyəc kem.

Kanu kem kə, indeyek-yekəs kə.

Kanu ka papa kem kə,

indekor-koru debeki dən.

³ MARIKI korgba kə! Tewe tən tənənə MARIKI.

⁴ Eləm dəkəba cibil ca dəkəwan ca firawona kə kənəy kən k'asədar.

Asədar abənənə aMisira,
anakal na nde kəba ka Cənəkəma.

⁵ Kə putukum pa kəba pənəgbəpərne na, kə nantor kəba dənəf pəmə masar.

⁶ Kəca kam kətət, MARIKI, kəyən fənəntər fəwəy-wəy! Kəca kam kətət, MARIKI, kəmputuk wəterənə kam.

⁷ Debeki da dɛbɛ dam dɔsɔŋɛ kəyɛt aŋɛ ŋancəm'am dɛbəkɛc mə.

Kɔ məwurɛ mɛtɛlɛ mam-ɛ:

Mendi ŋa pəmɔ nte nɛnc dendi tuktukur ya mɛmpələ mə.

⁸ Kifir k'aloləm ŋam gbɛcərəm kəsɔŋɛ domun da dəkəba kəgbɛyɛnɛ,

kɔ yam yɛncəmɛ pəmɔ biŋkəli,

kɔ domun da kəba dɛntɔf dɛncəp.

⁹ Wəterɛnɛ kosu oncloku: «Kəbɛləs ŋa k'inder, isumpər ŋa!

Ibaŋər ŋa ca cəŋan pəmɔ təkɔ pəncɛpərər kəbɔt im mə.

Kəwurɛ k'inder dakma, iməlke ŋa kəca kem!»

¹⁰ Kɔ məfurup,

kɔ kəba kəŋkal ŋa,

kɔ ŋaŋkalɛ pəmɔ nte tomunt pɛgbələŋ pontor domun da dəkəba dɛwɛy-wɛy disrɛ mə.

¹¹ Canu cəyi fɛ nɛc cəntəŋnɛnɛ kɔ mənə MARIKI mə!

An'eyi pəmɔ mənə, dosoku dam dɛmbɛk, dɔyɔ wɛywey,

nwɛ pəmar a pakor-koru mə,

mənə nwɛ məŋyɔ mes mɛmɛ moŋwosəs kusu mə?

¹² Məntenci kəca kam kətɔt gbɛcərəm,

kɔ antɔf ŋendi ŋa.

¹³ Kəsektərɛ kam danapa kɔ məŋkətɛnɛ afum am akaŋɛ mənawurus mə,

fəntər fam fɔ məndəsɔlɛ ŋa,

məlɪŋərɛ ŋa ndɛ dəkɪyi dam dosoku.

¹⁴ Nte andɛ asu ŋane ti mə, kɔ ŋayikcɛ.

Kɔ kənɛsɛ kəpəŋ kəsumpər afum aka Filisti.

¹⁵ Ayekyek ŋosumpər abɛ a atɔf ŋa Edəm,

kɔ kəyikcɛ kəsumpər afum akirin ŋa Mohab,

kɔ bəkɛc yɛlɛcɛ-lɛcɛ aka Kanaŋ fəp.

¹⁶ Kənɛsɛ kɔ ayekyek ŋontorər ŋa.

Debeki da kəca kam, dɛnasɔŋɛ ŋa kəcaŋk pəmɔ tasar

haŋ afum am ŋaclip kəcɛpər, MARIKI, haŋ afum aŋɛ mənaway mə ŋaclip kəcɛpər.

¹⁷ Mədə məkəkərə ŋa məkɔ mədəs

ndɛ tərɔ kəron mɛpɛ məsɔŋ ŋa kɛ mə,

kəfo kaŋkɔ mənəlompəs dəkɪyi dam mə, MARIKI,

dəndo kəfo kəsoku kaŋkɔ mənacəmbərə, Mariki, waca wam mə.

¹⁸ MARIKI ɔntəmpər dɛbɛ doru o doru.

¹⁹ Bawo fələs ya firawona kɔ cibil cən ca dəkəwan kɔ ayɛksɛnɛ fələs ɔn ŋantɛmpɛnɛ dəkəba.

Kɔ MARIKI ɛŋgbəpər ŋa domun da dəkəba,

mɛba aYisrayel ŋaŋkət antɔf ŋowosu kəba daco, wɛcək waŋan wowos fər.»

²⁰ Kɔ sayibɛ Miriyam, wəkɪrɛ ka Aruna ɛlɛk tamba, kɔ aran aYisrayel fəp ŋancəmɛ kɔ darəŋ, ŋacpɪsɛ ŋacfer mamba.

²¹ Kɔ Miriyam olukɛ ŋa:

«Nələŋsɛ MARIKI, bawo ɛnamentər debeki da kətam kən.

Eləm dəkəba afələs kɔ wəyɛksɛnɛ ka ŋi.»

Aka Yisrayel kəkət kəŋan dətɛgbərə

15-18

Domun da Mara

²² Kɔ Musa ɔsɔŋɛ aka Yisrayel kəyɛfɛ kəba ka Cəŋkəlma, k'osolnɛnɛ ŋa dəpɔ da tɛgbərə ta Sur. Kɔ ŋaŋkət mata maas dətɛgbərə, ŋasɔtɔ fɛ domun.

²³ Kɔ ŋambərə Mara, mɛba ŋanatam fɛ kəmun domun da Mara, bawo dɛnadoktɛ. Ti tɔ awɛnɛ di tewɛ ta Mara «pədokət».

²⁴ K'aka Yisrayel ŋancop kəcəpɛnɛ-cəpɛnɛ nnɔ Musa eyi mə, ŋacloku: «Ake andemun-ɛ?»

²⁵ Kɔ Musa oɲkorne MARIKI, kɔ MARIKI ementər kɔ kətək nke enaləm dərɔmun mɔ, kɔ domun dadəkɔ dɔyɔne dobotu. Difɔ MARIKI enasɔɲ aka Yisrayel sariye kɔ tɔyɔ tokur təkɔ ɲande ɲacyɔ doru o doru mɔ. Dəndo MARIKI enawakəs kəlan kəɲan.

²⁶ Kɔ Musa oloku: «Kɔ mənɔcəɲkəl belbel dim da MARIKI Kanu kam, kɔ məyɔ nte tentese MARIKI fər kirin mɔ, məsu ləɲəs məcəɲkəl mosom mən kɔ məmənəkərne sariye sən fəp-ε, ali docu din ifəsɔɲ əm nde isɔɲ aka Misira mɔ. In'ɔfɔ MARIKI, nwe entaməs əm mɔ.»

²⁷ K'aka Yisrayel ɲaɲkɔ ɲabere Elim nde cələmp wəco kɔ mərəɲ (12) cənayi kɔ komp wəco camət-mərəɲ (70) mɔ. Kɔ ɲacəmbər saɲka səɲan dəndo domun kəsək.

16

Yeri ya man kɔ bakərne

¹ Kɔ kəlɔɲkanε ka aka Yisrayel fəp kəyefe Elim kɔ ɲaɲkɔ ɲabere tɛgbərə ta Sin, mpe pəyi Elim kɔ Sinayi dacɔ mɔ, tataka ta wəco kɔ kəcəmət ta ɲof ɲa mərəɲ ɲɛ ɲayefe Misira mɔ.

² Awa kɔ kəlɔɲkanε ka aka Yisrayel fəp ɲancɔp kəcəpene-cəpene dəndo dətɛgbərə nnɔ Musa kɔ Aruna ɲayi mɔ.

³ Kɔ aka Yisrayel ɲaloku ɲa: «Ah! Ali MARIKI enadifte su kəca kən Misira, nte sənande carɔrɔ ca sɛm kəsək mɔ, nte sənɔcəm cəcom haɲ sənəmbərə mɔ! Kədifte ka kəlɔɲkanε kanke fəp dor kɔ nəwurene su kədesak tɛgbərə tantε!»

⁴ Kɔ MARIKI oloku Musa: «Kətufər nu k'inder cəcom kəyefe ka darenc. Afum ɲande ɲacwur ɲacwetəs dəsək o dəsək nce ɲantam kəsəm dəsək mɔ, tɛm tatəkɔ indewakəs ɲa icərə kɔ pəyɔne ɲancəme metəkse mem darəɲ-ε.

⁵ Tataka ta camət-tin, kɔ ɲandelompəs yəkɔ ɲawetəs mɔ, nəndesɔtɔ kəmerəɲ ka yeri ya dəsək o dəsək.»

⁶ Musa kɔ Aruna ɲaloku aka Yisrayel fəp: «Dɔfɔyana, nəndenacərə a MARIKI enawurene nu atɔf ɲa Misira.

⁷ Bətbətana, nəndenənəɲk nərə da debeki da MARIKI, bawo ene kəcəpene konu nnɔ nkən MARIKI eyi mɔ. Kɔ sənə, ake səyɔne nte nəndecəpene nnɔ səyi mɔ-ε?»

⁸ Kɔ Musa oloku: «MARIKI endenasɔɲ nu məkɔ dɔfɔy sɛm yəsəm, bətbətana cəcom nce nəndesəm haɲ nənəmbərə mɔ. Kɔ MARIKI ene kəcəpene nke nəcəpene nnɔ eyi mɔ. Kɔ sənə ake səyɔne-ε? Bafɔ nnɔ səyi mɔ nəcəpene, mba nnɔ MARIKI eyi mɔ.»

⁹ Kɔ Musa oloku Aruna: «Məloku kəlɔɲkanε ka aka Yisrayel: Nəder nəlɔtərne MARIKI fər kirin, bawo ene kəcəpene konu.»

¹⁰ Aruna eyi kəlɔk-lokər kəlɔɲkanε ka aka Yisrayel fəp, ɲandekafəli fər kəca ka ntende dətɛgbərə, kɔ ɲanəɲk nərə da debeki da MARIKI dowur kəp disre.

¹¹ Kɔ MARIKI oloku Musa:

¹² «Ine kəcəpene ka aka Yisrayel. Məloku ɲa nte: Dɔfɔyana sɛm yɔ nəndenasəm, bətbətana cəcom cɔ nəndenənəmbərə. Ti disre nəndecərə a in'ɔyɔne MARIKI, Kanu konu.»

¹³ Pəndeyi dɔfɔy, kɔ bəmp yender yefəntərə yokump saɲka. Dec dendesək kɔ kibi kəfəntərə antɔf mofɔ fəp mme mənkel saɲka mɔ.

¹⁴ Nte kibi kəndeliɲne dəntɔf mɔ, kɔ pəyi antɔf ɲa tɛgbərə kəron pəmɔ ca nce yowure mənɲben mɔ, ca cacəkɔ yefere pəmɔ nte ance malɔ məsəkər antɔf kəron mɔ.

¹⁵ K'aka Yisrayel ɲaməmən kɔ ɲayifene: «Ake dɔ dandε-ε?» bawo ɲanacərə fe daka nde dənayi mɔ. Kɔ Musa oloku ɲa: «Yeri yɔ nyε MARIKI ɔsɔɲ nu mɔ.

¹⁶ Nte tɔ MARIKI osom: Nəwetəs nwe o nwe, yeri nyε yəntam kətəɲne kɔ mɔ. Nwe o nwe pəwet liter mərəɲ da fum wəkin, kələm ka təkɔ nəyi dəcəbal mɔ.»

¹⁷ K'aka Yisrayel ɲayɔ tatəkɔ Musa enaloku ɲa mɔ, k'aləma ɲancepərər kələm, k'aləma ɲantəbər kələm.

¹⁸ Mba nte anatubuc mɔ, nwe enawet pəcəpərər kələm mɔ, ombut təkɔ enəcəpərər mɔ. Kɔ wəkɔ enawet pəpic mɔ, ɲsɔtɔ kələm kəɲkɔ pənamar mɔ. Kɔ nwe o nwe ewetəs yeri nyε ɲenatam kətəɲne ɲa mɔ.

Sariye sələma nse səjkotərne teta man mə

¹⁹ Kə Musa oloku ɲa: «Ali fum ta pəfənərne yeri ya dəkəsək.»

²⁰ Mba ɲanacəjkəl fə Musa, k'afum aləma ɲafənərne yeri ya dəkəsək. Pəndeyi bətbət kə yeri yayəkə yembere yet, kə yesən. Kə pəntele Musa nno afum akakə ɲayi mə.

²¹ Bətbət o bətbət, nwe o nwe encwet yeri yəkə yəncətəne kə kədi ka dəsək dadəkə mə, kə nne yəncəkənwone-ε, yesəngbər.

²² Tataka ta camət-tin, kə nwe o nwe ewet potubuc pa mata mərəɲ, liter maɲkələ da fum wəkin. K'akiriɲ a kəlonkane ka aka Yisrayel ɲaɲkə ɲalukse ti Musa.

²³ Kə Musa oloku ɲa: «Ti tə MARIKI oloku. Alna dəsək da kəɲesəm də, nde ampuse MARIKI mə. Nəpəc yəkə pəmar nu kəpəc təkə nəfan mə, yecerne yəkə fəp, nəmənəkərne yi haɲ bətbətana.»

²⁴ Kə ɲamənək yeri yayəkə haɲ bətbət pəmə təkə Musa enasom ɲa ti mə. Yeri yayəkə ɲanamənək mə, yet yənabere fə yi, yenasən fə sə.

²⁵ Kə Musa oloku ɲa: «Nədi yeri yayə məkə, bawo dəsək da kəɲesəm nde ampuse MARIKI mə dey i məkə, nəfəsətə məkə yeri yewetəs dalə.

²⁶ Mata camət-tin disre nəntam kəwetəs yeri, mba simiti tataka ta camət-mərəɲ yeri yewetəs yəfəyi.»

²⁷ Tataka ta camət-mərəɲ, kə afum aləma ɲawur kəkəwetəs yeri, mba ɲanasətə fə.

²⁸ Kə MARIKI eyif Musa: «Haɲ təm tere tə nəndesak kəcfati kəmənəkərne mosom kə metəkse mem-ε?

²⁹ Nəməmən! Kə MARIKI osəɲ nu simiti dəsək da kəɲesəm-ε, pəsəɲ nu sə tataka ta camət-tin yeri yəkə pəmar nu kədi mata mərəɲ mə. Nwe o nwe pəmar pənde kəfo nke eyi mə, ta nwe o nwe pəwur ndərən tataka ta camət-mərəɲ dəsək nde ampuse MARIKI mə.»

³⁰ Nte tə, k'aka Yisrayel ɲaɲesəm simiti tataka ta camət-mərəɲ.

³¹ K'aka Yisrayel ɲawe yeri yayəkə «man*». Yeri yayəkə yənwurəne mənɲgben ma yika yələma, meferε, meyi dəkusu pəmə nte kəcom kəɲyə məse ma cəme mə.

³² Kə Musa oloku: «Nte tə MARIKI osom: Nələs kəfala ka liter mərəɲ katin yeri ya man, nəmənəkə yi awut-sə anu, nte təɲsəɲe ɲade ɲanəɲk cəcom nce iɲsəɲ nu nəcdi nno dətegbərə nte iwurən'on atəf ɲa Misira mə.»

³³ Kə Musa oloku Aruna: «Mələk tənde məber pi yeri ya man liter mərəɲ. Məkə məcəmbər pi nde MARIKI fər kiriɲ, nte təɲsəɲe pəmənəkə yi oɲ detemp da awut-sə anu mə.»

³⁴ Pəmə tatəkə MARIKI enasom ti Musa mə, kə Aruna elas tənde k'əɲkə pəcəmbər pi kiriɲ nde walakε nwe wementər danapa dən, nte təɲsəɲe pəmənəkə yi mə.

³⁵ K'aka Yisrayel ɲandi man meren wəco maɲkələ (40) haɲ təm nte ɲanader atəf nɲe afum ɲanandε mə. ɲanadi man haɲ kəren nke ɲanader nde kələncər ka atəf ɲa Kanaɲ mə.

³⁶ Wəco wa potubuce pa omər† pəncyə potubuce pa efah katin.

17*Domun da Masa kə Meriba*

¹ Kə kəlonkane ka aka Yisrayel fəp kəyefε teɲgərə ta Sin kə kəcepε-cepε pəmə təkə MARIKI oncsom ɲa ti mə. Kə ɲancəmbər saɲka nde Refidim, mba domun domun dənayı fə nde afum ɲanctam kəmun mə.

² Awa, k'afum ɲayefε kətənsər Musa kəcəp. Kə ɲaloku: «Məsəɲ su domun səmun!» Kə Musa olukse ɲa moloku: «Ta ake tə nəntəns'em kəcəp-ε? Ta ake tə nəɲwakse MARIKI-ε?»

* **16:31** Kə aka Yisrayel ɲawe yeri yayəkə «man» ti tatəkə kusu kəɲan «Ake yeri yə yayε-ε?» † **16:36** Potubuce pa man ancwose fum kələk dəsək din mə pəyənε liter mərəɲ, pi pə aka Yisrayel ɲancwe «omεɳ». Potubuce pampε wəco pəncyə «efah» katin.

³ Mera yə nawos aka Yisrayel, afum ηaccəpene nno Musa eyi mə. Nəcloku: «Ta ake tə mənasəne su kəpe Misira, mədesəne su kəfine mera yowosu, səna, awut asu kə yəcəl yosu-ε?»

⁴ Kə Musa oηkule-kule pəckorne MARIKI, pəcloku: «Cəke c'indeyone afum akanε-ε? Kə pəncəpər ndəkəl nno-ε, ηandeca-cas im.»

⁵ Kə MARIKI oloku Musa: «Məcəpər aka Yisrayel tekirin, məlekene abeki aka Yisrayel. Məlekene sə kəgbo kam nke mənasute kəngbəkə ka Nil mə, məcəne kirin.»

⁶ K'ina, incəme nno tekirin tam, tasar ta tərə ta Horeb kəron. Məsute tasar kəgbo kam, pənwur domun nde aka Yisrayel ηantam kəmun mə.» Kə Musa əyə ti, fər ya abeki aka Yisrayel kirin.

⁷ Kə ηawe kəfo kənkə Masa «kədəktər», kə Meriba «kəcəp», bawo aka Yisrayel ηanatənsər di Musa kəcəp, kə ηawakəs di MARIKI, kəcyifne: «MARIKI eyi su dacə ba, ka eyi fε su dacə?»

Aka Amalek ηawəkərne aYisrayel kəsutene

⁸ Dəndo kəfo kənkə ancwe Refidim mə, difə aka Amalek ηander ηayektər aka Yisrayel kəwan.

⁹ Awa, kə Musa oloku Yosuwe: «Məyek-yekε su dacə arkun, məwur məsutene k'aka Amalek. Alna incəme nde tərə dətelempan itəmpər kəgbo ka Kanu.»

¹⁰ Kə Yosuwe əyə təkə Musa enaloku kə mə, kəkəsutene k'aka Amalek. Musa, Aruna kə Hur ηampε nde tərə dətelempan.

¹¹ Kə Musa empene kəca darenε-ε, aka Yisrayel ηatasərne aka Amalek. Mba k'əncəkəntore waca-ε, aka Amalek ηatasərne aka Yisrayel.

¹² Nte waca wendeləl Musa mə, Aruna kə Hur ηalek tasar kə ηənkə ηaboc pi Musa dəntəf kə wəkəkə endε pi kəron. Aruna kə Hur ηasoc Musa waca darenε, Aruna kəca kin Hur kəca ka mərəη hən kə dec dənəkə dekale.

¹³ Kə Yosuwe entam Amalek k'afum ən, k'endifte ηa dakma.

¹⁴ Kə MARIKI oloku Musa: «Məcicəs ti nde dəbuk, tede təyone təcemcemne, məloku Yosuwe belbel, a indenim Amalek nte tənşəne ali fum ta endecem-cemne ηa doru dandε mə.»

¹⁵ Kə Musa encəmbər tetek tolonne k'ewe di: «MARIKI əyone tεgbəkəre ta kətam kem.»

¹⁶ Kə Musa oloku: «Bawo ayektər dεε da MARIKI kəca kələma, MARIKI endesutene kəsutene dəm kə dətəmp o dətəmp da aka Amalek.»

18

Kəbərne ka Yetero kə Musa

¹ Yetero, wəlonne ka Madiyan papa ka wəran ka Musa, ene mes məkə Kanu kənayone Musa k'aka Yisrayel afum ən mə, k'encəre təkə MARIKI owurene aka Yisrayel Misira mə.

² Kə Yetero papa ka wəran ka Musa, εlek Sefora, wəran ka Musa nwe enalukus ndərən k'awut ən mərəη mə,

³ Musa enasəη tewe ta Kərsəm coco cən, bawo enaloku: «Wəcikəra iyone nno atəf ηocuru ηəne.»

⁴ Kə wan wəka mərəη, nkən enawe Eliyese, bawo Musa enaloku: «Kanu ka papa wəkem kənder kədəmar im, kə kəyac im dakma da firawona.»

⁵ Wəran ka Musa k'awut ən kə kas Yetero ηander ηabəp Musa dətεgbəre, nde enacəmbər sanjka tərə ta Kanu kəsək mə.

⁶ Kə Yetero oloku Musa: «Ina papa wəka wəran kam, Yetero, inder nno məyi mə kə wəran kam kə awut ən mərəη.»

⁷ Kə Musa enjəbintərne papa ka wəran kən, k'encəpe kə suwu, k'εmakərne kə. Kə ηayifene nwe o nwe nte pəyi kə mə, kə ηamberε dabal.

⁸ Kə Musa ələməp papa ka wəran kən mes məkə MARIKI enayə firawona k'aka Misira mə fəp teta aka Yisrayel, k'ələməp kə sə pəcuca pəkə njanasətə dəpə, kə təkə MARIKI enayac nja pi mə.

⁹ K'amera nəmbət Yetero teta pətət pəkə MARIKI enayəne aka Yisrayel mə fəp, kə təkə MARIKI enabanj aka Yisrayel aka Misira dəwaca mə.

¹⁰ Kə Yetero oloku: «İnkə-kəru Kanu nkə kəbanj nu aka Misira kə firawona dəwaca mə, MARIKI nwe owurə nu dacar da aka Misira mə!

¹¹ İncərə oñ a MARIKI embək pətəs canu fəp, enamentər ti nte aka Misira njanctərəs aka Yisrayel mə.»

¹² Kə Yetero papa ka wəran ka Musa əlek pəcəl mpe enadekəcəfə Kanu mə, k'oləne sə yoləne yələma. Aruna kə abeki aka Yisrayel fəp nander nadi yeri yayəkə kə papa ka wəran ka Musa Kanu fər kirinj.

Musa kədəs kən abe aboc kiti

¹³ Dəckəsək, kə Musa endə kəboc kiti ka aka Yisrayel, k'aka Yisrayel nəcəmə Musa fər kirinj kəyefə bətbət hanj dəfəy nte tənşəne Musa pəcənəkəl moloku manjan mə.

¹⁴ Kə papa ka wəran ka Musa enəjk təkə Musa əncyəne aka Yisrayel mə fəp, k'oloku: «Cəke cə mənyəne aka Yisrayel tante fəp-ə? Ta ake tə mənəne nno sona-ə, ta ake tə afum nəcəmen'am fər kirinj kəyefə təbətət hanj dəfəy-ə?»

¹⁵ Kə Musa oloku papa ka wəran kən: «Dəpə da Kanu d'afum nander kəten nno iyi mə.

¹⁶ Afum anjə kəgbəkələne kəmbərə dacə mə, nader njanəjk im. İboc kiti afum akakə mərənj dacə, icsəne nja kəcərə sariyə sa Kanu kə metəkse mən.»

¹⁷ Kə papa ka wəran ka Musa oloku kə: «Tante mənyə mə, tentesə fə.

¹⁸ Mənlələsne dis, mələləs sə afum aka Yisrayel anjə nəyi mə dis. Təyə tante tənənkəne kələle, məfətəm kəyə ti sona.

¹⁹ Ndekəl oñ məcənəkəl dim dem məwosə imənəkəs əm nte tənşəne nəsol kə Kanu mə! Nte pəmar mə, məna məyənə afum aka Yisrayel nno Kanu kəyi mə, mən'ə pəmar məckənə Kanu moloku ma kəgbəkələne ma aka Yisrayel.

²⁰ Mələməp nja sariyə sa Kanu, kə metəkse mən. Məmentər nja sə dəpə dəkə pəmar nəcəmə darənj mə, kə təyə nte pəmar nja kəyə mə.

²¹ Məyək-yək afum alompu aka Yisrayel fəp dacə, anjə njanəsə Kanu mə, afum akə njanəjkə kance, anjə nantəfanj daka ndə dəntəsək mə. Məcəmbər afum wul o wul (1.000), afum əm akakə məyək-yək mə, wəkin pəyənə nja wəbe, wələma wəbe wəka afum tasar tin (100), wələma wəbe wəka afum wəco kəcəmət (50), wələma wəbe wəka afum wəco.

²² Afum ayək-yək akakə njabocə aka Yisrayel kiti təm fəp. Njackənə məna Musa mes məpənj, nja njackiti mes məfət məkə. Məbelinə pəsərə, nja sə njarə əm kəsərə pi.

²³ Kə məyə tatəkə, Kanu kəcəsoməs əm ti-ə, məfətərəsnə. Tamərənj ta ti, afum akanjə njanəkə ndaranjan pəforu disre.»

²⁴ Kə Musa encənəkəl dim da papa ka wəran kən, k'əyə tatəkə wəkəkə enaloku kə mə fəp.

²⁵ Kə Musa əyək-yək afum alompu Yisrayel fəp disre, k'encəmbər nja dəbe: Wəbe wəka afum wul win (1.000), wəbe wəka afum tasar tin (100), wəbe wəka afum wəco kəcəmət (50), wəbe wəka afum wəco.

²⁶ K'akakə njabocə oñ aka Yisrayel kiti təm fəp. Njackənə Musa mes mocuca kəboc kiti, nja njaboc kiti ka mes məfət məkə.

²⁷ Kə Musa elembərne papa ka wəran kən, kə wəkəkə olukus ndə atəf nən.

19

Kanu kəsek danapa kə Yisrayel

19-24

Kanu kəwenə aka Yisrayel kəsek danapa

¹ Nof ɲa maas kəyefe nte ɲawur Misira mə, k'aka Yisrayel ɲambere dəsək dadəkə nde teɟbərə ta Sinayi.

² K'aka Yisrayel ɲayefe Refidim mə, kə ɲaɲkə teɟbərə ta Sinayi. Dəndo kə ɲancəmbər saɲka ɲatefərne tərə ta di.

³ Kə MARIKI ewe Musa tərə kəron, kə Musa empe di. Kə MARIKI oloku kə: «Nte tə məɲkəloku afum a Yakuba akanɛ, moloku mamɛ mə məɲkədəɲkər aka Yisrayel:

⁴ Nənanəɲk nənasərka təkə inayə aka Misira mə: Pəyi pəmə banca ya asiksik y'ifelərɛne nu, kəkere nu nnə iyi mə.

⁵ Ndekəl oɲ, kə nəsu ləɲəs nəncəɲkəl dim dem belbel, nəmɛɲkərne sə danapa dem nde sənasek mə-ɛ, nəna aka Yisrayel nəɲyənɛ akemi aka dətım afum fəp dacə. In'əyə doru fəp,

⁶ mba kə nəna aka Yisrayel, nəndeyən'em afum alonɛ, nəyən'em sə afum asoku. Moloku mamɛ mə məɲkəloku ɲa.»

⁷ Kə Musa əɲkə pəwe abeki aka Yisrayel, k'ementər ɲa moloku mmɛ MARIKI ɛnasom kə mə.

⁸ K'aka Yisrayel fəp ɲasurene kəloku Musa: «Səndeyə təkə MARIKI oloku mə fəp.» Kə Musa olukse MARIKI moloku maməkə aka Yisrayel.

⁹ Kə MARIKI oloku Musa: «Indeder nnə məyi mə, igbərne dəkəp kəpəɲ, nte təɲsəɲɛ aka Yisrayel ɲacn'em dim nte inde iclok-lokər əm mə, təsəɲɛ ɲa sə kəcɟbəkər əm kəlan təm fəp.» Kə Musa kəlukse MARIKI moloku ma aka Yisrayel.

Kəbərɛne ka Kanu kə Musa nde tərə ta Sinayi

¹⁰ Kə MARIKI oloku Musa: «Məkə nde aka Yisrayel ɲayi mə, məpus'em ɲa məkə kə alna teta kəbərɛne kəɲan kə ina, ɲayak sə yamos yaɲan.

¹¹ Nalip kəlompəsne ɲackar dəsəkə, bawo tataka tatəkə, MARIKI endetor fər ya aka Yisrayel fəp kirin nde tərə ta Sinayi kəron.

¹² Məkə məcəmbər ɲa agbɛp ɲa tərə haɲ mənəɲkər, məcloku ɲa: «Nəkəmbərne ta nəpe dətərə, ta nəɟbuɲɛne sə agbɛp ɲa pi. Nwɛ o nwɛ ogbuɲɛne pi, mɛne padif kə.

¹³ Wəkayi, kəca kəfəɟbuɲɛne kə, mba anca-cas kə kəca-cas dəm, kə pəyənɛ fe ti-ɛ, pasə-səse kə cəbəlma. Pəyənɛ wɛsɛm, pəyənɛ fum, nwɛ o nwɛ oɲɟbuɲɛne pi mə, wəkayi əfəyi sə doru.» Təm nte afula kəlen ka aɲkesiya dim dəpəɲ mə, afum ayek-yek ɲandenatam kəpɛse tərə kəron.»

¹⁴ Kə Musa ontor dətərə kəder nnə aka Yisrayel ɲayi mə, k'ompus ɲa, kə ɲayak sə yamos yaɲan.

¹⁵ Kə Musa oloku aka Yisrayel: «Nəlompəsne haɲ dəsəkə, ta nələtərne aran.»

¹⁶ Tataka ta maas bətbət kə pəɲkule-kule darenc, kə pəmotər-motər, kə kəp kəpəɲ kəyi tərə kəron. K'aluk ɲowure dim pəpəɲ, aka Yisrayel akə ɲanayi dəsəɲka mə fəp, ɲayefe kəyikcɛ.

¹⁷ Kə Musa owurɛne aka Yisrayel dəsəɲka kəkəbərɛne kə Kanu, kə ɲaɲkə ɲacəme tərə dəntəf.

¹⁸ Tərə ta Sinayi fəp pəncpɛ kinimɛ, bawo MARIKI ɛnator di nɛnc disrɛ. Kinimɛ ka pi kəcpɛ pəmə kinimɛ ka doco, kə tərə fəp pəyefe kəyikcɛ pəpəɲ.

¹⁹ Nte dim da aluk dɛncnaɲkanɛ kəkule pəpəɲ mə, Musa pəclok-loku, Kanu kəlukse kə moloku dəpukule-kule.

²⁰ Kə MARIKI ontor nde tərə ta Sinayi kəron, dəndo dətəlempən, kə MARIKI ewe Musa, kə Musa empe.

²¹ Kə MARIKI oloku Musa: «Mətor məkə məmənɛ aka Yisrayel ta ɲabelkər kədəməmən MARIKI de, ta tedəsəɲɛ alarəm kəfi.

²² Ali alonɛne aɲɛ ɲantam kələtərn'em mə yati, ɲa sə ɲapusne teta kəbərɛne kəɲan kə ina, ta ɲasəɲɛ MARIKI kədədifət alonɛ aləma kəɟba kəɲan.»

²³ Kə Musa oloku MARIKI: «Aka Yisrayel ɲafədetam kəpɛ tərɔ ta Sinayi, bawo mənasm im belbel, məcloku: «Məmentər ɲa kələncər, məpus tərɔ teta kəbərɛnɛ kəɲan kə ina, məbəlɛnɛ pi afum.»»

²⁴ Kə MARIKI oloku kə: «Məkə, mətor, nəpɛ kə Aruna. Mba ta aloɲnɛnɛ kə aka Yisrayel ɲabəlɛkər kəpɛ nnə MARIKI eyi mə de, ta ɲadesəɲ'em kədifət afum kəgba kəɲan dacə.»

²⁵ Kə Musa ontor nnə afum ɲayi mə, k'olok-lokər ɲa.

20

Mosom wəco ma sariyɛ sa MARIKI mmɛ ɛnasəɲ Musa mə

¹ Kə Kanu kəloku moloku mamɛ fəp:

² «In'oyənɛ MARIKI Kanu kam, in'owurɛn'am atəf ɲa Misira nde kələ ka dacar.»

³ «Məfədeyɔ canu cələma fər ya ina kirin.»

⁴ «Ta məpat sə tərənka, ta məlompəs paka o paka mpɛ powurɛnɛ kə pəkə peyi dəkəm, dəntəf, kə dəkəba mə.

⁵ Ta məde məctontnɛ ca yayəkə fər kirin, ta məde məcsalɛnɛ yi sə, bawo ina MARIKI, Kanu kam, Kanu k'iyənɛ nke kəyɔ kəraca mə, nke kəɲlukɛ kəway ka kiciya ka papa nnə awut ən ɲayi mə, haɲ dɛtɛmp maas haɲ dɛtɛmp maɲkələ da akə ɲanter im mə.

⁶ Mba intəmpər kəsəktərɛnɛ danapa haɲ dɛtɛmp wul win (1.000) da afum aɲɛ ɲambətər im, ɲamɛɲkərɛnɛ mosom mem mə.»

⁷ «Ta mədekə məcbonc tewe ta MARIKI Kanu kam kifəli. MARIKI əfəɲaɲnɛnɛ nwe omboncəs tewe tən kifəli mə.»

⁸ «Məccɛm-cɛmnɛ dəsək da kəɲesəm ndɛ ampuse MARIKI mə, məpus'em di.

⁹ Mata camət-tin tataka tolukɛsər disrɛ mədekə məcbəc, məclompəs yɛbəc yam fəp mataka maməkə disrɛ.

¹⁰ Mba tataka ta camət-mɛrəɲ, dəsək da kəɲesəm ndɛ ampuse MARIKI Kanu kam mə də. Ali yɛbəc ta məbəc dəsək dadəkə, kəyɛfɛ mənə, wan kam wərkun kə wəran, kəkə ka wəcar kam wərkun kə wəran, kəbər ka yəcəl yam kə acikərə aɲɛ ɲayi sədare sam mə.

¹¹ Bawo mata camət-tin mə MARIKI ɛnalompəs antəf, kəm, kəba kə ca cəkə yeyi doru mə fəp, k'ɛɲesəm tataka ta camət-mɛrəɲ. It'əsəɲɛ nte MARIKI ompocɛ dəsək da kəɲesəm pətət, k'ampuse kə di mə.»

¹² «Mələləs wisi kə wiri, nte təɲsəɲɛ mataka mam meyi doru məbəl nde antəf ɲəkə MARIKI Kanu kam əsəɲ əm mə.»

¹³ «Ta mədif fum.»

¹⁴ «Ta məsumpər dalakə.»

¹⁵ «Ta məkiyɛ.»

¹⁶ «Ta məbaɲɛ wɛnc əm sɛde sa yem.»

¹⁷ «Ta məyɔ fər gban-gban nnə kələ ka wɛnc əm kəyi mə. Ta məyɔ fər gban-gban nnə wəran ka wɛnc əm eyi mə, kəyɛfɛ wəcar kən wərkun kə wəran, wana wən, kəbər ka səfale sən, ta məfaɲɛ daka o daka da wɛnc əm abəkəc ɲɛlɛc.»

¹⁸ K'afum fəp, ɲane pukulɛ-kulɛ pa darenc kə dim da aluk kə ɲanəɲk pəmotər-motər kə kinimɛ kəcpɛ tərɔ kəron. Nte aka Yisrayel ɲanəɲk mes maməkə mə, kə ɲayikcɛ, kə ɲancəmɛ ɲabəlɛnɛ tərɔ.

¹⁹ K'aka Yisrayel ɲaloku Musa: «Mələk-lokər su, səndecəɲkəl əm, mba ta Kanu kələk-lokər su, ta təsəɲɛ sədefi.»

²⁰ Kə Musa oloku aka Yisrayel: «Ta nənesɛ, bawo kəwakəs konu kə Kanu kənderɛnɛ. Nte ɛfaɲ mə a nənesɛ kə, nte təɲsəɲɛ ta nənciya mə.»

²¹ Aka Yisrayel ɲacəmɛ pəbəlɛ, mba Musa nkən pəclətərɛnɛ kubump nke MARIKI ɛnayi disrɛ mə.

Sariyɛ nɛ səɲkotərɛnɛ tetek toloɲɛ Kanu mə

²² Kə MARIKI oloku Musa: «Nte tə məñkəloku aka Yisrayel: «Nəñəñk a dəkəm iyi kəlok-
lokər nu.

²³ Ta nəde nəclompəs ina fər kirin canu ca gbeti, kə pəyənə fə ti-ε, canu ca kəma.

²⁴ Məde məlompəs'em tetek toloñne pa dos, mpə nənde kəcləññen'em kəroñ yoloñne
yocəf kə yoloñne yam ya kəpañne pəforu, ηkesiya kə cir kə pəyənə fə ti-ε, cəna. Ina sə
indeder əm icpoc'am pətət kəfo nke o nke inde icsəñe kəcəm-cəmne tewe tem mə.

²⁵ Kə pəyənə a tetek toloñne pa masar pə məñlompəs-ε, ta məlompəsə pi masar məpat.
Bawo kə məmpat mi-ε, məñsəñe mi kətəsək teta tetek toloñne pem.

²⁶ Ta nəlompəs'em tetek toloñne mpə ande pacfərañk a pakə paləñn'em mə, nte təñsəñe
ta panəñk wəkə əñkəpəsə kəkəloñn'em mə kəsəkər.»

21

Sariye nnə acar aHebəre ηayi mə

¹ «Məyə mokur fər ya Kanu kirin mme mə məñkəloku ηa:

² Kə məway wəcar wəHebəre-ε, pəyənə wəcar meren camət-tin. Teren ta camət-mərañ,
pəwur yeñən dacar ali kəway əfəsəñ.

³ Kə təyənə sona s'ənayi tem nte ecbere dacar mə, sona sən s'oñwur sə. K'enanəncə-ε,
wəran kən ηañwur dacar.

⁴ Kə pəyənə a mariki mən əsəñ kə wəran, wəran wəkəkə pəkome kə awut arkun kə awut
aran-ε, awut kə wəran, aka mariki mən ηə ηañyənə, nkən pəwur dacar sona sən.

⁵ Kə wəcar nwe oloku: «Imbətər mariki mem, awut em kə wəran kem, ifañ fə kəwur
dacar-ε,»

⁶ awa, mariki mən pələtərnəne kə Kanu, pəbakcər kə dəkumba kə pəyi fə ti-ε, pələk kə
pəbakcər dəfərəm fa kumba kən. Mariki mən pəpife kə abak aləñəs, tem tatəkə wəcar
wəkəkə endeyənə oñ wəbəcə kən doru o doru.»

⁷ «Kə fum encaməs wan kən wəran pəkəyənə wəcar-ε, wəkəkə əfəwur dacar pəmə awut
arkun acar.

⁸ Kə pəyənə a mariki mən ənaway kə pənəncə-ε, telpəs ta əmbət kə sə mes-ε, pəmar
pəcə fum wələma pəwurur kə, mba sariye səfəwosə mariki maməkə kəcamsər kə acikəra
atəyənə aHebəre, bawo elip kəyembər kə.

⁹ Kə pəyənə a mariki maməkə wan kən wərkun əwaye kə kənəncə-ε, pəmar pəyə kə təyə
tin tayi kə awut ən aran akom kə ηandekə dəkələ-ε pəmə təkə təyə tokur fər ya Kanu kirin
toloku ti mə.

¹⁰ Kə mariki mən ənəncə sə wəran wələma, pəmar fə pəbeli nte o nte əncyə wəran wəkəkə
mə, kəyefe yeri kəbəp ka yamos, hañ kəfəntərə.

¹¹ Kə mariki mme əntəyənə wəran nwe mes məmə maas-ε, wəran wəkəwə əntam kəwur
dacar ali daka əfəsəñ, ali pəsam əfəsəñ.»

Meciya mme pəmar padife fum mə

¹² «Fum nwe o nwe oñsut wələma hañ pədif kə mə, mənə padif wəkayi.

¹³ Kə pəyənə a məñyefənə fə kədif kən-ε, Kanu kəsəñe k'efir əm dəwaca, indementər əm
kəfo nke məntam kəyəkse məkə məyacnə mə.

¹⁴ Nwe endife wənc cəmpənpən pəyefənə ti mə, ali pəyacnə tetek toloñne pem kəroñ,
məkə məlek kə nte təñsəñe padif kə mə.»

¹⁵ «Nwe o nwe oñsut kas, kə pəyənə fə ti, kərə mə, mənə padif wəkayi.»

¹⁶ «Nwe o nwe əñkiye fum pəcəməs, kə pəyənə fə ti, panəñke kə fum wəkəkə dəwaca mə,
mənə padif wəkayi.»

¹⁷ «Nwe o nwe ontolanə kas, kə pəyənə fə ti, kərə pələc mə, mənə padif wəkayi.»

Kəsut kə kəbopər

18 «Kə afum nəŋgbəkələne, wəkin pətəmp wəka mərəŋ kən tasar, kə pəyənə fə ti anjulma, kə wəkakə ɔntəfi mba pəwon kəfəntərə ti-ε,

19 kə təyənə a wəkakə entam kəyefe pətəmpər kəgbo pəkətəs doru-ε, pəmar pace wəkakə enasut kə mə. Mba wəkakə enasut kə pəsənə kə kəcu mə, emar kəsən kə kəway ka nte eyamse kə yebəc mə, pətene kə sə acəl haŋ pətamne.»

20 «Kə fum entəmp wəcar kən kətək, təyənə wəcar wərkun, wəran, kə wəcar wəkakə efine ti-ε, anlukse wəkayi ayək.

21 Mba kə wəcar wəkakə efi fə haŋ tataka tin, mata mərəŋ mecepər-ε, afəyɔ fum wəkakə nte o nte bawo daka da mariki mən d'əyənə.»

22 «Kə afum nəsutene nəkə nəsutərəne wəran wəbəkəs, təsənə wəkakə kəkəom mba ta daka o daka dəsətə kə sə-ε, pəmar wos ka wəran wəkakə nətəŋne kə aboc kiti nəboncər asutene kəway nke nəŋsənə fəp mə.

23 Mba kə pəyənə a təsənə wəran wəbəkəs kakə dolokəp-ε, kəway ka defi kəyənə defi,

24 dəfər kə dəfər, desək kə desək, kəca kə kəca, kəkək kə kəkək,

25 kəcəf k'ənənə kəcəf kəway, kəbopər k'ənənə kəbopər kəway, kəfat k'ənənə kəfat kəway.»

26 «Kə fum onsut wəcar kən wərkun, kə pəyənə fə ti wəran haŋ pəpici kə dəfər-ε, pəmar pəsək wəcar wəkakə pəkə yeŋən, təyənə kəway ka dəfər dən.

27 Kə fum osut wəcar kən haŋ pəyotu kə desək-ε, pəmar pəsək wəcar wəkakə pəkə yeŋən, təyənə kəway ka desək dən.»

28 «Kə wana wəncaŋ wərkun, kə pəyənə fə ti wəran len, fum wəkakə pəfine ti-ε, wana wawəkə wəmar kəca-cas haŋ wəfi, səm ya wana wawəkə yəmar fə kəsəm, ti disre kiti nke o nke afəsəbocər wəka wana wawəkə.

29 Mba kə pəyənə a wana wə, tokur ənə wənccaŋ afum len, pacsənə ti wəsərka kəcərə ta wəkakə ənkebərne wi haŋ wana wawəkə wedif fum-ε, pəmar paca-cas wana wawəkə haŋ wəfi, wəka wana sə mənə padif kə.

30 Mba kə pəyənə a kəway k'awer wəka wana wawəkə nte tənənə ta andif kə mə, pəmar pəsənə kəway kanəkə awer kə mə fəp.

31 Kə pəyənə a wana, wan wərkun kə pəyənə wan wəran wendif-ε, təyɔ tokur fər ya Kanu kirin tin tatəkə tə pəmar pakətene.

32 Kə pəyənə a wana nwe wəcar wərkun kə pəyənə fə ti, wəcar wəran wendif-ε, pəmar pasən sikəl wəco maas (30) mariki ma wəcar wəkakə, nte təyənə ta wana mə, paca-cas wi haŋ wəfi.»

33 «Kə fum ənəkay abi, pəsək ni fos ta ənəbəpər ni, a wana wəder kə pəyənə fə ti, səfale səder sətor abi nəŋəkə disre-ε,

34 wəkay ka abi ənlek pəcəl papəkə pəfi mə, pəsənə wəka pəcəl pəsəm pəyənə kəway ka pəcəl pən.»

35 «Kə wana wa fum wendif wana wa wəkə-ε, nəcaməs wana wəkə wəntəfi mə, nəyerene pəsəm, nəyerene sə səm ya wana wəkə wəfi mə.

36 Mba kə pəyənə tokur ənə wana wə wənccaŋ len, paloku ti wəsərka ta owosə kəkəbərne wi-ε, təm tatəkə wəka wana nwe wəncaŋ wəkə len a kə wəfi mə, ənlek wana wəfi, pəsənə wəkə wana weyi wəyən.»

Kəkiye ka yəcəl

37 «Kə fum ənkiye wana kə pəyənə fə ti ənkesiya, kə pəyənə fə ti wir-ε, təyənə a efay pəcəl papəkə amera kə pəyənə fə ti pəcaməs pi-ε, pəmar pəlukse cəna kəcamət kəway ka wana win wəkə ənkiye mə, nəkesiya mankələ kəway ka nin nəkə ənkiye mə.»

22

1 Kə pəyənə pəbərəne wəke pəbərə kəkəkiye, pasut kə haŋ pəfi-ε, ancərə fə teta mecir ma wəkakə, afəlukse ayək nəŋəkə.

² Mba kɔ pɔyɔnɛ a pɔwanɔkɔra pɔ ambɔpɛnɛ wɔkayi dec dɔsɔrɔyi dɛ-ɛ, fum nwe ɔɔsɔt wɔke han pɔdif kɔ mɔ, tɛyɛfɛnɛ tɔ. Wɔdif kɔn ɛsare teta mecir ma wɔke wɔkakɔ. Mba wɔke nwe anɔsumpɔr mɔ ɔɔɔɔɔ kɔway ka paka pɔkɔ ɛɔkiye mɔ, k'ɔntɔtam kɔsɔɔ kɔway ka pi-ɛ, pɔmar pacamɔs wɔke wɔkakɔ pasɔɔ kɔway ka pi.

³ K'ambɔpɛ kɔ paka papɔkɔ ɛɔkiye mɔ pɔsɔrɔyi wɔyɛɔ-ɛ, tɔyɔnɛ wana, sɔfale, anɔkesiya, wir, wɔkayi pɔmar pɔɔɔɔ pɔcɔɔ papɔkɔ pɔɔɔɔɔ pi pɔcɔɔ pin.

Kɔɔsɔrɛ ka fum daka dɔn

⁴ Kɔ fum ɛsak yɔcɔɔ yɔn, yɔkɔ yɔsɔmɛ wɛnc yɔbɔf yɔn ya dale, kɔ pɔyɔnɛ fɛ ti ɔɔɔɔɔkɔɔ yɔn ya wɛn-ɛ, pɔmar pɔmɔmɔn ɔbɔf ɔɔn nɔɛ ɔɔɔkɔm belbel mɔ, pasɔɔ wɔkɔ yɔcɔɔ yɔn yɔsɔmɛ yɔbɔf mɔ, yokom yɔn yɔkɔ yɛntɛsɛ mɔ.

⁵ Kɔ fum ɛmber yika nɛnc, nɛnc dadɔkɔ dɔkɔ dɔcɔf kur ka yɛtɛɔ dɔbɔf, tɔyɔnɛ a yɔbɔf yayɔkɔ yɔɔɔɔ, kɔ pɔyɔnɛ fɛ ti yɔsɔrɔbuke-ɛ, pɔmar wɔber ka nɛnc dadɔkɔ pɔsɔɔ kɔway yi.

⁶ Kɔ fum ɔsɔɔ wɔndɛ kɔn kɔmɛɔk ka pɔsam, kɔ pɔyɔnɛ fɛ ti daka dɔɔɔm, a pɔkɔ pɔkiyɔr wɔkakɔ anasɔɔ kɔmɛɔk mɔ nde kɔɔ kɔn disrɛ k'anɔɔk wɔke wɔkakɔ-ɛ, pɔmar pɔsɔɔ kɔmɛrɔɔ ka daka dɔkɔ ɛnakiye mɔ.

⁷ Kɔ tɔyɔnɛ anɔɔk fɛ wɔke ka ca yayɔkɔ-ɛ, pɔmar wɔkɔ anasɔɔ daka kɔmɛɔk pɔkɔ pɔmɛntɔrnɛ Kanu pɔɔɔrɔm a ɛncɔrɛ fɛ tɔsɔɔ nɛtɛ o nɛtɛ ta daka dadɔkɔ.

⁸ Tes o tes t'anɔɔkɔɔɔnɛ, tɔyɔnɛ ta wana, sɔfale, anɔkesiya, wir kɔ pɔyɔnɛ fɛ ti, yamos, paka mɔpɛ o mɔpɛ pɔsɔɔɔ, afum mɛrɔɔ ɔacɔbɔkɔɔnɛ kɔyɔnɛ ka wɔka pɔcɔɔ kɔ pɔyɔnɛ fɛ ti paka pɔɔɔm-ɛ, ɔɔbɔkɔɔnɛ akakɔ mɛrɔɔ ɔkɔ ɔmɛntɔrnɛ nda akiti fɔr ya Kanu kirinɔ. Nwe kiti kɔɔkɔɔɔɔ mɔ, fum wɔkakɔ pɔsɔɔ wɔkɔ ɔnanayi kɔɔbɔkɔɔnɛ mɔ mɛrɔɔ ma paka pɔkɔ ɔnanayi kɔɔbɔkɔɔnɛ ta pi mɔ.

⁹ Kɔ fum ɔsɔɔ wɛnc kɔcɔɔ tɔyɔnɛ wana, sɔfale, anɔkesiya, wir tɔyɔnɛ pɔcɔɔ mɔpɛ o mɔpɛ, a pɔcɔɔ papɔkɔ pɛfi, kɔ pɔyɔnɛ fɛ ti, pɔtɛpɛ kɔcɔk, kɔ pɔyɔnɛ fɛ ti pakiye pi, ta fum o fum ɛntɔɔnɛ ti-ɛ,

¹⁰ pɔmar fum wɔkɔ anasɔɔ kɔcɔɔ mɔ, pɔkɔ pɔɔɔrɛm wɛnc wɔkɔ ɛnasɔɔ kɔ kɔcɔɔ mɔ a ɛɔkiye fɛ pɔcɔɔ pɔkɔ wɛnc ɛnasɔɔ kɔ kɔcɔɔ mɔ. Tɛm tatɔkɔ pɔmar wɔka pɔcɔɔ pɔwɔsɛ kɔɔɔrɔm kɔɔkɔ, pɔmar fɛ sɔ wɛnc pɔɔɔɔ kɔway ka pi.

¹¹ Mba kɔ pɔyɔnɛ a anɔkiye pɔcɔɔ mɔpɛ nde kɔɔ kɔn-ɛ, pɔmar pɔɔɔɔ kɔway ka pi wɛnc wɔkɔ ɛnasɔɔ kɔ kɔcɔɔ mɔ.

¹² Kɔ pɔyɔnɛ a wɛsɛm wa dop wɛwatɔri-watɔri pɔcɔɔ papɔkɔ-ɛ, fum wɔkɔ anasɔɔ kɔcɔɔ mɔ, ɛmar kɔkɛnɛ sɛm yɛɔpɔs yayɔkɔ wɔkɔ ɛnasɔɔ kɔ kɔcɔɔ mɔ, wɔkakɔ pɔyɔnɛ sɔ wɔnɔɔk ka ti. Tɛm tatɔkɔ pɔmar fɛ kɔ sɔ kɔɔɔɔ kɔway ka pi nwe ɛnasɔɔ kɔ kɔcɔɔ mɔ.

¹³ Kɔ fum ɔɔkɔ pɔyɛfu pɔcɔɔ nɔnɔ wɛnc ɛyi mɔ, a pɔcɔɔ papɔkɔ pɛɔ pɛtɛpɛ kɔcɔk, kɔ pɔyɔnɛ fɛ ti pɛfi kumunt ka wɔka pɔcɔɔ papɔkɔ darɔɔ-ɛ, pɔmar wɔkɔ ɛnakɔ pɔyɛfu wɛnc pɔcɔɔ mɔ, pɔɔɔɔ pi kɔway.

¹⁴ Kɔ pɔcɔɔ papɔkɔ pɛfi fɔr ya wɔka pi kirinɔ-ɛ, kɔɔɔɔ kɔway ka pɔcɔɔ papɔkɔ kɔyi fɛ sɔ. Kɔ pɔyɔnɛ anasɔɔ kɔ daka a pɔyɛfu kɔ pɔcɔɔ papɔkɔ-ɛ, pɔntɔɔnɛ tatɔkɔ.

Sariye sa amera kɔ dinɛ sɔɔma

¹⁵ Kɔ wɔrkun ɛɔkɔɔtɔr wɔyɛcɔra wɔtɔcɔrɛ wɔrkun, nwe wɔrkun ɛntatɔfac mɔ, han ɔfɔntɔrɛ-ɛ, pɔmar pɔsɔɔ kɔfac ka wɔyɛcɔra wɔkakɔ, pɔɔɔk kɔ sɔ pɔnɛncɛ.

¹⁶ Kɔ pɔyɔnɛ a papa ka wɔyɛcɔra nwe ɔwɔsɛ fɛ kɔsɔɔ ka wɔrkun nwe wɔyɛcɔra kɔn-ɛ, tɔfɔyamɛ wɔrkun wɔkakɔ kɔsɔɔ ka kɔfac ka wɔyɛcɔra wɔkakɔ ɔfɔntɔrɛ kɔ nkɔn mɔ.

¹⁷ Ta nɔsak wɔran dure pɔyi doru.

¹⁸ Nwe o nwe ɛɔntɔrɔr wɛsɛm mɔ, mɛnɛ padif wɔkakɔ.

¹⁹ Nwe o nwe ɔɔɔɔnɛ canu cɔcuru ta pɔyɔnɛ MARIKI-ɛ, mɛnɛ pasut kɔ han pɔmɔɔkɛ.

²⁰ Ta mɔdir wɔcikɔra, ta mɔmɛntɔr kɔ sɔ fɔntɔr, bawo nɔna sɔ nɔnayi decikɔra atɔf ɔa Misira.

²¹ Ta nɔtɔrɔs wɔcɔbɔkɔra nwe o nwe, ta nɔtɔrɔs sɔ wan nwe o nwe akɔmbɔra ɔn ɔafi mɔ.

22 Kə mətərəs fum wəkəkə haŋ kəbok kən kəder im-ε, iŋne kəbok kən,

23 pəntel'em pəpəŋ, dəkəwan indif'am dakma. Təm tatəkə mənə sə wəran kam endeyəne wəcəbokəra, awut am ŋayəne atəyə kas.

24 Kə məmbər wətəyə daka pəsəm afum em dacə-ε, ta məyə pəmə təkə wəbəs-bəsər wəbma əŋyə mə, ta məloku a mənə pədenər'am gbəs dəkəluksə da debe dam.

25 Kə fum encəmbər'am səke duma dən da kəfe-ε, məluksə kə di a dec dəkəle,

26 bawo duma dadəkə gbəcərəm dəyə dokumpə da dis dən. Dere d'əŋkəkumpənə a pəfəntərə-ε? Kə wəkəyi əŋkorn'em-ε, iŋne kə dim bawo Kanu nke iyəne mə, iŋyənə nənəfər.

27 Ta məfər-fərəs Kanu, ta mətolanə wəkiriŋ wəka afum am pələc.

28 Ta nəcwon kəkər'em yolonə ya yetel yonu. Nəcsəŋ im awut anu arkun acəkə-cəkə.

29 Ti tə pəmar sə məcyə nnə wana wam, aŋkesiya ŋam kə wir wam pəmar wan wəcəkə-cəkə wəka pəcəl pam ŋayi kə kərə mata camət-mərəŋ. Tataka ta camət-maas, məsəŋ im pi.

30 Afum apus ŋə nəndeyən'em, pəmar fə nəde nəcsəm sem nye wəsem wəwatəri-watəri dəkulum mə, nəde nəcgbale yi cen.

23

Kələləs ka atəyə fənəntər

1 «Ta məkətənə yem. Ta məbaŋə fum wələc kəbaŋə ka yem.

2 Ta məcəmə kənay darəŋ kəkəyə pələc. K'andebocə afum kiti-ε, ta məlasnə kəca k'afum alarəm yem disrə nəsəŋə aboc kiti kəfər kiti.

3 Ta məbaŋə wətəyə daka dəŋkiti k'əntəyə kance-ε.

4 Kə məŋkə məpətərne wana wa wətərənə kam kə pəyənə fə ti səfale sən sələ-ε, məsumpər si məkərə kə dare.

5 Kə mənəŋk səfale sa wətərənə kam sətempənə pəsarə pa si dəntəf-ε, ta məcepər, məmar kə kədeŋ-deŋi si pəsarə.

6 Ta nəyay sariyə sa wənc əm wətəyə daka dəŋkiti.

7 Məbələnə toloku ta yem, ta məsəŋə wətələsər tes kə pəyənə ti-ε wəlompu kəfi, bawo ifəsak fum wələc pəkə yəŋən.

8 Ta məbaŋ kəpocə ka dəŋkiti, bawo kəpocə kaŋkə kəŋsəŋə anəŋk kətəsənəŋk kance, kəsəŋə sə kənəŋk kance ka alompu.

9 Ta mətərəs wəcikəra nwe ende ndaram mə. Nəncərə belbel təkə pəŋyi kə mə, bawo acikəra ŋə nənayənə atəf ŋa Misira.»

Teren ta kəŋesəm kə dəsək da kəŋesəm

10 «Meren camət-tin məcbəf antəf ŋam, məcpim yokom ŋa ŋi.

11 Mba teren ta camət-mərəŋ məsəŋə ŋi kəŋesəm məsak ŋi. Itə afum am atəyə daka ŋandine sə ŋi kə sem ya dop sə yəsəm yelpəs yəkə. Məyə sə tin tayi ta ŋgbəŋkələ yam ya wən kə tək yam ya olif.

12 Məbəc yəbəc yam mata camət-tin. Mba tataka ta camət-mərəŋ, mələləs dəsək da kəŋesəm, nte təŋsəŋə wana kə səfale sam yəŋesəm dəsək dadəkə mə, nte təŋsəŋə sə wan ka wəcar kam wəran kə wəcikəra ŋatam sə kəŋesəm mə.

13 Nəcəmə mame iloku nu mə fəp darəŋ. Nəkəmbərne belbel ta nəde nəckornə canu cəcuru. Ta nəcəm-cəməs mewe ma canu cəcuru, ta panənə nu mi dəkusu yati!»

Cəsata ca sali nce pəmar pacboc Yisrayel mə

14 «Kəren o kəren mədekə məcboc'em cəsata ca sali maas.

15 Mədə məcboc'em kəsata ka cəcom cətənəŋkəl lebin. Mata camət-mərəŋ ma kəsata kaŋkə disrə, ŋof ŋa Abib*, məde məcsəm cəcom cətənəŋkəl lebin, pəmə təkə isom əm ti

* 23:15 *Ŋof ŋa Abib* = CəHebərə «ŋof ŋa Ləŋk»

Misira mə, bawo ɲof ɲaɲəkə disre ɲə mənawur di. Pəmar fe pade pacmentərne fər yem kirin waca wəsəkər.»

¹⁶ «Məde məbcoc'em sə kəsata ka Kətəl, yokom yocəkə-cəkə ya yəbəf yam ya dalə.»

«Kə mənəde məbcoc'em kəsata ka Kəpim ka yəbəf yam ya teren dəkələpsər, kə məlip kəlonka ka yokom ya tək yam-ε.

¹⁷ Kəmaas teren disre pəmar arkun fəp afum anu daco ɲamentərne fər ya Wəbe MARIKI kirin.»

¹⁸ «Ta məlon mecir ma yolonne nyε məɲker'em mə paka pənəɲkəl lebin mpe o mpe. Ta nəmənəkərne moro ma polonne pem haɲ dəkəsək bətbət.

¹⁹ Məde məckere nde kələ ka MARIKI Kanu kam yokom yocəkə-cəkə ya yəbəf ya atəf ɲam. Ta məpece wir məse ma kere ka wi de.»

Kəsəɲ temer kə katəkəs təkət a ɲaclek dəpə kəkə

²⁰ «K'ina, indesom məleke mme mendey'am kirin, mme mendekə mocbum əm dəpə mə, mosol'am haɲ məberε kəfo nke inalomps'am mə.

²¹ Mədəkə məkəmbərne fər ya mi kirin, mədekə məcəme dim da mi darəɲ. Ta məyənəkər mi domp, bawo məfədekəɲaɲne detaɲi ləɲəs dam, bawo tewe tem teyi mi disre.

²² Kə məncəɲkəl dim dən belbel, məyə təkə ilok'am mə fəp-ε, indeyənε wəter ka aterene am, wəyefərənε ka aɲε ɲambəp əm kəyefərənε mə.

²³ Mələke mem mendekət fər yam kirin mekekəre nda Amər, aHit, aPerisi, aKanaɲ, aHiwy kə aYebus, indekəmələk ɲa.

²⁴ Ta mətontnεne canu cəɲan, ta məsalenε ci. Ta məcyə təkə ɲaɲyə mə, mba məcləsər mərəɲka maɲan few, məcwəkəc masar motontne məkə ɲaccəmbər mə.

²⁵ Kə nəndekə nəcsalinε MARIKI Kanu konu-ε, endekə pəcsəɲ pətət kəcom kam kə domun dam pəbələn'am docu.

²⁶ Wəran wəcəɲ əfədekəyi atəf ɲam, wəran wətəkəkom əfəkəsəyi di. Indesəɲ am kəwon doru.

²⁷ Ayek-yek ɲ'indenuɲkenε kəsək ɲey'am kirin, indewənər afum akə nəndekə ndaraɲan mə fəp anciyan, indekəsəɲε aterene anu fəp ɲayeksər nu.

²⁸ Deme d'indenuɲkenε isak dey'am kirin, ndε dendəkəbeləs aHiwy, aKanaɲ kə aHit mə.

²⁹ Ifədekəbeləs ɲa fər yam kirin kəren kin, ta tedesəɲε atəf kəyə yer-yer, sem yelεc ya dop yela nyε yendetərəs əm mə.

³⁰ Pəpic pəpic p'indekə icbeləs ɲa fər yam kirin haɲ məcla məctam kəbaɲ atəf fəp.

³¹ Indekəbcoc'am kələncər kəyefe ka kəba ka Cəɲkəlma haɲ nde kəba k'aFilisti, kəyefe ka nde dətegbəre haɲ nde kəɲgbəkə ka Əfərat. Bawo indekələk afum aka atəf ɲaɲəkə ibər əm ɲa dəwaca, ibeləs ɲa fər yam kirin.

³² Ta mədekəcaɲəs danapa kə ɲa, ta məcaɲəs sə danapa kə canu cəɲan.

³³ ɲafədekə ndε atəf ɲam, nte təɲsəɲε ta ɲadesəɲ'am kəciya nnə iyi mə. Kə məsak afum akakə kənde ndaram-ε, təɲsəɲ'am kəsali canu cəɲan, təyən'am towul.»

24

Kanu kəsək danapa k'aka Yisrayel

¹ Kə Kanu kələku Musa: Məpe nnə MARIKI iyi mə, mənə, Aruna, Nadab kə Abihu, kə abeki wəco camət-mərəɲ (70) aka Yisrayel, nədekə nətontn'em pəbələ.

² Musa sona endelətərne MARIKI, akə ɲafədelətərne de, afum sə ɲafədepe kə nkən.

³ Kə Musa ender k'oloku moloku ma MARIKI maməkə fəp aka Yisrayel, kə mosom mən fəp. K'aka Yisrayel ɲawose dim din: «Moloku mme MARIKI oloku mə fəp, səndeyə mi».

⁴ Kə Musa encicəs moloku ma MARIKI fəp. Dec dendesək k'eyefe bətbət suy, k'encəmbər tetek tolonne nde tərə dəntəf k'encəmbər sə masar wəco kə mərəɲ teta təcəmcəməs ta cusuɲka nce wəco kə mərəɲ ca Yisrayel.

⁵ K'osom atemp aka Yisrayel ηakenε MARIKI yolonεe yocof, ηakenε sɔ MARIKI mura ma kelonεe ka kəpanεe pəforu.

⁶ Kɔ Musa εlek dacɔ da mecir maməkɔ k'ember mi dətɔbɔl, k'ewesəsər dacɔ da mecir tetek tolonεe kəron.

⁷ K'εlek buk ba Danapa ndε ηanacaηəs kɔ MARIKI mɔ, k'εηkaraηεne bi aka Yisrayel. K'aka Yisrayel ηaloku: Səndecəme təkɔ MARIKI oloku mɔ darəη fəp, səndesɔcəηkəl kɔ.

⁸ Kɔ Musa εlek mecir k'ewesəsər mi aka Yisrayel, k'oloku: Nənəηk mecir ma danapa ndε MARIKI esek kɔ nənə aka Yisrayel mɔ mamε, kɔ mosom mən mme nəntəηne mɔ fəp.

⁹ Kɔ Musa ηampe k'Aruna, Nadab, Abihu kɔ abeki aηε wəcɔ camət-mērəη (70) aka Yisrayel.

¹⁰ Kɔ ηanəηk Kanu ka Yisrayel pəcəmbərər wεcək wa Ki tantɔf, pənayi pəmɔ nte aηlompəs paka pɔyɔ alom ηa bulu mɔ, pəmɔ təkɔ kəm kəηsək mɔ.

¹¹ Mba enatenci fε kəca kən afum apəη aka Yisrayel akakɔ kəron. Kɔ ηaηgbətne Kanu, kɔ ηandi yeri kɔ ηamun.

Kəbəpene ka Musa nde dətərɔ kɔ Kanu

¹² Kɔ MARIKI oloku Musa: Məpe nnɔ iyi mɔ, nnɔ tərɔ kəron mədə məcəme nnɔ kərəsna: Walakε wa masar w'indesəη əm, sariye kɔ tosom tem t'incicəs wi kəron nte məηkətəkse aka Yisrayel mɔ.

¹³ Musa eyefε kɔ Yosuwe wəmarəs kən, kɔ Musa empe tərɔ ta Kanu kəron.

¹⁴ K'oloku abeki aka Yisrayel: «Nəkar su nnɔ haη sader sɔ səbər nu. Nəməmən Aruna kɔ Hur ηayi nu dε kəsək. Nwε o nwε tes tɛmbər mɔ, wəkayi pələtərne ηa.»

¹⁵ Kɔ Musa empe sɔ dətərɔ, kɔ kəp kəηgbərər tərɔ.

¹⁶ Kɔ nərɔ da debeki da MARIKI deyi tərɔ ta Sinayi kəron oη, kɔ kəp kəηgbərər tərɔ haη mata camət-tin. Tataka ta camət-mērəη, MARIKI pəyi dəkəp k'ewe Musa.

¹⁷ Nərɔ da debeki da MARIKI dənawurεne nenc aka Yisrayel dəfər pəmɔ nte nenc dəpəη dende kəcmar tərɔ kəron mɔ.

¹⁸ Kɔ Musa emberε kəp kaηkɔ disrε, k'empe nde tərɔ kəron. Kɔ Musa əηkɔ pəwon nde tərɔ kəron mata wəcɔ mənəkəε (40) daη kɔ pibi.

25

Təcəmbər ta aηgbancan ηosoku

25-31

Kəfεk ka aka Yisrayel

¹ Kɔ MARIKI oloku Musa:

² «Məloku aka Yisrayel a ηabanəs kəfεk kem. Nəbaη kəpocε ka nwε o nwε əηsək abəkəc pəs kəsəη ki mɔ.

³ Kəfεk nkε kɔ nəndebaηsər ηa: Kema, gbeti, kəpər,

⁴ cəloto cəgbət karε alom ηa məntambenc, alom ηeyim ηeyimbərər, cəloto nce andunε səbeηa sa kentələr kɔ nce andunε cəfon ca wir mɔ,

⁵ kata ya ηkesiya nyε aηgbət karε alom ηeyim mɔ, kata ya ntempeli, tək ya kasiya,

⁶ moro momotεne, labundε dobotu ambənc ndε ande pacnəηkəl moro məbɔy məsəkəsne, kɔ suray səbotu ambənc,

⁷ kɔ masar mətət mme aηwe onikəs mɔ kɔ mətət mələma mme andeber duma da efəd kɔ yuba yεgbekne dεbəkεc mɔ.

⁸ Kəfo kəsoku kɔ aka Yisrayel ηandecəmbər'em, nte təηsəηε idetam kəndε ηa dacɔ mɔ.

⁹ Pəmɔ yayəkɔ indementər əm mɔ, məlompəs ca ya dəkiyi dosoku kɔ yosumpər-sumpər ya di pəmɔ tatəkɔ.»

Kaηkəra ka sede

¹⁰ «Kaŋkəra ka kətək ka kasiya kə ŋandelompəs. Ŋatubuc ki dobolu cururu mərəŋ kə dacə, kə dowokulu da ki kururu katin kə dacə kə dotukum da ki kururu katin kə dacə.

¹¹ Məsop kaŋkəra kaŋkə kəma kəsoku pəs, tedisrə kə todoru, payə ki kəbər ka kəma haŋ paŋəŋkər.

¹² Palompəs cəsora maŋkələ ca kəma nce andekəber kaŋkəra kaŋkə dəmoŋkubut mə cəsora mərəŋ kəsək kin, kə cəkə mərəŋ kəsək ka mərəŋ kəŋkə.

¹³ Məpat cəgbo mərəŋ ca tək ya kasiya məsop ci kəma.

¹⁴ Pasor cəgbo cacəkə dəcəsora ca kəma cacəkə, nte təŋsəŋe pade pactam kəsələŋ kaŋkəra kaŋkə pacgbaŋne mə.

¹⁵ K'alip kəsor cəgbo cacəkə dəcəsora ca kaŋkəra-ε, pəmar fε sə pasulu ci.

¹⁶ Kaŋkəra kaŋkə disrə kə məŋkəber walakε nwe wementər danapa dem k'aka Yisrayel nwe indesəŋ əm mə.

¹⁷ Afəŋk ŋəsəkse kiciya ŋaŋəkə, kəma kəsoku pəs kə nəndekələmpse ŋi. Dobolu da ŋi dendeyə cururu mərəŋ kə dacə, kə dowokulu da ŋi kururu katin kə dacə. Afəŋk ŋaŋəkə ŋendeyəne ŋegbəpərə kaŋkəra.

¹⁸ Mələmpse mələkε kerub* mərəŋ kəma kətəmp, məselərəne mi dəkəcop kə dəkələpsər da afəŋk ŋəsəkse kiciya kəroŋ.

¹⁹ Məselərəne mələkε kerub min dəkəcop da afəŋk ŋəsəkse kiciya kəroŋ, mələkε kerub məkə dəkələpsər da ŋi kəroŋ. Mələmpəs mələkε kerub mərəŋ kə afəŋk ŋaŋəkə yəyənə paka pin nde dəkəcop kə dəkələpsər da ŋi kəroŋ.

²⁰ Mələkε maməkə mərəŋ mendəkəperi banca takəroŋ, yi yokump afəŋk ŋəsəkse kiciya, mətəfərəne meti cəro nde afəŋk ŋəsəkse kiciya kəroŋ.

²¹ K'alip kəber ki disrə walakε nwe wementər danapa dem kə aka Yisrayel nwe indesəŋ əm mə, məgbəpərə kaŋkəra afəŋk ŋəsəkse kiciya ŋaŋəkə.

²² Dənda afəŋk ŋaŋəkə kəroŋ sənde səcbərəne, mələkε kerub maməkə mərəŋ dacə mme meyi afəŋk ŋəsəkse kiciya ŋaŋəkə aŋgbəpər kaŋkəra kaŋkə kəroŋ mə. Difo indekə icsom əm mēfaŋ mem fəp məkə mənde məcloku aka Yisrayel mə.»

Amesa ŋa cəcom nce aŋsəŋ Kanu mə

²³ «Mələmpse amesa kətək ka kasiya. Dobolu da ŋi dəyə cururu mərəŋ, dowokulu da ŋi dəyə kururu katin, kə deŋeci da ŋi kururu katin kə dacə.

²⁴ Məsop amesa ŋaŋəkə kəma kəsoku pəs, məlompəs ŋi cəsək kəbər ka kəma haŋ mənəŋkər.

²⁵ Məboc cəbam cələma cəsək cacəkə maŋkələ tantəf, dowokulu da ci dəcyə kəca disrə, mənəpsər ci kəma haŋ mənəŋkər.

²⁶ Mələmpəs cəsora maŋkələ ca kəma, məboc ci dəmoŋkubut kəsurenε ka yecəmənε maŋkələ ya amesa ŋaŋəkə.

²⁷ Cəsora cacəkə maŋkələ cələtərne fərəm. Cəsora cacəkə c'andekəsor cəgbo nce ande paclekənε amesa ŋaŋəkə mə.

²⁸ Məpat cəgbo ca kətək ka kasiya, məsop ci kəma, cəgbo cacəkə c'andekə pactam kəgbaŋnənε amesa ŋaŋəkə.

²⁹ Mələmpse ŋi ca nce pəmar mə: Pəlet, məbəl, səpət kə mapan nyε andekə pacbəcə yoloŋne ya moro kə wen mə, kəma kəsoku pəs kə məndelompse yi.

³⁰ Pəmar məde məccəmbər'em kəcom nke ande pacləŋ'em mə nnə amesa ŋaŋe kəroŋ tēm o tēm.»

Pədəte səlamp pa wara camət-mərəŋ

³¹ «Məde məlompse pədəte səlamp kəma kətəmp kəsoku pəs. Pəsələrenε pi kəyefe ka pəcəmənε kəkə təmbəŋk pa pi, yənənε ya səlamp, yogbuc ya pi, kə yowurenε ya yeləŋk ya tək.

* **25:18** *Mələkε kerub* = Mələkε mə mme mənayə yebəc ya kəbum mofo mosoku ma Kanu mə.

³² Tatəkə tə pəŋkəyi wara camət-tin wəŋkəyefe dətəmbonk paracə mə, kəca o kəca wara maas.

³³ Kəra o kəra ka pədetə səlamp kəyə yogbuc maas kə yeləŋk ya yi. Itə pəŋkəyi wara camət-tin nwe wəŋkəyefe dətəmbonk pa pədetə səlamp mə mə.

³⁴ Təmbonk pa pədetə səlamp pəyə yəŋəne ya səlamp maŋkələ nyə yəŋkəwurene yeləŋk ya tək yokom mə, yogbuc, kə yeləŋk ya yi.

³⁵ Wara wawəkə mərəŋ mərəŋ kəmaas nwe wəŋyefe dətəmbonk paracə mə, dəkəyefe da wara mərəŋ o mərəŋ mənə pogbuc pin peyi wi tantəf.

³⁶ Pəsələrene yogbuc kə wara, patəmpə fəp fa yi ancəmbəl ŋin ŋa kəma kəsoku pəs.

³⁷ Mələmpəs səlamp camət-mərəŋ səkə pəmar pacəmbər yəŋəne səlamp kəron mə, nte tənəŋe səcwenki tekirin mə.

³⁸ Macəŋk kə map mekəyē meken sə fəp fa mi pəmar məyənə kəma kəsoku pəs.

³⁹ Pədetə səlamp, pəcəmbərə pa pi kə yosumpər-sumpər yayəkə, kəma kəsoku pəs kilo wəco maas (30) kə pəmar palompse yi.

⁴⁰ Məna Musa məgbətne belbel, məsurene yebəc nyə məməmən nno tərə kəron mə.»

26

Anġbip ŋosoku

¹ «Musa məlompse dəkiyi dosoku cəpol wəco ca kəloto ka səbeŋa sa kentələr, ka alom ŋa məntambənc, alom ŋa bulu k'alom ŋeyim. Səbeŋa sasəkə sə məŋkədunə ci kəron lulu ya meleke kerub. Yebəc ya wəcərəŋ yendeyi yayəkə.

² Dobilu da cəpol cacəkə fəp dəkə dəyə nke o nke cururu wəco mərəŋ kə camət-maas (28), kə dowokulu da kəpol nke o nke dəkə dəyə cururu maŋkələ, cəpol fəp cəde cətəŋnənə potubuc.

³ Mədəkə məgbətlenə-gbətlenə cəpol kəcəmət dəwənca, məyə sə tin tayi cəkə kəcəmət.

⁴ Məwes-wesə dobol da kəloto kəcəkə-cəkə kəkəsək səbeŋa s'alom ŋa məntambənc, məde mənut yi, məyə sə tin tayi kəpol ka kəloto ka mərəŋ.

⁵ Dobol da cəloto cacəkə mərəŋ məwes-wesə di səbeŋa wəco kəcəmət (50), mənut yi, məsəŋe yewes-wesi ya cəloto cacəkə mərəŋ fəp yosurenə dəwənca.

⁶ Mədə məlompəs ŋkora wəco kəcəmət (50) ya kəma nyə məndəkəcəpərəne cəloto cacəkə mərəŋ mə, nte tendesəŋe cəloto ca dəkiyi dosoku kədəyənə kin mə.

⁷ Mədunə cəpol ca kəloto ka mərəŋ kətələr nke wəco kə pin cəfon ca wir, nce andekəperi dəkiyi dosoku kəron mə.

⁸ Dobilu da kəpol nke o nke dede dəyə cururu wəco maas (30), kə dowokulu dede dəyə cururu maŋkələ. Cəpol nce wəco kə pin (11) fəp cəde cəyə potubuc pin payi.

⁹ Məgbətlenə taciŋa cəpol kəcəmət, kə cəpol cəkə camət-tin sə taciŋa. Kəpol ka camət-tin, pəmar ki kəyələ tekirin ta anġbancan.

¹⁰ Mədə məlompəs yewes-wesi wəco kəcəmət (50) kəpol kəkəsək ka yəgbətlenə yəcəkə-cəkə, mənut yi. Kəpol kəkəsək ka yəgbətlenə ya mərəŋ sə, məlompəs kəsək kayi yewes-wesi wəco kəcəmət (50), mənut sə yayəkə.

¹¹ Mələmpəs ŋkora wəco kəcəmət (50) ya kəpər nyə məndəgbəkər deyewes-wesi mə, nte tənəŋe anġbancan ŋəyənə ŋin mə.

¹² Dacə da cəpol ca cəloto dendecernə, paŋere di dəkiyi dosoku tadarəŋ.

¹³ Dobilu da cəpol ca cəloto decernə, pəmar payer di dacə kəsək o kəsək nte tənəŋe paŋer dəkiyi dosoku belbel mə.

¹⁴ Mələmpse pokumpe pa anġbancan kata ya ŋkesiya yəkə anġbət kare kəyim mə, məgbəkəre sə kələmpse kata ya ntempeli pokumpe pa mərəŋ.

¹⁵ Mələmpse fərem fa dəkiyi dosoku tək ya kasiya, nfe andəkəcəmbər mə.

¹⁶ Pəmar fərem o fərem fəbəl cururu wəco kə dowokulu da fi dəyə kururu katin kə dacə.

¹⁷ Fərem o fərem pəmar fəyɔ sek mərəŋ nyɛ yosol dəwɛnca mə, tatəkɔ tɔ pəmar payɔ fərem fa dəkiyi dosoku fəp.

¹⁸ Məlompse ntende kəca kətət ka di nde dec dəmpɛ mə fərem wəco mərəŋ (20).

¹⁹ Məlompse yecəməne wəco maŋkələ (40) ya gbeti nyɛ mändəkəcəmbər tantɔf ta fərem wəco mərəŋ (20) mə. Nfɛ o nfɛ fəyɔ yecəməne mərəŋ, kəsurenɛ ka bi yəkɔ pəmar pasɛt sek mərəŋ yəkɔ fərem fəyɔ mə.

²⁰ Kəca kəmeriya ka dəkiyi dosoku nde dec dəmpɛ mə, məlompse sɔ dəndo fərem wəco mərəŋ (20).

²¹ Yecəməne wəco maŋkələ (40) ya gbeti, ti tɔ tatəkɔ yecəməne mərəŋ yede yeyi fərem fin tantɔf.

²² Mədə məlompəs fərem camət-tin fa təgbəkene ta dəkiyi dosoku kəca ka ntende dec dəŋkalɛ mə.

²³ Məlompəs fərem mərəŋ taciŋa nfɛ fəŋkəyi dəmoŋkubut nde təgbəkene pa dəkiyi dosoku mə.

²⁴ Mədə məyɔ fərem fafəkɔ mərəŋ fəgbɛpene kəyɛfɛ tantɔf, məkotərəne fi takəroŋ kəsora kin. Tin tayi t'andeyɔ fərem, mərəŋ fəkɔ feyi moŋkubut maməkɔ mərəŋ mə.

²⁵ Itɔ tatəkɔ fərem camət-maas kɔ yecəməne wəco kɔ camət-tin (16) ya gbeti, fərem o fərem fəyɔ yecəməne mərəŋ tantɔf.

²⁶ Məpat cəgbo ca kətək ka kasiya kəcamət nɛ andesumpərə fərem fəp fa kəsək kin ka dəkiyi dosoku mə.

²⁷ Cəgbo kəcamət sɔ ca fərem fa kəsək ka mərəŋ ka dəkiyi dosoku, kɔ cəgbo kəcamət sɔ ca fərem fa təgbəkene ta dəkiyi dosoku ntende dec dəŋkalɛ mə.

²⁸ Kəgbo kəracɔ kəmar kəcepər fərem fa kəsək kin fəp dacɔ kəyɛfɛ fərem fəcəkɔ-cəkɔ haŋ kəbər fəlpəs.

²⁹ Mədə məsop fərem fəp kəma, məlompse cəsora kəma nɛ andecəpərəne cəgbo cacəkɔ mə, məsop sɔ ci kəma.

³⁰ Kɔ maməkɔ melip-ɛ, mənə Musa məyekti dəkiyi dosoku, məcəmbər di dowurenɛ kɔ dandɛ iməntər əm nnɔ tərɔ kəroŋ mə.

³¹ Məlompse kəloto kəkəŋkɛ ka səbɛŋa sa kentələr, sa alom ŋa məntambɛnc, sa alom ŋa bulu, kɔ sa alom ŋeyim. Pawurɛ kəloto kaŋkɔ kəroŋ lulu ya mələkɛ kerub mərəŋ. Yɛbəc ya wəcərəŋ kədu yendeyi yayəkɔ.

³² Mədə mədɛt ki dəmogbu maŋkələ ma kətək ka kasiya mme asop kəma kɔ məyɔ ŋkora ya kəma mə, məcəmbər mi dəyecəməne maŋkələ kəroŋ ya gbeti.

³³ Nədətər kəloto kəkəŋkɛ ŋkora tantɔf. Kəloto kəkəŋkɛ kaŋkɔ tadarəŋ k'əŋkəcəmbər kaŋkərə nɛ kəyɔ walakɛ nwe wementər danapa dem kɔ aka Yisrayel mə. Nədət kəloto kəkəŋkɛ kaŋkɔ nte təŋsəŋɛ kəyer aŋgbip ŋosoku kɔ təkɔsɔ tosoku mə.

³⁴ Kɔ məlip-ɛ, məgbəpər oŋ afɛŋk ŋəsəkse kiciya kaŋkərə nɛ kəmentər danapa dem k'aka Yisrayel nde dətəkɔsɔ tosoku.

³⁵ Məcəmbər amɛsa kəloto kəkəŋkɛ todoru, aŋgbip disrɛ ntende kəca kətət ka nde dec dəmpɛ mə, kɔ pɛdɛtɛ səlamp pi pɛtɛfərəne kɔ amɛsa ntende kəca kəmeriya ka nde dec dəmpɛ mə.

³⁶ Mədə mədunɛ kusunka k'aŋgbancan cəloto cəŋɛrɛ ca səbɛŋa sa kentələr, panəŋkəsəl səbɛŋa sa alom ŋa məntambɛnc, sa alom ŋa bulu kɔ sa alom ŋeyim.

³⁷ Mədə məpatɛ kəloto kəŋɛrɛ mogbu kəcamət ma kətək ka kasiya, məsop mi kəma, məgbəkər ŋkora ya kəma mogbu maməkɔ. Məsɛlɛ yecəməne ya mogbu kəcamət yayəkɔ kəpər.»

¹ «Məlompse tetek toloḡne Kanu kətək ka kasiya, dobolu da pi dəyɔ cururu kəcamət, kə dowokulu da pi sɔ cururu kəcamət. Tetek pətəḡne cəsək fəp, mba deḡeci da pi dəyɔ cururu maas.

² Məlompəs lən ya tetek nde moḡkubut maməkə makəroḡ maḡkələ. Məde məselərəne lən yayəkə kə tetek toloḡne nte təḡsəḡe yəyənə paka pin mə, məsop pi kəpər.

³ Məlompse tetek toloḡne dap dəberə kəbof, pel, mapan, bak yosortə səm kə map mekayə meken. Məlompse yosumpər-sumpər yayə fəp kəpər.

⁴ Məlompse tetek toloḡne manta ma kəpər, məber mi cəsora maḡkələ ca kəpər dəmoḡkubut. Məcəmbər mi kəbər ka tetek toloḡne tantəf, deḡeci da manta maməkə mecbəp dacə da tetek.

⁵ Pəcəmbər manta maməkə kəbər ka tetek toloḡne tantəf, deḡeci da manta maməkə mecbəp deḡeci dacə da tetek.

⁶ Məpatə tetek toloḡne cəḡbo kətək ka kasiya, məsop ci kəpər.

⁷ Pasor cəḡbo cacəkə dəcəsora cacəkə cəyi cəsək ca tetek papəkə mə, nte təḡsəḡe pactam kəkəkərə tetek toloḡne papəkə mə.

⁸ Tetek toloḡne papəkə maḡkolompse cəbam mə, pede pəyɔ fos disrə. Nəyɔ pi pəmɔ təkə anamentər əm nno tərɔ kəroḡ mə.»

Kəlompəs k'abanḡa

⁹ «Məlompəs abanḡa ḡa dəkiyi dosoku. Ntende kəca kətət ka nde dec dəmpə mə, pəmar dobolu da saḡka dəyɔ cururu tasar tin (100), mədət di cəloto ca səbeḡa sa kentələr.

¹⁰ Mogbu wəco mərəḡ ma kəpər (20) kə yecəməne ya mi ya kəpər wəco mərəḡ (20), ḡkora ya mogbu kə gbat-gbata ya mi pəmar yəyənə ya gbeti.

¹¹ Kəca kəmeriya ka ntende dec dəmpə mə, pəmar ki kəyɔ sɔ cəloto pəmɔ kəcəkə-cəkə dobolu da ki dəyɔ cururu tasar tin (100), kəca kaḡkə kəyɔ mogbu wəco mərəḡ (20) kə yecəməne ya mi wəco mərəḡ (20) ya kəpər. ḡkora ya mogbu kə gbat-gbata ya mi fəp, pəmar palompse yi gbeti.

¹² Dowokulu d'abanḡa kəca nke dec deḡkələ mə, cəloto ca saḡka sa ḡi cəbəl cururu wəco kəcamət (50), mogbu ma ci wəco kə yecəməne ya mi wəco.

¹³ Dowokulu d'abanḡa kəca nke dec dəmpə mə, pəmar dəbəl cururu wəco kəcamət (50).

¹⁴ Pəmar cəloto ca kəsək kin cəde cəyɔ dobolu da cururu wəco kə kəcamət (15), mogbu maas kə yecəməne ya mi maas.

¹⁵ Padət sɔ cəloto cururu wəco kə kəcamət (15) cəloma kəca ka mərəḡ, mogbu maas kə yecəməne ya mi maas.

¹⁶ Pəmar paḡərə kusunḡa ka saḡka cəloto ca səbeḡa sa kentələr ca cururu wəco mərəḡ (20), yəbəc yayəkə yede yəyənə ya wəcərə kədu pəlompse ci səbeḡa sa alom ḡa məntambenc, sa alom ḡa bulu, sa alom ḡeyim, pəcəmbərə cəloto cəḡərə caḡkə mogbu maḡkələ kə yecəməne ya mi maḡkələ.

¹⁷ Mogbu mme andecəmbərə saḡka mə fəp gbat-gbata ya mi yəyənə gbeti. ḡkora sɔ yəyənə ya gbeti, kə yecəməne ya mi yəyənə ya kəpər.

¹⁸ Saḡka sasəkə səbəl cururu tasar tin (100), kə dowokulu da si cururu wəco kəcamət (50), kə deḡeci da si cururu kəcamət. Pəmar cəloto cacəkə fəp cəyənə ca səbeḡa sa kentələr, kə yecəməne ya kəpər.

¹⁹ Kəyefe ka yosumpər-sumpər ya yəbəc ya dəndo dəkiyi dosoku kəbər ka cəḡbo cədaf ca saḡka fəp, pəmar palompse yi fəp kəpər.»

Moro ma səlamp

²⁰ «Kə məna Musa, məsom aka Yisrayel ḡaker'am moro mətət ma olif məfəc, nte təḡsəḡe səlamp səctam kəmar dəfəy o dəfəy mə.

²¹ Aruna kə awut ən arkun ḡandekəcəmbər pədetə səlamp nde aḡḡbancan ḡebəpene kə Kanu nde todoru ta kəloto kəḡkə kəkəḡkə kaḡkərə nke kəmentər danapa dem k'aka

Yisrayel mə. Pəmar səlamp sədekə səcmar MARIKI fər kirin̄ kəyefē dəfəy han̄ bətbət. Sariyə sa tēm o tēm sə, pəmar aka Yisrayel ɲade ɲacleləs si dətəmp kə dətəmp.»

28

Yamos ya wəlon̄ne

¹ Kə MARIKI oloku Musa: «Mələtərnənē aYisrayel daco nnə məyi mə wənc əm Aruna, k'awut ən arkun Nadab, Abihu, Elasar kə Itamar. Məgbey ɲa kə aka Yisrayel alpəs aɲe, nte təɲsəɲe ɲayən'em alon̄ne mə.

² Məlompse wənc əm Aruna yamos ya dəKanu, nte təɲsəɲe yede yecmentər dəkəcəme kə delel dən mə.

³ Məlok-lokər acerəɲ fəp, akə ilas kifir ka dəcerəɲ mə: ɲa ɲandelompse Aruna yamos, nyē endeberne k'ande pacsəkəs kə-ε, a padeyəne oɲ wəlon̄ne kem.

⁴ Yamos nyē yə pəmar ɲalompəs: Yuba yegbəkne dəbəkəc, дума da efəd, burumus, дума dedisre, kəfakəl, kə tabataba. ɲalompse wənc əm Aruna kə awut ən yamos ya dəKanu nte təɲsəɲe ɲade ɲacbəc em yəbəc ya kəlon̄ne mə.

⁵ Acərə kədu ɲalək kəma, kəloto ka səbeɲa sa kentələr alom ɲa məntambənc, ɲa bulu, kə ɲeyim.»

Efəd ɲa wəlon̄ne wəpəɲ

⁶ «Acərəɲ ɲadune дума da efəd kəloto ka səbeɲa sa kentələr, sa alom ɲa məntambənc, alom ɲa bulu kə ɲeyim kə səbeɲa sa kəma.

⁷ Palompəs yeyese banca mərəɲ, pasətərəne yi cəsək ca banca ya дума da efəd.

⁸ Pasətərəne sə tabataba yəyəne paka pin kə дума da efəd. Tolompəs ta yi towurenē: Kəloto ka səbeɲa sa kentələr, səbeɲa sa alom ɲa məntambənc, sa alom ɲa bulu, kə alom ɲeyim kə səbeɲa sa kəma.

⁹ Mələk sə walakə wa masar mətət ma onikəs mərəɲ nwe məndecic mewe ma awut a Yakuba mə.

¹⁰ Pacic mewe camət-tin tassar təcəkə-cəkə kəron̄, kə mewe məlpəs məkə camət-tin sə tassar ta mərəɲ təkə kəron̄, təkə ɲambəkənē mə.

¹¹ Masar məpat maməkə mərəɲ məyəne yəbəc yətət, wəcərə kəpat pəpatəs tamp ta masar pəcicəs mi kəron̄ mewe ma awut a Yisrayel, pəber mi fərəm fa kəma.

¹² Mədə məsətərəne masar maməkə mərəɲ yeyese banca ya дума da efəd kəron̄, təyənē təcəmcəməs ta awut a Yisrayel (Yakuba). Ti disre Aruna ende pəcdətərne mewe maməkə dəbanca fər ya ina MARIKI kirin̄ nte təɲsəɲe iccəm-cəmne nu tēm fəp mə.

¹³ Məlompse fərəm fəfəkə kəma,

¹⁴ mədu megbəkce mərəɲ pəmə kəbənda yayəkə sə kəma kəsoku pəs, nyē andekədətər fərəm fəfəkə mə.»

Yuba ya kiti nyē wəlon̄ne wəpəɲ eɲgbəkne mə

¹⁵ «Məlompəs yuba ya kiti yegbəkne dəbəkəc, pasəte yi kəloto ka səbeɲa sa kentələr, səbeɲa sa kəma, səbeɲa sa alom ɲa məntambənc, alom ɲa bulu, alom ɲeyim pəmə təkə alompəs дума da efəd mə. Yəbəc ya wəcərəɲ yendeyi yayəkə.

¹⁶ Panut ki kəmerəɲ, kəsək o kəsək kəyə dobolu da kəca disre katin.

¹⁷ Pəmar məcek kəloto kan̄kə kəron̄ masar momotər-motər cəgba maɲkələ: Kəgba kəcəkə-cəkə kəyə tassar teyim, tassar p'alom ɲa cəbe, kə tassar pa alom ɲa bulu ɲəɲəɲksəl pəbuk.

¹⁸ Kəgba ka mərəɲ kəyə masar momotər-motər mme: Tassar teyim ceɲ, tassar t'alom ɲa bulu kə diyamaɲ.

¹⁹ Kəgba ka maas kəyə masar mme: Tassar pa alom ɲa alembəra, tassar pa lom yəla cəgber kə tassar ta alom ɲa məntambənc.

²⁰ Kəgba ka maɲkələ kəyə masar mme: Tassar ta alom ɲəbuk məl, tassar ta lom yəcəmcəmər kə tassar ta alom ɲəbuk. Tassar o tassar məde məsetər pi dəfərəm fa kəma.

21 Pacic mewe ma awut a Yisrayel (Yakuba) masar maməkə wəco kə merəñ (12) kəron pəmō təkə ancic tamp mə. Tasar o tasar tende kəcmentər tewe ta kusunja kin nce wəco kə merəñ (12) dacə ca Yisrayel.»

22 «Məde məlompse yuba yegbekne debəkəc megbekce ma kema kəsoku pes.

23 Məlompəs curunde merəñ nce mənəkəber moñkubut merəñ makəron ma yuba yegbekne debəkəc mə.

24 Məgbəkər megbekce maməkə merəñ ma kema curunde cəkə cəyi dəmonkubut ma yuba yegbekne debəkəc yayəkə mə.

25 Məde məgbəkər sə cəsək cəpəs ca megbekce maməkə merəñ dəfərem merəñ nfe fəyi yeyesə banca ya дума da efəd mə tekiriñ.

26 Məlompəs sə curunde merəñ ca kema nce andekəber moñkubut mantəf ma yuba yegbekne debəkəc, kəsək kañkə kəndekə kəcgbunene дума da efəd mə.

27 Məlompəs sə curunde merəñ cəlma ca kema nce andekəber yeyesə banca ya дума da efəd tantəf mə tekiriñ, dəkəsətərene da yi pəsurenə kə takəron ta tabataba ta дума da efəd.

28 Kəbənda ka alom ɲa məntambənc kə mənəkəkotərene curunde ca yuba yegbekne debəkəc kə ca дума da efəd, nte tənşəne yuba yedenşə takəron ta tabataba pa дума da efəd, tənşəne sə yuba kətətam kəsakene kə дума da efəd mə.

29 Ti tendesəne Aruna kəberə nde aŋgbip ɲosoku pəgbekne yuba ya kiti debəkəc, nyə yəyə mewe ma cusunja ca Yisrayel fəp mə. Ti tənşəne ina MARIKI kəccem-cemne nu təm fəp.»

30 «Məna Musa, mədekə məber nde yuba ya kiti disre masar ma kiti merəñ <Yurim> kə <Tumim,> nte tənşəne meyi Aruna debəkəc k'endebere nde MARIKI fər kiriñ-ε. Ti disre Aruna ende kəcgbekne yi təm o təm k'endebere nde MARIKI fər kiriñ nte tənşəne aka Yisrayel ɲacəre kiti kem mə.»

Yamos ya aloñne yələma

31 «Məde məlompse burumus ba efəd səbeña sa alom ɲa məntambənc fəp.

32 Dede dəyə dəkəməl domp nde dacə da burumus babəkə, pəmar pagbent bi hañ panəñkər, pəmō nte andu yamos ya akata, nte tənşəne ta bewale mə. Yəbəc ya wəcerəñ kədu yendeyi.

33 Mədu burumus babəkə tantəf cəpare ca alom ɲa məntambənc, alom ɲa bulu k'alom ɲeyim. Məbersər-bərsər hañ mənəñkər meñgbenkəle ma kema lulu ya cəpare dacə.

34 Tenğbenkəle pa kema pin kəpare kin, tenğbenkəle pa kema pin kəpare kin y'añkəbersərene burumus tantəf hañ panəñkər.

35 Duma dadəkə də Aruna ende kəcbərne k'endekəbəc'em yəbəc ya wəloñne-ε. Dim da ɲgbenkəle dadəkə d'ande kəcne k'endebere nde aŋgbip ɲosoku fər ya MARIKI kiriñ kə k'ende kəcwur di-ε, ti tənşəne kə kətəfi.»

36 «Məlompəs abəpər ɲa kema kəsoku pes ɲne andecic <Dosoku da MARIKI> pəmō təkə ancic tamp mə.

37 Məkotərene abəpər ɲaɲəkə kəfakəl tekiriñ kəbənda ka alom ɲa məntambənc.

38 Abəpər ɲaɲəkə aŋkotər Aruna dətobu mə ɲendesəkəs yoloñne ya aka Yisrayel fəp, nte tənşəne ina MARIKI ide icbañ kəpocə kəñan, ali ɲacciya-ciya kəcker'em yopocə yayəkə.

39 Duma dedisre kə kəfakəl yə məndelompse kəloto ka səbeña sa kentəler. Məlompse kə sə tabataba, yəbəc ya wəcerəñ kədu yendeyi.»

Yamos ya aloñne aləma

40 «Nte təyənə ta awut arkun a Aruna mə, suma sədisre s'andesəte ɲa, mabamaba kə cəfakəl nyə ɲande ɲacmentəre dəkəcəme kə delel dañan mə.»

41 «Kə məna Musa, mən'endebər wənc əm Aruna kə awut ən yamos yayəkə, məbəy ɲa moro dəsəbomp mədeñər ɲa pəsare pañan. Tatəkə tə məndekə cəmbər ɲa dekiriñ, ɲayənə afum asoku, ɲacəbəc em oñ yəbəc ya aloñne.

⁴² Məlompse ɲa cəɟba ca kəloto ka səbeɲa sa kentəler nte tɔɲsɔɲe ta ɲawur kəsəkər mə, cəɟba cacəkɔ cəcyefe ɲa dəfi haɲ nde dələɲk.

⁴³ Cəɟba cacəkɔ cə Aruna kə awut ɔn arkun ɲande ɲacberne kə ɲande kəcbere nde aɲɟbancan ɲebəpene kə Kanu, kə pəyɔne fe ti, kə ɲade kəclətərne nde tetek toloɲne-ε. Ti disre ɲafədesare kiciya nke kəndedif ɲa mə. Sariye sa tem o tem sɔ nnɔ Aruna kə yuruya yɔn ɲayi mə.»

29

Kədəs ka aloɲne

¹ Kə MARIKI oloku: «Nte tɔ pəmar məna Musa məkə mədəs Aruna kə awut ɔn kəyɔne afum asoku, ɲacbəc'em ɲayɔn'em aloɲne: Mələk tura kə ɲkesiya yorkun nye merəɲ yətɔyɔ dolokəp,

² cəcom cətɔnəɲkəl lebin, cəcom cəlok-lok cətɔyɔ lebin papəkε ci moro, kə biskit bətɔyɔ lebin pasop bi moro, məlompse cəcom cacəkɔ fəp kəmbefe kətət ka bəle.

³ Məber ci dəkəfala məkekəre kəfala kaɲkɔ, tura kə ɲkesiya yorkun merəɲ.

⁴ Mələtərne Aruna kə awut ɔn arkun nde kusɲka ka aɲɟbancan ɲebəpene kə Kanu tekiriɲ, məbikneɲe ɲa domun.

⁵ Məde mələk yamos, məber Aruna yamos: Duma dedisre, burumus ba duma da efəd, duma da efəd, kə yuba yeɟbekne nye məndekəkotərne dəbəkəc kə tabataba pa duma da efəd mə.

⁶ Məcəp kə kəfakəl, mədətər ki tekiriɲ təbəpər teɟbekəre ta dəKanu.

⁷ Mələk moro məbɔy mopuse, məloɲər kə mi dərɔmp, tɔyɔne kədəs kə dekiɲ da ye bəc yem ya kəloɲne.

⁸ Kə telip-ε, məwe sɔ awut arkun a Aruna ɲacəɲne, ɲa sɔ məber ɲa suma sədisre saɲan.

⁹ Kə məlip-ε, məɟbəncəs Aruna kə awut ɔn arkun məbamaba maɲan, məcəpəs ɲa cəfakəl. Ti disre mədəs ɲa ye bəc yem ya dəKanu tɔyɔne oɲ sariye sa kor kəɲan doru o doru.

¹⁰ Mələtərne tura papəkɔ nde daɲɟbancan ɲebəpene kə Kanu. Aruna kə awut ɔn arkun ɲadeɲər pi waca dərɔmp.

¹¹ Məsü təbəl məfay wana wawəkɔ MARIKI fər kiriɲ ntende kusɲka ka aɲɟbancan ɲebəpene kə Kanu. Mecir ma wi məberε dətəbəl.

¹² Məɟbət telər dəmecir ma tura papəkɔ məsɔpət mi len maɲkəle ya moɲkubut ma tetek toloɲne, məloɲ mecir məlpəs nde pəcəməne pa tetek tatakɔ.

¹³ Mələk moro məkə moɲkump yedisre ya pəcəl papəkɔ mə fəp, pəwotwotər pa mim, fi nye merəɲ kə moro ma yi, məkə məcəf'em yi fəp nde tetek toloɲne kəroɲ.

¹⁴ Məcəf sɛm, yedisre ya aputuk kə akata ɲa tura yayəkɔ dənenc saɲka todoru. Kəloɲne kə nke kəɲsəɲe paɲaɲne aloɲne kiciya kəɲan mə.

¹⁵ Kə telip-ε, nəkerε aɲkesiya ɲorkun ɲəcəkɔ-cəkɔ, Aruna kə awut ɔn arkun ɲadeɲər ɲi waca dərɔmp.

¹⁶ Məsü təbəl məfay aɲkesiya ɲaɲəkɔ, mələk mecir məməkɔ məwəsəsər cəsək ca tetek toloɲne fəp haɲ mənoɲkər.

¹⁷ Məcənəs aɲkesiya ɲorkun ɲaɲəkɔ fəkəl fəkəl, məyak yedisre ya ɲi kə wəcək, məkə məboc yi fəkəl ya sɛm yayəkɔ kə domp kəroɲ.

¹⁸ Məcəfe MARIKI aɲkesiya ɲorkun fəp tetek toloɲne kəroɲ. Pəcəl pəcəf pə, mpe ancəfe MARIKI mə, əmbənc ɲa pi ɲontore-tore MARIKI abəkəc.

¹⁹ K'alip-ε, məkerε sɔ aɲkesiya ɲa merəɲ ɲəkɔ. Aruna kə awut ɔn arkun ɲadeɲər sɔ ɲaɲəkɔ waca dərɔmp.

²⁰ Məsü təbəl məfay aɲkesiya ɲaɲəkɔ. Mələk mecir ma ɲi məsɔp mi Aruna kə awut ɔn ləɲəs ya waca wətət, kə telər təpəɲ mpe o mpe pa waca waɲan wətət, kə telər təpəɲ mpe o

mpε pa wεcək wanjan wətət. Mələk mecir mēlpəs, məwεsəsər mi cəsək ca tetek toloņne fəp hañ mənəñkər.

²¹ Mələk sə mecir məkə meyi tetek toloņne kəroņ mə kə moro məbəy məwεsəsər mi Aruna kə yamos yəñ, məyə sə tin tayi awut əñ kə yamos yanjan. Kələk dəsək dadəkə, Aruna kə awut əñ ηayəne oñ aloņne apus em.

²² Mələk moro ma aņkesiya ηorkun, kələña, moro mme monjkump yedisre ya aņkesiya mə, pəwotwotər pa mim, kə fi merəñ kə moro mme monjkump yi mə kə aləñk ηa kəcək kətət. Aņkesiya ηorkun ηedəse ηa dekirin da kəloņne ηə.

²³ Məwure cəcom cətəyə lebin cələma dəkəfala nke ancəmbər MARIKI fər kirin mə: Kəcom kəlok-lok kin, kəcom nke anəktərəne moro ma olif mə, kə biskit.

²⁴ Məber yi fəp Aruna dəwaca kə awut əñ, mətubucne kəsəñ yi ina MARIKI fər kirin.

²⁵ Kə telip-ε, məbañər ηa yi dəwaca, məkə məcəfe yi MARIKI nde dətetek poloņne kəroņ. Ambənc ηa yi ηontore-tore MARIKI abəkəc. Kəloņne kə, nke ancəfe MARIKI mə.

²⁶ Mələk kəmpəcpəc ka aņkesiya ηorkun ηa merəñ ηedəse ηa Aruna dekirin da kəloņne, mətubucne kəsəñ ki MARIKI kəca kam pəmə təkə aņsəñ fum paka mə, sēm ya mənə ya yayəkə.

²⁷ Məsəkəs kəmpəcpəc nke mändesəñ MARIKI pəmə təkə aņsəñ fum daka mə. Məsəñ sə aləñk ηa aņkesiya ηorkun nne anafek teta kədəse Aruna k'awut əñ dekirin da kəloņne mə.

²⁸ Yopoc merəñ yayəkə ya Aruna kə awut əñ yə, tendeyəne sariye sa tēm o tēm aka Yisrayel dacə. Bawo yopocə ya kəfek yayəkə, yoloņne ya kəpañne pəforu yə, nyε yəyəne ya MARIKI mə. Mba Aruna k'awut əñ ηande ηacsətər yi aka Yisrayel dəyoloņne yanjan.

²⁹ Kə Aruna efi-ε, yamos yəñ ya dəKanu yayəkə wələma aņsəñ yi awut əñ dacə, wəkəkə sə pəberne yi dəsək nde ambəy moro kədəs kə dekirin da yəbəc ya dəKanu mə.

³⁰ Wəloņne wəkin awut əñ dacə nwe andedəs dəkəcəme da Aruna mə, emberne yamos yayəkə mata camət-merəñ, k'endebere aņgbancan ηəbəpene kə Kanu disre kəkəbəc'em nde aņgbip ηosoku-ε.

³¹ Mələk aņkesiya ηorkun nne ηəyəne ηedəse dekirin da kəloņne mə, məpəc sēm yayəkə kəfo kəsoku kələma sañka disre.

³² Aruna kə awut əñ arkun ηasəm sēm yayəkə, kə cəcom cəkə cəyi dəkəfala mə, nde kusəñka ka aņgbancan ηəbəpene kə Kanu.

³³ Na gbəcərəm ηə pəmar kəsəm ka sēm ya kəsəkəs ka kiciya yayəkə kə kəloņne ka kədəs dekirin da kəloņne kem kə kəsəkəs ka yi. Pəmar fe fum wəcuru pəsəm sēm yayəkə, bawo yeri yosoku yə.

³⁴ Kə pəyəne a sēm ya yoloņne yayəkə, kə pəyəne fe ti, cəcom cələma cəncəme hañ bətbət-ε, məgbal yelpəs yəkə dənənc. Pəmar fe pasəm yi, bawo yeri yopus yə.

³⁵ Məyə Aruna kə awut əñ arkun pəmə təkə isom əm ti mə fəp. Mata camət-merəñ mə mändedəs ηa dekirin da kəloņne.

³⁶ Dəsək o dəsək mata camət-merəñ maməkə disre pəmar məloņne tura pin teta kətubucne ka kəsəkəs ka kiciya. Ti təñsəñe məsəkəs tetek toloņne kətəsək ka pi. Kə tencepər-ε, məloñər moro tetek toloņne kəroņ nte təñsəñe məpusε pi MARIKI mə.

³⁷ Mata camət-merəñ mə mände mətubucne kəsəkəs tetek toloņne teta kəpusε ka pi MARIKI. Itə tetek toloņne pəñyəne oñ posoku pəs mpε ampuse MARIKI mə, təcsəñe paka o paka pogbuñene pi, ampuse pi MARIKI. Kə təyəne fum pəgbuñene pi-ε, əñyəne oñ fum nwe ampuse MARIKI mə.»

Kəloņne fəp ka dəsək o dəsək

³⁸ «Dəsək o dəsək pəmar məde məcloņne oñ tetek toloņne kəroņ ηkesiya yorkun merəñ ya teren tin tin.

³⁹ Aņkesiya ηin bətbət bə məñloņne ηi, aņkesiya ηa merəñ dəfəy də məñloņne ηi.

⁴⁰ Ankesiya ηocakɔ-cɔkɔ pacɔfe ηi MARIKI kɔ kambefe kɔtɔt kilo kɔmaas nke ampɔcke moro mɔtɔt ma olif liter din kɔ dacɔ mɔ, mɔlonjɔr ki wen liter din kɔ dacɔ teta kɔlonje.

⁴¹ Kɔ dɔfɔy dembɔp-ε, mɔker'em sɔ ankesiya ηa merɔn mɔdenjɔr ηi kɔlonje ka menjben kɔ ka wen pɔmɔ tɔkɔ mɔker'em bɔtbɔt mɔ. Yolɔnje yɔ, nyε ancɔfe MARIKI mɔ, ambɔnc ηa yi ηontore-tore kɔ abɔkɔc.

⁴² Tekirinɔn o, dɛtemp o dɛtemp dende kɔclɔn'em kɔlonje ka kɔcɔf pɔcɔl nde kusunja ka anjbanan ηɛbɔpɛne kɔ Kanu, fɔr ya MARIKI kirinɔ. Difɔ indekɔ icbɔpɛne kɔ nana a iclok-lokɔr ɔm di.

⁴³ Difɔ indekɔ icbɔpɛne k'aka Yisrayel, nɔrɔ da debeki dem dende docpus di.

⁴⁴ Ina MARIKI in'endesɔpus anjbanan ηɛbɔpɛne kɔ tetek tolonje, ipus sɔ Aruna kɔ yuruya yɔn nte tɔnsɔne ηade ηayɔne alɔne em.

⁴⁵ Indende aka Yisrayel dacɔ, iyɔne Kanu kɔnan.

⁴⁶ Aka Yisrayel ηandecɔre a in'ɔyɔne MARIKI Kanu kɔnan, ina nwe inawurene ηa atɔf ηa Misira, idende ηa dacɔ mɔ. In'ɔyɔne MARIKI, Kanu kɔnan.»

30

Tetek pɔcɔfe MARIKI suray

¹ Mɔde mɔlompɔs tetek pɔcɔfe MARIKI suray. Kɔtɔk ka kasiya kɔ mɔndelompɔs pi.

² Dɔbolu da tetek papɔkɔ dɔyɔ kururu katin, kɔ dowokulu da pi kururu katin, pɔndetɔnɛne cɔsɔk fɔp. Deɔeci da pi dɔyɔ cururu merɔn, tetek papɔkɔ kɔ len ya pi yetɔpɔrene yɔyɔne paka pin.

³ Mɔsɔp pi kɛma kɔsɔku pɛs, kɔlek amɛsa ηa pi kɔron kɔbɔp ka cɔsɔk ca pi kɔkɔ haɔ len ya pi. Mɔlompɔs pi kɔbɔr ka kɛma cɔsɔk haɔ mɔnɔnkɔr.

⁴ Mɔlompɔs cɔsɔra merɔn ca kɛma, mɔber ci kɔbɔr tantɔf ka cɔsɔk merɔn ca tetek papɔkɔ. Cɔsɔra cacɔkɔ cɔ andekɔ pɔcɔr cɔgbo, nte tɔnsɔne pactam kɔselɛn pi mɔ.

⁵ Mɔde mɔpat cɔgbo ca kɔtɔk ka kasiya, mɔsɔp ci kɛma.

⁶ Mɔkɔ mɔcɔmbɔr tetek papɔkɔ tekirinɔ ta kɔloto kɔkɔnkɛ kanjɔra nke kɔyɔ walake nwe wementɔr danapa dem kɔ aka Yisrayel mɔ. Afɛnk ηɔsɔkse kiciya nne anjɔpɔr kanjɔra kɔron mɔ, difɔ sɔndekɔ sɔcbɔpɛne.

⁷ Bɔtbɔt o bɔtbɔt Aruna pɔdekɔ pɔccɔf'em di suray k'ende kɔclompɔs sɔlamp-ε.

⁸ Aruna pɔdekɔ pɔccɔf suray sɔbotu ambɔnc sasɔkɔ k'endekɔ pɔcmot sɔlamp dec dɔrɔfɔy-ε. Pɔmar pade paccɔf suray sasɔkɔ dɛtemp kɔ dɛtemp donu.

⁹ Tetek tɔ nte pɔntɔmar nɔde nɔccɔfe di MARIKI suray sɔcuru mɔ, pɔmar fe nɔclɔne di yɔcɔl yɔcɔf, ta nɔclɔne di sɔ kɔlonje ka menjben, afɔde pɔclɔnɔr di wen wa kɔlonje.

¹⁰ Katin gɔnɔn teren disre tɔ Aruna ende pɔctubucne kɔsɔkɔs kiciya len ya tetek tolonje kɔron. Dɛtemp kɔ dɛtemp ende pɔctubucne kɔsɔkse tetek mecir ma pɔcɔl pa kɔlonje ka kiciya katin teren o teren. Tetek tosoku pɛs pɔ pɔyɔne oɔn, mpe ampuse MARIKI mɔ.

Dut da anjbanan ηosoku

¹¹ Kɔ MARIKI olɔku Musa:

¹² Kɔ mɔndekɔlip kɔlɔm aka Yisrayel fɔp-ε, nwe o nwe pɔfɛke MARIKI gbeti kɔway ka kɔyi kɔn doru, nte tɔnsɔne ta docu nde o nde dosumpɔr ηa tem ta kɔlɔm mɔ.

¹³ Afum ane andekɔlɔm mɔ fɔp, nte tɔ ηandekɔfɛk: Gbeti gbɔlen kɔram kɔcamɔt pɔmɔ potubuc pa nde anjbip ηosoku mpe pɔyɔne kɔram wɔcɔ merɔn (20) mɔ. Ina MARIKI andefɛke gbeti babɔkɔ.

¹⁴ Nwe o nwe andekɔlɔm nwe ɔsɔtɔ meren wɔcɔ merɔn (20) mɔ, haɔ kɔpe takɔron fɔp fanan ηafɛke MARIKI.

¹⁵ Wɔka daka ɔfɔla wɔtɔyɔ daka kɔfɛk kanjɔ, fɔp fanan ηandetɔnɛne kɔfɛk nwe o nwe endefɛke MARIKI gbeti gbɔlen kɔcamɔt, nte tɔnsɔne ηawurusne kɔyi kɔnan doru mɔ.

¹⁶ Kə məlip kəbanəs kəfək kanəkə-ε, məde məclompse gbeti babəkə mes ma anğbancan ηəbəpene kə Kanu. Ti tende kəcsəηe MARIKI kəcem-cemne aka Yisrayel pəcyac ηa teta kəwurus kəyi kəηan doru.

Kəsamp kəsəkəsnene

¹⁷ Kə MARIKI oloku Musa:

¹⁸ Məsəl kəsamp ka kəpər, kə pəcəməne pa ki sə pəyənə kəpər, məber kəsamp kanəkə domun nde aloηne ηande ηacsəkəsnene mə, məkə məcəmbər kəsamp kanəkə tetek toloηne kə anğbancan ηəbəpene dacə.

¹⁹ Kəsamp kanəkə kə Aruna kə awut ən arkun ηande ηacket domun nde ηande ηacbiknene waca kə wəcək mə.

²⁰ Kə ηambere anğbancan ηəbəpene kə Kanu disre-ε, domun dadəkə də ηande kəcbikene, ti təηsəηe ta ηafi-ε. Tin tayi tə kə ηande kəkəkə kələtərne tetek toloηne kəkəbəc kə kəcəfe MARIKI yoloηne-ε.

²¹ Wəcək kə waca wə pəmar ηacbikene, nte təηsəηe ta ηafi mə. Sariye sa tēm o tēm sə, nno Aruna kə yuruya yən ηayi mə detemp kə detemp.

Moro məbəy ma kədəs ka aloηne

²² Kə MARIKI oloku Musa:

²³ Məna mələk suray səbotu ambənc: Kələl ka kətək nke aηwe mir mə kilo kəcəmət, pol ya kətək kəbifəli nke aηwe sinamən mə kilo mərəη kə dacə, kə kilo mərəη kə dacə ka awo ηələma nηe ηəmbət ambənc mə,

²⁴ kə kətək ka kasiya kəbifəli kilo kəcəmət pəmə potubuc pa nde anğbip ηosoku, kə moro ma olif liter camət-tin.

²⁵ Məlompse yi moro məbəy mopus ma dəKanu: Pagbuluη mi labunde, təyənə yebəc ya wəcəre kəlompəs labunde. Moro mopus mə mme ande pacbəy nde dəKanu mə.

²⁶ Moro maməkə mə mənde məcbəy anğbancan ηəbəpene kə Kanu kə kanəkəra nke kəyə walake nwe wementər danapa da MARIKI kə aka Yisrayel mə,

²⁷ kəbər ka amesa kə yosumpər-sumpər ya ηi fəp, pədete səlamp kə yosumpər-sumpər ya pi, tetek pəcəfe MARIKI suray,

²⁸ tetek toloηne yəcəf kə yosumpər-sumpər ya pi, kəsamp kə pəcəməne pa ki.

²⁹ Məpusə MARIKI ca cacəkə, yendeyənə ca cəpus yosoku pəs, təsəηe paka mpe o mpe kə pəyənə fe ti fum nwe o nwe oηgbuηene ca cacəkə mə, əηyənə oη fum nwe ampuse MARIKI mə.

³⁰ Məbəy sə Aruna moro maməkə kə awut ən kədəs ηa dekirin da kəloηne, məpus ηa nte təηsəηe ηacbəc'em oη mə.

³¹ Məloku aka Yisrayel: Moro məbəy mopus ma ina MARIKI mə, detemp kə detemp donu.

³² Ali fum əfəsopə mi dəris tatəkə kifəli, ali fum pəmar fe sə pəlompəs moro mowurene ma mame. Moro mə mme ambəy kəpus ka aloηne aηe andəs dekirin da yebəc ya dəKanu mə. Moro mopus mə mme pəmar aka Yisrayel ηələləs MARIKI fər kirin mə.

³³ Nwe o nwe olompəs moro mowurene ma mi, pəsop mi wətəyənə wəloηne mə, aηwure wəkayi aka Yisrayel dacə.

Kəlompəs ka suray

³⁴ Kə MARIKI oloku Musa: Mələk ca cəbotu ambənc: Stakte, onikəs kə kalbanəη, mənəηkəl yi kə suray sətət sa kələl ka kətək, yetəηnene delay.

³⁵ Wəcəre kəlompəs labunde pənəηkəl suray sasəkə mēr, nte təηsəηe pəsətə suray sətət kə səsoku nse ampuse yebəc ya dəKanu mə.

³⁶ Pabifəli suray sələma, nse andekəboc nde kanəkəra nke kəyə walake nwe wementər danapa da MARIKI kə aka Yisrayel mə tekirin ta nde anğbancan disre kəfo nke səndekə səcbəpene mə. Suray sosoku sə nse ampuse MARIKI mə.

³⁷ Pəmar fε nədə nəclompəs suray səwurene sa sanse nse afum ηanşope kifəli mə, pəmar səyone nu səpuse fum nwe andəs dekirin da yebəc ya MARIKI mə.

³⁸ Nwe o nwe olompəs suray pəmə sanse, teta kəne ka si ambənc ηobotu mə, aηwure wəkayi aka Yisrayel dacə.

31

Alompəs a anġbancan ηebəpene kə Kanu

¹ Kə MARIKI oloku Musa:

² «Mənənk iwe Betsalel tewe tən, wan ka Uri, wansə ka Hur, wəka kusunġa ka Yuda.

³ İlas kə amera ηa Kanu nte tənşəne pəcerne, pəsək domp, pəcəre yebəc fəp mə,

⁴ encəre kəpər yebəc ya kema, ya gbeti kə ya kəpər,

⁵ kəpat ka masar momotər-motər kə kəset mi dəfərem, kəpat ka tək, kə decerəη da yebəc fəp.

⁶ İsonġ kə wəmar nwe əyone Oholiyab wan ka Ahisamak wəka kusunġa ka Dan, k'isəη sə afum aləma decerəη. Nə η'andekəberene kəbəc ka təkə isom əm mə fəp:

⁷ Kəyefe ka anġbancan ηebəpene kə Kanu kəbər ka kanġərə nke kəyə walake nwe wementər danapa da MARIKI k'aka Yisrayel mə, kəkə afenġk ηəsəkse kiciya, kə yosumpər-sumpər ya anġbancan,

⁸ kələk amesa kə yosumpər-sumpər ya ηi, pədetə səlamp pa kema kəsoku pəs, kəbər ka yosumpər-sumpər ya pi, tetek pəcəfe MARIKI suray,

⁹ tetek tolonne pa pəcəl pəcəf kə yosumpər-sumpər ya pi, kəsamp kə pəcəmene pa ki,

¹⁰ yamos ya dəKanu ya Aruna wəlonne kə yuruya yən nyə ηande kəcbərne kə ηandebəc'em-ε.

¹¹ Moro məbəy kə labunde dobotu ambənc da anġbip ηəsoku, acerəη ηalompəs yi pəmə təkə isom əm ti mə.»

Simiti dəsək da kəηesəm

¹² Kə MARIKI oloku Musa:

¹³ «Məloku aka Yisrayel: Nədə nəcleləs dəsək da kəηesəm dem, tendeyone ina kə nənə aka Yisrayel dacə teġbəkəre han detemp kə detemp da yuruya yonu, ti tendesəne ηacəre a in'əyone MARIKI mme məηsəkəs nu, nəyone afum aηe ampus'em mə.

¹⁴ Nədə nəcleləs dəsək da kəηesəm nde ampuse MARIKI mə, bawo dəsək dopus də nno nəyi mə. Nwe o nwe əntələləs di mə, andif kə. Fum nwe o nwe embəc tebəc dəsək dadəkə mə, aηwure kə aka Yisrayel dacə.

¹⁵ Nədə nəcbəc mata camət-tin, mba simiti tataka ta camət-merəη təyone dəsək da kəηesəm nde ampuse MARIKI mə. Fum nwe o nwe embəc dəsək da kəηesəm dadəkə mə, andif kə.

¹⁶ Pəmar aka Yisrayel ηaleləs dəsək da kəηesəm. Nəcəme sariye sa di darəη detemp kə detemp, təyone tecəηse ta danapa da tēm o tēm.

¹⁷ Teġbəkəre tantə tendeyi onġ ina k'aka Yisrayel dacə tēm o tēm. Bawo mata camət-tin mə MARIKI enabəc antəf kə kəm, tataka ta camət-merəη k'esak yebəc, k'ηesəm.»

¹⁸ Nte MARIKI elip kələk-lokər Musa nde tərə ta Sinayi mə, k'əsəη Musa walake wa masar merəη nwe wementər danapa dən kə aka Yisrayel mə, nwe MARIKI enacice mələr mən yati mə.

32

Aka Yisrayel kələsər kəηan danapa kə Kanu

32-34

Tura ta kema

¹ Kə aka Yisrayel nənənk nte Musa oncwon kətor kəyefe ka nde tərə kəron mə. Awa, k'afum nənkə nəlonkane nnə Aruna eyi mə, kə nəloku: «Məlompsə su canu cəkət su fər kirin, bawo Musa fum wəkawə empenə su Misira mə, səncərə fe nte təsətə kə mə.»

² Kə Aruna oloku nə: «Nəwure yadələnjəs ya kəma nyə aran anu, awut anu arkun kə aran, nəmberəsne mə, nəker'em yi.»

³ K'afum aka Yisrayel fəp nəwure-wure yadələnjəs ya kəma nyə nənaberəsne dələnjəs mə, kə nəson yi Aruna.

⁴ Kə Aruna embanşər nə yi dəwaca, k'ənğbəce tərənka ta tura towut anata. K'aka Yisrayel nəloku: «Kanu kam kə kanke, Yisrayel, nkə kəmpen'am atəf nə Misira mə.»

⁵ Nte Aruna ənənk ti mə, k'olompəs tetek tolonne tura tatəkə tekirin. K'ənku: «Alna ambocə MARIKI kəsata!»

⁶ Dəckəsək k'aka Yisrayel nəyefe bətbət suy kə nənkere yolonne yəcəf kə yolonne ya kəpanne pəforu. Kə nəndə, nəndi yeri, nəmun, kə nəyefe kəwoləs-woləs.

⁷ Kə MARIKI oloku Musa: «Mətor katəna katəna, bawo afum am ane məsole kəwurene atəf nə Misira mə, nənciya pəpənj.

⁸ Nəmbəlkər kəğbayme dəpə dəkə imentər nə mə. Tərənka ta tura ta afec tə nəlompsə, kə nəntontnəne pi, kə nəlonnəne pi, nənkə kə nəloku: «Canu conu cə cance Yisrayel nce cəwurene nu atəf nə Misira mə!»

⁹ Kə MARIKI oloku Musa: «Awa, inənk nte afum akanə nəyi mə, atanı lənjəs nə nəyone fəp fənan.

¹⁰ Ndekəl on məc'em, kətəl'em kə pənder nnə nəyi mə, kəmələk nə k'inder fəp fənan, mba mənə indəsən'am kəyə yuruya yelərəm məyone wəka atəf nəpənj.»

¹¹ Kə Musa əletsəne MARIKI Kanu kən kənanne, k'oloku kə: «MARIKI, ta ake tə pəntələn'am nda afum am-ə, ane məwurene Misira fənəntər fəpənj kə səkət sa kəca kam mə-ə?»

¹² Təndəsəne aka Misira nədeloku: «Kəyə kənan pələc kə MARIKI owurene aka Yisrayel atəf nə Misira, kəkədif kənan nde dəməro, pəmələk nə, pənım nə antəf kəron!» Mətorə abəkəc ta məyə ti, məbupərə kəyə ka afum am pələc!

¹³ Məcem-cəmnə Abraham, Siyaka kə Yakuba, acar am ane mənaloku, məcderəm mənasərka: «İndəsəne afum am kəla pəmə cəs ca dərənç. İndəsən yuruya yam atəf nəne fəp nəne iloku ta nə mə, nəyone on kə kənan doru o doru.»

¹⁴ Kə MARIKI ombupərə sə pələc pəkə ənəcem-cəmnə kəyə afum ən mə.

¹⁵ Kə Musa ontor kəyefe ka tərə kəron, pətəmpər walake nwe mərənj, pəcicəs wi bəkəc yayı mərənj fəp.

¹⁶ Walake wawəkə mərənj, yəbəc ya Kanu yənayı, nkən Kanu ənəcicəs wi kəron kəca kən.

¹⁷ Nte Yosuwe ene aka Yisrayel kəkule-kule mə, k'oloku Musa: «Sim sa kəwan s'inə sənjə nde sənjə disre.»

¹⁸ Kə Musa oloku kə: «Ala bafə sim sa kəsətə kətəm ka kəyefərənə sə, bafə sim sa kəpariya kəyefərənə sə ina iyi kəne. Sim sa kəsata sə ina iyi kəne.»

¹⁹ Nte ələtərne sənjə mə, k'ənənk tərənka ta tura towut, k'ənənk sə afum nəcpise. Awa, kə pəntələ Musa, k'ənğbal walake wa masar wawəkə ənətəmpər mə, kə wənkə wəwəsle-wəsle nde tərə dəntəf.

²⁰ Kə Musa əlek tərənka tatəkə nənalompəs mə, k'ənənk pəber pi dənənç. Kə Musa embifəli yəlpəs yəkə yənəcəmə mə, k'ələk yi k'ənğbal dəromun nde ənəsən aka Yisrayel kəmun mə.

²¹ Kə Musa ənəkafələ nnə Aruna eyi mə, k'eyif kə: «Cəke cə aka Yisrayel nəyə əm nte məsəne nə kiciya kəpənj kanke mə?»

²² Kə Aruna oloku: «Ta pətəl'am, mariki mem! Mənə yati məncərə aka Yisrayel: Nəmbətər məs mələc.

²³ Nə nəlok'im: «Məlompsə su canu nce cəndəkət su kirin mə, bawo səncərə fe nte təsətə Musa nwe ənawurene su atəf nə Misira mə.»

24 K'iloku ɲa a nwe o nwe ɔɲyɔ peyesnɛnɛ pa kɛma mɔ pəwure pi! Kɔ ɲasɔɲ im yi, k'imber yi dənɛnc, kɔ tura towut tantɛ towur di disrɛ.»

Kətarəs

25 Kɔ Musa ɛnəɲk nte antəsɔtam kədusum afum mɔ, bawo Aruna ɛnasak ɲa ɲacyɔ tɔkɔ ɲafan mɔ, kɔ təsɔɲɛ ɲa kəyɔ tɔkɔ tɛɲlapəs ɲa nnɔ aterɛnɛ aɲan ɲayi mɔ.

26 Kɔ Musa ɔɲkɔ pəcəmɛ dəkusɲka da saɲka, k'oloku: «Nəna aɲɛ nəyinɛ MARIKI mɔ, nəder nnɔ iyi mɔ!» K'aka kusɲka ka Lewy fəp ɲaɲkɔ ɲamɛpɲɛ Musa dəntɔf.

27 Kɔ Musa oloku ɲa: «Nte tɔ MARIKI, Kanu ka Yisrayel kəloku: «Nwe o nwe pələk dakma dən, pəcop nnɔ dəkusɲka da saɲka haɲ dəkələpsər da si, kədifət awɛnc anu, anapa anu k'akomɛnɛ anu.»»

28 Dəsək dadəkɔ k'aLewy ɲalələs dim da Musa, kɔ təsɔɲɛ aka Yisrayel afum wul maas (3.000) kəfi.

29 Kɔ Musa oloku aLewy: «Kəyɛfɛ məkɔ andəs nu nəyɔnɛ ɔɲ afum aɲɛ ɲandeyi yɛbəc ya MARIKI mɔ, bawo nənesərɲɛ fɛ kədif ka awut anu kɔ awɛnc anu aɲa. MARIKI pəpocɛ nu məkɔ pətət!»

Musa ɛletsɛnɛ Kanu kəɲaɲnɛnɛ ka aka Yisrayel

30 Dəckəsək, kɔ Musa oloku aka Yisrayel: «Nənciya pəpəɲ! Ndekəl ɔɲ kəpɛ k'inder nde MARIKI eyi mɔ. Tələma ikɔtam kəsɔtər kɔ kəsəkəs ka kiciya konu.»

31 Kɔ Musa oluksərɲɛ nde MARIKI eyi mɔ, k'oloku: «Məɲaɲnɛ MARIKI! Afum akanɛ ɲanciya pəpəɲ, ɲalompəs canu ca kɛma.

32 Məɲaɲnɛnɛ ɲa kiciya kəɲan, iletɛn'am! Kɔ məyɔ fɛ ti-ɛ, mənim ina tewe nde buk bəkɔ mənacic mɔ.»

33 Kɔ MARIKI oloku Musa: «Fum nwe enciy'em mɔ, inliɲ tewe tən buk bem disrɛ.

34 Ndekəl ɔɲ, məkɔ, məsolɛ afum am məkekərɛ ɲa kəfo nke imentər əm mɔ. Mələkɛ mem mendəkɔ yi nu kirin, mba dəsək ndɛ inder kəboce nu kiti nde nəyi mɔ, indesɔɲ ɲa ayek ɲa kiciya kəɲan.»

35 Kɔ MARIKI osut aka Yisrayel, bawo ɲanacəmɛ Aruna darəɲ, a wəkakɔ pələmpɛ ɲa tərəɲka ta tura towut.

33

Kanu kəloku Musa kələk dəpɔ ɲakɔ

1 Kɔ MARIKI oloku Musa: «Nəyɛfɛ kəfo kaɲkɛ, məna k'aka Yisrayel aɲɛ məmpɛnɛ atəf ɲa Misira mɔ. Nəkɔ nde atəf ɲəkɔ inadɛrmɛ Abraham, Siyaka, kɔ Yakuba mɔ, icloku: «Indesɔɲ ɲi yuruya yam.»

2 Indesak mələkɛ meyi nu kirin, indekəbələs aKanaɲ, aMər, aHit, aPerisi, aHiwy, kɔ aYebus,

3 atəf ɲaɲəkɔ ɲombɔɲ dale k'awop mɔ. Mba ifədsole nu inasərka, innesɛ ta idekəlɪp nu kədifət, bawo afum atəɲi ləɲəs ɲɔ nəyɔnɛ.»

4 Nte aka Yisrayel ɲane moloku mebeɲəsɲɛnɛ maməkɔ mɔ, kɔ ɲanɔnɛ mi kəbal, nwe o nwe ɛnayɛsɲɛ fɛ sɔ.

5 Kɔ MARIKI oloku Musa: «Məloku aka Yisrayel: Afum atəɲi ləɲəs ɲɔ nəyɔnɛ. K'isolɛ nu kəkɔ tɛm tepic gbəcərəm-ɛ, inmələk nu dəpɔ. Nəwure yeyesɲɛnɛ yonu indeməmən nte indeyɔ nu mɔ.»

6 Ti disrɛ, k'aka Yisrayel ɲaɲgbek-gbeki yeyesɲɛnɛ yaɲan fəp kəyɛfɛ ka tərɔ ta Horɛb.

Aɲgbancan ɲɛbəpsɛnɛ kɔ Kanu

7 Kɔ Musa ɛlək aɲgbancan k'encəmbər ɲi nkənsərka saɲka todoru pəwak kəbəlɛnɛ ɲi. K'ewe di «Aɲgbancan ɲɛbəpɛnɛ kɔ Kanu.» Nwe o nwe encfan tes nnɔ MARIKI eyi mɔ, mɛnɛ wəkayi pəwur saɲka disrɛ pəder nde aɲgbancan ɲaɲəkɔ.

⁸ Kə Musa ende kəcwur kəkə danɣbancan-ε, aka Yisrayel fəp ɲaɲyεfε. ɲacəme-cəme cusuɲka ca cəbal cəɲan ɲagbətne kə haɲ pəbεre aɲɣbancan ɲaɲəkə disre.

⁹ Kə Musa elip kəbεre aɲɣbancan ɲaɲəkə disre-ε, acul ɲa kəp ɲotor ɲεcəme dəkusɲka da aɲɣbancan ɲaɲəkə, MARIKI pəlok-loku kə Musa.

¹⁰ K'aka Yisrayel fəp ɲanəɲk təkə kəp kəncəme kəsɲka ka aɲɣbancan mə, ɲayεfε fəp faɲan ɲatontəsne nwe o nwe nde kusɲka ka abal ɲən.

¹¹ MARIKI pəlok-lokər Musa ɲatefəreɲε, pəmə nte fum endelok-lokər wanapa kən mə. Kə telip-ε, Musa pəluku nde dəsəɲka. Mba wəmarsεne kən wətεmp Yosuwe wan ka Nun encyεfε fε aɲɣbancan ɲaɲəkə disre.

MARIKI kəlok-loku kən kə Musa

¹² Kə Musa oloku MARIKI: «Məməmən, məlok'im: «Məsolε aka Yisrayel,» mba məmentər f'em fum nwe məyi kəsom kədəmar im mə. Ti disre məloku: «Incəre tewe tam, k'iyek-yek əm, kə kəmar ka kəbətər kem kəmbəp əm.»

¹³ Ndekəl oɲ iletseɲ'am, kə pəyənε a məmar im teta kəbətər kam-ε, məsəɲ'em kəcəre səpə sam. Təɲsəɲ'em kəcər'am, təsəɲ'em sə kəmar ka kəbətər kam kəsəl'em. Məməmən afum a atəf ɲaɲε, akam ɲə!»

¹⁴ Kə MARIKI oloku Musa: «Inasərka, in'endekə kə mənə! Isəɲ əm sə pəforu.»

¹⁵ Kə Musa oloku: «Kə pəyənε a məfəkə-ε, ta məsəɲε su kəpε nnə de.

¹⁶ Cəke c'andetam kəcəre a məyεk-yek su ina kə afum am-ε? Kəyi kam su dacə gbəcərəm kəntam kəmentər kəgbey kosu kə afum alpəs aka doru.»

¹⁷ Kə MARIKI oloku Musa: «Indeyə təkə məloku mə. Incəre tewe tam, k'iyek-yek əm, kə kəmar ka kəbətər kem kəmbəp əm.»

¹⁸ Kə Musa oloku MARIKI: «Məmentər im nərə da debeki dam, iletseɲ'am.»

¹⁹ Kə MARIKI oloku Musa: «Indecepərən'am fər kirinɲ dobotu dem amera, icbonc sə tewe ta MARIKI fər yam kirinɲ. ɲaɲɲenε nwe ɲɲfaɲ kəɲaɲnεnε mə, indeyənε fum nənəfər nwe ɲdefaɲ kəyənε nənəfər mə.»

²⁰ Kə MARIKI endəɲər: «Məfədetam kənəɲk im kəro mənə Musa, bawo fum əfətam kənəɲk im kəro wəkayɲ pəyi sə doru.»

²¹ Kə MARIKI oloku: «Kəfo kə kaɲke ina kəsək, məcəme tasar tantε kəroɲ.

²² Kə nərə da debeki dem dendenacepər-ε, indeber əm abi ɲa tasar disre, ikump əm kəca kem haɲ iclip kəcepər.

²³ K'ilip kəcepər-ε, a idelinɲ kəca kem, tεm tatəkə məntam kənəɲk im kumunt, mba afətam kənəɲk im kəro.»

34

Walake wofu wa sariye

¹ Kə MARIKI oloku Musa: Məpat walake mərəɲ wa masar pəmə wəcəkə-cəkə, indecicəs moloku məkə mənayɲ walake wəcəkə-cəkə wawəkə mənapor-poru mə kəroɲ.

² Mələmpəsne bətbətana. Mədəna mənuɲkenε kəpε nnə tərə ta Sinayɲ kəroɲ, məkə məcəme fər yem kirinɲ dəndo tərə dətelempən.

³ Ali fum ta pəpε kə mənə, ta panəɲk sə fum tərə kəroɲ. Kəyεfε ka ɲkesiya, cir, cəna ta yələtərne di kəsəmət!

⁴ Kə Musa empat walake wa masar mərəɲ pəmə wəcəkə-cəkə. Kə Musa eyεfε bətbət suy k'empε nde tərə ta Sinayɲ kəroɲ pətəmpər walake wa masar wawəkə mərəɲ pəmə təkə MARIKI εnasom kə ti mə.

⁵ Kə MARIKI ontor dəkəp, k'əɲkə pəyi Musa kəsək, k'omboncne tewe tən: «MARIKI.»

⁶ Kə MARIKI encepər Musa fər kirinɲ pəcloku: «MARIKI, MARIKI, Kanu k'iyənε nke kəyənε nənəfər, kəɲaɲnεnε mə, Kanu nke pəntəbelkər kətεle mə, Kanu nke kəɲsektərne danapa da ki mə.

⁷ Kanu k'iyəne nke kəntəmpər kəsektərne danapa da fum hanj detemp wul win mə, Kanu nke kənaənene afum kiciya kənan, kətəcənkəl kənan kə pələc paŋaŋ mə. Mba kəfənaənene kiti ka fum nwe endəkət mə, fum nwe enciya mə inşəŋ kəway kələc kən yuruya yən detemp maas, hanj detemp maŋkələ.»

⁸ Kə Musa embəlkər kəcəp tobu dəntəf k'ontontne.

⁹ Kə Musa oloku: «Mariki, iletsen'am kə pəyəne a isətə kəmar ka kəbətər fər yam kirin-ε, məder Mariki məsolə su. Afum ataŋi ləŋəs ŋə səyəne yati, mba mənaənene kiciya kosu kə pələc posu, məlek su səyəne afum am.»

Kəgbəkəre sə kəsek danapa

¹⁰ Kə MARIKI oloku Musa: «Danapa də səndesek, fər ya afum am fəp kirin, indeyə mes məpəŋ mme məntatəyi doru dandə fəp mə, kə nda afum a təf yəlpəs nyə mə. Aka Yisrayel aŋe ŋandekəl əm mə, ŋandenəŋk yəbəc ya MARIKI, təyə təpəŋ nte indeyə kə məna mə.»

¹¹ «Mədə məcyə nte o nte inəkəsom əm məkə kədəyə mə. Indekəbeləs fər yam kirin Amər, aKanaŋ, aHit, aPerisi, aHiwy, kə aYebus.

¹² Məkəmbərne ta nədekəkəsek danapa kə afum aka təf nyə nəndekəberə mə, ta ŋadəyəne mowul aka Yisrayel dəcə.

¹³ Nədekə nəcwəkəc tetek toloŋne taŋan, nəgbal masar motontne maŋan məcəmbər, nəccəpəs mogbu maŋan motontne ma dəcənu.

¹⁴ Ta mədekə məctontnəne canu cəcuru, bawo tewe tən təyəne «MARIKI ma kəraca,» Kanu nke kəyə kəraca mə.

¹⁵ Ta mədekəkəsek danapa kə afum aka atəf ŋaŋəkə. Bawo kə teyi-ε, kə ŋandekəsali ŋacləŋne canu cəŋan-ε, ŋaŋw'am kəkətəŋne ti, kə məŋkə oŋ-ε, məfətam kəyi ta məndi yeri yayəkə ŋaŋkəloŋnəne canu cəŋan mə-ε.

¹⁶ Kə nəface awut anu arkun awut aŋan aran-ε, awut aran akakə ŋandebərse ŋa kəsali kə kəloŋne kəŋan ka canu cəcuru.

¹⁷ Ta mədekəlompəs canu ca fəc de.»

¹⁸ «Mədəkə məcboc kəsata ka cəcom cətəyə lebin: Mata camət-məerəŋ ma ŋof ŋa Abib, mədekə məcsəm cəcom nəc cəntəyə lebin mə, pəmə nte isom əm ti mə, bawo ŋof ŋa Abib, ŋaŋəkə disre ŋə mənayefe atəf ŋa Misira.»

¹⁹ «Pokom pəcəkə-cəkə porkun pa yəcəl fəp pemi pə, kələkəne pokom porkun mpə yəcəl yonu yende yockom mə, kələkə wana, wir hanj aŋkesiya.

²⁰ Məndekə məcwurus səfale səwut nəc andekəkəkom səcəkə-cəkə mə, aŋkesiya ŋorkun ŋa teren tin kə pəyəne fe ti ambiyofo, kə məntəwurus si-ε, mətepi si kilim. Mədəkə məcwurus awut am arkun acəkə-cəkə aŋe andekə packom'am mə.»

«Afəde packə nde kəfo kem kəsoku waca wəsəkər.»

²¹ «Məndekə məcbəc mata camət-tin, mələləs tataka ta camət-məerəŋ nte təyəne dəsək da kəŋesəm mə. Ali pəyəne a təm tebifti kə tetəl tə mələləs pi.»

²² «Mədəkə məcboc kəsata ka Mataka Moluksər, təm nte məndekəkəcop kətəl mə, kə kəsata ka Yətəl təm nte məndetəl dəcəbəf teren dəkələpsər mə.

²³ Kəren o kəren, kəmaas kə aka Yisrayel arkun pəmar ŋader ŋamentərne fər ya Wəbe MARIKI Kanu ka aka Yisrayel kirin.

²⁴ Bawo indekəbaŋər afum aləma təf yaŋan ibərənə yonu nte təŋsəŋe yonu yəbək mə, ali fum əfədekətubucne kəbaŋər nəna təf yonu təm tantə maas ta teren disre, nte mənde kəkə dəkəmentərne MARIKI Kanu konu fər kirin mə.»

²⁵ «Məfəde məcker'em pəcəl poləŋne kə paka pənəŋkəl lebin, pəmar fe məməŋk səm ya kəloŋne ka kəcəm-cəməs ka Kəcəpər ka mələkə medif kəyefe dəfəy hanj dəcəkəsək bətbət.»

²⁶ «Mədəkə məckerə nde kələ ka MARIKI Kanu kam yokom yəcəkə-cəkə ya antəf ŋam. Ta mədekə məcpece ambiyofo məse ma kere ka ŋi.»

²⁷ Kə MARIKI oloku Musa: «Məcic moloku mamε, bawo moloku mamε m'indeseke danapa kə mənə k'aka Yisrayel.»

²⁸ Kə Musa ηayi kə MARIKI mata wəco maηkələ pibi kə daη. Endi fε peri, omun fε domun. K'encicəs walake nwe kəronj moloku ma sariye sa danapa, metəkəs wəco.

Kəlukus ka Musa nde dəsəηka

²⁹ Kə Musa ontor kəyεfε ka tərə ta Sinayi kəronj pətəmpər walake mērəη nwe wementər danapa dən kə aka Yisrayel mə. Musa εnacərə fε a kələk-loku kən kə Kanu kənasəηε kə kəro kəmot.

³⁰ Aruna kə aka Yisrayel fəp ηaηgbətne Musa, nte kəro kən kəncmot mə. Kə ηanesε kələtərne kə.

³¹ Kə Musa ewe ηa. Kə Aruna k'akiriη a kələηkanε ka aka Yisrayel fəp ηander nnə nkən Musa eyi mə, k'olok-lokər ηa.

³² Nte elip mə, kə aka Yisrayel alpəs aηε ηələtərne kə oη, k'oloku ηa moloku məkə MARIKI εnasom kə nde tərə ta Sinayi kədəloku aka Yisrayel mə.

³³ Nte Musa elip kələk-loku ηa mə, k'elek kəfakəl k'əηkumpne kəro.

³⁴ Nte Musa endebere nde kəfo kəsoku kəkələk-loku kə MARIKI mə, k'eliηne kəfakəl dəkəro. K'owur kəyεfε ka dəndo kəfo kəsoku disre-ε, pəloku aka Yisrayel təkə MARIKI osom kə kədəloku ηa mə.

³⁵ Aka Yisrayel ηancməmən kəro ka Musa nte kəcmot mə. K'elip kələk-lokər ηa, pəkumpne sə kəro mənε dəsək nde əηkə sə nde kəfo kəsoku disre kəkələk-loku kə MARIKI mə.

35

Kəcəmbər ka aηgbancan ηosoku

35-40

Simiti dəsək da kəηesəm

¹ Kə Musa oloηka aka Yisrayel fəp, k'oloku ηa: «Nte tə MARIKI osom a pacyə:

² Mata camət-tin pabəc, mba tataka ta camət-mērəη, simiti, dəsək da kəηesəm də nde ampuse MARIKI mə. Fum nwe o nwe εmbəc dəsək dadəkə mə, andif kə.

³ Pəmar fε nəmot nenc dəsək da kəηesəm simiti nde wələ wonu.»

AYisrayel ηaηkεε kəfεk kəηan

⁴ Kə Musa oloku kələηkanε ka aka Yisrayel fəp: «Nte tə MARIKI osom:

⁵ «Nələk dəyəsətə yonu nəfεkε MARIKI. Wərkun nwe o nwe əsək abəkəc ηətət, pəkere MARIKI kəfεk: Kəyεfε kema, gbeti, kəpər,

⁶ cələto cəgbət karε alom ηa məntambənc, alom ηeyim, ηeyimbərər sə, cələto nce andune səbeηa sa kentələr kə cəfon ca wir mə,

⁷ kata ya ηkesiya yorkun nyε aηgbət karε alom ηeyim mə, kata ya ntempeli, tək ya kasiya,

⁸ kə moro momotεnε, labunde dobotu ambənc ndε ande pacgbuluη moro məbəy, kə suray səbotu ambənc,

⁹ kə masar mətət mme aηwe onikəs mə, kə mətət mələma mme andeber duma da efəd kə yuba yeηbekne debəkəc mə.

¹⁰ Acərəη aηε ηayi nu dacə mə fəp, ηader ηalompəs ca cəkə MARIKI osom nu kələmpəs mə fəp:

¹¹ Dəkiyi dosoku, aηgbancan fəp kə pəkumpε pa ηi, ηkora ya ηi, fərəm fa ηi, mogbu ma ηi, gbat-gbata ya ηi kə yecəmεnε ya ηi,

¹² kaηkəra ka dəKanu kə cəgbo ca ki kə afεηk ηəsəkse kiciya, kə kələto kəηεε,

¹³ amεsa kə cəgbo ca ηi, yosumpər-sumpər ya ηi fəp kə cəcom nce aləηnεnε Kanu mə,

¹⁴ pεdεtε səlamp kə yosumpər-sumpər ya pi, səlamp kə moro momotεnε,

¹⁵ tetek mpe ancəfε MARIKI suray mə, kə cəgbo ca pi, moro məbəy, suray səbotu ambənc, kələto kəηεε kəηkə andεt aηgbancan ηosoku dəkusūηka mə,

16 tetek tolonne yəcəf yəcəl kə manta ma kəpər ya pi, cəgbo ca pi kə yosumpər-sumpər ya pi fəp, kəsamp kəberə domun dəsəkəsne, kə pəcəməne pa ki,

17 cəloto ca saŋka, mogbu ma ci kə yecəməne ya mi, kə kəloto kəjere ka nde kusunja ka saŋka,

18 cəgbo cəcəf ca dəkiyi dosoku, ca saŋka, kə bənda yəkə pəmar mə,

19 yamos yodu yəkə pəmar pabərne a pabəc yebəc nde anjbip ɲosoku mə, kə yamos ya dəKanu nyə Aruna kə awut ən ɲandekə ɲacberne a ɲacbəce Kanu mə.»

20 Kə kəlɔŋkanə k'aka Yisrayel fəp ɲayefe fər ya Musa kirin.

21 Afum anje ɲanatese bəkəc mə fəp, kə ɲanjerə MARIKI kəfek kəjan teta yebəc ya anjbancan ɲebəpene kə Kanu, kə kəlompəs ka yamos ya dəKanu.

22 K'arkun kə aran ɲander. Afum anje ɲanayə bəkəc yosoku pəs mə ɲanjerə yeyesne ya kema yadələnəs, kurunde, yegbəkne, cəsora kə yeyesne fəp nyə alompse kema mə, kə ɲander ɲasəŋ yi MARIKI kəlɔŋne.

23 Anje ɲanayə cəloto ca alom ɲa məntambenc mə, alom ɲeyim, cəloto ca səbeja sa kentələr, ca cəfon ca wir, kata ya ɲkesiya yorkun nyə anjbət dəpəyim, kə kata ya ntempeli mə ɲanjerə yi fəp.

24 Anje ɲanamənkerne kəsək kəfek ka gbeti kə kəpər mə, ɲanjerə yi MARIKI. Anje ɲanayə tək ya kasiya mə, ɲanjerə yi teta yebəc yayəkə.

25 K'aran acerəŋ ɲandune cəloto ca suwa waca waŋan, kə ɲanjekərə nce ɲanadu mə, cəloto ca alom ɲa məntambenc, alom ɲeyim, alom ɲa bulu kə cəloto ca səbeja sa kentələr.

26 Aran acerəŋ aloma anje ɲanatese bəkəc mə, kə ɲandune cəloto cətelər cəfon ca cir.

27 K'akirin aka Yisrayel ɲanjerə masar ma onikəs kə masar mətət mələma mme pəmar pabərəs duma da efəd kə yuba nyə wəlɔŋne wəpəŋ enjbəkne debəkəc mə,

28 kə suray səbotu ambənc, kə moro momotene dəsəlamp, moro məbəy kə suray nse ancəf mə.

29 Arkun kə aran anje o anje ɲanatese bəkəc kəfəke yebəc nyə MARIKI enasom Musa mə, fəp ɲanakerə MARIKI kəpocə kəjan bəkəc yosoku pəs.

Betsalel kə Oholiyab ɲasumpər yebəc

30 Kə Musa oloku aka Yisrayel: Nəməmən, MARIKI ewe Betsalel tewe tən, wan ka Uri wansə ka Hur wəka kusunja ka Yuda,

31 k'elas kə amera ɲa Kanu nte tənsoŋe pəcərɲe, pəsək domp, pəcərə yebəc fəp mə.

32 Encərə kəpər yebəc ya kema, ya gbeti, kə ya kəpər,

33 kəpat ka masar momotər-motər, kə kəsət mi dəfərəm, kəpat ka tək, kə decerəŋ da yebəc fəp, kə kəpər ka yi.

34 Kə Kanu kəmpocə Betsalel pətət nte tənsoŋe pətam kətəkse afum aloma decerəŋ dadəkə fəp mə, kə kəmpocə sə Oholiyab wan ka Ahisamak wəka kusunja ka Dan pətət papəkə.

35 MARIKI enalas ɲa decerəŋ ɲactam kəbəc ka yebəc yayəkə fəp, kəyefe ka kəpat, kənəkəs, kəcəm, kədu cəloto ca alom ɲa məntambenc, alom ɲeyim, cəloto cəfəfər kə cəloto cətelər, kə kəpər ka yebəc fəp.

36

1 Kəyefe ka Betsalel kəkə ka Oholiyab kəbər ka acerəŋ alpəs akə MARIKI enasəŋ decerəŋ kə dosoku səbomp nte tənsoŋe ɲacərə yebəc ya nde anjbip ɲosoku ɲasumpər yebəc ɲasurene yi pəmə təkə MARIKI enasom ti mə.

2 Kə Musa ewe Betsalel, Oholiyab kə acerəŋ akə MARIKI enabər dosoku səbomp mə, anje bəkəc yaŋan yenasumpər kəbəc yebəc yayəkə mə.

3 Kə ɲasətər Musa ca cəkə aka Yisrayel ɲanafək teta kəlompəs kə yebəc ya anjbip ɲosoku mə. Bətbət o bətbət ankerə Musa yefək tun, bəkəc yosoku pəs.

4 Awa afum acerəŋ anje ɲanasumpər yebəc fəp ya anjbip ɲosoku mə, ɲancəmbərəs nwe o nwe yebəc yəkə enayi mə.

⁵ Kə ɲander ɲaloku Musa: Afum ɲayi kəcəpərər kəkere ka yefek teta yebəc yəkə MARIKI osom kəlompəs mə.

⁶ Kə Musa osom padəɲk san̄ka disrə fəp: Ali fum, pəyənə wərkun pəyənə wəran, ta pəten sə pefekə aɲgbip ɲosoku! K'ayamsər oɲ afum kənaɲkanə kəkere ka yefek yecəmbərə ya aɲgbip ɲosoku.

⁷ Yefek nyə anabaɲəs mə yenctəɲne haɲ yecəpərər teta yebəc nyə pənamar kəbəc mə.

Aɲgbip ɲosoku

⁸ Afum acərəɲ aɲe ɲancbəc mə fəp, ɲalompse dəkiyi dosoku cəpol wəco ca səbeɲa sa kentələr, alom ɲa məntambənc, alom ɲa bulu, k'alom ɲeyim, padu ci kəroɲ lulu ya mələkə kerub, yebəc ya acərəɲ yenayi.

⁹ Dobilu da cəpol cacəkə fəp dəyɔ nke o nke cururu wəco mərəɲ kə camət-maas (28) kə dowokulu da kəpol nke o nke dəyɔ cururu maɲkələ, cəpol fəp cənətəɲnənə potubuc.

¹⁰ K'əɲgbətlenə-gbətlenə cəpol kəcəmət kin kin, k'əɲgbətlenə-gbətlenə sə cəkə kəcəmət.

¹¹ Kə ɲawes-wesə dobol da kəloto kəcəkə-cəkə kəkəsək səbeɲa s'alom ɲa məntambənc, kə ɲanut yi, kə ɲayɔ sə tin tayi kəpol ka kəloto ka mərəɲ.

¹² Dobol da cəloto cacəkə mərəɲ, k'ewes-wesə di səbeɲa wəco kəcəmət (50), k'onut yi, k'əsəɲe yewes-wesi ya cəloto cacəkə mərəɲ fəp kəsurenə yin yin.

¹³ K'olompəs ɲkora wəco kəcəmət (50) ya kəma nyə enacəpərənənə cəloto cacəkə mərəɲ mə, kə təsəɲe cəloto ca dəkiyi dosoku kəyənə kin.

¹⁴ Nte elip mə, k'olompse cəpol ca kəloto kətelər wəco kə pin cəfon ca wir, nce enalompse dəkiyi dosoku mə, k'emperi ci dəkiyi dosoku kəroɲ.

¹⁵ Kəpol nke o nke kənaɲɔ dobolu da cururu wəco maas (30), kə dowokulu dəyɔ cururu maɲkələ. Cəpol nce wəco kə pin (11) cənətəɲnənə potubuc.

¹⁶ K'əɲgbətlenə taciɲa cəpol nce kəcəmət, k'əyɔ sə tin tayi cəkə camət-tin.

¹⁷ K'olompəs yewes-wesi wəco kəcəmət (50) kəpol kəkəsək ka yəgbətlenə yəcəkə-cəkə, k'onut yi. Kəpol kəkəsək ka yəgbətlenə ya mərəɲ yəkə k'olompəs yewes-wesi wəco kəcəmət (50), k'onut sə yayəkə.

¹⁸ K'olompəs ɲkora wəco kəcəmət (50) ya kəpər, k'əɲgbəkərənə yi kə təsəɲe aɲgbancan kəyənə ɲin.

¹⁹ K'olompse pokumpə pa aɲgbancan pəcəkə-cəkə kata ya ɲkesiya yorkun nyə anagbət karə kəyim mə, k'oɲkumpə tamərəɲ kata ya ntempeli.

²⁰ K'olompse dəkiyi dosoku tək ya kasiya fərəm k'encəmbər fi.

²¹ Dobilu da fərəm o fərəm dənaɲɔ cururu wəco kə dowokulu da fi kururu katin kə dacə.

²² Fərəm o fərəm fənaɲɔ sek mərəɲ nyə yenasol mə, tatəkə t'ənayɔ sə fərəm fa dəkiyi dosoku fəp.

²³ K'olompəs fərəm wəco mərəɲ (20) fa kəca kətət ka nde dec dəmpə da dəkiyi dosoku mə.

²⁴ K'olompəs yecəməne wəco maɲkələ (40) ya gbeti nyə enacəmbər tantəf ta fərəm wəco mərəɲ (20). Fərəm o fərəm fənaɲɔ yecəməne mərəɲ, kəsurenə ka bi nyə antam kəsət sek mərəɲ yəkə fərəm fəyɔ mə.

²⁵ K'olompəs sə fərəm wəco mərəɲ (20) fa kəca kəmeriya ka nde dec dəmpə da dəkiyi dosoku mə,

²⁶ kə yecəməne wəco maɲkələ (40) ya gbeti, ti tə tatəkə yecəməne mərəɲ yenayi fərəm fin tantəf.

²⁷ K'olompəs fərəm camət-tin fa təgbəkənə ta dəkiyi dosoku, kəca ka ntende dec dəɲkələ mə,

²⁸ k'olompəs fərəm mərəɲ taciɲa fa moɲkubut ma təgbəkənə pa dəkiyi dosoku.

²⁹ K'əɲgbepənə fərəm fafəkə mərəɲ kəyefe tantəf k'oɲkotərne fi takəroɲ kəsora kin. K'əyɔ tin tayi fərəm nfə mərəɲ, nfə fənaɲɔ moɲkubut yayəkə mərəɲ mə.

³⁰ Fərem camət-maas fənayi, kə yecəmənə wəco kə camət-tin (16) ya gbeti, ti tə tatəko fərem o fərem fənayo yecəmənə mərəŋ tantəf.

³¹ K'empat cəgbo ca kətək ka kasiya kəcamət nce cənasumpər fərem fəp fa kəsək kin ka dəkiyi dosoku mə.

³² Cəgbo kəcamət ca fərem fa kəsək ka mərəŋ ka dəkiyi dosoku, kə cəgbo kəcamət sə cəsumpərə fərem fa təgbəkənə ta dəkiyi dosoku, ntende dec deŋkalə mə.

³³ K'olompəs kəgbo kərəco nke kənacepər fərem fa kəsək kin fəp daco mə, kəyefe fərem fəcəkə-cəkə haŋ kəbər fəlpəs.

³⁴ K'osop fərem fəp kema, k'olompəs cəsora ca kema nde pənamar cəgbo cəcepər mə, k'osop sə ci kema.

³⁵ K'olompse kəloto kəkəŋke səbeŋa sa kentəler sa alom ŋa məntambənc, sa alom ŋa bulu kə sa alom ŋeyim. K'ondunə kəloto kaŋkə kəron mələkə kerub, yəbəc ya wəcərəŋ kədu yənayi yayəkə.

³⁶ K'empate ki mogbu maŋkələ ma kətək ka kasiya, k'osop mi kema. Mogbu maməkə mə anabər ŋkora ya kema. K'olompse mogbu maməkə yecəmənə maŋkələ ya gbeti.

³⁷ Dəkusunka d'aŋgbancan, k'ondunə kəloto kəŋere səbeŋa sa kentəler, k'ənəŋksəl si səbeŋa sa alom ŋa məntambənc, sa alom ŋa bulu kə sa alom ŋeyim.

³⁸ K'olompse kəloto kəŋere mogbu kəcamət kə ŋkora, k'osop yənekəs ya mogbu takəron kə gbat-gbata ya mi kema. Yecəmənə ya mi kəcamət, kəpər kənayi.

37

Kaŋkəra ka sede sa danapa

¹ Kə Betsalel olompse kaŋkəra ka sede sa danapa da MARIKI kə aka Yisrayel kətək ka kasiya. Kaŋkəra kaŋkə kənabəl cururu mərəŋ kə daco, kə dowokulu da ki dənayo kururu katin kə daco.

² Kə Betsalel osop kaŋkəra kaŋkə tedisre kə todoru kema kəsoku pəs, k'olompəs kəbər ka kema haŋ k'ənəŋkər.

³ K'olompəs cəsora maŋkələ ca kema nce ənabər moŋkubut ma kaŋkəra kaŋkə mə, kəsək kətət cəsora mərəŋ kə kəsək kəmeriya cəsora mərəŋ.

⁴ K'empat cəgbo mərəŋ ca kətək kəca kətət ka kasiya, k'osop ci kema kəsoku pəs.

⁵ K'osop cəgbo cacəkə cəsora cəcəsək nte təŋsəŋe pactam ki kəsələŋ mə.

⁶ Kə ŋalompse afəŋk ŋəsəkse kiciya kema kəsoku pəs, dobolu da ŋi dənayo cururu mərəŋ kə daco kə dowokulu da ŋi dəyo kururu katin kə daco.

⁷ K'olompse mələkə kerub mərəŋ kema kətemp, k'əsələrenə mi dəkəcop kə dəkələpsər da afəŋk ŋəsəkse kiciya kəron.

⁸ Məsələrenə mələkə kerub min dəkəcop da afəŋk kəron, mələkə kerub mərəŋ məkə dəkələpsər da ŋi kəron. K'olompəs mələkə kerub mərəŋ kə afəŋk ŋəsəkse kiciya, kə yəyənə paka pin nde dəkəcop kə dəkələpsər da ŋi kəron.

⁹ Mələkə kerub maməkə mərəŋ meperi banca takəron, yi yokump afəŋk ŋəsəkse kiciya, mənatəfərənə meti cəro ŋi kəron.

Amesa ŋa cəcom nce aŋsəŋ Kanu mə

¹⁰ Kə Betsalel olompse amesa kətək ka kasiya. Dobolu da amesa ŋaŋəkə dənayo cururu mərəŋ, kə dowokulu da ŋi dənayo kururu katin, kə deŋeci da ŋi kururu katin kə daco.

¹¹ K'osop ŋi kema kəsoku pəs, k'olompəs ŋi kəbər ka kema haŋ k'ənəŋkər.

¹² Kə Betsalel olompse cəsək cacəkə maŋkələ fərem nfe dowokulu da fi deŋctəŋnənə kə dowokulu da kəca disre mə, k'ember ki kəbər ka kema haŋ k'ənəŋkər.

¹³ K'olompəs sə cəsora maŋkələ ca kema nce ənabər moŋkubut m'amesa kəsurenə ka yecəmənə maŋkələ ya ŋi mə.

¹⁴ Cəsora cacəkə cənalətərnə fərem, difə ancəsor cəgbo nce anctam kələk ŋi mə.

15 K'olompəs cəgbo ca kətək ka kasiya k'osop ci kema, cəgbo cacəkə c'ancleke amesa njanəkə.

16 K'olompse yosumpər-sumpər ya demesa kəyefe pəlet, məbəl, səpət kə mapan nye ancəce teta yolonnenə ya moro kə ya wən mə, kema kəsoku pəs k'enalompse yi.

Pedete səlamp pa wara camət-mərən

17 Kə Betsalel olompse pedete səlamp kema kətemp kəsoku pəs, k'eselərenə kəyefe pəcəmənə, kəkə təmbonk pa pi, yənənə ya səlamp, yogbuc ya pi, kə yowurenə ya yelənk ya tək.

18 Wara camət-tin wencyefe dətəmbonk paracə, kəca o kəca wara maas.

19 Kəra o kəra kənayə yənənə ya səlamp maas nye yenawurenə yelənk ya tək yokom mə, kənayə sə pogbuc kə pelənk. Itə pənayi wara camət-tin nwe wənayefe dəpedete səlamp mə.

20 Təmbonk pa pedete səlamp pənayə yənənə ya səlamp mankələ nye yenawurenə kə yelənk ya tək yokom mə, yogbuc kə yelənk ya yi.

21 Wara wawəkə mərən mərən kəmaas nwe wencyefe dətəmbonk paracə mə, dəkəyefe da wara mərən o mərən, pogbuc pin pin pencyi wi tantəf.

22 Yogbuc kə wara wawəkə fəp anaselərenə yi, fəp fa yi fəyənə ancəmbəl nın nja kema kəsoku pəs kətemp.

23 K'olompəs səlamp camət-mərən, macənk kə map mekaye meken. K'olompse fəp fa mi kema kəsoku pəs.

24 Kema kəsoku pəs kilo wəco maas (30) k'enalompse pedete səlamp kə yosumpər-sumpər ya pi.

Tetek pəcəfe pa suray

25 Kə Betsalel olompse tetek pəcəfe MARIKI suray kətək ka kasiya. Dobilu da tetek papəkə dənayə kururu katin, kə dowokulu da pi kururu katin, pənətənnə cəsək fəp, kə deñeci da pi cururu mərən. Tetek kə len ya pi yetəpərənə anaselərenə yəyənə paka pin.

26 K'osop pi kema kəsoku pəs kələk amesa nja pi kəron kəbər ka cəsək ca pi kəkə han len ya pi. K'olompəs pi kəbər ka kema cəsək han k'ənənəkər.

27 K'olompəs cəsora mərən ca kema nce anaber ci kəbər tantəf ta cəsək mərən ca tetek papəkə. Cəsora cacəkə cə andekə pacsor cəgbo, nte tənşənə pactam kələk ka pi mə.

28 K'empat cəgbo ca kətək ka kasiya k'osop ci kema.

29 Kə Betsalel olompəs moro məbəy mopuse, k'olompse sə suray səsoke pəs nse səmbət ambənc mə, yəbəc ya wəcərə kəlompəs labundə yenayi.

38

Tetek polonnenə kə kəsamp kəsəkəsnənə

1 Kə Betsalel olompse tetek tolonne Kanu pəcəl pəcəf kətək ka kasiya, dobolu da pi dənabər cururu kəcəmət, kə dowokulu da pi cururu kəcəmət. Cəsək ca pi cəntənənə, mba deñeci da pi dənayə cururu maas.*

2 K'olompəs len ya tetek nde monkubut makəron mankələ, nye anaselərenə kə pi mə, kə tənşənə pi kəyənə paka pin, k'osop pi kəpər.

3 K'olompse yosumpər-sumpər ya tetek tolonne fəp, kələk ka dap, pel, mapan, bak yosortə səm kə map mekaye meken. K'olompse yosumpər-sumpər yayə fəp kəpər.

4 K'olompəs manta ma kəpər, k'encəmbər mi kəbər ka tetek tolonne kəyefe tantəf han dacə. K'esəl cəsora mankələ ca kəpər nce enaber dəmonkubut ma manta, teta kəsor ka cəgbo mə.

5 K'olompəs cəsora mankələ nce enaber monkubut mankələ ma manta ma kəpər maməkə mə, nte tənşənə pactam kəsor ka cəgbo mə.

6 K'empat cəgbo ca kətək ka kasiya, k'osop ci kəpər.

* **38:1** Kururu kin kəntənə kə mətər min dacə.

⁷ K'osor cəgbo cacəkə dəcəsora cacəkə cənayi cəsək ca tetek tolonne mə, nte tənşəne pactam kələk tetek papəkə mə. Enalompse pi cəbam, kə pəyə fos disre.

⁸ K'eselə kəsamp ka kəpər, kə pəcəmənə pa ki sə pənayənə kəpər. K'alompse yi məm nyə aran ane nənayi yəbəc nde kusunka ka anğbancan nğbərənə kə Kanu mə.

Cəloto ca sanja

⁹ K'olompəs abanğa. K'encəmbərə sanğa kəca kətət ka ntende dec dəmpə mə cəloto ca səbeña sa kentələr. Dobolu da cəloto cacəkə denabəp cururu tasar tin (100).

¹⁰ Mogbu ma yi wəco mərəñ (20) kə yəcəmənə wəco mərəñ (20) kəpər kənayi. Nkora ya mogbu kə gbat-gbata ya mi yəyənə gbeti.

¹¹ Kəca kəmeriya ka ntende dec dəmpə mə, cəloto cənabəl cururu tasar tin (100), mogbu wəco mərəñ (20) kə yəcəmənə ya yi wəco mərəñ (20) ya kəpər, nkora ya mogbu kə gbat-gbata ya mi fəp gbeti bənayi.

¹² Kəca nkə dec dənkələ mə, cəloto cənabəl cururu wəco kəcəmət (50) mogbu ma ci wəco kə yəcəmənə ya mi wəco, nkora ya mogbu kə gbat-gbata ya mi fəp gbeti bənayi.

¹³ Kəca nkə dec dəmpə mə, dobolu d'abanğa denayə cururu wəco kəcəmət (50).

¹⁴ Kə kəsək kin kəyə cəloto nce cənabəl cururu wəco kə kəcəmət (15) mə, mogbu maas kə yəcəmənə ya mi maas.

¹⁵ Kəca ka mərəñ, dəkusunğa da sanğa kəca kətət kə kəmeriya, dobolu da cəloto denayə cururu wəco kə kəcəmət (15), mogbu maas kə yəcəmənə ya mi maas.

¹⁶ Cəloto nce ananəpər sanğa mə fəp, cəloto ca səbeña sa kentələr sənayi.

¹⁷ Yəcəmənə ya mogbu fəp, ya kəpər yənayi, nkora ya mogbu kə gbat-gbata fəp ya gbeti yənayi, yənəkse ya mogbu fəp anasop yi gbeti, kə mogbu ma sanğa fəp anakotərəne mi kə gbat-gbata ya gbeti.

¹⁸ K'ondunə cəloto nce ananərə kusunğa ka sanğa mə. K'olompse ci səbeña sa alom nja məntambənc, səbeña alom nja bulu, sa alom njeyim, səbeña sa kentələr, yəbəc ya wəcərə kədu yənayi. Cəloto cənərə cənabəl cururu wəco mərəñ (20) kə deñeci da ci denayə cururu kəcəmət, pəmə dowokulu da cəloto ca sanğa.

¹⁹ Anadətər yi mogbu mankələ mme menacəmənə yəcəmənə mankələ ya kəpər mə, nkora kə gbat-gbata ya gbeti yənayi, kə yənəkse ya mogbu sə, anasop yi gbeti.

²⁰ Cəgbo cədf ca dəkiyi dosoku kə abanğa nja sanğa fəp, ca kəpər cənayi.

Dəlay da kema, gbeti kə kəpər nkə anabəcə mə

²¹ Tatəkə tə daka da fəc nde anabərse kəlompəs ka dəkiyi dosoku nde walakə nwe wementər danapa da MARIKI kə aka Yisrayel mə. Pəmə təkə Musa enasom nja ti mə, aLewy nanaləm yi, Itamar pəyi ti kirin wan wərkun wəka wəlonne Aruna.

²² Kə Betsalel wan ka Uri, wansə ka Hur, wəka kusunğa ka Yuda, embəc təkə MARIKI enasom Musa mə fəp.

²³ Oholiyab, wan ka Ahisamak, wəka kusunğa ka Dan enamar kə, wəkəkə encpat, wəcərəñ nwe oncdu cəloto ca alom nja məntambənc, alom nja bulu, kə alom njeyim, kə cəloto ca səbeña sa kentələr.

²⁴ Kema nkə kənabərə kəlompəs ka anğbip nəsoku mə fəp kənabəp kilo masar camət-maas wəco camət-mərəñ kə camət-mərəñ (877), potubuce pa anğbip nəsoku p'anatubce ki.

²⁵ Gbeti mbə aka kəlonkanə ka Yisrayel njanafək mə fəp, bənəkə kilo wul maas wəco kə camət-maas (3.018), potubuce pa anğbip nəsoku p'anatubce ki.

²⁶ K'ayer kəfək kanəkə-ε, antam kəloku a arkun wul masar camət-tin kə maas, masar kəcəmət wəco kəcəmət (603.550) ane njanasətə meren wəco mərəñ (20) han kəpə kəron mə, nwe o nwe enafək pəsam gbeti kəcəmət potubuce pa pəsam p'anğbip nəsoku.

²⁷ Kə njalompse gbeti wul maas (3.000) yəcəmənə tasar tin (100) ya fərəm ya anğbip nəsoku kə ya kəloto kəkənke tedisre ti tənşəñ pəcəmənə o pəcəmənə analompse pi gbeti kilo wəco maas (30).

²⁸ K'alompse gbeti belpas mbe kilo waco ko camat-meren (17) ko karam masar camat-meren ko waco kacamat (750) nkora ya mogbu, k'ansop so ncaleran ko gbat-gbata nye anakotarenne ko mogbu mo.

²⁹ Koper nke aka Yisrayel nanatubucne kason MARIKI mo kanabap kilo wul meren, tasar tin waco meren ko mankale (2.124).

³⁰ Ko nalompas ki yecamene ya dakusunka da angbancan nebapene ko Kanu, tetek tolonne pa koper ko manta ma koper moko ananep pi mo, ko yosumpar-sumpar ya tetek fap,

³¹ ko yecamene ya sanja ko ya dakusunka da sanja, ko cagbo cadof ca dakiyi dosoku ko ca sanja fap.

39

Yamos ya walongne wapan

¹ Sabena sa alom na mantambenc, alom na bulu, ko alom neyim so nanalompse yamos ya daKanu nye pamar paberne a pabac yebac nde angbip nosoku mo. K'alompse so Aruna yamos ya daKanu pamo toko MARIKI enasom ti Musa mo.

² K'olompse дума da efod kaloto ka sabena sa kentaler, sa kema, sa alom na mantambenc, alom na bulu, ko alom neyim.

³ Ko namperi boper ya kema nye nanagbint-gbinti ko nanekas yi megber mefet mefet mme nancbersar caloto cefefar ca sabena sa kentaler, alom na mantambenc, alom na bulu, ko alom neyim, ko toyone yebac ya aceran kadu.

⁴ K'amber дума da efod yeyese banca meren nye anasotarenne yi casak ca banca ya дума da efod mo.

⁵ Tabataba mpe penanankar дума da efod nanoko mo. Anasotarenne pi, ko yoyone paka pin ko дума da efod: Tolompas ta yi tenawurenne: kaloto ka sabena sa kentaler, sa kema, sa alom na mantambenc, alom na bulu, ko alom neyim pamo toko MARIKI enasom ti Musa mo.

⁶ Ko nalompas walake wa masar motot ma onikas ko nambarsar mi ferem fa kema disre. Ko nancias mewe ma awut a Yisrayel, pamo nte ancic tamp mo.

⁷ K'asotarenne masar mamoko yeyese banca ya дума da efod karon, kacem-cem as ka mewe ma awut a Yisrayel (Yakuba), pamo nte MARIKI enasom ti Musa mo.

Yuba yegbekne debakac

⁸ K'ondune yuba yegbekne debakac kaloto ka sabena sa kentaler, panankal sabena sa kema, sa alom na mantambenc, alom na bulu ko alom neyim, pamo toko analompas дума da efod mo. Yebac ya waceran kadu yenayi.

⁹ Yuba yegbekne debakac yayoko ananut yi kameran, yetajenne casak fap dobolu da casak ca yi denayo kaca disre katin.

¹⁰ Ko nandetar ki masar momotar-motar cagba mankale: Kagba kacoko-coko kanayo tasar teyim, tasar t'alom na cobe, ko tasar pa alom nobuk mel.

¹¹ Kagba ka meren kanayo tasar teyim cen, tasar t'alom na bulu ko diyaman.

¹² Kagba ka maas kanayo Tasar pa alom na alembara, tasar pa lom yela cagber ko tasar pa alom na mantambenc.

¹³ Kagba ka mankale kanayo tasar pa alom nobuk mel, tasar pa lom yecemcemar ko tasar pa alom nobuk. Tasar o tasar anasetar pi dafarem fa kema.

¹⁴ Tasar o tasar anacic pi tewe ta wan wakin waka Yisrayel (Yakuba), pamo toko ancic tamp mo. Ti tenementar mewe ma cusunka nce waco ko meren (12) ca Yisrayel.

¹⁵ Ko nalompse yuba yegbekne debakac yayoko megbekce ma kema kasoku pes.

¹⁶ Ko nalompas ferem meren fa kema, ko curunde meren ca kema nce anaber monkubut meren ma yuba yegbekne debakac makaron mo.

¹⁷ K'angbekar megbekce mamoko meren ma kema curunde coko cayi demonkubut ma yuba yegbekne debakac yayoko.

¹⁸ Kə ɲaŋkə ɲaŋgbəkər cəsək cəlpəs ca megbekce maməkə mērəŋ dəfərəm mērəŋ nfe fənayi yeyese banca ya дума da efəd mə tekiriŋ.

¹⁹ Kə ɲalompəs sə curunde mērəŋ ca kema kə ɲamber ci monkubut ma yuba yegbekne yayəkə tantəf, kəsək nke kəncgbuŋene дума da efəd mə.

²⁰ Kə ɲalompəs sə curunde mērəŋ cəloma ca kema nce ɲanaber yeyese banca ya дума da efəd tantəf mə, tekiriŋ, dəkəsətərəne da yi nde pəsurenə kə takəron ta tabataba ta дума da efəd mə.

²¹ Kə ɲaŋkotərəne curunde ca yuba yegbekne dəbəkək cə ca дума da efəd kəbənda ka alom ɲa məntambənc, kə təsəŋe yuba yegbekne dəbəkək kədeŋse takəron ta tabataba pa дума da efəd, təsəŋe sə yuba kətətam kəsakene kə дума da efəd, pəmə təkə MARIKI ɛnasom ti Musa mə.

Yamos yosoku yəlma

²² K'ondune burumus ba efəd səbeŋa sa alom ɲa məntambənc fəp, yebəc ya wəcerəŋ kədu yənayi.

²³ Dəkəməl domp da дума dadəkə dacə dənayi, pəmə nte andune yamos akata mə. Anagbent di kilim haŋ panəŋkər nte təŋsəŋe ta dəwale mə.

²⁴ Kə ɲandu bi tantəf haŋ kə ɲanəŋkər cəpare ca alom ɲa məntambənc, alom ɲa bulu, alom ɲeyim kə səbeŋa sa kentəler.

²⁵ Kə ɲalompəs meŋgbəŋkəle ma kema kəsoku pəs, kə ɲambərsər-bərsər yi burumus tantəf haŋ kə ɲanəŋkər lulu ya cəpare dacə.

²⁶ Teŋgbəŋkəle pin kəpare kin, teŋgbəŋkəle pin kəpare kin k'ambərsər yi burumus haŋ k'anəŋkər, nte təŋsəŋe pəkəbəc'em pəmə təkə MARIKI ɛnasom ti Musa mə.

²⁷ K'acerəŋ kədu ɲasəte sə Aruna kə awut ən дума dedisre da kəloto ka səbeŋa sa kentəler.

²⁸ Cəfakəl, məmbo kə cəgba fəp fa yi fənayəne kəloto ka kentəler.

²⁹ K'acerəŋ ɲandune mabamaba kəloto ka səbeŋa sa kentəler, ɲanəŋkəsəl səbeŋa sa alom ɲa məntambənc, sa alom ɲa bulu, kə sa alom ɲeyim, pəmə təkə MARIKI ɛnasom ti Musa mə.

³⁰ Kə ɲalompse abəpər ɲa dəKanu kema kəsoku pəs, k'ancic ɲi kəron «Dosoku da MARIKI» pəmə nte ancic tamp mə.

³¹ Kə ɲaŋkotərəne tēbənda ta alom ɲa məntambənc kəfakəl takəron, pəmə təkə MARIKI ɛnasom ti Musa mə.

Yebəc yelip, k'ankeŋe yi Musa

³² Kə yebəc ya dəkiyi dosoku, y'anġbancan ɲebəpene kə Kanu yelip oŋ. Aka Yisrayel ɲanasurenə kəyə təkə MARIKI ɛnasom Musa mə.

³³ K'aka Yisrayel ɲaŋkeŋe Musa dəkəyi dosoku: Anġbancan kə ca ya ɲi: ɲkora ya ɲi, fərəm fa ɲi, gbat-gbata ya ɲi, mogbu ma ɲi kə yecəməne ya ɲi,

³⁴ kata ya ɲkesiya yorkun nyə anġbət alom ɲeyim, pokumpə pa kata ya ntempeli, kə kəloto kəŋere,

³⁵ kaŋkəra nke kəmentər danapa da MARIKI, kə cəgbo ca ki kə afenġ ɲəsəkse kiciya,

³⁶ amesa kə yosumpər-sumpər ya ɲi fəp, kə cəcom nce aloŋnene Kanu mə,

³⁷ pədete səlamp pa kema kəsoku pəs kə səlamp sa pi, yosumpər-sumpər ya pi fəp kə moro momotene ma pi,

³⁸ tetek toloŋne pa kema, moro məbəy, suray səbotu ambənc, kəloto kəŋere ka dəkusunġa da anġbancan,

³⁹ tetek toloŋne pa kəpər kə manta ma kəpər, kə cəgbo ca pi kə yosumpər-sumpər ya pi, kəsamp kəbere domun dəsəkəsnene kə pecəməne pa ki,

⁴⁰ cəloto ca saŋka kə mogbu ma ci, kə yecəməne ya mi, kəloto kəŋere dəkusunġa da saŋka, kələkene bənda kə cəgbo cədf ca yi, yosumpər-sumpər nyə pənamar pabəce dəkiyi dosoku mə fəp, anġbancan ɲebəpene kə Kanu mə fəp,

⁴¹ yamos yodu yəkə pəmar pabərne a pabəc yebəc nde aŋgbip ŋosoku mə, kə yamos ya dəKanunye Aruna kə awut ən ŋandekə ŋacberne a ŋacbəce Kanu mə.

⁴² Aka Yisrayel ŋanabəc yebəc yayəkə pəmə təkə MARIKI enasom ti Musa mə.

⁴³ Nte Musa ənəŋk a ŋasurene kəbəc yebəc fəp yəkə MARIKI enasom kəbəc mə, k'ontolanə aka Yisrayel pətət.

40

Kəsom ka kəcəmbər k'aŋgbancan ŋebəpene kə kəsəkəs ka ŋi teta yebəc ya dəKanun

¹ Kə MARIKI oloku Musa:

² «Tataka təkəkə-cəkə ta ŋof ŋəkəkə-cəkə, məcəmbər dəkiyi dosoku, aŋgbancan ŋebəpene kə Kanu.

³ Məberse di kaŋkəra nke kəyə walake nwe wementər danapa dem kə aka Yisrayel mə, məkəŋke kaŋkəra kaŋkə kəloto ta afum ŋacnəŋk ki.

⁴ Məkere amesa məcəmbər ŋi kəronj yosumpər-sumpər təkə pəmar mə. Məkere pədetə səlamp məcəmbər, mədet pi səlamp.

⁵ Məkə məcəmbər tetek toloŋne pa kema mpe ande paccəf suray nse səmbət ambənc mə, tekiriŋ ta kaŋkəra nke kəmentər danapa da MARIKI mə. Kə telip-ε, mədet kəloto kəŋere nde kusunka ka dəkiyi dosoku.

⁶ Məcəmbər tetek toloŋne yəcəl yəcəf nde dəkəberε da dəkiyi dosoku, nde dəyənε aŋgbancan ŋebəpene kə Kanu.

⁷ Məcəmbər kəsamp aŋgbip kə tetek toloŋne daco, palas ki domun.

⁸ Məcəmbər saŋka haŋ mənəŋkər, mədet kəloto kəŋere dəkusunka da si.»

⁹ «Mələk moro məbəy məsop mi dəkiyi dosoku kə yosumpər-sumpər ya di fəp. Məpus di kə yosumpər-sumpər ya di nte tənşəŋε ca cacəkə fəp nde dəkiyi dosoku kə disre yəyənε yopus fər ya MARIKI kiriŋ.

¹⁰ Məbəy tetek toloŋne mpe ancəfe MARIKI yəcəl mə, kə yosumpər-sumpər ya pi, məpuse MARIKI tetek toloŋne, təsəŋε pi ŋ kəyənε posoku pəs fər yem kiriŋ.

¹¹ Məbəy kəsamp kə pəcəməne pa ki, məpuse yi sə MARIKI.»

¹² «Məcəŋene Aruna kə awut ən arkun nde kusunka ka aŋgbancan ŋebəpene kə Kanu, məbike ŋa domun.

¹³ Məber Aruna yamos yən ya dəKanun, məbəy kə moro ma dəKanun, tēm tatəkə məsəkəs kə pəbəc'em ŋ yebəc ya wəloŋne.

¹⁴ Məcəŋene sə awut ən məberəs ŋa duma dedisre daŋan.

¹⁵ Məbəy ŋa moro ma dəKanun pəmə təkə məmbəy mi kas kəŋan mə. ŋa sə ŋade ŋabəc'em pəmə aloŋne. Kəbəy ka moro ma dəKanun kaŋkə kəndəsəŋε ŋa kətəmpər yebəc ya kəloŋne kem doru o doru.»

¹⁶ Kə Musa əyə təkə MARIKI enasom kə mə fəp.

Musa osom kəcəmbər ka aŋgbancan

¹⁷ Tataka təkəkə-cəkə ta ŋof ŋəkəkə-cəkə ŋa teren ta mərəŋ, k'ancəmbər dəkiyi dosoku.

¹⁸ Kə Musa encəmbər dəkiyi dosoku kə yəcəməne ya di, k'encəmbər fərəm, k'emperi cəgbo, k'encəmbər mogbu.

¹⁹ Nte elip mə, k'emperi kəloto kəkumpe dəkiyi dosoku, k'oluksərne k'əŋgbəpər kəloto ka mərəŋ takəronj, pəmə təkə MARIKI enasom kə ti mə.

²⁰ Kə Musa əlek walake nwe wementər danapa da MARIKI kə aka Yisrayel wəkə anacicəs mə, k'ember kaŋkəra disre, k'osor cəgbo cələke ca kaŋkəra kaŋkə, k'ələk afəŋk ŋəsəkse kiciya k'əŋgbəpər ki takəronj.

²¹ K'ələk kaŋkəra k'əŋkəkəre ki nde dəkiyi dosoku disre. K'endət kəloto kəkəŋke nke kəyi tekiriŋ ta kaŋkəra nke kəmentər danapa da MARIKI kə aka Yisrayel mə, pəmə təkə MARIKI enasom ti Musa mə.

²² Kə Musa encəmbər aməsa anğbancan nəbərənə kə Kanu disrə, ntende kəca kəmeriya ka dəkiyi dosoku.

²³ K'encəmbər-cəmbər cəcom fər ya MARIKI kirin, pəmō təkō nkən MARIKI enasom ti Musa mō.

²⁴ K'encəmbər pədetə səlamp anğbancan nəbərənə kə Kanu disrə, pətəfərənə kə aməsa, ntende kəca kətət ka dəkiyi dosoku.

²⁵ K'encəmbər səlamp MARIKI fər kirin, pəmō təkō nkən MARIKI enasom ti nkən Musa mō.

²⁶ Kə Musa encəmbər tetek pa kəma nde anğbancan nəbərənə disrə kəloto kəkənke tekirin.

²⁷ K'əncəf suray səbotu ambənc, pəmō təkō MARIKI enasom kə ti mō.

²⁸ K'endət kəloto kəjere nde kusunka da dəkiyi dosoku.

²⁹ Kə Musa encəmbər tetek tolojnə yəcəl yəcəfə MARIKI nde kusunka ka dəkiyi dosoku, nde dəyənə anğbancan nəbərənə kə Kanu mō, k'olonjə di pəcəl pəcəf, kə kəlōjnə ka mənjbən, pəmō təkō MARIKI enasom ti nkən Musa mō.

³⁰ Kə Musa encəmbər kəsəmp anğbancan nəbərənə kə tetek tolojnə dacə, k'ambər ki domun dəsəkəsne.

³¹ Kələk nkən Musa kəbər ka Aruna han awut ən arkun kə nambikənə waca kə wəcək teta kəsəkəsne.

³² Kə nandə kəcbərə anğbancan nəbərənə kə Kanu disrə nəkə kələtərnə tetek tolojnə-ε, mənə nambikənə teta kəsəkəsne pəmō təkō MARIKI enasom ti Musa mō.

³³ Kə Musa encəmbər sanka k'ənəjkər dəkiyi dosoku kə tetek tolojnə, k'endət kəloto kəjere nde kusunka ka sanka. Tatəkō tō Musa enaləpəs yəbəc nyə MARIKI enasom kə mō.

Nərə da debeki da MARIKI dəlas anğbancan

³⁴ Ntə yəbəc nyə yelip mō, kə kəp kənder kəgbəpərənə anğbancan nəbərənə kə Kanu, kə nərə da debeki da MARIKI dender dəlas dəkiyi dosoku.

³⁵ Tənasəjnə ta Musa entam kəbərə danğbancan nəbərənə-ε, bawo kəp kənayi nı kəronj kə nərə da debeki da MARIKI denalas dəkiyi dosoku.

³⁶ Təm ntə aka Yisrayel nəcəpə-cepə mō, nəcəfə fə kələk dəpə mənə kəp kənunkenə kəyefə dəkiyi dosoku kəronj.

³⁷ Kə kəp kəntəyefə-ε, aka Yisrayel nəcəpə han dəsək ndə kənyefə mō.

³⁸ Dəsək disrə, kəp ka MARIKI kəncyi dəkiyi dosoku kəronj, kə pəmbiyə-ε nenc dencyi sə dəkiyi dosoku kəronj, tatəkō tənayi fər ya aka Yisrayel fəp kirin, təm ntə nənayi kəcəpə-cepə kənən disrə fəp mō.

Tawureta Musa, Buk 3: Sariye sa ALewy kɔ sa Kəlonɛ Moloku ma kəsəkəs buk ba Musa ba maas: Sariye sa aLewy kɔ sa kəlonɛ

Buk bamba bəyɔnɛ buk ba maas ba Aŋnabi Musa, mbɛ aŋwɛ «Sariye sa aLewy» mə. MARIKI, encemp, ɔyɔ fɛ wətubcɛnɛ. Mpɛ o mpɛ aŋkɛrɛ kɔ mə, pəmar pəyɔnɛ pɔlonɛ pətət, pəmar sɔ pacəmə sariye sa kəlonɛ darəŋ tin tin tin, nte təŋsəŋɛ pəbaŋ ki mə. Sariye saŋsɛ səlɔku təkɔ pəmar packɛrɛ MARIKI yolonɛ, kɔ sariye sa yɛbɛc ya alonɛ ndɛ aŋgbancan ɲɛbərənɛ kɔ Kanu.

MARIKI ɛnayɛk-yɛk kusunɲa k'aLewy aka Yisrayel dacɔ kəyɔnɛ alonɛnɛ aŋan, k'ɛndəs ɲa kəyɔnɛ asumpər-sumpər a yɛbɛc yɔn ya aŋgbip ɲɔn ɲosoku. Kəyɛfɛ tɛm tobol-bolu atəksɛ ɲancɛm-cɛmnɛ, a Aŋnabi Musa ɛnacicəs buk bamba. ɲancɛm-cɛmnɛ sɔ a Musa ɛnacicəs səbuk kəcəmət səcəkɔ-cəkɔ sa Toloku ta Kanu, nɛ səyɔnɛ Dəkəcɔp, Kəwur, ALewy, Kəlɔm, kɔ Sariye*. Itɔ aŋnəŋk ndɛ sora səcəkɔ-cəkɔ sa buk bamba: «Kɔ MARIKI ewe Musa ..., k'osom kɔ...» Atəksɛ alɔma ɲancɛm-cɛmnɛ a kɔ təyɔnɛ a analompəs moloku ma buk bamba kəyɛfɛ yɛcicəs yokur nyɛ anabəp ndɛ dare da Babilɔŋ meren masar kəcəmət (500) ta antakom Yesu mə.

Buk bamba disrɛ alɔm yolonɛ nyɛ o nyɛ Kanu kənasom alonɛ kəkɛrɛ mə. Yolonɛ yɔlɔma nyɛ aŋkɛrɛ tɛta kiciya ka afum mə. Yəkɔ aŋkɛrɛ MARIKI tɛta tɛfaŋ ta fum: Wəkayi pəkɛrɛ yi abəkɛc ɲosoku pɛs bawo əmbətər MARIKI. Mba mpɛ o mpɛ pəyɔnɛ pətət, mpɛ fum ɛŋkɛrɛ MARIKI mə, pəmar pəyɔnɛ pətət pɛtas ca yɔn yɔlɔma, ta pəyɔ dolokəp. Ti tɛmɛntər a Kanu, kəcɛmpi kɔ. Tɛlpəs ndɛ buk bamba, Kanu kəlɔm cəkɛ cɔ aka Yisrayel kɔ alonɛ ɲantam kəyɔnɛ afum apus fər ya Kanu kirinɲ, kɔ təyɔnɛ ɲayik-yikəsɛnɛ-ɛ, nte ɲaŋyɔ a ɲasəkəsɛnɛ sɔ nnɔ Kanu kəyi mə. Buk bamba disrɛ sənəŋk belbel a Kanu kəyɔ fɛ wətubcɛnɛ. K'andɛcəmə sariye sa buk bamba darəŋ-ɛ, aka Yisrayel ɲandɛtam kəyi doru kəbum ka Kanu dəntɔf.

Teyer ta buk bamba

1-7, Sariye sa kəlonɛ.

8-10, Aruna kɔ awut ən kədəs kəŋan yɛbɛc ya kəlonɛ.

11-16, Sariye sa yeri, kɔ sa docu.

17-27, Sariye sa mes məlɔma: Dəkədi yeri, cəsata, məyɔ mətət kɔ kələlɛs ka teren ta kəŋesəm ka antɔf.

Sariye sa ALewy kɔ sa Kəlonɛ

Sariye sa yolonɛ

1-7

Kəlonɛ ka yɔcɔl yolonɛ yɔcɔfɛ MARIKI

¹ Kɔ MARIKI ewe Musa kəyɛfɛ ka ndɛ aŋgbancan ɲɛbərənɛ kɔ Kanu, k'osom kɔ:

² «Məlɔku aka Yisrayel nte: Kɔ fum wəkin nənə dacɔ ɛfaŋ kəpocɛ MARIKI pɔcɔl tɛta kəlonɛ-ɛ, ɛntam kələk pi ndɛ cir, ɲkɛsiya kɔ pəyɔnɛ fɛ ti-ɛ cənə cən dacɔ.

³ Kɔ fum endekɛnɛ MARIKI wana tɛta pɔlonɛ pɔcɔf pən-ɛ, pəyɔnɛ tura pətəyɔ dolokəp. Wəkayi pəkɛkɛrɛ pi ndɛ dəkəbɛrɛ da aŋgbancan ɲɛbərənɛ kɔ Kanu, nte təŋsəŋɛ MARIKI pəbaŋ kəpocɛ kaŋkɔ mə.

⁴ Wəkayi pədɛŋ kəca kən pɔcɔl pɔlonɛ pɔcɔf papəkɔ dərɔmp, MARIKI ɛmbaŋ kəpocɛ kaŋkɔ tɛta kəsəkəs ka kiciya kən.

* : Dəkəcɔp da doru (*Genèse*), Kəwur ka dacar Misira (*Exode*), Kəlɔm ka aka Yisrayel (*Nombres*) kɔ Sariye səgbəkɛrɛ (*Deutéronome*)

⁵ Wəkere ka tura papəkə pəfay pi MARIKI fər kirin. Awut arkun yuruya ya Aruna alonɲe ɲasu tɔbɔl, mecir maməkə mɛmberɛ pi disrɛ. ɲamentər mi MARIKI, ɲawesəsər mi cəsək ca tetek tolonɲe mpe peyi dəkəberɛ da aɲɟbancan ɲebəpene kɔ Kanu mɔ haɲ ɲanɔɲkər.

⁶ Fum wəkayi pənat polonɲe pɔcɔf papəkə, pəcɛnəs pi fəkəl fəkəl.

⁷ Awut arkun a Aruna wəlonɲe ɲade ɲacmot nɛnc nde tetek tolonɲe ta Kanu kəron, ɲade ɲaccɔl tək dənɛnc.

⁸ Awut arkun a Aruna alonɲe ɲade ɲacɔc fəkəl ya sɛm yayəkə, domp kɔ moro ma yi ɲade ɲacden yi dətək ya nɛnc nde tetek tolonɲe Kanu kəron.

⁹ Wəkere tura papəkə pəyake yedisrɛ kɔ wɛcək wa pi domun, k'elip-ɛ, wəlonɲe wəkin pələk yi pəcɔfɛ MARIKI fəp nde tetek tolonɲe kəron. Pɔcɔl pɔcɔf pɔ, kəlonɲe nke ancɔfɛ MARIKI mɔ, ambənc ɲa ki ɲontore-tore MARIKI abəkək.

¹⁰ Kɔ fum endekenɛ pɔcɔl polonɲe pɔcɔf mpe ɛlek dənkesiya kɔ pəyɔne fɛ ti dəcir cɔn mɔ-ɛ, pəyɔne porkun mpe pɔntɔyɔ dolokəp mɔ.

¹¹ Pəfay pi tetek tolonɲe Kanu kəca kəmeriya nke dec dɛmpɛ mɔ MARIKI fər kirin, paber mecir maməkə fəp tɔbɔl disrɛ. Awut arkun a Aruna alonɲe ɲalɛk mecir maməkə ɲawesəsər mi tetek tolonɲe Kanu cəsək fəp.

¹² Wəsɔɲ pɔcɔl papəkə pəcɛnəs pi fəkəl fəkəl, domp kɔ moro, wəlonɲe pəden fəkəl ya sɛm yayəkə nɛnc da tetek tolonɲe Kanu kəron.

¹³ Pəyake yedisrɛ kɔ wɛcək wawəkə domun. Wəlonɲe pələk pəkene yi fəp MARIKI, pəcɔfɛ kɔ yi nde tetek tolonɲe kəron. Pɔcɔl pɔcɔf pɔ, kəlonɲe nke ancɔfɛ MARIKI mɔ, ambənc ɲa ki ɲontore-tore MARIKI abəkək.

¹⁴ Kɔ fum endekenɛ MARIKI abɛmp teta polonɲe pɔcɔf-ɛ, wəkayi pələk məpay kɔ pəyɔne fɛ ti-ɛ, ntantoriya.

¹⁵ Wəlonɲe pəkəkəre abɛmp nɲe nde dətetek tolonɲe ta Kanu kəron, pəkəncəl ɲi kilim, pəcɔfɛ ɲi MARIKI domp nde tetek tolonɲe kəron, pəlonɲər mecir ma abɛmp ɲaɲəkə tetek tolonɲe Kanu cəsək.

¹⁶ Wəlonɲe pəwure tɔlɔba pɛmɛɲke yeri kɔ rɔt ya abɛmp ɲaɲəkə, pəɟbal yi tetek tolonɲe Kanu kəsək ntende dec dɛmpɛ mɔ, nde ambɛr kəbof kəboɲu mɔ.

¹⁷ Wəlonɲe pəɟberi abɛmp ɲaɲəkə banca dacɔ kɛp mɛrɔɲ, mba ta pəɟbey ɲi. Pəcɔfɛ ɲi MARIKI nde tək ya tetek tolonɲe kəron. Pɔcɔl pɔcɔf pɔ, kəlonɲe nke ancɔfɛ MARIKI mɔ, ambənc ɲa ki ɲontore-tore MARIKI abəkək.»

2

Kəlonɲe ka mɛɲɟben

¹ Kɔ fum endekenɛ MARIKI yolonɲe ya mɛɲɟben-ɛ, yɔyɔne kəmbefe kətət pəlonɲər ki moro, pədenɲər ki suray sətət sa kəlɔl ka kətək.

² Pəkere kəmbefe kanɲkə awut arkun a Aruna alonɲe. Wəlonɲe wəkin pəwet kəmbefe kanɲkə alonɲər moro mɔ aɲkulma katin kɔ suray sətət sayi fəp, pəcɔfɛ yi MARIKI nde dətetek tolonɲe kəron, tɛcɛmɛməs tɔ. Kəlonɲe nke ancɔfɛ MARIKI mɔ, ambənc ɲa ki ɲontore-tore MARIKI abəkək.

³ Kəmbefe kəlpəs ka kəlonɲe ka mɛɲɟben kanɲkə, Aruna kɔ yuruya yɔn ɲayɔ ki. Kəlonɲe kəsoku kəpus kɔ, bawo dəyolonɲe nyɛ ancɔfɛ MARIKI mɔ, kəyɛfɛ.

⁴ Kɔ pəyɔne məkəkəre polonɲe pa mɛɲɟben mpe ancɔf dəpəcɔfɛ kəcom mɔ, pəyɔne kəmbefe kətət, kəcom kəlɔk-lɔk kətənɔɲkəl lebin panəktərəne ki moro, kɔ pəyɔne fɛ ti biskit bətənɔɲkəl lebin pasopət bi moro.

⁵ Kɔ məde məkəkəre kəcom kənəkət teta kəlonɲe ka mɛɲɟben-ɛ, kəyɔne kəmbefe kətət kənəktərəne kɔ moro ma olif ta kəyɔ lebin.

⁶ Patepi kəcom kanɲkə mopoc mopoc, pəlonɲər sɔ ki moro. Kəlonɲe ka mɛɲɟben kɔ.

⁷ Kɔ məndekəkəre kəcom nke anəkət dətəp teta kəlonɲe ka mɛɲɟben mɔ-ɛ, panəktərəne kəmbefe kətət kanɲkə kɔ moro ma olif.

8 Makenē MARIKI kəlonne ka menḡben nke alompəs mə, pakere ki wəlonne nwe ɔŋkəlotərnene ki tetek tolonne Kanu mə.

9 Kəlonne ka menḡben kə, wəlonne pəbeli pəkə aŋkəkere MARIKI teta kəcem-ceməs mə, pəcəfe ki MARIKI dəndo dətetek tolonne kəron. Kəlonne nke ancəfe MARIKI mə kə, nke ambənc ɲa ki ɲontore-tore kə abəkəc mə.

10 Kəmbefe kəlpəs ka kəlonne ka menḡben kaŋkə, Aruna kə yuruya yən ɲayo ki. Kəlonne kəsoku kəpus kə, bawo dəyolonne nye ancəfe MARIKI mə, kəyefe.

11 Ali kəlonne ka menḡben kin nke andekenē MARIKI mə ta kənoŋkəl lebin. Ta pacəfe MARIKI polonne mpe o mpe anəŋkəl lebin kə pəyone fe ti-ε mese ma cəme mə.

12 Nəkenē MARIKI yetel yəcəkə-cəkə ya yəbəf yonu, mba ta pacəfe kə yi nde dətetek tolonne kəron, pəmə yolonne nye ancəfe kə teta ambənc ɲəkə ɲontore-tore kə abəkəc mə.

13 Polonne pa menḡben mpe o mpe mənde məkene MARIKI mə, payek-yekər pi mer. Ta məsak kəlonne ka menḡben kam ta kəyə mer-ε, bawo mer məyone təcemceməs ta kəsək ka Kanu kam danapa kə aka Yisrayel. Yolonne fəp məyek-yekər yi mer.

14 Nənde nəkekəre kəlonne MARIKI menḡben ma yetel yonu yəcəkə-cəkə, nənekte menḡben ma asek ɲəcəkə-cəkə nenc, kə telip-ε, nəcə menḡben maməkə təmpera a nədekere kəlonne kaŋkə.

15 Nəlonər ki moro ma olif, nədeɲər ki suray sətət sa kələl ka kətək. Kəlonne ka menḡben kə.

16 Wəlonne nkən pəbeli təmpera pələma pəcəf kə moro ma olif kə suray sasəkə fəp teta kəcem-ceməs. Kəlonne kə nke ancəfe MARIKI mə.

3

Kəlonne ka kəpaɲne pəforu

1 «Kə fum endekenē MARIKI kəlonne ka kəpaɲne pəforu, təyone pəclek wana wawəkə nde yəcəl yən dacə-ε, pəkene MARIKI tura kə pəyone fe ti, wana wəran nwe wəntəyə dolokəp mə.

2 Pədeɲər kəca kən domp da pəcəl papəkə a pədefay pi nde dəkəbere da aŋgbancan ɲebərene kə Kanu. Pasu təbəl mecir maməkə mebere pi disre. Awut arkun a Aruna alonne ɲawəsəsər mecir maməkə dətetek tolonne Kanu haɲ ɲanoŋkər.

3 Yedisre ya polonne pa kəpaɲne pəforu nye ande packekəre kəcəfe MARIKI mə: Moro mme moŋkump yedisre mə fəp,

4 fi yayəkə merəɲ kə moro məkə moŋkump yi mə, kə məkə moŋkump cəsək kə pəwotwotər pa mim mə, pawure mi fəp tin kə fi.

5 Awut arkun a Aruna ɲacəfe yi fəp MARIKI nde dətetek tolonne kəron kə pəcəl pəcəf mpe peyi dənenc da tək mə. Kəlonne kə, nke ancəfe MARIKI mə, ambənc ɲa ki ɲontore-tore MARIKI abəkəc.

6 Kə fum endekenē MARIKI pəcəl pa kəlonne ka kəpaɲne pəforu mpe elek dənkesiya kə pəyone fe ti dəcir mə, pəkene MARIKI pəcəl mpe pəntəyə dolokəp mə, pəyone porkun kə pəyone fe ti-ε pəran.

7 Kə pəyone a aŋkesiya ɲə-ε, pəkəkəre ɲi nde MARIKI fər kirin.

8 Fum wəkəkə pədeɲ kəca kən domp da polonne pən, pəfay pi nde tekirin ta aŋgbancan ɲebərene kə Kanu. Pasu təbəl mecir maməkə mebere pi disre. Awut arkun a Aruna ɲawəsəsər mecir ma polonne papəkə cəsək ca tetek tolonne Kanu haɲ ɲanoŋkər.

9 Dəpolonne pa kəpaɲne pəforu papəkə aŋkere MARIKI pacəfe kə mə, wəlonne wəkin pəkere: Moro ma pi, kəleɲa məlməl pagbinti ki nde dəkətiti kə moro fəp mme moŋkump yedisre mə,

10 fi yayəkə merəɲ kə moro məkə moŋkump yi mə, kə məkə moŋkump cəsək kə pəwotwotər pa mim mə, pawure mi fəp tin kə fi.

11 Wəlonne pəcəf yi fəp nde dətetek tolonne Kanu kəron, yeri nye ancəfe MARIKI mə yə.

¹² Kò fum endekenε MARIKI wir yɔcɔl yɔn dacɔ-ε, pàkekàre wi MARIKI fàr kirinɔ.

¹³ Pàdenɔr pɔcɔl papɔkɔ kàca dərɔmp, k'elip-ε, pafay pi nde tekirinɔ ta anɔbancan ɔɛbàpene kɔ Kanu. Pasu tɔbɔl mecir mamɔkɔ mɛberε pi disrε. Awut arkun a Aruna ɔawɛsəsər mecir mamɔkɔ tetek tolonɔne Kanu cəsək hanɔ ɔnanɔɔkər.

¹⁴ Wəlonɔne wəkin pələk yedisrε ya polonɔne mpe anɔkerε MARIKI mɔ pəcɔfε kɔ yi: Moro mɔkɔ monɔkump yedisrε ya pɔcɔl papɔkɔ mɔ fəp,

¹⁵ fi yayɔkɔ mɛrənɔ kɔ moro mɔkɔ monɔkump yi mɔ, kɔ mɔkɔ monɔkump cəsək kɔ pəwɔtwɔtər pa mim mɔ, pawurε mi fəp tin kɔ fi.

¹⁶ Wəlonɔne pəcɔfε yi MARIKI fəp nde dətetek tolonɔne kəronɔ. Yeri nyε ancɔfε MARIKI mɔ yɔ. Ambɔnc ɔa yi ɔnɔtore-tore MARIKI abəkəc. Moro ma yɔcɔl yolonɔne fəp, ma MARIKI mɔ.

¹⁷ Sariyε sa doru o doru sɔ tendeyɔne dɛtemp o dɛtemp donu mofɔ mmε nəndende mɔ: Nəfɔde nəcsəm moro ma wɛsəm kɔ ma pɔcɔl, nəfɔde nəcmun mecir ma yi.»

4

Kəlonɔne ka kiciya nkε antɔyɛfene mɔ

¹ Kò MARIKI osom Musa:

² «Məlɔku aka Yisrayel:

Kò fum enciya kətɔyɛfene disrε pəyɔ tes nte sariyε sa MARIKI səmɔne mɔ-ε, təkɔt nte tɔ nəde nəckɔt:

Kəlonɔne teta kiciya ka wəlonɔne wəkirinɔ

³ Kò tɔyɔne wəlonɔne nwe anabɔy moro kəyɔne ka wəkirinɔ k'alonɔne mɔ eciya, pəsɔne sɔ afum kəsare kiciya-ε, pəkene MARIKI teta kiciya kɔn tura pətɔyɔ dolokəp.

⁴ Pəkekàre tura tatɔkɔ nde dəkəberε da anɔbancan ɔɛbàpene kɔ Kanu, nde tekirinɔ ta MARIKI. Wəlonɔne pàdenɔ tura tatɔkɔ kàca dərɔmp, pafay pi MARIKI fàr kirinɔ. Pasu tɔbɔl mecir mamɔkɔ mɛberε pi disrε.

⁵ Wəkirinɔ k'alonɔne nwe anabɔy moro mɔ pələk mecir mamɔkɔ pəkekàre nde anɔbancan ɔɛbàpene kɔ Kanu,

⁶ pəgbət telər dəmecir mamɔkɔ, pəwɛsəsər hanɔ camət-mɛrənɔ MARIKI fàr kirinɔ, tekirinɔ ta kəloto nkε kəɔkəɔk tɔksɔ tosoku mɔ.

⁷ Wəlonɔne pəsop mecir mamɔkɔ lɛn manɔkəle ya monɔkubut ma tetek mpe ancɔfε Kanu suray pɔkɔ peyi nde tekirinɔ ta MARIKI mɔ, nde anɔbancan ɔɛbàpene kɔ Kanu. K'elip-ε, pəkɔ pəlonɔr mecir mɛlpəs ma tura tatɔkɔ nde pɛcəmene pa tetek tolonɔne mpe peyi dəkəberε da anɔbancan ɔɛbàpene kɔ Kanu, nde ancɔfε MARIKI yɔcɔl yolonɔne mɔ.

⁸ Pəwure moro fəp ma tura ta kəlonɔne ka kiciya, moro mɔkɔ monɔkump yedisrε ya pɔcɔl papɔkɔ mɔ fəp,

⁹ fi yayɔkɔ mɛrənɔ kɔ moro mɔkɔ mɔfɔktər yi, kɔ mɔkɔ monɔkump yi cəsək kɔ pəwɔtwɔtər pa mim mɔ, pəgbinti mi tin kɔ fi.

¹⁰ Pəmɔ nte anɔwure yi nde dətura ta kəlonɔne ka kəpaɔne pəforu mɔ, wəlonɔne pəcɔfε yi MARIKI nde dətetek tolonɔne mpe ancɔf yɔcɔl yolonɔne mɔ.

¹¹ Mba akata ɔa tura, sɛm ya pi fəp, domp, wɛcək kɔ yedisrε ya pi kələkene yedisrε ya aputuk ya pi fəp,

¹² yɛlpəs ya tura, wəlonɔne pəwurene yi dəsənka todoru kəfo kəsoku nkε anɔbal kəbof kəboɔnɔ mɔ, pəkɔ pəcɔfε yi dəndo nɛnc da tək, nde tɛpɛsa pa kəbof kəboɔnɔ kəronɔ.

Kəlonɔne teta kiciya ka kəlonɔkanε ka aka Yisrayel fəp

¹³ Kò pəyɔne a kəlonɔkanε ka aka Yisrayel fəp ɔaciya tosom tin ta MARIKI ta ɔayɛfene ti-ε, kɔ ɔayɔ tes nte sariyε sa MARIKI səmɔne, tɔsɔne ɔa kəsare kiciya-ε,

¹⁴ ɔnanɔcənacərə kiciya kəɔɔn, ɔakerε tura teta kəlonɔne ka kiciya kəɔkɔ. Nəkəkəre tura tatɔkɔ nde anɔbancan ɔɛbàpene kɔ Kanu tekirinɔ.

15 Abeki a kəlonkanə ka aka Yisrayel ɲadenɲər pi waca dərɔmp, ɲawurə fum wəkin ɲa dacə pəfay tura papəkə MARIKI fər kirin. Pasu təbəl mecir maməkə meberə pi disrə.

16 Wəkirin k'alonɲə wəkə anabəy moro mə, pəkəkərə mecir ma pi nde anɟbancan ɲəbərənə kə Kanu disrə.

17 Wəlonɲə pəgbət tələr dāmecir maməkə, pəwəsəsər mi kəloto kəɲkə kəɲkəɲk təkso tosoku mə haɲ camət-mərən MARIKI fər kirin.

18 Pəsopət sə mecir maməkə lən maɲkələ ya moɲkubut ma tetek mpe ancəf suray mpe peyi MARIKI fər kirin mə nde anɟbancan ɲəbərənə kə Kanu disrə. Pəlonɲər mecir melpəs fəp nde pəcəmənə pa tetek tolonɲə Kanu pəcəl pəcəf mpe peyi nde dəkəberə d'anɟbancan ɲəbərənə kə Kanu mə.

19 Pəwurə moro ma pəcəl papəkə fəp pəcəf mi MARIKI nde tetek tolonɲə kəron.

20 Pəyə teta tura tatəkə pəmə təkə ɔɲyə teta tura mpe aɲlonɲə teta kiciya mə, wəlonɲə pətubucnə kəsəkəs aka Yisrayel kiciya kəɲan, MARIKI pəɲaɲnənə ɲa ki.

21 Wəlonɲə pələk yelpəs ya tura papəkə pəwurənə saɲka todoru, pəkə pəcəf yi pəmə tura polonɲə pa kiciya ka nkənsərka. Kəlonɲə ka kiciya ka kəlonkanə k'aka Yisrayel fəp kə kaɲkə.

Kəlonɲə teta kiciya ka wəkirin wələma

22 Kə pəyənə a wəkirin wəkin eciya MARIKI ta eyefənə ti, pəyə tes nte sariye sa MARIKI Kanu kən səmənə mə, təsənə kə kəsare kiciya-ε,

23 ɔnckənacərə kiciya kaɲkə, pəkərə ambiyofɔ ɲɲə ɲəntəyə dolokəp mə teta kəlonɲə.

24 Pədenɲər ambiyofɔ ɲaɲəkə kəca dərɔmp, pəfay ɲi kəfo nke aɲfay yolonɲə yəcəf mə, nde MARIKI fər kirin. Pasu təbəl mecir maməkə meberə pi disrə. Kəlonɲə ka kiciya kə.

25 Wəlonɲə pəgbət tələr tən mecir ma pəcəl pa kəlonɲə ka kiciya, pəsopət mi lən maɲkələ ya moɲkubut ma tetek mpe ancəf MARIKI yolonɲə mə, pəlonɲər pəcəmənə pa tetek tatəkə mecir melpəs maməkə.

26 Pəcəf MARIKI moro ma pəcəl papəkə fəp nde dətetek tolonɲə kəron, pəmə moro ma kəlonɲə ka kəpaɲnə pəforu. Wəlonɲə pətubucnə kəsəkəs ka wəkirin kəciya kən, MARIKI ɛɲaɲnənə kə kiciya kən.

Kəlonɲə teta kiciya ka fum wələma

27 Kə pəyənə a fum wələma gbəcərəm wəka dətəf eciya sariye sa MARIKI ta eyefənə ti, pəyə tes nte sariye sa MARIKI səmənə mə, təsənə kə kəsare kiciya-ε,

28 ɔnckənacərə kiciya kən, pəkərə wir wəran nwe wəntəyə dolokəp mə teta kəlonɲə ka kiciya kən.

29 Pədenɲər pəcəl pa kəlonɲə papəkə kəca dərɔmp, pəfay pi nde aɲfay yolonɲə nyə ancəf MARIKI mə. Pasu təbəl mecir maməkə meberə pi disrə.

30 Wəlonɲə pəgbət tələr tən dāmecir ma pəcəl pa kəlonɲə ka kiciya kaɲkə, pəsopət mi lən maɲkələ ya moɲkubut ma tetek mpe ancəf MARIKI yolonɲə yəcəf mə, pəlonɲər mecir melpəs məkə pəcəmənə pa pi.

31 Pəwurə moro ma pəcəl papəkə fəp, pəmə təkə aɲwurə moro ma polonɲə pa kəpaɲnə pəforu mə. Wəlonɲə pəcəf mi MARIKI nde tetek tolonɲə kəron, ambənc ɲaɲəkə ɲontore-torə MARIKI abəkəc. Wəlonɲə pətubucnə kəsəkəs kə kiciya kən, MARIKI ɛɲaɲnənə kə ki.

32 Kə pəyənə a fum wəkayi aɲkesiya ɲ'ɛɲkərə kədelonɲə teta kiciya kən-ε, pəkərə aɲkesiya ɲəran ɲɲə ɲəntəyə dolokəp mə.

33 Fum wəkakə pəden kəca kən pəcəl pa kəlonɲə ka kiciya dərɔmp, pəfay pi nde kəfo nke aɲfay yəcəl yolonɲə nyə ancəf MARIKI mə. Pasu təbəl mecir maməkə meberə pi disrə.

34 Wəlonɲə pəgbət tələr tən dāmecir ma pəcəl polonɲə pa kiciya, pəsopət mi lən maɲkələ ya moɲkubut ma tetek mpe ancəf MARIKI yolonɲə mə, pəlonɲər mecir melpəs maməkə pəcəmənə pa pi.

³⁵ Pəwure moro ma pəcəl papəkə fəp, pəmō təkə aŋwure moro ma aŋkesiya nŋe aŋloŋne kəpaŋne ka pəforu mō. Wəloŋne pəcəfe mi MARIKI nde tetek toloŋne kəroŋ kə yoloŋne yəkə ancəfe MARIKI mō. Wəloŋne pətubucne kəsəkəs kə kiciya kən, MARIKI eŋŋaŋne kə ki.»

5

Motubcəne megbasŋa mələma

¹ Kə fum entəŋne tes-ε, pawe dəŋkiti fum wəkakə encəre tes tatəkə mō, wəkayi pəciya kətəwose kəloku təkə ene kə pəyōne fe ti təkə encəre tes tatəkə mō, eŋsare kiciya kən.

² Kə fum oŋgbuŋene paka mpe o mpe pətəsək ta eyefene ti-ε, tōyōne weseŋ wefi, pəcəl pefi, pəliŋe-liŋe pefi, fum wəkayi oŋyōne wətəsək, tēm tatəkə wəkayi eŋsare kiciya.

³ Kə fum oŋgbuŋene pəyikyik pa fum ta eyefene ti təŋsəŋe nkən sō kətəsək, k'endenacəre ti telpəs-ε, wəkayi eŋsare kiciya.

⁴ Kə fum ontore dim pəloku tes o tes ta encem-cemne teləpsər ta ti, pəderəm kəyō pələc kə pəyōne fe ti pətət, k'endenacəre ti telpəs-ε, wəkayi eŋsare kiciya.

⁵ Kə fum esare kiciya pəmō kaŋkə-ε, pəkə pəcəŋ teta tes təkə enciya mō,

⁶ kə təyefe dānda-ε, pəkenē MARIKI aŋkesiya ŋeran teta kəloŋne ka kəlompəs ka kiciya kən. Pəkere sō aŋkesiya ŋeran ŋa teren tin, kə pəyōne fe ti wir wəran wa teren tin teta kəloŋne ka kiciya. Wəloŋne pətubucne kəsəkəs kə kiciya kən.

Yoloŋne nyε atəyō daka ŋaŋkene MARIKI mō

⁷ Kə fum əntəyō pəsətəne aŋkesiya kə pəyōne fe ti wir teta kəloŋne ka kəlompəs ka kiciya kən-ε, wəkayi pəkere MARIKI məpay mərəŋ kə pəyōne fe ti-ε, ntantoriya mərəŋ. Abemp ŋin paloŋne ŋi MARIKI pəmō təkə aŋloŋne poloŋne pa kiciya mō, abemp ŋa mərəŋ pəmō təkə aŋloŋne pəcəl pəcəf mō.

⁸ Fum wəkayi pəkere yi wəloŋne, wəloŋne pənuŋkene pəkere abemp nŋe MARIKI teta kəloŋne ka kiciya mō. Pəkəncəl ŋi kilim, mba ta pəcopu ki de.

⁹ Wəloŋne pəwesəsər mecir ma kəloŋne ka kiciya cəsək ca tetek toloŋne Kanu kəroŋ, pəloŋər mecir melpəs məkə pəcəməne pa tetek. Kəloŋne ka kiciya kə.

¹⁰ Kə tatəkə tencepər-ε, wəloŋne pəcəfe MARIKI abemp ŋa mərəŋ pəmō təkə sariye səluku ti mō. Wəloŋne pətubucne kəsəkəs ka fum wəkakə kəciya kən, MARIKI eŋŋaŋne kə ki.

¹¹ Kə fum əntəyō pəsətəne məpay mərəŋ kə pəyōne fe ti, ntantoriya mərəŋ-ε, wəkayi pəkere kəmbefe kətət kilo kəmaas padeloŋne teta kiciya kən. Mba teta kəloŋne ka kiciya kaŋkə wəkayi əfəber kəmbefe kaŋkə moro ma olif, əfədeŋər sō ki suray. Kəloŋne ka kiciya kə.

¹² Fum wəkayi pəkenē wəloŋne kəmbefe kaŋkə, wəloŋne pəwet ki aŋkulma katin teta kəcem-ceməs, pəcəf ki nde dətetek toloŋne Kanu kə yoloŋne yəkə ancəfe MARIKI mō. Kəloŋne ka kiciya kə.

¹³ Kə telip-ε, wəloŋne pətubucne kəsəkəs kə kiciya nke enciya mō, MARIKI eŋŋaŋne wəkayi kiciya kən. Kəcom kəlpəs, ka wəloŋne kə, pəmō kəloŋne ka meŋgben.

Kəloŋne ka kəlompəs ka kiciya-ciya

¹⁴ Kə MARIKI oluku Musa:

¹⁵ «Kə fum əntəcəme sariye sa ca nyε ampuse MARIKI mō darəŋ ta eyefene ti-ε, enciya kiciya kəpəŋ. Pəkere poloŋne teta kəloŋne ka kəlompəs ka kiciya kən: Aŋkesiya ŋorkun ŋətəyō dolokəp. Kəway ka ŋi kəmbəp kəway kaŋkə amboncər kə nde aŋgbip ŋosoku mō.

¹⁶ Pədeŋər sō alamali nŋe wəloŋne omboncər kə mō teta təkə enciyane aŋgbip mō. Pəsəŋ alamali ŋaŋəkə fəp wəloŋne. Wəloŋne pətubucne kəsəkəs kə kiciya kən kə ka aŋkesiya ŋoloŋne teta kəlompəs ka kiciya kən. MARIKI eŋŋaŋne kə ki.

¹⁷ Kə fum enciya pəyō tes tin nte sariye sa MARIKI səməne mō, ali tōyōne a eyefene fe ti, eŋsare kiciya kən.

¹⁸ Fum wəkayi pəkere wəlonne ankesiya ηorkun dəyəcəl yən teta kəlonpəs ka kəciya kən, nne ηəntəyə dolokəp mə. Nətənnə kəway ka kəlonne ka kəlonpəs ka kiciya. Wəlonne pətubucne kəsəkəs ka wəkayi kiciya kən nke ɔntəyefene mə. Anηanηene kə ki.

¹⁹ Kəlonne ka kəlonpəs ka kiciya kə, bawo wəkayi esare kiciya nnə MARIKI eyi mə.»

²⁰ Kə MARIKI oloku Musa:

²¹ «Fum nwe o nwe enciya MARIKI fər kirin, pəyeme teta paka mpe anasəη kə kəmenk, kə pəyone fe ti, paka mpe enakiye mə, paka mpe enabə, kə pəyone fe ti pəbanjər wenc mə,

²² kə təyone wəkayi efir paka pələma, pəde pəgbekəl ti telpəs, kə pəyone fe maməkə fəp, pəderəm yem disre, nte tənşəne pəmenk tes telec pəmə tatəkə mə-ε,

²³ fum wəkayi enşare kiciya. Pəlukse paka pəkə enkiye, mpe anasəη kə kəmenk, mpe enabanjər wenc, kə pəyone fe ti paka mpe enafir mə wəsərka.

²⁴ Teta paka mpe pənşəne fum kəderəm yem disre mə, pəlukse pi fəp wəsərka, mba pədenjər sə alamali nne wəlonne omboncər kə mə. Pəlonka daka dadəkə pəsəη wəkə enayo di mə dəsək nde encəre a esare kiciya mə.

²⁵ Kə tatəkə telip-ε, fum wəkakə pəkenə wəlonne teta kəlonne ka kəlonpəs ka kiciya kən nnə MARIKI eyi mə, ankesiya ηorkun nne ηəntəyə dolokəp, nne ηəntəne sə kəway nke amboncər kə angbip ηosoku teta kəlonne kanəkə mə.

²⁶ Wəlonne pətubucne kəsəkəs ka fum wəkakə kiciya kən MARIKI fər kirin, təyone kiciya nke o nke enşare mə, MARIKI enηanηene kə ki.»

6

Sariye sa alonne

Kəlonne ka yəcəl nke ancəfe MARIKI mə

¹ Kə MARIKI oloku Musa:

² «Məsom Aruna k'awut ən arkun tosom nte:

Sariye sa pəcəl mpe ancəfe MARIKI mə sə sanşe: Pəcəl pəcəf peyi aco ηa tetek tolonne Kanu kəron pibi fəp hanj dec dəsək, nenc da pi demar pibi fəp.

³ Wəlonne pəberne burumus kə kəgba kən ka kəlotə ka suwa. Pəwet kəbof kəboηu nke nenc dəncəfena MARIKI polonne mə, pəboç ki tetek tolonne Kanu kəsək.

⁴ K'elip-ε, pəwure yamos yayəkə embernena mə, pəlek yocuru pəwet kəbof kanəkə pəwurene ki dəsanka, pəkə pəboç ki kəfo kəsoku.

⁵ Nenc dəcmar tetek tolonne Kanu kəron, ta denime. Bətbət o bətbət wəlonne pəcələr di tək, pədenj polonne pəcəf tetek kəron, pəcəfe MARIKI moro ma pəcəl polonne pa kəpanne pəforu.

⁶ Nenc dəcmar tēm fəp tetek tolonne Kanu kəron, ta denime few.

Kəlonne ka məngebən

⁷ Sariye nse səcəme kəlonne ka məngebən darəη: Awut arkun a Aruna ηackere ki MARIKI fər kirin, tekirin ta tetek tolonne Kanu.

⁸ Wəlonne pəwet yolonne ya məngebən yayəkə ankulma katin ηa kəmbefe kətət, moro ma olif kə suray sətət sa kələl ka kətək fəp nse andenjər yolonne ya məngebən mə, pəcəfe yi MARIKI fəp dətetek tolonne kəron. Təcemceməs tə. Ambənc ηa yi ηontore-tore MARIKI abəkək.

⁹ Aruna k'awut ən arkun ηalek yelpəs ya kəlonne yayəkə, ta ηanəηkəl yi lebin kə ηandedi yi-ε. Kəfo kəsoku kə ηadi yeri yayəkə nde abanηka ηa anjbančan ηəbəpene kə Kanu.

¹⁰ Afənəηkəl yi lebin. Yelpəs yayəkə y'impoce ηa yolonne yem dacə, nye ancəfe ina MARIKI mə. Yeri yayəkə yosoku yə, nye ampuse MARIKI pəmə təkə pəyi kəlonne ka kiciya kə ka kəlonpəs ka kiciya mə.

¹¹ Yuruya ya Aruna arkun gbəcərəm ηande ηacsəm ki. Tede təyone ηa sariye sa doru o doru, dətəmp o dətəmp danjan, nte təyone ta yolonne nye ancəfe MARIKI mə, fum o fum ɔntəyone wəlonne, a pəgbunene yolonne yayəkə mə, enşare kiciya kəpəη.»

¹² Kɔ MARIKI oloku Musa:

¹³ «Yolonɛ nyɛ yɔ Aruna k'awut ɔn arkun ɲanɲɛɛ MARIKI dɔsɔk ndɛ wɛkin ɲa daco ɔɲsɔtɔ kɛbɔy ka kɛyɔnɛ ka wɛlonɛ mɔ: Kɛlonɛ ka mɛɲgbɛn kaɲkɔ Aruna k'awut ɔn ɲalonɛ dɔsɔk dadɔkɔ kɛmbefe kɛtɔt kilo kɛmaas, kilo katin kɔ daco bɛtbɛt, kilo katin kɔ daco dɔfɔy.

¹⁴ Panɔktɛɛnɛ kɛmbefe kaɲkɔ moro ma olif, panɛkɛt kɛcom kaɲkɔ dɛkarɔɔ kɛwon. Mɛdɛ mɛkenɛ MARIKI kɛlonɛ ka mɛɲgbɛn kaɲkɔ. Patepi kɛcom kɛfɛt kɛfɛt a padɛɔfɛ ki MARIKI, ambɔnc ɲanɔkɔ ɲontɔrɛ-tɔrɛ kɔ abɛkɛc.

¹⁵ Wan ka Aruna nwe andebɔy kɛdɛs dekiriɲ da kɛlonɛ dadɔkɔ mɔ, nkɔn sɔ pɛlonɛ kɛlonɛ kaɲkɔ. Sariyɛ sa doru o doru sɔ nnɔ MARIKI eyi mɔ, pɛɔfɛ kɛcom kaɲkɔ fɛp MARIKI.

¹⁶ Kɛlonɛ ka mɛɲgbɛn nkɛ o nkɛ ka wɛlonɛ, pɛɔfɛ ki fɛp MARIKI, ali kɛpic ta pasɔm.»

Kɛlonɛ ka kiciya

¹⁷ Kɔ MARIKI osom Musa:

¹⁸ «Mɛloku Aruna k'awut ɔn:

Sariyɛ nɛ sɛcɛmɛ kɛlonɛ ka kiciya darɛɲ: Kɛfo nkɛ aɲfay yɔcɔl yolonɛ nyɛ ancɔfɛ MARIKI mɔ, difɔ aɲfay sɔ pɔcɔl polonɛ pa kiciya. Paka posoku pɔ mpɛ ampuse MARIKI mɔ.

¹⁹ Wɛlonɛ nwe ɔɲlonɛ polonɛ pa kiciya mɔ, pɛsɔm pi kɛfo kɛsoku ndɛ abanɲa ɲa aɲgbancan ɲɛbɛpɛnɛ kɔ Kanu.

²⁰ Nwe o nwe ɔɲgbuɲɛnɛ sɛm ya polonɛ papɔkɔ mɔ, ɛɲsɛrɛ kiciya kɛpɔɲ! Kɔ mecir ma pɔcɔl papɔkɔ afay mɔ mɛncɛsɛkɛr yamos-ɛ, payak pɛcɛsɛkɛr papɔkɔ ndɛ kɛfo nkɛ ampuse mɔ.

²¹ Dap da dos ndɛ ampɛcɛ sɛm yayɔkɔ mɔ, k'alip-ɛ, pawɔkɛc di. Kɔ pɛyɔnɛ a dap da kɛpɛr d'ampɛcɛ sɛm yayɔkɔ-ɛ, anckɔnalip, pasɔɲk di, payaksɛ di domun.

²² It'ɔyɔnɛ arkun a dokom d'alonɛ gbɛcɛrɛm ɲantam kɛsɔm yi: Yeri yosoku yɔ nyɛ ampuse MARIKI mɔ.

²³ Mba afɔsɔm pɔcɔl polonɛ pa kiciya mpɛ o mpɛ aɲkɛkɛrɛ mecir ma pi ndɛ aɲgbancan ɲɛbɛpɛnɛ kɔ Kanu teta kɛtubucnɛ kɛsɔkɛs ka aɲgbip ɲosoku kɛtɔsɔk mɔ, ta pasɔm pi, mba palɛm pi fɛp dɛnɛnc.»

7

Kɛlonɛ ka kɛlonpɛs ka kiciya

¹ Sariyɛ nɛ sɛcɛmɛ kɛlonɛ ka kɛlonpɛs ka kiciya darɛɲ. Kɛlonɛ kaɲkɛ kɛsoku kɔ, nkɛ ampuse MARIKI mɔ.

² Kɛfo nkɛ aɲfay yɔcɔl yolonɛ yɔcɔf mɔ, aɲfay sɔ pɔcɔl polonɛ teta kɛlonpɛs ka kiciya. Pasu tɔbɔl mecir mamɔkɔ mɛbɛrɛ pi disrɛ. Pawɛsɛsɛr mecir mamɔkɔ cɛsɔk ca tetek tolonɛ Kanu haɲ panɔɲkɛr.

³ Pakɛrɛ moro ma pi fɛp, kɛlɛɲa, kɔ moro mɔkɔ monɲkump yedisrɛ mɔ,

⁴ fi yayɔkɔ mɛrɛɲ kɔ moro mɔkɔ mɔfɔktɛr yi mɔ, kɔ pɛwɔt-wɔtɛr pa mim mɛmɛ aɲgbiti tin kɔ fi mɔ.

⁵ Wɛlonɛ pɛɔfɛ yi MARIKI ndɛ tetek tolonɛ kɛrɔɲ. Kɛlonɛ ka kɛlonpɛs ka kiciya kɔ, nkɛ ancɔfɛ MARIKI mɔ.

⁶ Alonɛ arkun gbɛcɛrɛm ɲantam kɛsɔm sɛm yayɔkɔ kɛfo kɛsoku. Kɛlonɛ kaɲkɛ kɛsoku kɔ, nkɛ ampuse MARIKI mɔ.

⁷ Kɛlonɛ ka kɛlonpɛs ka kiciya kɔ kɛlonɛ ka kiciya, sariyɛ sin sayi sɔ kɛlonɛ kaɲkɛ mɛrɛɲ kɛyɔ: Sɛm yayɔkɔ, wɛlonɛ nwe ontubucnɛ kɛsɔkɛs kiciya mɔ, ɔyɔ yi.

Mpɛ wɛlonɛ ɔɲsɔtɔ mɔ

⁸ Kɔ wɛlonɛ ɛɲkɛnɛ fum pɔcɔl polonɛ pɔcɔf-ɛ, wɛlonɛ ɔyɔ akata ɲa pɔcɔl pɔcɔf papɔkɔ.

⁹ Polonɛ pa mɛɲgbɛn mpɛ o mpɛ pɔ ancɔf doco, panɛkɛt dɛkarɔɔ kɔ pɛyɔnɛ fɛ ti dɛdap mɔ, wɛlonɛ nwe ɛɲkɛkɛrɛ pi pɛɔfɛ MARIKI mɔ, ɔyɔ pi.

10 Polonɔne pa menɔben mpe o mpe p'anaktarene ko moro, ko payone fe ti-e powos, yuruya ya Aruna fep na anyer pi petajene na gber.

Kalonje ka kpanje poforu

11 Sariye nse sacame kalonje ka kpanje poforu daraj, nke anken MARIKI ma.

12 Ko fum endekene kalonje ka kayif MARIKI barka teta patat pan-e, wakayi padenar polonje pa cacom calok-lok nce anaktarene ko moro ma olif ma ta kayo lebin, ko biskit batonokel lebin pasopat bi moro ma olif, ko cacom calok-lok nce alompse kambefe katat nke anaktarene moro ma olif ma.

13 Pakekare so cacom calok-lok nce anokel lebin ma, kadenar ka kalonje ka kayif MARIKI barka ko kalonje ka kpanje poforu kan.

14 Wakayi pabeli paken MARIKI pipic dayolonje yon fep, yelpas yayoko ya wolonje nwe ewesasar mecir ma pocal polonje pa kpanje poforu datetek ma, nkan oyo yi.

15 Sem ya pocal pa kalonje ka kayif MARIKI barka ko ka kpanje poforu, dasok nde ajlonje pi ma, ido ansam yi ali pin afosak pedire han batbat.

16 Ko wakayi enkekare kalonje ka kaderam, ko payone fe ti, kalonje ka kapore abekac nosoku pes-e, dasok nde endekare pocal papoko ma, ido ansam pi. K'asak pelpas pedire-e, antam kasam pi dockosok.

17 Ko payone a sem yentambor afum pasak yi yedire so-e, dockosok da maas pacof yi.

18 Nwe o nwe asam sem ya kalonje kpanje ka poforu kanjo tataka ta maas, fum nwe enken MARIKI polonje ma, MARIKI ofoban pi, kalonje kan kanjo kayone fe ko daka o daka, sem yayoko yoyone ko oj yotasok. Nwe o nwe asam yi ma, esare kiciya.

19 Ko paka potasok ponjbuene sem yayoko-e, ta pasam yi, pagbal yi danenc. Mene fum pasok a pactam kasam sem ya kalonje kanjo.

20 Mba fum nwe o nwe asam sem ya kalonje ka kpanje poforu nke kayone ka MARIKI ta asok-e, ajwure wakayi aYisrayel daco.

21 Fum nwe o nwe ogbuene paka potasok, pamo fum wotasok, sem yotasok, yelije-lije yotasok, paka potasok mpe o mpe, a wakayi pasam sem ya kalonje ka kpanje poforu nke kayone ka MARIKI ma, ajwure wakayi aYisrayel daco.

Sariye salma nse so aka Yisrayel nandecame daraj

22 Ko MARIKI osom Musa:

23 «Maloku aka Yisrayel:

Ta nadi moro ma wana, ma ankesiya ko ma wir.

24 Moro ma wese nwe antafay ko payone fe ti wese nwe sem yendif ma, nantam mi kayone mes fep, mba ta nadi mi.

25 Fum nwe o nwe edi moro ma pocal polonje mpe ankekare pacofe MARIKI ma, ajwure ko aka Yisrayel daco.

26 Ta namun mecir, moyone ma abemp, ma pocal kifo nke o nke nanyi ma.

27 Fum nwe o nwe omun mecir moyone mme o mme ma, ajwure wakayi aka Yisrayel daco.»

28 Ko MARIKI osom so Musa:

29 «Maloku aka Yisrayel: Mena nwe mandekene MARIKI polonje teta kpanje ka poforu ma, maken ko fakel yon nye wakayi embelar polonje pan pa kpanje poforu daco ma.

30 Fum nwe enken MARIKI polonje ma, pakekare moro ma pocal polonje mpe ancufe MARIKI ma, pakekare mi ko kampapac nke antubucne kasaj MARIKI for kirij ma.

31 Wolonje pacofe MARIKI moro mamako nde tetek tolonje karaj, mba kampapac kayone ka Aruna k'awut on arkun.

32 Dayolonje ya kpanje poforu nambela wolonje alanj na kaca katat.

33 Awut arkun a Aruna daco, nwe enkekare mecir ko moro ma pocal polonje pa kpanje poforu ma, nkan asato alanj nanjo.

³⁴ Inlek dɔyolonɛ ya kɔpaɲɛ pɔforu nyɛ aka Yisrayel ɲaɲkɛɛ ina MARIKI mɔ: Kɔmpɔcpɔc nkɛ antubucɛ kɔsɔɲ em mɔ, k'alɔɲk ɲɛ aɲwure mɔ, isɔɲ yi Aruna wɔlonɛ kɔ yuruya yɔn. Sɛm yayɔkɔ yende yɔcyɔnɛ yaɲan, sariyɛ sa doru o doru sɔ tendeyɔnɛ nɔnɔ aka Yisrayel ɲayi mɔ.

³⁵ Fɔkɔl yayɔkɔ yɔ ambeɛ Aruna kɔ yuruya yɔn dɔyolonɛ nyɛ ancɔfɛ MARIKI mɔ, kɔyɛfɛ dɔsɔk ndɛ andɔs ɲa dekirin kɔyɔnɛ alonɛ a MARIKI mɔ.

³⁶ Tatɔkɔ tɔ MARIKI osom aka Yisrayel kɔdɛ kɔcsɔɲ alonɛ fɔkɔl yayɔkɔ dɔsɔk ndɛ ambɔy ɲa mɔ, sariyɛ sa doru o doru sɔ tendeyɔnɛ ɲa dɛtemp o dɛtemp daɲan.

³⁷ Sariyɛ sa yolonɛ sɔ saɲsɛ: Sariyɛ sa yɔcɔl yolonɛ nyɛ ancɔfɛ MARIKI mɔ, sa kɔlonɛ ka mɛɲgbɛn, sa kɔlonɛ ka kiciya, sa kɔlonɛ ka kɔlompɔs ka kiciya, sa kɔlonɛ ka kɔdɔs ka dekirin da alonɛ kɔ sa kɔlonɛ ka kɔpaɲɛ pɔforu.

³⁸ Tatɔkɔ tɔ MARIKI ɛnasom Musa dɔndo dɔtɛgbɛrɛ ndɛ tɔrɔ ta Sinayi, dɔsɔk ndɛ ɛnaloku aka Yisrayel kɔkɛrɛ MARIKI yolonɛ mɔ.»

8

Alonɛ acɔkɔcɔkɔ

8-10

Kɔpus kɔ kɔdɔs ka alonɛ dekirin

¹ Kɔ MARIKI oloku Musa:

² «Mɔlɛk Aruna k'awut ɔn arkun, yamos ya alonɛ, moro mɔbɔy mopuse, tura ta kɔlonɛ ka kiciya, ɲkesiya yorkun nyɛ mɛrɔɲ kɔ kɔfala ka cɔcom cɔtɔnɔɲkɔl lebin.

³ Mɔlonka aka kɔlonkanɛ ka Yisrayel fɔp ndɛ dɔkɔbɛrɛ d'aɲgbancan ɲɛbɔpɛnɛ kɔ Kanu.»

⁴ Kɔ Musa ɔyɔ tɔkɔ MARIKI ɛnasom kɔ mɔ, kɔ aka Yisrayel ɲalonkanɛ ndɛ dɔkɔbɛrɛ d'aɲgbancan.

⁵ Kɔ Musa oloku kɔlonkanɛ ka aka Yisrayel: «Ntɛ tɔ MARIKI osom aka Yisrayel kɔyɔ.»

⁶ Kɔ Musa ɔncɔɲ Aruna kɔ awut ɔn arkun, k'embikɛnɛnɛ ɲa domun.

⁷ K'ember Aruna duma dedisɛ k'ɛɲgbɔnc kɔ tabataba, k'endenɲɔr kɔ burumus kɔ duma da efɔd ndɛ ɛnagbɔncɛ tabataba pa duma da efɔd ndɛ ɛnakot kɔ tadarɔɲ mɔ.

⁸ Kɔ Musa ɛɲgbɛk kɔ yuba yɛgbɛkɛnɛ nyɛ ɛnabɛr masar mɛrɔɲ disɛ mɔ: Tasar ta *Yurim* kɔ ta *Tumim*.

⁹ K'ɛncɔp kɔ kɔfakɔl, k'ɛndɛtɔr ki tekirin abɔpɔr ɲa kɛma, tɛgbɛkɔrɛ ta dɔKanun, pɔmɔ tɔkɔ MARIKI ɛnasom ti Musa mɔ.

¹⁰ Kɔ Musa ɛlɛk moro mɔbɔy mopuse, k'ɔmbɔy dɔkiyi dosoku kɔ ca cɔkɔ yɛnayi di mɔ, k'ompus yi fɔp.

¹¹ K'ɛwɛsɔsɔr moro tetek tolonɛ Kanu haɲ camɔt-mɛrɔɲ tɛta kɔpus ka pi, k'ɔmbɔy tetek tolonɛ Kanu kɔ yosumpɔr-sumpɔr ya di fɔp, kɔsɔmp kɔ pɛcɔmɛnɛ pa ki ntɛ tɔɲsɔɲɛ pɔpus yi mɔ.

¹² K'olonɲɔr domp da Aruna moro mamɔkɔ, k'ɔmbɔy Aruna sɔ ntɛ tɔɲsɔɲɛ pɔpus kɔ mɔ.

¹³ Kɔ Musa ɔncɔɲɛnɛ awut arkun a Aruna, k'ember ɲa suma sɔdisɛ. K'ɛɲgbɔncɔs ɲa mabamaba, k'ɛncɔpɔs ɲa cɔfakɔl pɔmɔ tɔkɔ MARIKI ɛnasom ti Musa mɔ.

¹⁴ Kɔ Musa ɔlɔtɔrɛnɛnɛ tura tolonɛ ta kiciya. Aruna kɔ awut ɔn arkun ɲandenɲɔr pi waca dɔrɔmp.

¹⁵ Kɔ Musa ɛfay pi, k'asu tɔbɔl kɔ mecir mamɔkɔ mɛmbɛrɛ pi disɛ. Kɔ Musa ɛlɛkɛ mecir tɛlɔr tɔn k'osopɔt mi lɛn maɲkɔlɛ ya mɔɲkubut ma tetek tolonɛ Kanu tɛta kɔpusɛ ka pi MARIKI. Tatɔkɔ t'ɛnasɔkɔs tetek tolonɛ Kanu. K'olonɲɔr mecir mɛlpɔs mɔkɔ pɛcɔmɛnɛ pa tetek tolonɛ, k'ompus pi ntɛ tɔɲsɔɲɛ pactam kɔsɔkɔs ka pi kɔtɔsɔk mɔ.

¹⁶ Kɔ Musa ɛlɛk moro mɔkɔ mɛnakump yedisɛ mɔ fɔp, pɔwɔtɔwɔtɔr pa mim kɔ fi nyɛ mɛrɔɲ kɔ moro ma yi, k'ɔncɔfɛ yi MARIKI tetek tolonɛ kɔronɲ.

¹⁷ Mba kɔ Musa ɔɲkɔ pɔcɔf ndɛ saɲka todoru yɛlpɔs ya tura: Akata, sɛm kɔ yedisɛ ya aputuk pɔmɔ tɔkɔ MARIKI ɛnasom kɔ ti mɔ.

18 Kɔ Musa ɛŋkɛrɛ aŋkesiya ŋorkun ŋa polonɛ pɔcɔf. Aruna kɔ awut ɔn arkun ŋandenɔr ŋi waca dɛromp.

19 Kɔ Musa ɛfay ŋi, k'asu tɔbɔl, kɔ mecir mamɔkɔ mɛmbɛrɛ pi disrɛ. Kɔ Musa ɛwɛsɛsɛr mi tetek tolonɛ Kanu cɛsɛk haŋ k'ɔnɔŋkɛr.

20 Kɔ Musa ɛncɛnɛs aŋkesiya ŋorkun ŋaŋɔkɔ fɛkɛl fɛkɛl. K'ɔncɔfɛ yi MARIKI kɛyɛfɛ domp, fɛkɛl, kɔ moro ma aŋkesiya ŋaŋɔkɔ.

21 K'ɛyakɛ yedisrɛ kɔ wɛcɛk domun, a k'endecɔf yi fɛp nde tetek tolonɛ Kanu kɛronɔ. Aŋkesiya ŋorkun ŋaŋɔkɔ fɛp ŋɔ Musa ɛnacɔfɛ MARIKI. Polonɛ papɔkɔ p'ancɔfɛ MARIKI, ambɔncɛ ŋa pi ŋontore-torɛ MARIKI abɛkɛc. Musa ɛnayɔ pɛmɔ tɔkɔ MARIKI ɛnasom kɔ ti mɔ.

22 Kɔ Musa ɛŋkɛrɛ aŋkesiya ŋa mɛrɛŋ ŋɛ ŋoyɔnɛ ŋa kɛdɛs ka dekirinɔ da kɛlonɛ mɔ. Aruna kɔ awut ɔn arkun ŋandenɔr aŋkesiya ŋaŋɔkɔ waca dɛromp.

23 Kɔ Musa ɛfay ŋi, k'asu tɔbɔl, kɔ mecir mamɔkɔ mɛmbɛrɛ pi disrɛ. Kɔ Musa ɛlɛk mecir, k'osop mi alɛŋɛs ŋa kɛca kɛtɔt ka Aruna kɔ telɛr tɔn tɔpɔŋ ta kɛca kɛtɔt kɔ telɛr tɔn tɔpɔŋ pa kɛcɛk kɔn kɛtɔt.

24 Kɔ Musa ɔncɔŋɛnɛ awut arkun a Aruna, k'osop ŋa mecir mamɔkɔ nde lɛŋɛs yaŋan ya kɛca kɛtɔt, mɛlɛr maŋan mɔpɔŋ ma waca waŋan wɔtɔt kɔ mɛlɛr maŋan mɔpɔŋ ma wɛcɛk waŋan wɔtɔt, kɔ Musa ɛwɛsɛsɛr mecir mɛlpɛs mɔkɔ tetek tolonɛ Kanu cɛsɛk haŋ k'ɔnɔŋkɛr.

25 Kɔ Musa ɛlɛk kɛlɛŋa kɔ moro mɔkɔ mɛnakump yedisrɛ ya aŋkesiya nyɛ mɔ, kɔ pɛwɔtwɔtɛr pa mim kɔ fi mɛrɛŋ kɔ moro ma yi kɔ alɛŋk ŋa kɛcɛk kɛtɔt.

26 Kɔ Musa ɛlɛk kɛfala ka cɛcom cɛtɔnɔŋkɛl lebin nke anacɛmbɛr MARIKI fɔr kirinɔ mɔ, k'ɛlɛk kɛcom kɛlok-lok kin, kɛcom kɛlok-lok kin nke anɔktɛrɛnɛ moro ma olif mɔ, kɔ biskit, k'endenɔr yi moro ma pɔcɔl polonɛ kɔ alɛŋk ŋa kɛca kɛtɔt kɛronɔ.

27 Kɔ Musa ɛlɛk yi fɛp k'ɛmbɛr Aruna dɛwaca kɔ awut ɔn, k'ontubucnɛ kɛsɔŋ yi MARIKI fɔr kirinɔ.

28 Kɔ Musa ɛmbaŋɛr ŋa yi dɛwaca, k'endenɔr yi pɔcɔl pɔcɔf kɛronɔ, k'ɔncɔfɛ yi fɛp MARIKI dɛtetek tolonɛ kɛronɔ. Kɔ tɔyɔnɛ kɛlonɛ ka kɛdɛs ka alonɛ dekirinɔ da yɛbɛc ya dɛKanu. Kɛlonɛ kɔ, nke ancɔfɛ MARIKI mɔ, nke ambɔncɛ ŋa ki ŋontore-torɛ MARIKI abɛkɛc mɔ.

29 Kɔ Musa ɛlɛk kɛmpɛcɛpɛc ka aŋkesiya ŋolonɛnɛ ŋa kɛdɛs dekirinɔ da kɛlonɛ, k'ontubucnɛ kɛsɔŋ ŋi MARIKI fɔr kirinɔ, ŋaŋɔkɔ ŋɛnayɔnɛ ŋa Musa, pɛmɔ tɔkɔ MARIKI ɛnasom kɔ ti mɔ.

30 Kɔ Musa ɛlɛk moro mɔbɔy mɔpɔsɛ kɔ mecir mɔkɔ mɛnayi nde dɛtetek tolonɛ Kanu kɛronɔ mɔ, k'ɛwɛsɛsɛr mi Aruna kɔ yamos yɔn, awut ɔn kɔ yamos yaŋan. K'ompus Aruna kɔ yamos yɔn, awut a Aruna arkun kɔ yamos yaŋan.

31 Kɔ Musa oloku Aruna kɔ awut ɔn arkun: «Nɛpɛc sɛm nyɛ nde kusunɔka ka aŋgbancan ŋɛbɛpɛnɛ kɔ Kanu, difɔ nɛŋkɔsɔm yi kɔ cɛcom nɛɛ cɔyi nnɔ kɛfala ka kɛdɛs ka dekirinɔ mɔ, pɛmɔ tɔkɔ inalukɛ nu kɛsom ka Kanu mɔ: Aruna kɔ awut ɔn ŋaŋsɔm yi.

32 Kɔ yɔntɔlip-ɛ, nɛcɔf yɛlpɛs ya sɛm kɔ cɛcom cacɔkɔ.

33 Mata camɛt-mɛrɛŋ nɛfɔyɛfɛ dɛkɛbɛrɛ da aŋgbancan ŋɛbɛpɛnɛ kɔ Kanu haŋ mataka ma kɛdɛs konu dekirinɔ mecepɛr, bawo mata camɛt-mɛrɛŋ m'andɛs nu dekirinɔ da kɛlonɛ.

34 Tantɛ teyi mɔkɔ mɔ, tɔ MARIKI nkɔn wɛsɛrka osom a payɔ, nte tɔŋsɔŋɛ kɛsɔkɛs nu kiciya konu mɔ.

35 Mata camɛt-mɛrɛŋ mɔ nɛndeyi dɛkɛbɛrɛ da aŋgbancan ŋɛbɛpɛnɛ kɔ Kanu, pibi kɔ dan kɔ tencepɛr-ɛ nɛmɛŋkɛrɛnɛ sariyɛ sa MARIKI saŋsɛ nte tɔŋsɔŋɛ ta nɛfi mɔ: Tantɛ t'anasom im.»

36 Aruna kɔ awut ɔn arkun ŋayɔ mɔyɔ fɛp mɛmɛ MARIKI ɛnasom Musa nnɔ ŋayi mɔ.

9

Yolonɛ yɔcɔkɔ-cɔkɔ ya Aruna k'awut ɔn nde aŋgbancan ŋɛbɛpɛnɛ kɔ Kanu

¹ Tataka ta camət-maas kɔ Musa ewe Aruna kɔ awut ɔn arkun, kələkɛnɛ ka abeki aka Yisrayel.

² Kɔ Musa oloku Aruna: «Mələk tura tɛfɛt ta kəlonɛnɛ ka kiciya kɔ aŋkesiya ɲorkun ɲa teren tin teta polonɛnɛ mɛpɛ ancɔfɛ MARIKI mɔ, mɛrəŋ ma yi fəp ta yɔyɔ dolokəp, məmentər yi MARIKI fɔr kirinɲ.

³ Məloku aka Yisrayel nte: Nələk ambiyofɔ teta kəlonɛnɛ ka kiciya, tura ta teren tin kɔ aŋkesiya ɲorkun ɲa teren tin ta yɔyɔ dolokəp, nəcɔfɛ yi MARIKI,

⁴ tura tin kɔ aŋkesiya ɲorkun ɲin ɲa kəlonɛnɛ ka kəpaŋnɛ pəforu nte təŋsəŋɛ palonɛnɛ yi MARIKI fɔr kirinɲ mɔ, kɔ kəlonɛnɛ ka mɛŋgbɛn nke anəktərənɛ kɔ moro ma olif mɔ, bawo MARIKI endewurər nu məkɔ!»

⁵ K'aŋkekərə ca yɔkɔ Musa ɛnasom kəkəkərə nde dəkəbərə da aŋgbancan ɲɛbərənɛ kɔ Kanu mɔ. Kɔ kəlonɛnɛ ka aka Yisrayel fəp ɲabərənɛ kɔ ɲancəmɛ MARIKI fɔr kirinɲ.

⁶ Kɔ Musa oloku: «Nte tɔ MARIKI osom, nəyɔ ti nte təŋsəŋɛ nərə da delel da MARIKI dowurər nu mɔ.»

⁷ Kɔ Musa oloku Aruna: «Məlɔtərɛnɛ tetek tolonɛnɛ Kanu. Məlɔnɛnɛ kəlonɛnɛ ka kiciya kam kɔ pɔcəl polonɛnɛ pɔcɔf pam, mətubucnɛ kəsəkəsɛnɛ kiciya kam kɔ ka afum. Məsəŋ sɔ yolonɛnɛ ya afum, mətubucnɛ sɔ kəsəkəs ɲa kiciya kəŋan pəmɔ təkɔ MARIKI osom ti mɔ.»

⁸ Kɔ Aruna ɔlɔtərɛnɛ tetek tolonɛnɛ Kanu k'ɛfay tura tɛfɛt teta kiciya ka nkənsərka. K'asu tɔbəl, kɔ mecir maməkɔ mɛmbərə pi disrɛ.

⁹ Kɔ awut arkun a Aruna ɲaŋkɛnɛ kɔ mi. K'Aruna ɛŋgbət mi tɛlər tən k'osopət lɛn maŋkələ ya moŋkubut ma tetek tolonɛnɛ, k'olonɛr mɛlpəs pɛcəmɛnɛ pa pi.

¹⁰ K'əncɔfɛ MARIKI dətetek tolonɛnɛ kəronɲ moro ma pɔcəl, fi mɛrəŋ kɔ pəwot-wotər pa mim ma kəlonɛnɛ ka kiciya, pəmɔ təkɔ MARIKI ɛnasom ti Musa mɔ.

¹¹ Mba k'aŋkɔ pɔcɔf sanɲa tadarəŋ sɛm kɔ akata.

¹² K'Aruna ɛfay pɔcəl mɛpɛ ancɔfɛ MARIKI mɔ, k'asu tɔbəl, kɔ mecir maməkɔ mɛmbərə pi disrɛ. Kɔ awut ɔn ɲasəŋ kɔ mecir maməkɔ, k'ɛwɛsəsər mi cəsək ca tetek tolonɛnɛ haŋ k'əŋəŋkər.

¹³ Kɔ ɲasəŋ kɔ fəkəl kɔ domp da polonɛnɛ pɔcɔf, k'əncɔfɛ yi MARIKI tetek tolonɛnɛ kəronɲ.

¹⁴ K'ɛyak yedisrɛ ya pɔcəl papəkɔ kɔ wɛcək, k'əncɔfɛ yi MARIKI nde dətetek tolonɛnɛ kəronɲ kɔ polonɛnɛ pɔcɔf.

¹⁵ Kɔ Aruna olonɛnɛ yolonɛnɛ ya aka Yisrayel. K'ɛlɛk ambiyofɔ nɲɛnɛ aka Yisrayel ɲanakərə kədolonɛnɛ teta kiciya mɔ, k'ɛfay ɲi, k'olonɛnɛ ɲi teta kiciya pəmɔ təkɔ ɛnalonɛnɛ tura mɔ.

¹⁶ K'ɛŋkɛnɛ MARIKI yolonɛnɛ yɔcɔf nyɛ mɛrəŋ pəmɔ təkɔ sariyɛ səlɔku ti mɔ.

¹⁷ K'ɛŋkekərə yolonɛnɛ ya mɛŋgbɛn nyɛ ɛnalas dəkəca mɔ, k'əncɔfɛ yi MARIKI nde dətetek tolonɛnɛ kəronɲ, kələkɛnɛ ka polonɛnɛ pɔcɔf pɛbətɔt.

¹⁸ K'ɛfay tura kɔ aŋkesiya ɲorkun teta kəlonɛnɛ ka kəpaŋnɛ pəforu ka afum. K'asu tɔbəl, kɔ mecir maməkɔ mɛmbərə pi disrɛ. Kɔ awut arkun a Aruna ɲasəŋ kɔ mecir maməkɔ, k'ɛwɛsəsər mi cəsək ca tetek tolonɛnɛ haŋ k'əŋəŋkər.

¹⁹ Kɔ ɲasəŋ kɔ moro ma tura kɔ aŋkesiya, kələŋa kɔ moro moŋkump fi kɔ pəwot-wotər pa mim.

²⁰ K'endenɲ moro dəkəmpəcpəc, k'əncɔfɛ MARIKI moro dətetek tolonɛnɛ kəronɲ.

²¹ Kɔ Aruna ontubucnɛ kəsəŋ kəmpəcpəc kɔ aləŋk ɲa kəca kətət MARIKI fɔr kirinɲ, pəmɔ təkɔ Musa ɛnasom ti mɔ.

²² Kɔ Aruna eyekti waca darenc nɲɔnɛ aka Yisrayel ɲayi mɔ, k'ontolanɛ ɲa pətət. Nte elip kəlonɛnɛ ka kiciya, kəlonɛnɛ ka polonɛnɛ pɔcɔf kɔ kəlonɛnɛ ka kəpaŋnɛ pəforu mɔ, k'ontor tetek tolonɛnɛ Kanu.

²³ Musa kɔ Aruna ɲambərə aŋgbancan ɲɛbərənɛ kɔ Kanu disrɛ. Nte ɲandewur mɔ, kɔ ɲantolanɛ aka Yisrayel pətət. Kɔ nərə da debeki da MARIKI dowurər aka Yisrayel fəp.

²⁴ Kɔ nɛnc dowur MARIKI fɔr kirinɲ kɔ dəncɔf pɔcəl polonɛnɛ pɔcɔf kɔ moro ma pi dətetek tolonɛnɛ kəronɲ. Kɔ aka Yisrayel fəp ɲanəŋk ti. Kɔ ɲaŋkul-kulɛnɛ pəbotu, kɔ ɲancəp mobu dətɔf.

10

Sariye sa kabal

¹ Kɔ awut arkun merəŋ a Aruna, Nadab kɔ Abihu nwe o nwe k'elek tap k'ember pi nenc disre k'əncələr suray. Kɔ ŋan̄kene MARIKI nenc nde denatotesɛ nde enatəsom ŋa kəkere mə.

² Kɔ nenc dowur MARIKI tekirin, kɔ dāncɔf ŋa, kɔ ŋafi merəŋ maŋan MARIKI fɔr kirin.

³ Kɔ Musa oloku Aruna: «Nte tɔ MARIKI enasom:

ɪfan̄ aŋe ŋan̄lɔtərn'em mə,
 ŋacərə a in'oyəne Kanu ka kance,
 ŋade ŋacleləs dosoku dem.
 Ŋacyek-yekəs nərə da debeki dem
 aka Yisrayel fəp fɔr kirin.»

Kɔ Aruna encan̄k pem.

⁴ Kɔ Musa ewe Misayel kɔ Elcafan̄ awut a Usiyel papa ka Aruna wəfet, k'oloku ŋa: «Nəcəŋne nade nələk awenc nu aŋa, nəwurene ŋa dan̄gbancan ŋosoku, nəbələne ŋa san̄ka.»

⁵ K'akakɔ ŋancəŋne kɔ ŋalək cəbel cəŋan ŋasərəberne suma sədisre səŋan kɔ ŋawurene ŋa dəsan̄ka, pəmɔ təkɔ Musa enaloku ti mə.

⁶ Kɔ Musa oloku Aruna, Elasar kɔ Itamar, awut a Aruna: «Ta nəsakti cəfon conu. Ta nəwal-wali yamos yonu, təŋsəŋe nu kətəfi, təŋsəŋe kətəkere kəlon̄kanə ka aka Yisrayel mətɛɛ. Awenc nu aŋa, aka Yisrayel fəp ŋabok teta afum aŋe nenc da MARIKI dendif mə.

⁷ Ta nəyefe dəkəbere da aŋgbancan ŋebəpene kɔ Kanu, ta tedesəŋ'on kəfi, bawo moro məbəy teta kəpus ma MARIKI meyi nu dərɪs.» Kɔ ŋayɔ təkɔ Musa enaloku ŋa mə.

Sariye sa yomun yecisəs

⁸ Kɔ MARIKI oloku Aruna:

⁹ «Məna kɔ awut am: Kɔ nəndekɔ nəcbere aŋgbancan ŋebəpene kɔ Kanu-ɛ, ta nəmun wen, ta nəmun sə maŋkəntɔ mmɛ o mmɛ, təŋsəŋe nu kətəfi. Tende təyənɛ nu sariye sa doru o doru, detemp o detemp donu.

¹⁰ Ti tendesəŋ'on nəctam kəgbey paka popus kɔ pətəpus, paka posoku kɔ pətəsək.

¹¹ Nəctam sə kətəkɛ aka Yisrayel sariye nse MARIKI enasom Musa kədeloku ŋa mə.»

Pəsətə pa alon̄ne yolon̄ne dacɔ

¹² Kɔ Musa oloku Aruna, kɔ awut ən aŋe ŋanacəme kɔ mə, Elasar kɔ Itamar: «Nələk yolon̄ne ya mən̄gben yelpəs ya yolon̄ne nyɛ ancəfe MARIKI mə, nədi yi tetek tolon̄ne kəsək. Ta nənəŋkəl yi lebin de, yeri yosoku yɔ nyɛ ampuse MARIKI mə.

¹³ Nədi yi kəfo kəsoku: Itə sariye səloku nu məna kɔ awut am arkun teta yolon̄ne nyɛ ancəfe MARIKI mə, itə anasom im.

¹⁴ Nəsəm sə yi kəfo kəsoku, məna kɔ awut am kəyefe kəmpəcpəc nke anatubucne kəsəŋ MARIKI kɔ aləŋk ŋəkɔ anabelər mə. Asəŋ nu yi, kɔ sariye səloku a mən'oyɔ yi k'awut am, nnə yolon̄ne ya kəpaŋne pəforu ya aka Yisrayel yeyi mə.

¹⁵ Aka Yisrayel ŋade ŋackere moro ma yɔcəl yolon̄ne nyɛ ande paccəfe MARIKI mə, ŋabelər aləŋk kɔ kəmpəcpəc ŋatubucne kəsəŋ yi MARIKI fɔr kirin. K'alip ti-ɛ, aləŋk kɔ kəmpəcpəc yəyənɛ yonu, bawo sariye sa MARIKI sə, sem yonu yɔ yayəkɔ doru o doru, pəmɔ təkɔ MARIKI osom ti mə.»

¹⁶ Kɔ Musa enten ambiyofɔ ŋolon̄nene kiciya belbel, mba k'ənkɔ pəbəp pacɔf ŋi. Kɔ pəntɛɛ Musa nnə Elasar kɔ Itamar ŋayi mə, awut arkun a Aruna aŋe ŋanacəme kɔ mə, kɔ Musa eyif ŋa:

¹⁷ «Ta ake tɔ nəntəsəme ambiyofɔ ŋolon̄nene kiciya nde kəfo kəsoku-ɛ? Yeri yosoku yɔ nyɛ ampuse MARIKI mə, əsəŋ nu yi nte təŋsəŋe nəcsare kiciya ka kəlon̄kanə ka aka Yisrayel, nəctubucne kəsəkəs ŋa kiciya kəŋan mə, itə MARIKI əsəŋe nu ŋi.

¹⁸ Anakekərə fe mecir maməkɔ nde aŋgbip ŋosoku disre. Pənamar nəsəm ambiyofɔ ŋan̄kɔ nde kəfo kəpus mə, pəmɔ təkɔ inasom nu ti mə.»

¹⁹ Kɔ Aruna oloku Musa: «Dɔsɔk dandɛ dɔ awut em ɲanakekɛrɛ kɛlɔŋnɛ ka kiciya kɛŋan kɔ ka polɔŋnɛ pɔcɔfɛ MARIKI fɔr kirɪŋ. Mɛncɛrɛ belbel tɔkɔ tenasɔt'em mɔ: K'isɔm dɔsɔk dɔmɔkɔ polɔŋnɛ pa kiciya-ɛ, tɔmbɔt MARIKI ba?»

²⁰ Kɔ Musa ene ti, kɔ tɔmbɔt kɔ.

Ca nyɛ yɔsɔk kɔ nyɛ yɔntɔsɔk mɔ

11

Sɛm nyɛ MARIKI owoɛ nu kɛsɔm kɔ nyɛ ɔmɔnɛ kɛsɔm mɔ

¹ Kɔ MARIKI osom Musa kɔ Aruna:

² «Nɛlɔku aka Yisrayel:

Sɛm nyɛ yeyi dɛntɔf mɔ fɛp, nyɛ y'awoɛ nu kɛdɛ kɛcsɔm:

³ Nɛndetam kɛcsɔm sɛm fɛp nyɛ yɛŋgbɛyɛnɛ mɛlɛr mɔ, yɛcnakɛmɛnɛ kɔ yɔntɔyi kɛsɔmɔt-ɛ, pɛmɔ wana.

⁴ Mba ta nɛdɛ nɛcsɔm sɛm nyɛ yɛŋnakɛmɛnɛ gbɛcɛrɛm ta yɛŋgbɛyɛnɛ mɛlɛr mɔ. Ta nɛdɛ nɛcsɔm sɔ sɛm nyɛ yɛŋgbɛyɛnɛ mɛlɛr mɛrɛŋ gbɛcɛrɛm ta yɛnakɛmɛnɛ mɔ, pɛmɔ sɛm nyɛ: Yɔkɔmɛ yɛŋnakɛmɛnɛ, mba yɛŋgbɛyɛnɛ fɛ mɛlɛr, yɔsɔk fɛ nnɔ nɛyi mɔ.

⁵ Debem da dɛmasar sɔ dɛŋnakɛmɛnɛ, mba dɛŋgbɛyɛnɛ fɛ mɛlɛr, dɔsɔk fɛ nnɔ nɛyi mɔ.

⁶ Tɔrɔp tɛŋnakɛmɛnɛ, mba pɛŋgbɛyɛnɛ fɛ mɛlɛr, pɔsɔk fɛ nnɔ nɛyi mɔ.

⁷ Asɔp ɲɛŋgbɛyɛnɛ mɛlɛr, mba ɲɔfɔnakɛmɛnɛ yeri pɛmɔ wana, ɲɔsɔk fɛ nnɔ nɛyi mɔ.

⁸ Ta nɛsɔm sɛm ya asɔp, ta nɛgbuɲɛnɛ ɲɛfi ɲa yi. Nɔsɔk fɛ nnɔ nɛyi mɔ.

⁹ Ntɛ tɔyɔnɛ sɛm nyɛ yeyi dɛromun mɔ, nyɛ yɔ awoɛ nu kɛdɛ kɛcsɔm: Sɛm nyɛ yɔyɔ yɛŋɛrnɛnɛ kɔ wokwok mɔ fɛp, kɔ yeyi dɛromun mɔ, tɔyɔnɛ dɛcɛba tɔyɔnɛ dɛcɛŋgbɔkɔ.

¹⁰ Mba sɛm yɛfɛt yɛfɛt kɔ yɔpɔŋ nyɛ yeyi dɛromun mɔ fɛp, tɔyɔnɛ dɛcɛba tɔyɔnɛ dɛcɛŋgbɔkɔ, yɛliɲɛ-liɲɛ nyɛ yɔntɔyɔ wokwok kɔ yɛŋɛrnɛnɛ mɔ, nɛtɛr yɔtɔsɔk yayɔkɔ.

¹¹ Nɛtɛr sɛm yayɔkɔ, ta nɛsɔm yi. Nɛkɛmbɛrnɛ kɛcgbuɲɛnɛ yi, nɛlɔm pɛfi pa yi pɛmɔ pɛyikyik mɛpɛ nɛntɛr mɔ.

¹² Nɛtɛr sɛm ya dɛromun fɛp nyɛ yɔntɔyɔ yɛŋɛrnɛnɛ kɔ wokwok mɔ.

¹³ Kɔ bɛmp nyɛ yɔ nɛndɛtɛr, ta nɛdɛ nɛcsɔm yi, yɔsɔk fɛ nnɔ nɛyi mɔ: Asiksik, ayɔfɛn, asiksik ɲa dɛkɛba,

¹⁴ aɲkɛlɔkɛlɔ, tɛŋgbɛ kɔ dokomɛnɛ da yi,

¹⁵ bɛmp yaser kɔ dokomɛnɛ da yi fɛp,

¹⁶ otɛris, awump ɲa dare, acɛmɛcɛmɛ, abɛkar kɔ dokomɛnɛ da yi,

¹⁷ awump ɲa dop kɔ dokomɛnɛ da ɲi, aɲgbɛŋgbɔlɛc,

¹⁸ antombɔn, ayɔfɛn,

¹⁹ kɛtɛp kɔ dokomɛnɛ da yi, kɔ tempirfin.

²⁰ Nɛtɛr yeyi wɛyɛŋ yɛfɛt yɛfɛt nyɛ yɔyɔ banca yɛcfɛlɛr kɔ yɔckɔt wɛcɛk wa yi maɲkɛlɛ kɛrɔŋ mɔ, yɔsɔk fɛ nnɔ nɛyi mɔ.

²¹ Mba yoyokɛ-yokɛ yɛfɛt yɛfɛt dɛcɔ nyɛ yɔyɔ banca yɛcfɛlɛr mba yɔckɔtɛnɛ sɔ wɛcɛk maɲkɛlɛ mɔ, nɛntam kɛsɔm nyɛ yɔyɔ wɛcɛk mɛrɛŋ nwɛ wentam kɛsɔŋɛ yi kɛyokɛ dɛntɔf mɔ.

²² Yoyokɛ-yokɛ nyɛ yɛŋfɛlɛr mɔ, nyɛ yɔ nɛndɛ nɛctam kɛcsɔm: Dokomɛnɛ da cɛlaɲkɛma kɔ cɛcal.

²³ Mba yɛŋɛsɔm yɛfɛt yɛfɛt yɔlɔma nyɛ yɔyɔ banca yɛcfɛlɛr, yɔckɔt sɔ wɛcɛk maɲkɛlɛ wa yi kɛrɔŋ mɔ fɛp, yɔsɔk fɛ nnɔ nɛyi mɔ, nɛdɛ nɛtɛr yi.

Yogbuɲɛnɛ ya sɛm nyɛ yɔŋsɔŋɛ fum kɛtɔsɔk mɔ

²⁴ Sɛm nyɛ yɔŋsɔŋɛ nu kɛtɔsɔk: Nwɛ o nwɛ ogbuɲɛnɛ wɛfi wa yi, wɛkayi ɔsɔk fɛ haɲ dec dɛkalɛ.

²⁵ Nwɛ o nwɛ ɔntɔmpɛr wɛsɛm wɛfi wawɔkɔ mɔ, pɛmar pɛyak yamos yɔn, wɛkayi ɔsɔk fɛ haɲ dec dɛkalɛ.

²⁶ Wεsem nwe o nwe wɔntɔgbeyene melar belbel kɔ pɔyɔne fe ti ta weɲnakəmne kɔ wendejesəm pəmɔ wana-ε, wɔsɔk fe nnɔ nɔyi mɔ. Nwe o nwe oɲgbuɲene wi mɔ, ɔsɔk fe.

²⁷ Wεsem nwe o nwe wɔyɔ wecɔk maɲkɔle nwe wɔyɔ sɛnc mɔ, wɔsɔk fe nnɔ nɔyi mɔ. Nwe o nwe oɲgbuɲene wefi wa yi, ɔsɔk fe haɲ dec dekalɛ.

²⁸ Nwe o nwe ɔtɔmpɛr wefi wa yi, pɔyak yamos yɔn, ɔsɔk fe haɲ dec dekalɛ. Yɔsɔk fe nnɔ nɔyi mɔ.

²⁹ Sem yeliɲε-liɲε nye yeɲsep dɔntɔf mɔ, nye yɔntɔsɔk nnɔ nɔyi mɔ: Agbelkεc, wer, asel kɔ dokomene da yi,

³⁰ sokedɔɲke, acarar, kambambɔrɔt, teɲbɔcmɔte, kɔ akalencen.

³¹ Sem yefet yeliɲε-liɲε yeɲsep dacɔ, nye yɔntɔsɔk nnɔ nɔyi mɔ. Nwe o nwe oɲgbuɲene pefi pa yi, ɔsɔk fe haɲ dec dekalɛ.

³² Paka mpe o mpe pɔ peliɲε-liɲε papɔkɔ pin pefi payi pentempene kɔroɲ, pɔsɔk fe: Tɔyɔne apɛpɛ, yamos, akata, alɔba, paka mpe o mpe andegbuɲsɛrene mɔ. Payakse paka papɔkɔ domun, mba pɔsɔk fe haɲ dec dekalɛ. Kɔ dɔfɔy dencepɛr-ε, pɔɲsɔk oɲ.

³³ Pɛsel mpe o mpe pɔ yeliɲε-liɲε yayɔkɔ pin pefi payi pentempene disre ca cɔlɔma kɔroɲ, pɔsɔk fe sɔ, nɔwɔkɔc pɛsel papɔkɔ.

³⁴ Peri mpe o mpe pɔ aloɲɛr domun nde deyefe pɛsel papɔkɔ disre mɔ, pɔsɔk fe sɔ. Kɔ pɔyɔne pomun pɔ-ε, pɔsɔk fe, peyi oɲ pɛberɛ mpe o mpe disre.

³⁵ Paka mpe o mpe pɔ pefi pa pin pa yeliɲε-liɲε yayɔkɔ pentempene kɔroɲ, pɔsɔk fe. Kɔ tɔyɔne pentempene pɔcɔfe cɔcom disre-ε, palɔsɛr pi, pɔcɔfe kɔcom papɔkɔ pɔsɔk fe oɲ nnɔ nɔyi mɔ.

³⁶ Kɔ pefi pa yeliɲε-liɲε papɔkɔ pin pentempene dɔkɔlɔmp kɔ pɔyɔne fe ti, dɔkɔɲgbɔkɔ-ε, domun dadɔkɔ dɔsɔk, mba fum wɔkɔ ɔɲkɔwure pi dɔnda dɔromun mɔ, ɔsɔk fe.

³⁷ Kɔ pefi payi pentempene meɲgben mɔkɔ pɔmar pakɔbɔf mɔ kɔroɲ-ε, meɲgben mamɔkɔ mɔsɔk.

³⁸ Mba kɔ pɔyɔne a ampuk meɲgben mamɔkɔ teta kɔdi-ε, a pefi pa peliɲε-liɲε papɔkɔ pɛctempene mi kɔroɲ-ε, meɲgben mamɔkɔ mɔsɔk fe nnɔ nɔyi mɔ.

³⁹ Kɔ tɔyɔne wεsem nwe aɲwose nu kɔsɔm mɔ, wefi wisɛrka, nwe o nwe oɲgbuɲene wi mɔ, ɔsɔk fe haɲ dec dekalɛ.

⁴⁰ Nwe o nwe ɔsɔm sem ya pefi papɔkɔ, pɔyak yamos yɔn, ɔsɔk fe haɲ dec dekalɛ. Nwe o nwe ɔtɔmpɛr sɔ pefi papɔkɔ mɔ, pɔyak yamos yɔn, ɔsɔk fe haɲ dec dekalɛ.

⁴¹ Nɔter yeliɲε-liɲε yefet fɛp nye yeɲsep dɔntɔf mɔ, pɔyikyik pɔ, ta nɔsɔm yi.

⁴² Nɔter yeliɲε-liɲε dɔntɔf, kɔ nye yeɲliɲε kor ka yi kɔroɲ mɔ, kɔ nye yɔɲkɔte wecɔk maɲkɔle kɔ pɔyɔne fe ti wecɔk wecepɛr maɲkɔle mɔ, pɔyikyik pɔ.

⁴³ Ta nɔsɔɲne kɔtɔsɔk nke anter mɔ teta yeliɲε-liɲε yefet nye yeɲsep mɔ. Ta nɔwose yogbuɲene nu, yɔsɔɲne nu kɔtɔsɔk.

⁴⁴ MARIKI iyɔne, Kanu konu. Nɔdeyɔne afum acempi aɲε ampus'em mɔ, bawo ina MARIKI, incemp. Ta nɔsɔɲne kɔtɔsɔk teta yeliɲε-liɲε yefet nye yeɲsep dɔntɔf mɔ.

⁴⁵ MARIKI iyɔne nwe εnapene nu atɔf ɲa Misira, ideyɔne Kanu konu mɔ. Nɔyɔne afum acempi aɲε ampus'em mɔ, bawo ina MARIKI, incemp.

⁴⁶ Sariye sasɔkɔ sɔcɔme sem darɔɲ, bɛmp, yeɲɛrɔɲ ya dɔromun fɛp kɔ yeliɲε-liɲε ya dɔntɔf fɛp,

⁴⁷ nte tɔɲsɔɲne pagbey sem yosoku kɔ yɔntɔsɔk mɔ, sem nye awose kɔsɔm kɔ nye antɔwose kɔsɔm mɔ.»

12

Kɔsɔkɔsne ka wɛran k'elip kɔkom-ε

¹ Kɔ MARIKI oloku Musa:

² «Mɔloku aka Yisrayel:

Ko wəran embəkəs pəkom wan wərkun-ε, əsək fε haη mata camət-mērəη. Əsək fε pəmō təkō endenəηk wəka darenc ηof o ηof mō.

³ Tataka ta camət-maas pakənc wan.

⁴ Wəran wəkakō pəyi sō mata wəco maas kō maas (33) kəsəkəsne mecir mən. Ta pəgbuηene paka mpe o mpe ampuse MARIKI mō, ta wəkayi sō pəkō nde aηgbip ηosoku, haη pəlip kəlas mataka mən ma kəsəkəsne.

⁵ Ko wəran oηkom wan wəran-ε, əsək fε haη mataka moluksər mērəη, pəmō təkō endenəηk wəka darenc ηof o ηof mō. Pəsəkəsne mecir mən mata wəco camət-tin kō camət-tin (66).

⁶ Ko wəran elip mataka mən ma kəsəkəsne-ε, təyōne dokombəra da wan wərkun kō pəyōne fε ti wan wəran, pəkere wəloηne nde dəkəbere da aηgbancan ηəbəpene kō Kanu tekiriη, aηkesiya ηorkun ηa teren tin teta poloηne pəcəf, kō antantoriya kō pəyōne fε ti-ε, təpay teta kəloηne ka kiciya.

⁷ Wəloηne pəkere yi MARIKI fər kirin, pətubucne sō kəsəkəs kō kətəsək kən. Kō telip-ε, wəran wəkakō əηsək kəloη kən mecir dəηkom. Sariye sasəkō səcəme wəran darəη nwe oηkom wan wərkun kō pəyōne fε ti, pəkom wan wəran mō.

⁸ Ko wəran wəkakō əntəyō daka nde əηkəsətəne aηkesiya ηa teren tin mō, wəran wəkakō pələk məpay mērəη kō pəyōne fε ti-ε, ntantoriya yowut mērəη, pin pəyōne poloηne pəcəf, pa mērəη pəyōne poloηne pa kiciya. Wəloηne pətubucne kəsəkəs kō kətəsək kən, wəran wəkayi əsək oη.»

13

Docu da akata nde dencalərne fum mō

¹ Ko MARIKI oloku Musa kō Aruna:

² «Kō fum əyō pəkəfər-kəfər dakata, aməncō kō pəyōne fε ti, pətəmsər petelər mpe pəηləpsər kəyōne kō docu da akata nde dencalərne mō, pakekəre wəkayi wəloηne Aruna kō pəyōne fε ti-ε, wan kən wəkin.

³ Wəloηne pəkəkce arunc nηe ηeyi kō dakata mō. Kō pəyōne cəfon cən ca dakata cəferε-ε, təyōne arunc ηən ηontukme ηetas akata ηən-ε, arunc ηa docu d'akata dencalərne dō. Wəloηne pəkəkce kō, pəloku kō a əsək fε.

⁴ Kō pəyōne wəkayi əyō pətəmsər petelər pefər mpe pəntətukme pətəs akata ηən mō, təyōne cəfon cən ca dakata cəntafere fε-ε, wəloηne pəbəlene wəka arunc wəkakō afum mata camət-mērəη.

⁵ Tataka ta camət-mērəη wəloηne pəgbəkəre sō kəkəkce kō. Kō təyōne mata camət-mērəη mame disre, arunc ηən ηencepər fε təkō enasak ηi mō, runc yəsamsər fε kō dakata-ε, wəloηne pəgbəkəre kəbəlene kō sō afum haη mata camət-mērəη.

⁶ Kō mata camət-mērəη mēmbəp sō tamērəη-ε, wəloηne pəkəkce kō, k'ənəηk runc nyε yəfəncne, yəsamsər fε kō dakata-ε, wəloηne entam kəloku a fum wəkakō əsək, aməncō ηō. Wəkayi pəyak yamos yən, əsək.

⁷ Mba kō pəyōne aməncō ηaηəkō ηəwəkəl kō dakata-ε, tēm nte wəloηne enalip kəloku kō a fum wəsoku əfō mō, wəkayi pəmar pəluksərne kəkəmentərne wəloηne sō.

⁸ Wəloηne pəkō pəkəkce, kō pəyōne aməncō ηəwəkəl kō dakata-ε, wəloηne pəloku a wəkayi əsək fε. Arunc ηa docu da akata dencalərne dō yati.

⁹ Kō arunc ηa docu da akata dencalərne ηosumpər fum-ε, pakekəre kō nda wəloηne.

¹⁰ Wəloηne pəkəkce kō: Kō akata ηən ηowur pəkəfər-kəfər pəfer-ε, kō pəkəfər-kəfər pəfer papəkō pəsəηe kō cəfon ca dakata kəferε-ε, haη magbali mocwur pəkəfər-kəfər pən-ε,

¹¹ arunc ηa docu da akata dencalərne ηecəp kō dakata. Wəloηne pəloku a wəkayi əsək fε. Wəloηne əfəsətən kəbəlene kō afum teta kəkəkce kō sō, bawo əsək fε.

¹² Kō təyōne arunc ηa docu da akata dencalərne desamsər kō dakata, dosumpər akata ηən fəp, kəyεfε dərəmp haη dəwecək, nnō o nnō wəloηne əηməməη kō dis mō-ε,

13 wəlonɲe pəkəkce kə. Kə tɔyɔne runc yosumpər kə dis fəp-ε, wəlonɲe pəloku a wəkakə ɔsək, bawo dis dən fəp defere. Fum wəkakə ɔsək.

14 Mba dəsək nde ancop kənəjk kə magbali dərɪs mɔ, wəkayi ɔsək fε.

15 Kə wəlonɲe enəjk kə magbali-ε, pəloku wəkayi a ɔsək fε: Magbali məsək fε, arunc ɲa docu da akata dεcalərne dɔ.

16 Kə magbali mεsəkpər alom meferε-ε, wəkayi pəkə sɔ ndena wəlonɲe.

17 Wəlonɲe pəgbəkəre kəkəkce kə. Kə pəyɔne arunc ɲən ɲefere sɔ-ε, wəlonɲe pəloku a wəkayi ɔsək.

18 Kə abεce ɲowur fum, ɲede ɲetamnε,

19 a telpəs oɲ, pəkəfər-kəfər pefer pede powur da abεce ɲenayi mɔ kə pəyɔne fε ti, pətəmsər petelər pefer peyimbərər pəloma pede powur dənda-ε, wəkayi pəkə pəmentərne wəlonɲe.

20 Wəlonɲe pəkəkce kə: Kə pəyɔne arunc ɲaɲəkə ɲontukme ɲetas akata-ε, cəfon ca dənda cəferər-ε, wəlonɲe pəloku a wəkayi ɔsək fε. Arunc ɲa docu da akata dεcalərne dɔ, nde dowur dεbεce mɔ.

21 Kə wəlonɲe ɲkəkce arunc ɲaɲəkə ɲɔyɔ fε kəfon kəfer-ε, arunc ɲaɲəkə ɲontukme fε sɔ ɲetas akata ɲən, tɔyɔne sɔ arunc ɲaɲəkə ɲfəncnε-ε, wəlonɲe pəbəlεne wəkayi afum mataka camət-mεrəɲ.

22 Kə pəyɔne docu dɔwəkəl kə dakata-ε, wəlonɲe pəloku a ɔsək fε. Arunc ɲa docu da akata dεcalərne dɔ.

23 Mba kə arunc ɲaɲəkə ɲeyi teyi tɔcəkə-cəkə ta ɲi, ta ɲwəkəl kə dakata-ε, kəfat ka abεce kə. Wəlonɲe pəloku a wəkayi ɔsək.

24 Kə fum εntεye akata, wəkayi pənale akata, pəyɔne pətəmsər petelər pəferε dənda kə pəyɔne fε ti, pəferər peyimbərər-ε,

25 wəlonɲe pəkəkce kə. Kə pəyɔne cəfon ca pətəmsər papəkə pefere-ε, pətəmsər papəkə pontukme petas akata-ε, arunc ɲa docu da akata dεcalərne dɔ, nde dosumpər kə dənda pəntεye mɔ. Wəlonɲe pəloku a wəkayi ɔsək fε, arunc ɲa docu da akata dεcalərne dɔ.

26 Kə wəlonɲe enəjk cəfon cəfer cəyi fε kə pətəmsər petelər, ta pəntukme pətas akata, tɔyɔne pəfəncnε-ε, wəlonɲe pəbəlεne wəkayi afum mata camət-mεrəɲ.

27 Tataka ta camət-mεrəɲ, wəlonɲe pəməmən kə. Kə tɔyɔne arunc ɲwəkəl kə dakata-ε, wəlonɲe pəloku a fum wəkayi ɔsək fε. Arunc ɲa docu da akata dεcalərne dɔ.

28 Kə pəyɔne pətəmsər papəkə peyi teyi tɔcəkə-cəkə ta pi-ε, kə pəyɔne pəwəkəl fε kə dakata pəfəncnε-ε, pəkəfər-kəfər pa kətεye pɔ. Wəlonɲe pəloku a wəkayi ɔsək, kəfat ka kətεye kə.

29 Kə wərkun kə pəyɔne fε ti wəran pəyɔ arunc dərɔmp kə pəyɔne fε ti, dəkεk-ε,

30 wəlonɲe pəkəkce arunc ɲaɲəkə, kə ɲontukme ɲetas akata, ta ɲɔyɔ cəfon cəyɔfəl ca alom ɲa cəbe-ε, wəlonɲe pəloku a wəkayi ɔsək fε. Tani tɔ, arunc ɲa docu dakata dεcalərne nde dɔɲsumpər akata ɲa dərɔmp kə pəyɔne fε ti-ε ɲa dəkεk mɔ.

31 Kə wəlonɲe enəjk arunc ɲa tani ɲaɲəkə ɲontukme fε ɲetas akata ɲən, ta ɲɔyɔ sɔ cəfon cəbi-ε, wəlonɲe pəbəlεne wəkakə ɔyɔ arunc ɲa tani ɲaɲəkə mɔ afum mata camət-mεrəɲ.

32 Tataka ta camət-mεrəɲ, wəlonɲe pəkəkce sɔ arunc ɲaɲəkə. Kə pəyɔne arunc ɲa tani ɲaɲəkə ɲwəkəl fε, ɲɔyɔ fε cəfon ca alom ɲa cəbe, ɲontukme fε ɲetas akata ɲən-ε,

33 fum wəkakə pəfonne, mba ɔfəfon kəfo kəɲkə arunc ɲa tani ɲeyi mɔ. Wəlonɲe pəbəlεne kə afum tamerəɲ sɔ, mata camət-mεrəɲ.

34 Wəlonɲe pəgbəkəre sɔ kəkəkce kə arunc ɲa tani tataka ta camət-mεrəɲ. Kə pəyɔne arunc ɲa tani ɲaɲəkə ɲwəkəl fε kə dakata, ɲontukme fε ɲetas akata ɲən-ε, wəlonɲe pəloku a wəkayi ɔsək, pəyak yamos yən, ɔsək.

35 Kə pəyɔne wəkayi nte wəlonɲe oloku a ɔsək mɔ mba arunc ɲən ɲende ɲwəkəl kə dakata-ε,

36 wəlonɲe pəgbəkəre kə sɔ kəkəkce. Kə pəyɔne a arunc ɲa tani ɲwəkəl kə dakata-ε, wəlonɲe ɔfəsəten kəcəre kə pəyɔne wəkayi ɔyɔ cəfon ca alom ɲa cəbe-ε, wəkayi ɔsək fε.

³⁷ Kə pəyənə arunc ɲa tani ɲaɲəkə ɲəwəkəl fə kə dakata fəp, təyənə cəfon cəbi cəmpon kə dənda-ε, arunc ɲa tani ɲaɲəkə ɲəntamne, wəkayi əsək. Wələnne pəloku kə a əsək.

³⁸ Təyənə wərkun kə pəyənə fə ti wəran, əyə pətəmsər pefər dakata-ε,

³⁹ wələnne pəkəkce kə. Kə pəyənə pətəmsər papəkə pefərər kə pəfəncnε-ε, yatəre yowur wəkayi dakata, əsək.

⁴⁰ Kə wərkun əgbətəle-əgbətəle cəfon-ε, kələnde kə, wəkayi əsək.

⁴¹ Kə pəyənə dətobu cəfon cəngbətəle-əgbətəle kə-ε, kələnde ka dətobu kə. Wəkayi əsək.

⁴² Mba kə təyənə tekirin kə pəyənə fə ti tadarəɲ ta dənda pəngbətəle-əgbətəle mə, arunc ɲeyi kəron ɲefərər kə pəyənə fə ti, ɲeyimbərər-ε, arunc ɲa docu da akata dəcələrne ɲowur wəkayi dənda dəkələnde, təyənə tekirin, təyənə tadarəɲ.

⁴³ Wələnne pəkəkce kə. Kə təyənə a pəkəfər-kəfər papəkə pefərər, peyimbərər, təyənə tekirin təyənə tadarəɲ mba powurəne kə arunc ɲa docu da akata dəcələrne-ε,

⁴⁴ id'osumpər wəkayi, əsək fə. Wələnne pəloku kə a əsək fə, bawo arunc ɲa docu da akata dəcələrne dosumpər kə domp.

⁴⁵ Fum nwε docu da akata dəcələrne doɲsumpər mə, pəmar pəcbərne yamos yewalə-walə, pəwur domp fos. Wəkayi pəkumpne kusu, pəkule-kule: «Wətəsək! Wətəsək!»

⁴⁶ Kəwon nke o nke kə docu dadəkə dowon kə mə, əsək fə. Kətəsək kən disre, pəyi sona. Dəkiyi dən dəbələnə sanja.»

Yamos yəməf

⁴⁷ Kə pətəmsər pa pəməf posumpər yamos, təyənə kəloto ka səbeɲa sa cəfon ca aɲkesiya kə pəyənə fə ti kəloto ka suwa-ε,

⁴⁸ ali pəyənə kəpol, təyənə kəloto ka səbeɲa sa cəfon ca aɲkesiya, ka kəloto ka suwa, kə akata ɲɲε alompəs mə,

⁴⁹ kə pətəmsər papəkə pəyə alom ɲobuk, kə pəyənə fə ti, alom ɲeyimbərər yamos kəron, kə pəyənə fə ti akata kəron-ε, pakene wələnne pətəmsər papəkə, pəkə pəkəkce.

⁵⁰ Wələnne pəkəkce pətəmsər papəkə, pəmənjk paka papəkə haɲ mata camət-mərəɲ.

⁵¹ Tataka ta camət-mərəɲ, wələnne pəgbəkəre sə kəkəkce ka paka papəkə: Kə pəyənə a pətəmsər papəkə pəwəkəl pi kəron-ε, kəretan kə nke antətam kəlin day mə. Paka pətəsək pə.

⁵² Wələnne pəcəf kəpol, kəloto ka səbeɲa sa cəfon ca aɲkesiya, kə pəyənə fə ti kəloto ka suwa, kə pəyənə fə ti-ε, paka papəkə alompse akata mə. Bawo afətam kəwure pi pətəmsər papəkə, pacəf pi.

⁵³ Mba kə wələnne əɲkəkce paka papəkə, pənənjk pətəmsər pəwəkəl fə pi kəron-ε,

⁵⁴ wələnne pəsom payak pi, pəgbəkəre sə pi kəmənjk haɲ mata camət-mərəɲ.

⁵⁵ Kə wələnne endenasəgbəkəre pi kəkəkce nte alip pi kəyak mə, pənənjk pətəmsər papəkə pəsəkpər fə teyi, ali pəwəkəl fə paka papəkə kəron, paka pətəsək pə. Pacəf pi, təyənə tedisre kə pəyənə fə ti-ε, takəron ta paka papəkə tə pəntəmsər.

⁵⁶ Mba kə wələnne enənjk, nte ayak kəloto kanjə mə, pətəmsər papəkə posumpər fə sə pəpəɲ-ε, wələnne pəwali kəfo kanjə pənatəmsər dəyamos, dəkəloto kə pəyənə fə ti, paka pa akata mə.

⁵⁷ Kə tencepər a pətəmsər pedəgbəkəre sə kəwur paka papəkə kəron-ε, təyənə kəpol, kəloto, paka pa akata, kəretan kəyi kəsumpər paka papəkə, pacəf pi.

⁵⁸ Kə paka pəntəmsər təyənə kəpol, kəloto, paka pa akata mpe anayak, pətəmsər pa pəməf papəkə powur mə-ε, pagbəkəre pi kəyak, a pedeyənə paka posoku.

⁵⁹ Sariye sasəkə səcəme docu d'akata dəcələrne darəɲ, kə pətəmsər pa pəməf pa yamos ya səbeɲa sa cəfon ca aɲkesiya kə pəyənə fə ti kəloto ka suwa, kə pəyənə fə ti, paka mpe alompse akata mə. Mətəkse mame mənşəne kəcəre a paka mpe pəsək kə pəyənə fə ti-ε, pəsək fə.

14

Kəsəkəs ka aņe docu da akata decalərne dosumpər mə

¹ Kə MARIKI oloku Musa:

² «Sariye nse səcəme kəsəkəs ka aņe docu da akata decalərne dosumpər mə dəsək da kəsəkəs kəjan. Pakenε kə wəloņne,

³ wəloņne pəwur dəsəņka sa aka Yisrayel. Kə wəloņne eņəņk docu da akata decalərne da fum wəkawε dentamnε-ε,

⁴ wəloņne pəsom pasumpəre wəkakə eyi kəsəkəsne mə, bəmp yosoku mērəņ yeyi wəyeņ, padəņər kətək kəbotu ambənc ka sədər*, tafəc peyim, kə ale ņa hisəp†.

⁵ Wəloņne pəsom, pafay abəmp ņəcəkə-cəkə ņəkə dətəbəl mpe pəyə domun decempi da dəkəņgbəkə mə.

⁶ Wəloņne pələk abəmp ņa mērəņ ņəkə ņeyi wəyeņ mə kə kətək kəbotu ambənc ka sədər, tafəc peyim, kə ale ņa hisəp, pəgbət yi fəp nde dətəbəl mpe pəyə mecir ma abəmp ņəkə afay mə.

⁷ Wəloņne pəwəsəsər fum wəkakə eyi kəsəkəsne docu d'akata decalərne mə mecir haņ camət-mērəņ. Kə tencepər-ε, pəloku fum wəkawε əsək oņ. Wəloņne pəsak abəmp ņeyi wəyeņ, ņefelər ņəkə dəkulum.

⁸ Fum nwe əsəkəs mə pəyak yamos yəņ, pəfonne cəfon cən fəp, pəbike dərömun. Kə telip-ε, wəkayi əsək, entam kəberε dəsəņka sa aka Yisrayel, mba pəyi mata camət-mērəņ todoru ta abal ņəņ.

⁹ Tataka ta camət-mērəņ, pəfonne sə cəfon ca dərıs fəp, ca domp dən, ca kek, haņ ca dəfər pəfonne sə cəfon cən ca dərıs cəlpəs cəkə. Pəyak yamos yəņ, pəbike domun, təm tatəkə əsək.

¹⁰ Tataka ta camət-maas, wəkayi pələk ņkesiya yorkun mērəņ ya teren tin tin nyε yəntəyə dolokəp, kə aņkesiya ņeran ņa teren tin ņətəyə dolokəp, kəmbefe kətət ka kəloņne ka mēņgben kilo camət-maņkəle panəktərεne ki moro, kə moro liter dacə. Pəkere yi wəloņne.

¹¹ Wəloņne nwe eyi kəsəkəs fum mə, pəcəmbər wəkayi kə yoloņne yəņ MARIKI fər kirin, nde dəkəberε da aņgbancan ņebəpene kə Kanu.

¹² Wəloņne pələk aņkesiya ņorkun ņəcəkə-cəkə, pəkəkere ņi MARIKI fər kirin teta kəloņne ka kəlompəs ka kiciya, kə moro liter dacə. Pətubucne kəsəņ yi MARIKI fər kirin.

¹³ Wəloņne pəfay aņkesiya ņorkun nde kəfo kəsoku nke aņfay yəcəl ya kəloņne teta kiciya kə yəkə ancəfe MARIKI mə. Pasu təbəl mecir maməkə məberε pi disre. Yoloņne ya kəlompəs ka kiciya kə ya kəloņne ka kiciya, wəloņne əyə yi. Yeri yosoku yə nyε ampuse MARIKI mə.

¹⁴ Wəloņne pələk mecir ma pəcəl poloņne pa kəlompəs ka kiciya, pəsop mi aləņəs ņa kəca kətət kə telər təpəņ ta kəca kətət kə telər təpəņ ta kəcək kətət ka fum wəkakə ayi kəsəkəs mə.

¹⁵ Wəloņne pələk moro ma olif, pəkəlne mi kəca kən kəmeriya disre.

¹⁶ Wəloņne pətəm telər tən təcəkere ta kəca kətət dəmoro məkə meyi kə kəca kəmeriya disre mə, pəwəsəsəre mi telər tatəkə entəm dəmoro mə camət-mērəņ MARIKI tekirin.

¹⁷ Wəloņne pələk sə moro məkə meyi kə dəkəca mə, pəsop mi fum wəkakə aləņəs ņa kəca kətət kə telər təpəņ ta kəca kətət, kə telər təpəņ ta kəcək kətət, da anasop mecir ma poloņne pa kəlompəs ka kiciya mə.

¹⁸ Wəloņne pəsop moro məlpəs məkə məncəme kə dəkəca mə domp da fum wəkə ayi kəsəkəs mə. Wəloņne pətubucne kəsəkəs wəkayi kətəsək kən MARIKI fər kirin.

¹⁹ Kə telip-ε, wəloņne pəkere poloņne pa kiciya, pətubucne kəsəkəs wəkayi kətəsək kən. Wəloņne pəfay poloņne mpe ancəfe MARIKI mə.

* **14:4** *Kətək ka sədər* = tək ya atəf ņa Palestin yə, kətək kə nke kəmbət ambənc mə. † **14:4** *Hisəp* = mətək ma atəf ņa Palestin mə, mme ambətse sapu kə moro mosope ambənc mə. Wara wa mi wəyə cəfon nce cəwurene ale mə. Tətək pə mpe aņsəkse afum dəməyə mokur maņan mə.

²⁰ Wəlonne pəcəfə MARIKI nde tetek tolonne kəron pəcəl polonne kə pa mənɣben. Wəlonne pətubucne kəsəkəs wəcunε docu nde dencalərne dakata mə, wəkakə ɔɣsək ɔɣ.»

Kəsəkəs ka wətɔyɔ daka nwe docu da akata dεcalərne denasumpər mə

²¹ «Kə pəyɔne nwe docu da akata dεcalərne denasumpər mə wətɔyɔ daka ɔfɔ, kəsɔtɔ kən kəfɔtam kəsɔɣ kə daka dadəkɔ-ε, pələk aɣkesiya ɲorkun ɲin ɲa teren tin teta kəlonne ka kəlonpəs ka kiciya, pəmentər ɲi MARIKI nte tɔɣsɔɣe patubucne kəsəkəs kə kətɔsək kən mə. Pədeɲər sɔ kəmbefe kətɔt kilo kəmaas nke anəktərεne kə moro ma olif mə teta kəlonne ka mənɣben, kə moro liter daco.

²² Wəkayi pələk məpay mērəɣ kə pəyɔne fε ti-ε, ntantoriya mērəɣ, pəmɔ təkə kəsɔtɔ kən kəmentər mə, ɲin ɲɔyɔne polonne pa kiciya, kə pa mērəɣ pəyɔne polonne pa pəcəl polonne pəcəf.

²³ Tataka ta camət-maas wəkayi pəkere wəlonne yolonne yən fəp nde dəkəberε da aɣbancan ɲebəpene, fər ya MARIKI kirin.

²⁴ Wəlonne pələk aɣkesiya ɲorkun teta kəlonne ka kəlonpəs ka kiciya kə moro ma olif liter daco, pətubucne kəsɔɣ yi MARIKI fər kirin.

²⁵ Wəlonne pəfay aɣkesiya ɲorkun ɲɣe aɣkere teta kəlonne ka kəlonpəs ka kiciya mə. Pasu tɔbəl mecir maməkə məberε pi disre. Wəlonne pələk mecir ma ɲi, pəsop mi aləɣəs ɲa kəca kətɔt ka fum wəkakə eyi kəsəkəsne mə, telər tən tɔpəɣ ta kəca kətɔt, kə telər tən tɔpəɣ ta kəkək kətɔt.

²⁶ Wəlonne pəkəl moro ma olif kəca kən kəmeriya disre,

²⁷ pətem telər tən təkəkere dəmorɔ maməkə, pəwesəsər camət-mērəɣ MARIKI fər kirin.

²⁸ Wəlonne pəsop moro maməkə meyi kə dəkəca mə aləɣəs ɲa kəca kətɔt ka fum wəkakə ayi kəsəkəs mə, telər tɔpəɣ ta kəca kən kətɔt kə telər tɔpəɣ ta kəkək kən kətɔt, kəfo nke anasop kə mecir ma polonne pa kəlonpəs ka kiciya mə.

²⁹ Wəlonne pəsop moro melpəs məkə mēncəme kə kəca disre mə fum wəkakə ayi kəsəkəs mə dərɔmp, nte tɔɣsɔɣe patubucne kəsəkəs kə kətɔsək kən MARIKI fər kirin mə.

³⁰ Kə tencepər-ε, wəlonne pələk tɔpay pəcəkɔ-cəkɔ kə pəyɔne fε ti, antantoriya ɲcəkɔ-cəkɔ, mpe wəkayi entam kəsɔtɔ mə.

³¹ Pəlonne pin kəlonne ka kiciya, pəlonne pa mērəɣ kəlonne ka polonne pəcəf kə kəlonne ka mənɣben. Wəlonne pətubucne kəsəkəs fum nwe ayi kəsəkəs mə MARIKI fər kirin.

³² Sariye sasəkə səcəme wəkə docu d'akata dεcalərne dɔɣsumpər mə, fum wəkə kəsɔtɔ kən kəmpice teta kəsəkəs kən mə.»

Pətəmsər pa damba da kələ

³³ Kə MARIKI oloku Musa kə Aruna:

³⁴ «Kə nəndəkəberε atəf ɲa Kanaɣ ɲɣe isəɣ nu mə-ε, k'isop pətəmsər pa pəkiler kələ kələma ka atəf ɲonu ɲofu-ε,

³⁵ wəka kələ kaɣkə pəkə pələku ti wəlonne: «Pətəmsər pələma p'inəɣk nde kələ kem.»

³⁶ Wəlonne pəsom kərəsna pawure ca yayəkə yeyi kələ kaɣkə disre mə, a nkən wəlonne pədeberε ki kəkəkce pətəmsər papəkə. Ti disre, paka mpe o mpe pənayi kələ kaɣkə disre mə fəp, pəfəyɔne pətɔsək. Kə telip-ε, wəlonne pəberε kələ kaɣkə disre kəkəkce.

³⁷ Kə pəyɔne a pətəmsər papəkə pəyɔ alom ɲobukər kə pəyɔne fε ti alom ɲeyimbərər tɔyɔne abi ɲaɣəkə ɲontukme dədamba da kələ-ε,

³⁸ wəlonne pəwur kələ kaɣkə disre. K'eyi dəkəberε da kələ-ε, pəcaɣ ki mata camət-mērəɣ.

³⁹ Wəlonne pəluksərne di tataka ta camət-mērəɣ, kə pəyɔne a pətəmsər papəkə pəwəkəl samba sa kələ kəron-ε,

⁴⁰ wəlonne pəsom pawure masar maməkə mēntəmsər mə, pakə pagbaləs mi kəfo kətɔsək, pawurεne mi dare disre.

⁴¹ Pakəs dos dadəkə anasop damba tedisre mə fəp, pawurεne di dare disre nde kəfo kətɔsək pagbal.

⁴² Palék masar mólóma, pácambər mi dəkəcəme da məcəkə-cəkə. Pawet sə dos dólóma pasop samba sədisre sasəkə.

⁴³ Kə təyónə pətəmsər papəkə pəngbəkəre sə kəsumpər kələ nke anawure masar a k'anjəs, k'asop sə ki dos mə,

⁴⁴ wəlonjə pəgbəkəre sə kəkəkce ki. Kə pəyónə a pətəmsər powur sə-ε, pəkilər pə mpə pəncalərne dəkələ mə: Kələ kanjəkə kəsək fə.

⁴⁵ Mene pacekəli kələ kanjəkə, pawun ki, pawetəs masar, cəgbo kə kəbof nke analónə kələ kanjəkə mə fəp, pakə pagbal yi kəfo kətəsək, pəwurene yi dare disre.

⁴⁶ Fum nwε o nwε ebere kələ kanjəkə disre mata maməkə ancaj ki mə, əsək fə hanj dec dəkələ.

⁴⁷ Fum nwε o nwε endire kə pəyónə fə ti, pədi peri kələ kanjəkə disre mə, pəyak yamos yən.

⁴⁸ Kə wəlonjə oluksərne kəkəkce kələ pənəjk, nte anjgəkəre kəsop ka kələ kanjəkə dos mə, pətəmsər powur fə sə, wəlonjə pəloku kələ kanjəkə kəsək, pələc pelinjə ki.

⁴⁹ Kəlonjə ka kəsəkəs ka kələ, wəlonjə pələk bemp merəj, kə kətək kəbotu ambənc ka sədər, tafəc peyim, kə alə ɲa hisəp.

⁵⁰ Pəfay abemp ɲəcəkə-cəkə təbəl disre mpə pəyə domun decempi da dəkəngbəkə mə.

⁵¹ Wəlonjə pələk kətək kəbotu ambənc ka sədər, alə ɲa hisəp, tafəc peyim kə abemp ɲa merəj ɲəkə, pəgbət yi dərómun decempi da dəkəngbəkə dəkə deyi təbəl təkə pəyə mecir ma abemp ɲəkə afay mə, pəwesəsər kələ kanjəkə hanj camət-merəj.

⁵² Pəlinjə pətəsək pa kələ kanjəkə mecir ma abemp, domun decempi da dəkəngbəkə dadəkə, abemp ɲəkə antəfay mə, kə kətək kəbotu ambənc ka sədər, alə ɲa hisəp kə tafəc peyim.

⁵³ Wəlonjə pəsək abemp ɲefələr ɲowur dare disre, ɲəkə dəkulum. Tatəkə tə wəlonjə ontubucne kəsəkəs ka kələ kətəsək ka ki. Kələ kanjəkə kənsək oɲ təm tatəkə.

⁵⁴ Sariye sasəkə səcəme docu d'akata dəcələrne kə tani ta dəróm pəp darəj,

⁵⁵ kəyefə pəkilər pa wələ hanj yamos,

⁵⁶ kəyefə pəkəfər-kəfər, aməncə, hanj pətəmsər pomotər-motər fəp.

⁵⁷ Sariye sanjse sanjəne kəcəre kəyefə ka fum kəkə ka ca yelpəs nyε, ca nce yəsək kə nyε yəntəsək mə. Sariye sa docu da akata dəcələrne, pəməf pa yamos, kə pəkilər sə sasəkə.»

15

Mes mme mənəne wərkun kətəsək mə

¹ Kə MARIKI osom Musa kə Aruna:

² «Nəloku aka Yisrayel:

Wərkun nwε o nwε docu dəsəne domun dəcgbələr dəkəsətə dən ta pəyónə məsətə mə-ε, dəsəj kə kətəsək.

³ Kə docu dadəkə dəsəne domun docwur dəkəsətə dən ta pəyónə məsətə, kə pəyónə fə ti, ta doɲwur kə-ε, pəyi oɲ nte o nte, domun dadəkə dəsəne kə kətəsək.

⁴ Kəfənc nke o nke kə wəkayi efəntərə, kə pəyónə fə ti dəcəm nde o nde də wəkayi ənəne, yəsək fə.

⁵ Fum nwε o nwε oɲgbuɲene kəfənc kanjəkə, pəyak yamos yən, pəbike dis dən. Wəkayi əsək fə hanj dec dəkələ.

⁶ Fum nwε ende dəcəm nde fum wətətəmnə wəkayi eyefə mə, pəyak yamos yən, pəbike. Wəkayi əsək fə hanj dec dəkələ.

⁷ Fum nwε oɲgbuɲene wətətəmnə wəkayi mə, pəyak yamos yən, pəbike. Wəkayi əsək fə hanj dec dəkələ.

⁸ Kə wətətəmnə wəkəkə oyukər fum wəsoku lin-ε, wəsoku wəkəkə pəyak yamos yən, pəbike. Əsək fə hanj dec dəkələ.

⁹ Dəcəm da pəyeksene mpə o mpə də fum wətətəmnə ende kəronj pəkə delek mə, dəsək fə.

¹⁰ Fum nwe o nwe ogbuñene paka mpe wətətamne wəkakə enafakene ma, əsək fe hañ dec dekalə. Fum nwe eñlek ca pəmə yayəkə ma, pəyak yamos yən, pəbike. Əsək fe hañ dec dekalə.

¹¹ Fum nwe o nwe wətətamne oñgbuñene ta embikene waca ma, fum wəkakə oñgbuñene ma, pəyak yamos yən, pəbike, əsək fe hañ dec dekalə.

¹² Pəsəl mpe o mpe pə wətətamne wəkayi oñgbuñene ma, pawəkəc pi. Kə pəyone pebere paka pa kətək pə-ε, pagbose pi domun.

¹³ Kə domun dəkə denasəñe fum wəkakə kətəsək ma desake kə kəcgbələr-ε, fum wəkakə pəkar tataka toluksər tin, a pəcsək. Pəyak yamos yən, pəbike domun decempi da dəkəñgbəkə, k'elip-ε, əsək oñ.

¹⁴ Tataka ta camət-maas, wəkayi pələk məpay mərəñ kə pəyone fe ti-ε, ntantoriya mərəñ, pəkə nde MARIKI fər kirin, nde dəkəbere da añgbancan ñebərene kə Kanu, pəkə pəsəñ yi wəloñne.

¹⁵ Wəloñne pəloñne abemp ñin teta kəloñne ka kiciya kə abemp ña mərəñ teta kəloñne ka poloñne pəcəf. Kə telip-ε, MARIKI fər kirin wəloñne pətubucne kəsəkəs wəkayi kətəsək kañkə kənayi kə ma.

¹⁶ Fum nwe o nwe domun d'arkun dowur kə ma, wəkayi pəbike dis dən fəp. Wəkayi əsək fe hañ dec dekalə.

¹⁷ Pəyone yamos, pəyone pokumpene pa akata, kə domun d'arkun dadəkə doñgbuñene pi-ε, payak paka papəkə, mba pəsək fe hañ dec dekalə.

¹⁸ Kə wərkun efəntərər wəran-ε, mərəñ mañan fəp ñabike, ñasək fe hañ dec dekalə.

Tes nte təñsəñe wəran kətəsək ma

¹⁹ Kə wəran enəñk wəka darenc, mecir meəcgbələr kə-ε, əsək fe hañ tataka toluksər tin. Fum nwe oñgbuñene kə ma, wəkayi sə əsək fe hañ dec dekalə.

²⁰ Kə wəran enəñk wəka darenc-ε, kəfənc nke o nke k'efəntərə, dəcəm nde o nde də wəkayi ende, yəsək fe.

²¹ Fum nwe o nwe ogbuñene kəfənc kañkə, pəyak yamos yən, pəbike dis dən. Wəkayi əsək fe hañ dec dekalə.

²² Fum nwe o nwe oñgbuñene dəcəm dadəkə ma, wəkayi pəyak yamos yən, pəbike dis dən, əsək fe hañ dec dekalə.

²³ Kə təyone paka pələma penayi kəfənc kə pəyone fe ti-ε, paka pəkə wəran wəkakə enande kəroñ ma, nwe o nwe ogbuñene paka papəkə ma, əsək fe hañ dec dekalə.

²⁴ Kə pəyone ñafəntərə kə wərkun kəfənc kin, mecir mən ma wəka darenc mosopte wərkun-ε, wərkun wəkakə əsək fe hañ tataka toluksər tin, kəfənc nke o nke k'efəntərə kəroñ kəsək fe sə.

²⁵ Kə mecir mendegbələr wəran, ta pəyone wəka darenc enəñk-ε, kə pəyone fe ti, pənəñk wəka darenc tecepar mataka məkə əmbət nəñk kə, əsək fe hañ dəsək nde təñsake kə, pəmə təkə əntəsək nte endenəñk wəka darenc ma.

²⁶ Kəfənc nke o nke k'efəntərə, paka mpe o mpe p'ende kəroñ mata maməkə mecir mendegbələr kə ma, yəsək fe pəmə təkə wəran əntəsək k'endenəñk wəka darenc-ε.

²⁷ Fum nwe o nwe oñgbuñene kəfənc kañkə kə pəyone fe ti dəcəm dadəkə ma, pəyak yamos yən, pəbike, əsək fe hañ dec dekalə.

²⁸ Kə mecir mesake kə kəgbələr-ε, wəran wəkakə pəkar sə tataka toluksər tin, a pədesək sə.

²⁹ Tataka ta camət-maas, pələk məpay mərəñ kə pəyone fe ti, ntantoriya mərəñ pəkene yi wəloñne nde dəkəbere da añgbancan ñebərene kə Kanu.

³⁰ Wəloñne pəloñne abemp ñin ñəkə teta kəloñne ka kiciya, kə abemp ña mərəñ ñəkə teta kəloñne ka poloñne pəcəf. Kə telip-ε, wəloñne pətubucne MARIKI fər kirin kəsəkəs kə kətəsək ka kəwur ka mecir kən.»

³¹ Kɔ MARIKI oloku Musa kɔ Aruna: «Nɛloku aka Yisrayel a nɛabɔlɛnɛ aɲɔgbip nɛosoku kɔ nɛantɔsɔk-ɛ: Ti tendesɔnɛ ta nɛafine teta kɛtɔsɔk kɛnɛn nke kɛntam kɛsɔnɛ dɛkiyi dem kɛtɔsɔk mɔ.

³² Sariyɛ sanɛ sɛcɛmɛ kɛyɛfɛ afum aɲɛ docu da kɛgbɛlɛr domun dɛkɛsɔtɛ danɛn dosumpɛr ta pɛyɔnɛ mɔsɔtɛ mɔ-ɛ, tɔsɔnɛ nɛa kɛtɔsɔk,

³³ kɛbɛp wɛran nwe eyi kɛnɛnɔk wɛka darenc mɔ, kɛlɛkɛnɛ ka wɛrkun kɔ pɛyɔnɛ fɛ ti wɛran nwe docu da kɛgbɛlɛr domun dɛkɛsɔtɛ dɔn dɔnɛsumpɛr mɔ, kɔ wɛrkun nwe ɛnɛfɛntɛrɛr wɛran nwe ɛntɔsɔk mɔ tɔnɛsɔnɛ fɛp faɲan kɛtɔsɔk.»

Kɛsata kɛpɔn ka dɔsɔk da Kɛsɔkɛs ka kiciya

16

¹ Kɔ MARIKI oloku Musa nte awut arkun a Aruna mɛrɛnɛ aɲɛ nɛanamɛntɛrɛnɛ nde MARIKI fɔr kirin kɔ nɛafine ti mɔ.

² Kɔ MARIKI osom Musa: «Mɛloku wɛnc ɛm Aruna, ta pɛdɛ pɛcbɛrɛ tɛm fɛp nde dɛtɔksɔ, ta pɛdɛ pɛccali tɛm fɛp kɛloto nke kɛnɛkɛnɛk afɛnɛk nɛsɔksɛ kiciya nɛnɛ nɛyi kɛnɛkɛra ka danapa da MARIKI kɛrɔn mɔ, ta pɛdɛfi tɛm nte indewur dɛkɛp afɛnɛk nɛnɛkɔ kɛrɔn mɔ.

³ Tɛbɛrɛ nte tɔ Aruna ende pɛcbɛrɛ nde dɛtɔksɔ tosoku: Pɛlɛk tura teta kɛlɔnɛnɛ ka kiciya, kɔ aɲkɛsiya nɛrkun teta polɔnɛnɛ pɛcɔf.

⁴ Pɛbɛrɛnɛ duma dedisrɛ, kɔ kɛgba, pɛgbɛncɛnɛ tabataba, pɛcɛpɛnɛ kɛfakɛl. Yamos yayɔkɔ fɛp yɔyɔnɛ yopus, ya kɛloto ka suwa, iy'ende pɛcbɛrɛnɛ k'elip kɛbikɛ-ɛ.

⁵ Kɛlɔnɛkanɛ ka aka Yisrayel nɛade nɛacsɔnɛ Aruna mbiyofɔ mɛrɛnɛ teta kɛlɔnɛnɛ ka kiciya kɔ aɲkɛsiya nɛrkun nɛin teta polɔnɛnɛ mɛpɛ ancɔfɛ MARIKI mɔ.

⁶ Aruna pɛlɔtɛrɛnɛnɛ tura tetek tolonɛnɛ, pɛlɔnɛnɛ pi teta kiciya ka nkɛnsɛrka, pɛtubucnɛ kɛsɔkɛsnɛ kiciya kɛn kɔ ka aka kɛlɔ kɛn disrɛ.

⁷ Aruna pɛlɛk mbiyofɔ nyɛ mɛrɛnɛ, pɛkɛkɛrɛ yi MARIKI fɔr kirin nde dɛkɛbɛrɛ da aɲɛnbancan nɛbɛpɛnɛ kɔ Kanu.

⁸ Aruna pɛkɔt yampunɛpɛnɛ nte tɔnɛsɔnɛ pɛcɛrɛ a mbiyofɔ yayɔkɔ mɛrɛnɛ, nɛkɔ alɔnɛnɛnɛ MARIKI mɔ, kɔ nɛkɔ aɲkɛkɛrɛ kɛkɛsɔk yɛnɛn nde dɛtɛgbɛrɛ mɔ.

⁹ Ambiyofɔ nɛnɛ yampunɛpɛnɛ yɔsɔnɛ MARIKI mɔ, Aruna pɛlɛk nɛi, pɛlɔnɛnɛ teta kiciya.

¹⁰ Kɔ ambiyofɔ nɛnɛ yampunɛpɛnɛ yɔsɔnɛ kɛkɛsɔk yɛnɛn nde dɛtɛgbɛrɛ mɔ, Aruna pɛkɛkɛrɛ nɛi nɛyi wɛyɛn nde danɛnbancan MARIKI fɔr kirin, pɛtubucnɛ kɛsɔkɛs nɛi kiciya a pɛdɛkɛkɛrɛ nɛi kɛkɛsɔk yɛnɛn nde dɛtɛgbɛrɛ.

¹¹ Aruna nkɛn pɛkɛkɛrɛ tura pa kɛlɔnɛnɛ ka kiciya ka nkɛnsɛrka, pɛtubucnɛ kɛsɔkɛsnɛ kiciya kɛn, kɔ ka aka kɛlɔ kɛn disrɛ. Pɛfay tura pa kɛlɔnɛnɛ ka kiciya ka nkɛnsɛrka. Pasu tɔbɔl, mɛcir mamɔkɔ mɛbɛrɛ pi disrɛ.

¹² Aruna pɛlɛk nde tetek tolonɛnɛ pa dɛtɔksɔ kɛrɔnɛ tap telɛrɛ mɛkɛn MARIKI fɔr kirin, kɔ suray sɛtɔt aɲkulma kɛmɛrɛnɛ, pɛkɛkɛrɛ yi kɛloto kɛkɛnɛkɛ tadarɛnɛ, nde dɛtɔksɔ tosoku,

¹³ pɛcɔf suray sasɔkɔ MARIKI fɔr kirin, nte tɔnɛsɔnɛ kinimɛ ka suray kɛnɛkɛ kɛgbɛpɛrɛnɛ afɛnɛk nɛnɛ nɛyi kɛnɛkɛra nke kɛmɛntɛrɛ danapa da MARIKI kɔ aka Yisrayel mɔ, nte tɔnɛsɔnɛ Aruna kɛtɔfi mɔ.

¹⁴ Aruna pɛgbɛt telɛrɛ tɔn dɛmɛcir ma tura pa kɛlɔnɛnɛ ka kiciya, pɛwɛsɛsɛr afɛnɛk nɛsɔksɛ kiciya ntende dec dɛmpɛ mɔ. Pɛwɛsɛsɛr sɔ hanɛ camɛt-mɛrɛnɛ afɛnɛk nɛsɔksɛ kiciya tekirinɛ.

¹⁵ Kɔ telip-ɛ, Aruna pɛwɛr sɔ pɛfay ambiyofɔ nɛa kɛlɔnɛnɛ ka kiciya ka aka Yisrayel. Pasu tɔbɔl mɛcir mamɔkɔ mɛbɛrɛ pi disrɛ. Aruna pɛkɛkɛrɛ mɛcir mamɔkɔ nde kɛloto kɛkɛnɛkɛ tadarɛnɛ. Aruna pɛyɔ sɔ mɛcir ma ambiyofɔ mamɔkɔ pɛmɔ tɔkɔ ɔyɔ mɛcir ma tura mɔ, pɛwɛsɛsɛr mɛcir mamɔkɔ afɛnɛk nɛsɔksɛ kiciya kɛrɔnɛ kɔ tekirinɛ.

¹⁶ Ti disrɛ Aruna pɛtubucnɛ kɛsɔkɛs ka tɔksɔ tosoku, dɛtanɛi lɛnɛs da aka Yisrayel kɔ kiciya kɛnɛn fɛp. Kɔ tɛyɛfɛ day-ɛ, pɛyɔ sɔ tin tayi aɲɛnbancan nɛbɛpɛnɛ kɔ Kanu nɛnɛ nɛyi nɛa dɛcɔ kɛtɔsɔk kɛnɛn disrɛ mɔ.

¹⁷ Ali fum əfəyi aŋgbancan ɲebəpene kə Kanu disre kə Aruna endebere dətəksə kəkətubucne kəsəkəs kiciya-ε, haŋ tem nte endewur mə. Aruna pətubucne kəsəkəsne kiciya kən, ka kələ kən disre, kə ka kəlonkanε ka aka Yisrayel fəp.

¹⁸ K'elip-ε, pəwur ntende dətetek tolonne pəkə peyi MARIKI fər kirin mə, pətubucne kəsəkəs pi kətəsək, pələk mecir ma tura kə ma ambiyofə, pəsopət mi len maŋkələ ya moŋkubut ma tetek tolonne.

¹⁹ Aruna pəwesəsəre telər tən mecir haŋ camət-mērəŋ tetek tolonne kəron. Kiciya ka aka Yisrayel kənasəŋe pi kətəsək, mba ti disre Aruna pəsəkəs pi, poluksərne sə kəyənε paka popus.

²⁰ Kə Aruna elip kətubucne kəsəkəs kətəsək ka təksə, ka aŋgbancan ɲebəpene kə Kanu kə ka tetek tolonne-ε, pakere kə ambiyofə ɲeyi wəyeŋ.

²¹ Aruna pədeŋər waca wən mērəŋ ambiyofə ɲaŋəkə ɲeyi wəyeŋ mə, pələmər ɲi kiciya ka aka Yisrayel, dətəŋi daŋan ləŋəs kə mes maŋan mələc fəp, pəsarsər ɲi. Kə telip-ε, pawure fum ɲa dacə, pəkekəre ambiyofə ɲaŋəkə nde dətəgbəre.

²² Tem tatəkə, ambiyofə ɲəsare kiciya ka aka Yisrayel fəp, ɲekəkəre ki kəfo kəyer-yer nke antəbər mə. Wəkayi pəkekəre ambiyofə pəsək ɲi nde dətəgbəre.

²³ Aruna pəluksərne nde aŋgbancan ɲebəpene kə Kanu, pəwure yamos ya kəloto ka suwa yəkə enabərne a k'emberε nde dətəksə tosoku mə, pəboc yi dəndo deŋgbip.

²⁴ Pəbikε dəndo kəfo kaŋkə ampuse kə kəbikε mə, pəberne yamos yən. Aruna pəwur, pəlonne pəcəl pəcəf pən kə pa aka Yisrayel. Pətubucne kəsəkəsne kiciya kən kə ka aka Yisrayel.

²⁵ Pəcəfe MARIKI tetek tolonne kəron moro ma pəcəl polonne pa kiciya.

²⁶ Fum nwe ɲekəkəre ambiyofə ɲaŋəkə kəkəsək yəŋən nde dətəgbəre mə, pəyak yamos yən, pəbikenene domun a pədeberε dəsəŋka.

²⁷ Nte təyənε tura kə ambiyofə nyε alonnenε kiciya, a k'aŋkekəre mecir ma yi dətəksə kəkətubucne kəsəkəs ka kətəsək kə ka kiciya fəp mə, pəkəkəre yəcəl yayəkə mērəŋ saŋka todoru, pacəf akata, sēm kə yedisre ya aputuk ya yi.

²⁸ Fum nwe ɲŋbal yi dənenc mə pəyak yamos yən, pəbikε a pədeberε dəsəŋka.

²⁹ Sariyε sasəkə sə nəde nəcyə doru o doru: Tataka ta wəco ta ɲof ɲa camət-mērəŋ, nəsuŋ, ali tēbəc ta nəsumpər, kəyεfe nəna aka Yisrayel haŋ kəbər acikəra akə ɲancepərēne tem tepic nu dacə mə,

³⁰ bawo dəsək dadəkə d'antubucne kəsəkəs nu kiciya konu. Nəndesək oŋ MARIKI fər kirin teta kiciya konu fəp.

³¹ Dəsək dadəkə camcam dede dəyənε nu dəsək da kəŋesəm nde ampuse MARIKI mə, nəde nəcsuŋ. Nəde nəcleləs sariyε sasəkə doru o doru.

³² Kə Aruna encepər-ε, wəlonne nwe ende pətubucne kəsəkəs kiciya kə kətəsək mə endeyənε wəlonne nwe anabəy moro teta yēbəc ya dəKanu, padəs kə dəkəcəme da kas kəyənε ka wəlonne wəpəŋ. Pəde pəberne yamos ya dəKanu ya kəloto ka suwa.

³³ Nkən ende pətubucne kəsəkəs ka təksə tosoku, aŋgbancan ɲebəpene kə Kanu kə tetek tolonne, pətubucne kəsəkəs alonne kə kəlonkanε ka aka Yisrayel fəp kiciya kəŋan.

³⁴ Sariyε sə, nse nəntədəsak kəyə doru o doru mə, nte təŋsəŋε katin kəren o kəren disre, pactam kətubucne kəsəkəs aka Yisrayel fəp kiciya kəŋan.»

K'ayə təkə MARIKI ɛnasom Musa mə.

17 Dosoku da aka Yisrayel

17-27

Sariyε nse səcəme teta mecir darəŋ

¹ Kə MARIKI osom Musa:

² «Məloku Aruna, awut ən kə aka Yisrayel fəp, a nte tə MARIKI osom:

³ Kò wàka Yisrayel éfan káfay tura, ankesiya kò pəyóné fè ti wir sanjka disre kò pəyóné fè ti sanjka tadarəŋ,

⁴ ta enkekəre pəcəl papəkò nde dəkəbərə da angbancan ɲebəpənə kò Kanu kəkəlonjə pi MARIKI nde dəkiji dən tekirin-ε, anlòm wəkayi wəsare kiciya teta mecir maməkò olonj mə. Anjwure wəkayi aka Yisrayel daco.

⁵ Ti disre sariye sanse səndesəŋe aka Yisrayel kətəfay sə yəcəl yaŋan dəkulum, mba ɲackənə yi MARIKI kəlonjə nde dəkəbərə da angbancan ɲebəpənə kò Kanu, fər ya wəlonjə kirin. ɲakenə yi MARIKI teta kəlonjə ka kəpaŋne pəforu.

⁶ Wəlonjə pəwəsəsər mecir ma yoləŋne yayəkò tetek tolonjə pa MARIKI mpe pəyi dəkəbərə da angbancan ɲebəpənə kò Kanu mə. Pəcəfə moro ma yi MARIKI, ambənc ɲaŋəkò ɲontore-tore kò abəkək.

⁷ Ti disre aka Yisrayel kətəsə kəlonjə canu ca yem nce cəwurenə mbiyofə, nce ɲayi pəyamayama mə. Aka Yisrayel ɲacəme sariye sasəkò darəŋ doru o doru, dətəmp o dətəmp danjan.

⁸ Awa! Məloku ɲa sə nte: Kò wàka Yisrayel, kò pəyóné fè ti wəcikəra nwe eyi ɲa daco mə, pəckərə poləŋne pəcəf, kò pəyóné fè ti, poləŋne pələma,

⁹ ta enkekəre pəcəl papəkò nde dəkəbərə da angbancan ɲebəpənə kò Kanu tekirin kəkəlonjə MARIKI-ε, anjwure fum wəkəkò aka Yisrayel daco.

¹⁰ Fum nwe o nwe, pəyóné wàka Yisrayel, pəyóné wəcikəra nwe eyi aka Yisrayel daco mə, omun mecir pəyóné mme o mme, inəkəfələrne wəkəkò omun mecir mə, iwure kò aka Yisrayel daco.

¹¹ Bawo kiyi wəyən ka dis, dəmecir kəyi. Ina MARIKI in'ecəmbərə nu mi dətetek tolonjə, nte tənəŋe isəkəs nu kiciya konu mə, bawo mecir mənəŋe kəsəkəs kiciya. Nte təyóné, a mi mətəmpər kəyi wəyən ka dis mə.

¹² It'əsəŋe k'iloku aka Yisrayel: Ta nwe o nwe nu daco pəmun mecir. Ta wəcikəra nwe o nwe enyi nu daco mə pəmun mecir.

¹³ Kò wàka Yisrayel wələma kò pəyóné fè ti, wəcikəra nwe eyi nu daco mə, osumpər dəkulum wəsəm kò pəyóné fè ti, abəmp nyə awosə kəsəm mə, pələŋ mecir ma yi dəntəf pəkufunə mi kəbof.

¹⁴ Bawo kiyi wəyən doru fəp, dəmecir kəyi. It'ilokə aka Yisrayel: Ta nəmun mecir ma paka peyi wəyən mpe o mpe, bawo kiyi wəyən doru fəp, dəmecir kəyi. Nwe o nwe omun mecir ma paka peyi wəyən mə, anjwure wəkayi aka Yisrayel daco.

¹⁵ Kò fum o fum wàka Yisrayel kò pəyóné fè ti, wəcikəra nwe eyi ɲa daco mə, wələma əsəm wəsəm nwe wəfi wisərka, kò pəyóné fè ti, wəsəm wələma wendif wi-ε, pəyak yamos yən, pəbikənənə domun, əsək fè haŋ dec dəkale. Kò tencepər-ε, wəkayi əsək oŋ.

¹⁶ Kò fum wəkayi əntəyak yamos yən, k'embikənə fè sə-ε, wəkayi enjare kiciya.»

18

Kəfəntərər wəran nke amənə mə

¹ MARIKI oloku Musa:

² «Məsəm aka Yisrayel, məloku ɲa: In'əyóné MARIKI, Kanu konu.

³ Ta nəyə mes məkò anjə atəf ɲa Misira nde nənayi mə, ta nəyə sə mes məkò anjə atəf ɲa Kanaŋ nde iyi kəkəkərə nu mə. Ta nəcəme məyə maŋan darəŋ!

⁴ Nəde nəcyə məyə mokur mem, nəmənəkərne sariye sem, bawo in'əyóné MARIKI Kanu konu.

⁵ Nəmənəkərne sariye sem kò məyə mokur mem: Məna nwe mənəde kəcəmə mi darəŋ mə, məŋyine mi doru. In'əyóné MARIKI.

⁶ Ta wəYisrayel nwe o nwe ɲafəntərə kò wəran nwe ɲalətərəne dokom mə. In'əyóné MARIKI.

⁷ Ta məfəntərə kò wəran ka wisi nwe əyóné wiri mə. Iya kam əfə, ta məfəntərə kò nkən.

⁸ Ta məfəntərə kə kəncəra kam nwe o nwe. Kəlapəs ka wisi kə.

⁹ Ta məfəntərə kə wəkire kam, wəpaŋne kere kə pəyone fe ti, nwe nəmpaŋne kas mə, təyone pakom kə kələ konu disre, kə pəyone fe ti kəfo kəcuru.

¹⁰ Ta məfəntərə kə wansə kam wəran, nwe wan kam wərkun kə pəyone fe ti wan kam wəran oŋkom mə. Kəlapəs kam kə.

¹¹ Ta məfəntərə kə wan wəran nwe kəncəra kam oŋkom mə. Wan wəran wəkakə wisi aŋkome kə, wəkire kam əfə.

¹² Ta məfəntərə kə wəkire ka papa kam, bawo wəkomene ka papa kam əfə.

¹³ Ta məfəntərə kə wenc wəran ka iya wəkam, bawo wəkomene ka iya wəkam əfə.

¹⁴ Ta məlapəs wenc ka wisi kəfəntərə kə wəran kən, bawo kəncəra kam əfə.

¹⁵ Ta məfəntərə kə wəran ka wan kam wərkun. Wəran ka wan kam əfə. Ta məfəntərə kə nkən.

¹⁶ Ta məfəntərə kə wəran ka wenc əm, kəlapəs ka wenc əm kə.

¹⁷ Ta məfəntərə wəran kə wan kən wəran. Ta məfəntərə sə yuruya yən yeran nyε o nyε, təyone wərkun kə pəyone fe ti-ε wəran, akomene ən pat ŋə. Tes tēlec ta kəbut amera tə.

¹⁸ Ta mənence wenc wəran ka wəran kam kəyi ka wəran kam doru fəp. Təŋsəŋe kəraca kəyi ŋa dacə.

¹⁹ Ta məfəntərə kə wəran tēm nte endenəŋk wəka darenc bawo wəran wəkakə əsək fe tēm tatəkə.

²⁰ Ta məfəntərə kə wəran ka wenc wələma afum am dacə, bawo təŋsəŋ'am kətəsək.

²¹ Ta məloŋne məcəfe wan kam wəkin kanu ka yem Molek. Kə pəyone ti-ε, ta nəfulus tewe ta Kanu kam. MARIKI iyone.

²² Ta wərkun pəfəntərə kə wərkun pəmə təkə eŋfəntərə kə wəran mə. Pəyikyik mpe MARIKI enter mə pə.

²³ Ta məfəntərə ali pəcəl mpe o mpe, bawo təŋsəŋ'am kətəsək. Ali wəran sə ta ŋafəntərə kə pəcəl. Deyamayama dəpəŋ də.

²⁴ Ta mpe o mpe yi dacə pəsəŋe nu kətəsək bawo mes maməkə fəp mənasəŋe afum a təf yələma, aŋe iyi kəbeləs nu tekiriŋ mə, kətəsək.

²⁵ Atəf ŋa Kanaŋ yati ŋəsək fe sə, ilukse kəway ka kiciya ka ŋi, kə atəf ŋeŋenc akə ŋanande ŋi mə.

²⁶ Nəna aka Yisrayel kə acikəra aŋe ŋayi nu dacə mə, nəmənəkərne sariye kə məyə mokur mem, ta nədekə nəcyə pəyikyik papəkə MARIKI enter mə de.

²⁷ Afum akə ŋananuŋkene kənde atəf ŋaŋəkə mə, ŋanayə ŋi pəyikyik fəp mpe MARIKI enter mə, kə təsəŋe atəf kətəsək.

²⁸ Ti disre, ta nəsəŋe antəf kətəsək, ŋendenəŋc nəna aŋe nəsəŋe ŋi kətəsək mə, pəmə təkə ŋenanəŋc akə ŋananuŋkene ŋi kənde mə.

²⁹ Fum o fum əyə pəyikyik papəkə mpe o mpe MARIKI enter mə, aŋwure kə aka Yisrayel dacə.

³⁰ Nəmənəkərne mosom mem, ta nənde nəcyə pəyikyik mpe MARIKI enter mə, ta nəde nəcyə məyə meyikyik mme anuŋkene kənde ka atəf ŋaŋe ŋancyə, a nəna nədede mə. Ta məyə maməkə medesəŋe nu kətəsək. MARIKI iyone, Kanu konu.»

19

Nte Kanu kəfaŋ a pabəce ki mə

¹ Kə MARIKI osom Musa:

² «Mələku kələŋkanə ka Yisrayel fəp: Pəmar nəyone afum acempi aŋe ampus'em mə, bawo ina MARIKI Kanu konu, incemp!

³ Fum nwe o nwe nəna dacə pələləs kere kə kas, pələləs sə dəsək dem da kəŋesəm fəp. MARIKI iyone, Kanu konu.

⁴ Ta nəgbayme nəcəme məerəŋka mefəli darəŋ, ta nəlompəs sə canu ca fəc. MARIKI iyəne, Kanu konu.

⁵ Kə nənde nəcker'em yoloŋne ya kəpaŋne pəforu-ε, nəloŋn'em yi pəmə təkə sariye səloku ti mə, nte təŋsəŋe iban kəloŋne konu mə.

⁶ Nəsəm daka dadəkə, dəsək nde nəŋloŋn'em mə kə dəkəkəsək, yəkə yeŋcəme haŋ tataka ta maas mə, pəcəf yi.

⁷ Kə fum wələma əsəm yeri yayəkə tataka ta maas-ε, yeri yətəsək yə, ifəbaŋ kəloŋne konu kaŋkə.

⁸ Fum nwe o nwe endi sə yeri yayəkə mə, eŋsare kiciya, bawo eyik-yikəs paka mpe ampuse MARIKI mə: Aŋwure fum wəkakə aka Yisrayel dəcə.

⁹ Kə nənde nəctel nde antəf ŋonu-ε, ta nədekə nəctel səbomp sa yokom yəkə yeyi abəf ŋonu cəsək mə, ta nədekə sə nəcluksərne kəcgbətəs səbomp səkə nənatəŋk dəkətəl mə.

¹⁰ Ta nəlüksərne sə kəpiməs yokom ya ŋgbəŋkələ ya wen yəkə aŋsakəs-sakəs ŋi darenc mə, ta nəwetəs sə cəbəkələ ca yi. Nəsakəre yi atəyə daka, kə acikəra. MARIKI iyəne, Kanu konu.

¹¹ Ta nəkiye, ta nwe o nwe pəyembər wenc, ta məyə kə cəmpənpən.

¹² Ta nəderəm yem disre tewə tem, kə məyə ti-ε, məfulus tewə ta Kanu kam. MARIKI iyəne.

¹³ Ta mədir wenc əm, ta məkiye! Ta kəway ka fum nwe embəc'am mə kədir'am dəwaca haŋ dəkəkəsək.

¹⁴ Ta mətolane wətəne pələc, ta nəboce sə wətəŋk paka dəpə mpe əŋkəpət mə. Məmentər məyə mam disre a mələləs im. MARIKI iyəne, Kanu kam.

¹⁵ Ta nəboc kiti pətəlomp disre: Ta məcəməne wətəyə daka, ta məbaŋe wəka daka, mba məboce wenc əm kiti təkə sariye səloku ti mə.

¹⁶ Ta nəfor afum anu. Ta nəyemsene wenc konu, yem nye yəŋkəsəŋe padif kə mə. MARIKI iyəne.

¹⁷ Ta məməŋkərne dəbəkəc məcəm-cəmne mələc ma wenc əm, ta mənesərne kənal kə təkə teyi mə de! Ta mədesarsərne kiciya tetən.

¹⁸ Ta məlukse ayek, ta məməŋkərne mətele nnə awenc əm aŋa ŋayi mə. Məbətər wenc əm pəmə təkə məmbətərne mə, MARIKI iyəne.

¹⁹ Nəde nəcməŋkərne sariye sem: Ta məsəŋe yəcəl məerəŋ yececeŋe nye yəntəyəne dokom din dayi mə. Ta nəbəf abəf ŋonu yəbəf nye yəntəyəne yin yayi mə. Ta nəberne yamos nye anəŋkəl kədune səbeŋa sa akotan kə sa kentəler mə.

²⁰ Kə wərkun efəntərər wəran wəcar nwe wərkun wələma owurene tetən kəfaŋ kəneŋce mə, kə pəyəne a antawurus fe wəran wəkakə, taməerəŋ ta antasak wəran wəkakə pəwur dacar pəkə yeŋən-ε, wərkun wəkakə efəntərər wəran wəcar wəkakə mə pəsəŋ alamali. Mba afədif ŋa, bawo wəran wəkakə əsəryəne wəcar.

²¹ Wərkun wəkakə pəkəne MARIKI aŋkesiya ŋorkun nde dəkəberə da aŋgbancan ŋebəpene kə Kanu, ŋəyəne poləŋne pa kəlompəs ka kiciya.

²² Wəloŋne pətubucne kəsəkəs wəkayi kiciya MARIKI fər kirin teta kəlompəs ka kiciya kaŋkə əyə mə, MARIKI eŋŋaŋne kə kiciya kaŋkə.

²³ Kə nəndəkəberə atəf ŋa Kanaŋ nəlip kəbəf ka tək yokom yedi fəp-ε, nəcləm yokom ya tək yayəkə aməne kədi haŋ meren maas, ta nədi yi.

²⁴ Yokom ya tək yayəkə yendəkəkom teren ta maŋkələ mə fəp, nəde nəcpuse yi ina MARIKI, nəcker'em yi kəkorkoru disre.

²⁵ Teren ta kəcəmət, nəntam kədi yokom yayəkə, nədekə nəcpim yi, yendela, yəyəne yonu. MARIKI iyəne, Kanu konu.

²⁶ Ta nəde nəcsəm sem nye mecir mayi məsəryəyi yi mə. Ta nəyə mes ma dure, ta nəgbal kəsənc.

²⁷ Ta nəfonne cəfon cəkəsək ca domp donu, ta məfonne kek cəsək.

²⁸ Ta nəpirintne ca cəlm dəkata nyε kəbikε kəntənim mə, ta nəgbes-gbesine sə dis teta kəbal ka fum wəfi. MARIKI iyəne.

²⁹ Ta nələsər delel da awut anu aran kəcəhəs ηa kəcəntərə-fəntərə kə arkun aηε ηantənence ηa mə, ta tedesəηε afum a dətəf kəyi ka yamayama, ta tedesəηε ηacyə mes mələc ma kəbut amera maməkə.

³⁰ Nədəkə nəcleləs dəsək da kəhəsəm dem ndε o ndε, nəleləs sə kəfo kəsoku kem. MARIKI iyəne.

³¹ Ta nəsep kələk-loku kə mera ya afi. Ta nətən kəsəηne kətəsək tetəjan. MARIKI iyəne, Kanu konu.

³² Mədə məcleləs abeki, məde məcsəη wətem pələl. Məmentər dəməyə mam a məleləs ina Kanu kam. MARIKI iyəne.

³³ Kə wəcikəra ender pəyi nu dacə atəf ηonu-ε, ta nədir kə.

³⁴ Nəsumpər wəcikəra kakə pəmə wenc konu. Nəbətər kə pəmə nənasərka. Nəccəm-cəmne a nəna sə nənayəne acikəra atəf ηa Misira. MARIKI iyəne, Kanu konu.

³⁵ Ta nəyə kətəloomp nke o nke dəyotubuce yonu fəp.

³⁶ Nəyə yotubce yetəηnenε. MARIKI iyəne, Kanu konu nke kəhawurεne nu atəf ηa Misira mə.

³⁷ Nəməηkərne sariye sem kə məyə mukur mem fəp, nəde nəccəme sə mi darəη. MARIKI iyəne.»

20

Kiti ka mes mələc mələma

¹ Kə MARIKI osom Musa:

² «Mələku aka Yisrayel:

Fum nwe o nwe, kəyεfe wəka Yisrayel haη acikəra aηε ηayi nu dacə mə, əsəη wan kən wəkin nnə kanu ka yem nke aηwe Mələk mə, padif wəkayi. Aka Yisrayel ηaca-cas kə masar.

³ Ina sə iηkafələw wəkayi fər, iwure kə aka Yisrayel dacə, bawo əsəη yuruya yən yin kanu ka yem nke aηwe Mələk mə. Ti disre, əsəηε aηgbip ηem ηosoku kətəsək, k'ofulus dosoku da tewe tem.

⁴ Kə aka Yisrayel ηamεpe mes maməkə fər, ta ηandif fum wəkakə əsəη wan kən kanu ka yem nke aηwe Mələk mə-ε,

⁵ ina MARIKI, iηkafələw fum wəkayi fər kə aka kor kən disre, iwure ηa aka Yisrayel dacə, nkən fum wəkakə kə akə ηampəηne pəyamayama kəyek-yekəs ka kanu ka yem ka Mələk kaηkə mə.

⁶ Kə fum εsep kənəηkene kə afi kə pəyəne fe ti pəgbal kəsənc nke o nke nnə afi ηayi mə, ηampəηne pəyamayama kəyek-yekəs ka canu ca yem cacəkə-ε, iηkafələw wəkayi fər, iwure kə aka Yisrayel dacə.

⁷ Nəpusne fər yem kirin, nəyəne afum acempi, bawo MARIKI iyəne, Kanu konu.

Mənencene kə məfəntərə mme aməne mə

⁸ Nəde nəməηkərne sariye sem, nəde nəccəme sə si darəη. In'əyəne MARIKI, nwe ompus nu mə, nəyəne afum acempi.

⁹ Nwe o nwe ontolanε kas kə pəyəne fe ti, kεre pələc mə, padif kə. Nkən εsare teta defi dən sona gbəη, bawo otolanε akombəra ən pələc.

¹⁰ Kə fum oηsumpər dalakə kə wəran wələ kə təyəne wəran ka wenc wələma ηayi dalakə-ε, padif afum akakə mēreη fəp.

¹¹ Kə wərkun εfəntərəw wəran wələma wəka kas-ε, elapəs kas, padif mēreη maηan fəp. Nəsare sə teta defi daηan.

¹² Kə wərkun εfəntərəw wəran ka wan kən wərkun-ε, padif afum akakə mēreη fəp. Dəyamayama dəpəη də: Nəsare sə teta defi daηan.

¹³ Kò wàrkun ñafàntàrà wàkos wàrkun pàmò tókò wàrkun ñfàntàrè kò wàran mò, mèrəñ manjan fəp ñayò pəyikyik mpɛ MARIKI enter mò, padif ña mèrəñ manjan fəp. Njasarè sò teta defi danjan.

¹⁴ Kò wàrkun ɛnɛncɛ wan wàran kò kɛrɛ-ɛ, tes tɛlɛc ta kəbut amera tò. Pacəf wàrkun wəkakò, wan wàran kò kɛrɛ, nte təñsəñɛ ta tes ta kəbut amera tatəkò təgbəkərə sò kəyi nu dacò mò.

¹⁵ Kò wàrkun ɛfàntàrà pəcəl-ɛ, padif wàrkun wəkakò, padif sò pəcəl papəkò.

¹⁶ Kò wàran ɛfàntàrè kò pəcəl-ɛ, padif wàran wəkakò kò pəcəl papəkò. Njasarè sò teta defi danjan.

¹⁷ Kò fum ɛnɛncɛ wəkirɛ kən nwe ñampañne kas kò pəyɔnɛ fɛ ti, nwe ñampañne kɛrɛ mò, ñakò han ñafàntàrɛ-ɛ, tɔyò ta malap tò ñayò, pawurɛ ña fər ya awɛnc anja kirin. Fum nwe ɛfàntàrà wəkirɛ kən mò, ɛsarɛ kiciya kən.

¹⁸ Kò wàrkun ɛfàntàrà wàran nwe eyi kənəñk wəka darenc mò, anwure mèrəñ manjan fəp aka Yisrayel dacò, kəcərə mèrəñ manjan fəp ñatəñne kəfàntàrè tɛm nte wàran eyi kənəñk wəka darenc mò.

¹⁹ Ta məfàntàrà wɛnc wàran wəka iya kam, kò pəyɔnɛ fɛ ti wəkirɛ ka papa kam, bawo kəlapəs ka akombəra am kò. Anɛ ñanɔyò ti mò, ñanɔsarɛ kiciya kəñan.

²⁰ Kò wàrkun ɛfàntàrà kəncərə kən-ɛ, ñalapəs wos ka wəkakò. Afum akakò mèrəñ ñasarɛ kiciya kəñan, ñanfi ta ñayò awut-ɛ.

²¹ Kò fum ɛnɛncɛ wàran ka wɛnc-ɛ, tɔyò teyikyik tò. Afum akakò mèrəñ ñafəsətò awut, tamərəñ wàrkun wəkakò ɛlapəs wɛnc.

²² Nəmənəkərne sariyɛ sem kò mɔyò mokur mem fəp, nàde nəcyò mi, ti tendesəñɛ atəf nɛ ñkəkərə nu kəndɛ mò, ta atəf ñɛñɛnc nu-ɛ.

²³ Ta nàdekò nəcyò mɔyò ma afum akò ñkəbɛləs nu fər kirin mò de! Afum akakò kəcyò kəñan mes mɛlɛc maməkò fəp kəsəñɛ k'inter ña.

²⁴ Mba inaloku nu:

«Nən'endekələk antəf ñanjan,
ina yati endekəsəñ nu ñi,
antəf ñobonju ñò dale kò awop.

MARIKI iyəne, Kanu konu, in'ɛgbey nu kò afum alpəs anɛ.»

²⁵ Itò pəmar nəcgbey sem yosoku kò yətəsək, bəmp yosoku kò yətəsək, nte təñsəñɛ ta nəyik-yikəsne teta sem yayəkò yəntəsək mò. Sem, bəmp, kò yɛfɛlər-fɛlər nyɛ yencepɛ-cepɛ nu dacò mò, ñngbey yi nte təñsəñɛ nəcərə nyɛ yəntəsək mò.

²⁶ Nəyɔnɛ afum acempi apus nnò iyi mò, bawo ina MARIKI, incemp. Ñngbey nu kò afum alpəs anɛ nte təñsəñɛ nəyɔnɛ akemi mò.

²⁷ Kò wàrkun kò pəyɔnɛ fɛ ti, wàran wəlɔma ñande kəclək-loku kò afi, kò pəyɔnɛ fɛ ti ñacgbal kəsənc, paca-cas ña masar, padif. Njasarè sò teta defi danjan.»

21

Sariyɛ nɛ səyɔnɛ sa alonɛ mò

Cəke cò pəmar alonɛ ñayi-ɛ

¹ Kò MARIKI osom Musa: «Məloku awut arkun a Aruna, alonɛ: Ta wəlɔnɛ pəsəñne kətəsək kəgbunɛnɛ kəbɛl ka fum, a nte wəkakò əyɔnɛ wəka kusunja ka Lewy mò.

² Mɛnɛ tɔyɔnɛ a fum kən pat əfò: Kɛrɛ, kas, wan kən wàrkun, wan kən wàran, wɛnc.

³ Kò pəyɔnɛ wəkirɛ kən wətəlò əfò-ɛ, anwosɛ kò kətəsək tetən. Wəkirɛ, wəka kəlò kəñan disrɛ əfò, bawo wəlɔnɛ ɛntəsəñ fɛ kò wàrkun kəlò kəcuru disrɛ.

⁴ Wəlɔnɛ wəkirin ka afum əyɔnɛ, pəmar fɛ pəsəñnɛ kətəsək pəfulusnɛ.

⁵ Ta alonɛ ñafonne səbomp mofò mələma, ta ñafonne cek cəsək, ta ñagbes-gbesinɛ dis.

⁶ Njayɔne aɲe ampuse Kanu kəɲan mə, ta ɲafulus tewe ta Kanu kəɲan, bawo ɲa ɲaɲker'em yolonɲe nyɛ ancɔfɛ ina MARIKI mə, yeri ya Kanu kəɲan. Itɔ pəmar ɲayɔne afum acempi aɲe ampus'em mə.

⁷ Ta alonɲe ɲacɲence aran ayi yamayama, kɔ pəyɔne fɛ ti, wəran nwe aɲləsər kəfac mə, kɔ pəyɔne fɛ ti, wəran nwe ɲasakene kɔ wos mə, bawo wəlonɲe wərkun ɔfɔ, nwe ampuse Kanu kən mə.

⁸ Məna wəka Yisrayel nwe o nwe mɔde mɔcleləs wəlonɲe, bawo nkən eɲkere yeri nyɛ nəɲsəɲ ina Kanu konu mə. Alonɲe ɲade ɲayɔne afum apus nnɔ nəyi mə, bawo ina MARIKI incemp, k'iyek-yek aka Yisrayel nte təɲsəɲe ɲayɔne afum acempi mə.

⁹ Kɔ wan wəran ka wəlonɲe ofulusnɛ pəyi yamayama-ɛ, kas wəlonɲe ofulus: Pacɔf wan wəran wəkakɔ pəyi wəyɛɲ.»

Sariye nse wəlonɲe wəpəɲ pəmar pəcəme darəɲ mə

¹⁰ «Wəlonɲe wəpəɲ ɔyɔne wəkiriɲ ka awenc aɲa alonɲe: Nkən nwe anabɔy moro dərɔmp, padəs kɔ dekirɲ da kəlonɲe, paber kɔ yamos ya dəKanu mə, ta pəsaktine cəfon, ta pəwal-wali yamos yɔn teta defi.

¹¹ Ta wəlonɲe wəpəɲ pəkɔ defi da nwe o nwe, ta pəsəɲene kətəsək, ali təyɔne a kas, kɔ pəyɔne fɛ ti kere efi-ɛ.

¹² Ta pəyɛfɛ nde kəfo kəsoku, ta pədefulus kəfo kəsoku ka Kanu kən, bawo kəbɔy kən moro ma dəKanu kənapus kɔ alonɲe dacɔ. MARIKI iyɔne.

¹³ Wəlonɲe wəpəɲ pənence wəran nwe antələsər kəfac mə.

¹⁴ Ta pənasər wəcəbokəra, ta pənence wəran nwe ɲasakene kɔ wos mə, ta pənence wəran nwe ofulusnɛ pəyi yamayama mə. Pələk wəran akomene ɔn dacɔ nwe antələsər kəfac mə,

¹⁵ nte təɲsəɲe ɲa kətəgbuluɲ awut nde dokom danɲan, ɲayɔne afum acempi, asoku pəs mə. In'ɔyɔne MARIKI mme mompus ɲa yebəc yem mə.»

Dolokəp nde deɲyamse kəyɔne wəlonɲe mə

¹⁶ Kɔ MARIKI osom Musa:

¹⁷ «Məloku Aruna:

Yuruya yam fəp dɛtemp kɔ dɛtemp, nwe o nwe ɔɲɔ dolokəp dərɛs mə, ta pələtərnɛ tetek tolonɲe kəsəɲ ina Kanu kən peri.

¹⁸ Fum nwe o nwe ɔyɔ dolokəp kəfo kələma dərɛs, ta pələtərn'em: Kəyɛfɛ wətənəɲk, fum nwe entəmbələr mə, fum nwe ɔyɔ dolokəp dəkəro mə, kɔ pəyɔne fɛ ti, dis dən dɛlɛcɛ kəfo kələma mə,

¹⁹ fum nwe entɛpɛ kəca kɔ pəyɔne fɛ ti, kəcək mə,

²⁰ fum wəka kəndɛɲk, kɔ pəyɔne fɛ ti, fum wəkəlɛc, fum nwe ɔyɔ tɛsɛɲk dərɔfər mə, wəka yatəre, wəka aməncɔ, wərkun nwe antemp cəkəl mə.

²¹ Ali wəkin yuruya ya Aruna wəlonɲe dacɔ nwe ɔyɔ dolokəp mə, ta pələtərnɛ tetek tem tolonɲe kəkər'em yolonɲe nyɛ ancɔfɛ MARIKI mə. Nwe ɔyɔ dolokəp mə, ɔfələtərnɛ kəsəɲ Kanu kən yeri.

²² Mba wəkayi entam kədi yeri ya Kanu kən, yolonɲe yosoku kɔ nyɛ ampus'em mə.

²³ Mba ta wəlonɲe wəyɔ dolokəp pəbəp kəloto kəkəɲke, ta wəkayi pələtərnɛ sɔ tetek tolonɲe Kanu, bawo ɔyɔ dolokəp. Ta pəfulus mofɔ mem mosoku, ina MARIKI impus mi.»

²⁴ Kɔ Musa oloku Aruna moloku mme, kɔ awut ɔn kɔ aka Yisrayel fəp.

22

Sariye sa kədi yeri nyɛ alonɲe Kanu mə

¹ Kɔ MARIKI osom Musa:

² «Mələmər Aruna kɔ awut ɔn mes mme aɲmənɛ ɲa kədi yolonɲe nyɛ aka Yisrayel ɲande ɲacpus'em mə, nte təɲsəɲe ta ɲafulus tewe ta dosoku dem mə. MARIKI iyɔne.

³ Məloku ɲa: Yuruya ya alonɲe fəp dacɔ, wərkun nwe o nwe ɔlətərne yolonɲe yosoku nyɛ aka Yisrayel ɲampuse MARIKI mə, ta wəkayi ɔsək-ɛ, aɲwure wərkun wəkakɔ yɛbɛc yem. MARIKI iyɔnɛ.

⁴ Wərkun nwe o nwe yuruya ya Aruna dacɔ docu da akata dɛcalərne dosumpər kɔ, kɔ pəyɔnɛ fɛ ti, wəkayi domun dɛcgbələr dəkəsɔtɛ dən ta pəyɔnɛ məsɔtɛ-ɛ, ta pədi yolonɲe yosoku ya MARIKI, haɲ pəcsək. Tin tayi tɔ kɔ nwe ɔntəsək bawo oɲgbuɲsərəne wəfi, kɔ nwe domun d'arkun dendewur,

⁵ kɔ nwe oɲgbuɲsərəne yeliɲɛ-liɲɛ yɔtəsək kɔ pəyɔnɛ fɛ ti fum nwe kəgbuɲsərəne kən kəɲsɔɲɛ fum kətəsək mə, tɔyɔnɛ kətəsək ka fum wəkakɔ nke o nke.

⁶ Nwe o nwe oɲgbuɲsərəne paka pətəsək, wəkayi ɔsək fɛ haɲ dec dɛkalɛ, ta fum wəkakɔ pədi yeri ya yolonɲe yosoku, mənɛ wəkayi pəbikɛ.

⁷ Dec dənckənakalɛ wəkayi pəsək oɲ, entam kədi sɔ yeri yosoku ya kəlonɲe, yeri yɔn yɔ.

⁸ Ta wəlonɲe pəsəm wɛsɛm nwe antɔfay mə, kɔ pəyɔnɛ fɛ ti, pɔcəl mpe wɛsɛm wələma wendif mə, təɲsɔɲɛ kɔ kətəsək. MARIKI iyɔnɛ.

⁹ Alonɲe ɲandemɛɲkərne sariyɛ sa yɛbɛc yem, ta ɲasərə kiciya ka kəfulus yeri nyɛ ampuse MARIKI mə. Kɔ ɲantələlɛs teta yeri yayɔkɔ təɲsɔɲɛ ɲa kəfi. Ina MARIKI, in'ompus ɲa.

¹⁰ Ta nwe o nwe wətɔyɔnɛ dokom da alonɲe pədi yeri yosoku ya kəlonɲe. Kəyɛfɛ wəcikərə wəcɛpər kəbəp ka wəbɛcɛ ka wəlonɲe nwe oɲsɔɲ kəway mə, ali wəkin ta pədi yeri yosoku yayɔkɔ.

¹¹ Mba wəcar nwe wəlonɲe ɛnawayɛ pəsəm pən mə, entam kədi yi, kɔ fum nwe aɲkom kələ kən disrɛ mə, ɲantam kədi yeri yopus ya kəlonɲe yayɔkɔ.

¹² Kɔ wətɔyɔnɛ wəlonɲe ɛnɛncɛ wan wəran wəka wəlonɲe, ta wəran wəkakɔ pədi sɔ yeri yosoku ya kəlonɲe.

¹³ Wan wəran ka wəlonɲe nwe ɔntəkom a wos pəfi, kɔ pəyɔnɛ fɛ ti, ɲasakɛnɛ kɔ wos, pəlukus pəde pəndɛ kələ ka kas pəmɔ təkɔ ɛnayi di nte ɛnatələ mə, entam kədi sɔ yeri ya kas. Mba ta wətɔyɔnɛ yuruya ya alonɲe nwe o nwe pədi yeri yosoku yayɔkɔ.

¹⁴ Kɔ fum wələma, kətɔyɛfɛnɛ disrɛ endi peri mpe ampuse MARIKI mə-ɛ, wəkayi pəsɔɲ wəlonɲe pətəɲnɛnɛ pa yeri yosoku yəkɔ endi mə, pəkafələ sɔ pədenjər alamali ɲɲɛ wəlonɲe omboncər kɔ mə.

¹⁵ Ta alonɲe ɲafulus yolonɲe ya aka Yisrayel nyɛ ɲande ɲacbelər yolonɲe nyɛ ɲampuse MARIKI mə.

¹⁶ Kɔ alonɲe ɲandi yeri yayɔkɔ ta ɲasək-ɛ, ɲaɲsɔɲɛ aka Yisrayel kəsərə kiciya nke pəmar ɲaɲsɔɲɛ alamali mə. In'ɔyɔnɛ MARIKI nwe ompus yolonɲe mə.»

Sariyɛ sa kəyɛk-yɛk pɔcəl polonɲɛ

¹⁷ Kɔ MARIKI osom Musa:

¹⁸ «Məloku Aruna kɔ awut ɔn kɔ aka Yisrayel fəp: Fum nwe o nwe wəka kələ ka Yisrayel kɔ pəyɔnɛ fɛ ti wəcikərə wəcɛpərənɛ tɛm aka Yisrayel dacɔ edekɛnɛ MARIKI kəlonɲe ka polonɲe pɔcɔf: Tɔyɔnɛ teta kədərəm nke o nke kɔ pəyɔnɛ fɛ ti, teta kəlonɲe ka kəpocɛ abəkəc ɲosoku pɛs fəp,

¹⁹ kɔ wəkayi ɛfan a iban kəlonɲe kən-ɛ, pəlonɲn'em pɔcəl porkun mpe pəntɔyɔ dolokəp mə, tɔyɔnɛ tura, aɲkesiya, ambiyofɔ.

²⁰ Ta nəker'em pɔcəl mpe pəyɔ dolokəp mə, ifəban kəlonɲe konu kanjɔ.

²¹ Kɔ fum endekɛnɛ MARIKI wana, aɲkesiya, kɔ pəyɔnɛ fɛ ti wir teta kəlonɲe ka kəpaɲnɛ pəforu kɔ pəyɔnɛ fɛ ti teta kədərəm kən kɔ pəyɔnɛ fɛ ti teta kəpocɛ abəkəc ɲosoku pɛs-ɛ, inwosɛ kəban ka kəlonɲe kanjɔ, kɔ tɔyɔnɛ pɔcəl papəkɔ pəyɔ fɛ dolokəp-ɛ.

²² Ta nəkɛnɛ MARIKI pɔcəl pətənəɲk, pɔcəl mpe ambopər kɔ pəyɔnɛ fɛ ti, pɔcəl mpe aɲgbinti kəcək mə, mpe pəɲgbətələ-gbətələ cəfon mə, pɔcəl mpe pəyɔ yatərə mə, kɔ pəyɔnɛ fɛ ti amanta kɔ pəyɔnɛ fɛ ti docu da akata dələma mə. Ta nəkəkərə pi teta kəlonɲe nke ancəfɛ MARIKI nde dətetek tolonɲe kəronɲ mə.

²³ Məntam kəken'em kəlonne ka kəpocə abəkəc ɲosoku pəs: Wana, aɲkesiya, wir nwe wəyɔ kəcək kə pəyɔne fe ti kəca kəbəl kətas kəɲkə mə, mba ifəbaɲ yayəkə teta kəlas ka kədəerəm konu.

²⁴ Ta nəkerə ina MARIKI pəcəl mpe antemp, mpe amporu-poru, mpe awurə cəkəl kə pəyɔne fe ti, pəcəl mpe ancopu arit mə. Ta nədekə nəcyɔ yəcəl yonu tatəkə nde atəf ɲonu.

²⁵ Ta nəway acikəra dəwaca yəcəl yəkə aɲgbinti dis mofə mələma mə, kədəlonne ina Kanu konu. Kəgbinti dis da pəcəl papəkə dəsəɲe pi kəyɔ dolokəp. Ifəbaɲ pi kəlonne konu.»

²⁶ Kə MARIKI oloku Musa:

²⁷ «Kəyefe tura, aɲkesiya ɲorkun, ambiyofə, k'aɲkom yi-ε, wan pəyi kerə dəntəf haɲ mata camət-merəɲ. Kəyefe oɲ tataka ta camət-maas ta pəcəl papəkə, iɲwose pi kəbaɲ teta kəlonne nke ancəfe MARIKI mə.

²⁸ Ta nəfay pəcəl pəran kə wan ka pi dəsək din dayi, təyɔne wana, aɲkesiya kə wir.

²⁹ Kə nəndelonne MARIKI teta kəyif kən barka-ε, nəcəme sariye sa kəlonne nte təɲsəɲe pəbaɲ ki mə.

³⁰ Nəsəm səm yayəkə dəsək da kəlonne dadəkə, ali pin ta nəsak pa dəcəkəsək. MARIKI iyəne.

³¹ Nəmənəkərne mosom mem, nəde nəcyɔ mi. MARIKI iyəne.

³² Ta nəfulus dosoku dem, nte təɲsəɲe aka Yisrayel ɲələləs dosoku dem mə. In'əyɔne MARIKI nwe ompus nu mə.

³³ Inawurəne nu atəf ɲa Misira nte təɲsəɲe ide iyəne Kanu konu mə. MARIKI iyəne.»

23

Mataka ma cəsata ca Yisrayel

Dəsək da Kəɲesəm nde ampuse MARIKI mə

¹ Kə MARIKI osom Musa:

² «Mələku aka Yisrayel:

Cəsata ca kəyek-yekəs MARIKI nce nənde nəcwe kəlonkanə ka aka Yisrayel fəp mə, kəlonkanə kəsoku kənde kəcyi.

Mataka ma cəsata cacəkə mə mame:

³ Mataka camət-tin ma tataka toluksər disre fəp aɲwose nu kəbəc, mba tataka ta camət-merəɲ simiti, dəsək da kəɲesəm nde ampuse MARIKI mə də, kəlonkanə kəsoku kə, tetem. Ali təcək tin ta nəsumpər dəsək da kəɲesəm dadəkə, dəsək deleləs MARIKI də nno o nno nəndeyi mə.

⁴ Cəsata ca kəyek-yekəs MARIKI nce cə nənde nəcwenə kəlonkanə kəsoku ka aka Yisrayel tēm nte ambonc mə.»

Kəsata ka Kəcəpər ka Mələke medif kə ka Cəcom cətəɲəɲkəl lebin

⁵ Kə MARIKI osom Musa: «Tataka ta wəco kə maɲkələ ta ɲof ɲəcəkə-cəkə ɲa teren, dec dərəfəy, nəbocə MARIKI kəsata ka Kəcəpər*.

⁶ Tataka ta wəco kə kəcəmət (15) ta ɲof ɲaɲəkə, nəde nəcəbocə MARIKI kəsata ka Cəcom cətəɲəɲkəl lebin. Nəde nəcsəm cəcom cətəɲəɲkəl lebin mata camət-merəɲ camcam.

⁷ Tataka təcəkə-cəkə ta tataka toluksər tayi, nəde nəcwe kəlonkanə kəsoku teta kələləs MARIKI. Ta nəbəc dəsək dadəkə yəbəc nyə o nyə nəmbət bəc mə.

⁸ Nəckerə yoləɲne yəkə ancəfe MARIKI mə, dəsək o dəsək, mata camət-merəɲ disre. Tataka ta camət-merəɲ, nəde nəcwe kəlonkanə kəsoku teta kələləs MARIKI. Ta nəbəc dəsək dadəkə yəbəc nyə o nyə nəmbət bəc mə.»

Kəsata ka Asek ɲəcəkə-cəkə

⁹ Kə MARIKI osom Musa:

* **23:5** *Kəsata ka Kəcəpər* = it'əyɔne kəsata nke mələke mmə menadifət awut acəkə-cəkə a Misira, mesak awut a Yisrayel mə. It'aɲwene kəsata kaɲke «kəsata ka Kəcəpər.»

10 «Məloku aka Yisrayel:

Kə nəndəkəberə atəf ηonu nηe isəη nu mə, kə nəndəkə nəctəl-ε, nədekə nəckene wəloηne asek ηəcəkə-cəkə ηa yetəl yonu yəcəkə-cəkə.

11 Wəloηne nkən əηkətubucne kəsəη yi MARIKI fər kirin, nte təηsəηe pəbaη yi mə. Wəloηne ontubucne ηi kəsəη dəcəkək da kəηesəm.

12 Dəsək nde nəntubucne kəsəη asek ηa yetəl yayəkə mə, idə nəkene MARIKI əηkesiya ηorkun ηa teren tin nηe ηəntəyə dolokəp mə teta poloηne pəcəf.

13 Nədeηər kəloηne ka mēηgben kilo camət-tin ka kəmbefe kətət nke anəktərəne kə moro mə. Nədeηər sə wən liter din kə dacə, nəcəfe yi MARIKI. Kəloηne kə, nke ambənc ηa ki ηəntore-tore MARIKI abəkək mə.

14 Nəfədi ali pokom pa yetəl yayəkə kəyefe kəcom, mēηgben mənəkət, mēηgben mofu, ali pin ta nədi, ta nəntakene Kanu konu sek yəcəkə-cəkə ya yetəl yonu-ε. Təyəne nu sariye sa doru o doru, dətəmp kə dətəmp donu, nnə o nnə nəndeyi mə.»

Kəsata ka Kətəl

15 Kə MARIKI osom sə Musa: «Kəyefe ka dəsək nde nəηkere sek ya yetəl yonu nyə antubucne kəsəη mə, kəyefe dəcəkək da kəηesəm dadəkə, nəde nəcləm mataka moluksər camət-məerəη.

16 Nəde nəcləm mata wəco kəcamət, haη dəcəkək da dəsək da kəηesəm da camət-məerəη, nəkene sə MARIKI kəloηne ka mēηgben mofu.

17 Kəyefe nde dəkiyi donu, nəde nəckerε cəcom məerəη kədetubucne kəsəη ci MARIKI. Kəcom o kəcom pəmar palompse ki kəmbefe kətət kilo kəmaas panəηkəl ki lebin pakakəl. Cəcom cə nce əηlompse MARIKI yetəl yəcəkə-cəkə mə.

18 Nədeηər kəloηne ka kəcom kaηkə: Nkesiya yorkun camət-məerəη ya teren tin tin nyə yəntəyə dolokəp mə, tura tin, ηkesiya yorkun məerəη, nəcəf'em yi nde dətetek toloηne kəroη nədeηər sə yoloηne ya mēηgben kə wən wa yi. Yoloηne yə nyə ancəfe MARIKI mə, ambənc ηa yi ηəntore-tore kə abəkək.

19 Kə tatəkə tencepər-ε, nəkere MARIKI ambiyofu ηin teta kəloηne ka kiciya, kə ηkesiya yorkun məerəη ya teren tin teta kəloηne ka kəpaηne pəforu.

20 Wəloηne pətubucne kəsəη yi fər ya MARIKI kirin, kələkene ka cəcom cəcəkə-cəkə nce antubucne kəsəη kə ηkesiya yayəkə məerəη: Yeri yopus ya MARIKI yə, wəloηne əyə yi.

21 Dəsək dadəkə yati, nəde nəcwe kəloηkanε kəsoku teta kələləs im, ta nəbəc yebəc nyə o nyə nəmbət bəc mə. Təyəne nu sariye sa doru o doru, dətəmp kə dətəmp donu, nnə o nnə nəndeyi mə.

22 Kə nənde nəctəl nde antəf ηonu-ε, ta nəde nəctəl cəsək ca cəbəf conu, ta nəluksərne sə kəgbətəs ka səbomp nse nəmpələs tadarəη tonu mə, nəsakəre sasəkə wətəyə daka kə wəcikəra. MARIKI iyəne, Kanu konu.»

Kəsata ka Kəcem-ceməs kə Kəfula luk

23 Kə MARIKI osom Musa:

24 «Məloku aka Yisrayel:

Dəsək dəcəkə-cəkə da ηof ηa camət-məerəη dəyəne nu dəsək da kəηesəm nde ampuse MARIKI mə, dəsək dəcem-ceməs kə dofula luk. Nəde nəcwe kəloηkanε kəsoku tewe tem.

25 Ta nəbəc dəsək dadəkə yebəc nyə o nyə nəmbət bəc mə, mba nəkere MARIKI yoloηne nyə ancəfe kə mə.»

Dəsək dəpəη da Kəsəkəs ka kiciya

26 Kə MARIKI oluku Musa:

27 «Tataka ta wəco ta ηof ηa camət-məerəη, dəsək dəpəη da Kəsəkəs ka kiciya də. Dəsək dadəkə kəloηkanε kəsoku kə, teta kələləs im. Nəsun dəsək dadəkə, nəkere MARIKI yoloηne nyə ancəfe kə mə.»

²⁸ Ta nəsumpər tɛbɛc o tɛbɛc dɔsɔk dadɔkɔ, bawo dɔsɔk da Kəsəkəs ka kiciya dɔ, dɔsɔk dotubucnɛ kəsəkəs nu kiciya konu fɔr ya MARIKI kirinj, Kanu konu.

²⁹ Nwɛ o nwɛ ɛdɛncəs kəsuj dɔsɔk dadɔkɔ mɔ, aɲwure kɔ aka Yisrayel daco.

³⁰ Nwɛ o nwɛ oɲsumpur yɛbɛc dɔsɔk dadɔkɔ mɔ, ina yati injmɛlɛk kɔ afum ɔn daco.

³¹ Ali tɛbɛc ta nəsumpur dɔsɔk dadɔkɔ. Sariyɛ sa doru o doru sɔ dɛtɛmp o dɛtɛmp, nnɔ o nnɔ nɛndeyi mɔ.

³² Dɔsɔk dadɔkɔ dɔyɔnɛ nu dɔsɔk da kəɲesəm ndɛ ampuse MARIKI mɔ, nəsuj tatɔkɔ ta camət-maɲkɛ ta ɲof, nəɲesəm kəyɛfɛ dɔfɔy haɲ dɔckɔsɔk dɔfɔy.»

Kəsata ka Cɛlɛɲgbɛ

³³ Kɔ MARIKI osom Musa:

³⁴ «Mɛloku aka Yisrayel:

Tataka ta wɛco kɔ kɛcamət ta ɲof ɲa camət-mɛrɛɲ, pabocɛ MARIKI kəsata ka Cɛlɛɲgbɛ, haɲ mataka camət-mɛrɛɲ.

³⁵ Tataka tɔcɔkɔ-cɔkɔ, kɛlonkanɛ kəsoku kɔ, teta kɛlɛlɛs im. Ta nɛbɛc dɔsɔk dadɔkɔ yɛbɛc nyɛ o nyɛ nɛmbɔt bɛc mɔ.

³⁶ Dɔsɔk o dɔsɔk mata camət-mɛrɛɲ mamɔkɔ disrɛ, nɛckɛnɛ MARIKI yolɔɲnɛ nyɛ andecɔfɛ kɔ mɔ. Tataka ta camət-maas, kɛlonkanɛ kəsoku kɔ, teta kɛlɛlɛs im. Nɛkɛrɛ ina MARIKI yolɔɲnɛ nyɛ andecɔf'em mɔ. Kɛlonkanɛ kɛlpɛs ka kəsata kaɲkɛ kɔ, ta nɛbɛc dɔsɔk dadɔkɔ yɛbɛc nyɛ o nyɛ nɛmbɔt bɛc mɔ.

³⁷ Cəsata cancɛ cɔ nɛbɔc teta kɛlɛlɛs ka MARIKI, nɛdɛ nɛcwe kɛlonkanɛ kəsoku nkɛ nɛdɛ nɛkɛrɛ MARIKI yolɔɲnɛ nyɛ andɛ paccɔfɛ kɔ ndɛ dɛtɛtɛk tolonɲnɛ Kanu kɛronɲ mɔ, yolɔɲnɛ ya mɛɲgbɛn, yolɔɲnɛ ya kɛpaɲnɛ pɛforu kɔ yolɔɲnɛ ya wɛn wa yi, pɛmɔ tɔkɔ pɛmar palɔɲnɛ dɔsɔk ndɛ o ndɛ mɔ.

³⁸ Yolɔɲnɛ yayɔkɔ y'andɛ pacdɛɲɛr yolɔɲnɛ ya dɔsɔk da kəɲesəm fɛp ndɛ ampuse MARIKI mɔ, kəyɛfɛ ka yopocɛ yonu, yolɔɲnɛ ya kɛdɛrɛm yonu haɲ yolɔɲnɛ yopocɛ yonu nyɛ nɛɲsɔɲ MARIKI bɛkɛc yosoku pɛs mɔ.

³⁹ Teta kəsata ka cɛlɛɲgbɛ, tataka ta wɛco kɔ kɛcamət yati ta ɲof ɲa camət-mɛrɛɲ, kɔ kɛtɛl ka yɔbɔf yonu kɛlip-ɛ, nɛdɛkɔ nɛbɔc kəsata ka MARIKI mata camət-mɛrɛɲ disrɛ. Tataka tɔcɔkɔ-cɔkɔ kɔ tataka ta camət-maas ta kəsata kaɲkɔ, mataka mɛɲesəm mmɛ ampuse MARIKI mɔ.

⁴⁰ Tataka tɔcɔkɔ-cɔkɔ, nɛlɛk yokom yɔtɔt ya tɔk yokom yonu, bat ya komp, wara wa tɔk yɔyɔ bɔpɛr kɔ cɛɲkɛlma ca dɛromun, nɛwolɛs-wolɛs ina MARIKI Kanu konu fɔr kirinj mata camət-mɛrɛɲ mamɔkɔ fɛp disrɛ.

⁴¹ Kɛrɛn o kɛrɛn nɛdɛ nɛbɔcɛ ina MARIKI kəsata mata camət-mɛrɛɲ, ɲof ɲa camət-mɛrɛɲ ɲa terɛn o terɛn disrɛ. Tɛdɛ tɔyɔnɛ nu sariyɛ sa doru o doru, dɛtɛmp kɔ dɛtɛmp.

⁴² Akom aka Yisrayel fɛp ɲadɛ ɲacyi cɛlɛɲgbɛ disrɛ mata camət-mɛrɛɲ,

⁴³ nɛtɛ tɔɲsɔɲɛ yuruya yonu yɛdɛcɛrɛ a inayinɛ aka Yisrayel dɛcɛlɛɲgbɛ nɛtɛ inawurɛnɛ ɲa atɔf ɲa Misira mɔ. MARIKI iyɔnɛ, Kanu konu.»

⁴⁴ Tatɔkɔ tɔ Musa ɛnalɔmɛr aka Yisrayel cəsata ca kɛlonkanɛ kəyɛk-yɛkɛs MARIKI.

24

Pɛdɛtɛ sɛlamp sa aɲgbip ɲosoku

¹ Kɔ MARIKI oloku Musa:

² «Mɛsom aka Yisrayel ɲaker'am moro mɔtɔt ma olif mɔfɔc, nɛtɛ tɔɲsɔɲɛ sɛlamp sɛctam kɛmar dɔfɔy o dɔfɔy mɔ.

³ Aruna pɛccɛmbɛr pɛdɛtɛ sɛlamp ndɛ aɲgbancan ɲɛbɔpɛnɛ kɔ Kanu ndɛ todoru ta kɛloto kɛkɛɲkɛ kaɲkɛra nkɛ kɛmɛntɛr danapa dem k'aka Yisrayel, nɛtɛ tɔɲsɔɲɛ sɛctam tɛm fɛp MARIKI fɔr kirinj kəyɛfɛ dɔfɔy haɲ bɛtɔt mɔ. Tɛdɛ tɔyɔnɛ nu sariyɛ sa doru o doru, dɛtɛmp o dɛtɛmp dɛlɛlɛs si.

⁴ Aruna pædekə pæccəmbər səlamp pædɛtɛ pa səlamp pa kɛma kəsoku pɛs, ntɛ tɔŋsɔŋɛ sɛcmar tɛm fəp MARIKI fər kirin̄ mɔ.

Cəcom nɛ aloŋnɛ MARIKI mɔ

⁵ Mələk kəmbefe kətət, məkakəl cəcom cəlok-lok wəco kə mɛrəŋ, palompɛ kəcom nkɛ o nkɛ kəmbefe kilo camət-tin.

⁶ Nəboc ci fər ya MARIKI kirin̄ ndɛ amɛsa ŋa kɛma kəsoku pɛs, cəgba mɛrəŋ. Kəgba o kəgba pæcək ki cəcom camət-tin.

⁷ Kəgba o kəgba məboc ki suray sətət sa kələl ka kətək, nɛ andecəfɛ ina MARIKI dəkacəmɛ da cəcom tɛta kəcɛm-cɛməs mɔ.

⁸ Dəsək o dəsək deŋɛsəm ndɛ ampuse MARIKI mɔ, paboc'em cəcom cacəkə ntɛ tɔŋsɔŋɛ cəde cəcyi MARIKI fər kirin̄ tɛm fəp mɔ. Dəcəcom ca aka Yisrayel nəndɛ nəcbelər ci, danapa da doru o doru dɔ.

⁹ Cəcom cacəkə, ca Aruna kə yuruya yən cɔ, ŋadɛ ŋacsəm ci kəfo kəsoku: Yɛdɛ yəyɔnɛ ŋa yeri yosoku nyɛ ambelər yolɔŋnɛ nyɛ ampuse MARIKI kəcəfɛ kə mɔ dacɔ. Tɛdɛ tɔyɔnɛ nu sariyɛ sa doru o doru.»

Kətərəs nkɛ wərok nwɛ ɔləməs Kanu ŋsətɔ mɔ

¹⁰⁻¹¹ Dəsək dələma, wərok wəYisrayel wələma kas pəyɔnɛ wəMisira, pacwɛ kɛrɛ Selomit wan wəran wəka Dibri wəka kusun̄ka ka Dan. Kə wərok nwɛ, ɔŋkə aYisrayel dacɔ k'ɔŋkə pəyɛktər wəka Yisrayel wələma kəyɛfərənɛ dəndɔ dəsən̄ka. Kə wərok nwɛ ɔləməs MARIKI pəcbonc tɛwɛ tən, k'ontolanɛ kə pələc. K'asumpər wan wəkakə k'an̄kɛnɛ kə Musa.

¹² K'an̄kə pacaŋər kə, packar MARIKI kəlɔku təkə andeyɔ kə mɔ.

¹³ Kə MARIKI olɔku Musa:

¹⁴ «Nəwurɛnɛ wan wəkawɛ ɔləməs im mɔ saŋka disrɛ! An̄ɛ ŋanɛ kə dim mɔ fəp, ŋadɛŋər kə waca dərɔmp, ntɛ tɔŋsɔŋɛ afum fəp ŋacərə a fum wəkawɛ ɛsarɛ kəciyə mɔ, kə telip-ɛ, kəlɔŋkanɛ ka aka Yisrayel fəp ŋaca-case kə masar.

¹⁵ Ntɛ tɔ məŋkɔlɔku aka Yisrayel:

Məna nwɛ o nwɛ məntolanɛ Kanu kam pələc mɔ, məsarɛ kiciyə kam.

¹⁶ Nwɛ o nwɛ ɛŋfər-fərəs tɛwɛ ta MARIKI mɔ, padif kə: Kəlɔŋkanɛ ka Yisrayel fəp ŋanca-case wəkayɛ masar ŋadif. Wəkayɛ, pəyɔnɛ wəka Yisrayel, pəyɔnɛ wəcikərə, andif wəkayɛ tɛta ntɛ ɔləməs tɛwɛ ta Kanu mɔ.

Pələc mpɛ məŋyɔ wɛnc əm mɔ, ipɔ aŋluks'am

¹⁷ Nwɛ o nwɛ ŋsɛt fum pədif kə mɔ, mɛnɛ padif wəkayɛ.

¹⁸ Nwɛ o nwɛ osut pəcəl pa wɛnc pədif pi mɔ, pəsəŋ pələma pɛyi wəyɛŋ kəway ka pəkə endif mɔ.

¹⁹ Kə fum ombopər fum wələma-ɛ, pabopər sɔ wəkayɛ, pəmɔ kəbopər kəŋkə ombopər wɛnc mɔ:

²⁰ Kəway ka kətɛpi kəyɔnɛ kətɛpi, dəfər dəyɔnɛ kəway ka dəfər, desɛk dəyɔnɛ kəway ka desɛk. Dolokəp dəkə ŋyɔ wɛnc mɔ, idɔ aŋluksɛ kə.

²¹ Nwɛ ŋsɛt pəcəl pədif mɔ, pəlɔksɛ kəway ka pi, pəcəl pɛyi wəyɛŋ, mba k'osut fum pədif-ɛ, mɛnɛ padif kə.

²² Kiti kin kayɛ kə kəyɛfɛ wəcikərə kəbər wəka Yisrayel: MARIKI iyɔnɛ, Kanu konu.»

Kətərəs ka wərok

²³ Kə Musa olɔku molɔku maməkə aka Yisrayel, k'awurɛnɛ wəkakə ɛnatolanɛ tɛwɛ ta Kanu pələc mɔ, saŋka tadarəŋ k'an̄kə paca-cas kə masar. Kə aka Yisrayel ŋayɔ təkə MARIKI ɛnasom Musa mɔ.

25

Sariyɛ sa kəwurus ka ntəf kə k'afum

Tɛrɛn tɛŋɛsəm ta antəf

¹ Kɔ MARIKI osom Musa nde tɔrɔ ta Sinayi:

² «Mɛloku aka Yisrayel:

Kɔ nɛndekɔbɛrɛ atɔf nɛɛ iyi kɛsɔŋ nu mɔ, nɛce antɔf ŋonu ŋaŋɔkɔ ŋeŋesɛm pipic, teta kɛlelɛs ka MARIKI.

³ Meren camɛt-tin disrɛ, nɛntam kɛcbɔf nde cɛbɔf conu, nɛcɛpɛs wara wa ŋgbɔŋkɛlɔ ya wɛn yonu, nɛcpim yokom ya yi.

⁴ Mba teren ta camɛt-mɛrɛŋ, teren camcam ta kɛŋesɛm ta antɔf tɔ, nte ampuse MARIKI mɔ. Ta mɛbɔf dale dam, ta mɛcɛpɛs ŋgbɔŋkɛlɔ ya wɛn wam dɛntɔf.

⁵ Ta mɛtel pas ya mɛŋgbɛn mɔkɔ mɛnatɛmpɛnɛ kɔ moŋpoŋ mɔ, ta mɛpim sɔ yokom ya ŋgbɔŋkɛlɔ ya wɛn wam wɔkɔ mɛntɔcɛpɛs dɛntɔf mɔ. Teren teŋesɛm ta antɔf tɔ.

⁶ Ti disrɛ nɛntam kɛcdi yokom nyɛ antɔf ŋendepoŋ teren ta ŋi teŋesɛm disrɛ mɔ, kɛyɛfɛ mɛna, kɛkɔ wɛcar kam wɛrkun kɔ wɛran, wɛbɔcɛ kam nwe mɛŋsɔŋ kɛway mɔ, kɔ wɛcikɛra wɛcɛpɛr wɛkɔ eyi ndaram mɔ.

⁷ Yokom yayɔkɔ yendekɔyɔnɛ sɔ yeri ya yɔcɔl kɔ sɛm yonu yɔkɔ yeyi nde atɔf ŋam mɔ teren tatɔkɔ fɛp.»

Teren ta Kɛkul-kulɛnɛ pɛbotu

⁸ «Nɛde nɛclɔm meren mɛŋesɛm camɛt-mɛrɛŋ, haŋ camɛt-mɛrɛŋ, kɛwon ka ti kɛyɔnɛ meren wɛco maŋkɛle kɔ camɛt-maŋkɛle (49).

⁹ Tataka ta wɛco ta ŋof ŋa camɛt-mɛrɛŋ, dɔsɔk dadɔkɔ mɛfula aluk cawon cawon: Dɔsɔk da Kɛsɔkɛs ka kiciya dɔ, nɛfula luk atɔf ŋonu fɛp disrɛ.

¹⁰ Nɛpuse teren ta wɛco kɛcamɛt (50) tatɔkɔ MARIKI, tɛm tatɔkɔ nɛdɛŋk kɛyi yɛŋɛn dɔtɔf aka sɛdare sonu fɛp. Teren tatɔkɔ tɔyɔnɛ nu teren ta Kɛkul-kulɛnɛ Pɛbotu. Nwe o nwe pɛluksɛrnɛ kɛban antɔf kɔ paka pɔn, pɛkɔ sɔ afum ɔn kɛsɔk nde kɛlɔ kɛn disrɛ.

¹¹ Teren ta wɛco kɛcamɛt (50) tatɔkɔ tendeyɔnɛ nu teren ta Kɛkul-kulɛnɛ Pɛbotu, ta nɛdebɔf, ta nɛdetɛl sɔ pas yɔkɔ yompoŋ dale mɔ, ta nɛpim sɔ ŋgbɔŋkɛlɔ ya wɛn yonu nyɛ nɛntɔcɛpɛs dɛntɔf mɔ.

¹² Bawo teren ta Kɛkul-kulɛnɛ Pɛbotu tɔ, tɔyɔnɛ nu teren topus. Nɛde nɛcdi yokom nyɛ dale donu dɛŋsɔŋ disɛrka mɔ.

¹³ Kɛren ka kɛsata ka Kɛkul-kulɛnɛ Pɛbotu kaŋkɔ disrɛ, nwe o nwe pɛlukus nde antɔf ŋɔn.

¹⁴ Kɔ mɛndecamsɛr wɛnc ɛm antɔf, kɔ pɛyɔnɛ fɛ ti mɛcwayɛr kɔ paka pɛlɔm-ɛ, ta nwe o nwe pɛdir wɛnc.

¹⁵ Mɛwayɛr wɛnc ɛm, mba ta mɛpɛlɛr kɛlɔm ka meren mɔkɔ mɛncɛpɛr kɛyɛfɛ ka teren ta Kɛkul-kulɛnɛ Pɛbotu tɛlpɛs haŋ teren tɔkɔ nɛyi mɔ, kɔ meren mɛtel mɔkɔ mɛncɛmɛ sɔ a teren ta Kɛkul-kulɛnɛ Pɛbotu kɛcbɛp sɔ mɔ.

¹⁶ Tɔkɔ meren mɛnde kɛcbɔle mɔ, itɔ kɛway kɛnde kɛcɛrɛ. Tɔkɔ meren mɛnde kɛcbɛle mɔ, itɔ kɛway kɛnde kɛctor, bawo kɛlɔm ka kɛtel k'ayi kɛcamsɛr ɛm.

¹⁷ Ta fum o fum pɛdir wɛnc, mɛnesɛ Kanu kam. MARIKI iyɔnɛ, Kanu konu.

¹⁸ Nɛde nɛcɛmɛ sariyɛ sɛm darɛŋ, nɛmɛŋkɛrnɛ mɔyɔ mem mokur, nɛccɛmɛ mi darɛŋ, nɛnɔnɛ bɛkɛc yoforu dɔtɔf.

¹⁹ Antɔf ŋendekɔ ŋɔcsɔŋ yokom ya ŋi, nyɛ nɛndekɔ nɛcdi haŋ nɛgbɛrfɛnɛ mɔ, nɛnɔnɛ di bɛkɛc yoforu.

²⁰ Kɔ nɛndekɔ nɛcyifnɛ: «Kɔ sɛntɔbɔf paka, ta sɛmpim paka-ɛ, ake sɛndedi teren ta camɛt-mɛrɛŋ-ɛ?»

²¹ Awa ina MARIKI, indɛtorɛr nu kɛpocɛ pɛtɔt kem teren ta camɛt-tin disrɛ, indɛsɔŋɛ antɔf ŋokom yokom ya meren maas.

²² Teren ta camɛt-maas, nɛgbɔkɛrɛ sɔ kɛbɔf ka cɛbɔf conu, mba kɛren kaŋkɔ sɔ, yɛtel yonu yokur yɔ nɛndi sɔ, bawo yokom yɔkɔ nɛnamɛŋk mɔ, yɛndɛlar nu haŋ ta nɛntam yi kɛlip kɛdi teren ta camɛt-maas-ɛ, nɛntam kɛkar teren ta camɛt-maŋkɛle a nɛccop kɛdi ka yokom yofu.»

Sariye sa kawurus ntɔf

²³ «Afɔde paccaməs antɔf telip katina: Antɔf fəp ɲemi ɲɔ, nde nderem nɔyi decikəra, ande a ɲi kərəsna ɲɔ nɔyɔnɛ.

²⁴ Ti disre atɔf ɲɲe indesɔɲ nu mɔ, mɛnɛ nəkɔcəmbər di sariye səwurusɛ antɔf ɲam ɲɲe mənacamsər fum mɔ.

²⁵ Kɔ daka delipər wɛnc əm, pəcamsər əm antɔf ɲɔn tofokəl-ɛ, wɛnc nwe ɲanaɲkanɛ kəlɔtərənɛ dokom mɔ, ɛntam kəder pəwurus antɔf ɲaɲɔkɔ wɛnc ɛnacamsər əm mɔ.

²⁶ Kɔ fum wəkayi ɔntɔyɔ wɛnc wəlɔtərənɛ dokom nwe ɛntam kawurus antɔf ɲɔn mɔ, kɔ nkɔn ende pəsɔtɔ daka nde nkənsərka ɛntam kawurusɛ antɔf ɲɔn ɲɔkɔ ɛnacaməs mɔ,

²⁷ pəlɔm meren mmɛ mencepər kəyɛfɛ nte ɛnacaməs tofokəl papɔkɔ haɲ kəren nkɛ ɔsɔtɔ daka nde ɲɲkawurusɛ pi mɔ, pəlɔm sɔ meren mmɛ mɛncəmə a teren ta Kəkul-kulɛnɛ Pəbotu tɛcbəp mɔ, pədenjər kəway kaɲkɔ pəsɔɲ wəkɔ ɛnaway mɔ, tɛm tatɔkɔ ɛntam kəlɔksərɛnɛ nde antɔf ɲɔn.

²⁸ Kɔ wəkayi ɔsɔtɔ fɛ daka nde ɲɲkawurusɛ antɔf ɲɔn, haɲ teren ta Kəkul-kulɛnɛ Pəbotu tɛbəp, antɔf ɲɲɲi wəkɔ ɛnaway ɲi mɔ dəwaca. Kɔ teren tatɔkɔ tɛmbəp-ɛ, wəcaməs ka ɲi pəlɔksərɛnɛ sɔ kəbaɲ antɔf ɲɔn.

²⁹ Kɔ fum ɛncaməs kəlɔ kɔn nkɛ kəyi dare dɔpɔɲ nde asɔ saɲka haɲ k'anɔɲkər mɔ, wəcaməs kəlɔ ɛntam kawurus ki haɲ teren tin kəyɛfɛ nte ɛnacaməs kəlɔ kaɲkɔ mɔ. Wəway kəlɔ ɛntam kəkərənɛ kɔ kawurus ka kəlɔ kaɲkɔ haɲ teren tin.

³⁰ Kɔ teren tin camcam tencepər wəka kəlɔ ender fɛ pəwurus kəlɔ kɔn-ɛ, tɛm tatɔkɔ kəlɔ kəɲɔnɛ ka wəkɔ ɛnaway ki mɔ kɔ awut ɔn. Wəway ka kəlɔ kaɲkɔ ɔfɔlukɛ wəcaməs ka ki teren ta Kəkul-kulɛnɛ Pəbotu de.

³¹ Sariye sin sayi sɔ wəlɔ wa sədare səfɛt kɔ ntɔf, antam wi kawurus pəmɔ nte aɲlukɛ sɔ wi asərka kɔ teren ta Kəkul-kulɛnɛ Pəbotu tɛmbəp-ɛ.

³² Sədare sa aLewy, kɔ wəlɔ wəkɔ wɔyɔnɛ waɲan mɔ, aLewy ɲa ɲande ɲactam kawurus wi tɛm o tɛm.

³³ Ali tɔyɔnɛ wəLewy wəlɔma ɛway kəlɔ kaɲkɔ, ɔɲlukɛ ki wəLewy wəcɔkɔ-cɔkɔ wəkɔ ɛnayo ki mɔ teren ta Kəkul-kulɛnɛ Pəbotu, bawo wəlɔ wa sədare sa aLewy gbəcərəm wɔ ɲayo aka Yisrayel daco.

³⁴ Dale dəkɔ deyi sədare səɲan cəsək mɔ, afəway di, dale daɲan dɔ doru o doru.»

Sariye nse wətɔyɔ daka ɛɲɛkər'am debe mɔ

³⁵ «Kɔ wɛnc əm eyi'm kəsək daka delipər kɔ-ɛ, məcəmə kɔ dɛntɔf, pəyɔnɛ wəcikəra, kɔ pəyɔnɛ fɛ ti wəcikəra wəcəpərənɛ tɛm, nte tɔɲsɔɲɛ nkɔn sɔ pətam kəyi ndaram mɔ.

³⁶ Ta nətɛnər kɔ kədir nkɛ o nkɛ, mənɛsɛ Kanu kam, wɛnc əm ɛntam kəyi ndaram kɔ mənɔ.

³⁷ Məbər kɔ pəsam, mba ta məwer kɔ kədenjər ka tɔkɔ mənabər kɔ mɔ. Kɔ məbər kɔ yerɛ-ɛ, ta məwer kɔ kədenjər am.

³⁸ MARIKI iyɔnɛ, Kanu kam nkɛ kənawurɛnɛ nu atɔf ɲa Misira, kədesɔɲ nu atɔf ɲa Kanaɲ mɔ. Iyɔnɛ Kanu konu.»

Sariye sa kawurus nse səyɔnɛ sa afum mɔ

³⁹ «Kɔ wɛnc əm ɔyɔnɛ wətɔyɔ daka, pəcamsərɲ'am-ɛ, ta məcəmbər kɔ yɛbəc ya dacar.

⁴⁰ Pəbəc'am ndaram, məcəsɔɲ kɔ kəway, pəmɔ wəcikəra wəcəpər. Pəbəc'am haɲ teren ta Kəkul-kulɛnɛ Pəbotu.

⁴¹ Kɔ teren ta Kəkul-kulɛnɛ Pəbotu tɛmbəp-ɛ, wəkayi pəwur kəlɔ kam yɛɲɔn, nkɔn kɔ awut ɔn ɲalukus nde kor kəɲan, nde antɔf ɲa akas aɲa.

⁴² Bawo amarəs em ɲɔ aɲɛ iwurɛnɛ atɔf ɲa Misira mɔ. Afəcəməs ɲa pəmɔ tɔkɔ ancəməs acar mɔ.

⁴³ Ta məcəmbər wɛnc əm yɛbəc ya dacar, məmentər a mələləs ina Kanu kam.

⁴⁴ Afum a tɔf nyɛ yɛɲkɛl nu mɔ, nəntam kəcwayər ɲa acar arkun kɔ aran.

⁴⁵ Nāndetam sō kēcway acikēra akō ṅandendē nu daco kēcēpārenē tēm mō, afum aṅjan a dācor akō aṅkom atōf ṅonu mō, akakō nāntam kēcāmbār ṅa dācar.

⁴⁶ Nānde nēcakāre ṅa awut anu kō nāna nāfi-ε, ṅayōne akāṅjan. Nānde nēcmenj k ṅa, ṅayōne nu acar doru o doru. Mba nāna aka Yisrayel, ta nwe o nwe pēcāmbār wēnc yēbēc ya dācar.

⁴⁷ Kō wēnc am ayōne wētōyō daka, pākō pēcāmsārne wēcikēra wēcēpārenē tēm, kō pāyōne fē ti, wēcikēra nwe endē nu daco mō, kō pāyōne fē ti wēnc ka wēcikēra wākō ṅampāṅne kor kin mō,

⁴⁸ wēnc konu entam kēwurusne: Aṅwose wēnc wālōma kēwurus kō.

⁴⁹ Kō wēnc antōtam kēwurus kō-ε, nēcāk'on, kō pāyōne fē ti, wākīya kōn, kō pāyōne fē ti, wēnc nwe ṅalōtārenē dokom mō ṅantam kēwurus kō. Kō pāyōne fum wākakō sōtō daka dowurusne, entam kēwurusne nkōnsārka.

⁵⁰ Wākayī ṅṅlōm kēyefe kēren nke encāmāsne mō haṅ meren mme mēncāmē teren ta Kākul-kulēne Pēbotu kēbār mō. Dākālōm da meren mamākō, antam kēcāre kēway nke pēmar pēsōṅ mō. Palōm kēway kaṅkō pēmō tākō aṅsōṅ fum kēway ka yēbēc mō.

⁵¹ Kō pāyōne teren ta Kākul-kulēne Pēbotu tēsārōbōle-ε, wākayī pawuruse kō kēway kaṅkō enacāmse kō mō.

⁵² Kō pāyōne a teren ta Kākul-kulēne Pēbotu tōlōtārne-ε, palōm meren mme mēncāmē teren ta Kākul-kulēne Pēbotu kēbār mō, pasōṅ wākō enaway kō mō kēway kētāṅne ka meren mme mēncāmē mō.

⁵³ Kēyī ka wākayī fēp ndena wākō enaway kō mō, wēbēc ayōne nwe pēmar pasōṅ kēway teren kēlip mō, ta wēway kōn pēcāmbār kō yēbēc ya dācar fōr yonu kirīṅ.

⁵⁴ K'awurus fē wēnc konu towurus nte o nte-ε, nēkar endewur dācar nkōn kō awut on teren ta Kākul-kulēne Pēbotu.

⁵⁵ In'ō aka Yisrayel ṅayōne acar. Abēc'em ṅō, in'owurēne ṅa atōf ṅa Misira. MARIKI iyōne, Kanu konu.»

26

¹ «Ta nāde nēclopmpās mērēṅka mēfālī, ali ta nāde nēcpat tērēṅka, ali tāsār totontne tin nāde nēcāmbār, ta nādekō nēcāmbār ali tāsār pēnekās pin mpe nādekō nēcōntne fōr kirīṅ mō. MARIKI iyōne, Kanu konu.

² Nādekō nēcēlēs dāsāk da kēṅesām nde ampūs'em mō fēp, nāelēs sō aṅgbip ṅosoku ṅem. MARIKI iyōne.»

Yopocē yōtōt nyē MARIKI sōsōṅ mō

³ «Kō nēcāmē sariyē sem darēṅ, nāmēṅkārne mosom mem, nēcōyō mi-ε,

⁴ iṅsōṅ nu wēcāfēn tēm tōn, yōbōf yonu yōṅkom, kō tāk ya dākulum yōṅkom sō yokom ya yi.

⁵ Awa nde ndorōnu kēsēpār ka mēṅgbēn kēnde kēcwon haṅ tēm tōfōcās wēn, kō kēfōcās wēn kēwon haṅ tēm ta kēbōf ka dālē sō. Nāde nēcdi yeri yonu nēcgbārfeṅne, nānōne sō bākēc yoforu nde atōf ṅonu.

⁶ Iṅfōrēs atōf ṅonu, nānde nēcāntāre ali fum ta empēpi nu-ε. Indēbēlēs'on atōf ṅonu sem ya dop yēlēc yōkō, dakma dōfōsēcēpār atōf ṅonu.

⁷ Nānde nēcēlēs atērenē anu aṅe nānde kēcādfite sakma sonu mō.

⁸ Afum anu kēcāmēt gbōṅ ṅande ṅacēlēs atērenē anu afum tāsār tin, afum anu tāsār tin (100) ṅande ṅacēlēs atērenē anu afum wul wēcō (10.000), aṅe nānde kēcādfite sakma sonu mō.

⁹ Indēcēncē nu kēro, isōṅ nu dokombāra, isōṅne nu kēla, indēlēs sō dānāpa dem kō nāna.

¹⁰ Nādekō nēcdi yētēl yonu yokur haṅ nēwure yēlpās nāber yofu.

¹¹ Indēcāmbār dākēyī dem nu daco, ifōdebēr nu kumunt.

¹² Indēsōlē nu, iyōne nu Kanu, nāna nāyōne afum em.

13 MARIKI iyəne, Kanu konu, nke kənwurəne nu atəf ɲa Misira, nte tənşəne ta nəyənə sə acar mə. K'intepi kətam ka aka Misira, k'isəne nu kəyekti səbomp.»

MARIKI kəpocə pələc

14 «Mba kə nəntəcənkəl moloku mem, ta nəncəme mosom mem fəp darə-ε,

15 kə nənce sariye sem, nəfən məyo mokur mem, ta nəncəme mosom mem darə, kə nəncopu danapa dem-ε,

16 nte t'inyə nu: Indeber nu abəc dəbəkəc, melenki kə fiba, nte tendeyamse nu kənənk belbel, təcsəm mataka monu meyi doru mə. Nənde nəcbəf kifəli, aterene anu ɲande kəcđi yi.

17 Indeber nu kumunt, aterene anu ɲande kəctam nu. Aɲe ɲanter nu mə ɲande kəcyi nu kəron, nəcyekse ta fum o fum encəme nu darə-ε.

18 Kə maməkə fəp meyi ta nəcənkəl im-ε, intərəs nu camət-mərəɲ teta kiciya konu.

19 Indetepi kədot banca konu, isəne wəcafən kətəder, yəbəf yəfəde yectesə atəf ɲonu.

20 Səkət sonu sənde kəcłecə kifəli, atəf ɲonu ɲəfəsəkom pəmə təkə pəmar mə, təkə yonu yəfəsəkom.

21 Kə nəncəm'em dəbəkəc kəyefərəne, ta nəwose kəcənkəl im-ε, iɲnəcər sə kəsute nu mətərəs camət-mərəɲ teta kiciya konu.

22 Iɲkerə nu sem ya dop, nyə yende kəcđifər nu awut mə, sem nyə yendelip kəcđifət ka yəcəl yonu, sem nyə yendesəne nu kəpicə mə. Tem tatəkə səpə sonu səyo yeryer.

23 Kə maməkə fəp meyi ta nəwose kətərəs kem kanəkə, nəcəm'em dəbəkəc-ε,

24 ina sə incəme nu dəbəkəc, iɲnəcər kəsut nu camət-mərəɲ teta kiciya konu.

25 Iɲkerə nu dakma dolukse ayek, nde dendelukse ayek ɲa danapa dem mə. Tem nte nəɲlonkanə sədare sonu mə, nəna dacə iɲkerə nu arom, tem tatəkə ambər nu aterene anu dəwaca.

26 K'indebanər nu kəcom-ε, aran wəco ɲande ɲacberene kəcəf cəcom pəcəfe kəcom pin, ɲatubuc kəyer nu ci, tənşəne nəcsəm ci ta cəsəne nu kənəmbərə-ε.

27 K'iyə sə maməkə ta nəncənkəl im, nəsərəcəm'em dəbəkəc-ε,

28 incəme nu dəbəkəc icepərər, iɲnəcər kətərəs nu camət-mərəɲ teta kiciya konu.

29 Nənde kəcsəm dis da awut anu arkun kə aran.

30 Iɲləsər mofə məsali monu nde dəməro, iwuy metek monu nde nəncəfe suray canu conu ca yem mə, ilək cəbel ca afum anu afi, idenər ci cəbel ca mərəɲka monu kəron. Abəkəc ɲem ɲəbələ nu.

31 Indecekəli sədare sonu, iləsər mofə məsali monu, ifəsəliɲərne ambənc ɲa yolonəne yonu ɲne ɲontore-tor'em abəkəc mə.

32 Inasərka in'endewonkər atəf. Aterene anu aɲe ɲandende ɲi mə, ɲandesumpərne cusu.

33 Iɲkerə nu afum aɲe ɲandewəkərne nu mə, isamsər nu afum a təf alpəs aɲe dacə. Atəf ɲonu, aɲləsər ɲi pəmə teɲbərə, kə sədare sonu səcəkələ.

34 Awa, meren mmə nəndeyi marənt ndena aterene anu mə fəp, atəf ɲonu ɲne nəsak ɲeləcə mə, ɲendenesəm kəsəkpe ka təkə nənatəsak ɲi ɲenesəm mə.

35 Tem nte ɲendeyi ɲeləcə mə fəp, ɲendesəto kəɲesəm nke ɲenatəɲesəm nte nənandə ɲi mə.

36 Awənc nu aɲa alpəs aɲe ɲandeyi nda aterene aɲan mə, indesəɲ ɲa defer fər. Kəborə-borə ka abəpər gbəcərəm kənde kəcsəne ɲa kəyekse. Nənde kəcyekse pəmə nte fum endeyeksər dakma mə, ɲayekse haɲ ɲakə ɲatempənə, ta fum o fum encəme ɲa darə-ε.

37 Nəndəkə ɲacfonkən-fonkən ɲaccaɲərəne kəyekse pəmə təkə aterene aɲan ɲancəme ɲa darəɲ ɲatəmpərə ɲa sakma mə, təyənə oɲ ali fum encəme fe ɲa darəɲ. Nəfədetam kəcəme aterene anu fər kirin.

38 Dəkələpsər da ti, marənt mə nəndefi, təf ɲocuru yemer nu.

39 Dətəf ya aterene anu, awənc anu alpəs aɲe andesak mə, ɲandete teta kiciya kəɲan kə ka atem aɲan.»

Kanu kancem-cemne danapa don

⁴⁰ «Mba aɲe ɲantɔdefi kɛtɔrɛs kaɲkɔ disre mɔ, ɲandecɛɲ kiciya kɛɲan kɔ ka atem aɲan, mes mɛlec mme ɲacyɔ ina MARIKI, ɲacɛm'em sɔ debɛkɛc.

⁴¹ Ti tendesɔɲe ɲa kɛcɛre a ina sɔ, icɛme ɲa debɛkɛc, k'isamsɛr ɲa nde atɔf ɲa aterɛne aɲan. Tem tatɔkɔ, kɔ bɛkɛc yaɲan yɔtɔcɛre ina Kanu yendekɔlapɛs ɲa teta kɛtɔsumpɛr danapa dosu, ɲawose kɛtɔrɛs ka kiciya kɛɲan-ɛ,

⁴² indecem-cemne danapa dem nde inasek kɔ Yakuba, Siyaka, kɔ Abraham mɔ, ti tendesɔɲ'em oɲ kɛcem-cemne atɔf ɲonu.

⁴³ Ti disre kɔ ɲandesak atɔf-ɛ, atɔf ɲaɲɔkɔ ɲendetam kɛɲesɛm. Tem tatɔkɔ ɲandewose kɛtɔrɛs bawo ɲawose fe sariye sem kɔ ɲafɛn mɔyɔ mem mokur teta nte ɲantɔcɛmɛne mɔyɔ mokur mem darɔɲ ɲacfatɔ sɔ kɔyɔ sariye sem mɔ.

⁴⁴ Ali tem tatɔkɔ asamsɛr ɲa nda aterɛne aɲan mɔ, ifɔter ɲa doru o doru haɲ imɛlɛk ɲa de, ifɔcopu sɔ danapa dem kɔ ɲa. MARIKI iyɔne, Kanu kɛɲan.

⁴⁵ Ey, indecem-cemne kɛɲaɲneɲe ɲa, teta danapa dɔkɔ sɛnacɛɲɔs kɔ atem aɲan mɔ, aɲe inawurene atɔf ɲa Misira mɔ, fɔr ya afum a tɔf yelpɛs nye fɛp kirin, ideyɔne ɲa Kanu mɔ. MARIKI iyɔne.»

⁴⁶ Sariye saɲse, mɔyɔ mokur kɔ mɛtɛkse mame mɔ MARIKI ɛnacɛmbɛr nkɔn kɔ aka Yisrayel dacɔ nde tɔrɔ ta Sinayi, kɛsom ka Musa.

27*Afum kɔ daka nde andɛrme MARIKI mɔ*

¹ Kɔ MARIKI osom Musa:

² «Mɛlɔku aka Yisrayel:

Kɔ fum ɛnderɛm kɛsɔɲ ka fum wɛlɔma teta yɛbɛc ya MARIKI-ɛ, pɛmar wɛkayi pɛwurusɛ kɔ pɛsam mpɛ pentɔɲne kɛway ka kɛwurusɛ fum nke ambonc nde aɲgbip ɲosoku mɔ, nkɔn pɛlɛk fum kɔn.

³ Kɛway kaɲkɛ kɔ nɛndetam kɛcwurusɛ afum aɲe anasɔɲ MARIKI kɛderɛm disre mɔ:

Kɔ pɛyɔne wɛrkun nwe ɔsɔtɔ kɛyɛfe meren wɛco mɛrɔɲ (20) haɲ kɛbɛp ka meren wɛco camɛt-tin mɔ (60), pawurusɛ kɔ pɛsam gbɛlɛɲ wɛco kɛcamɛt (50) potubuce pa nde aɲgbip ɲosoku.

⁴ Kɔ pɛyɔne wɛran ɔfɔ-ɛ, pɛsam gbɛlɛɲ wɛco maas (30) pɔ.

⁵ Kɔ pɛyɔne wan nwe ɔsɔtɔ meren kɛyɛfe kɛcamɛt haɲ wɛco mɛrɔɲ (20) mɔ, k'ɔyɔne wan wɛrkun-ɛ, pɛsam gbɛlɛɲ wɛco mɛrɔɲ (20),

k'ɔyɔne wɛran-ɛ, pɛsam gbɛlɛɲ wɛco (10) pɔ.

⁶ Kɔ pɛyɔne wanfet wɛka ɲof ɲin haɲ meren kɛcamɛt ɔfɔ-ɛ, aɲsɔɲ teta wan wɛrkun pɛsam gbɛlɛɲ kɛcamɛt (5), teta wan wɛran pɛsam gbɛlɛɲ maas (3).

⁷ Kɔ pɛyɔne wɛbeki wɛka meren wɛco camɛt-tin (60) haɲ pɛcepɛr ɔfɔ-ɛ, aɲsɔɲe tetɔn pɛsam gbɛlɛɲ wɛco kɔ kɛcamɛt (15) k'ɔyɔne wɛrkun-ɛ. K'ɔyɔne wɛran-ɛ, pasɔɲ pɛsam gbɛlɛɲ wɛco (10).

⁸ Kɔ pɛyɔne wɛkɔ ɛnderɛm mɔ ɔyɔ fe daka nde ɔɲkɔsɔɲ kɛway kɛtɔɲne mɔ, pakɔ pacɛmbɛr wɛkayi wɛlɔɲne fɔr kirin, wɛlɔɲne pɛcem-cemne tɔkɔ ɔɲkɔbɔncɛr kɔ mɔ. Wɛlɔɲne pɛmɔmɛn kɛsɔtɔ ka wɛkayi daka a pɛctam kɛwer kɔ kɛway kaɲkɔ pɛmar pɛsɔɲ mɔ.

⁹ Kɔ pɛyɔne pɔcɔl pɔ mpɛ pentese kɛkenɛ MARIKI mɔ, mpɛ o mpɛ andekene MARIKI mɔ, papus pi.

¹⁰ Afɔsɛkprɛre pɔcɔl pɔtɔt, pɛlec. Afɔsɛkprɛre pɛlec, pɔtɔt. K'asɛkprɛre pɔcɔl, pɔcɔl pɔlɔma-ɛ, ampuse MARIKI yɔcɔl yayɔkɔ mɛrɔɲ fɛp.

¹¹ Kɔ pɛyɔne pɔcɔl pɔtɔsɛk pɔ-ɛ, mpɛ antɔwose kɛlɔɲne MARIKI mɔ, pakene pi wɛlɔɲne pɛmɔmɛn.

¹² Wɛlɔɲne ɔɲkɔmɔmɛn dɔtɔt da pɔcɔl kɔ pɛyɔne fe ti, dɛlec da pɔcɔl papɔkɔ, a pɛbɔncɛr wɛkayi tɔkɔ pɛmar pɛsɔɲ kɛway mɔ. Kɛway kaɲkɔ kɔ afum ɲaɲkɔcɛmɛ darɔɲ.

¹³ Kə wəka pəcəl efan kəwurus pəcəl pən-ε, pəsəŋ kəway ka pi kə alamali nne wəloŋne omboncər kə mə.

¹⁴ Kə fum ompuse kələ kən MARIKI, wəloŋne pəməmən dətət kə delec da kələ kaŋkə, kəway kaŋkə əŋkəboncə ki mə, k'əŋkəcəme darəŋ.

¹⁵ Kə wəka kələ kaŋkə efan kəwurus kələ kən-ε, pəsəŋ kəway ka ki məlməl, a pədeŋər sə alamali nne wəloŋne omboncər kə mə. Kələ kaŋkə kəŋluksərne sə kəyənə kən.

¹⁶ Kə fum elek abəf nən pəpuse MARIKI-ε, defet dəkə eŋgbale abəf nənəkə mə d'əŋkələk kəway ka di: Pəsam gbələŋ wəco kəcəmət (50) kəway ka defet da meŋgben kilo masar maas (300).

¹⁷ Kə pəyənə a kəcop ka teren ta Kəkul-kulənə Pəbotu tə wəkayi ompuse abəf nən MARIKI-ε, tatəkə t'amboncə kə kəway.

¹⁸ Kə pəyənə a teren ta Kəkul-kulənə Pəbotu tencepər a kə fum endepuse abəf nən MARIKI-ε, wəloŋne pələm meren məkə mēncəme a teren ta Kəkul-kulənə Pəbotu təcəp mə, pəbeli kəway ka abəf.

¹⁹ Kə wəka abəf efan kəwurus ka abəf nən-ε, pəsəŋ kəway ka abəf nən nke wəloŋne omboncər kə mə. A pədeŋər sə alamali nne wəloŋne omboncər kə mə. Təm tatəkə abəf noluksərne sə nəyənə nən.

²⁰ Kə wəka abəf owurus fe abəf nən haŋ fum wəcuru pəway ŋi-ε, wəka abəf nənəkə əfəsətam kəwurus ŋi.

²¹ Kə teren ta Kəkul-kulənə Pəbotu tēmbəp-ε, abəf nənəkə nənluksərne MARIKI, aloŋne nəyə oŋ ŋi. Pəŋyi tēm tatəkə pəmə nte fum əŋsəŋ paka MARIKI, ta entam sə pi kəbaŋ mə.

²² Kə fum ompuse MARIKI abəf nne enaway mə, təyənə bafə ke ka atem ən kəsak kə-ε,

²³ wəloŋne pələm meren mme mēncəme teren ta Kəkul-kulənə Pəbotu təkə kəbəp mə, wəka abəf pəsəŋ dəsək dadəkə yati kəway kaŋkə wəloŋne omboncər kə mə. Papuse pəsam papəkə MARIKI.

²⁴ Kə teren ta Kəkul-kulənə Pəbotu tēmbəp-ε, abəf noluksər wəka ŋi wəcəkə-cəkə, itə tatəkə fum nwe enalek ŋi ke ka atem ən mə.

²⁵ Kəway nke o nke ambonc mə, kəyənə kəway ka nde aŋgbip nəsoku: Delel da pəsam gbələŋ bin dətəŋnənə kə kəram wəco (10).»

Sariye sələma nse səncəme fum kə daka nde ampuse MARIKI mə

²⁶ «Ali fum ta pəpuse MARIKI wan wəcəkə-cəkə wəka pəcəl pən, pəyənə wana, aŋkesiya, wir, bawo awut acəkə-cəkə a yəcəl yən fəp, MARIKI əyə yi.

²⁷ Kə pəyənə pəcəl pətəsək pə-ε, wəka pi pəwurus pi, pəsəŋ kəway nke wəloŋne omboncər kə mə. A pədeŋər sə alamali nne wəloŋne omboncər kə mə. K'əntəwurus pi-ε, wəloŋne entam pi kəcəmsər nwe eŋfaŋ pi mə, kəway kaŋkə wəloŋne omboncər kə mə.

²⁸ Paka mpe o mpe pəyənə pa fum, wəkayi pələk pi pəpuse MARIKI doru o doru mə, afəsətam kəcəməs pi, afəsətam kəwurus pi, pəyənə fum, pəyənə pəcəl, pəyənə abəf nne wəka ŋi elek ke mə. Daka nde o nde ampuse topus tatəkə mə, daka dosoku də nde ampuse MARIKI mə, afəsətam kəsəkpər ti.

²⁹ Kə təyənə fum əfə nwe sariye sa kədif səsumpur mə, afətam kəwurus kə, mēne padif fum wəkayi.

³⁰ Farile fa yəbəf fəp, pəyənə pəbəf, pəyənə yokom ya tək, MARIKI əyə yi, daka də nde ampuse MARIKI mə.

³¹ Kə fum efan kəwurus ka farile fən-ε, pəsəŋ kəway ka farile fən, pədeŋər sə alamali nne wəloŋne omboncər kə mə.

³² Farile fa yəcəl, cəna, ŋkesiya, kə cir fəp, camət-maŋkələ ya wəka yəcəl yə, pa wəco, MARIKI ampuse pi.

³³ Afətən kəcərə kə pəyənə pəcəl papəkə pentese kə pəyənə fe ti, pələcə-ε, afəsəkpər pi. K'asəkpərə pəcəl pəcəl-ε, yəcəl yayəkə merəŋ fəp ampuse yi MARIKI, afəsətam kəwurus yi.»

³⁴ Mosom maməkə mə MARIKI enasom Musa nnə aka Yisrayel ηayi mə nde tərə ta Sinayi.

Tawureta Musa, Buk 4: Kəlɔm ka aka Yisrayel

Moloku ma kəsəkəs buk ba Musa ba maŋkələ: Kəlɔm

Buk ba Kəlɔm boloku marənt ma aka Yisrayel meren wəco maŋkələ (40) nde dətəgbərə ɲacten atəf nɲe MARIKI enasəŋ temer kəsəŋ ɲa, nɲe ɲəyɔnɛ atəf ɲa Kanan mə. Buk babəkə b'aŋwe «Kəlɔm ka aka Yisrayel» bawo bəyɔ mopoc mɛrəŋ mmɛ moloku kəlɔm ka arkun aŋe ɲanatom kəsutɛnɛ cusuŋka ca Yisrayel daco mə (Sora 1 kə sora 26). Kəyɛfɛ tokur aŋa acərə mes ɲancɛm-cɛmnɛ a Aŋnabi Musa enacicəs buk mbɛ kə səbuk maŋkələ səloma sa Tawureta Musa: Dəkəcop da Doru, Kəwur ka aka Yisrayel ɲayi Yɛŋən, Sariyɛ s'aLewy, Kəlɔm ka aka Yisrayel, kə Sariyɛ Səgbəkərə. Yecicəs yisərka yoloku ti, bawo moloku məkəkə-cəkə ma buk bambɛ moloku cəHebərə: «Kə MARIKI oloku Musa: ...» (Kəlɔm 1.1). Tɛntam sɔ kəyi a Musa ecicəs pəlarəm pa buk babəkə, k'atəkse sariyɛ s'aSuyif ɲadeberɛnɛ tɛlpəs moloku mɛpic mələma teta kəsəksər ka mes fəp mmɛ Musa encepərənɛ doru mə. Totubcɛnɛ: Pəncuca kəcɛm-cɛmnɛ a Musa enacicəs moloku pəmɔ Kəlɔm 12.3, nɲə aŋkor-koru dofum dən mə.

Marənt maŋan disrɛ nde dətəgbərə, aka Yisrayel ɲambokɛnɛ kə ɲayɛŋkər Kanu səbomp ɲacgbəkərə ti pəlarəm. Kəsəŋ kəŋan kəway, k'antərəs ɲa. Totubcɛnɛ ta maməkə tɔyɔnɛ nɛ aka Yisrayel ɲananɛsɛ mə, kə ɲambokɛnɛ nɛ afum aka Kanan ɲananaŋkanɛ kəyɔ səkət mə (Sora 14.1-4). Teta mes maməkə, kə Kanu kəlɔku a dɛtɛmp din mələmɛl da afum ɲandɛfi a aka Yisrayel ɲadeberɛ atəf nɲe MARIKI enadɛrəm kəsəŋ ɲa mə. Musa nkənsərka yati əncəkətɛnɛ fɛ mɛtəkse ma MARIKI tɛm fəp pəmɔ təkə MARIKI enasom kə ti mə. Ti tɛnasəŋɛ ta MARIKI owosɛ kəberɛ ka Musa atəf nɲe enaloku kəsəŋ afum ən mə. Ali nɛ afum ɲanayɛŋkər Kanu səbomp mə, Kanu kənasak fɛ kəkəkəs ɲa. Nɛ atɛrɛnɛ a aYisrayel ɲalɛk wəgbal kəsənc wətəlɲ Kanu nwe ancwe Balam kətolanɛ aka Yisrayel pələc mə, kətolanɛ aka Yisrayel pətət gbəcərəm kə Kanu kənawosɛ kə (Kəlɔm sora 22-24).

Teyer ta buk bambɛ

1-10.11: Moloku ma kəlɔm ka aka Yisrayel, kə tɛcəmbər-cəmbər ta saŋka səŋan, yɛbəc ya aloŋnɛ kə yopocɛ nɛ kusuŋka o kusuŋka kənasəŋ teta kəpus ka tetek toloŋnɛ mə.

10.12-25: Marənt ma aka Yisrayel nde dətəgbərə.

26-36: Kəlɔm ka mɛrəŋ kə mɛtəkse mələma ma afum aka Yisrayel. Maməkə mɛberɛnɛ mewe ma mofɔ mmɛ aka Yisrayel ɲanacəmbər saŋka mə, nɛ ɲancəkə atəf nɲe Kanu kənadɛrəm kəsəŋ ɲa mə, kə nɛ anayərəs atəf ɲaŋkə mə.

Kəlɔm ka aka Yisrayel

Yisrayel kəyi kəŋan nde tɛgbərə ta Sinayi

1-10

Kəlɔm kəkəkə-cəkə ka afum cusuŋka ca Yisrayel disrɛ

¹ Nde tɛgbərə ta Sinayi, nde aŋgbancan ɲɛbərənɛ kə Kanu, tataka təkəkə-cəkə ta ɲof ɲa mɛrəŋ, teren ta mɛrəŋ ta kəwur ka aka Yisrayel Misira, kə MARIKI oloku Musa:

² «Nələm kəlɔŋkanɛ ka afum a Yisrayel dəcɔr kə dəwələ, nələm səbomp tin tin mewe ma arkun fəp.

³ Məna kə Aruna nələm aŋe ɲantam kətəmpər yosutnɛnɛ Yisrayel mə, dəcəgba ca asutɛnɛ, kəyɛfɛ aŋe ɲayɔ meren wəco mɛrəŋ haŋ kəcɛpər ka ti mə.

⁴ Nəndəkəsətɔ amar, akirin akin akin a cusuŋka conu.

⁵ Mənəŋk mewe ma arkun aŋe ɲandemar nu mə.

Kusuŋka ka Ruben: Elicur wan ka Sedewur.

⁶ Kusuŋka ka Simeyɔŋ: Selumiyel, wan ka Curisaday.

⁷ Kusunja ka Yuda: Nasəŋ, wan ka Aminadab.

⁸ Kusunja ka Isakar: Netaneyel, wan ka Cuwar.

⁹ Kusunja ka Sabulon: Eliyab, wan ka Heləŋ.

¹⁰ Kusunja ka awut a Isifu, kusunja ka Efrayim: Elisama, wan ka Amihud. Kusunja ka Manase: Kamaliyel, wan ka Pedacur.

¹¹ Kusunja ka Benyamin: Abidan, wan ka Kideyoni.

¹² Kusunja ka Dan: Ahiyeser, wan ka Amisaday.

¹³ Kusunja ka Aser: Pakiyel, wan ka Okəraŋ.

¹⁴ Kusunja ka Kad: Eliyasaf, wan ka Dewel.

¹⁵ Kusunja ka Naftali: Ahira, wan ka Enan.»

¹⁶ Akiriŋ a cusunja aŋe anayek-yek kəlonkanə ka Yisrayel daco mə, ŋanayonə akiriŋ a cəgba ca asutənə a Yisrayel.

¹⁷ Musa kə Aruna ŋalək afum aŋe anamentər mewe maŋan mə,

¹⁸ kə ŋaləŋka aka Yisrayel fəp dəsək dəcəkə-cəkə da ŋof ŋa mərəŋ. Musa kə Aruna ŋacicəs mewe maŋan dəcər kə dəwələ, kə ŋaləm ŋa tin tin, arkun aŋe ŋanasətə meren wəco mərəŋ (20) haŋ ŋacepər ti mə.

¹⁹ Pəmə təkə MARIKI enasom ti Musa a pələm ŋa nde dətəgbərə ta Sinayi mə.

²⁰ Kə kələm kəncop nda kusunja ka awut a Ruben wan wəcəkə-cəkə wəka Yisrayel, kəbənda ka yuruya yən, dəcər kə dəwələ, dokom kə dokom, pələm tin tin mewe ma arkun fəp, aŋe ŋanasətə meren wəco mərəŋ haŋ ŋacepər ti, kə aŋe ŋantam kətəmpər yosutnənə mə,

²¹ arkun aŋe ŋanaləm nde kusunja ka Ruben mə: Wul wəco maŋkələ kə camət-tin, masar kəcəmət (46.500).

²² Kəbənda ka yuruya ya Simeyəŋ, dəcər kə dəwələ, aŋe analəm tin tin mewe ma arkun fəp kəyefe aŋe ŋanasətə meren wəco mərəŋ haŋ ŋacepər ti mə, arkun aŋe ŋantam kətəmpər yosutnənə mə,

²³ arkun aŋe analəm nde kusunja ka Simeyəŋ mə, ŋanayi afum wul wəco kəcəmət kə camət-maŋkələ, masar maas (59.300).

²⁴ Kəbənda ka yuruya ya Kad, dəcər kə dəwələ, k'aləm mewe ma arkun aŋe ŋanasətə meren wəco mərəŋ haŋ ŋacepər ti, arkun aŋe ŋantam kətəmpər yosutnənə mə,

²⁵ aŋe analəm nde kusunja ka Kad: Afum wul wəco maŋkələ kə kəcəmət, masar camət-tin wəco kəcəmət (45.650).

²⁶ Kəbənda ka yuruya ya Yuda, dəcər kə dəwələ, k'aləm mewe ma arkun aŋe ŋanasətə meren wəco mərəŋ haŋ ŋacepər ti, arkun aŋe ŋantam kətəmpər yosutnənə mə,

²⁷ arkun aŋe analəm nde kusunja ka Yuda mə, ŋanayi afum wul wəco camət-mərəŋ kə maŋkələ, masar camət-tin (74.600).

²⁸ Kəbənda ka yuruya ya Isakar, dəcər kə dəwələ k'aləm mewe ma arkun aŋe ŋanasətə meren wəco mərəŋ haŋ ŋacepər ti, arkun aŋe ŋantam kətəmpər yosutnənə mə,

²⁹ arkun aŋe analəm nde kusunja ka Isakar, ŋanayi afum wul wəco kəcəmət kə maŋkələ, masar maŋkələ (54.400).

³⁰ Kəbənda ka yuruya ya Sabulon, dəcər kə dəwələ k'aləm mewe ma arkun aŋe ŋanasətə meren wəco mərəŋ, haŋ ŋacepər ti, arkun aŋe ŋantam kətəmpər yosutnənə mə,

³¹ arkun aŋe analəm nde kusunja ka Sabulon, ŋanayi afum wul wəco kəcəmət kə camət-mərəŋ, masar maŋkələ (57.400).

³² Kəbənda ka yuruya ya Isifu: Awut aka Efrayim, dəcər kə dəwələ k'aləm mewe ma arkun aŋe ŋanasətə meren wəco mərəŋ haŋ ŋacepər ti, arkun aŋe ŋantam kətəmpər yosutnənə mə,

³³ arkun aŋe analəm nde kusunja ka Efrayim ŋanayi afum wul wəco maŋkələ, masar kəcəmət (40.500).

³⁴ Kəbənda ka yuruya ya Manase, dəcər kə dəwələ k'aləm mewe ma arkun aŋe ŋanasətə meren wəco mərəŋ haŋ ŋacepər ti, arkun aŋe ŋantam kətəmpər yosutnənə mə,

³⁵ arkun anje analəm nde kusunjka ka Manase mə, ηanayi afum wul wəco maas kə mərəη, masar mərəη (32.200).

³⁶ Kəbənda ka yuruya ya Benyamin, dəcor kə dəwələ k'aləm mewe ma arkun anje ηanasətə meren wəco mərəη, han ηacepər ti, arkun anje ηanctam kətəmpər yosutnənə mə,

³⁷ analəm nde kusunjka ka Benyamin arkun wul wəco maas kə kəcamət, masar maηkələ (35.400).

³⁸ Kəbənda ka yuruya ya Dan, dəcor kə dəwələ k'aləm mewe ma arkun anje ηanasətə meren wəco mərəη han ηacepər ti, kə arkun anje ηanctam kətəmpər yosutnənə mə.

³⁹ Awa, nde kusunjka ka Dan analəm di arkun wul wəco camət-tin kə mərəη, masar camət-mərəη (62.700).

⁴⁰ Kəbənda ka yuruya ya Aser, dəcor kə dəwələ k'aləm mewe ma arkun anje ηanasətə meren wəco mərəη han ηacepər ti, arkun anje ηanctam kətəmpər yosutnənə mə,

⁴¹ arkun anje analəm nde kusunjka ka Aser ηanayi afum wul wəco maηkələ kə pin, masar kəcamət (41.500).

⁴² Kə kəbənda ka yuruya ya Naftali, dəcor kə dəwələ k'aləm mewe ma arkun anje ηanasətə meren wəco mərəη han ηacepər ti, arkun anje ηanctam kətəmpər yosutnənə mə,

⁴³ akanje ηanaləm nde kusunjka ka Naftali ηanayi afum wul wəco kəcamət kə maas, masar maηkələ (53.400).

⁴⁴ Arkun akanje ηə Musa, Aruna kə arkun anje wəco kə mərəη anje ηanayənə akirin a cusujka ca Yisrayel mə, ηanaləm, kələ o kələ fum wəkin.

⁴⁵ Arkun akanje η'analəm aka Yisrayel dacə, dəwələ kə dəwələ kəyefe anje ηanasətə meren wəco mərəη han ηacepər ti, arkun anje ηanctam kətəmpər yosutnənə Yisrayel mə,

⁴⁶ arkun anje analəm mə fəp, ηanayi afum wul masar camət-tin kə maas, masar kəcamət wəco kəcamət (603.550).

Yebəc sona ya aka kusunjka ka Lewy

⁴⁷ ALewy teta kusunjka kəηan ananəηkəl fe ηa kələm ka aka Yisrayel dacə.

⁴⁸ Kə MARIKI oloku Musa:

⁴⁹ «Ta mədenəηkəl arkun a kusunjka ka Lewy kələm kə aka Yisrayel.

⁵⁰ Məna, məkekərə aLewy nde dəkiyi da kaηkəra nke kəmentər danapa da MARIKI kə aka Yisrayel mə, kə yosumpər-sumpər kə ca yəkə yeyi di disre mə fəp. Na ηande ηacgbəηne kaηkəra kaηkə kə yosumpər-sumpər ya di, ηayənə akirin a ki, ηa ηande ηackel dəkiyi da kaηkəra dadəkə.

⁵¹ K'andecəpənə dəkiyi dosoku-ε, aLewy ηancekəli di. K'əηkə sə kəcəmbər dəkiyi dosoku-ε, aLewy ηaηlə sə di. Kə fum wəfulus ələtərne di-ε, mənə padif kə.

⁵² Aka Yisrayel fəp nwe o nwe pəyi saηka sən disre, ta pəbələne kələr ka kəgba kən k'asutənə.

⁵³ ALewy ηande ηackel dəkiyi dosoku nde doηkump kaηkəra nke kəmentər danapa da MARIKI kə aka Yisrayel mə, nte təηsəηe ta mətəle ma MARIKI məbəp kəlonkanə ka afum a Yisrayel mə, aLewy ηacbum dəkiyi dosoku da kaηkəra kaηkə.»

⁵⁴ Kə aka Yisrayel ηayə təkə MARIKI enasom Musa mə.

2

Təcəmbər ta cəbal ca cusujka saηka disre

¹ Kə MARIKI oloku Musa kə Aruna:

² «Aka Yisrayel nwe o nwe pəcəmə kələr kən kəsək, tənəpələ ta kələ kən dəntəf. Nəcəmə ηatəfərəne, ηacəmbər cəbal cətəfərəne, cəkəl aηgbancan ηebəpənə kə Kanu.

³ Anje ηandekəcəmə ntende dec dəmpə mə, ηaηdekəyi kələr ka saηka sa Yuda dəntəf, kəgba k'asutənə nke o nke, kəyə wəkirin wəkin wəka kusunjka kən. Wəkirin ka kusunjka ka Yuda: Nasəη, wan ka Aminadab,

⁴ Asutene ɔn aɲe analəm mə, ɲanabəp wul wəco camət-mɛrəɲ kə maɲkələ, masar camət-tin (74.600).

⁵ Kusunƙa ka Yuda kəsək, ka Isakar kəɲkəcəme. Wəkiriɲ ka kusunƙa kəɲan: Netaneyel, wan ka Cuwar.

⁶ Asutene ɔn aɲe analəm mə: Afum wul wəco kəcəmət kə maɲkələ, masar maɲkələ (54.400).

⁷ Kə tɛyɛfɛ dənda-ɛ, kusunƙa ka Sabulon. Wəkiriɲ ka kusunƙa kəɲan: Eliyab, wan ka Heloɲ.

⁸ Asutene ɔn aɲe analəm mə: Afum wul wəco kəcəmət kə camət-mɛrəɲ, masar maɲkələ (57.400).

⁹ Afum akanɛ ɲanaləm kəyi saɲka sa Yuda: Asutene wul tasar tin wəco camət-maas kə camət-tin, masar maɲkələ (186.400), asutene akakə ɲandeyi kiriɲ kəkə.

¹⁰ Ntende kəca kətət ka nde dec dɛmpɛ mə, kələr ka saɲka sa Ruben: Wəkiriɲ kəɲan Elicur, wan ka Sedewur.

¹¹ Asutene ɔn aɲe analəm mə: Afum wul wəco maɲkələ kə camət-tin, masar kəcəmət (46.500).

¹² Ʋa kəsək, kusunƙa ka Simeyɔɲ. Wəkiriɲ kəɲan: Selumiyel, wan ka Curisaday.

¹³ Asutene ɔn aɲe analəm mə: Afum wul wəco kəcəmət kə camət-maɲkələ, masar maas (59.300).

¹⁴ Kə tɛyɛfɛ dənda-ɛ, kusunƙa ka Kadu. Wəkiriɲ kəɲan: Eliyasaf, wan ka Rehuwel.

¹⁵ Asutene ɔn aɲe analəm mə: Afum wul wəco maɲkələ kə kəcəmət, masar camət-tin wəco kəcəmət (45.650).

¹⁶ Asutene aɲe analəm nde saɲka sa Ruben mə: Wul tasar tin wəco kəcəmət kə pin, masar maɲkələ wəco kəcəmət (151.450), asutene akakə ɲandekə tamerəɲ.

¹⁷ Kə tɛyɛfɛ dənda-ɛ, aɲɟbancan ɲɛbɛpɛnɛ kə Kanu ɲosolne ɲa darəɲ kə saɲka sa aLewy ɲayi saɲka dacə. Ʋacɛk kəkə təkə ɲaɲkəlɔɲkanɛ kənde mə, nwe o nwe kə kəɟba kən, kələr kən dəntəf.

¹⁸ Ntende dec dɛɲkalɛ mə, kələr ka saɲka sa Efrayim kənayi di, kəɟba ka asutene ɔn. Wəkiriɲ ka kusunƙa kəɲan ɛnayɔne Elisama wan ka Amihud.

¹⁹ Asutene ɔn aɲe analəm mə: Afum wul wəco maɲkələ, masar kəcəmət (40.500).

²⁰ Ʋa kəsək kusunƙa ka Manase. Wəkiriɲ kəɲan: Kamaliyel wan ka Pedacur.

²¹ Asutene ɔn aɲe analəm mə: Afum wul wəco maas kə mɛrəɲ, masar mɛrəɲ (32.200).

²² Kə tɛyɛfɛ dənda-ɛ, kusunƙa ka Benyamin, wəkiriɲ kəɲan: Abidan wan ka Kideyoni.

²³ Asutene ɔn aɲe analəm mə: Afum wul wəco maas kə kəcəmət, masar maɲkələ (35.400).

²⁴ Asutene aɲe analəm saɲka sa Efrayim mə, ɲanayi afum wul tasar tin kə camət-maas, tasar tin (108.100). Kəɟba ka asutene kaɲkə kəɲkə tamaas, ɲayi aLewy tadarəɲ.

²⁵ Ntende kəca kəmeriya ka nde dec dɛmpɛ mə, kələr ka saɲka sa Dan, kəɟba ka asutene ɔn. Wəkiriɲ ka kusunƙa kəɲan: Ahiyaser wan ka Amisaday.

²⁶ Asutene ɔn aɲe analəm mə: Afum wul wəco camət-tin kə mɛrəɲ, masar camət-mɛrəɲ (62.700).

²⁷ Kusunƙa ka Aser, aɲe ɲancəmbər saɲka səɲan kusunƙa ka Dan kəsək mə ɲader. Wəkiriɲ kəɲan: Pakiyel wan ka Okəraɲ.

²⁸ Asutene aɲe analəm mə: Afum wul wəco maɲkələ kə pin, masar kəcəmət (41.500).

²⁹ Kə tɛyɛfɛ dənda-ɛ, kusunƙa ka Naftali. Wəkiriɲ ka kusunƙa kəɲan: Ahira wan ka Enan.

³⁰ Asutene aɲe analəm mə: Afum wul wəco kəcəmət kə maas, masar maɲkələ (53.400).

³¹ Asutene aɲe analəm saɲka sa Dan mə: Afum wul tasar tin wəco kəcəmət kə camət-mɛrəɲ, masar camət-tin (157.600). Ʋandekə tɛlpəs kə kələr kəɲan.»

³² Afum akanɛ ɲanaləm Yisrayel, dəwələ kə dəwələ. Akakə analəm cəɟba ca asutene dəsəɲka disre mə, ɲanabəp wul masar camət-tin kə maas, masar kəcəmət wəco kəcəmət (603.550).

³³ Analəm fə aLewy aYisrayel dacə, pəmə təkə MARIKI enasom ti Musa mə.

³⁴ Kə aYisrayel ηayə təkə MARIKI enaloku Musa mə. Tatəkə tə ηanalənkane aηe o aηe kə kələr kəηan. Tatəkə tə ηanckə aηe o aηe kə kor kəηan kələ kəηan disre.

3

Yebəc ya kusunka k'aLewy

¹ Mewe ma awut a Aruna kə Musa mə mamε dəsək ndε MARIKI olok-lokər Musa ndε tərə ta Sinayi mə.

² Mewe ma awut arkun a Aruna mə mamε: Coco Nadab, təηə Abihu, sama Elasar, baki Itamar.

³ Mewe ma awut arkun a Aruna mə maməkə, aləηne aηe ηanasətə kəbəy, akaηe ηanawure kəyənε ka akirin a yebəc ya Kanu.

⁴ Nadab kə Abihu ηanasətə fε awut nte ηanafi ndε tεgbərə ta Sinayi MARIKI fər kirin mə, bawo ηanakere kə nenc dətətεse ndε enatəsom ηa kəkere kə mə. Kəfi kəηan kənasəηe Elasar kə Itamar ηayənε oη akirin a aləηne kas kəηan Aruna kəsək.

⁵ Kə MARIKI oloku Musa:

⁶ «Məkere kusunka k'aLewy, məsəη ηa Aruna wəloηne, nte təηsəηe ηacmar kə mə.

⁷ ηacəme yebəc yən kə kəloηkane ka Yisrayel fəp ndε aηgbancan ηebəpene kə Kanu. ηa ηadekə ηacbəc yebəc ya ndε dəkiyi dosoku.

⁸ ηa ηandekəyənε abum a yosumpər-sumpər ya ndε aηgbancan ηebəpene kə Kanu, ηacəme sə yebəc ya aka Yisrayel. ηa ηandekəcəme yebəc ya ndε dəkiyi dosoku.

⁹ Məsəη aLewy, nte təηsəηe ηacmar Aruna kə awut ən arkun yebəc, tewe t'aka Yisrayel mə.

¹⁰ Mədəs Aruna kə awut ən arkun kəyənε ka akirin a yebəc ya Kanu. Kə fum wəcuru ələtərne kəyə yebəc ya aləηne-ε, mεne padif kə.»

¹¹ Kə MARIKI oloku Musa:

¹² «Ina, ilək aLewy aYisrayel dacə dəkəcəme da awut acəkə-cəkə a aran aYisrayel fəp. ALewy, akemi ηə.

¹³ Bawo awut acəkə-cəkə fəp, akemi ηə. Dəsək ndε inasut awut acəkə-cəkə Misira mə, k'impusnεne awut acəkə-cəkə a Yisrayel fəp, kələk wəkəkom wəcəkə-cəkə nwe o nwe wəka fum kəbəp ka wəka pəcəl.»

Kəlm kəcəkə-cəkə ka aka kusunka ka aLewy

¹⁴ Nde tεgbərə ta Sinayi, kə MARIKI oloku Musa:

¹⁵ «Mələm awut a Lewy dəwələ kə dəcor, mələm arkun kələk aηe ηasətə ηof ηin han ηacepər ti mə.»

¹⁶ Kə Musa ələm ηa pəmə təkə MARIKI enasom kə ti mə.

¹⁷ Mewe ma awut a Lewy mə mamε: Kerson, Kehat kə Merari.

¹⁸ Mewe ma awut a Kerson mə mamε dəcor: Libini kə Simeyi.

¹⁹ Awut a Kehat dəcor: Amram, Yicahar, Hebərəη kə Usiyel.

²⁰ Awut a Merari dəcor: Mali kə Musi. Cor ca aLewy cə cacəkə dəwələ.

²¹ Kerson əyənε wətem ka aka kor ka Libini kə kor ka Simeyi. Cor ca Kerson cə.

²² Afum aηe analəm ηa dacə mə, arkun aηe analəm kəyefe aηe ηanasətə ηof ηin han ηacepər ti mə, ηanabəp afum wul camət-mērəη, masar kəcəmət (7.500).

²³ Cor ca Kerson ηancndε ndε dəkiyi dosoku tadarəη ntende dec dεηkale mə.

²⁴ Wəkirin ka cor ca Kerson: Eliyasaf, wan ka Layel.

²⁵ Nte təyənε ta aηgbancan ηebəpene kə Kanu mə, awut a Kerson ηanatəmpər kəcəmbər-cəmbər ka mes ma dəkiyi dosoku fəp: Kəyefe aηgbancan kəkə kələto kəkumpε, kəbəp kələto kəkəηke nke kəyi ndε dəkəberε da aηgbancan ηebəpene kə Kanu mə,

²⁶ cələto ca saηka kə kələto kəηere dəkəberε da saηka, dəkiyi dosoku fəp kə tetek toloηne panəηkəre yi bənda yəkə aηsekte ca yayəkə mə.

²⁷ Aka Kehat: Kor ka Amram, ka Yicahar, ka Hebərən kɔ ka Usiyel. Kehat ɔyɔnɛ wəkiriŋ kəŋan.

²⁸ Ntɛ analɔm arkun fəp kəyɛfɛ ka akɔ ŋanasɔtɔ ŋof ŋin haŋ ŋacepər ti mɔ, ŋanabəp wul camət-maas, masar camət-tin (8.600). Na ŋanatəmpər teta ca yɔkɔ yɛnayi aŋgbip ŋosoku disrɛ mɔ.

²⁹ Kor ka awut a Kehat ŋa ŋancndɛ nde kəca kətɔt ka dəkiyi dosoku.

³⁰ Wəkiriŋ ka wɔlɔ wa cor ca aka Kehat: Elicafan wan ka Usiyel.

³¹ Na ŋanatəmpər teta kaŋkəra ka Danapa da Kanu kɔ aka Yisrayel, amɛsa, pɛdɛtɛ sɛlamp, metek molɔŋnɛ, yosumpər-sumpər ya dengbip nyɛ ambɛcɛ di mɔ fəp, kɔ kəloto kəkəŋkɛ. Na ŋanatəmpər sɔ yɛbɛc fəp ya ca yayɔkɔ.

³² Wəbɛ ka akiriŋ a cor ca aka Lewy: Elasar wan wərkun ka wəlɔŋnɛ Aruna. Nkɔn ɔncmɔmən aŋɛ ŋanatəmpər yɛbɛc ya dengbip mɔ.

³³ Merari ɔyɔnɛ wətem ka aka kor ka Mali kɔ ka Musi. Cor mɛrəŋ cɔ ɔyɔ: Kor ka Mali kɔ ka Musi.

³⁴ Ntɛ analɔm arkun dacɔ aŋɛ ŋanasɔtɔ kəyɛfɛ ŋof ŋin haŋ ŋacepər ti mɔ, anasɔtɔ wul camət-tin, masar mɛrəŋ (6.200).

³⁵ Wəkiriŋ ka aka kor ka Merari ɛnayɔnɛ Curiyel wan ka Abihayil. Na ŋancndɛ kəca kəmeriya ka dəkiyi dosoku.

³⁶ Awut a Merari ŋanatəmpər teta fərəm fa dəkiyi dosoku, mogbu kɔ gbat-gbata kɔ yɛcəmɛnɛ ya aŋgbancan kɔ ca yɔkɔ ancbɛcɛ di mɔ,

³⁷ mogbu ma saŋka haŋ paŋəŋkər kɔ yɛcəmɛnɛ ya mi, cəgbɔ ca ŋi kɔ bənda.

³⁸ Musa, Aruna kɔ awut ɔn arkun, ŋa ŋandɛ dəkiyi dosoku tekiriŋ ntende dec dempɛ mɔ, aŋgbancan ŋɛbɛpɛnɛ kɔ Kanu tekiriŋ. Na ŋatəmpər teta yɛbɛc ya aŋgbip ŋosoku. Fum wəcuru nwe o nwe ɔŋlɔtərɛ ŋi mɔ, mɛnɛ padif kɔ.

³⁹ ALewy aŋɛ Musa kɔ Aruna ŋanalɔm pəmɔ tɔkɔ MARIKI ɛnasom ŋa ti mɔ, arkun fəp dəcɔr aŋɛ ŋanasɔtɔ ŋof ŋin haŋ ŋacepər ti mɔ, ŋanabəp wul wəcɔ mɛrəŋ kɔ mɛrəŋ (22.000).

Kəwurus ka awut acɔkɔ-cɔkɔ

⁴⁰ Kɔ MARIKI oloku Musa: «Məlɔm arkun acɔkɔ-cɔkɔ fəp aYisrayel dacɔ, kəyɛfɛ aŋɛ ŋasɔtɔ ŋof ŋin haŋ ŋacepər ti mɔ, mɛlɔm ŋa məcic mewe maŋan.

⁴¹ MARIKI iyɔnɛ. Mələk em aLewy dəkɛcəmɛ da awut acɔkɔ-cɔkɔ aka Yisrayel, yɔcɔl yaŋan yi sɔ yɔyɔnɛ yɔcɔl yɔcɔkɔ-cɔkɔ ya aka Yisrayel.»

⁴² Kɔ Musa ɔlɔm awut acɔkɔ-cɔkɔ a Yisrayel fəp pəmɔ tɔkɔ MARIKI ɛnasom kɔ ti mɔ.

⁴³ Arkun acɔkɔ-cɔkɔ aŋɛ analɔm ŋa dacɔ mɔ fəp, mewe ma aŋɛ ŋanasɔtɔ ŋof ŋin haŋ ŋacepər ti mɔ, ŋanabəp wul wəcɔ mɛrəŋ kɔ mɛrəŋ, masar mɛrəŋ wəcɔ camət-mɛrəŋ kɔ maas (22.273).

⁴⁴ Kɔ MARIKI oloku Musa:

⁴⁵ «Mələk aLewy dəkɛcəmɛ da awut acɔkɔ-cɔkɔ a Yisrayel. Mələk sɔ yɔcɔl ya aLewy dəkɛcəmɛ da yɔcɔl ya Yisrayel. ALewy, akemi ŋɔ ŋayɔnɛ. MARIKI iyɔnɛ.

⁴⁶ Afum masar mɛrəŋ wəcɔ camət-mɛrəŋ kɔ maas (273) ŋancepərər kəlɔm ka aLewy. Mɛnɛ pawurus ŋa,

⁴⁷ mawer nwe o nwe pəsam gbɛti kəcəmɛt, potubucɛ pa nde aŋgbip ŋosoku, mpɛ o mpɛ kərəm wəcɔ.

⁴⁸ Məsɔŋ pəsam papɔkɔ Aruna kɔ awut ɔn, teta kəway ka kəwurus ka kəlɔm ka aLewy akɔ kəncepərər mɔ.»

⁴⁹ Kɔ Musa ewerəs gbɛti babɔkɔ, kəwurus ka afum akɔ ŋanacepərər dɛlay da aLewy mɔ.

⁵⁰ Kɔ Musa ɛlɛk gbɛti ba awut acɔkɔ-cɔkɔ aYisrayel: Pəsam gbɛlɛŋ wul win, masar maas wəcɔ camət-tin kɔ kəcəmɛt (1.365), pəmɔ potubuc pa nde aŋgbip ŋosoku.

⁵¹ Kɔ Musa ɔsɔŋ gbɛti babɔkɔ ɛnawerəs mɔ Aruna kɔ awut ɔn arkun pəmɔ tɔkɔ MARIKI ɛnasom kɔ ti mɔ.

4

*Yebəc ya cor ca kusunka ka aLewy**Yuruya ya Kehat*

¹ Kə MARIKI oloku Musa kə Aruna:

² «Mələm aKehat arkun aLewy dacə, dəcor kə dəwələ,

³ kəyefe anje nəsətə meren wəco maas kəbəp ka meren wəco kəcamət mə (30-50), anje o anje nantam kəbəc təc tələma nde anğbancan nəcərəne kə Kanu mə.

⁴ Awa, yebəc ya yuruya ya Kehat nde d'anğbancan nəcərəne kə Kanu yə nyə: Nə natəmpər teta ca yosoku nyə ampuse MARIKI mə.

⁵ Kə aYisrayel nandəcəre-ε, Aruna kə awut ən arkun nənəkene nader naliñ kəloto kəkənke, nğbəpər kənərə nke kəmentər danapa da MARIKI kə aka Yisrayel mə.

⁶ Nadenər ki kəron kəloto ka akata nə antempeli, kə təcəfe dənda-ε nəperi ki kəron kəloto ka alom nə məntambənc.

⁷ Nəperi kəloto ka alom nə məntambənc amesa nə cəcom cəlonne kəron, nəcəmbər ki kəron pəlet, məmbəl, mapan kə məpət molonene wən. Nəcəmbər di cəcom nce pəmar pacsəñ im təm fəp mə.

⁸ Nəkumpe yayəkə fəp kəloto ka alom nəyim nadenər ki kəloto ka akata nə antempeli, kə telip-ε, nəsor ki cəgbo cələke ca ki.

⁹ Nələk kəloto ka alom nə məntambənc nəkumpe pədəte səlamp kə səlamp sa pi kəcəfe macənke, map mekaye meken kə yebere ya moro mme ambəcə dəndo anğbancan mə.

¹⁰ Nəkumpe ca yayəkə kəloto ka akata nə antempeli, nədetər ki cəgbo mərəñ.

¹¹ Nəperi kəloto ka alom nə məntambənc tetek tolonne ta kema, nəkumpe ki akata nə antempeli, nədetə yi cəgbo cəkə nəsor cələke ca kənərə mə.

¹² Nələk yosumpər-sumpər yəkə ambəcə dəndo dənğbip mə fəp, nənepsəre yi kəloto ka alom nə məntambənc, nəkumpe yi akata nə antempeli, nədetə yi dəcəgbo mərəñ.

¹³ Nəliñ kəbof ka dənənc tetek pəcəfe MARIKI suray, kə nəlip-ε, nəperi kəloto ka alom nə məntambənc tetek tolonne kəron.

¹⁴ Naden yosumpər-sumpər yayəkə ambəcə di mə fəp, kələk carərə, bak, pel kə səpət səpəñ, yosumpər-sumpər ya tetek tolonne fəp, nəkumpe yi akata nə antempeli. Kə telip-ε, nəsor cəgbo cələke ca ki.

¹⁵ Kə nəyefe kəcəre-ε, Aruna kə awut ən arkun nader kəğbəpər anğbip nəsoku kə yosumpər-sumpər ya di fəp, awut a Kehat nader nələk anğbip nəsoku, mba ta nğbuñene ni de, nte tənşəne ta nəfi mə. Yebəc ya awut a Kehat yə yayəkə nde d'anğbancan nəcərəne kə Kanu.

¹⁶ Elasar wan wəkun wəka Aruna wəlonne, nkən ətəmpər kəməmən ka moro ma səlamp, suray səbotu ambənc, mənğben mme anlonne MARIKI təm o təm mə, kə moro məbəy. Nkən ətəmpər kəbum ka dəkiyi dosoku kə daka dəkə dey i di disre mə fəp, kə yosumpər-sumpər ya dəndo anğbip nəsoku.»

¹⁷ Kə MARIKI oloku Musa kə Aruna:

¹⁸ «Ta nəcopər kusunka ka aLewy cor ca Kehat.

¹⁹ Nəyəne nə tatəkə, tənşəne nə kətəfi kə nandekə kələtərne kəğbuñsərəne ca yosoku nyə ampuse MARIKI mə. Aruna kə awut ən arkun nənder nəcəmbər nwe o nwe yebəc yən gbəcərəm kə ca yəkə pəmar wəkayi pəsare mə.

²⁰ Ta nəbere sona dənğbip nəsoku ali təm tepic kəməmən ka ca yopus. Kə nəyə ti-ε, nəñfi.»

Yuruya ya Kerson

²¹ Kə MARIKI oloku Musa:

²² «Mələm sə awut arkun a Kerson, dəwələ kə dəcor

²³ kəcəfe anje nəsətə meren wəco maas kəbəp ka meren wəco kəcamət mə (30-50), anje o anje nantam kəbəc yebəc yələma nde anğbancan nəcərəne kə Kanu mə.

²⁴ Yebəc ya kor ka Kerson yə yaye:

²⁵ Nə nantəmpər cəloto cənerε ca dəkəyi dosoku kə ca anğbancan ηebəpene kə Kanu, kəloto kəkumpe ka ni kə akata nə antempeli ηəkə andeηər ki kəron, kə kəloto kəkumpe kəηkə kəyi dəkəberε da anğbancan ηebəpene kə Kanu mə.

²⁶ Cəloto cənerε sanjka kə kəloto kəηkə kəyi nde dəkəberε da sanjka mə, dəkəyi dosoku fəp haη panəηkər kə tetek tolonne, bənda ya sanjka kə yosumpər-sumpər ya di, nə nətəmpər yebəc yayəkə fəp.

²⁷ Kəsom ka Aruna kə awut ən arkun kə yuruya ya Kerson yə ηande ηacbəc, nte təyone yesare kə yebəc mə, yuruya ya Kerson yende yoloku nə təkə pəmar nə kətəmpər, təkə pəmar ηabəc mə.

²⁸ Tatəkə təyone yebəc ya kor ka Kerson nde anğbancan ηebəpene kə Kanu, Itamar wan wərkun wəka Aruna wəlonne pəcməmən yebəc yaηan.»

Yuruya ya Merari

²⁹ MARIKI pəcloku Musa: «Mələm arkun a yuruya ya Merari dəcor kə dəwələ,

³⁰ kəyefe aηe ηasətə meren wəco maas kəbər ka meren wəco kəcəmət mə (30-50), aηe o aηe nantam kəbəc yebəc ya nde anğbancan ηebəpene kə Kanu mə.

³¹ Yebəc nyε yəyone yaηan, ηade ηacğbaηne ca fəp ya anğbancan ηebəpene kə Kanu: Fərem fa dəkəyi dosoku, cəğbo, mogbu kə yecəmene ya di,

³² mogbu maməkə meηkel sanjka mə kə yecəmene ya mi, cəğbo kə bənda, yosumpər-sumpər fəp kə ca yəkə yəyone yebəce ya yi mə fəp. Alonne ηələmər nə tin tin mewe ma ca yəkə pəmar nə kətəmpər mə fəp.

³³ Tatəkə təyone yebəc ya kor ka Merari, yebəc yaηan nde anğbancan ηebəpene kə Kanu fəp, Itamar wan wərkun wəka Aruna wəlonne pəcməmən yi.»

³⁴ Musa, Aruna kə akirin a kəlonkanε ka afum a Yisrayel ηələm arkun a kor ka Kehat dəcor kə dəwələ,

³⁵ aηe ηanasətə meren wəco maas kəbər ka meren wəco kəcəmət mə (30-50), aηe o aηe nantam kəbəc yebəc yələma nde anğbancan ηebəpene kə Kanu mə.

³⁶ Afum aηe analəm nə dacə dəcor mə, ηanayi wul mēreη, masar camət-mēreη wəco kəcəmət (2.750).

³⁷ Afum akanε ηanaləm kor ka Kehat dacə, afum akə ηancbəc nde anğbancan ηebəpene kə Kanu mə. Musa kə Aruna ηələm nə kəsom ka MARIKI disre.

³⁸ Arkun aηe analəm awut a Kerson dacə dəcor kə dəwələ mə,

³⁹ aηe ηasətə meren wəco maas kəbər ka meren wəco kəcəmət mə, aηe o aηe nantam kəbəc yebəc yələma nde anğbancan ηebəpene kə Kanu mə,

⁴⁰ arkun aηe analəm nə dacə dəcor kə dəwələ mə, ηanayi wul mēreη, masar camət-tin wəco maas (2.630).

⁴¹ Afum akanε ηanaləm kor ka Kerson dacə, arkun akə ηancbəc nde anğbancan ηebəpene kə Kanu mə. Musa kə Aruna ηələm nə kəsom ka MARIKI disre.

⁴² Arkun aηe analəm nde kor ka Merari dəcor kə dəwələ mə,

⁴³ aηe ηanasətə meren wəco maas haη meren wəco kəcəmət mə, afum aηe ηancbəc nde anğbancan ηebəpene kə Kanu mə,

⁴⁴ aηe analəm nə dacə dəcor mə, ηanabər wul maas, masar mēreη (3.200).

⁴⁵ Afum akanε ηanaləm awut arkun a Merari dacə. Musa kə Aruna ηələm nə kəsom ka MARIKI disre.

⁴⁶ ALewy aηe Musa, Aruna kə akirin aYisrayel ηanaləm dəcor kə dəwələ mə,

⁴⁷ aηe ηanasətə meren wəco maas haη kəbər meren wəco kəcəmət mə, afum aηe nantam kəbəc kə kəsare nde anğbancan ηebəpene kə Kanu,

⁴⁸ aηe analəm nə dacə mə fəp, ηanabər afum wul camət-maas, masar kəcəmət kə wəco camət-maas (8.580).

⁴⁹ K'aləm nə pəmə təkə MARIKI εnasom Musa, pəcmētər nwe o nwe yebəc yən. K'aləm nə kəsom ka MARIKI disre.

5

Kəwure ka afum atəsək dəsənka

¹ Kə MARIKI oloku Musa:

² «Məsom aka Yisrayel, ηawure afum ane ηayə docu decalərne da akata mə fəp sanka sənjan disre, ηawure sə nwe o nwe əyə docu dəkəsəte dən deçgbələr domun, ηawure sə nwe o nwe ətəsək teta defi mə.

³ Pəyəne wərkun, pəyəne wəran nəwure kə sanka disre nte tənşəne ta ηayik-yikəs sanka sənjan nde iyi ηa daco mə.»

⁴ Kə aka Yisrayel ηayə tatəkə, ηawure atəsək dəsənka. Kə aYisrayel ηayə təkə MARIKI enaloku Musa mə.

Kəcəη teta mes mələc kə kəlompəs ka mi

⁵ Kə MARIKI osom Musa:

⁶ «Məloku aYisrayel: Kə wərkun kə pəyəne fe ti wəran enciya wəkös fum kiciya nke kəyəne kəgbəkəl ka MARIKI mə, fum wəkakə enşare kiciya nno MARIKI eyi mə.

⁷ Pəcəη gbasηa kiciya kən, pəsəη kəway ka paka papəkə məlməl, a pədeηər sə alamali nne wəloηne omboncər kə mə, pasəη kəway kə alamali wəkə anciya mə teta kəlompəs ka kiciya.

⁸ Kə təyəne fum wəkakə enciya mə efi, mba ta əyə wəkomene wəgbəcene nwe antam kəsəη daka dolompse da kiciya kən mə-ε, wəloηne pəmar pasəη daka dadəkə pətubucne kəsəη di ina MARIKI, wəciya pəkere ankesiya ηorkun teta kəloηne ka kəlompəs ka kiciya. Wəloηne pətubucne kəsəkəs kə kiciya kən.

⁹ Mpe o mpe ambelər yoloηne ya aka Yisrayel mə, wəloηne wəkə ankerε poloηne papəkə mə, əyə pi.

¹⁰ Ca yopus nye ankerε MARIKI mə, wəloηne əyə yi.»

Wəran nwe anəkəce teta dalakə mə

¹¹ Kə MARIKI oloku Musa:

¹² «Məloku aYisrayel, məloku ηa: Kə wərkun əyə wəran nwe ənyə kə cəmpənpən, ta əsəke kə mə,

¹³ kə wərkun wəloηma efəntərər wəran wəkakə ta wos encərə ti, wəran wəkakə eyik-yikəsne kəgbəpnε disre, ta fum o fum əyəne ti sede, ta fum o fum osumpər kə təyə tatəkə disre,

¹⁴ k'əyəne ti kəraca, k'əyəne wəran kən kəraca, kə təyəne kance kə, kə təyəne kəraca nke əyəne wəran kən mə yem yə-ε,

¹⁵ awa wərkun wəkakə pəkekərə wəran kən ndena wəloηne kə kəmbefe ka mənğben ma ərs kilo kəmaas, ta pəloηər ki moro, ta pədeηər sə suray, bawo kəloηne teta kəraca kə, kəloηne nke kəcem-cəməs kiciya nke kəncəpər mə.

¹⁶ Wəloηne pəcəmbər wəran wəkakə MARIKI fər kirin.

¹⁷ Wəloηne pələk domun dopus dətəbəl. Wəloηne pəwet kəbof dəntəf ka dəndo dəkiyi dosoku, pəber ki domun dadəkə disre.

¹⁸ Wəloηne pəcəmbər wəran wəkakə MARIKI fər kirin, pəperi kə cəfon, pəber kə dəwaca poloηne pa mənğben pa kəraca papəkə pəcem-cəməse, wəloηne nkən pətəmpər domun dodokət da kətolanε pələc.

¹⁹ Wəloηne pəloku wəran wəkakə kədərəm: «Kə təyəne nəfəntərə fe kə wərkun nwe o nwe, nte mələ mə, mənğbəpnε fe wos əm məyik-yikəsne-ε, domun dodokət da kətolanε pələc dandε dəfəyə'm tələm o tələm tələc.

²⁰ Mba kə təyəne, nte mələ mə, mənğbəpnε kə nəfəntərə kə wərkun wəcuru, kə təsəη'am kətəsək-ε,»

²¹ wəloηne pəloku wəran wəkakə kədərəm, pəloku wəran: «MARIKI pəpoc'am pələc afum am daco, MARIKI pəsumpər əm dokombəra, pəyams'am kəkəm,

²² domun dandə dənşən pələc mə, dosumpər əm dokombəra dəyams'am kəkom.» Wəran pəloku: «Iwose, teyi tatəkə!»

²³ Wəlonne pəcic kətolane pələc kanjə dəwalake kəron, k'elip-ε, pənimε yecicəs yayəkə domun dōdōkət da kətolane pələc dadəkə.

²⁴ Pəsən wəran domun dadəkə pəmun di, doktor kə dəkor dəsən kə pələc.

²⁵ Wəlonne pəbanər wəran nwe polonne pa mənğben pa kəraca. Wəlonne pətubucne kəsən yi MARIKI a pədekekəre nde dətetek polonne.

²⁶ Wəlonne pəwet ankulma katin nja polonne pa mənğben teta kəcem-ceməs, pəcəfe pi MARIKI nde tetek tolonne kəron, kə tencepər-ε, a pədesən wəran domun dadəkə kəmun.

²⁷ Kə wəran elip kəmun domun dadəkə, təyonε eyik-yikəsne kəğbərne disre, nfañtəre kə wərkun wəcuru-ε, domun dadəkə dontor kə dəkor dəsən kə pələc, dosumpər kə dokombəra, dəyamse kə kəkom. Wəran nwe pəsətə pələc awenc anja dacə.

²⁸ Mba kə təyonε wəran nwe eyik-yikəsne fe-ε, wəran wəsoku əfə, yem y'amboncε kə, endekom pəsətə yuruya.

²⁹ Sariye sasəkə səyonε sa kəraca, kə wəran ələ, pəkafəle pəğbərne nfañtəre kə wərkun wəcuru-ε,

³⁰ sariye sasəkə sənəkət sə nnə wərkun nwe ənyonε wəran kən kəraca yem disre mə. Kə wərkun ənkekəre wəran kən MARIKI fər kirin, wəlonne pəyə wəran sariye sanse fəp.

³¹ Kiciya nke o nke kəyi fe wərkun, mba wəran esare kiciya kən, kə təyonε a kance kə-ε.»

6

Sariye sa wəderəm kəjərne

¹ Kə MARIKI oloku Musa:

² «Məloku aka Yisrayel, məloku nja: Kə wərkun kə pəyonε fe ti wəran, enderəm kəpusne kəsənne ina MARIKI-ε, kəderəm ka kəjərne kə,

³ ta fum wəkəkə pəmun sə wen kə yomunəs ya mankəntə, ta pəmun mənçəncə ma yokom ya wen, ta pədi yowosu ya yokom ya wi

⁴ mata məkə enyi kəjərne disre mə fəp, ta pədi paka mpe o mpe pənyefe dəwen mə, kəyefe mənğben* ma wi han abomba nja wi.

⁵ Mata məkə enderəm kəyi kəjərne disre teta MARIKI mə fəp, ta pafon kə domp han tem ta kəpusne kən telip. Əyonε fum wəcempi, pəsak cəfon cən cəpon yəñən.

⁶ Mata maməkə enderəm kəjərne teta MARIKI mə disre, ta pələtərne wəfi,

⁷ təyonε kəbel ka kas, ka kere, ka wenc wərkun, ka wəkire kən ta təsənε kə kətəsək, bawo docoku dən domp dementər a wəjərne wəka Kanu əyonε.

⁸ Mata məkə enyi kəjərne disre mə fəp, wəpusne wəka MARIKI əyonε.

⁹ Kə təyonε fum pəfi kə kəsək gbəncana babəkə, təsənε kə kələsər kəderəm kən ka kəjərne-ε pəfonne sə dəsək dən da kəsəkəsne, tataka ta camət-mərən.

¹⁰ Tataka ta camət-maas pəkere məpay mərən kə pəyonε fe ti ntantoriya mərən wəlonne nde dəkəberε da anğbancan njebərne kə Kanu.

¹¹ Wəlonne pəlonne pin teta kəlonne ka kiciya, pəlonne pəkə teta polonne mpe ancəfe MARIKI mə, pətubucne kəsəkəs kə kətəsək kən teta kəğbuñene ka wəfi. Dəsək dadəkə, pəğbəkəre sə kəpusne domp.

¹² Wəkəyi pəğbəkəre sə kəpusne MARIKI mata mən ma kəjərne. Fum wəkəkə pəkere ankesiya norkun nja teren tin teta kəlonne ka kəlompəs ka kiciya. Afələm mata məkə mencepər mə, bawo defi denələsər kəjərne kən teta MARIKI.

¹³ Sariye nse səyonε sa anje nanderəm kəjərne teta MARIKI mə. Dəsək nde kəderəm kən ka kəjərne kəñlip mə, pəkəkəre kə nde dəkəberε da anğbancan njebərne.

* **6:4** *Mənğben*, cusu ca Bəkər cə. Aləma njacloku məntambər, ka məntəmbal.

14 Pəkere MARIKI polonje pən: Ankesiya norkun na teren tin nətəyə dolokəp teta polonje mpe ancəfe MARIKI mə, ankesiya neran na teren tin nətəyə dolokəp teta kəlonje ka kiciya, kə ankesiya norkun nin nətəyə dolokəp teta kəlonje ka kəpañne pəforu.

15 Pəkere sə kəfala kin ka cəcom cətənəkəl lebin, cəcom cəlok-lok ca kəmbefe kətət papəcke ki moro, kə biskit bətənəkəl lebin pasopət bi moro. Pədenər sə yolonje yañan ya mənğben kə ya wən.

16 Wəlonje pəkere yolonje yayəkə fər ya MARIKI kirin, pəlonje polonje pa kiciya kə mpe ancəfe MARIKI mə.

17 Pəkere MARIKI ankesiya norkun teta kəlonje ka kəpañne pəforu, pədenər kəfala ka cəcom cətənəkəl lebin. Wəlonje pəkere kəlonje kən ka mənğben kə ka wən,

18 wəderəm kəjerne pəfonne cəfon ca kəjerne nde dəkəbere da anğbancan nğbərənə kə Kanu, pələk cəfon cən ca kəjerne cacəkə, pəber ci dəndo dənenc da kəlonje ka kəpañne pəforu dəkə dey kəmar mə.

19 Wəlonje pələk kəbanca ka ankesiya norkun nəkə ampəc mə, kəcom kəlok-lok kin kətənəkəl lebin nde kəfala disre kə biskit bətənəkəl lebin, pəber yi wəderəm kəjerne dəwaca, təyənə wəderəm kəjerne elip kəfonne cəfon cən ca kəjerne.

20 Wəlonje pətubucne kəsəñ yi MARIKI fər kirin. Ca yopus yə, nyə yəyənə ya wəlonje mə, kələkene ka kəmpəcpəc kanəkə antubucne kəsəñ MARIKI, kə aləñk nəkə anğwure mə, kə telip oñ-ε, sariye səñwose kə sə kəmun wən.

21 Sariye sasəkə səyənə sa wəjerne nwe enderəm kəsəñne MARIKI mə. Yolonje yayəkə y'olonje MARIKI teta kəjerne kən, k'entam kəyə tələm pəcepər tatəkə-ε, anğwose kə ti, mba mənə pənunğkenə kələləs kəderəm kən, pəmə təkə sariye sa kəjerne səloku ti mə.»

Totolanə pətət

22 Kə MARIKI oloku Musa:

23 «Məloku Aruna kə awut ən arkun, nte tə pəmar nəde nəctolanə aka Yisrayel pətət, nəcloku na:

24 «MARIKI pəpoc'am, pəbumən'am!

25 MARIKI pəğbət'n'am, pəyənə nu nənəfər!

26 MARIKI pəyektər əm kəro kən, pəsəñ əm pəforu!»

27 Kə alonje nandebonc tewe tem kətolanə aka Yisrayel pəmə nte iləmər na mə-ε, ina MARIKI impocə na pətət.»

7

Cibil nce anasəñ teta kəcepə-cepənə anğbip nəsoku mə

1 Dəsək nde Musa enalip kəcəmbər dəkiyi dosoku mə, k'ompus di pəcbəy di moro kə yosumpər-sumpər ya di fəp. K'əyə tin tayi tetek tolonje kə yosumpər-sumpər ya di fəp, k'əmbəy yi k'ompus sə yi.

2 Awa kə akirin a Yisrayel, akirin a wələ disre nənğere yolonje yañan. Akirin aka dəcusunğa akəkə nənələm aYisrayel mə, nənəkere yi.

3 Kə nənğere yolonje yañan MARIKI fər kirin: Cibil camət-tin nce cəna wəco kə mərəñ cənclinəs mə, wəkirin o wəkirin enasəñ wana win, akirin mərəñ nənçpañne kəsəñ abil nin. Kə nənğere ci nde dəkəbere dəkiyi dosoku tekirin.

4 Kə MARIKI oloku Musa:

5 «Məbanər na yolonje yañan nte tənşəñe pəcbəce yi nde anğbancan nğbərənə kə Kanu. Məber yi aLewy dəwaca, anğ o anğ kə yəbəc yañan.»

6 Kə Musa elək cibil kə cəna k'əsəñ ci aLewy.

7 K'əsəñ cibil mərəñ kə cəna mənğələ awut arkun a Kerson, kətubcənə ka yəbəc yəkə nğəy mə.

8 K'əsəñ cibil mənğələ kə cəna camət-maas awut arkun a Merari, kətubcənə ka yəbəc yəkə nğəy mə, kəməmən ka Itamar wan wərkun wəka wəlonje Aruna disre.

⁹ Mba enasəñ fə awut a Kehat, nte yəbəc ya akakə yənayəne ya ca yopus mə, kə nte pəmar ɲagbaɲne yi mə.

Yoloɲne yopusə tetek toloɲne

¹⁰ Kə akirin ɲaɲkərə yoloɲne yopusə ya tetek toloɲne dəsək dəbəy da pi. Kə ɲaɲkərə yi fər ya MARIKI kirin.

¹¹ Kə MARIKI oloku Musa: «Akirin ɲacder akin akin dəsək o dəsək wəkin pəkərə yoloɲne yən teta kəpus ka tetek toloɲne tofu.»

¹² Dəsək dəsəkə-cəkə, ta kusunka ka Yuda, Nasəñ wan ka Aminadab enamentərne.

¹³ Yopusə nyə y'enakərə: Apəlet ɲin ɲə analompse gbeti kilo kin kə kəram masar maas (1.300), kə apət ɲə analompse gbeti kəram masar camət-mərañ (700) mə. Pəsam gbeti mpe o mpe pəncətəɲne kə potubuc pa pəsam gbeti pa nde aɲgbip ɲosoku. Ca yayəkə mərañ fəp yelare kəmbefe kətət nke ananəktərəne kə moro teta kəloɲne ka məɲgben mə.

¹⁴ K'əɲkərə sə apət ɲələma ɲə analompse kəma kəram tasar tin (100) palas ɲi suray mə,

¹⁵ tura tin, aɲkesiya ɲorkun, k'aɲkesiya ɲorkun ɲa teren tin teta yoloɲne nyə ancəfə MARIKI mə,

¹⁶ ambiyofu ɲin teta kəloɲne ka kiciya,

¹⁷ kə teta kəloɲne ka kəpaɲne pəforu: Mura mərañ, ɲkesiya yorkun kəcamət, mbiyofu kəcamət, ɲkesiya yorkun kəcamət ya teren tin tin. Yoloɲne yayəkə yə Nasəñ wan ka Aminadab enakərə.

¹⁸ Dəsək da mərañ, ta kusunka ka Isakar, wəkirin kəɲan Netaneyel wan ka Cuwar enamentərne.

¹⁹ Yoloɲne nyə y'enakərə: Apəlet ɲin ɲə analompse gbeti kilo kin kə kəram masar maas (1.300) mə, kə apət ɲə analompse gbeti kəram masar camət-mərañ (700) mə. Pəsam gbeti mpe o mpe pəncətəɲne kə potubuc pa pəsam gbeti pa nde aɲgbip ɲosoku. Ca yayəkə mərañ fəp yelare kəmbefe kətət nke ananəktərəne kə moro teta yoloɲne ya məɲgben mə.

²⁰ Kə apət ɲələma ɲə analompse kəma kəram tasar tin (100) mə, palas ɲi suray,

²¹ tura tin, aɲkesiya ɲorkun, aɲkesiya ɲorkun ɲa teren tin teta yoloɲne nyə ancəfə MARIKI mə,

²² ambiyofu ɲin teta kəloɲne ka kiciya,

²³ kə teta kəloɲne ka kəpaɲne pəforu: Mura mərañ, ɲkesiya yorkun kəcamət, mbiyofu kəcamət, ɲkesiya yorkun kəcamət ya teren tin tin. Yoloɲne yayəkə yə Netaneyel wan ka Cuwar enakərə.

²⁴ Dəsək da maas, wəkirin ka aka Sabulon, Eliyab wan ka Heloɲ enamentərne.

²⁵ Yoloɲne nyə y'enakərə: Apəlet ɲin ɲə analompse gbeti kilo kin kə kəram masar maas (1.300) mə, kə apət ɲə analompse gbeti kəram masar camət-mərañ (700) mə. Pəsam gbeti mpe o mpe pəncətəɲne kə potubuc pa pəsam gbeti pa nde aɲgbip ɲosoku. Ca yayəkə mərañ fəp yelare kəmbefe kətət nke ananəktərəne kə moro teta yoloɲne ya məɲgben mə.

²⁶ K'əɲkərə sə apət ɲələma ɲə analompse kəma kəram tasar tin (100), pəlas ɲi suray,

²⁷ tura tin, aɲkesiya ɲorkun ɲin, aɲkesiya ɲorkun ɲa teren tin, teta kəloɲne nke ancəfə MARIKI mə,

²⁸ ambiyofu ɲin teta kəloɲne ka kiciya,

²⁹ kə teta kəloɲne ka kəpaɲne pəforu: Mura mərañ, ɲkesiya yorkun kəcamət, mbiyofu kəcamət, ɲkesiya yorkun kəcamət ya teren tin tin. Yoloɲne yayəkə yə Eliyab wan ka Heloɲ enakərə.

³⁰ Dəsək da maɲkələ, wəkirin ka aka Ruben, Elicur wan ka Sedewur enamentərne.

³¹ Yoloɲne nyə y'enakərə: Apəlet ɲin ɲə analompse gbeti kilo kin kə kəram masar maas (1.300) mə, kə apət ɲə analompse gbeti kəram masar camət-mərañ (700) mə. Pəsam gbeti mpe o mpe pəncətəɲne kə potubuc pa pəsam gbeti pa nde aɲgbip ɲosoku. Ca yayəkə mərañ fəp yelare kəmbefe kətət nke ananəktərəne kə moro teta yoloɲne ya məɲgben mə.

³² K'əɲkərə sə apət ɲələma ɲə analompse kəma kəram tasar tin (100) palas ɲi suray,

³³ tura tin, aŋkesiya ŋorkun ŋin, aŋkesiya ŋorkun ŋa teren tin teta kəlonŋe nke ancəfə
MARIKI mə,

³⁴ ambiyofo ŋin teta kəlonŋe ka kiciya,

³⁵ kə teta kəlonŋe ka kəpaŋne pəforu: Mura mərəŋ, ŋkesiya yorkun kəcamət, mbiyofo kəcamət, ŋkesiya yorkun kəcamət ya teren tin tin. Yolonŋe yayəkə yə Elicur wan ka Sedewur enakerε.

³⁶ Dəsək da kəcamət, wəkiriŋ ka aka Simeyən, Selumiyel wan ka Curisaday, enamentərne.

³⁷ Yolonŋe nyε y'enakerε: Apəlet ŋin nŋε analompse gbeti kilo kin kə kəram masar maas (1.300) mə, kə apət nŋε analompse gbeti kəram masar camət-mərəŋ (700) mə. Pəsam gbeti mpe o mpe pəncətəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərəne kə moro teta yolonŋe ya mənŋben mə.

³⁸ K'əŋkerε sə apət ŋələma nŋε analompse kema kəram tasar tin (100) palas ŋi suray,

³⁹ tura tin, aŋkesiya ŋorkun ŋin, aŋkesiya ŋorkun ŋa teren tin, teta kəlonŋe nke ancəfə
MARIKI mə,

⁴⁰ ambiyofo ŋin teta kəlonŋe ka kiciya,

⁴¹ kə teta kəlonŋe ka kəpaŋne pəforu: Mura mərəŋ, ŋkesiya yorkun kəcamət, mbiyofo kəcamət, ŋkesiya yorkun kəcamət ya teren tin tin. Yolonŋe yayəkə yə Selumiyel wan ka Curisaday enakerε.

⁴² Dəsək da camət-tin, wəkiriŋ ka aka Kadu, Eliyasaf wan ka Dewel, enamentərne.

⁴³ Yolonŋe nyε y'enakerε: Apəlet ŋin nŋε analompse gbeti kilo kin kə kəram masar maas (1.300) mə, kə apət nŋε analompse gbeti kəram masar camət-mərəŋ (700) mə. Pəsam gbeti mpe o mpe pəncətəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərəne kə moro teta yolonŋe ya mənŋben mə.

⁴⁴ K'əŋkerε sə apət ŋələma nŋε analompse kema kəram tasar tin (100) palas ŋi suray mə,

⁴⁵ tura tin, aŋkesiya ŋorkun ŋin, aŋkesiya ŋorkun ŋa teren tin, teta kəlonŋe nke ancəfə
MARIKI mə,

⁴⁶ ambiyofo ŋin teta kəlonŋe ka kiciya,

⁴⁷ kə teta kəlonŋe ka kəpaŋne pəforu: Mura mərəŋ, ŋkesiya yorkun kəcamət, mbiyofo kəcamət, ŋkesiya yorkun kəcamət ya teren tin tin. Yolonŋe yayəkə yə Eliyasaf wan ka Dewel enakerε.

⁴⁸ Dəsək da camət-mərəŋ, wəkiriŋ ka aka Efrayim, Elisama wan ka Amihud enamentərne.

⁴⁹ Yolonŋe nyε y'enakerε: Apəlet ŋin nŋε analompse gbeti kilo kin kə kəram masar maas (1.300) mə, kə apət nŋε analompse gbeti kəram masar camət-mərəŋ (700) mə. Pəsam gbeti mpe o mpe pəncətəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərəne kə moro teta yolonŋe ya mənŋben mə.

⁵⁰ K'əŋkerε sə apət ŋələma nŋε analompse kema kəram tasar tin (100) palas ŋi suray mə,

⁵¹ tura tin, aŋkesiya ŋorkun ŋin, aŋkesiya ŋorkun ŋa teren tin teta kəlonŋe nke ancəfə
MARIKI mə,

⁵² ambiyofo ŋin teta kəlonŋe ka kiciya,

⁵³ kə teta kəlonŋe ka kəpaŋne pəforu: Mura mərəŋ, ŋkesiya yorkun kəcamət, mbiyofo kəcamət, ŋkesiya yorkun kəcamət ya teren tin tin. Yolonŋe yayəkə yə Elisama wan ka Amihud enakerε.

⁵⁴ Dəsək da camət-maas, wəkiriŋ ka aka Manase, Kamaliyel wan ka Pedacur enamentərne.

⁵⁵ Yolonŋe nyε y'enakerε: Apəlet ŋin nŋε analompse gbeti kilo kin kə kəram masar maas (1.300) mə, kə apət nŋε analompse gbeti kəram masar camət-mərəŋ (700) mə. Pəsam gbeti mpe o mpe pəncətəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərəne kə moro teta yolonŋe ya mənŋben mə.

⁵⁶ K'əŋkerε sə apət ŋələma nŋε analompse kema kəram tasar tin (100) palas ŋi suray mə,

⁵⁷ tura tin, aŋkesiya ŋorkun ŋin, aŋkesiya ŋorkun ŋa teren tin, teta kəloŋne nke ancəfə MARIKI mə,

⁵⁸ ambiyofə ŋin teta kəloŋne ka kiciya,

⁵⁹ kə teta kəloŋne ka kəpaŋne pəforu: Mura mərəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Kamaliyel wan ka Pedacur enakerə.

⁶⁰ Dəsək da camət-manəkəle, wəkiriŋ ka aka Bəŋyamin, Abidan wan ka Kideyoni enamentərne.

⁶¹ Yoloŋne nyə y'enakerə: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-mərəŋ (700) mə. Pəsam gbeti mpe o mpe pəncətəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərəne kə moro teta yoloŋne ya mənğben mə.

⁶² K'enkerə sə apət ŋələma nŋe analompse kəma kəram tasar tin (100) palas ŋi suray mə,

⁶³ tura tin, aŋkesiya ŋorkun ŋin, aŋkesiya ŋorkun ŋa teren tin, teta kəloŋne nke ancəfə MARIKI mə,

⁶⁴ ambiyofə ŋin teta kəloŋne ka kiciya,

⁶⁵ kə teta kəloŋne ka kəpaŋne pəforu: Mura mərəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Abidan wan ka Kideyoni enakerə.

⁶⁶ Dəsək da wəco, wəkiriŋ ka aka Dan, Ahiyeser wan ka Amisaday, enamentərne.

⁶⁷ Yoloŋne nyə y'enakerə: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-mərəŋ (700) mə. Pəsam gbeti mpe o mpe pəncətəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərəne kə moro teta yoloŋne ya mənğben mə.

⁶⁸ K'enkerə sə apət ŋələma nŋe analompse kəma kəram tasar tin (100) palas ŋi suray mə,

⁶⁹ tura tin, aŋkesiya ŋorkun ŋin, aŋkesiya ŋorkun ŋa teren tin teta kəloŋne nke ancəfə MARIKI mə,

⁷⁰ ambiyofə ŋin teta kəloŋne ka kiciya,

⁷¹ kə teta kəloŋne ka kəpaŋne pəforu: Mura mərəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Ahiyeser wan ka Amisaday enakerə.

⁷² Dəsək da wəco kə pin, wəkiriŋ ka aka kusunka ka Aser, Pakiyel wan ka Okəraŋ, enamentərne.

⁷³ Yoloŋne nyə y'enakerə: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-mərəŋ (700) mə. Pəsam gbeti mpe o mpe pəncətəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərəne kə moro teta yoloŋne ya mənğben mə.

⁷⁴ K'enkerə sə apət ŋələma nŋe analompse kəma kəram tasar tin (100) palas ŋi suray mə,

⁷⁵ tura tin, aŋkesiya ŋorkun ŋin, aŋkesiya ŋorkun ŋa teren tin, teta kəloŋne nke ancəfə MARIKI mə,

⁷⁶ ambiyofə ŋin teta kəloŋne ka kiciya,

⁷⁷ kə teta kəloŋne ka kəpaŋne pəforu: Mura mərəŋ, ŋkesiya yorkun kəcamət, mbiyofə kəcamət, ŋkesiya yorkun kəcamət ya teren tin tin. Yoloŋne yayəkə yə Pakiyel wan ka Okəraŋ enakerə.

⁷⁸ Dəsək da wəco kə mərəŋ wəkiriŋ ka aka kusunka ka Naftali, Ahira wan ka Enan enamentərne.

⁷⁹ Yoloŋne nyə y'enakerə: Apəlet ŋin nŋe analompse gbeti kilo kin kə kəram masar maas (1.300) mə, kə apət nŋe analompse gbeti kəram masar camət-mərəŋ (700) mə. Pəsam gbeti mpe o mpe pəncətəŋne kə potubuc pa pəsam gbeti pa nde aŋgbip ŋosoku. Ca yayəkə mərəŋ fəp yelare kəmbefe kətət nke ananəktərəne kə moro teta yoloŋne ya mənğben mə.

⁸⁰ K'enkerə sə apət ŋələma nŋe analompse kəma kəram tasar tin (100) palas ŋi suray mə,

⁸¹ tura tin, aḅkesiya ḅorkun ḅin, aḅkesiya ḅorkun ḅa teren tin, teta kəlonḅe nke ancəfə MARIKI mə,

⁸² ambiyofə ḅin teta kəlonḅe ka kiciya,

⁸³ kə teta kəlonḅe ka kəpaḅḅe pəforu: Mura mərəḅ, ḅkesiya yorkun kəcamət, mbiyofə kəcamət, ḅkesiya yorkun kəcamət ya teren tin tin. Yolḅḅe yayəkə yə Ahira wan ka Enan enakerə.

⁸⁴ Yolḅḅe yayəkə yə akiriḅ a Yisrayel ḅanasəḅ teta kəpus ka tetek tolonḅe, dəsək ndə ambəy pi mə: Pəlet wəco kə mərəḅ ya gbeti, səpət wəco kə mərəḅ ya gbeti, kə səpət wəco kə mərəḅ ya kəma.

⁸⁵ Apəlet nḅe o nḅe kilo kin, kəram masar maas (1.300), apət nḅe o nḅe kəram masar camət-mərəḅ (700), gbeti ba ca yayəkə bəmbəp kilo wəco mərəḅ kə maḅkələ (24), pəmə nte antubuc nde deḅḅip mə.

⁸⁶ Səpət nse wəco kə mərəḅ sa kəma, apət o apət kəram tasar tin (100), palas ḅi suray. Delel da kəma ka səpət saḅse fəp deḅabəp kilo kin kəram masar mərəḅ (200).

⁸⁷ Yəcəl nḅe anakere teta yolḅḅe nḅe anacəfə MARIKI mə yenabəp: Mura wəco kə mərəḅ, ḅkesiya yorkun wəco kə mərəḅ, ḅkesiya yorkun ya teren tin tin wəco kə mərəḅ kə yolḅḅe ya mēḅḅen ma yi, kə mbiyofə wəco kə mərəḅ ya kəlonḅe ka kiciya.

⁸⁸ Yəcəl ya kəlonḅe ka kəpaḅḅe pəforu: Mura wəco mərəḅ kə maḅkələ (24), ḅkesiya yorkun wəco camət-tin (60), mbiyofə wəco camət-tin (60), ḅkesiya yorkun ya teren tin tin wəco camət-tin (60). Yayəkə yenayəḅe yolḅḅe ya kəpus ka tetek tolonḅe, nte analip pi kəbəy mə.

⁸⁹ Nte Musa enbərə nde aḅḅancan ḅebəpene kəkəlok-loku kə Kanu mə, k'ene dim nde doncək-lokər kə kəyefe afēḅ ḅəsəksə kiciya nḅe aḅḅəpər kaḅkəra nke kəmentər danapa da MARIKI kə aka Yisrayel mə. Mələkə kerub mərəḅ dacə, k'olok-lokər kə.

8

Kəcəmbər ka pədeḅe səlamp

¹ Kə MARIKI oloku Musa:

² «Məsom Aruna: Kə mənəcəmbər səlamp-ə, pəmar pomot pa səlamp nse camət-mərəḅ pəweḅki tekiriḅ ta pədeḅe pa si.»

³ Kə Aruna əyə tatəkə, k'omot səlamp k'encəmbər si səcmot tekiriḅ ta pədeḅe pa si, pəmə təkə MARIKI enasom ti Musa mə.

⁴ Nte t'analompəs pədeḅe səlamp papəkə: Kəma kətemp k'anagbəcə pi kəyefe pəcəməne pa pi haḅ yowurene ya yelēḅ. Analompəs pədeḅe pa səlamp kəsurenə təkə MARIKI enamentər Musa mə.

Kəpus ka aLewy

⁵ Kə MARIKI oloku Musa:

⁶ «Mələk aLewy aYisrayel dacə, məpus em ḅa.

⁷ Nte tə maḅkəpus em ḅa: Məwesər ḅa domun nde dəḅkəsəkəs ḅa kiciya mə, ḅafonne dis fəp, ḅayak yamos yaḅan, ḅasəkəsne.

⁸ Kə tencepər-ə, ḅələk tura kə yolḅḅe ya mēḅḅen ya pi, it'əyəḅe kəmbefe kətət nke anəktərəne kə moro mə, mələk sə tura pa mərəḅ teta kəlonḅe ka kiciya.

⁹ Məkekərə aLewy nde aḅḅancan ḅebəpene kə Kanu, məlonḅa aka Yisrayel fəp.

¹⁰ Məcəḅene aLewy fər ya ina MARIKI kiriḅ, aYisrayel ḅadenḅ aLewy waca waḅan.

¹¹ Aruna pətubucne kəsəḅ ina MARIKI aLewy aYisrayel dacə, təyəḅe oḅ ḅa ḅayi yəbəc ya ina MARIKI.

¹² aLewy ḅadenḅər waca waḅan dəsəbomp sa mura, məlonḅe pin teta kiciya, kə pa mərəḅ polḅḅe pəcəfə MARIKI teta kəsəkəs ka kiciya ka aLewy.

¹³ Məcəmbər aLewy fər ya Aruna kə awut ən arkun kiriḅ, mətubucne kəsəḅ ḅa MARIKI.

¹⁴ Məḅḅey aLewy kə aYisrayel. Ti disre aLewy ḅayəḅe akemi.

15 Kə tatəkə tencepər-ε, aLewy ηader ηacəmə yebəc ya nde anğbancan ηebəpene kə Kanu. Tatəkə tə məηkəsəkəs ηa, mətubucne sə kəsəη ηa ina MARIKI,

16 bawo ampus im ηa fəp aka Yisrayel dacə. İlek aLewy dəkəcəmə da awut acəkə-cəkə da wəYisrayel nwe o nwe əyənə wan wəcəkə-cəkə wəka keɾe mə.

17 Bawo awut acəkə-cəkə a Yisrayel fəp akemi ηə, təyənə wan wəcəkə-cəkə wəka fum, təyənə wəka pəcəl. Dəsək nde inasut awut acəkə-cəkə atəf ηa Misira mə, d'ınapusne awut acəkə-cəkə a Yisrayel.

18 K'ilək aLewy dəkəcəmə da awut acəkə-cəkə a Yisrayel fəp.

19 İsəη aLewy Aruna kə awut ən arkun aYisrayel dacə, nte təηsəηe ηacəməne aYisrayel yebəc ya nde d'anğbancan ηebəpene kə Kanu mə, ηactubucne sə kəsəkəs aYisrayel kiciya kəηan. Ti disre aYisrayel ηafəsətə pələc teta kələtərne kəηan anğbip ηəsoku.»

20 Musa, Aruna kə kəlonkane ka afum a Yisrayel fəp ηasurene kəyə aLewy təkə MARIKI enasom Musa kəyə ηa mə.

21 Kə aLewy ηasəkəsne kə ηayak yamos yaηan. Kə Aruna ontubucne kəmentər ηa MARIKI fər kirin, k'ontubucne sə kəsəkəs ηa kiciya kəηan nte təηsəηe ηasək oη mə.

22 Kə tatəkə tencepər-ε, aLewy ηader ηacəmə yebəc ya nde danğbancan ηebəpene kə Kanu Aruna kə awut ən arkun fər kirin, pəmə təkə MARIKI enasom Musa teta aLewy mə, tatəkə t'enayənə ηa.

23 Kə MARIKI oloku Musa:

24 «Nte təyənə ta aLewy: WəLewy wərkun nwe o nwe əsətə meren kəyefe meren wəco mərəη kə kəcəmət (25) haη pəcəpər mə, entam kəbəc nde anğbancan ηebəpene kə Kanu.

25 K'əsətə meren wəco kəcəmət-ε (50), pəsək kəbəc nde anğbancan ηebəpene kə Kanu.

26 Wəkayi pəcmar awenc aηa kə akakə ηande kəcbum yebəc nde anğbancan ηebəpene kə Kanu-ε, mba ta nkən pəbəc nde anğbancan ηebəpene kə Kanu. Məyə tatəkə nnə aLewy ηayi mə, teta yebəc yaηan nde anğbancan ηebəpene kə Kanu.»

9

Tataka nte ambocə kəsata ka Kəcəpər mə

1 Nde tēgbərə ta Sinayi, ηof ηəcəkə-cəkə ηa teren ta mərəη kəyefe kəwur ka aka Yisrayel atəf ηa Misira, kə MARIKI oloku Musa:

2 «AYisrayel ηaboc kəsata ka kəcəm-cəməs ka Kəcəpər ka melekə medif* tataka nte ambocə ki mə.

3 Nəde nəboc kəsata kaηkə tataka ta wəco kə maηkələ ta ηof ηaηe, kə dec dendekale-ε, nəboc ki pəmə təkə sariye kə məyə mokur moηkotərne ki mə.»

4 Kə Musa oloku ti aYisrayel, nte təηsəηe ηaboc kəsata kaηke mə.

5 Kə ηamboc kəsata kaηkə tataka ta wəco kə maηkələ ta ηof ηəcəkə-cəkə dec deçkale, dəndo tēgbərə ta Sinayi. Kə aYisrayel ηasurene kəyə təkə MARIKI enasom Musa mə.

6 Kə arkun aləma ηayi aηe ηanatəsək teta kəgbuηene kəηan wəfi mə, a ηafətam kəboc kəsata ka Kəcəpər dəsək dadəkə. Awa, kə ηaηkə ηamentərne Musa kə Aruna dəsək dadəkə yati,

7 kə ηayif Musa: «Teta wəfi təsəηe su kətəsək, t'ake tə səntətame kəkere MARIKI yoloηne dəsək da kəsata dandə kə awenc asu aηa a Yisrayel-ε?»

8 Kə Musa oloku ηa: «Nəcəmə nnə, nəkar im ikə icəηkəl moloku mme MARIKI əηkəsom im tetonu mə.»

9 Kə MARIKI oloku Musa:

10 «Mələku aka Yisrayel: Kə wərkun wələma nəna dacə deɾemp kə deɾemp donu fəp, əntəsək teta wəfi kə pəyənə fe ti pəkə marənt mobol-bolu-ε, pəbocə MARIKI kəsata ka kəcəm-cəməs Kəcəpər ka melekə medif.

* 9:2 *Kəsata ka Kəcəpər* it'əyənə kəsata nke melekə mme menadifət awut acəkə-cəkə a Misira, mesak awut a Yisrayel mə. It'anwene kəsata kaηke «kəsata ka Kəcəpər»

11 Njəde njəcəboc kəsata kaŋkə tataka ta wəco kə maŋkələ ta njof njə mərəŋ, kə dec dende kalə-ε, njəsəmə ki cəcom cətənəŋkəl lebin kə bəpər yodokət.

12 Ali paka ta pasak haŋ bətbət, ta paporu sə ali kəbent ka polonə. Paboc kəsata ka Kəcepər kaŋkə pəmə təkə sariyə səloku mə.

13 Kə wərkun əsək, ta əŋkə marənt pəfati kəboc kəsata ka kəcəm-cəməs ka Kəcepər-ε, aŋwure kə afum ən dacə, bawo əsəŋ fə MARIKI kəpocə kən dəsək ndə ambonc mə. Wərkun wəkəkə esarə teta kiciya kən.

14 Kə wəcikəra nwe eyi nu dacə mə omboc kəsata ka Kəcepər ka MARIKI-ε, pəmar pəsurenə təkə sariyə kə təkə asom teta ki mə. Sariyə sin sayi sə nəna kə acikəra teta kəsata kaŋkə.»

Kəp kəŋkump dəkiyi dosoku

15 Dəsək ndə ancəmbər dəkiyi dosoku ndə aŋwe aŋgbancan ndə walakə nwe wementər danapa da MARIKI kə aka Yisrayel mə, kə kəp kəŋkump di bətbət haŋ dəfəy. Kəyefə ŋ dəfəy haŋ bətbət, kə kəp nke kəyi dəkiyi dosoku kəron kəcəmot pəmə nenc.

16 Tatəkə tə tencyi təm fəp: Kəp kəkump di, kə pəmbiyə-ε, pəcəmot pəmə nenc.

17 Təm o təm tə kəp kəyefə aŋgbancan kəron, aYisrayel njancyefə njakə ndə kəp kəncəmə mə, njancəmbər di saŋka.

18 AYisrayel njancyefə kəsom ka MARIKI, njacndə kəsom ka MARIKI. Njancndə kəfo kaŋkə kəwon ka kəp dəkiyi dosoku kəron fəp.

19 Kə kəp kəwon dəkiyi dosoku kəron-ε, aYisrayel njacəmə yəbəc ya MARIKI, njafəkə.

20 Kə kəp kəyi dəkiyi dosoku kəron mataka mepic-ε, aYisrayel njancndə kəfo kaŋkə kəsom ka MARIKI, njancyefə sə kəkə kəsom ka MARIKI.

21 Kə təyənə kəp kəyi dəkiyi dosoku kəron kəyefə bətbət haŋ pibi, kə kəyefə di kəron bətbət-ε, aYisrayel njənyefə kəfo kaŋkə. Kə kəp kəyefə dəkiyi dosoku kəron pəwanjəra-ε, aYisrayel njayefə kəfo kaŋkə.

22 Kə kəp kəyi dəkiyi dosoku kəron mata mərəŋ, njof njin kə pəyənə fə ti teren tin-ε, aYisrayel njancndə, njafəkə. Kə kəp kəyefə dəkiyi dosoku kəron-ε, njə sə njayefə kəkə.

23 Njancndə kəsom ka MARIKI, njacyefə kəkə kəsom ka MARIKI. AYisrayel njancəmə yəbəc ya MARIKI pəmə təkə MARIKI oncsom Musa mə.

10

Lukya gbeti

1 Kə MARIKI oloku Musa:

2 «Məlompəs luk mərəŋ ya gbeti bətemp. Luk yayəkə yə mənde məcwənə kəlonkanə ka afum aka Yisrayel, məcsəŋə njə sə kəyektə saŋka kəkə.

3 K'afula luk mərəŋ-ε, kəlonkanə ka aYisrayel fəp njəbəpsən'am dəntəf ndə aŋgbancan njəbərənə kə Kanu.

4 K'afula aluk njin-ε, abə kə akirin a cusuŋka ca Yisrayel njəmbəpsən'am kəsək.

5 K'afula njə cawon cawon-ε, aŋə njənacəmbər saŋka ntəndə dec dəmpə aŋgbancan njəbərənə kə Kanu mə, njayefə njakə.

6 K'afula njə cawon cawon ta mərəŋ-ε, aŋə njəndə kəca kətət ka aŋgbancan mə njayefə njakə. Kəkə nke o nke, aluk njəfula cawon cawon.

7 Nəfula sə kəbəpsənə ka kəlonkanə ka aYisrayel, mba nəfərəs kəfula.

8 Awut arkun a Aruna, aloŋnə njəndə njəfula luk. Sariyə nse sə nəndecəmə darəŋ doru o doru dətemp kə dətemp.

9 Nde atəf njonu, kə nəndəkə nəckə dəkəsutənə kə aterənə anu-ε aŋə njəŋwəkərnə nu mə, pəmar nəfula luk cawon cawon, MARIKI Kanu konu endecəm-cəmnə tetonu, pəyac nu nnə aterənə anu njayi mə.

¹⁰ Mataka monu ma pɛbotu mme nɛmbɛpsɛnɛ kɛboc cɛsata kɔ kɛcɛmɛ ka yof yonu mɔ, nɛfula luk, nɛkɛrɛ yolɔŋnɛ yɔcɔf kɔ yolɔŋnɛ ya kɛpɔŋnɛ pɛforu yonu. Ti disrɛ, tɔŋyɔnɛ tɛcɛmɛmɔs ta Kanu konu tetonu. MARIKI iyɔnɛ, Kanu konu.»

Kɔyɛfɛ Sinayi kɛkɔ ka kɛlɛncɛr ka Mohab

10.11-21.35

Aka Yisrayel ŋalɛk sɔ dɔpɔ kɛkɔ

¹¹ Teren ta mɛrɔŋ ta kɛndɛ kɛŋan tɛgbɛrɛ ta Sinayi, tataka ta wɛco mɛrɔŋ ta ŋof ŋa mɛrɔŋ, kɔ kɛp kɔyɛfɛ dɛkiyi dosoku da walakɛ nwe wementɛr danapa da MARIKI kɔ aka Yisrayel mɔ.

¹² Kɔ aYisrayel ŋayɛfɛ kɛcɛpɛ tɛgbɛrɛ ta Sinayi kɛkɔ, kɔ kɛp kɛŋkɔ kɛcɛmɛ tɛgbɛrɛ ta Paran.

¹³ Kɔyɛfɛ kɛŋan kɛkɔ kɛcɔkɔ-cɔkɔ kɛnayi kɛŋkɔ, pɛmɔ tɔkɔ MARIKI ɛnasom ti Musa mɔ.

¹⁴ Kɔ kɔlɛr ka saŋka sa aka Yuda dɛcɛgba ca asutɛnɛ, ŋayɛfɛ kɛkɔ acɔkɔ-cɔkɔ. Nasɔŋ wan ka Aminadab ɛnayɔnɛ ŋa wɛkirinɛ.

¹⁵ Kɛgba ka asutɛnɛ a kusunɛka ka Isakar, Netaneyel wan ka Cuwar ɛnayɔnɛ ŋa wɛkirinɛ.

¹⁶ Eliyab wan ka Helɔŋ ɛnayɔnɛ wɛkirinɛ ka kɛgba ka asutɛnɛ a kusunɛka ka Sabulon.

¹⁷ K'ancekɛli dɛkiyi dosoku. Aka kor ka Kerson kɔ ka Merari ŋayɛfɛ kɛkɔ ŋagbaŋnɛ di.

¹⁸ Kɔ kɔlɛr ka saŋka sa aka Ruben, dɛcɛgba ca asutɛnɛ ŋayɛfɛ kɛkɔ. Elicur wan ka Sedewur ɛnayɔnɛ ŋa wɛkirinɛ.

¹⁹ Kɔ kɛgba ka asutɛnɛ a kusunɛka ka Simeyɔŋ ŋayɛfɛ kɛkɔ, Selumiyel wan ka Curisaday ɛnayɔnɛ ŋa wɛkirinɛ.

²⁰ Kɔ kɛgba ka asutɛnɛ ka kusunɛka ka Kad ŋayɛfɛ kɛkɔ, Eliyasaf wan ka Dewel ɛnayɔnɛ ŋa wɛkirinɛ.

²¹ Kɔ aka Kehat ŋayɛfɛ kɛkɔ, ŋagbaŋnɛ yosumpɛr-sumpɛr ya aŋgbip ŋosoku nyɛ ambɛcɛ di mɔ. Kɔ aLewy akɔ ŋanunɛkɛnɛ kɛdecɛŋɛr-cɛŋɛr dɛkiyi dosoku, ŋackar kɛdɛr ka aka Kehat.

²² Kɔ kɔlɛr ka saŋka sa Efrayim ŋayɛfɛ kɛkɔ dɛcɛgba ca asutɛnɛ, Elisama wan ka Amihud ɛnayɔnɛ ŋa wɛkirinɛ.

²³ Kɔ kɛgba ka asutɛnɛ a kusunɛka ka Manase ŋayɛfɛ kɛkɔ, Kamaliyel wan ka Pedacur ɛnayɔnɛ ŋa wɛkirinɛ.

²⁴ Kɔ kɛgba ka asutɛnɛ aka Bɛnyamin ŋayɛfɛ kɛkɔ, Abidan wan ka Kideyoni ɛnayɔnɛ ŋa wɛkirinɛ.

²⁵ Kɔ kɔlɛr ka saŋka sa aka Dan ŋayɛfɛ kɛkɔ dɛcɛgba ca asutɛnɛ, ŋa ŋanafak saŋka fɛp tadarɔŋ. Ahiyɛsɛr wan ka Amisaday ɛnayɔnɛ ŋa wɛkirinɛ.

²⁶ Kɛgba ka asutɛnɛ aka kusunɛka ka Aser ŋayɛfɛ kɛkɔ, Pakiyel wan ka Okɛrɔŋ ɛnayɔnɛ ŋa wɛkirinɛ.

²⁷ Kɛgba ka asutɛnɛ aka kusunɛka ka Naftali ŋayɛfɛ kɛkɔ, Ahira wan ka Enan ɛnayɔnɛ ŋa wɛkirinɛ.

²⁸ Tɛntɛ tɔ cɛgba ca asutɛnɛ aka Yisrayel cɛnɛcɛk kɛkɔ.

Musa ɛntɛn wɛsolɛ aYisrayel tɛta marɔnt

²⁹ Kɔ Musa oloku Hobab wan ka Rehuwel wɛka Madiyan papa ka wɛran ka Musa: «Kɛfo kɔ sɛŋkɔ nke MARIKI oloku su: «Indɛsɔŋ nu mɔ.» Mɛdɛr pakɔ sɛŋkɔyɔ ɛm pɛtɔt, bawo MARIKI oloku kɛyɔ Yisrayel pɛtɔt.»

³⁰ Kɔ wɛkakɔ oloku Musa: «Ifɔkɔ. Atɔf ŋɛm ŋ'ɛŋkɔ ndɛ aŋkom im mɔ.»

³¹ Kɔ Musa ɛlɛtsɛnɛ kɔ: «Ta mɛsak su ɛlɛtsɛn'am, kɔ mɛncɛrɛ sɔ mofɔ mme sɛntam kɛndɛ ndɛ dɛtɛgbɛrɛ mɔ, mɛyɔnɛ wɛsolɛ kosu.»

³² Kɔ mɛnder pakɔ-ɛ, mɛna sɔ mɛŋsɔtɔ pɛtɔt pɔkɔ MARIKI oloku kɛyɔnɛ su mɔ.»

³³ Kɔ aka Yisrayel ŋayɛfɛ tɔrɔ ta MARIKI kɛkɔ, kɔ ŋaŋkɔt mata maas. Kɛŋkɛra ka danapa da MARIKI kɛyi ŋa kirinɛ, mata maas kɛctɛnɛ ŋa dɛkɛŋɛsɛm.

³⁴ Kɛp ka MARIKI kɛncyi ŋa kɛrɔŋ pɛwanɛkɛra kɔ ŋandɛyɛfɛ kɛkɔ-ɛ.

³⁵ Kəyefe nke o nke kanjara kancyefe kaka ma, Musa oncloku: «Məyefe MARIKI! Ater am nasamsər! Ane njanter əm ma, nayeke fər yam kirin!»

³⁶ Tem o tem nte kanjara kanceme ma, Musa oncloku: «Məluksərne, MARIKI! Məder nno cəgba ca asədar a Yisrayel ane nancepər wul wul ma!»

11

Kacəpasne ka aka Yisrayel

¹ Aka Yisrayel nacəpasne pəlarəm fər ya MARIKI kirin. Nte ene ti ma, kə pəntele kə. Kə nenc da MARIKI dowur na dacə, kə dancəf sanjka kəyefe tonkubut han pa merə.

² Kə aka Yisrayel nanjule-kule kəwe Musa kədemar na. Kə Musa eletsene MARIKI, kə nenc denime.

³ K'awe kəfo kanjka tewe ta Tabera, ti təyone «Kəteye», bawo nenc da MARIKI denacəf afum na dacə.

⁴ Dəsək dələma sə, afum aləma nanayi aYisrayel dacə sem yebas na, kə aka Yisrayel yati nancop kəbok, nacloku: «An'endesə. su sem yəsəm-ε?»

⁵ Səncem-cəmnə lop nye səncsəm kifəli Misira ma, kamkumbus, cəmbasoso, merket, ces kə yowurene ya yi!

⁶ Ndekəl on kəfi kə sander! Yeri yələma yembas su, mba fər yosu yəfənənk paka o paka mēne yeri ya man gbəcərəm!»

⁷ Awa, man mənawurene kə mənəben mefer.

⁸ Aka Yisrayel nancsamsər kəwetəs ka mi, nāgbifəle mi masar kə pəyone fe ti-ε dəkirir. Dəkarə.ə anccə.ə mi, kə pəyone fe ti-ε palompse mi cəcom, mencyi dəkusu pəmə biskit mbə bəyə moro ma.

⁹ Kə kibi kənde kəctufər afum pibi dəsənka-ε, man moctuf.

¹⁰ Kə Musa ene təkə afum nancbokene ma, nwe o nwe nde kor kən, nde dəkəberε d'abal nən. Kə pəntele MARIKI pəpə.ə, kə pəntəbət sə Musa.

¹¹ Kə Musa eyif MARIKI: «Ta ake tə mənənksəre ina, wəcar kam pələc pelel pampε-ε? Ta ake tə mənəyən'em nənəfər-ε, nte məlek mes ma afum akanje fəp kə məsarsər im ma?»

¹² In'olompəs afum akanje fəp ba? In'okom na nte məlok'im: «Məgbəsne na pəmə nte wəkombəra ənəbəsne kənaka ma, han nde atəf nəkə mənəderme atem anan kəsə.ə na ma?»

¹³ Deke inəkəlek sem nye indesə.ə afum akanje fəp ma? Bawo nambokər im nacloku: «Məsə.ə su sem səsəm!»

¹⁴ Ifətam ina sona kəsare mes ma afum akanje fəp. Mes manan melelər im, ifətam mi kəsare.

¹⁵ Kə təyone pələc pelel pampε pə mənənenksər im-ε, kə təyone məyən'em nənəfər-ε, iletsen'am mədif im on, təsə.ə'em kətənənk pələc pampε məyi kəcəmbər im ma.»

¹⁶ Kə MARIKI oloku Musa: «Mələnkan'em abeki wəco camət-merə.ə (70) aka Yisrayel, ane mənçərə kəyone abeki kə atubuc mes a afum ma. Məkerε na nno ənəbanan nēbərēne kə Kanu, nade nacəme nno kə mənə.

¹⁷ Indetor di ilok-lokər əm, indəbelər əm Amera nēm nēpic, iyer na ni, nte tənşə.ə namar əm kəsare mes ma afum akanje ma, təsə.ə'am kətəsəsare mi sona sam.

¹⁸ Nte təyone ta afum ma, məloku na: Nəpusne teta alna, nəndəsəsəm sem, bawo nambokər MARIKI, nacloku: «An'endesə.ə su sem nye səndəsəm ma? Sənayine pətət Misira!» MARIKI endesə.ə nu sem nəsəm.

¹⁹ Nəndəsəm yi, bafə dəsək din, bafə mata merə.ə, bafə mata kəcəmət, bafə mata wəco, bafə mata wəco merə.ə,

²⁰ mba nōf njin camcam han sem yayəkə yocwur nu dələləm, han yēgbəf nu, bawo nənçə MARIKI nwe eyi nu dacə, kə nambok fər yən kirin nacloku: «Ta ake tə səwurene Misira-ε?»

²¹ Kə Musa oloku: «Afum akanje nanjəl im ma nambəp arkun wul masar camət-tin (600.000), kə məloku: «Indesə.ə na sem yəsəm nōf njin camcam!»

²² Ali padifə afum akanə ηkesiya, cir, kə cəna cosu, səm ya yi yəntəηnə ηa ba? Andesəη ηa lop ya dəkəba fəp, a yətəηnə ηa ba?»

²³ Kə MARIKI eyif Musa: «Kəca ka MARIKI kəndebumpsənə oη ba? Məndenəηk təkə ilok'am mə kə təyənə tendeyi kə pəyənə təfədesəyi-ε.»

Kanu kələk dəAmera ηən kə kəyerəs abeki aηε wəco camət-mērəη

²⁴ Kə Musa owur, k'oloku afum moloku ma MARIKI. K'olonka abeki a Yisrayel aηε wəco camət-mērəη (70), k'encəmbər ηa ηakel aηgbancan.

²⁵ Kə MARIKI ontor dəkəp, k'olok-lokər Musa. Kə MARIKI εlek dəMusa Amera ηəkə enabər kə mə, k'eyerəs ηi abeki aηε wəco camət-mērəη (70). Nte Amera nηε ηendegbuηənə ηa mə, kə ηayefε kələk-loku cəsayibε, mba katin kaηkə gbəcərəm kə tenasətə ηa.

²⁶ Arkun mērəη, pacwe wəkin Eldad, kə wəkə Medad, ηaηyi dəsəηka, kə Amera nηε ηəηkə ηogbuηənə ηa, afum ηə, analəm ηa abeki a Yisrayel dacə, mba ηanawur fε ηakə dəndo aηgbancan ηosoku dəsək dadəkə, kə ηayefε kələk-loku cəsayibε dəndo dəsəηka.

²⁷ Kə wətəmp wələma εyεkse kəkəloku ti Musa: «Eldad kə Medad ηayi kələk-loku cəsayibε nde dəsəηka!»

²⁸ Kə Yosuwe wan ka Nun nwe enayənə wəmarsənə ka Musa kəyefε dətəmp dən mə, oluku: «Musa mariki mem, məməne ηa!»

²⁹ Kə Musa eyif kə: «Kərəca kə məηyən'em ba? Ah, MARIKI pəyerəs afum ən fəp Amera ηən, nte təηsəηε ηayənə sayibε mə!»

³⁰ Kə Musa olukus nde dəsəηka kə abeki aka Yisrayel akanə.

MARIKI εηgbalε aka Yisrayel bakərne

³¹ Kə MARIKI owurε afef nηε ηənayefε nde dəkəba mə, kə ηender ηεgbalε aka Yisrayel bakərne nde dəsəηka kə cəsək ca si kəkət ka pəwanəkəra pin camcam kəsək o kəsək, bəmp yənadenşərəne dəntəf deηeci da kururu kəmerəη.

³² Dəsək dadəkə fəp, kə pibi fəp kə dəcəkəsək, afum ηacwətəs bakərne. Nwe enapicε bəmp yewətəs mə, enasətə tən tin pəcəpər. Kə ηance yi səηka kəsək haη kənəηkər nte təηsəηε yowos mə.

³³ Nte səm yenasərəyi ηa dəcusu ta ηantacəkəm yi mə, kə pəntelε MARIKI nnə aka Yisrayel ηayi mə. Kə MARIKI osute ηa pucuy pəpəη.

³⁴ K'awe kəfo kaηkə Kibərot Tawa, ti təyənə «Kufu ka tēbas», bawo dəndo anawup afum akə kəsəm səm kənabas mə.

³⁵ Kə aka Yisrayel ηayefε Kibərot Tawa kəkə ka Hacerot, kə ηancəmbər di səηka.

12

Miriyam kə Aruna ηafor Aηnabi Musa

¹ Awa, Aruna kə Miriyam ηafor Musa teta wəran wəkusi wəkə enalεk kənencε mə.

² Kə ηaloku: «Musa gbəcərəm MARIKI olok-lokər ba? Bafə olok-lokər sə səna?» Kə MARIKI ene ti.

³ Musa fum wənatəpənε banca enayi, enatorε banca pətəs afum a doru fəp.

⁴ Kə MARIKI oluku Musa, Aruna kə Miriyam: «Nəwur maas monu fəp nəkə nde aηgbancan ηəbəpənε kə Kanu. Kə ηaηkə maas maηan fəp.»

⁵ Kə MARIKI ontor dəkəp, k'əηkə pəcəmə nde dəkəbərə da aηgbancan ηəbəpənε, k'ewe Aruna kə Miriyam, kə ηancəηnε mērəη maηan.

⁶ Kə MARIKI oluku: «Nəcəηkəl moloku mem ilətsənε nu! Kə fum eyi nu dacə pəyənə sayibε-ε, iηmentərne wəkayi dəsək, kə pəyənə fε ti-ε, ilok-lokər kə pibi kəwərəp disrε.

⁷ Tenciyanε kə ta wəcar kem Musa fum nwe ilanη teta yəbəc yem fəp mə əfə.

⁸ Dim dem yati d'ιηlok-lokərə kə gbasηa, ifəgbəpne kə, εηnəηk məyə mem mələma yati mmε afum ηantənəηk mə. Ta ake tə nəntənəsənε kəfor Musa wəcar kem-ε?»

⁹ Kə pəntelε MARIKI nnə ηayi mə, k'olukus.

¹⁰ Kə kəp kəluksərnə sə anğbancan kəron, kə sen səsumpər Miriyam, k'efere pəmō nte kibi kəntufər paka mō. Kə Aruna enkafəle nnō Miriyam eyi mō. Sen səsumpər Miriyam dis dən fəp.

¹¹ Kə Aruna oloku Musa: «Mənaḡnə, mariki mem! İletsən'am, ta məsarsər su kiciya nke sənciya dotonkulu disre mō.

¹² İletsən'am, ta pəyi pəmō wan nwe ankom pəfi mō, nwe dis dən dəsəmnə kəsək k'endewur kere dəkor-ε!»

¹³ Kə Musa oloku MARIKI: «Kanū ilətsən'am mətaməs kō!»

¹⁴ Kə MARIKI oloku Musa: «Təcyəne a kas oyukər kə lin dəkəro-ε, k'eyinə fe malap maməkō haḡ mata camət-mərəḡ ba? Pawurəne kə dəsənka mata camət-mərəḡ, kə tencepər-ε, anlukse kə sō.»

¹⁵ K'awurəne Miriyam dəsənka mata camət-mərəḡ. Aka Yisrayel ḡanayefe fe kəkō haḡ k'alukse kə sō dəsənka.

¹⁶ Nte tencepər mō, kə aka Yisrayel ḡayefe Hacerot kə ḡanəkō ḡandə nde təgbərə ta Paran.

13

Musa osom afum kəkəten yəkyək mes ma Kanaḡ

¹ Kə MARIKI oloku Musa:

² «Məsom afum ḡəkətenəs mes yəkyək atəf ḡa Kanaḡ nke isəḡ aka Yisrayel mō, məyək-yeḡ kusunḡa o kusunḡa wərkun wəkin nwe cyəne wəkirin afum ən dacō mō.»

³ Kə Musa osom afum akakō kəyefe ka təgbərə ta Paran, pəmō təkō MARIKI enasom kə mō, fəp fəḡan akirin ḡō ḡanayəne aYisrayel dacō.

⁴ Mewe maḡan mō mme:

Kusunḡa ka Ruben: Samuya wan ka Sakur.

⁵ Kusunḡa ka Simeyəḡ: Safat wan ka Hory.

⁶ Kusunḡa ka Yuda: Kaləb wan ka Yefune.

⁷ Kusunḡa ka Isakar: Yikal wan ka Isifu.

⁸ Kusunḡa ka Efrayim: Hose wan ka Nun.

⁹ Kusunḡa ka Benyamin: Palti wan ka Rafu.

¹⁰ Kusunḡa ka Sabulon: Kadiyel wan ka Sody.

¹¹ Kusunḡa ka Manase, wan ka Isifu: Kady wan ka Susy.

¹² Kusunḡa ka Dan: Amiyel wan ka Kemali.

¹³ Kusunḡa ka Aser: Setur wan ka Mikayel.

¹⁴ Kusunḡa ka Naftali: Naby wan ka Wofosi.

¹⁵ Kusunḡa ka Kad: Kewel wan ka Maky.

¹⁶ Afum akanə ḡō Musa enasom kəkəkce atəf. Kə Musa ewe Hose wan ka Nun tewe ta Yosuwe*.

¹⁷ Kə Musa osom ḡa kəkəkəkce mes ma atəf ḡa Kanaḡ, k'oloku ḡa: «Nəperne ta Nəkəf, nəkō nəpe ta dəmərə.

¹⁸ Nəkō nəkəkce atəf nte ḡeyi mō: Afum anə ḡayi ḡi mō, kə təyənə ḡayō səkət, kə təyənə ḡayō fe səkət-ε, nəcərə, kə təyənə ḡala, kə təyənə ḡala fe.

¹⁹ Nəten sō kəcərə kə təyənə atəf ḡətət ḡō kə təyənə atəf ḡelec ḡō-ε, kə təyənə sədare səḡan mopoc mopoc mō ḡandə kə təyənə sədare səḡan samba səḡeci s'ankele si-ε.

²⁰ Nəkəkce sō kəcərə kə təyənə antəf ḡanḡan ḡentesə yəbəf, kə təyənə ḡəfətesə yəbəf-ε, kə təyənə atəf ḡanəkō ḡəyō tək, kə təyənə ḡəyō fe tək-ε. Nəbaḡse, nəpiməne yokom ya tək ya atəf ḡanəkō, bawo tēm ta kəpim ta yokom yəcəkō-cəkō ya wen tō.»

²¹ Kə afum akakō anasom mō ḡampe, kə ḡanəkō ḡatenəs yəkyək mes ma atəf ḡa Kanaḡ, kəyefe təgbərə ta Cin haḡ dare da Rehob, nde dələtərne Lebo Hamat mō.

* **13:16** Tewe ta Yosuwe kə tewe ta Hose məntəḡnə kəloku cəHebərə: «MARIKI eyac!»

²² Kə ɲampərne ta Nəkəf, kə ɲaɲkə haɲ Heberəɲ nde afum aɲeci yuruya ya Anak, Ahiman, Sesay kə Talmay, yenayi mə. Analə dare da Heberəɲ meren camət-merəɲ mecepər a padelə dare da Cuyan ca Misira.

²³ Kə ɲaɲkə haɲ nde dəɲgbəl da Eskəl nde ɲanagbinti aɲgbəɲkələ ɲa wən kə acək ɲa pokom pa ɲi mə, kə ɲasələɲ yi kə afum merəɲ ɲaɲgbəɲne. Kə ɲampimene sə yokom ya cəpare kə ya fik.

²⁴ K'awe kəfo kaɲkə dəɲgbəl da Eskəl, ti təyənə cəHebərə «Acək» teta acək ɲəkə aka Yisrayel ɲanapim di mə.

Kəlukuś ka asom, kə ɲander ɲaləmər Musa təkə ɲananəɲk di mə

²⁵ Nte mata wəco maɲkələ (40) mencepər mə, k'asom ɲalukuś kəyefe atəf ɲəkə ɲanakə kətənəs mes yəkyək mə.

²⁶ ɲandebere, kə ɲaɲkə ndena Musa, Aruna kə kələnkanə ka aka Yisrayel fəp aɲe ɲayi Kadəs, nde tēgbərə ta Paran mə. K'asom ɲaloku Musa kə Aruna kə kələnkanə ka aka Yisrayel fəp təkə ɲananəɲk mə, kə ɲamentərəne ɲa yokom ya tək ya atəf ɲaɲəkə.

²⁷ Kə ɲaləm: «Səɲkə nde atəf ɲəkə mənasom su mə. Atəf ɲobonju dale k'awop yati ɲə. Yokom ya tək ya di yə yaye!

²⁸ Mba afum aɲe ɲayi atəf ɲaɲəkə mə ɲayo fənəntər, sədare səɲan səmbək, k'aɲkələ si samba. Sənəɲk di yati yuruya ya Anak, afum aɲeci.

²⁹ Aka Amalek ɲandə Nəkəf. AHit, aYebus kə aka Amər ɲandə dəməro, kə aKanaɲ, ɲa ɲandə kəba kəsək kə gbep ya kəɲgbəkə ka Yurdən.»

³⁰ Kə Kaləb əsəɲe afum kəcaɲk fər ya Musa kirin. K'oloku: «Pakə pabaɲ atəf, aɲkətam ɲa!»

³¹ Mba asom aləma akə ɲanakə kə ɲa mə, ɲaloku Musa: «Afətam kəkəsutene kə afum akaɲe, bawo ɲayo səkət ɲatas su.»

³² Kə ɲayefe kəlukuś pələc pa atəf ɲaɲəkə aka Yisrayel fər kirin. Kə ɲaloku: «Atəf ɲe sənanəɲkər kəkəkce mes ma di mə, atəf ɲə ɲe ɲendif afum aɲe ɲander kəndə di mə. Afum aɲe sənəɲk di mə fəp, afum aɲeci ɲə.

³³ Afum aɲe sənəɲk di mə, ɲaɲec təcəmə. Aka yuruya ya Anak yə. K'ayi ɲa kəsək-ε, səɲyi pəmə cəntaɲge. Tatəkə yati tə ɲancnəɲk su.»

14

Aka Yisrayel ɲafati kəberε Kanaɲ

¹ Kə kələnkanə ka aka Yisrayel fəp ɲayefe kəkule-kule, kə ɲambok pibi fəp.

² Kə aka Yisrayel ɲancəpər Musa kə Aruna. Kə kələnkanə ka aka Yisrayel ɲaloku: «Kəfi kosu Misira kə pəyənə fe ti, kəfi kosu nnə dətēgbərə kəncepər kəfi kosu aterene asu dəwaca!

³ Ta ake tə MARIKI eyi kəkəkəre su atəf ɲaɲəkə pəkə pəsəɲe padife su sakma-ε? ɲasumpər-sumpər aran kə aka wələ wosu disre, aɲe andələm yofonət yaɲan daco mə! Kəlukuś kosu Misira kəncepər fe tatəkə ba?»

⁴ ɲaclokenə taɲan: «Pacəmbər wəbe wəkin, palukuś Misira!»

⁵ Musa kə Aruna ɲantontnəne MARIKI dəntəf kələnkanə ka aka Yisrayel fəp fər kirin.

⁶ Nte Yosuwe wan ka Nun kə Kaləb wan ka Yefune akə ɲanakə kəkəkce mes ma atəf ɲalip kəne moloku maməkə mə, kə pəntele ɲa haɲ kə ɲawal-wali yamos yaɲan.

⁷ Kə ɲaloku kələnkanə ka afum a Yisrayel fəp: «Atəf ɲaɲəkə sənəɲkər kəkəkce mes ma di mə, atəf ɲətət ɲə.

⁸ Kə MARIKI əmbətər su-ε, emberse su atəf ɲaɲəkə, pəsəɲ su ɲi. Atəf ɲə ɲe ɲombon dale k'awop mə!

⁹ Ta payəɲkər MARIKI səbomp, ta panese sə afum a atəf ɲaɲəkə katəna k'aɲkətam. ɲayo fe sə katəkəp nke kəɲkump ɲa mə. MARIKI eyi kə səna. Ta nənese ɲa!»

¹⁰ Nte kəlonkanə ka aka Yisrayel fəp kəloku kəca-cas Yosuwe kə Kaleb mə, kə nərə da debeki da MARIKI dontor aka Yisrayel fəp fər kirin nde anğbancan ɲebəpənə kə Kanu.

Musa ontola MARIKI kəɲaɲnənə aka Yisrayel

¹¹ Kə MARIKI oloku Musa: «Ake təm tə afum akanɲe ɲandesak kəcərəsnə mes mem-ε? Ake təm tə ɲandefati kəgbəkər im kəlan-ε, ali nte imentər mēgbəkərə mēwəy-wəy fər yanjan kirin mə?»

¹² Arom ɲ'indəsəɲ ɲa, ibanɲər ɲa sə kə nke inaloku kəsəɲ ɲa, mba mənə indəsəɲ'am kəyənə kas ka atəf ɲəpəɲ ɲɲe ɲendebək ɲəyɔ səkət ɲetas aka Yisrayel mə!»

¹³ Kə Musa oloku MARIKI: «Aka Misira ɲane a səkət sam sə mənəpənə afum akanɲe atəf ɲa Misira,

¹⁴ kə ɲaloku ti afum aka atəf ɲaɲəkə. Kə aka Kanaɲ ɲane nte: A mənə MARIKI məyi afum am dacə, a mənmentərne ɲa gbasɲa, a məkət ɲa fər kirin, məcbumə ɲa kəp pəwanəkəra disrə, kə pibi disrə nenc.

¹⁵ Kə mənɲifət afum akanɲe fəp katin-ε, afum a təf nyə ɲane pacloku tetam mə, ɲandeloku:

¹⁶ «MARIKI əfətam kəberse afum akanɲe atəf ɲɲe enaderəm kəsəɲ ɲa mə: Ti t'endife ɲa nde dətegbərə!»

¹⁷ Ndekəl oɲ, ilətsən'am fənəntər fa MARIKI fəmentərne debeki dən disrə pəmə təkə məloku ti mə.

¹⁸ Pəfətəle MARIKI katəna, k'ənsektərne danapa, ɲɲaɲnənə kiciya kə kəyənəkər domp. Mba əfəsəkpərə wəciya wətəciya, pəsəɲ kəway ka kiciya yuruya ya wəciya haɲ dətemp da maas, dətemp da maɲkələ.

¹⁹ Məɲaɲnə kiciya ka afum akanɲe ilətsən'am teta kəsəktərne danapa kam, pəmə nte mənəlek kəɲaɲnənə afum akanɲe kəyefə Misira haɲ nnə mə.»

²⁰ Kə MARIKI oloku: «ɲaɲnənə ɲa teta moloku mam.

²¹ Mba indərəm kəyi kem doru kə nərə da debeki da MARIKI nde dəlarə doru mə:

²² Afum aɲe ɲananəɲk nərə da debeki dem kə mēgbəkərə mme inawurə Misira kə nde dətegbərə mə, mba ɲandəktər im haɲ wəco kə ɲantəcəɲkəl,

²³ nwε o nwε ɲa dacə əfədenəɲk atəf ɲɲe inadərəm kəsəɲ atəm aɲan mə. Ali wəkin akanɲe ɲanc'em mə ɲafədenəɲk ɲi.

²⁴ Mba bawo amera ɲələma ɲənayi Kaleb wəcar kem k'eleləs təkə inasom kə mə ta enəsərne-ε, indəkəbersənə nkən atəf ɲaɲəkə əɲkə mə, yuruya yən yəbaɲ sə di.

²⁵ Aka Amələk kə aKanaɲ dəməwə dacə ɲandə. Alna, nəlek dəpə da dətegbərə kəkə kəca ka kəba ka Cəɲkələma.»

MARIKI omboc kiti nnə aka Yisrayel ɲayi mə

²⁶ Kə MARIKI eyif Musa kə Aruna:

²⁷ «Kəlonkanə ka afum aləc akanɲe təm tere tə ɲandesak kəgbəkəl im-ε? Ine təkə aka Yisrayel ɲaɲgbəkəl im mə!

²⁸ Moloku ma MARIKI mə mame! Məloku ɲa nte: Indərəm kəyi kem doru, indeyɔ nu tetəɲne ta moloku məkə nəloku fər yem kirin mə.

²⁹ Nnə tēgbərə tantə tə nənɲefi. Nəna fəp fonu aɲe analəm nəsətə meren wəco mərəɲ (20) haɲ kəcəpər ti mə, kə nəɲgbəkəl im mə,

³⁰ nəfədebərə atəf ɲɲe inadot kəca idərəm kədəs nu mə. Mənə Kaleb wan ka Yefune kə Yosuwe wan ka Nun gbəcərəm ɲandəkəbərə di.

³¹ Kə awut anu aɲe nəloku: «Aɲkəsak ɲa pafonət mə,» inəkəberse ɲa di, ɲa ɲandəkəcərə atəf ɲaɲəkə nəna nənce mə.

³² Kə nəna, nnə tēgbərə tantə tə nənɲefi.

³³ Awut anu ɲandeyənə akək yəcəl nde dətegbərə meren wəco maɲkələ (40) disrə, ɲa ɲandesərə kəway ka kiciya ka dəyamayama donu, haɲ nəclip kəfis-fis nnə dətegbərə.

³⁴ Kəlm ka mataka məkə nənawon kəkəkce mes ma atəf ɲa Kanan ɲəkyək mə, it'oyone mata wəco maɲkələ (40), nəndesare kəciya konu meren wəco maɲkələ (40), dəsək o dəsək teren tin. Ti tendesəne nu kəcəre nte kəfatər kem kəyi mə.

³⁵ Ina MARIKI, ilok-loku. Nəna kəlonkanə ka afum alec kə nəyone, nətənn'em kəron. Awa, inderəm towurenə ta ti t'indeyə nu. Nnə tēgbərə tantə tə nəndelip fəp, difə nəndefi.»

³⁶ Afum aɲe Musa enasom kəkətenəs mes ɲəkyək atəf ɲa Kanan mə, kəluku kəɲan kə ɲander ɲəlm pələc pa atəf ɲəɲəkə, kə təsəne kəlonkanə ka aka Yisrayel fəp kətəne Musa kəron.

³⁷ Arkun akakə ɲanaləm pələc pa atəf ɲa Kanan mə, ɲafis-fis MARIKI fər kirin katəna bawo enasute ɲa pucuy.

³⁸ Afum akə ɲanakə kəkəkce mes nde Kanan mə fəp ɲanafi, mənə Yosuwe wan ka Nun kə Kaləb wan ka Yefune ɲanacəme oɲ.

Aka Yisrayel ɲəɲkət nte MARIKI əntəsom ɲa mə

³⁹ Kə Musa oloku mamə aka Yisrayel fəp, k'afum ɲəɲkəkəre kəbal kəpəɲ.

⁴⁰ Ali nte MARIKI enatəsom ɲa kəkə mə, kə ɲayefə bətbət suy kəpərne ka ntende dəməɾə, ɲacloku: «Kəpərne kə sənde kəfo nke MARIKI oloku teta ki mə: A sənciya!»

⁴¹ Mba Musa oloku: «Ta ake tə nəɲsake mosom ma MARIKI-ə? Tante təfəkət.

⁴² Ta nəpərne! MARIKI eyi fə nu dacə. Ta nəsəne aterənə anu kəkəsut nu.

⁴³ Aka Amalek kə aKanan ɲayi tekirin tonu, sakma s'andekədifte nu. Bawo nəɲgbayme nnə MARIKI eyi mə, əfədeyi nu dacə.»

⁴⁴ Kə ɲantaɲ ləɲəs kəpə ka nde dətəɾə kəron. Mba Musa kə kaɲkəra ka danapa da MARIKI kə aka Yisrayel ɲanayefə fə saɲka disre.

⁴⁵ Awa, aka Amalek kə aKanan aɲe ɲanandə dəndo dəməɾə mə ɲantor. Kə ɲasut aYisrayel kə ɲambeləs ɲa haɲ Horma.

15

Yopocə nyə yəncəmbər yolonə mə

¹ Kə MARIKI osom Musa:

² «Məloku aka Yisrayel nte: Kə nəɲkəbərə atəf ɲəkə nəɲkənde mə, atəf nɲe isəɲ nu mə,

³ kə nəndekə nəccəfe MARIKI yolonə-ə, təyone pəcəl pəcəf, təyone kəlonə ka kəderəm ka kətola tes, kə pəyone fə ti kəlonə ka kəpocə abəkəc ɲosoku pəs, kə pəyone fə ti yolonə nyə nəɲkərə MARIKI tem ta cəsata conu cəpəɲ mə, yəyone cəna, kə pəyone fə ti ɲkesiya, cir nte təɲsəne nəcsəne MARIKI kəne ambənc ɲobotu mə,

⁴ məna nwe məndelon'əm pəcəl mə, pəkəren'em sə kəmbefe kətət kilo kəmaas panəktərəne ki moro liter din kə dacə teta kəlonə ka məɲgben.

⁵ Pəkere sə wen liter din kə dacə, kə təyone pəkere aɲkesiya ɲorkun kədelonə polonə pəcəfe MARIKI kə pəyone fə ti-ə, kəlonə kələma.

⁶ Kə təyone pəcilonə aɲkesiya ɲorkun-ə, pəkərenə kəmbefe kətət kilo camət-tin pənəktərəne ki moro liter məɲəɲ teta kəlonə ka məɲgben,

⁷ pədeɲər sə kəlonə ka wen liter məɲəɲ, ambənc ɲa kəlonə kaɲkə ɲontore-tore MARIKI abəkəc.

⁸ Kə təyone məckere tura towut teta polonə pəcəf, kə pəyone fə ti kəlonə ka kəderəm kətola tes, kə pəyone fə ti kəlonə ka kəpaɲne pəforu nnə MARIKI eyi mə-ə,

⁹ pəkərenə kə wana, polonə pa məɲgben pa kəmbefe kətət kilo camət-maɲkələ panəktərəne kə moro liter maas,

¹⁰ pəkərenə sə kəlonə ka wen liter maas. Ambənc ɲa yolonə yayəkə ancəfe MARIKI mə ɲontore-tore kə abəkəc.

¹¹ Təyə tin tatəkə ta aɲyone tura nte o nte, aɲkesiya ɲorkun nɲe o nɲe, ambiyofə kə aɲkesiya ɲorkun ɲa teren tin nɲe o nɲe.

12 Nəntam kəkere yəcəl yelərəm kə pəyənə fə ti-ε yəcəl yepic, mba nəcdeñər ca yayə fəp, pəcəl mpə o mpə nəndekə kəlonjə mə.

13 Tante tə nwe o nwe ankom aYisrayel daco mə ηacəmə sariyə sanşə darəñ kə ηande kəkere yoləñne nyə ancəfə MARIKI mə, ambənc ηa yi ηotore-tore MARIKI abəkəc.

14 Təyənə detəmp donu fəp, wəcikəra nwe owon kəndə nu daco, kə nwe eyi kəcepərəne təm tepic nu daco mə, fəp fəñan ηacəmə təyə tin tante darəñ pəmə nəna. Kə ηande ηəkere yoləñne nyə ancəfə ina MARIKI mə, ambənc ηa yi ηotore-tor'em abəkəc.

15 Sariyə sin sasəkə səndeyənə sa aka Yisrayel fəp, kə sa acikəra akə ηayi nu daco mə. Sariyə sa doru o doru sə detəmp donu fəp. Kəgbey kəyi fə wəYisrayel kə wəcikəra daco MARIKI fər kirin.

16 Sariyə sin gbon səndeyi, kə dəpə din nnə aka Yisrayel ηayi mə kə nnə acikəra anjə ηayi nu daco mə.»

Kəlonjə ka cəcom cəcəkə-cəkə

17 Kə MARIKI osom Musa:

18 «Məloku aka Yisrayel: Kə nəndəkəberə atəf nje indekəberse nu mə,

19 kə nəndə kəcsəm cəcom ca atəf ηanəkə-ε, pəmar nəbelə MARIKI cəloma.

20 Pəmə təkə ambeli məñgben nde dəkur, təm ta kəsepər mə, nəbeli kəmbefe kətep kəcəkət, nəlompse ki kəcom kəlok-lok teta kəlonjə ka məñgben monu məcəkə-cəkə pəmə təkə anjəñ'em məñgben kəsepər mə.

21 Nəde nəcsəñ kəcom kəpəc kəcəkə-cəkə MARIKI, sariyə sa detəmp kə detəmp donu sə.»

Kəlonjə ka kiciya kətəyefənə

22 «Kə təyənə kətəyefənə disrə ta nəñkətənə mosom mame fəp mmə MARIKI osom Musa mə,

23 mes fəp mmə MARIKI osom nu, kələk dəsək nde MARIKI enasom Musa nnə nəyi mə, awut anu kə awut-sə anu,

24 kə təyənə kətəyefənə disrə k'ayənə tes tatəkə, ta kəlonkanə ka aka Yisrayel kəncərə ti-ε, kəlonkanə kəñan fəp ηəkere tura mpə ancəfə MARIKI mə, ambənc ηa pi ηontore-tore MARIKI abəkəc. Nadenjər sə kəlonjə ka məñgben kə ka wen pəmə təkə sariyə səloku ti mə, kə ambiyofə ηin teta kəlonjə ka kiciya.

25 Wəlonjə pətubucnə kəsəkəs ka kəlonkanə ka afum a Yisrayel kiciya kəñan, anjəñnənə ηa ki. Bawo kəciya kəñayi nke ηanatəyefənə mə. Kə ηanəkere kəlonjə nke ancəfə MARIKI mə, ηanəkere sə kəlonjə ka kiciya MARIKI fər kirin teta kiciya kəñan.

26 Anjəñnə kəlonkanə ka afum a Yisrayel kə acikəra akə ηayi ηa daco mə, bawo kiciya ka afum fəp kəñayi nke ηanatəyefənə mə.

27 Kə təyənə a fum wəkin eciya kətəyefənə disrə-ε, wəkayi pəkere wir wəran wa teren tin teta kəlonjə ka kiciya.

28 Wəlonjə pətubucnə kəsəkəs wəsələ nwe enciya mə kiciya kən MARIKI fər kirin. Kə wəlonjə ontubucnə kəsəkəs kə kiciya kən-ε, anjəñnənə kə ki.

29 Nte anjə kəciya disrə ta eyefənə ti mə, sariyə sin sə nnə aka Yisrayel kə acikəra anjə ηayi nu daco mə.

30 Mba kə fum wəloma wəka Yisrayel kə pəyənə fə ti wəcikəra enciya kəyefənə disrə-ε, ələməs MARIKI, anjwure wəkəkə afum ən daco.

31 Fum wəkəkə əfər-fərəs toloku ta MARIKI, k'ence tosom tən, anjwure wəkəkə afum ən daco pəsare sə kiciya kən.»

Kələsar sariyə sa dəsək nde MARIKI osom kəñesəm mə

32 Nte aka Yisrayel ηanayi nde dətəgbərə mə, k'anəkə pabəp wərkun wəloma pəcwətəs tək simiti dəsək da kəñesəm nde ampuse MARIKI mə.

33 Afum akə ηanabəp kə pəcwətəs tək mə, ηakekərə kə nde Musa, Aruna kə kəlonkanə ka aka Yisrayel fəp fər kirin.

³⁴ Pamenk fum nwe kəfo nke ontotam kəmulpe mə, bawo antatəjne fe nte o nte andeyə kə mə.

³⁵ Kə MARIKI oloku Musa: «Fum wəkawe mēne padif kə, kəlonkanə ka aka Yisrayel fəp ηaca-cas kə nde sanjka todoru.»

³⁶ Kəlonkanə fəp ηawurene kə sanjka todoru, ηaca-cas kə, ti disre pəfi pəmə təkə MARIKI osom ti Musa mə.

Yewes-wesi ya yamos ya aləjne tantəf

³⁷ Kə MARIKI osom Musa:

³⁸ «Məloku aka Yisrayel, a detemp danjan fəp ηade ηawes-wesi yamos yanjan tantəf, ηacber bənda ya alom ηa məntambenc.

³⁹ Yewes-wesi ya yamos yonu yə. Nəde nəcməmən yi, nəccəm-cəmnə mosom ma MARIKI, nte tənşəne nəcəmə mi darəη mə. Ta nəde nəccəm-cəmnə məfan ma bəkəc yonu kə ma fər yonu, nyə yənşəne nu kəsak ka kəbət ka Kanu nəcəmə canu cəcuru darəη mə.

⁴⁰ Nənde nəccəm-cəmnə mosom mem, nəcəmə mi darəη. Nəyənə afum acempi anje ampus'em mə.

⁴¹ MARIKI iyənə Kanu konu. In'ənawurene nu Misira ideyənə Kanu konu. MARIKI iyənə Kanu konu.»

16

Kore k'asol ən ηancəmə Musa dəbəkəc

¹ Kore wan ka Yicahar, wansə ka Kehat wəka kusunja ka Lewy, kə Datan kə Abiram awut a Eliyab, kə ōη wan ka Pelet aka kusunja ka Ruben,

² ηancəmə Musa dəbəkəc, kə afum masar mēreη kə wəco kəcəmət (250) aka Yisrayel ηasol kə ηa. Arkun aka mewe məpəη ηə ηanayənə kəlonkanə kanjka.

³ Kə ηanməpne Musa kə Aruna, kə ηalok-lokər ηa: «Tante tentəjne su oη! Afum a kəlonkanə ka Yisrayel fəp, ampuse ηa MARIKI, kə MARIKI eyi ηa dacə. Ta ake tə nəndotne nnə kəlonkanə ka MARIKI kəyi mə-ε?»

⁴ Nte Musa enane moloku maməkə mə, kə mosumpər kə pəpəη, k'entempene dəntəf, k'encəpe MARIKI tobu.

⁵ K'oloku Kore kə kəlonkanə kən fəp: «Alna bətbət MARIKI endenasəne kəcəre nwe əyənə wəkən, nwe encemp, nwe entam kəlotərne kə mə, ηjsak wəkə eyek-yek mə pəlotərne nde eyi mə.

⁶ Nəyə nte, mənə Kore kə kəlonkanə kam fəp, nəlek map məcəfe suray.

⁷ Alna nəber mi meken kə suray fər ya MARIKI kirin. Wərkun nwe MARIKI endeyek-yek mə, nkən ampuse kə. Nəna nəngbəf im, Yuruya ya Lewy!»

⁸ Kə Musa oloku Kore: «Nəcənkal, ilətsene nu awut-sə a Lewy!

⁹ Tentəjne fe nu nte Kanu ka Yisrayel kəyek-yek nu taciηa kəlonkanə ka aka Yisrayel dacə, kə owose nəna kəlotərne, nətəmpər yəbəc yən nde dəkiyi dosoku teta kəlonkanə ka Yisrayel mə?

¹⁰ MARIKI owose mənə Kore kə awenc əm anja aLewy fəp kəlotərne kə, kə nəηwe sə kəyənə ka aləjne!

¹¹ Ti təsəne nte mənə kə kəlonkanə ka afum fəp nəyenkər MARIKI səbomp mə! Anə Aruna əyənə-ε, nte nəndecəmə kə dəbəkəc mə?»

¹² Kə Musa osom fum wələma kəkəwe Datan kə Abiram awut a Eliyab. Mba kə ηaloku: «Səfəpe!

¹³ Pəntəjne f'am nte məmpene su kəyefe atəf ηoboηu dale k'awop mə, mədedif su nnə dətəgbəre? Kə məfan sə kəsəne dəbe?

¹⁴ Ala! Bafə atəf ηoboηu dale k'awop ηə mənkerə su. Məyer fe su dale kə ηgbənkəbə ya wen yəyənə yosu! Məcəm-cəmnə a atənəjk ηə səyənə ba? Səfati, səfoder!»

¹⁵ Kə pəntələ Musa pəpəŋ, k'oloku MARIKI: «Ta məban yolonə yanjan! Paka o paka intabanər fə ŋa, ali səfale, ali katin intayə fə wəkin tes tēləc.»

Kətərəs ka Kore kə acəməne ən

¹⁶ Kə Musa oloku Kore: «Məna kə kəlonkanə kam fəp, nəkəalna MARIKI fər kirin kə Aruna.

¹⁷ Nwə o nwə pətəmpərəne tap pəber pi suray, pəkə pəmentər pi MARIKI. Ti tənəkəsəŋ map masar mərəŋ wəco kəcamət (250). Məna kə Aruna nəna sə nəkenene map monu.»

¹⁸ Dəckəsək Kore kə kəlonkanə kən ŋalək nwə o nwə tap tən, kə ŋamber mi meken, kə ŋandenər suray takəron kə ŋaŋkə dəkəberə da aŋbancan ŋebəpene kə Kanu, kə Musa kə Aruna.

¹⁹ Kə Kore olonka kəlonkanə kən fəp nde dəkəberə da aŋbancan ŋebəpene kə Kanu, k'əŋgbinər ŋa nno Musa kə Aruna ŋayi mə.

Gbəncana babəkə, kə nərə da debeki da MARIKI dowurər kəlonkanə ka aka Yisrayel fəp.

²⁰ Kə MARIKI oloku Musa kə Aruna:

²¹ «Nəgbeyne kəlonkanə k'afum akanə imələk ŋa katina!»

²² Mba Musa kə Aruna ŋancəp mobu dəntəf kə ŋantola Kanu ŋacyif: «O Kanu, məna nwə məsəŋ kəŋesəm yeyi wəyeŋ ya doru fəp mə! Fum wəkin enciy'am, pəndetel'am nno kəlonkanə k'afum fəp kəyi mə ba?»

²³ Kə MARIKI oloku Musa:

²⁴ «Məloku kəlonkanə ka afum a Yisrayel: Nəbələne cəbal ca Kore, Datan kə Abiram nde ŋande mə!»

²⁵ Kə Musa eyefe k'əŋkə pəbər Datan kə Abiram, abeki a Yisrayel ŋacəme kə darəŋ.

²⁶ Kə Musa oloku kəlonkanə ka afum a Yisrayel: «İletsene nu nəbələ cəbal ca afum alək bəkək akanə, ta nəgbuŋene sə daka nde o nde dəyənə danjan mə, ta təsəŋe nədefine teta kiciya kəŋan.»

²⁷ Kə aka Yisrayel ŋambələ cəbal ca Kore, Datan kə Abiram.

Datan kə Abiram ŋawur kə ŋancəme nde dəkəberə da cəbal cəŋan kə aran aŋan, kə aka wələ waŋan disre fəp.

²⁸ Kə Musa oloku: «Tante tendesəŋe nu kəcərə a MARIKI osom im kədeyə məmə fəp. Ali tes ifələkərne kəyə inasərka.

²⁹ Kə afum akanə ŋafi pəmə təkə afum alpəs ŋaŋfi mə, ta ŋafine pəwey-wey-ε, bafə MARIKI osom im.

³⁰ Mba kə MARIKI əyə tes təwey-wey, kə antəf ŋewani kusu ŋemer afum akanə kə daka danjan, ŋayi wəyeŋ a ŋackə dabiya-ε, təŋsəŋe nu kəcərə a afum akanə ŋafani MARIKI.»

³¹ Musa endelip moloku mən kə antəf ŋeŋgbere ŋa dəntəf.

³² Kə antəf ŋewani kusu, kə ŋemer Datan, Abiram, afum aŋan, asol a Kore fəp kə daka danjan.

³³ Kə ŋantor dabiya ŋayi wəyeŋ, ŋa kə daka nde dəyənə danjan mə. Kə antəf ŋemət ŋa, kə ŋaməlke kəlonkanə ka aka Yisrayel dacə.

³⁴ Aka Yisrayel aŋe ŋanayi ŋa kəsək mə fəp, ŋayəkse nte afum aŋe ŋanckule-kule mə, ŋacloku: «Ta antəf ŋemer su!»

³⁵ Gbəncana babəkə kə MARIKI owurə nenc, kə dəncof arkun masar mərəŋ kə wəco kəcamət (250) aŋe pənatəmar kəcof suray mə.

17

Map məcəfə suray ma acəməne a Kore

¹ Kə MARIKI osom Musa:

² «Məloku Elasar wan wərkun wəka Aruna wəlonne, a pəlin map nenc dacə, pələm meken pəbələ, bawo ampus map maməkə.

³ Map ma arkun aŋe ŋanaciya akə ŋafine teta kiciya kəŋan mə, nətempəs mi, nətəpəs tetek toloŋne. Bawo anamentər mi fər ya MARIKI kirin, təsəŋe kə məyənə mopus, mendeyənə tēgbəkəre nnə aka Yisrayel ŋayi mə.»

⁴ Elasar wəloŋne ewetəs map ma kəpər mmə akə nenc denadifte teta kiciya kəŋan ŋanamentər mə, k'entempəs mi, k'antəpəs mi tetek toloŋne.

⁵ Təyənə tecəmcəməs ta aka Yisrayel, nte təŋsəŋe nwe o nwe əntəyənə wəloŋne, wərkun nwe o nwe əntəyənə yuruya ya Aruna mə, əfəmentərne kəmot ka suray MARIKI fər kirin, ta pədeyi pəmə Kore kə kəloŋkanə ka acəməne ən, tantə tə MARIKI enasom Musa kəloku.

Aka Yisrayel ŋancəpene teta Musa kə Aruna

⁶ Dəckəsək, kə kəloŋkanə ka aka Yisrayel fəp ŋayefe kəcəpene teta Musa kə Aruna, ŋacloku: «Nən'əsəŋe afum a MARIKI kəfis-fis!»

⁷ Nte aka Yisrayel ŋancləŋkanə teta Musa kə Aruna mə, nte ŋanatəfərne aŋbancan ŋebəpene kə Kanu mə, kə kəp kəŋkump ŋi, kə nərə da debeki MARIKI dowurər ŋa.

⁸ Musa kə Aruna ŋaŋkə nde aŋbancan ŋebəpene tekirin.

⁹ Kə MARIKI oloku Musa:

¹⁰ «Nəbələne kəloŋkanə kaŋkə, imələk ŋa katin!»

Musa kə Aruna ŋancəp mobu dəntəf.

¹¹ Kə Musa oloku Aruna: «Mələk tap məber pi meken ma tetek toloŋne məber pi suray, məkə katəna nde kəloŋkanə ka aka Yisrayel ŋayi mə, məkə mətubucne kəsəkəs ŋa kiciya kəŋan. Mətəle mender MARIKI, pələc peyenki poncop!»

¹² Kə Aruna elek tap, pəmə təkə Musa enaloku kə ti mə, k'eyekse aləŋkanə dacə. Pələc pənacop nnə afum ŋayi mə. K'ember suray k'ontubucne kəsəkəs aka Yisrayel kiciya kəŋan.

¹³ Aruna pəcəmə afi kə ayi wəyeŋ dacə, kə pələc pəsakə.

¹⁴ Pələc papəkə pənadif afum wul wəco kə maŋkələ, masar camət-mərəŋ (14.700), ta aləm afum akə ŋanafı teta Kore disre mə.

¹⁵ Kə Aruna ender nnə Musa eyi mə, nde dəkəberə da aŋbancan ŋebəpene kə Kanu, kə pələc pəsakə.

Kəgbo ka Aruna

¹⁶ Kə MARIKI oloku Musa:

¹⁷ «Mələku aka Yisrayel: Məwer ŋa kusunka o kusunka kəgbo kin, wəkirin ka kusunka o kusunka pəsəŋ əm kəgbo kin, ti təyənə cəgbo wəco kə mərəŋ. Məcic tewe ta kusunka o kusunka kəgbo kəŋan kəroŋ.

¹⁸ Məcic tewe ta Aruna kəgbo ka aLewy. Wəkirin ka kusunka o kusunka endeyə kəgbo kin.

¹⁹ Məboc cəgbo cacəkə nde aŋbancan ŋebəpene disre, nde kaŋkəra tekirin nke kəmentər danapa da MARIKI kə aka Yisrayel, nde imbəpene kə nəna mə.

²⁰ Wərkun nwe indeyek-yek mə, kəgbo kən kəndepoŋ. Ti disre indesəŋe aka Yisrayel kəsək kəcəpene tetonu.»

²¹ Kə Musa osom aka Yisrayel nte: Akirin a cusunka fəp ŋasəŋ kə kəgbo kin, wəkirin o wəkirin kəgbo kin ti təŋsəŋ cəgbo wəco kə mərəŋ. Kəgbo ka Aruna kənayi cəgbo cacəkə dacə.

²² Kə Musa omboc cəgbo fəp MARIKI fər kirin nde aŋbancan nŋe ŋəyə kaŋkəra nke aməŋk walakə nwe wementər danapa da MARIKI kə aka Yisrayel mə.

²³ Dəckəsək, nte Musa embere nde aŋbancan ŋosoku disre mə, kəgbo ka Aruna, nke kəyənə ka aka kusunka ka aLewy mə, kəpoŋ. Kənağbuc kə kəsəŋ yeleşk, kə kəwure yokom yololu.

²⁴ Kə Musa owure cəgbo fəp MARIKI fər kirin, k'ementər ci aka Yisrayel fəp, kə ŋanəŋk kə nwe o nwe elek kəgbo kən.

²⁵ Kə MARIKI oloku Musa: «Məlukse sə kəgbo ka Aruna nde kaŋkəra nke kəmentər danapa dem kə aka Yisrayel mə, nte tənşəne pamənki ki di teta tēgbəkəre ta ayənki səbomp. Ti disre mənyamse ɲa kəcəpene tetem, tənşəne ɲa sə kətəfi.»

²⁶ Kə Musa əy təkə MARIKI enasom kə mə, kə teyi tatəkə.

Yəbəc ya alonje kə aLewy

²⁷ Kə aka Yisrayel ɲaloku Musa: «Tosu telip, səna səşələ, fəp fosu səşələ!

²⁸ Nwe o nwe əɲlətərne dəkiyi dosoku da MARIKI mə, enfi! Tantə tə səndelip kəfis-fis fəp fosu ba?»

18

¹ Kə MARIKI oloku Aruna: «Məna, awut am kə aka kələ kam disre nən'endesare kiciya nke o nke ənyə nnə aŋgbip ɲosoku mə. Məna kə awut am nən'endesare kiciya nke nnə yəbəc ya wəlonje yeyi mə.

² Məsak sə awenc əm aɲa aLewy, aka kusunja ka wisi ɲələtərne aŋgbip kə məna. ɲadekə ɲacmar əm, mba məna kə awut am, nən'endekə nəccəme aŋgbancan ɲje kaŋkəra nke kəmentər danapa dem kəyi mə tekiriɲ.

³ Awenc əm aɲa aLewy ɲandebum yəbəc yam kə ya danɲbancan, mba ɲafəde ɲələtərne yosumpər-sumpər yopus kə tetek tolonje. Ti disre nəna kə ɲa nəfəfi.

⁴ ɲandey'əm kəsək ɲacmar əm yəbəc ya nde aŋgbancan ɲəbəpene kə Kanu fəp. Ali fum wəcuru ələlətərne nu.

⁵ Kə nəna yəbəc ya nde dengbip yə nəndeyi kə ya tetek tolonje. Ti disre mətəle ma Kanu məfəsəyi nnə aka Yisrayel ɲayi mə.

⁶ Ina, ilek awenc əm aɲa aLewy aka Yisrayel dacə: Akemi ɲə, k'isəɲ nu ɲa nte tənşəne ɲəbəc yəbəc ya nde aŋgbancan ɲəbəpene kə ina mə.

⁷ Mba məna Aruna kə awut am nəsumpər yəbəc yonu ya alonje nde dətetek tolonje kə ya nde dengbip nde kələto kəkəɲke tadarəɲ. Ina Kanu isəɲ nu yəbəc yayəkə. Kə fum wəcuru ələlətərne kəfo kəpus kaŋkə-ε, mēne padif kə.»

Yəsətə ya alonje

⁸ Kə MARIKI oloku Aruna: «Ina, isəɲ əm kətəmpər teta yolonje ɲje aka Yisrayel ɲampus'em mə fəp. Isəɲ əm yi məna kə awut am, yendeyəne ya awut am doru o doru.

⁹ Yeri nyə yendeyəne ya məna ca yopus dacə nyə antəcəf mə: Yolonje yaɲan ya mənɲben fəp, yolonje ya kiciya kə yolonje ya kələmpəs ka kiciya nyə aka Yisrayel ɲande ɲacker'em mə. Ca yosoku nyə ande pacpuse MARIKI mə, yam yə, kə awut am arkun.

¹⁰ Mədi yi pəmə daka dosoku nde ampuse MARIKI mə. Arkun a yuruya ya Aruna fəp ɲantam yi kədi. Məde məclələs sariye sa yeri nyə ampuse MARIKI mə.

¹¹ Nyə yendeyəne yam: Nənde nəcsətə kəsək ka daka nde aka Yisrayel ɲande ɲacker'em, yolonje nyə antubucne kəsəɲ im mə. Iməcə nu yayəkə doru o doru, məna kə awut am arkun kə awut am aran. Aka kələ kam disre fəp, nwe o nwe əɲsək mə, entam kədi yeri yayəkə.

¹² Isəɲ əm yokom yəcəkə-cəkə nyə aka Yisrayel ɲande ɲakerə MARIKI mə: Yeri yətət ya moro ma olif, ya wən kə ya mənɲben fəp.

¹³ Yokom ya tək yəcəkə-cəkə ya dətəf ɲje ɲande ɲakerə MARIKI mə, yam yende yeyi. Nwe o nwe əɲsək aka kələ kam disre mə, entam yi kədi.

¹⁴ Mpe o mpe pə aka Yisrayel ɲande ɲacsəɲ im mə, afətam kəwurus pi, pam pende pecyi.

¹⁵ Nwe o nwe əyənə wan wəcəkə-cəkə wəka kere afum kə yəcəl dacə, nwe aɲkərə MARIKI mə, wəkam enyi. Mba wan wəcəkə-cəkə wəka fum kə wəka pəcəl pətəsək ande pacwurus'am ɲa.

¹⁶ Kəway ka kəwurus nke ande pacwurus'am ɲa mə kəyənə: Wan wəkun wəka ɲof ɲin gbeti mənəcəmbəl kəcəmət tənəcəmbəl mpe o mpe pəyəkəram wəco, pəmə kəway ka gbeti nke kəyi nde aŋgbip ɲosoku mə.

¹⁷ Mba afəwurus wan wəcəkə-cəkə wəka wana, wəka aŋkesiya kə wəka wir, ampuse yi MARIKI, nkən aŋloŋne yi. Mecir ma yi mə mənde məcwəsəsər tetek toloŋne, məccəfə sə MARIKI moro ma yi, ambənc ŋaŋəkə ŋontore-tore kə abəkək.

¹⁸ Səm ya yi, yam yə, pəmə kəmpəcpəc nke atubucne kəsəŋ MARIKI kə aləŋk ŋa kəca kətət mə.

¹⁹ Isəŋ nəna aloŋne daka nde o nde aka Yisrayel ŋande ŋacbele MARIKI dəyoloŋne nye ampuse kə mə. Yeri yonu yə yayəkə, məna Aruna, awut am arkun kə aran doru o doru. Danapa da mər də səsek məna kə yuruya yam doru o doru.»

²⁰ Kə MARIKI oloku Aruna: «Məfədeyə ke atəf ŋaŋan, məfədesətə tofokəl ŋa daco. In'əyənə ke kam kə tofokəl pam aka Yisrayel daco.»

Yəsətə ya aLewy

²¹ Kə MARIKI endəŋər sə kəloku: «Isəŋ aka kusəŋka ka aLewy ke, farile fəp Yisrayel disre kəway ka yebək yəkə ŋambək nde aŋgbancan ŋebəpene kə Kanu mə.

²² Aka Yisrayel ŋafəsəltərne aŋgbancan ŋebəpene kə Kanu, nte təŋsəŋe ta ŋasarsərne kiciya, ŋafi mə.

²³ ALewy ŋatəmpər yebək ya nde aŋgbancan ŋebəpene kə Kanu, ŋa ŋaŋsare sə kiciya nke ŋanciya di mə. Sariye sa doru o doru sə, sa dətəmp kə dətəmp. ALewy ŋafəsətə ke aYisrayel daco.

²⁴ Isəŋ aLewy ke nke kəyənə farile nfe aka Yisrayel ŋambeke MARIKI mə. It'əsəŋe nte iloke tetəŋan, a ŋafəsətə ke aka Yisrayel daco.»

²⁵ Kə MARIKI osom Musa:

²⁶ «Məloku aLewy: Kə nənde nəcsətər aka Yisrayel farile nfe isəŋ nu yəsətə yaŋan disre, yəyənə ke konu mə, nəwure pebelər pa MARIKI farile fa farile.

²⁷ Ande pacbele MARIKI farile fəfəkə pəmə nte ambele kə mənğben nde dəkur kə wən wofu nwe ambele nu dapampe nde aŋfəcəs wi mə.

²⁸ Tatəkə tə nənde nəcyə, nəna sə nəcbele MARIKI farile dəca fəp nye aka Yisrayel ŋande ŋacsəŋ nu mə, nəna sə nəcsəŋ farile nfe nənde nəcwure teta MARIKI mə Aruna wəloŋne.

²⁹ Dəyopocə fəp nye aŋsəŋ nu mə, nəcbele MARIKI popoc pətət pa yi, nəpuse kə pi. Dəca yətət fəp nəcbele popoc popus.

³⁰ Məloku sə aLewy: Kə nəmbele yi MARIKI-ε, nəmənəkərne yelpəs. Nəntam kəməŋkərne yi pəmə nte aYisrayel ŋaŋmənəkərne yelpəs ya mənğben, ya wən wofu kə ya moro ma olif maŋan. AYisrayel kə aLewy, tin tayi tə.

³¹ Nəntam yi kədi mofo fəp, nəna kə aka kələ konu disre: Kəway ka yebək yonu kə, yəkə nəmbək nde aŋgbancan ŋebəpene kə Kanu mə.

³² Tatəkə təfəsəŋe nu kəsare kiciya nke o nke, kə nənde nəclip kəbeli yətət, ta nəfulus yoloŋne yopus ya aka Yisrayel-ε, nəfəfine ti.»

19

Kəlompəs ka domun nde dənşəkəs mə

¹ Kə MARIKI oloku Musa kə Aruna:

² «Nte t'ancic dəsariye sa MARIKI nse encəmbər mə: Məloku aka Yisrayel, a ŋaker'am wana wəran weyim nwe wəntəyə dolokəp, nwe wəntatədəndə kel mə.

³ Nəsəŋ wi Elasar wəloŋne, pəwurene wi dəsaŋka, pafay wi fər yən kirin. Pasu təbəl mecir maməkə məberə pi disre.

⁴ Elasar wəloŋne pələk mecir ma wana wawəkə, pəwəsəs mi camət-mərəŋ ntende dəkəberə da aŋgbancan ŋebəpene kə Kanu.

⁵ Pacəf wana wawəkə fər yən kirin, akata, səm ya wi, mecir kə yedisre ya aputuk.

⁶ Wəloŋne pələk kətək kəbotu ambənc ka sədər kə yika yobotu ambənc ya hisəp kə tafək peyim, pələm ca yayəkə dənənc yəcəfene kə wana wawəkə.

⁷ Wəlonjə pəyakə yamos yən kə dis dən domun, a pədeberə sanjka disrə. Wəlonjə əsək fə hañ dec dəkalə.

⁸ Nwə enacəf wana mə pəyak yamos yən, pəbike domun, əsək fə hañ dec dəkalə.

⁹ Wərkun wəsoku wəkin pəwət kəbof ka wana wawəkə, pəkə pəboç ki kəfo kəpus sanjka tadarəñ. Paməñkə ki kəlonjanə ka Yisrayel teta kəlompəs ka domun dəsəksə. Kəlonjə ka kiciya kə.

¹⁰ Fum nwə eñwət kəbof ka wana kanjka mə, pəyak yamos yən, əsək fə hañ dec dəkalə. Sariyə sa doru o doru sə nnə aka Yisrayel kə acikəra añe ñandə ña dacə mə.»

Sariyə sa kəsəkəsne

¹¹ Nwə oñgbuñenə wəfi mə, əsək fə hañ mata camət-məerəñ.

¹² Tataka ta maas kə ta camət-məerəñ, pəmar pəsəkəsne domun ndə dəñsəkəs mə. K'əntəsəkəsne tataka ta maas kə ta camət-məerəñ-ə, əfəsək.

¹³ Nwə o nwə oñgbuñenə wəfi ta əsəkəsne mə, eñyik-yikəs dəkiyi da MARIKI. Añwure wəkayi aYisrayel dacə, bawo awəs-wəsəsər fə kə domun dəsəksə, əsək fə: Kətəsək kən kəyi kə sə kəroñ.

¹⁴ Sariyə sə nse: Kə fum efi abal disrə-ə, nwə o nwə emberə abal ñaño kə disrə, nwə o nwə eñyi di mə, əfəsək hañ mata camət-məerəñ.

¹⁵ Pəberə paka mpe o mpe penyi abal ñaño kə disrə ta añgbəpər pi mə, pəsək fə.

¹⁶ Nwə o nwə oñgbuñenə dəkulum fum nwə andif, kə pəyənə fə ti pəfinə defi deki fəli, bent ya wəfi kə pəyənə fə ti kufu kən-ə, əsək fə hañ mata camət-məerəñ.

¹⁷ Pələkə wətəsək, kəbof ka wana weyim nwə ancəfə MARIKI teta kiciya mə, paber ki dətanjku, paber ki kəroñ domun decempi da dəkəñgbəkə.

¹⁸ Wərkun wəsoku pələk alə ña hisəp, pəgbət ñi dəromun. K'elip-ə, pəwəsəsər abal, pənanjanə yosumpər-sumpər kə afum akə ñayi di mə, nwə oñgbuñsərenə bent ya wəfi, nwə andif kə pəyənə fə ti pəfinə defi deki fəli, kə pəyənə fə ti kufu kən mə.

¹⁹ Fum wəsoku pəwəsəsər wətəsək tataka ta maas kə ta camət-məerəñ, wəkəkə əsək tataka ta camət-məerəñ. Pəyak yamos yən, pəbike domun, kə dec dəñkələ-ə, əñsək.

²⁰ Wərkun wətəsək nwə əntəsəkəsne mə, andewure kə aka Yisrayel dacə, bawo eyik-yikəs kəfo kəpus ka MARIKI. Bawo anawəsəsər fə kə domun dəsəksə, əsək fə.

²¹ Sariyə sa doru o doru sə nnə aka Yisrayel ñayi mə. Nwə əwəsəsər domun dəsəksə dadəkə mə, pəyak yamos yən. Nwə oñgbuñenə domun dəsəksə mə, əsək fə hañ dec dəkalə.

²² Mpe o mpe wətəsək oñgbuñenə mə, pəñyənə pətəsək. Nwə oñgbuñenə pi mə, əsək fə hañ dec dəkalə.

20

Domun da Meriba

KWUR 17.1-7

¹ Kə kəlonjanə ka aka Yisrayel fəp kənder ndə tēgbərə ta Cin ñof ñəçəkə-çəkə ña teren tatakə, kə afum ñandə Kadəs. Difə Miriyam ənafi, k'awup kə.

² Ntə kəlonjanə ka aka Yisrayel kənatəyə domun mə, kə ñalonjanə teta Musa kə Aruna.

³ Kə afum aka Yisrayel ñantənər Musa kəyefərənə. Ñaçloku: «Ali sənafi nte awənc asu ñancfis-fis fər ya MARIKI kirin mə!

⁴ T'ake tə nəñkerənə kəlonjanə ka MARIKI nnə dətēgbərə sədefis-fis kə yəçəl yosu-ə?

⁵ T'ake tə nəñawurenə su Misira, kə nəñkerə su kəfo kələç kanjke-ə? Bafə kəfo kə nkə antam kəgbal defet mə, fik fəyi fə, wən weyi fə, çəpare çəyi fə, ali domun deyi fə ndə antam kəmun mə.»

⁶ Musa kə Aruna ñambələnə afum aka Yisrayel, kə ñaño kə dəkəberə da añgbancan ñəbərənə kə Kanu. Kə ñantempənə dəntəf, nəçə da debeki da MARIKI dementərənə ña.

⁷ Kə MARIKI oloku Musa:

⁸ «Mələk kəgbo məlonka kəlonkanə ka aka Yisrayel, mənə Musa kə Aruna wənc əm. Nəlök-łokər tasar peyənki fər yañan kirin, pəsəñ domun. Məwure ɲa domun da tasar peyənki məsəñe aka Yisrayel ɲamun kə yəcəl yañan.»

⁹ Kə Musa əlek kəgbo k'Aruna nkə kənyai MARIKI fər kirin mə, pəmə təkə enasom kə ti mə.

¹⁰ Musa kə Aruna ɲalonka aka Yisrayel tekirin ta tasar peyənki. Kə Musa oloku ɲa: «Nəcəñkəl, ilətsenə nu, atanj ləñəs! Səndetam kəwure nu domun nno tasar peyənki pampə ba?»

¹¹ Mba Musa eyekti kəca kən k'osutə tasar teyənki kəgbo kəmerəñ. Gbəncana babəkə kə domun dəlarəm dōwur. Kə kəlonkanə ka aka Yisrayel ɲamun kə yəcəl yañan.

¹² Mba kə MARIKI oloku Musa kə Aruna: «Bawo nəsətə fə kəlan kəlarəm nno iyi mə, nəmentər fə decempi dem fər ya aka Yisrayel kirin, nəfədebersenə afum akanə atəf ɲe isəñ ɲa mə.»

¹³ K'awe abat ɲaɲəkə «Meriba» ti təyənə kusu kəñan «Kəcəp», kəfo kanəkə kə aka Yisrayel ɲanctən kəcañ MARIKI kəcəp, nwe enamentər decempi dən ɲa daco mə.

Wəbe wəka Edəm efati kəce aka Yisrayel ɲacəpər

¹⁴ Kəyefə Kadəs, kə Musa osom afum ndena wəbe wəka Edəm: «Nte tə aka Yisrayel, awənc əm aña ɲaloku: Məncərə mes mocuy mmə məmbəp su mə fəp.

¹⁵ Atem asu ɲanator Misira, kə səwon di kəndə. Mba, kə aka Misira ɲantərəs su, səna kə atem asu.

¹⁶ Kə səñkule-kule nno MARIKI eyi mə, k'encəñkəl su. K'osom mələkə min, kə mowure su Misira. Ndekəl oñ səyi Kadəs, dare ndə deyim kəsək mə.

¹⁷ Məce su, ilətsen'am, səcəpər dare dam. Səfəcəpər nde dalə dam, dalə da ɲgbəñkələ ya wən wam, səfəmun domun da cələmp cam. Dəpə din gbəñ də səndesolnə, səfəgbaymə kəca kətət, səfəgbaymə kəca kəmeriya, hañ səcəpər kələncər kam.»

¹⁸ Mba kə wəbe wəka Edəm olukse kə nte: «Nəfəcali atəf ɲem, kə nəcəpər-ə, incəñ nu kəyefərənə kə dakma dem.»

¹⁹ Kə aka Yisrayel ɲaloku: «Dəpə din də səndesolnə, kə səmun domun dam, səna kə yəcəl yosu-ə səñsəñ'am kəway ka di, təyə fə tes. Kəcəpər gbəcərəm kə səfan ali səfəcəmbərəs.»

²⁰ Mba kə wəbe wəka Edəm olukse ɲa sə: «Nəfəcəpər nno!» K'aka Edəm ɲawur kə afum alarəm añe ɲanayə fənəntər fəpəñ mə, kəkəgbintərne aka Yisrayel kəsutənə.

²¹ Kə wəbe wəka Edəm efati kəce aka Yisrayel ɲacəpər atəf ɲən. Ti tənəsəñe aka Yisrayel kələk dəpə docuru.

Defi da Aruna

²² Kəlonkanə ka aka Yisrayel fəp ɲayefə Kadəs, kə ɲaɲəkə nde tərə ta Hor.

²³ Kə MARIKI oloku Musa kə Aruna, nde tərə ta Hor nde kələncər ka Edəm.

²⁴ Kə MARIKI oloku: «Aruna nkən endefi, pəlukus nde atem ən ɲayi mə, əfəberə atəf ɲe isəñ aka Yisrayel mə, bawo nənacəmə mosom mem dəbəkəc nde abat ɲa Meriba.»

²⁵ Mənə, Musa mələk Aruna kə wan kən Elasar məpənə ɲa tərə ta Hor kəron.

²⁶ Məwure Aruna yamos yən yopus, məber yi wan kən Elasar, nno Aruna endefi pəlukus sə nde atem ən ɲayi mə.

²⁷ Kə Musa əyə təkə MARIKI enasom kə mə. K'empə tərə ta Hor kəron, fər ya kəlonkanə ka aka Yisrayel fəp kirin.

²⁸ Kə Musa owure Aruna yamos yən, k'ember yi wan kən Elasar. Dəndo Aruna enafi tərə kəron. Musa kə Elasar ɲantər dətərə.

²⁹ Nte kəlonkanə ka aka Yisrayel fəp ɲanacərə a Aruna efi mə, kə kələ ka Yisrayel fəp kəmbok kə mata wəco maas (30).

21

Aka Yisrayel kətam kəñan aKanañ

¹ Wəbε wəka dare da Arad, wəKanaŋ, nWε enandε nde Nεkεf mə, ene a aka Yisrayel ŋayi kəder dɔpɔ da Atarim. K'osut aka Yisrayel k'osumpər-sumpər acar.

² Ti disrε kɔ aka Yisrayel ŋandermε MARIKI, ŋacloku: «Kɔ məmber afum akanε su dəwaca-ε, sənɬəsər sədare sənjan fəp».

³ Kɔ MARIKI encənɬəl ŋa, k'ember aKanaŋ aYisrayel dəwaca. Kɔ aka Yisrayel ŋasut ŋa, kɔ ŋaləsər sədare sənjan. K'awe kəfo kanɬkɔ tewe ta Horma, tɔyɔnε kusu kəŋan «Kələsər».

Bokya məkən

⁴ Kɔ aka Yisrayel ŋayεfε tɔrɔ ta Hor ŋalɛk dɔpɔ da kəba ka Cənɬkɔlma, nte tənɬsənε ŋanənɬkər Edəm mɔ. ŋayi dɔpɔ kɔ bəkac yelεcε-lεcε ŋa.

⁵ Kɔ aka Yisrayel ŋalokər-lokər Kanu kɔ Musa: «T'ake tɔ nəwurε su Misira a nədedif su nnɔ dətεgbərə? Nnɔ kəcom kɔ domun yəntəyi mɔ, mənε yeri yɔtəbət yayε.»

⁶ Ti disrε kɔ MARIKI εŋkεrε afum akakɔ bok ya məkən. Kɔ yεŋaŋəs afum kɔ alarəm ŋafis-fis aYisrayel daco.

⁷ Kɔ afum ŋander ŋanənɬk Musa kɔ ŋaloku: «Sənciya, səlokər-lokər MARIKI kɔ mənə. Məletsənε MARIKI, a pəbələnε su bok yayε!» Kɔ Musa eyi kəletsənε MARIKI teta aka Yisrayel.

⁸ Kɔ MARIKI oloku Musa: «Məlompəs abok ŋa məkən mədet ŋi togbu darenc. Nwε o nwε abok ŋεŋŋaŋ mɔ k'εŋgbətne abok ŋaŋkɔ-ε, ɔfɔfi.»

⁹ Kɔ Musa olompəs abok ŋa kɔpər, k'endət ŋi dətogbu darenc. Aŋε bok yεnaŋaŋ tɛm tatəkɔ, kɔ ŋaŋgbətne ŋi mɔ, ŋanafi fε.

Təkət ta aka Yisrayel haŋ ŋakɔ ŋabεrε Piska

¹⁰ Kɔ aka Yisrayel ŋaŋkɔ ŋandε Obot.

¹¹ Kɔ ŋayεfε Obot kɔ ŋancəmbər sanɬa nde Iye Abarim, dəndo tεgbərə mpe pətεfərənε Mohab nde dec dəmpε mɔ.

¹² Kɔ ŋayεfε di kɔ ŋaŋkɔ ŋacəmbər cəbal nde dənɬbəl da Sered kəsək.

¹³ Kɔ ŋayεfε kəfo kanɬkɔ, kɔ ŋampərne kəca ka kəŋgbəkɔ ka Arnən nke kəŋgbələr nde dətεgbərə kɔ kəndewur atɔf ŋa aka Amər mɔ. Kəŋgbəkɔ ka Arnən kəyɔnε kələncər aka Mohab kɔ aka Amər daco.

¹⁴ It'alokənε dəbuk ba Cəwan ca MARIKI:

«Dare da Waheb nde Sufa
kɔ waca wa sənɬbəl sa Arnən fəp,

¹⁵ kɔ sənɬbəl nse səyi kəca ka dare da Ar
səlɔtərne ntende kələncər ka Mohab.»

¹⁶ Kɔ ŋayεfε dəndo kɔ ŋaŋkɔ Ber, it'ɔyɔnε kusu kəŋan: «Kələmp». Difɔ MARIKI εnaloku Musa: «Mələnɬka aka Yisrayel, isən ŋa domun.»

¹⁷ Teta kələmp kanɬkɔ tɛnasənε aka Yisrayel kələnəs telen nte:

Məpənε dəkəlp, Domun! Pakul-kulənε pəbotu!

¹⁸ Kələmp nke abε ŋaŋkay mɔ,

nke afum apən asu ŋaŋkayε

cənɬbasar ca dəbε mɔ

kɔ cəgbɔ cənjan cəkɔtse mɔ!

Kɔ ŋayεfε dətεgbərə kɔ ŋaŋkɔ Matana.

¹⁹ Nte aka Yisrayel ŋanayεfε Matana mɔ, kɔ ŋaŋkɔ Naliyel, kɔ ŋayεfε Naliyel kɔ ŋaŋkɔ Bamot.

²⁰ Kɔ ŋayεfε Bamot kɔ ŋaŋkɔ mərə daco mme meyi atɔf ŋa Mohab mɔ, kəca ka takəron ta tɔrɔ ta Piska, tɔrɔ mpe pentilsərne tekirin ta tεgbərə mɔ.

Kəsut ka abε Sihən kɔ Ɔk

²¹ Kɔ aka Yisrayel ŋasom ndena Sihən, wəbε wəAmər ŋacloku kɔ:

22 «Səfəñ kəcali nnə atəf ɲam. Səfəgbaymə ntende dalə dam, səfəgbaymə ntende ɲəgbəñkələ ya wən wam, səfəmun domun da cələmp cam. Dəpə din gbəñ də səndesolne, səfəgbaymə hañ səcali atəf ɲam.»

23 Sihəñ enawosə fə aka Yisrayel kəcepər nde kələncər kən. Kə Sihəñ oləñka afum əñ fəp, kə ɲawur kəkəsutənə kə aka Yisrayel nde dətegbərə. Kə ɲander ɲagbintərne ɲa Yahas kə ɲawəkərne ɲa kəsutənə.

24 Kə aka Yisrayel ɲandifte ɲa sakma, kə ɲabañ atəf ɲa Sihəñ kəyefə kəñgbəkə ka Arnəñ hañ ka Yabək, hañ kəbəp kələncər ka atəf ɲa Aməñ. Belbel b'anabum kələncər ka Aməñ.

25 Aka Yisrayel ɲasumpər sədare sasəkə fəp, kə ɲandə sədare sa Amər nde, dare da Hesbon, kə madare mmə mənəñkər ɲa mə.

26 Hesbon dare da Sihəñ dənayı, kə wəbe wəka Amər osutənə kə wəbe wəka Mohab wəkəkə-cəkə, kə wəbe wəka Amər embañər kə atəf ɲəñ fəp hañ nde kəñgbəkə ka Arnəñ.

27 It'əñsəñe aka taruku ɲaloku:

«Nəder Hesbon, dare da Sihəñ! Nəcəmbər di, dəsətə sə fənəntər!

28 Bawo nənc dowur Hesbon,

kə dələsər dare da Sihəñ,

kə dəncəf dare da Ar nde atəf ɲa Mohab,

kə canu ca yem ca mofə məsali nde mərə ma Arnəñ.

29 Ah! Pəcuy ponu pəmbək, nəna aka Mohab!

Nəsələ, afum aka Kemos!

Sihəñ wəbe wəka Amər əsəñe awut anu arkun kəyəkse,

k'əsəñe awut anu aran kəyənə acar əñ.

30 Sələmər 'Amər cəbəlma: Aləsər Hesbon hañ Dibəñ. Kə sələsər Hesbon hañ Nofa, hañ kəbəp ka atəf ɲa Medeba.»

31 Tante tə aka Yisrayel ɲanandə atəf ɲa aka Amər.

32 Kə Musa osom atən məsəkərə dare da Yaser. Ti disre kə aka Yisrayel ɲasumpər madare məkəsək, kə ɲambələs aka Amər akə ɲanayı di mə.

33 Kə aka Yisrayel ɲampərne ntende dəpə da Basan. Ək, wəbe wəka Basan kə asədar əñ fəp ɲawur kəkəsutənə kə aka Yisrayel, kə ɲayektər ɲa kəwan nde Edreyi.

34 Kə MARIKI oləku Musa: Ta mənəsə kə, imber əm kə dəwaca, nkən, afum əñ fəp kə atəf ɲəñ. Məyə kə təfan tam pəmə təkə mənayə Sihəñ wəbe wəka Amər, nwe enandə Hesbon mə.

35 Kə aka Yisrayel ɲasut Ək, afum əñ kə awut əñ, ali ɲanasak fə ayi wəyən, kə ɲalək atəf ɲəñəkə kə.

22

Kəcepə-cepə ka aka Yisrayel aranta ɲa Mohab

22-36

Taruku ta Balam: Kəwe ka wəbe Balak

1 Kə aka Yisrayel ɲəñkə ɲacəmə aranta ɲowosu ɲa Mohab, nde dec dəmpə kəñgbəkə ka Yurden mə, ɲatəfərne Yeriko.

2 Balak wan ka Cipor enanəñk təkə aka Yisrayel ɲanayə aka Amər mə.

3 Aka Mohab ɲananesə delay da afum akanə, bawo aMohab ɲanane təkə Yisrayel ɲanayə Amər mə, kə dis dəndəncə ɲa fəp.

4 Kə Mohab oləku abeki aka Madiyan: «Ndekəl əñ kəsəm kə kənay kanke kənder ca nyə yeyi su kəsək mə fəp pəmə nte wana wəñsəm yəbəf ya dalə mə.» Balak wan ka Cipor enayənə wəbe wəka atəf ɲa Mohab təm tatəkə.

5 K'osom ndena Balam wan ka Behor, nwe enandə Petor ntende kəñgbəkə ka Əfərat kəsək mə. K'oləku nte: «Afum aləma ɲawur Misira ɲalare dətəf, ɲandə su tekirin.»

⁶ Ndekəl on məder, ilətsen'am məntolan'em afum akanje pələc, bawo ηayo səkət ηatas im. Ti disre təloma indetam kəsut ηa ibeləs ηa atəf ηem, bawo incəre nwe məntolanə pətət mə, ɔηsətə pətət, kə nwe məntolanə pələc mə, wəkayɪ ɔηsətə pələc.»

⁷ Abeki aMohab kə aMadiyan ηanəkə, ηakene wəgbal kəsənc yopocə. Kə ηander ηabəp Balam kə ηaloku kə moloku ma Balak.

⁸ Kə Balam oloku ηa nte: «Nəcepərəne nnə pibi, indelukse nu toloku nte MARIKI endelok'im mə.»

Kə akirin aMohab ηayi ndena Balam.

⁹ Nte təm təloma tencepər mə, kə Kanu kənde kəder Balam, kə kəyif kə: «Afum are ηayi ndaram-ε?»

¹⁰ Kə Balam oloku Kanu: «Balak wan ka Cipor, wəbe wəka Mohab, nkən osom ηa kədelok'im:

¹¹ «Afum anje ηawur Misira mə ηalas atəf. Ndekəl, məder məntolan'em ηa pələc. Təloma intam kəsut ηa haη ibeləs ηa.»»

¹² Kə Kanu kəloku Balam: «Məfəkə kə ηa. Ta mətolanə aka Yisrayel pələc, bawo antolanə ηa pətət.»

¹³ Kə Balam eyefe bətbət k'oloku akirin a Balak: «Nəkə nde atəf ηonu, bawo MARIKI efati kəsak im kəkə kə nənə.»

¹⁴ Kə akirin aMohab ηander ηabəp Balak kə ηaloku kə: «Balam efati kəder kə sənə.»

¹⁵ Kə Balak osom sə akirin akə ηanala acəkə-cəkə, anje dekirin danjan denacepər da akakə mə.

¹⁶ Kə ηander ηabəp Balak wan ka Cipor, kə ηaloku kə: «İlətsen'am, ta tes o tes tɛyaməs am kədenəjk im.

¹⁷ Indelas əm pələl, iyən'am təkə məηlək'im mə. Məder, ilətsen'am, mətolan'em afum akanje pələc.»

¹⁸ Mba kə Balam oloku asom a Balak: «Ali Balak pəsəη im gbeti kə kema fəp nyə yeyi nde kələ kən mə, ifətam tələm o tələm kəgbayme tosom ta MARIKI, Kanu kem!

¹⁹ Awa, ilətsene nu nəyi nnə pibi pampə, nənə sə, icəre nte MARIKI endelok im sə mə.»

²⁰ Kə Kanu kəwurər Balam pibi disre, k'oloku kə: «Bawo arkun akanje ηander kəw'am, məkə kə ηa. Mba məyə təkə indelok'əm mə.»

²¹ Kə Balam eyefe bətbət, k'embəkə səfale sən səfət kəron kə ηantas kə akirin aka Mohab.

Səfale sa Balam

²² Kə pəntele Kanu, bawo Balam ηanəkə kə akirin aMohab. Kə mələkə ma MARIKI məncəmə dəpə kədəməne kə kəcepər. Kə Balam empəse səfale sən səfət kəron, ηanayɪ kə acar ɔn mərəη.

²³ Nte səfale sənəjk mələkə ma MARIKI məncəmə dəpə mətəmpər dakma mə, kə səfale səηgbayme dəpə, kə səηkə ta dalə. Balam osut si nte təηsəηe səsolne dəpə mə.

²⁴ Kə mələkə ma MARIKI məncəmə sə dəpə ηəgbəηkələ ya wen dacə, biηkəli beyi kəca kətət kə kəmeriya.

²⁵ Nte səfale sənəjk mələkə ma MARIKI mə, kə səηgbəcərəne kəcək ka Balam damba. K'əηgbəkəre sə si kəsut.

²⁶ Kə mələkə ma MARIKI mecepər pəbələ, kə məηkə məncəmə kəfo kələma kətəwəkəl nke antətam kəgbayme kəca kətət kə kəmeriya mə.

²⁷ Nte səfale sənəjk mələkə ma MARIKI sə mə, kə səfəntərə Balam tantəf. Kə pəntele Balam k'osute səfale kəgbo kən.

²⁸ Awa, kə MARIKI ewani səfale kusu, kə səloku Balam: «Cəke c'iyə nte məsut im tamaas mə-ε?»

²⁹ Kə Balam oloku səfale sən: «Məfan'im kəfani dəm! Təcyəne a intəmpər dakma dəkəca-ε, k'indif əm ndekəl.»

³⁰ Kə səfale səloku Balam: «Bafə səfale sam s'iyəne nse məmpəse təm fəp haη məkə mə ba? Tantə t'imbət kəyə əm ba?» Kə Balam oloku: «Ala!»

³¹ Kə MARIKI emepi fər ya Balam, k'ənəjk mələkə ma MARIKI məcəmə dəpə, mətəmpər dakma dəkəca. Kə Balam ontontne, k'encəp suwu kə tobu tən dəntəf.

³² Kə mələkə ma MARIKI moloku kə: «Ta ake tə məsutə si kəmaas-ε? Iwur nte tənşəne idemən'am kəkə, bawo inəjk marənt məmə mentesə f'am.

³³ Səfale sam sənəjk im, kə səngbaym'em kəmaas. Sətəyə tatəkə-ε, kə mən'indif isak si doru.»

³⁴ Kə Balam oloku mələkə ma MARIKI: «Inciya. Incərə fə a məy'im kirin dəpə. Mba kə marənt məmə məntəbət əm-ε, ilukus!»

³⁵ Kə mələkə ma MARIKI moloku Balam: «Məkə kə arkun akanε. Mba məloku gbəcərəm nte indekəlok'am mə.» Kə Balam nəjkə kə akirin aka Balak.

Kəbərəne ka Balam kə Balak

³⁶ Kə Balak ene a Balam ender. K'owur kəkəfayne kə hañ dare da Mohab nde dəsənene kələncər kə Arnəñ mə.

³⁷ Kə Balak oloku Balam: «Bafə inaw'am ba? Ak'enasəñ'am kətəder katəna mədenəjk im-ε? Mənəcəm-cəmnə ifətəm kəsəñ əm pələl?»

³⁸ Kə Balam oloku Balak: «Ndekəl oñ, nte inder inəjk əm mə, intam kələk'am nte o nte ifəñ mə? Toloku nte Kanu kəndəber im dəkusu mə, t'indelok'am!»

³⁹ Balam kə Balak nəjkə, kə nəməberə dare da Kiriya-Hucot.

⁴⁰ Balak oloñne cəna kə nəkesiya, k'əsəñ Balam kə akirin añe nənayı mə.

Balam ontolanə aka Yisrayel pətət

⁴¹ Bətbət, kə Balak ələk Balam k'empənə kə dare da Bamət Bal, nde enctam kənəjk dəlay da aka Yisrayel mə.

23

¹ Kə Balam oloku Balak: «Məcəməbər'em nno metek moloñne camət-mərəñ, məlomp's'em mura camət-mərəñ kə nəkesiya yorğun camət-mərəñ.»

² Balak ənayə təkə Balam ənaloku kə mə. Balak kə Balam nəncəfə MARIKI tetek toloñne nte o nte kəroñ tura tin kə ənkesiya nərkun nın.

³ Kə Balam oloku Balak: «Məcəmə poloñne pəcəf pam kəsək, ina ibələ. Tələma MARIKI pədəder kəbər im. Indelok'am nte endementər im mə.» Kə Balam əjkə nde tərə mpe pəntəyə tək mə.

⁴ Kə Kanu kəwurər Balam, kə Balam oloku Kanu: «İcəməbər metek moloñne camət-mərəñ, k'iloñne tetek o tetek kəroñ tura tin kə ənkesiya nərkun nın.»

⁵ Kə MARIKI əməber moloku Balam dəkusu. K'oloku kə: «Məlukus nde Balak eyi mə, məloku kə nte.»

⁶ K'olukus nde Balak eyi mə, nwe ənəcəmə poloñne pəcəf pən kəsək kə abε aka Mohab fəp.

⁷ Balam oloku taruku nte:

«Balak əsəñ'em kəder kəyεfə Aram,

wəbe wəka Mohab əsəñ'em kəder nde mərə ma kəca nke dec dəmpε mə.

K'olok'im: «Məder mətolanə afum a Yakuba pələc!

Ey, məder, məsəñe aka Yisrayel kənesε!»

⁸ Mba cəke c'intam kətolanə pələc nwe Kanu nkənsərka əntəsəñ pələc mə?

Cəke c'indəsəñe afum kənesε añe MARIKI əntəsəñe kənesε mə?

⁹ Nde masar dətelempən inəjk afum akanε,

nde mərə kəroñ inğbətne nə:

Afum nə, añe nəndε tacinə mə,

nəncərəne a nənciyane kə təf yəkə.

¹⁰ An'entam kələm dəlay da aka Yisrayel-ε?

Afum aka kor ka Yakuba nəla pəmə cəs.

Intola kəfi pəmə akə ηaleləs Kanu mə,
ilip pəmə nte aka Yisrayel ηaηlip mə.»

11 Kə Balak oloku Balam: «Cəke cə məy'em-ε? Isəη'am kəder nno kətolanε aterən'em pələc, mba kə mənə məntolanε ηa pətət.»

12 Balam oloku: «K'indelok-loku-ε, pəmar fε a ickembərne kəloku moloku mme MARIKI ember im dəkusu mə ba?»

Balam ontolanε aka Yisrayel pətət ta mεrəη

13 Balak oloku kə: «Məder kə ina, iletsen'am, kəfo kələma nde məndenəηk ηa mə. Kəsək kin kə məndenəηk, mba məfənəηk ηa fəp. Mətolan'em ηa pələc!»

14 Kə Balak eηkekəre Balam haη dəkiyi da wəbum, nde telempən pa tərə ta Piska kəsək. K'encəmbər metek moloηne camət-mεrəη, k'əncəfε MARIKI tetek o tetek tura tin kə aηkesiya ηorkun ηin.

15 Kə Balam oloku Balak: «Mənə məcəme nno, poloηne pəcəf pam kəsək. Ina, ikəcəηkəl MARIKI.»

16 Kə MARIKI ender kədəbərεne kə Balam. K'ember kə toloku tin dəkusu k'oloku kə: «Məlukus nde Balak eyi mə, məloku kə nte.»

17 Kə Balam oluksərne nde Balak eyi mə, nwe εnacəme poloηne pəcəf pən kəsək mə, ηayi kə akiriη aMohab. Kə Balak eyif kə: «Cəke cə MARIKI oloku-ε?»

18 Kə Balam oloku taruku nte:
«Məyεfε, Balak, məcəηkəl im!

Məsu aləηəs nte indelok'am mə, wan ka Cipor!

19 Kanu, bafə wərkun əfə nwe eηyeme mə,
bafə fum əfə nwe eηηaηne telər mə.

Nte oloku mə, əfədeyə ti ba?

Nte oηloku mə, bafə əηyə ti ba?

20 Ina, iwose kətolanε afum akanε pətət,
bawo MARIKI əsəη ηa pətət, ifəsəkpər.

21 MARIKI εnəηke fε Yakuba pəcuca,
əfənəηk kətərəs aYisrayel dəcə.

MARIKI, Kanu kəηan, eyi kə ηa.

Eηne kəkule-kulene pəbotu paηan pəmə wəbe.

22 Nkən Kanu εnawurεne ηa Misira,
kə səkət nse səwurene sa wana wa dəkulum mə.

23 Kəgbal kəsənc kəyi fε aka Yisrayel dəcə,
dure deyι fε nde yuruya ya Yakuba

ηancəre tēm tətət mes mme Kanu kəηyə mə fəp.

24 Afum akanε ηaηyεfε pəmə kusunuηku kəran,
ηacəme pəmə kusunuηku kərkun,

nke kəntəfəntərə ta kəntalip kəsəm wεsem nwe kəηsumpər mə,
kəmun mecir ma pedif pa ki.»

25 Kə Balak oloku Balam: «Kə məntəwose kətolanε ηa pələc-ε, ta mətolanε ηa pətət iletsen'am!»

26 Kə Balam oloku kə: «Isəη'am ti kəcəre: Pəmar iloku nte o nte MARIKI oηlok'im mə!»

Balam ontolanε aka Yisrayel tamaas

27 Kə Balak oloku Balam: «Məder, iletsen'am, ikekər'am sə kəfo kələma. Tələma nəηkətəηne kə Kanu a mətolan'em afum akanε pələc!»

28 Kə Balak eηkekəre Balam nde telempən pa tərə ta Peyər mpe pentilsərne tεgbəre mə.

29 Kə Balam oloku Balak: «Məcəmbər'em nno metek moloηne camət-mεrəη məlomps'em mura camət-mεrəη kə ηkesiya camət-mεrəη.»

³⁰ Kə Balak əyə təkə Balam ənaloku kə mə, k'əncəfə MARIKI tura tin kə anjkesiya njin tetek tolojnə nte o nte kəronj.

24

¹ Nte Balam ənəjk a pənabət MARIKI kəsənj aka Yisrayel pətət mə, ənjko fə sə pəmə təkə əncyə ti mə kətenəs məyə mən ma dure, k'ənəkafələ k'entəfərne kəca ka dətegbərə.

² Kə Balam eyekti fər k'ənəjk aka Yisrayel njandə cusunja cusunja, awa kə amera njə Kanu njender kə.

³ K'oloku taruku nte:
«Moloku mme mə, ina Balam wan ka Behor iloku,
ina wərkun nwe njənəjk pəcempi cəlejn mə,

⁴ moloku ma nwe ejne moloku ma Kanu mə,
ma nwe njənəjk nte Wəka Fənəntər ejmentər kə mə,
moloku ma nwe ontontne Kanu fər kirinj mə, fər yemepi.

⁵ Afum aka Yisrayel, nəna anje nəwur dokom da Yakuba mə,
cəbal conu nce nəyi mə cəntese yati!

⁶ Cəbal conu cəfəntərə pəmə dəngbəl,
pəmə lakə nde deyə kəngbəkə kəsək mə,
pəmə sukum nse MARIKI əmbəf mə,
pəmə tək yetes ya sədər nyə yəncəmə domun kəsək mə.

⁷ Nde ndoronu domun dompurər dəkələmp dəcdəməs yəbəf ya dale.
Wəbe wəYisrayel endetam Akak,
dəbe da Yisrayel dendesətə fənəntər.

⁸ Kanu kənawurəne njə atəf njə Misira,
kə fənəntər fəpənj nfe fəwurəne fa wana wa dop mə.
Nəjmələk afum akə njəwəkərne njə mə.
Nəcəpi bənt ya atərəne anjan, njəcəfute njə cəbəlma.

⁹ Njantontne, njafəntərə pəmə kusunujku,
pəmə kusunujku kəran, an'entam ki kəyekti-ε?
Aka Yisrayel, fum pəsətə pətət nwe ontolan'am pətət mə,
pəsətə pələc nwe ontolan'am pələc mə!»

¹⁰ Awa, kə pəntele Balak pəpənj nnə Balam eyi mə. K'ompol waca teta mətele mən,
k'oloku Balam: «Aterəne em nj'inaw'am kədətolanə pələc, kə mənə mətolanə njə pətət hanj
kəmaas!

¹¹ Ndəkəl ənj, məyefə məkə nde ndaram! Inaloku a indelas əm pələl, mba MARIKI
əmbənjər əm pələl papəkə!»

Balam oloku tedeyi tətət ta aka Yisrayel

¹² Kə Balam eyif Balak: «Bafə inaloku asom am nte ba?

¹³ «Ali təyənə Balak pəsənj im gbeti kə kəma ka kələ kən disre fəp, ifətam kəgbəkəl tosom
ta MARIKI kəyə ka pətət kə pəyənə fə ti-ε pələc. Təkə MARIKI endelok'im mə, t'indeloku.»

¹⁴ Ndəkəl ənj, intas nde afum em njayi mə, məder ilok'am kə pəndewon-ε, nte aka Yisrayel
njəndeyə ənj afum am mə.»

¹⁵ Kə Balam əndəjk toloku nte:
«Moloku ma Balam wan ka Behor,
moloku ma wərkun nwe njənəjk pəcempi mə,
¹⁶ moloku ma nwe ejne moloku ma Kanu mə,
ma nwe encərə məcərə ma Wəka darenc mə,
moloku ma ina nwe njənəjk mementər ma Wəka Fənəntər mə,
ma nwe ontontne fər ya Kanu kirinj mə, fər yemepi.
¹⁷ Njənəjk təkə tendeder mə, mba bafə kərəsna kə tendeyi,

inǵbətne ti, mba bafə tekəresna tə.
 Kəs kəyi kəyefe yuruya ya Yakuba daco,
 wəka kəŋbasar eyi kəyefe Yisrayel.
 Kə kəŋbasar kən ka dəbe, dekəŋk oŋsut ki aMohab,
 pələsər yuruya ya Set fəp, aŋe ŋayəne acepe-cepe aka dətəf mə.
¹⁸ Yisrayel ŋandeyə səkat. ŋandebaŋ Edəm,
 ŋandebaŋər Sehir, aterene ən.
¹⁹ Wəwur ka dokom da Yakuba endetasərne ŋa,
 endemələk alpəs akə ŋandecəme dare mə.»

Balam endəŋk kələsar ka aterene aka Yisrayel

²⁰ Kə Balam enəŋk aka Amalek k'oloku moloku mme:
 «Amalek ŋə akanə aŋe ŋantam fəp mə.
 Kə pəndewon-ε, andeləsər ŋa few.»
²¹ Kə Balam enəŋk sə aKeni, k'oloku:
 «Dəkiyi donu d'encəp,
 tasar kəroŋ wəb wonu weyi.
²² Mba andemələk nəna aKeni,
 təm nte aka Asur ŋandekəkəre nu dacar mə.»
²³ Kə Balam oloku sə:
 «Pələc pere! An'endeyi doru təm nte Kanu kəndeyə ti mə-ε?
²⁴ Cibil cəndeder kəyefe Sipər,
 afum akakə ŋandesut aka Asur, ŋasut sə aka Heber,
 mba ayefe Sipər akakə sə ŋatəfərne kəmələk kəŋan!»
²⁵ Kə Balam olukus nde ndərən, kə Balak nkən sə əŋkə kəca kən.

25

Aka Yisrayel ŋancəme mes ma mərəŋka darəŋ

¹ Nte aka Yisrayel ŋanandə Sitim mə, dəndo kə ŋayefe kəcfəntərər ayecəra aMohab.
² Kə ayecəra aMohab akakə ŋasəŋe aYisrayel kəcləŋne canu cəŋan, ŋadi yeri ya canu cacəkə, ŋactontne ci.
³ Kə aka Yisrayel ŋasektərne teta Bal Peyər, kə pəntele MARIKI nnə aka Yisrayel ŋayi mə.
⁴ Kə MARIKI oloku Musa: «Mələk abε aka Yisrayel fəp, məyə pagbək ŋa fər ya MARIKI kirin ŋatəfərne dec, nte təŋsəŋe mətəle məpəŋ ma MARIKI molukus Yisrayel darəŋ mə.»
⁵ Kə Musa oloku aboc kiti a Yisrayel: «Nwe o nwe nu daco pədif afum ən daco akə ŋasektərne teta Bal Peyər mə!»
⁶ Kə wəYisrayel wələma ender pəmentər awenc aŋa wəran wəMadiyan wələma, fər ya Musa kə kəlonkanε ka aka Yisrayel fəp kirin, tenatəŋne akakə ŋacbok nde dəkəberε da aŋgbancan ŋəbərənε kə Kanu.
⁷ Nte Finehas wan wərkun wəka Elasar wansə ka Aruna wəlonne enəŋk kə mə, k'eyefe kəlonkanε ka aka Yisrayel daco k'elek kəŋbasar.
⁸ Kə Finehas encəme kə darəŋ nde aŋgbancan disre nde wəkakə enabere kə wəran wəMadiyan nwe mə, k'endif ŋa mərəŋ maŋan fəp, k'əsə ŋa cor dətəf. Gbəncana babəkə, arom nne ŋenayi aka Yisrayel mə, ŋencəme.
⁹ Pəcuy papəkə pənadif afum wul wəco mərəŋ kə maŋkələ (24.000).
¹⁰ Kə MARIKI oloku Musa:
¹¹ «Wəlonne Finehas wan wərkun wəka Elasar wansə ka Aruna wəlonne olukse mətəle mem nnə aka Yisrayel ŋayi mə, bawo enayefərənən'em aka Yisrayel, təsəŋ'em kətəmələk ŋa mətəle mem ma kəraca disre.
¹² Awa, məloku Finehas a səsek danapa da pəforu kə nkən.

¹³ Danapa da pəforu dən dendeyi, da yuruya yən kə nkən encepər-ε, əsəne nja kədeyənə alonəne a doru o doru, bawo ementər kəraca ka Kanu kən, k'əsəkəs aka Yisrayel kiciya kənan.»

¹⁴ Tewe ta wəYisrayel nwe anadif kə wəran wəMadiyan nwe mə tenayənə Simri. Wan ka Salu enayi, wəkiriñ enayənə kələ ka apa kən kusunka ka Simeyən dacə.

¹⁵ Tewe ta wəran wəMadiyan wəkə anadif mə, tenayənə Kosbi. Wan wəran ka Cur enayi wəbe wəka cor cəlarəm ca kusunka k'aMadiyan kələma.

¹⁶ Kə MARIKI oloku Musa:

¹⁷ «Nəwəkərne aMadiyan, nədifət nja,

¹⁸ bawo dəməyə ma Peyər kə ma Kosbi, cəmpənən cə njanawəkərne nu. Kosbi wəkire kənan enayi, wan wəran wəka wəbe wəMadiyan wələma. Dəsək da pələc pəpən pa Peyər d'anadif kə.»

¹⁹ Nte pəcu y pəpən pencepər mə, kə MARIKI oloku nja sə moloku.

26

Kəlm ka mərəñ ka cusunka ca Yisrayel

¹ Kə MARIKI oloku Musa kə Elasar, wan wərkun wəka wəlonəne Aruna:

² «Nələm aka kəlonkanə ka Yisrayel fəp, kəyefe arkun ane njasətə meren wəco mərəñ (20) han nəcəpər ti, dəwələ kə dəwələ afum fəp ane nantam kəsutenənə Yisrayel mə.»

³ Dəndo dətegbərə ta Mohab nde kəngbəkə ka Yurden kəsək nde pəntəfərəne kə Yeriko mə, Musa kə Elasar naloku aka Yisrayel:

⁴ «Nələm arkun fəp kəyefe meren wəco mərəñ (20) han pəcəpər ti,» pəmə təkə MARIKI osom ti Musa kə aka Yisrayel ane nancwur Misira mə.

⁵ Kusunka ka Ruben wan wəcəkə-cəkə ka Yakuba, nke kor ka yuruya ya Henok, kə ya Palu yowur mə,

⁶ yuruya ya Hecərəñ kə ya Karmi.

⁷ Nja njanayənə aka cor ca Ruben: Anə analəm nja dacə mə, njanabəp wul wəco mankələ kə maas, masar camət-mərəñ kə wəco maas (43.730).

⁸ Wan ka Palu əyənə Eliyab,

⁹ papa ka Nemuyel, Datan kə Abiram. Datan kə Abiram abeki mərəñ aka kəlonkanə ka aYisrayel akanə njanayənəkər Musa kə Aruna səbomp. Nja njanasole afum masar mərəñ wəco kəcəmət (250) a Kore nte njanacəmə MARIKI dəbəkəc mə.

¹⁰ Kə antəf newanı kusu kə nemer Datan, Abiram kə nkən Kore. Dəsək dadəkə də kəlonkanə kən kəfi fəp, nte nenc denacəf afum masar mərəñ kə wəco kəcəmət mə (250). Kə təyənə alpəs akə tegbəkərə.

¹¹ Mba awut a Kore njanafi fə dəsək dadəkə.

¹² Kusunka ka Simeyən dəcor kə dəcor: Yuruya ya Nemuyel, ya Yamin, kə ya Yakin

¹³ kor ka Serah kə ka Sawul.

¹⁴ Cor ca Simeyən cənabəp arkun wul wəco mərəñ kə mərəñ, masar mərəñ (22.200).

¹⁵ Kusunka ka Kad, dəcor kə dəcor: Cifiyən, Haki kə Suni kə yuruya yañan,

¹⁶ Osni kə Eri kə yuruya yañan,

¹⁷ Arod kə Areli kə yuruya yañan.

¹⁸ Afum ane analəm kusunka ka Kad dacə mə, njanabəp arkun wul wəco mankələ, kə masar kəcəmət (40.500).

¹⁹ Yuruya ya Yuda: Er kə Onan, mba Er kə Onan njanafi atəf nja Kanan.

²⁰ Kusunka ka Yuda kə kanke dəcor kə dəcor: Kor ka Sela, ka Pərec kə ka Serah kə yuruya yañan.

²¹ Cor ca Pərec cə cance: Kor ka Hecərəñ kə ka Hamul kə yuruya yañan.

²² Cor ca Yuda cə cance, afum ane analəm nja dacə mə njanabəp arkun wul wəco camət-mərəñ kə camət-tin, masar kəcəmət (76.500).

23 Yuruya ya Isakar yə yayε dəcor kə dəcor: Kor ka Tola kə ka Puwa kə yuruya yaŋan,
24 kor ka Yasub kə ka Simrəŋ kə yuruya yaŋan.

25 Cor ca Isakar cənayi cacəkə, afum aŋε analəm ɲa dacə mə ɲanabəp arkun wul wəco camət-tin kə maŋkələ, masar maas (64.300).

26 Yuruya ya Sabulon yə yayε dəcor kə dəcor: Kor ka Sered, ka Elon kə ka Yalel, kə yuruya yaŋan.

27 Cor ca Sabulon cənayi cacəkə, afum aŋε analəm ɲa dacə mə ɲanabəp arkun wul wəco camət-tin, masar kəcəmət (60.500).

28 Yuruya ya Isifu yə yayε dəcor kə dəcor: Kor ka Manase kə ka Efrayim.

29 Yuruya ya Manase yə yayε: Kor ka Makir kə ka Kalad. Makir ɛnakom Kalad, kə yuruya ya Kalad ɲa sə ɲanayəne cor cələma.

30 Cor ca Kalad cə cance: Kor ka Yeser kə ka Helek,

31 kor ka Asriyel kə ka Səkem,

32 kor ka Semida kə ka Hefer.

33 Mba Celofad wan ka Hefer ɛnasətə fε wan wərkun, mənε awut aran. Mewe ma awut ɔn aran mə mamε: Mala, Noha, Hokəla, Milka kə Tirsə.

34 Cor ca Manase cənayi cacəkə, afum aŋε analəm ɲa dacə mə ɲanabəp arkun wul wəco kəcəmət kə mərəŋ, masar camət-mərəŋ (52.700).

35 Yuruya ya Efrayim yə yayε dəcor kə dəcor: Kor ka Sutela, kor ka Beker kə ka Tahan kə yuruya yaŋan.

36 Kor ka Sutela kə kaŋke: Eran kə yuruya yə.

37 Cor ca Efrayim cə cance, afum aŋε analəm ɲa dacə mə ɲanabəp arkun wul wəco maas kə mərəŋ, masar kəcəmət (32.500). Yuruya ya Isifu yə yayəkə dəcor kə dəcor.

38 Yuruya ya Benyamin yə yayε dəcor kə dəcor: Kor ka Bela, ka Asbel kə ka Ahiram kə yuruya yaŋan.

39 Kor ka Sufam kə ka Hufam kə yuruya yaŋan.

40 Yuruya ya Bela ɲanayəne Ardu kə Naman.

41 Yuruya ya Benyamin yə yayəkə dəcor kə dəcor. Afum aŋε analəm ɲa dacə mə ɲanabəp arkun wul wəco maŋkələ kə kəcəmət, masar camət-tin (45.600).

42 Yuruya ya Dan yə yayε dəcor kə dəcor: Kor ka Suham. Cor ca Dan cənayi cacəkə dəcor kə dəcor.

43 Afum aŋε analəm nde cor ca Suham mə ɲanabəp arkun wul wəco camət-tin kə maŋkələ, masar maŋkələ (64.400).

44 Yuruya ya Aser dəcor kə dəcor: Kor ka Yimna, ka Yiswi kə ka Beriya.

45 Yuruya ya Beriya: Kor ka Heber kə ka Malkiyel kə yuruya yaŋan.

46 Tewe ta wan wəran wəka Aser tənayəne Serah.

47 Yuruya ya Aser yənayi yayəkə dəcor kə dəcor: Afum aŋε analəm ɲa dacə mə ɲanabəp arkun wul wəco kəcəmət kə maas, masar maŋkələ (53.400).

48 Yuruya ya Naftali dəcor kə dəcor: Kor ka Yacel kə ka Kuni,

49 kor ka Yecer kə ka Silem.

50 Cor ca Naftali cənayi cacəkə dəcor kə dəcor, afum aŋε analəm ɲa dacə mə ɲanabəp arkun wul wəco maŋkələ kə kəcəmət, masar maŋkələ (45.400).

51 Afum aŋε analəm aka Yisrayel dacə ɲanabəp afum wul masar camət-tin kə pin, masar camət-mərəŋ kə wəco maas (601.730).

Andəŋk kəyer atəf ɲa Kanaŋ

52 Kə MARIKI oloku Musa:

53 «Kəyer ɲa kə ander atəf, ɲəyəne ke kəŋan təkə ɲalanεne afum mə.

54 Afum akə ɲandenəŋkanε kəla mə, məsəŋ ɲa ke nke kənanəkanε kəbek mə, akə ɲampice afum mə, məsəŋ ɲa ke nke kəmpice mə, andesəŋ nwe o nwe ke kən təkə alanεne afum aŋε aləm mə.

55 Mba yampunpuŋ y'andekot kəyer nu atəf, andeyer nu ke dəcusuŋka kə dəcusuŋka.

⁵⁶ Yampunpun y'andekot kəyer ke akə njala kə akə njampice mə.»

Kəlm ka aLewy taməraŋ

⁵⁷ Afum aŋe η'analəm kusunja ka Lewy dəcōr kə dəcōr: Kor ka Kerson, kor ka Kehat kə ka Merari.

⁵⁸ Cusunja cance cəyō cor cəfət cəlōma: Kor ka Libni, ka Hebərəŋ, ka Mali, ka Musi kə ka Kore. Kehat nkən okom Amram.

⁵⁹ Tewe ta wəran ka Amram tənayōne Yokəbed wan wəran wəka Lewy. Anakom kə nte Lewy enayi Misira mə. Yokəbed oŋkomse Amram: Aruna, Musa, kə Miriyam wəkire kəŋan.

⁶⁰ Awut a Aruna ŋayōne Nadab, Abihu, Elasar, kə Itamar.

⁶¹ Nadab kə Abihu ŋa ŋanafi nte ŋanamentərne fər ya MARIKI kirin ŋacəfe kə suray nse antəpusə MARIKI mə.

⁶² ALewy arkun aŋe analəm aYisrayel dacō, aŋe ŋanayō ŋof ŋin ŋacəpər ti mə, ŋanabəp wul wəco mərəŋ kə maas (23.000). Kəlm kəŋan kənadenərne fe kəlm ka aka Yisrayel dacō, bawo anasəŋ fe aka Lewy ke aka Yisrayel dacō.

Kəcaŋəs ka kəlm ka aka Yisrayel

⁶³ Afum aŋe ŋō Musa kə Elasar wəlōŋne ŋanaləm nde aranta ŋowosu ŋa Mohab, dəndo kəŋgbəkə ka Yurdən kəsək, nde pəntefərne kə dare da Yeriko mə.

⁶⁴ AYisrayel aŋe dacō, ali fum wəkin enayi fe di nte Musa kə Aruna wəlōŋne ŋanaləm aka Yisrayel cəkə-cəkə nde dətəgbərə ta Sinayi mə.

⁶⁵ Teta aŋe ŋanafi mə, MARIKI enaloku: «ŋandefi dətəgbərə, ali wəkin əfədeyi doru, mənə Kaləb wan ka Yefune, kə Yosuwe wan ka Nun.»

27

Ke ka awut aran

¹ Dəsək dəlōma, kə awut aran aka Celofad, wan ka Hefer, wansō ka Kalad wəka Makir, aka cusunja ka Manase wan ka Isifu, ŋamentərne. Mewe ma awut aran akakə mə mamə: Mala, Noha, Hokəla, Milka kə Tirsa.

² Kə awut aran aŋe ŋaŋkə ŋamentərne fər ya Musa kirin, wəlōŋne Elasar, akirin kə kəlōŋkanə fəp nde dəkəberə da aŋgbancan ŋəbərəne kə Kanu. Kə ŋaloku:

³ «Papa kosu efi nde dətəgbərə, enayi fe kəlōŋkanə ka Kore dacō nke kənafani MARIKI mə: Kiciya kən yati kə efiŋe, esak fe wan wərkun.

⁴ Kətəyō ka papa kosu wan wərkun kəndəsəŋe padelinj tewe tən kor kən disre ba? Awa nəsəŋ su ke awənc a papa kosu dacō.»

⁵ Kə Musa ementər tetanjan fər ya MARIKI kirin.

⁶ Kə MARIKI oloku Musa:

⁷ «Awut aran a Celofad ŋayō kance. Nəsəŋ ŋa antəf ke awənc a kas kəŋan dacō, ŋa ŋō məndəsəŋ ke ka kas kəŋan.

⁸ Məlōku aYisrayel: Kə fum wəlōma efi ta esak wan wərkun-ε, nəsəŋ ke kən wan kən wəran.

⁹ K'ontəyō wan wəran-ε, nəsəŋ ke kən awənc aŋa arkun.

¹⁰ Mba kə wəfi wəkakə ontəyō awənc arkun-ε, nəsəŋ ke kən awənc a kas.

¹¹ Kə kas ontəyō awənc-ε, nəsəŋ ke kən wəkomene kən nwe ŋaŋgbəcene kor kəŋan disre mə. Nkən pəmar pəsətō ki. Tendeyōne aka Yisrayel sariye, pəmō təkə MARIKI enasom ti Musa mə.»

Yosuwe amentər a pəcənc Musa

¹² Kə MARIKI oloku Musa: «Məpe tərō pa Abarim kəroŋ, məməməŋ atəf ŋŋe isəŋ aka Yisrayel mə.

¹³ Məndenəŋk ŋi, mba məndefi ta məməberə di-ε, pəmō təkə təsətō wənc əm Aruna mə,

14 bawo nənayeŋkər mosom mem səbomp nde təgbərə ta Cin, nte kəlonkane kəctensər im kəcəp mə: Nənamentər fə decempi dem fər ya Yisrayel kirin.» Nte tøyəne ta domun da Meriba* nde Kadēs† nde təgbərə ta Cin mə.

15 Kə Musa oloku MARIKI:

16 «MARIKI, Kanu nke kəntəmpər kəpene kə kətorə kifir ka yeyi wəyeŋ ya doru fəp mə, məcəmbər wəkiriŋ wərkun kəlonkane kaŋkə,

17 nwe ende pəcsolə ŋa kə ŋaŋkə ŋacder sə mə, ta kəlonkane ka MARIKI kədeyi pəmə yəcəl nyə yəntəyə wəkək mə.»

18 Kə MARIKI oloku Musa: «Mələk Yosuwe wan ka Nun, wərkun nwe isəŋ amera ŋem mə. Mədeŋər kə kəca.

19 Məkə məcəmbər kə wəlonŋne Elasar kə kəlonkane fəp kirin, məsəŋ kə mosom fər yaŋan kirin.

20 Məndesəŋ kə pelel pam pələma, nte təŋsəŋne kəlonkane ka aka Yisrayel fəp kəcəŋkəl kə mə.

21 Yosuwe ende pəccəme wəlonŋne Elasar tekirin. Wəlonŋne pəyifə kə ina MARIKI masar ma kiti mme məyəne *Yurim* mə. Mosom maməkə mə aka Yisrayel ŋande ŋackəne ŋacderene sə, nkən Yosuwe kə kəlonkane ka aka Yisrayel fəp.»

22 Kə Musa əyə təkə MARIKI enasom kə mə. K'ələk Yosuwe k'encəmbər kə wəlonŋne Elasar kə kəlonkane fəp fər kirin.

23 Kə Musa endəŋər Yosuwe waca, k'əsəŋ kə mosom, pəmə təkə MARIKI enaloku ti Musa mə.

28

Sariye sa kəlonŋne

Kəlonŋne ka dəsək o dəsək

1 Kə MARIKI osom Musa:

2 «Mələku aka Yisrayel tosom nte: Nəde nəckəmbərne belbel kəkər'em yolonŋne nyə yəyəne yopocə yem, təm nte ambənc mə, yeri yem, yolonŋne yəcəf nyə ambənc ŋa yi ŋontore-tor'em abəkəc mə.

3 Məde mələku ŋa sə: Yolonŋne yəcəf yə nəndekene MARIKI: Dəsək o dəsək nəde nəccəfe MARIKI ŋkesiya yorkun mərəŋ ya teren tin tin yətəyə dolokəp.

4 Mənde məclonŋne aŋkesiya ŋorkun ŋəcəkə-cəkə bətbət, kə ŋa mərəŋ dec dərəfəy.

5 Teta kəlonŋne ka mənŋben, məde məckere kilo maas ka kəmbefe kətət mənəktərəne ki liter din kə dacə da moro ma olif mətət.

6 Yəcəl yolonŋne yayəkə ancəfe MARIKI dəsək o dəsək mə yede yocwurene kə yəkə anacop kəlonŋne kə nde tərə ta Sinayi mə. Ambənc ŋa yi ŋontore-tore MARIKI abəkəc, kəlonŋne ka yeri nke ancəfe MARIKI mə kə.

7 Aŋkesiya ŋorkun nŋe o nŋe, məlonŋər wən liter din kə dacə teta kəlonŋne ka wən. Məlonŋər wi nde dəkiyi dosoku.

8 Dec dərəfəy, məlonŋne aŋkesiya ŋorkun ŋa mərəŋ, tolonŋne tin tayi pəmə yolonŋne ya mənŋben ya bətbət, kə kəlonŋne ka wən wa ki. Kəlonŋne ka yeri kə nke ancəfe MARIKI mə, ambənc ŋa ki ŋontore-tore kə abəkəc.»

Kəlonŋne ka dəsək da kəŋesəm

9 «Simiti, dəsək da kəŋesəm nde ampuse MARIKI mə, nəde nəclonŋne ŋkesiya yorkun mərəŋ ya teren tin tin yətəyə dolokəp. Teta kəlonŋne ka mənŋben, məckere sə kəmbefe kətət kilo camət-tin panəktərəne ki moro kə kəlonŋne ka wən wa ki.

10 Dəsək o dəsək nəde nəclonŋne MARIKI polonŋne pəcəf bətbət kə dərəfəy. Mba dəsək da kəŋesəm nde ampuse kə mə, nəde nəcdeŋər polonŋne pəcəf papəkə kə wən wa pi.»

* 27:14 Meriba ti tøyəne cəHebərə, «Kəcəp». † 27:14 Kadēs ti tøyəne kusu kəŋan «Pəsoku» kə pəyəne fə ti «Pəcempi».

Kəlonjə ka tataka təcəkə-cəkə ta ɲof o ɲof

¹¹ Dəsək dəcəkə-cəkə da yof yonu fəp, nəkerε MARIKI yolonjə yəcəf yayε: Mura mεrəɲ, aɲkesiya ɲorkun ɲin kə ɲkesiya yorkun camət-mεrəɲ ya teren tin tin yətəyə dolokəp.

¹² Nəde nədenjər sə yolonjə yayəkə teta kəlonjə ka mεɲgben: Tura mpe o mpe kəmbefe kətət kilo camət-manjələ panəktərəne ki moro kə aɲkesiya ɲorkun nɲε o nɲε kəmbefe kətət kilo camət-tin panəktərəne ki moro,

¹³ aɲkesiya ɲorkun ɲa teren tin nɲε o nɲε padenjər ɲi polonjə pa mεɲgben pa kəmbefe kətət kilo kəmaas panəktərəne ki moro. Kəlonjə ka pəcəl mpe ancəfε MARIKI mə pə, ambənc ɲa polonjə pəcəf papəkə ɲontore-tore kə abəkəc.

¹⁴ Nədenjər sə kəlonjə ka wən: Teta tura mpe o mpe nəkerε liter maas, teta aɲkesiya ɲorkun liter mεrəɲ, kə teta aɲkesiya ɲorkun ɲa teren tin nɲε o nɲε liter din kə dacə. Yolonjə yəcəl yəcəf yayε yə pəmar nənde nəclonjə tataka təcəkə-cəkə ta ɲof ɲofu ɲa teren fəp.

¹⁵ Nəkerε sə MARIKI ambiyofu ɲin teta kəlonjə ka kiciya, nəncər ɲi yolonjə yayəkə ancəfε MARIKI dəsək o dəsək mə, kə kəlonjə ka wən wa yi.

Kəlonjə ka kəsata ka Kəcəpər ka Mələkε Medif

¹⁶ ɲof ɲəcəkə-cəkə ɲa teren, tataka ta wəco kə manjələ (14), nəboc kəsata ka kəcem-ceməs ka Kəcəpər ka mələkε medif kələləs ka MARIKI.

¹⁷ Tataka ta wəco kə kəcəmət (15) ta ɲof ɲaɲəkə, nəde nəbocε MARIKI kəsata ka Cəcom cətənəɲkəl lebin. Nəde nəcsəm cəcom cətənəɲkəl lebin mata camət-mεrəɲ camcam.

¹⁸ Dəsək dəcəkə-cəkə da tataka toluksər tayi, nəde nəcwe kəlonjə kəsoku teta kələləs MARIKI. Ta nəbəc dəsək dadəkə yebəc nyε o nyε nəmbət bəc mə!

¹⁹ Nəde nəkerε MARIKI yolonjə nyε nəndecəfε kə mə teta polonjə pəcəf: Mura mεrəɲ, aɲkesiya ɲorkun ɲin kə ɲkesiya yorkun camət-mεrəɲ ya teren tin tin. Nələk yəcəl yətəyə dolokəp.

²⁰ Pəcəl mpe o mpe, nədenjər pi kəmbefe kətət ka polonjə pa mεɲgben panəktərəne ki kə moro: Tura mpe o mpe kilo camət-manjələ kə aɲkesiya ɲorkun kilo camət-tin,

²¹ aɲkesiya ɲorkun ɲa teren tin nɲε o nɲε kilo kəmaas.

²² Nəkerε ambiyofu ɲin teta kəlonjə ka kiciya, nte təɲsəɲε patubucne kəsəkəs nu kiciya konu mə.

²³ Yolonjə yayəkə yə nəde nədenjər sə yolonjə nyε ancəfε MARIKI bətbət, nyε ancəfε kə dəsək o dəsək mə.

²⁴ Dəsək o dəsək mata camət-mεrəɲ disre nəde nəkerε yolonjə yayəkə, yi yəyənε yolonjə ya yeri nyε ancəfε MARIKI mə. Ambənc ɲa yi ɲontore-tore kə abəkəc. Padenjər yi sə yolonjə ya dəsək o dəsək nyε ancəfε MARIKI mə, kə kəlonjə ka wən wa yi.

²⁵ Tataka ta camət-mεrəɲ, kəlonjə kəsoku kə teta kələləs MARIKI. Ta nəbəc dəsək dadəkə yebəc nyε o nyε nəmbət bəc mə.

Kəlonjə ka kətəl

²⁶ Dəsək ndε nəntəl yokom yəcəkə-cəkə ya antəf ɲonu mə, nəde nəker'εm yolonjə ya mεɲgben mofu ma yetəl yonu. Dəsək da kəsata ka Mataka Moluksər dadəkə, nəde nəcwe kəlonjə kəsoku teta kələləs ina MARIKI. Ta nəbəc dəsək dadəkə yebəc nyε o nyε nəmbət bəc mə.

²⁷ Nəkerε MARIKI yolonjə nyε ancəfε kə mə: Mura mεrəɲ, aɲkesiya ɲorkun ɲin kə ɲkesiya yorkun camət-mεrəɲ ya teren tin tin. Ambənc ɲa yi ɲotore-tore MARIKI abəkəc.

²⁸ Pəcəl o pəcəl, nəlonjənε pi kəmbefe kətət nkε anəktərəne kə moro mə: Teta tura o tura nədenjər kilo camət-manjələ, teta aɲkesiya ɲorkun nɲε o nɲε kilo camət-tin,

²⁹ kə teta aɲkesiya ɲorkun ɲa teren tin nɲε o nɲε kilo kəmaas.

³⁰ Nəlonjə sə ambiyofu ɲin teta kətubucne kəsəkəs nu kiciya konu.

³¹ Nədenjər yolonjə yayəkə fəp yolonjə yəcəf ya dəsək o dəsək kə yolonjə ya mεɲgben nyε andenjər yi mə. Nəde nəkerε yəcəl nyε yəntəyə dolokəp mə, kə yolonjə ya wən.

29

Kəlonne ka dəsək da Kəkul-kulene pəbotu

¹ Dəsək dəcəkə-cəkə da ηof ηa camət-mərəη, nəde nəcwe kəlonkanə kəsoku teta kələləs ina MARIKI. Ta nəbəc dəsək dadəkə yebəc nyε o nyε nəmbət bəc mə. Dəsək ndε anfula aluk cawon cawon mə pəbotu pə.

² Nəde nəclonne MARIKI yəcəl yəcəf, ambənc ηa yolonne yayəkə ηontore-tore kə abəkəc: Tura tin, ankesiya ηorkun ηin kə ηkesiya yorkun ya teren tin tin camət-mərəη, fəp fa yi ta yəyə dolokəp.

³ Nəkere sə yolonne ya mənğben ya yi, kəmbefe kətət nke anəktərəne kə moro mə: Teta tura o tura kəmbefe kilo camət-manəkəle, teta ankesiya ηorkun kəmbefe kilo camət-tin,

⁴ teta ankesiya ηorkun ηa teren tin nηε o nηε kəmbefe kilo kəmaas.

⁵ Mədenər sə ambiyofu ηin teta kətubucne kəsəkəs nu kiciya konu.

⁶ Padenər yəcəl yolonne yayəkə kəlonne nke ancəfe MARIKI dəsək o dəsək mə. Padenər sə yi yəcəl yolonne yəcəf ya dəsək dəcəkə-cəkə da ηof o ηof kə yolonne ya mənğben kə yolonne ya wen ya yi. Ambənc ηa yolonne yəcəf yayəkə fəp ηontore-tore MARIKI abəkəc.

Kəlonne ka dəsək da Kətubucne Kəsəkəs ka Kiciya

⁷ Tataka ta wəco ta ηof ηa camət-mərəη, nəde nəcwe kəlonkanə kəsoku, nəsuη ta nəbəc nte o nte dəsək dadəkə.

⁸ Nəkenε MARIKI yolonne yəcəf, ambənc ηa yi ηontore-tore kə abəkəc: Tura tin, ankesiya ηorkun ηin kə ηkesiya yorkun camət-mərəη ya teren tin tin nyε yəntəyə dolokəp mə.

⁹ Yolonne ya mənğben ya yi yəyənε kəmbefe kətət nke anəktərəne moro mə: Kəmbefe kanəkə kilo camət-manəkəle teta tura tin, kilo camət-tin teta ankesiya ηorkun,

¹⁰ kəmbefe kətət kilo kəmaas teta ankesiya ηorkun ηa teren tin nηε o nηε.

¹¹ Nəkere sə ambiyofu teta kəlonne ka kiciya, kədenər ka kəlonne ka kətubucne kəsəkəs ka kiciya, padenər sə yolonne nyε ancəfe MARIKI dəsək o dəsək mə, yolonne ya mənğben kə ya wen wa yi.

Kəlonne ka kəsata ka Cəleηğbe

¹² Tataka ta wəco kə kəcəmət ta ηof ηa camət-mərəη, nəde nəcwe kəlonkanə kəsoku teta kələləs ka ina MARIKI. Ta nəbəc dəsək dadəkə yebəc nyε o nyε nəmbət bəc mə. Nəboce MARIKI kəsata mata camət-mərəη disre.

¹³ Nəkekəre yəcəl yəcəf, yolonne nyε ancəfe MARIKI mə, ambənc ηa yolonne yayəkə ηontore-tore MARIKI abəkəc: Mura wəco kə maas, ηkesiya yorkun mərəη kə ηkesiya wəco kə manəkəle ya teren tin tin, yi fəp yəntəyə dolokəp.

¹⁴ Yolonne ya mənğben ya yi yəyənε kəmbefe kətət nke anəktərəne moro mə: Teta tura o tura nəkere kəmbefe kilo camət-manəkəle, teta ankesiya ηorkun nηε o nηε kəmbefe kilo camət-tin,

¹⁵ ηkesiya ya teren tin tin wəco kə manəkəle kəmbefe kilo kəmaas teta nηε o nηε,

¹⁶ nəkere sə ambiyofu teta kəlonne ka kiciya, nədenər sə yolonne nyε ancəfe MARIKI dəsək o dəsək mə, kə kəlonne ka mənğben kə ka wen wa yi.

¹⁷⁻³⁴ Kəyefe tataka ta mərəη han ta camət-mərəη ta kəsata, nəcdenər kəlonne nke ancəfe MARIKI dəsək o dəsək mə, nəclonne yəcəl yəntəyə dolokəp, yolonne ya mənğben ya kəmbefe kə wen wa yi. Yəcəl nyε yə nənde nəclonne:

Dəsək da mərəη: Mura wəco kə mərəη, ηkesiya yorkun mərəη, ηkesiya wəco kə manəkəle ya teren tin tin, kə ambiyofu ηin.

Dəsək da maas: Mura wəco kə pin, ηkesiya yorkun mərəη, ηkesiya yorkun wəco kə manəkəle ya teren tin tin, kə ambiyofu ηin.

Dəsək da manəkəle: Mura wəco, ηkesiya yorkun mərəη, ηkesiya yorkun wəco kə manəkəle ya teren tin tin, kə ambiyofu ηin.

Dəsək da kəcamət: Mura camət-manjkələ, ηkesiya yorkun mərəη, ηkesiya yorkun wəco kə manjkələ ya teren tin tin, kə ambiyofu ηin.

Dəsək da camət-tin: Mura camət-maas, ηkesiya yorkun mərəη, ηkesiya yorkun wəco kə manjkələ ya teren tin tin, kə ambiyofu ηin.

Dəsək da camət-mərəη: Mura camət-mərəη, ηkesiya yorkun mərəη, ηkesiya yorkun wəco kə manjkələ ya teren tin tin kə ambiyofu ηin.

³⁵ Tataka ta camət-maas ta kəsata, kəlonkanε kəlpəs kə. Ta nəbəc nte o nte nəmbət bəc mə dəsək dadəkə.

³⁶ Nəkekərə yəcəl nyε ancəfε MARIKI mə yolonne yəcəf nyε ambənc ηa yi ηontore-tore kə abəkəc mə: Tura tin, ankesiya ηorkun ηin kə ηkesiya yorkun camət-mərəη ya teren tin tin, fəp fa yi ta yəyə dolokəp.

³⁷ Pəcəl o pəcəl, pəmar palonnenε pi kəmbefe kə wən kətubcənε ka nte sariyε səluku nu ti mə.

³⁸ Nəlonne sə ambiyofu teta kəlonne ka kiciya, nədeηər yolonne nyε ancəfε MARIKI dəsək o dəsək mə, nədeηər sə kəlonne ka mənğben kə ka wən nwe anlonnenε yi mə.

³⁹ Yolonne yayε yə nənde nəckεrε MARIKI mataka ma kəsata. Nədeηər yi yolonne ya kəderəm, yolonne ya kəpocε abəkəc ηosoku pəs, yolonne nyε ancəfε MARIKI mə, ya mənğben, ya wən kə ya kəpaηne pəforu.

30

¹ Kə Musa oloku aka Yisrayel təkə MARIKI enasom kə mə fəp.

Sariyε sa kəderəm

² Kə Musa oloku akiriη a cusuηka ca Yisrayel: «Nte tə MARIKI osom:

³ Kə fum enderəm kəkεrε MARIKI polonne, kə pəyənε fε ti pəηaηne tes təlma, pəmar fε pəyi ta elas dim dən-ε, pəyə təkə oloku mə.

⁴ Kə wəyəcərə əsərəyi ndena kas, pəderəm kəyənε MARIKI tes təlma,

⁵ kə kas encərə kəderəm kanjkə ta oloku təlom o təlom-ε, wan wəran pəmar pəlas dim dən, pəyə təkə enaderəm kəyə mə.

⁶ Mba dəsək ndε kas encərə ti, pəloku a owosε fε kəderəm ka wan kən wəran mə, wan wəran nwe entam kəyi ta elas dim dəkə enaderəm mə. MARIKI eηaηnenε kə kəderəm kən, bawo kas owosε fε.

⁷ Kə wəyəcərə enderəm, kə pəyənε fε ti pəsəη temer kəyə tes təlma ta encəm-cəmne, tecepər pəde pələ telpəs,

⁸ dəsək ndε wos encərə ti ta oloku təlom o təlom-ε, pəmar pəlas dim dəkə enaderəm mə.

⁹ Mba dəsək ndε wos encərə ti, pəloku a owosε fε kəderəm ka wəran kən mə-ε, wəran nwe entam kəyi ta elas dim dəkə enaderəm mə. MARIKI eηaηnenε kə kəderəm kən, bawo wos owosε fε.

¹⁰ Kə wəcəbokərə kə pəyənε fε ti wəran nwe ηancenənε kə wos, təyənε enderəm kəyə ka tes-ε, pəmar pəlas dim dən.

¹¹ Kə wəran wələ enderəm kə pəyənε fε ti pəsəη temer kəyə ka tes təlma,

¹² wos pəcərə kəderəm kanjkə ta oloku təlom o təlom-ε, pəmar pəlas dim da kəderəm dəkə enasəη mə.

¹³ Mba kə təyənε, dəsək ndε wos encərə ti mə, wos pəloku a owosε fε kəderəm kanjkə-ε, wəran nwe entam kəyi ta əyə təkə enaderəm mə. MARIKI eηaηnenε wəran nwe, bawo wos owosε fε kəderəm kanjkə.

¹⁴ Kəderəm nkε o nkε kə pəyənε fε ti kəsəη temer kəsak tes təlma-ε, wos entam kəwosε ti kə pəyənε fε ti pəbupərə ti.

¹⁵ Kə wos əntəluku təlom o təlom haη dəcəkəsək-ε, wos owosε tēm tatəkə kəderəm kanjkə kə pəyənε fε ti kəsəη temer kanjkə. Wos owosε ti tēm tatəkə teta kəyi kən ta ombupərə dəsək ndε encərə ti mə.

¹⁶ Kə təyənə pəwon kəbupərə ti-ε, nkən wos ənyənə wəciya teta nte wəran kən əntəlas dim da kəderəm kən mə.»

¹⁷ Sariyə sanşə sə MARIKI enasom Musa, nte pəmar teyi wərkun kə wəran kən daco mə, kə pəyənə fə ti wəyecəra kə kas daco kə təyənə pəsəryi ndena kas-ε.

31

Aka Yisrayel ηawəkərne aka Madiyan

¹ Kə MARIKI oloku Musa:

² «Məlukşə aMadiyan ayək ηa aYisrayel. Kə tencepər-ε, mənəfi.»

³ Kə Musa oloku aYisrayel: «Afum nənə daco ηələk yosutnənə, ηəkə ηawəkərne aMadiyan kəsutənə, nte tənşənə nəlukşə ayək nηe MARIKI oloku kəlukşə ηa mə.

⁴ Nəyək-yək afum wul win (1.000) kusunka o kusunka ka Yisrayel.»

⁵ K'ayək-yək cusunka ca Yisrayel fəp arkun asutənə wul wəco kə mərəη (12.000).

⁶ Kə Musa ənkekərə arkun akanə wul win (1.000) kusunka o kusunka dəkəsutənə kələkənə Finehas wan ka wəlonə Elasar, nwe enatəmpər yosumpər-sumpər yopus ya anğbip ηosoku kə luk nyə awənə teta kəlonkanə mə.

⁷ Kə ηələk yosutnənə kə ηawəkərne aMadiyan pəmə nte MARIKI enasom ti Musa mə: Kə ηandifət arkun aMadiyan fəp.

⁸ Kə ηandiftənə abe aMadiyan anə kəcamət: Ewy, Reke, Cur, Hur, Reba, kə ηandifənə sə Balam wan ka Behor.

⁹ Kə aka Yisrayel ηasumpər aran kə awut aMadiyan dacar kə ηafonət yəcəl kə daka danan fəp.

¹⁰ Kə ηancəfət sədare sənan səpən kə madare manan.

¹¹ Kə ηənkekərə daka da Madiyan fəp, kələk afum han yəcəl yanən nyə ηanasumpər mə.

¹² Kə ηənkekərə acar anə ηanasumpər dəkəwan kə daka dəkə ηanalək mə, kə ηamentər yi Musa, wəlonə Elasar kə kəlonkanə ka aka Yisrayel anə ηanandə nde tēgbərə ta Mohab nde Yurden kəsək, ηatəfərne Yeriko mə.

¹³ Musa, wəlonə Elasar kə akirin a kəlonkanə ka Yisrayel fəp ηawur kəkəfaynə ηa sanka tadarən.

¹⁴ Kə pəntələ Musa nnə akirin a cəgba ca asutənə wul win (1.000), kə ca asutənə tasar tin (100) a dəkəwan anə ηanalukus mə.

¹⁵ Kə Musa oloku: «Ta ake tə nəntədiftə aran akanə fəp-ε?

¹⁶ Aran akanə, moloku ma Balam disrə ηasənə aka Yisrayel kəcəmə MARIKI dəbəkək teta Peyər. Ti tənəsənə pəcuy pəsətə kəlonkanə ka MARIKI.

¹⁷ Ndekəl on nədifət awut arkun aMadiyan kə aran fəp anə arkun ηafəntərər mə.

¹⁸ Mba ayecəra anə arkun ηantatəfəntərər mə, nəmənəkərne ηa, akonu.

¹⁹ Kə nənə, nwe o nwe endif fum kə pəyənə fə ti pəgbunənə wəfi mə, pəyi nnə sanka tadarən, ηandesəkəsne kiciya kənan tataka ta maas kə ta camət-mərəη kə acar anu.

²⁰ Nəndesəkəs sə yamos fəp, ca ya akata, ca nyə anjlompşə cəfon ca cir mə, kə yosumpər-sumpər nyə alompşə tək mə.»

²¹ Kə wəlonə Elasar oloku asədar anə ηanakə dəkəwan mə: «Tantə tə sariyə nşə MARIKI osom Musa mə səloku:

²² Kəma, gbeti, kəpər, afec, yoku kə sumbu,

²³ ca nyə yəntam nənə mə fəp, nəcəf yi, a nədesəkşə yi domun dəsəkşə. Nyə yəntətam nənə mə, domun nde dənşəkəs mə d'andesəkşə yi.

²⁴ Nəyak yamos yonu tataka ta camət-mərəη, nəşək tēm tatəkə. Kə tencepər-ε, nəntam kəberə dəsənka.»

Teyer ta daka nde ηanasətə dəkəwan mə

²⁵ Kə MARIKI oloku Musa:

²⁶ «Məna, wəloŋne Elasar kə akiriŋ a dəcor aka kəloŋkanə, nələm daka nde nəsəto dəkəwan mə, afum kə yəcəl nye nəsumpər mə fəp.

²⁷ Nəyer daka nde nəsəto dəkəwan mə asutene kə aka kəloŋkanə.

²⁸ Yəsəto ya asutene dacə, nye yəyənə ya MARIKI. Fum wəkin afum masar kəcamət (500) dacə, wana win cəna masar kəcamət (500) dacə, aŋkesiya ŋin ŋkesiya masar kəcamət (500) dacə, wir win cir masar kəcamət (500) dacə yəyənə ya MARIKI.

²⁹ Nəsəŋ wəloŋne Elasar yəsəto yayəkə ambele ina MARIKI mə.

³⁰ Daka dəkə aŋsəŋ aka Yisrayel mə, nəwure fum wəkin afum wəco kəcamət (50) dacə, pəcəl pin wəco kəcamət (50) dacə, kəyefe cəna, ŋkesiya, səfale, cir kəbəp ka yəcəl yelpəs yəkə nəsəŋ yayəkə aLewy aŋe ŋantəmpər kəbum ka dəkiyi dosoku dem mə.»

³¹ Musa kə wəloŋne Elasar ŋayə təkə MARIKI enasom Musa mə.

³² Yəcəl nye asutene ŋanafəŋət dəkəwan mə: Delay da ŋkesiya kə cir dənabəp wul masar camət-tin, wəco camət-məreŋ kə kəcamət (675.000).

³³ Delay da cəna dənabəp wul wəco camət-məreŋ kə məreŋ (72.000).

³⁴ Delay da səfale dənabəp wul wəco camət-tin kə pin (61.000),

³⁵ kə aran wul wəco maas kə məreŋ (32.000) aŋe arkun ŋanatəfəntərər mə.

³⁶ Yəcəl yefet nye y'anasəŋ asutene: Ŋkesiya kə cir wul masar maas wəco maas kə camət-məreŋ, masar kəcamət (337.500).

³⁷ Yəcəl nye anabelər ya MARIKI mə yenabəp masar camət-tin, wəco camət-məreŋ kə kəcamət (675).

³⁸ Cəna wul wəco maas kə camət-tin (36.000), k'ambelə MARIKI wəco camət-məreŋ kə məreŋ (72).

³⁹ Səfale wul wəco maas, masar kəcamət (30.500), k'ambelə MARIKI wəco camət-tin kə pin (61).

⁴⁰ Afum wul wəco kə camət-tin (16.000) k'ambelə MARIKI wəco maas kə məreŋ (32).

⁴¹ Kə Musa əsəŋ wəloŋne Elasar yəsəto nye pənamar pasəŋ MARIKI mə, pəmə təkə MARIKI enasom ti Musa mə.

⁴² Yəsəto yəkə pənamar pasəŋ aYisrayel mə, nye Musa enabelər yəsəto ya asutene dacə mə,

⁴³ ŋkesiya kə cir yenabəp wul masar maas wəco maas kə camət-məreŋ, masar kəcamət (337.500),

⁴⁴ cəna cənabəp wul wəco maas kə camət-tin (36.000),

⁴⁵ səfale sənabəp wul wəco maas, masar kəcamət (30.500),

⁴⁶ kə afum ŋanabəp wul wəco kə camət-tin (16.000).

⁴⁷ Yəsəto yəkə pənamar pasəŋ aYisrayel mə, kə Musa owure pəsəto mpə o mpə dacə, pin wəco kəcamət (50) disre, k'əsəŋ aLewy aŋe ŋantəmpər kəbum ka dəkiyi dosoku da MARIKI mə, pəmə təkə MARIKI enasom ti Musa mə.

Yəsəto ya dəkəwan nye anapoce Kanu mə

⁴⁸ Akiriŋ a asutene tasar tin (100), akiriŋ a asutene wul win (1.000) ŋander ŋabəp Musa,

⁴⁹ kə ŋaloku kə: «Sələm asutene aŋe sənasołe mə. Ali wəkin ombut fe su dacə.

⁵⁰ Fəp fosu səmpoce-poce MARIKI ca ya kəma nye səsəto dəkəwan mə, kəyefe yegbekne, cəsora, curunde ca tamp, kəbəp yadələŋəs kə ca ya kəma yələma, nte təŋsəŋe patubucne kəsəkəs səna yati kiciya kosu MARIKI fər kiriŋ mə.»

⁵¹ Musa kə wəloŋne Elasar ŋasətər asutene kəma, ca fəp yegbec.

⁵² Delel da kəma fəp nke akiriŋ a asutene tasar tin (100), asutene wul win (1.000) ŋanasəŋ MARIKI mə, dənabəp kilo tasar tin kə wəco camət-məreŋ (170).

⁵³ Asutene, ŋa ŋanameŋkərne yəsəto yaŋan nye ŋanafəŋət mə.

⁵⁴ Musa kə wəloŋne Elasar ŋambaŋ kəma nke akiriŋ a asutene tasar tin (100) kə asutene wul win (1.000) ŋaŋkerə ŋa mə, kə ŋamber yi nde aŋgbancan ŋebəpene kə Kanu, nte təŋsəŋe təyənə təcəmçəməs ta MARIKI teta aka Yisrayel mə.

32

Cusuŋka maas cəndə kəca nke dec dempe Yurden mə

¹ Aka kusuŋka ka Ruben kə ka Kad ŋanayɔ yɔcɔl yelərəm. Kə ŋanəŋk a antɔf ŋa Yaser kə ŋa Kalad ŋentesə kəcɔl.

² Kə aka cusuŋka ca Kad kə Ruben ŋander ŋaloku Musa, wəlonŋe Elasar kə akirinŋ a kəlonkane:

³ «Atarot, Dibəŋ, Yaser, Nimra, Hesbon, Eleyale, Sebam, Nebo kə Beyəŋ,

⁴ sədare nse kəlonkane ka Yisrayel ŋasut kəmar ka MARIKI disre mə fəp. Atɔf ŋanəŋe ŋentesə kəcɔl. Səna, acar am, səyɔ yɔcɔl.»

⁵ Kə ŋaloku: «Kə tɔyɔne məcwosə-ε, Musa məsəŋ səna kəyer disre atɔf ŋanəŋ. Ta məcepərəne su kəŋgbəkə ka Yurden.»

⁶ Kə Musa eyif aka kusuŋka ka Kad kə ka Ruben: «Awenc anu aŋa ŋande ŋackə dəkəwan, nəna nənde nno ba?

⁷ Ta ake tɔ nəfan kəberε aYisrayel abɔc kəkə atɔf ŋnε MARIKI əsəŋ ŋa mə-ε?

⁸ Tante tɔ awisi aŋa ŋanayɔ, nte inasom Kadε Barneya mə, kəkəkəkce atɔf ŋa Kanaŋ mə.

⁹ Kə ŋanəkə nde dəŋgbəl da Əskəl, nte ŋanəkəkce atɔf mə, kə ŋamber aYisrayel abɔc kətəberε atɔf ŋnε MARIKI eyi kəsəŋ ŋa mə.

¹⁰ Kə pəntele MARIKI dəsək dadəkə, k'enderəm:

¹¹ «Arkun aŋe ŋanape kəyεfe ka Misira mə, kələk ka meren wəco mərəŋ (20) haŋ kəcepər ka ti, ŋafədenəŋk atɔf ŋnε inadərəm kəsəŋ Abraham, Siyaka kə Yakuba mə, bawo ŋalələs fe dim dem.

¹² Mənε Kaləb wan ka Yefune wəka kor ka Kenisi kə Yosuwe wan ka Nun, ŋa ŋadenəŋk atɔf ŋanəkə, bawo ŋa ŋalələs dim da MARIKI.»

¹³ Kə pəntele MARIKI nno aka Yisrayel ŋayi mə, k'əsəŋe ŋa kənəŋkər-nəŋkər nno dətegbərə meren wəco maŋkələ (40) haŋ kə detemp nde dənayɔ təkə təntəbət MARIKI mə ŋalip kəməlke.

¹⁴ Kə nəna, nəlek sɔ dəkəcəme da awisi aŋa, pəmə yəpəsər ya kətək nəyɔne kəgba ka aciya, nənəcər mətele ma MARIKI nno aka Yisrayel ŋayi mə!

¹⁵ Nəna aka cusuŋka ca Kad kə Ruben, kə nəntələləs dim da MARIKI-ε, εŋsak sɔ afum asu nno dətegbərə, nəsəŋe ŋa kəməlke.»

¹⁶ Kə aka cusuŋka aŋe ŋalətərne Musa kə ŋaloku kə: «Kule ka ŋkesiya kə cir cosu kə səfan kəlonpəs nno kə dəkiyi da afum asu aka dəwələ.

¹⁷ Kə səlip-ε, səlek yosutnəne səcəme aYisrayel tekirinŋ, haŋ səkekərə ŋa mofɔ maŋan mende. Aka wələ wosu disre ŋandende sədare nse ambum mə, teta afum aŋe anabanər atɔf mə.

¹⁸ Səfəluku nno ndorosu ta aka Yisrayel ŋasətə nwe o nwe ke kən-ε.

¹⁹ Səna səfəkəsətə paka dəke kəŋan nde kəŋgbəkə ka Yurden tadarəŋ, bawo səna səsətə ke kəca nke dec dempe Yurden mə.»

²⁰ Kə Musa oloku ŋa: «Kə nəyɔ tatəkə, kə nəlek yosutnəne nəcəme MARIKI tekirinŋ kəkə dəkəwan,

²¹ nəlek fəp fonu yosutnəne nəcali Yurden MARIKI fər kirinŋ, nəyi di haŋ MARIKI pəlip kəbeləs aterεne ən-ε,

²² kə nəndeluku tēm nte atɔf ŋendeyi kətam ka MARIKI dəntɔf mə-ε, awa, tēm tatəkə gbəcərəm, tonu telip nno MARIKI kə aka Yisrayel ŋayi mə. Tēm tatəkə yati atɔf ŋanəŋe ŋəyɔne ŋə ŋonu kəwosε ka MARIKI.

²³ Mba kə nəntəyɔ tatəkə-ε, nənciya MARIKI, nəcərə a kiciya konu kəŋluku sərne nu.

²⁴ Nəcəmbər dəkiyi da afum anu aka dəwələ kə kule ka ŋkesiya kə cir conu, nəyɔ sɔ təkə towur nu dəcusu mə.»

²⁵ Aka kusuŋka ka Kad kə ka Ruben ŋaloku Musa: «Acar am ŋə səyɔne, Mariki, təkə məluku mə, tɔ səndeyɔ.

²⁶ Aran asu kə awut, yəcəl yosu fəp yendeyi sədare sa Kalad.

²⁷ Fəp fosu səndelek yosutnənə səkə dəkəwan kəsom ka MARIKI pəmə təkə məloku ti mə.»

²⁸ Kə Musa osom tetanjan wəlonjə Elasar, Yosuwe wan ka Nun kə akirinj a wəlo wa cusunja ca Yisrayel.

²⁹ Kə Musa oloku ja: «Kə aka cusunja ca Kad kə Ruben njancali kəngbəkə ka Yurdən kə nəna-ε, kə fəp fanjan njalek yosutnənə kəkə dəkəwan pəmə təkə MARIKI osom ti mə, kə atəf njeyi kətam konu dəntəf-ε, nəsonj ja atəf ja Kalad kə.

³⁰ Mba kə njantələk yosutnənə njacali kə nəna-ε, njasətə kə ka antəf nəna dacə nnə Kananj.»

³¹ Aka cusunja ca Kad kə Ruben njaloku: «Ntə MARIKI oloku su mə, səndeyə ti.

³² Səndelek yosutnənə pəmə təkə MARIKI oloku ti mə, səberε Kananj. Mba səna, nnə kəca nkε dec dəmpε Yurdən mə sədesətə kə ka antəf.»

³³ Kə Musa əsonj aka cusunja ca Kad kə Ruben kə kusunja dacə ka Manase wan ka Isifu atəf ja Sihənj wəbε wəka Amor, atəf ja Ək wəbε ka Basan, atəf kə sədare sayi, kə antəf njəkə njənkəl sədare sasəkə mə fəp.

³⁴ Kə aka kusunja ka Kad njancəmbər Dibənj, Atarot, Arower,

³⁵ Atarot Sofan, Yaser, Yokboha,

³⁶ Bet Nimra kə Bet Haranj sədare sa səkət, kulε ka njkesiya kə cir cənan.

³⁷ Kə aka kusunja ka Ruben njancəmbər Hesbon, Eleyale, kə Kiriyaatayim,

³⁸ Nebo kə Bal Meyənj, sədare nse anader pasəkpər mewe mə, kə Sibima. Kə njasonj sədare səkə njancəmbər mə mewe.

³⁹ Aka kor ka Makir wan ka Manase njənkə Kalad kə pəyənε di ndaranjan. Kə njambənjər di aka Amor akə njanandε di mə.

⁴⁰ Kə Musa əsonj atəf ja Kalad Makir wan ka Manase kə wəkəkə endε di.

⁴¹ Yahir wan ka Manase, ənkə pələk madare ma aka Amor mələma, k'ewe di madare ma cəbal ma Yahir.

⁴² Noba nkən sə ənkə pəwəkərne Kenat kə madare mme məsənkənε di mə, k'əsonj di tewe tən Noba.

33

Mofə məcəmbərəs ma aYisrayel ntε njanawur Misira mə

¹ Mofə mecepe-cepε ma aYisrayel mə mame ntε njanawur Misira cəgba kə cəgba, Musa kə Aruna njasolε ja mə.

² Kə Musa encic mewe ma mofə mme njancəmbərəs mə, kəsom ka MARIKI.

³ Kə njayefε Ramses njof njəcəkə-cəkə, tataka ta wəco kə kəcəmət ta njof njəcəkə-cəkə. Dəckəsək da kəcəpər ka mələkε medif, kə aYisrayel njawur yənjən fər ya aka Misira fəp kirinj.

⁴ Təm tatəkə tə aka Misira njancwup awut anjan acəkə-cəkə akə njanafir ja mə. Kə MARIKI ombocər canu ca Misira kiti.

⁵ Kə aka Yisrayel njayefε Ramses kə njənkə njacəmbər sanja nde Sukət.

⁶ Kə njayefε Sukət kə njənkə njacəmbərəs Etam njε njeyi təgbərə kəsək mə.

⁷ Kə njayefε Etam kə njaluksərne kəca ka Pi Hirət nde pəntefərəne Bal Cefənj mə kə njənkə njacəmbərəs Mikədəl.

⁸ Kə njayefε Pi Hirət kə njancali kəba ka Cənkəlma kə njənkə dətegbərə. Kə njənkət mata maas təgbərə ta Etam disrε, kə njənkə njandε Mara.

⁹ Kə njayefε Mara kə njənkə Elim. Cələmp wəco kə mərənj (12) cənayi Elim kə komp wəco camət-mərənj (70) dəndo njanacəmbərəs.

¹⁰ Kə njayefε Elim kə njənkə njacəmbərəs kəba ka Cənkəlma kəsək.

¹¹ Kə njayefε dəndo kəba ka Cənkəlma, kə njənkə njacəmbərəs təgbərə ta Sin.

¹² Kə njayefε təgbərə ta Sin kə njənkə njacəmbərəs Dofka.

¹³ Kə njayefε Dofka kə njənkə njandε Alus.

- 14 Kə nəyefə Alus kə nənkə nəcəmbərəs Refidim, nde afum nənatəsətə domun domun mə.
- 15 Kə nəyefə Refidim kə nənkə nəcəmbərəs təgbərə ta Sinayi.
- 16 Kə nəyefə təgbərə ta Sinayi kə nənkə nəcəmbərəs Kibərot Tawa.
- 17 Kə nəyefə Kibərot Tawa kə nənkə nəcəmbərəs Hacerot.
- 18 Kə nəyefə Hacerot kə nənkə nəcəmbərəs Ritma.
- 19 Kə nəyefə Ritma kə nənkə nəcəmbərəs Rimon Pəreç.
- 20 Kə nəyefə Rimon Pəreç kə nənkə nəcəmbərəs Libna.
- 21 Kə nəyefə Libna kə nənkə nəcəmbərəs Risa.
- 22 Kə nəyefə Risa kə nənkə nəcəmbərəs Kelata.
- 23 Kə nəyefə Kelata kə nənkə nəcəmbərəs nde tərə ta Səfer.
- 24 Kə nəyefə tərə ta Səfer kə nənkə nəcəmbərəs Harada.
- 25 Kə nəyefə Harada kə nənkə nəcəmbərəs Makelot.
- 26 Kə nəyefə Makelot kə nənkə nəcəmbərəs Tahat.
- 27 Kə nəyefə Tahat kə nənkə nəcəmbərəs Tara.
- 28 Kə nəyefə Tara kə nənkə nəcəmbərəs Mitka.
- 29 Kə nəyefə Mitka kə nənkə nəcəmbərəs Hasemona.
- 30 Kə nəyefə Hasemona kə nənkə nəcəmbərəs Moserot.
- 31 Kə nəyefə Moserot kə nənkə nəcəmbərəs Bene Yakan.
- 32 Kə nəyefə Bene Yakan kə nənkə nəcəmbərəs Hor Kidkad.
- 33 Kə nəyefə Hor Kidkad kə nənkə nəcəmbərəs Yotbata.
- 34 Kə nəyefə Yotbata kə nənkə nəcəmbərəs Abərona.
- 35 Kə nəyefə Abərona kə nənkə nəcəmbərəs Eciyə Keber.
- 36 Kə nəyefə Eciyə Keber kə nənkə nəcəmbərəs təgbərə ta Cin nde Kadəs.
- 37 Kə nəyefə Kadəs kə nənkə nəcəmbərəs nde tərə ta Hor nde Edəm kəsək.
- 38 Kə wəloyyə Aruna empe nde tərə ta Hor kəron kəsom ka MARIKI disre, k'ənkə pəfi di teren ta wəco mənkələ (40) kəwur ka aka Yisrayel Misira, tataka təcək-cəkə ta nəf nə kəcəmət.
- 39 Aruna ənasətə meren tasar tin wəco mərəş kə maas (123) nte encfi nde tərə ta Hor mə.
- 40 WəKanaş ənayı nwe ənayıne wəbe wəka dare da Arad, pənde Nəkəf mə. Nkən ənane taş kəder ka aYisrayel.
- 41 Kə nəyefə tərə ta Hor kə nənkə nəcəmbərəs Calmona.
- 42 Kə nəyefə Calmona kə nənkə nəcəmbərəs Punon.
- 43 Kə nəyefə Punon kə nənkə nəcəmbərəs Obot.
- 44 Kə nəyefə Obot kə nənkə nəcəmbərəs Iye Abarim, nde kələncər ka Mohab.
- 45 Kə nəyefə Iyim kə nənkə nəcəmbərəs Dibəş Kad.
- 46 Kə nəyefə Dibəş Kad kə nənkə nəcəmbərəs Almon Diblatayim.
- 47 Kə nəyefə Almon Diblatayim kə nənkə nəcəmbərəs nde tərə ta Abarim nde pəntəfərəne Nebo mə.
- 48 Kə nəyefə tərə ta Abarim kə nənkə nəcəmbərəs nde təgbərə ta Mohab, kəşgəkə ka Yurden kəsək nde pəntəfərəne Yeriko mə.
- 49 Kə nənkə nənde Yurden kəsək, kəyefə Bet Yesimət haş Abel Sitim nde təgbərə ta Mohab.
- Kəsom ka MARIKI teta kəyer ka atəf nə Kanaş*
- 50 Nde təgbərə ta Mohab, nde kəşgəkə ka Yurden kəsək nde pəntəfərəne kə Yeriko mə, kə MARIKI oloku Musa:
- 51 «Mələku aYisrayel: Kə nənkəcepər Yurden kəberə ka atəf nə Kanaş-ə,
- 52 nəkə nəbəşər afum akə nənde atəf nəşəkə mə fəp, nəmələk masar maşan məpat motontnəne, nəmələk mərəşka maşan ma fəç yegbəc, nələsər sə mofə məsali dəməro mme nəmpuse canu cəşan mə.
- 53 Nəbəş atəf nənde nə, isəş nu atəf nəşəkə nte təşşəşə nəyəne nu kə mə.

⁵⁴ Nəkot yampunpun nəyer atəf nne nyoəne ke konu mə, dəcor dəcor. Nəbekene ntəf təkə nəlanene mə, akə njala mə, nəson ja ke ka antəf nke kəmbək mə. Anje nampice mə, nəson ja ke ka antəf nke kəmpice mə. Cusunka nce o nce nbañ da yampunpun yənsəñ ja mə. Nəbañ ntəf yayəkə yəyone nu ke ka dəcusunka.

⁵⁵ Kə nəntəbeləs afum anje nande atəf njanəkə fəp fəp yonu kirin-ε, afum akə nənsak mə, nandekətərəs nu pəmə nte paka pəmbere fum dəfər mə kə pəyone fe ti beñk nyε yənsə-səs cumunt mə. Nande naktərəs nu sədare nse nənde mə.

⁵⁶ Inyo nu təkə inacem-cemne kəyə ja mə.»

34

Cələncər ca Kanañ

¹ Kə MARIKI oloku Musa:

² «Məsom aYisrayel nte, məloku ja: Kə nəndekəbere Kanañ-ε, antəf nyε isəñ nu ke mə, cələncər ca ni cə cance:

³ Kəca kətət kə mənəfərne nde dec dəmpε mə, antəf njonu njanəkəcor tēgbəre ta Cin kə atəf ja Edəm. Kələncər konu kəñkəcor kəca kətət ka kəba Kədokət kə mənəfərne nde dec dəmpε mə.

⁴ Kəkə kəkafələr ntende kəca kətət ka dəkəpe da Mekələncər, kəsolne kəca ka Cin, kəkəcepər kəca kətət ka Kadəs Barneya, kəkə kəcepər sə Hacı Adar kə Acmon,

⁵ kəkəkafələr sə Acmon hañ kəkə kəsumpər dəngbəl da Misira a kədewur nde dəkəba.

⁶ Kələncər konu ntende dec dəñkalε mə, kəkəyone kəba Kəpəñ.

⁷ Ntende kəca kəmeriya kə mənəfərne nde dec dəmpε mə, kəyefe nde kəba Kəpəñ, nəcic ki hañ nde tərə ta Hor.

⁸ Kəyefe nde tərə ta Hor, nəcic ki kəcepər dəkəbere da Lebo Hamat nte tənsonje kəbər Cedad mə.

⁹ Kələncər kañkə kəkə ta Sifron hañ kəkə kəsumpər Hacı Enan: Kələncər konu ka kəca kəmeriya kə kañkə.

¹⁰ Nəcic kələncər konu ntende dec dəmpε mə, kəyefe Hacı Enan hañ Sefam,

¹¹ kələncər kañkə kətor kəyefe Sefam kəkə Ribla kəca nke dec dəmpε Ayin mə, kələncər kañkə kətor kəgbunene dobo da kəba ka Kineret ntende dec dəmpε mə.

¹² Kələncər kañkə kətor sə Yurden, kəkə kəsumpər kəba Kədokət.

Atəf njonu njanəkə kə cələncər nce cənəñkər ni mə.»

¹³ Kə Musa osom aYisrayel nte: «Atəf njanəkə njo nəñkəyerene dəyampunpun, antəf nne MARIKI əson payer cusunka nce camət-manəkəle kə dacə mə.

¹⁴ Bawo kusunka ka Ruben dəcor kə dəcor, kusunka ka Kad dəcor kə dəcor nəsətə ke kəñan ka antəf, kə kusunka dacə ka Manase sə kəsətə ke kəñan ka antəf.

¹⁵ Cusunka cance mərəñ kə kusunka dacə ka Manase nənasətə ke kəñan ka antəf kəca nke dec dəmpε Yurden nde pətəfərene Yeriko mə.»

Mewe ma afum akə njanatəmpər teta kəyer ka antəf ja Kanañ mə

¹⁶ Kə MARIKI oloku Musa:

¹⁷ «Mewe ma afum mə mamε, anje njanəkəyer nu antəf mə. Wəlonne Elasar kə Yosuwe wan ka Nun.

¹⁸ Nədəkə nəlek wəkiriñ wəkin ka kusunka o kusunka, teta kəyer ka antəf.

¹⁹ Mewe ma afum akañε mə mamε:

Kusunka ka Yuda: Kaləb wan ka Yefune,

²⁰ Kusunka ka Simeyən: Semuwəl wan ka Amihud.

²¹ Kusunka ka Bənyamin: Elidad wan ka Kislon.

²² Kusunka ka Dan: Buki wan ka Yokəli.

²³ Kusunka ka Isifu, kor ka Manase: Wəkiriñ Haniyel wan ka Efod.

²⁴ Kusunka ka Efrayim: Kemuyəl wan ka Siftan.

25 Kusun̄ka ka Sabulon: Wəkirin̄ Elicafan wan ka Parnak.

26 Kusun̄ka ka Isakar: Paltiyel wan ka Asan.

27 Kusun̄ka ka Aser: Ahihud wan ka Selomi.

28 Kusun̄ka ka Naftali: Pedahel wan ka Amihud.»

29 Afum akan̄e ɲə MARIKI enasom kəyer ka antəf ɲa Kanan̄ aYisrayel.

35

Sədare sa aLewy

1 Nde tɛgbərə ta Mohab, nde Yurdən kəsək, nde pəntəfərəne kə Yeriko mə, kə MARIKI oloku Musa:

2 «Məsom aYisrayel, ɲasəɲ aLewy ke ka antəf dəntəf yaɲan disre, sədare nse ɲantam kənde mə, nəsəɲ ɲa sə ntəf nyɛ yɛɲkel si mə, yɔcəl yaɲan yɔcsətə dəkəsəmət.

3 ALewy ɲande sədare sasəkə, ntəf yəkə yɛɲkel ɲa mə yɔyənɛ dəkəsəmət da yɔcəl yaɲan, pətət paɲan kə pa yɔcəl yaɲan.

4 Ntəf yəkə yɛɲkel sədare səɲan, nyɛ nəndesəɲ ɲa mə, pəmar yɔyə dowokulu da mətər masar kəcamət (500) haɲ pənəɲkər.

5 Teta dəkəsəmət da yɔcəl yayəkə nətubuc kəyefe ka damba nde deɲkel dare mə, kəkə ntende dec dəmpɛ mətər wul win (1.000) kə nde deɲkale sə mə, mətər wul win (1.000), kəca kətət mətər wul win (1.000) kə kəmeriya mətər wul win (1.000), dare deyi dacə.

6 Nəsəɲ aLewy sədare səyacne camət-tin nse wədif fum ta eyefene ti, entam kəyeksɛ pəkə mə. Nəsəɲ ɲa sə sədare wəco maɲkələ kə mɛrəɲ (42).

7 Sədare nse pəmar pasəɲ aLewy mə: Sədare wəco maɲkələ kə camət-maas (48) kə cəsək ca si teta dəkəsəmət da yɔcəl yaɲan.

8 Sədare nse nəndesəɲ aLewy mə, təkə cusun̄ka cəɲlanɛne kəsətə ntəf mə, tə cəndelanɛne sə kəsəɲ aLewy ntəf. Kusun̄ka nke kəɲsətə pəlarəm mə kəsəɲ pəlarəm, nke kəɲsətə pipic mə kəsəɲ pipic.»

Sədare səyacne

9 Kə MARIKI oloku Musa:

10 «Məloku aYisrayel: Kə nəncali Yurdən nəcbere Kanan̄-ɛ,

11 nəyɛk-yɛk sədare nse səndeyənɛ nu sədare səyacne mə, nte təɲsəɲɛ nwe endif fum ta eyefene ti, ɛɲyeksɛ pəkə pəyacne mə.

12 Sədare sasəkə səndeyənɛ nu səyacne, wəlukse ayɛk. Ti disre, wədif fum əfəfi ta kəlon̄kanɛ kəntakiti kə-ɛ.

13 Sədare camət-tin nse nəndesəɲ mə, səndeyənɛ nu səyacne.

14 Nəsəɲ sədare maas ntende dec dəmpɛ Yurdən mə, sədare maas nde Kanan̄: Sədare sasəkə səyənɛ nu səyacne.

15 Sədare sasəkə camət-tin səyənɛ səyacne sa aYisrayel, acikəra andɛ kə acepərəne tɛm aɲɛ ɲayi nu dacə mə, nwe o nwe endif fum ta eyefene ti mə, entam kəyeksɛ pəkə pəyacne di.

16 Kə fum eyefene ti, pəsute wənc paka pa afɛc təsəɲɛ kə kəfi-ɛ, wədif fum əfə, mənɛ padif wəkəkə.

17 Kə fum ɛncanɛ wənc tasar təsəɲɛ kə kəfi-ɛ, wədif fum əfə. Mənɛ padif fum wəkəkə.

18 Kə fum osute wənc paka pa kətək təsəɲɛ kə kəfi-ɛ, wədif fum əfə. Mənɛ padif wəkəkə.

19 Wəlukse ayɛk ɲa wəfi, əncəkənbəp wədif fum wəkəkə, pədif kə.

20 Kə təyənɛ fum pəwɛn wənc kətər disre, kə pəyənɛ fe ti pəca kə paka pələm təsəɲɛ wəkəkə kəfi-ɛ,

21 kə pəyənɛ fe ti pəcaɲ kə aɲkulma kantera disre təsəɲɛ wəkayi kəfi-ɛ, padif wəcaɲ kən aɲkulma, wədif fum əfə. Wəlukse ayɛk ɲa wəfi əncəkənbəp kə, pədif kə.

22 Mba kə fum ɛwɛn wənc kətəyefene disre kə pəyənɛ fe ti pəca kə paka pələm kətəyefene disre-ɛ,

- ²³ Kə təyənə pəca kə tasar kətəyefənə disrə, təsənjə kə kəfi mba ta njanaterənə, ta entən kəyə kə pələc-ε,
- ²⁴ kəlonkanə kəboc kiti wədif fum kə wəlukse ayək nja wəfi daco.
- ²⁵ Kə kəlonkanə kəbanj wədif fum wəlukse ayək nja wəfi dəwaca. Kəlonkanə kəlukse wədif fum wəkakə dare dəkə enayekse pəkə pəyacnə mə.
- Pəyi di hanj wəlonjə wəpənj nwe enasətə kəbəy ka moro ma dəKanū mə, pəfi.
- ²⁶ Kə wədif fum owur cələncər ca dare nde enayekse pəyacnə mə,
- ²⁷ təyənə wəlukse ayək nja wəfi pəbəp kə cələncər ca dare dəyacnə todoru-ε, wəlukse ayək pədif kə-ε, esarə fə teta defi dən.
- ²⁸ Bawo pəmar wədif fum nwe pəyi dare dəyacnə disrə hanj wəlonjə wəpənj pəfi. Kə tencepər-ε, wədif fum nwe entam kəlukus nde dare dən dokur.
- ²⁹ Nəde nəcleləs sariyə sanjə dətəmp kə dətəmp nnə o nnə nəndeyi mə.
- ³⁰ Kə təyənə fum pədif wənc kəyefənə disrə-ε, padif wədif fum wəkakə, kə sede alarəm njalok-liku-ε, toloku ta sede sin təfəsənjə padif wədif fum wəkakə.
- ³¹ Ta nəde nəcwosə kəpocə kələc teta kəkafəli pəlompu. Ta nəjanjənə wədif fum nwe pəmar padif mə, mənə padif kə.
- ³² Ta nədesə nəcwosə kəpocə nəjanjənə wədif fum pəlukus dare dən dokur ta wəlonjə wəpənj entafi-ε.
- ³³ Ta nəyik-yikəs atəf nəkə nəjyi mə. Bawo k'andif fum-ε, tənəsənjə atəf kəyik-yik, mecir ma wədif ka fum gbəcərəm mə antam kəsəksə ka atəf njə andif fum mə.
- ³⁴ Ta nəde nəcyik-yikəs atəf njə nəndendə mə, difə ində nu daco: MARIKI iyənə, ində aka Yisrayel daco.»

36

Aran anjə njalək kə ka kas kəjan mə, mənə njalə kusunja kəjan disrə

- ¹ Kə akirin a kor ka Kalad, wan ka Makir wəka Manase, nwe əyənə wəka kusunja ka Isifu mə, njander njaloku fər ya Musa kirin, akirin a cusunja kə akirin a cor ca Yisrayel.
- ² Kə njander njaloku: «Mariki mem, MARIKI osom əm kəsənj dəyampunpun atəf njəyənə kə ka aYisrayel. Kə məsətər sə MARIKI kəsənj ka kə ka Celofad wənc kosu, awut ən aran.
- ³ Kə təyənə wəka kusunja kələma aYisrayel daco pənəncə kə-ε, pələc pampə pentam kəbəp su təm tatəkə, bawo kə kosu kəndebele antəf nja kusunja kosu, kədenjər ka kə ka kusunja ka awos anja. Ti disrə, kə nkə yampunpun yenasənj su mə kəmbelə.
- ⁴ Tedenjər ta ti, kə teren ta Kəkul-kulənə Pəbotu* təmbəp-ε, kə kəjan ka antəf kəndebele dəkə ka kusunja kosu kədenjərənə ka awos anja.»
- ⁵ Kə Musa osom aYisrayel kəsom ka MARIKI disrə, k'oloku: «Aka kusunja ka Isifu njaloku kance.
- ⁶ Ntə tə MARIKI osom awut aran a Celofad: Njalə nwe njanfaj pənəncə nja mə, mba təcyənə a wərkun wəkayi pəcyənə wəka kusunja ka kas kəjan.
- ⁷ Tənjənə təm tatəkə, kə ka antəf nja Yisrayel kəfəyefə kəkə kədenjərənə kə ka kusunja kələma. Kusunja nkə o nkə kətəmpər kə ka antəf njəjan.
- ⁸ Kə təyənə kusunja disrə wəran elək kə ka antəf nja kas-ε, wəka kusunja ka kas pəmar pənəncə kə. Ti disrə, kusunja o kusunja ka Yisrayel kəndetəmpərənə kə ka antəf nkə atəm anjan njanasətə mə.
- ⁹ Kə teyi tatəkə-ε, kə ka antəf nkə o nkə kəfəkə kusunja kələma. Kusunja ka Yisrayel nkə o nkə kəntəmpər kə ka antəf nja akas anja.»
- ¹⁰ Kə awut aran a Celofad njəyə təkə MARIKI enasom Musa mə.
- ¹¹ Mala, Tirsə, Hokələ, Milka kə Noha awut aran a Celofad njaləs-ləs nda awut arkun a akas anjan afət,

* 36:4 Məməmən ALewy 25.10 kə kəcepər.

¹² aka yuruya ya Manase wan ka Isifu daco. Ko ke ka antof najan kayi so ko kusurka ko kor ka apa kajan.

¹³ Tosom ko sariye sanse so MARIKI enaloku Musa kasom aYisrayel nde tɛgbare ta Mohab nde Yurden kasak, nde panteferene ko Yeriko ma.

Tawureta Musa, Buk 5: Sariye Səgbəkəre

Moloku ma kəsəkəs buk ba Musa ba kəcamət: Sariye Səgbəkəre

Buk ba Sariye Səgbəkəre, buk bəlpəs ba səbuk kəcamət sa Tawureta Musa bə bambə. Səbuk kəcamət sasəkə səyənə səcəkə-cəkə sa kədəm kokur ka Kitabu Kətət ka Kanu. CəHebərə, tewe ta buk babəkə təyənə «Moloku». Ancəm-cəmne a Musa ecicəs buk ba Sariye Səgbəkəre, amberenə fə moloku mme aloku teta defi dən mə de. Nte tə yecicəs yəcəkə-cəkə ya buk bambə yoncop: «Moloku mame mə Añnabi Musa enaloku aka Yisrayel fəp.» (Srye 1.1) Kədəm Kəfu ka Kibaru Kətət ka Kanu kəloku sə a Musa ecicəs Sariye Səgbəkəre. Tementər ta ti teyi nde buk ba Kədəm Kəfu ka Kibaru Kətət ka Kanu disre. Sənəñk tementər ta ti nde buk ba Asom disre, sora 3.22-23. Ti disre, Piyer əgbəkəre moloku ma Sariye Səgbəkəre 18.15-18, k'oloku a moloku ma Musa mə. Ti təyənə, acərə mes nalan a Añnabi Musa enacicəs səbuk kəcamət sa Tawureta: Dəkəcop da doru, Kəwur, Sariye s'aLewy, Kəlm kə Sariye Səgbəkəre. Musa enacicəs bi fəp kəyefe meren wul win masar maas (1.300) hañ kəbəp meren wul win masar mañkələ (1.400) ta antakom Yesu Krist-ε.

Anacicəs Sariye Səgbəkəre pəmə kəsek danapa ka wəbe kə dəbe dələma kətam kən dəntəf, pəmə təkə tenayi cəkə-cəkə mə. Tes tetəñne tə nnə Kanu kə aka Yisrayel nayı mə. Kanu kənawosə kəpocə ka aka Yisrayel pətət kə nawosə kəcəmə sariye sən darəñ-ε. Kə aka Yisrayel nafari kəcəmə sariye sa Kanu darəñ-ε, antərəs nja. Moloku mə, mme aṅgbəkəre-gbəkəre dəbuk babəkə mə, mba sora 27-28 səsəkəs ti belbel, səcləm kətolanə kətət kə kətolanə pələc nke nantam kəsətə kəcəmə sariye kə kətəcəmə sariye darəñ ka aka Yisrayel mə. Buk babəkə boloku kədəñk ka kəsek danapa kañkə, nte cusunka ca Yisrayel cənayerenə kəcəmə mərə merəñ kəron, nəclokunə kətolanə pətət kə kətolanə pələc sim səpəñ, kəmentər kəwosə kəjan danapa da Kanu kə afum ən aka Yisrayel.

Teyer ta buk bambə

- 1-3, Añnabi Musa əlm təkə tenacepər nte aka Yisrayel nayı marənt nde dətəgbərə mə.
- 4-26, Alokə Sariye sa danapa nde Kanu kənasek kə aYisrayel mə.
- 27-30, Aka Yisrayel nyaloku pəpəñ kətolanə pətət kə kətolanə pələc kəmentər a danapa dəgbasnja də.
- 31-34, Kə Musa oloku moloku mēlpəs mələma Yosuwe kə cusunka ca Yisrayel fəp, a k'endefi.

Sariye Səgbəkəre

Moloku ma kawandi kəcəkə-cəkə ka Musa

1.1-4.43

¹ Moloku mame mə Añnabi Musa enaloku aka Yisrayel fəp tēm nte njanayi mokuru ma Yurden, nde tēgbərə, nde aranta nōwosu nde pəntəfərəne kə Suf mə, sədare sa Paran: Tofel, Laban, Hacerot kə Disahab dacə.

² Kəkət ka mata wəco kə tin (11) kə, kəyefe ka tərə ta Horeb məsolne ta dəpə da mərə ma Sehīr hañ məkə məberə Kadēs Barneya.

³ Teren ta wəco mañkələ (40) nte aka Yisrayel njanayefe kə njawur Misira mə, tataka tacəkə-cəkə ta nōf nja wəco kə pin (11), kə Musa oloku nja moloku fəp məkə MARIKI enasom kə nnə nayı mə.

⁴ Musa oncloku nja mi tetəñne elip kəsut Sihəñ wəbe ka Amər nwe enandə Hesbon mə, kə Ɔk wəbe ka Basan nwe enandə Astarot kə Edreyi mə.

⁵ Ntende dec dɛmpɛ Yurɔɔn mɔ, nde atɔf ɲa Mohab, kɔ Musa oncop kəsɔksɛr aka Yisrayel Sariye sa Kanu nɛɛ, pɛcloku mame:

Kanu kəsom aka Yisrayel kəkɔ

⁶ «MARIKI Kanu kosu ɛnalok-lokɛr su nde tɔrɔ ta Horeb: Kɛwon konu kɛnde nnɔ tɔrɔ tante kəsɛk kɛntɔɲɛ oɲ.

⁷ Nɔyɛfɛ nəsumpɛr sɔ dɔpɔ nɛkɔ nde tɔrɔ ta aka Amɔr kɔ andɛ aɲan fɛp, nda akɔ ɲande Araba, tɔrɔ kɛron, Sefela, Nɛkɛf, agbɛp ɲa kɛba, haɲ nde atɔf ɲ'aKanaɲ kɔ Libaɲ, haɲ nde ɛfɛrat kɛɲgbɔkɔ kɛpɔɲ.

⁸ Mɛnɔɲk! Isɔɲ nu antɔf ɲaɲɛ! Nɛkɔ nɛbaɲ antɔf ɲɲɛ MARIKI ɛnadɛrmɛ atem anu Abraham, Siyaka kɔ Yakuba kəsɔɲ ɲa kɔ yuruya yaɲan kɔ ɲa ɲancepɛr-ɛ.»

Musa ɛncɛmbɛr aboc kiti

⁹ «Tɛm tante ina Musa icloku nu: Ifɔtam kəsare mes monu sona sem.

¹⁰ MARIKI Kanu konu kəsɔɲɛ nu kɛla, nɛla mɛkɔ pɛmɔ kɛnay ka cɔs ca darenc.

¹¹ Intola MARIKI Kanu ka atem anu kəsɔɲɛ nu sɔ kɛla wul win (1.000) pɛcepɛr tante, pɛpocɛ nu pɛtɔt pɛmɔ tɔkɔ ɛnaloku nu ti mɔ!

¹² Cɛke c'intam kəsare sona sem pɛsare pɛlel pa mɛgbɛkɛlɛnɛ monu-ɛ?

¹³ Nɔyɛk-yɛk nu dacɔ afum aɲɛ ɲancɛrɛ kɛkɔtɛnɛ mes, asoku sɛbomp aɲɛ alelɛs cusuɲka conu disrɛ mɔ, icɛmbɛr ɲa ɲayɔnɛ nu akiriɲ.»

¹⁴ Kɔ nɛlok'im a tɔkɔ mɛncɛm-cɛmnɛ kɛyɔ mɔ, a tentɛsɛ.

¹⁵ K'ilɛk afum akɔ ɲanayɔnɛ akiriɲ a cusuɲka conu mɔ, afum aɲɛ ɲancɛrɛ kɛkɔtɛnɛ mes, aɲɛ afum fɛp ɲalelɛs belbel mɔ, k'incɛmbɛr ɲa, kɔ ɲayɔnɛ akiriɲ anu aka afum wɛco wɛco, akiriɲ aka afum wɛco kɛcamɔt kɛcamɔt (50, 50), akiriɲ aka afum tasar tin tin (100, 100), akiriɲ aka afum wul win win (1.000, 1.000), k'atubuc mes cusuɲka conu disrɛ.

¹⁶ Tɛm tatɔkɔ t'inasom abocɛ anu kiti: «Nɛcɛɲkɛl awɛnc anu aɲa, nɛbocɛ nwe o nwe kiti pɛlompu disrɛ nkɛ pɛmar pabocɛ nkɛn kɔ wɛnc, kɔ pɛyɔnɛ fɛ ti, nkɛn kɔ wɛcikɛra dacɔ mɔ.

¹⁷ Ta nɛde nɛcmɔmɛn cɛrɔ dɛɲkiti de! Nɛcɛɲkɛl fum wɛlel pɛmɔ tɔkɔ nɛncɛɲkɛl wɛfɛfɛr mɔ. Ta fum o fum pɛnɛmpɛɛ nu fɔr, bawo Kanu kɛyɔ kiti. Kɔ kiti kɛlɔma kɛncuca nu-ɛ, nɛkɛn'em ki, ina sɔ icɛɲkɛl.

¹⁸ Tɛm tante, isom nu kɛyɔ mes fɛp mɛmɛ pɛmar nu kɛdeyɔ mɔ.»

Asom afum kɛkɔmɛmɛn atɔfyɔkyɔk

¹⁹ Kɔ sɛyɛfɛ tɔrɔ ta Horeb, sɛnakɔt dɔpɔ da tɔrɔ ta aka Amɔr. Sɛɲkɔ sɛcali tɛgbɛrɛ tɔpɔɲ tɛwɛy-wɛy tatɔkɔ nɛnɔɲk mɔ, pɛmɔ tɔkɔ MARIKI Kanu kosu kɛnasom su ti mɔ. Kɔ sɛnder sɛbɛrɛ Kadɛs Barneya.

²⁰ K'iloku nu: «Nɛmbɛp tɔrɔ ta aka Amɔr mpɛ MARIKI Kanu kosu kəsɔɲ su mɔ.

²¹ Mɛnɔɲk! Fɔr yam kiriɲ MARIKI Kanu kam kəsɔɲ ɛm atɔf ɲaɲɛ. Mɛpɛ mɛkɔ mɛbaɲ ɲi pɛmɔ tɔkɔ MARIKI Kanu ka atem am kɛnalok'ɛm ti mɔ. Ta mɛnɛsɛ, ta dis dɔlɔl ɛm!»

²² Kɔ nɛnder nɛlɔtɛrn'em fɛp kɛlok'im: «Panuɲkɛnɛ pasom afum, ɲakɔ ɲamɔmɛn atɔf ɲaɲɛ yɔkyɔk, ɲader ɲalukɛ su mes mɛmɛ ɲanɔɲk dɔpɔ ndɛ andɛkɔt kɛpɛ ka di mɔ, kɔ sɛdare nɛsɛ pɛmar pɛbɛp mɔ.»

²³ Kɔ moloku mamɔkɔ mɛmbɔt im, k'ilɛk arkun wɛco kɔ mɛrɔɲ (12) nu dacɔ, kusuɲka o kusuɲka fum wɛkin.

²⁴ Kɔ ɲayɛfɛ ɲasumpɛr dɔpɔ, kɔ ɲampe mɔrɔ kɛron haɲ kɔ ɲaɲkɔ ɲabɛrɛ haɲ kɛɲgbɔkɔ k'ɛskɔl, kɔ ɲaɲgbɛkɛrɛ di belbel.

²⁵ Kɔ ɲampimɛnɛ yokom y'antɔf ɲaɲɔkɔ yɔlɔma kɔ ɲantor ɲakɛrɛ su yi. Kɔ ɲaloku su nte: «Antɔf ɲɔtɔt ɲɔ MARIKI Kanu kosu kəsɔɲ su.»

²⁶ Mba nɛnawosɛ fɛ kɛpɛ di, kɔ nɔyɛɲkɛsnɛ sɛbomp nnɔ mosom ma MARIKI Kanu konu meyi mɔ.

²⁷ Kɔ nɛcɔpɛnɛ ndɛ cɛbal conu, nɛcloku: «Ntɛ MARIKI enter su mɔ, it'owurɛnɛ su atɔf ɲa Misira, pɛdelek su pɛbɛr aka Amɔr dɛwaca nte tɔsɔɲɛ ɲadifɛt su mɔ.

²⁸ Deke sãndepɛ-ɛ? Awɛnc asu ŋasɔŋɛ su bɛkɛc kɛlɛcɛ-lɛcɛ, nte ŋaloku su: «Afum ŋɔ, ŋala ŋatas su kɔ ŋaŋɛc su sɔ tɛcɛmɛ. Sɛdare sɔŋan sɛmbɛk kɔ sɔyɔ sibiŋkɛli haŋ darenc. Sɛnakɔ haŋ sɛnɔŋk yuruya ya Anak afum aŋeci tɛcɛmɛ.»»

²⁹ Iloku nu: «Ta nɔyikcɛ, ta nɛnɛsɛ ŋa!

³⁰ MARIKI Kanu konu nke kɛyi nu kirinŋ kɛkɔt mɔ, kɛŋkɔsutnɛnɛ nu, pɛmɔ tɔkɔ kɛnɔyɔnɛ nu fɔr yonu kirinŋ Misira,

³¹ kɔ tɔkɔ kɛnɔyɔnɛ nu sɔ nde dɛtɛgbɛrɛ mɔ, difɔ mɛnanɔŋk MARIKI Kanu kam kɛlɛk ɛm pɛmɔ nte wɛrkun ɛŋlɛk wan kɔn mɔ kɛkɔt konu disrɛ fɔp haŋ kɔ nɛnder nɛbɛrɛ kɛfo kɛŋkɛ.»

³² Ti disrɛ nɛnɔgbɛkɛr fɛ sɔ MARIKI Kanu konu kɛlanŋ,

³³ nkɔn nwe ɔnckɔt nu fɔr kirinŋ dɔpɔ tɛm tatɔkɔ pɛckɔtɛnɛ nu kɛfo nke nɛntam kɛcɛmbɛr sɔŋka mɔ. Kɔ pɛmbiyɛ-ɛ, nɛnc dɔ MARIKI ɛncmɛntɛrɛ nu dɔpɔ ndɛ pɛmar nɛkɔt mɔ, kɔ pɔyɔ wanŋkɛra-ɛ, kɛp kɔ ɛncmɛntɛrɛ nu dɔpɔ ndɛ pɛmar nɛkɔt mɔ.

³⁴ MARIKI ɛne kɛcɔpɛsɛnɛ konu. Mɛtɛlɛ mɔn disrɛ, k'ɛnderɛm:

³⁵ «Ali fum wɛkin wɛka dɛtɛmp dɛlɛc dandɛ ɔfɔdenɔŋk antɔf ŋobotu nŋɛ inadɛrɛm kɛsɔŋ atɛm anu mɔ.

³⁶ Mɛnɛ Kalɛb sona, wan ka Yefune ɛndekɔnɔŋk di. Indɛsɔŋ kɔ, nkɔn kɔ awut ɔn, atɔf nŋɛ ɛnakɔt mɔ, bawo nkɔn ɛlas kɔyɔ mes mɔkɔ MARIKI ɛnafanŋɛr kɔ mɔ.»

³⁷ Tetonu tɛnasɔŋɛ nte pɛntɛlɛnɛ MARIKI nnɔ iyi mɔ, k'olok'im: «Mɛna Musa yati mɛfɔbɛrɛ atɔf ŋaŋɔkɔ.

³⁸ Yosuwe wan ka Nun, nwe ɛncɛm'am fɔr kirinŋ mɔ, ɛndekɔbɛrɛ atɔf ŋaŋɔkɔ. Mɔyɛŋkɛs kɔ abɛkɛc bawo nkɔn ɛndekɔsɔŋ atɔf ŋaŋɛ aka Yisrayel ŋɔyɔnɛ kɛ kɛŋan.»

³⁹ Kɔ MARIKI oloku fɔp fonu: «Cɛnaka conu nce nɛnaloku: «Ŋandɛyɔnɛ ca nyɛ atɛrɛnɛ asu ŋandekɔwɛtɛs mɔ,» kɔ awut anu akakɔ ŋantɔcɛrɛ pɛtɔt kɔ pɛlɛc mɔkɔ mɔ, ŋa ŋandekɔbɛrɛ atɔf ŋaŋɔkɔ kɔ Yosuwe. Ŋa ŋɔ indɛkɔsɔŋ atɔf ŋaŋɔkɔ.

⁴⁰ Kɔ nɛna, nɔyɛfɛ nɛkɛfɛlɛ nɛsumpɛr dɔpɔ da dɛtɛgbɛrɛ ntɛndɛ kɛca ka kɛba ka Cɛŋkɔlma.»

⁴¹ Kɔ nɛna aka Yisrayel nɛluks'em moloku nte: «Sɛnaciya nnɔ MARIKI ɛyi mɔ. Sɛndekɔpɛ, sɛsutɛnɛ pɛmɔ tɔkɔ MARIKI Kanu kosu kɛsɔm su ti mɔ.» Kɔ nwe o nwe ɛlɛk yosutnɛnɛ tɛta kɛwan, bawo nɛnacɛm-cɛmɛnɛ a pɛŋkɔfɛfɛrɛnɛ nu kɛbanŋ sɛdare sa mɔrɔ kɛrɔŋ.

⁴² Mba MARIKI olok'im: «Musa mɛloku ŋa: «Ta nɔpɛ, ta nɛsutɛnɛ, bawo iyi fɛ nu dacɔ. Itɔ atɛrɛnɛ anu ŋafɔdekɔsut nu.»»

⁴³ K'ilok-lokɛr nu, mba nɛnacɛŋkɛl f'em kɔ nɛntanŋɛr kɛsɔm ka MARIKI lɛŋɛs. Kɛlɛknɛ disrɛ kɔ nɛsumpɛr dɔpɔ kɛpɛ ka ndɛ dɛmɔrɔ.

⁴⁴ Awa, aka Amɔr aŋɛ ŋanandɛ dɛndo mɔrɔ mamɔkɔ mɔ, ŋantɔr kɛdɛbɛpɛnɛ kɔ nɛna, kɔ ŋambɛlɛs nu pɛmɔ nte cɛmɛ cɛmbɛlɛs mɔ. Ŋanasamsɛr nu kɔyɛfɛ mɔrɔ ma Sehir haŋ Horma.

⁴⁵ Nte nɔyɛfɛ dɛkɛwan mɔ, kɔ nɛndɛ nɛbɔkɛr MARIKI, mba MARIKI ɛnɛnɛ fɛ nu, owosɛ fɛ yati kɛsu alɛŋɛs pɛcɛŋkɛl kɛbɔkɛnɛ konu.

⁴⁶ Kɔ nɛndɛ Kadɛs kɔ nɛwon di haŋ.

2

Kɛcali ka tɔfya Edɛm, Mohab k'Amɔŋ

¹ Kɔ sɔyɛfɛ kɔ sɛsumpɛr sɔ dɔpɔ kɛkɔ kɛca ka dɛtɛgbɛrɛ ntɛndɛ kɛba ka Cɛŋkɔlma, pɛmɔ tɔkɔ MARIKI ɛnalok'im ti mɔ. Mataka mɛlarɛm sɛcnɔŋkɛr-nɔŋkɛr dɛndo mɔrɔ ma Sehir.

² Awa! Kɔ MARIKI olok'im:

³ «Nɛwon kɛnɔŋkɛr-nɔŋkɛr nnɔ mɔrɔ mamɛ, nɔyɛfɛ nɛsumpɛr sɔ dɔpɔ da kɛca kɛmɛriya ka ntɛndɛ dec dɛmpɛ mɔ.

⁴ Məna Musa məloku tosom nte aka Yisrayel: «Kələncər ka akomene anu kə nəjkəcepər, yuruya ya Esayu, ane nandə mərə ma Sehir mə. Nəndəkənesə nu, mba nəkəmbərne belbel.

⁵ Ta nədekəyektər nə kəyefərənə de! Bawo ali kəfo nke fum entam kəcəmbər kəcək mə ifəkəsəyən nu atəf nənən disre. Inalip kəsən mərə ma Sehir Esayu, məyənə mən.

⁶ Nəndəkə nəcway kəway dəm yeri kə domun donu dəndo.»

⁷ Bawo MARIKI Kanu kam kəmpoc'am pətət dəmosumpər ma waca wam fəp, Kanu kənacərə kəkət kam tēgbərə pəpən pampə. Meren wəco mənkələ (40) mə mamə MARIKI Kanu kam kəsəl'am, ali paka pombut f'am.»

⁸ Ti tənəsənə səcepər səbələ akomene asu, awut a Esayu ane nandə nde mərə ma Sehir mə. Nte sənccepər nə mə, kə səyay dərə da Araba, Elat kə Eciyəy Keber. Kə sənəkə səkafələ kə səlek dərə da tēgbərə ta Mohab.

⁹ Kə MARIKI olək'im: «Ta məyektər aMohab kəwan, ta məwəkərne nə sə! Bawo ali kəfo ifəsən əm atəf nənən. Inalip kəsən dare da Ar awut a Lət, dəyənə danən.»

¹⁰ Cəkə-cəkə aka Emy nənandə dare da Ar, afum apən nənayi, nala, nənəc təcəmə pəmə aka Anak.

¹¹ Ancləm aRefay pəmə aka Anak, mba aMohab, «aka Emy» nə nancwe nə.

¹² Atəf nə mərə ma Sehir, cəkə-cəkə aHor nənandə ni, kə awut a Esayu nander nabanər nə ni, kə nandifət nə, kə nandə di, pəmə təkə aka Yisrayel nəyənə nde atəf nənən, nne MARIKI enəsən nə kəndə mə.

¹³ Kə MARIKI osom nə nte: «Ndekəl on, nəyefe on nəcali kəngbəkə ka Sered.» Kə sənəkə səcali ki.

¹⁴ Kəwon kosu dərə nte səlek kəkət kəyefe ka Kadəs Barneya han səcali kəngbəkə ka Sered mə, kənəsətə meren wəco maas kə camət-maas (38), han kə danapa da afum asu aka dəkəwan fəp nəlip kəfis-fis su daco, pəmə təkə MARIKI enadərme nə ti mə.

¹⁵ Kəca ka MARIKI kənayi nə sə kəron teta kəmələk kənən nə su daco han nəlip kəfis-fis.

¹⁶ Nte arkun a dəkəwan fəp nəfis-fis afum daco mə,

¹⁷ kə MARIKI olək'im:

¹⁸ «Məkə məndəkəcali kələncər k'aMohab məberə dare da Ar.

¹⁹ Təm tatəkə, mətəfərne on aka Amən. Ta mədekəyektər nə kəwan, ta mədekəwəkərne nə de, bawo ifəsən əm ali kəfo kin dəndo atəf n'Amən. Inalip kəsən ni awut a Lət, nəyənə nənən.»

²⁰ Atəf nənəkə sə analəm ni pəmə atəf nə aka Refay, nə nənandə ni cəkə-cəkə. Aka Amən nəcwe afum akakə «aSamsumi.»

²¹ Afum akakə apən nənayi, nala, nənəc sə təcəmə, pəmə yuruya ya Anak. Kə MARIKI emələk aRefay fər ya aka Amən kirin, kə nambanər nə atəf nənəkə kə nandə.

²² Tatəkə tə MARIKI enayənə awut a Esayu ane nandə nde mərə ma Sehir mə, nte enamələk aHor fər yanən kirin mə, kə namban atəf nənən, kə nandə di han məkə.

²³ Aka Awy ane nənandəs-ndəs sədare han Kasa mə, aKaftər ane nənayefe Kaftər mə, nənader nədifət nə, kə nandə atəf nənən.

²⁴ «Awa, nəyefe nəsumpər sə dərə nəcali kəngbəkə ka Arnən. Məməmən ilek Sihən, wəbe ka Hesbon wəka aka Amər kə atəf nən, ibər əm dəwaca. Təm tēmbəp, məbanər nə atəf nənən, məyektər nə kəwan.

²⁵ Kəyefe məkə, kəber k'inder on afum akanə nənayi kəm tantəf mə fəp anciyan kə kənes'am. Kə nane pacloku tetam-ε, nənəyikce, dis dēdence nə fər yam kirin.»

Kəban ka təf nə dəbe da Sihən

²⁶ Inasak asom kəyefe ka nde tēgbərə ta Kedemot, kəkə ka nda Sihən wəbe ka Hesbon, kəkəloku kə moloku ma kətənne:

²⁷ «Atəf nən n'ifən kəcali, mba dərə dem d'indesolne gbəcərəm, ifəgbayme kəca kətət, ifəgbayme kəca kəmeriya.

²⁸ Pəsam pə indekə icwayər'am yeri yonu nyε indekə icdi mə, icwayər'am sə pəsam domun nde indekə icmun mə, kəcepər gbəcərəm k'ifan ta incəmbərəs-ε.

²⁹ Itə sənətəne kə awut a Esayu anje nandε nde mərə ma Sehir, k'aMohab anje nandε dare d'Ar mə. Məna sə məwos'em kəcepər atəf nam hanj kəngbəkə ka Yurden, icali ikə nde atəf ηəkə MARIKI Kanu kosu kəsən su kəkənde mə.»

³⁰ Mba Sihən, wəbe ka Hesbon, εnawosε fε kəce su səcepər nde ndərən, bawo MARIKI Kanu kam kənayəkəs kə abəkəc kə domp, nte tənşənje pələk kə pəber əm dəwaca mə, itə teyinε məkə tantε.

³¹ Kə MARIKI olək'im: «Məməmən ilək onj ndəkəl Sihən kə atəf nən k'imber əm nja dəwaca. Məban onj ndəkəl atəf nən, ηəyənε njam.»

³² Kə Sihən owur kə afum ən fəp, kəkəcanj su kəsutεnε nde Yahas.

³³ Kə MARIKI Kanu kosu kəmbər kə su dəwaca, kə səsut kə, nkən kə awut ən, kə afum ən fəp.

³⁴ Təm tatəkə tə sənasumpər sədare sasəkə fəp kə səsut afum anjan hanj njaməlke, kəyεfε arkun kəbər ka aran hanj awut fəp, ali wəkin εnamulpər fε su.

³⁵ Mba yəcəl kə daka gbəcərəm da sədare sasəkə sənasumpər mə, də sənafonət.

³⁶ Kəyεfε ka Arower nde agbər nja kəngbəkə ka Arnən, kə dare dəkə deyi nde kəngbəkə kanj kəsək mə, hanj kəberε Kalad, ali dare dənayi fε nde sənatarpənε mə. Kə MARIKI Kanu kosu kələk nja fəp kə kəmbər nja su dəwaca.

³⁷ Mba sənagbuənε fε atəf η'Amonj. Sənakenε afum anje njanandε kəngbəkə ka Yabək kəsək mə fəp pələl, kə afum akə njanayi sədare sa dəmərə mə fəp, kələkεnε ka sədare səkə MARIKI Kanu kosu kənamənε su kəgbuənε mə.

3

Kəbanj k'atəf nja Dk, wəbe ka Basan

¹ Kə səyεfε səsumpər sə dəpə kəpərne ka Basan. Kə Dk wəbe ka Basan owur kədəcanj su kəsutεnε nde Edreyi, kə afum ən fəp.

² Kə MARIKI olək'im: «Ta mənεsε kə! Ilək kə, k'imber əm dəwaca, kə afum ən fəp kə atəf nən. Məyə kə pəmə təkə mənayə Sihən wəbe ka aka Amər, nwe εnandε Hesbon mə.»

³ MARIKI Kanu kosu εlək sə Dk wəbe ka Basan kə afum ən fəp, k'ember su dəwaca. Kə səsut nja, ali fum εnamulpər fε su nja dacə.

⁴ Təm tatəkə tə sənasumpər sədare sasəkə fəp, ali dare din dənayi fε si dacə nde sənətəsumpər mə. Dk εnatəmpər dəbe da sədare wəco camət-tin (60) nde Arkəb nja Basan.

⁵ Sədare sasəkə fəp, anakəl si sibiηkəli səneci səyə cumba nce anccanj mə. Mba sədare səlarəm sələma sənayi sə nse sənətəyə sibiηkəli mə.

⁶ Kə səsut afum aka di fəp hanj kə njaməlke, pəmə təkə sənayə Sihən wəbe ka Hesbon mə, kə sənədifət nja fəp, kəyεfε arkun kəbər ka aran hanj awut.

⁷ Mba kə səfonət yəcəl kə daka fəp da sədare sasəkə.

Kəyerεnε ka atəf nja Kalad

⁸ Təm tatəkə tə sənabanjər sə abε a aka Amər anje mērən atəf ntende kəca kanj kə dec dəmpε Yurden, kəyεfε ka nde kəngbəkə ka Arnən hanj nde tərə ta Hərmən.

⁹ Tərə tatəkə tə aSidən nancwe «Siriyanj,» aka Amər ηacwe pi «Senir.»

¹⁰ Sənabanj sədare sa aranta nja Kalad kə Basan fəp, hanj Salka kə Edreyi sədare sa wəbe Dk sənayi nde Basan.

¹¹ Dk wəbe wəka Basan sona gbonj s'εnacəme doru onj aRefay alpəs dacə. Kəfənc kən ka fεc kəsərəyi Raba dare dərən d'Amonj. Dobolu da kəfənc kanj kə dənycə cururu camət-mənəkəle, kə dowokulu da ki cururu mənəkəle.

¹² Təm tatəkə tə sənabanj atəf njanəkə, k'isən nja aRuben kə aKad kəyεfε ka atəf nja Arower nde kəngbəkə ka Arnən hanj dacə da mərə ma Kalad kə sədare sayi.

¹³ K'isəŋ atəf ɲelpəs ɲa Kalad kə təf fəp ya dəbe da ɔk nde Basan, aka kusunja daco ka Manase, kə ɲandɛ ntende dec dəmpɛ Yurdən mə: Sədare sa Arkəb kə Basan fəp, s'ancwe atəf ɲ'aRefay.

¹⁴ Kə Yahir wan ka Manase ɛlek sədare nse sənayi kəyɛfɛ ka Arkəb mə, haŋ kələncər k'aKesur kə aMakat. K'əsəkpər Basan tewe, k'əsəŋ di tewe tən. «Sədare sa cəbal sa Yahir», it'asərəwe di haŋ məkə.

¹⁵ K'ilək atəf ɲa Kalad k'isəŋ ɲi Makir.

¹⁶ K'ilək kəsək ka antəf ɲa Kalad kələma, k'isəŋ aRuben kə aKad haŋ k'iŋkə inarne kəŋgbəkə ka Arnəŋ, kəkə ka nde kəŋgbəkə ka Yabək nde aka Aməŋ ɲayə kələncər mə.

¹⁷ Kələncər ka antəf ɲɲɛ ɲeyi ntende dec dəmpɛ Yurdən mə kə kəŋkə kələkɛnɛ Araba ɲəkə ɲəsəŋɛnɛ kələncər kə Yurdən mə, kəyɛfɛ ka Kineret haŋ kəkə ka kəba k'Araba haŋ nde kəba Kədokət, nde pətəmbələr pa tərə ta Piska ntende dec dəmpɛ mə.

¹⁸ Təm tatəkə t'inasom nu, icloku ntɛ: «MARIKI Kanu konu kələk atəf ɲaŋɛ kə kəsəŋ nu, ɲendeyəne ɲonu. Nəna afum aŋɛ nəyə səkət mə fəp, nəlek yosutnɛnɛ nəcepər awenc nu aŋa aka Yisrayel kirin.

¹⁹ Aran anu k'awut anu kə yəcəl yonu gbəcərəm, yendeyi nnə sədare nse isəŋ nu mə. Incərə a yəcəl yonu yela.

²⁰ Nəsəl kə awenc nu aŋa haŋ tɛm ntɛ MARIKI endesəŋ ɲa kəŋesəm pəmə nəna mə, haŋ ɲa sə ɲabaŋ atəf ɲəkə MARIKI Kanu konu kəsəŋ ɲa nde kəca ka mokuru ma Yurdən mə. Kə telip-ɛ, nəntam kəlüksərne nwe o nwe nde antəf ɲɲɛ isəŋ kə mə.»

²¹ Təm tatəkə t'inasom Yosuwe, k'iloku kə: «Fər yam yənəŋk ntɛ MARIKI Kanu konu kəyə abɛ aŋɛ mɛrəŋ mə, tatəkə tə MARIKI endekəsəyə təf nyɛ məndekəcəpər mə fəp.

²² Ta nədekənɛsɛ ɲa de! Bawo MARIKI Kanu konu yati endekə pəcsutɛnɛnɛ nu.»

Musa ɲədəkəberɛ Kanan

²³ Təm tatəkə t'inalɛtsɛnɛ MARIKI:

²⁴ «MARIKI Wəbe kem, mənɔp kəmentər im, ina wəcar kam, debeki dam, kə səkət sa kəca kam. Kanu kərə kəyi nde darenc kə pəyənɛ fɛ ti nnə dəntəf nkɛ kəntam kətubucnɛ yɛbəc yam kə məyə mam mərəŋ mə-ɛ?

²⁵ Ilɛtsɛn'am mənə Kanu kəsək im icɛpər nnə, ikə inəŋk antəf ɲobotu ɲɲɛ ɲeyi Yurdən mokuru mə, mərə mentɛsɛ dəfər mmɛ kə Libaŋ.»

²⁶ Mba kə tetonu təsəŋɛ kə pəmpɛrne MARIKI nnə iyi mə haŋ, k'əntəwosɛ kəcəŋkəl im. Kə MARIKI olək'im: «Moloku mam maməkə mɛntəŋn'em kəne! Ta məgbəkərə sə kələk'im mi de!»

²⁷ Kə MARIKI olək'im: «Məpɛ tərə ta Piska nde dətɛlempan, məyɛkti fər məgbətne antəf kəca nkɛ dec dəŋkalɛ, kə nde dəmpɛ mə, kəca kətət kə kəmeriya, məməmənɛ ɲi fər yam mba məfədəcali Yurdən yayɛ mənəŋk mə.

²⁸ Mba məsom Yosuwe, məsəŋ kə səkət, məyɛnkəs kə abəkəc, bawo nkən endekəyine aka Yisrayel kirin pəsəŋɛ ɲa kəbaŋ atəf ɲaŋɛ məŋkəgbətne mə.»

²⁹ Awa, kə səndɛ oŋ dəndo mərə daco, sətɛfərənɛ kə Bet Peyər.

4

Kəkətɛnɛ ka sariyɛ sa Kanu

¹ «Ndekəl oŋ, aka Yisrayel, nəcəŋkəl sariyɛ kə məyə mokur mame indetəksɛ nu kəcəmɛ mi darəŋ mə, ntɛ tendesəŋɛ nu kəyi doru nəbaŋ atəf ɲəkə MARIKI Kanu ka atem anu kəsəŋ nu mə.

² Ta nədɛŋər ntɛ o ntɛ moloku mame indesom nu mə, ali tin ta nəbɛlər sə mi, mba nəmɛŋkərne mosom ma MARIKI Kanu konu pəmə ntɛ indesom nu mi mə.

³ Fər yonu yənəŋk ntɛ MARIKI əyə Bal Peyər mə: MARIKI Kanu kam kəmələk nu daco fum nwe o nwe ɛnacəmɛ kanu ka Peyər darəŋ mə.

⁴ Mba nəna aŋɛ nəsektərne MARIKI Kanu konu mə, fəp fonu nəsərəyi doru haŋ məkə.

⁵ Nəməməən, inatəksə nu sariye kə məyə mokur pəmə nte MARIKI Kanu kem enasom im mi mə, nte tənşəne nədekə nəcəmə mi darəñ nde atəf nne nəndəkəbañ, nəyənə ñonu mə.

⁶ Nədekə nəməñkərne mi, nəcəmə sə mi darəñ. Ti tendəkəmentər kəcərə kəkətene mes konu kə kəsək konu səbomp fər ya afum alpəs ane ñandekə ñacne pacloku sariye sonu sañse mə. Nəndekə ñacloku: «Afum apəñ a atəf ñañe ñancərə kəkətene mes kə ñasək səbomp!»

⁷ Afum aka atəf ñəpəñ ñere ñayə canu nce cəltərne ña pəmə nte MARIKI Kanu kosu kəñlətərne səna təm o təm nte səñwe kə kəmar su mə-ε?

⁸ Afum aka atəf ñəpəñ ñere ñayə sariye kə məyə mokur mme molomp, pəmə sariye nse iyi kəbocər nu məkə fər kirin mə-ε?»

Kəlok-loku ka Kanu nde tərə ta Horeb

⁹ «Mba məkekəsne belbel, məkəmbərne sə mənasərka mataka ma kəyi kam doru fəp, ta mədepələrne məyə mme mənanəñke fər yam mə, ta məbəlne abəkəc ñam. Mətəksə mi awut am kə awut-sə am.

¹⁰ Məcəm-cəmnə dəsək nde mənacəmə MARIKI Kanu kam fər kirin nde tərə ta Horeb mə, dəsək dadəkə kə MARIKI olək'im: «Məlonkan'em aka Yisrayel fəp, ifañ kəsəñe ña kəne moloku mem, nte tənşəne ñatəkəs kənes'em mataka ma kəyi kəñan doru fəp, nte tənşəne ñade ñactəksə sə mi awut anan mə.»

¹¹ Dəsək dadəkə kə nəncəmə tərə dəntəf. Tərə təcmar nenc hañ nde darenc, mba kubump kəñayi, kəp kə kibi kəpəñ.

¹² Kə MARIKI olək-lokər nu nenc disre, kə nəne moloku dənenc, mba nənanəñk fə ali teyi tən, mēne dim gbəcərəm.

¹³ K'endəñkər nu kəsək kən danapa kə nəna, danapa nde osom nu kəkətene sə moloku mme wəco mə, k'encicəs mi dəwalake wa masar mərəñ.

¹⁴ Təm tatəkə tə MARIKI enasom im kətəksə nu sariye kə məyə mokur, nte tənşəne nəcəmə mi darəñ nde atəf ñəkə nəñkəbañ, nəyənə ñonu mə.»

Ambəñne molom

¹⁵ «Bawo nənanəñk fə ali teyi tən dəsək nde MARIKI enalək-lokər nu nenc disre nde tərə ta Horeb mə, nəkəmbərne belbel

¹⁶ ta nədetələrne kəlompəs tərəñka powurēne pa wərkun kə pəyənə fə ti wəran,

¹⁷ kə pəyənə fə ti wəsəm wələma nwe weyi antəf kəron, kə pəyənə fə ti bemp nyē yeñfelər darenc mə,

¹⁸ kə pəyənə fə ti yeñe-ñe ya dəntəf, kə pəyənə fə ti lop nyē yeyi dəkəba mə.

¹⁹ Ta məkəñayekti fər kəməməñ dəkəm, məñəñk dec, ñof, kə cəs nyē yəyənə kəñay ka ca ya dəkəm mə, ta məsakne palinəs əm kəctontnēne yi, kəcsalēne yi. Bawo afum aka doru fəp ñə MARIKI Kanu kam əsəñ ca yayəkə.

²⁰ Mba nəna, MARIKI elek nu k'owurēne nu Misira, nde nəñayinē dacar nde dəñawurēne kə aco nne ñəñsəñe afēc kəsayne mə, nte tənşəñe nəyənə afum əñ a dətim mə. Itə teyinē məkə tante.

²¹ Mba tetonu tənəsəñe pətēle MARIKI nnə ina Musa iyi mə. K'enderəm a ifəcəpər Yurđen, a ifəberē antəf ñəbotu ñəkə MARIKI Kanu kam əsəñ əm kē mə.

²² Awa ina Musa, nnə atəf ñañe ñ'indeñi, ifədecepər de. Mba nəna nəndecəpər, nəkə nəbañ antəf ñəbotu ñañəkə.

²³ Nəkəmbərne belbel ta nədepələrne danapa da MARIKI Kanu konu nde enasek kə nəna mə. Ta nəlompəs tərəñka powurēne pa paka mpe o mpe, ta məyə tes nte MARIKI Kanu kam kəməne kəyə mə.

²⁴ Bawo MARIKI Kanu kam, eyi pəmə nenc nde dāncəf paka mpe o mpe peñyi di kirin mə, Kanu kə nke kəyə kəraca mə.

²⁵ Kə nəndəkəsətə awut kə awut-sə, nəwon atəf ñañəkə, kə nəndəkətalərne nəlompəs tərəñka powurēne pa paka mpe o mpe, nəcyə mes mēlec fər ya MARIKI Kanu konu kirin mme məñsəñe kə kətēle mə-ε,

²⁶ inderam mako kam ko antof daco, yoyone su sede: Nandekofis-fis katana dando atof njanoko nankaban nyoyone nonu ma, ko nandekocali Yurden ma. Ko nayo tatoko-e, mataka monu mafodekobole atof njanoko, padifat nu.

²⁷ MARIKI enhsamsar nu afum alpäs ane daco, napice afum ako MARIKI endekekere nu daco ma.

²⁸ Dando tof yayoko, nandeko nacsalene canu nce ceyone yebac ya waca w'afum ma, poyone katok, tasar, canu nce cantonank, ta ceyne, ta candi peri, ta ceyne so ambonc ma.

²⁹ Dando nandekaten MARIKI Kanu kam. Ko mantene ki abekac nam fap ko amera nam fap-e, mandekonank ki.

³⁰ Pacuy pam disre, ko mes mame fap mendekobap am-e, tem tatoko mandekaluksarne MARIKI Kanu kam, macankal so dim don.

³¹ Bawo MARIKI Kanu kam, Kanu ka nonofor ko, kafokosak am, kafokomelak am, kafodekopelar danapa nde enaderme atem am ma.»

Kapocε patat mpe aka Yisrayel nasotar MARIKI ma

³² «Kayefe dasak nde Kanu kalompas afum doru ma, kayefe tonkubut pa doru kabap ka pako, tes topon tencepar doru nte tembek pamo tante ma ba? Ane tes doru towurene ta tante ba?

³³ Afum aloma nane kanu kajan dim kaclok-loku danenc, pamo nte mana mane Kanu kam dim, a ko mayi so doru ma ba?

³⁴ Ko poyone fe Kanu kosu-e, kanu kare kako kaban afum on aterene anan dawaca damewakas, damegbekere, damoyo mewey-wey, kawan disre, dasokat sa kaca kan katenci, ko mes mopon mewey-wey mme MARIKI enayone nu atof na Misira ma fap, far yam kirin ma ba?

³⁵ Tenasakar am, kacere a MARIKI oyone Kanu. Kaloma kayi fe mene nkon.

³⁶ Kayefe darenc ko kasoh'am kane ki dim, kacaks'am. Nno dontof ko kasoh'am kankank nenc dopon da ki, nde manane ki dim disre kaclok-lokar am ma.

³⁷ Ko nkansarka yati owuren'am atof na Misira ko fanontar fan fapon, bawo enabotar atem am, ito enayek-yeke yuruya yanjan nte na nancepar ma.

³⁸ Ko kambanar afum tof ane nala am ko jambek am sokat ma, nte tonsone kabers'am yi kasoh am yi ke yoyone yam ma, ito teyine mako tante.

³⁹ Awa, mandecere mako, mede mamenkorne so ti debekac, a MARIKI oyone Kanu kayefe darenc nde dakam han nno antof karon, kanu kaloma kayi fe so, mene Ki sona gbou.

⁴⁰ Mamenkorne sariye son ko mosom mon pamo mame iyi kasom am mako ma, nte tonsone mes mam mede mectese, mana ko awut am ko mancepar-e, mawon so doru antof karon nye MARIKI Kanu kam soh am kande doru o doru ma.»

Sadare sayacne maas ntende mokuru ma Yurden

⁴¹ Ko Musa eyek-yek sadare maas, mokuru ma Yurden ntende dec dempe ma,

⁴² nte tonsone sayone sayacne sa fum nwe endif wenc ta eyefene ti. Toyone yati fum nwe enatoter tokur ana ma, nte tonsone patam kayekse pako sadare sanse din payacne kalukse ayek ma.

⁴³ Sadare sasako sanayone: Teta afum a Ruben, dare da Becer nde aranta na detegbare. Teta afum a Kad, dare da Ramot nde Kalad. Teta afum a Manase, dare da Kolan nde Basan.

Moloku ma kawandi ka meron ka Musa

4.44-11.32

⁴⁴ Sariye nse so Musa enacambare-cambare aka Yisrayel.

⁴⁵ Mosom, sariye ko moyo mokur mme ma Musa enalamar aka Yisrayel, nte nanawur atof na Misira ma.

⁴⁶ Mokuru ma Yurdən mə ḡanayi, nde mərə dacə, pətefərene di kə Bet Peyər, nde atəf ḡa Sihəḡ wəbe wəka aka Amər, nwe enandə Hesbon, nwe Musa enasut kə aka Yisrayel mə, nte ḡanawur kəyefe atəf ḡa Misira mə.

⁴⁷ K'aka Yisrayel ḡambaḡ atəf ḡən kə ḡa Ɔk, wəbe wəka Basan. Abe a aka Amər akanje merəḡ, nde mokuru ma Yurdən ntende dec dempe mə ḡanandə.

⁴⁸ Aka Yisrayel ḡambaḡ atəf ḡaḡəkə kəyefe ka Arower nde agber ḡa kəḡgbəkə ka Arnəḡ, haḡ nde tərə ta Siyən mpe aḡwe sə Herməḡ mə,

⁴⁹ Araba fəp, mokuru ma Yurdən ntende dec dempe mə, haḡ nde kəba ka Araba, nde pətəmbələr pa Piska.

5

Mosom wəco ma sariye sa MARIKI

KWUR 20.1-17

¹ Kə Musa ewe aka Yisrayel fəp, k'oloku ḡa: «Məsü ləḡəs, məna Yisrayel, sariye kə məyə mokur mme iyi kəloku məkə mə. Nətəkəs mi, nəmeḡkərne kəcəme ka mi sə darəḡ.

² MARIKI Kanu kosu kəsek danapa kə səna aka Yisrayel nde tərə ta Horeb.

³ Bafə atem asu ḡə MARIKI ḡanasek danapa dadəkə de, mba səna aḡe səyi məkə doru səḡesəm mə.

⁴ MARIKI enalok-lokər nu dətərə nətefərene pəyi nenc disre.

⁵ Tem tatəkə t'ina Musa, inacəme nu dacə kə MARIKI, nte təḡsəḡe icluksə nu moloku ma MARIKI mə, bawo nəncnesə nenc dadəkə. Nənapə fe tərə kəron. K'oloku:

⁶ <In'əyənə MARIKI Kanu kam, in'owuren'am atəf ḡa Misira nde kələ ka dacar.

⁷ Məfədeyə canu cələma fər ya ina kirinḡ.

⁸ Ta məlompəs tərəḡka mpe o mpe powurene kə paka mpe peyi dəkəm, dəntəf kə dəkəba mə.

⁹ Ta məde məctontne ca yayəkə fər kirinḡ, ta məde məcsalene yi sə. Bawo ina MARIKI Kanu kam, Kanu k'iyənə nke kəyə kəraca mə, nke kəḡlukse kəway ka kiciya ka kas nnə awut ən ḡayi mə, haḡ dətəmp maas haḡ dətəmp maḡkələ da akə ḡanter im mə.

¹⁰ Mba inḡektərne danapa da dətəmp wul win (1.000), da afum aḡe ḡambətər im ḡameḡkərne mosom mem mə.

¹¹ Ta məbonc tewe ta MARIKI Kanu kam kifəli. MARIKI əfəsak ta əsəḡ kəway ka kiciya, nwe omboncəs tewe tən kifəli mə.

¹² Mələləs simiti dəsək da kəḡesəm, dəyən'am dəsək dopus pəmə nte MARIKI Kanu kam kəsom əm ti mə.

¹³ Mata camət-tin tataka toluksər disre mədekə məcbəc, məclompəs yebəc yam fəp mataka maməkə disre.

¹⁴ Mba tataka ta camət-merəḡ, dəsək da kəḡesəm də nde ampuse MARIKI Kanu kam mə. Ali yebəc ta məbəc dəsək dadəkə, kəyefe məna, wan kam wərkun kə wəran, kəkə ka wəcar kam wərkun kə wəran, kəbəp wana wam, səfale sam, pəcəl pam mpe o mpe, kə wəcikəra kam nwe eyi nde ndaram, nte təḡsəḡe wəcar kam wərkun kə wəran ḡactam kəḡesəm dəsək dadəkə pəmə məna mə.

¹⁵ Mədəkə məccəm-cəmnə a mənayənə wəcar atəf ḡa Misira, kə MARIKI Kanu kam kəḡkə kəwuren'am di kə səkət sa kəca kən kətenci. Itə MARIKI Kanu kam kəsom əm kəcələs dəsək da kəḡesəm nde ampuse kə mə.

¹⁶ Mələləs wisi kə wiri, pəmə nte MARIKI Kanu kam osom'am mə, nte təḡsəḡe mataka mam meyi doru məbəl mə, mes mam mede mectesə sə nde antəf ḡəkə MARIKI Kanu kam əsəḡ əm mə.

¹⁷ Ta mədif fum.

¹⁸ Ta məsumpər dalakə.

¹⁹ Ta məkiye.

²⁰ Ta məbaḡe wənc əm sede sa yem.

21 Ta m̄əyɔ f̄ər gban-gban nn̄ə w̄əran ka w̄ənc əm eyi m̄ə. Ta m̄əfan̄ k̄əlɔ ka w̄ənc əm, k̄əyɛf̄e d̄alɛ d̄ɔn, w̄əcar k̄ɔn w̄ərkun k̄ɔ w̄əran, wana w̄ən, s̄ɔfale s̄ɔn, ta m̄əfan̄ɛ daka o daka da w̄ənc əm ab̄ək̄ɛc̄ ɲɛɛc̄.»

22 Moloku mame m̄ə MARIKI enaloku k̄əlɔŋkane konu f̄əp̄ nde d̄ət̄ɔr̄ɔ, p̄əyi n̄ənc disr̄e, d̄ək̄əp̄ k̄ɔ kubump̄ k̄əp̄ɔŋ, p̄əp̄ɛn̄ɛ dim, ali toloku enaden̄ər̄ f̄e s̄ɔ. K'encic moloku mame walake m̄er̄əŋ wa masar k̄əron̄ k'əs̄əŋ im wi.

Musa w̄əcep̄ər̄ɛn̄ɛ ka moloku ma Kanu

23 Nt̄e n̄əne dim dad̄ək̄ɔ k̄əyɛf̄e ka kubump̄ disr̄e m̄ə, t̄et̄əŋn̄e t̄ɔr̄ɔ f̄əp̄ p̄ɛcmar n̄ənc, k̄əyɛf̄e n̄əna, k̄ək̄ɔ akirin̄ a cusun̄ka conu f̄əp̄, k̄əb̄əp̄ abeki anu n̄ənder n̄əl̄ət̄ərn̄'em.

24 K̄ɔ n̄əl̄oku: «MARIKI Kanu kosu k̄əment̄ər̄ su n̄ɔr̄ɔ da debeki d̄ɔn, k̄ɔ s̄əne dim d̄ɔn p̄əyi n̄ənc disr̄e. D̄əs̄ək̄ dad̄ək̄ɔ s̄ənan̄əŋk̄ ɔŋ a Kanu k̄əntam k̄əl̄ok-lok̄ər̄ fum, w̄ək̄ayi p̄ətam s̄ɔ k̄əyi doru.

25 Mba ndek̄əl, ta ake t̄ɔ s̄əndefin̄e ti-ɛ? Bawo n̄ənc d̄əp̄ɔŋ dand̄e d̄endec̄ɔf̄ su. K̄ɔ s̄əŋgb̄ək̄ərə s̄ɔ k̄əc̄əŋk̄əl dim da MARIKI Kanu kosu-ɛ, s̄əŋfi.

26 Fum w̄ərə enane p̄əm̄ə s̄əna dim da Kanu ka doru o doru k̄əc̄lok-loku d̄ən̄ənc w̄ək̄ayi p̄əyi s̄ɔ doru-ɛ?

27 Musa m̄əna m̄əl̄ət̄ər̄n̄e m̄əc̄əŋk̄əl t̄ək̄ɔ MARIKI Kanu kosu ɔŋk̄əl̄oku m̄ə f̄əp̄, m̄əna m̄əder m̄əl̄oku su nt̄e o nt̄e MARIKI Kanu kosu k̄əl̄ok'əm m̄ə. S̄əndec̄əŋk̄əl ti, s̄əcȳɔ s̄ɔ ti.»

28 K̄ɔ MARIKI ene moloku m̄ək̄ɔ n̄əna aka Yisrayel n̄əl̄ok'im m̄ə, k̄ɔ MARIKI ol̄ok'im: «Ine t̄ək̄ɔ aka Yisrayel ɲalok'əm m̄ə. T̄ək̄ɔ ɲaloku m̄ə f̄əp̄ tentes̄e.

29 T̄əcȳɔn̄e a ɲandeȳɔ b̄ək̄ɛc̄ yaȳe t̄əm f̄əp̄ ɲacnes'em, ɲam̄əŋk̄ər̄n̄e mosom mem f̄əp̄, nt̄e t̄əŋs̄əŋe mes maŋan mede mectes̄e ɲa k̄ɔ awut aŋan doru o doru m̄ə.

30 M̄əna Musa, m̄əl̄oku ɲa: «N̄əl̄okus nde c̄əbal conu.»

31 Mba m̄əna Musa, m̄əyi nn̄ə k̄ɔ ina, idelok'əm tosom f̄əp̄, sariye k̄ɔ m̄əȳɔ mokur mem m̄m̄e m̄əŋk̄ət̄ək̄s̄e ɲa, nt̄e t̄əŋs̄əŋe ɲac̄əmə mi dar̄əŋ nde at̄əf̄ ɲək̄ɔ ɲ̄k̄əs̄əŋe ɲa k̄əban̄ ɲəȳɔn̄e ɲaŋan m̄ə.»

32 Ina Musa icloku nu a n̄ədek̄ɔ n̄əm̄əŋk̄ər̄n̄e k̄əc̄əmə ka t̄ək̄ɔ MARIKI Kanu konu k̄əsom nu m̄ə dar̄əŋ. Ta n̄ədek̄ɔ n̄əc̄gbaym̄e k̄əca k̄ət̄ət̄, ta n̄ədek̄ɔ n̄əc̄gbaym̄e k̄əca k̄əm̄eriya.

33 N̄əs̄ur̄ɛn̄e k̄əc̄əmə d̄əp̄ɔ d̄ək̄ɔ MARIKI Kanu konu k̄əsom nu m̄ə f̄əp̄ dar̄əŋ, nt̄e t̄əŋs̄əŋe n̄əyi doru, p̄əde p̄əb̄ət̄ nu, n̄əb̄əls̄e mataka monu nde at̄əf̄ ɲaŋək̄ɔ n̄əŋk̄əban̄ ɲəȳɔn̄e ɲonu m̄ə.

6

P̄əmar m̄əb̄ət̄ər̄ MARIKI Kanu kam

1 Mosom, sariye k̄ɔ m̄əȳɔ mokur m̄əm̄e, m̄m̄e MARIKI Kanu konu k̄əsom a pat̄ək̄s̄e nu m̄ə, nt̄e t̄əŋs̄əŋe n̄ədek̄ɔ n̄əc̄əmə mi dar̄əŋ nt̄ende at̄əf̄ ɲək̄ɔ n̄əyi k̄əcep̄ər̄ k̄ək̄əban̄ ɲəȳɔn̄e ɲonu m̄ə,

2 nt̄e t̄əŋs̄əŋe m̄əc̄n̄es̄e MARIKI Kanu kam, m̄əm̄əŋk̄ər̄n̄e d̄əs̄ək̄ o d̄əs̄ək̄ kiyi kam doru, m̄əna k̄ɔ wan kam k̄ɔ wan ka wan kam sariye s̄ən f̄əp̄ k̄ɔ mosom m̄ən m̄m̄e iyi k̄əsom əm, nt̄e t̄əŋs̄əŋe mataka mam meyi doru m̄əb̄əl m̄ə.

3 Awa m̄əc̄əŋk̄əl mi m̄əna Yisrayel, m̄əm̄əŋk̄ər̄n̄e k̄əc̄əmə ka mi dar̄əŋ, nt̄e t̄əŋs̄əŋe mes mam mede mectes̄e, n̄ək̄om̄əs̄, n̄əla duk̄ p̄əm̄ə t̄ək̄ɔ MARIKI Kanu ka at̄əm am k̄ənalok'əm ti, nn̄ə at̄əf̄ ɲaŋe ɲomb̄oŋ d̄alɛ k'awop̄ m̄ə.

4 M̄əc̄əŋk̄əl, Yisrayel! MARIKI Kanu kosu, sona gb̄oŋ s'əȳɔn̄e MARIKI.

5 M̄əb̄ət̄ərə MARIKI Kanu kam, ab̄ək̄ɛc̄ ɲam f̄əp̄, af̄ək̄əl ɲam f̄əp̄, k̄ɔ s̄ək̄ət̄ sam f̄əp̄.

6 Moloku mame iyi k̄əsom əm m̄ək̄ɔ m̄ə, mede mey'əm d̄əb̄ək̄ɛc̄.

7 M̄ədek̄ɔ m̄əgb̄ək̄ərən̄e mi awut am, m̄əc̄loku mi k̄ɔ m̄ənd̄e k̄əlɔ kam disr̄e, k̄ɔ m̄ənd̄e k̄ək̄ət̄, k̄ɔ m̄ənd̄e k̄əc̄f̄ənt̄ərə, k̄ɔ m̄ənd̄e k̄əcȳf̄e s̄ɔ d̄ək̄əf̄ənc-ɛ.

8 M̄ək̄ot̄ər̄n̄e mi k̄əca kam k̄əron̄, t̄əȳɔn̄e t̄əgb̄ək̄ərə d̄əwaca wam k̄əron̄, mey'əm d̄ət̄obu f̄ər̄ yam d̄ac̄ɔ.

⁹ Məcicəs mi fərem fa kumba ka kələ kam kə dəcusuŋka ca sədare sam.

Pəmar fe Yisrayel ŋapəlar Kanu kəŋan

¹⁰ Kə MARIKI Kanu kam, endekəbers'am atəf ŋəkə kənadərmə atem am Abraham, Siyaka, kə Yakuba kəsəŋ əm mə, sədare səpəŋ, sətət, nse məntəcəmbər mə,

¹¹ məndebere wələ nwe wəlare ca cətət fəp nye məntəbersə mə, məndekət domun dəcələmp nce məntəkay mə, mənədi yokom ya ŋgbəŋkələ ya wen kə tək ya olif nye məntəbət mə. Kə mənəkədi yeri mənəmbərə-ε,

¹² məkəmbərne kətəpəlar MARIKI, nwe enawuren'am atəf ŋa Misira kələ ka dacar mə.

¹³ Nkən MARIKI Kanu kam mənəkə məcnesə, məcsalənə kə, məcdərmə tewe tən.

¹⁴ Ta nədekə nəccəmə canu cəcuru darəŋ, canu ca afum aŋe ŋandekəkəl nu mə de!

¹⁵ Bawo MARIKI Kanu kam nwe eyi nu dacə mə, Kanu kə nkə kəyə kəraca mə, kə məsəŋe pətələ ki nnə məyi mə-ε, kəŋmələk əm, kəsəŋe ta anəŋk əm sə antəf ŋaŋe kəron-ε.

¹⁶ Ta nədəktər MARIKI Kanu konu, pəmə təkə nənadəktər kə Masa mə.

¹⁷ Mba nəməŋkərne mosom ma MARIKI Kanu konu, metəksə, kə sariye sən nse kəsom əm mə.

¹⁸ Mədekə məcyə təkə tolomp kə təmbət fər ya MARIKI kirin mə, nte təŋsəŋe mes mam mede mectesə, mətam kəbaŋ atəf ŋətət ŋe MARIKI enadərmə atem am kəsəŋ ŋa mə,

¹⁹ teta kəwənəs aterənə anu fəp fər yam kirin, pəmə təkə MARIKI enaloku ti mə.

²⁰ Alna kə wan kam endeyif əm-ε: «Cəke cə metəksə, sariye, kə məyə mokur mame MARIKI Kanu kosu osom su mə moloku-ε?»,

²¹ məlukse wan kam: «Acar a firawona ŋə sənayəne atəf ŋa Misira, kə MARIKI owurənə su atəf ŋa Misira kəca ka səkət.

²² MARIKI owurə fər yosu kirin megbəkəre, mes məwəy-wəy məpəŋ kə mocuy nnə aka Misira, firawona k'aka kələ kən disrə ŋayi mə fəp.

²³ K'owurənə su di, k'əmbərsənə su atəf ŋe enadərmə atem asu kəsəŋ su mə.

²⁴ MARIKI osom su kəcəmə sariye saŋse darəŋ fəp, kə kənəsə ka nkən MARIKI Kanu kosu, nte təŋsəŋe mes mosu mede mectesə su dəsək o dəsək, təsəŋe sə pəsək su səyi doru mə. Itə teyinə məkə tante.

²⁵ Nnə səyi mə, dolompu də kəməŋkərne kəcəmə ka tosom tante fəp darəŋ fər ya MARIKI Kanu kosu kirin pəmə təkə osom su ti mə.»

7

Yisrayel, afum apus aka MARIKI

¹ Kə MARIKI Kanu kam endekəbersə nu atəf ŋəkə mənəkəbere məbaŋ ŋi ŋəyənə ŋam mə, tətəŋne embeləs fər yam kirin afum a təf yelərəm: aHit, aKirkasi, aka Amər, aKanaŋ, aPerisi, aHiwy, kə aYebus, afum a təf camət-mərəŋ aŋe ŋala, ŋayə sə səkət ŋatas əm mə.

² Kə MARIKI Kanu kam kəndəkələk ŋa kəber əm dəwaca, məsut ŋa haŋ məmələk ŋa-ε, ta mədekəkə danapa kə ŋa, ta mədekə məcyənə ŋa nənfər de!

³ Ta mədekə nəcnəncənənə kə afum akakə, ta mədekə məcsəŋ wan kam wəran wan kəŋan wərkun, ta mələkə sə wan kam wərkun wan kəŋan wəran kənənə,

⁴ bawo ŋandəbələn'em awut am arkun, akakə ŋacsalənə canu cəcuru, təsəŋe pətələ MARIKI nnə nəyi mə, kəŋmələk əm katəna.

⁵ Mba nte tə pəmar nədekə nəcyə ŋa: Nədekə nəcwuŋ metek moloŋne canu cəcuru cəŋan, nəcwəkəc masar maŋan məcəmbər motontnə ma canu cəŋan, nəccəp mogbu motontnə mme aŋwənə tolom «Asera», nəcləm dənənc mərəŋka maŋan.

⁶ Bawo afum acempi aŋe ampus mə ŋə nəyənə nnə MARIKI Kanu konu kəyi mə. MARIKI Kanu konu kəyək-yək nu nte təŋsəŋe nəyənə daka dən da dətim afum fəp dacə antəf ŋaŋe kəron mə.

MARIKI kəyənke kən danapa

⁷ Təyənə fə a nəla nətas afum alpəs akə nte MARIKI esektərne nu k'eyek-yek nu, bawo nən'epice nətas afum a doru fəp.

⁸ Teta kəbətər konu kə kəfan kəlas ka təkə enaderme atem anu mə, itə MARIKI enawurenə nu atəf ɲa Misira kə kəca ka səkət, k'owurenə nu yeɲən kələ ka dacar, kə firawona wəbe ka Misira dəkəca.

⁹ Məcərə ɔɲ a MARIKI Kanu kam kəyənə Kanu, nke antam kəgbəkər kəlan təm o təm mə, nke kəɲmənəkərne danapa, nke kəɲsektərne di haɲ detemp wul win da afum aɲe ɲambətər kə, ɲamənəkərne sə mosom mən mə.

¹⁰ Mba ɔɲsəɲ kəway ka afum akə ɲanter kə mə, pəmələk ɲa. Ɔfəwon kəlukse kəway nno ater ɔn ɲayi mə, gbəncana babəkə bə ɔɲlukse ɲa ki.

¹¹ Awa məmənəkərne ɔɲ tosom, sariye kə məyɔ məkur mme iyi kəsom əm məkə mə, nte təɲsəɲe məcəme mi darəɲ mə.

¹² Kə nəncəɲkəl məyɔ məkur mame belbel, nəmənəkərne mi, nəcəme mi darəɲ-ε, MARIKI Kanu kam kəɲmənəkərne kəsektərne kən danapa nde enaderme atem am mə.

¹³ MARIKI endebətər əm, pəpoc'am pətət, pəsəɲ'am kəla. Endepocə pətət pokom pa kor kam kə pa antəf ɲam: Məɲgbən, member kə moro mam, yokom ya cəna cam kə awut a ɲkesiya kə cir cam, dəndo antəf ɲaɲəkə enaderme atem am kəsəɲ əm mə.

¹⁴ Andepoc'am pətət patas afum alpəs a doru dandə fəp. Fum wətəkom ɔfədeyi ndaram, təyənə wəran təyənə wərkun, pəcəl pətəkom pəfədesəyi yəcəl yam dacə.

¹⁵ MARIKI endekəbələn'am docu fəp. Ɔfədekəwənər'am arom ɲɲe o ɲɲe mənacərə atəf ɲa Misira mə. Ater am fəp ɲ'əɲkə kəwənərə ɲi.

¹⁶ Məndəkənim afum akakə fəp aɲe MARIKI Kanu kam kəndəkəber əm dəwaca mə. Ta dəfər dam dedəkəyənə ɲa nənəfər. Ta mədekə məcsalənə canu cəɲan, bawo towul tə tendeyən'am.

MARIKI, wəbum ka afum ɔn

¹⁷ Kə məndəkə məclokunə dəbəkəc: «Afum a təf yayə ɲala ɲatas im, cəke c'indetam kəbaɲər ɲa ntəf yanən-ε?»,

¹⁸ ta mənesə ɲa! Mədekə məccəm-cəmne tələma təkə MARIKI Kanu kam kənaɲə firawona kə Misira fəp mə.

¹⁹ Mənanəɲkə fər yam məwakəs məpəɲ, məgbəkərə kə mes məwəy-wəy məpəɲ ma səkət sa kəca kətenci nke MARIKI Kanu kam kənaawuren'am atəf ɲa Misira mə. Tatəkə tə MARIKI Kanu kam endəkəyən'am afum akakə məɲnesə mə fəp!

²⁰ MARIKI Kanu kam endəkəsak deme yati nde dendəkəca-cas ɲa haɲ ɲafis-fis, ali alpəs akə ɲandəkəgbəpn'am mə.

²¹ Ta məyikcə tetanən, bawo MARIKI Kanu kam nke kəyi nu dacə mə kəyənə Kanu nke kəmbək kə kəyə wəywey.

²² MARIKI Kanu kam endəkəbeləs afum aka təf yayəkə pipic pipic fər yam kirin. Məfədekətəm kədifət ɲa katəna, ta səm ya dop yedela fər yam kirin.

²³ MARIKI Kanu kam endəkələk afum akakə kəber əm dəwaca, anciyan ɲendəkəber ɲa haɲ padifət ɲa.

²⁴ Endəkələk abə aɲan pəber əm dəwaca, mənim mewe maɲan antəf ɲaɲe kəron. Ali fum ɔfədekətəm kəcəm'am fər kirin, haɲ məlip ɲa kədifət.

²⁵ Nədekə nəcləm dənenc məɲəɲka maɲan mme ɲayə canu cəɲan mə. Ta mədekəfan gbeti, ta məfan kəma nke ayesə mi mə, ta mədekə məclək yi, ta tedeyən'am towul. Bawo pəyikyik pə mpə MARIKI Kanu kam kənter mə.

²⁶ Ta mədekəberse pəyikyik mpə MARIKI enter mə ndaram, nte təɲsəɲe ta mədekəyi pəmə pi mə. Kə məyɔ ti-ε, pəmar pasut əm haɲ məməlkə kə pi.

8

MARIKI ondusum aka Yisrayel nde dategbare

¹ Tosom tante iyi kasom am mako ma fap, namenkarne kacame ka mi daraj nte tansaj nanyi doru, nakomas, nako naban ataf hako MARIKI enaderme atem anu kasaj nu ma.

² Madeko maccem-cemne teta dapo fap nde MARIKI Kanu kam onkoten'am meren mme waco mankale (40) disre nde dategbare ma, nte tansaj padusum am kataras disre, pawakas am, pacare tako tenay'am debakac ma, pamaman ko tayone mamenkarne mosom man-e.

³ Ko MARIKI ondusum am kataras disre, k'asaj'am dor kayo, k'asaj am yeri ya «man» kadi, mme manatocare, mme atem am nanatocare so ma, nte tansaj'am so kacare a bafu kacom gbacaram ko fum endi payi doru, mba nte o nte towur MARIKI dakusu tansaj fum kayi doru.

⁴ Yamos yam yenamace-mace f'am, wacak wam wenakaf fe meren waco mankale (40) mme disre.

⁵ Macarene debakac a MARIKI Kanu kam kandusum am pama nte fum ondusum wan kan ma.

⁶ Mamenkarne mosom ma MARIKI Kanu kam, madeko maccame sapa san daraj, macnese ko.

Ta mapalar MARIKI

⁷ Bawo MARIKI Kanu kam kayi kabers'am antaf robotu: Ataf ja cangbako ja, nde domun dempe dantaf, ko mancaca mecyekse nde daranta ko damaro ma,

⁸ ataf ja dokom da mengeben maloma, ja ngbanjalo ya wen, ja dokom da tak ya yokom yobotu yaloma, ataf ja mese ma came ko tak ya olif nne nansaj moro ma,

⁹ ataf nne mandeko macdi ta maccem-cemne kademne, ataf nne daka o daka dantadekabu am ma. Antaf jatat ja nne antam kawure fec damasar ma, nde mandeko mackay mawure kaper damaro ma.

¹⁰ Ko mandeko macdi yeri nambare-e, macyif MARIKI Kanu kam barka teta antaf jatat hako asaj am ma.

¹¹ Makembarne ta madekopalarne MARIKI Kanu kam de, han mayi ta mamenkarne mosom man, mayo mokur man ko sariye san, nse iyi kasom am mako ma.

¹² Makembarne ta mapalar MARIKI ko mandeko macdi yeri nambare, ko mandekocambar walo watat mabere wi disre-e.

¹³ Makembarne ta mapalar MARIKI ko yocal yam yopaj, nkesiya yam ko cir cam yendekokomas, kema ko gbeti yelar am, daka nde dayone dam ma fap dela-e,

¹⁴ makembarne ta abakac nam nere, tansaj'am kapalarne MARIKI Kanu kam, nke kanawuren'am ataf ja Misira nde kalo ka dacar ma.

¹⁵ Ko kasol'am tegrare tapaj ko tewey-wey, ataf ja bok ya makan, ja mekalencar, antaf howosu. Ko MARIKI owur'am domun datasar teyenkarne,

¹⁶ k'asaj'am kadi nde tegrare «man» mme atem am nanatocare ma, nte tansaj padusum am kataras disre, pawakas am, a padeyan'am on patat ma.

¹⁷ Ta malokune debakac: «Soket sem ko fanontar fa waca wem fasaj'em kasoto ka daka delaram dandel!»

¹⁸ Madeko maccem-cemne MARIKI Kanu kam, bawo ki kansaj'am soket sasotone sa daka delaram dadako, nte tansaj pape ne danapa dako enaderme atem am ma. Mananj ito teyine mako tante.

¹⁹ Ko mapalarne MARIKI Kanu kam, ko macame canu cacuru daraj, ko masalene ci, mactontne ci-e, isaj'on mako kacare kance disre a najfis-fis de.

²⁰ Ey, najfis-fis pama afum aka taf nye MARIKI eyi kamalak far yonu kirin ma, ko nantacanjkal dim da MARIKI Kanu konu-e.

9

Kanu kəmban tɔf teta bəkəc yelec

¹ Məcənkəl Yisrayel! Kəcali kə mənder məkə kəngbəkə ka Yurden, məkəban tɔf yəpəŋ nyə yəyɔ səkət yetas əm, sədare səpəŋ nse sibiŋkəli sayi səŋsə kəm mə,

² tɔf ya afum apəŋ ŋaŋec təcəme yuruya ya Anak akakə mənəcəre, aŋe mənə pacloku taŋan mə: «An'entam kəcəme yuruya ya Anak dəbəkəc-ε?»

³ Məcəre məkə a MARIKI Kanu kam kəsol'am pəmə nenc nde dəncəf kulum fər yam kirin mə. Nkən endekələsər aterene, nkən endekələpəs ŋa fər yam kirin, məndekəbanər ŋa atɔf ŋaŋan, mədifət ŋa katəna, pəmə təkə MARIKI olok'am ti mə.

⁴ Kə MARIKI Kanu kam kəndekəwənəs ŋa fər yam kirin-ε, ta mədekə məclokune dəbəkəc: «Teta dolompu dem təsəŋe nte MARIKI eyi kəsəŋ'em kəban atɔf ŋaŋe mə!» Mba teta dəlec bəkəc da afum akakə dəsəŋe nte MARIKI eyi kəbanəre ŋa fər yam kirin tɔf yaŋan mə.

⁵ Ala, bafə teta dosoku dam abəkəc kə dolompu dam dəsəŋe nte mənədeban tɔf yaŋan mə, mba teta dəlec bəkəc da afum akakə də MARIKI Kanu kam eyi kəbanəre ŋa yi fər yam kirin, kəmentər əm sə kəcəme darəŋ ka kəderəm nke enadərme atem am Abraham, Siyaka, kə Yakuba mə.

⁶ Awa məcəre oŋ a bafə teta dolompu dam tə MARIKI Kanu kam kəyi kəsəŋ'am antɔf ŋobotu ŋaŋəkə nte təŋsəŋe məban ŋi mə. Bawo fum wətaŋi ləŋəs məyənə!

Terəŋka ta tura towut

⁷ Məcəm-cəmnə, ta məpələrne a mənədəktər MARIKI Kanu kam haŋ pətəle kə nde dətəgbərə. Kəyefe dəsək nde nəwur atɔf ŋa Misira haŋ dəsək nde nəmbere nno kəfo kəŋke mə, nəncyenkər kəyenkər dəm MARIKI domp.

⁸ Nde tərɔ ta Horeb, nənadəktər MARIKI, kə pətəle kə nno nəyi mə haŋ k'efan kəmələk nu.

⁹ Nte inapə nde dətərɔ kəkəban walake wa masar mə, walake wa danapa nde MARIKI enasek kə nəna mə, k'iyi dəndo tərɔ kəroŋ mata wəco maŋkələ (40), pibi kə dan, incdi fe yeri, incmun fe.

¹⁰ Kə MARIKI əsəŋ im walake wa masar wawəkə mərəŋ, nwe nkən Kanu enacice kəca kən mə, moloku min mayi kə məkə enaloku nu nde tərɔ kəroŋ, pəyi nenc disre dəsək dadəkə analoŋkanə mə.

¹¹ Dəkələpsər da mata wəco maŋkələ (40) dadəkə, kə MARIKI əsəŋ im walake wa masar mərəŋ wa danapa.

¹² Awa, kə MARIKI olok'im: «Məyefe məkufe kətor, bawo afum am aŋe məwurene atɔf ŋa Misira mə ŋantalərne. Ŋaŋgbayme katəna dəpə nde incice ŋa mə, ŋalompse ŋasərka terəŋka.»

¹³ Kə MARIKI olok'im: «Inəŋk afum akanə, afum ataŋi ləŋəs ŋə.»

¹⁴ Məsak im imələk ŋa, inim ŋa mewe antɔf kəroŋ. Indesəŋe mənə Musa kəyənə wəka afum a atɔf ŋəpəŋ aŋe ŋandeyə səkət, ŋala ŋatas akanə mə.»

¹⁵ K'ingbəkəre sə kətor kəyefe tərɔ kəroŋ, walake wa masar wa danapa nwe mərəŋ wey'im dəwaca, tətəŋne tərɔ fəp pəcmar nenc.

¹⁶ K'inəŋk nte nənciya MARIKI Kanu konu mə, kə nəlompse nənasərka terəŋka ta tura towut, kə nəŋgbayme katəna dəpə dəkə MARIKI enacice nu mə.

¹⁷ K'isumpər walake wa masar wawəkə mərəŋ, k'ingbale wi waca wem mərəŋ, k'iwəkəc wi fər yonu kirin.

Musa eltsenə MARIKI teta aka Yisrayel

¹⁸ K'inkə itempene MARIKI fər kirin, pəmə təkə inayə ti təcəkə-cəkə mə. Mata wəco maŋkələ (40), pibi kə dan, incdi fe yeri, incmun fe teta kiciya fəp kəŋkə nənaciya mə, bawo nənadəktər MARIKI kəyə ka təkə təŋsəŋe kə mətəle mə.

¹⁹ Bawo inanese mətəle kə abəkəc ŋa MARIKI kəpə, nte pənatele kə pəpəŋ nno nəyi mə haŋ pəfan kəmələk nu. Mba tantə sə kə MARIKI encəŋkəl kələtsenə kem.

²⁰ Bel-bel bə pənatelə MARIKI nnə Aruna eyi mə haŋ pəfaŋ kəmələk kə, mba k'ilətsenə sə teta Aruna dəsək dadəkə.

²¹ K'ilək tura towut tatəkə, kiciya kaŋkə nənaciya mə, k'ingbal pi dənənc, k'incatki-catki pi, k'imbifəli pi haŋ kə pəyənə kəbof, k'inkə igbal kəbof kaŋkə dəndo kəŋgbəkə kaŋkə kəntor kəyefə ka nde dətəro mə.

²² Nde Tabera, nde Masa, kə nde Kibərot Tawa nənagbəkəre sə kədəktər MARIKI haŋ pətələ kə.

²³ Nte MARIKI enasom nu kəyefə Kades Barneya, pəcloku: «Nəyefə nəkə nəwəkərne nəbaŋ atəf ŋəkə isəŋ nu mə,» kə nəyənəkər sə mosom ma MARIKI Kanu konu səbomp, nənaləŋ fə kə, nənacəŋkəl fə dim dən.

²⁴ Nəyənəkər kəyənəkər dəm MARIKI səbomp kəyefə nte incərə nu mə.

²⁵ Ti tənəsəŋe k'intempənə MARIKI fər kirin mata wəco maŋkələ (40), pibi kə dan, bawo MARIKI enaloku kəfaŋ kəmələk nu.

²⁶ K'ilətsenə MARIKI, k'iloku: «MARIKI Wəbə kem, ta məmələk afum am, aŋe ŋayənə kə kam nke məwurusə debeki dam, nke mənawurənə atəf ŋa Misira kəca ka səkət mə!

²⁷ Məcəm-cəmnə Abraham, Siyaka, kə Yakuba acar am. Ta məcəpsər dətəŋi ləŋəs, delec bəkək kə kiciya ka afum akanə,

²⁸ ta tedesəŋe afum a atəf ŋəkə məwurənə su mə, ŋadeloku: «Bawo MARIKI entam fə kəbersenə ŋa antəf ŋəkə enadərəm kəsəŋ ŋa mə, kə pəyənə fə ti-ə, bawo MARIKI enter ŋa, it'owurənə ŋa kəkədifət nde dətəgbərə.»

²⁹ Afum am ŋə, kə kam nke mənawurənə fənəntər fam fəpəŋ kə kəca kam kətenci mə.»

10

Kəŋaŋne ka Kanu

¹ «Təm tatəkə tə MARIKI enalok'im: «Məpat walakə wa masar mərəŋ pəmə wəcəkə-cəkə, məpə tərə kəroŋ nnə iyi mə. Məndelompənə sə kaŋkəra ka tək.

² Moloku məkə mənayi walakə wa masar wəcəkə-cəkə wəkə mənawəkək mə, m'indəcicəs sə walakə wa masar wəkə məndəkəkəre mə kəroŋ, məber wi kaŋkəra disre.»

³ K'ilompəs kaŋkəra ka kətək ka kasiya, k'impət walakə wa masar mərəŋ pəmə wəcəkə-cəkə, k'impə nde tərə kəroŋ walakə mərəŋ wey'im dəkəca.

⁴ Kə MARIKI encic moloku məkə enəcicəs walakə wa masar wəcəkə-cəkə wəkə kəroŋ mə, mosom wəco məkə enaloku nu nde tərə kəroŋ pəyi nənənc disre, dəsək nde aka Yisrayel ŋanaləŋkanə mə, kə MARIKI ələk walakə wa masar wawəkə k'ember im dəwaca.

⁵ Nte iluksərne kətor tərə mə, k'imber walakə wa masar wawəkə mərəŋ dəkəŋkəra kəŋkə inalompəs mə, kə weyi dənda pəmə təkə MARIKI enasom im ti mə.

⁶ K'aka Yisrayel ŋayefə Beyerot Bene Yakan kəkə Mosera. Difə Aruna enafi, k'awup kə di. Kə wan kən Elasar ələk dəkəcəmə da kas kəyənə wələŋne wəpəŋ.

⁷ Kə ŋayefə dəndo kə ŋaŋkə Kudkoda, kə ŋayefə dəndo kə ŋaŋkə Yotbata atəf ŋə ŋəla cəŋgbəkə mə.

⁸ Təm tatəkə tə MARIKI enagbey aka kusəŋka ka Lewy taciŋa, nte təŋsəŋe ŋacgbaŋne kaŋkəra ka danapa da MARIKI, təsəŋe ŋacəmə MARIKI fər kirin, ŋayənə akirin a yəbəc yən, ŋactolane pətət sə aka Yisrayel tewə ta nkən MARIKI. Yəbəc yayəkə yə ŋayi haŋ məkə.

⁹ It'əsəŋe aka kusəŋka ka Lewy kəntəsətə kəfo ka kə awənəc aŋa dacə. MARIKI əyənə kə kəŋaŋ pəmə təkə nkən MARIKI Kanu kam enaloku tetən mə.

¹⁰ K'iwon sə dəndo tərə kəroŋ pəmə təcəkə-cəkə, mata wəco maŋkələ (40), pibi kə dan. Kə MARIKI owosə tantə sə kələtsenə kem, owosə fə sə kəmələk əm.

¹¹ Kə MARIKI olək'im: «Məyefə məkə məyi aka Yisrayel kirin. ŋabərə ŋabaŋ atəf ŋə inadermə atem aŋan kəsəŋ ŋa mə.»»

12 «Ndekəl oŋ Yisrayel, ake MARIKI Kanu kam kəfanəŋ əm-ε? Nte εfan mə a mənese MARIKI Kanu kam, məccəme səpə sən fəp darəŋ, məbətər kə, məcsalene MARIKI Kanu kam abəkək əm kə amera əm fəp,

13 məmənəkərne mosom ma MARIKI kə sariye sən pəmə nte iyi kəsom əm si məkə mə, nte tənşəŋe pətət pam peyi mə.

14 MARIKI Kanu kam kəyə kəm, kə monkubut ma ki, antəf kə ca cəkə ŋəyə mə fəp.

15 Atem am gbəcərəm ŋə MARIKI enasektərne te taŋan, ŋa ŋ'ənabətər. Nte ŋancepər mə, nəna yuruya yaŋan, nəna ŋ'eyek-yek afum alpəs aŋe dacə fəp, itə teyinε məkə tantε.

16 Awa nəyənε aŋe ampuse MARIKI bəkək yonu fəp mə, ta nətaŋ sə ləŋəs!

17 Bawo MARIKI Kanu konu, Kanu ka canu k'əyənε, MARIKI ma mariki, Kanu kəpəŋ, Kanu ka fənəntər, Kanu kəwey-wey, nke kəntəcəmene afum mə, Kanu nke antəkafəli amera kəpocε disre mə,

18 Kanu nke kəŋyac sariye sa wan wətəyə akombəra kə wəcəbokəra mə, nke kəmbətər wəcikəra, kəcsəŋ kə yeri kə yamos mə.

19 Nədəkə nəcbətər acikəra, bawo acikəra ŋə nənayənε nde atəf ŋa Misira.

20 MARIKI Kanu kam məndekə məcnesε, nkən məndekə məcsalene, nkən məndesektərne, tewe tən tə məndekə məcdermε.

21 Nkən pəmar nəkor-koru, nkən əyənε Kanu kam, nkən εbəc ndaram məyə məpəŋ kə məwey-wey mme fər yam yenanəŋk mə.

22 Atem am ŋanator atəf ŋa Misira, ŋayi afum wəco camət-merəŋ (70). Ndekəl oŋ, MARIKI Kanu kam kəsəŋ'am kəyənε kənay pəmə cəs ca dəkəm.»

11

Kəcem-cemas ka təkə Kanu kəyənε aka Yisrayel mə

1 Mədəkə məbətər MARIKI Kanu kam, məde mələləs məmənəkərne mən, məde məmənəkərne dəsək o dəsək məyə mokur mən, sariye sən, kə mosom mən.

2 Awa nəcərə məkə a bafə awut anu ŋ'iyi kələk-lokər akə ŋanatəcərə, ta ŋanəŋk sə mi mə de, mba nəna ŋ'inle, nəna aŋe nənayənε atəŋne tes ta kədusum ka MARIKI Kanu konu, ta debeki dən, kə səkət sa kəca kən kətenci mə.

3 Nənayənε sə atəŋne tes ta məgbəkərə mən kə məyə mən, mme enayə firawona wəbe wəka Misira kə aka atəf ŋən fəp Misira dacə mə.

4 Nənayənε sə atəŋne tes nte enayə asədar aka Misira mə, fələs yən, cibil cən ca dəkəwan, nte MARIKI enakal asədar akəkə domun da kəba ka Cəŋkəlma mə, nte ŋanacəme nu darəŋ kəbeləs mə, təkə MARIKI emələk ŋa haŋ məkə mə.

5 Nənayənε sə atəŋne məyə mme enayə nde dətəgbərə haŋ kə nənder nəberε nnə kəfo kaŋke mə,

6 təkə MARIKI enayə Dataŋ kə Abiram wan ka Eliyab wansə ka Ruben fər ya aka Yisrayel fəp kirin, nte antəf ŋenawani kusu kə ŋemer ŋa kə aka kələ kəŋan disre kələkene cəbal cəŋan haŋ kəbəp ca cəŋan fəp.

7 Inlək-lokər nu bawo fər yonu yati yə nənanəŋke tes təpəŋ nte o nte MARIKI enayə mə.

8 Awa, nədekə nəmənəkərne tosom fəp nte iyi kəsom nu məkə mə, nte tənşəŋe nədekəsətə səkət səkənε nəbaŋ atəf ŋəkə ŋendeyənε ŋonu mə,

9 nte tənşəŋe nədekəbəlse mataka monu atəf ŋŋε MARIKI enaderme Atem anu kəsəŋ ŋa kə yuruya yaŋan, atəf ŋaŋəkə ŋombəŋ dalε k'awop mə.

Antəf ŋŋε MARIKI enəgbəkərə mə

10 Atəf ŋəkə məŋkəbaŋ ŋəyənε əm mə ŋeyi fε pəmə antəf ŋa Misira ŋŋε məyεfε mə, nde məncəbal defet məcləŋsərə di domun wəcək wam pəmə nte fum endeləŋsər dəkəbət-bət yeri domun mə.

11 Atóf nñe nãndecep̄er kãkãban̄ ñoyõne ñonu mã, antóf ña mãrã kãron̄ kã mãrã dacã ñã, nñe ñon̄mun̄ domun̄ da wãcafãn̄ mã.

12 Antóf ñã ñoyõne nñe MARIKI Kanu kam kãngbãkãre mã, nñe kãmbum̄e fãr kãyefã dãkãcop̄ han̄ dãkãlãpsãr da teren mã.

13 Kã nãncãñkãl̄ mosom̄ mem̄ pãmã nte iyi mi kãsom̄ nu mãkã mã, nãbãtãr̄ MARIKI Kanu konu, nãcsalẽne kã bãkãc̄ yonu yosoku p̄es, kã mera yonu fãp̄-ẽ,

14 MARIKI oloku: «Indesõñ antóf ñonu wãcafãn̄ tem̄ nte pãmãr̄ pãder̄ mã, kãyefã mãlãfã han̄ lãñk, tem̄ tatãkã mãntel̄ mẽngbẽn̄ mam, mãpim̄ yokom̄ ya wen̄ wam̄ kã yokom̄ ya moro mam.

15 Ññsõñe sã yika kãcpon̄e yãcãl̄ yam̄ dale. Yeri yedeyi, mãcnẽmbãre.»

16 Nãkẽmbãrne kãsakne patin̄kãr̄ nu, nãgbaymẽ nãcsalẽne canu cãcuru, nãctontnẽ fãr ya ci kirin̄.

17 Mẽtele ma MARIKI mẽmbek̄ nnã ñayi mã, pãgbãt̄ kãm, wãcafãn̄ ãfãsãtuf. Antóf ñãfãsãtesẽ yãbãf, nãfãwon̄ kãfis-fis katãna dãndo atóf ñãtãt̄ ñãñãkã MARIKI ãñkãsõñ nu mã.

18 Nãdekã nãberne dãbãkãc̄ kã dãmera moloku mme iyi kãloku nu mã. Nãsektãreñe mi dãwaca pãmã tãgbãkãre, mey'ãm̄ dãtobu fãr yam̄ dacã.

19 Nãdekã nãctãkse mi awut̄ anu nãcloku ña mi kã nãndekãyi wãlã wonu, kã nãndekã nãckãt, kã nãndekã nãcfãntãre, kã nãndekã nãcyefã.

20 Nãdekã nãcic̄ mi fãrem̄ fa cumba ca wãlã wonu kã dãcusun̄ka ca sãdare sonu.

21 Awa mataka monu kã ma awut̄ anu antóf kãron̄ nñe MARIKI enãdãrmẽ kãsõñ atem̄ anu mã, mendela pãmã dẽlay da mataka ma kãm kã antóf.

22 Kã nãmẽñkãrne tosom̄ tantẽ iyi kãsom̄ nu mã, kã nãcãmẽ sã ti darãñ, nãbãtãr̄ MARIKI Kanu konu, nãcãmẽ sãpã sãñ fãp̄ darãñ, nãsektãrne kã-ẽ,

23 MARIKI endekãban̄er̄ fãr yonu kirin̄ afum̄ akakã fãp̄ tãf yan̄an, nãna nãkã nãban̄ tãf ya afum̄ añe ñala nu kã ñambek̄ sã sãkãt̄ ñatas nu mã.

24 Kãfo nke o nke kã nãndekãcãmbãr̄ wẽcãk̄ wonu kãñyõne konu: Kãlãncãr̄ konu kãndekãyefã dãtãgbãre han̄ Libãñ, kã kãyefã ka kãngbãkã ka Ëfãrat han̄ nde kãba ka nde dec dẽñkalẽ mã.

25 Ali fum̄ ãfãdekãsimsãr̄ nu. MARIKI Kanu konu endekãsõñe afum̄ aka tãf yayãkã nãndekãbãp̄ mã fãp̄ kãnesẽ kã ayek-yek, pãmã tãkã enaloku nu ti mã.

26 Mãcãñkãl̄, incãmbãr̄ mãkã kãpocẽ pãtãt̄ kã kãpocẽ pãlẽc̄ fãr yonu kirin̄;

27 Kãpocẽ pãtãt̄, kã nãncãñkãl̄ mosom̄ ma MARIKI Kanu konu mme iyi kãsom̄ nu mãkã mã-ẽ.

28 Kã kãpocẽ pãlẽc̄, kã nãntãcãñkãl̄ mosom̄ ma MARIKI Kanu konu mme iyi kãsom̄ nu mã, nãgbaymẽ dãpã dãkã iyi kãcicẽ nu mãkã mã, nãcsalẽne canu cãcuru nẽ nãntãcãre mã-ẽ.

29 Kã MARIKI Kanu kam kãndekãbers'am̄ atóf ñãkã mãñkãban̄ ñoyõne ñam̄ mã-ẽ, mãdekã mãcam̄ pãtãt̄ nde tãrã ta Karisim̄ kãron̄, mãcam̄ pãlẽc̄ nde tãrã ta Ebal̄ kãron̄.

30 Kãca ka Yurdẽn̄ kã mãrã mamãkã meyi ntende dec dẽñkalẽ mã, nde atóf ñ'aKanañ akã ñayi Araba ñãtãfãreñe kã Kilkal, nde tãk̄ yãpãñ ya More kãsãk.

31 Mãcam̄ moloku mamãkã dãndo, bawo kãcali kã nãnder̄ Yurdẽn̄, nãkãban̄ atóf ñãkã MARIKI Kanu konu kãsõñ nu mã, nãndekãban̄ ñi nãndẽ.

32 Nãdekã nãmẽñkãrne kãcãmẽ ka sariyẽ fãp̄ kã mãyã mokur darãñ, mme iyi kãcãmbãr̄ fãr yonu kirin̄ mãkã mã.

12 Sariyẽ sa MARIKI

12-26

1 Sariyẽ sañsẽ kã mãyã mokur mme nãdekãmẽñkãrne kãcãmẽ ka mi darãñ atóf ñãkã MARIKI Kanu ka atem̄ anu kãsõñ ãm̄ kãkãban̄ mãndẽ mã, dãsãk̄ o dãsãk̄ kãyi konu doru antóf kãron̄.

Dakasalene Kanu din

² Nādekā nāclāsār few mofō fāp mme afum akakō nāndekōbanjār tōf mā, ŋanjsalene canu cājan mā, kāyefe mārō meŋeci kārōŋ, kākō ka mofō metāmbālār, kābāp kātāk nke o nke kēŋkumptār dāntōf mā.

³ Nādekō nācwuŋ metek moloŋne canu cājan, nācwākēc masar maŋan mēcāmbār motontne, nāccōf mogbu maŋan motontne mme aŋwene tolom «Asera» mā, nāccēpās mērāŋka ma canu cājan, nānim mewe maŋan mofō mamākō.

⁴ Ta nādekō nācyō tatākō nnō MARIKI Kanu konu kāyi mā.

⁵ Mba nādekō nāctēn kō kāfo kēŋkō MARIKI Kanu konu kāndekōyēk-yēk kāyōne dākiyi dān cusuŋka conu dācō mā, pāyi dānda. Difō māndekō mākō.

⁶ Difō nādekō nāckekāre yōcōl yoloŋne pācōf yonu, yoloŋne yonu yōlōma, farile fa yokom yonu, kāfek konu, kālōŋne ka kāderām kō kātola ka tes, kāpocē ka bākēc yonu yosoku pēs, kō kāsōŋ ka awut acākō-cākō a yōcōl yonu: Cāna, cir kō ŋkesiya.

⁷ Difō nādekō nācdi yeri fār ya MARIKI Kanu konu kirin, nāna kō aka wōlō wonu disre fāp nāwolās-wolās kō daka nde nāndekōtāmpār mā fāp, daka dākō MARIKI Kanu konu kāndekōpocē nu pātōt mā.

⁸ Ta nādekō oŋ nācyō mes mame sēŋyō nnō mākō mā de, tantē nwe o nwe ŋyō tākō tentese kō dāfār mā,

⁹ bawo nāntabere fe kārēsna atōf ŋākō nāŋkōsōtō kāŋesām mā, ke nke MARIKI Kanu kam kēŋkōsōŋ am mā.

¹⁰ Kō nāndekōcali Yurden, kō nāndekōnde atōf ŋākō MARIKI Kanu konu kāndekōsōŋ nu ke mā, k'endekōsōŋ nu kāŋesām, kāyac nu aterene akō ŋandekōkel nu mā fāp, kō nānde atōf ŋaŋākō pāforu disre-ε,

¹¹ nde kāfo kēŋkō MARIKI Kanu konu endekōyēk-yēk kāyōne dākiyi dān mā, difō nādekō nāckekāre ca yākō isom nu kākēkēre mā: Yoloŋne pācōf yonu, yoloŋne yonu yōlōma, farile fa yokom yonu, kāfek konu, kō yoloŋne nye nāyēk-yēk teta kātolanē pātōt kō kāderām nnō MARIKI eyi mā.

¹² Nāwolās-wolās fār ya MARIKI Kanu konu kirin kākēk ka awut anu arkun, aran, kākō ka acar anu arkun kō aran kābāp ka wāLewy nwe o nwe eyi nde ndaram mā, bawo āsōtō fe ke kāyer nāna awēnc aŋa dācō.

¹³ Mākēmbārne kādekō kēcloŋne pōcōl pōcōf pam mofō mme māndekō mācnāŋk mā fāp.

¹⁴ Mba kāfo gbēcārām nke MARIKI endekōyēk-yēk kusuŋka konu kin dācō mā, difō mādekō mācloŋne yōcōl yōcōf, difō māndekō mācyō mes mame iyi kāsōm am mā fāp.

¹⁵ Tāmōne f'am kāfay ka pōcōl māsōm sem tēm o tēm nte māŋfāŋ mā, pāmō tākō MARIKI Kanu kam kāpocē pātōt nde ndaram dare o dare mā. Pāyōne fum wāsoku pāyōne wātōsāk fāp fāntam kāsōm yi, pāmō tākō aŋsōm were kō pāyōne fe ti wār mā.

¹⁶ Ta nāmūn mecir ma pōcōl pākō nāndif mā gbēcārām. Mālōŋ mecir mā mākō dāntōf pāmō domun.

¹⁷ Pāmar fe mādekō mācdi nde ndaram farile fa mēŋgbēn mā, wēn wām, kō moro mā, kākō ka awut acākō-cākō a cāna, cir kō ŋkesiya yām, kābāp ka kālōŋne kam nke māndetola pātōt kō kāderām mā, hāŋ kālōŋne ka kāpocē nke māŋsōŋ MARIKI abākēc ŋosoku pēs mā kō yēfek yām.

¹⁸ Mba nde fār ya MARIKI Kanu kam gbēcārām pāmar mādekō mācdi yeri yayākō, nde kāfo kēŋkō endekōyēk-yēk mā, kākēk māna hāŋ wān kam wārkun kō wārān, kākō wācar kam wārkun kō wārān, kābāp kō wāLewy nwe o nwe eyi nde ndaram mā. Māwolās-wolās MARIKI Kanu kam fār kirin teta daka dākō māndekōsōtō mā fāp.

¹⁹ Kāwon kam kāyi doru fāp antōf kārōŋ, mādekō māēmbārne ta māsak wāLewy.

²⁰ Kō MARIKI Kanu kam kāndekōwākēlās cālāncār cam pāmō tākō kānalōk'am ti mā, kābas ka kāsōm sem kāsōŋ'am kēcōpēne-ε: «Mba, sem yēmbas im kāsōm», māntam kāsōm sem pāmō tākō māfāŋ mā.

²¹ Kò pəyɔnɛ kəfo nke MARIKI Kanu kam eyek-yek kəyɔnɛ dəkiyi dɔn kəmbəl'am-ɛ, məntam kədif cəna, kò pəyɔnɛ fɛ ti-ɛ, cir kò ŋkesiya nyɛ MARIKI ɔsɔŋ əm mə, pəmɔ tantɛ iyi ti kəsom əm mə, məntam kəsəm sɛm yayəkɔ nde ndaram, təkɔ pəmbət əm mə.

²² Məsəm sɛm yayəkɔ pəmɔ təkɔ mən̄səm sɛm ya were kò pəyɔnɛ fɛ ti-ɛ, sɛm ya wər mə. Fum pəsək, ɔsək fɛ, ɛntam yi kəsəm.

²³ Mba məkəmbərne kətəmun mecir ma yi, bawo mecir kiya wəyɛŋ kə. Ta məsəmɛnɛ kiya wəyɛŋ kə sɛm.

²⁴ Ta məmun mi, məlon mi dəntəf pəmɔ domun.

²⁵ Ta məmun mi, ntɛ tən̄sɔŋɛ mes mam mede mectesɛ, məna kò awut am kò məna məncepər-ɛ, məcyɔ təkɔ tentesɛ MARIKI fər kirin̄ mə.

²⁶ Mba daka dam ndɛ məmpus gbəcərəm yɔsətɔ yam dacɔ kəsɔŋ MARIKI mə, kò yolɔŋɛ yam ya kətola tes kò ya kədɛrəm yɔ mədekɔ məckekərə kəfo kan̄kɔ MARIKI eyek-yek mə.

²⁷ Mədəkɔ məclɔŋɛ yɔcəl pacɔf yonu, sɛm kò mecir, nde tetek tolon̄ɛ kəron̄ pa MARIKI Kanu kam. Mecir ma yolɔŋɛ yam, mədekɔ məclɔŋ mi tetek tolon̄ɛ ta MARIKI Kanu kam kəron̄, məna məsəm sɛm yayəkɔ.

²⁸ Məmɛŋkərne məcən̄kəl belbel moloku mamɛ iyi kəsom əm mə, ntɛ tən̄sɔŋɛ mes mam mede mectesɛ tɛm fəp mə, məna kò awut am kò məncepər-ɛ, məŋyɔ tɛm tatəkɔ tes ntɛ təmbət kò tentesɛ sɔ MARIKI Kanu kam mə.

Teyefərənɛ kə canu ca aKanaŋ

²⁹ Kò MARIKI Kanu kam endekəmələk fər yam kirin̄ afum akɔ məndəkɔbaŋər tɔf yaŋan mə, kò məna məndəkəlɪp sɔ kəbaŋ tɔf yayəkɔ məndɛ-ɛ,

³⁰ mədekɔ məkəmbərne kəsaknɛ towul tosumpər əm kətubucnɛ kəŋan, k'andekəlɪp kəmələk ŋa fər yam kirin̄-ɛ. Məkəmbərne kədəkɔ kəctɛnəs mes ma canu cəŋan məcyifət: «Cəke c'afum akan̄ɛ ŋancsalɛnɛ canu cəŋan-ɛ? It'ina sɔ ifan̄ kəyɔ.»

³¹ Ta mədekɔ məcyɔ tatəkɔ MARIKI Kanu kam de! Bawo pəyikyik mpɛ MARIKI enter mə fəp pɔ ŋancyɔnɛ canu cəŋan, ŋanckɔ han̄ ŋacləmɛ canu cəŋan dən̄ɛnc awut aŋan arkun kə aran.

13

¹ Moloku mamɛ in̄som nu mə fəp, nəmɛŋkərne kəcəmɛ ka mi darəŋ. Ta mədɛŋər, ta məbeli sɔ təlɔm o təlɔm.

Teyefərənɛ kə aleləs canu cəcuru

² Təlɔma fum pədewur əm dacɔ, pəyɔnɛ sayibɛ, kò pəyɔnɛ fɛ ti, waliwu wəlɔma, pəclɔk'əm tɛgbəkərə kò pəyɔnɛ fɛ ti tes tɛwɛy-wɛy təlɔma-ɛ.

³ Kò tɛgbəkərə tɛwɛy-wɛy təkɔ ɛnaloku teder teyi-ɛ, pəclɔku: «Pacəmɛ canu cəcuru darəŋ,» canu nɛ nəntɔcərə mə, «Pasalɛnɛ ci»,

⁴ ta nəcən̄kəl təkɔ sayibɛ sasəkɔ kò pəyɔnɛ fɛ ti waliwu wəkakɔ ɔŋloku nu mə! Bawo MARIKI Kanu konu kəyi kəwakəs nu kəcərə kò pəyɔnɛ a nəmbətərə kò bəkək yonu yosoku pɛs, kò mera yonu fəp-ɛ.

⁵ Nədəkɔ nəcəmɛ MARIKI Kanu konu darəŋ, nənesɛ kò, nəmɛŋkərne mosom mən, nəcən̄kəl dim dɔn, nkən̄ pəmar nəcsalɛnɛ, nəsektərne kə.

⁶ Sayibɛ kò pəyɔnɛ fɛ ti waliwu wəkakɔ mɛnɛ padif kə, bawo ɔncɔŋəs afum kəyɛŋkər MARIKI Kanu konu səbomp, Kanu nke kənawurɛnɛ nu atəf ŋa Misira, kò kəwurus əm kələ ka dacar. Wəkayi ɛfan̄ kəlɪŋs'əm kəgbaymɛ dɔpɔ dəkɔ MARIKI Kanu kam ɛnasom əm kəcəmɛ darəŋ mə. Məŋnim tɛm tatəkɔ pələc aka Yisrayel dacɔ.

⁷ Kò wɛnc əm wan ka iya wəkam, wan kam wərkun, wan kam wəran, wəran nwe endir'am kəsək mə, kò pəyɔnɛ fɛ ti wanapa kam nwe məmbətər pəmɔ mənasərka mə, pəwakəs kəlɪŋəs əm kəgbəpɛnɛ disrɛ pəclɔku: «Pakəlɔŋɛ canu cəlɔma,» canu nɛ məna kò awisi aŋa ŋanatɔcərə mə,

⁸ canu cɔ nce afum alɔma aɲe ɲanɔŋkɔr nu mɔ ɲaɲsalene mɔ, tɔyɔne afum akakɔ ɲayi nu kəsək, tɔyɔne ɲambɔlen'am, kəyefe nde doru doncop han ɲe deləpsər mɔ-ε,

⁹ ta məwose ti, ta məcəŋkəl kɔ, ta məyɔne kɔ nɔnɔfɔr, ta məyay kɔ, ta məyac kɔ.

¹⁰ Pəmar mədif wəkayi. Mənuŋkene kədenɔr kɔ kəca ka kəsut ka kədif, a waca wa afum alpəs aɲe fəp wedebəp kɔ.

¹¹ Məca-cas kɔ, pəfi, bawo wəkayi efan kəlinɔs əm pəbɔlen'am MARIKI Kanu kam nke kənwuren'am atɔf ɲa Misira nde mənayi kəɔ ka dacar mɔ.

¹² Təm tatəkɔ, aka Yisrayel fəp ɲandene ti, təsɔɲe ɲa kənesε, ɲafəsɔgbəkəre kəyɔ tes telɛc pəmɔ tatəkɔ aka Yisrayel dacɔ.

¹³ Kɔ mənε paclokε ti dare din dɔlɔma nde MARIKI Kanu kam enasɔɲ əm kənde mɔ-ε:

¹⁴ «Abut mera ɲawur afum am dacɔ kɔ ɲalinɔs aka dare daɲan, ɲacloku ɲa: «Paɲkənsalene canu cəlɔma,» canu nce nəntɔcəre mɔ-ε,

¹⁵ mətənəs kance ka moloku maməkɔ belbel, məyifət, məkəkce mi belbel. Kɔ pəyɔne a kance yati kɔ, kɔ pəyɔne a afum ɲayɔ ti, kɔ pəyɔne a pəyikyik papəkɔ MARIKI enter mɔ nənə dacɔ ayɔ pi-ε,

¹⁶ məpaɲne aka dare dadəkɔ mədifte ɲa dakma. Məsut dare dadəkɔ han ɲamələk afum di fəp, kələkene yɔcɔl yaɲan mədifte yi dakma.

¹⁷ Məlɔŋka daka daɲan dofoɲət dabanɲa, məcɔf dare kɔ daka dofoɲət dadəkɔ fəp, mələsəre yi few MARIKI Kanu kam. Kəfo kanɲkɔ kəɲyɔne təm tatəkɔ tɛpɛsa mpe antəsɔtam kənde mɔ, afəsɔgbəkəre kəcəmbər dare dadəkɔ few.

¹⁸ Ta mələkene pəyikyik mpe o mpe MARIKI enter mɔ, pəmar paləsər han pamələk mɔ, nte təɲsɔɲe abəkɛ ɲotor MARIKI pəber mətɛle mən məpəɲ kumunt mɔ, pəyɔn'am nɔnɔfɔr, pəsɔɲ'am kəkɔməs, pəmɔ təkɔ enadərme ti atem am mɔ,

¹⁹ nte təɲsɔɲe məcəŋkəl dim da MARIKI Kanu kam, məmɛɲkərne mosom fəp mame iyi kəsom əm məkɔ mɔ, məcyɔ sɔ təkɔ tolomp fər ya MARIKI Kanu kam kirij mɔ.

14

Kəmənε ka məyɔ mokur ma afum acuru dəkəbal

¹ Awut a MARIKI Kanu konu ɲɔ nəyɔne, kɔ fum efir nu-ε, ta nəgbes-gbesine tetɔn, ta nəfonne cəfon ca dəmɔbu.

² Bawo afum apus ɲɔ nəyɔne nnɔ MARIKI Kanu konu kəyi mɔ. Nən'ɔ MARIKI Kanu konu eyek-yek nte təɲsɔɲe nəyɔne afum ən aka dətım afum a doru dandε fəp dacɔ mɔ.

Səm nyε awosε kɔ nyε amənε fum kəsəm mɔ

³ Ta mədi pəyikyik mpe o mpe MARIKI enter, a k'əmənε mɔ.

⁴ Səm nyε y'awosε nu kəde kəcsəm: Wana, aɲkesiya, kɔ wir,

⁵ wəsəm nwe o nwe wɔɲwurenε kɔ wəcək mɔ, aɲkesiya kɔ wir wa dəmɔrɔ mənɛci, kɔ dokom da were wəpəɲ kɔ wɛfɛt.

⁶ Nədetam kəcsəm səm fəp nyε yɛɲgbeyenε mɛlər mɔ, yɔyɔ mɛlər mɛrəɲ, nyε yɛɲnakəmne kɔ yɔntəyi kəsəmət pəmɔ wana-ε.

⁷ Mba ta nəde nəcsəm səm dacɔ nyε yɛɲnakəmne pəmɔ wana mɔ, kɔ yɔyɔ mɛlər mɛrəɲ mɛgbeyenε: Yəkəme, tərəp, kɔ dokom da debem nde deyi dəmasar mɔ. Səm yɔ nyε yɔɲsəm yika mɔ, mba yi yɛɲgbeyenε fɛ mɛlər mɛrəɲ. Awa, səm yayəkɔ yəsək fɛ nnɔ nəyi mɔ.

⁸ Asop nɲε ɲɛɲgbeyenε mɛlər, mba ɲɔfɔnakəmne yika pəmɔ wana, ɲəsək fɛ nnɔ nəyi mɔ. Ta nəsəm səm ya sop, ta nəgbuɲenε yefi ya yi.

⁹ Səm nyε yeyi dərɔmun mɔ, nyε yɔ awosε nu kəde kəcsəm: Səm nyε yɔyɔ yɛɲernenε kɔ wokwok mɔ fəp.

¹⁰ Mba ta nəsəm mpe o mpe pəntəyɔ yɛɲernenε kɔ wokwok mɔ, yayəkɔ yəsək fɛ nnɔ nəyi mɔ.

¹¹ Nəde nəcsəm bɛmp nyε yəsək mɔ fəp.

¹² Mba bɛmp nyε yɔ ta nəde nəcsəm yi: Ayɔfən, abəkər kɔ asiksik ɲɛfɛr kɔ ɲa dəkəba,

13 tɔŋgbɛ pebi kɔ peyim, aŋkɔlokɔlo kɔ dokomɛnɛ dayi,
 14 bɛmp ya mɛnar kɔ dokomɛnɛ dayi fɛp,
 15 otɛris, awump, abɛkar kɔ dokomɛnɛ dayi,
 16 awump kɔ dokom da ŋi,
 17 antombon, alifɔt, kɔ ancapɛraman,
 18 bɛmp ya agbɛp ŋa cɛba kɔ dokomɛnɛ dayi, kɔ tempirfin.
 19 Yoyokɛ-yokɛ yɛfɛt yɛfɛt nyɛ yɔyɔ banca yɛfɛlɛr fɛp, pɛmar fɛ nɛsɔm yi, yɔsɔk fɛ nnɔ nɔyi mɔ.
 20 Mba nɛntam kɛcsɔm yɛfɛlɛr-fɛlɛr fɛp nyɛ yɔsɔk mɔ.
 21 Ta nɛde nɛcsɔm wɛsɛm nwɛ atɔfay amera mɔ. Mɛdekɔ mɛcsɔŋ wi wɛcikɛra nwɛ eyi nde ndaram mɔ, nkɔn pɛsɔm wi, kɔ pɛyɔnɛ fɛ ti-ɛ, mɛcɛmsɛr wi wɛcikɛra, bawo fum nwɛ ampus mɔ mɛyɔnɛ nnɔ MARIKI Kanu kam kɔyi mɔ. Ta mɛdekɔ mɛcpɛcɛ sɛm ya wir mɛsɛ ma kɛrɛ ka wi.

Sariye sa farile

22 Mɛdekɔ mɛcsɔŋ kɛren o kɛren farilɛ fa yokom ya yɔbɔf nyɛ dale dam dendekɔ dɔcsɔŋ ɛm mɔ fɛp.
 23 Mɛdekɔ mɛcdi yeri fɔr ya MARIKI Kanu kam kirin, nde kɛfo nkɛ endekɔyɛk-yɛk kɛyɔnɛ dɛkiyi dɔn mɔ, kɛyɛfɛ farilɛ fa mɛngbɛn mam, fa wɛn wam, kɔ fa moro mam, kɛbɛp ka awut acɔkɔ-cɔkɔ a yɔcɔl yam cɛna, cir kɔ ŋkesiya yam, ntɛ tɔŋsɔŋɛ mɛtɛkɛs kɛnɛsɛ tɛm fɛp MARIKI Kanu kam mɔ.
 24 Tɔlɔma dɔpɔ dɔbɔlɛ teta kɛsarɛ fi, tɔlɔma kɛfo nkɛ MARIKI Kanu kam kɛyɛk-yɛk kɛyɔnɛ dɛkiyi dɔn mɔ kɛmbɔlɛnɛ ndaram, bawo MARIKI Kanu kam ompoc'am pɛtɔt-ɛ,
 25 tɛm tatɔkɔ mɛntam kɛsɛkpɛrɛ farilɛ fam pɛsam, mɛtɔmpɛr pɛsam papɔkɔ dɛkɛca mɛkɔ nde kɛfo kanɔkɔ nkɔn MARIKI Kanu kam ɛyɛk-yɛk mɔ.
 26 Dɛndo kɛfo kanɔkɔ, mɛntam kɛsɛkpɛrɛ sɔ pɛsam papɔkɔ daka o daka ndɛ mɛŋfan mɔ, pɛyɔnɛ cɛna, pɛyɔnɛ cir kɔ ŋkesiya, pɛyɔnɛ wɛn, pɛyɔnɛ member mpɛ o mpɛ pɛmbɔt ɛm mɔ, mɛdi yi dɛndo MARIKI Kanu kam fɔr kirin, mɛwolɛs-wolɛs, mɛna k'aka kɛlɔ kam disrɛ.
 27 Ta mɛsak wɛLewy nwɛ o nwɛ eyi nde ndaram mɔ, bawo ɔsɔtɔ fɛ kɛ aka Yisrayel dacɔ.
 28 Dɛkɛlɛpsɛr da teren ta maas ntɛ o ntɛ, mɛcwurɛ farilɛ fɛp fa yokom ya yɔbɔf yam ya kɛren, mɛcboc yi sɛdare sonu nɛ nɛndɛ mɔ.
 29 Mɛcɛrɛ a wɛLewy ɔsɔtɔ fɛ kɛfo kɛ kam dacɔ. Awa, wɛLewy, wɛcikɛra, wɛtɔyɔ kɛrɛ kɔ kas, wɛcɛbokɛra, aŋɛ ŋayi dare donu mɔ fɛp, ŋader ŋadi yeri yayɔkɔ han ŋanɛmbɛrɛ, ntɛ tɔŋsɔŋɛ MARIKI Kanu kam kɛpoc'am pɛtɔt dɛyɛbɛc ya waca wam fɛp mɔ.

15

Kɛlɛksɛ ka debe teren ta camɔt-mɛrɔŋ ntɛ o ntɛ

1 Dɛkɛlɛpsɛr da teren ta camɔt-mɛrɔŋ ntɛ o ntɛ mɛde mɛcŋaŋɛ sɛbe sam.
 2 Ntɛ tɔ pɛmar pacŋaŋɛ sɛbe dɛkɛlɛpsɛr da teren ta camɔt-mɛrɔŋ: Nwɛ o nwɛ ɛnabɔr wɛnc mɔ, pɛmar pɛŋaŋɛ. Pɛmar fɛ pɛcɔŋɛs wanapa kɔn kɔ pɛyɔnɛ fɛ ti wɛnc kɛsɔŋ ka debe dɔn, k'andɛŋk kɛŋaŋɛ sɛbe tewɛ ta MARIKI-ɛ.
 3 Mɛntam kɛcɔŋɛs wɛcikɛra kɛlɛks'ɛm debe, mba mɛŋaŋɛ sɛbe sa wɛnc nɛ mɛnasɔŋ kɔ mɔ.
 4 It'ɔsɔŋɛ ta ancɛrɛ wɛtɔyɔ daka nu dacɔ, bawo MARIKI endepoc'am kɛpocɛ pɛtɔt nde atɔf ŋam nŋɛ MARIKI Kanu kam endekɔsɔŋ ɛm kɛndɛ, mɛban ŋɔyɔn'am kɛ mɔ.
 5 Tes tin gbɔŋ t'ɛfan, mɛcɛŋkɛl belbel dim da MARIKI Kanu kam, mɛmɛŋkɛrɛnɛ kɛcɛmɛ ka mosom mɔn darɔŋ fɛp mɛmɛ iyi kɛsom ɛm mɛkɔ mɔ.
 6 MARIKI Kanu kam endepoc'am pɛtɔt pɛmɔ tɔkɔ olok'ɛm ti mɔ. Mɛndekɔ mɛcbɔr acikɛra a tɔf yɛlarɛm sɛkɛ, mba mɛna mɛfɔde kɔ mɛccɛmbɛr sɛkɛ kɛbɔ. Mɛndekɔtasɛrɛnɛ afum a tɔf yɛlarɛm, mba ŋafɔdekɔtasɛrɛnɛ mɛna.

⁷ Kò wenc ãm wáloma eyi nde ndaram ta òyò daka-ε, dãndo atòf nñε MARIKI Kanu kam kásòñ ãm mò, ta mǎdekòyènkàr kò fòr, ta mǎdekòmepàr wenc ãm wátòyò daka wákakò kàca.

⁸ Mǎperàr kò kàca, pǎcǎmbàr'am sèkε, mǎbàr kò daka pǎlompàs mes mmε mombut kò mò.

⁹ Mǎkembàrnε belbel ta mǎlokunε dεbákεc mεcεm-cεmnε ma kǎbut amera, mǎclokunε: «Teren ta camèt-mεrəñ tǎlǎtərnε, kǎren kəñəñnε sǎbe,» ta mǎcmǎmǎnε wenc ãm wátòyò daka dǎfòr dεlεc, mǎyì ta mǎsəñ kò daka ndε o ndε-ε. Kò mǎyò ti-ε, oñkornε MARIKI teta kǎbut amera kam, tǎyòn'am kiciya.

¹⁰ Mǎsəñ kò belbel, ta abákεc ñam ñey'im pǎlεc kò mǎndeyi kásòñ kò-ε. Ti tǎñsəñε MARIKI Kanu kam pǎpoc'am pǎtǎt dǎyεbǎc yam kò dǎmosumpàr mam fǎp.

¹¹ Atòyò daka ñandeyi tεm fǎp dǎtǎf. Itò isom am tante: Pǎmar mǎperàr kàca wenc ãm nwε òntòyò daka kò nwε eyi dǎpǎcucanε pǎyì nde ndaram mò.

Tεsak ta acar ñakò yεñəñ

¹² Kò wenc ãm wáloma wǎHebàre wǎrkun kò pǎyòñε fε ti wǎran, εncamsərn'am kǎyòñε ka wǎcar kam-ε, pǎbǎc'am meren camèt-tin. Teren ta camèt-mεrəñ, mǎsak kò pǎyì yεñəñ.

¹³ Kò mǎdekòsak kò, pǎyì yεñəñ-ε, pǎmar fε pǎkò waca wǎsǎkàr.

¹⁴ Mǎde mǎperàr kò waca, mǎpocε kò ñkesiya kò cir cǎloma yǎcǎl yam dacò, mǎwure mεñgben kò wεn wam wáloma mǎpocε kò pǎla pǎmò ntε MARIKI Kanu kam ompoc'am pǎtǎt pǎla mò.

¹⁵ Mǎdekò mǎccεm-cεmnε a mǎnayòñε wǎcar atòf ña Misira, kò MARIKI Kanu kam owurus ãm dacar dadákò. It'iyi kǎsom'am ti mǎkò tante.

¹⁶ Mba kò wǎcar kam olok'am: «Ifañ fε kǎwur nnò kǎlò kam,» bawo òmbòtər ãm, mǎna kò aka kǎlò kam, tεtəñnε pǎyì ndaram belbel-ε,

¹⁷ tεm tatókò mǎlek abak, mǎpifi kò aləñəs mǎbǎkcàr kò kumba. Tεm tatókò, òyòñε wǎcar kam kǎyì kǎn doru oñ fǎp. Itò mǎntam sò kǎyò wǎcar kam wǎran.

¹⁸ Ta pǎcuc'am kǎsak wǎcar kam pǎyì yεñəñ, bawo εmbǎc'am meren camèt-tin, òsəñ'am kǎsòtò kǎmεrəñ ka kǎway ka wǎbǎc wáloma nwε eyi kǎbǎc'am mò, MARIKI Kanu kam ompoc'am pǎtǎt dǎmes mǎkò mǎñsumpàr mò fǎp.

Yokom ya yǎcǎl yam yǎcǎkò-cǎkò

¹⁹ Mǎdekò mǎcsəñ yokom yǎcǎkò-cǎkò yorkun ya yǎcǎl yam fǎp MARIKI Kanu kam nyε ande packom nnò yǎcǎl yam dacò mò: Cǎna, cir kò ñkesiya. Ta mǎdekò mǎbǎcε yokom yorkun yǎcǎkò-cǎkò ya cǎna cam, ta mǎgbet-gbetəs sò yowut yorkun yǎcǎkò-cǎkò ya ñkesiya.

²⁰ Mǎdekò mǎcsəm yi teren kò teren, mǎna kò aka kǎlò kam disrε, MARIKI Kanu kam fòr kirin, nde kǎfo kəñkò endekòyεk-yεk kǎyòñε dǎkiyi dǎn mò.

²¹ Kò pǎyòñε pǎcǎl pam papókò pǎyò dolokəp, pontorər, pǎtǎnəñk, kò pǎyòñε fε ti, pǎyò kǎfo kǎloma nkε kǎntǎtesε mò, ta mǎlòñnεnε pi MARIKI Kanu kam.

²² Mǎsəm pǎcǎl posoku papókò nde ndaram. Fum wǎsoku kò wǎtǎsǎk fǎp ñantam kǎsəm pi, pǎmò tǎkò añsəm were kò wǎr mò.

²³ Mecir ma wεsεm mamókò mò mǎntǎmun. Mǎlòñ mi dǎntǎf pǎmò domun.

16

Kǎsata ka Pak

¹ Kò Musa oloku sò, «Mǎde mǎcleləs ñof ña Abib mǎbocε MARIKI Kanu kam kǎsata ka kǎcεm-cεmàs ka Kǎcepàr ka mεlεkε medif. Bawo ñof ña Abib ñəñkò ñò MARIKI Kanu kam εnawuren'am atòf ña Misira pibi disrε.

² Mǎlòñnεnε kǎleləs ka MARIKI Kanu kam yǎcǎl yam dacò teta kǎsata kəñkò wana, wir kò pǎyòñε fε ti añkesiya, nde kǎfo nkε MARIKI endekòyεk-yεk kǎyòñε dǎkiyi dǎn mò.

³ Kəsata kaŋkə disre, ta məsəm paka o paka pənəŋkəl lebin, məcsəm mata camət-merəŋ disre cəcom cətənəŋkəl lebin, cəcom ca pucuy cə, nce cənde kəccəm-cəməs əm kəbelkər nke mənawurənə atəf ŋa Misira mə. Tendəsəŋ'am kəccəm-cəmne dəsək nde mənawur atəf ŋa Misira mə mataka mam ma doru fəp.

⁴ Nde atəf ŋam disre fəp mata camət-merəŋ maməkə disre ta lebin nde o nde denyi nde ndaram. Səm yəkə məndekələnə dəfəy da tataka təcəkə-cəkə mə, ta səm yayəkə yedire haŋ dəkəsək bətbət.

⁵ Məfəde məclənə polənə teta kəsata kaŋkə dare o dare nde MARIKI Kanu kam endəsəŋ əm kənde mə.

⁶ Mba kəfo kin nke MARIKI Kanu kam endəkəyək-yək kəyənə dəkiyi dən mə gbəcərəm pəmar mədekə məclənə polənə papəkə, dec dərəfəy kə dec dendekalə-ε, məsurənə dec dəkə mənawur Misira mə.

⁷ Məkəkəl tēsəm polənə pam, məsəm pi kəfo nke MARIKI Kanu kam endəkəyək-yək mə. Dəkəsək bətbət, məlukus nde cəbal cam.

⁸ Mata camət-tin disre məsəm cəcom cətənəŋkəl lebin. Tataka ta camət-merəŋ kələnkanə kəlpəs ka kəsata kaŋkə kə, teta pələl pa MARIKI Kanu kam, ali təcəc məfəsumpər dəsək dadəkə.»

*Kəsata ka Mataka Moluksər**

⁹ «Mələm mataka moluksər camət-merəŋ, mataka wəco kəcəmət kəyefe tēm nte amber mənəgbən kətetiya kətəl mə,

¹⁰ a mənəbocə MARIKI Kanu kam kəsata ka Mataka Moluksər. Kəpocə nke mənəkə məcsənə abəkəc ŋosoku pəs mə, kənde kəctənənə kə kəpocə pətət nke MARIKI Kanu kam ende pəcsəŋ əm mə.

¹¹ Məwoləs-woləs MARIKI Kanu kam fər kirin, nde kəfo kaŋkə nkən MARIKI Kanu kam endəkəyək-yək kəyənə dəkiyi dən mə, kəyefe mənə, wan kam wərkun kə wəran kəkə ka wəcar kam wərkun kə wəran, kəbəp wəLewy nwe endəkəyi nde ndaram mə, wəcikəra haŋ wan nwe akombəra ən ŋafi mə kə wəcəbokəra aŋe ŋayi nu dacə mə.

¹² Mədekə məccəm-cəmne a mənəyənə wəcar atəf ŋa Misira, mədekə məcmənəkərne sariye sasəkə məcəmə sə si darəŋ.»

Kəsata ka Nəbancan

¹³ «Kə mədekə məcboc kəsata ka Cələŋgbe mata camət-merəŋ disre kə məlip kəsepər yetəl yam kə kəfəcəs wən wam-ε.

¹⁴ Məwoləs-woləs kəsata kaŋkə disre kəyefe mənə, wan kam wərkun kə wəran kəkə wəcar kam wərkun kə wəran, kəbəp ka wəLewy kə wəcikəra haŋ wan nwe akombəra ən ŋafi mə, kə wəcəbokəra aŋe ŋayi nde ndaram mə.

¹⁵ Mədekə məcbocə MARIKI Kanu kam kəsata mata camət-merəŋ disre nde kəfo kaŋkə MARIKI endəkəyək-yək mə. Bawo MARIKI Kanu kam endəkəpoc'am pətət dəyətəl yam kə yəbəc ya waca wam fəp, məyine oŋ pəbotu yati.

¹⁶ Kəmaas kəren disre pəmar arkun aka Yisrayel ŋakə ŋamentərne MARIKI Kanu kam fər kirin nde kəfo kaŋkə endəkəyək-yək mə: Tēm ta kəsata ka Cəcom cətənəŋkəl lebin, ta kəsata ka Mataka Moluksər, ta kəsata ka Cələŋgbe†. Afəmentərne MARIKI fər kirin waca wəsəkər.

¹⁷ Nwe o nwe pəsəŋ pəkə entam mə, pətənənə pa kəpocə pətət nke MARIKI Kanu kam kəsəŋ əm mə.»

Sariye sa kəkətənə kiti

* **16:8** *Kəsata ka Mataka Moluksər*, aŋsəkpər tewe ta kəsata kaŋkə «Pantikot» † **16:16** Mewe ma cəsata mame andənər cəsata maas cəpəŋ cacəkə. Pantikot, tewe ta kəsata nke ancəboc teren o teren. Amboc kəsata nke nte mata wəco kəcəmət kəŋcepər kəyefe dəsək nde anacəp kətəl mə. Andənər sə kəsata kaŋkə «kəsata ka Mataka moluksər,» bawo kələm ka mataka moluksər camət-merəŋ kəntənə kə mata wəco maŋkələ kə camət-maŋkələ, mata wəco kəcəmət k'amboc kəsata dəkəsək-ε.

¹⁸ «Mādekā maccāmbār aboc kiti kō atubuc mes nde sādare nse MARIKI Kanu kam endekāsōŋ ăm mō fəp, dācusuŋka kō dācusuŋka. Nādekō ŋacboce aka Yisrayel kiti kance kəlompū disre.

¹⁹ Ta mākafali kiti. Ta mēcāmenē nwe o nwe, ta mēwose sō kəbāŋ kəpocē kəgbāpne, bawo kəsōŋe fər ya acəre kəkətene mes kətōnəŋk kance, kəsōŋe fum kəgbayme moloku ma alompu.

²⁰ Māsektərne kēcāme pəlompū pa kance darəŋ, nte təŋsōŋ'am kəyi doru, mākō sō mēbāŋ atəf nŋe MARIKI Kanu kam kəsōŋ ăm mō.»

Məyō mmē aməne mō

²¹ «Ta mādəf ali togbu pin potontne mpe aŋwene tolom ta Asera mō, ali kətək kin ta mēcāmbār dāndo tetek toloŋne MARIKI Kanu kam kəsək, tetek toloŋne mpe mändelompse Kanu kam mō.

²² Māfədəkədəf tasar pəcāmbār potontne, MARIKI Kanu kam kənter tōyō tatəkō.»

17

¹ Kō Musa oloku sō: «Ta məlōŋne MARIKI Kanu kam, wana, aŋkesiya kō pəyōne fe ti wir nwe wōyō dolokəp kō pəyōne fe ti kəfo kəlōma dāris nke kəntətesē mō. Pəyikyik pō mpe MARIKI Kanu kam enter mō.

² Nte tentam kəyi: Kō dare din dəlōma nde MARIKI Kanu konu kəsōŋ nu mō, tōyōne wərkun kō pəyōne fe ti wəran pəcyō tes telēc fər ya MARIKI Kanu kam kirin, wəkayi eleləs fe danapa dā MARIKI kō aka Yisrayel,

³ pəkō pəcsalene canu cəlōma, kō pəyōne fe ti pəctontnene ci, kō pəyōne fe ti pəctontnene dec, kō pəyōne fe ti ŋof kō pəyōne ti ca ca dəkəm fəp, nte intəsom mō,

⁴ k'ander palok'am ti, məne sō ti pacloku-ε, mətənəs ti belbel: Toloku tatəkō tōyōne kance-ε? Tes tatəkō teyi-ε? Pəyikyik papəkō MARIKI enter mō penayi aYisrayel daco-ε?

⁵ Kō tōyōne kance-ε, məwurene wərkun kō pəyōne fe ti wəran wəkakō ōyō tes telēc tatəkō mō nde cusuŋka ca dare dam, nəca-cas kō haŋ wəkayi pəfi.

⁶ Fum nwe pəmar padif mō, andif wəkayi kō afum mērəŋ kō pəyōne fe ti, maas ŋayōne sede kəlōku kance ka tes telēc tatəkō ōyō mō-ε. Afədif kō, kō sede sīn gbəcərəm səlōku kance ka tes telēc tatəkō-ε.

⁷ Sede atəŋne a tes tatəkō ŋanunkenē kəca-cas kō, a afum fəp ŋadecāme ŋa darəŋ kəca-cas kō. Itō mən̄nim oŋ tēm tatəkō pələc aka Yisrayel daco.»

Mes mocuca mmē aŋkiti nde kəfo nke MARIKI eyek-yek mō

⁸ «Kō kiti kəncuc'am kəboc-ε, pəyōne ka defi, kō pəyōne fe ti, ka kəgbekələne kō pəyōne fe ti kiti ka kəbopər, pəyōne kiti nke o nke aŋkekəre nde cusuŋka ca sādare sam kəcuc'am kəboc mō, məyefe məpe kəfo nke MARIKI Kanu kam kəndekəyek-yek mō.

⁹ Mākō məyifət təkət tam aloŋne aLewy, kō wəboc kiti nwe eŋyi mata maməkō kəboc kiti mō, ŋa ŋagbint'am kiti kaŋkō.

¹⁰ Məyō tatəkō agbinti kiti kaŋkō ŋaŋlok'am mō, dāndo kəfo kaŋkō MARIKI eyek-yek mō, məmən̄kərne kəsurenē kēcāme ka təkō ŋaŋkətəks'am mō darəŋ.

¹¹ Məkətene tetəkəs nte ŋandekətəks'am kō kiti kaŋkō ŋaŋkəlōk'am mō. Ta məgbayme kəca kəmeriya kō pəyōne fe ti kəca kətət ka tegbinti ta kiti kaŋkō ŋaŋkəlōk'am mō.

¹² Fum nwe eŋlekne ta encəŋkəl wəlōŋne nwe encāme kirin kəsālēne ka MARIKI Kanu kam, kō pəyōne fe ti wəboc kiti mō, fum wəkakō eŋfi. Itō mən̄nim pələc Yisrayel.

¹³ Aka Yisrayel fəp ŋandene ti, təsōŋe ŋa kənesē, ŋafəsələkne.»

Sariye nse səyōne sa wəbe mō

¹⁴ «Kō mändekəberē atəf nŋe MARIKI Kanu kam əsōŋ ăm kənde mō, kō məkəbāŋ ŋi ŋəyōne ŋam, mənde ŋi məcloku-ε: «Ifaŋ kəcāmbār wəbe nde atəf ŋem pəmō afum a təf nye yeŋkel im mō,»

¹⁵ mǎntam kǎcǎmbǎr wǎbǎ nwe MARIKI Kanu kam, eyek-yek mǎ. Mǎcǎmbǎr wǎbǎ nwe ɔyǎne wenc ǎm mǎ, mǎfǎtam kǎyǎ wǎbǎ wǎcǎkǎra, nwe ɔntǎyǎne wenc ǎm mǎ.

¹⁶ Mba ta wǎbǎ wǎkǎkǎ pǎyǎ fǎles yelarǎm, ta wǎbǎ wǎkǎkǎ pǎluxe sǎ aka Yisrayel Misira nte tǎnsǎne pǎsǎtǎ fǎles yelarǎm mǎ. Bawo MARIKI, oloku nu: «Nǎfǎsǎluxeǎrne dǎpǎ dǎnde.»

¹⁷ Ta wǎbǎ wǎkǎkǎ pǎla aran, nte tǎnsǎne ta abǎkǎc ɲǎn ɲǎgbayme mǎ, ta wǎbǎ wǎkǎkǎ pǎyǎ sǎ gbeti kǎ kǎma kǎlarǎm.

¹⁸ Kǎ wǎbǎ wǎkǎkǎ ende nde dǎcǎm dǎn da debǎ-e, pǎcepǎrene dǎbuk bǎlǎma yecicǎs ya sariye nse ɔɲkǎlek dǎbuk mbǎ alǎne aLewy ɲantǎmpǎr mǎ.

¹⁹ Pǎmar wǎbǎ pǎctǎmpǎr ɔɲ buk babǎkǎ, pǎckaran ɲi dǎsǎk o dǎsǎk kǎyi kǎn doru fǎp, nte tǎnsǎne pǎtǎkǎs kǎnese MARIKI Kanu kǎn mǎ, pǎmen ɲkǎrne moloku ma sariye sanse fǎp kǎ metǎkse pǎcǎme sǎ mi darǎɲ.

²⁰ Ti tendeyamǎse kǎ kǎcem-cǎmne debǎkǎc, a encepǎr awenc ɲǎa aka Yisrayel, tǎyamse kǎ sǎ kǎgbayme ka kǎca kǎmeriya kǎ pǎyǎne fe ti kǎca kǎtǎt ka tosom, nte tǎnsǎne mataka mǎn mǎbǎl debǎ dǎn disre nkǎn kǎ awut ɔn afum a atǎf ɲa Yisrayel dǎcǎ mǎ.»

18

Sariye sa kusunja ka Lewy

¹ Kǎ Musa oloku sǎ kǎlonkanǎ ka aka Yisrayel: «Ali fum wǎkin wǎka kusunja ka Lewy alǎne dǎcǎ ɔfǎdesǎtǎ antǎf ɲa ke aka Yisrayel. Yolǎne nye ande paccǎfe MARIKI mǎ yende yǎyǎne ɲa ke, yi yendeyǎne alǎne yeri.

² ɲǎfǎdeyǎ ke awenc ɲǎa aka Yisrayel dǎcǎ, MARIKI ɔyǎne ke kǎɲan, pǎmǎ tǎkǎ oloku ɲa ti mǎ.

³ Sariye nse sǎ alǎne aLewy ɲandeyǎ nnǎ aka Yisrayel ɲayi mǎ, kǎ tǎyǎne afum ɲander kǎlonne wana, ɲɲkesiya kǎ pǎyǎne fe ti wir-e, pasǎn wǎlonne kǎbanca, kanca, kǎ aputuk.

⁴ Mǎde mǎcsǎn MARIKI yetel yam yǎcǎkǎ-cǎkǎ ya men ɲben mam, yǎfǎcǎs yǎcǎkǎ-cǎkǎ ya wen wam kǎ ya moro ma olif mam, kǎ yofon yǎcǎkǎ-cǎkǎ ya ɲkesiya nye mǎnde mǎcfon mǎ.

⁵ Bawo kusunja ka Lewy kǎ, MARIKI Kanu kam kǎyek-yek cusunja ca Yisrayel fǎp dǎcǎ, nte tǎnsǎne yuruya yǎn ɲacǎme MARIKI fǎr kirin, ɲayǎne dǎsǎk o dǎsǎk akirin a yebǎc yǎn, ɲaclǎne sǎ aka Yisrayel tewe ta nkǎn MARIKI mǎ.

⁶ Kǎ wǎLewy ender dare dam dǎlǎma, pǎyǎne dare nde o nde ɔɲkǎ atǎf ɲa Yisrayel mǎ, entam kǎckǎ nte o nte ɲɲfan mǎ, nde kǎfo nkǎ MARIKI endekǎyek-yek mǎ.

⁷ Wǎkǎyi endekǎ pǎccǎme dekirin da kǎsalǎne MARIKI Kanu kǎn pǎmǎ tǎkǎ awenc ɲǎa fǎp ɲancǎme kǎsalǎne MARIKI fǎr kirin mǎ.

⁸ Pǎmar pǎsǎtǎ yeri yǎn, ɲatǎɲne kǎ aLewy akǎ embǎp di mǎ, ta alǎm kǎsǎtǎ kǎn nkǎ ɔɲsǎtǎ kǎway ka dǎka da akas ɲǎa disre mǎ.»

Sayibe sa yem kǎ sayibe sa kance

⁹ «Kǎ mǎndekǎbere atǎf ɲɲe MARIKI Kanu kam kǎsǎn ǎm mǎ, ta mǎdekǎ mǎctǎkǎs kǎtubucne ka pǎyikyik mǎpe MARIKI enter pa afum a tǎf yayǎkǎ mǎndekǎbǎp di mǎ.

¹⁰ Ta fum o fum pǎyi aka Yisrayel dǎcǎ nwe ɔɲlonne wan kǎn wǎrkun kǎ pǎyǎne fe ti wan kǎn wǎran dǎnenc mǎ, ta dure deyi nu dǎcǎ, ta wǎka dǎfǎr pǎyi nu dǎcǎ, ta fum pǎyi nu dǎcǎ nwe ɲɲbal kǎsǎnc mǎ, nwe ɲncǎme deser darǎɲ mǎ,

¹¹ fum nwe entirin wenc mǎ, fum nwe ɔɲkǎ nda afum ɲɲe ɲantontne tǎk dǎntǎf kǎkǎɲbal kǎsǎnc mǎ, fum nwe ɔɲlok-lokǎr afi mǎ.

¹² Fum nwe o nwe endeyǎ mǎyǎ mamǎkǎ mǎ, pǎyikyik pǎyǎne mǎpe MARIKI enter mǎ. Teta pǎyikyik papǎkǎ tǎ MARIKI Kanu kam eyi kǎbanǎre afum akǎkǎ fǎr yam kirin.

¹³ Ta pǎyikyik mǎpe o mǎpe peyi ǎm fǎr ya MARIKI Kanu kam kirin.

¹⁴ Bawo afum ɲɲe mǎɲkǎbanǎr tǎf mǎ, dure kǎ agbal kǎsǎnc ɲǎ ɲancǎɲkǎl. Mba mǎna, MARIKI Kanu kam kǎwose f'am nte o nte towurene ta mǎyǎ mamǎkǎ.

¹⁵ MARIKI Kanu kam, endeker'am sayibe, pawure ko awenc am anja daco nwe eyi pamo ina Musa mo. Nade nacanjkal ko!

¹⁶ Tatoko yati to manatola MARIKI Kanu kam, nde taro ta Horeb, dasak da kalonkane, nte manaloku: «Iletsen'am ta masak im kagbakare so kane MARIKI Kanu kem dim, ta masak im so kanejnk nenc dapan dandε, nte tansone ta ifi mo.»

¹⁷ Ko MARIKI olok'im: «Toko afum akanε jaloku mo, jaloku ti belbel.

¹⁸ Indekere na sayibe iwure ko awenc anja daco nwe eyi pamo mana Musa mo. Iber ko moloku mem dakusu, pacloku na nte o nte insom ko mo.

¹⁹ Ko fum waloma eyi nwe antocanjkal moloku mem mme inde icsom ko kacloku tewe tem mo-ε, in'endebocar ko kiti.

²⁰ Mba sayibe nse sandelekne kacloku tewe tem toloku toko intosom ko mo, ko payone fe ti, pacloku dim da canu cacuru mo, mene padif sayibe sasako.»

²¹ Toloma made macyifne debakac: «Coke co santam kace a MARIKI oloku toloku tatako-ε?»

²² Ko sayibe saloku toloku tewe ta MARIKI ta tende teyi ta ande pananjki ti-ε, toloku to nte MARIKI antoloku mo. Kalekne kasone sayibe sasako kaloku ka toloku tatako. Ta manese ko!»

19

Sadare sayacne

¹ Ko Musa oloku so: «MARIKI Kanu kam kandedomalak afum a taf anε endekason am ntaf wanan, mana maban sadare sasako, mende si, mende wolo wanan.

²⁻³ Ko tatoko telip-ε, mayer ataf nanako MARIKI Kanu kam endekason am kalek nyone nam ke mo, kamaas. Mayek-yek sadare maas taciya taf yayako disre. Malompas sapa, nte tansone wadif fum nwe o nwe patam kayekse pabere di payacne mo.

⁴ Tes nte to wadif fum entam kayekse payacne di, payi so doru: K'antoyefene kadif ka wakos, pacare so a enater fe ko tokur-ana-ε.

⁵ Ko tayne fum anko ko wakos dop kakoyipe, padot tomunt kakacer katok, tomunt pokonar wakin dakupus pako pacer wakos wakako pafine ti-ε, fum wako encer wakos mo, entam kayekse pako pande nde sadare sasako din, nte tansone payi so doru mo,

⁶ tansone walukse ayek na kadif, metele disre, pabelas wako endif fum mo, han pabap ko, ko payone dapo dambal-ε, pasut ko padif. Mba pamar fe padif ko, bawo eyefene fe kadif ka wakos.

⁷ It'isom'am kayek-yek sadare maas taciya.

⁸ Ko MARIKI Kanu kam endewakelas calancar cam pamo toko enaderme ti atem am mo, k'endesone am ataf fap nne enasone temer kasone atem am mo-ε,

⁹ nte tansone mamenjkarne kacame ka tosom ta MARIKI darone nte iyi kasom am mako mo, mabotar MARIKI Kanu kam, mackot dasak o dasak sapa son. Ko mayo tatoko fap-ε, made manocar so sadare maas saloma, sacako-cako sanse maas.

¹⁰ Ti disre afadelon mecir ma fum wotoyefene kadif ka fum ataf nonu daco nne MARIKI Kanu kam endekason am ke kande mo, ta teta mecir tedekotarn'am.

¹¹ Mba ko tayne fum pater wakos, pako pacare ko towul, pawekarne ko, patemp ko paka, nwe antemp paka mo pafi, ko wakayi eyekse pako dare din da sadare sanse-ε,

¹² abeki a dare don nako nasumpar ko, nakerε ko wako pamar palukse ko ayek na kadif, nte tansone pafi mo.

¹³ Ta for yam yomomane ko nonofar, mannim tem tatako ataf na Yisrayel kadif ka watalasar tes, mayine pabotu disre.»

Kalelas ka calancar

¹⁴ «Ta makedo macepere calancar ca wakos am nce abeki nanaboc mo, ke nke o nke mandedasoto nde ataf nako MARIKI Kanu kam kasone am kaban mo.»

Sede sin gbacarām sampicε

¹⁵ «Sede sin sampicε kəloku ka toloku ta kəlukse ayek ηa kiciya, kə pəyone fe ti ta kəlasər nke o nke. Afɔtam kəboc kiti kaŋkə ta ane moloku ma sede mērəŋ, maas-ε.

¹⁶ Kə sede sa yem səyemsene fum wəloma kəyenk ka domp-ε,

¹⁷ afum mērəŋ akakə ηayi kəgbekələne mə, ηakə ηacəme MARIKI fɔr kirin, kə alonne kə aboc kiti akə ηayi kəbəc mata maməkə mə.

¹⁸ Aboc kiti ηatenəs ti belbel. Kə pəyone sede sa yem sɔ fum wəkakə əyone, kə pəyone a eyemsene wenc-ε,

¹⁹ awa nədenər kə təkə enafəŋ a padenər wenc mə. Məŋnim pələc tem tatəkə aka Yisrayel dacə.

²⁰ K'afum alpəs akə ηane ti-ε, ηaŋnese. Tem tatəkə afəsəyɔ tes təc tatəkə nəna aka Yisrayel dacə.

²¹ Ali nənəfɔr ta məyone wəkayi: Kəway ka defi kəyone defi, kəway ka dɔfɔr kəyone dɔfɔr, ka desek kəyone desek, ka kəca kəyone kəca, ka kəcək kəyone kəcək.»

20*Sariye səlma teta dəkəwan*

¹ «Kə mənde məkəkə dəkəwan kə aterene am, məcnəŋk fələs, cibil ca dəkəwan, kə afum ayefərene ηala nu-ε, ta mənese, bawo MARIKI Kanu kam nke kəmpen'am atɔf ηa Misira mə, eyi kə mənə.

² Kə tem tosutene tɔlɔtərne-ε, wəlonne pəlɔtərne asutene anu, pəlɔk-lokər ηa.

³ Pəloku ηa: «Məcəŋkəl Yisrayel! Kəkə kə nənder məkəkə dəkəbərne kəsutene kə aterene anu. Ta aboc ηebere nu dəkəkəc, ta nənese, ta pəyi nu yamayama, ta nəyikce fɔr yaŋan kirin.

⁴ Bawo MARIKI Kanu konu kəsɔl kə nəna, nte tɔŋsəŋe pəsutene nu nno aterene anu ηayi mə, pəyac nu sɔ.»

⁵ Atubuc mes ηaloku afum nte: «An'ɔlɔ kəlɔ kofu k'entatɔpus ki-ε? Wəkayi pəlucus nde kəlɔ kən, ta pədefi dəkəwan wəloma pəkɔpus ki.

⁶ An'ɔbɔf ηgbəŋkəlɔ ya wen a k'entatɔfɔcəs yokom ya wi kərəsna-ε? Wəkayi pəlucus nde kəlɔ kən, ta pədefi nno dəkəwan, wəloma pədekəmun wen wawəkə!

⁷ An'efac wəran wəyecəra a k'entatənence kə-ε? Wəkayi pəlucus nde kəlɔ kən, ta pədefi nno dəkəwan, wəloma pədekənence kə!»

⁸ Atubuc mes ηanɔcər sɔ kəyif afum: «An'enesε-ε? An'abɔc ηembere-ε? Wəkayi pəlucus nde kəlɔ kən, ta pədesəŋe awenc aŋa bəkəkəc kəsəŋgbər pəmɔ nkən.»

⁹ Kə atubuc mes ηalip kəloku moloku maməkə afum-ε, ηacəmbər oŋ akirin asutene cəgba cəgba ca afum.

¹⁰ Kə nəlɔtərne kəwəkərne dare dəloma kəsutene-ε, nənuŋkene kəloku ηa kətəŋne.

¹¹ Kə aka dare dadəkə ηawose nu moloku ma kətəŋne, ηagbite nu cumba-ε, afum aŋe ηayi dare dadəkə mə fəp, nəcəmbər ηa yebəc yonu. Ŋayone acar anu.

¹² Kə ηantəwose nu kətəŋne, ηawose kəsutene kə nəna-ε, nəkel dare dadəkə.

¹³ MARIKI Kanu konu eŋlek dare dadəkə pəber nu dəwaca, nədifte arkun fəp sakma.

¹⁴ Mba nəntam kəfəŋət aran, awut, yɔcɔl kə daka nde o nde nəmbəp dare dadəkə mə fəp, nəyɔ yəŋən daka o daka da aterene anu, bawo MARIKI Kanu konu kəsəŋ nu di.

¹⁵ Tatəkə tɔ nəndekə nəcyɔ sədare səkə səmbələ nu mə fəp, sədare sasəkə səntəyone nse nəndekənde mə.

¹⁶ Mba aka sədare nse MARIKI Kanu kam endekəsəŋ nu ke kənde mə, ali paka pin ta nəsak mpe peŋesəm mə.

¹⁷ Nəsut haŋ nəmələk aHit, aka Amər, aKanaŋ, aPerisi, aHiwy, kə aYebus pəmɔ təkə MARIKI Kanu konu kəsom nu ti mə,

¹⁸ nte tɔŋsɔŋe ta ɲadekɔtɔkse nu pɔyikyik mpe MARIKI enter mɔ fɔp. Pɔyikyik pɔ mpe ɲaɲyɔne canu cɔŋan, mpe pentam kɔsɔŋe nu kɔciya nnɔ MARIKI Kanu konu kɔyi mɔ.

¹⁹ Kɔ nɔndekɔwon kɔkel dare nde nɔfan kɔwekɔrne, nɔban di mɔ-ε, ta nɔdot momunt kɔcepɔs tɔk yokom ya kulum kɔŋan. Iyɔ nɔnde nɔcɔdi yokom ya yi, awa, ta nɔcep yi. Kɔtɔk fum ɔfɔ, nwe entam kɔkɔ dɔkɔwan mɔ ba?

²⁰ Mba nɔntam kɔlɔsɔr nɔcepɔs tɔk nyɛ nɔncɔre a bafɔ tɔk yokom yɔ nyɛ andi mɔ. Nɔntam kɔcep nɔlompse yi yosutnɛne nyɛ nɔndekɔkel dare dadɔkɔ, nɔtam di haɲ samba sa di sɔtɛmpɛne mɔ.»

21

K'antɔcɔre wɔdif ka fum-ε

¹ Kɔ Musa oloku sɔ: «Kɔ pɔyɔne antɔf ɲɛ MARIKI Kanu kam kɔsɔŋ ɔm kɔnde mɔ, aɲkɔ pabɔp fum dɔkulum nwe andif ta ancɔre wɔdif kɔn mɔ-ε,

² abeki am kɔ aboc'am kiti ɲakɔ ɲatubuc kɔyɛfɛ ka dɔndo andif fum mɔ, kɔkɔ ka sɔdare sɔkɔ sɔŋkel di mɔ.

³ K'ancɔre dare dɔkɔ denaɲkanɛ kɔlɔtɔrne fum nwe andif mɔ-ε, abeki a dare dadɔkɔ ɲalek wana wɛran wowut win, nwe wentatɔbɔc nde dale mɔ,

⁴ abeki a dare ɲakekɔre wana wawɔkɔ nde agbɛp ɲa kɔŋgbɔkɔ nkɛ kɔntɔwosɔr mɔ, nde antɔbifti, nde antɔgbal defet nde o nde mɔ. ɲatepi wana wɛran wawɔkɔ kilim dɔndo dɔkɔŋgbɔkɔ.

⁵ Tɛm tatɔkɔ alɔŋne aɲɛ ɲayɔne yuruya ya Lewy mɔ ɲalɔtɔrne, bawo MARIKI Kanu kam kɔyɛk-yɛk ɲa ɲayɔne akirin a kɔsalɛne kɔn, ɲactolane sɔ afum pɔtɔt tewe ta MARIKI. ɲa ɲɔ pɔmar ɲakiti moloku ma kɔgbekɔlɛne kɔ mes ma kɔbɔpɔrɛne fɔp.

⁶ Abeki a dare dadɔkɔ aɲɛ ɲanaɲkanɛ kɔlɔtɔrne fum nwe andif mɔ, ɲabikɛne waca wana wɛran wawɔkɔ antepi kilim mɔ kɔrɔŋ dɔndo dɔkɔŋgbɔkɔ.

⁷ ɲaderɔm kɔcloku nte: «Waca wosu wolɔŋ fɛ mecir mme, fɔr yosu yɛnɔŋk fɛ ti.

⁸ MARIKI, mɔsɔkɔs aka Yisrayel kiciya kɔŋan, aɲɛ mɔnawurus mɔ. Ta mɔdenɔr afum am aka Yisrayel teta mecir mme ɲantɔcɔre teta mi mɔ.» Ti disre, MARIKI ɔsɔkɔs ɲa kiciya teta mecir mamɔkɔ.

⁹ Tɛm tatɔkɔ, mɔŋnim nu dacɔ pɔciya pa mecir mamɔkɔ, kɔ mɔnde mɔcyɔ tɔkɔ tolomp MARIKI dɔfɔr mɔ.»

Kɔnɛnce ka wɔran aterɛne dacɔ aɲɛ nɔsumpɔr mɔ

¹⁰ «Kɔ mɔŋkɔ dɔkɔwan kɔsutɛne kɔ aterɛne am, MARIKI Kanu kam pɔlek ɲa pɔber ɔm dɔwaca, mɔsumpɔr ɲa mɔde mɔber dɔbili-ε,

¹¹ kɔ mɔnɔŋk aumpɔr dacɔ akakɔ wɔran wɔtes, nwe ɔmbɔt ɔm tɛnɔŋk mɔ, mɔfan kɔ kɔnɛnce-ε,

¹² mɔkekɔre kɔ nde kɔlɔ kam. Pɔfonne domp, pɔtetɔsne sɛnc,

¹³ pɔwure yamos yɔn nyɛ ɛnabɛrne a pasumpɔr kɔ mɔ. Pɔyi nde kɔlɔ kam pɔbok kɛre kɔ kas ɲof ɲin. Kɔ tencepɔr-ε, mɔnɛnce kɔ, pɔyɔne wɔran kam.

¹⁴ K'ɛsak kɔbɔt ɔm mes-ε, mɔsak kɔ pɔkɔ nnɔ ɛɲfan mɔ. Mɔfɔsɔtam kɔcamse kɔ pɔsam, mɔfɔsɔkafɔli kɔ wɔcar kam, bawo mɔnalip kɔsɔŋ kɔ malap kɔnɛnce kɔn.»

Sariye sa wan wɔcɔkɔ-cɔkɔ

¹⁵ «Kɔ wɔrkun ɔyɔ aran mɛrɔŋ, pɔbɔtɔr wɔkin pɔter wɔka mɛrɔŋ-ε, pɔsɔtɔr wɔkɔ ɔmbɔtɔr kɔ wɔkɔ enter mɔ awut-ε, tɔyɔne a wɔran nwe ɔntɔbɔtɔr mɔ okomɛ kɔ wan wɔrkun wɔcɔkɔ-cɔkɔ-ε,

¹⁶ ɔfɔtam dɔsɔk nde endeyer awut akakɔ daka dɔn mɔ, pɔcɔmbɔr wan ka wɔran wɔkɔ ɔmbɔtɔr mɔ dɔkɔcɔmɛ da wan ka wɔran wɔkɔ enter mɔ, bawo wɔkakɔ yati ɛbɛk.

¹⁷ Pɔmar pɔwosɛ debeki da wan ka wɔran nwe ɔntɔbɔtɔr mɔ, pɔsɔŋ kɔ kɔmɛrɔŋ ka daka dɔkɔ ɔŋsɔŋ awɛnc aɲa mɔ, bawo wan wɔkakɔ ɔyɔne wan kɔn wɔcɔkɔ-cɔkɔ, nkɔn pɔmar pɔtɔmpɔr sariye sa wan wɔcɔkɔ-cɔkɔ.»

Wan watɔcɛŋkɛl kɛdusum

¹⁸ «Kɔ fum ɔyɔ wan nwe ɔntɔcɛŋkɛl kɛdusum mɔ, pɔyɛŋk domp, ta encɛŋkɛl dim da kas kɔ kɛrɛ, ali akakɔ ŋacnal kɔ, pɔcfati kɛcɛŋkɛl ŋa-ɛ,

¹⁹ kas kɔ kɛrɛ ŋasumpɛr kɔ, ŋakekɛrɛ kɔ fɔr ya abeki a dare dɔn, nde kusunƙa ka dare dɔn.

²⁰ Ŋaloku abeki a dare dɔn: «Wan kosu ɔfɔ wɛkawɛ, ɔfɔcɛŋkɛl kɛdusum, k'eyɛŋkɛr su domp, wɛcɛlɛk kɔ wɛcis ɔfɔ.»

²¹ Arkun a dare dɔn fɔp ŋaca-cas kɔ pɛfi. Mɔŋnim tɛm tatɔkɔ pɛlɛc nnɔ nɔyi mɔ, aka Yisrayel fɔp ŋaŋne ti, ŋa sɔ ŋanesɛ.»

Kɛbel ka fum nwe aŋgbɛk mɔ

²² «Kɔ pɔyɔnɛ fum enciya teciya nte pɔmar padifɛ kɔ mɔ, tɔyɔnɛ a dɛkɛtɔk aŋgbɛk kɔ kɛdif-ɛ,

²³ pɔmar fɛ kɛbel kaŋkɔ kɛcɛpɛrɛnɛ di pibi, mɔwup kɔ dɔsɔk dadɔkɔ, bawo wɛkakɔ aŋgbɛk mɔ, fum ɔyɔnɛ nwe Kanu kɛsɔŋ pɛlɛc mɔ, ta mɔyik-yikɛs antɔf nɛ MARIKI Kanu konu kɛsɔŋ nu kɛndɛ mɔ.»

22*Kɛlɛlɛs ka daka da wɛnc ɔm*

¹ Kɔ Musa oloku: «Kɔ mɔnɔŋk wana wa wɛnc ɔm, kɔ pɔyɔnɛ fɛ ti aŋkɛsiya ŋɔn, kɔ pɔyɔnɛ fɛ ti wir wɔn yɔsɔlɛr kɔ-ɛ, ta mɛsak yi, mɛliŋɛs yi mɛkɛrɛ wɛnc ɔm.

² Kɔ pɔyɔnɛ wɛnc ɔm wɛka pɔcɔl papɔkɔ ɔmbɔl'am, tɔyɔnɛ mɔncɛrɛ fɛ kɔ-ɛ, mɔmɛŋkɛrɛnɛ pɔcɔl papɔkɔ nde kɛlɔ kam, pɛyi ndaram haŋ tɛm nte endewer ɔm pɔcɔl papɔkɔ mɔ. Mɛlukɛ kɔ pi.

³ Tin tayi tɔ pɔmar mɔyɔ sɔfale sɔn kɔ yamos yɔn, mɔyɔ sɔ tin tayi ca cɛkɔ yɔŋsɔlɛr wɛnc ɔm mɔ fɔp a mɔna mɛfir yi mɔ, pɔmar fɛ mɛsak yi yɔsɔlɛ.

⁴ Kɔ mɔnɔŋk sɔfale sa wɛnc ɔm kɔ pɔyɔnɛ fɛ ti, wana wɔn wɛtɛmpɛnɛ dɔpɔ-ɛ, ta mɛsak wi, mɛmar kɔ nɔyɛkti wi.»

Sariye sa mes mɔlɔma

⁵ «Pɔmar fɛ wɛran pɛbɛrɛnɛ yamos y'arkun, wɛrkun sɔ ta pɛbɛrɛnɛ yamos y'aran, nwe o nwe endeyesnɛ tatɔkɔ mɔ, pɔyikyik mɛ MARIKI Kanu kam enter mɔ pɔyɔnɛ.

⁶ Kɔ mɔŋkɔ mɛbɔp dɔpɔ kɛlɔ ka abɛmp, tɔyɔnɛ kɛtɔk nke o nke kɛrɔŋ, kɔ pɔyɔnɛ fɛ ti dɛntɔf, kɛlɔ kaŋkɔ kɛyɔ awut kɔ pɔyɔnɛ fɛ ti mes, abɛmp ŋɛfɛntɛrɛr awut a ŋi kɔ pɔyɔnɛ fɛ ti mes ya ŋi-ɛ, ta mɛlɛk kɛrɛ ka abɛmp ŋaŋɔkɔ kɔ awut aka ŋi.

⁷ Mɛsak kɛrɛ ka yi pɔkɔ, mɛlɛk awut gbɛcɛrɛm nte tɔŋsɔŋɛ mes mam mede metesɛ, mɛbɔlɛ mataka mam sɔ doru mɔ.

⁸ Kɔ mɛlɔ kɛlɔ kɛfu-ɛ, mɛcɛmbɛr ki biŋkɛli kɛrɔŋ haŋ mɔnɔŋkɛr. Itɔ tɔntɔdeyɔn'am kɛsarɛ teta mecir, kɔ tɔyɔnɛ fum ɛntɛmpɛnɛ nde kɛlɔ kam kɛrɔŋ-ɛ.

⁹ Pɔmar fɛ mɛbɔf ŋgbɔŋkɛlɔ ya wɛn wam dacɔ defet da yɔbɔf yɔlɔma. Ta tedesɔŋ'am kɛpuse MARIKI yɛtɛl yam fɔp, kɛlɛkɛnɛ yokom ya ŋgbɔŋkɛlɔ yam.

¹⁰ Ta mɛkɔt wana kɔ sɔfale kel kɛbiftɛ kin.

¹¹ Ta mɛbɛrɛnɛ kɛloto kɛnɔŋksɛl sɛbɛŋa sa cɛfon ca aŋkɛsiya kɔ sa akotan.

¹² Mɛdɛkɔ mɛcbɛr pɔŋpɔŋ sɛbol maŋkɛlɛ sa kɛloto kam kɛkumpɛnɛ.»

Tɛs tɛgbɛkɛlɛnɛ ta wɛran

¹³ «Kɔ wɛrkun ɛnɛncɛ wɛran, pɛfɛntɛrɛr kɔ, tɛlpɛs pɛtɛr kɔ-ɛ,

¹⁴ wɛrkun wɛkakɔ pɛdena pɛclɛsɛr wɛran wɛkakɔ tɛwɛ, pɛcloku: «Inanɛncɛ wɛran wɛkawɛ k'ifɛntɛrɛr kɔ, mba inabɔp kɔ pɛlɛsɛr kɛfac.»

¹⁵ Tɛm tatɔkɔ wan wɛyɛcɛra kas kɔ kɛrɛ ŋalɛk kɛloto kɛsumpɛrɛ kɔn ŋakekɛrɛ ki nde dɛkɛbɛpsɛnɛ d'abeki.

¹⁶ Wan wɛyɛcɛra kas pɛcloku abeki: «Inasɔŋ wan kem wɛran wɛrkun wɛkawɛ kɛnɛncɛ, mba enter kɔ.

17 K'eyefe kələsar kə tewe, pəcloku: «Inasumpər kə, mba inabəp wan kam pələsar kəfac.» Awa, nənənk kəloto nkə k'enasumpərə wan kem.» Akombəra a wan wəran naperi kəloto kaŋkə fər ya abeki a dare kirin.

18 Abeki a dare nasumpər wərkun wəkakə nətərəs kə təkə pəmar mə,

19 bawo eləsər wan wəyecəra wəberse kəfac wəYisrayel tewe, abeki nawer wərkun wəkakə mēncəmbəl tasar tin ma gbeti, nasəŋ mi wan wəran kas. Wəran pəyənə sə wəkən, əfəsətam kəbeləs kə kəyi kən doru fəp.

20 Mba kə pəyənə a nte wərkun oloku mə kance kə, wan wəyecəra enaberse fə kəfac-ε,

21 pawurənə wan wəyecəra nwe nde aban̄ka n̄a kas. Arkun aka dare dən n̄aca-cas kə. Pəfi, bawo əyə tes tēlec nte tēn̄lapəs Yisrayel mə, kəcfəntərə-fəntərə kə arkun pəsəryi nde kələ ka kas. Məŋnim pələc tēm tatəkə aka Yisrayel daco.

22 K'ambəp wərkun n̄afəntərə kə wəran nwe anence mə, padif mērəŋ maŋan fəp, kəyefe ka wərkun haŋ wəran wəkakə n̄afəntərə mə. Məŋnim pələc tēm tatəkə Yisrayel.

23 Kə wan wəyecəra wətətəcərə wərkun, mba wərkun pəwurənə tetən kənence, wərkun wələma pəkə pəbip kə dare disre pəfəntərə-ε,

24 nəwurənə mērəŋ maŋan fəp nde kusun̄ka ka dare, nəca-cas n̄a, n̄afi, wəyecəra teta nte enatəkul-kulənə dare disre mə, kə wərkun, teta nte elapse wəran ka wənc wəfac mə. Məŋnim tēm tatəkə pələc n̄nə aka Yisrayel n̄ayi mə.

25 Mba kə pəyənə a dəkulum wərkun embəp wəyecəra nwe awurənə tetən kənence mə, pəsumpər kə pəfəntərə-ε, wərkun wəkakə, sona sən gboŋ s'andif kə.

26 Ali tes ta payə wəyecəra. Wəyecəra eləsər fə tes nte pəmar padife kə mə. Teyi pəmə nte wərkun əŋgbəpne wəkəs wərkun dəkulum a pədif kə mə.

27 Wəyecəra nwe wərkun owurənə tetən kənence mə, nte təyənə a dəkulum n̄ambəpənə kə wərkun nwe mə, ali pənakule-kule, kə fum enayi fə nwe əŋkəyac kə wərkun wəkawe mə.

28 Kə wərkun əŋkə pəbəp wəyecəra wətəcərə wərkun nwe antatəwurənə tetən kənence mə, pəsumpər kə pəfəntərə, kə təyənə ambəpənə n̄a-ε,

29 pəmar wərkun wəkakə pəsəŋ wəyecəra kas gbeti mēncəmbəl wəco kəcamət, bawo eləsər kə kəfac, pəkafəle sə pələk kə pənence, wərkun wəkakə əfəsətam kəbeləs wəran nwe kəyi kən doru fəp.»

23

1 «Ali fum pəmar fə kənence kəncərə kən. Kə teyi-ε, wərkun wəkayi əŋsəŋ kas malap.»

Afum an̄e amənə kələn̄kanə ka alan̄ mə

2 Kə Musa oloku: «Wərkun nwe ampər-porū cəkəl, kə pəyənə fə ti pafən kə akok mə, pəmar fə pəberə nde kələn̄kanə ka alan̄ a MARIKI.

3 Wan nwe antəkōm kəfac disre mə, pəmar fə pəberə kələn̄kanə ka alan̄ a MARIKI, ta pawosə kəberə ka yuruya ya wəkayi kələn̄kanə ka alan̄ a MARIKI daco haŋ dētēmp wəco.

4 WəAmoŋ kə wəMohab nwe o nwe n̄afəkəberə kələn̄kanə ka alan̄ a MARIKI, ali dētēmp wəco da awut an̄an dēmar fə kəberə kələn̄kanə ka afum teta MARIKI. Itə teyi doru o doru,

5 bawo afum akakə n̄anader fə n̄afaynə nu n̄apocə nu kəcom kə domun dəpə nte nənawur atəf n̄a Misira mə. Mba n̄anasəŋ Balam wan ka Behor wəka dare da Petor nde atəf n̄a Mesopotami kəway, nte tən̄səŋe wəkakə pətolanə nu pələc mə.

6 Mba MARIKI Kanu kam, enawosə fə kəcən̄kəl Balam. Kə MARIKI Kanu kam kən̄kafəli kətolanə pələc kaŋkə kətolanə pətət, bawo MARIKI Kanu kam enabətər əm.

7 Ta mətənə n̄a pəforu, ta mətənə n̄a kəyi pətət disre kəyi kam doru fəp.

8 WəEdəm fum əfə nwe Kanu kəntətər mə, bawo wənc əm əfə. WəMisira nwe sə fum əfə nwe Kanu kəntətər mə, bawo mənayi decikəra nde atəf n̄ən.

9 Awut an̄an dētēmp da maas nde n̄andekom mə dendetam kəberə kələn̄kanə ka alan̄ a MARIKI.»

Dosoku da sanjka

¹⁰ «Kɔ mɛndekɔ dɛkɛwan kɔ aterɛnɛ am-ɛ, mɛkɛmbɛrnɛ mes mmɛ meyik-yikɛs ɛm mɔ fɛp.

¹¹ Kɔ pɛyɔnɛ a fum eyi nde kɛlɔ kam nwe ɔntɔsɔk mɔ, bawo domun dowurna kirinj kɔn pibi disrɛ, wɛkayi pɛwur dɛsanjka, ta pɛbɛrɛ si disrɛ,

¹² dec dɛrɔfɔy pɛbikɛ domun, kɔ dec dɛɲkalɛ-ɛ, wɛkayi entam kɛlukus sɔ sanjka disrɛ.

¹³ Mɛde mɛwure kɛfo sanjka sonu tadarɛɲ, nde mɛndekɔ mɛctam kɛyɔ ka mɛfan mam mɛlɔma mɔ.

¹⁴ Mɛyɔ yosutnɛnɛ yam dacɔ pɛkayɛ, kɔ mɛɲkɔ kɛwur afɛf-ɛ, mɛkay abi kɔ mɛlip-ɛ, mɛkufun nini yam.

¹⁵ Bawo MARIKI Kanu kam endekɔ pɛckɔt sanjka sam disrɛ pɛcyac ɛm, pɛclɛk aterɛnɛ am pɛcbɛr ɛm dɛwaca, sanjka sam sɛdekɔ sɛcsɔk, nte tɔɲsɔɲɛ ta MARIKI pɛnɔɲk nde ndaram nte o nte tɔntɔtesɛ kɔ, tɔsɔɲɛ kɔ kɛlukus ɛm darɛɲ mɔ.»

Wɛcar wɛyɛksɛ

¹⁶ «Kɔ wɛcar wɛlɔma ɛyɛksɛr mariki mɔn pɛkɔ pɛcyacnɛ nde ndaram-ɛ, ta mɛlukɛ kɔ mariki mɔn de.

¹⁷ Wɛcar wɛkakɔ pɛndɛ nu dacɔ nde kɛfo nke ɛɲyɛk-yɛk kɛndɛ, dare ndɛ dɔmbɔt kɔ nde sɛdare sam dacɔ mɔ. Ta mɛdir kɔ.»

Yopocɛ nyɛ MARIKI ɔntɔfan mɔ

¹⁸ «Ta wɛYisrayel nwe o nwe, wɛran kɔ pɛyɔnɛ fɛ ti wɛrkun, pɛmar fɛ pɛyi yamayama teta kɛsali.

¹⁹ Mɛfɔkɛkɛrɛ nde kɛlɔ ka MARIKI Kanu kam, teta kɛdɛrɛm nke o nke pɛsɔtɔ pa wɛyamayama wɛran, kɔ pɛyɔnɛ fɛ ti-ɛ wɛrkun. Afum akakɔ mɛrɛɲ fɛp pɛyikyik mɛpɛ MARIKI Kanu kam enter mɔ, pɔ ɲayɔnɛ.»

Kɛbɔr kɛdɛɲɛrɛ

²⁰ «Ta mɛfanɛr wɛnc ɛm kɛdɛɲɛrɛ ka daka ndɛ o ndɛ ɛnabɔr ɛm mɔ kɛron, pɛyɔnɛ pɛsam, pɛyɔnɛ yeri pɛyɔnɛ paka mɛpɛ o mɛpɛ antam kɛdɛɲɛr pɛkɔ anabɔ mɔ.

²¹ Mba mɛntam kɛwer wɛcikɛra nwe ɛyɛfɛ atɔf ɲɔlɔma mɔ, kɛdɛɲɛr'am daka ndɛ mɛnabɔr kɔ mɔ, mba wɛnc ɛm, ta mɛwer kɔ, nte tɔɲsɔɲɛ MARIKI Kanu kam kɛpoc'am pɛtɔt dɛmɔyɔ mam fɛp, nde atɔf ɲɔkɔ mɛɲkɔbɛrɛ ɲɔyɔnɛ ɲam mɔ.»

Kɛdɛrɛm nnɔ MARIKI eyi mɔ

²² «Kɔ mɛndɛrɛm kɛlɔɲɛ MARIKI Kanu kam-ɛ, ta mɛwonɛnɛ ti kɛyɔ, bawo MARIKI Kanu kam kɛndekɔyif ɛm ti, tɔyɔn'am oɲ kiciya.

²³ Kɔ mɛsumpɛrnɛ kɛtɔdɛrɛm tɔlɔm o tɔlɔm kɛyɔnɛ MARIKI-ɛ, kiciya kɛyi f'am.

²⁴ Mba mɛmɛɲkɛrnɛ tɔkɔ towur kusu kam disrɛ, mɛyɔ tɔkɔ mɛlɔku kɛyɔnɛ abɛkɛc ɲosoku pɛs MARIKI Kanu kam mɔ, tɔkɔ mɛlɔkɛ kusu kam yati mɔ.»

Sariye sɛpimɛ yokom yɔlɔma

²⁵ «Kɔ mɛmbɛrɛ ɲgbɔɲkɛlɔ ya wɛn wa wɛnc ɛm disrɛ-ɛ, mɛntam kɛdi yokom ya wi tɛfan tam haɲ mɛnɛmbɛrɛ, mba ta mɛbɛr wi dɛpaka kɛkɛkɛrɛ.

²⁶ Kɔ mɛntɔr abɔf ɲa mɛɲgbɛn ma wɛnc ɛm-ɛ, mɛbanɲɛ mi kɛca, mba ta mɛtɛlɛ mi kɛtɛtiya.»

24*Wɛran nwe ance mɔ*

¹ Kɔ Musa oloku: «Kɔ wɛrkun ɛnɛncɛ wɛran, tɛlpɛs, ta endesɔ pɛfan wɛran nwe-ɛ, bawo ɛnɛɲkɛ wɛran pɛkɔt mɛpɛ pɛntɔbɔt kɔ mɔ, pɛmar pɛcicɛ wɛran wɛkakɔ areka ɲɛcɛnɛ kɔ, pɛsɔɲ kɔ ɲi dɛkɛca, a pɛdewurɛnɛ kɔ nde kɛlɔ kɔn.

² Wɛran pɛwur kɛlɔ ka wɛrkun wɛkakɔ, pɛkɔ, entam sɔ kɛyɔnɛ wɛran ka wɛrkun wɛlɔma.

³ Kò pəyɔnɛ wərkun wəkakɔ ɛlɛk kɔ sɔ k'ɛnɛncɛ mɔ, ɛfan fɛ kɔ sɔ-ɛ, pəcicəs areka ɲecɛnɛ kɔ sɔ, pəsəŋ ɲi wəran nwe dəkəca, pəbɛləs kɔ nde kəlɔ kən. Kɔ tɔyɔnɛ wərkun nwe ɛnɛncɛ kɔ tɛlpəs mɔ pəfi-ɛ,

⁴ wos wəcəkɔ-cəkɔ ɔfɔsɔtam kələk kɔ pənɛncɛ, bawo wəran wəkakɔ ɔsək fɛ sɔ nnɔ nkən wərkun nwe eyi mɔ, bawo pəyikyik mpɛ MARIKI enter mɔ pɔ tɔyɔnɛ. Pəmar fɛ məsarsər kiciya atɔf ɲɛ MARIKI Kanu kam kəsəŋ əm kɛ mɔ.»

Wərkun wəɛp kənɛncɛ

⁵ «Kɔ wərkun ɛntɛp kəcnɛncɛ-ɛ, pəmar fɛ palɛk kɔ kəkɔ ka dəkəwan, ali tes ta pəcəmɛnɛ kɔ darəŋ. Pasak kɔ yɛŋən teren tin teta aka kəlɔ kən disrɛ ɲawoləs-woləs kɔ wəran wəkɔ ɛlɛk mɔ.»

Sɛkɛ

⁶ «Afɔlɛkər fum sɛkɛ sa yosumpər-sumpər ya dəsək o dəsək, bawo kələkər ka wəkayi teyinɛ doru tɔ.»

Wəkiyɛ fum

⁷ «K'asumpər fum nwe ɛŋkiyɛ wɛnc wəlɔma aYisrayel dacɔ, pəcəmbər kɔ dacar kɔ pəyɔnɛ fɛ ti pəcaməs kɔ-ɛ, pəmar wəkiyɛ fum wəkakɔ pəfi. Məŋnim tɛm tatəkɔ pələc aka Yisrayel dacɔ.»

Docu d'akata dɛcalərɛ

⁸ «Nəkɛmbərɛ docu d'akata dɛcalərɛ pəmɔ docu da sen, nte təŋsəŋɛ nəmɛŋkərɛ, nəsurenɛ sɔ kəyɔ təkɔ aloŋɛ aLewy ɲandekɔ ɲactəkɛ nu mɔ. Nəmɛŋkərɛ kəcəmɛ ka təkɔ isom ɲa mɔ darəŋ.

⁹ Nəcɛm-cɛmnɛ təkɔ MARIKI Kanu konu ɛnayɔ Miriyam dɔpɔ, nte nənayɛfɛ atɔf ɲa Misira mɔ.»

Sariyɛ sa sɛkɛ

¹⁰ «Kɔ məmbər wəkɔs əm daka ndɛ o ndɛ-ɛ, ta məbɛrɛ kəlɔ kən disrɛ kəbaŋər kɔ paka pa sɛkɛ.

¹¹ Məcəmɛ dabanƙa, fum nwe ɛnalɛkər əm debe mɔ, pəkɛr'am paka pa sɛkɛ dəndo dabanƙa.

¹² Kɔ pəyɔnɛ a wətɔyɔ daka ɔfɔ-ɛ, ta məcɛpərənɛ pibi kɔ kəloto kən kəkumpɛnɛ nke ɛncəmbər'am sɛkɛ mɔ.

¹³ Məlukɛ kɔ kəloto kən kəkumpɛnɛ a dec dɛckalɛ, nte təŋsəŋɛ pəfəntərə ki mɔ, pətolan'am pətɔt. Təŋyɔn'am dolompu nnɔ MARIKI Kanu kam kəyi mɔ.»

Pələs atɔyɔ daka

¹⁴ «Ta mətərəs wəbəc kam wətɔyɔ daka kɔ pəyɔnɛ fɛ ti wəyi dəpəcuca, pəyɔnɛ wɛnc əm wəkin wəlɔma kɔ pəyɔnɛ fɛ ti wəcikərə wəkin wəlɔma nwe ender dare din da sədare sam dəkəbəc mɔ.

¹⁵ Məsəŋ wəbəc kam kəway kən a dec dɛckalɛ. Bawo ɔyɔ fɛ daka, pəŋwon kɔ kəsɔtɔ ka kəway kən. Kɔ pəyɔnɛ fɛ ti-ɛ, ombokɛnɛ nnɔ MARIKI eyi mɔ tetam, tɔyɔn'am kiciya.»

Nwe enciya mɔ, ɛŋsarɛ kətərəs

¹⁶ «Ta nədif cas teta kiciya ka awut aŋan, ta nədif sɔ awut teta kiciya ka akas aŋa. Nwe o nwe kiciya kənsərka k'andifɛ kɔ.»

Sariyɛ nnɔ atɔyɔ daka ɲayi mɔ

¹⁷ «Ta mələcər wan wəcikərə nwe akombərə ɔn ɲafi mɔ kiti yem disrɛ, ta məbaŋər sɔ wəcəbokərə kəloto kən kəkumpɛnɛ sɛkɛ.

¹⁸ Mədə məcɛm-cɛmnɛ a mənayɔnɛ wəcar atɔf ɲa Misira, kɔ MARIKI Kanu kam kəwurus əm di, it'isom'am kəcəmɛnɛ sariyɛ sasəkɔ darəŋ.

¹⁹ Kɔ mɛntɛl abɔf ɲam mɛpɛl acɛkɛr ɲin dɔbɔf-ɛ, ta mɛluksɛrɛnɛ kɛkɔlɛk ɲi. Acɛkɛr ɲaɲɔkɔ ɲɔyɔnɛ ɲa wɛcɪkɛra, ɲa wan nwe akombɛra ɔn ɲafi mɔ kɔ ɲa wɛcɛbokɛra, nte tɔɲsɔɲɛ MARIKI Kanu kam kɛpɔc'am pɛtɔt dɛyɛbɛc ya waca wam fɛp mɔ.

²⁰ Kɔ mɛyɪkɛc kɛra ka olif-ɛ, ta mɛɛpsɛ kɛkɔpɪm yokom nyɛ yɔntɔtɛmpɛnɛ mɔ, mɛsak yi yɔyɔnɛ ya wɛcɪkɛra, ya wan nwe akombɛra ɔn ɲafi mɔ kɔ ya wɛcɛbokɛra.

²¹ Kɔ mɛmpɪm yokom ya ɲgbɔɲkɛlɔ yam-ɛ, ta mɛluksɛrɛnɛ kɛkɔpɪm yin yin yɔkɔ mɛmpɛlɛs mɔ, yayɔkɔ yɔyɔnɛ ya wɛcɪkɛra, ya wan nwe akombɛra ɔn ɲafi mɔ kɔ ya wɛcɛbokɛra.

²² Mɛdɛ mɛɛm-cɛmɛnɛ a mɛnɔyɔnɛ wɛcar atɔf ɲa Misira, it'isom am kɛcɛmɛnɛ sariyɛ saɲsɛ darɛɲ.»

25

Tɔkɔ pɛmar paboc kiti mɔ

¹ Kɔ Musa oloku sɔ: «Kɔ afum mɛrɛɲ ɲayɛfɛrɛnɛ ɲakɔ dabɛ kɛkɔkiti-ɛ, pabɔnc wɛkɔ olomp, pabɔnc wɛkɔ enciya mɔ.

² Kɔ pɛmar pasut wɛciya-ɛ, wɛboc kiti pɛtɛnci kɔ dɛntɔf pasut kɔ fɔr ya wɛboc kiti kirɪɲ kɛɲgbɛn-gbɛn kɛtɔɲɛnɛnɛ ka kiciya kɔn.

³ Ta wɛboc kiti pɛwɔsɛ pasut kɔ pɛɛpɛrɛr kɛɲgbɛn-gbɛn wɛcɔ mɔɲkɛlɛ, k'asut kɔ pɛɛpɛrɛr tatɔkɔ-ɛ, wɛnc konu ɛntam kɛlapɛsnɛ fɔr yonu kirɪɲ.»

Wana workun «tura»

⁴ «Ta mɛsunc wana kusu kɔ wɛndɛbɛrɛ dɛkur kɛkɔsɛpɛr-ɛ.»

Wɛcɛbokɛra wɛtɔkom

⁵ Kɔ Musa oloku: «Kɔ dɛwɛnc ɔɲa mɛrɛɲ ɲandɛ kɛfɔ kin, wɛkin pɛfi ta ɛsak wan wɛrkun-ɛ, pɛmar fɛ fum wɛcuru pɛnɛncɛ wɛran kɔn, wɛnc ka wos wɛkɔ efi mɔ, pɛmar pɛlɛk kɔ pɛnasɛr, pɛlas sɔ sariyɛ sɛkɔ pɛmar pɛkɛnɛ wɛran ka wɛnc wɛkɔ efi mɔ.

⁶ Wan wɛrkun wɛcɔkɔ-cɔkɔ nwe wɛran wɛkakɔ endekom mɔ, pɛmar pawɛ kɔ tewɛ ta wos wɛkɔ ɛnanuɲkɛnɛ kɛnɛncɛ kɔ mɔ, nte tɔɲsɔɲɛ ta tewɛ tɔn tɔsɔlɛ Yisrayɛl mɔ.

⁷ Kɔ wɛnc ka wos ɔntɔfan kɛlɛk kɔ pɛnɛncɛ-ɛ, wɛran pɛkɔ ndɛ kusuɲka ka dare ndɛ abeki ɲayi mɔ, pɛkɔ pɛloku ɲa: «Wɛnc ka wos im ɛfati kɛsɔɲɛ tewɛ ta wɛnc kɛcɛmɛ Yisrayɛl, ɛfan fɛ kɛkɔt im tɔkɔ pɛmar mɔ.»

⁸ Abeki a dare dɔn ɲawɛ wɛrkun ɲalok-lokɛr kɔ, k'ombupɛrɛ sɔ, pɛcloku: «Ifan fɛ kɛlɛk kɔ inasɛr,»

⁹ Wɛran nwe pɛlɔtɛrɛnɛ kɔ fɔr ya abeki a dare kirɪɲ, pɛwure wɛrkun kɔfta dɛkɛcɛk, pɛyukɛr kɔ lin dɛkɛrɔ. Pɛloku: «Tantɛ t'ɔɲyɔ wɛrkun nwe ɛɲfati kɛcɛmbɛr kɛlɔ ka wɛnc mɔ.»

¹⁰ Nte tɔ pɛmar pade pacwɛ aka kɛlɔ kan kɔ Yisrayɛl: «Aka kɛlɔ ka nwe awure cɔfta mɔ.»»

Tosutɛnɛ nte amɔnɛ mɔ

¹¹ «Kɔ arkun mɛrɛɲ ɲandesutɛnɛ, kɔ wɛran ka wɛkin ɔlɔtɛrɛnɛ kɛkɔbanɲ wos dɛwaca wa wɛkɔ eyi kɛsut kɔ mɔ, k'ɛɲkɛkɛrɛ kɛca pɛsumpɛr wɛkɔ eyi kɛsut wos mɔ yokomɛ-ɛ,

¹² mɛgbinti wɛran wɛkakɔ kɛca, ali nɔnɔfɔr ta mɛyɔnɛ kɔ.»

Dolompu kɛcamɛs disrɛ

¹³ «Ta mɛtɔmpɛrɛnɛ alɔba ɲam disrɛ masar ma sɛkel mɛrɛɲ: Tasar telel kɔ tasar tɛfɛfɛr.

¹⁴ Ta mɛyɔ ndɛ kɛlɔ kam cɛfala cɛtubɛɛ mɛrɛɲ: Kɛfɛt kɔ kɛpɔɲ.

¹⁵ Mɛyɔ tasar ta sɛkel pin mɛpɛ polomp mɔ, mɛyɔ kɛfala kɛtubɛɛ kin nke kɛlomp mɔ, nte tɔɲsɔɲɛ mataka mam mɔbɔl ndɛ antɔf ɲɲɛ MARIKI Kanu kam endekɔsɔɲ ɛm mɔ.

¹⁶ Bawo nwe o nwe endekɔ pɛcyɔ mes mɛtɔlomp mamɔkɔ mɔ, pɛyɪkyɪk p'ɔyɔnɛ mɛpɛ MARIKI Kanu kam enter mɔ.»

Amalɛk, ɛtɛrɛnɛ asu a doru o doru

¹⁷ «Mɛɛm-cɛmɛnɛ nte aka Amalɛk ɲanɔyɔ nu dɔpɔ nte nɔnawur Misira mɔ,

¹⁸ nte ñanader ñagbintørne akò ñanayi kəgba ka aka Yisrayel tadarəñ mɔ, kò ñayektər ña kəsutene tetəñne dis dɔlɔl nu ta nɔyɔ sɔ səkət-ε, bawo ñananese fe Kanu.

¹⁹ Kò MARIKI Kanu kam endesəñ əm kəñesəm kəbañ əm nnò aterene am añe ñaṅkəl əm mɔ fəp dəwaca-ε, nde atəf nñe MARIKI Kanu kam əsəñ əm ke mɔ, mənim tewe ta Amalek antəf kəronj. Ta məpələrne tosom tatəkò de!»

26

Yokom yɔcəkò-cəkò, kò kəlòkə MARIKI pətət

¹ Kò Musa oloku: «Kò mändekəbɛre nde atəf nñe MARIKI Kanu kam kəsəñ əm mɔ, kò mändekəbañ di mändε-ε,

² mändekò mələk yokom yɔcəkò-cəkò ya yəbɔf yam nyε mändekò mətɛl nde antəf nñe MARIKI Kanu kam əṅkəsəñ əm mɔ, məbɛr yi dəkəfala, məkəkəre nde kəfo kaṅkò MARIKI Kanu kam endekəyək-yək kəyənε dəkiyi dən mɔ.

³ Məkò nde wəlonjε wəkò eyi kəbəc mata maməkò mɔ, məlòku kò: «Iloku məkò MARIKI Kanu kam fər kirin, a imbɛre nnò atəf nñe MARIKI, enadərme atem asu kəsəñ su mɔ.»

⁴ Wəlonjε pəbañər əm kəfala kaṅkò, pəkò pəcəmbər ki nde tetek tolonjε MARIKI Kanu kam kirin.

⁵ Məna məlòku MARIKI Kanu kam fər kirin: «Wətem kem wəArame wəcɛpɛ-ɛpɛ enayənε. K'ontor atəf ña Misira kò afum apic añe ñanacəmbər kò mɔ. Difɔ ende pəyənε wəkə atəf nɔpəñ ña afum alarəm añe ñanader ñasətɔ səkət kò fənəntər mɔ.

⁶ K'aka Misira ñayɔ su pələc, kò ñalapəs su, kò ñancəmbər su yəbəc ya dacar yeyenki.

⁷ Kò səmbokər MARIKI Kanu ka atem asu. Kò MARIKI ene su sim, k'enəñk kətərəs kosu, pəcuca posu kò yəbəc yosu ya dacar yeyenki.

⁸ Kò MARIKI owurεε su atəf ña Misira kò səkət sa kəca kən kətenci, mɛgbəkəre mɛwɛy-wɛy kò mes məpəñ mme moncwosəs afum cusu mɔ.

⁹ K'enkɛre su kəfo kaṅkə, k'əsəñ su atəf ñaṅe nɔmbonj dale k'awop mɔ.

¹⁰ Ndekəl on, inkerε yokom yɔcəkò-cəkò ya yəbɔf ya antəf nñe məna MARIKI məsəñ im mɔ.» Məboc yokom yayəkò MARIKI Kanu kam fər kirin, mətontnεε kò.

¹¹ Kò telip-ε, məwoləs-woləs kò wəLewy kò wəcikəra añe ñayi nu dacɔ mɔ, teta pətət pəkò MARIKI Kanu kam kəsəñ əm, məna kò aka kəlò kam disre mɔ.»

Farilε fa teren ta maas

¹² «Teren ta maas nte o nte tɔyənε ta farilε. Kò mändekò məclip kəwurε farilε fa yəbɔf yam fəp-ε, məsəñ fi wəLewy, wəcikəra, wan nwe akombəra ən ñafi mɔ, kò wəcəbokəra. Nadi fi nde sədare sam ñanəmbərə.

¹³ Məlòku fər ya MARIKI Kanu kam kirin: «Iwurεε nde kəlò kem daka nde ampus mɔ, k'isəñ di wəLewy, wəcikəra, wan nwe akombəra ən ñafi mɔ kò wəcəbokəra, pəmɔ təkò məsom im ti mɔ. Ali tosom tam tin ifati fe, ali tin impələr fe.

¹⁴ Ali paka pin indi fe ca cance dacɔ nte inayi dəkəbal mɔ. Ali pin inabeli fe nte inatəsək mɔ, ali pin imbeli fe isəñ teta wəfi, incəñkəl dim da MARIKI Kanu kem, k'isurεε kəkətεne belbel təkò mənasom im mɔ.

¹⁵ Məməmən on dəkiyi dam dosoku nde darenε, məpocε aka Yisrayel afum am kò antəf nñe məsəñ su mɔ pətət, pəmɔ təkò mənaderme ti atem asu mɔ, atəf ñaṅe nɔmbonj dale k'awop mɔ.»

AYisrayel afum a MARIKI aka dətım

¹⁶ «Məkò, MARIKI Kanu kam kəsom əm kəcəme sariye sən kò mɔyɔ məkur mən darəñ. Məmənjkərne mi, məcəme sɔ mi darəñ abəkəc nɔsoku pɛs kò amera ñam fəp.

¹⁷ Nəsətɔ məkò kəderəm kaṅkə nnò MARIKI eyi mɔ: Nkən endeyənε on Kanu konu, nte tənşəñe nəkət səpɔ sən, nəmənjkərne sariye sən, mosom mən kò mɔyɔ mən məkur, nəleləs sɔ dim dən mɔ.

¹⁸ Mòkò MARIKI ɔsɔŋ'am kàderəm nte tɔŋsɔŋe mɔyɔne daka dɔn da dɔtim afum a doru fɔp dacɔ, pəmɔ tɔkɔ olok'am ti mɔ, məmɛŋkərɛ mosom mɔn fɔp,

¹⁹ tɔsɔŋe pɛcɔmbər əm dəkɛcɛmɛ dɔcɔkɔ-cɔkɔ afum a doru fɔp dacɔ aŋe nkɔn MARIKI owurɛ mɔ. Kɔyɛfɛ nɔrɔ da debeki dam kəkɔ kɛbɛkɔs kam tewe kɛbɔp ka delel, mɛcɛpər afum a doru fɔp, nɔyɔne afum acempi aŋe ampuse MARIKI Kanu konu, pəmɔ tɔkɔ ɛnalok'am ti mɔ.»

27

Ancicəs Sariye sa Kanu masar kəronj

¹ Musa kɔ abeki ŋasom aka Yisrayel nte: «Nəmɛŋkərɛ mosom fɔp nte iyi kɔloku nu mɔkɔ mɔ.

² Dɔsɔk nde nɛndekɔcali Yurdɛn, kɛbɛrɛ ka atɔf nŋe MARIKI Kanu kam kəsɔŋ əm mɔ, mɛcɔmbər masar mɔpɔŋ cos, nəsop mi dos defer.

³ Nɛcicəs masar mamɔkɔ kəronj moloku ma Sariye fɔp, kɔ mɛndekɔcɛpər mɛcbɛrɛ atɔf nŋe MARIKI Kanu kam kəsɔŋ əm mɔ, atɔf nŋe ŋombɔŋ dalɛ k'awop mɔ, pəmɔ tɔkɔ MARIKI Kanu ka atem am ɛnalok'am ti mɔ.

⁴ Kɔ nɛndekɔcali Yurdɛn-ɛ, nɛcɔmbər nde tɔrɔ ta Ebal masar mɛmɛ isom nu mɔkɔ kəkɔcɔmbər mɔ, məsop mi dos defer.

⁵ Dɔndo, mɛcɔmbərɛ di MARIKI Kanu kam tetek toloŋne ta masar mɛmɛ afɛc ŋɔntɔgbuŋɛnɛ kɔpat mɔ.

⁶ Mɛcɔmbərɛ tetek toloŋne MARIKI Kanu kam masar mɔtɔpat. Tetek papɔkɔ kəronj pɔ mɛndekɔ mɛcloŋnɛnɛ MARIKI Kanu kam yɔcɔl yɔcɔf.

⁷ Mɛdekɔ sɔ mɛcloŋnɛ kəloŋnɛ ka kɔpɔŋnɛ pɔforu. Difɔ mɛndi yeri ya yoloŋnɛ yonu ya kɔpɔŋnɛ pɔforu, difɔ mɛwoləs-woləs fɔr ya MARIKI Kanu kam kirinj.

⁸ Mɛcicəs masar mamɔkɔ kəronj moloku ma sariye saŋsɛ fɔp, mɛcic mi pəsɔk pɛs.»

⁹ Musa kɔ aloŋne aLewy ŋaloku aka Yisrayel fɔp: «Yisrayel, mɛcɔŋk mɛcɔŋkəl! Mɔkɔ nɔyɔne oŋ atɔf ŋa afum aka MARIKI Kanu konu.

¹⁰ Mɛcɔŋkəl dim da MARIKI Kanu kam, mɛcɛmɛ mosom mɔn darɔŋ, kɔ sariye sɔn pəmɔ tɔkɔ iyi kəsom əm mɔkɔ mɔ.»

¹¹ Dɔsɔk dadɔkɔ, kɔ Musa osom aka Yisrayel nte:

¹² «Kɔ nɛndekɔcali Yurdɛn-ɛ, aka cusuŋka ca Simeyɔŋ, Lewy, Yuda, Isakar, Isifu kɔ Benyamin ŋadekɔ ŋacɛmɛ tɔrɔ ta Karisim kəronj ŋalɔmər aka Yisrayel pɔtɔt.

¹³ Kɔ aka cusuŋka ca Ruben, Kadu, Asɛr, Sabulon, Dan kɔ Naftali ŋa ŋadekɔ ŋacɛmɛ tɔrɔ ta Ebal kəronj, ŋalɔmər aka Yisrayel pɔlɛc.»

Pɔlɛc mɛpɛ wɔcɔ kɔ mɛrɔŋ

¹⁴ «Aka Yisrayel fɔp fɔr kirinj, aLewy ŋakule pɔpɔŋ:

¹⁵ «MARIKI pɔsɔŋ pɔlɛc fum nwe oŋlompəs tɛrɔŋka, pɔyikyik mɛpɛ MARIKI enter mɔ, yɛbɔc ya waca wa fum wɛcɛrɔŋ, a pɔlɛk tɛrɔŋka tatɔkɔ pɔkɔ pɔcɔmbər pi kɔfo kəkumptər mɔ!» Afum fɔp ŋakule: «Amina!»

¹⁶ «MARIKI pɔsɔŋ pɔlɛc fum nwe ɛŋlapəs kas kɔ kɛrɛ mɔ!» Aka Yisrayel fɔp, ŋakule: «Amina!»

¹⁷ «MARIKI pɔsɔŋ pɔlɛc fum nwe ɛncɛpɛnɛ togbu pa kɔlɛncər ka wɛnc mɔ!» Aka Yisrayel fɔp, ŋakule: «Amina!»

¹⁸ «MARIKI pɔsɔŋ pɔlɛc fum nwe ɔŋsɔŋe wɔtɔnɔŋk kɔgbaymɛ dɔpɔ mɔ!» Aka Yisrayel fɔp, ŋakule: «Amina!»

¹⁹ «MARIKI pɔsɔŋ pɔlɛc fum nwe ɛŋlɛcər wɛcikɛrɔ kɔ pɔyɔne fɛ ti wan nwe akombɛrɔ ɔn ŋafi mɔ, kɔ pɔyɔne fɛ ti wɛcɛbɔkɛrɔ kiti yem disrɛ mɔ!» Aka Yisrayel fɔp, ŋakule: «Amina!»

²⁰ «MARIKI pɔsɔŋ pɔlɛc fum nwe ɛŋfɛntɛrɛr wɛrɔn ka kas mɔ, bawo kɔ teyi-ɛ, wɛrkun wɛkayi ɛŋlapəs kas!» Aka Yisrayel fɔp, ŋakule: «Amina!»

²¹ «MARIKI pɔsɔŋ pɔlɛc fum nwe ɛŋfɛntɛrɛr wɛsɛm nwe o nwe mɔ!» Aka Yisrayel fɔp, ŋakule: «Amina!»

22 <MARIKI pəsəŋ pələc fum nwe eŋfəntərər wəkire kən mə, wan ka kas kə pəyənə fə ti-ε, wan ka iya wəkən!> Aka Yisrayel fəp, ŋakule: <Amina!>

23 <MARIKI pəsəŋ pələc fum nwe eŋfəntərər iya wəka wəran kən mə!> Aka Yisrayel fəp, ŋakule: <Amina!>

24 <MARIKI pəsəŋ pələc fum nwe əŋgbəpne pədif wənc mə!> Aka Yisrayel fəp, ŋakule: <Amina!>

25 <MARIKI pəsəŋ pələc fum nwe emban kəpocə kələc, pəsut wətələsər tes han pəfi mə!> Aka Yisrayel fəp ŋakule: <Amina!>

26 <MARIKI pəsəŋ pələc fum nwe əntədeleləs moloku ma Sariye saŋse, pəcəmə sə mi darəŋ mə!> Aka Yisrayel fəp, ŋakule: <Amina!>»

28

Kəsəŋ temer ka pətət

1 «Kə mənəcəŋkəl dim da MARIKI Kanu kam, məməŋkərne kəcəmə ka mosom mən darəŋ fəp, pəmə nte iyi kəsom əm mi məkə mə-ε, MARIKI Kanu kam endecəmbər əm takəroŋ ta afum a təf ya doru fəp.

2 Kəpocə pətət kaŋkə fəp kəndeder əm, kəbər əm, kə mənəcəŋkəl dim da MARIKI Kanu kam-ε.

3 MARIKI endepoc'am pətət dare, pəpoc'am pətət dəkulum.

4 Yokom ya kor kam, yokom ya antəf ŋam, awut a yəcəl yam cəna, cir kə ŋkesiya yam endepocə yi pətət.

5 MARIKI endepocə pətət kəfala kam kə pəpəckə pam kəcom.

6 Endekə pəcəpoc'am pətət kə məndekə məcbərə, pəcəpoc'am pətət kə mendekə məcwur-ε.

7 MARIKI endekəsut aterene am aŋe ŋandekəcəm'am fər kirin kəsutene mə. Dəpə din də ŋandesolne kəwəkərn'am, ŋayeksər əm səpə camət-mərəŋ.

8 MARIKI endesom a pətət peyi dəcəle cam, kə mes mam mosumpər fəp. Endepoc'am pətət nde atəf nŋe MARIKI Kanu kam endekəsəŋ əm mə.

9 MARIKI endesəŋe nu kəyənə ka afum acempi, pəmə təkə endermə nu ti mə, kə nəndekəmənəkərne mosom ma MARIKI Kanu konu, nəckət sə səpə sən-ε.

10 Afum aka doru dandə fəp ŋandenəŋk a nəna aŋwene MARIKI, ŋacnese nu.

11 MARIKI endelas nu pətət, pəsəŋe yokom ya kor konu, yokom ya yəcəl yonu, yokom ya antəf yonu kəla, dəndo atəf ŋaŋəkə MARIKI enadermə atem anu kəsəŋ nu mə.

12 MARIKI endekəgbite nu daka dən dətət nde dəyənə donu mə, pəcəŋ antəf ŋonu wəcafən təm nte pəmar pətuf mə, pəpocə pətət yəbəc ya waca wonu fəp. Nəna nəndekə nəcsəŋ təf yələram səbe, mba nəna nəfədekə nəcbə.

13 MARIKI, əfədekəsəŋ nu kəyənə kələŋa, mba domp. Takəroŋ tə nəndekə nəcyi, nəfədekə nəcyi tantəf, kə nəncəŋkəl mosom ma MARIKI Kanu konu mme iyi kəsom nu məkə mə, nəməŋkərne mi nəcəmə sə mi darəŋ,

14 kə nəntəgbaymə kəca kəmeriya ta nəŋgbaymə kəca kətət ka moloku mame iyi kəsom nu məkə mə, kə nəntəcəmə canu cələma darəŋ nəcsalene ci-ε.»

Kəbeŋne kəyə ka pələc

15 «Mba kə nəntəcəŋkəl dim da MARIKI Kanu konu-ε, kə nəntəmənəkərne kəcəmə ka mosom mən fəp kə sariye sən darəŋ pəmə nte iyi kəsom nu mi məkə mə-ε, pələc pampə fəp pendeder nu, pəbər nu sə:

16 MARIKI endepocə nu pələc nde dare, pəpocə nu pələc nde dəkulum.

17 Endepocə cəfala conu kə pəpəckə kəcom ponu pələc.

18 Endekə pəcəpocə pələc yokom ya kor konu, yokom ya təf yonu, awut a cəna conu, cir conu kə aka ŋkesiya yonu fəp.

19 Pəcəpocə nu pələc kə nəndekə məcbərə, pəcəpocə nu pələc kə nəndekə məcwur-ε.

²⁰ MARIKI endekə pæckere nu pələc, pæcsut nu anciyan kə pəcuca dəmosumpər monu fəp haŋ paləsər nu, haŋ nəməlkə katəna teta məyo monu məlec, bawo nəlukus kə darəŋ.

²¹ MARIKI endəkəkotərəne nu arom, haŋ nēmələk nu, neliŋ nu antəf nŋe njoyəne ŋonu mə.

²² MARIKI endekəsute nu melenki, fiba, kəkəf, kətoder ka wəcafən, yokom ya yəbəf yowosərəne dəcəkər, yəsətə sə docu dəlec, kə kəlonəc. Mes məlec maməkə mendecəme nu darəŋ haŋ nəfi.

²³ Kəm nkə kəyi nu domp kəron mə kəndeyi nu pəmə kəpər nkə kənyaməs wəcafən kətuf mə, kə antəf nŋe nəncəme kəron mə njoyəne nu masar.

²⁴ Kəfəl kə kəbof yə MARIKI endekə pæckere nu wəcafən antəf ŋam, pəctufər nu yi kəyefe dəkəm haŋ məməlkə.

²⁵ MARIKI endekəsut nu fər ya aterene anu kirin. Dəpə din də nəndekə nəcwəkərne ŋa kəkəsutene, mba səpə camət-mərəŋ sə nəndekə nəcyeksər ŋa. Kə afum a təf ya doru fəp ŋandenəŋk mes məkə mende kəcsətə nu mə, ŋandene cusu cəwos ŋa.

²⁶ Cəbel conu cəndeyəne yeri ya bəmp ya darenc kə səm ya dop. Ali fum əfəde pəcyamsər yi.

²⁷ MARIKI endekəsute nu bəce ya Misira, pəkəf, aməncə, kə kəŋetne, docu nde nəntədetam kəctaməs mə.

²⁸ MARIKI endekəsute nu kətənəŋk, dəyamayama kə dotəŋkulu.

²⁹ Nənde kəcwəkəs nne yowon cuk pəmə təkə wətənəŋk eŋwakəs kubump mə, ali mošumpər monu min məfəde kəctese nu, ande kəcdir nu təm fəp, pəcfonət nu təm o təm, nəfəde kəcsətə wəyac.

³⁰ Mənde kəcfac wəran, wərkun wələma pəcfəntərər kə. Məcəmbər kələ ta məmbere ki-ε. Məbəf ŋgbəŋkələ ya wən ta məŋpim yokom ya yi-ε.

³¹ Ande pəcfay wana wonu fər yonu kirin, ta nəsəm səm ya wi-ε. Ande pəclək səfale sonu fər yonu kirin, ta alukse nu si-ε. Ande pəcsəŋ cir kə ŋkesiya yonu aterene anu, ali fum əfədeder kədeyac nu.

³² Awut anu arkun k'awut anu aran ŋandeyi afum acuru dəwaca dacar. Nəndegbətne ti, fər yendeləl nu kəməmən ŋa dəpə kəkər, mba ali tes nəfəde nəctam ti disre.

³³ Afum a atəf ŋocuru aŋe nəntəcəre mə, ŋandesəm yokom ya ntəf yonu kə daka nde nənde nəcsətə yəbəc yonu disre mə fəp, ande pəcdir nu, pəctərəs nu təm fəp.

³⁴ Mes maməkə nənde nəcnəŋkə fər yonu mə, mendesəŋe nu dotəŋkulu.

³⁵ MARIKI, endesute nu bəce dəsuwu kə dələŋk nŋe nəntədetam kəctaməs mə, endesut nu kəyefe nde dəwəcək haŋ nde dəromp.

³⁶ MARIKI endesəŋe nu kəkət, nəna kə wəbe konu nwe nəndecəmbər mə, kəkə ka nde atəf nŋe nəna kə atəm anu nəntəcəre mə. Kə nəŋkə dəndo-ε, nəŋkəsəlene di canu cəcuru ca kətək kə ca tasar.

³⁷ Afum aŋe MARIKI eŋkekəre nu ndaranəŋ mə fəp, cusu cəŋwos ŋa teta mes məkə məŋsətə nu mə. Nəyefe kəsələr nu, ŋacfanə nu.

³⁸ Nənde kəcgbal defet dəlarəm nde dalə donu, mba kətəl konu kənde kəcpice, bawo cəlanəkəma cənde kəcsəme nu yəbəf.

³⁹ Nənde nəcbəf ŋgbəŋkələ ya wən, nəbifti yi dəntəf, mba nəfəde nəcmun wən wa yi, nəfəde nəcpim yokom ya yi yati bawo yet yende kəcsəm yi.

⁴⁰ Nəndeyə tək ya olif nde atəf ŋonu fəp, mba nəfəde nəcsopə moro ma yi dəris, bawo olif ŋende kəcbəkə-bəkə ta ŋentaləl-ε.

⁴¹ Nəndekom awut arkun kə awut aran, mba ŋafədeyəne akonu, bawo dacar də ŋandekə.

⁴² Tək yam kə yokom ya antəf ŋonu fəp, cəcal cəndesəm yi haŋ yelip.

⁴³ Wəcikəra nwe endeyi atəf ŋonu mə, tetən tendepə təm fəp tetəs tam, mba ta mənə toctor kətər dəm.

⁴⁴ N̄a n̄ande k̄ac̄lek̄ar s̄abe, n̄ana n̄af̄odeȳo daka o daka nde n̄ande k̄ac̄b̄or k̄o m̄o. N̄a n̄andeȳone nu domp, n̄ana n̄aȳone k̄alen̄a.

⁴⁵ Mes ma k̄apoc̄e k̄alec̄ kan̄k̄o f̄ap mendeder nu, mec̄ame nu dar̄eḡ, meb̄ap nu han̄ m̄am̄alk̄e, bawo n̄anc̄aḡk̄al f̄e dim da MARIKI Kanu konu, n̄ameḡk̄arne f̄e k̄ac̄ame ka mosom m̄an k̄o sariye s̄an dar̄eḡ p̄am̄o t̄ok̄o osom nu si m̄o.

⁴⁶ P̄alec̄ pap̄ok̄o f̄ap pendeȳone nu meḡbek̄ere m̄ew̄ey-w̄ey mec̄em-c̄em̄as nn̄o n̄ayi k̄o yuruya yonu yeyi m̄o doru o doru.»

⁴⁷ «K̄o n̄ant̄osalene MARIKI Kanu konu p̄abotu disre k̄o ab̄ek̄ac̄ ḡt̄ot̄ tem nte n̄anaȳo ca f̄ap han̄ n̄acep̄ar̄er m̄o-ε,

⁴⁸ n̄andeb̄ace aterene aḡe MARIKI endek̄ere nu m̄o d̄ador, domun k̄abas, k̄apeḡ k̄o k̄abut ka ca f̄ap. P̄aḡbek̄ nu gbek̄ce d̄akilim han̄ p̄am̄al̄ek̄ nu.

⁴⁹ MARIKI endek̄ere nu k̄aȳefe p̄ab̄ole, k̄aȳefe moḡk̄ubut ma doru afum aḡe n̄andeḡbut̄alene nu p̄am̄o siksik̄ m̄o, afum aḡe n̄ant̄ode n̄ac̄ne kusu k̄aḡan m̄o,

⁵⁰ at̄of ḡa afum ayen̄ki b̄ek̄ac̄, aḡe ḡant̄ode ḡaclel̄as w̄atem m̄o, ḡaf̄ode ḡacȳone w̄atemp n̄on̄of̄ar.

⁵¹ N̄andek̄o ḡacs̄am yokom ya ȳoc̄ol yonu, k̄o yokom ya ant̄of ḡonu, han̄ n̄am̄alk̄e. N̄af̄odek̄o ḡacs̄ak̄ere nu meḡgben, ḡaf̄odek̄o ḡacs̄ak̄ere nu member, ḡaf̄odek̄o ḡacs̄ak̄ere nu moro, ḡaf̄odek̄o ḡacs̄ak̄ere nu c̄ana conu c̄awut, ḡaf̄odek̄o ḡacs̄ak̄ere nu ḡkesiya yonu yowut k̄o cir conu c̄awut, han̄ ḡas̄oḡe nu k̄am̄alk̄e.

⁵² N̄andew̄ek̄arne s̄adare sonu f̄ap k̄asut, han̄ samba s̄ap̄oḡ, s̄aḡeci sas̄ok̄o m̄anaḡbek̄ar k̄alaḡ konu m̄o f̄ap, s̄alip̄ k̄awuḡe at̄of ḡonu f̄ap. N̄andek̄ow̄ek̄arne nu k̄asut d̄as̄adare sonu f̄ap, d̄at̄of nȳe MARIKI Kanu konu k̄as̄oḡ nu m̄o f̄ap.

⁵³ K̄ak̄el ka aterene anu k̄andet̄ar̄as nu, k̄al̄ol̄as nu dis han̄ k̄as̄oḡe nu k̄acs̄am yokom ya cor conu, sem ya awut anu arkun k̄o aran aḡe MARIKI Kanu konu k̄as̄oḡ nu m̄o.

⁵⁴ W̄arkun n̄we k̄ab̄ot̄ k̄on amera k̄antas konu f̄ap m̄o, k̄ak̄ok̄ce k̄on mes k̄atas konu n̄we eyi nu dac̄o m̄o, endek̄o p̄ac̄m̄am̄ane w̄enc̄ d̄of̄or d̄elec̄, k̄o w̄eran n̄we endire k̄o k̄as̄ak̄ m̄o, k̄o awut ḡn aḡe ḡanc̄ame k̄o m̄o,

⁵⁵ p̄ac̄nese k̄apoc̄e ka w̄ekin sem ya awut ḡn nȳe ende k̄acs̄am m̄o, bawo ali paka af̄odesak̄ere k̄o k̄at̄ar̄as k̄o dis k̄al̄ol̄ kan̄k̄o disre, n̄ke aterene ḡn ḡandec̄amb̄ar nu nde d̄ak̄ab̄ere da s̄adare sonu f̄ap nte ḡackel nu m̄o.

⁵⁶ W̄eran n̄we k̄ab̄ot̄ k̄on amera k̄antas konu f̄ap m̄o, w̄ak̄ok̄ce mes n̄we endeyi nu dac̄o m̄o, n̄we endeȳo amera p̄ack̄ok̄ce han̄ p̄ac̄nes-nes̄ar k̄adeḡ k̄ac̄ak̄ d̄ant̄of m̄o, ende k̄ac̄m̄am̄ane wos n̄we endire k̄o k̄as̄ak̄ m̄o, wan k̄on w̄arkun k̄o w̄eran, d̄of̄or d̄elec̄,

⁵⁷ k̄alekene k̄anaka n̄ke ent̄ep̄ k̄ackom m̄o k̄o des̄am da wan, bawo k̄at̄oȳo daka o daka disre, aḡgb̄ap̄ne k̄acs̄am yi teta k̄at̄ar̄as k̄o k̄al̄ol̄as dis kan̄k̄o disre n̄ke aterene am ḡandec̄amb̄ar nu nde s̄adare sonu m̄o.»

⁵⁸ «K̄o n̄ant̄ameḡk̄arne k̄ac̄ame ka moloku ma sariye saḡse f̄ap dar̄eḡ, m̄me acic buk bamb̄e disre m̄o, k̄o n̄ant̄anes̄e tewe teyek-yek̄as k̄o t̄ew̄ey-w̄ey ta MARIKI Kanu konu-ε,

⁵⁹ MARIKI endesute nu, n̄ana k̄o yuruya yonu rom ȳap̄oḡ yocuca k̄aliḡ, docu d̄ap̄oḡ nde doncuca k̄at̄am̄as m̄o.

⁶⁰ MARIKI endek̄ere nu pucuy pa Misira f̄ap m̄pe n̄ac̄nese m̄o, pucuy pap̄ok̄o pokot̄arne nu.

⁶¹ MARIKI endek̄ere nu docu f̄ap, k̄o rom nȳe ant̄ocic nde buk ba sariye saḡse m̄o, han̄ n̄am̄alk̄e.

⁶² K̄o n̄andela p̄am̄o c̄as ca darenc, afum apic ḡandesak nu dac̄o doru, bawo n̄anc̄aḡk̄al f̄e dim da MARIKI Kanu konu.

⁶³ T̄ok̄o p̄anc̄b̄ot̄ MARIKI k̄aȳo nu p̄at̄ot̄ k̄o k̄as̄oḡe nu k̄ala m̄o, it̄o p̄andes̄o p̄ac̄b̄ot̄ k̄o k̄adif̄at nu, p̄ac̄m̄al̄ek̄ nu, palin̄ nu ant̄of ḡaḡok̄o n̄andek̄ab̄ere k̄abaḡ ḡoȳone ḡonu m̄o.

⁶⁴ MARIKI endesamsər nu afum a doru fəp dacə, kəyefe nde doru doncop mə, haŋ nde dəkəlpəsər mə. Dəndo, nəŋkəsəlene canu cəcuru nce nəna kə atem anu nəntəcəre mə, canu ca kətək kə ca tasar.

⁶⁵ Afum a təf yayəkə dacə, bəkəc yəfədekəfər nu, wəcək wonu wəfədekəsətə kəfo nkə wendekə wecnesəm mə. MARIKI endekə pəcsəŋe nu bəkəc kəcłe-ce-łe-ce, fər yələl nu, dis fəp dədənce nu.

⁶⁶ Kəyi doru konu kəndegbəkse, nəyinε kənesε kəpəŋ pibi kə dan, nəfədekenε kiya konu doru yati amera,

⁶⁷ nəcloku bətbət: «Pəcyəne a dəfəy gbəcərəm də-ε!» Nəcloku dəfəy: «Pəyənε a bətbət gbəcərəm bə-ε,» teta kənesε nkə kəndeyi nu dəbəkəc mə, kə mes məkə nəndekə nəcnəŋkε fər yonu mə.

⁶⁸ MARIKI endekəluksε nu atəf ŋa Misira dəcibil, nəkət sə kəfo kaŋkə inaloku nu: «Nəfəsəŋk di» mə. Dəndo nəndekəcaməsne aterεne am kəyənε ka acar aŋan kəyefe arkun haŋ aran. Mba ali fum əfədekəway nu.»

Moloku mεlpəs ka Musa

28.69-30.20

⁶⁹ Moloku ma danapa mame mə MARIKI enasom Musa kəcaŋəs kə aka Yisrayel nde atəf ŋa Mohab, kəberεne ka məkə ŋanacaŋəs kə aka Yisrayel nde tərə ta Horeb mə.

29

Kəgbəkəre ka danapa da aka Yisrayel kə MARIKI

¹ Kə Musa ewe aka Yisrayel fəp, k'oloku ŋa:

«Nənanəŋk təkə MARIKI enayə fər yonu kirin nde atəf ŋa Misira mə, nte enayə firawona, amarəs ən k'aka atəf ŋən fəp mə,

² mεwakəs məpəŋ mme fər yonu yenanəŋk mə, mεgbəkəre kə məyə mεwey-wey məpəŋ.

³ Mba haŋ məkə, MARIKI əsəŋ fe nu abəkəc nəctam kəcərə, fər yectam kəcnəŋk, ləŋəs yectam kəcne.

⁴ Meren wəco maŋkəle (40) ickətən'on dətegbəre. Yamos yonu yenaməce-məce fe nu, cəfta conu cənacopər fe nu dəwecək,

⁵ nənasəm fe cəcom, nənamun fe wen, nənamun fe maŋkəntə, nte təŋsəŋe nətam kəcərə a in'əyənε MARIKI Kanu konu mə.

⁶ Kə nənder nəberε nnə kəfo kaŋkε. Sihəŋ wəbe ka Hesbon, kə Ək wəbe ka Basan, ŋawur kəkəgbintərne su kəsutεne, kə səsut ŋa.

⁷ Kə səlek atəf ŋaŋan kə səsəŋ aRuben, aKadu kə aka kusunka dacə ka Manase, ŋi ŋəyənε kε kaŋan.

⁸ Itə pəmar nəmənəkərne kəcəme ka moloku ma danapa dandε darəŋ, nte təŋsəŋe nəctam mes mme nəŋsumpur mə fəp.»

⁹ «Nəna aka Yisrayel, nəna ŋə akaŋe nəncəme məkə MARIKI Kanu konu fər kirin mə. Fəp fonu nəyi de, kəyefe abε anu kəkə ka cusunka conu kəbəp k'abeki anu haŋ atubuc mes anu, arkun a Yisrayel fəp,

¹⁰ aran anu, awut anu, acikəra anu akə ŋayi nu dacə dəsaŋka mə, kəyefe wətεne kam tək, haŋ wəkεtsε kam domun.

¹¹ Ndekəl ŋə MARIKI Kanu konu kəsek danapa kə nəna k'efan a pədermε kəsek ka danapa dadəkə məkə,

¹² nte təŋsəŋe pəsəŋ'am kəyefe məkə kəyənε ka fum kən mə, nkən sə pəyənε Kanu kam, pəmə təkə enalok'am ti mə, pəmə təkə enadermε ti atem am Abraham, Siyaka, kə Yakuba mə.

¹³ Bafə nəna gbəcərəm ŋə iyi kəsek danapa dandε kə kəderəm kaŋkε de,

¹⁴ mba kə akə ŋayi su dacə məkə fər ya MARIKI Kanu kosu kirin, kə akə ŋantəyi su dacə məkə mə.

15 Nəncərə nənasərka təkə sənandə atəf ɲa Misira, kə təkə sənacal-cali təf nyə nənacepər mə.

16 Nənanəɲk məɾəɲka maɲan mme MARIKI enter mə, məɾəɲka ma tək, masar, gbeti kə kema mme meyi nde ndaraɲan mə.

17 Ta fum pəyi nu dacə pəyənə wəkun, wəran, kusunja, kə pəyənə fə ti-ε kor, nwe abəkəc ɲən ɲendelukus məkə MARIKI Kanu konu darəɲ, pəkə pəcsalənə canu ca afum a təf yayəkə mə. Ta nwe o nwe pəde pəyi nu dacə pəmə kəntəntəl nke kəɲkom pəkəntəɲnə podokət mə.

18 Kə təyənə fum pənə moloku ma kəderəm mamε-ε, ta pəyek-yekəsne dəbəkəc pəcloku: «Pəforu pendey'im, ali ickətənə deyəɲki abəkəc dem! Bawo əfətəma a antəf ɲɲə alonər domun mə ɲəfəsəwos.»

19 MARIKI əfəwosə kəɲaɲnənə kə. Bawo mətele kə kəraca ka MARIKI Kanu konu, kəɲkuncələ nnə fum wəkəkə eyi mə. Pələc pampə ancicəs dəbuk bambə mə fəp, pəntəpnə kə, MARIKI pənim tewe ta fum wəkəkə antəf kəron.

20 MARIKI endəgbey wəkayɪ cusunja ca Yisrayel fəp dacə k'endesəɲ kə pələc-ε, kəsəɲ pələc fəp ka danapa nke ancic dəbuk ba sariye bambə disrə mə.»

21 «Dətemp ndə dender mə, awut anu aɲə ɲandeyefə nu tadarəɲ mə, kə wəcikəra nwe endeyefə atəf ɲobol-bolu mə, k'akəkə ɲandenəɲk pucuy pa atəf ɲaɲə kə docu ndə MARIKI endesute atəf ɲonu mə, ɲandeloku:

22 «Atəf ɲaɲə: Soda, məɾ kə nenc dəcəf ɲi tantə. Afətəma ɲi kəbəf, paka o paka pəfəpəɲ ɲi kəron, ali ayika ɲəfəpəɲ ɲi kəron pəmə təkə pəyi Sodom, Komora, Adma kə Ceboyim, sədare nse MARIKI ənəkafəli pəgbəp, dəmətele mən mecepərər disrə mə.»

23 Afum a təf fəp ɲandeloku: «Ta ake tə MARIKI əyənə tantə atəf ɲaɲə-ε? Ta ake tə pəntələne kə pəpəɲ tantə-ε?»

24 Paclukse ɲa moloku: «Bawo aka Yisrayel ɲafati kəcəmə danapa darəɲ dəkə MARIKI Kanu ka atem aɲan ɲanasek kə ɲa, nte ənawurənə ɲa atəf ɲa Misira mə.

25 Bawo ɲaɲkə sə ɲacsalənə canu cəcuru, ɲactontnənə ci, canu nce ɲantəcərə mə, nce MARIKI əntəwosə afum əɲ kəcsalənə mə.

26 Itə pəntələne MARIKI nnə aka atəf ɲaɲə ɲayi mə, kə kəwənərə ɲa kəway kələc nke anacic dəbuk babəkə disrə mə fəp.

27 MARIKI oɲgbuktu ɲa antəf ɲaɲan mətele məpəɲ mələc kə pucuy pəber-bərə disrə, k'eləm ɲa atəf ɲocuru. Itə pəyinə məkə tantə.»

28 MARIKI Kanu konu kəyə mes mme məɲgbəpnə mə. Səna kə awut asu, sən'ətəmpər mes mme amentər su mə, doru o doru nte təɲsəɲə səcəmə moloku ma Sariye saɲsə darəɲ mə.»

30

Aka Yisrayel ɲaluksərne sə MARIKI

1 «Kə moloku mamε fəp mēndebəp əm-ε, kəpocə pətət kə kəpocə pələc nke imbocər əm fər kirɲ mə, kə MARIKI Kanu kam endesamsər nu afum a təf ya doru fəp dacə-ε, mənə məccəm-cəmnə mes maməkə,

2 kə məluksərne sə MARIKI Kanu kam, kə mənəcəɲkəl sə dim dən abəkəc ɲam yosoku pəs kə amera ɲam fəp-ε, mənə kə awut am pəmə təkə iyi kələk'əm ti məkə mə,

3 MARIKI Kanu kam ɲəsəkər tetam, pəyən'am nənəfər, pələɲka nu sə kəfo kin, MARIKI oɲwurenə nu afum akə ənəsamsər nu dacə mə.

4 Ali təyənə a əsamsər nu dəmonkubut ma doru, MARIKI Kanu kam ɲɲlək nu dəndo pələɲka nu nnə o nnə ənəsamsər nu mə.

5 MARIKI Kanu kam kəɲluks'am sə atəf ɲɲə atem am ɲanabaɲ mə, mənə məgbəkərə sə ɲi kəbaɲ ɲəyənə ɲam. MARIKI pəyən'am pətət, pəsəɲ'am sə kəla mətas atem am.

6 MARIKI Kanu kam kəndəsəkəs abəkəc ɲam, kə abəkəc ɲa yuruya yam təsəɲə nu kəyənə akən, nte təɲsəɲə məbətər MARIKI Kanu kam abəkəc kə amera ɲam fəp mə, təɲsəɲ'am kəyi doru.

⁷ MARIKI Kanu kam, kəŋwənəre aterene am pələc papəkə fəp, akə ŋanatefərn'am teta kətərəs əm mə.

⁸ Kə mənə, mändelüksərne, mändecəŋkəl dim da MARIKI, məcəmə sə mosom mən fəp darəŋ mme iyi kəsom əm məkə mə.

⁹ MARIKI Kanu kam kəndelas əm pətət, pətesəs yebəc ya waca wam fəp, kəyefe yokom ya kor kam, yokom ya yəcəl yam, yokom ya antəf ŋam, pəndegbəkəre sə kəbət MARIKI kəyən'am pətət, pəmə təkə penabət kə kəyənə ka atem am pətət mə,

¹⁰ kə pəyənə mändecəŋkəl MARIKI Kanu kam, məməŋkərne mosom mən kə sariye sən nse ancic dəbuk ba sariye mbə disre mə, kə mändelüksərne MARIKI Kanu kam abəkəc ŋosoku pəs kə amera ŋam fəp-ε.»

Toloku ta Kanu tələtərne

¹¹ «Bawo tosom tante iyi kəsom əm məkə mə, toncuca fə kəcəre, toncuca fə kələləs.

¹² Bafə darenc kəyi, təsəŋ'am kəcloku: «An'endepene su dəKəm-ε, pəkəkəre su, pəsəŋe su kəcəŋkəl ki, nte təŋsəŋe səcəmə ki darəŋ mə?»

¹³ Bafə ntende kəba mokuru kəsom kəŋkə kəyi, təsəŋ'am kəcloku: «An'endecalene su ntende kəba mokuru pəkəkəre su, pəsəŋe su kəcəŋkəl ki, nte təŋsəŋe səcəmə ki darəŋ mə?»

¹⁴ Toloku tante tələtərn'am, tey'im dəkusu kə dəbəkəc, nte təŋsəŋe məcəmə ti darəŋ mə.»

Nəyek-yek tin: Defi kə kəyi doru

¹⁵ «Məməmən mənə Yisrayel, imboc məkə fər yam kirin kiyi doru kə pətət, defi kə pələc, mələk tin.

¹⁶ Nte iyi kəsom əm məkə mə, kəbətər MARIKI Kanu kam kə, məkət səpə sən, məməŋkərne mosom mən, sariye sən kə məyə mən mokur, nte təŋsəŋe məyi doru, məkoməs, nkən MARIKI Kanu kam kəpoc'am pətət nde atəf ŋəkə məŋkəban ŋəyənə ŋam mə.

¹⁷ Mba kə abəkəc ŋam ŋəŋkəfəle, ta məncəŋkəl MARIKI, kə məsakne paliŋəs əm məctontnəne canu cəcuru, məcsalene ci-ε,

¹⁸ iloku nu ti məkə, nəŋməlkə, mataka monu məfəbəle antəf nne məŋkəban ŋəyənə ŋam, kə məŋkəcəpər Yurdən-ε.

¹⁹ İlek məkə kəm kə antəf yəyən'em sede nnə nəyi mə. Imbocər əm fər kirin kiyi doru kə defi, kəpocə pətət kə kəpocə pələc. Məyek-yek kiyi doru nte təŋsəŋe məyi doru mənə kə yuruya yam mə,

²⁰ məcbətər MARIKI Kanu kam, məccəŋkəl kə, məckotərne kə. Nkən əyənə kiyi wəyən kam kə kəwon kam doru, nte təŋsəŋ'am kəndə antəf nne MARIKI Kanu konu enaderəm kəsəŋ atem anu, Abraham, Siyaka kə Yakuba mə.»

31 **Defi da Musa**

31-34

Yosuwe əyənə wəcənc ka Musa

¹ Kə Musa əŋkə pələku moloku məmə fəp aka Yisrayel,

² pəcloku ŋa: «İsətə məkə meren tasar tin kə wəcə mərəŋ (120), ifəsətam tes o tes, kə MARIKI olok'im: «Məfəcali nnə Yurdən yayε.»

³ MARIKI Kanu kam yati, endesol'am, pəmələk afum aka təf yayəkə fəp, mənə məkə məbanər ŋa ntəf yanən. Yosuwe nkən sə pəsol'am, pəmə təkə MARIKI oloku ti mə.

⁴ MARIKI endekəyə afum akakə pəmə təkə enayə Sihəŋ kə Ɔk abe a Amor kə atəf yanən, k'əmələk ŋa mə.

⁵ MARIKI endekələk ŋa pəber nu dəwaca, nəyə ŋa pəmə tosom fəp təkə isom nu mə.

⁶ Nəyə səkət nəbəkne! Ta nənese ta nəyikce fər yanən kirin. MARIKI Kanu kam yati osol'am, əfəsək əm, əfəsım'am.»

⁷ Kɔ Musa ewe Yosuwe, k'oloku kɔ fɔr ya aka Yisrayel fɔp kirinj: «Məyɔ səkət, məbəkne, bawo mən'endekɔberɛ atɔf nɛɛ MARIKI ɛnadɛrəm kəsɔɲ atem aɲan mə, mən'endekɔyer ɲa ɲi kɛ.

⁸ MARIKI osol'am. Nkənsərka yati nəndekɔsol, ɔfɔdesak əm, ɔfɔdesim'am. Ta mənese, ta dis dɔlɔl əm.»

Kəkaraɲ ka sariye teren ta camət-mɛrəɲ fɔp

⁹ Kɔ Musa encicəs sariye sasəkɔ, k'ɔsɔɲ si alɔɲnɛ, awut aLewy aɲɛ ɲayɔnɛ agbaɲnɛ kaɲkəra kəsɛlɛɲ ka danapa da MARIKI kɔ aka Yisrayel mə, kɔ abeki aka Yisrayel fɔp.

¹⁰ Kɔ Musa osom ɲa ntɛ: «Dəkələpsər da meren camət-mɛrəɲ ndɛ o ndɛ, tɛm ntɛ ambonc kəɲaɲnɛ səbe mə, kəsata ka Cəlɛɲgbɛ,

¹¹ kɔ aka Yisrayel fɔp ɲandeder kədementərɛnɛ MARIKI Kanu kam fɔr kirinj, ndɛ kəfɔ kəɲkɔ endementər mə, məkaraɲɛnɛ aka Yisrayel fɔp sariye saɲsɛ.

¹² Məlɔɲka afum, arkun, aran kɔ awut kəbəp ka acikəra akɔ ɲayi sədare sam, ntɛ tɔɲsɔɲɛ ɲane ti, ɲatakəs kənese MARIKI Kanu konu mə, ntɛ tɔɲsɔɲɛ sɔ ɲamɛɲkərɛnɛ kəcəmɛ ka moloku ma sariye saɲsɛ fɔp darəɲ mə.

¹³ Ti disrɛ awut aɲan aɲɛ ɲantɔcərə mi mə, ɲane mi, ɲa sɔ ɲatakəs kənese MARIKI Kanu konu mataka ma kəyi konu doru fɔp mɛmɛ nəndɛndɛ antɔf nɛɛ nəndekɔbaɲ ɲɔyɔnɛ ɲonu, kɔ nəndekɔcali Yurdɛn-ɛ.»

Aka Yisrayel ɲandegbaymɛ Kanu

¹⁴ Kɔ MARIKI oloku Musa: «Mata mam mɛfi mɔlɔtərɛnɛ. Məwe Yosuwe nəkɔ nəcəmɛ ndɛ aɲgbancan ɲɛbərənɛ kɔ Kanu, ikɔ idəs kɔ, isɔɲ kɔ mosom mem.» Musa kɔ Yosuwe ɲaɲkɔ ɲacəmɛ ndɛ aɲgbancan ɲɛbərənɛ kɔ Kanu.

¹⁵ Kɔ MARIKI owurər ɲa dəndɔ daɲgbancan, dəkəp, kɔ kəp kəɲkɔ kəcəmɛ dəkusunka ka aɲgbancan.

¹⁶ Kɔ MARIKI oloku Musa: «Mənəɲk, kəfi kɔ mənder. Kɔ defɛ dam dencepər-ɛ, afum akaɲɛ ɲandesak im ɲacamsərɛnɛ canu cəcikəra, canu ca ndɛ atɔf ɲəkɔ ɲaɲkɔberɛ mə. ɲandekɔsak im, ɲandekɔcopu danapa dem ndɛ sənasek kɔ ɲa mə.

¹⁷ Dəsək dadəkɔ, pəndetɛl'em nnɔ ɲayi mə. Ina sɔ indesimɛ ɲa, ibɛr ɲa kumunt kem. Andewatəri-watəri ɲa. Pələc kɔ pəcuca pɛlarəm pəndebəp ɲa. ɲacloku: «Bafɔ ntɛ Kanu kosu kəntɔyi su dacɔ mə, tɔ mes mɛlɛc mame məɲsɔtɔ su ba?»

¹⁸ Kɔ ina, indeber ɲa kumunt kem dəsək dadəkɔ, teta pələc pəkɔ ɲandeyɔ mə fɔp, kəkafələ kəɲan ɲacsalɛnɛ canu cəcuru.

¹⁹ Ndekəl ɔɲ nəcic tɛlɛɲ ntɛ. Mətəkɛ ti aka Yisrayel, məber ɲa ti dəcusu, tɛlɛɲ tantɛ tedeyən'em sɛdɛ sa pələc pa aka Yisrayel.

²⁰ Bawo indekɔberɛ afum akaɲɛ antɔf nɛɛ inadɛrɛm atem aɲan kəsɔɲ ɲa mə, antɔf nɛɛ ɲombɔɲ dalɛ k'awop mə. ɲandekɔ ɲacdi yeri ɲacnɛmbərə, ɲatəf. Kɔ ɲalip-ɛ, ɲakafələ ɲatɛfərɛnɛ ɔɲ canu cəcuru nɛɛ ɲandekɔ ɲacsalɛnɛ, ɲacfər-fərəs im, ɲacopu danapa dem ndɛ sənasek kɔ ɲa mə.

²¹ Kɔ pələc kɔ pucuca pɛlarəm pəndebəp ɲa-ɛ, tɛlɛɲ tantɛ tendeyənɛ sɛdɛ kəmentər kance ka mes mɛlɛc maɲan, bawo yuruya yaɲan ɲafɔdepəlɛr ti. Intakekərə fɛ ɲa atɔf ɲəkɔ inadɛrəm kəsɔɲ ɲa mə, mba incərə məkɔ tantɛ, ntɛ teyi ɲa dəbəkək mə.»

²² Dəsək dadəkɔ dɔ Musa encic tɛlɛɲ tantɛ, k'ɛntəkɛ ti aka Yisrayel.

²³ Kɔ MARIKI osom Yosuwe wan ka Nun, k'oloku kɔ: «Məyɔ səkət məbəkne, bawo mən'əɲkɔberɛ aka Yisrayel atɔf nɛɛ inadɛrəm kəsɔɲ ɲa mə. Ina yati in'endesol'am.»

²⁴ Ntɛ Musa elip kəcicəs moloku ma sariye saɲsɛ fɔp dəbuk mə,

²⁵ k'osom aLewy aɲɛ ɲancgbaɲnɛ kaɲkəra kəsɛlɛɲ ka danapa da MARIKI kɔ aka Yisrayel mə:

²⁶ «Nələk buk ba Sariye mbɛ, nəboc bi kaɲkəra kəsɛlɛɲ ka danapa da MARIKI Kanu konu kəsək. Bi bendeyənɛ sɛdɛ kəmentər kance nnɔ aka Yisrayel ɲayi mə.

²⁷ Bawo incære təkə nəntaŋ ləŋəs kə nəyeŋk səbomp mə. Kə nəyeŋkər MARIKI səbomp tēm nte isəroyi doru-ε, cəke cə nəndeyi k'indefi-ε!

²⁸ Ndekəl oŋ, nəlonkan'em abeki a cusuŋka conu fəp, k'atubuc mes anu. Iloku moloku mamε fər yaŋaŋ kirin, ilək sə kəm kə antəf yəyənε nəna kə MARIKI dacə sede.

²⁹ Bawo incərə a k'indefi-ε, nəndetalərne: Nəndebələne dəpə dandε imentər nu mə. Tēm tata kə pələc pendeder nu, kə nəndegbəkəl MARIKI dəməyə monu ma dəwaca, nəcyə mes məkə məntətesε kə mə.»

Telen ta Musa

³⁰ Kə Musa əŋkə pəloku moloku ma telen tante kəlonkanε ka aka Yisrayel fəp fər kirin.

32

¹ «Kəm, məsu aləŋəs, ilok-loku!

Antəf, məcəŋkəl moloku ma kusu kem! Nəyən'em sede!

² Kanu kəsəŋε metəkse mem məsamsər pəmə nte wəcafən endetufər yəbəf mə, Kanu kəsəŋε a toloku tem tēgbələr pəmə kibi, pəmə təkə mewiy-wiy mendenε yika yobuk kəron, pəmə nte məbək məndetufər yəbəf ya dale mə.

³ Kəkor-koru k'inder tewe ta MARIKI. Nəyek-yekəs debeki da Kanu kosu!

⁴ Nkən eyi pəmə asar.

Yəbəc yən yentesε tēm fəp,

bawo səpə sən fəp səlomp.

Kanu kə nkε kəntəsəkpər mə, nkε kəntəyə pətəlomp mə.

Kanu kə nkε kəntəmpər kance kə pələmpu mə.

⁵ Mba mənə aka Yisrayel nəntalərne nno MARIKI eyi mə, nəyənε fε sə awut ən! Pəyikyik paŋaŋ pə.

Detəmp dələc donutəsne də.

⁶ Nəna afum atəŋkulu, atəcərə kəkətene mes,

tante tə pəmar nəyə MARIKI ba?

Bafə wisi əyənε MARIKI, nwe owur'am doru mə ba?

Bafə nkən olompəs əm k'elək əm kə məyənε fum kən ba?

⁷ Nəcem-cəmnε mata məkə mənacepər pəwon mə, Ta nəpələr meren ma detəmp kə detəmp dəkə dənacepər mə, Məyifət wisi, endekələmər əm ti, abeki anu ŋandekələku nu ti.

⁸ Nte Kanu nkε kəyi ca ya doru fəp kəron kənasəŋəs afum a təf ya doru kε, nte eŋgbey afum a doru təf təf mə,

k'ombocε ŋa cələncər,

təkə mələkε ma Kanu məlanenε mə.

⁹ Kə MARIKI elək aka Yisrayel ŋayənε aka nkən, yuruya ya Yakuba yənayənε kε kən.

¹⁰ Nde dətēgbərə MARIKI εnabəp nənə yuruya ya Yakuba, nde antəf nŋε ŋəyə yer-yer, mənε pukule-kule pa canda pəkə yənayi dacə mə. Kə MARIKI ombum yi, k'ondusum yi, k'eŋgbəkərə yi pəmə dəfər dən.

¹¹ MARIKI eyi nno aka Yisrayel ŋayi mə pəmə nte asiksik ŋentimi awut a ŋi mə, MARIKI ombum aka Yisrayel pəmə nte asiksik ŋombum awut a ŋi mə, ŋemperi banca nte təŋsəŋε wan ka ŋi pədenε yi kəron mə, ŋedenε wan ka ŋi dəbanca.

¹² MARIKI sona gboŋ enasolε afum ən,

ali kanu kəcuru kin kənamar fε kə.

¹³ K'efelərene ɲa k'əŋkə pədəs mofo meŋeci tadarəŋ,
ɲacdi yokom ya dale.

Pəcməsəre ɲa mēsε ma cəme mme moncwur masar dacə mə,
kə moro ma antəf ɲa masar,

¹⁴ pəcməsəre ɲa mēsε medirε ma cəna, mēsε mēcəŋki ma ɲkesiya kə cir,
kələkənε sεm yobonɲu ya ɲkesiya yowut, ɲkesiya ya Basan kə mbiyofɔ.

Məcdi yeri yətət nyε ancoŋε meŋgben mətət mə,
məcmun sə wən wətət wa yokom ya ɲgbəŋkələ yam.

¹⁵ Yesurun endetəf on, k'eyεfε kəsime Kanu.

Nte Yisrayel ɲanasətə nte o nte ɲanafan mə, kə ɲantan ləŋəs!
Daka danan dəsəŋε ɲa kətəf, kə ɲasak Kanu nke kəlompəs ɲa mə,
kə ɲance Kanu nke kəyənε togbu tanan mpe pəyənε wəyac kəŋan mə.

¹⁶ Aka Yisrayel ɲancsəŋε MARIKI kəyə kəraca teta canu cəcuru.
Ųacdəktərə sə MARIKI pəyikyik mpe pəyənε mērəŋka mə.

¹⁷ ɲasak kəloŋne Kanu, ɲacloŋne yəŋk yelεc nyε yəntəyənε Kanu mə,
canu nce ɲanatəcərə mə,
canu nce cəntεp kəcder ndəkəl mə,
nce atem anu ɲanatəcərə mə.

¹⁸ Mənce Kanu nke kəsəŋε k'əŋkom əm mə,
məmpələrne Kanu nke kəsəŋ'am kəyi doru mə,
nke kəyənε togbu pətət pa kiyi kam wəyεŋ.

¹⁹ Nte MARIKI εnəŋk nte awut ən ɲaŋfər-fərəs kə mə,
it'əsəŋε k'esime ɲa.

²⁰ Kə MARIKI oloku: «Indelukus ɲa darəŋ,
iməmən teləpsər tanan!
Dεtεmp detalərne də,
awut ɲə aŋε antətam kəgbəkər kələŋ mə.

²¹ ɲaŋsəŋ'em kəyə kəraca teta pəkə pəntəyənε Kanu,
ɲasəŋ'em mεtelε teta mērəŋka maŋan mme məntəyə dəkəcəme mə.
Ina sə kəsəŋε ɲa k'inder kəyə kəraca teta atəf ɲa afum aŋε ɲantəyə dəkəcəme mə,
teta atəf ɲa afum atonkulu t'indəsəŋεne ɲa mεtelε.

²² Ey, nεnc da mεtelε mem demar,
dəncəf haŋ kə dəbəp aka dabiya,
dəncəf antəf kə yokom ya ɲi fəp,
nεnc ndε dəncəf tantəf ta mərə mə.

²³ Indedεŋsər ɲa pələc,
ɲa ɲ'indelip kələmər cəbəlma cem.

²⁴ Dor dendelələs ɲa dis, fiba fəsəm ɲa fəlip,
docu dəpəŋ d'indewənərə ɲa.
Sεm ya dop y'indewənərə ɲa,
kə məkən ma yelinε-linε yelεc!

²⁵ Kə ɲawur doru-ε, aterεne anan ɲadife awut anan dakma,
kə wələ waŋan disrε-ε, aterεne anan ɲade ɲacsəŋε ɲa kənεsε kəpəŋ.
Afum fəp ɲandefi, kəyεfε wətεmp kə wəyεcərə,
kənaka kə wətem.»

²⁶ K'iloku: «Kifir kin k'indesamsərə ɲa,
indenim kəcεm-cεmnε ka mewe maŋan afum a doru dacə!»

²⁷ Mba ifəwosε wəterεne kəŋan pəfan'im.
Ta aterεne anan, ɲadecεm-cεmnε a ɲa ɲasəŋε ɲa kəməlke,

ta ηadeloku: «Waca wosu wəyɔ fənəntə,
bafɔ MARIKI ɔyɔ mamɛ fəp!»

²⁸ Bawo aka Yisrayel, afum ηɔ aηɛ mosumpər maŋan məntələpsər mə,
ηasək fɛ səbomp.

²⁹ K'aka Yisrayel ηacərə kəkətɛnɛ mɛs-ɛ,
ηancərə nde mamɛ fəp mɛηkekərə ηa mə.

³⁰ «Kɔ pəntɔyɔnɛ Kanu togbu paŋan pɛcaməs ηa-ɛ,
kɔ pəyɔnɛ fɛ a MARIKI ɔsɔη ηa aterɛnɛ aŋan dəwaca-ɛ, cəke cɔ wəterɛnɛ wəkin gbɔη ɛntam
kəbɛləs aka Yisrayel wul win-ɛ (1.000)?

Cəke cɔ aterɛnɛ aŋan mɛrəη, ηantam kəbɛləs afum aka Yisrayel wul wəco-ɛ (10.000)?

³¹ Kanu togbu pa aka Yisrayel kəyi fɛ pəmɔ kanu togbu paŋan,
aterɛnɛ asu yati ηancərə ti.

³² Aterɛnɛ anu ηayi pəmɔ afum alɛc nde sədare sa Sodom kɔ Komora mə:

Mɛs maŋan mowurɛnɛ cɛk ya yokom ya ηgbəŋkələ ya wɛn yayəkɔ yondoktɛ kɔ yɛŋkəntəŋ
mə.

³³ Wɛn wa yi, məkən ma niŋkinaŋka mə,
məkən meyɛŋki ma aŋkisin mə.

³⁴ Bafɔ tɛfaŋ tɛm tantɛ t'ina MARIKI ifəkərnɛ dɛbəkək ba?

Bafɔ imɛŋkərnɛ dɛbəkək tɔyɔ ntɛ indeyɔ aterɛnɛ anu mə pəmɔ ntɛ fum ɛncəŋər yɔsɔtɔ yən
kumba mə ba?

³⁵ In'ətəmpər oŋ kəlukɛ ayɛk kɔ kəway ka pələc ka aterɛnɛ anu,
tɛm ntɛ wɛcək waŋan wɛndɛ wɛcyikɛ mə!

Dəsək da pələc paŋan dələtərnɛ kəbəp ηa,
tələpsər taŋan teyi kəbɛlkər.»

³⁶ «ɛy, MARIKI endɛboɛ afum ɔn kiti kələmpu,
endeyɔnɛ amarəs ɔn nənɔfɔr,
k'endenəŋk təkɔ səkət saŋan səlip mə,
tɛm ntɛ wəcar ɔntədeyi, ta wəyi yɛŋən eyi pəyac ηa mə.

³⁷ MARIKI pəyif aterɛnɛ anu: «Deke canu conu cəyi-ɛ,
ncɛ cəbum nu mə,

³⁸ canu ncɛ cəncsəmə nu sɛm yobɔŋu ya yolɔŋnɛ mə,
canu ncɛ cəncmunɛ nu wɛn wa yolɔŋnɛ mə-ɛ?

Canu cacəkɔ cəyɛfɛ cəyac nu!

Canu cacəkɔ cəyɛfɛ cəbum nu!»

³⁹ Ndɛkəl oŋ, nənəŋk ina sona gbɔη ɔyɔnɛ Kanu, kələma kəyi fɛ sɔ, kɔ pəyɔnɛ fɛ ina-ɛ!

In'əŋsəŋɛ kəyi doru, in'əŋsəŋɛ kəfi,

In'ombopər, in'əŋsəŋɛ kətamnɛ,

ali fum ɔfətam kəbaŋər im nwe iŋsumpər mə.

⁴⁰ Bawo indot kəca kem darenc k'indɛrəm, icloku:

«Kanu k'iyɔnɛ nkɛ kəyi wəyɛŋ, nkɛ kəyi doru o doru mə.

⁴¹ K'iwotər dakma dem haŋ kɔ domot,

iŋsumpər di teta kəboc kiti-ɛ,

iŋlukɛ ayɛk nnɔ aterɛnɛ em ηayi mə,

isəŋ sɔ akɔ ηanter im mə kəway ka pələc paŋan.

⁴² Indecisəsɛ cəbəlma cem mecir ma aterɛnɛ em,

dakma dem degbint-gbinti dis da aηɛ iŋsumpər mə,

kələkɛnɛ ka domp da akiriŋ a aterɛnɛ em.

Indeləŋ mecir ma aηɛ ambopər kɔ aηɛ aŋsumpər mə.»

⁴³ O Kəm, nəkul-kulɛnɛ pəbotu Mariki! Nəna canu fəp, nətontnɛ fər ya MARIKI kiriŋ!

bawo eyi kəluksə ayək ɲa awut ɔn,
 kəluksə kə Kanu kənder ayək nnə aterene ɔn ɲayi mə,
 kəsəkəs k'ende antəf ɲən, pəsəkəs afum ɔn kiciya kəɲan.»

⁴⁴ Musa kə Hose wan ka Nun ɲaɲkə ɲaloku moloku ma telen tante fəp aka Yisrayel fər kirin.

⁴⁵ Nte Musa elip kəloku moloku ma telen tante aka Yisrayel fəp fər kirin mə,

⁴⁶ k'oloku ɲa: «Nəberne moloku mame iloku nu məkə mə debəkəs, nəde nactəksə mi awut anu, nte tənɔɲe ɲade ɲaməɲkərne kəcəme ka moloku ma sariye sanɔse fəp darəɲ mə.

⁴⁷ Bafə toloku tefəli tə nnə nəyi mə, mba kiyi wəyeɲ konu kə! Toloku tante t'endekəsəɲe nu kəwon doru antəf ɲɲe nənəkəban, kə nənɔpər Yurdən-ε.»

MARIKI endəɲk defi da Musa

⁴⁸ Dəsək dadəkə yati də MARIKI oloku Musa:

⁴⁹ «Məpe nde mərə ma Abarim, nde atəf ɲa Mohab. Məpe tərə ta Nebo kəron nde pəntəfərene kə Yeriko mə. Məkə məməmən atəf ɲa Kanaɲ, ɲɲe impoce aka Yisrayel ɲəyənə ɲaɲan mə.

⁵⁰ Tərə tatəkə mənəkəpe mə, difə mənəkəfi, məkə məbəp atem am, pəmə nte Aruna wəbek'am enafi nde tərə ta Hor, k'əɲkə pəbəp atem ɔn mə.

⁵¹ Bawo Aruna kə mənə Musa, nənaleləs f'em fər ya aka Yisrayel kirin teta domun da Meriba, nde Kadəs, nde tɛgbərə ta Cin. Nənamentər fε fər ya aka Yisrayel kirin a in'əyənə Kanu kəsoku yati.

⁵² Mənəkənəɲk atəf ɲaɲəkə fər yam kirin, mba məfədekəberε atəf ɲaɲəkə isəɲ aka Yisrayel mə.»

33

Musa ontola Kanu kəpocε pətət aka Yisrayel

¹ Kəpocε pətət nke kə Musa fum ka Kanu enatolanε aka Yisrayel, a pəcfi.

² Kə Musa oloku:

«Kə MARIKI eyefe tərə ta Sinayi,

k'eyefe aka Yisrayel kəron pəmə nte dec dəmpε atəf ɲa Sehir mə.

Kəyefe nde tərə ta Paran, k'omot aka Yisrayel nərə,

k'ender nnə afum ɔn ɲayi mə, məleke mosoku wul wəco (10.000) məkel kə.

Pətəmpər dəkəca sariye səmotər-motər.

³ Ey, MARIKI əmbətər afum ɔn acempi,

aɲε ampus mə fəp ɲayi kə dəkəca.

ɲancəme mənə MARIKI dəntəf,

kə ɲawose moloku mam.

⁴ Sariye nse Musa osom su mə,

kəlonkanε ka Yakuba, afum a Yisrayel ɲayə si!

⁵ MARIKI enayənε wəbe ka Yesurun afum em,

təm nte abε aka Yisrayel ɲanlonkanε kə cusuɲka cəɲan mə.»

⁶ Kə Musa ontolanε cusuɲka ca Yisrayel nte:

«Kanu kəsəɲe a kusuɲka ka Ruben kəyi doru, ta kəlip,

ali təyənε afum ɔn ɲapice!»

⁷ Kə Musa oloku teta kusuɲka ka Yuda nte:

«MARIKI, məcəɲkəl dim da Yuda,

Məlonpəs aka kusuɲka ka Yuda dacə kə cusuɲka cəlpəs ca Yisrayel!

Məsəɲe waca waɲan wəyac ɲa.

Mənə MARIKI məyənε wəyac kəɲan nnə aterene aɲan ɲayi mə!»

⁸ Kɔ Musa oloku teta kusunƙa ka Lewy nte:

«MARIKI, mäsəŋ masar ma kiti mam *Tumim* kɔ *Yurim* amarəs am aka kusunƙa ka Lewy, aŋe mənawakəs Masa mə, aŋe mənatenšər kəcɔp nde domun da Meriba kəsək mə.

⁹ Nwε ɔŋloku teta kas kɔ kεrε mə:

«Ifəməmən ŋa!»

Nwε ɔntəcərə awenc aŋa mə,

ta encərə awut ɔn mə,

bawo ŋamenƙərne toloku ta mənə MARIKI,

kɔ ŋatəmpərne sɔ danapa dam.

¹⁰ Ŋatəksε afum a Yakuba məyɔ mokur mam,

ŋatəksε aka Yisrayel sariye sam!

Ŋasəŋ'am kəne ambənc ŋa suray,

ŋasəŋ əm poloŋne pəcɔf pam nde dətetek toloŋne tam kəroŋ!

¹¹ Məpocε səkət sa kusunƙa ka Lewy pətət, MARIKI,

məpocε sɔ mosumpər mən pətət!

Mətepi məkɔc ma aŋe ŋaŋyektər aLewy kəyεfərəne mə,

kɔ akɔ ŋanter ŋa mə. Ta ŋatam sɔ kəyεfε!»

¹² Kɔ Musa oloku teta yuruya ya Benjyamin, nte:

«Abət aka MARIKI ŋɔ,

ŋayi kubum kən dəntəf.

MARIKI ombum ŋa dəsək o dəsək,

eyi ŋa dacɔ tɛm fəp.»

¹³ Kɔ Musa oloku teta kusunƙa ka Isifu nte:

«MARIKI ɔsəŋ kəpocε kətət antəf ŋaŋan,

Kibi ka darenc kənde kəctufər antəf ŋaŋan,

kɔ domun ndε dende kəcpe kəyεfε ka dəntəf mə.

¹⁴ Dec dəŋsəŋe yəbɔf kəroŋ,

ŋof o ŋof yokom yofu yəŋlɔl.

¹⁵ MARIKI ompocε ŋa yokom yətət ya antəf ŋa mərɔ mokur,

kɔ kəctesε yəbɔf mofɔ meŋeci ma tɛm tobol-bolu.

¹⁶ MARIKI pəsəŋe daka da antəf ŋətət dadəkɔ,

kɔ kəmar ka Kanu nke kənalok-lokər Musa dərəntəm mə,

daka dadəkɔ dɛlarε kusunƙa ka Isifu,

nkən nwε anapus awenc aŋa dacɔ mə!

¹⁷ Isifu ɔyɔ pələl pəmɔ tura pəcəkɔ-cəkɔ pa yəcɔl ya cəna.

Lɛn yən mɛrəŋ yɔyɔ fənəntər pəmɔ lɛn ya wana wa dop,

iy'ɛŋwensε afum a doru fəp, haŋ nde doru dɛləpsər mə.

Kəlɛn kin, kənay kəpəŋ ka yuruya ya Efrayim kɔ,

kɔ kəlɛn ka mɛrəŋ, afum wul wul aka kusunƙa ka Manase kɔ.»

¹⁸ Kɔ Musa oloku teta aka cusunƙa ca Sabulon kɔ Isakar nte:

«Sabulon, kəwur kam delek kəbət əm,

kɔ mənə Isakar mənəne pəbotu nde abal ŋam disrε!

¹⁹ Ŋandewe cusunƙa ca Yisrayel nde tərɔ taŋan kəroŋ,

ŋaŋkɔ ŋacləŋne di yoloŋne nyε sariye səloku mə,

bawo dəkəba ŋandekɔ ŋacwure daka daŋan,

kɔ daka dəkɔ dəŋbəpne dəkəsənc mə.»

²⁰ Kɔ Musa oloku teta yuruya ya Kadu nte:

«Iyek-yekəs MARIKI nwε ɔsəŋ yuruya ya Kadu antəf ŋowokəlu mə!

Na ane nanliye pam kusunuku karan ma,
na ane nanwatari-watari kayefe dakacak han daromp ma.

²¹ Kusunka ka Kadu kayek-yek antof notot na atof,
k'emengkarne daka pamar wabe pasoto ma.
Nkon eyi aka Yisrayel kirin,
k'ojkotene mefan ma MARIKI dolompu disre,
k'ojkotene sariye son nno aka Yisrayel nayi ma.»

²² Ko Musa oloku teta kusunka ka Dan nte:
«Dan kusunuku kawut ko,
nke kengbaparne kayefe nde atof na Basan ma.»

²³ Ko Musa oloku teta aka kusunka ka Naftali nte:
«Kusunka ka Naftali kembangere kamar ko kelare keroce katot ka MARIKI.
Naftali, mawakelas atof nam ntende dec denkalé, ko ntende kaca katot ka nde dec dempe
ma!»

²⁴ Ko Musa oloku teta aka kusunka ka Aser nte:
«MARIKI peroce Aser patot awut a Yakuba daco!
Pasoto kamar ka kabotar ka awenc ana,
delay da moro dosone Aser pagbat mi wecak won!

²⁵ Aser, Kanu keroce'am a mayi kumba ka fec ko kaper daro.
Kanu kason kusunka kam sokot kayi kam doru fap!

²⁶ Ali kanu kaloma kawurene fe ko Kanu ka nana Yesurun afum em,
nke kancal-cali darenc kademar nu,
nke kanceparene kom debeki don disre ma.

²⁷ Kayefe kacop ka doru o doru Kanu kayone dakayacne donu,
tem fap eyi yebac ya kabum nu.
Far yam kirin k'embelas watarene kam,
kacloku: «Madifat!»

²⁸ Aka Yisrayel nayi kubum disre,
Yuruya ya Yakuba nande taciya
nde atof na mengben ko member ma wen,
antof nne kibi kentufar kayefe darenc ma.

²⁹ Pambot nu nana aka Yisrayel!
Are nayi pam nana-e?
Nana nayone afum ane MARIKI eyac ma.
MARIKI yone nu aca nne nenyac nu ma,
yone dakma nde dasonne nu katam aterene anu ma.
Aterene anu nandeder nalesene nu kengane,
mba nandenanas-nas dofum danan.»

34

Defi da Musa

¹ Ko Musa empe kayefe ka Araba nde Mohab kaka ka taro ta Nebo, telempa pa Piska,
nde pantefarene ko Yeriko ma. Ko MARIKI sone ko kengank atof nanako fap: Kayefe Kalad
han Dan,

² Naftali fap, atof na Efrayim ko na Manase, atof na Yuda fap han nde kaba Karon ntende
dec denkalé ma,

³ kəbəp ka atəf ŋa Nəkɛf, kə aranta ŋa Yurdɛn kəbəp ka Yeriko dare da komp, haŋ Cohar.

⁴ Kə MARIKI oloku Musa: «Atəf ŋaŋɛ ŋ'inadɛrmɛ atem am Abraham, Siyaka kə Yakuba, icloku ŋa: «Indesəŋ atəf ŋaŋɛ yuruya yam.» Isəŋ'am ŋi kənəŋkɛ fɔr yam, mba məfɔdebɛɛ di.»

⁵ Kə Musa wəmarəs ka MARIKI efi dəndo atəf ŋa Mohab, pəmɔ təkə MARIKI ɛnasom ti mɔ.

⁶ Kə MARIKI owup kə mərəɔ dacɔ, nde atəf ŋa Mohab, nde pəntɛfərənɛ kə Bet Peyər mɔ. Ali fum ɛncərəɛ fɛ kufu ka Musa haŋ məkɔ.

⁷ Musa ɛnasɔtɔ meren tasar tin kə wəco mɛrəŋ (120) nte encfi mɔ. Fɔr yɔn yɛncnəŋk belbel pəyɛŋk sɔ dis.

⁸ K'aka Yisrayel ŋambok Musa mata wəco maas (30), nde Araba ŋa Mohab, ti disɛ kə mataka ma kəbok kə kəbal ka Musa melip.

⁹ Yosuwe, wan ka Nun ɛnalərə amera ŋa kəcərə kəkɔt, bawo Musa ɛnadeŋər kə waca. K'aka Yisrayel ŋacəŋkəl kə, kə ŋancəmɛ mɔloku mɛ MARIKI ɛnasom Musa mɔ darəŋ.

¹⁰ Kəyɛfɛ tatəkɔ, ali sayibɛ səyɛfɛ fɛ sɔ Yisrayel pəmɔ Musa, sayibɛ nɛ MARIKI ɛnacərəɛ, ŋaclɔk-lokərənɛ gbasŋa kə wəkayi mɔ.

¹¹ MARIKI ɛnasom kə kəkɔyɔ mɛgbəkərəɛ mɛwɛy-wɛy atəf ŋa Misira fɔr ya firawona, abɛ aka kəb kən disɛ kə afum a atəf ŋəŋ fəp kirin.

¹² Mes mərəŋ kə mɛwɛy-wɛy mɛ Musa ɛnayɔnɛ kəca ka səkət fɔr ya aka Yisrayel fəp kirin mɔ.

Yosuwe

Kəberε: Toloku nte Kanu kənaloku Aḡnabi Yosuwe mɔ

Moloku mɛlarəm teta kətabu kanke, ancicəs taruku ta aka Yisrayel dəcətabu cəlarəm disre. DəTawureta Musa ancop. Afum apəŋ a Yisrayel, Aḡnabi Abraham, Aḡnabi Siyaka, Aḡnabi Yakuba, kə awut ən wəco kə mərəŋ (12) fəp faŋan dəkətabu kəcək-cəkə ka Tawureta Musa aḡnəŋk pi, mpe aŋwe «Dəkəcop» mɔ. Dəkələpsər da kətabu kanke dementər su təkə aka Yisrayel ŋanabəp atəf ŋa Misira mɔ.

Kətabu ka mərəŋ ka Tawureta Musa nke aŋwe «Kəwur» mɔ, taruku ta Aḡnabi Musa ə toncop. Kə Kanu kəsəŋe k'aŋkom kə atəf ŋa Misira, nte təŋsəŋe pəwure afum a Yisrayel dacar mɔ.

Nte aka Yisrayel ŋancali Kəba ka Cəŋkəlma kəmar ka mes məwəy-wəy mme Kanu kənamentər mɔ, kə ŋambere dətəgbərə. Atəf ŋa Kanaŋ ŋə Kanu kənafəŋ kəkəkəre ŋa, nde kənaderme aYisrayel kəsəŋ ŋa mɔ. Kətabu ka maas ka Tawureta Musa «Buk ba Aloŋne», ka maŋkəle «Kələm», kə ka kəcəmət «Sariye sa Mərəŋ», cətabu cancə fəp cəloku teta marənt ma aka Yisrayel nte MARIKI kənawure ŋa dacar nde Misira mɔ. Kəwon ka afum aka Yisrayel dətəgbərə kənasətə meren wəco maŋkəle a ŋadəbəp atəf ŋa Kanaŋ. Kətəlan kəŋan kənasəŋe ŋa kəwon di.

Nte ŋanayefe kəcali kəŋgbəkə ka Yurdən, ŋabere atəf ŋa Kanaŋ mɔ, kə Kanu kəloku aka Yisrayel a Yosuwe pəyənə ŋa wəkiriŋ dəkəcəme da Aḡnabi Musa. Kə Aḡnabi Yosuwe encalene ŋa kəŋgbəkə ka Yurdən kəmar ka mes məwəy-wəy ma Kanu, pəmɔ təkə Musa enacalene ŋa Kəba ka Cəŋkəlma mɔ.

Nte tatəkə tencepər mɔ, kə Aḡnabi Yosuwe entefərnene ŋa atəf ŋa Kanaŋ, ŋakə ŋasutene nte təŋsəŋe ŋasətə təf yayəkə mɔ. Kanu kənafəŋ kəsəŋ ŋa təf yayəkə teta danapa daŋan kə kəderəm kəŋkə enaderme ŋa kəsəŋ ŋa yi mɔ. Ti disre kə Kanu kəmar ŋa kəwan kanke disre haŋ kə aKanaŋ fəp ŋanese ŋa. Kə cusuŋka nce wəco kə mərəŋ ca Yisrayel fəp cəsətə sədare. Kə Kanu kəsəŋ ŋa təf yayəkə yəyənə ŋa ke.

Taruku tante fəp acic pi kətabu kanke disre, kəyefe tem nte aka Yisrayel ŋanacali kəŋgbəkə ka Yurdən mɔ, haŋ tem nte ŋanatam sədare sa Kanaŋ fəp mɔ. Ti disre aḡnəŋk fənəntər fa Kanu bel-bel. Kanu kəmbətər afum ən. Kəderəm nke o nke kənderme ŋa mɔ, kəŋlas ki fənəntər kə teta danapa daŋan. Tatəkə təŋyənə su totubucne tətət. Kə sənə səyənə sɔ afum a Kanu-ε, kəŋmare su fənəntər fən tecepərene tosu doru, pəmɔ təkə kənaderme su mɔ. Kanu kəmar su, nte təŋsəŋe pane moloku mame, palaŋ sɔ mi mɔ.

Amina

Kanu kəloku Yosuwe a pəberε antəf ŋa ke nde Kanaŋ

¹ Nte defi da Aḡnabi Musa wəcar wəka Mariki dencepər mɔ, kə Mariki oloku Yosuwe wan ka Nun wəmarəs ka Musa:

² «Wəcar kem Musa efi. Ndekəl oŋ məyefe, məcali kəŋgbəkə ka Yurdən kanke, mənə kə afum akanə fəp. Nəkə nde atəf ŋe indesəŋ aka Yisrayel mɔ.

³ Nnɔ o nnɔ mənəcəmbər kəcək mɔ, isəŋ un di pəmɔ təkə inaloku ti Musa mɔ.

⁴ Cələncər conu cəndeyefe nde dətəgbərə kə Libaŋ dandə, haŋ nde kəŋgbəkə kəpəŋ ka Əfərat, kəyefe ka atəf ŋa aka Hitit, haŋ nde Kəba Kəpəŋ ntende dec deŋkale mɔ.

⁵ Ali fum əfəcəm'am fər kiriŋ kəyi kam doru fəp. Isol'am pəmɔ təkə inasole Musa mɔ. Ifədesak əm, ifəc'am.

⁶ Məyənək dis, məbəkne! Bawo mən'endəkətene afum a Yisrayel kəbaŋ atəf ŋa ke ŋe inaderəm kəsəŋ atem aŋan mɔ.

⁷ Māyēnk dis gbaŋ, mabəkne! Məgbətne məkət sariye nse Musa wəcar kem omboc'am mō: Ta məgbayme si kəca kətət, ta məgbayme kəca kəmeriya, nte tənseŋ'am kətam mes fəp nno o nno mənko mō.

⁸ Ta buk ba sariye mbe bəbəl'am dəkusū! Məckaraŋ bi daŋ kə pibi nte tənseŋe məgbətne, məkət təkə ancic buk bambē disre mō, itō mənseŋe dəpə dətət, it'ənseŋe mətam mes fəp.

⁹ Indem f'am: Māyēnk dis, mabəkne ba? Awa, ta mənese, ta dis dələl əm, bawo Mariki, Kanu kam kəsol'am nno o nno mənko mō.»

Yosuwe kəlompəs kən kəcali ka Yurdən

¹⁰ Kə Yosuwe osom ti akirin:

¹¹ «Nəkət afan disre fəp, nəloku afum nte: «Nədəmne yeri, bawo mata maas mēncəme kəcali ka Yurdən yaye, nəkəbaŋ atəf nne Mariki, Kanu konu kəsəŋ un mō.»»

¹² Kə Yosuwe oloku aRuben, aKadu kə aka kusunka dacə ka Manase:

¹³ Nəməŋkərne dəsəbomp təkə Musa wəcar ka Mariki enasom'un mō, pəcloku: «Mariki, Kanu konu kəsəŋ'un kəŋesəm, kəsəŋ un atəf nne.»

¹⁴ Aran anu, awut anu, kə yəcəl yonu yendeyi atəf nne Musa əsəŋ un nde Yurdən kəsək ntende dec dempe mō. Mba nənə arkun aŋe nənyefərene nətəmpər yosutnene yonu mō, nən'endekənunke kəcali kəŋgbəkə. Nəmar awenc un aŋa,

¹⁵ haŋ Mariki pəsəŋ awenc un aŋa kəŋesəm pəmō nənə, ŋa sə ŋasətə atəf nne Mariki, Kanu konu kəsəŋ ŋa mō. Kə telip-ε, nəluksərne nəder nəlek atəf ŋa kə nne ŋəyənə ŋonu mō. Musa wəcar ka Mariki əsəŋ un ŋi Yurdən kəca kəŋkə ntende dec dempe mō.»

¹⁶ Kə ŋaloku Yosuwe: «Səndeyə nte o nte mənseŋ som su mō: Səndekə sə nno o nno məndekekəre su mō.

¹⁷ Səndecəŋkəl'əm pəmō təkə sənacəŋkəl Musa mō. Tes tin gbəcərəm tēbas su: Mariki, Kanu kam kəsol'am pəmō təkə kənasolē Musa mō!

¹⁸ Nwε o nwε endetaŋər'əm aləŋəs, pəyēnkər dim dam domp mō, andif kə. Māyēnk dis gbaŋ, mabəkne!

2

Yosuwe kəsom kən afum mēreŋ Yeriko

¹ Kə Yosuwe wan ka Nun osom afum mēreŋ dim dantəf kəyefe ka Sitim, pəcloku ŋa: «Nəkə, nəkəkce antəf ŋəŋəkə kə dare da Yeriko! Kə afum akakə ŋəŋkə ŋabere nde kəlō ka wəran wəyamayama, pacwe kə Rahab, kə ŋancepərene pibi nde ndərən.

² K'aloku wəbe ka Yeriko: «Awa, nəgbətne nte arkun aka Yisrayel ŋanderna nno pibi kədəfen-feni atəf ŋosu mō!»

³ Kə wəbe wəka Yeriko osom pakəloku Rahab: «Məwurene afum akə ŋayi nno ndaram mō, aŋe ŋambere nde kəlō kam mō, bawo kəfen-feni ka atəf fəp kə ŋandere.»

⁴ Kə wəran nwε eŋkekəre arkun aŋe mēreŋ k'əŋkə pəməŋk, k'oloku asom a wəbe: «Kance kə, arkun aŋe mēreŋ ŋandersa nno kəlō kem, mba incəresa fe aka nno ŋayənə mō.

⁵ Nendisna tēm nte dec dēŋkaləsa packə kəgbət kumba ka dare dəkusū mō, kə arkun aŋe ŋawur nno, mba incəre fe nde ŋəŋkəsə mō. Nəbelkər nəcəme ŋa darəŋ, nəŋkəbər ŋa!»

⁶ Nte tənayi mō, enapene ŋa nde kəlō darenc, k'emēŋk ŋa nde sek ya cəŋkəlma dacə, nce enadət nde kəlō darenc mō.

⁷ Kə afum ŋasumpər dəpə da Yurdən kəbelər ŋa haŋ nde dəkətənta. K'əŋgbət kumba ka dare dəkusū nte afum abelər aŋan ŋanawur mō.

⁸ Ta acikəra aten mes ŋantadirē-ε, kə Rahab empe kəkəbər ŋa nde kəlō darenc.

⁹ Kə wəran nwε oloku arkun aŋe: «Incəre a Mariki əsəŋ un atəf ŋaŋe. Pələc pəkə nəfaŋe su mō pəsətə su, ayek-yek ŋeŋgbəpərne afum fəp, ŋayi kənes'on.

¹⁰ Bawo sənə a Mariki kənaŋosər'on domun da Kəba ka Cəŋkəlma nte nənaŋur Misira mō. Sənə sə təkə nənadif abe a Amər mēreŋ aŋe ŋanayi kəŋgbəkə ka Yurdən kəsək ntende dec dempe mō: Sihəŋ kə Oku.

¹¹ Səne ti, itə mim mowurε su, kə nwε o nwε enjgbij kifir nnə nəyi mə, bawo Mariki, Kanu konu, kəyənε Kanu ka darenc, kə dəntəf.

¹² Ndekəl oη, nəderm'em nnə Mariki eyi mə, a mändelasε afum a kələ kem layidi pəmə dəkə iyən'on mə. Nəsəη im paka mpε pendesəη em kəlan a nəntinjkar f'em mə.

¹³ A nəndesak iya kem, papa kem, awenc im aηa arkun, aran, kə afum alpəs aηε ηayənε akəηan mə fəp. Nəsak su səmulpər defi, nəfədedif su.»

¹⁴ Kə arkun aηε ηaloku wəran nwε: «Səwosε kəfinε tetam, mba ta mədeloku afum təkətənε tosu de! Kə Mariki kəndesəη su atəf-ε, səndebət mera səlasənε sə layidi nnə məyi mə.»

¹⁵ K'əsəη ηa kəbənda kə ηantorene ki nde dəwunder, bawo kələ kən kənayi disrε kəgbəcənε kə damba da saηka sa dare.

¹⁶ Kə wəran nwε oloku ηa: «Nəkə ta dəmərə kə pəyi fε ti-ε, nəmbəpənε kə abelər anu. Nəgbəpnε dəndo haη mata maas, tēntəηnε abelər anu ηalukus, a nəna nədesumpər dəpə donu kəkə!»

¹⁷ Kə arkun aηε ηaloku kə: «Ntε tendesəηε su kəlas kədəram nke məsəηε su kədərm'am mə:

¹⁸ Awa, məcəηkəl im! Təm ntε səndebere dare mə, mēnε məkotər tafəc peyim nde wunder wəkə mənatorənε su mə. Məcəmbərərne iya wəkam, papa wəkam, awenc'am aηa arkun aran, afum am fəp nde kələ kam.

¹⁹ Nwε o nwε encali kusunka kaηkə a pəwur mə, esarε teta mecir mən, kə səna, səncərə fε! Mba kaηkə pagbuηenε wəkin nu dəcə nde kələ kam disrε-ε, səsarε teta mecir ma wəkayi!

²⁰ Kə məloku afum təkətənε tosu-ε, tēm tatəkə səηsikili tetəηnε tosu kə mənə.»

²¹ Kə wəran nwε oloku: «Kanu kəsəηε teyi pəmə təkə nəloku ti mə!» Kə wəran nwε esak arkun aηε kə ηaηkə. Kə wəran nwε oηkot tafəc pəyim nde wunder wən.

²² Kə arkun aηε ηaηkə ta dəmərə, kə ηaηgbəpnε di mata maas, haη kə abeləs aηan ηalukus. Abelər aηan ηacten ηa dəpə, mba ηananəηk fε ηa.

²³ Kə afum aηε mērəη ηande ηator dəmərə, kə ηancali Yurdən. Kə ηaηkə ηabəp Yosuwe wan ka Nun, kə ηaləmər kə təkə ηanasətə nde anasom ηa mə.

²⁴ Kə ηaloku Yosuwe: «Pəwurenε pəmə Mariki əsəη su atəf ηaηəkə fəp. Ayek-yek ηeηgbəpərne afum fəp, ηayi kənese su.»

3

Kəcali ka Yurdən

¹ Yosuwe eyefe bətbət suy, nkən kə aka Yisrayel fəp, kə ηayefe Sitim kə ηaηkə haη kəηgbəkə ka Yurdən. Dəndo ηayekti saηka, kə ηandire di, ηantacali fε kərəsna.

² Tataka ta maas, k'akiriη ηaηkətənε dəsəηka fəp.

³ Kə ηaloku afum ntε: «Kə nəndenəηk kaηkəra ka danapa da Mariki, Kanu konu, aloηnε aLewy aηε ηagbaηnε ki-ε, nəyefe nde nəyi mə, nəcəmə ki darəη.

⁴ Mba nəbələnε ki cururu wul mērəη, ta nələtərne ki de! Tēm tatəkə, nəncərə dəpə dəkə pəmar a nəkə mə, bawo nəntacepər fε dəpə dandε təcəkə-cəkə.»

⁵ Kə Yosuwe oloku afum: «Nəsəkəsne, bawo Mariki kəηyə alna mes məpəη nnə nəyi mə.»

⁶ Kə Yosuwe oloku aloηnε: «Nələk kaηkəra kəsələη ka danapa da Kanu nke nəgbəpnε, nəcepər afum fər kiriη.» Kə aloηnε ηalək kaηkəra, kə ηancepər afum fər kiriη.

⁷ Kə Mariki oloku Yosuwe: «Məkə incop kələləs'am nnə afum aka Yisrayel ηayi mə, ntε təηsəηε ηacərə a indesol am, pəmə təkə inasolε Musa mə.

⁸ Kə mənə, məsom aloηnε aηε ηaηgbəpnε kaηkəra kəsələη ka danapa Kanu mə ntε: Kə nəηkəbəp kəηgbəkə ka Yurdən-ε, nəcəmbərəs domun disrε.»

⁹ Kə Yosuwe oloku aka Yisrayel: «Nəcəηnε nnə, nəcəηkəl moloku ma Mariki, Kanu konu!»

¹⁰ Kɔ Yosuwe oloku: «Nte tɔ nāndecāre a Kanu Kəpəŋ kəy'un dacɔ, ki kəŋkəbeləs nu fər kirin aka Kanan, aHit, aHiwy, aPerisi, aKirkasa, aka Amər, kɔ aYebus.

¹¹ Awa nəgbətne nte: Kan̄kəra kəselen̄ ka danapa da Mariki ma doru fəp kəndecali kəŋgbəkɔ ka Yurdən fər yonu kirin̄ mɔ.

¹² Ndekəl on̄ nəlek afum wəco kɔ mērəŋ cusuŋka ca Yisrayel disre, fum wəkin kusuŋka o kusuŋka.

¹³ Kɔ alon̄ne an̄e ŋagbaŋne kan̄kəra kəselen̄ ka danapa da Mariki, Mariki ma doru fəp ŋanadegbət wēcək domun da Yurdən, kɔ domun da Yurdən deŋgbintər, kɔ səbo səsak kətore domun, kɔ doŋloŋkanə tofo tin.»

¹⁴ Nte afum ŋanawur dəcəbal kəkocali kəŋgbəkɔ ka Yurdən mɔ, alon̄ne agbaŋne kan̄kəra kəselen̄ ka danapa da Kanu mɔ ŋancepər afum fər kirin̄.

¹⁵ Nte agbaŋne kan̄kəra kəselen̄ ŋambəp Yurdən kɔ ŋaŋkətore wēcək dərromun mɔ, kɔ Yurdən yompurur cəŋgbəkɔ cəkɔ katela kan̄kɔ fəp

¹⁶ kɔ domun nde deŋyefe dəsəbo mɔ dencəme, kɔ doloŋkanə kəfo kin pəbolu pəmɔ abon̄ən ntende dare da Adam n̄ne ŋeyi Cartəŋ kəsək, kɔ dəkɔ dontor kəca ka kəba ka Araba, kəba Kədokət, kɔ səbo sasəkɔ fəp səncopər domun. Kɔ afum ŋancali kəŋgbəkɔ ŋatəfərne dare da Yeriko.

¹⁷ Alon̄ne an̄e ŋanagbaŋne kan̄kəra kəselen̄ ka danapa da Marki mɔ ŋacəme antəf ŋowosu fər kəron̄ kəŋgbəkɔ ka Yurdən dacɔ. Kɔ afum a Yisrayel fəp ŋalip kəcali kəŋgbəkɔ antəf ŋowosu kəron̄.

4

Aka Yisrayel ŋancəmbər masar pəyone tenepəle tan̄an ta kəcali ka Yurdən

¹ Nte afum a Yisrayel fəp ŋalip kəcali Yurdən mɔ, kɔ MARIKI kəloku Yosuwe:

² «Məyek-yek atemp wəco kɔ mērəŋ afum dacɔ, kusuŋka o kusuŋka fum wəkin.

³ Məloku ŋa: «Nəkɔ nəlek masar wəco kɔ mērəŋ nde antəf ŋowosu fər kəŋgbəkɔ ka Yurdən dacɔ, kəfo nke alon̄ne ŋancəme mɔ. Nəlek mi nəkerə nəkɔ nəboc mi nde kəfo nke nāndenacepərənə pibi mɔ.»

⁴ Kɔ Yosuwe ewe afum an̄e wəco kɔ mērəŋ an̄e anayek-yek aka Yisrayel dacɔ mɔ, kusuŋka o kusuŋka fum wəkin.

⁵ Kɔ Yosuwe oloku ŋa: «Nəcəpər kan̄kəra ka danapa da MARIKI Kanu konu fər kirin̄, nəsolne cər kəkɔ ka Yurdən dacɔ, nwe o nwe pəgbaŋne tasar tin, kələm ka cusuŋka ca Yisrayel,

⁶ nte təŋsəŋe təyone tenepəle tonu mɔ. Kɔ awut anu ŋandeyif un dəsək dəloma-ε: «Ake masar mamə mēfan̄ kəloku su-ε?»

⁷ nəloku ŋa fɔ domun da Yurdən deŋnacopər fər ya kan̄kəra ka danapa da MARIKI kirin̄ nte kəncali Yurdən mɔ, kɔ kəŋgbəkɔ ka Yurdən kəncopə domun. Masar mamə mende kəcem-cəməs aka Yisrayel doru o doru.»

⁸ K'aka Yisrayel ŋayɔ təkɔ Yosuwe ənaloku ŋa mɔ. Kɔ ŋaŋkɔ ŋalək masar wəco kɔ mērəŋ nde kəŋgbəkɔ ka Yurdən dacɔ pəmɔ təkɔ MARIKI kənaloku ti Yosuwe mɔ, kələm ka cusuŋka ca aYisrayel. Kɔ ŋalək masar maməkɔ kɔ ŋancalene nde ŋanacəmbər cəbal kərəsna mɔ, kɔ ŋamboc.

⁹ Kɔ Yosuwe omboc sɔ masar wəco kɔ mērəŋ kəŋgbəkɔ ka Yurdən dacɔ, kəfo nke alon̄ne agbaŋne a kan̄kəra ka danapa ŋanacəmbər wēcək mɔ. Masar maməkɔ məsərəyi di haŋ məkɔ.

¹⁰ Alon̄ne an̄e ŋanagbaŋne kan̄kəra kəselen̄ mɔ, ŋanacepə fe dəkəcəme dan̄an kəŋgbəkɔ ka Yurdən disre haŋ kɔ aka Yisrayel ŋalip kəyɔ ka təkɔ MARIKI kənasom Yosuwe a pəloku ŋa mɔ, kɔ Yosuwe əyɔ mes fəp pəmɔ təkɔ Musa ənasom kɔ ti mɔ. Kɔ aka Yisrayel ŋambəkər kəcali.

11 Nte afum fəp ɲalip kəcali mə, kaŋkəra ka MARIKI kə alonɲe akə ɲanagbaɲne ki mə ɲancali sə, kə ɲancepər sə afum kirinɲ.

12 Kə aka Yisrayel aləma aka cusuŋka ca Ruben, Kadu kə kusuŋka dacə ka Manase ɲancepər aka Yisrayel kirinɲ pəmə təkə Musa ɛnaloku ɲa ti mə.

13 Antam kələku fə dəsək dadəkə asədar məcəp wəco maŋkələ, atəmpər yosutnɛne ɲancepər MARIKI kirinɲ, ɲalip kələmpəsne kəkəsutɛne, nde aranta ɲa Yurdɛn.

14 Dəsək dadəkə, kə MARIKI kəmbəkəs Yosuwe aka Yisrayel fəp dacə, kə ɲaleləs kə pəmə təkə ɲanaleləs Musa kiyi kən doru fəp mə.

15 Kə MARIKI kələku Yosuwe:

16 «Mələku alonɲe aɲe ɲagbaɲne kaŋkəra nke kəyɔ sariye nse sədermɛne danapa dosu mə, ɲapɛne ki Yurdɛn.»

17 Kə Yosuwe oloku alonɲe: «Nəpɛ Yurdɛn!»

18 Nte alonɲe agbaɲne a kaŋkəra ka danapa da MARIKI ɲanadepɛ kəɲgbəkə ka Yurdɛn kə ɲandɛɲ wəcək dəpəwosu mə, kə domun da kəɲgbəkə ka Yurdɛn doncop sə kəkət səbo sayi pəmə təkə mɛnc ma fraŋsuwa mɛɲyɛfɛ mə.

19 Kə afum ɲancali Yurdɛn tataka ta wəco ta ɲof ɲəcəkə-cəkə, kə ɲaɲkə ɲayekti saɲka nde Kilkal, ntende dec dəmpɛ Yeriko mə.

20 Masar wəco kə mɛrəɲ mme ɲanalek kəɲgbəkə ka Yurdɛn disɛ mə, kə Yosuwe ɛncəmbər mi Kilkal.

21 Kə Yosuwe oloku aka Yisrayel: «Alna kə awut anu ɲandeyif un: «Masar ma ake mə mamɛ-ɛ?»

22 nəcloku ɲa fə: «Aka Yisrayel ɲanacali kəɲgbəkə ka Yurdɛn kəwosər domun.»

23 MARIKI Kanu konu kənawosərə nu domun da kəɲgbəkə ka Yurdɛn haɲ kə aka Yisrayel ɲalip kəcali pəmə təkə MARIKI Kanu konu kənayəne su ti Kəba ka Cəɲkəlma haɲ kə səncali ki mə.

24 Ti tendesəɲe afum a doru fəp kəcərə a kəca ka MARIKI kəyɔ fənəntər. Təsəɲ'on sə kənese MARIKI Kanu konu kiyi konu doru fəp.»

5

1 Nte abɛ a Amər fəp aɲe ɲayi ntende dec dəɲkalɛ Yurdɛn mə, kə abɛ aKanaɲ aɲe ɲayi agbɛp ɲa Kəba Kəpəɲ mə, ɲane a MARIKI kənawosəsərə aka Yisrayel kəɲgbəkə ka Yurdɛn haɲ kə ɲancali ki, bəkək yəfər fɛ ɲa sə, kə ɲanese aka Yisrayel pəpəɲ.

2 Tɛm tatəkə kə MARIKI kələku Yosuwe: «Məpat səfaka sa masar, kə tɛyɛfɛ dənda-ɛ, məkənc aka Yisrayel.»

3 Kə Yosuwe ɛmpatɛne səfaka sa masar, k'ɛɲkənc aka Yisrayel nde Tərə ta Cərot.

4 Nte tɛnasəɲe Yosuwe pəkənce ɲa: Nte afum a Yisrayel ɲancwur Misira mə, arkun abeki fəp, aɲe ɲancam kəsutɛne mə anakənc ɲa, mba afum akakə fəp ɲanafi nde dətɛgbərə, nte ɲancəkət mə. Awut arkun aɲe anakom oɲ tɛlpəs mə, ɲanatəkənc, itə Yosuwe ɛnakənce ɲa.

5 Arkun aɲe ɲanayɛfɛ Misira mə fəp anakənc ɲa, mba awut arkun aɲe anakom dətɛgbərə dəpə nte ɲanawur Misira ɲancəkət mə, anakənc fɛ akakə ali wəkin.

6 Aka Yisrayel ɲanakət meren wəco maŋkələ dətɛgbərə, haɲ afum akə ɲanatam kəsutɛne nte ɲancyɛfɛ Misira mə ɲalip kəfi dəpə, bawo ɲanacəɲkəl fɛ dim da MARIKI. MARIKI kənaderəm kətə-səɲe ɲa kənəɲk antəf ɲɲe ɲɛɲgbələr mɛsɛ ma wana kə mɛsɛ ma cəme haɲ moctəɲ, ɲəkə nkən MARIKI kənaderəm kəsəɲ ka atem aɲan mə.

7 Awut aɲan ɲanabek oɲ kə ɲaɲkə ɲandɛ dəkəndɛ danan. Kə Yosuwe ɛɲkənc ɲa, bawo anakənc fɛ ɲa dəpə.

8 Nte alip kəkənc ka afum fəp mə, kə ɲandɛ dəndo dəsaɲka haɲ kə ɲantamɛ.

9 Kə MARIKI kələku Yosuwe: «Məkə, imbiɲkəli malap monu ma Misira k'imbəlɛn'on.» Itə asərəwɛne kəfo kaɲkə Kilkal* haɲ məkə.

* 5:9 *Kilkal* = cəHebəru «kəbiɲkəli.»

Kasata ka Pak pɔcɔkɔ-cɔkɔ nde Kanaŋ

¹⁰ Kɔ aka Yisrayel ŋande Kilkal kɔ ŋamboc di kəsata ka Pak tataka ta wɔco kɔ maŋkɛ ta ŋof, dec dɔrɔfɔy, nde aranta ŋa Yeriko.

¹¹ Dɔckɔsɔk da Pak kɔ ŋandi yeri ya dɔtɔf, cɔcom nɛ antɔnɔŋkɛl lebin mɔ, kɔ mɛŋgbɛn mɛkɔkɛl.

¹² Kɔ cɔcom nɛ ancwe «man» mɔ cɔsak kɔwɔr dɔckɔsɔk nde ŋanadi yeri ya dɔtɔf mɔ. Kɔren kaŋkɔ aka Yisrayel ŋasak kɔdi man, mba ŋacdi oŋ yeri ya atɔf ŋa Kanaŋ.

Yosuwe kabɔpɔne kɔn kɔ wɔkirin wɔka asɔdar a MARIKI

¹³ Dɔsɔk dɔlɔma Yosuwe pɔlɔtɔrne Yeriko, k'empɛnɛ fɔr darenc, k'ɔmɔmɔn, kɔ fum owur k'encɔmɛ kɔ fɔr kirin, pɔwure dakma dɔn dobom pɔtɔmpɔr. Kɔ Yosuwe ɔlɔtɔrne kɔ, k'eyif kɔ: «Sɔna ŋɔ mɔyine ba, ka aterɛnɛ asu ŋɔ mɔyine-ɛ?»

¹⁴ Kɔ fum wɔkɔkɔ olɔku: «Ala, fɔtɔ inɔyɔne wɔkirin ka asɔdar a MARIKI, intɛp kɔcder.» Kɔ Yosuwe ontontnɛnɛ kɔ, k'encɔpɛ kɔ tobu dɔntɔf, k'eyif kɔ: «Cɔke cɔ Mariki endeloku wɔcar kɔn-ɛ?»

¹⁵ Kɔ wɔbɛ ka asɔdar a MARIKI olɔku Yosuwe: «Mɔwure cɔfta cam dɔwɛcɔk, bawo kɔfo kaŋkɔ mɔncɔmɛ mɔ, kɔsɔk.» Kɔ Yosuwe owure cɔfta.

6

Kɔbaŋ ka Yeriko

¹ Anakaŋkɔla dɔkɔbɛrɛ da Yeriko, pabɛŋkɔr-bɛŋkɔr di teta aka Yisrayel. Fum o fum oncwur fɛ, fum ɛncbɛrɛ fɛ.

² Kɔ MARIKI kɔlɔku Yosuwe: «Ilɛk Yeriko, wɔbɛ kɔŋan kɔ asɔdar aŋan ayɛŋki dis, k'imber'am dɔwaca.

³ Awa asɔdar fɔp ŋanɔŋkɔr dare. Ŋanɔŋkɔr dare katin dɔsɔk o dɔsɔk haŋ mata camɔt-tin.

⁴ Alɔŋne camɔt-mɛrɔŋ ŋatɔmpɔr lɛn ya ŋkesiya camɔt-mɛrɔŋ dɔwaca, ŋayi kaŋkɔra ka danapa kirin. Mba tataka ta camɔt-mɛrɔŋ, nɔnɔŋkɔr dare camɔt-mɛrɔŋ, tɛm nte alɔŋne ŋacfula lɛn.

⁵ Kɔ ŋandenafula kɔlɛn ka aŋkesiya-ɛ, nɔckɔnane kɔlɛn dim, afum fɔp ŋakule-kule sim sa kɔwan. Kɔ damba da dare dɛntɛmpɛnɛ di sɔrka-ɛ, asɔdar am ŋabɛrɛ oŋ tɛm tatɔkɔ, nwe o nwe nde ɛntɛfɔrne mɔ.»

⁶ Kɔ Yosuwe wan ka Nun ewe alɔŋne, k'olɔku ŋa: «Nɔlɛk kaŋkɔra ka danapa kɔsɛlɛŋ, alɔŋne camɔt-mɛrɔŋ ŋantɔmpɔr lɛn ya ŋkesiya camɔt-mɛrɔŋ ŋayi alɔŋne atɔmpɔr a kaŋkɔra kɔsɛlɛŋ ka danapa da MARIKI kirin.»

⁷ K'olɔku asɔdar: «Nɔkɔ nɔnɔŋkɔr dare, akɔ ŋantɔmpɔr yosutnɛnɛ mɔ ŋayi kaŋkɔra ka MARIKI kirin.»

⁸ Kɔ afum ŋayɔ tɔkɔ Yosuwe ɛnalɔku ŋa mɔ. Alɔŋne camɔt-mɛrɔŋ aŋɛ ŋanatɔmpɔr lɛn camɔt-mɛrɔŋ ya ŋkesiya mɔ ŋayi MARIKI kirin, ŋancepɔr kɔ ŋacfula lɛn. Kɔ kaŋkɔra ka danapa da MARIKI kɔcɔmɛ ŋa darɔŋ.

⁹ Asɔdar atɔmpɔr yosutnɛnɛ ŋayi alɔŋne afula lɛn tekirin, alɔŋne agbaŋne kaŋkɔra kɔsɛlɛŋ mɔ ŋacɔnc afula lɛn, asɔdar alɔma ŋayi kaŋkɔra tadarɔŋ, ŋackɔt ŋacsurenɛ kɔlɛn dim.

¹⁰ Mba Yosuwe ɛnalɔku afum: «Ta nɔkɔkule-kule de! Ta nɔkɔyɔ pane nu sim de! Ta nwe o nwe pɔkɔlɔku tolɔku haŋ dɔsɔk nde indelɔku nu a nɔkule-kule mɔ! Tɛm tatɔkɔ nɔkule-kule sim sa kɔwan .»

¹¹ Kɔ kaŋkɔra ka MARIKI kɔnɔŋkɔr dare katin, kɔ ŋambɛrɛ dɔsaŋka, kɔ ŋancepɔrɛnɛ pibi.

¹² Kɔ Yosuwe ɛyɛfɛ bɔtbɔt suy, kɔ alɔŋne ŋalɛk sɔ kaŋkɔra kɔsɛlɛŋ ka MARIKI.

¹³ Asɔdar atɔmpɔr yosutnɛnɛ ŋanayi kirin, alɔŋne camɔt-mɛrɔŋ atɔmpɔr lɛn ya ŋkesiya ŋacfula ŋacɔnc ŋa, alɔŋne atɔmpɔr kaŋkɔra ka danapa da Kanu ŋayi afula lɛn tadarɔŋ, kɔ asɔdar alpɔs ŋayi kaŋkɔra tadarɔŋ.

¹⁴ Kɔ ŋanɔŋkɔr dare katin tataka ta mɛrɔŋ, kɔ ŋalukus nde dɔsaŋka. Kɔ ŋayɔ ti mata camɔt-tin.

¹⁵ Tataka ta camət-merəŋ kə ŋayefe pəpanpan kə ŋanəŋkər dare camət-merəŋ. Mba dəsək din dadəkə gbəcərəm də ŋananəŋkər dare camət-merəŋ.

¹⁶ Kənəŋkər ka camət-merəŋ kə alonŋe ŋafula len, kə Yosuwe oloku afum: «Nəkule-kule sim sa kəwan, bawo MARIKI kəsəŋ un dare dandε!

¹⁷ Kələsər k'ander dare dandε kə ca cəkə cəyi de mə fəp. Rahabu wəran wəyamayama sona gboŋ kə afum ən aŋe ŋayi nde kələ kən disre mə ŋə andesak, bawo enawose kəmenŋke su afum akə sənasmə yəkyək kədetenəs mes ma atəf ŋaŋe mə.

¹⁸ Mba nəkembərne kələk paka pin mpe Kanu kənaməne mə, bawo daka fəp nde nəŋsətə dəkəwan mə, mēne nəmberene di daka da Kanu. Kə nəmenkərne paka pin, nəndesəŋ pələc saŋka sa Yisrayel.

¹⁹ Kəyefe gbeti, kema, ca ca kəpər fəp fayi, MARIKI kəyə yəsətə ya dəkəwan fəp. Pəmar padeberene yi daka da MARIKI.»

²⁰ K'afula len ya ŋkesiya, nte afum ŋane len dim mə, kə ŋa sə ŋawure sim sa kəwan pəpəŋ, kə damba da saŋka sa dare dentempene di sərka, kə afum ŋambere dare disre. Nwe o nwe pəsolne nde entefərne mə, kə ŋambaŋ dare.

²¹ Kə ŋandifəte afum kə yəcəl yəkə yənayi dare disre mə fəp sakma səŋan, kəyefe wərkun, wəran, wanfet, wəbeki, wana, aŋkesiya, səfale.

²² Yosuwe enaloku afum akə merəŋ aŋe ŋanakə kətenəs yəkyək mes ma atəf ŋaŋəkə mə: «Nəkə ndena wəran wəyamayama wəkəkə, nəkə nəwurene kə, kə afum ən fəp, pəmə təkə nənadərme kə mə.»

²³ Kə atemp merəŋ aŋe ŋanakə ŋaten mes yəkyək nde atəf ŋaŋəkə mə, ŋaŋkə ŋawurene Rahabu, papa wəkən, iya wəkən, awenc aŋa, kə afum ən fəp. Kə ŋawurene afum ən fəp aŋe ŋanabəp nde kələ kən mə, kə ŋaŋkə ŋadəs ŋa tofo tətət saŋka sa Yisrayel tadarəŋ.

²⁴ Kə ŋancəf dare kə ca cəkə yənayi di mə fəp, mēne gbeti, kema, kə ca ca kəpər kə fec, nyē ŋanaberene daka da kələ ka MARIKI mə.

²⁵ Yosuwe enadif fe Rahabu wəran wəyamayama kə afum a kələ kən fəp. K'endε aka Yisrayel dacə haŋ məkə, bawo nkən enawose kəmenŋk ka aten mes yəkyək, aŋe Yosuwe enasmə kəkətenəs mes ma Yeriko mə.

²⁶ Təm tatəkə kə Yosuwe enderəm:

«Intolane fum pələc

nwe endeyefe a dare da Yeriko donlompəs mə.

Wəkayi pəkəkəkay kədəf ka togbu pəcəkə-cəkə,

təyənε kəway ka wan kən coco.

K'əncəkənbər kumba ka dare-ε,

təyənε kə kəway ka wan kən wəlpəs.»

²⁷ MARIKI kənasole Yosuwe, kə tewe tən tēmbək təf fəp.

7

Fum wəkin kəyə kən pələc kəsəŋ aka Yisrayel fəp pələc

¹ Kə aka Yisrayel ŋaŋluskε kəcəme MARIKI darəŋ nte kənaməne ŋa kələk ka daka da dare mə. Kə Akan wan ka Karmi, wan ka Sabidi, wan ka Sera, wəka kusunŋa ka Yuda, eŋkiye ca cələma daka da dare dacə, kə pəntele MARIKI nnə aka Yisrayel ŋayi mə.

² Kə Yosuwe osom afum kəyefe Yeriko kəkə dare da Hay nde pələtərēne Bet Awen ntende dec dempe Betel mə. K'oloku ŋa: «Nəpe nəkə nəten mes yəkyək dətəf.» Kə afum akakə ŋampe kəkəten mes yəkyək Hay.

³ Kə ŋaluksərne nnə Yosuwe eyi mə, kə ŋaloku kə: «Ta afum fəp ŋape de! Afum məcəp merəŋ, kə pəyi fe ti-ε, afum məcəp maas ŋape, ŋa ŋantam kəsut Hay! Ta nələləs afum dis, bawo akə pəmar a payefərēne mə, ŋala fe.»

⁴ Kə afum məcəp maas ŋampe kəkəsutene kə aka Hay, mba ŋanatam fe, kə afum akakə ŋaŋkə ŋayeksər aka Hay.

⁵ Kò afum aka Hay n̄andif̄ar n̄a afum w̄aco maas kò cam̄at-tin. Kò n̄ayefe k̄abel̄as n̄a k̄ayefe dare d̄akusu han̄ Sabarim*, kò n̄asut n̄a p̄et̄amb̄el̄ar pa t̄ar̄o. Kò afum n̄anes̄e k̄asut̄ene kò dis d̄en̄d̄ence n̄a.

⁶ Kò Yosuwe ewal-wali yamos ȳon, k'ef̄ant̄are k'enc̄ape kan̄k̄ara ka MARIKI tobu d̄ant̄of han̄ d̄of̄oy. Kò abeki a Yisrayel n̄alon̄arne s̄o k̄abof d̄as̄abomp.

⁷ Kò Yosuwe oloku: «MARIKI W̄ab̄e kem, ta ake t̄o m̄anc̄aj̄se afum k̄acali ka k̄an̄gb̄ok̄o ka Yurd̄en-ε k̄adelek su m̄aber aka Am̄or d̄awaca, k̄am̄el̄ak su kò m̄afan̄? K̄ayi kosu Yurd̄en ntende dec d̄emp̄e m̄o k̄ancep̄ar su k̄ader ka nn̄o!

⁸ M̄an̄an̄en̄'em Mariki! C̄ake c'ideloku on̄-ε?: «Yisrayel n̄ayeks̄ar ater̄ene an̄an.»

⁹ K̄ayefe aka Kanan̄ han̄ afum alp̄as an̄e f̄ap̄ n̄ayi d̄ot̄of m̄o, kò n̄andene ti-ε, n̄andeber̄ene, n̄apan̄ne su n̄asut, n̄am̄el̄ak su doru. C̄ake c̄o m̄and̄ement̄ar on̄ debeki dam-ε?»

¹⁰ Kò MARIKI k̄aloku Yosuwe: «M̄ayefe, ta ake t̄o m̄anc̄ap̄ene tobu d̄ant̄of-ε?

¹¹ Aka Yisrayel n̄anciya! N̄al̄as̄ar temer p̄ok̄o inas̄on̄ n̄a m̄o. Ey, n̄al̄ek̄arne ca c̄al̄oma nȳe inaloku n̄a k̄aber̄ene yi daka dem m̄o. N̄an̄kiye n̄a yati, kò n̄amen̄k̄ ca c̄al̄oma d̄aȳesare yan̄an.

¹² Ti disre, aka Yisrayel n̄af̄ot̄am k̄asut̄ene kò ater̄ene an̄an. M̄ene n̄ayeks̄ar n̄a, bawo n̄a n̄o p̄amar on̄ pam̄el̄ak. If̄ot̄am k̄ayi tes tin kò n̄ona kò n̄ant̄awur̄ene nu dac̄o ca n̄ce inam̄one nu k̄alek m̄o de!

¹³ M̄ayefe, m̄ak̄o, m̄alon̄ka afum. M̄aloku n̄a: «N̄as̄ok̄as̄nealna. MARIKI, Kanu ka Yisrayel k̄asom im ti k̄adelok'un: Ca n̄ce inam̄on'on m̄o, yey'un d̄awaca.» Aka Yisrayel n̄af̄ot̄am k̄ayef̄arene kò ater̄ene anu kò n̄ant̄awur̄e ca cac̄ok̄o nu dac̄o-ε.

¹⁴ Alna b̄at̄b̄at, n̄ader nn̄o f̄ar ya Kanu kirin̄, n̄ament̄arne Ki cusun̄ka cusun̄ka. Kusun̄ka n̄ke Kanu k̄anc̄ok̄ar m̄o k̄ac̄on̄ne d̄acor d̄acor. Kor n̄ke k̄and̄ec̄ok̄ar m̄o k̄ac̄on̄ne w̄ol̄o w̄ol̄o. K̄al̄o n̄ke Kanu k̄and̄ec̄ok̄ar m̄o afum an̄e n̄ad̄ec̄on̄ne akin akin.

¹⁵ Nw̄e o nw̄e andebon̄c̄ k̄at̄omp̄ar ka ca n̄ce Kanu k̄am̄one m̄o, amber kò d̄an̄enc, nk̄on kò afum a k̄al̄o k̄on f̄ap̄. Nk̄on ep̄at̄as danapa da MARIKI bawo nk̄on oȳo tes n̄te t̄ant̄otes̄e m̄o n̄te t̄os̄on̄e aka Yisrayel k̄alap̄arne m̄o.

¹⁶ Kò Yosuwe eyefe b̄at̄b̄at suy, k'onc̄on̄ene aka Yisrayel cusun̄ka cusun̄ka. Kò MARIKI k̄anc̄ok̄ar aka kusun̄ka ka Yuda.

¹⁷ Kò Yosuwe onc̄on̄ene Yuda cor cor, k'onc̄ok̄ar kor ka Sera. K'onc̄on̄ene kor ka Sera w̄ol̄o w̄ol̄o, k'onc̄ok̄ar k̄al̄o ka Sabidi.

¹⁸ K'anc̄on̄ene k̄al̄o ka Sabidi akin akin, k'onc̄ok̄ar Akan̄, wan ka Karmi, wan ka Sabidi, wan ka Sera w̄aka kusun̄ka ka Yuda.

¹⁹ Kò Yosuwe oloku Akan̄: «Wan kem m̄alel̄as MARIKI, Kanu ka Yisrayel, m̄ayek-yek̄as ki! M̄alok'im ma t̄ok̄o m̄aȳo m̄o, ta m̄amen̄k̄ar'im ti de!»

²⁰ Kò Akan̄ oloku Yosuwe: «Ey, kance kò, in'eciya MARIKI, Kanu ka Yisrayel. Il̄om̄ar'am n̄te iȳo m̄o:

²¹ Ȳos̄ot̄o yosu disre, inan̄on̄k̄ duma da Mesopotami, duma dad̄ok̄o dentes̄e decep̄ar̄ar, kò gbeti masar m̄er̄an̄, kò anc̄amb̄el̄ n̄a k̄ema n̄i sona gbon̄ n̄elele kilo dac̄o. Kò ca cac̄ok̄o yembas'im, it̄o inal̄eke yi. Mba inam̄at yi d̄ant̄of, im̄en̄k̄ yi nde abal n̄em disre gbeti beyi tant̄of.»

²² Kò Yosuwe osom afum, kò n̄ayeks̄e k̄ak̄om̄om̄an̄ abal n̄a Akan̄ disre, kò n̄an̄k̄o n̄ab̄ap̄ ca yaȳok̄o f̄ap̄ gbeti b̄ef̄ant̄are yi tant̄of.

²³ Kò n̄al̄ek̄ yi f̄ap̄, kò n̄an̄ken̄e Yosuwe kò aka Yisrayel f̄ap̄, kò n̄an̄k̄o n̄aboc yi f̄ar ya MARIKI kirin̄.

²⁴ Kò Yosuwe el̄ek̄ Akan̄ wan ka Sera, kò gbeti, duma, anc̄amb̄el̄ n̄a k̄ema, awut on̄ arkun kò aran, c̄ana c̄on, s̄afale s̄on, ȳoc̄ol̄ ȳon yef̄et yef̄et, abal n̄on kò ca c̄ok̄o yenaȳone ȳon m̄o f̄ap̄. Kò aka Yisrayel f̄ap̄ n̄asol kò Yosuwe, kò n̄amp̄ene Akan̄ nde m̄ar̄o dac̄o, nde an̄we «Aranta n̄a P̄al̄ec̄ m̄o».

* 7:5 Sabarim = «K̄af̄o n̄ke an̄kay masar m̄o»

²⁵ Kɔ Yosuwe oloku: «Ta ake tɔ mɔyɔnɛ su pɔlɛc pampɛ-ɛ? Mɔna sɔ kɔyɔ'm kɔ MARIKI kɔnder pɔlɛc mɔkɔ.» Kɔ aka Yisrayel fɔp ɲancacas kɔ masar hanj k'efi. Kɔ ɲancacas afum ɔn fɔp masar, kɔ ɲancɔf ɲa fɔp dɔnɛnc.

²⁶ K'amboc ɲa kɔronj tɛpɛsa pɔpɔɲ pa masar, mpɛ pɔsɔrɔyi hanj mɔkɔ mɔ, kɔ abɔkɔc ɲedɛtor MARIKI. Itɔ awɛnɛ kɔfo kanj kɔ tewe ta «Aranta ɲa Pɔlɛc» hanj mɔkɔ.

8

Aka Yisrayel kɔtam kɔɲan aka Hay

¹ Kɔ MARIKI kɔloku Yosuwe: «Ta mɔnesɛ, ta mɔyikcɛ! Mɔlɛk asɔdar am fɔp, mɔyɛfɛ mɔkɔsutɛnɛ kɔ aka Hay. Mɔnɔɲk, isɔɲ ɔm wɔbɛ ka Hay, k'imber'ɔm kɔ dɔwaca, nkɔn kɔ afum ɔn, kɔ dare dɔn, kɔ atɔf ɲɔn.

² Mɔɲkɔyɔ wɔbɛ ka Hay pɔmɔ tɔkɔ mɔnɔyɔ wɔbɛ ka Yeriko kɔ dare dɔn mɔ. Mba dɔndo tanj, nɔntam kɔlɛk yɔcɔl kɔ ca cɔlpɔs fɔp ncɛ nɔɲkɔsɔtɔ dɔndo mɔ. Nɔgbɔpɲɛ dare tadarɔɲ, nɔwɛkɔrnɛ ɲa.»

³ Kɔ Yosuwe ɛyɛfɛ kɔ asɔdar ɔn fɔp kɔpɛ ka Hay. Kɔ Yosuwe ɛyɛk-yɛk asɔdar ayɛɲki dis mɛcɔp wɔcɔ maas, k'oloku ɲa kɔkɔ Hay pibi.

⁴ K'oloku ɲa: «Nɔkɛmbɔrnɛ, nɔgbɔpɲɛ dare darɔɲ hanj tɛm nte andenaloku a nɔwɛkɔrnɛ ɲa mɔ. Ta nɔbɔlɛ dare pɔlarɔm de! Nɔlompɔsnɛ kɔsutɛnɛ!

⁵ Ina kɔ afum aɲɛ isolɛ mɔ fɔp, sɔna sɔɲkɔlɔtɔrnɛ dare. Tɛm nte aka Hay ɲandenawur kɔkɔsɛtɔr su pɔmɔ tɔcɔkɔ-cɔkɔ mɔ, sɔɲkɔbɔɲɛnɛ kɔyɛksɔr ɲa.

⁶ Tɛm tɔtɔkɔ ɲandɛcɔmɛ su darɔɲ kɔbɛlɔs, sɔɲkɛkɔrɛ ɲa hanj sɔwureɲɛ ɲa dare, bawo ɲande kɔcloku: «Kɔyɛksɔr su kɔ ɲande sɔ pɔmɔ tɔcɔkɔ-cɔkɔ.» Tɔyɔnɛ fɔ sɔna sɔyi kɔyɛksɔr sɔcɔder nnɔ nɔyi mɔ,

⁷ nɔwɔrɔr ɲa, nɔbɔɲ katina dare. MARIKI Kanu konu, kɔɲkɔbɛr un dare dadɔkɔ dɔwaca.

⁸ Nɔckɔnasumpɔr dare, nɔbɛr di nɛnc. Nɔyɔ mes pɔmɔ tɔkɔ MARIKI kɔloku mɔ. Nɔkɛmbɔrnɛ tɔtɔkɔ ilok'un mɔ.»

⁹ Kɔ ɛɲkɛkɔrɛ ɲa, dɔkɔlɔɲɛ dare da Hay. Kɔ ɲɔɲkɔ ɲagbɔpɲɛ Betel kɔ Hay dacɔ, kɔca nkɛ dec dɛɲkalɛ Hay mɔ. Kɔ Yosuwe ɛncɛpɔrɛnɛ pibi kɔfo kanj kɔ asɔdar ɔn.

¹⁰ Dɔckɔsɔk kɔ Yosuwe ɛyɛfɛ bɔtɔbɔt suy, k'olonjka asɔdar ɔn, nkɔn kɔ abeki aka Yisrayel, kɔ ɲancɛpɔr asɔdar kirɔɲ kɔkɔ ka Hay.

¹¹ Asɔdar akɔ ɛnasolɛ mɔ fɔp kɔ ɲampɛ, kɔ ɲalɔtɔrnɛ nte ɲanadɛtɛfɔrnɛ dare mɔ, kɔ ɲancɔmbɔr sɔɲka ndɛ dec dɛɲkalɛ mɔ kɔca kɔtɔt. Aranta ɲɛnɔyi Hay kɔ asɔdar dacɔ.

¹² Kɔ Yosuwe ɛlɛk asɔdar afum mɛcɔp kɔcamɔt, k'ɛncɔmbɔr ɲa Betel kɔ Hay dacɔ, ɲaclɔɲɛ ntɛndɛ dec dɛɲkalɛ mɔ.

¹³ Nte asɔdar ɲalip kɔcɔmbɔr sɔɲka fɔp ntɛndɛ kɔca kɔmɛriya ka ndɛ dec dɛmpɛ dare da Hay mɔ, kɔ Yosuwe ɛncɛpɔr pibi papɔkɔ ndɛ d'aranta.

¹⁴ Nte wɔbɛ ka Hay ɛndɛcɔrɛ ti mɔ, kɔ ɲambɛlkɔr kɔyɛfɛ kɔ asɔdar ɔn kɔ afum a dare ɲawur, kɔkɔbɔpɛnɛ kɔ aka Yisrayel kɔsutɛnɛ ndɛ pɔtɔmbɔlɔr pɔkɔ pɛtɛfɔrɛnɛ kɔ Araba mɔ, mba wɔbɛ ka Hay ɛnacɔrɛ fɛ a kɔlɔɲɛ ɲa kɔ aka Yisrayel ɲandɛ ntɛndɛ dare tadarɔɲ.

¹⁵ Yosuwe kɔ aka Yisrayel fɔp ɲayɛl waca Hay fɔr kirɔɲ, kɔ ɲayɛfɛ kɔyɛksɔr aka Hay, ɲasolɛ dɔpɔ da ndɛ dɔtɛgbɔrɛ.

¹⁶ K'aloku aka Hay a ɲabelɔs ɲa. Kɔ ɲambɛlɔs Yosuwe kɔ afum ɔn hanj kɔ ɲambɔlɛnɛ dare da Hay.

¹⁷ Ali fum anasak fɛ Hay kɔ Betel nwe ɛnatɔ-wur kɔkɔbɛlɔs aka Yisrayel mɔ. Kɔbɛlkɔr kɔbɛlɔs aka Yisrayel kɔnasɔɲɛ ta aɲgbɔt cumba ca dare-ɛ.

¹⁸ Kɔ MARIKI kɔloku Yosuwe: «Mɔtukɔr dakma dam dadɔkɔ mɔntɔmpɔr mɔ kɔca ka Hay, bawo ilɛk Hay, k'imber'ɔm dɔwaca.» Kɔ Yosuwe ontukɔr kɔɲgbasar kɔɲkɔ ɛnatɔmpɔr mɔ Hay.

¹⁹ Kō alinjē ŋawur katēna katēna nde ŋanagbōpōsne mō, kō ŋayekse kākō dare, kō ŋamberē, kō ŋasumpār dare kō ŋancōf di katēna katēna.

²⁰ Aka Hay ŋandeluksārne, kō ŋaŋgbātne nte: Kinime ka dare kēpē haŋ kēsumpār darenc. Ŋasōtō fē sō tēyekse ŋakō kēca kētōt, kō pōyi fē ti-ε, kēca kēmeriya. Asōdar aka Yisrayel akō ŋanabaŋene kēyeksar aka Hay mō, ŋaŋkafāle kākōsutene kō ŋa.

²¹ Nte Yosuwe kō asol ɔn aka Yisrayel fōp ŋanāŋk fō aŋe ŋacliŋe dare mō ŋasumpār di, kō kinime kōyi kōpē dare, kō ŋaŋkafālārne aka Hay kēsutene, kō ŋasut ŋa.

²² Akō ŋanabaŋ dare ŋancepse aka Hay darəŋ, kō tōyōne fō aŋkuc-kucene aka Hay, ali wākīn enatam fē kāmulpār aka Yisrayel.

²³ Kō ŋasumpār wōbe ka Hay pōyi wōyēŋ, kō ŋaŋkene kō Yosuwe.

²⁴ Nte aka Yisrayel ŋalip kədif aka Hay nde dātegbārē mō, akakō ŋanacāme aka Yisrayel darəŋ kēbelās mō, k'andifē ŋa fōp sakma. Kō aka Yisrayel fōp ŋander Hay kō ŋande ŋadif ŋa fōp.

²⁵ Dōsōk dadōkō anadif afum mēcōp wōcō kō mērəŋ (12.000), kōyefē arkun haŋ aran, fōp fəŋan aka Hay.

²⁶ Yosuwe ontore fē dakma dadōkō enatukər Hay mō haŋ kō aka Yisrayel ŋalip kədifət ŋa.

²⁷ Kō aka Yisrayel ŋalēk yōcōl yefēt yefēt, kō ca cālōma ya dare pēmō tōkō MARIKI kēnasom ti Yosuwe mō.

²⁸ Kō Yosuwe ɔncōf Hay, kō tōyōne fō haŋ mōkō tofo tēteye tō, tōyōne nde dātegbārē.

²⁹ Kō Yosuwe eŋgbek wōbe wōka Hay dākōtōk haŋ dōfōy. Dec dēdekafāle, kō Yosuwe oloku a patorē wōfi. K'aŋkō pagbal kō nde dare dākusu, k'andēŋəsər kō masar mōpōŋ kēron mme mōsōrōyi di haŋ mōkō mō.

³⁰ Kō Yosuwe encāmbārē Mariki tetek toloŋne Kanu ka aka Yisrayel nde tōrō ta Ebal.

³¹ Pēmō tōkō Musa wōcar ka Mariki enasom ti aka Yisrayel mō, pēmō tōkō ancic ti nde buk ba sariye sa Musa mō: Tetek toloŋne Kanu ta masar mōtōpat mpe afēc ŋontogbuŋene mō, nāndekō nākekārē yōcōl yōcōfē Mariki. Ŋaloŋne di kēloŋne ka pōforu.

³² Dāndo aka Yisrayel fōp fōr kirin Yosuwe ŋgbōkārē sō kēcicās masar mamōkō kēron sariye nse Musa enacicās mō.

³³ Aka Yisrayel fōp, abeki aŋan, akirin aŋan, aboc aŋan kiti, acikēra kō aYisrayel ŋancāme kēŋkēra kēca kētōt kō kēmeriya. Ŋatēfārēne kō aloŋne aLewy aŋe ŋanagbaŋne kēŋkēra kēsēlēŋ ka danapa da MARIKI kō aka Yisrayel mō. Afum dacō ŋanayi kēca ka tōrō ta Karisim, kō dacō ŋanayi kēca ka tōrō ta Ebal, pēmō tōkō Musa wōcar ka MARIKI enasom ti, a patolanē aka Yisrayel tōcōkō-cōkō mō.

³⁴ Kō Yosuwe oloku moloku ma sariye fōp, kētolanē pētōt kō pālēc, pēmō tōkō anacic ti dōbuk ba sariye mō.

³⁵ Ali toloku ta Musa tin Yosuwe enasak fē nte enatō-loku aka Yisrayel fōp fōr kirin mō, kēbōp aran, awut, haŋ acikēra aŋe ŋanandē ŋa dacō mō.

9

Kāsek danapa kō aka Kabayōŋ

¹ Nte toloku ta kēder ka asōdar aYisrayel tēmbōp abē aŋe ŋanandē Yurdēn kēsāk ntēde dec dēŋkalē dāmōrō kō nde pātīlsārne tōf ya tantōf mō, abē aŋe ŋanades-ndes kēba kēsāk mō fōp, haŋ atōf ŋa Libaŋ kēsāk: Aka Hit, aka Amōr, aKanaŋ, aPerisi, aHiwy, kō aYebus,

² kō ŋamberēne kākōsutene kō Yosuwe kō aka Yisrayel.

³ Kō aka Kabayōŋ ŋane sō nte Yosuwe enayō aka Yeriko kō Hay mō.

⁴ Kō ŋa sō ŋaŋkō kākōyō aka Yisrayel kō Yosuwe cāmpānən. Kō ŋalēk lōba yēlēc, kō ŋandēŋər sōfale səŋan kō cābuntāle ca member cālēc cāfute-fute.

⁵ Kō ŋaŋberāsne cōfta cālēc cālēc cāwale-wale, pasōtōs ci, ŋaberāsne suma sāwale-wale. Cācom nce ŋanamēŋkārne kākōsōm mō fōp cānawos, cāputkē.

⁶ Kɔ ɲaŋkɔ ɲabəp Yosuwe nde saŋka sa Kilkal kɔ ɲaloku kɔ kɔ afum aka Yisrayel: «Atɔf ɲɔbɔlɛ ɲɔ sɛyɛfɛ. Sɛfaŋ fɔ sɛsɛk danapa kɔ nɛna.»

⁷ Mba kɔ afum aka Yisrayel ɲaloku ɲa: «Anɔ'cɔrɛ-ɛ? Tɔlɔma sɛna ɲɔ nɛndɛ dacɔ. Cɛke cɔ antam kɛsɛk danapa kɔ nɛna-ɛ?»

⁸ Kɔ ɲaloku Yosuwe: «Acar anu ɲɔ sɛyɔnɛ.» Kɔ Yosuwe eyif ɲa: «Are ɲɔ nɛyɔnɛ-ɛ? Deke nɛyɛfɛ-ɛ?»

⁹ Kɔ ɲaloku Yosuwe: «Atɔf ɲɔbol-bolu ɲɔ acar am ɲayɛfɛ, bawo tewe ta MARIKI tɔ sɛne, Kanu kam, bawo sɛne kɔ tewe kɔ tɔkɔ ɛnayɔ Misira mɔ fɛp,

¹⁰ kɔ tɔkɔ ɛnayɔ abɛ a Amɔr mɛrɛɲ nde Yurdɛn kɛsɛk ntende dec dɛmpɛ mɔ: Sihɔɲ wɛbɛ wɛka Hesbon, kɔ Oku wɛbɛ wɛka Basan nwe ɛnayi Astarot mɔ.

¹¹ Abeki asu kɔ afum asu fɛp aka dɔtɔf ɲaloku su: «Nɛlɛk yeri yonu ya dɔpɔ, nɛkɔ nɛfaynɛ ɲa. Nɛkɔ nɛlɔku ɲa: «Acar anu ɲɔ sɛyɔnɛ! Nɛkɛl ɔɲ nɛsɛk danapa kɔ sɛna!

¹² Cɛcom cosu cancɛ cɛnawonɛ tɛm ntɛ sɛndenalɛk ci dɛkɛr kɛdɛr tɔmpɛrnɛ dɔpɔ mɔ, kɛyɛfɛ dɔsɛk ndɛ sɛyɛfɛ nnɔ ndorosu kɛdɛr nnɔ nɛyi mɔ. Awa nɛgbɛtɛ nɛ: Icɔ cancɛ cɛwosɛrɛnɛ kɔ cɛmpɛtɛ mɔ.

¹³ Kɔ cɛbuntɛlɛ cancɛ sɛnalɛk ci cɛfu, nɛgbɛtɛ nɛ icɔ cancɛ cɛmpɛrɛ-pɛrɛ mɔ! Nɛnɛɲk yamos yosu kɔ cɔfta cosu, dɔpɔ dobolu dɔsɔɲɛ yi kɛlɛɛ.»

¹⁴ Kɔ afum a Yosuwe ɲamɔmɛn ca ya acikɛra ta ɲayif ti MARIKI-ɛ.

¹⁵ Kɔ Yosuwe ɛncanɔs kɛtɛɲnɛ kɔ afum aɲɛ, kɔ ɲantɛɲnɛ pɛforu, kɔ ɲasɔɲ ɲa temer ta kɛsak ɲa ɲayi doru, kɔ akirinɲ a kɛlɔɲkanɛ ka Yisrayel ɲandɛrmɛ ɲa moloku mamɔkɔ ɲanatɛɲnɛ mɔ.

¹⁶ Mata maas disrɛ nɛ ɲalip kɛcanɔs ka danapa kɔ ɲa mɔ, kɔ aka Yisrayel ɲande ɲane a andɛ aɲan ɲɔ, afum aɲɛ ɲanɔɲkɛlɛnɛ kɛndɛ.

¹⁷ Kɔ aka Yisrayel ɲaɲkɔ nde dare danɲan, tataka ta maas kɔ ɲambɛrɛ di. Sɛdare sasɔkɔ sɛnatɛɲnɛ Kabayɔɲ, Kefira, Beyerot, kɔ Kiriyat-Yeyarim.

¹⁸ Aka Yisrayel ɲanadif fɛ ɲa tɛta kɛdɛrɛm kɛɲkɔ akirinɲ a kɛlɔɲkanɛ ɲanadɛrmɛ ɲa tewe ta MARIKI, Kanu ka Yisrayel mɔ. Kɔ afum a Yisrayel fɛp ɲayɛfɛ kɛbupɛrɛ moloku ma akirinɲ aɲan.

¹⁹ Mba kɔ akirinɲ ɲaloku kɛlɔɲkanɛ ka aYisrayel fɛp: «Sɛnadɛrmɛ ɲa MARIKI, Kanu ka Yisrayel. Afɔsɔtam kɛgbunɛnɛ ɲa.

²⁰ Nɛ tɔ andeyɔ ɲa: Andɛɛ ɲa ɲayi doru, ta padewernɛ mɛtɛlɛ ma MARIKI tɛta kɛdɛrɛm nɛkɛ anadɛrmɛ ɲa mɔ.

²¹ ɲayi doru, tɔyɔ fɛ tes! Mba aɲkɔcɛmbɛr ɲa kɛkɛtɛs ka domun, kɔ kɛgbɛs ka tɔk ya kɛlɔɲkanɛ ka Yisrayel.» Itɔ akirinɲ a Yisrayel ɲanaloku afum aɲan.

²² Kɔ Yosuwe ewe aka Kabayɔɲ, k'oloku ɲa: «Ta ake tɔ nɛyɛmbɛrɛ su nɛcloku a nɛmbɔlɛnɛ kɔ sɛna-ɛ, a kɔ pɛyɔnɛ fɔ sɛnɔɲkɛlɛnɛ kɛndɛ kɔ nɛna-ɛ?

²³ Nɛkɛl ɔɲ, pɛlɛc pɛncɛm'on darɔɲ! Ali wɛkin ɔfɔsɔ-wur dacar. Nɛna andɛ kɛkɛtɛs domun, nɛcgbɛs tɔk ya kɛlɔ ka Kanu kem.»

²⁴ Kɔ aka Kabayɔɲ ɲaloku Yosuwe: «Alɔmɛr acar am tɛta aka Yisrayel tin tin tin a MARIKI Kanu kam kɛnasom wɛcar kɔn Musa a kɛsɔɲ un antɔf ɲaɲɛ fɛp, a nɛlɛsɛr andɛ a ɲi fɛp fɔr yonu kirinɲ. Awa kɛdɛr konu kɛsɔɲɛ su kɛnɛsɛnɛ sɛbomp sosu, itɔ sɛyɔnɛ tante.

²⁵ Nɛkɛl ɔɲ, sɛyi'm dɛwaca. Mɛyɔ su tɔkɔ tentɛs'am mɔ, mɛyɔ su ti pɛlɔmpu disrɛ.»

²⁶ Itɔ Yosuwe ɛnayɔ ɲa, k'ɛmbanɔr ɲa aka Yisrayel aɲɛ ɲanatɔsɔ-dif ɲa mɔ.

²⁷ Kɔ Yosuwe ɛncɛmbɛr ɲa kɛyɛfɛ dɔsɛk dadɔkɔ kɛgbɛs tɔk, kɔ kɛkɛtɛs domun da afum kɔ da tetek tolonɲɛ ta Mariki. Haɲ mɔkɔ, awut-sɔ aɲan ɲasɔrɔbɛc yɛbɛc yayɔkɔ nde atɔf ɲa Yisrayel.

10

Yosuwe kɔ aYisrayel katam kɛɲan abɛ Amɔr

¹ Kɔ Adoni Cɛdek wɔbɛ wɔka Yerusalem ene a Yosuwe embay Hay, k'endif afum aka di fɔp, k'oyɔ aka Hay kɔ wɔbɛ kɔnan pɛmɔ tɔkɔ enayɔ Yeriko kɔ wɔbɛ kɔnan mɔ. K'ene sɔ aka Kabayɔn na nasek danapa kɔ aka Yisrayel, kɔ nayi kɔfo kin.

² Kɔ kɔnesɛ kɔpɔn kɔnder na, bawo Kabayɔn dare dɔpɔn denayi, pɛmɔ dare da abɛ. Denabek detas Hay, afum a di nayanjk dis.

³ Kɔ Adoni Cɛdek wɔbɛ wɔka Yerusalem osom pakɔloku Hoham wɔbɛ wɔka Hebɔrɔn, Piram wɔbɛ wɔka Yarmut, Yafiya wɔbɛ wɔka Lakis, kɔ Debir wɔbɛ wɔka Ekilɔn:

⁴ «Nɔder nɛmar'im nte tɔnsɔnɛ itam kɛsut Kabayɔn, bawo nantɔnɛ kɛsek danapa kɔ Yosuwe kɔ aka Yisrayel.»

⁵ Kɔ nambɛrɛnɛ abɛ kɛcamɛt nde atɔf na Amɔr: Wɔbɛ wɔka Yerusalem, wɔbɛ wɔka Hebɔrɔn, wɔbɛ wɔka Yarmut, wɔbɛ wɔka Lakis, kɔ wɔbɛ wɔka Ekilɔn. Kɔ nampɛ fɔp fanan kɔ asɔdar anan, kɔ nanjkɔ nacɛmbɛr sanjka sɔnan Kabayɔn kirin kɔ nawɛkɔrnɛ na.

⁶ Kɔ aka Kabayɔn nasom pakɔloku Yosuwe nde sanjka sa Kilkal: «Ta mɛsak acar am, mɛpɛrnɛ nnɔ sɛyi mɔ katɛna! Ta mɛbanjɔr acar am kɛmar kam, bawo abɛ Amɔr fɔp, anjɛ nanandɛ nde dɛmɔrɔ mɔ, nambɛrɛnɛ kɔdeyɛfɛrɛnɛ kɔ sɛna.

⁷ Kɔ Yosuwe empɛ Kilkal kɔ asɔdar ɔn fɔp kɔ afum ɔn ayɛnki dis fɔp.

⁸ Kɔ MARIKI kɔloku Yosuwe: «Ta mɛnesɛ na, bawo ilɛk na k'imber'am dɛwaca. Ali fum kɔnan wɛkin ɔfɔtam kɛcam'am fɔr kirin.»

⁹ Kɔ Yosuwe ɔnjɔt pibi papɔkɔ fɔp kɔyɛfɛ ka Kilkal, k'ɔnjɔkɔ pɛbɛrɛr na.

¹⁰ Kɔ MARIKI kɔsɔnɛ na kɔyɛksɛr aka Yisrayel. Kɔ nasut na pɔpɔn Kabayɔn, kɔ nanɛmɛ kɛbɛlɛs na dɔpɔ ndɛ dempɛ Bet Horon mɔ, kɔ nandifɔt aka Amɔr hanj sɔdare sa Aseka kɔ Makeda.

¹¹ Kɔyɛksɛr kɔnan Yisrayel, nte aka Amɔr nanabɔp pɛtɛmbɛlɛr pa Bet Horon mɔ, kɔ MARIKI kɔyɛfɛ kɔtorɛr na cul ya letɛr yɔpɔn hanj Aseka, kɔ nafi. Anjɛ cul ya letɛr yɛnadif mɔ nanala njatas akɔ aka Yisrayel nanadifɛ sakma sɔnan mɔ.

¹² Kɔ Yosuwe oloku MARIKI dɔsɔk ndɛ kɛnalek aka Amɔr kɛbɛr aka Yisrayel dɛwaca mɔ, k'oloku aka Yisrayel fɔr kirin:

«Mɛna Dec, mɛcɛmbɛrɛs Kabayɔn!

Kɔ mɛna Njɔf, mɛcɛmbɛrɛs nde aranta na Ayalon!»

¹³ Kɔ dec dɛncɛmɛ tofo tin kɛm dacɔ kɔ dɛfati kɛkɔt kɛlɔtɛs ka dɔsɔk din camcam, kɔ njɔf ni sɔ njɛcɛmɛ hanj tɛm nte aka atɔf na Yisrayel nanalip kɛlukɛsɛ atɛrɛnɛ anan ayɛk mɔ. Ancic fɛ ti nde Buk ba Wɛlɔmpu ba?

¹⁴ Dɔsɔk dɛntayi fɛ pɛmɔ dɔsɔk dadɔkɔ, tɔcɔkɔ-cɔkɔ tɛlpɛs tɛnayi. MARIKI kɛnacɛnjɔkɛl dim da fum, bawo MARIKI Yisrayel njɔ kɛncsutnɛnɛ dɔsɔk dadɔkɔ.

¹⁵ Yosuwe kɔ aka Yisrayel fɔp njalukus dɔsɔk dadɔkɔ nde sanjka sa Kilkal.

Yosuwe kɔdifɔt kɔn abɛ kɛcamɛt

¹⁶ Kɔ abɛ anjɛ kɛcamɛt njayɛksɛ kɔ nanjkɔ njagbɔpnɛ dɔtɔgbɔkɛnɛ nde Makeda.

¹⁷ K'anjkɔ paloku ti Yosuwe: «Abɛ akɔ kɛcamɛt nanjkɔ njagbɔpnɛ nde tɔgbɔkɛnɛ ta Makeda.»

¹⁸ Kɔ Yosuwe oloku: «Nɔbinjkɛli masar mɔpɔn, nɛkɔ nɛsuncɛ mi kusunjka ka tɔgbɔkɛnɛ tatakɔ, nɛcɛmbɛr di afum njacbum.

¹⁹ Ta nɛsak kɛcɛmɛ atɛrɛnɛ anu darɔn, nɛgbintɛrnɛ na dɔpɔ, ta nɛsak na njabɛrɛ dare danan de! MARIKI kɛlɛk na kɔ kɛmbɛr un dɛwaca!»

²⁰ Nte Yosuwe kɔ awut aka Yisrayel njalip kɛsut na, mba njabut kɛmɛlɛk na fɔp mɔ, mɛnɛ afum akin akin akɔ nanayɛksɛ-yɛksɛ njakɔ sɔdare sa sanjka sɛkɔ sɛnalɔtɛrnɛ na mɔ.

²¹ Kɔ afum fɔp njalukus bɛkɛc yoforu disrɛ nde sanjka sa Makeda, nde Yosuwe enayi mɔ. Ali fum enayanjk fɛ abɛkɛc kɛlɔkɛ ka aka Yisrayel tɛs tɔlɔma.

²² Kɔ Yosuwe oloku: «Nɛfeni dɛkɛbɛrɛ da tɔgbɔkɛnɛ ta tɔrɔ tantɛ, nɛwurenɛ abɛ akanjɛ kɛcamɛt nɛkɛr'em ma!»

23 Kɔ awurɛ kɔ abɛ akanjɛ kɛcamɔt dɔndo dɔtɔgbɔkɛnɛ, k'anjkɛnɛ kɔ: Wɔbɛ wɔka Yerusalem, wɔbɛ wɔka Hebɔrɔn, wɔbɛ wɔka Yarmut, wɔbɛ wɔka Lakis, kɔ wɔbɛ wɔka Ekilɔn.

24 Ntɛ awurɛnɛ abɛ anjɛ k'anjkɛnɛ Yosuwe mɔ, kɔ Yosuwe ewe afum aka Yisrayel fɔp, k'oloku abɛ ɔn aka dɔkɔwan anjɛ njanckɔ dɔkɔsutɛnɛ mɔ: «Nɛɔɔnɛ nɔna nɔgbɔcɛ abɛ akanjɛ kɛcamɔt mera wɛcɔk wonu.» Kɔ afum anjɛ njalɔtɛrnɛ kɔ njanjbɔcɛ abɛ anjɛ kɛcamɔt mera, wɛcɔk wanjan.

25 Kɔ Yosuwe oloku: «Ta nɔnesɛ, ta nɔyikcɛ! Nɔyɛnk dis, nɔbɔknɛ, bawo tantɛ tɔ MARIKI kɔndekɔyɔ atɛrɛnɛ anu fɔp anjɛ nɔyi kɔsutɛnɛ mɔ.»

26 Ntɛ tencepɔr mɔ, kɔ Yosuwe osut nja, k'endif. K'ɛnjgbɛk nja tɔk kɛcamɔt darenc, kɔ njandɛtsɛ tɔk yayɔkɔ darenc hanj dɔfɔy.

27 Dec dɔrɔfɔy, kɔ Yosuwe oloku a padeti nja dɔtɔk dɔndo anagbɛk nja mɔ. K'anjkɔ pagbal nja dɔndo njanagbɔpɛnɛ mɔ, k'asuncɛ kusunja ka tɔgbɔkɛnɛ tatakɔ masar mɔpɔn. Tatakɔ tɔ pɔsɔrɔyi dɔnda hanj mɔkɔ.

Yosuwe kɔtam kɔn afum a sɔdare sɔlɔma

28 Kɔ Yosuwe ɛmban sɔ dare da Makeda dɔsɔk din dadɔkɔ, k'osut nja k'endifɛ nja dakma dɔn, kɔlɛkɛnɛ wɔbɛ kɔnan. Kɔ Yosuwe endif aka Makeda fɔp, kɔ yɔcɔl yanjan yɔkɔ yɛnayi di mɔ, ali fum ɛnamulpɔr fɛ nja. K'ɔyɔ wɔbɛ ka Makeda tɔkɔ ɛnayo wɔbɛ ka Yeriko mɔ.

29 Yosuwe kɔ aka Yisrayel fɔp njancepɔr Makeda kɔ njanjkɔ Libana, kɔ njawɛkɔrnɛ aka Libana.

30 Kɔ MARIKI kɔlɛk sɔ Libana kɔ wɔbɛ kɔnan kɔ kɔmbɛr nja aka Yisrayel dɔwaca. Kɔ aka Yisrayel njandifɔtɛ nja sakma sɔnan, kɔ afum akɔ njanayi di mɔ fɔp. Ali fum ɛnamulpɔr fɛ nja, kɔ njayɔ sɔ wɔbɛ wɔka Libana pɔmɔ tɔkɔ njanayo wɔbɛ wɔka Yeriko mɔ.

31 Yosuwe kɔ aka Yisrayel fɔp njayɛfɛ Libana kɔ njanjkɔ Lakis. Kɔ njanjkɔ njacɔmbɔr di sanja sɔnan fɔr yanjan kirin, kɔ njawɛkɔrnɛ nja.

32 Kɔ MARIKI kɔlɛk Lakis kɔ kɔmbɛr aka Yisrayel dɔwaca tataka ta mɛrɔn ntɛ, kɔ aka Yisrayel njandifɔtɛ nja sakma sɔnan, kɔ afum akɔ njanayi di mɔ fɔp, pɔmɔ tɔkɔ njanayo aka Libana mɔ.

33 Kɔ Horam wɔbɛ wɔka Keser ɛmpɛ kɔkɔmar aka Lakis. Kɔ Yosuwe osut kɔ kɔ afum ɔn, ali wɔkin ɛnasak fɛ.

34 Yosuwe kɔ afum ɔn njancepɔr Lakis, kɔ njanjkɔ Ekilɔn. Kɔ njancɔmbɔr di sanja sɔnan fɔr yanjan kirin, kɔ njawɛkɔrnɛ nja.

35 Kɔ MARIKI kɔlɛk aka Ekilɔn kɔ kɔmbɛr aka Yisrayel dɔwaca dɔsɔk din dadɔkɔ. Kɔ njandifɔtɛ nja sakma sɔnan, kɔ afum akɔ njanayi di mɔ fɔp. Kɔ Yosuwe endif nja fɔp dɔsɔk din dadɔkɔ, pɔmɔ tɔkɔ ɛnayo aka Lakis mɔ.

36 Yosuwe kɔ aka Yisrayel fɔp njayɛfɛ Ekilɔn kɔ njanjkɔ Hebɔrɔn, kɔ njawɛkɔrnɛ nja.

37 Kɔ MARIKI kɔlɛk aka Hebɔrɔn kɔ kɔmbɛr nja dɔwaca. Kɔ njandifɔtɛ nja sakma sɔnan kɔbɔp ka wɔbɛ kɔnan kɔ afum akɔ njanayi di mɔ fɔp, pɔmɔ tɔkɔ njanayo Ekilɔn mɔ. Ali fum ɛnamulpɔr fɛ Yosuwe, k'endif nja kɔlɛkɛnɛ afum akɔ njanayi di mɔ fɔp.

38 Yosuwe kɔ aka Yisrayel njanjkafɔlɔrnɛ aka Debir, kɔ njawɛkɔrnɛ nja.

39 Kɔ MARIKI kɔlɛk Debir kɔ wɔbɛ kɔnan kɔ kɔmbɛr aka Yisrayel dɔwaca. Kɔ njandifɔtɛ nja sakma sɔnan, kɔ njandif afum akɔ njanayi di mɔ fɔp. Ali fum ɛnamulpɔr fɛ nja. Kɔ Yosuwe ɔyɔ aka Debir kɔ wɔbɛ kɔnan pɔmɔ tɔkɔ ɛnayo Hebɔrɔn, Libana kɔ abɛ anjan mɔ.

40 Kɔ Yosuwe osut aka mɔrɔ kɔrɔn akakɔ fɔp, atɔf nja Nɛkɛf nde kɔca kɔtɔt ka nde dec dɛmpɛ mɔ, pɔtilsɔrnɛ di atɔf nja tantɔf, kɔ atɔf nɔjɛ nɔyɛ mɔrɔ kɔ aranta dacɔ mɔ, kɔlɛkɛnɛ ka abɛ anjan fɔp. Ali fum ɛnasak fɛ. K'endif ca nyɛ yɛncjɛsɔm mɔ fɔp, pɔmɔ tɔkɔ MARIKI Kanu ka Yisrayel, kɔnasom kɔ ti mɔ.

41 Kɔ Yosuwe ɛntam afum kɔyɛfɛ ka Kadɛs-Barneya hanj Kasa, kɔ kɔyɛfɛ antɔf nja Kosɛn fɔp hanj Kabayɔn.

⁴² Kɔ Yosuwe embanj tɔf yayɔkɔ fɛp, kɔ abe a tɔf yayɔkɔ, bawo MARIKI, Kanu aka Yisrayel, kɛncsutnɛnɛ Yisrayel.

⁴³ Yosuwe kɔ aka Yisrayel fɛp ɲalukus nde sanjka sɛɲan nde Kilkal.

11

Yisrayel kɛsutɛnɛ kɛɲan nde Merɔm

¹ Nte toloku tɛmbɛp Yabin wɔbe wɔka Hacɔr mɔ, k'osom afum nda abe alɔma: Yobab wɔbe wɔka Madɔɲ, wɔbe ka Simrɔɲ, wɔbe ka Aksaf,

² abe a kɔca kɛmeriya ka nde dec dɛmpɛ dɛmɔrɔ mɔ, nde Araba, kɔca kɛtɔt ka ntende dec dɛmpɛ Kinarot mɔ, nde pɛntilsɛrnɛ pa tɔf ya tantɔf, antɔf ɲa dɛmɔrɔ ɲa Dɔr nde dec dɛɲkalɛ mɔ,

³ aka Kanaɲ kɛyɛfɛ nde dec dɛmpɛ mɔ kɔ aka nde dec dɛɲkalɛ mɔ, aka Amɔr, aHit, aPerisi, aYebus nde dɛmɔrɔ, kɔ aHiwy nde tɔrɔ ta Hɛrmɔɲ tantɔf nde antɔf ɲa Mispɛ.

⁴ Kɔ ɲawur fɛp kɔ asɔdar aɲan, kɔ ɲayɔnɛ afum akin ayi, ɲanala pɛmɔ asɛnc nɲɛ ɲɛyi nde kɛba kɛsɛk mɔ. Fɛlɛs kɔ cibil ca kɛwan yɛnala.

⁵ Kɔ abe akanjɛ fɛp ɲalɔɲkanɛ, kɔ ɲander ɲacɛmbɛr sanjka sɛɲan nde domun da Merɔm kɛsɛk, ɲadesutɛnɛ kɔ aka Yisrayel.

⁶ Kɔ MARIKI kɛloku Yosuwe: «Ta mɛnesɛ ɲa, bawo dec dandɛ alna indɛsɔɲɛ ɲa kɛfi fɛp fɔr ya aka Yisrayel kirinj. Mɛcopu bɛnta ya fɛlɛs yanjan, mɛcɔf cibil cɛɲan.»

⁷ Yosuwe kɔ asɔdar ɔn ɲantorɔr ɲa katina dɛndo domun da Merɔm, kɔ ɲawɛkɛrnɛ ɲa.

⁸ Kɔ MARIKI kɛlɛk ɲa kɔ kɛmbɛr aka Yisrayel dɛwaca. Kɔ ɲasut ɲa kɔ ɲambɛlɛs ɲa hanj nde Sidɔɲ Sɛpɔɲ, hanj Misrefɔt-Mayim, hanj nde aranta ɲa Mispɛ nde mɔrɔ dacɔ ntende dec dɛmpɛ mɔ. Kɔ ɲandifɔt ɲa, ali fum ɛnamulpɛr fɛ ɲa.

⁹ Kɔ Yosuwe ɔyɔ ɲa pɛmɔ tɔkɔ MARIKI kɛnasom kɔ mɔ: K'oncopu bɛnta ya fɛlɛs yanjan, k'ɔncɔfɛ cibil cɛɲan ca dɛkɛwan nɛnc.

Kɛbanj ka dare dɔpɔɲ da Hacɔr

¹⁰ Tɛm tatɔkɔ, nte ɲayi kɛluksɛrnɛ mɔ, kɔ Yosuwe embanj Hacɔr, k'endifɛ wɔbe kɛɲan dakma. Cɔkɔ-cɔkɔ Hacɔr ɲɛnayɔnɛ dare dɔpɔɲ da sɛdare nɛfɛp.

¹¹ Kɔ ɲandifɔtɛ ɲa sakma, kɔ ɲandif afum akɔ ɲanayi di mɔ fɛp. Ali paka pɛɲɛsɛm pin ɲanasak fɛ, kɔ ɲancɔf Hacɔr.

¹² Kɔ Yosuwe embanj sɔ sɛdare sa abe akanjɛ fɛp, k'osumpɛr sɔ abe aɲan, k'endifɛ ɲa dakma dɔn. K'endif ɲa fɛp, pɛmɔ tɔkɔ Musa wɛcar ka MARIKI ɛnasom kɔ ti mɔ.

¹³ Mba aka Yisrayel ɲanacɔfɛ fɛ ali dare din ndɛ deyi nde mɔrɔ kɛrɔɲ mɔ, mɛnɛ dare da Hacɔr gbɛcɛrɛm ndɛ Yosuwe ɛnacɔf mɔ.

¹⁴ Kɔ aka Yisrayel ɲalɛk daka ndɛ ɲanabɛp di mɔ fɛp kɔ yɔcɔl, mba kɔ ɲandifɔtɛ afum fɛp sakma sɛɲan hanj kɔ ɲamɛlɛk ɲa. Ali paka ɲanasak fɛ mɛpɛ pɛɲɛsɛm mɔ.

¹⁵ Tɔsom nte MARIKI kɛnasom wɛcar kɔn Musa mɔ, Musa ɛnalukɛ kɛsom kanjka Yosuwe, kɔ Yosuwe ɔɲkɔtɛnɛ kɛsom kanjka. Ali tes tin ɛnadɛncɔs fɛ nte MARIKI kɛnasom Musa mɔ.

Yosuwe kɛbanj kɛn ka tɔf

¹⁶ Kɔ Yosuwe embanj ntɔf yayɔkɔ fɛp, kɛyɛfɛ dɛmɔrɔ, antɔf ɲa Nɛkɛf fɛp, antɔf ɲa Kosɛɲ, pɛtilsɛrnɛ pa ntɔf ya tantɔf, Araba, antɔf nde mɔrɔ ma Yisrayel kɔ pɛtilsɛrnɛ pa antɔf ɲa tantɔf ntende dec dɛɲkalɛ mɔ.

¹⁷ Kɛyɛfɛ ka tɔrɔ mɛpɛ pɔntɔyɔ tɔk peyi kɔca ka Seyir mɔ, hanj Bal Kad, nde mɔrɔ dacɔ ma Liban nde tɔrɔ ta Hɛrmɔɲ tantɔf, k'osumpɛrɛnɛ abe aɲan fɛp, k'endifɔt ɲa.

¹⁸ Yosuwe ɲanawon kɛsutɛnɛ kɔ abe akanjɛ.

¹⁹ Ali dare dɛnayi fɛ ndɛ dɛɲsɛk kɛtɛɲnɛ kɔ aka Yisrayel mɔ, mɛnɛ Kabayɔɲ nke aHiwy ɲanandɛ mɔ. Kɔ ɲambanj sɛdare sɛlpɛs nɛfɛ kɛsutɛnɛ disrɛ.

²⁰ Bawo deyenki bəkac danan nde MARIKI kɔ tencyefe, nte tɔnsɔne ɲaberɛ aka Yisrayel debəkac kəsutene mɔ, akakɔ ɲadifət ɲa, ta ɲaɲaɲnene ɲa mɔ, ɲamələk ɲa pəmɔ tɔkɔ MARIKI kənasom ti Musa mɔ.

²¹ Kɔ Yosuwe ɔɲkɔ sɔ pəwəkərne aka Anak ane ɲanayi nde mɔrɔ ma Hebərɔɲ, Debir, Anaba, nde mɔrɔ ma Yuda fəp, kɔ mɔrɔ ma Yisrayel mɔ. Kɔ Yosuwe endif afum aka di fəp kələkɛne sədare sɔɲan.

²² Ali wəka Anak wəkin anasak fe sɔ nde antɔf ɲa aYisrayel, mɛne ɲayi sɔ nde Kasa, nde Kat, kɔ nde Asdodi.

²³ Kɔ Yosuwe emban antɔf malməl pəmɔ tɔkɔ MARIKI kənasom ti Musa mɔ. Kɔ Yosuwe ɔsɔɲ ntɔf ya ke yayɔkɔ aka Yisrayel k'eyer yi cusunƙa nce wəco kɔ mɛrɔɲ. Kɔ antɔf ɲɔfɔr ɔɲ, kɔ kəwan kəsake.

12

Abɛ ane ɲɔ aka Yisrayel ɲanatam

¹ Abɛ ane ɲɔ aka Yisrayel ɲanatam, ɲabanɔr ɲa ntɔf yaɲan nde Yurdɛn kəsək ntende dec dempe mɔ, kəyefe ka nde kəɲgbɔkɔ ka Arnɔɲ han ɲde tɔrɔ ta Hɛrmɔɲ, kɔ Araba fəp nde dec dempe mɔ:

² Sihɔɲ wəbe ka aka Amɔr, nwe ɛnandɛ Hesbon mɔ, wəkakɔ ɛnayɔne wəbe wəka antɔf kəyefe ka Arower ɲɛ ɲeyi kəca ka nde kəɲgbɔkɔ ka Arnɔɲ mɔ, kəyefe ka nde kəɲgbɔkɔ dacɔ, kələkɛne dare da Kaladu dacɔ, han kəɲgbɔkɔ ka Yabək, nde ɲayɔ kəlɛncɔr kɔ aka Amɔɲ mɔ.

³ Debe dɔn delekɛne antɔf ɲa Araba, han ɲde kəba ka Kinarot nde dec dempe mɔ, kəkɔ ka nde kəba ka Araba, Kəba Kədokət, kəca nke dec dempe Bet Yesimɔt mɔ, kɔ kəca kətɔt ka pətəmbəlɔr pa Piska ntende dec dempe mɔ.

⁴ Antɔf ɲa Oku wəbe wəka Basan, wəRefay wəlpəs wəlɔma ɛnayi wəkakɔ, nwe ɛnandɛ Astarot kɔ Edreyi mɔ.

⁵ Wəkakɔ ɛnayɔne wəbe kəyefe ka tɔrɔ ta Hɛrmɔɲ kəkɔ ka Salka, kəbɔp ka Basan fəp, han ɲde kəlɛncɔr ka aka Kesur kɔ aka Mahaka, kɔ kəyefe antɔf ɲa Kaladu dacɔ han kəlɛncɔr ka antɔf ɲa Sihɔɲ wəbe wəka Hesbon.

⁶ Musa wəcar ka MARIKI kɔ aka Yisrayel ɲasut ɲa. Kɔ Musa wəcar ka MARIKI ɔsɔɲ cusunƙa cacɔkɔ Ruben, Kadu, kɔ kusunƙa dacɔ ka Manase ntɔf yayɔkɔ.

⁷ Abɛ ane ɲɔ Yosuwe kɔ aka Yisrayel ɲanatam nde antɔf ɲa Yurdɛn ntende dec dɛɲkale mɔ, kəyefe ka Bal Kad nde aranta ɲa Liban ɲde mɔrɔ dacɔ ntende kəca kəmeriya nke dec dempe, han tɔrɔ mpe pɔntɔyɔ tək peyi kəca ka Seyir mɔ. Kɔ Yosuwe ɔsɔɲ ntɔf yayɔkɔ aka Yisrayel, k'eyer yi cusunƙa cusunƙa nte,

⁸ nde dəmɔrɔ, nde pətilsərne pa ntɔf ya tantɔf, nde Araba, nde pətəmbəlɔr mpe pəyi mɔrɔ kɔ aranta dacɔ, nde dətɛgbərə kɔ Nɛkɛf. Nyɛ yɛnayɔne ntɔf ya aHit, aka Amɔr, aKanan, aPerisi, aHiwy kɔ aYebus.

⁹ Abɛ ane aka Yisrayel ɲanatam mɔ, ɲanayɔne aka sədare nse:

Yeriko, Hay nde Betel kəsək,

¹⁰ Yerusalem, Hebərɔɲ,

¹¹ Yarmut, Lakis,

¹² Ekilɔɲ, Keser,

¹³ Debir, Keder,

¹⁴ Horma, Arad,

¹⁵ Libana, Adulam,

¹⁶ Makeda, Betel,

¹⁷ Tapuwa, Hefer,

¹⁸ Afek, Sarɔɲ,

¹⁹ Madɔɲ, Hacɔr,

²⁰ Simrəŋ-Merəŋ, Aksaf,

²¹ Tahanak, Mekido

²² Kedes, Yokonam nde Karmel

²³ Dər nde dələtərnə Nafat Dər mə, kə Koyim nde Kilkal kəsək

²⁴ kə Tirsa.

Ti tənəkə abe wəco maas kə tin.

13

Ntəf nyε yencəme kəbaŋ mə

¹ Yosuwe enasikər, pəyənə wətem. Kə MARIKI kəloku kə: «Məsikər, məyənə oŋ wətem, kə ntəf nyε pəmar a məbaŋ mə yela.

² Ntəf nyε yecəme kəbaŋ: Ntəf ya aFilisti fəp, kə ŋa aka Kesur fəp,

³ kəyefe ka kəŋgbəkə ka Sihər nke kəŋyekse domun Misira tekirin mə, haŋ nde kələncər ka Ekəron kəca kəmeriya ka nde dec dəmpε mə, nke kəmar kəyənə ka aka Kanaŋ akə abe aFilisti aŋe kəcamət ŋayi ŋa kəron mə: Wəbe wəka Kasa, wəbe wəka Asdodi, wəbe wəka Askaləŋ, wəbe wəka Kat, kə wəbe wəka Ekəron, kələkenε antəf ŋa aka Awi.

⁴ Kəca kətət ka nde dec dəmpε mə, antəf məlməl ŋa aka Kanaŋ, Meyara, mme məyənə ma aSidəŋ mə, haŋ Afek, haŋ nde kələncər ka aka Amər.

⁵ Ntəf yəkə yencəme kəbaŋ mə yəyənə antəf ŋa Kebal, kə Libaŋ məlməl ntende dec dəmpε mə, kəyefe Bal Kad nde tərə ta Hərməŋ tantəf haŋ kəberε ka Hamat.

⁶ Ntəf ya afum aka dəmərə fəp kəyefe Libaŋ haŋ Misrefət-Mayim yencəme kəbaŋ, aka Sidəŋ ŋə ŋayənε. Təkə aka Yisrayel ŋande kəccəŋəsne mə, itə indekə iclin ŋa fər yaŋan kirin. Mədə məsəŋ antəf ŋanəkə fəp aka Yisrayel, məcyer ŋa ŋi kusunja o kusunja kə da endetəŋne mə təyənə ke kəŋan pəmə təkə ilok'am ti mə.

⁷ Məyer antəf ŋŋe cusunja nce camət-manjələ kə kusunja dacə ka Manase.»

Kəyerεnε ka antəf ŋŋe ŋeyi Yurdən kəsək ntende dec dəmpε mə

⁸ Kusunja dacə ka Manase, kə cusunja ca Ruben kə Kadu ŋanasətə ntəf ya ke yaŋan Yurdən kəsək ntende dec dəmpε mə, pəmə təkə Musa wəcar ka MARIKI enasəŋ ŋa di mə.

⁹ Anasəŋ ŋa antəf kəyefe ka Arower nde kəŋgbəkə ka Arnəŋ kəbəp ka dare dəkə deyi aranta nde mərə dacə mə, kə pəgbantəkəla pa Medeba, haŋ Dibəŋ,

¹⁰ kəbəp ka sədare sa Sihəŋ wəbe wəka aka Amər, nwe enayənə wəbe wəka Hesbon mə, haŋ nde kələncər ka aka Aməŋ.

¹¹ Kə ŋasətə sə antəf ŋa Kaladu, ntəf ya aka Kesur kə aka Mahaka, tərə ta Hərməŋ, kə Basan, haŋ Salka,

¹² kələkenε dəbe da Oku fəp nde Basan, nwe enayənə wəbe wəka Astarot kə Edreyi mə, nkən sə pəyənə fum wəlpəs wələma wəka aRefay. Kə Musa osut abe akakə, k'embaŋər ŋa ntəf yaŋan.

¹³ Mba aka Yisrayel ŋanabaŋər fe aka Kesur kə aka Mahaka ntəf yaŋan, bawo haŋ məkə aka Kesur kə aka Mahaka ŋande aka Yisrayel dacə.

¹⁴ Kusunja ka Lewy gbəcərəm k'anatəsəŋ antəf ŋa ke. Daka nde anasake ŋa mə dənayənə yolonne nyε ancəfe MARIKI Kanu ka Yisrayel, pəmə təkə enaloku ŋa ti mə.

¹⁵ Kə Musa əsəŋ aka kusunja ka Ruben antəf ŋŋe dəcor dəcor.

¹⁶ ŋa ŋanasətə antəf kəyefe Arower nde kəŋgbəkə ka Arnəŋ kə dare nde deyi mərə dacə, pəgbantəkəla pa nde Medeba,

¹⁷ kələkenε Hesbon kə sədare fəp nse səyi nde pəgbantəkəla pa Dibəŋ, Bamət Bal, Bet Bal Meyəŋ,

¹⁸ Yahas, Kedemot, Mefahat,

¹⁹ Kiriyaŋayim, Sibma, Səreŋ-Sahar nde tərə teŋeci mpe penayi aranta dacə mə,

²⁰ Bet Peyər, pətəmbələr pa Piska, kə Bet Yesimət,

²¹ Kɔ sɔdare sa pɛgbantɛkɛla, kɔ dɛbɛ da Sihɔŋ wɔbɛ wɔka Amɔr, nwe ɛnayi aka Hesbon kɔron mɔ. Musa ɛnasut ŋa, ŋa kɔ akirinŋ aka Madiyan: Efy, Rekem, Cur, Hur, kɔ Reba, nde dɛbɛ da Sihɔŋ aŋɛ ŋanandɛ dɔtɔf mɔ.

²² Aka Yisrayel ŋanadife afum alɔma sakma sɛŋan. Wɛgbal kɛsɛnc Balam wan ka Beyɔr ɛnayi ŋa daco.

²³ Kɛlɛncɛr ka antɔf ŋa aka Ruben ntende dec dɛŋkale mɔ kɛnayɔnɛ kɛŋgbɔkɔ ka Yurdɛn. Kɛ ka aka Ruben kɛnayi kɛŋkɔ dɛcor dɛcor: Sɔdare sɛpɔŋ kɔ sɔdare sɛfɛt sa si.

²⁴ Musa ɛnasɔŋ antɔf aka kusunŋka ka Kadu dɛcor dɛcor.

²⁵ Ŋa ŋanasɔtɔ dare da Yaser, sɔdare sa Kaladu, kɔ antɔf ŋa aka Amɔŋ daco haŋ dare da Arower nde dɛntɛfɛrnɛ dare da Raba mɔ,

²⁶ kɔ kɛyɛfɛ ka Hesbon haŋ dare da Ramat-Mispe, kɔ Betonim, kɛbɛp ka dare da Mahanayim haŋ nde kɛlɛncɛr ka antɔf ŋa Debir.

²⁷ Kɛ kɛŋan kɛlɛkɛnɛ sɔdare sa Bet Haram nde daranta, Bet Nimra, Sukɔt kɔ Cafɔŋ, kɔ pɛlpɛs pa dɛbɛ da Sihɔŋ wɔbɛ wɔka Hesbon, kɛlɛkɛnɛ antɔf ŋa Yurdɛn kɛsɛk ntende dec dɛmpɛ mɔ haŋ dɛkɛlɛpsɛr da kɛba ka Kinarot.*

²⁸ Kɛ ka aka Kadu kɛnayi kɛŋkɔ dɛcor dɛcor: Sɔdare sɛpɔŋ kɔ sɔdare sɛfɛt sa si.

²⁹ Musa ɛnasɔŋ kusunŋka daco ka aka Manase ntɔf dɛcor dɛcor.

³⁰ Ŋa ŋanasɔtɔ ntɔf nyɛ yɛnayɔnɛ kɛyɛfɛ Mahanayim, Basan mɛlmɛl, dɛbɛ da Oku wɔbɛ wɔka Basan fɛp kɛlɛkɛnɛ ka sɔdare wɛco camɛt-tin sa cɛbal ca antɔf ŋa Yahir nde Basan,

³¹ antɔf daco ŋa Kaladu, dare da Astarot, kɔ dare da Edreyi, sɔdare sa Oku wɔbɛ wɔka Basan. Anasɔŋ afum daco a Makir wan ka Manase antɔf ŋaŋɔkɔ dɛcor dɛcor.

³² Ntɔf yayɔkɔ yɔ Musa ɛnasɔŋɛs nde aranta ŋa Mohab, Yurdɛn kɛsɛk ntende dec dɛmpɛ mɔ, pɛntɛfɛrɛnɛ kɔ Yeriko.

³³ Musa ɛnasɔŋ fɛ kusunŋka ka Lewy antɔf ŋa kɛ: MARIKI, Kanu ka Yisrayel kɛnayɔnɛ daka danan, pɛmɔ tɔkɔ Kanu kɛnaloku ŋa mɔ.

14

Kɛyɛrɛnɛ ka antɔf ŋa Kanan

¹ Ntɔf yayɔkɔ yɔ anasɔŋɛs aka Yisrayel nde antɔf ŋa Kanan. Wɛlɔŋnɛ Elasar, Yosuwe wan ka Nun, kɔ abɛ akirinŋ a cusunŋka ŋanasɔŋ aka Yisrayel ntɔf ya kɛ.

² K'anŋot yampun-pun kɛyɛr ka ntɔf ya kɛ pɛmɔ tɔkɔ MARIKI kɛnasom Musa kɛyɛr yi, cusunŋka nɛɛ camɛt-manŋkɛlɛ kɔ kusunŋka daco ka Manase mɔ.

³ Bawo Musa ɛnasɔŋ antɔf ŋa kɛ cusunŋka canɛɛ mɛrɛŋ kɛlɛkɛnɛ ka kusunŋka daco ka Manase nde Yurdɛn kɛsɛk ntende dec dɛmpɛ mɔ, mba ɛnasɔŋ fɛ kusunŋka ka Lewy ntɔf ya kɛ aka Yisrayel daco.

⁴ Afum a awut mɛrɛŋ a Isifu ŋanayi cusunŋka mɛrɛŋ: Manase kɔ Efrayim. Ali kɛfo anasɔŋ fɛ aka kusunŋka ka Lewy, mɛnɛ sɔdare sɛndɛ kɔ cɛsɛk ca si, teta yɔcɔl nyɛ ŋanasɔtɔ mɔ.

⁵ Kɔ aka Yisrayel ŋayɔ pɛmɔ tɔkɔ MARIKI kɛnasom Musa a pɛyɛr antɔf mɔ.

⁶ Kɔ aka Yuda ŋalɔtɛrnɛ Yosuwe nde Kilkal. Kɔ Kalebi wan ka Yefune wɔka Kenisi eyif kɔ: «Mɛna mɛncɛrɛ tɔkɔ MARIKI kɛloku Musa fum wɔka Kanu te tosu mɔ, ina kɔ mɛna, nde Kadɛs-Barneya.

⁷ Meren wɛco manŋkɛlɛ m'inayɔ, tɛm nte Musa wɛcar ka MARIKI oncsom'im kɛyɛfɛ ka Kadɛs-Barneya kɛkɔtɛn mes yɔkyɔk dɔtɔf, k'inŋkɔ ilɔmɛr kɔ mes mɛnɛ intɔŋnɛ mɔ abɛkɛc ŋosoku pɛs.

⁸ Awɛnc'im aŋa aŋɛ sɛnapɛ mɔ, ŋanasɔŋɛ afum kɛtor bɛkɛc, mba ina inacɛmɛ dim da MARIKI, Kanu kem darɛŋ.

* 13:27 *Kɛba ka Kinarot* andɛŋɛr sɔ tewe ta «Kɛba ka Kalile»

⁹ Dɔsɔk dadɔkɔ dɔ Musa ɛnderɔm nte: «Ilan ti fɔ ntɔf yayɛ mɛnakɔtɛnɛ mɔ, mɛnɛ antɔf njan nɛyi yi dacɔ, antɔf njanɔkɔ nɛndeyɔn'am kɛ, mɛna kɔ awut am doru o doru, bawo mɛncɛnjɔkɔ dim da MARIKI, Kanu kem.»

¹⁰ Awa mɛgbɔtɛ nte: Nɛkɔl MARIKI kɛsɔn em kiyi ka doru, pɛmɔ tɔkɔ kɛnaloku ti mɔ. Tɛnasɔtɔ meren wɛcɔ mɛnjɔkɛ kɔ kɛcamɔt nte MARIKI kɛncloku Musa nte mɔ, nte aka Yisrayel njanckɔt dɛtɛgbɔrɛ mɔ. Nɛkɔl on, inɛwɛ isɔtɔ mɔkɔ meren wɛcɔ camɔt-maas kɔ kɛcamɔt.

¹¹ Isɔrɔtamɛnɛ pɛmɔ dɔsɔk ndɛ Musa oncsom'im mɔ. Isɔrɔyɔ fɛnɔntɔr fa kɛwan, kɛbɛrɛ kɔ kɛwur pɛmɔ tɛm tatɔkɔ.

¹² Mɛsɔn'im on antɔf ndɛ dɛmɔrɔ nɛnɛ MARIKI kɛnaloku ta nɛ dɔsɔk dadɔkɔ mɔ. Mɛnɛnɛ dɔsɔk dadɔkɔ a aka Anak nɛndɛ di sɛdare sɛpɔnɛ. Kɔ nɛlompɛs si nte tɔsɔnɛ ta atɛrɛnɛ anjan nɛntam kɛbɛrɛ. Kɔ MARIKI kɛsol em-ɛ, indɛbanɔr nɛ sɛdare sanjan pɛmɔ tɔkɔ nkɔn MARIKI kɛnalok'im ti mɔ.

¹³ Kɔ Yosuwe ontola Kanu teta Kalebi wan ka Yefune, k'ɔsɔn kɔ dare da Hebɔrɔnɛ.

¹⁴ Ti tɛnasɔnɛ Kalebi wan ka Yefune wɛka Kenisi pɛsɔtɔ dɔsɔk dadɔkɔ kɛ ka Hebɔrɔnɛ, nkɛ kɛsɔrɔyi han mɔkɔ bawo Kalebi ɛnacɛmɛ dim da MARIKI Kanu ka Yisrayel darɔnɛ.

¹⁵ Tɛwɛ ta Hebɔrɔnɛ tɔcɔkɔ-cɔkɔ tɛnayɔnɛ Kiriyat-Arba. Arba fum wɛpɔnɛ ɛnɛyi aka Anak dacɔ.

Kɛyɛfɛ tɛm tatɔkɔ kɔ antɔf nɛfɔr, kɛwan kɛyi fɛ sɔ.

15

Antɔf njan kusunɛka ka Yuda

¹ Antɔf nɛnɛ kusunɛka ka Yuda nɛsɔtɔ dɛcor dɛcor mɔ nɛnɛyɔnɛ kɛyɛfɛ ka kɛlɛncɛr ka Edɔm ndɛ tɛgbɔrɛ ta Cin ndɛ Nɛkɛf pɔnɛ dɛndo kɛca kɛtɔt ka ndɛ dec dɛmpɛ mɔ.

² Kɛlɛncɛr kɛnan kɛyɛfɛ kɛsɛr ka Kɛba Kɛdɔkɔt ndɛ kɛca kɛtɔt, kɛbɔp dobo da kɛba dɔkɔ dɛntɛfɛrɛnɛ kɔ Nɛkɛf mɔ.

³ Ipɔkɔ pɛbɔp ndɛ kɛca kɛtɔt ka Dɛkɔpɛ da Mɛkɛlɛncɛr, kɛcɛpɛr ka Cin, kɛpɛrɛnɛ ta Kadɛs Barneya, kɛcɛpɛr han Hɛcɛron, kɛpɛrɛnɛ ta Adar, kɔ kɛkɛfɛlɛr Karka.

⁴ Ki kɛcɛpɛr sɔ ta Asmɔnɛ, kɛkɔ sɔ kɛnarɛnɛ kɛnjɔbɔkɔ ka Misira, kɛlɛncɛr kayi kɛfutɛr ndɛ dɛkɛba. Kɛlɛncɛr konu kɛndɛyi kanɛkɔ ndɛ kɛca kɛtɔt ka ndɛ dec dɛmpɛ mɔ.

⁵ Ntɛndɛ dec dɛmpɛ mɔ, kɛlɛncɛr kɛnayɔnɛ Kɛba Kɛdɔkɔt han ndɛ dobo da kɛnjɔbɔkɔ ka Yurdɛn. Kɛca kɛmɛriya ka ndɛ dec dɛmpɛ mɔ, kɛlɛncɛr kɛncɔpɔp kɛyɛfɛ ka ndɛ temɛr ta kɛba, mpɛ pɛyi ndɛ dobo da Yurdɛn mɔ.

⁶ Kɛlɛncɛr kɛnan kɛpɛrɛnɛ kɛca ka Bet Hokɛla, kɛcɛpɛr ntɛndɛ kɛca kɛmɛriya han Bet Araba mɔ, kɔ kɛpɛrɛnɛ han ndɛ Tasar ta Bohan wan ka Ruben.

⁷ Kɛyɛfɛ di kɛlɛncɛr kɛnjɔkɔ Debir kɛcɛpɛr ta mɔrɔ dacɔ ndɛ aranta nɛ Akɔr, kɛkɛfɛlɛr kɛca kɛmɛriya ntɛndɛ Kilkal, ndɛ pɛntɛfɛrɛnɛ kɔ Kɛpɛ ka Adumim kɛca kɛtɔt ka kɛnjɔbɔkɔ. Kɛcɛpɛr domun da En-Sɛmɛs kɛsɔk, kɛkɔ kɛfutɛr ndɛ En-Rokɛl.

⁸ Kɛlɛncɛr kɛnapɛrɛnɛ kɛyɛfɛ ka ndɛ aranta nɛ Bɛn-Hinɔm han pɛtɛmbɛlɛr pa aka Yɛbus kɛca kɛtɔt, ndɛ pɛyɔnɛ Yɛrusalɛm mɔ, kɛpɛrɛnɛ han ndɛ tɛlɛmpan pa tɔrɔ mpɛ pɛyi aranta nɛ Hinɔm kɛca nkɛ dec dɛnjɔkɛlɛ mɔ, kɔ dɛkɛlɛpsɛr da aranta nɛ aka Refay ndɛ mɔrɔ dacɔ ntɛndɛ kɛca kɛmɛriya.

⁹ Kɛyɛfɛ ka ndɛ dɛtɛlɛmpan, kɔ kɛlɛncɛr kɛndɛr kɛkɛfɛlɛr ndɛ domun dɛncɛpɛ mɔ ndɛ Nɛftowa, kɔ kɛsolnɛ sɛdare sa tɔrɔ ta Efrɔnɛ, kɔ kɛnjɔkɛfɛlɛr sɔ Bala ndɛ pɛyɔnɛ Kiriyat-Yɛyarim mɔ.

¹⁰ Ntɛ kɛnjɔkɛfɛlɛr Bala ntɛndɛ dec dɛnjɔkɛlɛ mɔ, kɛca ka ndɛ mɔrɔ ma Seyir, kɔ kɛncɛpɛr pɛtɛmbɛlɛr pa Tɔrɔ ta Yɛyarim ntɛndɛ kɛca kɛmɛriya, it'ɔyɔnɛ Kɛsalɔnɛ, kɛtɔr Bet Sɛmɛs, kɔ kɛcɛpɛrɛnɛ Timna.

¹¹ Kɛnarɛnɛ pɛtɛmbɛlɛr pa Ekɛron kɛca kɛmɛriya, kɛkɛfɛlɛr ntɛndɛ dec dɛnjɔkɛlɛ mɔ ndɛ Sikɛrɔnɛ, kɛcɛpɛrɛnɛ ndɛ Tɔrɔ ta Bala, kɛkɔ kɛnarɛnɛ Yabanel, kɔ kɛcɔnɛnɛ kɛfutɛr ndɛ dɛkɛba.

¹² Cələncər ca ntende dec dəŋkalə mə cənayənə Kəba Kəpəŋ kə agbep ɲa ki. Tante tə aka kusunƙa ka Yuda ɲanayə cələncər ca antəf ɲaɲan dəcor dəcor.

¹³ K'asəŋ Kalebi wan ka Yefune dare da Kiriyat Arba aka kusunƙa ka Yuda dacə, pəmə təkə MARIKI kənaloku ti Yosuwe mə. Kiriyat-Arba kəyənə Hebərəŋ. Arba enayənə papa wəka aka Anak.

¹⁴ Kə Kalebi embanjər atəf ɲa aka Anak aɲe maas dəndo: Sesay, Ahiman, kə Talmay, ɲa ɲanayənə afum a Anak.

¹⁵ Kəyefə dəndo kə Kalebi emperne kəkəwəkərne afum a dare da Debir. Debir də ancwe cəkə-cəkə Kiriyat-Sefer.

¹⁶ Kə Kalebi oloku: «Məna nwe məɲsut aka Kiriyat-Sefer məbanjər ɲa di mə, isəŋ'am Aksa wan kem wəran mənəncə.»

¹⁷ Otniyel wan ka Kenas wənc ka Kalebi embanjər ɲa di. Kə Kalebi əsəŋ kə wan kən wəran Aksa kənəncə.

¹⁸ Ntə Aksa ender mə, k'emperne wos abəkəkə kəkəwer ka kas Kalebi abəf. Aksa əŋkətor səfale kəron, kə kas Kalebi eyif kə: «Ake məfan-ε?»

¹⁹ Kə wan wəran nwe oloku kas fə: «Mətolan'em, bawo məsəŋ'im antəf nde kəca kətət, məpoc'em sə antəf nde domun dəncpə mə.» Kə Kalebi əsəŋ kə antəf ɲətət ɲe domun dəncpə dəntəf nde dətərə kə nde daranta mə.

²⁰ Ntəf yayəkə yə kusunƙa ka aka Yuda ɲanasətə kəyer ka ke disre dəcor dəcor.

²¹ Sədare nse səyi dəkələpsər da antəf ɲa kusunƙa ka Yuda mə ntende kələncər ka Edəm nde Nəkəf kəca kətət ntende dec dəmpə mə. Si sənayənə: Kabəcel, Eder, Yakur,

²² Kina, Dimona, Adada,

²³ Kədəs, Hacər, Yitnan,

²⁴ Sif, Telem, Beyalət,

²⁵ Hacər-Hadata, Keriyət-Həcəron nke kəyənə Hacər mə,

²⁶ Amam, Sema, Molada,

²⁷ Hasar-Kada, Hesbon, Bet Palet,

²⁸ Hasar-Suhal, Berseba, Bisiyoteya,

²⁹ Bala, Hiyim, Həsəm,

³⁰ Eltoladu, Kesil, Horma,

³¹ Cikəlak, Madamana, Saɲsana,

³² Lebayot, Silhim, Ayin kə Rimon. Kəberənə ka sədare sasəkə fəp səkə sədare wəco mərəŋ kə camət-maɲkələ (29) kə sədare səfət sa si.

³³ Sədare nse səyi aranta nde pəntilsərne pa antəf ɲa tantəf mə: Estəl, Corha, Asna,

³⁴ Sanowa, En-Kanim, Tapuwa, Enam,

³⁵ Yarmut, Adulam, Soko, Aseka,

³⁶ Sarayim, Aditayim, kə Kedera nke aɲwe sə Kederotayim mə. Sədare wəco kə maɲkələ (14) kə sədare səfət sa si.

³⁷ Cenan, Hadasa, Mikədal-Kad

³⁸ Dilhan, Mispə, Yokətel,

³⁹ Lakis, Bocəkət, Ekiləŋ,

⁴⁰ Kabon, Lahamas, Kitəlis,

⁴¹ Kederət, Bet Dakəŋ, Nahama, kə Makeda. Si sənayənə sədare wəco kə camət-tin (16) kə sədare səfət sa si.

⁴² Libana, Hətər, Asan,

⁴³ Yifta, Asna, Necibi,

⁴⁴ Keyila, Akəsibu kə Maresa. Si sənayənə sədare camət-maɲkələ (9) kə sədare səfət sa si.

⁴⁵ Ekəron, kə sədare səfət sa di,

⁴⁶ kəyefə ka Ekəron sədare nse səyi Asdodi kəsək mə fəp,

⁴⁷ Asdodi kɔ sɔdare sɔfɛt sa di, Kasa kɔ sɔdare sɔfɛt nɛ sɔyi di kɛsɛk mɔ, haŋ nde kɛŋgbɔkɔ ka Misira, haŋ nde Kɛba Kɛpɔŋ kɔ agbɛp ŋa ki.

⁴⁸ Nde dɛmɔrɔ: Samir, Yatir, Soko,

⁴⁹ Dana, Kiriyat-Sana, nde pɔyɔnɛ Debir mɔ,

⁵⁰ Anaba, Esitemo, Anim,

⁵¹ Kɔsɛŋ, Holon kɔ Kilo. Si sɔyɔnɛ sɔdare wɛco kɔ pin (11) kɔ sɔdare sɔfɛt sa si.

⁵² Araba, Ruma, Esan,

⁵³ Yanum, Bet Tapuwa, Afeka,

⁵⁴ Humeta, Kiriyat-Arba nde pɔyɔnɛ Hebɛrɔŋ mɔ, kɔ Cihɛr. Si sɔyɔnɛ sɔdare camɛt-manɔkɛ (9) kɔ sɔdare sɔfɛt sa si.

⁵⁵ Mahon, Karmel, Sif, Yuta,

⁵⁶ Yisrel, Yɔkdeham, Sanowa,

⁵⁷ Kayin, Kibeya, kɔ Timna. Si sɔyɔnɛ sɔdare wɛco (10) kɔ sɔdare sɔfɛt sa si.

⁵⁸ Halhul, Bet Cur, Kedɔr,

⁵⁹ Maharat, Bet Anot, kɔ Eltɛkon. Si sɛnayɔnɛ sɔdare camɛt-tin (6) kɔ sɔdare sɔfɛt sa si.

⁶⁰ Kiriyat Bal nde pɔyɔnɛ Kiriyat-Yeyarim mɔ, kɔ Raba, si sɛnayɔnɛ sɔdare mɛrɛŋ (2) kɔ sɔdare sɔfɛt sa si.

⁶¹ Nde dɛtɛgbɛrɛ: Bet Araba, Midin, Sekaka,

⁶² Nibɛsan, Hir-Mela*, kɔ En-Kedi, si sɛnayɔnɛ sɔdare camɛt-tin (6) kɔ sɔdare sɔfɛt sa si.

⁶³ Aka kusunɔka ka Yuda ŋanatam fɛ kɛbaŋɛr aYebus aŋɛ ŋanandɛ Yerusalem mɔ, kɔ aYebus ŋandɛ kɔ aka kusunɔka ka Yuda nde Yerusalem haŋ mɔkɔ.

16

Antɔf ŋa kɛ ŋa kusunɔka ka Isifu

¹ Ntɔf nyɛ anasɔŋ aka kusunɔka ka Isifu mɔ yɛnayɔnɛ, ntɛ aŋkot yampun-pun mɔ, kɛyɛfɛ ka Yurɔdɛn nde Yeriko kɛsɛk kɛca ka ntende domun da Yeriko ntende dec dɛmpɛ mɔ, kɛcɛpɛr ka dɛtɛgbɛrɛ kɛpɛrnɛ ka Yeriko kɛkɔ ka nde dɛmɔrɔ ma Betel.

² Ki kɛcɛpɛr Betel kɔ Lus, kɛkɔ kɛcɛpɛr kɛca ka kɛlɛncɛr ka aka Arki nde Atarot,

³ kɛtor ntende dec dɛŋkalɛ mɔ, kɛca ka kɛlɛncɛr ka aYafɛlet haŋ nde antɔf ŋa Bet Horon-Tantɔf, haŋ Keser kɛkɔfutɛr nde dɛkɛba.

⁴ Kɛ kaŋkɔ cusunɔka ca Efrayim kɔ Manase awut a Isifu ŋanasɔtɔ.

⁵ Antɔf ŋa aka Efrayim ŋɔ ŋaŋɛ dɛcor dɛcor: Kɛlɛncɛr kɔ kɛ kɛŋan kɛnayɔnɛ ntende dec dɛmpɛ mɔ, Atarot Adar haŋ Bet Horon Takɛrɔŋ.

⁶ Kɛlɛncɛr kɛnabɛp Kɛba Kɛpɔŋ ntende dec dɛŋkalɛ mɔ, kɛca ka Mikɛmetat ntende kɛca kɛmeriya. Kɛkɛfɛlɛr ntende dec dɛmpɛ mɔ, kɛca ka Tahanat-Silo, kɛcali ntende dec dɛmpɛ mɔ, kɛca ka Yanoha.

⁷ Kɔ kɛyɛfɛ Yanoha, kɔ kɛntɔr Atarot kɔ Nahara, kɔ kaŋkɔ kɛsɛŋkɛlɛr Yeriko, kɔ kaŋkɔ kɛnarnɛ Yurɔdɛn.

⁸ Kɛyɛfɛ Tapuwa, kɔ kɛlɛncɛr kaŋkɔ kɛca nɛ dec dɛŋkalɛ mɔ, ntende kɛŋgbɔkɔ ka Kana kɛkɛnarnɛ nde dɛkɛba. Kɛ kaŋkɔ kɔ kusunɔka ka Efrayim ŋanasɔtɔ dɛcor dɛcor,

⁹ kɛlɛkɛnɛ ka sɔdare nɛ anacɛmbɛrɛ aka Efrayim nde antɔf ŋa kɛ ka Manase mɔ, kɛlɛkɛnɛ sɔdare sɔfɛt sa si.

¹⁰ Ŋa sɔ ŋanabaŋɛr fɛ aKanan aŋɛ ŋandɛ Keser mɔ, aKanan ŋandɛ afum a Efrayim daco haŋ mɔkɔ, mba ŋayi acar aŋɛ ŋambɛcɛ afum a Efrayim mɔ daco.

17

¹ Anacɛmbɛrɛ sɔ kusunɔka ka Manase coco ca Isifu atɔf ŋa kɛ. Awut a Makir coco ca Manase papa wɛka Kaladu, ŋanasɔtɔ antɔf, bawo fum wɛka kɛwan ɛnayi. Anacɛmbɛrɛ ŋa Kaladu kɔ Basan.

* 15:62 *Hir-Mela* ti tɔyɔnɛ «Dare da Mɛr.»

² Anacəmbəre sɔ afum a Manase alpəs antɔf ɲa ke dəcɔr dəcɔr, kələkɛnɛ afum a Abiyeser, a Helek, a Asriyel, a Sɛkɛm, a Hefer, kɔ afum a Semida. Awut arkun a Manase wan ka Isifu ɲanayi akakɔ dəcɔr dəcɔr.

³ Celofahad wan ka Hefer, wan ka Kaladu, wan ka Makir, wan ka Manase, ɛnayo fe wan wərkun, mɛnɛ awut aran. Mewe maɲan mɛmɛ: Mahala, Noha, Hokəla, Milka, kɔ Tirsə.

⁴ Kɔ awut aran aɲɛ ɲaɲkɔ fɔr ya wəlɔɲnɛ Elasar, Yosuwe wan ka Nun kɔ akirin, kɔ ɲaloku: «MARIKI kənasom Musa a pasɔɲ sɔ sənə ke awɛnc asu dacɔ.» K'asɔɲ ɲa ke awɛnc aɲan dacɔ pəmɔ tɔkɔ MARIKI kənaloku ti mɔ.

⁵ K'anacəmbəre Manase ntɔf wəco, kələkɛnɛ antɔf ɲa Kaladu kɔ ɲa Basan nɲɛ ɲeyi Yurdɛn kəca kəɲkɔ ntende dec dɛmpɛ mɔ,

⁶ bawo awut aran a kusunɲa ka Manase ɲanasɔtɔ ke awut arkun a kusunɲa ɔn dacɔ. Kɔ antɔf ɲa Kaladu ɲoyɔnɛ ɲa awut arkun alpəs a kusunɲa ka Manase akɔ.

⁷ Kəlɛncɛr ka Manase kənckɔ kəyɛfɛ Aser haɲ Mikəmetat, nde pəntɛfərənɛ kɔ Sɛkɛm, kəkɔ kəca kətɔt ntende antɔf ɲa aka En-Tapuwa.

⁸ Atɔf ɲa Tapuwa ɲa Manase ɲɛnayi, mba dare da Tapuwa, nde dɛnayi kəlɛncɛr ka Manase kəronɲ mɔ, aka kusunɲa ka Efrayim ɲɔ ɲanapaɲnɛ di.

⁹ Kəlɛncɛr kəɲkɔ kənctor nde kəɲgbəkɔ ka Kana. Sədare səlɔma sa Efrayim sənayi sədare sa Manase dacɔ nde kəca kətɔt ka kəɲgbəkɔ ntende dec dɛmpɛ mɔ. Ntende dec dɛɲkalɛ mɔ, kəlɛncɛr ka Manase kənɔfutər dəkəba.

¹⁰ Itɔ tatɔkɔ antɔf ɲa kusunɲa ka Efrayim ɲɛnayi kəca kətɔt ka nde dec dɛmpɛ mɔ, k'antɔf ɲa Manase ɲeyi kəca kəmeriya. Kəba kənayɔnɛ ɲa kəlɛncɛr ka nde dec dɛɲkalɛ mɔ, antɔf ɲaɲan ɲɛmbəp antɔf ɲa Aser ntende kəca kəmeriya, kɔ ɲɛmbəp antɔf ɲa Yisakar ntende dec dɛmpɛ mɔ.

¹¹ Anacəmbəre kusunɲa ka Manase sədare nɛ nde ntɔf ya Aser kɔ Yisakar: Bet San, Yibəleham, afum aka Dɔr , afum aka En-Dɔr, afum aka Tahanak, kɔ afum aka Mekido, sədare sa Nafet maas, kɔ sədare səfɛt səfɛt sa si fəp.

¹² Aka Manase ɲanatam fe kəbaɲ ka sədare sasɔkɔ, bawo aka Kanaɲ sɔ ɲafan kəyi ka atɔf ɲaɲkɔ.

¹³ Ntɛ aka Yisrayel ɲandesɔtɔ fənɔntər mɔ, kɔ ɲancəmbər aka Kanaɲ yɛbɛc yaɲan, mba ɲanatam fe kəbaɲər ɲa antɔf məlməl.

¹⁴ Kɔ afum a Isifu ɲaloku Yosuwe ntɛ mɔ: «Ta ake tɔ məsɔɲ em tofo tin gbɔɲ ke-ɛ? Məncərə a afum em ɲala, bawo kətolanɛ ka MARIKI kəsərɔy'im darəɲ haɲ ndɛkəl.»

¹⁵ Kɔ Yosuwe oloku ɲa: «Kɔ məyɔ afum alarəm-ɛ, məpɛ nde dəkulum, məkɔ məcəpəs kəfo nde ntɔf ya aPerisi kɔ aRefay, bawo antɔf nde mərə ma Efrayim ɲɛwɛkɛn'am.»

¹⁶ Kɔ aka Isifu ɲaloku: «Antɔf ɲa nde mərə nɲɛ ɲɔfɔtəɲnɛ su kəndɛ. Ta mɛrəɲ ta ti, cibil ca kəwan ca fɛc cəyi nda aKanaɲ aɲɛ ɲayi nde aranta ɲa di mɔ, aɲɛ ɲayi aranta ɲa Bet San kɔ sədare səfɛt sa di, kɔ akɔ ɲayi nde aranta ɲa Yisrel nde mərə dacɔ mɔ.»

¹⁷ Kɔ Yosuwe oloku aka cusunɲa ca Isifu, Manase kɔ Efrayim: «Afum alarəm ɲɔ nəyɔnɛ, kɔ nəyɔ sɔ fənɔntər. Nəfɔdeyɔ kəfo kin gbɔɲ,

¹⁸ mba nəɲyɔ antɔf ɲa dəmərə məlməl. Ali ntɛ ɲoyɔnɛ kulum mɔ, nəndəcəpəs ki, ntɔf fəp yendeyɔnɛ yonu. Nəndebaɲər aKanaɲ antɔf ɲaɲan, ali ntɛ ɲayɔ cibil ca fɛc kɔ ɲayɔ sɔ fənɔntər mɔ.»

18

Kəyer ka ntɔf cusunɲa cəlpəs

¹ Kɔ aka Yisrayel fəp ɲalonkanɛ Silo, kɔ ɲacəmbər di aɲgbancan ɲa dəkəbərənɛ kɔ Kanu. ɲanabaɲ antɔf, ɲeyi ɔɲ kiyi kəɲan.

² Mba pəncəmə cusunɲa camət-mɛrəɲ ca aka Yisrayel aɲɛ ɲanatɔ-sɔtɔ kərəsna ke kəɲan mɔ.

³ Kɔ Yosuwe oloku aka Yisrayel: «Ake tɛm tɔ nɛndesak kɛdɛncɛs kɛlɛk ka kɛ nkɛ MARIKI, Kanu ka awisi ɛɲa kɛsɔŋ'un mɔ?»

⁴ Nɛwure afum maas maas dɛcusuŋka dɛcusuŋka. Isom ɲa ɲandeyɛfɛ ɲakɔtɛnɛ antɔf ɲakɔkɛ ɲapirint ɲi, ɲader ɲasɔŋ'im.

⁵ ɲandeyɛrɛnɛ antɔf mopoc camɔt-mɛrɔŋ. Aka Yuda ɲaŋkɔyi Nɛkɛf, antɔf ɲaŋan ntende kɛca kɔtɔt ka nde dec dɛmpɛ mɔ, kɔ aka kusuŋka ka Isifu ɲa ɲayi nde antɔf ɲaŋan ntende kɛca kɛmeriya.

⁶ Kɔ nɛna nɛkɔ nɛkɔkɛ atɔf mofo camɔt-mɛrɔŋ, nɛde nɛlok'im ti nnɔ. Kɛkot'on k'inder yampun-pun fɔr ya MARIKI Kanu kosu kirin.

⁷ Mba aLewy ɲa ɲafɔsɔtɔ antɔf ɲa kɛ nɛna dacɔ, bawo ɲa ɲatɔmpɛr teta MARIKI, ti tɔyɔnɛ kɛ kɔŋan. Kɔ Kadu, Ruben kɔ kusuŋka dacɔ ka Manase ɲanasɔtɔ nde Yurdɛn kɛsɛk ntende dec dɛmpɛ mɔ kɛ kɔŋan nkɛ Musa wɛcar ka MARIKI ɛnasɔŋ ɲa mɔ.»

⁸ Kɔ afum ɛɲɛ ɲayɛfɛ, kɔ ɲaŋkɔ. Yosuwe ɛnaloku akɔ ɛnasom kɛkɔcic mɛgbɛkɛrɛ maŋan ma antɔf mɔ nte: «Nɛkɔ nɛnɔŋkɛr antɔf, nɛkɔkɛ nɛder nɛlok'im, bawo kɛkot'on k'inder yampun-pun fɔr ya MARIKI kirin teta kɛyɛrɛnɛ ka antɔf nde Silo.»

⁹ Kɔ afum ɛɲɛ ɲaŋkɔ, kɔ ɲancali antɔf, kɔ ɲacic dɛbuk tɔkɔkɛ ta mofo mmɛ camɔt-mɛrɔŋ, sɛdare sɛdare. Kɔ ɲaluksɛrɛnɛ nnɔ Yosuwe eyi mɔ, nde saŋka sa Silo.

¹⁰ Kɔ Yosuwe ɔŋkɔtɛ ɲa yampun-pun fɔr ya MARIKI kirin nde Silo, k'eyer antɔf ɲa Yisrayel afum akanɛ dacɔ, pɛmɔ tɔkɔ anayer mɔ.

Antɔf ɲa Benyamin

¹¹ K'ɛŋkot yampun-pun kɛyɛr ka kɛ ka kusuŋka ka aka Benyamin dɛcor dɛcor, ancɛmbɛr ɲa antɔf nde kusuŋka ka Yuda kɔ kusuŋka ka Isifu dacɔ.

¹² Kɛca kɛmeriya ka nde dec dɛmpɛ mɔ, kɔ kɛlɛncɛr kɔŋan kɛncɔp kɛyɛfɛ ka Yurdɛn. Kɔ kɛmpɛrɛnɛ pɛtɛmbɛlɛr pa Yeriko kɛca kɛmeriya, kɔ kɛmpɛrɛnɛ mɔrɔ ntende dec dɛŋkalɛ mɔ, kɛkɔ kɛfutɛr ntende dɛtɛgbɛrɛ ta Bet Awɛn.

¹³ Kɛlɛncɛr kɔŋan kɛccɛpɛr Lus, kɔ nde pɛtɛmbɛlɛr pa Lus, nde pɛyɔnɛ Betel kɛca kɔtɔt ka ntende dec dɛmpɛ mɔ, kɔ kɛntɔr Atarot Adar, kɔ kɛmpɛ tɔrɔ tɔkɔ teyi kɛca kɔtɔt Bet Horon-Tantɔf mɔ.

¹⁴ Ntende dec dɛŋkalɛ mɔ, kɔ kɛlɛncɛr kɛŋkafɛlɛr ntende kɛca kɔtɔt kɛyɛfɛ ka tɔrɔ nte tentɛfɛrɛnɛ kɔ Bet Horon kɛca kɔtɔt mɔ, kɔ kɛŋkɔ kɛnarnɛ Kiriyat Bal, nde pɛyɔnɛ Kiriyat-Yeyarim, dare da aka kusuŋka ka Yuda. Tatɔkɔ tɔ kɛlɛncɛr ka ntende dec dɛŋkalɛ mɔ kɛnafɛntɛrɛ.

¹⁵ Kɛlɛncɛr ka kɛca kɔtɔt nde dec dɛmpɛ mɔ kɛcyɛfɛ Kiriyat-Yeyarim, kɛkɛnarnɛ nde domun dɛncpɛ mɔ nde Nɛftowa.

¹⁶ Kɛlɛncɛr kɛŋkɔ kɛctor dɛkɛlɛpsɛr da mɔrɔ mmɛ mɛntɛfɛrɛnɛ kɔ aranta ɲa Bɛn-Hinɔm mɔ, kɛca kɛmeriya ka nde dec dɛmpɛ aranta ɲa aRefay mɔ. Kɛsolnɛ aranta ɲa Hinɔm nde mɔrɔ dacɔ, pɛtɛmbɛlɛr pa aYebus ntende kɛca kɔtɔt ka nde dec dɛmpɛ mɔ, ki kɛtor haŋ En-Rokɛl.

¹⁷ Kɔ kɛŋkafɛlɛr kɛca kɛmeriya ka nde dec dɛmpɛ mɔ, kɛkɔ kɛnarnɛ En-Sɛmɛs, kɛccɛpɛr kɛkɔ kɛsumpɛr Kelilot, nde pɛntɛfɛrɛnɛ kɔ Kɛpɛ ka Adumim, kɛkɔ kɛtor nde Tasar ta Bohan wan ka Ruben.

¹⁸ Kɛkɔ kɛccɛpɛr pɛtɛmbɛlɛr pa kɛca kɛmeriya ka tɔrɔ nde dec dɛmpɛ mɔ, nde pɛntɛfɛrɛnɛ kɔ Araba, kɔ kɛntɔr nde Araba disrɛ.

¹⁹ Kɛlɛncɛr kɛŋkɔ kɛccɛpɛr nde pɛtɛmbɛlɛr pa kɛca kɛmeriya ka nde dec dɛmpɛ Bet Hokɛla mɔ, kɛkɔfutɛr nde dobo da Kɛba Kɛdokɛt ntende kɛca kɛmeriya ka nde dec dɛmpɛ mɔ, ntende dobo da kɛŋgbɔkɔ ka Yurdɛn kɛca kɔtɔt ka nde dec dɛŋkalɛ mɔ, tatɔkɔ tɔ kɛlɛncɛr ka kɛca kɔtɔt kɛnafɛntɛrɛ.

²⁰ Ntende dec dɛmpɛ mɔ, Yurdɛn yɛnayɔnɛ kɛlɛncɛr.

Kɛ ka aka kusuŋka ka Benyamin kɛnayi kɛŋkɔ dɛcor dɛcor, kɔ cɛlɛncɛr cɛŋan fɛp.

21 Sədare sa kusunjka ka Benjyamin sənayi nse dəcor dəcor: Yeriko, Bet Hokəla, Hemek-Kecic,
 22 Bet Araba, Cemarayim, Betel,
 23 Awim, Para, Hofra,
 24 Kefar-Amoni, Hofni kə Kebe, sədare wəco kə mērəŋ (12) kə sədare səfət sa si.
 25 Kabayəŋ, Rama, Beyerot,
 26 Misper, Kefira, Mosa,
 27 Rekeḿ, Yirpel, Tarala,
 28 Cela, Helef, Yebus yi yəyənə Yerusaləḿ, Kibeya kə Kiriyaṭ, sədare wəco kə maŋkələ (14) kə sədare səfət sa si. Ke ka aka kusunjka ka Benjyamin kənayi kaŋkə dəcor dəcor.

19

Antəf ɲa kusunjka ka Simeyəŋ

1 Topoc ta mērəŋ mpe anawure mə pənayənə pa kusunjka ka Simeyəŋ dəcor dəcor. Ɗa ɲanasəṭə ke kəŋan awut a Yuda daco.
 2 Kə ɲa ɲasəṭə ke nke kəyənə sədare sa Berseba, Seba, Molada,
 3 Hasar-Suhala, Bala, Heḿem,
 4 Eltoladu, Betula, Horma,
 5 Cikəlak, Bet Markabot, Hasar-Susa,
 6 Bet Lebayot kə Saruhen, sədare wəco kə maas (13) kə sədare səfət sa si.
 7 Ayin, Rimon, Heṭer kə Asan, sədare maŋkələ kə sədare səfət sa si,
 8 kələkənə ka sədare səfət səfət səkə sənəŋkər sədare sasəkə mə fəp, haŋ nde Balat-Ber nde pəyənə Ramat-Nekəf mə. Ke ka aka kusunjka ka Simeyəŋ kənayi kaŋkə dəcor dəcor.
 9 Atəf ɲa ke ka kusunjka ka Simeyəŋ, ke ka kusunjka ka Yuda ɲ'anabelər ki, bawo ke kəŋan kənabəkər ɲa pəpəŋ, ke kəŋan disre anasəṭənə kusunjka ka Simeyəŋ ke kəŋan.

Antəf ɲa Sabulon

10 Topoc ta maas pənayənə ke ka kusunjka ka Sabulon dəcor dəcor. Kələncər kəŋan kənəkə haŋ Saridi.
 11 Kəpərne kəca nke dec deŋkələ mə, kə kəca ka Marala, kəkə kəgbuɲənə Dabaset, kəyefe dənda kəkə nde kəŋgbəkə ka Yokonam tekiriŋ mə.
 12 Nte kəyefe Saridi mə, kə kələncər kəŋkafələ kəca nke dec dəmpə mə ntende kələncər ka Kislət-Tabor, kəkə kənarnə Daberat, kə kəpərne Yafiya.
 13 Kə kəyefe dəndo kə kəncepər ntende dec dəmpə Kat-Hefer, kə Et-Katsin, kəkə kənarnə Rimon, kə kəkafələr haŋ Neha.
 14 Kə kələncər kaŋkə kəŋkə kəkafələr ntende kəca kəmeriya ka nde dec dəmpə Hanaton mə, kəkə kəfutər nde mərə daco nde aranta ɲa Yifta-El.
 15 Ke kəŋan kələkənə Katat, Nahalal, Simrəŋ, Yidala, kə Bet Leḿem. Ɗanasəṭə sədare wəco kə mērəŋ (12), kə sədare səfət sa si.
 16 Antəf ɲa ke ɲa aka Sabulon kənayi kaŋkə dəcor dəcor, sədare səpəŋ sasəkə kə sədare səfət sa si.

Antəf ɲa Yisakar

17 Topoc ta maŋkələ pənayənə pa Yisakar, ke ka kusunjka ka Yisakar dəcor dəcor.
 18 Kələncər kəŋan kənəkə haŋ Yisrel, Kesulət, Sunem,
 19 Hafarayim, Siyəŋ, Anaharat,
 20 Rabit, Kisiyon, Abec,
 21 Reḿet, En-Kanim, En-Hada kə Bet Pacəc.
 22 Kələncər kəŋan kəŋkə kəgbuɲənə Tabor, Sahacima, Bet Səḿes, kəkə kəfutər Yurdən, sədare wəco kə camət-tin (16) kə sədare səfət sa si.

²³ Kε ka kusun̄ka ka aka Yisakar k̄anayi kan̄k̄o d̄acor d̄acor, s̄adare s̄ap̄oñ sas̄ok̄o k̄o s̄af̄et sa si.

Ant̄of̄na Aser

²⁴ Topoc ta k̄acam̄at m̄pe p̄enawur m̄o p̄enaȳone pa kusun̄ka ka Aser d̄acor d̄acor.

²⁵ Na ñanaȳo k̄al̄anc̄ar k̄aȳefe ka Helkat, k̄ak̄o Hali, Beten, Aksaf,

²⁶ Alamelek, Hamhadu k̄o Misal, k̄ak̄o k̄agbuñene t̄or̄o ta Karmel k̄o Sih̄ar-Libnat,

²⁷ k̄o k̄añk̄o k̄akaf̄al̄ar k̄eca n̄ke dec dem̄pe m̄o, nde Bet Dak̄oñ, k̄ak̄o s̄o k̄agbuñene Sabulon, k̄o nde aranta ña Yifta-El nde m̄or̄o dac̄o ntende k̄eca k̄ameriya ka nde dec dem̄pe Bet Hemek k̄o Neyel m̄o, k̄ak̄o k̄anarne Kabul, k̄eca k̄ameriya,

²⁸ k̄o k̄eca ka Eb̄ar̄oñ, Rehobo, Hamon k̄o Kana, hañ Sid̄oñ dare d̄ap̄oñ.

²⁹ K̄o k̄al̄anc̄ar kan̄k̄o k̄añk̄o k̄akaf̄al̄ar k̄eca ka Rama hañ nde dare da san̄ka da Tir, k̄o k̄eca ka Hosa, k̄o k̄añk̄o k̄afut̄ar nde d̄ak̄aba, k̄acep̄arene ta Ak̄asibu,

³⁰ k̄al̄eken̄e ka Huma, Afek k̄o Rehobo, s̄adare w̄aco m̄er̄oñ k̄o m̄er̄oñ (22) k̄o s̄adare s̄af̄et sa si.

³¹ Kε ka kusun̄ka ka Aser k̄anayi kan̄k̄o d̄acor d̄acor, s̄adare s̄ap̄oñ sas̄ok̄o k̄o s̄af̄et sa si.

Ant̄of̄na Naftali

³² Topoc ta cam̄at-tin p̄enaȳone ke ka kusun̄ka ka Naftali d̄acor d̄acor.

³³ K̄al̄anc̄ar k̄añan k̄anck̄o k̄aȳefe ka Helef k̄o k̄at̄ok̄ k̄ap̄oñ k̄añk̄o k̄ayi Cananim k̄as̄ak̄ m̄o, k̄acep̄ar ta Adami N̄ek̄eb k̄o Yabanel, hañ Lakum, k̄o k̄añk̄o k̄afut̄ar Yurden.

³⁴ K̄o k̄al̄anc̄ar kan̄k̄o k̄añk̄o k̄akaf̄al̄ar ntende dec den̄k̄ale Asn̄ot-Tabor m̄o, k̄o k̄añk̄o k̄anarne Huk̄ok̄, k̄o k̄añk̄af̄al̄ar Sabulon k̄eca k̄at̄ot̄ ka ntende dec dem̄pe m̄o, nde Aser k̄eca n̄ke dec den̄k̄ale m̄o, k̄o Yuda. Yurden yeyi k̄al̄anc̄ar kan̄k̄o nde dec dem̄pe m̄o.

³⁵ S̄adare sa san̄ka sas̄ok̄o s̄enaȳone: Cidim, Cer, Hamat, Rakat, Kineret,

³⁶ Adama, Rama, Hac̄or,

³⁷ K̄edes, Edreyi, En-Hac̄or,

³⁸ Yiron, Mik̄adal-El, Horem, Bet Hanat k̄o Bet Sem̄es, s̄adare w̄aco k̄o cam̄at-man̄k̄ale (19) k̄o s̄adare s̄af̄et sa si.

³⁹ Kε ka kusun̄ka ka Naftali k̄anayi kan̄k̄o d̄acor d̄acor, s̄adare s̄ap̄oñ k̄o s̄adare s̄af̄et sa si.

Ant̄of̄na Dan

⁴⁰ Topoc ta cam̄at-m̄er̄oñ m̄pe p̄enawur m̄o p̄enaȳone ke ka kusun̄ka ka Dan d̄acor d̄acor.

⁴¹ Anac̄amb̄are ña Corha, Est̄ol, Hir-Sem̄es,

⁴² Sahalabin, Ayalon, Yitala,

⁴³ Elon, Timna, Ek̄aron,

⁴⁴ Elteke, Kibeton, Balat,

⁴⁵ Yehudu, Bene Berak, Kat-Rimon,

⁴⁶ Domun da Yarkon k̄o Rakon, k̄o ant̄of̄ ñak̄o ñent̄ef̄arene k̄o Yafa m̄o.

⁴⁷ N̄te ke k̄añan, at̄of̄ ñañan ñende ñ̄as̄ol̄ar ña m̄o, k̄o awut a Dan ñañk̄o ñawek̄arne aka Les̄em k̄o ñandif̄ ña. K̄o ñambañ ant̄of̄ ñañok̄o, k̄o ñoȳone ñañan, k̄o ñande di, k̄o ñawe di Dan, tewe ta kas k̄añan.

⁴⁸ Kε ka kusun̄ka ka Dan k̄anayi kan̄k̄o d̄acor d̄acor, s̄adare sas̄ok̄o k̄o s̄adare s̄af̄et sa si.

⁴⁹ N̄te aka Yisrayel ñalip k̄ayerene c̄agbe ca ant̄of̄ m̄o, k̄o ñampoc̄e Yosuwe wan ka Nun ant̄of̄ ña ke ña dac̄o,

⁵⁰ p̄am̄o t̄ak̄o MARIKI k̄anasom ti m̄o. K̄o ñas̄oñ k̄o dare d̄ak̄o enaf̄añ m̄o, Timnat-Sera, nde m̄or̄o ma Efrayim. Yosuwe oluks̄arne k̄ac̄amb̄ar dare dad̄ok̄o, k'end̄e.

⁵¹ Ant̄of̄ ña ke ñañok̄o ño w̄olon̄ne Elasar, Yosuwe wan ka Nun, k̄o ab̄e a cusun̄ka ca Yisrayel ñanakot yampun̄-pun̄, anac̄amb̄ar mopoc̄ f̄ar ya MARIKI k̄ir̄iñ nde Silo, nde d̄ak̄ab̄ere da añgbancan ña d̄ak̄ab̄ep̄ene k̄o Kanu. N̄te t̄o ñanalip k̄ayer ant̄of̄.

20

Sədare nse anayek-yeƷ kəgbəpəne teta ayek Ʒa mecir mə

¹ Kə MARIKI kəloku Yosuwe:

² «Məloku aka Yisrayel: Nəndəs-dəs sədare nse wədif fum ta eyefene ti entam kəyacne mə nse isom Musa kəsəƷ'un mə.

³ Nwe endif fum ta eyefene ti mə, entam kəyekse pəde pənde di. Nte təƷsəƷe wəkayi pəyacne ta wəkə pəlukse kə ayek Ʒa mecir mə.

⁴ Wədif ka fum wəkakə entam kəyekse pəkə dare din sədare sasəkə dacə, k'əƷkə-ε, pəkə pəcəme dare dəkusu, pəloku abeki a dare tes təkə eləsər mə. NambəƷ kə dare dadəkə disre, Ʒamentər'kə kəfo nke əƷkənde Ʒa dacə mə.

⁵ Kə wəlukse ayek encepse kə darəƷ kəbeləs-ε, abeki a dare Ʒafəwose kəsəƷ kə kə, bawo eyefene fe kədif ka wenc, nwe enatə-yəne wəterene kən mə.

⁶ Pəyi dare dadəkə haƷ tēm nte aka Yisrayel Ʒandekə kiti kə mə, kə pəyənne fe ti-ε wəloƷne wəpəƷ pəfi. Tēm tatəkə, wədif fum wəkə eyekse mə, entam kəlucus nde dare dən, nde kəl kən, nde dare dəkə enayekse mə.»

⁷ Kə Ʒalək sədare nse: Kedes ka Kalile nde mərə ma Naftali, Sekem nde mərə ma Efrayim, kə Kiriyat-Arba nde pəyənne HeberəƷ mə, nde mərə ma Yuda.

⁸ Kəca kəƷkə ntende Yurden ntende dec dempe Yeriko mə, kə Ʒalək Becer nde dətəgbəre, pəgbantəkəla mpe pəyənne pa kusunƷa ka Ruben mə, Ramot da Kaladu nde kusunƷa ka Kadu disre, kə Kolan ka Basan nde kusunƷa ka Manase disre.

⁹ Sədare sasəkə sə aka Yisrayel ƷanatəƷne kəyənne ka sədare nse, wəka Yisrayel kə pəyənne fe ti-ε, wəcikəra, kə endif fum ta eyefene ti-ε, wəkakə entam kəyekse pəde pənde di ta alukse kə ayek Ʒa mecir kədif kən fum haƷ kəloƷkanne ka afum a Yisrayel kəbəp Ʒabocə kə kiti.

21

Anacəmbəre aLewy sədare kə culum

¹ Kə abe a kusunƷa ka aLewy ƷancəƷne wəloƷne Elasar kəsək, kə Yosuwe wan ka Nun, kə abeki a dəcər dəcər ca cusunƷa ca aka Yisrayel.

² Kə Ʒaloku Ʒa nte nde Silo antəf Ʒa KanaƷ: «MARIKI kəsom Musa a kəsəƷ su sədare a pande si, kə culum ca si a packek ci yəcəl yosu.»

³ Kə aka Yisrayel ƷasəƷ aLewy sədare sələma kə culum ca si kəberene ka ntəf yaƷan pəmə təkə MARIKI kənaloku ti mə.

⁴ K'əƷkotə yampun-pun aka cor ca Kehat. K'awure aLewy afum a wəloƷne Aruna sədare wəcə kə maas (13) nde cusunƷa ca Yuda, SimeyəƷ kə Benyamin, k'asəƷ Ʒa si.

⁵ Kə cusunƷa cəlpəs ca Kehat Ʒasətə sədare wəcə (10) nde antəf Ʒa cusunƷa ca Efrayim, Dan, kə kusunƷa dacə ka Manase.

⁶ K'əƷkot yampun-pun, kə afum a Kerson Ʒasətə sədare wəcə kə maas (13) nde antəf Ʒa aka cusunƷa ca Yisakar, Aser, Naftali, kə aka kusunƷa dacə ka Manase nde Basan.

⁷ Kə afum a Merari dəcər dəcər, Ʒasətər sədare wəcə kə merəƷ (12) aka cusunƷa ca Ruben, Kadu, kə Sabulon.

⁸ Kə aka Yisrayel ƷaƷkot yampun-pun kə ƷasəƷ aLewy sədare sasəkə kələkene culum ca si, pəmə təkə MARIKI kənasom ti Musa mə.

⁹ Nde ntəf ya cusunƷa ca Yuda kə SimeyəƷ anasəƷ sədare

¹⁰ afum a Aruna, aka kor ka Kehat wan ka Lewy, bawo Ʒa Ʒə yampun-pun yenanunƷene kəmentər. K'anaboncər Ʒa sədare sasəkə mewe.

¹¹ Kə aka Yisrayel ƷasəƷ aka Kehat Kiriyat-Arba antəf dəndo dəmərə da Yuda, kə culum cacəkə cənəƷkər di mə. AƷwe sə dare dandə tewe ta HeberəƷ. Arba enayənne papa wəka Anak.

¹² Mba dale da dare dəpəƷ kə sədare səfet sa si k'asəƷ Kalebi wan ka Yefune.

13 Kɔ ɲasɔŋ awut a wɔlonɲe Aruna Hebɔrɔŋ, dare da kɛgbɔpɔnɛ nde wɔdif fɔm ta eyefɛnɛ ti ɛntam kɛyacnɛ mɔ, Libana,

14 Yatir, Esitemo,

15 Holon, Debir,

16 Ayin, Yuta kɔ Bet Semes, sɔdare camɔt-manɲkɛle (9) ca cusunɲa ca Simeyɔŋ kɔ Benyamɛn kɛlekɛnɛ culum ca si.

17 Nde atɔf ɲa Benyamɛn kɔ ɲasɔtɔ Kabayɔŋ, Keba,

18 Anatot, kɔ Halmon. Itɔ tatɔkɔ sɔdare manɲkɛle kɔ culum ca si.

19 Alonɲe anɲe ɲanayɔnɛ aka kusunɲa ka Aruna mɔ ɲanasɔtɔ sɔdare wɔco kɔ maas (13) kɔ culum ca si.

20 Cor ca aka Kehat cɔlpɔs anɲe ɲanayɔnɛ kusunɲa ka Lewy mɔ, kɔ ɲasɔtɔ sɔdare nde antɔf ɲa kusunɲa ka Efrayim.

21 K'asɔŋ ɲa Sɛkɛm dare da kɛgbɔpɔnɛ nde mɔrɔ ma Efrayim, Keser,

22 Kibasayim, kɔ Bet Horon, sɔdare manɲkɛle (4) kɛlekɛnɛ culum ca si.

23 K'asɔŋ kusunɲa ka Dan: Elteke, Kibeton,

24 Ayalon, kɔ Kat-Rimon, sɔdare manɲkɛle (4) kɛlekɛnɛ culum ca si.

25 K'asɔŋ kusunɲa dacɔ ka Manase: Tahanak kɔ Kat-Rimon, sɔdare mɛrɔŋ (2) kɛlekɛnɛ culum ca si.

26 Cor ca afum a Kehat alɔma cɔnasɔtɔ sɔdare wɔco (10) kɔ culum ca si.

27 K'asɔŋ afum a Kerson cor ca aLewy dacɔ: ɲasɔtɔr aka kusunɲa dacɔ ka Manase nde Yurɔn kɛsɛk ntende dec dempɛ mɔ sɔdare mɛrɔŋ (2) kɔ culum ca si: Kolan nde Basan disrɛ, dare da kɛgbɔpɔnɛ, kɔ Bestara.

28 K'asɔŋ kusunɲa ka Yisakar: Kisiyon, Daberat,

29 Yarmut, kɔ En-Kanim, sɔdare manɲkɛle (4) kɛlekɛnɛ culum ca si.

30 K'asɔŋ kusunɲa ka Aser: Misal, Abadon,

31 Helkat, kɔ Rehobo, sɔdare manɲkɛle (4) kɛlekɛnɛ culum ca si.

32 K'asɔŋ kusunɲa ka Naftali: Kɛɔes nde Kalile, dare da kɛgbɔpɔnɛ, Hamot-Dɔr, kɔ Kartan, sɔdare maas (3) kɛlekɛnɛ culum ca si.

33 Sɔdare sa aka Kerson dɔcor dɔcor sɛnakɔ sɔdare wɔco kɔ maas (13) kɔ culum ca si.

34 K'asɔŋ aLewy alpɔs akɔ ɲanayɔnɛ cor ca afum a Merari mɔ, kɔ ɲa ɲasɔtɔr aka kusunɲa ka Sabulon: Yokonam, Karta,

35 Dimna, kɔ Nahalal, sɔdare manɲkɛle (4) kɛlekɛnɛ culum ca si.

36 K'asɔŋ kusunɲa ka Ruben: Becɛr, Yahas,

37 Kedemot, kɔ Mefahat, sɔdare manɲkɛle (4) kɛlekɛnɛ culum ca si.

38 K'asɔŋ kusunɲa ka Kadu: Ramot nde Kaladu dare da kɛgbɔpɔnɛ, Mahanayim,

39 Hesbon, kɔ Yaser, sɔdare manɲkɛle (4) kɛlekɛnɛ culum ca si.

40 Ntɛ anɲot yampun-pun mɔ kɔ afum a Merari ɲawurɛ dɔcor dɔcor akɔ ɲanayɔnɛ aka kusunɲa ka Lewy alpɔs mɔ, ɲasɔtɔ sɔdare wɔco kɔ mɛrɔŋ (12).

41 Sɔdare sa kusunɲa ka aLewy ntɔf ya aka Yisrayel dacɔ sɛnakɔ sɔdare wɔco manɲkɛle kɔ camɔt-maas (48) kɔ culum ca si.

42 Sɔdare sasɔkɔ fɔp sɛnayɔ culum nɛ cɛncnɔŋkɛr si mɔ, itɔ sɔdare sɛkɔ fɔp sɛnayi.

43 Tatɔkɔ tɔ MARIKI kɛnasɔŋɔs aka Yisrayel atɔf mɛlmɛl nɲɛ kɛnadɛrmɛ atɛm anɲan kɛɔesɔŋ ɲa mɔ, kɔ ɲambaŋ ɲi kɔ ɲandɛ.

44 Kɔ MARIKI kɛsɔŋ ɲa kɛɲɛsɛm, mofɔ fɔp pɔforu tun pɔ ɲanayinɛ, pɔmɔ tɔkɔ ɛnadɛrmɛ ti atɛm anɲan mɔ. Ali atɛr anɲan akin ɲanatam fɛ kɛcɛmɛ ɲa fɔr kirinɲ, kɔ MARIKI kɛlek atɛr anɲan kɔ kɛmbɛr ɲa dɛwaca.

45 Moloku mɔtɔt mɛmɛ MARIKI kɛnaloku aka Yisrayel mɔ, ali tin tɛnayi fɛ ntɛ ɛnatɔ-yɔnɛ ɲa mɔ, kɔ kɛlas mi fɔp.

22

Cusunjka ca Yisrayel nde dec dempe Yurdɛn mɔ

¹ Kɔ Yosuwe ewe aRuben, aKadu, kɔ aka kusunjka daco ka Manase.

² K'oloku ɲa: «Nɔyɔ tɔkɔ Musa wɛcar ka MARIKI ɛnalok'un mɔ fɛp, kɔ nɔncɛɲkɛl sɔ dim dem, tɔkɔ ilok'un mɔ.

³ Nɛsumpɛr awɛnc un aɲa kɛyɛfɛ nte tɛnayi mɔ haɲ ndɛkɛl, kɔ nɔlɛlɛs sɔ dim ndɛ MARIKI Kanu konu kɛnalok'un mɔ.

⁴ Ndɛkɛl oɲ nte MARIKI kɛsɔɲ awɛnc un aɲa pɛforu mɔ pɛmɔ tɔkɔ ɛnaloku ɲa ti mɔ, nɛlɛk oɲ sɛpɔ sa cɛbal conu nde ntɔf yɔkɔ yɔyɔnɛ yonu mɔ, nyɛ Musa wɛcar ka MARIKI ɛnasɔɲ un nde Yurdɛn kɛsɛk ntende dec dempe mɔ.

⁵ Ta nɛgbaymɛ mɛtɛksɛ kɔ sariyɛ yɔkɔ Musa wɛcar ka MARIKI ɛnalok'un mɔ: Nɛbɔtɛr MARIKI Kanu konu, nɛsolnɛ sɛpɔ sɔn fɛp, nɛcɛmɛ dim dɔn darɛɲ, nɛlɔtɛrnɛ kɔ, nɛbɛcɛ kɔ bɛkɛc yosoku pɛs doru o doru.»

⁶ Kɔ Yosuwe ontola Kanu te taɲan, k'oloku ɲa nwe o nwe a pɛkɔ nde abal ɲɔn, kɔ ɲaɲkɔkɔs-kɔs nde cɛbal cɛɲan.

⁷ Musa ɛnasɔɲ kusunjka daco ka Manase kɛfo kɛlɔma Basan, kɔ Yosuwe nkɔn ɔsɔɲ kusunjka daco kɛɲkɔ kɛfo kɛlɔma awɛnc aɲa kɛsɛk nde Yurdɛn ntende dec dɛɲkɛlɛ mɔ. Nte Yosuwe oloku ɲa kɛkɔ ka nde cɛbal cɛɲan mɔ, k'ontolanɛ ɲa,

⁸ k'oloku ɲa: «Nɛlukus nde cɛbal conu kɔ daka dɔpɔɲ, kɔ yɔcɔl yɛlarɛm, kɔ pɛsam, kɛma, kɔpɛr, fɛc kɔ yamos yɛlarɛm. Nɛyɛrɛnɛ kɔ awɛnc un aɲɛ yɔsɔtɔ ya atɛrɛnɛ anu.»

Ancɛmbɛr tetek toloɲnɛ Kanu Yurdɛn kɛsɛk

⁹ Kɔ kusunjka ka aka Ruben, aka Kadu, kɔ aka kusunjka daco ka Manase ɲalukus, kɔ ɲasak aka Yisrayel nde Silo antɔf ɲa Kanaɲ, kɔ ɲaɲkɔ nde antɔf ɲa Kaladu, antɔf ɲa kɛ nɲɛ ɲanasɔtɔ mɔ MARIKI kɛnasom Musa kɛdɛsɔɲ ɲa ɲi.

¹⁰ Nte ɲambɛrɛ sɛdare nɛ sɛyi Yurdɛn nde antɔf ɲa Kanaɲ mɔ, kɔ aRuben, aKadu kɔ aka kusunjka daco ka Manase ɲancɛmbɛr tetek toloɲnɛ Kanu Yurdɛn kɛsɛk, tetek toloɲnɛ Mariki pɛpɔɲ.

¹¹ K'aka Yisrayel ɲane paclɔku: « aRuben, aKadu kɔ aka kusunjka daco ka Manase ɲancɛmbɛr tetek toloɲnɛ Kanu pɛtɛfɛrɛnɛ kɔ Kanaɲ, nde Yurdɛn kɛsɛk kɛca ka aka Yisrayel.»

¹² Nte ɲane ti mɔ, kɔ aka Yisrayel fɛp ɲalɔɲkanɛ Silo kɛkɔsutɛnɛ kɔ ɲa.

¹³ Kɔ aka Yisrayel ɲasom Pinahas wan ka wɛloɲnɛ Elasar nda aka Ruben, aka Kadu, kɔ afum a kusunjka daco ka Manase nde antɔf ɲa Kaladu,

¹⁴ kɔ ɲaɲkɔ kɔ akirinɲ wɛcɔ akin akin aka cusunjka cacɔkɔ dɛcor dɛcor. Fɛp faɲan akirinɲ a dɛcusunjka ɲɔ ɲanayɔnɛ afum alarɛm aka Yisrayel akakɔ daco.

¹⁵ Kɔ afum aɲɛ ɲaɲkɔ nde aRuben, aKadu, kɔ aka kusunjka daco ka Manase nde antɔf ɲa Kaladu, kɔ ɲaɲkɔ ɲaloku ɲa:

¹⁶ «Nte tɔ kɛloɲkanɛ ka afum a Mariki fɛp ɲaloku: Ake dɛtaɲi lɔɲɔs dɔ nɔyɔ Kanu ka aka Yisrayel tantɛ-ɛ? Nɛlukus mɔkɔ Mariki darɛɲ nte nɛncɛmbɛr tetek toloɲnɛ Kanu, nɔyɛɲkɛr mɔkɔ Mariki domp!

¹⁷ Kiciya nke sɛnayɔ nde Pɛyɔr mɔ kɛnayɔnɛ mes mɛlɛc. Haɲ mɔkɔ antasɔkɛsnɛ fɛ. Kiciya kosu kɛnasɔɲɛ kɛloɲkanɛ ka afum ɔn arom ɲɛlɛc.

¹⁸ Kɔ nɔna nɔɲyɛɲk mɔkɔ kɛlukus dim da MARIKI darɛɲ! Kɔ nɔyɛɲkɛr mɔkɔ MARIKI domp-ɛ,alna aka Yisrayel fɛp ɲɔ endewurɛr mɛtɛlɛ mamɔkɔ.

¹⁹ Kɔ tɔyɔnɛ atɔf nɲɛ ɲɔyɔnɛ ɲonu mɔ, ɲɔsɔk fɛ-ɛ, nɛcɛpɛr oɲ atɔf nɲɛ ɲɔyɔnɛ ɲa Mariki mɔ, nde Mariki eyi mɔ, tɛm tatɔkɔ nɛndɛ su daco, mba ta nɔyɛɲkɛr Mariki sɛbomp, ta nɔyɛɲkɛr sɛna sɔ sɛbomp kɛcɛrɛ a nɛcɛmbɛr tetek toloɲnɛ pɔlɔma mɛpɛ pɔntɔyɔnɛ tetek toloɲnɛ pa Mariki, Kanu kosu mɔ.

²⁰ Nte Akan wan ka Sera enalukus kəcəme Kanu darəŋ teta ca cəkə MARIKI kənaməne kələk mə, aka Yisrayel fəp ɲə MARIKI kənwurər mətəle mən. Nəncərə ti belbel a bafə Akan sona enafine kiciya kaŋkə.»

²¹ Kə afum a Ruben, Kadu, kə aka kusunja dacə ka Manase ɲaloku abe akirinj aka cor ca Yisrayel:

²² «Kanu ka canu, MARIKI! Kanu ka canu, MARIKI, Ki kəncərə ti! Aka Yisrayel ɲandecərə ti! Kə pəyənə fə kətə-cəŋkəl kə kəyənkar domp kə-ε, ta pədeyac su dəsək dadəkə!

²³ Kə pəyənə a səncəmbər tetek tolonne posu teta kədəgbəkəl Mariki-ε, kə pəyənə sənde səclonne di yolonne yəcəf-ε, kə pəyənə fε ti yolonne ya yokom ya yəbəf, kə pəyənə a yolonne ya pəforu-ε, awa, Mariki endegbəkərə ti!

²⁴ Bafə itə teyi! Səlonpəs tetek tolonne Kanu pampε bawo sənese ta alna awut anu ɲade ɲacyif akosu fə: «Ak'eyi nu dacə kə MARIKI, Kanu ka Yisrayel-ε?»

²⁵ MARIKI kəmboc kələncər Yurdən nənə kə sənə dacə, aRuben, kə aKadu, ali tes teyi f'on sə dacə kə MARIKI! Teta awut anu tendesəŋe ta awut asu ɲaɲnese sə MARIKI-ε.

²⁶ Itə səncəm-cəmne a: Səmarəne səcəmbər tetek tolonne, bafə səde səclonne di yəcəl yəcəf kə kəlonne kələma de,

²⁷ mba ɲeyi su dacə kə nənə pəmə sede. ɲeyi sə awut asu dacə kə awut anu ɲaclonne yolonne ya yəcəf kə yolonne ya pəforu MARIKI fər yən kirinj, nte təŋsəŋe ta ɲade ɲacloku dəsək dələma a tələm o tələm teyi fε awut asu dacə kə MARIKI!

²⁸ Kə səloku: «Kə ɲande ɲaloku su tante, kə pəyə fε ti ɲaloku awut asu ti-ε, moloku mamε mə səndelukse ɲa: «Nəgbətne teyi ta tetek tolonne Mariki mpε atem asu ɲanacəmbər mə, bafə teta kəlonne ka yəcəl yəcəf kə kəlonne ka yokom yəbəf yələma tə anacəmbərə ɲi de, mba ɲəyənə sede su dacə kə nənə ɲeccəm-cəməs su.»»

²⁹ Səmbələne kəyənkar Mariki səbomp, tes o tes doru dandε təfəsəŋe su məkə kəlulukus kə darəŋ, kəcəmbər kosu tetek tolonne pəcəl pəcəf kəlonne yokom yəbəf kə kəlonne kələma, səfəlonne kəfo kəcuru ta pəyənə nde tetek tolonne Mariki Kanu kosu nwe eyi tekirinj ta kəfo nke asəkəs mə!

³⁰ Nte wəlonne Pinahas, kə abe akirinj a kəlonkanε kə abeki a cor ca Yisrayel aɲe ɲanayi di ɲane moloku maməkə afum a Ruben, Kadu, kə kusunja dacə ka Manase ɲanaloku mə, kə moloku maməkə məmbət ɲa.

³¹ Kə Pinahas wan ka wəlonne Elasar oloku afum a Ruben, Kadu, kə afum a Manase: «Səncərə məkə a MARIKI kəyi su dacə, bawo nəntalukus fε kəcəme MARIKI darəŋ, kə nəyac sə aka Yisrayel ta MARIKI kəboc ɲa kiti.»

³² Kə Pinahas wan ka wəlonne Elasar kə akirinj a cor cəŋan ɲalulukus kəyεfε ndena afum a Ruben kə Kadu nde atəf ɲa Kaladu kəkə nde antəf ɲa Kanaɲ ndena aka Yisrayel aɲe ɲanakə ɲalukse moloku məkə ɲanasətər ɲa mə.

³³ Kə moloku maməkə məmbət aka Yisrayel, kə ɲaɲkor-koru Kanu. ɲaloku fε sə kəkəmələk antəf ɲɲε afum a Ruben kə afum a Kadu ɲanandε mə.

³⁴ Afum a Ruben kə afum a Kadu ɲasəŋ tetek tolonne Kanu papəkə tewe, ɲacloku: «Təyənə su sede a Mariki əyənə Kanu.»

23

Moloku melpəs ma Yosuwe

¹ Təm tobolu-bolu tenacəpər kəyεfε ka nte MARIKI kənasəŋ aka Yisrayel kəŋesəm mə, kəbər ɲa aterəne aɲan acəsək fəp dəwaca. Yosuwe enasikər oŋ tēm tatəkə.

² Kə Yosuwe ewe aka Yisrayel fəp kəyεfε abeki, abe afət dəcōr dəcōr, aboc kiti, kəbər ka abe akirinj aɲan, k'oloku ɲa: «Iyənə oŋ wətem.

³ Kə nənəŋk təkə MARIKI Kanu konu kənayə afum aka təf nyε fəp mə te tonu, bawo MARIKI kəsutnən'on.

⁴ Nənanək nte injkot yampun-pun a k'iyer un tɔf ya kɛ konu dɛcusunka dɛcusunka mɔ, tɔf nyɛ yencɛmɛ kɛban Yurdɛn ntende dec dɛnkale mɔ, kɔ tɔf nyɛ inim han nde Kɛba Kɛpɔn mɔ.

⁵ MARIKI kɛndewɛnɛs afum aka tɔf yayɔkɔ, kɔ nɛndɛ nɛclɔtɛs yi-ɛ, nɛndɛndɛ ntɔf yayɔkɔ pɛmɔ tɔkɔ nkɔn MARIKI Kanu konu kɛnasɔn un temer ta ti mɔ.

⁶ Nɛwure fɛnɔntɛr, nɛsumpɛr nɛlɛlɛs moloku mmɛ acicɛs buk ba sariyɛ sa Musa mɔ, ta nɛgbaymɛ kɛca kɛmeriya, ta nɛgbaymɛ kɛca kɛtɔt,

⁷ ta nɛdenɛnkɛlɛnɛ afum a tɔf akakɔ nɛayi nu dacɔ mɔ! Ta nɛbɔnc canu cɛnan, ta nɛkornɛ ci kɛdɛrɛm. Ta nɛkor-koru ci, ta nɛtontnɛ ci fɔr kirin!

⁸ Mba nɛsumpɛr MARIKI Kanu konu pɛmɔ tɔkɔ nɛnalɛk ti kɛyɔ han mɔkɔ mɔ.

⁹ MARIKI kɛmbanɛr tɔf yɔpɔn aka fɛnɔntɛr, ali fum ɛntatam fɛ han mɔkɔ kɛcɛmɛ konu fɔr kirin.

¹⁰ Nɛna fum wɛkin gbɔn ɛncbɛlɛs atɛrɛnɛ anu pɛcɛp pin, bawo MARIKI Kanu konu kɛncsutnɛn'on, pɛmɔ tɔkɔ kɛnalok'un mɔ.

¹¹ Nɛkɛmbɛrnɛ nɛbɔtɛr MARIKI Kanu konu!

¹² Kɔ nɛlukus MARIKI darɛn-ɛ, kɔ nɛcɛmɛ afum acuru anɛ nɛayi nu dacɔ mɔ darɛn-ɛ, kɔ nɛnɛncɛnɛ-ɛ, kɔ nɛnɛnkɛlɛnɛ-ɛ,

¹³ nɛcɛrɛ a MARIKI Kanu konu kɛfɔdecɛmɛ sɔ kɛbanɛsɛr nɛ afum akakɔ tɔf yanɛn fɔr yonu kirin, mba afum akakɔ nɛndeyɔn'on mowul, mɛnɛmp, yala, cɛngban-gban ca cɛsɛk conu, kɔ gbɛc dɛfɔr yonu, han nɛlip kɛmɛlkɛ atɔf nɛbotu nɛnɛ MARIKI Kanu konu kɛsɔn'un mɔ.

¹⁴ «Awa, nɛcɛnkɛl im! Mɔkɔ tɛm tɛmbɛp kɛkɔ ka nde ca ca doru fɛp yɛndekɔ mɔ. Nɛcɛrɛ ti bɛkɛc yonu yosoku pɛs, a moloku mɛbotu mmɛ MARIKI Kanu konu kɛnalok'un mɔ, ali tin teyi fɛ nte ɛntɔyɔn'on mɔ, ali tin teyi fɛ nte ɛntɔlas mɔ.

¹⁵ MARIKI kɛlas kɛyɔnɛ ka pɛtɔt pɔkɔ ɛnalokɔ kɛyɔn'on mɔ, mba ɛntam sɔ kɛlas ka pɛlɛc pɔkɔ eyi kɛnɛps'on mɔ, pɛmɛlɛk un antɔf nɛbotu nɛnɛ ɛsɔn'un mɔ.

¹⁶ Kɔ nɛsak mɛtɛnɛ mosu mmɛ MARIKI kɛndɛnk'on mɔ-ɛ, kɔ nɛnkɔ nɛclɔnɛ canu cɛlɔma-ɛ, kɔ nɛnkɔ nɛtontnɛ canu cɛlɔma fɔr kirin-ɛ, abɛkɛc nɛ MARIKI nɛmpɛ nnɔ nɛyi mɔ. Tɛm tatɔkɔ nɛmɛlkɛ antɔf nɛbotu nɛnɛ MARIKI kɛsɔn'un mɔ, nɛlip.

24

Aka Yisrayel fɛp kɛdɛrɛm kɛnan kɛkornɛ MARIKI

¹ Kɔ Yosuwe olɔnka cusunka ca Yisrayel fɛp Sɛkɛm. K'ewɛnɛnɛ sɔ abeki a Yisrayel, abɛ anɛn, abɛc anɛn kiti, kɔ akirin anɛn, kɔ nɛmentɛrnɛ nnɔ Kanu kɛyi mɔ.

² Kɔ Yosuwe olɔku afum fɛp: «Nte tɔ MARIKI Kanu ka Yisrayel kɛlɔku: «Tɛm tobol-bolu atɛm anu, Terah papa wɛka Abraham kɔ papa wɛka Nahor nde kɛngbɔkɔ ka ɛfɛrat ntende dec dɛmpɛ mɔ kɔ nɛanandɛ, nɛckornɛ canu cɛlɔma.

³ K'ilɛk wɛtɛm konu Abraham dɛndo kɛngbɔkɔ ntende dec dɛmpɛ mɔ, k'injɔtɛnɛ kɔ antɔf nɛ Kanan fɛp. K'isɔnɛ afum ɛn kɛla, k'isɔn kɔ Siyaka.

⁴ K'isɔn Siyaka awut: Yakuba kɔ Esayu. K'isɔn Esayu mɛrɔ ma Seyir nte tɔyɔnɛ antɔf nɛn, kɔ Yakuba kɔ awut ɛn nɛ nɛntɔr Misira.

⁵ K'isom Musa kɔ Aruna kɛdemar afum anu. K'isut Misira fɔr yonu kirin a k'indewurɛnɛ afum anu di.

⁶ Nte iwurɛ awisi anɛ Misira, kɔ nɛmbɛp dɛkɛba mɔ. Kɔ aka Misira nɛncɛmɛ nɛ darɛn kɛbɛlɛs han nde Kɛba ka Cɛnkɔlma, nɛcbɛlɛs nɛ dɛfɛlɛs kɛron kɔ cibil ca kɛwan.

⁷ Nte awisi anɛ nɛwɛs-wɛs kɛmar ka MARIKI mɔ, kɔ kɛntɔrɛ kubump kɛpɔn aka Misira kɔ nɛna dacɔ. Kɔ Kanu kɛngbɔtɛs nɛ dɛkɛba. Nɛnatɛnɛ mes mmɛ inayɔ Misira mɔ fɔr yonu kirin. Kɔ nɛwon kɛndɛ dɛtɛgbɛrɛ mɛrɛn mɛlarɛm.

⁸ Tɛm tatɔkɔ t'inakekɛr'on antɔf nɛ aka Amɛr anɛ nɛanandɛ Yurdɛn kɛsɛk ntende dec dɛmpɛ mɔ. Kɔ nɛsutɛnɛ kɔ nɛ, mba k'ilɛk aka Amɛr k'imber'un nɛ dɛwaca. Kɔ nɛmbanɛr nɛ antɔf nɛnan, k'imɛlɛk nɛ fɔr yonu kirin.

⁹ Kɔ Balak wan wɛka Sipɔr wɛbe wɛka Mohab ewekɛrne aka Yisrayel. K'osom Balam wan wɛka Beyɔr a pɛtolan'on pɛlec,

¹⁰ mba k'ifati kɛcɛnkɛl kɔ. Pɛtɔt gbɛcɛrɛm pɔ Balam onctolan'on, k'iyac nu fɛnɔntɛr fɛn.

¹¹ Kɔ nɛncali kɛngbɔkɔ ka Yurdɛn, kɔ nɛnder Yeriko. Kɔ aka Yeriko kɛlekɛne aka Amɔr, aPerisi, aKanan, aHit, aKirkasa, aHiwy, kɔ aYebus nɛsutɛne kɔ nɛna, k'ilek nɛ k'imber'un dɛwaca.

¹² K'isom deme nde denayi nu kirin kɔ dembelɛs abe a Amɔr mɛrɛn mɔ. In'enasɔn on kɛtam nɛ. Bafɔ sakma sonu, bafɔ mbɛncɛran yonu yɔ nɛnatamɛ aterɛne anu de!

¹³ In'ɔsɔn un antɔf nɛ nɛntɔbɛc han nɛtaka mɔ, kɔ nɛnde sɛdare nɛ nɛntɔcɛmbɛrɛ waca wonu mɔ. Kɔ nɛndi yeri ya dale nde nɛntɔbifti mɔ, nɛcɛdi yokom ya tɔk nyɛ nɛntɔbɔf mɔ.»

¹⁴ Ndekɛl ɔn nɛnesɛ MARIKI, nɛkornɛ MARIKI kɔ bɛkɛc yosoku pɛs! Nɛcɛmɛ kɔ darɛn tɛm fɛp. Nɛce canu nɛcɛ atem anu nɛnckornɛ nde kɛngbɔkɔ ka Efɛrat ntende dec dempe kɔ nde Misira mɔ. Nɛkornɛ ɔn MARIKI!

¹⁵ Kɔ nɛntɔwosɛ ɔn kɛkornɛ MARIKI-ɛ, nɛbɔnc mɔkɔ anɔ nɛnde nɛckornɛ-ɛ, kɔ pɛyɔnɛ canu nɛcɛ atem anu nɛnckornɛ ntende Efɛrat kɛca ka ntende dec dempe mɔ, kɔ pɛyɔnɛ fɛ ti-ɛ, canu ca aka Amɔr anɛ nɛyi kɛnde antɔf nɛnɛn mɔ. Mba ina kɔ aka kɛlɔ kem disrɛ MARIKI kɔ sɛnde sɛckornɛ!»

¹⁶ Kɔ afum nɛlukɛ kɔ: «Sɛmbɔlɛnɛ kɛsak MARIKI a sɛckornɛ canu cɛlɔma! Sɛfɔtam kɛyɔ tɔtɔkɔ!

¹⁷ MARIKI kɛnawurɛ atem asu kɔ sɛna dacar dɛndo antɔf nɛ Misira, Kɛnayɔ mɛgbɛkɛrɛ mɔpɔn nde fɛr yosu kirin. Kɛcbum su dɔpɔ kɛcmar su kɛcepɛr tɔf ya afum alarɛm.

¹⁸ MARIKI kɛnabelɛs afum aka tɔf yayɔkɔ fɛp, kɛlekɛne aka Amɔr anɛ nɛnande di mɔ. Sɛna sɔ sɛndekornɛ MARIKI, bawo Kanu kosu k'ɔyɔnɛ!»

¹⁹ Kɔ Yosuwe oloku afum: «Nɛfɔdetam kɛckornɛ MARIKI, bawo kɛcɛmpi kɔ ɔyɔnɛ! Kanu kɔ nɛcɛ kɛyɔ kɛraca mɔ nɛcɛ kɛtɔnɛnɛnɛ kɛtan konu lɛnɛs, kɔ kiciya konu mɔ.

²⁰ Kɔ nɛlukus MARIKI darɛn-ɛ, kɔ nɛkornɛ canu cɛcuru-ɛ, MARIKI kɛndekafɛlɛ kɛtɛfɛrnɛ nɛna. Kɛndelɛsɛr on mes, kɛndemɛlɛk nu, ali nɛcɛ cɔkɔ-cɔkɔ kɛnay'on pɛtɔt mɔ.»

²¹ K'afum nɛlukɛ Yosuwe nɛcɛ: «Ala, sɛndekornɛ MARIKI!»

²² Kɔ Yosuwe oloku afum: «Nɛwosɛ kɛyɔnɛ sɛde sa nɛcɛ nɛlɔku mɔ ba? Antɛnɛ ɔn a MARIKI kɔ nɛnde nɛckornɛ!» Kɔ afum nɛlɔku: «Atɛnɛ a ti nɛcɛ ɔyɔnɛ!»

²³ Kɔ Yosuwe oloku: «Awa, nɛsak canu cɛcuru nɛcɛ cɛyi nu dacɔ mɔ, nɛcɛmɛ MARIKI Kanu ka Yisrayel darɛn kɔ abɛkɛc nɛsoku pɛs!»

²⁴ Kɔ afum nɛlɔku Yosuwe: «Sɛndekornɛ MARIKI Kanu kosu, Ki kɔ sɛndecɛnkɛl!»

²⁵ Dɔsɔk dadɔkɔ dɛndo Sɛkɛm kɔ Yosuwe encicɛs mes ma danapa nde nɛsɛk mɔ, k'ɔlɛmɛr afum a Yisrayel tin tin tin mɛfan fɛp kɔ sariyɛ nɛcɛ Kanu kɛnabocɛr kɔ mɔ.

²⁶ Kɔ Yosuwe encicɛs moloku mɛmɛ dɛbuk ba sariyɛ sa Kanu. K'ɛlɛk tɛsar tɔpɔn k'ɛncɛmbɛr pi kɛtɔk tantɔf nde anɛnbancan nɛ Kanu.

²⁷ Kɔ Yosuwe oloku afum fɛp: «Nɛgbɛtɛnɛ pi, tɛsar pampɛ pɛyi su dacɔ, bawo pi pɛtɛnɛ moloku mɛmɛ MARIKI kɛnalɔku su mɔ fɛp. Sɛde sɔ pɛyɔnɛ kɔ nɛlukus Kanu darɛn-ɛ.

²⁸ Nɛcɛ Yosuwe elip kɛlɔku mɔ k'ɛsak afum kɛkɔ, kɔ fɛp fɛlukus nde antɔf nɛcɛ nɛn.

Defi da Yosuwe

²⁹ Nɛcɛ mes mamɔkɔ mɛncɛpɛr mɔ, Yosuwe wan ka Nun wɛcar wɛka MARIKI efi. Merɛn mɔn mɛnakɔ tɛsar tin kɔ wɛcɔ (110).

³⁰ Anawup kɔ nde antɔf nɛcɛ kɛn, nde Timnat-Sera nde mɔrɔ ma Efrayim, kɛca kɛmeriya ka Tɔrɔ ta Kahas.

³¹ Aka Yisrayel nɛnckornɛ MARIKI mata ma Yosuwe fɛp, han kɔ abeki anɛ nɛnansol kɔ Yosuwe mɔ nɛlip kɛfi. Abeki anɛ nɛnatɛnɛnɛ mes fɛp mɛmɛ MARIKI kɛnayɔnɛ aka Yisrayel mɔ.

³² Bɛnt ya Isifu nye aka Yisrayel ɲanakɛɛ kɔyɛɛ Misira mɔ, anawup yi nde Sɛkɛm nde dale nde Yakuba ɛnawayɛr awut a Hamɔr papa wɛka Sɛkɛm mɛncɛmbɛl ma gbeti tasar tin (100). Itɔ dale dandɛ dɛnayɔnɛ kɛ ka kusunka ka Isifu.

³³ Kɔ Elasar wan wɛka Aruna efi, k'awup kɔ nde Kibeya nde mɔrɔ ma Efrayim, antɔf nɲɛ anasɔɲ wan kɔn Pinahas mɔ.

RUT

An'ɔ Rut ɔyɔn-ε, kɔ t'ake tɔ pəmar pakaraŋεnε buk bambε-ε?

Buk bambε, teta taruku ta aran mērəŋ tɔ boloku. Wəran wəlɔma kɔ wos ŋanayefε Yisrayel nde aŋkom ŋa mɔ. Kɔ ŋaŋkɔ ŋandε nde atɔf ŋa Mohab. Kɔ wəran nwe wos efi kɔ awut ɔn mērəŋ dəndo ŋanandε mɔ. Wəran nwe wos efi mɔ, kɔ aran mērəŋ aka awut ɔn aŋε ŋafi mɔ, ŋayi ɔŋ sona dɔtɔf kətɔyɔ daka disrε. Kɔ wəran nwe wos efi mɔ, εncεm-εmne kəlukus nde atɔf ŋε εnayefε mɔ. Wəran ka wan kɔn nwe ancwe Rut, nwe εnabɔtər kɔ haŋ mɔ, εncəme kɔ darəŋ kəkɔ. Nte ŋambere atɔf ŋa Yisrayel nɔnɔfər disrε mɔ, kɔ Kanu kəwure pəwey-wey mpe pɛŋmentər kəbɔtər kɔn atɔyɔ daka mɔ. Kɔ Kanu kəmar aran akanε mērəŋ, kɔ kəwure ŋa kətɔyɔ daka disrε nke ŋanayi mɔ, nte təŋsəŋε ta ŋayi sɔ sona mɔ.

Taruku tantε tentam kəsəŋε afum a məkɔ alarəm kəbəkne aŋε ŋancεm-εmne a Kanu kəmpələrne ŋa mɔ. Kɔ afum ŋawose kəcəme Kanu darəŋ ŋacyɔ mɛfaŋ mɔn-ε, Kanu kəfɔpələr ŋa few. Pəcucane pɔlɔma pɛntam kəder, mba Kanu kəntiŋkəli pi pətɔt. Dəkəcop da taruku tantε dementər nɔnɔfər, mba dəkələpsər da pi, anəŋk fənɔntər fa Kanu kɔ kəbɔtər kɔn nke kəntɔlip mɔ. Kanu kəmar su kəcəre ka tantε kəyi kosu doru fəp. Amina!

Taruku ta Rut

Pələcər pa afum a Elimɛlek

¹ Təm nte aboc kiti ŋanatəmpər dəbe da Yisrayel mɔ, kɔ dor dende deyi dɔtɔf. Kɔ fum wəka dare da Bet Ləhem nde atɔf ŋa Yuda, ende pəkɔ nkɔn kɔ wəran kɔn kɔ awut ɔn arkun mērəŋ, kəkɔcɛpərəne tɛm nde atɔf ŋa Mohab.

² Tewe ta fum wəkakɔ tɛnayɔne Elimɛlek, pacwe wəran kɔn Noyemi, kɔ mewe ma awut ɔn arkun akakɔ mērəŋ mɛnayɔne Malɔŋ kɔ Kilyɔŋ. Fəp faŋan aka kor ka Əfərat ŋɔ ŋanayɔne, dare da Bet Ləhem nde atɔf ŋa Yuda. Kɔ ŋander atɔf ŋa Mohab kɔ ŋandε di.

³ Kɔ Elimɛlek wos ka Noyemi ende pəfi dəndo, kɔ Noyemi eyi di ɔŋ kɔ awut ɔn arkun mērəŋ.

⁴ Kɔ awut akakɔ ŋande ŋanence aran aMohab. Wəran wəcəkɔ-cəkɔ ancwe Ɔrpa, kɔ wəka mērəŋ ancwe Rut. Kɔ ŋayi di meren wəco.

⁵ Malɔŋ kɔ Kilyɔŋ ŋande ŋafi, kɔ Noyemi ende pəyi ɔŋ, ɔyɔfε wərkun, ɔyɔfε sɔ awut.

Rut kəcəmbər kɔn Noyemi Bet Ləhem

⁶ Kɔ Noyemi eyefε nkɔn kɔ aran a awut ɔn dale da Mohab, bawo analoku kɔ dəndo dale da Mohab a MARIKI εmar afum ɔn aka atɔf ŋa Yuda, k'ompoce ŋa yeri.

⁷ Kɔ Noyemi eyefε dale dadəkɔ εnayi mɔ, kɔ aran a awut ɔn mērəŋ, kɔ ŋasumpər dɔpɔ kəlukus ka nde atɔf ŋa Yuda.

⁸ Kɔ Noyemi oloku aran a awut ɔn mērəŋ: «Awa, nəlukus nwe o nwe nde kəlɔ ka iya kɔn! MARIKI pəyɔne nu nɔnɔfər, pəmɔ təkɔ nənayɔne akɔ ŋafi mɔ nɔnɔfər kɔ ina mɔ.

⁹ Intolane nu: MARIKI pəpoce nu nwe o nwe pəforu nda wərkun!» K'oncup ŋa, kɔ ŋayefε kəbok.

¹⁰ Kɔ aran a awut ɔn ŋambupəre: «Ala! Sən'endekɔ kɔ mənna nde afum am ŋayi mɔ.»

¹¹ Kɔ Noyemi oloku: «Nəlukus aran a awut em! T'ake tɔ nəndecɛpsen'em darəŋ-ε? Ifəsɔtam kəsɔtɔ awut aŋε ŋandetam sɔ kənence nu mɔ.

¹² Nəlukus nde ndoronu aran a awut em, nəkɔ! Bawo imbək ɔŋ wərkun kədesənenc'em. Ali icloku isɔreɣbekər Kanu amera, ali pibi pampε pɔ səyi kəfo kin kɔ wərkun tɔyɔn'em kəkom sɔ awut arkun-ε,

¹³ nəndetam kəkar ŋa ŋabek, nəndefatεne ti ɔŋ a panence nu ba? Ala, awut em aran! Pələc mpe pəsɔt'em mɔ, poncu pɛtas pəkɔ pəsɔtɔ nu mɔ, kəca ka MARIKI kəmbəp im.»

¹⁴ Kə ɲambok sɔ. Kə ʒɾpa nkən oncup kəncəra kən Noyemi, k'elembərne kə, k'osumpər dɔpɔ k'ɔŋkə. Mba Rut nkən owosɛ fɛ kəsak kəncəra kən Noyemi pəkə.

¹⁵ Kə Noyemi oloku Rut: «Məməmən wəres əm, olukus ndena afum ən kə canu cən. Məyɔ təkɔ ɔyɔ mə, mənə sɔ məkə nde ndaram!»

¹⁶ Mba kə Rut oloku kə: «Ta məsɔŋ'em kəsak əm, məsɔŋ'em kəlukus əm darəŋ! Nde məŋkə mə, difɔ ina sɔ indekə. Nde mändeyi mə, ina sɔ difɔ indekəyi. Afum am, afum em ɲɔ. Kanu kam, Kanu kem kə.

¹⁷ Nde mändekɔfi mə, difɔ indekɔfi, pawup im di. MARIKI pəyɔn'em ti, pənɔcərən'em nte, kə pəyɔne fɛ defi gbəcərəm dendesəŋɛ su kəgbeyɛnɛ kə mənə-ɛ.»

¹⁸ Nte Noyemi ɛnəŋk Rut ɛŋgbəc kəkə kə nkən mə, k'ɛsak kəluku kə sɔ teta kəlukus.

¹⁹ Kə ɲasol mərəŋ maŋan kəkə haŋ kə ɲambərə dare da Bet Lɛhɛm.

Nte ɲambərə Bet Lɛhɛm mə, kə pənciyənɛ afum fəp te taŋan. Kə aran ɲaŋyiftɛnɛ: «Noyemi ɔfɔ wəkawɛ ba?»

²⁰ Kə Noyemi oloku ɲa: «Ta nəw'em sɔ Noyemi «Wəyi dɔpəbotu», mba nəcw'em oŋ Mara, «Wəyi dɔpəcuɣ». Bawo Kanu nkɛ kəntam mes ma doru fəp mə kəsəŋ im pəcuɣ.

²¹ Nte incyɛfɛ dɛ kəkə mə, waca wem wɛnalare kə MARIKI olukus'em waca wɔsəkər. Awa! Nəsak kəw'em Noyemi, bawo MARIKI nwe ɛntam mes fəp mə, ɛŋkafələrn'em, kə kəsəŋ'im pəcuɣ.»

²² Tatəkə tɔ Noyemi ɛnayɛfɛ dale da Mohab kə Rut wəMohab, wəran ka wan kən. Nte ɲambərə Bet Lɛhɛm mə, patɛp kəccop kətɛl ka mɛŋgɛn mələma mme ambɔf nde atɔf ɲa Yisrayel mə.

2

Rut ɔŋkə dəkəgbɛtəs atɛl a Bəs tadarəŋ

¹ Noyemi ɛnayɔ wəkɔmɛnɛ ka wos wələma. Fum wəka fənəntər ɛnayi, pəyɔ sɔ daka. Bəs b'ancwe kə.

² Kə Rut wəMohab oloku kəncəra kən Noyemi: «Məwos'em ikə nde dale ikə icgbɛtəs wətɛl nwe ɔŋkəwos'em kəyi kə darəŋ mə.» Kə Noyemi oloku Rut: «Məkə, wan kem wəran.»

³ Kə Rut ɔŋkə dəkəgbɛtəs nde dale atɛl tadarəŋ. Kə tɔyɔnɛ dale nde ɛncgbɛtəs mə da Bəs dɔ, Bəs nwe ɛnayɔnɛ wəkɔmɛnɛ ka Elimɛlek mə.

⁴ Pəwon fɛ kə Bəs ɛmbərə kəyɛfɛ ka Bet Lɛhɛm. Kə Bəs eyif atɛl ən, k'oloku ɲa: «MARIKI pəsɔlɛ nu!» K'atɛl ɲantolanɛ kə nte: «Awa! Mənə sɔ, MARIKI pəpoc'am pətət!»

⁵ Kə Bəs eyif fum wəkə ɛnayɔnɛ wəbɛ ka atɛl ən mə: «An'ɔyɔ wəyɛcərə nwe-ɛ?»

⁶ Kə wəbɛ ka atɛl ən oloku: «Wan wəran wəMohab ɔfɔ, nwe ɲander kə Noyemi, kəyɛfɛ ka dale da Mohab mə.

⁷ Nte oloku mə: «Nəwos'em icəmə atɛl darəŋ icgbɛtəs, icwɛtsɛnɛ sɔ mɛŋgbɛn min min məkə mɛntɛmpɛnɛ toka dacɔ mə.» Kəyɛfɛ nte enderna nnɔ bətbət a k'ɛncəmə mə, haŋ ndɛkəl. Pəpic p'ɛŋɛsəmna nde dəkələ.»

⁸ Kə Bəs oloku Rut: «Məcəŋkəl im belbel wan kem: Ta məkə sɔ dəkəgbɛtəs tofo tocuru. Ta məbələ sɔ nnɔ dale dem, ta nəbələnɛ sɔ abəc em.

⁹ Məgbətɛ belbel nde abəc em ɲantɛl mə, məcəmə aran akə ɲaŋgbɛtəs mə darəŋ. Mənəŋk iloku abəc em, ta ɲagbuŋɛn'am. Kə domun dendenabas əm-ɛ, məkə nde dətɔbɔl, məkɛt domun nde abəc em ɲaŋkɛt mə.»

¹⁰ Kə Rut ontontnɛnɛ Bəs haŋ k'ɛfəntərə dəntɔf. K'oloku Bəs: «Cəke c'iyɔ-ɛ, nte mändeyɔn'em mame, ina nwe iyɔnɛ wəcikərə mə?»

¹¹ Kə Bəs oloku kə: «Aləmər im mi tin tin tin mes mme məyɔ kəncəra kam, kəyɛfɛ nte wos əm efi mə, təkə məsak papa kam, iya kam, k'atɔf ɲam nɲɛ aŋkom əm mə, məcder nnɔ nda afum aŋɛ mənətɔcərə tɔcəkə-cəkə mə.

¹² MARIKI pəlukus'am təkə məyɔ mə! MARIKI pəsəŋ'am ti kəway, nkən Kanu ka Yisrayel nkɛ mänder mändɛ katəkəp kən dəntɔf mə.»

13 Kɔ Rut oloku: «Mɛmban̄ im belbel, mɛna wɛbɛ kem! Moloku mam mɛsɔŋ'em abɛkɛc kɛfɛntɛrɛ, kɔ mɛŋkɔ mɛmɔmɛn̄ ti-ɛ, ali wɛbɛc kam wɛkin sɛfɔtɛŋnɛnɛ.»

14 Ntɛ tɛm ta kɛdi yeri tendebɛp mɔ, kɔ Bɔs oloku Rut: «Mɛsɔŋnɛ mɛdi yeri nnɔ sɛyi mɔ, mɛban̄ kɛcom, mɛctɛm ki nnɔ dɛmɛnc.» Kɔ Rut ɔŋkɔ pɛndɛ atɛl kɛsɛk. Kɔ Bɔs ɔsɔŋ kɔ kɛcom, k'ɔsɔm ki, k'ɛnɛmbɛrɛ, k'ɛmɛŋkɛrɛnɛ kɛlpɛs.

15 Kɔ Rut ɛyɛfɛ sɔ kɛgbɛtɛs, kɔ Bɔs oloku abɛc ɔn: «Nɛcɛ kɔ sɔ pɛgbɛtɛs ndɛ dɛtoka, ta nɛmɔmɛnɛnɛ kɔ.

16 Nɛcwak kɛcsul-sulu sɛbomp sa mɛŋgbɛn mɛlɔma yati nɛcgbalɛ kɔ, ntɛ tɔŋsɔŋɛ pɛcwɛtɛs si mɔ, ta nɛcmɔmɛnɛnɛ kɔ, ta nɛloku kɔ tɔlɔm o tɔlɔm.»

17 Kɔ Rut ɛŋgbɛtɛs han̄ dɔfɔy, k'ɛsɛpɛr mɛŋgbɛn mɛkɔ ɛnagbɛtɛs mɔ, k'ɔsɔtɔ mɛŋgbɛn ma ɔrs abɛk ŋin.

18 Kɔ Rut ɛlɛk mɛŋgbɛn mmɛ k'ɛsarɛ, k'ɛŋkɛkɛrɛ mi, k'ɔŋkɔ pɛmɛntɛr kɛncɛra kɛn. K'owurɛ sɔ yeri yɔn yɛlpɛs, k'ɔsɔŋ kɔ.

19 Kɔ kɛncɛra kɛn ɛyif kɔ: «Deke mɛŋgbɛtɛs mɛŋgbɛn mmɛ fɛp mɛkɔ-ɛ? Dalɛ d'ana dɔ mɛmbɛcna-ɛ? Kanu kɛmar nwɛ ɛŋkɛkɛsɛn'am mɔ!»

Kɔ Rut oloku kɛncɛra kɛn: «Abɔf ŋa wɛrkun wɛlɔma ŋ'imbɛcna, pacwɛ kɔ Bɔs.»

20 Kɔ Noyemi oloku wɛran ka wan kɛn: «Inɛŋk MARIKI nwɛ ɔsɔrɔlasɛ sɛna ayi doru nɔnɔfɔr, pɛmɔ akɔ ŋafi mɔ. Kanu kɛpocɛ wɛrkun wɛkawɛ pɛtɔt.» Kɔ Noyemi oloku kɔ sɔ: «Wɛrkun wɛkakɔ, wɛkomɛnɛ kosu ɔfɔ! Ŋa ŋɔ pɛmar ŋacɛmɛ su dɛntɔf.»

21 Kɔ Rut wɛMohab oloku sɔ: «Olok'im sɔ, mɛlɔtɛrɛnɛ abɛc em han̄ ŋalip kɛtɛl'em fɛp.»

22 Kɔ Noyemi oloku Rut wɛran ka wan kɛn: «Wan kem pɛntɛsɛ ti tatɔkɔ, nɛsumpɛrɛnɛ kɔ abɛc ɔn, ta mɛtor dalɛ da nwɛ o nwɛ ndɛ aŋkɛtɔrs'am mɔ.»

23 Kɔ Rut ŋasumpɛrɛnɛ kɔ abɛc a Bɔs kɛgbɛtɛs han̄ kɔ kɛtɛl ka mɛŋgbɛn ma ɔrs kɔ cɛgbay kɛlip* kɔ mɛŋgbɛn ma dɛmɛrɔ.† Ŋasɔrɔyi kɛfo kin kɔ kɛncɛra kɛn.

3

Rut kɛcɛpɛrɛnɛ pibi ndɛ wɛcɛk wa Bɔs tantɔf

1 Noyemi kɛncɛra ka Rut, oloku kɔ: «Wan kem, ifan̄ kɛsɔŋ ɛm wɛrkun pɛnɛnc'am, mɛna sɔ mɛŋɛsɛm, ntɛ tɔŋsɔŋɛ pɛbɔt sɔ mɛna mɔ.

2 Nɛkɛl ɔŋ, Bɔs nwɛ ɛsak ɛm mɛcbɛc kɔ abɛc ɔn mɔ, mɛlan̄ ti ɔŋ a fum kosu ɔfɔ? Mɛncɛrɛ sɔ a pibi pa mɛkɔ p'ɛŋkɔfɔy ndɛ kur kɛn mɛgbɛn ma ɔrs mamɛkɔ anɛtɛlɛ kɔ mɔ.

3 Mɛyɛfɛ, mɛsopɛ moro, mɛbɛrɛnɛ duma mɛkɔ dɛndo aŋkɛsɛpɛrɛ kɔ mɔ! Ta mɛwurɛr kɔ ta ɛntalip kɛdi yeri kɔ kɛmun dɛ!

4 K'ɛndɛna pɛckɔ dɛkɛfɛntɛrɛ-ɛ, mɛgbɛkɛrɛ da ɛŋfɛntɛrɛ mɔ. Kɔ mɛyɛfɛ-ɛ, mɛkɔ mɛfɛni kɔ kɛloto ndɛ dɛwɛcɛk, mɛfɛntɛrɛ. Nkɛn Bɔs yati ɛŋkɔlok'am tɔkɔ pɛmar a mɛyɔ mɔ.»

5 Kɔ Rut oloku kɛncɛra kɛn: «In̄kɔyɔ tante mɛlok'im mɔ fɛp.»

6 Kɔ Rut ɔŋkɔ ndɛ dɛkur, k'ɔyɔ tɔkɔ kɛncɛra kɛn ɛnaloku kɔ mɔ fɛp.

7 Kɔ Bɔs ɛndi yeri, k'omun, kɔ pɛmbɔt kɔ dɛris. K'ɔŋkɔ pɛfɛntɛrɛ ndɛ kur kɛlɛpsɛr mɔ. Kɔ Rut ɔŋkɔ pɛfɛni kɔ kɛloto dɛwɛcɛk, k'ɛmbɛrɛ, k'ɛfɛntɛrɛ.

8 Pɛndɛyi cɛk-cɛk, kɔ wɛrkun nwɛ oyokɛrɛnɛ, ɛndɛkɛfɛlɛ: K'ɛmbɛp wɛran pɛfɛntɛrɛ kɔ wɛcɛk tantɔf!

9 K'ɛyif: «An'ɔfɔ-ɛ?» Kɔ Rut oloku kɔ: «In'ɔfɔ, ina Rut, wɛcar kam. Mɛkump wɛcar kam dobol da duma dam, bawo wɛcɛmɛ kem dɛntɔf mɛyɔnɛ.»

10 Kɔ Bɔs oloku: «MARIKI pɛpoc'am pɛtɔt wan kem wɛran! Mɛmɛntɛr sɔ nɔnɔfɔr nnɔ akomɛnɛ a kɛncɛra kam ŋayi mɔ pɛtas dɛkɔ mɛnɛmɛntɛr tɔcɔkɔ-cɔkɔ mɔ. Bawo mɛncɛmɛ fɛ atɛmp darɔŋ ŋayɔ daka, ŋayɔ fɛ daka.

11 Nɛkɛl ɔŋ wan kem wɛran ta mɛnɛsɛ, ntɛ o ntɛ tɔ mɛloku, in̄yɔn'am ti, bawo dare fɛp dɛncɛrɛ a wɛran wɛka dɛkɛcɛmɛ dɔpɔŋ mɛyɔnɛ.

* 2:23 Mɛŋgbɛn mowurɛnɛ malɔ, mmɛ aŋwɛ databo «orge» mɔ. † 2:23 Malɔ mmɛ aŋwɛ cɛtabo «blé» mɔ, mi mɔ aŋlompɛ «farine».

¹² Ndekál on, kance kò pəmar a icəm'am dəntəf, mba wələma eyi nwe ɔlətərne dokom kò wos əm pətas ina mə.

¹³ Məcepərəne nnò pibi. Bətbətana, k'efan kələk kəcəm'am dəntəf-ε, tentese, pəcəm'am dəntəf. Mba k'ontəfan kəcəm'am dəntəf-ε, ina incəm'am dəntəf, kò MARIKI owosε-ε! Məfəntərə han dec dəsək.»

¹⁴ Kò Rut efəntərə kò wəcək tantəf han kò dec dəsək, k'eyefe pəpan-pan, tɛm nte antətam kəcnepələne mə. Kò Bəs oloku kò: «Ta pacərə a mändersa nnò dəkur de!»

¹⁵ Kò Bəs oloku kò: «Məcipi kəfakəl nke mənəpəne mə, məsumpər ki belbel.» Kò Rut osumpər kəfakəl, kò Bəs emberε kò mənɟben ma ɔrs tafala camət-tin, k'onunɟkər kò, kò Bəs ɔɟkò dare.

¹⁶ Kò Rut ɔɟkò ndena kəncərə kən Noyemi. Kò wəkakò eyif kò: «Cəke cə tencepərna-ε, wan kem wəran?»

Kò Rut ɔləmər kəncərə kən mes məkò wərkun nwe enayəne kò mə fəp.

¹⁷ Kò Rut oloku: «Ɔsəɟ im ɔrs kəfala camət-tin, pəcloku: «Ta məlukus waca wəsəkər ndena kəncərə kam!»»

¹⁸ Kò Noyemi oloku Rut: «Məyi nnò, wan kem wəran, han məccərə təkò mes mame mendeləpsər mə, bawo wərkun wəkawε, ɔfəsətam kənde k'ontəlip mes mame məkò-ε!»

4

Bəs ɛlək kε ka Elimɛlək

¹ Kò Bəs ɔɟkò dəkəberε da dare danan k'ɔɟkò pənde. Pəwon fε, Elimɛlək wəkomene wəkò Bəs enaloku a wəkakò enanɟkanε kələtərne kəcəme ka Rut dəntəf pətas kò mə, kò wərkun nwe encepər, kò Bəs ewe kò: «Məcəɟne məde mənde nnò!» Kò wəkakò ɔncəɟne k'ɔɟkò pənde.

² Kò Bəs ɛlək afum abeki wəco dare disrε, k'oloku ɟa: «Nənde nnò!» Kò akakò ɟandε.

³ Kò Bəs oloku wəkò pənamar a pəcəme Rut dəntəf mə: «Nte Noyemi eyefe atəf ɟa Mohab, k'efan kəcəməs tofokəl ta antəf ɟəkò ɟenayəne ɟa wənc kosu Elimɛlək mə.

⁴ K'incəm-cəmnε kəsəɟ'am ti kəcərə, ilok'əm ti: Məsep məway di fər ya abeki a afum asu kirin kò afum acuru akò ɟandetəɟne ti mə! Kò məfan kəway di-ε, məway! Kò məntəsəfan di-ε, məsəɟ'em ti kəcərə, bawo sariyε sa kε kanɟε, kò mənə məyefe day-ε, in'ɔ pəmar icəme.» Kò wərkun nwe oloku Bəs: «Ifan kəway dale dadəkò yati.»

⁵ Kò Bəs enderə: «Kò məway dale Noyemi dəwaca-ε, mēne mənəsər sɔ Rut wəMohab, wəran ka wəfi. Nte tənɟəɟe ta tewe ta wəfi təsəle kε kanɟε kəron mə.»

⁶ Kò wərkun nwe oloku: «Kò pəyənε tatəkò tə-ε, ifətam kəway kε nke ta ideyaməs teta daka dem nde iyɔ mə. Mələk sariyε sem sa kəwurus, bawo ifətam ina wəsərka kəkətene ti.»

⁷ Awa, cəkò-cəkò atəf ɟa Yisrayel, kò afum ɟandecanəs kəway kò pəyənε fε ti ɟasəkpərəne daka dələma-ε, wəkin ɔɟwure kəfta kən pəsəɟ ki wəkò ɟayi kələmpəs mes mə. Təyɔ tatəkò tenayəne təcənɟε moloku cəkò-cəkò atəf ɟa Yisrayel.

⁸ Kò wərkun nwe pənamar kəway dale nde mə, oloku Bəs: «Bəs, mənə məway!» Kò wərkun nwe owurε kəfta kən, k'əsəɟ ki Bəs.

⁹ Awa, kò Bəs oloku abeki kò afum fəp: «Teyi məkò fər yonu kirin, a iway Noyemi dəwaca daka nde denayəne da Elimɛlək, da Kilyəɟ han kəbəp ka Maləɟ mə fəp.

¹⁰ Iwosε sɔ kənəsər Rut wəMohab, wəran ka Maləɟ, nte tənɟəɟe pade pacwene kε kanɟε wəfi mə, ta pade pələrne tewe ta wəfi awənc anɟa dacɔ dare dandε. Nəyənε məkò atəɟne a ti.»

¹¹ Kò afum akò ɟanacəme dəkəberε da dare kò abeki ɟalukse: «Ey, teyi məkò fər yosu kirin! MARIKI pəsəɟe wəran wəkawε məyi kənəsər mə pəyi pəmɔ Leya kò Rasel, aran anɟe mērəɟ anɟe ɟanɟkom afum aka atəf ɟa Yisrayel mə! Kanu kəsəɟ əm səkət aka kusunɟa ka Efərat dacɔ, məsətɔ tewe nde Bet Ləhem!»

¹² MARIKI pəsəŋ əm kə wəran wəkawε awut alarəm, MARIKI pəsəŋε afum aka kələ kam ηade ηayi pəmə awut aka kələ ka Perεs, aŋε Tamar εnakomε Yuda mə!»

¹³ Kə Bəs εnεncε Rut, k'ombocərne kə. Kə MARIKI əsəŋε Rut kəbəkəs, k'əŋkom wan wərkun.

¹⁴ Kə aran ηaloku Noyemi: «Səŋkor-koru MARIKI! Əsəŋε məkə k'əŋkom fum nwe endekəkəs əm mə. Kanu kəde kəpocε wansə kam pədebək tewe Yisrayel.

¹⁵ Endekafəl'əm teyi, pəkəkəs əm detembəra dam disrε. Bawo wəran ka wan kam nwe əmbətər əm mə, okom kə. Wəran ka wan kam nwe encepər əm awut arkun camət-mεrəŋ mə.»

¹⁶ Kə Noyemi εlεk wan k'εnekne, nkən Noyemi εnadusum wan wəkakə.

¹⁷ K'andε a Noyemi ηasəŋ kə tewe, ηacloku: «Noyemi əŋkom wan!» Kə ηawe kə Obεd. Nkən εnayəne papa wəka Yese, Yese εnayəne papa wəka Dawuda.

Mewe ma atem a Dawuda

¹⁸ Mewe ma awut a Perεs mεmε: Perεs okom Hεcəron,

¹⁹ Hεcəron okom Ram, Ram okom Aminadab,

²⁰ Aminadab okom Nasəŋ, Nasəŋ okom Salməŋ.

²¹ Salməŋ okom Bəs, Bəs okom Obεd,

²² Obεd okom Yese, Yese okom Dawuda.

Kibaru Kətət ka Yesu nkε Matiye εnacicəs mɔ Matiye

Kəsəkəs ka Kibaru Kətət ka Yesu nkε Matiye encicəs mɔ

Səbuk səcempi maŋkələ səloku moloku mme aŋwe «Kibaru Kətət ka teta Yesu Krist mɔ». Kəmar ka Amera ŋecempi ŋa Kanu, acəpse a Yesu darəŋ maŋkələ ŋacicəs taruku ta Yesu. Ŋa ŋayəne: Matiye, Mark, Luk kə Isan. Mba Matiye kə Isan ŋanayi asom a Yesu aŋe wəco kə merəŋ dacə.

Nte kəpe ka Yesu dəkəm kəncəpər mɔ, kə Matiye encicəs buk bambε pəcloku me-cəpərəne fəp ma Yesu antəf ŋaŋe kəron, nte təŋsəŋe afum a doru ŋaccəre a Yesu əyənε Krist, wəyək-yək nwe Kanu kənasom kəder teta kəyac afum doru dandε mɔ. CəKərek cə Matiye εnacicəs buk bambε, mba səna səŋkafəli bi cəBaka nte təŋsəŋe aBaka sɔ ŋacəre mes maməkə mɔ.

Buk bambε boloku mes mεwεy-wεy mɛlarəm mme Yesu εnayə doru dandε, nte təŋsəŋe afum ŋacəre fənəntər nfe Kanu kənasəŋ kə mɔ. Yesu εnataməs acuy, pəcbeləs yəŋk yelεc. Matiye εnafəŋ sɔ a afum ŋacəre mətəkse ma Yesu. Nte Yesu εnctəkse afum mɔ, ŋanacəre a moloku ma Kanu m'oncloku, pəcloku kance kəsoku pεs. Telpəs oŋ, defi kə kəfəte ka Yesu afi dacə kə kəpe kən kə buk bambε boloku su.

Mame fəp mənmar su kəcəre fum nwe Yesu əyənε mɔ. Kəcəre ka buk bambε kəŋmar su kəcəpərəne doru kəcəre kəkətεne mes disre, bəmar su sɔ kəlompəs ka kiya wəyən ka doru o doru, k'afi-ε. Kanu kəsəŋ su kəcəre ka moloku ma buk bambε! Amina!

Tokotərəne ta Taruku ta Kibaru kətət ka Matiye:

1. Sora 1-4: Matiye oncop Kibaru Kətət kən kələm kəkom ka Yesu Krist kə tocop tən yebəc nyε Kanu kəsom kə mɔ.
2. Sora 5-25: Ta merəŋ, Matiye ementər yebəc ya Yesu kə mətəkse mən mɛlarəm.
3. Sora 26-28: Telpəs, Matiye ələm nte Yesu εmbəce Kanu defi dən disre kə kəfəte kən afi dacə mɔ.

Atem a Yesu

Luk 3.23-38

- 1 Kəbənda ka dokom da Yesu Krist kə kaŋke, wansə ka Dawuda, wansə ka Abraham:
- 2 Abraham εnakom Siyaka, kə Siyaka oŋkom Yakuba, kə Yakuba oŋkom Yuda kə awənc oŋ,
- 3 Yuda okom Perεc kə Serah. Tamar əyənε ŋa kεre. Kə Fares oŋkom Hecərəŋ, kə Hecərəŋ oŋkom Aram.
- 4 Kə Aram oŋkom Aminadab, kə Aminadab oŋkom Nasəŋ kə Nasəŋ oŋkom Salməŋ.
- 5 Salməŋ kə wəran kən Rahab ŋaŋkom Bəs, Bəs kə wəran kən Rut ŋaŋkom Yobed. Kə Yobed oŋkom Yisay,
- 6 kə Yisay oŋkom Dawuda wəbe wəka Yisrayel.
Dawuda εnanasər wəran ka Uri, kə ŋaŋkom Sulemani.
- 7 Kə Sulemani oŋkom Roboyam, kə Roboyam oŋkom Abiya, kə Abiya oŋkom Asaf.
- 8 Kə Asaf oŋkom Yosafat, kə Yosafat oŋkom Yoram kə Yoram oŋkom Osiyas.
- 9 Kə Osiyas oŋkom Yotam, kə Yotam oŋkom Akas, kə Akas oŋkom Esekiyas.
- 10 Kə Esekiyas oŋkom Manase kə Manase oŋkom Aməs kə Aməs oŋkom Yosiya.
- 11 Yosiya oŋkom Yekoniya kə awənc aŋa tēm nte anasumpər aka Yisrayel pakekəre ŋa Babiləŋ mɔ.
- 12 Nte tatəkə tencepər mɔ, kə Yekoniya oŋkom Salatiyel kə Salatiyel oŋkom Sorobabel.
- 13 Kə Sorobabel oŋkom Abiyud kə Abiyud oŋkom Eliyakim, kə Eliyakim oŋkom Asor.
- 14 Kə Asor oŋkom Sadok kə Sadok oŋkom Akim kə Akim oŋkom Eliyud.

¹⁵ Kɔ Eliyud oŋkom Elasar kɔ Elasar oŋkom Matan kɔ Matan oŋkom Yakuba.

¹⁶ Kɔ Yakuba oŋkom Isifu wos ka Mari wɛkɔ oŋkom Yesu nwe aŋwe Krist, wɛbe nwe Kanu kɛyɛk-yɛk mɔ.

¹⁷ Awa, dɛtemp wɛco kɔ maŋkɛle dɛnacepɛr kɛyɛfe Abraham haŋ kɛbɛp Dawuda, dɛtemp wɛco kɔ maŋkɛle kɛyɛfe Dawuda haŋ kɛbɛp kɛkɛkɛre ka aYisrayel Babilɔŋ, dɛtemp wɛco kɔ maŋkɛle kɛyɛfe kɛkɛkɛre kɛŋan Babilɔŋ haŋ kɛbɛp Krist.

Kɔkom ka Yesu Krist

¹⁸ Tokom nte t'anakom Yesu Krist: Wɛrkun nwe ancwe Isifu mɔ, encfac iya ka Yesu nwe ancwe Mari mɔ. Ta Isifu entagbaŋne Mari-ɛ, kɔ Mari ɛnɛŋkne pɛbekse fɛnɔntɛr fa Amara Nɛcempi.

¹⁹ Isifu wos ka Mari nwe ɛnalomp, ta ɛfaŋ kɛcɛŋ kɔ gbasŋa mɔ, encem-cɛmne kɛlukse Mari nda afum ɔn kɛgbɔpne disre.

²⁰ Isifu eyi ti kɛcɛm-cɛmne, gbɛncana babɔkɔ kɔ mɛlɛke ma Mariki mowurɛr kɔ dɛmere, kɔ moloku kɔ: «Isifu wan ka Dawuda, ta mɛnese kɛlɛk Mari mɛnɛnce kɔ, bawo wan nwe ɛmbɛkɛs mɔ, bafɔ dɛfum ɛyɛfe, mba dɛAmara Nɛcempi.

²¹ Wɛran kam Mari endekom wan wɛrkun mɛnde mɛwe kɔ Yesu*, bawo nkɔn endeyac afum ɔn kiciya kɛŋan.»

²² Mamɔkɔ fɛp mɛnayi nte tɔŋsɔŋe nte Mariki ɛnaloke kusu ka sayibe mɔ, meyi:

²³ «Mɛcɛŋkɛl, wɛyɛcɛra wɛtɔcɛre wɛrkun endebɛkɛs.

Pɛkom wan wɛrkun nwe andewe Emaniyel mɔ.»

Itɔ tatɔkɔ: «Kanu kɛyi kɔ sɛna.»

²⁴ Nte Isifu entime mɔ, k'ɔyɔ tɔkɔ mɛlɛke ma Mariki mɛnasom kɔ mɔ. K'ɛlɛk Mari k'ɛnɛnce kɔ.

²⁵ Mba ŋanafɛntɛre fe kɔ Mari haŋ nte Mari ɛnakom wan wɛrkun, nwe Isifu ɛnasɔŋ tewe ta Yesu mɔ.

2

Acɛre mes ŋander kɛnɛŋk Yesu

¹ K'ɛŋkom Yesu dare da Betlɛhem nde atɔf ŋa Yude, tɛm tatɔkɔ tɔ Herodu ɛnayɔne di wɛbe. Kɔ acɛre mes aka ntende kɛca nke dec dɛmpɛ mɔ ŋander Yerusalem,

² kɔ ŋayif: «Deke kɛnaka nke kɛndeyɔne wɛbe k'aSuyif nwe antɛp kɛckom mɔ, eyi-ɛ? Bawo sɛnɛŋk kɔs kɔn ntende dec dɛmpɛ mɔ, sɛnder kɛdetontnɛne kɔ fɛr kirin.»

³ Nte wɛbe Herodu ene toloku tatɔkɔ mɔ, kɔ pɛyi kɔ yamayama, kɔ aka Yerusalem fɛp.

⁴ Kɔ wɛbe Herodu olɔŋka alɔŋne apɔŋ fɛp kɔ atɛkse sariye s'aSuyif, k'eyif ŋa kɛfo nke andekom Krist, wɛyac nwe Kanu kɛyɛk-yɛk mɔ.

⁵ Kɔ akakɔ ŋaloku kɔ: «Dare da Betlɛhem nde atɔf ŋa Yude andekom kɔ, bawo itɔ sayibe sɛncicɛs:

⁶ Kɔ mɛna Betlɛhem atɔf ŋa Yuda, mɛyɔ dɛkɛcɛmɛ sɛdare sɛpɔŋ sa Yuda dacɔ, bawo dare dam dɔ wɛkirin endewur nwe endekɛkɛs afum ɛm aŋe ŋayɔne aka Yisrayel mɔ.»

⁷ Awa, kɔ Herodu ewe acɛre ɔn mes, k'eyif ŋa yɔkyɔk kɛcɛre yati tɛm tɔkɔ kɔs kɛŋkɔ kɛnɛntɛrɛne mɔ.

⁸ Kɔ Herodu osom afum Betlɛhem, pɛcloku: «Nɛkɔ nɛtɛnɛs kɛcɛre pɛsoku teta wan wɛkawɛ. Kɔ nɛnɛŋk kɔ-ɛ, nɛder nɛsɔŋ'em ti kɛcɛre, nte tɔŋsɔŋe ina sɔ ikɔ itontnɛne kɔ fɛr kirin mɔ.»

⁹ Nte acɛre mes ŋalip kɛcɛŋkɛl wɛbe mɔ, kɔ ŋaŋkɔ. Awa, kɔs nke ŋananɛŋk mɔ, kɛyi ŋa tekirin, nte kɔs kɛŋkɔ kɛmbɛp kɛfo nke wan nwe ɛnayi mɔ, kɔ kɛncɛmɛ.

* **1:21** Yesu = cɛHebɛre «Wɛyac» **1:23** Esayi 7.14 **2:6** Mika 5.2 **2:6** 2 Samiyel 5.2

¹⁰ Nte njananɛnk kɔs nke mɔ, kɔ pɛmbɔt nja pɛpɔŋ.

¹¹ Kɔ njanberɛ kɛlɔ disrɛ, kɔ njanɛnk wan kɔ kerɛ Mari, kɔ njancɛpɛ wan suwu dɛntɔf kɛtontnɛnɛ kɔ fɔr kirinj. Kɔ njanikɛli lɔba ya daka danjan kɔ njampocɛ wan Yesu kɛma, suray sɛtɔt sa kɛlɔl ka kɛtɔk kɔ labundɛ da mir.

¹² Nte Kanu kɛlok-lokɛr nja dɛmɛrɛ a ta njaluksɛrne sɔ nda wɛbɛ Herodu mɔ, kɔ njalɛk dɔpɔ dɔlɔma kɛkɔ ka ndaranjan.

Kɛyɛkse ka Isifu, Mari kɔ wan kɔn Yesu njakɔ Misira

¹³ Nte njankɔ mɔ, gbɛncana babɔkɔ kɔ mɛlɛkɛ ma Mariki mowurɛr Isifu dɛmɛrɛ kɔ moloku kɔ: «Mɛyɛfɛ mɛlɛk wan kɔ kerɛ, mɛyɛkse mɛkɔ Misira, mɛyi di hanj tɛm nte indelok'ɛm kɛlukus mɔ, bawo Herodu endetɛn wan pɛmɛlɛk kɔ.»

¹⁴ Kɔ Isifu ɛyɛfɛ pibi disrɛ, k'ɛlɛk wan kɔ kerɛ k'ɔnjɔ Misira,

¹⁵ k'ɛyi di hanj kɔ Herodu efi. Mamɔkɔ mɛnayi nte tɔnjɔnjɛ mɔkɔ Mariki ɛnalokɛ kusu ka sayibɛ mɔ, mɛlarɛ: «Iwe wan kem pɛwur Misira.»

Kɛdifɔt ka awut

¹⁶ Nte Herodu ɛnɛnk nte acɛrɛ mes njantinjɛr kɔ mɔ, kɔ pɛnanjkanɛ kɛtɛlɛ kɔ, k'osom a padifɔt awut fɛp anjɛ njanasɔtɔ meren mɛrɔnj hanj kɛtor mɔ, anjɛ njanayi Betlɛhɛm kɔ sɛdare nse sɛnjɛl di mɔ, ɛnalɛk tɛcɛmɛmɛnɛ tatɔkɔ nte acɛrɛ mes njanalokɛ kɔ tɛm nte kɔs kɛnawur mɔ.

¹⁷ Awa, tɔkɔ Sayibɛ Yeremy ɛnalokɛ mɔ, tɛlarɛ:

¹⁸ «Ane kɛbɔkɛnɛ nde dare da Rama, kɛbɔk kɛpɔnj kɔ kɛkulɛ-kulɛ ka defi.

Rasɛl ɛyi kɛbɔk awut ɔn.

ɛfanj fɛ a paletsɛnɛ patore-tore kɔ abɛkɛc, bawo awut ɔn njanjɔs-kɔs.»

Kɛlukus kɛnan Yisrayel

¹⁹ Nte wɛbɛ Herodu efi mɔ, gbɛncana babɔkɔ kɔ mɛlɛkɛ ma Mariki mowurɛr Isifu dɛmɛrɛ atɔf nja Misira,

²⁰ kɔ moloku kɔ: «Mɛyɛfɛ mɛlɛk wan kɔ kerɛ, mɛlukus atɔf nja Yisrayel, bawo akɔ njanafanj kɛdif ka wan wɛkawɛ mɔ njafis-fis.»

²¹ Kɔ Isifu ɛyɛfɛ, k'ɛlɛk wan kɔ kerɛ kɔ njalukus Yisrayel.

²² Mba nte ɛnane a Arkelayos ɔsɔtɔ kɛyɔnɛ ka wɛbɛ dɛkɛcɛmɛ da kas Herodu mɔ, kɔ Isifu ɛnɛsɛ kɛkɔ atɔf nja Yude. Kɔ mɛlɛkɛ molok-lokɛr kɔ dɛmɛrɛ, kɔ Isifu ɔnjɔ atɔf nja Kalile.

²³ K'ɔnjɔ pɛyi dare da Nasaret, ɛnayɔ ti nte tɔnjɔnjɛ toloku ta Yecicɛs Yosoku nyɛ sayibɛ njanacicɛs mɔ tɛlarɛ: «Andewɛ kɔ wɛka Nasaret.»

3

Kawandi ka Anjɛnabi Sanj Batis

Mark 1.1-8; Luk 3.1-6

¹ Mata mamɔkɔ kɔ Anjɛnabi Sanj Batis owur pɛckawandi nde tɛgbɛrɛ ta atɔf nja Yude:

² «Nɛsɛkpɛr bɛkɛc nɛlomp, bawo dɛbɛ da dɛKɔm dɛlɔtɛrne!»

³ Nkɔn sayibɛ Esayi ɛnalokɛ tetɔn: «Fum wɛkɔ dim dɔn deyɛ kɛwur dɛtɛgbɛrɛ mɔ ɔfɔ: «Nɛlompɛs dɔpɔ da Mariki, Nɛlompɛ sɛpɔ sɔn sa wɛcɛk!»»

⁴ Sanj nwɛ, yamos ya cɛfon ca yɔkɛmɛ y'ɛncbɛrnɛ, pɛcgbɛncnɛ bɛlɛt ba akata defi. Cɛlanjɛkma kɔ mɛsɛ ma cɛmɛ ca dop gbɛcɛrɛm yɛnayɔnɛ kɔ yeri.

⁵ Afum anjɛ njancyɛfɛ Yerusalem, akɔ njancyɛfɛ atɔf nja Yude fɛp mɔ, kɔ akɔ njancyɛfɛ sɛdare nse sɛyi kɛnjgbɔkɔ ka Yurdɛn kɛsɛk mɔ fɛp njanckɔ nde ɛyi mɔ,

⁶ njacsɔtɛr kɔ kɛgbɔt dɛromun tɛta Kanu nde kɛnjgbɔkɔ ka Yurdɛn, njaccɛnj kiciya kɛnan afum dacɔ.

⁷ Nte encnəŋk aka dine da aFarisi* kɔ da aSadisi† ɲacderene kəgbət dərɔmun teta Kanu mɔ, k'oloku ɲa: «Nəna aɲe ɲəyi pəmɔ ɲkisin mɔ! An'əsɔɲe nu kəcərə nte aɲyeksər kiti ka Kanu nke kəyi kəder mɔ-ε?»

⁸ Awa, nɔde nacyɔ mɔyɔ mətɔt mme mɛɲmentər a nəsəkpər mera kɔ nəncəme pəlɔmpu darəɲ mɔ.

⁹ Ta nəcem-cemne a Kanu kəndeyac nu bawo nəlɔku: «Abraham ɔyɔne wətem kosu!» Ey, icloku nu, nənəɲk masar mame ba? Kanu kəntam kəkafəli mi mɔyɔne awut a Abraham.

¹⁰ Ndekəl oɲ, tomunt pelip kəcəme kəcɛp ka tək haɲ nde ntentəl ya yi: Kətək nke o nke kəntəkɔm yokom yɔtɔt mɔ, ancɛp ki, paləm dənenc.

¹¹ Ina, dərɔmun ɲgbət nu teta kəmentər a nəsəkpər bəkəc, mba nwe eyi kəder im tadarəɲ mɔ, dəAmera Nəcempi ɲa Kanu kɔ nenc ende pəcgbət nu. Wəkakɔ ɔyɔ fənəntər pətəs im. Isɔtɔ fɛ dofum dowurɛ kɔ cɔfta dəwecək.

¹² Pəcəme dəkur pətəmpər kərəbe dəwaca pəcgbap, pəgbey mɛɲgben mətɔt mme endemɛɲkərne dəkɛle mɔ, mba pəcɔf fonta dənenc nde dəntənimɛ mɔ.»

Kəgbət ka Yesu dərɔmun teta Kanu

Mark 1.9-11; Luk 3.21-22; Isaɲ 1.29-34

¹³ Tɛm tatəkɔ tɔ Yesu ɛnaye fɛ atɔf ɲa Kalile, k'ender nde kəɲgbəkɔ ka Yurdeɲ kəsək nno Saɲ eyi mɔ pədesɔtər kɔ kəgbət dərɔmun teta Kanu.

¹⁴ Mba kɔ Saɲ ɛfaɲ kəyamsər kɔ ti, k'oloku Yesu: «In'ɔ pəmar isɔtər mənə kəgbət dərɔmun teta Kanu, kɔ mənə mənder nno iyi mɔ!»

¹⁵ Kɔ Yesu olukɛ kɔ: «Məwose ti kərəsna. Tatəkɔ tɔ pəmar payɔ mes fəp mme Kanu kəsom su mɔ.» Awa, kɔ Saɲ owose.

¹⁶ Yesu ɛnadelip kəsɔtɔ kəgbət dərɔmun teta Kanu, k'empɛ. Gbəncana babəkɔ kɔ kəm kəɲgbite tetən, k'ɛnəɲk Amera ɲa Kanu ɲɔctorər kɔ pəmɔ antantoriya.

¹⁷ Awa kɔ dim dontor kəyefe dəkɔm: «Wəkawɛ wan kem nwe imbɔtər mɔ ɔfɔ, nkən ɔbət im mes belbel.»

4

ɲəɲk ɲɛlɛc ɲɛwakəs kəsɔɲe Yesu kəciya

Mark 1.13; Luk 4.1-13

¹ Nte tencepər mɔ, kɔ Amera ɲa Kanu ɲɛɲkekərə Yesu nde dətɛgbərə kəkəsak kɔ ɲəɲk ɲɛlɛc ɲɛwakəs kəsɔɲe kɔ kəciya.

² Nte Yesu elip kəsun mata wəco maɲkələ (40) pibi kɔ daɲ mɔ, kɔ dor dɔyɔ kɔ.

³ Nte ɲəɲk ɲɛlɛc ɲɛfaɲ kəsɔɲe Yesu kəciya mɔ, kɔ ɲender ɲoloku kɔ: «Kɔ tɔyɔne a Wan ka Kanu mɔyɔne-ε, məlɔku oɲ masar mame mɔyɔne cəcom.»

⁴ Kɔ Yesu oluku: «Yecicəs Yosoku yoloku: «Bafɔ kəcom gbəcərəm kəɲsɔɲe fum kəyi doru, mba moloku ma Kanu fəp məɲsɔɲe fum kəyi doru.»»

⁵ Kɔ ɲəɲk ɲɛlɛc ɲɛɲkekərə Yesu nde Yerusalem dare dosoku, kɔ ɲəɲkɔ ɲɛcəmbər kɔ nde dətɛlempən pa kələ kəpɔɲ ka Kanu kəroɲ.

⁶ Kɔ ɲoloku Yesu: «Kɔ tɔyɔne a wan ka Kanu mɔyɔne-ε, məyokɛ ma dəntɔf, bawo dəYecicəs Yosoku ancicəs:

«Kanu kəndesom mɛlɛkɛ ɔɲ, ɲandətəmpər əm dəwaca nte təɲsɔɲe ta məmpət tasar mɔ.»»

⁷ Kɔ Yesu oluku ɲi: «Mba ancicəs dəYecicəs Yosoku sɔ: «Ta məcɔɲəs Mariki Kanu kam kəyɔ ka tes təwɛy-wɛy tən.»»

⁸ Kɔ ɲəɲk ɲɛlɛc ɲɛɲkekərə Yesu sɔ tərɔ tɛɲeci kəroɲ, kɔ ɲementər kɔ dɛbe da tɔf ya doru fəp kɔ dətɔt da yi.

* **3:7** WəFarisi, aFarisi = Kəgba k'abeki ka dine d'aSuyif aɲe ɲasektərəne sariye kɔ mɔyɔ mokur ma aSuyif mɔ tin tin tin.

† **3:7** WəSadisi, aSadisi = Kəgba k'abeki ka dine d'aSuyif kələma, aɲe ɲasektərəne sariye kɔ mɔyɔ mokur ma aSuyif mɔ.

3:7 Luk 3.7 **4:6** Yabura 91.11-12 **4:7** Sariye 6.16

⁹ Kɔ Nɔŋk Nɛlɛc ɲoloku Yesu: «Inɔŋ ɔm yaye fɛp kɔ mɔwosɛ kɔtontnɛn'em fɔr kirin-ɛ.»

¹⁰ Kɔ Yesu oloku ɲi: «Mɛbɔlɛ, mɛna Sentani! Bawo ancicɛs dɔYecicɛs Yosoku: «Mariki Kanu kam pɛmar mɛctontnɛnɛ fɔr kirin, nkɔn gbɛcɛrɛm pɛmar mɛcsalɛnɛ.»»

¹¹ Kɔ Nɔŋk Nɛlɛc ɲɛsak Yesu, awa kɔ mɛlɛkɛ mender mɛbɔcɛ kɔ.

Yesu oncop yɛbɔc yɔn Kalile

Mark 1.14-15; Luk 4.14-15; Isan 4.1-3,43-46

¹² Ntɛ Yesu ene a alɛk Saŋ Batis k'ambɛr dɔbili mɔ, k'owur kɔkɔ atɔf ɲa Kalile.

¹³ Yesu ɛnayi dare da Nasaret, k'ende pɛcɛpɛ dare da Kaparnam ndɛ deyi kɔba ka Kalile kɛsɛk dɔndo tɔf ya Sabulon kɔ Naftali,

¹⁴ ntɛ tɔŋsɔŋɛ tɔkɔ Kanu kɛnalokɛ kusu ka sayibɛ Esayi mɔ, tɛlarɛ:

¹⁵ «Atɔf ɲa Sabulon

kɔ ɲa Naftali dɔpɔ ndɛ dɔŋkɔ ndɛ kɔba ka Kalile,

kɔŋgbɔkɔ ka Yurdɛn kɛsɛk,

atɔf ɲa Kalile ndɛ atɔyɔnɛ aSuyif ɲandɛ mɔ,

¹⁶ afum a di aŋɛ ɲanacɛm-cɛmɲɛ a Kanu kɔmbɛr ɲa kumunt mɔ,

ɲanɔŋk ntɛ Kanu kɔŋkafɔlɛ kɔ kɔntɛfɔrnɛ ɲa mɔ.

Aŋɛ ɲanayi kubump ka kɔtɔgbɛkɛr amera mɔ,

kɔ pɔwanɲkɛra pomot ɲa.»

¹⁷ Tɛm tatɔkɔ tɔ Yesu ɛnacop kɔkawandi: «Nɛsɛkpɛr bɛkɛc nɔlomp, bawo dɛbɛ da dɔKɔm dɔlɔtɔrnɛ.»

Yesu ewe acɛpsɛ ɔn darɔŋ acɔkɔ-cɔkɔ manɲkɔlɛ

Mark 1.16-20; Luk 5.1-11; Isan 1.35-51

¹⁸ Ntɛ Yesu ɔncɔtɔs kɔba ka Kalile kɛsɛk mɔ, k'ɛnɔŋk dɛwɛncɔ mɛrɔŋ, Simɔŋ nwe ancwe Piyɛr mɔ, kɔ wɛnc Andɛrɛ, ɲacɲbal manta dɔkɔba, bawo awɛnt ɲɔ ɲanayɔnɛ.

¹⁹ Kɔ Yesu oloku ɲa: «Nɛdɛr nɛcɛps'em darɔŋ, indɛsɔŋɛ nu kɔyɔnɛ awɛnt a afum.»

²⁰ Gbɔncana babɔkɔ kɔ ɲasak manta manɲan kɔ ɲancɔmɛ Yesu darɔŋ.

²¹ Ntɛ Yesu ɔŋkɔ pipic mɔ, kɔ ɛnɔŋk sɔ dɛwɛncɔ mɛrɔŋ Sak wan ka Sebede kɔ wɛnc Isan, aŋɛ ɲanayi sɔ abil ɲanɲan disrɛ kɔ kas kɔŋan Sebede, ɲaclompɛs-lompɛs manta mɔ. Kɔ Yesu ewe ɲa.

²² Gbɔncana babɔkɔ kɔ ɲasak abil kɔ kas kɔŋan, kɔ ɲancɔmɛ Yesu darɔŋ.

Yesu ɛnctɔksɛ pɔctamɔs sɔ

Mark 1.39; Luk 4.44; Luk 6.17-18

²³ Yesu ɔncɔtɔs atɔf ɲa Kalile fɛp pɔctɔksɛ dɔkɔtola Kanu da aSuyif, pɔckawandi Kibaru Kɔtɔt ka dɛbɛ da dɔKɔm, pɔctamsɛnɛ sɔ docu kɔ lanɲiru fɛp ndɛ dɛnayi afum mɔ.

²⁴ Ti tɛnasɔŋɛ tɛwɛ tɔn tɛsamsɛr atɔf ɲa Siri fɛp disrɛ. Pɔckɛrɛ kɔ afum fɛp akɔ docu yamayama dɛnasumpɛr, pɔccu ɲa mɔ: Akɔ yɔŋk yɛlɛc yɔncɔtɔrɔs, akɔ docu da kɔtɛmpɛnɛ dɛnayi, kɔ akɔ ɲanayɔ lanɲiru mɔ, Yesu ɛnctamɔs ɲa fɛp.

²⁵ Kɔnay k'afum alarɛm kɔncɔdɛr kɔyɛfɛ Kalile, atɔf ɲa Sɔdare Wɔcɔ, dare da Yerusalɛm, atɔf ɲa Yude, kɔ sɔdare sa kɔca nkɛ dec dɛmpɛ Yurdɛn mɔ.

5

Kawandi ka Yesu ndɛ tɔrɔ kɔrɔŋ

Mark 3.13; Luk 6.12-13

¹ Ntɛ Yesu ɛnɔŋk kɔnay ka afum mɔ, k'ɛmpɛ tɔrɔ kɔrɔŋ, k'ɔŋkɔ pɔndɛ, kɔ acɛpsɛ ɔn darɔŋ ɲander nnɔ eyi mɔ.

² Kɔ Yesu ɛlɛk moloku k'ɛyɛfɛ kɔtɔksɛ ɲa:

Amera ɲətət ɲɛ ɲəsəŋ fum pəbotu ɲnə Kanu kəyi mə
Luk 6.20-26

- ³ «Pəbotu peyi aɲe Kanu kəsəŋ pətət kə ɲancəreɛ a ɲancəme Kanu fər kirin waca wəsəkər mə,
 bawo dəbe da dəKəm, danan də!
⁴ Pəbotu peyi aɲe Kanu kəsəŋ pətət kə ɲayi kəbok mə,
 bawo Kanu kəndekəfəŋət ɲa mɛncər.
⁵ Pəbotu peyi aɲe Kanu kəsəŋ pətət kə ɲandɛncɛ mə,
 bawo ɲandekəsətə doru fəp, dəyɔne ɲa kɛ!
⁶ Pəbotu peyi aɲe Kanu kəsəŋ pətət kə tɛfan ta Kanu tɛmbas ɲa kənəŋk pəmɔ nte amera
 ɲoŋwos fum dor dəyɔ kə mə,
 bawo ɲandekənɛmbərə!
⁷ Pəbotu peyi aɲe Kanu kəsəŋ pətət kə ɲaɲyɔne awɛnc aɲa nənɔfər mə,
 bawo Kanu kəndekəyɔne ɲa nənɔfər!
⁸ Pəbotu peyi aɲe Kanu kəsəŋ pətət kə ɲasək bəkəc mə,
 bawo ɲandekənəŋk Kanu!
⁹ Pəbotu peyi aɲe Kanu kəsəŋ pətət kə ɲayɔne alompəs a pəforu awɛnc aɲa dacɔ mə,
 bawo andekəwe ɲa awut a Kanu!
¹⁰ Pəbotu peyi aɲe Kanu kəsəŋ pətət kə antərəs ɲa teta kəyi kəŋan tɛfan ta Kanu mə,
 ɲa ɲandekəsətə dəbe da dəKəm!
¹¹ Pəbotu peyi aɲe Kanu kəsəŋ pətət mə k'aləməs nu, pactərəs, k'andele nu moloku mɛlɛc
 fəp ma yem teta ina Yesu.
¹² Kə tatəkə tɛmbəp nu-ɛ, nəwoləs-woləs, nəyi pəbotu disrɛ, bawo kəway konu kəmbək nde
 dəKəm. Tante t'anatərəs sayibɛ aɲe ɲananuŋkɛnɛ kəder a nənə nəcder mə.»

Nəyi pəmɔ mɛr kə pəwanəkəra
Mark 9.50; Luk 14.34-35

- ¹³ «Nənə mɛr ma doru mə nəyɔne. Mba kə mɛr mɛndɛncɛ-ɛ, afətam kədəktəsɛ mi paka o
 paka. Mentəsɛ fɛ sɔ təlɔm o təlɔm, mɛnɛ pagbal mi afum ɲanas-nas.
¹⁴ Nən'ɔyɔne pəwanəkəra pa doru. Dare ndɛ denyi tərɔ kəronj mə, afətam kəmɛŋk di.
¹⁵ Afəmot lamp pagbəpər di kəfala, mba andɛt di kədɛt dəm pɛdɛtɛ lamp kəronj, dəsəŋ
 pəwanəkəra akə ɲayi kəlɔ disrɛ mə fəp.
¹⁶ Tin tayi tɔ pəmar pomot ponu pəsəŋ pəwanəkəra tatəkə afum fər kirin, nte təŋsəŋɛ
 ɲanəŋk yɛbəc yonu yətət, ɲakor-koru Kanu Papa konu nwe eyi nde dəkəm mə.»

Yesu ɛntəkse sariyɛ nɛ Musa ɛnasəŋ mə

- ¹⁷ «Ta nəcɛm-cɛmnɛ a teta Sariyɛ kə pəyɔne fɛ ti mɛtəkse ma sayibɛ fəp m'inder kəlinj day.
 Inder fɛ kəlinj mi day, mba kəsəkəs ka mi pɛs k'inderɛnɛ.
¹⁸ Kance, inlɔku nu ti, kəwon nke o nke ka kəm kə antəf afəlinj nte o nte dəsariyɛ. Afəlinj
 ali toloku tɛfɛt tin, afəlinj ali tɛgbɛyəs-gbɛyəs tin, tatəkə haŋ doru delip.
¹⁹ Məna nwe o nwe mənɲani tosom tɛfɛt tin mə, mətəkse sɔ afum kəfani tosom tatəkə,
 fum wəkakə endekəfɛtɛ dəkəcəmə nde dəbe da dəKəm. Mba kə fum eleləs mosom pətəkse
 sɔ afum kələləs mi-ɛ, fum wəkakə endekəyɔ dəkəcəmə dəpəŋ nde dəbe da dəKəm.
²⁰ Iclɔku nu, pəmar nəcəmə dolompu da Kanu darəŋ nətas atəkse sariyɛ s'aSuyif kə
 aFarisi. Kə təntəyi-ɛ, nəfəbɛrɛ dəbe da dəKəm.»

Kətəkse teta mɛtɛlɛ
Mark 11.25; Luk 12.57-59

- ²¹ «Nənane nte analoku atem anu mə: <Ta mədif fum.> Məna nwe mənɲif fum mə,
 aŋkəkər'am dənkiti.

²² Mba ina iloku nu: Nwε o nwε pəntεε nnə wεnc eyi mə, aŋkekəre kə dənkiti. Kə fum oloku wεnc <Daku də məyənε>-ε, pakekəre kə aboc kiti fər kirin. Kə fum oloku wεnc: <Məntənkələ-ε,> palək kə pakə paləm dənenc da yahanama.

²³ Kə mändekə kəmentər polonε pam nde tetek tolonε Kanu kəron a məcəm-cəmne dənda, a wεnc əm εmεŋk'am tes təloma-ε,

²⁴ məsak polonε pam papəkə tetek tolonε Kanu kirin, məkə kəresna məlompəsne daco kə wεnc əm a məluksərne kədelonε.

²⁵ Kə nəsol kə wəyefərəne kam kəkə dənkiti-ε, nəten kətəne dəpə, ta wəyefərəne kam pəkəber əm wəboc kiti dəwaca, wəkəkə pəsən əm wəsodar nwε əŋkəber əm dəbili mə.

²⁶ Kance, iclok'am, məfəwur dəndo ta məlip kəlukse fərəŋk fəlpəs nfε məntəmpərə kə mə-ε.»

Kətaksε teta kəsumpər dalakə

MAT 18.8-9; Mark 9.43,47-48

²⁷ «Nənane pacloku: <Ta məsumpər dalakə.>

²⁸ Mba ina iloku nu: Nwε o nwε əməmən wəran han pəfan kəfəntərər kə mə-ε, elip kəsumpər dalakə kə wəran wəkəkə dəbəkək.

²⁹ Kə təyənε dəfər dam da kəca kətət dendesən'am kəciya-ε, məkakti di mələm di dəbəl'am. Bawo kəlin kəfo kəloma dis dam kəncəpər kəyə dis dam mələm paləm əm yahanama.

³⁰ Kə təyənε kəca kam kətət kəndesən'am kəciya-ε, məgbinti ki mələm ki kəbəl'am. Bawo kəlin kəfo kəloma dis dam kəncəpər kəyə dis dam mələm paləm əm yahanama.»

Sariye nse səncəme anencene merəŋ aŋε ŋayi kəcenene mə

Mat 19.7-9; Mark 10.4-5,10-12; Luk 16.18

³¹ Kə Yesu oloku sə: «Ancicəs dəYecicəs Yosoku ntε: <Kə wərkun endece wəran-ε, pəmar pəcicε wəran wəkəkə areka ŋecene kə.>

³² Mba ina icloku nu: Nwε ence wəran kən mə, əŋsəŋε wəran wəkəkə kəsumpər dalakə kə wərkun wəloma εnence kə-ε, mēne təyənε a kənencene kəŋkə kəyi fε sariye disre. Mba nwε εŋnence wəran nwε wərkun wəloma ence mə, nkən sə dalakə d'əŋsumpər.»

Kətaksε teta kəderəm

³³ «Nəncəre təkə anacicε atem anu dəYecicəs Yosoku mə: <Ta məyi ta məyə təkə mənaderəm kəyə mə. Mba məyə təkə mənaderəm Mariki fər kirin kəyə mə fəp.>

³⁴ Mba ina icloku nu, ta nədermε tələm o tələm: Ta nədermε kəm, bawo dəcəm da Wəbe Kanu də.

³⁵ Ta nədermε antəf, bawo antəf ŋəyənε dəkəcəmbər dən wεcək, ta nədermε sə ali Yerusalem bawo dare da Kanu Wəbe wəpən də.

³⁶ Ta nəderəm sə domp, bawo məfətam kəsəŋε ali kəfon kam kin kəferε kə pəyənε fε ti kəbiyε.

³⁷ Dəmederəm monu pəmar məloku: <Ey,> kə pəyənε kance kə-ε, məloku: <Ala,> kə pəyənε a bafə kance kə-ε. Ntε o ntε ambərəne moloku ma kəderəm maməkə mə, dəŋəŋk Njεεc tεyεfε.»

Kətaksε teta kəlukse ayek

Luk 6.29-30

³⁸ Kə Yesu oloku sə ŋa: «Nəne pacloku dəYecicəs Yosoku: Dəfər d'əŋsəŋε dəfər kəway, desek d'əŋsəŋε desek kəway.

³⁹ Mba ina iloku nu ta nəluksε ayek nwε əŋyə nu pələc mə. Kə fum efer əm kəca dəkanca ŋa kəca kətət-ε, məcence kə sə ŋa mərəŋ ŋəkə.

⁴⁰ Kə fum efan əm kəkiti teta kəbanər kam duma-ε, məsakəre kə sə burumus bam.

⁴¹ Kə fum entar'am kəkət kilomətər kin-ε, məkət kilomətər mərəŋ kə nkən.

⁴² Məpocə wəkə ontol'am mə, ta məber kəmunnt nwe eɲfan kələkər əm debe da paka pələma mə.»

*Nəbətər aterene anu
Luk 6.27-28,32-36*

⁴³ Kə Yesu oloku ɲa sə nte: «Nəne a analoku: «Məbətər wenc əm, məter wəterene kam.»

⁴⁴ Mba ina icloku nu: Nəbətər aterene anu nətola Kanu pətət akə ɲantərəs nu mə.

⁴⁵ Kə nəyə ti-ε, nəntubucene məyə mətət ma Kanu Papa konu nwe eyi nde dəkəm mə, bawo eɲyektər dec dən ayenki bəkəc kə atət, pətufər wəcafən alompu kə atələmp.

⁴⁶ Kə təyənə nəbətər gbəcərəm akə ɲambətər nu mə, kəway kərə kə nəsətəne ti-ε? Ali abanəs dut tatəkə tə ɲaɲyə pəmə nəna.

⁴⁷ Kə təyənə awenc əm aɲa gbəcərəm ɲə mənɲyif-ε, pətət pere pə məyə-ε mpε pencepər pa akə mə? Ali atəyənə aSuyif, bafə tatəkə tə ɲaɲyə pəmə nəna ba?

⁴⁸ Awa, nəna nəlare dolompu nəcemp pəmə nte Papa konu nwe eyi nde dəkəm elare dolompu k'encemp mə.»

6

Kətəksε teta kəpocə atəyə daka

¹ Kə Yesu oloku ɲa sə: «Nəkembərne kəcyə məyə monu ma dine afum fər kirin nte tənɲəne ɲaməmən nu mə. Kə teyi-ε, Papa konu nwe eyi nde dəkəm mə əfədesəne nu ti kəway.

² Nənəfər disre kə mənəde kəcmər atəyə daka-ε, ta məcam ti afum ɲacərə. Abanene kələmp ɲaɲyə ti, nde wələ wa dəkətola Kanu kə dəpə dacə, ɲacten a afum aləma kəyək-yekəs ɲa. Icloku nu, kance kə: Kəway kəɲan məlməl kə ɲayi kəban.

³ Mba kə mənəpocə atəyə daka-ε, ta məsəne kəca kəmeriya kəcərə təkə kətət kəyi kəyə mə.

⁴ Nənəfər disre kə mənəde məcmər fum-ε, məmar kə kəgbəpne disre ta wələma pəcərə ti. Papa kam nwe eɲnəɲk ali nte tənɲəpne mə, endesəɲ əm kəway.»

Metəksε mme antola Kanu mə

⁵ «Kə nənde kətola Kanu-ε, ta nəcyə pəmə abanene kələmp aɲε kəcəme dəkətola Kanu kə məgbəkene ma səpə səpəɲ kəmbət, nte tənɲəne ɲamentərne afum mə. Kance, icloku nu, kəway kəɲan kə ɲayi kəban tatəkə.

⁶ Mba məna, kə mənəde kətola Kanu-ε, məberε dukulə, məgbətərne kumba, mətola Papa kəgbəpne disre, Papa kam nwe eɲnəɲk nte tənɲəpne mə, əɲsəɲ əm kəway.

⁷ Kə mənədetola Kanu-ε, ta məla moloku pəmə atəcərə Kanu, aɲε ɲancem-cemne a kə ɲalok-loku pələrəm-ε, tənɲəne Kanu pəcəɲkəl ɲa.

⁸ Ta nəctubucne akakə, bawo Papa konu encərə mes mme nəfanər kə dəsək o dəsək mə, ta nəntatola kə-ε.

⁹ Mba nəna, nte tə pəmar nətola Kanu:

Kas kosu nwe eyi nde dəkəm mə,
məsəne paleləs decempi da tewe tam topus!

¹⁰ Məsəne a dəbe dam deder.

Məsəne afum ɲacəme tɛfan tam darəɲ dəntəf pəmə dəkəm!

¹¹ Məpocə su kəcom kəməkə.

¹² Məɲaɲnene su kiciya kosu,
pəmə nte səɲɲaɲnene akə ɲanciyane su mə.

¹³ Ta məsak su səyə mes mme məɲsəne su kəciya mə,
mba məban su Nəɲk Nɛlec dəwaca. [Bawo məna mən'əyə dəbe, fənəntər kə kəkorkoru teta meren kə meren disre.]*

14 Awa, kə nəŋaŋnənə afum pələc mpe ŋayə nu mə-ε, Kas konu nke kəyi nde dəKəm mə kəŋŋaŋnənə nənə sə,

15 mba kə nəntəŋŋnənə afum-ε, Kas konu əfəŋŋnənə nənə sə pələc ponu.»

Kətəksə teta kəsuy

16 «Kə məsuy-ε, ta məŋey kəro pəmə abanənə kəlomp, ŋa ŋandukut kəro kəmentər a ŋasuy. Kance icloku nu: Kəway kəŋan məlməl kə ŋayi kəbaŋ kaŋkə.

17 Mba mənə, kə məsuy-ε, məsopnə labundə, məbufərnə kəro,

18 nte təŋsəŋe ta məmentər afum a kəsuy kə məndə mə, mba məmentər ti Papa kam Kanu nwe əŋgbəpnə, pəcnəŋk nte o nte təŋgbəpnə mə. ŋsəŋ əm kəway.»

Daka da dəkəm detas da doru

Luk 11.33-34

19 «Ta nətən kəsətə daka delarəm nnə doru dandə, nde ate kə mərka yeŋləsər fəp, nde akiye ŋambere dəwələ ŋakiye mə.

20 Mba nətən kəyə daka delarəm da dəKəm nde Kanu kəyi mə. Dəndo, ate kə mərka yəfələsər mpe o mpe, akiye ŋafəberə, ŋafəkiye.

21 Bawo kəfo nke daka dam deŋyi mə, difə abəkəc ŋam ŋeŋyi.»

Pəwanəkəra pa dis

Luk 11.34-36

22 «Dəfər dəyənə lamp da dis. Kə dəfər dam dentesə-ε, dis dam fəp doŋmot,

23 mba kə dəfər dam dələcə-ε, dis dam fəp, kubump kə deŋyi. Kə təyənə pəwanəkəra mpe peyi dis dam mə kəbump kə-ε, kubump kam kəmbək!»

Kanu kə pəsam: Ake mələk-ε?

Luk 16.13

24 «Nwe o nwe əfətam kəbəcə abe mēraŋ. Kə teyi-ε, enter wəkin pəbətər wəkə, kə pəyənə fe ti-ε, pəsektərne wəkin, pəber wəkə kumunt. Nəfətam kəbəcə Kanu kə pəsam tēm tin.»

Məgbəkər Kanu kəlan

Luk 12.22-32

25 «It'əsəŋe nte iloku nu: Ta nəcəm-cəmnə pələrəm teta tecepərəne tonu doru, paka mpe nəndedi kə pəkə nəndemun mə. Ta nəcəm-cəmnə sə teta dis donu, pəkə nəndebər di mə, bafə kəyi wəyeŋ kəncepər yeri yedi kə dis dencepər yamos ba?

26 Nəməmən bəmp ya darenc: Yəfəgbal defet, yəfətəl, yəfəmeŋkərne meŋgben dəcələ, mba Kas konu nke kəyi dəKəm mə kəŋsəŋ yi yeri. Bafə kəyi wəyeŋ ka nənə kəncepər ka bəmp ya darenc yayəkə dəkəcəmə ba?

27 Fum wəre eyi nu dacə nwe məcəm-cəmnə mən məntam kəbələs kiyi kən doru ali kururu katin gboŋ mə-ε?

28 Ta ake tə nəncəm-cəmnənə teta yamos-ε? Nəməmən nte yeleşk ya dale yompon mə: Yəfəbəc, yəfədu yamos.

29 Mba icloku nu, ali wəbe Sulemani yati kə daka da debeki dən fəp enasətə fe yamos nyə yenatesə pəmə ya pələŋk papəkə pin mə.

30 Yika yeyi məkə dale, alna pacləm yi dənenc, mba Kanu kəŋsəŋe pəmar yi. Nəntam kəlan tes tin: Pipicə oŋ cəke o cəke, Kanu kəndebər nənə apicə kəlan yamos pəcepər tatakə!

31 Ta nəcəm-cəmnə kəyi konu doru, nəcyifne: Ake səndedi-ε? Ake səndemun-ε? Yamos yere yə səndebərne-ε?

32 Məməkə mə atəcərə Kanu ŋantən tēm fəp. Mba Kas konu nke kəyi nde dəKəm mə kəncərə a pəmar nəyə ca yayəkə fəp.

33 Nənuŋkenə kərəsna kəten dəbe da Kanu† kə pələmpu pən. Kə nəyə tatakə-ε, nkən Kanu endedeŋərə nu yayəkə fəp.

† 6:33 Yəgbəkərə ya Yecicəs Yosoku yokur yələma yəyə fe «da Kanu.»

³⁴ Ta năcem-cemne palarəm teta tecepărene doru tonu alna, năce alna ŋecem-cemne teta ŋisərka. Păcuy pa dăşək o dăşək pentəŋne dăşək da di.»

7

Ta nălek dăkăcămē da Kanu dăŋkiti fum

¹ Yesu oloku ŋa: «Ta năkiti akə nte təŋsəŋe ta andesəkiti năna mə.

² Bawo təkə năŋkiti akə mə, itə Kanu kăndekəkiti sə năna! Kə potubce pəkə năntubce akə mə, ip'andekəsətubce nu.

³ Ake'səŋe nte măŋgbətne ayika nŋe ŋeyi wenc əm dərəfər mə, mba ta măŋnăŋk tămbonk ta kətək pəkə pey'əm dərəfər mə-ε?

⁴ Pəlompu pə ba, kəloku wenc əm: «Wenc im, məwose a ilin əm ayika nŋe ŋey'əm dərəfər mə,» mba măna măyə tămbonk ta kətək dərəfər ba?

⁵ Măna wəbaŋene kəlomp, məlinne kəesna tămbonk ta kətək dərəfər dam, it'əŋsəŋ'am kəŋəŋk belbel ayika ŋəkə məfan kəlin wenc əm dərəfər mə.

⁶ Ta măsəŋ daka dəkə ampus mə cen, yentam kəluksərne yeŋəŋ əm. Ta nălămər sə mətət monu meyeŋki kəway səp, ta yedenas-nas mi.»

Kə mănten-ε, măŋsətə

Luk 11.9-13

⁷ «Nətola, năndesətə. Nəten, năndenəŋk. Nəsut-sut kumba, andegbite nu.

⁸ Bawo nwe o nwe ontola Kanu mə, ompoce kə. Nwe o nwe enten mə, eŋnəŋk. Nwe o nwe oŋsut-sut kumba mə, aŋgbite kə.

⁹ Kas kəre kəyi nu dacə nwe wan kən ontola kə kəcom, nkən pəsəŋ kə tasar mə-ε?

¹⁰ Kə pəyənne fe ti, an'eyi nu dacə nwe wan kən ontola kə alop, nkən pəsəŋ kə abok mə?

¹¹ Kə pəyənne năna aŋe nălece mə, năncəre kəsəŋ awut anu ca yətət-ε, Kas konu nke kəyi nde dăkəm kăndenəŋkanne kəsəŋ aŋe ŋantola kə ca yətət yayəkə mə!

¹² Nəyənne afum təkə năfan a ŋayənne nu mə. Tatəkə tə Sariye sa Musa kə Yecicəs ya Sayibe yosom.»

Dăkăberε da nde Kanu kəyi mə dεwekεne

Luk 13.23-24

¹³ «Năberε dăkăberε nde dεwekεne mə! Dăkăberε nde dentefərne kəlasər mə dəwəkəl, dəpə dəkə aŋkə di mə doncuca fe kəkət. Afum aŋe ŋaŋkət dəpə dadəkə mə ŋala.

¹⁴ Mba dăkăberε nde dentefərne kiye wəyeŋ mə dεwekεne, dəpə nde aŋkə di mə doncuca kəkət, aŋe ŋaŋkət di mə ŋala fe.»

Sayibe sa yem

Luk 6.43-44

¹⁵ «Năkembərne sayibe sa yem. Ŋa ŋander nu ŋakerε nu moloku mobotu, mba alec bəkək ŋə aŋe ŋawey-wey mə.

¹⁶ Măyə maŋan mēlec mə nănde năcnepəle ŋa. Awa, năcəre sə a afəpim yokom ya wen kə pəyənne fe ti cəyabe dəbēŋk!

¹⁷ Yokom yətət yə tək yətət fəp yonkom, mba kətək nke kăntətamne mə, yokom yelec yə kəŋkom.

¹⁸ Kətək kətət kəfəkəkom yokom yelec, kətək kătətamne kəfəkəkom yokom yətət.

¹⁹ Kətək nke o nke kăntəkəkom yokom yətət mə, ancəp ki paləm dənenc.

²⁰ Awa məyə ma sayibe sa yem akakə mə nănde năcnepəle ŋa pəmə nte aŋnepəle kətək kătət kə pəyənne fe ti kătətamne yokom ya ki mə.»

Ayemε acămē Mariki darəŋ

Luk 6.46; 13.25-27

²¹ «Bafə nwe o nwe oŋlok'im: «Mariki! Mariki!» ŋandekăberε dεbe da kəm dăntəf, mba nwe gbăcărəm əŋyə tefan ta Papa kem nwe eyi nde dăkəm mə.

²² Dəsək nde Kanu kəndeboc kiti afum a doru fəp dacə mə alarəm ɲandeloku: «Mariki, Mariki, bafə tewe tam tə sənçbonc nte sənçloku mosom mam mə, bafə tewe tam tə sənçbelse yəɲk yelec, bafə tewe tam tə sənçyənne mes məwəy-wəy ba?»

²³ Indelukse ɲa dəsək dadəkə: «Incəre fe nu ali katin! Nəbəl'em day fəp fonu nəɲyə mes melec!»»

Wəlo nwe merəɲ

Luk 6.47-49

²⁴ «Awa nwe o nwe eɲnen'em moloku mame pəkət sə mi mə, endeyi pəmə wərkun wəcərə kəkətene mes, nwe encəmbər kələ kən dətasar teyenki mə.

²⁵ Wəcafən pətuf, məncaca meyekse, afef ɲowur yewəkərne kələ kaɲke: Kəfəwunje bawo dətasar ancəmbər ki gbij.

²⁶ Nwe o nwe eɲnen'em moloku mame ta ɲkət mi mə, endeyi pəmə wərkun wətəcərə kəkətene mes, nwe encəmbər kələ kən desənc mə.

²⁷ Wəcafən pətuf, məncaca meyekse, afef ɲowur yewəkərne kələ kaɲke. Kəwunje, kətempene ka ki kəbək.»

Yesu kətam kən mes

Mark 1.22; Luk 4.32

²⁸ Nte Yesu elip kəlok-loku mə, kə cusu cəwos kənay teta kətəkse kən,

²⁹ bawo encəkse ɲa pəmə fum nwe ɲontəmpər kətam mə, kətəkse kən kənaciyanə kə ka atəkse sariye s'aSuyif.

8

Yesu entaməs wəcunə sen

Mark 1.40-44; Luk 5.12-14

¹ Nte Yesu ontor kəyefe dətərə mə, kə kənay ka afum kəncəmə kə darəɲ.

² Awa kə wəcunə sen ender pətontnəne kə fər kirin pəcloku: «Mariki, kə məfan ti-ε, məntam kəsəkəs im.»

³ Kə Yesu entənc kəca, k'ɲgbunəne kə, k'oloku: «Ifan ti, məsək.» Gbəncana babəkə kə sen sən səntamne.

⁴ Kə Yesu oloku kə: «Məkembərne kəloku ti fum, mba məkə məmentərne wəloɲne, pəməmən əm teta kəsəkəsne kam, məkekərə poloɲne pəmə təkə Musa encic ti mə. Tendeyənne afum fəp kəcərə a məntamne.»

Yesu entaməs wəbəcə ka wəbe wəka asədar a Rom

Luk 7.1-10; Isaɲ 4.46-54

⁵ Nte Yesu emberə dare da Kaparnam mə, kə wəbe k'asədar wəRom ender pəloku kə.

⁶ Kə wəsədar nwe elətsəne Yesu: «Mariki, wəbəcə kem efəntərə nde kələ kem, ɲətam kəkət, kə pəcuy pəpəɲ peyi kə.»

⁷ Kə Yesu oloku kə: «Indekə ndaram kətaməs kə.»

⁸ Kə wəbe k'asədar oloku Yesu: «Mariki, isətə fe dofum dəfaynen'am nde kələ kem disre, mba məloku toloku tin gbəcərəm, wəbəcə kem pətamne.

⁹ Bawo ina yati kətam ka abe em k'iyi dəntəf, k'iyə sə asədar aɲe ɲayi kətam ka ina sə dəntəf mə. K'iloku wəkin: «Məkə,» wəkayi ɲkə. K'iloku wəkə: «Mədə,» wəkayi ender. K'iloku wəcar kem: «Məyə nte-ε,» ɲyə ti.»

¹⁰ Nte Yesu encəɲkəl moloku mən mə, kə teta wəsədar nwe tenciyanə kə, k'oloku akə ɲanacəmə kə darəɲ mə: «Icloku nu kance: Inəɲke fe fum o fum aYisrayel dacə kəlaɲ pəmə kaɲke!

¹¹ Iloku nu: Afum alarəm ɲandeder kəyefe kəca nke dec dəmpə kə nke dəɲkale mə, ɲande dəmesa nde dəbe da dəKəm dəntəf kə Abraham, Siyaka kə Yakuba.

¹² Mba afum aɲe pənamar ɲalək ke ka di mə, andələm ɲa dəkubump. Difə kəbok kə kəɲaɲərəne sek kəndəkəyi.»

13 Kɔ Yesu oloku wəsɔdar wəkakɔ: «Məlukus nde ndaram, tɔkɔ mənɔgbəkər kəlanj mɔ teder əm.» Təm tatɔkɔ yati tɔ wəbəcə kən enatamnɛ.

Yesu entaməs acuy alarəm

Mark 1.29-34; Luk 4.38-41

14 Kɔ Yesu ɔŋkɔ nda Piyer, k'ɔŋkɔ pənəŋk iya ka wəran ka Piyer pəfəntərə ta entamnɛ-ɛ. Fiba fənayi kɔ.

15 Kɔ Yesu ɔŋbuŋɛnɛ kɔ kəca, kɔ fiba fəsak kɔ, kɔ wəran nwe eyefe, k'osumpər kəbəcə Yesu.

16 Dɔfɔy dendeɓər, k'anɔkɛrɛ Yesu afum alarəm aŋɛ yɔŋk yelɛc yɔnɔtərəs mɔ. Kɔ Yesu embɛlsɛ moloku mən yɔŋk yelɛc, k'entaməs acuy fəp.

17 Tatɔkɔ tɔ mes mənalarɛ, mmɛ Sayibɛ Esayi enaloku mɔ: «Enaliŋ tɔkɔ tənɔtərəs su mɔ, k'esarɛ docu dosu.»

Aŋɛ ɲafan kəcəmɛ Yesu darəŋ mɔ

Luk 9.57-60

18 Ntɛ Yesu enəŋk kənay kəkɛl kɔ mɔ, k'osom acɛpsɛ ɔn darəŋ a ɲacali kɔ nkən ntende mokuru ma kəba kanɔkɔ.

19 Kɔ wətəkse sariyɛ sa aSuyif ɔlɔtərɛ Yesu, k'oloku kɔ: «Wətəkse, ifan kəyɔnɛ wəcəpsɛ kam, indecəm'am darəŋ nnɔ o nnɔ məndekɔ mɔ.»

20 Kɔ Yesu oloku kɔ: «Məsəŋk məyɔ bi dəkədire kɔ bemp yɔyɔ wəlɔ dəkədire. Mba ina Wan ka Wərkun, iyɔ fɛ kəfo nkɛ intam kəboc domp dem mɔ.»

21 Kɔ fum wəlɔma acɛpsɛ ɔn darəŋ dacɔ oloku kɔ: «Mariki, məwos'em kərəsna kəkɔ, ikɔ iwup papa kem.»

22 Kɔ Yesu oloku kɔ: «Məcəps'em darəŋ, məcə afi ɲawup afi aŋan.»

Yesu ontore-tore afef

Mark 4.35-41; Luk 8.23-25

23 Kɔ Yesu embəkɛ debil kɔ acɛpsɛ ɔn darəŋ.

24 Pəwon fɛ kɔ afef ɲəpəŋ ɲeyefe kəwur dəkəba. Ntɛ yam yeyi kəgbəpərɛ abil mɔ, Yesu pəcdirɛ.

25 Kɔ acɛpsɛ ɔn darəŋ ɲalɔtərɛ, kɔ ɲantimi kɔ ɲacloku: «Mariki, məyac su! Kəfi kɔ sənder!»

26 Kɔ Yesu eyif ɲa: «Ta ake tɔ nənɛsɛnɛ-ɛ? Nəyɔ fɛ kəlanj kəpəŋ!» Kɔ Yesu eyefe k'ɛŋgbəŋ-gbəŋər afef kɔ kəba, kɔ pəyɔ yɛŋ.

27 Kɔ cusu cəwos acɛpsɛ ɔn darəŋ, kɔ ɲaloku: «Ake wərkun ɔfɔ wəkawɛ-ɛ, ntɛ afef kɔ domun yencəmɛ tɛfan tən darəŋ mɔ?»

Yesu entaməs arkun mɛrəŋ aŋɛ yɔŋk yelɛc yɛnayı mɔ

Mark 5.1-20; Luk 8.26-39

28 Ntɛ Yesu ɛncali mokuru ntende atɔf ɲa Kadara mɔ, kɔ afum mɛrəŋ ɲawur nde cufu dacɔ, kɔ ɲander ɲacəmɛ kɔ fər kirin. Afum akanɛ yɔŋk yelɛc yɛnayı ɲa, ɲanayɔ wɛywey, ali fum ɛnctam fɛ kəcəpər dəpɔ dadəkɔ.

29 Awa kɔ ɲayefe kəkulɛ-kulɛ: «Wan ka Kanu, ake məfanər su-ɛ? Mənder nnɔ kədɛtərəs su a tɛm tɛcbəp ba?»

30 Awa, ɲanabɔlɛnɛ fɛ kɔ sɔp yɛlarəm nyɛ yɔncsəmət mɔ.

31 Kɔ yɔŋk yelɛc yelɛtsɛnɛ Yesu, yocloku: «Kɔ məfan kəbɛləs su-ɛ, məkəkərə su dəsɔp yɛlarəm yayɛ!»

32 Kɔ Yesu oloku: «Nəkɔ dəndo!» Kɔ yɔŋk yelɛc yowur afum akanɛ kɔ yɔŋk yɛbɛrɛ dəsɔp. Gbəncana babəkɔ kɔ sɔp yayɛ yeyefe tərɔ kəronj kɔ yontor dəkəba, kɔ yɛŋgbətse, kɔ yefis-fis fəp dərɔmun.

33 Kɔ akɛk a sɔp yayɔkɔ ɲayɛksɛ kəkɔ dare. Kɔ ɲalɔm tɔkɔ tɛnəcəpər mɔ fəp kɔ tɔkɔ tɔsɔtɔ afum mɛrəŋ akakɔ yɔŋk yelɛc yɛnayı mɔ.

³⁴ Awa, kɔ aka dare fɔp ɲawur kəkənəŋk Yesu. Nte ɲambəp kɔ mɔ, kɔ ɲaletsenɛ Yesu a pəbɔlɛ atɔf ɲaŋan.

9

Yesu entaməs wɔrkun nwe enafi wɛcɔk mɔ

Mark 2.3-12; Luk 5.18-26

¹ Kɔ Yesu embɛkɛ debil, k'encali kɔba k'ɔŋkɔ dare dɔn.

² Gbancana babɔkɔ kɔ afum ɲaŋkɛɛ Yesu wɔrkun nwe enafi wɛcɔk pɔfɛntərəɛ dɔpoko mɔ. Nte Yesu encərəɛ a kɔlan kəŋan kəmbɛk mɔ, k'oloku wɔfi wɛcɔk: «Wenc im, mɔbəkne! Aŋaŋnen'am kiciya kam.»

³ Awa kɔ atəkse sariyɛ s'aSuyif alɔma ɲayɛfɛ kəcɛm-cɛmnɛ dɛbəkɔc: «Fum wəkawɛ, Kanu k'eyi kɔlɔmɔs!»

⁴ Nte Yesu encərəɛ mɛcɛm-cɛmnɛ maŋan mɔ, k'eyif ɲa: «T'ake tɔ nɔncɛm-cɛmnɛnɛ pɔlɛc dɔbəkɔc yonu-ɛ?»

⁵ Mosom mɛrəŋ mɔ mamɛ: «Aŋaŋnen'am kiciya,» kɔ «Məyɛfɛ, məkɔt,» tosom tere tɔtɔcuca kɔlɔku-ɛ?»

⁶ Awa, indeyɔ nu tantɛ nte tɔŋsɔŋɛ nɔcərəɛ a ina, Wan ka Wɔrkun, intɔmpɔr kɔtam kəŋaŋnɛnɛ kiciya nnɔ doru dandɛ.» Kɔ Yesu oloku wɔfi wɛcɔk: «Məyɛfɛ mɔlɛk poko pam məkɔ nde ndaram!»

⁷ Kɔ wɔrkun nwe ɛyɛfɛ k'ɔŋkɔ ndɔrɔn.

⁸ Nte kənay k'afum kənəŋk ti mɔ, kɔ cusu cəwos ɲa pəpəŋ, kɔ ɲaŋkor-koru Kanu nke kəsəŋ afum kɔtam kəŋkɛ mɔ.

Yesu ewe Matiye

Mark 2.13-17; Luk 5.27-32

⁹ Kɔ Yesu osumpur dɔpɔ kəkɔ, k'ɛnəŋk wɔrkun wɔlɔma pacwe kɔ Matiye pəndɛ aŋbancan ɲa abanəs dut. Kɔ Yesu oloku kɔ: «Məcəps'em darəŋ!» Kɔ Matiye ɛyɛfɛ k'encɛpsɛ Yesu darəŋ.

¹⁰ Dɔsɔk dɔlɔma, Yesu kɔ acɛpsɛ ɔn darəŋ ɲaŋkɔ ɲadi yeri nda Matiye. Awa, k'abanəs dut alarəm kɔ aciya ɲander ɲadi yeri kɔ Yesu.

¹¹ Nte aFarisi ɲanəŋk tətɔkɔ mɔ, kɔ ɲayif acɛpsɛ darəŋ a Yesu: «Ta ake tɔ wətəkse konu eyi kədinɛ yeri kɔ abanəs dut kɔ aciya-ɛ?»

¹² Kɔ Yesu ene ɲa sim, k'oloku: «Pəmar fɛ atamnɛ ɲafan wətɛn cɔl, mba acuy ɲɔ pəmar a ɲafan kɔ.

¹³ Nəkɔ nətəkəs tɔkɔ moloku ma Kanu mmɛ mementər mɔ: «Nɔnɔfɔr d'ifan, bafɔ yolɔŋnɛ.» Awa, bafɔ alompu ɲ'inder kəwe, mba aciya.»

Yesu kɔ kəsun

Mark 2.18-22; Luk 5.33-39

¹⁴ Kɔ acɛpsɛ a San Batis darəŋ ɲalɔtərne Yesu kɔ ɲayif kɔ: «T'ake tɔ acɛpsɛ am darəŋ ɲantɔsunɛ, mba sənna kɔ aFarisi səcsun pɔlarəm-ɛ?»

¹⁵ Kɔ Yesu eyif ɲa: «Pəmar afum aŋɛ awe kəgbanɛnɛ mɔ, ɲamɔncnɛ kɔ ɲasɔrɔyi kɔ wəfura ba? Mba dɔsɔk dɛndɛbɔp nte andɛlin wəfura mɔ. Awa, ɲandesun dɔsɔk dadɔkɔ.

¹⁶ Ali fum ɔfɔfapərəɛ kɔloto kəfu yamos yeməcə-məcə. Kɔ teyi-ɛ, kɔloto kəfu kəŋwali yamos yeməcə-məcə, tɔsɔŋɛ pɛwali pa kɔloto kəkur pɛbɛk petas pɛwalɛ pɔcɔkɔ-cɔkɔ.

¹⁷ Ali fum ɔfɔbɛr wɛn wofu dətɔlɔba pa akata pokur, kɔ teyi-ɛ, wɛn wɛŋwɛsɔli tɔlɔba, wolɔŋɛ dɔntɔf, tɔlɔba pɛlɛcɛ. Mba wɛn wofu, dətɔlɔba tofɔ t'ambɛr wi. Ti disrɛ, wɛn kɔ tɔlɔba yɛŋyi belbel.»

Yesu entaməs wəran, k'eyɛkti wəyɛcərə wɔfi

Mark 5.21-43; Luk 8.40-56

18 Nte Yesu eyi kəloku ɲa moloku mamɛ mɔ, kɔ wəkiriŋ k'aSuyif wəlɔma ender. K'ontontnɛ Yesu fɔr kiriŋ, k'oloku kɔ: «Wan kem wəran ɛntɛp kəcfi. Mba məkɔ mɛdɛŋɛr kɔ waca, endɛfɔtɛ.»

19 Kɔ Yesu ɛyɛfɛ k'ɛncɛmɛ wəkiriŋ nwe darɛŋ, kɔ acɛpɛ ɔn darɛŋ ɲasol kɔ ɲa.

20 Gbəncana babəkɔ kɔ wəran wəlɔma nwe docu da kəwɔr mecir dɛnayi tɛnasɔtɔ meren wəco kɔ mɛrɛŋ mɔ, ender Yesu tadarɛŋ, k'ɔŋgbuŋɛnɛ dobol da yamos yɔn.

21 Awa kɔ wəran nwe olokunɛ dɛbəkɛ: «K'ɔŋgbuŋɛnɛ gbəcərəm yamos yɔn-ɛ, intamnɛ!»

22 Kɔ Yesu ɛŋkafɛlɛ, k'ɛnɛŋk wəran nwe, k'oloku kɔ: «Məbəkɛnɛ, wan kem! Kɛlan kam kəntaməs əm.» Gbəncana babəkɔ kɔ wəran nwe ɛntamnɛ ɔŋ.

23 Nte Yesu ender kəlɔ ka wəkiriŋ nwe mɔ, k'ɛnɛŋk afula luk ya defɛ kɔ kənay ka afum ɲacbok ɲacpɛ ɲactor.

24 Kɔ Yesu oloku ɲa: «Nəwɔr nde dabanɲa! Wəyɛcərə wəkawɛ efi fɛ, kədɛrɛ k'ɛndɛ.» Kɔ afum ɲayɛfɛ kəfani Yesu.

25 Nte awurɛnɛ kənay ka afum dabanɲa mɔ, kɔ Yesu ɛmbɛrɛ dukulɔ k'osumpɛr wəyɛcərə kəca, kɔ wəkakɔ ɛyɛfɛ.

26 Kɔ tes tatəkɔ tɛsamsɛr dɔtɔf fɛp.

Yesu ɛntaməs atənəŋk mɛrɛŋ

Mat 20.29-34

27 Nte Yesu osumpɛr dɔpɔ kəkɔ mɔ, kɔ atənəŋk mɛrɛŋ ɲancɛmɛ kɔ darɛŋ ɲackulɛ-kulɛ: «Wan ka Dawuda, məyɔnɛ su nənɔfɔr!»

28 Kɔ Yesu ɛmbɛrɛ kəlɔ kanɲkɔ ɛnayi mɔ disrɛ, k'atənəŋk ɲalɔtərɛnɛ kɔ, kɔ Yesu eyif ɲa: «Nəncɛm-cɛmnɛ a intam kətaməs fɔr yonu ba?» Kɔ atənəŋk ɲalukɛ kɔ: «Ey, Mariki.»

29 Kɔ Yesu ɔŋgbuŋɛnɛ fɔr yaŋan pəcloku: «Mes mecepɛr nnɔ nəyi mɔ, pəmɔ nte nalan mɔ!»

30 Kɔ fɔr yaŋan yoluksərɛnɛ sɔ kənəŋk. Kɔ Yesu olok-lokɛr ɲa pəctiŋ-tiŋ ɲa: «Nəkɛmbərɛnɛ, ta nwe o nwe pəcərə ti!»

31 Mba nte akakɔ ɲawɔr mɔ, kɔ ɲaloku teta Yesu dɔtɔf fɛp.

Yesu ɛntaməs wərkun wətɔlok-loku

Luk 11.14-15

32 Akakɔ Yesu ɛnatɛp kəctaməs mɔ ɲandewɔr, gbəncana babəkɔ k'anɲkɛrɛ kɔ wətɔlok-loku nwe ɲəŋk ɲɛlɛc ɲənctərəs mɔ.

33 Kɔ Yesu ɛmbɛləs ɲəŋk ɲɛlɛc ɲanɲkɔ, kɔ wətɔlok-loku ɛyɛfɛ kəlɔk-loku. Kɔ cusu cəwɔs kənay ka afum pəpəŋ, kɔ ɲaloku: «Səntanəŋk fɛ tes pəmɔ tantɛ atɔf ɲa Yisrayel!»

34 Mba kɔ aFarisi ɲaloku: «Wəkiriŋ ka yəŋk yɛlɛc ɔsɔŋ kɔ fənɔntər fəbɛlɛsɛ yəŋk yɛlɛc.»

Yesu ɔyɔnɛ kənay k'afum nənɔfɔr

Mark 6.6

35 Kɔ Yesu ɛncepɛr-cɛpɛr sədare səpəŋ kɔ sɛfɛt sa dɔtɔf fɛp. Pəctəkɛ mofɔ maŋan ma dəkətɔla Kanu d'aSuyif, pəkawandi Kibaru Kətɔt ka dɛbɛ da Kanu, pəctamsɛnɛ sɔ docu kɔ lanɲiru fɛp.

36 Nte Yesu ɛnanəŋk kənay ka afum mɔ, k'ɔyɔnɛ ɲa nənɔfɔr. Dis dɔlɔl afum kɔ bəkɛc yɛlɛcɛ ɲa, ɲanayi dəpəcuca pəmɔ ɲkɛsiya nyɛ yəntɔyɔ wəkɛk mɔ.

37 Awa kɔ Yesu oloku acɛpɛ ɔn darɛŋ: «Dalɛ dɛtɛl dɛmbɛk, mba atɛl ɲampicɛ.

38 Nələtsɛnɛ Mariki ma kətɛl pəbɛrɛnɛ sɔ atɛl alɔma aŋɛ ɲandɛtɛlɛ kɔ mɔ.»

10

Asom a Yesu aŋɛ wəco kɔ mɛrɛŋ

Mark 3.16-19; Luk 6.14-16

¹ Kɔ Yesu ewe aceɣse ɔn darəŋ aŋe wəco kɔ mɛrəŋ, k'əsəŋ ŋa fənəntər fətame kəbeləs yəŋk yelɛc, kətaməs ka docu kɔ lanjiru fəp.

² Mewe ma Asom ɔn wəco kɔ mɛrəŋ mə mamɛ: wəcəkɔ-cəkɔ Siməŋ nwe aŋwe Piyer mə, kɔ wɛnc Andərə, Sak kɔ wɛnc Isan awut a Sebede,

³ Filip, Bartelemy, Tɔma, Matiye wəbanəs dut, Sak wan ka Alfe, Tade,

⁴ Siməŋ wəKanan* kɔ Yudas wəka dare da Keriyot nwe ɛnaber Yesu aterɛnɛ ɔn dəwaca mə.

Kəsom ka aceɣse Yesu aŋe wəco kɔ mɛrəŋ

Mark 6.7-11; Luk 9.2-5; 10.3-12

⁵ Aceɣse darəŋ wəco kɔ mɛrəŋ aŋe ŋə Yesu ɛnasom dətɔf, k'endenjər ŋa sɔ mosom mmɛ: «Ta nəkɔ nda atɔyɔnɛ aSuyif, ta nəberɛ dare da aSamari.

⁶ Mba nəkɔ nda aYisrayel aŋe ŋayi pəmɔ ŋkesiya yəsɔle mə.

⁷ Kɔ nəyi dɔpɔ-ɛ, nəcdəŋk: «Dɛbe da dəkɔm dɔlɔtərnɛ!»

⁸ Nətaməs atɔtamnɛ, nətimi afi, nətaməs acunɛ sen, nəbeləs yəŋk yelɛc. Ampocɛ nu kifəli, nəna sɔ nəpocɛ kifəli.

⁹ Ta nədemnɛ kɛma, kɔ pəyɔnɛ fɛ ti gbeti, ta nəber pəsam dəyuba.

¹⁰ Ta nətəmpər lɔba kəkɔ marənt. Nəkekərə burumus bin bin gbɔŋ. Ta nətəmpərənɛ cɔfta, ta nətəmpərənɛ kəgbo. Ti disrɛ pəmar wəbəc pəsɔtɔ yeri yɔn.

¹¹ Kəberɛ nke o nke kɔ nəmbɛrɛ dare dɔpɔŋ kɔ pəyɔnɛ fɛ ti dɛfɛt-ɛ, nətɛn fum wələl nwe oŋwosɛ kəmɛŋk nu mə. Nəyi nda fum wəkakɔ haŋ dəsək ndɛ nəŋyɛfɛ kəwur dare dadəkɔ nəsumpər dɔpɔ donu kəkɔ mə.

¹² Kələ nke nəmbɛrɛ mə, nəkulɛ: «Kanu kəsəŋ nu pəforu!»

¹³ Kɔ aka kələ kanjɔ ŋawosɛ kəban nu belbel-ɛ, kətolanɛ konu kəŋsəŋ ŋa pəforu! Mba kɔ ŋantəwosɛ kəban nu-ɛ, kətolanɛ konu ka pəforu kanjɔ kəŋlɔksərɛ nu!

¹⁴ K'afati kəban nu waca mɛrəŋ, ta awosɛ kəcəŋkəl moloku monu kələ kələma, kɔ pəyɔnɛ fɛ ti dare dɔləma-ɛ, nəyɛfɛ kəfo kanjɔ, nəckɔŋ-kɔŋ kəfəl nke wɛcək wonu wɛlɛk mə, ti tendeyɔnɛ aka dare dadəkɔ sɛdɛ a ŋanaban fɛ nu.

¹⁵ Ilɔku nu kance: Dəsək ndɛ Kanu kəndekiti afum fəp mə, Kanu kənayɛŋk fɛ abəkəc nnɔ afum alɛc a tɔf ya Sodom kɔ Komora ŋayi mə pəmɔ ntɛ kəndeyɛŋkər aka dare dadəkɔ abəkəc mə.»

Mətərəs mmɛ meyi kəder mə

Mark 13.9-13; Luk 12.11-12; 21.12-19

¹⁶ «Nəcəŋkəl! Isom nu, mba nəŋkɔyi pəmɔ ntɛ ŋkesiya yenyi calma dacɔ mə. Awa, nəkɛmbərɛnɛ pəmɔ bok, nəyɔnɛ atɔləsər mes pəmɔ ntantoriya.

¹⁷ Nəkɛmbərɛnɛ afum ŋandekəkɛrɛ nu aboc kiti fər kirin dəŋkiti. ŋandekəsutɛ nu cəŋgban-gban ndɛ dəkətola Kanu danjan.

¹⁸ ŋandekəkɛrɛ nu nda akirin a sɛdare səpɔŋ kɔ abɛ a tɔf fər kirin teta ina. Nən'endekɔyɔn'em sɛdɛ fər yanjan kirin kɔ ya atɔyɔnɛ aSuyif.

¹⁹ K'andekəkɛrɛ nu fər ya aboc kiti kirin-ɛ, ta nədekɔ nəccɛm-cɛmnɛ pəlarəm nəcyifnɛ: «Cəke cɔ səŋkɔlɔk-ɔlɔku, kɔ moloku mere mə səŋkɔlɔku-ɛ?» Ey, tɛm tatəkɔ, Kanu kəndekəsəŋ nu təkɔ pəmar nəlɔku mə.

²⁰ Ti disrɛ bafɔ nən'endekɔlɔk-ɔlɔku, mba Amera ŋa Papa konu Kanu ŋendekɔlɔk-ɔlɔkɛ nu.

²¹ Wɛnc endekəsəŋ wɛnc padif. Tatəkɔ tɔ kas kəndekəsɔyɔ wan kən. Awut ŋandekɔcɛmɛ akombərə anjan dɛbəkəc, ŋasəŋ ŋa padif.

²² Fəp fəndeter nu teta tewe tɛm. Mba nwe endebəkɛnɛ ti haŋ mes maməkɔ melip mə, Kanu kəndeyac kɔ.

²³ K'andekɔ pəctərəs nu dare dadəkɔ-ɛ, nəcɛpɛ nəkɔ dare dɔləma. Icɔlɔku nu kance kɔ: Kɔ Wan ka Wərkun endeder-ɛ, tendetəŋnɛ ta nəntalip kəkɔt sɛdare sa Yisrayel fəp-ɛ.

* **10:4** Siməŋ wəKanan nwe Luk pəwe Siməŋ wəsəŋka-səŋka.

²⁴ Wæcepse darəŋ əfəbək dəkəcəmə pətas wətəkse kən. Wəcar əfəyɔ dəkəcəmə dəpəŋ pətas mariki mən.

²⁵ Ntε tentese mə, pəmar wæcepse darəŋ pəyi pəmɔ wətəkse kən, wəcar pəyi pəmɔ mariki mən. K'aloku wəkiriŋ ka kələ: «Sentani Belsebul bə məyənε-ε,» aləmsene sə aka kələ kən disre haŋ pəcəpərər.»

Nwε pəmar panese mə

²⁶ «Ti disre ta nənese afum! Ntε o ntε tēmēŋkne mə andenəŋk ti, kə ntε təŋgəpne mə, andecəre ti.

²⁷ Ntε iŋluku nu kubump mə, nəgbəkəre ti kələku daŋ pəŋ. Ntε imēŋkəs nu dələŋəs mə, nədəŋk ti pəpəŋ mofə məbəpsene.

²⁸ Ta nənese afum aŋe ŋandif dis gbəcərəm, ta ŋantam kədif kəyi wəyēŋ nke kəyi nu mə. Mba nwε pəmar nənese mə, nkən əyənε Kanu nke kəntam kədif nu kədifene sə afəkəl nde yahanama mə.

²⁹ Ali pacaməs gbaŋa mərəŋ fərəŋk fin, təfəsəŋe agbaŋa ŋaŋəkə ŋin ŋetempene dəntəf ta Papa konu encərə ti-ε.

³⁰ Mba nəna, ali dəlay da cəfon ca domp donu Kanu kəncərə di fəp.

³¹ Awa, ta nənese! Nnə Kanu kəyi mə nəyɔ dəkəcəmə nde dəmbək dətas da gbaŋa yayəkə mə!»

Məna nwε məncərə Yesu mə, endekəcər'am fər ya Kanu kiriŋ

Luk 12.8-9

³² «Kə fum nwε o nwε oloku afum fər kiriŋ: «Incərə Yesu, nkən əy'em»-ε, ina Yesu indekəwose teta fum wəkayi ndena Papa kem nwε eyi nde dəkəm mə.

³³ Mba kə fum oloku afum fər kiriŋ: «Incərə fε Yesu, bafə nkən əy'em»-ε, ina Yesu sə ifədəkəcərə kə ndena Papa kem nwε eyi nde dəkəm mə.»

Bafə pəforu p'ihkerε nu, mba kəsutene kə kəgbeyene

Luk 12.51-53

³⁴ «Ta nəcəm-cəmne a pəforu p'ihkerε kəsəŋ doru, bafə pəforu p'ihkerε mba kəsutene.

³⁵ Bawo inder kəgbey kas kə wan kən wərkun, wan wəran kə kerε, wansə kə kəncərə kən.

³⁶ Afum a kələ kən disre yati ŋandeyənε aterene ən.

³⁷ Nwε əmbətər kas kə kerε pətas ina Yesu mə, əyɔ fε dəkəcəmə kəyənε wæcepse kem darəŋ. Nwε əmbətər wan kən wərkun kə pəyənε fε ti wan kən wəran pətas ina Yesu mə, əyɔ fε dəkəcəmə kəyənε wæcepse kem darəŋ.

³⁸ Kə məna nwε məntəwose kətərəs kə kəfi teta kəcəpse kem darəŋ mə, məfəyɔ dəkəcəmə kəyənε wæcepse kem.

³⁹ Məna nwε məndetən kəyac kiyi kam doru mə, kəndesalpər əm. Məna nwε kiyi kam doru kəŋsalpər əm teta ina Yesu mə, məndesətə ki.»

Yesu embaŋ nwε o nwε embaŋ acəpse ən darəŋ mə

Mark 9.37,41; Luk 9.48; 10.16; Isaŋ 13.20

⁴⁰ Nnə o nnə nəŋkə kədəŋk Kibaru kətət pabaŋ nu mə, ina Yesu ambaŋ. Fum nwε embaŋ im mə, embaŋ sə nwε osom im mə.

⁴¹ Kə fum embaŋ sayibe bawo sayibe sə-ε, wəkayi endesətə kəway nke aŋsəŋ sayibe mə. Kə fum embaŋ fum wələmpu teta doləmpu dən-ε, kəway ka wələmpu k'əŋkəsətə.

⁴² Icloku nu ti kance kə: Kə fum əsəŋ nwε efete dəkəcəmə acəpse em dacə domun dəcaŋk təmbəl katin teta kəyənε kəŋan acəpse em darəŋ mə, əfədəkəbut kəsətə kəway kən kətət.

11

Asom a Aḡnabi Saḡ Batis

Luk 7.18-35

¹ Nte Yesu elip kəsom tosom tatəkə asepse ɔn darəḡ wəco kə merəḡ mə, k'əḡkə pəctəkse pəckawandi sədare səḡan.

² Nte Aḡnabi Saḡ Batis ɛnayi dəbili mə, k'ene pacloku teta Krist kə yebəc nye ɔncyə mə. Kə Saḡ osom asepse ɔn darəḡ aləma nnə Krist eyi mə,

³ kəkəyif Yesu: «Mən'ɔyɔne nwe eyi kəder kədeyac afum a Kanu mə, kə tɔyɔne fe mənə-ɛ, ka pəmar səkar sə wələma ba?»

⁴ Kə Yesu olukse ḡa: «Nəkə nəloku Saḡ təkə nəne kə təkə nənəḡk mə:

⁵ Atənəḡk ḡanəḡk, atətam kəkət ḡanḡkət, k'asəkəs acune sen, atəne ḡane, afi ḡafəte, aḡkawandi Kibaru Kətət nnə atɔyɔ daka ḡayi mə.*

⁶ Pəbət nwe ɔntədesak kəgbəkər im kəlan kən mə!»

⁷ Nte asepse a Saḡ darəḡ ḡayefe kəluku mə, kə Yesu ɛyefe kəloku kənay ka afum teta Saḡ pəcyif: «Ake nənakə kəməmən nde dətəgbərə-ɛ: Fum nwe ɛfanə pəmɔ awo nḡe afef ḡeyikə mə ba?

⁸ Anə nənakə kəməmən: Wərkun wəsəkəp ba? Mba nəcərə a aḡe ḡaḡsəkəp belbel mə, dəwələ wa abe wə ḡayi!

⁹ Mba anə nənakə ɔḡ kəməmən-ɛ: Sayibe ba? ɛy, icloku nu, Saḡ encepər sayibe fəp dəkəcəme.

¹⁰ Tetən t'ancicəs nde Yecicəs Yosoku disre: «Məcəḡkəl: Indekəkərə wəsom kem fər yam kirin, pəkəlomps'am dəpə.»

¹¹ Kance icloku nu: Afum aḡe aran ḡaḡkom mə dacə, ali fum ɔyɔ fe dəkəcəme pətas Saḡ Batis. Mba wəkə ɛfete dəbe da dəKəm mə, ɔyɔ dəkəcəme pətas kə.

¹² Kəyefe dəsək da Saḡ Batis haḡ ndekəl, dəbe da dəKəm kədəktər disre deyi, adəktər a di ḡayi kəten kəbaḡ di.

¹³ Bawo sariye sa Musa kə Sayibe fəp ḡanadəḡk təkə tendeder mə haḡ tem ta Saḡ,

¹⁴ kə nəwose kance ka ti-ɛ, Saḡ ɔyɔne Aḡnabi Eli nwe pənamar kəder mə.

¹⁵ Məna nwe mənɔyɔ ləḡəs mə, mənə ti!

¹⁶ An'indetubucene detemp dandə-ɛ? Awa, nənəḡk aḡe ḡaḡwurene mə: Awut aḡe ḡandə kəfo nke afum ḡambəpsene mə, ḡacwe akə mə.

¹⁷ ḡacloku: «Səfulane nu luk, kə nəntəpise! Kə səlenḡe nu melenḡ ma defi, kə nəntəbok.»

¹⁸ Bawo Saḡ ender: Pəcsunḡ, ta ɔḡmun wən-ɛ, k'aloku: «ɔyɔ ḡəḡk ḡele!»

¹⁹ Kə ina Wan ka Wərkun inder, icdi yeri icmun wən, awa k'aloku: «Wəcələk iyəne, wəcis, wanapa ka abanəs dut k'aciya!» Mba k'anəḡk nte kəcərə kəkətene mes ka Kanu kəḡyɔ mə-ɛ, ancərə a belbel bə kəyi kəyɔ.»

Sədare nse səfati kəgbəkər kəlan kəḡan Yesu mə

Mat 10.15; Luk 10.12-15

²⁰ Kə Yesu ɛyefe kənal pəpəḡ sədare nse anayɔ mes mɛwɛy-wɛy məlarəm mə, bawo ḡanasəkpər fe bəkəc yelɛc yaḡan:

²¹ Pələc pəpəḡ peyi məna dare da Korasin! Pələc pəpəḡ peyi məna dare da Betsayida! Bawo tɔcyəne a mes mɛwɛy-wɛy mme Kanu kənayɔ nnə ndoronu mə, m'anayɔ aka sədare sa Tir kə Sidəḡ-ɛ, kə ḡanasəkpər bəkəc pəwon, ḡacəme pəlompu darəḡ, ḡaberne yamos ya kəbal, ḡaməncne!

²² It'ɔsəḡe nte iloku nu, dəsək nde Kanu kəndekiti afum fəp mə pəndeyəḡkər nu pətas aka sədare sa Tir kə Sidəḡ.

²³ Kə nəna aka Kaparnam, nəncem-cemne a andepene nu haḡ dəkəm ba? Ala! Andetore nu dəntəf haḡ nde afum afi ḡayi mə. Bawo mes mɛwɛy-wɛy mme anayɔ ndoronu mə, im'anayɔ dare da afum alɛc aSodom-ɛ, kə dare dadəkə dəsəryi haḡ məkə!

* 11:5 11:10 Malaki 3.1

²⁴ It'əsəŋe, icloku nu: Dəsək nde Kanu kəndekiti afum fəp mə, pəndeyəŋkər nu pətas aka dare da Sodom.»

Nəder nnə Yesu eyi mə, nəndesətə kəŋesəm

Luk 10.21-22

²⁵ Tem tatəkə tə Yesu enatola Kanu nte: «Inkor-kor'əm Papa, Mariki ma dəkəm kə dəntəf, bawo məmənəkər mes maməkə acərə kəkətene mes kə asoku səbomp, kə məmentər mi afət dəkəcəme.

²⁶ Ey, Papa, bawo tatəkə tə məfan ti.

²⁷ Papa kem əsəŋ im mes fəp, nwe o nwe encərə fe Wan mənə Papa, nwe o nwe encərə fe sə Papa kə pəntəyənə Wan-ε, kə nwe Wan enfan kəmentər kə mə.

²⁸ Nəder nnə iyi mə, nəna anə nəntərpənə yesarə yonu mə. Inten fe kətasərne nu, imbət mes. Kəŋesəm k'indəsəŋ nu.

²⁹ Nələk oŋ nəna sə yəbəc nye ifan a nəsumpər mə, nəcəŋkəl metəkse mem, bawo imbət amera, k'indence. Ti disre nəndesətə kəŋesəm nənasərka.

³⁰ Ey, yəbəc nye ifan a nəsumpər mə yoncuca fe. Pəsarə mpe isarsər nu mə pəfəfərənə.

12

Yesu entəkse afum teta dəsək da kəŋesəm nde ampuse Mariki mə

¹ Tem təloma Yesu pəccali dale, dəsək da kəŋesəm nde ampuse Mariki mə dənayı. Dor dənayı acəpse ən darəŋ, kə ŋayefe kəcŋosuru səbomp sa məngebən ŋacsəm.

² Nte aFarisi ŋanəŋk ti mə, kə ŋaloku Yesu: «Mənəŋk! Acəpse am darəŋ ŋayı kəyə nte Sariye sənətəwose dəsək da kəŋesəm nde ampuse Mariki mə.»

³ Mba kə Yesu eyif ŋa: «Nəŋkaraŋ fe dəYecicəs Yosoku təkə Dawuda kə asol ən ŋanayı nte dor dənayı ŋa mə ba?

⁴ Nte enabere kələ ka Kanu, kə ŋasəm cəcom nce analoŋne Kanu, nce Sariye sənətəwose nkən kə asol ən kəsəm mənə aloŋne gbəcərəm mə?

⁵ Kə pəyənə fe ti nəŋkaraŋ fe sə dəsariye sa Musa, a dəsək da kəŋesəm nde ampuse Mariki mə, bafə aloŋne ŋafələs sariye sa kəŋesəm dəkələ kəpəŋ ka Kanu ba? Mba ti disre ŋafəsare kiciya!

⁶ Icloku nu ti, paka pəloma peyi nnə mpe dəkəcəme da pi dəmbək detas kələ kəpəŋ ka Kanu mə.

⁷ Kanu kənaloku dəYecicəs Yosoku: «Nənəfər d'ifan, bafə yoloŋne!» Nəccərə tatəkə-ε, kə nəntərəs fe atəciya.

⁸ Bawo Wan ka Wərkun əyənə mariki ma dəsək da kəŋesəm nde ampuse Mariki mə.

Yesu entaməs wərkun nwe kəca kən kənadəmtər mə

Mark 3.1-6; Luk 6.6-11

⁹ Kə Yesu əŋkə nde dəkətola Kanu daŋan dəloma.

¹⁰ Awa wərkun wəloma enayi dəndo pədəmtər kəca. Kə aFarisi ŋayif Yesu: «Aŋwose fum kətaməs dəsək da kəŋesəm nde ampuse Mariki mə ba?» ŋanayı ti nte təŋsəŋe ŋayemsənə kə mə.

¹¹ Kə Yesu eyif ŋa: «An'eyi nu dacə nwe əŋyə aŋkesiya ŋin gboŋ, ŋetempənə debi dəsək da kəŋesəm ta empənə ŋi dəsək din dadəkə-ε?

¹² Dəkəcəme da fum dencepər da aŋkesiya pəbələ! Ti disre, Sariye səwose kəyə pətət simiti dəsək da kəŋesəm.»

¹³ Kə Yesu oloku wərkun nwe: «Mətenci kəca!» Kə wərkun nwe entenci kəca kən kə kaŋkə sə kəntamne pəmə kəŋkə.

¹⁴ Ti tenasəŋe kə aFarisi ŋawur dəkətola Kanu daŋan kəkənəŋkenə nte təŋsəŋe ŋatəŋne tedife ta Yesu mə.

Yesu əyənə wəbəc nwe Kanu kəyək-yek mə

15 Nte Yesu enc̄are m̄ec̄em̄c̄em̄ne m̄elec̄ maŋan m̄o, k'eyefe k̄afo kaŋk̄o. K̄o k̄anay k'afum k̄anc̄ame k̄o dar̄eŋ, k'entam̄as acuy f̄ap.

16 Mba Yesu p̄actiŋ-tiŋ ŋa, p̄acm̄one ŋa k̄aloku afum nwe ɔȳone m̄o.

17 Enaloku ti nte t̄oŋs̄oŋe mes m̄elare, m̄me sayibe Esayi enaloku m̄o:

18 «K̄o Kanu k̄aloku:

«M̄an̄eŋk, w̄ab̄ace kem ɔf̄o w̄akawe: Nk̄on iyek-yek,

nk̄on imb̄ot̄ar,

nk̄on, ɔŋs̄oŋ im p̄obotu f̄ap.

Indeber̄ k̄o Am̄era ŋem,

p̄ade p̄acd̄eŋk̄ar afum a t̄of ya doru f̄ap dolompu dem.

19 Ŋaf̄odec̄op̄ k̄o fum, ɔf̄odekul̄e-kul̄e.

Af̄odec̄eŋk̄al̄ dim d̄on daban̄ka.

20 Ɔf̄odetepi awo ŋonut̄ne,

ɔf̄odenim lamp depice pomot.

Tant̄e tend̄e p̄acȳo s̄o haŋ p̄as̄oŋe p̄alompu k̄etam.

21 Afum a t̄of f̄ap ŋandegb̄ek̄ar tewe t̄on am̄era.»

Yesu olukse moloku ma yem mak̄o anabon̄ce k̄o m̄o

Mark 3.22-30; Luk 11.14-23

22 K'an̄ker̄e Yesu fum nwe ŋeŋk̄ ŋelec̄ ŋonct̄or̄as ta eŋn̄eŋk, ta entam s̄o k̄aloku-loku m̄o. K̄o Yesu entam̄as k̄o, k'en̄eŋk̄ k'oloku-loku s̄o.

23 Nte p̄anciyan̄e k̄anay k'afum f̄ap m̄o, k̄o ŋaloku: «Baf̄o Wan ka Dawuda ɔf̄o, nwe Kanu k̄asom k̄adeyac afum ɔn m̄o ba?»

24 Nte aFarisi ŋane ti m̄o, k̄o ŋaloku: «W̄akiriŋ ka ȳeŋk̄ ȳelec̄ Sentani Bels̄ebul, Yesu w̄akawe emb̄else ȳeŋk̄ ȳelec̄!»

25 Nte Yesu enc̄are p̄ec̄em̄c̄em̄ne paŋan m̄o, k'oloku: «At̄of o at̄of n̄e ŋeŋyer̄ene ŋis̄arka m̄o, d̄ak̄el̄ce ŋeŋk̄o, t̄oȳone dare o dare, k̄alo o k̄alo dis̄re, ca f̄ap n̄ye ȳeŋyer̄ene yis̄arka m̄o, ȳof̄otam k̄ac̄ame.

26 K̄o Sentani s̄ambel̄as Sentani-ε, s̄aȳerne sis̄arka. C̄ake c̄o d̄ebe da si dentam k̄ac̄ame gb̄iŋ-ε?

27 K̄o t̄oȳone ina Yesu, Bels̄ebul imb̄else ȳeŋk̄ ȳelec̄-ε, afum anu oŋ, an'ɔ ŋamb̄else ȳeŋk̄ ȳelec̄-ε? Ti t̄as̄oŋe nte akak̄o yati ŋandeȳone akiti anu m̄o.

28 Mba k̄o t̄oȳone Am̄era ŋa Kanu ŋ'ina imb̄else ȳeŋk̄ ȳelec̄-ε, awa d̄ebe da Kanu dender haŋ nn̄o n̄ayi m̄o.

29 C̄ake c̄o fum entam k̄aber̄e k̄alo ka w̄aka s̄ok̄at dis̄re, p̄aw̄et̄as daka d̄on f̄ap, ta onuŋken̄e p̄asek̄at k̄aresna w̄aka s̄ok̄at w̄akak̄o-ε? K'elip̄ k̄asek̄at k̄o-ε a p̄adefoŋ̄at daka da k̄alo k̄on.

30 Nwe ɔnt̄oyi k̄o ina m̄o, enter im, mba nwe ɔnt̄olon̄kan'em m̄o, esams̄ar'em.

31 It'ɔs̄oŋe nte iloku nu, kiciya k̄o k̄al̄m̄as f̄ap andek̄oŋaŋn̄ene yi afum, mba af̄odek̄oŋaŋn̄ene k̄al̄m̄as ka Am̄era ŋa Kanu.

32 M̄ana nwe o nwe m̄eŋl̄oku p̄alec̄ pa Wan ka W̄arkun m̄o, andek̄oŋaŋn̄en'am ti, mba nwe o nwe oŋl̄oku p̄alec̄ pa Am̄era Ŋec̄empi m̄o, af̄oŋaŋn̄ene k̄o ti k̄aȳefe nn̄o doru dand̄e haŋ doru nd̄e dender m̄o.»

K̄at̄ak̄ k̄o yokom ya ki

Mat 7.16-20; Luk 6.43-45

33 K̄o Yesu end̄eŋ̄ar s̄o moloku m̄me: «K̄o k̄at̄ak̄ k̄antes̄e-ε, yokom ya ki yentes̄e. K̄o k̄at̄ak̄ k̄ant̄ot̄am̄ne-ε, yokom ya ki ȳof̄ates̄e. Yokom ya k̄at̄ak̄ y'aŋnep̄ale ki.

34 N̄ana Ŋk̄isin! C̄ake c̄o n̄antam k̄ac̄are k̄aloku moloku m̄ot̄ot̄ ta n̄ana n̄antes̄e-ε? Bawo nte t̄eŋlas̄ ab̄ek̄ac̄ m̄o, t̄o kusu k̄eŋl̄oku.

³⁵ Fum wətət, dəabəkəc nən nətət enlek mes mətət məkə meyi kə mə. Fum wələc, dəabəkəc nən nələc enlek mes mələc məkə meyi kə mə.

³⁶ Icloku nu ti: Dəsək nde andekiti afum fəp mə, nandeləmər Kanu moloku maṇan mələc fəp mme məntəyə dəkəcəme mə.

³⁷ Bawo moloku mam mendesəne Kanu kələm əm wəlompu, kə pəyənə fə ti-ε, pətərəs əm.»

Kəwer ka tēgbəkəre tēwey-wey ta dəKəm

Mark 8.11-12; Luk 11.29-32

³⁸ Atəksə sariye sa aSuyif kə aFarisi nəloku Yesu: «Wətəksə, səfan kənənk tēgbəkəre tēwey-wey tam tin nte tementər a Kanu kəsom əm mə.»

³⁹ Kə Yesu oloku nja: «Dətemp dəlec dətəcəme danapa da Kanu darəṇ njaṇi kəten tēgbəkəre tēwey-wey nte tementər a Kanu kəsom im mə. Afəsəmentər nja tēgbəkəre nte o nte kə pəntəyənə ta sayibə Yunusa-ε.

⁴⁰ Ey, Yunusa enayi mata maas daṇ kə pibi kor ka alop nəpəṇ disre. Ti tə pəndeyi Wan ka Wərkun sə, endeyi mata maas daṇ kə pibi antəf disre.

⁴¹ Aka Niniwe nandeyefə dəsək nde Kanu kəndeboc kiti ka afum fəp mə, nəboncə afum a dətemp dandə kətəskpər bəkəc, bawo kawandi ka Yunusa kənasəne aka Niniwe kəsəkpər bəkəc yaṇan yələc kə nəlomp. Awa fum eyi nu dacə nwe entas Yunusa dəkəcəme mə.

⁴² Wəbera ka atəf nne njeṇi Yisrayel kəca kətət mə, endetime dəsək da kiti kə dətemp dandə, pəboncə di kətəwosə kəcənkəl kəcərə kəkətene mes kətət, bawo pəbələ p'enayefə kədecənkəl kəcərə kəkətene mes kətət ka Sulemani*. Awa fum eyi de nwe entas Sulemani dəkəcəme mə.»

Kəlukus ka nənk nələc

Luk 11.24-26

⁴³ «Nte nənk nələc nənəkə nəwur fum nwe dərīs mə, nəcya-ya-ya mofə mowosu, nectən dəkənesəm, mba nenasətə fə.

⁴⁴ Kə nəlökunə: «Iluksərne nde kələ kem, nke inawur disre mə.» Nte nəlökus mə, kə nembəp kələ fos, pafəṇ ki palompəs ki belbel.

⁴⁵ Kə nəlökus kəkəten yənk yələc camət-məṇ nje yənanəkanə kələcə yetas nje mə. Kə yembere kələ disre kə yendə. Nte tencepər mə, kə pələc pənanəkanə fum nwe pətəs təkə pənayi kə təkək-cəkə mə! Ti tendesətə afum a dətemp dəlec dəməkə dandə!»

Iya kə awənc a Yesu

Mark 3.31-35; Luk 8.19-21

⁴⁶ Nte Yesu onclək-ləkər afum mə, awa kə kere k'awənc aṇa nəcəme dabanəka, nəcfaṇ kələk-ləkər kə.

⁴⁷ Kə fum wələma oloku Yesu: «Məcənkəl, wiri kə awənc əm aṇa nəcəme nde dabanəka, nəcfaṇ kələk-ləkər əm.»

⁴⁸ Mba kə Yesu oloku fum wəkəkə enaloku kə toloku tatəkə mə: «An'əyənə iya kem-ε? Are njaṇə awənc im aṇa-ε?»

⁴⁹ Kə Yesu entenci kəca nno acəpsə ən darəṇ njaṇi mə, k'oloku: «Nənənk: Iya kem kə awənc im aṇa nə akanə!»

⁵⁰ Nwe o nwe əṇyə tefəṇ ta Kanu Papa kem nwe eyi nde dəKəm mə, wəkəkə əyənə wənc im, wəkire kə iya kem.»

13

Totubcəne ta wəgbal defet

Mark 4.1-9; Luk 8.4-8

¹ Dəsək dadəkə kə Yesu owur dəkələ k'ənkə pəndə agbep nja kəba.

* 12:42 Məməmən 1 Abə 10.1-10

² Kò kənay ka afum alarəm ɲaŋkò ɲalɔŋkanɛ kò kəsək, kò tɔsɔŋɛ kò kəbɛkɛ debil k'endɛ. Kò kənay ka afum fəp kəncəmɛ agbɛp ɲa kəba.

³ Kò Yesu olok-lokər ɲa pəlarəm dəmotubcɛnɛ, k'oloku ɲa: «Nəcəŋkəl: Wəbɔf ɛnawur kəkɔgbal defet.

⁴ Ntɛ ɛncɔgbal defet mə, kò mɛŋgbɛn mələma məntɛmpɛnɛ dɔpɔ. Kò bɛmp yender yəsəm mi.

⁵ Kò mɛŋgbɛn mələma məntɛmpɛnɛ antɔf ɲa masar ndɛ kəbɔf kəlarəm kənatɔyi mə. Ntɛ antɔf ɲɛnadəm mə, kò mɛŋgbɛn mompon ɲa katəna.

⁶ Mba ntɛ nne yɛnadewonɛ mə, kò yəncɔf buma yayəkɔ, kò yowosərənɛ, bawo yɛnayɔ fɛ ncənc.

⁷ Kò mɛŋgbɛn mələma məntɛmpɛnɛ dəbɛŋk, kò mompon, mba kò bɛŋk yɛmpɛ kò yendi mi.

⁸ Kò mɛŋgbɛn mələma məntɛmpɛnɛ antɔf ɲɔtɔt, kò mompon kò mɛləpsər kəkɔm yokom nyɛ tasar tin (100), yəkɔ wəcɔ camət-tin (60), kò yələma wəcɔ maas (30).

⁹ Məna nwe məŋyɔ ləŋəs mə, məne ti.»

Ta ake tɔ Yesu ɛnctəksɛ dəmotubcɛnɛ-ɛ?

¹⁰ Kò acɛpsɛ a Yesu darəŋ ɲander ɲayif kò: «Ta ake tɔ məŋlok-lokərə ɲa dəmotubcɛnɛ-ɛ?»

¹¹ Kò Yesu olukɛ ɲa ntɛ: «Bawo Kanu kəsɔŋɛ nəna kəcərə kance kəgbəpɛnɛ ka dɛbɛ da dəkɔm, mba ɲa, asɔŋ fɛ ɲa ki.

¹² Ti disrɛ, nwe əŋyɔ kəcərə ka təgbəpɛnɛ ta dɛbɛ da dəkɔm mə ambɛrɛnɛ kò, haŋ pəlar kò, mba nwe əntɔyɔ mə, andɛbanɔr kò alɪ pəkɔ əyɔ mə.

¹³ Ti tɔsɔŋɛ ntɛ ilok-lokərə ɲa dəmotubcɛnɛ mə, bawo ɲaŋgbətɛnɛ belbel mba ɲafɔnəŋk, kò ɲancəŋkəl belbel mba ɲafɔnɛ, ɲafɔcərə sɔ.

¹⁴ Ntɛ Kanu kənalokɛ kusu ka sayibɛ Esayi tetan ɲa mə tɛlarɛ:

«Nəndewon kəcəŋkəl mba nəfɔdecərə fɛw.

Nəndewon kəgbətɛnɛ mba nəfɔdenəŋk fɛw,

¹⁵ bawo səbomp sa afum akanɛ səfɔtam kəcərə.

Ŋasunc ləŋəs yaŋan,

kò ɲamɛp fər

ntɛ təŋsɔŋɛ ta ɲanəŋkɛ yi,

ta ɲanɛnɛ ləŋəs yaŋan,

ta bəkəc yaŋan yəsɔŋɛ ɲa kəcərə,

ɲadəkafələ, ɲaluksərɛnɛ nnɔ iyi mə,

tɔsɔŋɛ itaməs ɲal»

¹⁶ Mba pəmbət nu, bawo fər yonu yɛŋnəŋk kò ləŋəs yonu yɛŋnɛ!

¹⁷ Kance, icloku nu: Sayibɛ səlarəm kò alompu alarəm ɲanafan kəŋəŋk məmɛ nəyi kəŋəŋk mə, mba ɲananəŋk fɛ mi. Kò ɲanafan kəne məmɛ nəyi kəne mə, mba ɲanane fɛ mi.

Kətəksɛ dətɔtubcɛnɛ ta wəbɔf

Mark 4.13-20; Luk 18.11-15

¹⁸ Awa nəcəŋkəl tɛdisrɛ ta totubcɛnɛ ta wəgbal defet.

¹⁹ Mɛŋgbɛn məkɔ mənatɛmpɛnɛ dɔpɔ meyi pəmɔ fum nwe ɛŋnɛ toloku ta dɛbɛ da dəkɔm ta tɔsəkər kò mə. Wələc pəder pələk təkɔ anabɔf abəkəc ɲən mə. It'əyɔnɛ nwe ɛnasɔtɔ mɛŋgbɛn dɔpɔ dacɔ mə.

²⁰ Mɛŋgbɛn məmɛ mənatɛmpɛnɛ kəfɔ ka masar mə meyi pəmɔ fum nwe əncəkənane Toloku ta Kanu pəban ɲa katəna pəbotu disrɛ mə,

²¹ mba wəkayɪ eyɪ pəmɔ pəbɔf pətɔyɔ ncənc: Kəcəmɛ kən kəfəwɔn, pəcuca kò kətərəs kəncəkənader teta Toloku tatəkɔ, təŋsɔŋɛ kò kəsək ti fɛw.

²² Mɛŋgbɛn məmɛ anabɔf dəbɛŋk mə meyi pəmɔ fum nwe ɛŋnɛ Toloku ta Kanu, mba məcɛm-cɛmnɛ mɛlarəm ma doru kò kətɛn daka, mes maməkɔ mɛrəŋ medi Toloku tatəkɔ, tɔsɔŋɛ ti kətəkɔm.

²³ Mɛngbɛn mɛ mɛnatɛmpɛnɛ antɔf nɔtɔt mɔ meyi pɛmɔ fum nwɛ ɛɲnɛ Toloku pɛcɛrɛ ti, tokom nte tasar tin (100), tɔkɔ wɛco camɛt-tin (60), kɔ tɔlɔma wɛco maas (30).»

Totubcɛnɛ ta defet dɔtɔt kɔ yika yɛlɛc

²⁴ Kɔ Yesu oloku ɲa sɔ totubcɛnɛ tɔlɔma: «Dɛbɛ da dɔKɔm dowurɛnɛ kɔ wɛrkun nwɛ ɔmbɔf defet dɔtɔt dɛlɛ dɔn mɔ.

²⁵ Pibi pɔlɔma afum ɲacdirɛ, kɔ wɛtɛr kɔn ender pɛbɔf yika yɛlɛc dɔbɔlɛ, k'ɔɲkɔ.

²⁶ Ntɛ yɔbɔf yomponɲ kɔ yokom mɔ, mba yika yɛlɛc yomponɲ sɔ.

²⁷ Kɔ acar a wɛka dɛlɛ ɲander ɲaloku kɔ: «Mariki, bafɔ mɛngbɛn mɔtɔt mɔ mɛnabɔf dɛlɛ dam ba? Deke yika yɛlɛc yɛyɛfɛ yedepɔn nɔɔ-ɛ?»

²⁸ Kɔ mariki oloku ɲa: «Wɛtɛr kem wɛlɔma ɔyɔ ti.» Kɔ acar ɲayif kɔ: «Mɛfan a sɛkɔ sɛwas yika yɛlɛc yayɔkɔ ba?»

²⁹ Kɔ mariki oloku ɲa: «Ala, iɲnesɛ kɔ nɛndewas yika-ɛ, nɛndesɔ kɛgbuktɛnɛ bɔlɛ.

³⁰ Nɔcɛ yika yɛlɛc yɛbɛk kɔ bɔlɛ haɲ patɛl, kɔ tɛm ta kɛtɛl tendɛbɔp-ɛ, indeloku atɛl: Nɛnɔɲkɛnɛ kɛrɛsna nɛgbuktu yika yɛlɛc nɛsɛk yi pacɔf, kɔ nɛlip-ɛ, nɛbɛr bɔlɛ kɛlɛ kem disrɛ.»»

Totubcɛnɛ ta tɛngbɛn tɛfɛt pa dɔlakɔ

Mark 4.30-32; Luk 13.18-19

³¹ Kɔ Yesu oloku ɲa totubcɛnɛ tin: «Dɛbɛ da dɔKɔm dowurɛnɛ tɛngbɛn tɛfɛt mɛpɛ fum ɛlɛk k'ɔmbɔf pi dɛlɛ dɔn mɔ.

³² Tɛngbɛn tatakɔ pɛfɛtɛ pɛtas mɛngbɛn fɔp, mba nte pomponɲ mɔ, kɔ pɛmbɛk pɛtas yɔbɔf ya dɔlakɔ fɔp, kɔ pendɛ pɔyɔnɛ kɛtɔk, kɔ tɔsɔɲɛ bɛmp ya darenc kɛdɛr yɔlɔ dɔwara wa ki.

Totubcɛnɛ ta lebin

Luk 13.20-21

³³ Kɔ Yesu ɛntɛksɛ sɔ afum totubcɛnɛ tɔlɔma, pɛcloku: «Ntɛ tɔ dɛbɛ da dɔKɔm dowurɛnɛ pɛmɔ lebin ndɛ wɛran ɛɲlɛk pɛnɔktɛrɛnɛ di kɛmbɛfɛ kilo wɛco mɛrɔɲ (20) mɔ. Kɔ kɛmbɛfɛ fɔp kɛmpɛ!»

Ta ake tɔ Yesu onclokɛnɛ motubcɛnɛ-ɛ?

Mark 4.33-34

³⁴ Mamɔkɔ fɔp Yesu oncloku mi kɛnay ka afum dɛmotubcɛnɛ. Ti disrɛ Yesu oncloku fɛ nte o nte ta oloku totubcɛnɛ ta ti-ɛ,

³⁵ nte tɔɲsɔɲɛ moloku mɛ sayibɛ ɲanaloku mɔ mɛlarɛ:

«Motubcɛnɛ m'indelok-lokɛrɛ ɲa.

Indɛdɔɲk moloku mɛ mɔɲgbɔpɲɛ kɛyɛfɛ dɛkɛcop da doru mɔ.»

Yesu oloku tɛdisrɛ ta totubcɛnɛ ta defet dɔtɔt kɔ yika yɛlɛc

³⁶ Kɔ Yesu ɛsak kɛnay ka afum k'ɛmbɛrɛ dɛkɛr, kɔ acɛpɛ ɔn darɔɲ ɲander ɲaloku kɔ: «Mɔloku su tɛdisrɛ ta yika yɛlɛc dɛlɛ disrɛ.»

³⁷ Kɔ Yesu oloku ɲa: «Nwɛ ɔmbɔf mɛngbɛn mɔtɔt mɔ, Wan ka Wɛrkun ɔfɔ.

³⁸ Dɛlɛ, doru dandɛ dɔ. Defet dɔtɔt, awut a dɛbɛ da dɔKɔm ɲɔ. Yika yɛlɛc, awut a Nɔɲk Nɛlɛc ɲɔ.

³⁹ Wɛtɛr nwɛ ɔmbɔf yi mɔ, ɔyɔnɛ Nɔɲk Nɛlɛc. Kɛtɛl kɛyɔnɛ dɛkɛlip da doru, atɛl ɲayɔnɛ mɛlɛkɛ.

⁴⁰ Pɛmɔ tɔkɔ ɲgbuktu yika yɛlɛc pɛlɛm yi dɛnɛnc mɔ, itɔ pɛndeyi dɛkɛlip da doru.

⁴¹ Wan ka Wɛrkun endɛkɛrɛ mɛlɛkɛ mɛ mɛndewurɛ dɛbɛ dɔn disrɛ ɲɛ ɲɔɲsɔɲɛ akɔ kɛbɛrɛ kiciya kɔ akɔ ɲɔɲyɔ pɛlɛc mɔ,

⁴² mɛndɛlɛm alɛc dɛnɛnc da Yahanama, difɔ kɛbok kɛɲkɔyi kɔ kɛɲɔɲɛrɛnɛ sek.

⁴³ Alompu ɲandekɔmot pɛmɔ dec ndɛ deyɛ ndɛ dɛbɛ da Papa kɛɲan mɔ. Mɛna nwɛ mɔɲyɔ lɔɲɔs mɔ, mɛnɛ ti!»

Totubcɛnɛ ta daka dɔtɔt dɔgbɔpɲɛ

⁴⁴ Kɔ Yesu endenɔr sɔ totubcɛnɛ nte: «Nte tɔ dɛbɛ da dɔkɔm dowurɛnɛ pɛmɔ daka deyenki kɛway ndɛ dɔngbɔpɛnɛ dale mɔ. Wɛrkun nwe ɛnɛnk di mɔ, pɛgbɔkɛrɛ sɔ di kɛmɛnk. Pɛlarɛ pɛbotu, pɛkɔ pɛcamɛs daka dɔkɔ ɔyɔ dɛcamɛs mɔ fɛp, pɛder pɛway dale dandɛ.

⁴⁵ Dɛbɛ da dɔkɔm dowurɛnɛ sɔ nte: Wɛcamɛs nwe ɛnten tɛncɛmbɛl pa kɛma mɔ.

⁴⁶ Nte ɔnkɔ pɛnɛnk tɛncɛmbɛl pa kɛma pɛtɔt mɔ, k'ɔnkɔ pɛcamɛs daka dɔkɔ ɔyɔ mɔ fɛp kɛkɔway tɛncɛmbɛl pa kɛma papɔkɔ.»

Totubcɛnɛ ta manta

⁴⁷ Kɔ Yesu oloku sɔ totubcɛnɛ nte: «Dɛbɛ da dɔkɔm dowurɛnɛ manta mmɛ aɔgbal dɛkɛba mɔ, kɔ mosumpɛr lop dokom fɛp.

⁴⁸ Kɔ mɛlarɛ-ɛ, palin mi ndɛ pɛwosu, pandɛ kɛpit-piti yɔkɔ yentesɛ mɔ, pabɛr dɛtanɔku, pagbal yɛlɛc yɔkɔ.

⁴⁹ Itɔ pɛndeyi dɛkɛlip da doru. Mɛlɛkɛ mendekɔ mɛgbɛy alompu alɛc dacɔ.

⁵⁰ Mendelɛm alɛc dɛnɛnc da Yahanama, difɔ kɛbok kɛɔnkɔyi kɔ kɛɔnɔrɛnɛ sek.»

Totubcɛnɛ ta daka dofu kɔ dokur

⁵¹ Kɔ Yesu eyif aɛpɛsɛ ɔn darɔɔ: «Nɛncɛrɛ tedisrɛ ta mamɔkɔ inatɛksɛ nu mɔ ba? Kɔ ɔawosɛ: «Ey.»

⁵² Kɔ Yesu oloku ɔa: «Ti tɔsɔɔnɛ nte atɛksɛ fɛp aɔnɛ ɔayɔnɛ aɛpɛsɛ darɔɔ a dɛbɛ da dɔkɔm mɔ ɔawurɛnɛ kɔ wɛkirinɔ ka kɛlɔ nwe ɔɔwure daka dɔn dacɔ ca yofu kɔ yokur mɔ.»

Aka Nasarɛt ɔafati kɛgbɛkɛr Yesu kɛlanɔ

Mark 6.1-6; Luk 4.16-30

⁵³ Nte Yesu elip kɛloku totubcɛnɛ tantɛ mɔ, k'ɛyɛfɛ di,

⁵⁴ k'ɔnkɔ dare dɔn Nasarɛt. Dɛndo, kɔ Yesu ɛyɛfɛ kɛtɛksɛ ndɛ dɛkɛtola Kanu danɔn, nte cusu cɛwɔs afum mɔ, kɔ ɔayɛfɛ kɛyiftɛnɛ: «Deke Yesu ɔsɔtɔ kɛcɛrɛ kɛkɛtɛnɛ mes kɛtɔt kanɔkɛ kɔ mes mɛwɛy-wɛy mamɛ-ɛ?»

⁵⁵ Bafɔ wan ka kamdɛr ɔfɔ ba? Bafɔ kɛrɛ aɔnɛ Mari kɔ awɛnc aɔnɛ Sak, Isifu, Simɔn kɔ Yuda ba?

⁵⁶ Bafɔ akirɛ ɔn ɔayi su dacɔ ba? Deke ɔsɔtɔ mamɛ fɛp-ɛ?»

⁵⁷ Mes mamɔkɔ mɛnayamsɛ ɔa kɛgbɛkɛr Yesu kɛlanɔ. Awa kɔ Yesu oloku ɔa: «Afɔfati kɛlɛlɛs sayibɛ, mɛnɛ dare dɔn kɔ kɛlɔ kɛn disrɛ.»

⁵⁸ Dɛndo Nasarɛt, Yesu ɛnayɔ fɛ di mes mɛwɛy-wɛy mɛlarɛm, bawo aka di ɔnanabut kɛlanɔ.

14

Defi da Aɔnabi Saɔ Batis

Mark 6.14-29; Luk 9.7-9

¹ Tɛm tatɔkɔ, Herodu nwe ɛnatɔmpɛr dɛbɛ da Kalile mɔ, ɛne paɔloku teta Yesu.

² K'oloku afum ɔn aka dɛsaɔnka: «Saɔ Batis ɔfɔ! Afum afi dacɔ ɔfɔtɛ, it'ɔsɔɔnɛ nte ɛntam kɛyɔnɛ mes mɛwɛy-wɛy mɔ.»

³ Herodu ɛnaloku ti bawo nkɛn ɛnasom afum, ɔasumpɛr Saɔ Batis, ɔjakot kɔ, ɔnabɛr kɔ dɛbili teta Herodiyad wɛran ka wɛnc Filip.

⁴ Saɔ oncloku Herodu: «Sariyɛ sɛmɔn'am kɛnɛncɛ kɔ.»

⁵ Herodu ɛnafanɔ kɛdif Saɔ, mba ɛncnɛsɛ kɛnay ka afum, bawo ɔnanacɛm-cɛmɛnɛ a sayibɛ sɔ Saɔ ɔyɔnɛ.

⁶ Kɛsata ka teren tolukɛr ta kɛkom ka Herodu, kɔ wan wɛran ka Herodiyad ɛmpisɛ fɛr ya afum aɔnɛ ɔnanatɔnɛ kɛsata kanɔkɔ mɔ kirinɔ, kɔ tɛmbɔt Herodu,

⁷ haɔn kɔ Herodu ɛnderɛm kɛsɔnɔ wan ka Herodiyad paka mɛpɛ o mɛpɛ ɛɔwɛr kɔ mɔ.

⁸ Kɛmɛnkɛs ka iya kɛn Herodiyad, kɔ wɛyɛcɛra oloku: «Mɛsɔn im domp da Saɔ Batis dɛpɛlet.»

⁹ Wəbε Herodu, kəmōncnε disrε, enafəŋ fε kəbupərə tes təkō enaderəm fər ya afum akō enawe kətəŋnε kəsata kən mō, kō Herodu osom a pasōŋ wan ka Herodiyad domp dākō enawer kō mō.

¹⁰ K'asom kəkōgbinti domp da Saŋ Batis nde dābili.

¹¹ K'an̄kerε wəyecəra ka Herodiyad domp da Saŋ Batis depəlet, k'en̄kenε di kerε.

¹² Kō acεpse a Saŋ Batis darəŋ ŋander ŋalεk kəbel kən kō ŋaŋkō ŋawur. Ntε telip mō, kō ŋaŋkō ŋasōŋε ti kəcərə Yesu.

Yesu əsəŋ afum wul kəcamat yeri

Mat 15.32-39; Mark 6.30-44; Luk 9.10-17; Isaŋ 6.1-14

¹³ Ntε Yesu ene moloku maməkō mō, k'elεk abil k'ōŋkō kəfo kəyer-yer. Mba kō kənay ka afum kənde kəcərə a Yesu eyefε di, kō ŋawur sədare səŋan, kō ŋasolnε dεgbεp kō ŋancepse kō darəŋ.

¹⁴ Ntε Yesu ontor debil mō, k'enəŋk kənay ka afum, k'ōyōnε ŋa nənəfər, k'entaməs acuy aŋan.

¹⁵ Ntε dəfəy dəmbəp mō, kō acεpse a Yesu darəŋ ŋalətərne ŋacloku kō: «Kəfo kaŋke kəyō yer-yer kō dec dεləp. Məsak kənay ka afum akaŋε ŋakō ŋawayəs yeri nde sədare səlōma.»

¹⁶ Mba kō Yesu oloku ŋa: «Ali ŋaŋkō fε kəfo, nənəsərka nəsōŋ ŋa yeri.»

¹⁷ Kō acεpse ən darəŋ ŋaloku kō: «Cəcom kəcamat kō lop mērəŋ gbəcərəm yō səyō nnō.»

¹⁸ Kō Yesu oloku: «Nəkər'em yi nnō.»

¹⁹ Kō Yesu osom kənay ka afum kənde yika kəron, k'elεk cəcom ncε kəcamat kō lop mērəŋ, k'eyekti fər darenc, k'eyif Kanu barka. K'entepi cəcom k'əsōŋ ci acεpse ən darəŋ a ŋayer ci kənay ka afum.

²⁰ Kō fəp fəsəm ci kō ŋanembərə, k'an̄kene Yesu cəfala wəco kō mērəŋ cəlare cəcom cəlpəs.

²¹ Kənay ka afum aŋε ŋanasəm cəcom cacəkō mō ŋanabəp arkun wul kəcamat (5.000), ta aləm aran kō awut-ε.

Yesu ŋkət kəba kəron

Mark 6.45-52; Isaŋ 6.16-21

²² Ntε tencepər mō, gbəncana babəkō kō Yesu entarε acεpse ən darəŋ kəberε debil, ŋanun̄kenε kəcali mokuru məkō, nkən pəcsak kənay ka afum kəkō ndaraŋan.

²³ Ntε elip kəsak ka kənay ka afum kəkō ndaraŋan mō, k'empe tərō kəron kəkətola Kanu. Kō dəfəy dəmbəp kō di pəyi sona.

²⁴ Tenatəŋnε abil ŋəbəle pəpəŋ pəwosu, yam yecfikəli-fikəli abil, bawo kəgbəfne kō ŋancndε.

²⁵ Dəsəka dεləpəs, kō Yesu ender nnō ŋayi mō pəkət kəba kəron.

²⁶ Ntε acεpse ən darəŋ ŋanəŋk kō pəkət kəba kəron mō, kō pəyi ŋa yamayama. Kənesε kəŋan disrε kō ŋaloku: «Tubari tō,» kō ŋaŋkule-kule.

²⁷ Mba kō Yesu oloku ŋa gbəncana babəkō: «Nəbəkne! In'əfō, ta nənese!»

²⁸ Kō Piyer oloku kō: «Mariki, kō təyōnε mən'əfō-ε, məsom im ikət domun kəron ider nde məyi mō.»

²⁹ Kō Yesu oloku kō: «Məder.» Kō Piyer ontor debil, k'ōŋkət domun kəron, k'ōŋkō nde Yesu eyi mō.

³⁰ Mba ntε enanəŋk afef ŋεbək mō, k'enesε k'ōŋkule-kule: «Mariki, məyac im!»

³¹ Gbəncana babəkō kō Yesu entenc kəca k'osumpər Piyer, k'oloku kō: «Məna məmpice kəlan, ta ake tō mənesərnenε-ε?»

³² Yesu kō Piyer ŋambərə debil, kō afef ŋəsak kəwur.

³³ Acεpse a Yesu darəŋ aŋε ŋanayi debil mō ŋantontnεne kō fər kirin, kō ŋaloku: «Wan ka Kanu yati məyōnε!»

Yesu entaməs acuy atəf ŋa Kenesarεt

Mark 6.53-56

³⁴ Yesu kɔ aɔɛpɛ ɔn darɛn nɔncali, kɔ nɔmbɔp atɔf nɔ Kenesarɛt.

³⁵ Kɔ afum a dare dadɔkɔ nɔnɛpɔl Yesu, kɔ nɔndɔnk kɔder kɔn sɔdare sɔkɔ fɔp, k'anɔkɛɛ kɔ acuy fɔp.

³⁶ K'alɛtsɛnɛ kɔ pɔwɔsɛ afum nɔagbuɛnɛ ali dobol da burumus bɔn. Akɔ nɔnɔagbuɛnɛ di mɔ fɔp nɔnatamnɛ kɛn.

15

Mɔyɔ mokur ma atem kɔ mosom ma Kanu

Mark 7.1-13

¹ AFarisi kɔ atɔkɛ sariyɛ s'aSuyif nɔnder nɔnɔ Yesu eyi mɔ kɔyɛfɛ Yerusalem, kɔ nɔyif kɔ:

² «Ta ake tɔ aɔɛpɛ am darɛn nɔntɔcɛmɛnɛ tɔyɔ tokur ta atem darɛn-ɛ? Bawo nɔfɔsɔkɛsɛnɛ saliye a nɔacdi yeri-ɛ.»

³ Kɔ Yesu eyif nɔ: «Kɔ nɔna, ta ake tɔ nɔntɔcɛmɛnɛ mɛtɔkɛ mɛmɛ Kanu kɛsom mɔ, kɔ nɔncɛmɛ mɔyɔ mokur ma atem anu darɛn-ɛ?»

⁴ Bawo Kanu kɔloku: «Mɔlɛlɛs wisi kɔ wiri» k'oloku sɔ: «Nwɛ ɔnɔlok-ɔkɔr kas pɔyɔnɛ fɛ ti kɛɛ pɔlɛc mɔ, padif wɔkayi.»

⁵ Mba nɔna nɔnɔloku a kɔ mɔloku wisi kɔ pɔyɔnɛ fɛ ti wiri: «Paka mɛ pɛmarna isɔn ɔm kɛmar kam mɔ, isɔn pi Kanu.»

⁶ ali wɔkayi ɔyɔnɛ fɛ sɔ kas kɔ pɔyɔnɛ fɛ ti kɛɛ tes tɔlɔma.» Ti disɛ, nɔnimɛ tosom ta Kanu mɔyɔ mokur ma atem anu.

⁷ Nɔna abanɛnɛ kɔlɔmp, Esayi ɛnaloku belbel tetonu cɛsayibɛ:

⁸ «Afum akanɛ dɛcusu gbɛcɛrɛm nɔnɔlɛlɛs im, mba bɛkɛc yanɔn yɔmbɔl'em pɔpɔn.

⁹ Kɛsali nɛ nɔnɔtolan'em nɔclɔn'em mɔ kɔyɔ fɛ dɛkɛcɛmɛ, bawo mosom mɛmɛ nɔntɔkɛ mɔ, afum nɔpɔr mi, bafɔ Kanu.»»

Ca nyɛ yɔnɔnɛ fum kɔtɔsɔk mɔ

Mark 7.14-23

¹⁰ Kɔ Yesu ewe kɛnɔy ka afum k'oloku nɔ: «Nɛcɔnkɔl, nɛcɛrɛ sɔ ti belbel!

¹¹ Bafɔ peri mɛ pɛmbɛrɛ fum dɛkusu mɔ pɔnɔnɛ fum kɔtɔsɔk, mba mɛ pɔnɔwɔr kɔ dɛkusu yati mɔ.»

¹² Kɔ aɔɛpɛ ɔn darɛn nɔnder nɔyif kɔ: «Mɔncɛrɛ a toloku tatɔkɔ tɛnasɔnɛ aFarisi kɔfɔtɛnɛ?»

¹³ Kɔ Yesu ɔloku: «Pɔbɔf mɛ o mɛ Papa kem nwɛ eyi nde dɛkɔm ɛnatɔbɔf mɔ, andɛgbuktu pi.

¹⁴ Nɛcɛ nɔ: Atɔnɔnk nɔ anɛ nɔyɔ kɛkɔtɛnɛ atɔnɔnk alɔma mɔ. Kɔ wɔtɔnɔnk endɛkɔtɛnɛ wɔtɔnɔnk-ɛ, mɛrɛnɔ manɔn fɔp nɔntɛmpɛnɛ debi.

¹⁵ Kɔ Piyɛr ɔloku Yesu: «Mɔsɔksɛr su tɛdisɛ ta tɛtɔkɛ tatɔkɔ.»

¹⁶ Kɔ Yesu eyif nɔ: «Nɔna sɔ nɔsɔrɔyɔ kɔtɔcɛrɛ disɛ ba?»

¹⁷ Nɔncɛrɛ fɛ a peri mɛ pɛmbɛrɛ fum dɛkusu mɔ dɛkɔr pɔnkɔ a padewurɛ pi nde dɛkɔfi?»

¹⁸ Mba nɛ tɔnɔwɔr dɛkusu mɔ, dɛbɛkɛc tɛnyɛfɛ, tatɔkɔ tɔnɔnɛ fum kɔtɔsɔk.

¹⁹ Bawo mɛcɛm-cɛmɛnɛ mɛlɛc, kɔdif fum, kɔsumpɔr dalakɔ, mɔkɔt mɛlɛc, deke, sede sɔlɛc, kɔfor, dɛbɛkɛc mes mamɔkɔ fɔp mɛnyɛfɛ.

²⁰ Mes mamɔkɔ mɔnɔnɛ fum kɔtɔsɔk, mba kɔdi peri ta mɔmbikɛnɛ kɔfɔsɔnɛ fum kɔtɔsɔk.»

Wɛran wɛcikɔra ɛnɔgbɛkɔr Yesu kɔlan

Mark 7.24-30

²¹ Kɔ Yesu eyɛfɛ dɔndo, k'ɔnkɔ atɔf nɔ Tir kɔ Sidɔn.

²² Gbāncana babākō kō wəran wəKanaŋ nwe enayefe atōf ŋaŋōkō mō, eyefe kəkule-kule: «Məyōn'em nōnōfōr, Mariki, Wan ka Dawuda! Nŋŋk ŋin ŋelec ŋontōŋkulu-tōŋkulu wan kem wəran pəpōŋ.»

²³ Ali toloku Yesu enaloku fe kō. Kō acēpse a Yesu darəŋ ŋander ŋaletseŋe nkōn Yesu: «Məbeləs kō, bawo eyi kəkule-kule su kumunt darəŋ.»

²⁴ Kō Yesu olukse ŋa: «Mba Kanu kəsom im nda aYisrayel gbəcərəm, aŋe ŋayi pəmō ŋkesiya nye yəsəle mō.»

²⁵ Mba kō wəran nwe ender pətontnēŋe Yesu fōr kirin pəcloku: «Mariki, mēde məmar im!»

²⁶ Mba kō Yesu oloku kō: «Pəntese fe kələkər awut kəcom mələme ki cen.»

²⁷ Wəran nwe olukse kō: «Kance kō, Mariki. Mba mecen, yeri nye yentempēŋe amesa dəntōf ya aka mi mō, yō mendi.»

²⁸ Kō Yesu oloku kō: «Wəran, kəlan kam kəmbək! Kanu kəsōŋe tēfan tam teyi.» Gbāncana babākō bō wan kōn wəran enatamne.

Yesu entaməs acuy alarəm

Mark 7.31

²⁹ Kō Yesu eyefe kəfo kaŋkō k'osumpər dōpō da agbep ŋa kəba ka Kalile. K'ōŋkō pəpese tōrō kəron k'ende.

³⁰ Kō kənay ka afum alarəm kənder nnō Yesu eyi mō. Kō afum atōtam kəkōt, atōnəŋk, bobo, alaŋyiru kō acunē docu dēlarəm, kō ŋander ŋabocər ŋa Yesu dəntōf, k'entaməs ŋa,

³¹ kō cusu cəwos kənay ka afum kənəŋk bobo ŋaclok-loku, aka laŋyiru ŋaluksərne sō kətamne, atōtam kəkōt ŋackōt, atōnəŋk ŋacnəŋk. Kō ŋaŋkor-koru Kanu ka Yisrayel.

Yesu əsəŋ arkun wul maŋkəle yeri

Mark 8.1-10

³² Kō Yesu ewe acēpse ən darəŋ k'oloku ŋa: «Nōnōfōr deyi'm teta kənay ka afum kaŋke: Mata maas ŋayi kō ina, ŋayō fe sō paka o paka pedi. Ifaŋ fe kəsak ŋa ŋakōne dor, iŋnese ta dis dəkələl ŋa dōpō.»

³³ Kō acēpse ən darəŋ ŋayif kō: «Deke səŋkəsōtō nnō kəfo kəyer-yer kaŋke cəcom nce səndenəmbərse kənay ka afum alarəm akaŋe mō-ε?»

³⁴ Kō Yesu eyif ŋa: «Cəcom cəke cō nəyō-ε?» Kō acēpse ən darəŋ ŋaloku: «Cəcom camət-mērəŋ kō molop mələma.»

³⁵ Kō Yesu osom kənay ka afum kənde dəntōf.

³⁶ Kō Yesu elek cəcom nce camət-mērəŋ kō lōp, nte elip kəyif Kanu barka mō, k'entepi yi, k'eyefe kəsōŋəs yi acēpse ən darəŋ ŋayerəs kənay ka afum.

³⁷ Kō kənay ka afum kədi yeri nye kō ŋanəmbərē, k'awetəs cəcom cəlpəs nce cənalare cəfala camət-mērəŋ mō.

³⁸ Arkun aŋe ŋanadi yeri yayōkō mō ŋanabəp afum wul maŋkəle (4.000), ta aləm aran kō awut-ε.

³⁹ Nte Yesu εsak kənay ka afum kō ŋalukus nde ndaraŋan mō, kō nkōn embere debil k'ōŋkō atōf ŋa Makadaŋ.

16

AFarisi kō aSadisi ŋawer Yesu tegbəkəre tēwey-wey ta dəkəm

Mark 8.11-13; Luk 12.54-56

¹ AFarisi kō aSadisi ŋaŋkō ŋabəp Yesu kō ŋancəpə kō towul dəmoloku, kō ŋawer kō a pəmentər ŋa tegbəkəre tēwey-wey nte tementər a Kanu kəsom kō mō.

² Kō Yesu olukse ŋa: «Dec dərōfōy kō kəm kəyimbərē-ε, nəloku a pəndenayō waŋkəra.

³ Bətbət kō kəm kənəŋkəl pəyim kō pəbi-ε, nəloku: «Afef ŋəpōŋ ŋende məkō wur!» Kō nəŋgbətne kəm-ε, nəncərə kəlōku təkō kəndenayi mō, mba nəncərə fe kəlōku megbəkəre ma tēm tosu!

⁴ De temp dɛlɛc dɔtɔcɛmɛ danapa da Kanu darɛn ɲayi kɛtɛn tɛgbɛkɛrɛ tɛwɛy-wɛy nte tementɛr a Kanu kɛsom im mɔ, mba afɔsɔmentɛr ɲa tɛgbɛkɛrɛ nte o nte kɔ pɛntɔyɔnɛ ta Yunusa-ɛ.» Kɔ Yesu ɛsak ɲa k'ɔŋkɔ.

Metɔksɛ mɛlɛc m'aFarisi k'aSadisi

Mark 8.14-21

⁵ Nte acɛpsɛ darɛn a Yesu ɲanccali mokuru mɔkɔ mɔ, kɔ ɲampɛlɛrɛnɛ kɛlɛk cɛcom.

⁶ Kɔ Yesu oloku ɲa: «Nɛkɛmbɛrɛnɛ lebin d'aSadisi kɔ d'aFarisi!»

⁷ Kɔ acɛpsɛ ɔn darɛn ɲayɛfɛ kɛgbɛkɛlɛnɛ taɲan: «Nte sɛntɔlɛk cɛcom mɔ tonɲloke ti.»

⁸ Kɔ Yesu ɛncɛrɛ mɛcɛmɛmɛnɛ maɲan, k'eyif ɲa: «Ta ake tɔ nɔɲyifɛnɛ-ɛ, nɔna apicɛ kɛlan, nɛcloku a nɔyɔ fɛ cɛcom?»

⁹ Haɲ ndɛkɛl nɛntacɛrɛ fɛ? Nɛncɛm-cɛmɛnɛ fɛ teta cɛcom kɛcamɔt nɛc arkun wul kɛcamɔt (5.000) ɲanasɔm kɔ cɛfala cɛke c'anakɛr'em cɛcom cɛlpɛs-ɛ?

¹⁰ Nɛncɛm-cɛmɛnɛ fɛ sɔ cɛcom camɔt-mɛrɛnɛ nɛc arkun wul maɲkɛlɛ (4.000) ɲanasɔm, kɔ cɛfala cɛke cɔ nɛnalukɛs'em cɛcom cɛlpɛs-ɛ?

¹¹ Cɛke cɔ nɛntam kɛtɔcɛrɛ a bafɔ teta cɛcom t'iyi kɛloku nu-ɛ? Mba nɛkɛmbɛrɛnɛ lebin d'aFarisi kɔ d'aSadisi.»

¹² Itɔ acɛpsɛ a Yesu darɛn ɲanacɛrɛ ɔn a bafɔ teta lebin da cɛcom t'oncɛlok-lokɛrɛ ɲa, mba teta metɔksɛ ma aFarisi kɔ aSadisi.

Yesu ɔyɔnɛ wɔyɔc nwe Kanu kɛnɔyɛk-yɛk mɔ

Mark 8.27-30; Luk 9.18-21

¹³ Nte ɛmbɛrɛ sɛdare sa Sesari sa Filip mɔ, kɔ Yesu eyif acɛpsɛ ɔn darɛn: «Nte afum ɲaɲloku mɔ, an'ɔ Wan ka Wɛrkun ɔyɔnɛ-ɛ?»

¹⁴ Kɔ acɛpsɛ ɔn darɛn ɲalukɛ kɔ: «Afum alɔma ɲaloku a Aɲnabi Saɲ Batis, kɔ alɔma a Eli, mba alɔma ɲaloku sɔ a Y Jeremy kɔ pɔyɔnɛ fɛ ti-ɛ, sayibɛ sɛlɔma sɔ ɔyɔnɛ.»

¹⁵ Kɔ Yesu eyif ɲa: «Pɛcɛmɛmɛnɛ ponu, an'iyɔnɛ-ɛ?»

¹⁶ Kɔ Simɔn Piyɛr oloku: «Mɔna, Krist mɔyɔnɛ, wan ka Kanu nke kɔyi doru o doru mɔ.»

¹⁷ Kɔ Yesu oloku kɔ: «Pɛbɔt ɛm, Simɔn wan ka Yunusa, bawo bafɔ afum ɲasɔn'am ti kɛcɛrɛ, mba Papa kem nwe eyi nde dɛkɔm mɔ!»

¹⁸ Mba ina, icɛlok'ɛm, Piyɛr mɔyɔnɛ, itɔ tatɔkɔ <tasar>, mɛɛ indecɛmbɛr kɛlɔ ka kɛlonkɛnɛ ka alaɲ ɛm kɛronɲ mɔ. Ali defi dɔfɔdetam tɔlɔm o tɔlɔm nnɔ peyi mɔ.

¹⁹ Indesɔn ɛm masapa ma dɛbɛ da dɛKɔm: Nte o nte mɛndemɔnɛ nnɔ doru dandɛ mɔ, Kanu kɛndekɔmɔnɛ ti dɛKɔm. Nte o nte mɛndewosɛ nnɔ doru dandɛ mɔ, Kanu kɛndekɔwosɛ ti nde dɛKɔm.»

²⁰ Kɔ Yesu ɔmɔnɛ acɛpsɛ ɔn darɛn kɛloku ti ali fum a Krist ɔyɔnɛ, wɔyɛk-yɛk nwe Kanu kɛnasom kɛdeyɔc afum a doru mɔ.

Yesu ɛndɔɲk defi dɔn kɔ kɛfɔtɛ kɛn

Mark 8.31-9.1; Luk 9.22-27

²¹ Tɛm tatɔkɔ kɔ Yesu oncop kɛlok-lokɛr acɛpsɛ ɔn gbasɲa a mɛnɛ pɛkɔ Yerusalem. Dɛndo abeki, alaɲnɛ apɔn kɔ atɔksɛ sariyɛ sa aSuyif ɲaɲkɔtɔrɔs kɔ pɛlarɛm, padif kɔ, pɛfɔtɛ afi dacɔ tataka ta maas.

²² Kɔ Piyɛr ewe Yesu kɛsɛk k'eyɛfɛ kɛnal kɔ, pɛcloku: «Kanu kɔyɔc ɛm ti, Mariki! Tatɔkɔ tɔfɔbɛp ɛm few.»

²³ Mba kɔ Yesu ɛɲkafɛlɛ k'olukɛ Piyɛr: «Mɛkafɛl'em kumunt darɛn, mɔna Sentani! Mɔyamsɛr'em kɛcɛpɛr dɔpɔ ndɛ pɛmar icɛpɛr mɔ. Iw'am tewe ta Sentani bawo mɛfɔcɛm-cɛmɛnɛ pɛmɔ Kanu, mba pɛmɔ afum.»

²⁴ Kɔ Yesu oloku acɛpsɛ ɔn darɛn: «Kɔ fum ɛfan kɛcɛps'em darɛn-ɛ, wɛkayi pɛsak kɛcɛm-cɛmɛnɛ teta nkɔnsɛrka, pɛgbaɲnɛ kɛtɔk kɛn kɛpɛmpɛl, pɛcɛm'em darɛn.»

²⁵ Bawo nwe o nwe ɛɲsɛp kɔyɔc kiyi kɛn doru mɔ, kɛndɛsalpɛr kɔ, mba nwe o nwe kiyi kɛn doru kɛɲsalpɛr teta ina mɔ, mɛndɛsɔtɔ ki.

²⁶ Dəkacəmə dere də tɔyɔ fum kəsətɔ kən doru kərkər, kiyi kən doru kəsələr kə-ε? Ake fum entam kəsəŋ kəwursε ka kiyi kən doru-ε?

²⁷ Iloku nu ti, bawo Wan ka Wərkun endeder dənɔrɔ da debeki da Kas kə mələkε ɔn, endesəŋ nwε o nwε kəway ka mes mən mɔyɔ.

²⁸ Kance icloku nu: Alɔma ŋayi su dacɔ nnɔ, aŋε ŋantədefi ta ŋanəŋk Wan ka Wərkun pəcder dəbε dən disrε mɔ-ε.

17

Kətəŋkələ ka Yesu

Mark 9.2-13; Luk 9.22-36

¹ Ntε mata camət-tin mencepər mɔ, kə Yesu elək Piyer, Sak kə wenc Isan, k'ejkekəre ŋa kəsək tɔrɔ teŋeci kəroŋ.

² Kə Yesu ɔŋkɔ pətəŋkələ kəro fər yaŋan kirin: Kə kəro kən kəncop kəmotər-motər pəmɔ dec, kə yamos yən pəmɔ pəwanjəra.

³ Gbəncana babəkɔ kə acεpse ɔn darəŋ ŋanəŋk Aŋnabi Musa kə Aŋnabi Eli ŋawurər Yesu ŋaclok-loku.

⁴ Kə Piyer oloku Yesu: «Mariki, pəntesε su kəyi nnɔ! Kə məwose-ε, incəmbər nnɔ ŋgbancan maas, ŋin ŋa mənə, ŋin ŋa Musa kə ŋin ŋa Eli.»

⁵ Ntε Piyer eyi kəlok-loku mɔ, gbəncana babəkɔ kə kəp kəmotər-motər kəŋgbəpərne ŋa. Awa kə dim dowur dəkəp kəŋkɔ docloku: «Wəkawε, wan kem nwε imbətər mɔ ɔfɔ, nkən ɔbət im mes belbel. Nəcəŋkəl kɔ!»

⁶ Ntε acεpse darəŋ a Yesu ŋane moloku maməkɔ mɔ, kə ŋantempne ŋagbəpse nte kənesε kəpəŋ kəsumpər ŋa mɔ.

⁷ Mba kə Yesu ɔlɔtərne, k'ɔŋgbuŋene ŋa kəca kən k'oloku: «Nəyεfε, ta nənese!»

⁸ Ntε ŋayekti fər mɔ, ŋanəŋk fε fum nwε o nwε mənε Yesu sona.

⁹ Ntε ŋanctor dətərɔ mɔ, kə Yesu osom ŋa nte: «Ta nəloku nwε o nwε nte nənəŋk mɔ haŋ Wan ka Wərkun pəfɔtε afi dacɔ.»

¹⁰ Kə acεpse darəŋ a Yesu ŋayif kə toloku nte: «Ta ake tɔ atəkse sariye s'aSuyif ŋaŋloke a mənε Aŋnabi Eli pənuŋkenε kəder kərəsna a wəyεk-yεk pədeder-ε?»

¹¹ Kə Yesu olukse ŋa: «Kance kɔ, a mənε Eli pənuŋkenε pəder kədelompəs mes fəp.

¹² Mba icloku nu a Eli elip kəder: ŋanɛpəl fε kɔ, kə ŋayɔ kə pəmɔ təkɔ ŋafan mɔ. Itɔ ŋandətərəs sɔ Wan ka Wərkun.»

¹³ Kə acεpse darəŋ a Yesu ŋancərə ɔŋ a teta Saŋ Batis tɔ Yesu eyi kəloku.

Yesu entaməs wan nwε docu da kətempne dənayi mɔ

Mark 9.14-29; Luk 9.37-43

¹⁴ Ntε Yesu kə acεpse ɔn darəŋ ŋalɔtərne kənay ka afum mɔ, kə wərkun wəlɔma ender pəcəpε kə suwu fər kirin,

¹⁵ pəcloku: «Mariki, məyɔne wan kem nənɔfər, nwε ɔyɔ docu da kətempne mɔ, təntərəs kɔ belbel. Dənenc kə dərɔmun elasne kətempne.

¹⁶ Iŋkenε kə acεpse am darəŋ mba ŋantam fε kətaməs kɔ.»

¹⁷ Kə Yesu ɔŋkulərne: «Nəna afum a dεtemp da tēm tante dεkafələ-kafələ, dətɔlan Kanu, ake tēm t'indesɔyi kə nənə-ε, icəmə nu dəntɔf haŋ tēm tere-ε? Nəkεr'em kɔ nnɔ.»

¹⁸ Kə Yesu eŋgbəŋ-gbəŋər ŋəŋk ŋεlec ŋaŋkɔ, kə ŋowur wan wərkun nwε, k'entamne gbəncana babəkɔ.

¹⁹ Kə acεpse ɔn darəŋ ŋander ŋayif Yesu yəkɔk: «Ake'səŋε nte sənə səntɔtam kəbeləs ŋi sənəsərka mɔ-ε?»

²⁰ Kə Yesu oloku ŋa: «Bawo kəlan konu kəmpicε. Kance, icloku nu, kə kəlan konu kəyi pəmɔ tɛŋgben tɛfεt-ε, nəŋloku tɔrɔ tante: «Məcəpε nnɔ, məkɔ nde,» pencepε di. Tes o tes tɔfɔyi nte nəntɔtam mɔ.» [

21 *]

Yesu ɔɔgbɔkɔre sɔ kɔsɔɔɔ kɔcɔre defi kɔ kɔfɔte kɔn
Mark 9.30-32; Luk 9.43-45

²² Dɔsɔk dɔlɔma nte aɔɔɔɔ a Yesu darɔɔɔ ɔnalɔɔɔkanɔ Kalile mɔ. Kɔ Yesu oloku ɔa: «Andelek Wan ka Wɔrkun, paber kɔ arkun dɔwaca.

²³ Akakɔ ɔɔandedif kɔ, mba tataka ta maas ta defi dɔn pɔfɔte aɔi daco.» Kɔ aɔɔɔɔ ɔn darɔɔɔ ɔɔamɔncɔne han kɔ tɔntɔrɔs ɔa dɔbɔkɔc.

Kɔsɔɔ dut da kɔlɔ kɔpɔɔ ka Kanu

²⁴ Nte Yesu kɔ aɔɔɔɔ ɔn darɔɔɔ ɔɔambere dare da Kaparnam mɔ, k'abaɔs dut da kɔlɔ kɔpɔɔ ka Kanu ɔɔander ɔɔayif Piyer: «Wɔtɔkɔse konu ɔfɔsɔɔɔ dut da kɔlɔ kɔpɔɔ ka Kanu ba?»

²⁵ Kɔ Piyer owoɔe, «Ey, ɔɔsɔɔɔ di.» Tem nte Piyer ɔncbere kɔlɔ disre mɔ, kɔ Yesu ɔnɔɔkɔne kɔlek moloku, k'eyif: «Simɔɔ, cɔke cɔ mɔncɔm-cɔmne-ɔ? Are ɔɔ pɔmar kɔcsɔɔɔ abɔ a doru dandɔ dut da teren kɔ dɔkɔ ambɔɔsɔr arkun tem tɔlɔma mɔ: Afum aka tɔf yanɔn, kɔ pɔyɔne fe ti acikɔra ba?»

²⁶ Kɔ Piyer oloku: «Acikɔra ɔɔ pɔmar ɔsɔɔɔ di.» Kɔ Yesu oloku kɔ: «Afum aka dɔtɔf ɔa ɔɔafɔsɔɔɔ dut.

²⁷ Mba ta payamsɔr abanɔs dut aɔɔe. Itɔ mɔndekɔne nde dɔkɔba mɔfekɔs, alop ɔɔcɔkɔ-cɔkɔ ɔɔkɔ mɔnkɔsumpɔr mɔ, mɔmɔpi ɔi kusu. Mɔɔkɔbɔp ɔi disre pɔsam, mɔlek pi mɔsɔɔɔ dut dem kɔ dam.»

18

Nwe embek dɔkɔcɔmɔ nde dɔbe da dɔKɔm mɔ
Mark 9.33-37; Luk 9.46-48

¹ Tem tatakɔ kɔ aɔɔɔɔ darɔɔɔ a Yesu ɔɔander ɔɔayif kɔ: «An'ebek dɔkɔcɔmɔ nde dɔbe da dɔKɔm-ɔ?»

² Kɔ Yesu ewe wanfet, k'encɔmbɔr kɔ ɔa daco,

³ k'oloku: «Kance, icloku nu: Kɔ nɔntɔsɔkɔpɔr mera nɔyi pɔmɔ awut aɔfet-ɔ, nɔfɔdekɔbere dɔbe da dɔkɔm.

⁴ Ti tɔsɔɔɔ, nwe o nwe ontore banca pɔmɔ wanfet wɔkawɔ mɔ, nkɔn endekɔyɔne nwe embek dɔkɔcɔmɔ nde dɔbe da dɔKɔm mɔ.

⁵ Nwe o nwe emban wanfet pɔmɔ wɔkawɔ tewe ta ina Yesu mɔ, ina yati emban.»

Kɔberɔne kɔpɔɔ

Mark 9.42-48; Luk 17.1-2

⁶ Mba kɔ fum ɔsɔɔɔ wanfet kɔlɔɔ nwe ɔɔgbekɔr im kɔlan mɔ-ɔ, pɔlec papɔkɔ pencepɔr kɔgbek kɔ tasar tɔpɔɔ dɔkilim, palɔm kɔ dɔkɔba.

⁷ Apayo, pɔlec pere peyi doru! Mes mme mɔɔsɔɔɔ afum kɔlɔɔ mɔ mela! Mes mamɔkɔ mɔfɔlip, mba pɔlec peyi nwe ɔɔsɔɔɔ mes mamɔkɔ kɔyi mɔ!

⁸ Kɔ kɔca kam kɔ pɔyɔne fe ti kɔcɔk kam kɔndesɔɔɔ'am kɔciya-ɔ, mɔgbinti ki mɔlɔm ki kɔbɔl'am. Kɔbere kiyi kam ka doru o doru mɔyɔ kɔca kin kɔ pɔyɔne fe ti kɔcɔk kin kɔncepɔr kɔlɔm kam yahanama mɔyɔ waca mɔrɔɔ kɔ wɔcɔk mɔrɔɔ. Bawo dɔndo nɔnc dɔfɔnimɔ di doru o doru.

⁹ Kɔ tɔyɔne dɔfɔr dam dendesɔɔɔ'am kɔciya-ɔ, mɔkakti di mɔlɔm dɔbɔl'am. Kɔbere kiyi kam ka doru o doru mɔyɔ dɔfɔr din kɔncepɔr kɔlɔm kam dɔnɔnc da yahanama mɔyɔ fɔr mɔrɔɔ.

Totubcɔne ta aɔkesiya ɔɔsɔle nɔɔe ɔolukus mɔ

Luk 15.3-7

¹⁰ Ta nɔdɔncɔs teta fum wɔfet nwe o nwe, icloku nu, a mɔleke mɔɔan mme meyi nde dɔkɔm mɔ, mɔɔyi tem fɔp fɔr ya Kanu Papa kem nwe eyi nde dɔkɔm mɔ.

* **17:21** Yecicɔs yokur yɔlɔma yedenɔr moloku mame: «Mba kɔtola Kanu kɔ kɔsuɔ gbɔcɔrɔm kɔ mɔntam kɔbɔlse yɔɔk pɔmɔ yaye.»

11 [*]

12 Cəke cə nəncəm-cəmnə-ε? Kə fum əyə ηkesiya tasar tin (100), ηin ηəsələ-ε, fum nwe əfəsak ηkesiya yəkə wəco camət-manjkələ kə camət-manjkələ (99) nde dəməwə kəkətən ηin ηəkə ηəsələ mə ba?

13 Kance icloku nu: Kə fum ənəjk ankesiya ηəsələ ηən ηin-ε, teta ηin ηanjəkə ənəjk mə təmbət kə tetas ta yəkə wəco camət-manjkələ kə camət-manjkələ (99) nyε yənətəsələ mə.

14 Tin tayi tə: Kanu Papa konu nwe eyi nde dəkəm mə, efan fε afəkəl ηa wəkin ηəsələ awut akanε daco.

Məyə nte kə wənc əm əyə'm pələc-ε

15 Kə wənc əm enciyan'am-ε, məkə məbəp kə mərəη monu, məloku kə ti. K'enen'am toloku tatəkə-ε, məntam kə.

16 Mba k'əntənən'am toloku tatəkə-ε, məkə mətən fum wəkin kə pəyənε fε ti afum mərəη, nte tənşəηε afum mərəη, maas ηayənε toloku tatəkə sede mə.

17 K'efati sə kəcənjkəl ηa-ε, məkə məloku ti aka kəlonkanε ka alan a Yesu, k'efati sə kəcənjkəl kəlonkanε kanjkə-ε, nəsumpər kə pəmə wətəlan kə wəbanəs dut.

18 Kance icloku nu, tes nte o nte nəndəmənε doru dandε mə, Kanu kəndəkəmənε ti nde dəkəm, tes nte o nte nədewosε nnə doru dandε mə, Kanu kəndəkəwosε ti nde dəkəm.

19 Kance icloku nu sə: Kə təyənε afum mərəη ηasol kətəηnε disrε ηatola Kanu mpε o mpε, Papa kem Kanu nwe eyi nde dəkəm mə əηşəη ηa pi.

20 Bawo nnə afum mərəη, maas ηəmbəpsənε teta tewe tem mə, inyi ηa daco.

Totubcənε ta wəmarəs nwe enfiati kəηəηnε mə

21 Kə Piyer ender pəyif Yesu: «Kə wənc im ender pəciyan'em, cəke cə pəmar im inəηnənε kə-ε? Haη camət-mərəη ba?»

22 Kə Yesu oloku: «İloku f'am haη camət-mərəη gbəcərəm, mba haη wəco camət-mərəη yoboc camət-mərəη (70 yoboc 7).

23 Bawo dəbe da dəkəm dowurənε nte: Wəbe nwe enfan kəsətər amarəs ən debe dən mə.

24 Nte oncop ti kəyə mə, k'anjkerε kə wəmarəs wəkin nwe enatəmpərə kə pəsam pəpəη mə.

25 Nte wəmarəs enatətam kəlukse pəsam mpε mə, kə wəbe kən osom a pacaməs kə pəyənε wəcar, wəran kən kə awut ən kə daka dəkə əyə mə fəp, nte tənşəηε pəsəη debe dən mə.

26 Kə wəmarəs nwe encəpε wəbe kən suwu fər kirin, pəcloku kə: «Məηəηnε, ta məbəlker im, indeluks'am debe dam fəp!»

27 Kə wəbe kən əyənε kə nənəfər, k'əηəηnənε kə pəsam papəkə, k'əsak wəmarəs kən k'əηkə.

28 Nte wəmarəs nwe owur mə, kə ηəmbəpənε kə wanapa kən wəmarəs wələma nwe enatəmpərə sə nkən debe da tapəsam pepic mə. Nkən nwe anatəmpərə tapəsam mə, osumpər wətəmpərə kən pəsam duma dəkilim, pəcloku: «Məluks'em debe dəkə məntəmpər'em mə.

29 Kə wanapa kən osumpər kə wəcək, pəclətsənε kə: «Məηəηnε, ta məbəlker im, indeluks'am debe dam!»

30 Mba kə nwe antəmpərə debe mə efati, k'əηjekərə wanapa kən, k'əηkə pəber kə dəbili, haη tem nte endelukse kə pəsam pəkə əntəmpərə kə mə.

31 Nte amarəs alpəs akə ηanəηk təkə tencder mə, kə kəmənənε kəpəη kəyi ηa. Kə ηanjəkə ηələməwə wəbe kəηan məkə mənacəpər mə fəp.

32 Kə wəbe ewe sə wəmarəs nwe, k'oloku kə: «Məna wəmarəs wələc, inəηəηnən'am debe dəkə mənatəmpər'em mə fəp, bawo mənalətsən'em,

33 mba məna məntam fε kəyənε wanapa kam nənəfər, pəmə təkə ina iyən'am nənəfər mə ba?»

* **18:11** Yəgbəkərə yokur ya Yecicəs Yosoku yelərəm yendenər moloku mme: «Bawo Wan ka Wərkun ender kədetən kə kəyac anε ηanasələ mə.»

³⁴ Metele disre, kɔ wɛbe ɔsɔŋ wɛmarɔs wɛlec nwe asɔdar, ŋaber kɔ dɛbili ŋactorɔs kɔ han pɛclukse kɔ debe da pɛsam fɛp, mpe enatɔmpɔre kɔ mɔ.

³⁵ Tatɔkɔ tɔ Kanu Papa kem nwe eyi nde dɔKɔm mɔ, endekɔyɔ nɔna dacɔ nwe o nwe ɔntɔŋŋnɛne wɛnc abɛkɛc ŋosoku pɛs mɔ.»

19

Kɔtɔkse ka Yesu teta kɛcenɛne ka anɛncɛne

Mark 10.1-12

¹ Nte Yesu elip moloku mamɔkɔ mɔ, k'eyefe atɔf ŋa Kalile k'ɔŋkɔ atɔf ŋa Yude ntende mokuru ma kɔŋgbɔkɔ ka Yurdɛn.

² Kɔ kɔnay ka afum alarɛm kɛncɛme kɔ darɔŋ, k'entamɔs di afum.

³ K'aFarisi ŋander ŋawakɔs kɛcɔpe Yesu towul dɛmoloku, ŋacyif kɔ: «Sariye sɛwɔsɛ wɛrkun kɛce wɛran kɔn teta tes tɔlɔma ba?»

⁴ Kɔ Yesu olukse ŋa: «Nɔŋkaraŋ fe Yecicɔs Yosoku ba? Dɛkɛcɔp da doru kɔ Kanu kɛsel afum wɛrkun kɔ wɛran,

⁵ kɔ Kanu kɔlɔku sɔ: «Wɛrkun endesak kas kɔ kɛre pɛsektɔrne wɛran kɔn, ŋakafɛle ŋayɔne tɛsem tin.»

⁶ Ti disre, ŋayi fe sɔ mɛrɔŋ mba tɛsem tin. Ta fum pɛgbey tɔkɔ Kanu kɛnabɛmbɛrɛne mɔ!»

⁷ Kɔ aFarisi ŋayif Yesu sɔ: «Awa, ta ake tɔ Musa osome a mɛnuŋkɛne mɛsɔŋ wɛran kam areka ŋecɛne kɔ a mɛdewurɛne kɔ ndaram-ɛ?»

⁸ Kɔ Yesu oloku ŋa: «Teta bɛkɛc yonu yeyɛŋki tɔ Musa owosɛne nu kɛce aran anu. Bafɔ tatɔkɔ tɔ tenayi dɛkɛcɔp.

⁹ Mba icloku nu: Nwe ence wɛran kɔn pɛnɛnce wɛlɔma mɔ, dalakɔ dɔ ŋayi kɔ wɛkakɔ, mɛne tɔyɔne a kɛnɛncɛne kɔŋkɔ kɔyi fe sariye disre.»

¹⁰ Kɔ acɛpse darɔŋ a Yesu ŋaloku: «Kɔ tɔyɔne tatɔkɔ teyi wɛrkun kɔ wɛran dacɔ-ɛ, kɛtɔnɛnce kɛncɛpɔr kɛnɛnce.»

¹¹ Kɔ Yesu oloku ŋa: «Bafɔ fɛp fɛwɔsɛ tetɔkse tatɔkɔ, mɛne akɔ asɔŋ ti mɔ.

¹² Mes mela mme mɔŋsɔŋe wɛrkun kɛtɔnɛnce mɔ: Alɔma ŋayi aŋkome ŋa ti, alɔma ayamse ŋa kɛnɛnce teta kɛdif pokome paŋan, alɔma ŋafɔnɛnce ŋasɛrka kɛfan kɔŋan kɛbɔce dɛbe da dɔKɔm. Mɔna nwe mɔŋwɔsɛ kɛsumpɔr ti mɔ, mɛsumpɔr ti.»

Yesu ontolanɛ awut pɛtɔt

Mark 10.13-16; Luk 18.15-17

¹³ Tem tatɔkɔ tɔ afum ŋanakere Yesu awut afɛt nte tɔŋsɔŋe pɛden ŋa waca, pɛtolanɛ ŋa sɔ Kanu mɔ. Mba kɔ acɛpse ɔn darɔŋ ŋaŋgbɔŋ-gbɔŋɔr ŋa.

¹⁴ Kɔ Yesu oloku acɛpse ɔn darɔŋ: «Nɛsak awut! Ta nɔyamsɔr ŋa kɛder nnɔ iyi mɔ, bawo afum aŋe ŋayi pɛmɔ awut afɛt akanɛ mɔ ŋayɔ dɛbe da dɔKɔm.»

¹⁵ Kɔ Yesu endɛŋɔs ŋa waca dɛsɔbomp, k'ontolanɛ ŋa pɛtɔt, k'eyefe k'ɔŋkɔ.

Wɛtɛmp wɛka daka dɛlarɛm

Mark 10.17-31; Luk 18.18-30

¹⁶ Gbɛncana babɔkɔ kɔ wɛrkun wɛlɔma ender pɛyif Yesu: «Wɛtɔkse, cɛke cɔ pɛmar iyo tɔtɔt nte tentam kɛsɔŋ im kiyi wɛyɛŋ ka doru o doru mɔ-ɛ?»

¹⁷ Mba kɔ Yesu eyif kɔ: «Ta ake tɔ mɛyif'em nte tɔyɔne tɔtɔt mɔ-ɛ? Kanu sona gbɔŋ ɔyɔne wɛtɔt. Kɔ mɛfan kɛsɔtɔr Kanu kiyi wɛyɛŋ ka doru o doru-ɛ, mɛlelɛs mosom.» Kɔ wɛrkun nwe eyif Yesu: «Mosom mere?»

¹⁸ Kɔ Yesu oloku kɔ: «Ta mɛdif fum. Ta mɛsumpɔr dalakɔ. Ta mɛbanɛ fum sede sa yem. Ta mɛkiye.

¹⁹ Mɛlelɛs wisi kɔ wiri. Mɛbɔtɔr wɛnc ɛm pɛmɔ tɔkɔ mɛmbɔtɔrne mɔ.»

²⁰ Kɔ wɛtɛmp nwe oloku Yesu: «Ilelɛs mamɔkɔ fɛp, akebut im sɔ-ɛ?»

²¹ Kɔ Yesu oloku kɔ: «Kɔ mɛfaŋ kɛlarɛ decempi ntɛ tɔŋsɔŋɛ pɛsɔŋ ɛm kiyi wɛyɛŋ ka doru o doru mɔ-ɛ, mɛkɔ mɛcamɛs daka dɔkɔ mɛyɔ mɔ, mɛsɔŋ pɛsam papɔkɔ atɔyɔ daka. Kɔ mɛyɔ ti-ɛ, mɛndekɔsɔtɔ daka dɛlarɛm nde dɔKɔm. Kɔ mɛlip-ɛ, mɛder mɛcɛps'em darɛŋ.»

²² Ntɛ wɛtɛmp nwɛ ene moloku mamɔkɔ mɔ, k'olukus dis dɛdɛncɛ kɔ, bawo ɛnayɔ daka dɛlarɛm.

²³ Awa, kɔ Yesu oloku acɛpsɛ ɔn darɛŋ: «Kance, icloku nu: Pɛncuca wɛka daka kɛbɛrɛ dɛbɛ da dɔKɔm.

²⁴ Icloku nu sɔ, kɛbɛrɛ ka yɔkɔmɛ dɛabi ŋa tɛsembɛ kɛfɛfɛrɛnɛ kɛtas kɛbɛrɛ ka wɛka daka dɛbɛ da dɔKɔm.»

²⁵ Ntɛ acɛpsɛ ɔn darɛŋ ŋane moloku mamɔkɔ mɔ, kɔ tɔsɔŋɛ ŋa kɛnanɔkanɛ cusu kɛwos. Kɔ ŋayiftɛnɛ: «Awa an'ɛntam ɔŋ kɛfis-ɛ?»

²⁶ Kɔ Yesu ɔmɔmɛn acɛpsɛ ɔn darɛŋ, k'oloku ŋa: «Afum ŋafɔtam, mba Kanu kɛntam mes fɛp.»

²⁷ Kɔ Piyɛr oloku Yesu: «Mɛcɛŋkɛl, sɛna sɛsak ca fɛp kɔ sɛncɛm'am darɛŋ. Cɛkɔ cɔ tetosu tendekɔyi-ɛ?»

²⁸ Kɔ Yesu oloku ŋa: «Kance icloku nu teta nɛna aŋɛ nɛncɛps'em darɛŋ mɔ: Kɔ doru dofu dɛndɛdɛr-ɛ, Wan ka Wɛrkun endɛlɛk dɛbɛ pɛndɛ dɔcɛm da nɔrɔ da dɛbɛki dɔn, nɛna sɔ nɛndekɔndɛ sɛcɛm wɛcɔ kɔ mɛrɛŋ sa dɛbɛ, nɛckiti cusuŋka wɛcɔ kɔ mɛrɛŋ ca Yisrayel.

²⁹ Nwɛ o nwɛ ɛsak wɔlɔ, awɛnc aŋa, kas, kɛrɛ, awut kɔ pɛyɔnɛ fɛ ti dalɛ dɔn teta tewɛ tem, endekɔsɔtɔ tɛsar tin ta yayɔkɔ ɛsak mɔ, pɛsɔtɔ sɔ kiyi wɛyɛŋ ka doru o doru.

³⁰ Akirinɔ alarɛm ŋandekɔyɔnɛ adarɛŋ, adarɛŋ alarɛm ŋayɔnɛ akirinɔ.

20

Abɔc a nde dɛŋgbɔŋkɛlɔ ya wɛn

¹ «Ntɛ tɔ dɛbɛ da dɔkɔm dɔwurɛnɛ wɛka abɔf wɛlɔma nwɛ ɛnawur bɛtbɛt suy kɛkɔtɛn afum aŋɛ ŋaŋkɔbɛcɛ kɔ nde ŋgbɔŋkɛlɔ yɔn ya wɛn mɔ.

² Kɔ ŋantɛŋnɛ kɔ afum akɔ ɔsɔtɔ kɛkɔbɛcɛ kɔ mɔ, dɔsɔk din pɛsam gbɛlɛŋ bin, k'ɛŋkɛkɛrɛ ŋa kɛbɛc nde ŋgbɔŋkɛlɔ ya wɛn yɔn.

³ Kɔ wɛka abɔf nwɛ owur walaha, k'ɔŋkɔ pɛnɛŋk afum alɔma ŋayi dare disrɛ ta ŋayi kɛyɔ ntɛ o ntɛ-ɛ.

⁴ K'oloku ŋa: «Nɛna sɔ nɛkɔ nɛbɛc nde dɛŋgbɔŋkɛlɔ ya wɛn, indɛkɔsɔŋ nu kɛway nkɛ pɛmar mɔ.»

⁵ Kɔ afum aŋɛ ŋaŋkɔ ŋabɛc. Kɔ wɛka abɔf nwɛ owur dan kɛkɔtɛn sɔ abɛc alɔma, pɛndeyi salifana k'owur sɔ.

⁶ Pɛndeyi lahansara, kɔ wɛrkun nwɛ owur, k'ɔŋkɔ pɛnɛŋk arkun alɔma dare disrɛ ta ŋayi kɛbɛc ntɛ o ntɛ-ɛ, k'eyif ŋa: «Ta ake tɔ nɛyɛnɛ nnɔ tɛbɛtbɛt hanɔ dɔfɔy ta nɛmbɛc tɔlɔm o tɔlɔm-ɛ?»

⁷ Kɔ afum aŋɛ ŋaloku kɔ: «Fum ɔtɔlɛk su yɛbɛc.» Kɔ wɛka abɔf oloku ŋa: «Nɛna sɔ nɛkɔ nɛbɛc nde dɛŋgbɔŋkɛlɔ yɛm.»

⁸ Ntɛ pɛndɛcop kɛbiyɛ mɔ, kɔ wɛka abɔf nwɛ oloku wɛkirinɔ ka abɛc ɔn: «Mɛwɛ abɛc, mɛsɔŋ ŋa kɛway. Mɛcop aŋɛ ŋander tɛlpɛs mɔ, mɛlɛpsɛr akɔ ŋanunɔkɛnɛna mɔ.»

⁹ Akɔ ŋancop yɛbɛc lahansara mɔ ŋander, kɔ ŋasɔtɔ-sɔtɔ nwɛ o nwɛ gbɛlɛŋ bin bin.

¹⁰ Kɔ akɔ mariki ɛnanunɔkɛnɛ kɛlɛk yɛbɛc mɔ ŋander ŋaccɛm-cɛmɛnɛ kɛsɔtɔ pɛsam ŋacɛpɛr akɔ anunɔkɛnɛna kɛsɔŋ kɛway mɔ, mba kɔ ŋa sɔ ŋasɔtɔ nwɛ o nwɛ pɛsam gbɛlɛŋ bin bin.

¹¹ Ntɛ ŋayi kɛbanɔ kɛway kɛŋan mɔ, kɔ ŋancɔpɛnɛ teta mariki wɛka yɛbɛc nwɛ.

¹² Kɔ ŋaloku: «Akanɛ ŋander tɛlpɛs mɔ, dec din gbɔŋ dɔ ŋambɛc, kɔ mɛsɔŋ ŋa kɛway sɛtɛŋnɛnɛ, sɛna aŋɛ sɛlɔpɛ dec kɛbɛc nne yowon disrɛ mɔ.»

¹³ Kɔ wɛka abɔf oloku wɛkin ŋa dacɔ: «Wanapa, iyɔ f'am pɛlɛc, bafɔ pɛsam gbɛlɛŋ bin bɔ sɛntɛŋnɛna ba?»

¹⁴ Mɛbanɔ pɔkɔ pɛyɔnɛ pam mɔ, mɛkɔ. Tantɛ isɔŋ ɛm mɔ, t'indɛsɔŋ wɛkɔ endɛrna tɛlpɛs mɔ.

15 Pəmar f'em kəyɔ daka dem təkɔ infaŋ mə ba? Kəraca kɔ məyɔ nte iyɔ tes tətɔt mə ba?»

16 Ti disrɛ akirinɔ ɲandekɔyɔnɛ adarəŋ, adarəŋ ɲayɔnɛ akirinɔ.»

Yesu ɔsɔŋɛ kəcərə ta maas defi kɔ kəfɔtɛ kən afi daco

Mark 10.32-34; Luk 18.31-34

17 Nte Yesu ɛncpɛ Yerusalem mə, k'elɛk taciŋa acɛpɛ ɔn darəŋ aŋɛ wəco kɔ mɛrəŋ, k'oloku ɲa dɔpɔ:

18 «Nəcəŋkəl im, Yerusalem ayi kəpɛ. Aŋkɔlɛk Wan ka Wərkun, pabɛr kɔ alonɲɛ apɔŋ, kɔ atəkɛ sariyɛ s'aSuyif dəwaca. Akakɔ ɲadenɲər kɔ sariyɛ sa defi.

19 ɲandɛbɛr kɔ atɔyɔnɛ aSuyif dɛwaca nte tɔŋsɔŋɛ ɲafani kɔ, ɲasut kɔ, ɲacanɲ kɔ dətək yɛpəmpəl. Tataka ta maas, pəfɔtɛ afi daco.»

Totola ta iya ka awut a Sebede

Mark 10.35-45

20 Iya ka awut a Sebede ɔlɔtərnɛ Yesu kɔ awut ɔn, k'ontontnɛ pəctola.

21 Kɔ Yesu eyif kɛrɛ kəŋan: «Cəke cɔ məfan-ɛ?» K'olukɛ kɔ: «Məsɔŋ im temer a awut em mɛrəŋ akanɛ mənɲbətɛnɛ mə, wəkin pənd'am kəca kətɔt, wəkɔ pənd'am kəca kəmeriya kɔ məndeyi dɛbɛ dam disrɛ-ɛ.»

22 Kɔ Yesu oloku: «Nəcərə fɛ nte nɔyi kətola mə. Nəntam kəwosɛ kətərəs nkɛ ina indəsɔtɔ mə ba?» Kɔ ɲawosɛ «ɛy, səntam ki kəwosɛ.»

23 K'oloku ɲa: «Awa nənə sɔ nəndəsɔtɔ kətərəs nkɛ indəsɔtɔ mə, mba nte tɔyɔnɛ kəndɛ kəca kem kətɔt kɔ kəmeriya mə, bafɔ in'ɔŋsɔŋ ti. Afum akɔ Papa kem olompɛ dəkəcəmə dadəkɔ mə ɲayɔ di.»

24 Nte acɛpɛ ɔn darəŋ aŋɛ wəco ɲane moloku maməkɔ mə, kɔ pəntɛlɛ ɲa nnɔ awɛnc aŋɛ mɛrəŋ ɲayi mə.

25 Kɔ Yesu ewe nnɔ eyi mə k'oloku ɲa: «Nəcərə a akirinɔ a tɔf ya doru ɲantasərɛnɛ afum aŋan k'abeki apɔŋ ɲaŋkətɛnɛ kətam afum aŋan kəronɲ.

26 Ta tatəkɔ teyi nu daco. Nwɛ o nwɛ ɛŋfaŋ kəbɛk nu daco mə, endeyɔnɛ wəmarəs konu.

27 Nwɛ o nwɛ ɛŋfaŋ kəcəmə dəkəcəmə dəcəkɔ-cəkɔ mə, pəmar pəyɔnɛ wəcar konu.

28 Ti disrɛ Wan ka Wərkun ender fɛ padɛbəcə kɔ, mba ender kədəbəcə afum pəsɔŋ sɔ kiyi kən wəyɛŋ pəwurus kənay ka afum.»

Yesu ɛntaməs atənəŋk mɛrəŋ

Mark 10.46-52; Luk 18.35-43

29 Nte Yesu kɔ acɛpɛ ɔn darəŋ ɲawur Yeriko mə, kɔ kənay ka afum alarəm kəncəmə Yesu darəŋ.

30 Atənəŋk mɛrəŋ ɲanandɛ dɔpɔ kəsək, kɔ ɲane a Yesu eyi kəcɛpər, awa kɔ ɲaŋkule-kule: «Məyɔnɛ su nənɔfər, Mariki, Wan ka Dawuda!»

31 Kɔ kənay ka afum kəgbəŋ-gbəŋɲər ɲa a ɲacanɲ, mba ɲancnaŋkanɛ kənaŋkanɛ dəm kəkule-kule: «Məyɔnɛ su nənɔfər, Mariki, Wan ka Dawuda!»

32 Kɔ Yesu ɛncəmə, k'ewɛ atənəŋk aŋɛ pəcyif ɲa: «Cəke cɔ nəfan a iyɔnɛ nu-ɛ?»

33 Kɔ atənəŋk aŋɛ ɲaloku kɔ: «Mariki, məsɔŋɛ su fər kəmɛpɛ, yɛnəŋk!»

34 Kɔ nənɔfər dosumpər Yesu tetanɲan, k'ɔŋɲbuŋɛnɛ ɲa fər. Gbəncana babəkɔ, kɔ ɲaluksərɛnɛ sɔ kənəŋk, kɔ ɲancəmə nkən Yesu darəŋ.

21

Yesu ɛmbɛrɛ dare da Yerusalem

Mark 11.1-11; Luk 19.28-40; Isaŋ 12.12-19

1 Nte Yesu kɔ acɛpɛ ɔn darəŋ ɲancɔtərnɛ Yerusalem, ɲasərəyi Bɛtfasɛ ntɛndɛ tərɔ ta Tək ya Olif mə, k'osom acɛpɛ ɔn darəŋ mɛrəŋ,

2 pəcloku ɲa: «Nəkɔ ndɛ dare dəkɔ deyɔ nu tekirinɔ mə, nənɲkəbɛp di sɔfale sərən pakot si, səfɛt səyi si kəsək. Nəsikəli sɔfale sasəkɔ nəkɛr'em.

³ Kò tɔyɔnɛ fum pɔyif nu tes tɔlɔma-ɛ, nɔloku kɔ: «Pɛmar Mariki pɔyɔnɛ si tes tɔlɔma.» Anɔsakɛ nu si katɔna.»

⁴ Tatɔkɔ tɛnayi nte tɔɔsɔɔnɛ moloku mɔkɔ Sayibɛ ɛnaloku mɔ meyi:

⁵ «Nɔloku afum aka Siyɔɔn nɛ sɔyɔnɛ Yerusalem mɔ:

Mɛmɔmɔn! Wɔbɛ kam endeder nnɔ mɔyi mɔ!

Elarɛ pɔbotu.

Sɔfale sɔran s'ɛndɛ kɔrɔɔ,

sɔfale sɔfɛt wan ka wɛsɛm nwe wɛɔsare-sarɛ mɔ.»

⁶ Kò aɛpɛsɛ ɔn darɔɔn ɔɔnɔkɔ kɔyɔ tɔkɔ Yesu ɛnasom ɔa mɔ.

⁷ Kò ɔɔnɔkɛrɛ sɔfale sɔran kɔ sɔfɛt, nɛ ɔɔnɔkɛrɛ sɔra suma sɔɔnɔ mɔ. Kò Yesu ɛndɛ si kɔrɔɔ.

⁸ Kò afum alarɛm akɔ ɔɔnɔkɛrɛ di mɔ, ɔɔnɔkɛrɛ sɔra suma sɔɔnɔ dɔpɔ tɛta kɔyɛk-yɛkɛs kɔ. Alɔma ɔɔnɔkɛrɛ wara wa tɔk ɔɔnɔkɛrɛ kɔ wi dɔpɔ.

⁹ Kɔnɔy ka afum kɔnɔkɔt kɔ tekirin, kɔ akɔ ɔɔnɔkɛrɛ kɔ darɔɔn mɔ ɔɔnɔkɛrɛ-kɔlɛ pɔpɔɔn: «Hosana, pɔlɛl pɔyi Wan ka Dawuda! Kanu kɔpɔɛ pɔtɔt nwe ɛnderɛnɛ tewɛ ta Mariki mɔ! Hosana,* pɔlɛl pɔyi Kanu mofɔ mɛɔɛci ma dɔkɔm!»

¹⁰ Nte Yesu ɛmbɛrɛ Yerusalem mɔ, kɔ dare fɔp dɛndikɛ pacyiftɛnɛ: «Ana wɔrkun wɔkɔwɛ ɔyɔnɛ-ɛ?»

¹¹ Kò kɔnɔy ka afum kɔloku: «Anɔnabi Yesu wɔka Nasarɛt ɔfɔ, dare da atɔf ɔa Kalile.»

Yesu nde kɔlɔ kɔpɔɔn ka Kanu

Mark 11.15-17; Luk 19.45-46

¹² Kò Yesu ɛmbɛrɛ nde kɔlɔ kɔpɔɔn ka Kanu disrɛ. K'ɛmbɛlɔs akɔ ɔɔnɔkɛrɛ kɔ akɔ ɔɔnɔkɛrɛ dɔndɔ kɔlɔ kɔpɔɔn ka Kanu mɔ, pɔɛgbal mɛsa ya asɔkpɔr pɔsam kɔ sɔbɛnɛ sa acamɔs ntantoriya.

¹³ Yesu pɔɔloku ɔa: «Ancic: Pɛmar pɔwɛ kɔlɔ kem «Dɔkɔtɔla Kanu da afum», mba kɔ nɔna nɔɔkɔfɔli dɛ tɔgbɔkɛnɛ ta calbante.»

¹⁴ Awa, atɔnɔɔkɔ kɔ atɔtam kɔkɔt ɔɔlɔtɔrɛnɛ Yesu dɔndɔ kɔlɔ kɔpɔɔn ka Kanu, k'ɛntamɔs ɔa.

¹⁵ Mba kɔ pɔntɛlɛ alɔɔnɛ apɔɔn kɔ atɔkɛ sariyɛ s'aSuyif kɔnɔɔkɔ kɔɔnɔ mɛs mɛmɛ mocwɔsɔs cusu mɛmɛ nkɔn Yesu ɔncyɔ mɔ, kɔ awut akɔ ɔɔnɔkɛrɛ-kɔlɛ kɔlɔ kɔpɔɔn ka Kanu disrɛ mɔ: «Pɔlɛl pɔyi Wan ka Dawuda!»

¹⁶ Alɔɔnɛ kɔ atɔkɛ akakɔ ɔɔnɔkɛrɛ Yesu: «Mɔnɛ tɔkɔ ɔɔnɔkɛrɛ kɔloku mɔ?» Kò Yesu olukɛ ɔa: «ɛy, ali katin nɔɔkɛrɛ fɛ moloku mɛmɛ: «Mɔsɔɔnɛ ali awut kɔ cɔnaka ɔɔnɔkɛrɛ-kɔr'ɔm?»»

¹⁷ Kò Yesu ɛsak ɔa, k'owur dare disrɛ k'ɔɔnɔkɛrɛ dare da Betani nde ɛnɔɔpɔrɛnɛ pibi mɔ.

Yesu ontolanɛ pɔlɛɛ kɔtɔk

Mark 11.12-14,20-25

¹⁸ Dɔɔkɔsɔk bɔtɔt nte Yesu eyi kɔlukus dare mɔ, kɔ dor dɔyɔ kɔ.

¹⁹ K'ɛnɔɔkɔ kɔtɔk ka yokom ya fik dɔpɔ, k'ɔlɔtɔrɛnɛ ki, mba bɔpɔr gbɔcɔrɛm y'ɛnabɔp. K'oloku kɔtɔk kanɔkɛ: «Ta pokom pɛdɛtɔrɛnɛ sɔ mɔna!» Gbɔncana babɔkɔ kɔ kɔtɔk kanɔkɛ kɔwɔs.

²⁰ Nte aɛpɛsɛ ɔn darɔɔn ɔɔnɔkɛrɛ ti mɔ, kɔ pɔnciyɛnɛ ɔa ɔɔnɔkɛrɛ: «Cɔkɛ cɔ kɔtɔk ka fik nkɛ kɔntam kɔwɔs gbɔncana bambɛ-ɛ?»

²¹ Kò Yesu oloku ɔa: «Kance icloku nu: Kò nɔntɔmpɔr kɔlanɔ ta nɔnɛsɔrɛnɛ-ɛ, nɔntam kɔyɔ nte ayɔ kɔtɔk ka fik kanɔkɛ mɔ. Mba icloku nu sɔ, ali nɔloku tɔrɔ tantɛ: «Mɔyɔtɛ nnɔ mɔkɔ mɔlɔmɛnɛ dɔkɔba», tatɔkɔ tɛɔyi.

²² Nte o nte nɔntɔla Kanu kɔlanɔ disrɛ mɔ, nɔɔsɔtɔ ti.»

Deke kɔtam ka Yesu kɔɔyɛfɛ-ɛ ?

Mark 11.27-33; Luk 20.1-8

²³ Kɔ Yesu ɔŋkɔ nde kɔlɔ kɔpɔŋ ka Kanu. Pɔyi kɔtɔkɔsɛ, alɔŋnɛ apɔŋ kɔ abeki a dɔtɔf ŋander ŋayif kɔ: «Kɔtam kɔrɛ kɔ mɛŋyɔnɛ mamɛ-ɛ? An'ɔsɔŋ ɔm kɔtam kanɔkɔ-ɛ?»

²⁴ Kɔ Yesu olukɛ ŋa: «Ina sɔ, iyif nu toloku tin gboŋ, kɔ nɔlɔks'em toloku tatɔkɔ-ɛ, inloku nu kɔtam nke inyɔnɛ mamɛ mɔ.

²⁵ Deke kɔgbɔt dɔromun ka Saŋ kɔnayeɛɛ-ɛ? Dɔkɔm, ka dɔafum?» Kɔ afum aŋɛ ŋayeɛɛ kɔgbɛkɔlɛnɛ ŋaɔloku: «Kɔ sɔlukɛ: <Dɔkɔm>, ɛnyif su: <Ta ake tɔ nɔnatɔlanɛ Saŋ-ɛ?»

²⁶ Mba kɔ sɔlukɛ: <Dɔafum-ɛ>, sɔŋnesɛ kɔnayeɛ ka afum, bawo fɔp fɔnacɔrɛ a Saŋ sayibɛ s'ɛnayeɛ.»

²⁷ Kɔ ŋalukɛ Yesu: «Sɔncɔrɛ fɛ.» Kɔ Yesu nkɔn oloku ŋa sɔ: «Ina sɔ, ifɔloku nu kɔtam nke inyɔnɛ mamɛ mɔ.»

Totubcɛnɛ ta awut arkun mɛrɔŋ

²⁸ Kɔ Yesu endɛŋɔr sɔ: «Nɔcɔŋkɔl taruku tante indeloku nu mɔ. Cɔke cɔ nɔncɛm-cɛmɛnɛ teta ti-ɛ? Wɔrkun ɛnayeɛ nwe ɛnayeɛ awut arkun mɛrɔŋ. K'oloku Coco cɔn: <Wan kem, mɔkɔ mɔkɔ mɔbɔc nde ŋgbɔŋkɔlɔ ya wɛn wɛm.>

²⁹ Kɔ wan wɔkakɔ olukɛ kas: <Ala, ifɔkɔ.> Nte tɛm tepic tencepɔr mɔ, kɔ abɔkɔc ŋɛŋkafɔlɛ wan, k'osumpɔr dɔpɔ, k'ɔŋkɔ dɔkɔbɔcɛ kas.

³⁰ Kɔ kas kɔŋan oloku sɔ toloku tin tayi Tɔŋɔ. Kɔ wɔkakɔ owosɛnɛ kas: <Awa Papa, inɔkɔ,> mba ɛnakɔ fɛ di.

³¹ Awa, icyif nu: Awut akanɛ mɛrɔŋ, wɔrɛ ɔyɔ tɛfan ta kas kɔŋan-ɛ?» Kɔ ŋalukɛ: «Coco.» Kɔ Yesu oloku ŋa: «Kance icloku nu: Abaŋɔs dut kɔ aran ayi yamayama ŋandekɔgbontu nu kɔbɛrɛ ka dɛbɛ da dɔkɔm.

³² Bawo Saŋ Batis ɛnader k'ementɔr nu dɔpɔ dolompu da Kanu, kɔ nɔntɔlanɔ kɔ. Mba awerɔs dut kɔ aran ayi yamayama ŋanalanɔ kɔ, ali nte nɔnanɔŋk ti mɔ, tɛnasɔŋɛ fɛ nu kɔsɔkpɔr bɔkɔc a nɔlanɔ kɔ.»

Totubcɛnɛ ta abɔc a ŋgbɔŋkɔlɔ ya wɛn alɛc

Mark 12.1-12; Luk 20.9-19

³³ Kɔ Yesu endɛŋɔr sɔ: «Nɔcɔŋkɔl totubcɛnɛ tɔlɔma: Wɔka abɔf wɔlɔma ɛnabɔf ŋgbɔŋkɔlɔ ya wɛn. K'ɔsɔnɛ yi saŋka haŋ k'ɔnɔŋkɔr, k'ɛŋkay dɔkɔfɔcɔs da wɛn, k'ɛncɔmbɔr tetek tobumɛ, k'ɔsɔŋ yɛbɔc ya abɔf ŋa ŋgbɔŋkɔlɔ ya wɛn yayɔkɔ afum alɔma, ŋatɔŋnɛ kɔ akakɔ kɔcɔsɔŋ kɔ kɔway, kɔ nkɔn owur k'ɔŋkɔ marɔnt.

³⁴ Tɛm ta kɔpim ka yokom ya ŋgbɔŋkɔlɔ tendebɔp, kɔ wɔka ŋgbɔŋkɔlɔ osom acar ɔn nɔnɔ abɔc ɔn ŋayi mɔ kɔkɔbɔŋ tɔkɔ pɔmar pɔsɔtɔ mɔ.

³⁵ Kɔ abɔc a ŋgbɔŋkɔlɔ ya wɛn ŋasumpɔr acar akanɛ, kɔ ŋasut wɔkin, kɔ ŋandif wɔka mɛrɔŋ kɔ ŋanca-case wɔka maas masar.

³⁶ Kɔ wɔka ŋgbɔkɔlɔ osom sɔ acar alɔma, aŋɛ ŋanala ŋatas acɔkɔ-cɔkɔ mɔ. Kɔ abɔc aŋɛ ŋayɔ akakɔ tɔkɔ ŋanayɔ afum acɔkɔ-cɔkɔ akɔ pɔcuy pin payi mɔ.

³⁷ Tɛlpɔs ɔŋ, kɔ wɔka ŋgbɔŋkɔlɔ osom wan kɔn yati, pɔɔlokuɛ: <Nte wɔkawɛ ɔyɔnɛ wan kem mɔ, ŋaŋkɔlelɔs kɔ!»

³⁸ Mba nte abɔc ŋanɔŋk wan nwe mɔ, kɔ ŋalokɛnɛ: <Wɔlɛk kɔn kɛ ɔfɔ, wɔkawɛ! Nɔder, padif kɔ, kɛ kɔndeyɔnɛ kosu.>

³⁹ K'abɔc ŋasumpɔr wan nwe, kɔ ŋaŋkekɔrɛ kɔ saŋka sa ŋgbɔŋkɔlɔ ya wɛn tadarɔŋ, kɔ ŋandif kɔ.

⁴⁰ Awa, kɔ wɔka ŋgbɔŋkɔlɔ ya wɛn nwe endeder-ɛ, cɔke c'endeyɔ abɔc akanɛ-ɛ?»

⁴¹ Kɔ ŋalukɛ Yesu: «Pɔdifɔt ayɛŋki bɔkɔc akanɛ, ali nɔnɔfɔr ta pɔyɔnɛ ŋa. Pɔsɔŋ yɛbɔc ya ŋgbɔŋkɔlɔ ya wɛn yayɔkɔ abɔc alɔma aŋɛ ŋande ŋacsɔŋ kɔ yokom ya ŋgbɔŋkɔlɔ tɛm ta kɔpim ka yi mɔ.» ***

⁴² Kɔ Yesu eyif : «Nɔŋkaraŋ fɛ ali katin dɔYecicɔs Yosoku yayɛ ba?

<Togbu mpe acɔmbɔr kɔlɔ ŋanace mɔ
pɛnader pɔyɔnɛ ɔŋ togbu pɔtɔt pa daco.
DɔMariki tɛyɛfɛ,

tes tɔ nte tenciyanɛ su dɛfɔr mɔ.»

⁴³ Ti tɔsɔŋɛ nte iloku nu: Kanu kɛndebanɔr nu akip ɲa dɛbɛ dɔn, pɛsɔŋ ɲi afum acuru aɲɛ ɲendekomɔr yokom yɔtɔt mɔ.

⁴⁴ [Nwɛ ɛntɛmpɛnɛ togbu tatɔkɔ kɛron mɔ, ɛntɛpɛ. Mɔna nwɛ pɛntɛmpɛnɛ kɛron mɔ, pomputuk ɛm.»]†

⁴⁵ Nte ɲane totubcɛnɛ tatɔkɔ mɔ, alonɲɛ apɔŋ kɔ aFarisi ɲancɛrɛ a tetanɲan tɔ Yesu eyi kɛloku.

⁴⁶ Kɔ ɲanten kɛsumpɛr kɔ, mba kɔ ɲanesɛ kɛnay ka afum, bawo ɲanalan a sayibɛ sɔ Yesu ɛnayɔnɛ.

22

Totubcɛnɛ ta yeri ya kɛsata ka kɛgbanɲɛ

Luk 14.16-24

¹ Kɔ Yesu ɔɲgbɔkɛrɛ sɔ kɛlok-lokɛr afum aɲɛ dɛmotubcɛnɛ, k'oloku:

² «Dɛbɛ da dɛkɔm dowurɛnɛ nte: Wɔbɛ wɔlɔma ɛnayi, nwɛ ɛnalompɛs yeri yɛlarɛm ya kɛgbanɲɛ ka wan kɔn wɛrkun mɔ,

³ k'osom acar ɔn kɛkɔwɛ afum aɲɛ anawɛ kɛdɛtɔɲɛnɛ kɛgbanɲɛ kanɲkɔ mɔ, mba kɔ afum aɲɛ ɲafati kɛdɛr.

⁴ K'ɔɲgbɔkɛrɛ sɔ kɛsom acar alɔma pɛcloku ɲa: «Nɛkɔ nɛloku aɲɛ awɛ mɔ: Awa alip kɛlompɛs yeri, mura mem kɔ cɛna cɛboɲu cem andifɛt ci. Yɛbɛc ya kɛlompɛs yeri fɛp yelip. Nɛdɛr pawolɛs!».

⁵ Mba aɲɛ awɛ kɛsata kanɲkɔ mɔ, ɲancɛm-cɛmnɛ fɛ kɛkɔwɛsɛ kɛwɛ kanɲkɔ: Kɔ wɛkin ɔɲkɔ dalɛ dɔn, kɔ wɛkɔ nkɔn ɔɲkɔ dɛyɛbɛc yɔn ya kɛcamɔs.

⁶ Kɔ alɔma ɲasumpɛr acar kɔ ɲayɔ ɲa pɛlɛc kɔ ɲandif ɲa.

⁷ Kɔ mɛtɛlɛ meyi wɔbɛ, k'osom asɔdar ɔn ɲakɔ ɲamɛlɛk adifɛt afum akanɲɛ ɲacɔf sɔ dare daɲan.

⁸ Kɔ wɔbɛ oloku acar ɔn: «Yɛbɛc ya kɛlompɛs ka yeri ya kɛgbanɲɛ yelip, mba aɲɛ awɛ mɔ, ɲayɔ fɛ delel dedinɛ yeri yayɛ.

⁹ Nɛkɔ ndɛ sɛpɔ sɛkɔ sɛwur dare mɔ, nɔwɛ nwɛ o nwɛ nɛmbɛp di mɔ, pɛdɛtɔɲɛnɛ kɛgbanɲɛ kanɲkɛ.»

¹⁰ Kɔ acar ɲalɛk dɔpɔ, kɔ ɲalonɲa afum atɔt kɔ alɛc aɲɛ ɲanabɛp di mɔ fɛp, nte tɔɲsɔŋɛ akut ɲɛlarɛ afum aɲɛ awɛ kɛgbanɲɛ mɔ tɛp.

¹¹ Kɔ wɔbɛ ɛmbɛrɛ pɛcmɔmɔn aɲɛ ewɛ mɔ, kɛnɔɲk wɛrkun wɔlɔma nwɛ ɔntɔbɛrnɛ yamos ya kɛsata mɔ.

¹² K'ɛyif kɔ: «Wanapa, cɛkɛ cɔ mɛntam kɛbɛrɛ nnɔ ta mɛmbɛrnɛ yamos ya kɛsata-ɛ?» Mba wɛrkun nwɛ ɛnalukɛ fɛ wɔbɛ toloku o toloku.

¹³ Kɔ wɔbɛ oloku abɛc ɔn: «Nɛkɔt kɔ wɛcɛk kɔ waca, nɛlɛm kɔ ndɛ kubump ka dabanɲa disrɛ. Difɔ kɛbɔk kɔ kɛɲanɲɛrɛnɛ sɛk kɛndɛkɔyi.»

¹⁴ Kɔ Yesu endɛɲɛr: « Afum alarɛm ɲɔ Kanu kɔɲwɛ kɛbɛrɛ dɛbɛ da dɛkɔm, mba apic ɲanayɛk-yɛk kɛbɛrɛ ka di.»

Dut ndɛ asɔŋ wɔbɛ Sesar mɔ

Mark 12.13-17; Luk 20.20-26

¹⁵ Mata mamɔkɔ disrɛ k'aFarisi ɲalonɲkanɛ, ɲactɛn kɛcɛpɛ Yesu towul ɲasumpɛr kɔ dɛmoloku.

¹⁶ K'aFarisi ɲasom acɛpɛsɛ aɲan darɔŋ alɔma kɔ afum a Herodu. Kɔ afum akakɔ ɲanɲkɔ ɲaloku Yesu: «Wɛtɛksɛ, sɛncɛrɛ a mɛɲloku kance, kɔ mɛntɛksɛ afum dɔpɔ da Kanu kance fɛp disrɛ, kɛnɛsɛ ka fum kɛfɔyi ɛm, bawo mɛfɔmɔmɔn dɛkɛcɛmɛ daɲan.

¹⁷ Awa mɛloku su tɛcɛm-cɛmnɛ tam: Sariyɛ sɛwɔsɛ su kɛsɔŋ Sesar wɔbɛ wɛka tɔf ya Rom dut ba, ka sɛwɔsɛ fɛ su kɛsɔŋ kɔ di?»

18 Mba Yesu nwe enacare mecem-cemne manjan melec ma, olukse na: « Nona abanene kelomp! Ta ake to nanwakas em-e, ?

19 Namentar im gbaleh mbe ansonye dut ma.» Ko nankere ko gbaleh ba pasam papoka.

20 Ko Yesu eyif na: «Alulu ko yecic ya ana yeyi gbaleh bambi karon-e?»

21 Ko nalukse Yesu: «Na wabe Sesar na.» Ko Yesu oloku na nte: «Nason Sesar yako yoyone yon ma, ko Kanu so yako yoyone yon ma.»

22 Nte nane moloku mme ma, ko panciyane na ko nasak Yesu ko nanke.

Ayif Yesu teta kayefe ka afi daco

Mark 12.18-27; Luk 20.27-38

23 Awa aSadisi nancem-cemne a kayefe defi kayi fe. Dasok din dadoko ko aloma na daco nander nayif Yesu:

24 «Watakse, Musa enaloku: Ko fum efi ta oyo wan, mba pasak waran-e, pamar wenc ka wafi palek wacabokara wakako panence, pason wenc wafi yuruya.

25 Macanjel, awenc camat-meren aloma nanayi su daco. Ko wacoko-coko enence k'efi, mba nte enatoyo wan ma, k'esakare wenc waran kon.

26 Tatoko to waka meren, waka maas han waka camat-meren nanafis-fis so fep, ali wakin enasak fe wan.

27 Nte dewenc ana delip kafis-fis ma, ko waran efantare so k'efi.

28 Awa, sayif am: Dasok nde afi nandekoyefe defi ma, awenc ana akanye camat-meren an'endekosoto waran wakaw-e-e? Bawo fep fanan nananence ko!»

29 Ko Yesu olukse na: «Mecem-cemne monu masok fe, bawo nancare fe Yecicas Yosoku, nancare fe so fanontar fa Kanu.

30 Dasok nde afi nandekoyefe dedefi ma, warkun ofonence, waran ofolo, afodeko pacnence pam meleke mme meyi dakom ma.

31 Nte toyone ta afum kayefe dedefi ma, nanakaran fe nte Kanu kernaloku nu daYecicas Yosoku ma ba?

32 «In'oyone Kanu ka Abraham, ka Siyaka, ko ka Yakuba.» Bafu Kanu ka afi k'oyone, mba ka ayi wayen.»

33 Cusu canawos kanay ka afum ane nancanjel metakse mon ma.

Tosom nte tembek dakacame ma

Mark 12.28-34; Luk 10.25-37

34 Nte aFarisi nane a moloku motot ma Yesu masone aSadisi kamep cusu ma, ko na so nalonkane.

35 Wakin na daco nwe enayone watakse sariye s'aSuyif ma, eyif Yesu toloku nte tonsone pacare ko towul ma pampar ko damoloku mon:

36 «Watakse, tosom tere tembek dakacame mosom ma sariye fep daco-e?»

37 Ko Yesu olukse ko: «Mabotar Mariki Kanu kam abekac nam fep, afokel nam fep ko mecemcemne mam fep.»

38 Tatoko toyone tosom tapon toko-coko.

39 Tosom ta meren nte towurene toko-coko ma: «Mabotar wenc am pam toko mambotarne ma.»

40 Sariye sa Musa ko metakse ma sayibe fep, mosom mamoko meren ma mengebekarne.»

Wabe nwe Kanu kayek-yek ma oyone Wan ka Dawuda

Mark 12.35-37; Luk 20.41-44

41 Nte aFarisi nalanokane ma, ko Yesu eyif na toloku nte:

42 «Coke co nancem-cemne teta Krist wabe nwe Kanu kayek-yek ma-e? Wan ka ana ofo-e?» Ko aFarisi naloku: «Wan ka Dawuda ofo.»

⁴³ Kɔ Yesu eyif ɲa: «Ak'enasɔŋɛ Dawuda kəwe Krist «Mariki mem»-ɛ? Nte Amera ɲa Kanu yati ɲenasɔŋɛ Dawuda kəloku dəYecicəs Yosoku:

⁴⁴ «Kɔ Mariki Kanu oloku Mariki mem:
Məder mänd'em nnɔ kəca kem kətət,

haŋ iclip kəboc aterene am wɛcək wam dəntəf.

⁴⁵ Kɔ Dawuda ewe oŋ Krist wəbe nwe Kanu kəyɛk-yɛk mɔ «Mariki mem»-ɛ, cəke cɔ wəkakɔ entam sɔ kəyɔne wan ka nkɔn Dawuda-ɛ?»

⁴⁶ AFarisi dacɔ, ali wəkin ɛnatam fɛ kəlukse kɔ toloku. Kələk dɔsək dadəkɔ, ali fum eyɛŋk fɛ sɔ abəkək kəyif kɔ toloku.

23

Yesu embeŋne atəkse sariye s'aSuyif kɔ aFarisi

Mark 12.38-40; Luk 20.45-46

¹ Kɔ Yesu ɛŋkafələ k'oloku kənay ka afum kɔ acɛpsɛ ɔn darəŋ:

² «Atəkse sariye s'aSuyif kɔ aFarisi, ɲatəmpər kətəkse sariye sa Musa.

³ Ti disre nəcyɔ, nəccəme sɔ mes məkɔ ɲande ɲacloku nu mɔ fəp, mba ta nəcyɔ mes məkɔ ɲaŋyɔ mɔ, bawo təkɔ ɲaŋloku mɔ, bafɔ itɔ ɲaŋyɔ.

⁴ Na ɲaŋsarəsər afum yesare nyɛ yoncuca kəsare mɔ, mba ɲasərka ɲafəwosɛ ali telər taŋan tin kəgbuŋɛni yi.

⁵ Nəyɔ məyɔ maŋan fəp nte tɔŋsɔŋɛ afum ɲanəŋk ɲa mɔ. Ti disre, ɲambəksəs səbe səŋan səkɔ ɲaŋkotne dətobu kɔ dəkəca mɔ, ɲawəkələs tegberi suma səŋan cəsək.

⁶ Pəmbət ɲa kəcndɛ mofɔ mme aŋlələs ɲa dəkədi yeri dəcəsata mɔ, kɔ səcɔm səkirin sa dəkətola Kanu daŋan.

⁷ Pəcbət ɲa sɔ nte anyif ɲa pələl mofɔ mme ambəpsɛne mɔ, afum ɲacwe ɲa «Atəkse.»

⁸ Mba nəna, ta nəwosɛ pawe nu «Atəkse,» bawo dɛwɛnc aŋa dɔ nəyɔ fəp fonu, Wətəksɛ wəkin gbɔŋ nəyɔ.

⁹ Ta nələləs nwe o nwe doru dandɛ nəwe wəkayi «Papa» bawo, wəkin gbɔŋ ɔyɔne Papa konu, Papa mpɛ peyi nde dəkəm mɔ.

¹⁰ Ta nəwosɛ pawe nu «abɛ,» bawo wəbe wəkin gbɔŋ nəyɔ nwe ɔyɔne Krist mɔ.

¹¹ Nwe embək dəkəcəme nu dacɔ mɔ, pəmar pəyɔne wəbəcɛ konu.

¹² Nwe endeyokne mɔ, andetore kɔ. Nwe endetore banca mɔ, andepɛne kɔ.»

Yesu ɛnal atəkse sariye s'aSuyif kɔ aFarisi teta kətəlomp kəŋan

Mark 12.40; Luk 11.39-52; 20.45-47

¹³ «Pələc peyi nu nəna atəkse sariye s'aSuyif kɔ aFarisi, nəna abəŋɛne kəlomp, nəŋgbətər afum kumba ka dəbe da dəkəm, nəna nəfɔbɛrɛ, nəwosɛ fɛ sɔ akɔ ɲafəŋ kəbɛrɛ mɔ ɲabɛrɛ.

[

¹⁴ *]

¹⁵ Pələc peyi nəna atəkse sariye s'aSuyif kɔ aFarisi, nəna abəŋɛne kəlomp! Nəkɔ marənt kəba kɔ antəf kəron kətɛn ka fum wəkin nwe nəmbɛrsɛne dɛne donu mɔ, kɔ fum wəkakɔ elip oŋ kəbɛrɛ-ɛ, nəsɔŋɛ kɔ kəyɔne wan wəka yahanama pəcɛpər nəna kəmerəŋ.

¹⁶ Pələc peyi nu, nəna atənəŋk aŋɛ ɲaŋkətɛne afum mɔ! Nən'entəksɛ a kɔ fum ɛndɛrəm kələ kəpəŋ ka Kanu-ɛ, a tɔyɔ fɛ təlɔm o təlɔm. Mba kɔ tɔyɔne pədɛrəm kɛma ka kələ kəpəŋ ka Kanu-ɛ, tatəkɔ tɔyɔ tes.

¹⁷ Atonkulu atənəŋk! Ca yayəkɔ mɛrəŋ pere pɛbək dəkəcəme-ɛ, kɛma ba, ka kələ kəpəŋ ka Kanu nke kəmpus kɛma mɔ?

¹⁸ Kɔ fum oloku nu kədɛrəm tetek toloŋne Kanu-ɛ, tɔyɔ fɛ tes. Mba kɔ fum ɛndɛrəm polonɛ mpɛ pɛfəntərə tetek toloŋne kəron mɔ-ɛ, ti tɔyɔne tes.

22:44 Yabura 110.1 * **23:14** Yecicəs yokur yələma yendɛŋər moloku mame: «Pələc peyi nəna atəkse sariye s'aSuyif kɔ aFarisi, nəna abəŋɛne kəlomp! Nəbaŋər wələ wa acəbokərə, kɔ nəctola sali səbolu nte tɔŋsɔŋɛ afum ɲafətɛ kəcɛm-cɛmne a afum atət nəyɔne. Teta kabaŋɛne kələc nke nəndəsətɔ kiti kəyɛŋki!»

¹⁹ Nəna atənəjk! Pəre pəbek dəkəcəmə-ε: polonje ba, ka tetek tolonje mpe pompus pi mə?

²⁰ Awa icloku nu: Məna nwe manderəm tetek tolonje mə, manderəm pi kə ca yəkə yeyi pi kəronj mə fəp.

²¹ Məna nwe manderəm kələ kəronj ka Kanu mə, manderəm ki kə Kanu nke kəyi ki disre mə.

²² Məna nwe manderəm kəm mə, manderəm dəcəm da dəbe da Kanu kə Kanu nke kənde di mə.

²³ Pələc peyi nu, nəna atəkse sariye s'aSuyif kə aFarisi, nəna abanene kəlomp! Nəcsənj farile fa merket, fa malənkən kə fa ces, nəcsək mes məkə melele dəsariye sa Kanu mə, mes mme mə pəmar nəcyə: Nəmentər dolompu, nənfər kə kəsektərne teta Kanu, mba ta nəcsək kəcyə melpəs məkə.

²⁴ Nəna atənəjk anje nənəkətene afum mə! Tococ pə nəyi kəcən-cən, nəcmer yəkəme!

²⁵ Pələc pəronj peyi nu, nəna atəkse sariye s'aSuyif kə aFarisi, nəna abanene kəlomp! Nən'enyakəs takəronj ta apət kə apəlet, mba yelare yeri nye nəmbanşər afum deke kə dəcələk disre mə.

²⁶ WəFarisi wətənəjk! Məsəkəs kərəsna tedisre ta apət, nte tənşəne takəronj ta ni təsək sə mə.

²⁷ Pələc peyi nu, nəna atəkse sariye s'aSuyif kə aFarisi, nəna abanene kəlomp! Cufu nce ancəm pəfer mə cə nəwurenε. Cətesε todoru mba cəlarε bent ya afum afi kə ca yətəsək fəp.

²⁸ Nəna sə todoru nəwurenε alompu nnə afum nəyi mə, mba tedisre tonu, nəlarε kəbanene kəlomp kə pələc.

²⁹ Pələc peyi nəna, atəkse sariye s'aSuyif kə aFarisi, nəna abanene kəlomp! Nəna anje nəncəmbər cufu cətət ca sayibe, nəcnəkəs cufu ca alompu mə,

³⁰ nəcloku: «Pəcyəne a sənayi doru tēm ta atēm asu-ε, kə sənənəjkəl fε nja kəlonj ka mecir ma sayibe alarəm.

³¹ Ti disre nəna yati nəwosε sede sa ti, a nən'əyənε yuruya ya akə njanadifət sayibe mə.

³² Awa, nələpəs təkə atēm anu njanacop mə!

³³ Nəna bok, dokom da nkisin! Cəke cə nəntam kəyekşər kiti ka yahanama-ε?

³⁴ Nəcənəkəl: Ti tənşəne nte indesom Sayibe, afum acərə kəkətene mes kə atəkse sariye nnə nəyi mə. Nəndekə nəcdif aləma nəccən nja tək yepəmpəl kəronj, nəcsute akə mərənkən nde wələ wonu wa dəkətola Kanu, nəcbeləs nja dəsədare kə sədare,

³⁵ nte tənşəne, nəsarε teta mecir ma alompu məkə molonje kəyefe tēm ta Abəl wəlompu hanj kəbər ka mecir ma Sakary wan ka Barasi, nwe nənadif anjbip kə tetek tolonje dəcə mə.

³⁶ Icloku nu kance: Kəlonj ka mecir maməkə fəp dētēmp dandε dendesarε ki.»

Yesu ombok teta Yerusalem

Luk 13.34-35

³⁷ «Yerusalem, Yerusalem, məna nwe mənədif sayibe mə, məcca-cas akə Kanu kənsom nnə məyi mə, isep pəlarəm kəlonjka ka awut am pəmə nte acəkə nəkombərə nənlonjka awut banca ya ni dənətəf mə! Mba mənawosε fε ti.

³⁸ Awa nəcənəkəl! Andesakərə nu kələ konu kəyə fos.

³⁹ Bawo, icloku nu, nəfəsənəjk im hanj tēm nte nənde nəcloku: «Kanu kəpocε pətət nwe enderene tewe ta Mariki mə!»

24

Yesu oloku a andeləsər kələ kəronj ka Kanu

Mark 13.1-37; Luk 21.5-36

¹ Nte Yesu owur nde sanjka sa kələ kəronj ka Kanu pəkəkə mə, kə acεpsε ən darən njaner nəsənε kə kəkəkce təcəmbər ta kələ.

² Mba kɔ Yesu olukse ɲa: «Nəŋnəŋk mamɛ fəp? Icloku nu kance, tasar pɔfɔdedeŋsɛ tasar kəroŋ nnɔ, mpe antɔdewuŋ mɔ.»

Pələc kɔ kətərəs nke kəyi kəder mɔ
Mark 13.5-13; Luk 21.8-19

³ Tɛm ntɛ Yesu ɛnandɛ tɔrɔ ta Tɔk ya Olif mɔ, kɔ acɛpɛ ɔn darəŋ alɔma akɔ ɲanasol kɔ nkɔn mɔ, kɔ ɲayifət kɔ ɲabəkərə: «Məlɔku su, tɛm tere tɔ kələsər ka kələ kəpəŋ ka Kanu kəndeder-ɛ? Tɛgbəkərə tere tendementər su a kəder kam nɔrɔ da debeki dam disrɛ kɔ kəlɪp ka doru kəmbəp-ɛ?»

⁴ Kɔ Yesu olukse ɲa: «Nəkembərne ta nwe o nwe pəsəŋɛ nu kəsɔlɛ!

⁵ Afum alarəm ɲandeder ɲacbaŋɛnɛ kəbəcə tewe tɛm, ɲacloku: «In'oyɔnɛ Krist wəsom wəka Kanu!» ɲandetalər kəŋay ka afum alarəm.

⁶ Nəndene paclɔku teta kəwan nke kəlɔtərne mɔ, kɔ pəyɔnɛ fɛ ti pacfor teta ki-ɛ: Nəkembərne ta nənɛsɛ, mɛnɛ mes maməkɔ meyi, mba tɔfɔdeyɔnɛ kərəsna kəlɪp ka doru.

⁷ Bawo afum a atɔf ɲɔlɔma ɲandeyefərənɛ kɔ afum a atɔf ɲocuru, dəbɛ dəyefərənɛ kɔ dəbɛ. Dor kɔ antɔf kəyikcɛ kɔ yendeyi mofo mɛlarəm.

⁸ Maməkɔ fəp mendeyi pəmɔ kəcɔp ka pucuy pa dokombəra.

⁹ Awa, tɛm tatəkɔ t'andelek alɔma nu dacɔ pabɛr pəcuca dəwaca, padif alɔma nu dacɔ. Afum a tɔf ya doru fəp ɲandeter nu teta tewe tɛm.

¹⁰ Tɛm tatəkɔ, acɛpɛ darəŋ alarəm ɲandesak kəgbəkər kələŋ Kanu, ɲandetiŋkərənɛ, ɲandeterɛnɛ aŋɛ kɔ akɔ.

¹¹ Sayibɛ sa yem səlarəm səndewur, ɲasəŋɛ afum alarəm kəsɔlɛ.

¹² Pələc pende pɛcsamsər kəsamsər dɛm, tɔsəŋɛ kəbətər ka afum alarəm kəfər.

¹³ Mba nwe endebəkne ti haŋ mes maməkɔ melip mɔ, Kanu kəndeyac kɔ.

¹⁴ Andedəŋk Kibaru Kətət ka dəbɛ da Kanu ndɛ dender mɔ afum a tɔf ya doru fəp, ntɛ tɔŋsəŋɛ aŋɛ ɲantɔcərə Kanu mɔ fəp ɲane ti. Awa, tɛm tatəkɔ tendecɛpər a doru dedelip.

Pucuy pendebəkər afum alarəm
Mark 13.14-23; Luk 21.20-24

¹⁵ Kɔ nəndenəŋk pəyikyik pələsər pəpəŋ mpe Mariki enter mɔ, mpe Sayibɛ Daniyel ɛnalɔku ta pi mɔ, pəndɛ ndɛ kəfo kəsoku-ɛ, pəmar wəkaraŋ ka buk bambɛ pəcərə tantɛ:

¹⁶ Awa tɛm tatəkɔ, aŋɛ ɲandeyi atɔf ɲa Yude mɔ, pəmar ɲa ɲayɛksɛ ɲapɛ mərə kəroŋ.

¹⁷ Nwe tendebəp pəyi dabaŋka mɔ, ta pəbɛrɛ kələ kɔn disrɛ kəkɔlɛk paka,

¹⁸ nwe tendebəp pəyi dalɛ mɔ, ta pəlucus ndɛ ndərɔn kəkɔlɛk duma dɔn.

¹⁹ Pucuy pɛrɛ pɔ tendeyɔnɛ abəkəs, kɔ aŋɛ ɲande ɲacmɛsər dəsək dadəkɔ mɔ!

²⁰ Nətola Kanu ta kəyɛksɛ konu kədəsurɛnɛ dərəŋ kɔ pəyɔnɛ fɛ ti-ɛ dəsək da kəŋɛsəm ndɛ ampusɛ Mariki mɔ.

²¹ Bawo pəcuy pendebək, mpe pɛntatɔyi kəyɛfɛ ntɛ doru doncɔp mɔ haŋ ndɛkəl, fum o fum afɔsɔtərəs pəmɔ tatəkɔ.

²² Mba Kanu pənətɔbelər mataka maməkɔ-ɛ, k'ali fum ɔfɔdekɔfis. Mba ɛnabelər mataka maməkɔ teta akɔ ɛnayɛk-yɛk mɔ.

²³ Awa, kɔ wələma oloku nu: «Məcəŋkəl: Krist eyi nnɔ,» kɔ pəyɔnɛ fɛ ti, «Eyi ndɛ-ɛ,» ta nəlaŋ wəkayi.

²⁴ Bawo abəŋɛnɛ kəyɔnɛ Krist kɔ sayibɛ sa yem ɲandewur doru, ɲacyɔ mɛgbəkərə mɛwɛy-wɛy kɔ mes mocuca, ntɛ tɔŋsəŋɛ, kɔ tɔyɔnɛ ɲactam-ɛ, ɲatalər akɔ Kanu kənayɛk-yɛk mɔ.

²⁵ Nəcəŋkəl! Iloku nu mes mamɛ ta mɛntabəp-ɛ.

²⁶ K'aloku nu: «Nənəŋk, eyi ndɛ dətɛgbərə-ɛ,» ta nəyɛksərne kəkɔ di. K'aloku nu sɔ: «Nənəŋk, eyi ndɛ dukulɔ dɛfɛt dəkɔ-ɛ,» ta nəlaŋ ti.

²⁷ Ti disrɛ kəder ka Wan ka Wərkun kəndeyi pəmɔ təkɔ pəmot pəŋsəŋ pəwanərə kəyɛfɛ ndɛ dec dɛmpɛ haŋ ndɛ dɛŋkalɛ mɔ, tatəkɔ tɔ kəder ka Wan ka Wərkun kəndeyi.

28 Nde kábel kándeysi má, difó yófán yendebápsene.»

Káder ka Wan ka Wárkun
Mark 13.24-27; Luk 21.25-28

29 Kó Yesu endenjar sá: «Kó pucuy pa mata mamáko pencepár-ε, gbáncana babáko bó pándeyó gbáráp, ηof ηófódesámar, cós cándetempene káyefe dákom, fánántár fa kóm fándeyikεε.

30 Tem tatako, tegbekáre ta káder ka Wan ka Wárkun tendewur dákom, afum a tóf ya doru fáp ηándekule-kule kánesε disre, ηacnájik Wan ka Wárkun pácder káp káron dáfanántár kó náro da debeki dán disre.

31 Tegbekáre ta káfula luk pápáη itó Wan ka Wárkun endesom meleke on, máko molonka afum aηe eyek-yek monkubut mankále ma dákom kó antóf má.»

Tetákás ta totubcεne ta káták ka fik
Mark 13.28-31; Luk 21.29-33

32 Kó Yesu endenjar sá: «Nétákás totubcεne nte káták ka fik kámentár má: Kó wara wa ki wecáηk welenk-ε, nácare a kátán kábtárne.

33 Nána sá, kó nándenájik mamáko fáp-ε, nácare a Wan ka Wárkun ólótárne yati.

34 Kance icloku nu: Detemp dandε dáfócepár ta mamáko fáp meyi-ε.

35 Kóm kó antóf yendesóle mba moloku mem máfódesóle.»

Kanu gbácáram kácáre tem nte doru dendelip má
Mark 13.32-37; Luk 17.26-30,34-36

36 Kó Yesu oloku sá: «Nte tóyóne ta dásoak kó tem nte doru dendelip má, ali fum encáre fe ti, ali meleke kó Wan ηa sá ηancáre fe ti, menε Papa sona gbóη.

37 Tóko tenayi tem ta Nuha má, itó teta káder ka Wan ka Wárkun kándeysi.

38 Ta mataka ma kutup mentabáp-ε, afum ηancdi yeri ηacmun, ηacnεncε, ηacsóη sá awut aηan aran kálo han dásoak nde Nuha enabere debil má,

39 ali kácεmcεmne káfet kánayi fe ηa han kó kutup kánder kó kámálak ηa fáp. Tatako tó káder ka Wan ka Wárkun kándeysi.

40 Awa, kó arkun meráη ηayi dále-ε, palék wákin, pasak wáka meráη.

41 K'aran meráη ηayi kábifáli menjben-ε, palék wákin, pasak wáka meráη.

42 Nákebárne, náckar káder kán tem fáp, bawo náncáre fe dásoak nde Mariki monu mendeder má.

43 Nácare ti belbel kó tóyóne wáka kálo pácare tem ta pibi nte wáke endeder dánkiye má, wáka kálo ófódire pácbum kumba kán ta wáke pábere kálo kán disre.

44 Ti tendesóηe nána sá kácáme náckar, bawo Wan ka Wárkun endeder tem nte nántóyo kó amera má.»

Wámarás wálompu kó wátálomp
Luk 12.41-48

45 Kó Yesu endenjar sá: «Wámarás wásektárne mariki mán páckótenε amera káyó pátót wáre mariki mán encámbér káyóne wábum ka amarás alpás akó, pácsóη ηa yeri tem nte pámar má-ε?

46 Pábót wámarás wákakó mariki mán mender mébáp kó pásumpár yebác nyε enasom kó má!

47 Kance icloku nu: Mariki mán mendesóηe kó káyóne ka wácámbér-cámbér ka daka dán fáp.

48 Mba kó wámarás olokunε débákác: «Mariki mem entayefe fe káder,»

49 k'oncop kásut anapa on amarás, pácdi yeri pácmun kó acis,

50 mariki ma wámarás wákakó endeder dásoak nde óntóyo kó amera má, dec nde óntócare má,

⁵¹ pəbələs wəmarəs wəkakə, pətərəs kə pəpəŋ pəmə təkə antərəs abanjenə kəlomp mə. Difə kəbok kəndeyi kə kəŋanərəne sek.

25

Totubcəne ta ayecəra wəco atəcərə arkun

¹ Kə Yesu əncər nte: «Təm tatəkə, dəbe da dəkəm dendeyi pəmə ayecəra wəco atəcərə arkun anje ŋanalek səlamp kəkəbərəne kə wəgbanje mə.

² Kəcamət kənayi ŋa dacə anje anatonjkulu mə, kəcamət kəyi ŋa dacə anje ŋanacərə kəkətene mes mə.

³ Nte atonjkulu ŋanclek səlamp səŋan mə, ŋanalekene fe moro.

⁴ Mba ayecəra anje ŋanayəne acərə mes mə, ŋalek səlamp səŋan kə ŋantəmpərəne sə nwe o nwe moro dətəkəbə.

⁵ Nte wəgbanje oncwon kəder mə, kə mere məyə ayecəra kə ŋandire.

⁶ Cəkək cəndebəp, kə dim dōwur: «Awa wəgbanje ender, nəwur pade pafayne kə!»

⁷ Kə ayecəra anje ŋantime kə ŋayefe kəlompəs səlamp səŋan.

⁸ Kə ayecəra atonjkulu ŋaloku acərə kəkətene mes: «Nəpocə su moro monu, kənimə kə səlamp sosu səndə!»

⁹ Mba kə acərə kəkətene mes ŋaloku: «Moro mosu məfətəŋne su kəmotene kə nənə. Məne nəkə nəway nda akə ŋancaməs moro mə!»

¹⁰ Ayecəra atonjkulu ŋawur kəkəway moro, kə wəgbanje ender kumunt kəŋan darəŋ, ayecəra anje ŋanayi di mə ŋambere dukulə kə wəgbanje, k'ancəŋ kumba.

¹¹ Nte pəwon pipic mə, kə ayecəra atonjkulu ŋander kə ŋaloku: «Mariki, mariki, məgbite su!»

¹² Mba kə mariki mme molukse ŋa: «Kance icloku nu: Incərə fe nu!»

¹³ Ta nəpələr, bawo nəncərə fe dəsək, nəncərə fe sə dec nde indeder mə.»

Totubcəne ta amarəs maas

Luk 19.11-27

¹⁴ «Towurene pəmə nte wərkun eŋfaŋ kəkə marənt, pəwe acar ən pəsəŋ ŋa daka dən kəməŋk.

¹⁵ Kə wərkun nwe əsəŋ kəma kilo kəcamət wəcar wəkin, k'əsəŋ wəka mərəŋ kilo kəmərəŋ, kə wəka maas kilo katin, nte əsəŋ nwe o nwe təkə entam mə, k'eyefe k'əŋkə marənt.

¹⁶ Wəcar nwe anasəŋ kəməŋk kəma kilo kəcamət mə, əŋkə pəkəfəli-kafəli waca haŋ k'əsətə sə kəma kilo kəcamət kədeŋərne.

¹⁷ Nwe anasəŋ kəma kilo kəmərəŋ kəməŋk mə, nkən sə əŋkə pəkəfəli-kafəli waca haŋ k'əsətə kəma kədeŋərne kilo mərəŋ.

¹⁸ Wəcar nwe anasəŋ kəma kilo kin kəməŋk mə, əŋkə pəkay abi k'eməŋk pəsam pa mariki mən.

¹⁹ Nte pəwon mə, kə mariki maŋan mender, k'ewe acar anje kədeyif ŋa nte ŋambəc mə.

²⁰ Wəcar wəkə anasəŋ kəma kilo kəcamət kəməŋk mə, ender pəloku mariki mən: «Mariki, mənasəŋ im kəməŋk kəma kilo kəcamət, iŋkafəli-kafəli waca k'isətə sə kilo kəcamət kədeŋər.»

²¹ Kə mariki mən moloku kə: «Tentesə, wəcar wətət məyəne nwe pəmar paləŋ mə! Mələs kəlaŋ teta tes tefət, awa dəkəcəmə dəpəŋ d'indəsəŋ əm kətəmpər. Pəbət əm kə mariki mam.»

²² Wəcar nwe anasəŋ kəma kilo mərəŋ kəməŋk mə, ender pəloku: «Mariki, mənasəŋ im kəməŋk kəma kilo mərəŋ, nte iŋkafəli-kafəli waca mə, k'isətə kilo mərəŋ kədeŋər ka ki.»

²³ Kə mariki mən moloku kə: «Tentesə, wəcar wətət məyəne nwe pəmar paləŋ mə! Mələs kəlaŋ teta tes tefət, awa dəkəcəmə dəpəŋ d'indəsəŋ əm kətəmpər. Pəbət əm kə mariki mam.»

²⁴ Wəcar wəkə anasəŋ kəmeŋk kema kilo kin mə ender pəloku: «Mariki, incəre a fum wəcuca məyənə: Kəfo kə məntəl nke mənatəŋbal defet mə, məcpim yokom nyə mənatəbəf mə.

²⁵ Inanese, kə təsəŋ'em kəkəmət kema kam dəntəf: Ikə nke, məbaŋ daka dəkə dəyənə dam mə.

²⁶ Kə mariki mən moloku kə: «Wəcar wələc, wəfan! Məna mənacəre a intel nde intəŋbal defet mə, icpim yokom nyə intəbəf mə?»

²⁷ Pənamar məsəŋ pəsam pem aməŋk pəsam, kə nte ilukus mə, k'imbaŋ pəsam pem isətə sə pi kəroŋ kəntəŋbe.»

²⁸ Kə mariki məmə moloku: «Nəbaŋər kə kema, nəsəŋ ki wəkə əsətən'em kema kilo wəco mə.

²⁹ Bawo, andebere ne wəkə əyə mə haŋ pəlar kə, mba wətəyə, andebaŋər kə ali pəkə əyə mə.

³⁰ Nəbeləs wəcar wətəyə dəkəcəmə dəkubump ka nde dabaŋka. Difə kəbok kə kəŋəŋəre ne sek kəŋkəyi.»»

Kəgbey ka alompu kə alec tēm nte doru dendelip mə

³¹ Kə Yesu endəŋər sə: «Kə Wan ka Wərkun endeder nərə da debeki dən disre kə məleke fəp-ε, pənde dəcəm dən da dəbe.

³² Andelonka afum a təf ya doru fəp fər yən kirin. Pəgbey aŋe kə akə pəmə nte wəkək eŋgbey ŋkesiya kə cir mə:

³³ Pəcəmbər alompu kəca kətət kə alec kəca kəmeriya pəmə nte wəkək encəmbər ŋkesiya kəca kən kətət, kə cir kəca kən kəmeriya mə.

³⁴ Awa, wəbe pəloku akə ŋayi kə kəca kətət mə: «Nəder nəna aŋe Papa kem ompoce pətət mə. Nəlek ke, dəbe nde anəcəmbəre nu kəyefe nte doru denacop mə.

³⁵ Bawo dor denasumpər im kə nəsəŋ im yeri, kə amera ŋowos im kə nəsəŋ im domun, k'iyənə wəcikəra kə nəmbaŋ im,

³⁶ inawur dis fos kəfə kəctərəs im kə nəmber im yamos, k'incu kə nəten'em acəl, k'iyi dəbili kə nənder nənəŋk im.»

³⁷ Awa, alompu ŋalukse kə kəyif: «Mariki, ake tēm tə sənanəŋk əm dor dosumpər əm, kə səsəŋ əm yeri-ε? Ake tēm tə amera ŋenawos əm, kə səsəŋ əm domun-ε?»

³⁸ Ake tēm tə sənanəŋk əm məyənə wəcikəra, kə səmbaŋ əm-ε? Ake tēm tə mənayi dis fos kə səsəŋ əm yamos-ε?»

³⁹ Ake tēm tə sənanəŋk əm məccu kə sənten'am acəl-ε? Ake tēm tə mənayi dəbili, kə sənder kədenəŋk əm-ε?»

⁴⁰ Kə wəbe oloku ŋa: «Kance icloku nu: Tēm o tēm tə nəyə tes tin ta mes mətət maməkə nwe efete dəkəcəmə awenc im aŋa fəp dacə mə, ina yati nəyə ti.»

⁴¹ Kə tatəkə telip-ε, wəbe pədeloku akə ŋayi kə kəca kəmeriya mə: «Nəbəl'em day, nəna aŋe Kanu kəsəŋ pələc mə. Nəkə nəbere dənenc nde dəntənime doru o doru mə, nde analompsə ŋəŋk ŋələc kə məleke ma ŋi mə.

⁴² Bawo dor denay'em kə nəntəsəŋ im yeri, kə amera ŋowos im kə nəntəsəŋ im domun.

⁴³ Inayi decikəra kə nəntəbaŋ im, inawur dis fos kəfə kəctərəs im, kə nəntəsəŋ im yamos, inacu k'iyi dəbili kə nəntəkə kənəŋk im.»

⁴⁴ ŋa sə ŋayif: «Mariki, ake tēm tə sənanəŋk əm dor dəy'əm, kə pəyənə fe ti amera ŋowos əm, kə pəyənə fe ti məyi decikəra, məyi dis fos, məyi ta məntəmne, kə pəyənə fe ti məyi dəbili ta səŋkə səmar əm-ε?»

⁴⁵ Wəbe pəlukse ŋa: «Kance icloku nu: Nte nənatəyənə ti wəkin akə ŋafete mə dacə, ina nəntəyənə ti.»

⁴⁶ Akəkə ŋandebere kəctərəs disre ka Kanu nke kəntəlip doru o doru mə, mba alompu ŋandebere kəyi wəyən ka doru o doru.»

26

Abɛ ɲasekɛ Yesu tɛɲkɛndɛm

Mark 14.1-2; Luk 22.1-2

¹ Ntɛ Yesu elip kɛloku moloku mame mɔ, k'oloku acɛpsɛ ɔn darɛɲ:

² «Nɛncɛrɛ a kɔ mata mɛrɛɲ mendecɛpɛr-ɛ, kɛsata ka Kɛcɛpɛr ka Mɛlɛkɛ Medif kɛɲyi. Andɛbɛr Wan ka Wɛrkun afum dɛwaca ntɛ tɔɲsɔɲɛ ɲacɛɲ kɔ tɔk yɛpɛmpɛl kɛrɔɲ mɔ.

³ Aloɲɲɛ apɔɲ kɔ abeki aSuyif ɲandekɔloɲkanɛ ndɛ kɛlɔ kɛpɔɲ ka wɛloɲɲɛ wɛpɔɲ nwe aɲwe Kayif mɔ,

⁴ ɲatɛɲɲɛ kɛsumpɛr Yesu cɛpɛnpɛn disrɛ ɲadif kɔ.

⁵ Ti disrɛ kɔ ɲalokɛnɛ: «Ta pasumpɛr kɔ kɛsata disrɛ ta tedɛsɔɲɛ pidikcɛ pedeyi afum dacɔ.»

Wɛran wɛlɔma oloɲɛr domp da Yesu labundɛ

Mark 14.3-9; Luk 7.36-50; Isɛɲ 12.1-8

⁶ Ntɛ Yesu ɛnɛyi Betani ndɛna Simɔɲ wɛcunɛ sɛn,

⁷ kɔ wɛran wɛlɔma ɔlɔtɛrɲɛ Yesu. Wɛran nwe pɛtɔmpɛr tɔkɔbɔ pa alabatɛr * pɛlarɛ labundɛ da nar tɛp ndɛ deyenk kɛway mɔ, Yesu pɛyi dɛmɛsa kɔ wɛran nwe ender pɛloɲɛr kɔ labundɛ ndɛ fɛp dɛromp.

⁸ Kɔ pɛntɛlɛ acɛpsɛ a Yesu darɛɲ alɔma, kɔ ɲayifɲɛ: «Ta ake tɔ wɛran wɛkawɛ ɛlɛsɛrɛ-lɛsɛrɛ labundɛ dandɛ-ɛ?»

⁹ Anatam di kɛcamɛs kɛway kɛyɛɲki, pasɔɲ pɛsam papɔkɔ atɔyɔ daka.»

¹⁰ Mba kɔ Yesu oloku: «Nɛcɛ kɔ! Ta ake tɔ nɛɲnɛlɛ kɔ-ɛ? Tɔyɔ tɔtɔt t'ɔyɔ nnɔ ina iyi mɔ.

¹¹ Atɔyɔ daka, ɲayi nu dacɔ tɛm fɛp. Mba ina, nɛfɔdɛy'em tɛm fɛp.

¹² Ntɛ oloɲɛr im labundɛ dandɛ dɛris mɔ, kɛbɛl kem k'ɛyi kɛlompɛs a pacwup ki.

¹³ Kance icloku nu: Nnɔ o nnɔ andɛdɛɲk Kibaru Kɛtɔt kɛɲkɛ doru dandɛ kɛrkɛr mɔ, aɲloku sɔ tɔyɔ tɔtɔt ntɛ wɛran wɛkawɛ ɔyɔ mɔ kɛcɛm-cɛmɛs ka doru.»

Yudas ɛfaɲ kɛbɛr Yesu abɛ a aloɲɲɛ apɔɲ dɛwaca

Mark 14.10-11; Luk 22.3-6

¹⁴ Wɛkin acɛpsɛ a Yesu darɛɲ wɛcɔ kɔ mɛrɛɲ dacɔ, nwe ancwɛ Yudas wɛka dare da Keriyot, ɔɲkɔ ndɛ abɛ a aloɲɲɛ ɲayi mɔ,

¹⁵ kɛkɔyif ɲa: «Kɔ tɔyɔɲɛ ilɛk Yesu ibɛr nu dɛwaca-ɛ, pɛsam cɛkɛ pɔ nɛndɛsɔɲ im-ɛ?» Kɔ abɛ aɲɛ ɲalɔm gbɛti gbɛlɛɲ wɛcɔ maas (30), kɔ ɲasɔɲ kɔ.

¹⁶ Kɔ Yudas ɛyɛfɛ ɔɲ kɛtɛn tɔyɔ ntɛ endɛbɛrɛ Yesu abɛ akakɔ dɛwaca mɔ.

Yesu kɔ acɛpsɛ ɔn darɛɲ ɲalɔɲkanɛ kɛbɔc kɛsata

Mark 14.12-21; Luk 22.7-14,21-23; Isɛɲ 13.21-30

¹⁷ Dɛsɔk dɔcɔkɔ-cɔkɔ da kɛsata ka Cɛcom Cɛtɔnɔɲkɛl Lebin, acɛpsɛ a Yesu darɛɲ ɲayif kɔ: «Dɛkɛ mɛfaɲ sɛkɔlompɛs'am yeri ya kɛsata ka Kɛcɛpɛr ka Mɛlɛkɛ Medif-ɛ?»

¹⁸ Kɔ Yesu oloku: «Nɛkɔ nɛbɛrɛ dare ndɛna fum wɛlɔma, nɛloku kɔ: «Wɛtɔkɛ kosu oloku: Tɛm tɛm tɔlɔtɛrɲɛ, nnɔ ndaram indecɛpɛrɛnɛ kɛsata ka Kɛcɛpɛr ka Mɛlɛkɛ Medif kɔ acɛpsɛ em darɛɲ.»»

¹⁹ Kɔ acɛpsɛ a Yesu darɛɲ ɲayɔ tɔkɔ ɛnasom ɲa mɔ, kɔ ɲalompɛs yeri ya kɛsata kɛɲkɔ.

²⁰ Ntɛ dɔfɔy dɛmbɛp mɔ, Yesu ɲandɛ dɛmɛsa kɔ acɛpsɛ ɔn darɛɲ aɲɛ wɛcɔ kɔ mɛrɛɲ.

²¹ ɲayi kɛdi yeri, kɔ Yesu oloku: «Kance icloku nu: Wɛkin nu dacɔ, endɛbɛr im atɛrɛnɛ em dɛwaca.»

²² Kɔ dis dɛndɛncɛ ɲa kɔ ɲamɔncnɛ, kɔ ɲayɛfɛ kɛyifɛt Yesu: «Mariki, in'ɔfɔ ba?»

²³ Kɔ Yesu oloku: Nwɛ sɛmbɛr waca dap din disrɛ kɛdi yeri mɔ endɛbɛr im atɛrɛnɛ em dɛwaca.

* **26:7** *Tɔkɔbɔ pa alabatɛr* = Tɔkɔbɔ pɔ mpɛ anlompɛsɛ tasar pɛfɛr pɛpat mɔ. Tasar pɛtɔt papɔkɔ p'ɲɛwɛ «alabatɛr».

²⁴ Wan ka Wærkun endefi pəmə təkə ancic ti mə. Mba pələc pere peyi wærkun wəkawə endebər Wan ka Wærkun aterənənən dəwaca mə! Kənatəkom ka wærkun wəkawə kənatam kətəsə kə!»

²⁵ Yudas nwe enayi kəyə Yesu cəpənənən mə, eyif Yesu: «Wətəksə, in'əfə ba?» Kə Yesu olukse kə: «Mən'oloku ti.»

Yesu kə acəpsə ən darəŋ ŋampəŋne kədi yeri telpəs

Mark 14.22-25; Luk 22.15-20; 1Ko 11.23-26

²⁶ Nte ŋancdi yeri mə, kə Yesu elək kəcom, k'eyif Kanu barka, k'entepi ki k'əsəŋəs acəpsə ən darəŋ pəcloku: «Nəbaŋ nəsəm kəcom kaŋkə, dis dem də.»

²⁷ K'elək sə təmbəl ta wən, nte elip kəyif Kanu barka mə, k'əsəŋ ŋa pəcloku: «Nəmun wən wawə fəp,

²⁸ mecir mem mə, mme aləŋe kəcaŋəs ka danapa da Kanu kə kənaŋ ka afum teta kəŋaŋnənə ka kiciya mə.

²⁹ Kance icloku nu: Ifəsəmun wən haŋ dəsək nde indegbəkəre sə kəmun wi kə nənə, nde dəbe da Papa kem mə.»

³⁰ Nte ŋalip kələŋəs melenə mokor-kore Kanu mə, Yesu kə acəpsə ən darəŋ ŋawurne ntende kəca ka tərə ta Tək ya Olif.

Yesu oloku Piyer a endegbəkəl kəcərə kən

Mark 14.26-31; Luk 22.31-34; Isaŋ 13.37-38

³¹ Nte Yesu kə acəpsə ən darəŋ ŋambəp tərə tatəkə mə, k'oloku ŋa: «Nənə akanə fəp nəndelukus im darəŋ, bawo Yecicəs Yosoku yoloku: «Indesut wəkək, ŋkesiya yəcəl yəsamsər.»

³² Mba k'indefətə afi dacə-ε, indekəkər nu Kalile.»

³³ Kə Piyer oloku kə: «Ali fəp fəlukus əm darəŋ, ina ifəlukus əm darəŋ.»

³⁴ Kə Yesu oloku Piyer: «Kance, iclok'am, pibi pampə yati, məndegbəkəl kəcər'em kəmaas a kicipi kəcəm.»

³⁵ Mba Piyer pəcgbəkəl ti: «Ali səcfi kə mənə, ifəgbəkəl a incər'am.» Acəpsə a Yesu darəŋ akə fəp toloku tin tayi tə ŋancloku.

Yesu ontola Kanu nde Ketseməne

Mark 14.32-42; Luk 22.40-46

³⁶ Ti disre kə Yesu ender kə acəpsə ən darəŋ nde kəfo nke aŋwe Ketseməne† mə, k'oloku acəpsə ən darəŋ: «Nənde nnə, ibələ nu pipic itola Kanu.»

³⁷ Kə Yesu eləkənə Piyer kə awut a Sebede mərəŋ, nte dis dəndence Yesu kə abəkək ŋeləcə-ləcə kə mə,

³⁸ k'oloku ŋa: «Abəkək ŋenanəkanə kədenc'em pəmə ifi. Nəyi nnə, ta padirə!»

³⁹ Kə Yesu əmbələne ŋa pipic, k'ontotnə k'embəlkər kəcəp tobu dəntəf, k'ontola nte: «Papa kem, kə təyənə məwose ti-ε, məbələn'em təmbəl pa kətərəs pampə! Mba bafə təkə ifaŋ ti mə, mba təkə mənə Papa məfaŋ ti mə.»

⁴⁰ Kə Yesu ender pəbəp acəpsə ən darəŋ ŋacdirə. K'eyif Piyer: «Nəntam fə kətədirə kə ina ali dec din ba?

⁴¹ Ta nədirə, nətola Kanu nte təŋsəŋe ta nəmbərə kəwakəs nke kəŋsəŋe nu kəyə mes mələc mə. Pəmbas mera yonu kəyə pətət, mba nəyə fə səkət kəyə ti.»

⁴² Kə Yesu əmbələ sə ta mərəŋ k'ontola Kanu nte: «Papa kem, kə təyənə a təmbəl pampə pəfəbələ ta imun pi-ε, awa, təfaŋ tam teyi!»

⁴³ Kə Yesu olukus, k'ender pəbəp acəpsə ən darəŋ ŋacdəŋəs, nte fər yənaləl ŋa mə.

⁴⁴ Kə Yesu əsak ŋa k'əmbələ sə, k'ontola sə Kanu ta maas, pəcgbəkəre sə moloku min mayi.

26:31 «Indesut wəkək, ŋkesiya ya yəcəl yəsamsər.» Sakary 13.7 † **26:36** Ketseməne itə tatəkə cəArame «Dəkəfəcəs moro».

⁴⁵ Kò Yesu oluksàrnè nnò acèpse òn darəŋ ɲayi m̀, k'ɛŋgbəŋ-gbəŋər ɲa: «Nəndirɛ sò, kəŋesəm kò nəndɛ! Nəcəŋkəl: Tɛm tɛmbəp, ambɛr Wan ka Wərkun aciya dəwaca!

⁴⁶ Nəyɛfɛ, paŋkən! Bawo nwe eyi kəbər im afum dəwaca m̀, ɔlɔtərnɛ.»

Kəsumpər ka Yesu

Mark 14.43-50; Luk 22.47-53; Isaŋ 18.2-11

⁴⁷ Yesu pəsərɔlok-loku, gbəncana babəkò kò Yudas nwe ɛnayi acèpse a Yesu aŋɛ wəcò kò mɛrəŋ dacò m̀, ender pəsɔlɛ kənay ka afum alarəm aŋɛ ɲanatəmpər-təmpər sakma kò tək yosutnɛnɛ m̀. Alonɛ apəŋ kò abeki aSuyif ɲanasom ɲa.

⁴⁸ Yudas nwe ɛncbɛr Yesu atɛrɛnɛ òn dəwaca m̀, ɛnasəŋ asɔdar tɛmɛncɛ nte: «Nwe inɲkɔcup m̀, nkən ɔfò wəkakò. Nəsumpər kò.»

⁴⁹ Gbəncana babəkò kò Yudas ender, k'ɔlɔtərnɛ Yesu, k'ewe kò: «Iyif əm, Wətəkse,» k'oncup kò.

⁵⁰ Kò Yesu oloku kò: «Wanapa, nte mənder kəyò m̀, məyò ti.» Kò afum akakò ɲancəŋnɛ kò ɲantəpsər Yesu waca, kò ɲasumpər kò.

⁵¹ Gbəncana babəkò kò wəkin asol a Yesu dacò, owurɛ dakma k'ɛncɛp wəcar ka wəlonɛ wəpəŋ aləŋəs, k'ɛŋgbinti ɲi.

⁵² Kò Yesu oloku kò: «Məlukse dakma dam dobom, bawo nwe o nwe endeyɛfɛrɛnɛ dakma m̀, dakma dendedif kò.

⁵³ Məncɛm-cɛmɛnɛ a ifɔtam kəwe Papa kem nwe ɛntam kəkər'em mɛlɛkɛ asɔdar alarəm cəgba wəcò kò mɛrəŋ ca wul kò wul ba?

⁵⁴ Cəke cò Yecicəs Yosoku yɛntam kəlarɛ-ɛ? Bawo yɛnaloku a tantɛ tò pəmar mes mame medecəpər?»

⁵⁵ Gbəncana babəkò bə Yesu ɛnaloku kənay kəŋkò: «Nəwur kədesumpər im, nətəmpər-təmpər sakma kò tək yosutnɛnɛ pəm̀ nte inɲəɛ kalbante m̀. Dəsək o dəsək inder inde nde kəlò kəpəŋ ka Kanu ictəkse ta nənder nəsumpər im-ɛ.

⁵⁶ Mba mame fəp meyi nte təŋsəŋɛ Yecicəs ya sayibɛ yelare m̀. Kò acèpse darəŋ ɲasak Yesu kò ɲayɛkɛ.

Yesu eyi nda aboc kiti

Mark 14.53-65; Luk 22.54-55,63-71; Isaŋ 18.12-24

⁵⁷ Afum aŋɛ ɲanasumpər Yesu m̀ ɲaŋkəkəɛ kò ndena wəlonɛ wəpəŋ Kayif, dəndo atəkse sariye kò abeki aSuyif ɲanabəpsɛnɛ.

⁵⁸ Piyɛr ɛnacəmə Yesu darəŋ pəbɔlɛ haŋ nde abəŋka ɲa kəlò ka wəlonɛ wəpəŋ. Kò Piyɛr ɛmbɛrɛ dəsəŋka k'əŋkò pəndɛ k'abum a kəlò ka wəlonɛ Kayif kəsək pəckəkɛ nte mes ma Yesu mendekəlɪp m̀.

⁵⁹ Alonɛ apəŋ k'aboc kiti aSuyif fəp ɲanctɛn yem nyɛ ɲantam kəyɛmsɛnɛ Yesu, nte təŋsəŋɛ padif kò m̀.

⁶⁰ Mba ɲanasətò fɛ, ali nte sede alarəm ɲanader ɲaboncɛ kò yem m̀. Tɛlpəs kò sede mɛrəŋ sənder,

⁶¹ nɛ sənaloku: «Yesu oloku: «Intam kəkəkəli kəlò kəpəŋ ka Kanu, icəmbər sò ki mata maas disrɛ.»

⁶² Kò wəlonɛ wəpəŋ ɛyɛfɛ k'eyif Yesu: «Məfɔlukse su təlɔm o təlɔm ba? Cəke cò mənɲoku teta moloku ma sede mme akanɛ ɲambonc am m̀?»

⁶³ Mba kò Yesu ɛncəŋk. Kò wəlonɛ wəpəŋ oloku kò: «Tewe ta Kanu nke kəyi m̀, məloku su kò təyənɛ mən'əyənɛ Krist, Wan ka Kanu-ɛ.»

⁶⁴ Kò Yesu olukse kò: «Mən'oloku ti. Mba icloku nu, kəyɛfɛ oŋ ndəkəl, nəndenəŋk Wan ka Wərkun pəndɛ kəca kətət ka Kanu nke kəntam mes fəp m̀, pəcder nərə da debeki dən disrɛ kəp ka dəkəm kəpəŋ.»

⁶⁵ Kò wəlonɛ wəpəŋ ɛwal-wali yamos yən pəcloku: «ɔlɔməs Kanu! Sede sərə sò pəmar payif-ɛ? Nəne təkò ontubcɛnɛnɛ Kanu m̀, kəlɔməs ka Kanu kò.

⁶⁶ Cəke cə nəncəm-cəmnə-ε?» Kə ηalukse moloku: «Mənə padif kə.»

⁶⁷ Ti disre kə ηayukər Yesu lin dəkəro, kə ηantiməs kə ηkulma, aləma ηacsut kə waca dəkanca, ηacloku:

⁶⁸ «Krist wəyek-yek wəka Kanu, məboncər su ma, nwe osut əm mə!»

Piyer ηηgbekəl kəcərə ka Yesu

Mark 14.66-72; Luk 22.56-62; Isaη 18.17,25-27

⁶⁹ Piyer pəndə nde dabanjka, kə wəcar wəyecərə wələma ələtərne kə, k'oloku: «Məna wəkəkə məndə mə, nən'ənayi kə Yesu wəka Kalile.»

⁷⁰ Mba kə Piyer ηηgbekəl ti afum fəp fər kirin, pəcloku: «İna, incərə fe nte məna məfan kələku mə.»

⁷¹ Nte nkən Piyer əncəkə dəkusunjka kəwur mə, kə wəran wələma ənəjk kə sə, k'oloku afum akə ηanayi dənda mə: «Wəkawε, ηa ηanayi kə Yesu wəka Nasaret.»

⁷² Kə Piyer ηηgbekəl sə tatəkə k'enderəm: «İncərə fe wərkun wəkawε!»

⁷³ Pəwon fe akə ηanacəmə di mə ηələtərne Piyer kə ηayif kə: «Məna sə afum akanjε ηə nəyi, tolok-loku tam tementər ti.»

⁷⁴ Kə Piyer eyefe kəderəm: «Kanu kətərəs im kə pəyənε a kəyemε k'indε-ε! Incərə fe fum wəkawε nəjle mə!» Gbəncana babəkə kə kicipi kəncam.

⁷⁵ Kə Piyer encəm-cəmnə moloku məkə Yesu enaloku kə mə: «Məndegbekəl kətəcər'em kəmaas a kicipi kəcəm.» Kə Piyer owur dabanjka k'ombok belbel.

27

Aηjekərə Yesu ndena Pilat

Mark 15.1; Luk 23.1-2; Isaη 18.28-32

¹ Nte bətbət bəmbəp mə, alonjne apəη kə abeki aSuyif fəp ηalonkanε kə ηantəηne a padif Yesu.

² Nte ηalip kəkot kə mə, kə ηanjekərə kə, kə ηamber kə Pilat dəwaca nwe enayənε wəkirin wəka sədare sa Yude mə.

Defi da Yudas

Asom 1.18-19

³ Nte Yudas nwe enawurε Yesu pəbər kə aterεne ən dəwaca ənəjk a kədif k'anjka Yesu mə, kə abəc ηembere kə. K'olukse gbeti gbələη wəco maas alonjne apəη kə abeki,

⁴ pəcloku: «İnciya, imber wətəciya nu dəwaca nte tənşəηe padif kə mə.» Mba alonjne apəη kə abeki ηaloku: «Yudas, tatəkə təməmən fe səna! Məna tatəkə təməmən!»

⁵ Kə Yudas ηηgbal pəsam dəndo kələ kəpəη ka Kanu, k'eyefe kəfo kanjka, k'əηjka pəgbekne k'efi.

⁶ Kə alonjne apəη ηalonjka gbələη ba gbeti mbε, kə ηaloku: «Sariye səwosε fe su kəber pəsam papəkə kεle ka kələ kəpəη ka Kanu, bawo kəway ka mecir kə.»

⁷ Nte ηanəjkεne mə, kə ηantəηne kəwayε ka gbeti babəkə dale da wəsəl, pəyənε di dəkəwup da acikəra.

⁸ Ti təsəηε k'asərəwe dəkəwupεne dadəkə haη məkə «Dale da Mecir.»

⁹ Kə təyənε moloku mmε sayibε Yeremy enadəηk mə, mεlare: «ηanalek gbeti gbələη wəco maas. Gbeti babəkə bə aka Yisrayel ηanatəηne kəsəηε kə,

¹⁰ kə ηasəηε bi teta dale da wəsəl, pəmə nte Mariki enasom im ti mə.»*

Yesu encəmə fər kirin ya Pilat kəkiti

Mark 15.2-5; Luk 23.2-5,9-10; Isaη 18.29-38

¹¹ Kə wəbε Pilat eyif Yesu: «Mən'əyənε wəbε ka aSuyif ba?» Kə Yesu olukse kə: «Mən'oloku ti.»

* 27:10 Sakary 11.12-13 kə məməmən sə Yeremy 18.2-3; 19.1-2; 32.6-15

¹² Mba ali toloku tin Yesu enaloku fe kəluksə moloku ma kəyemsənə mmə alonjə apəŋ kə abeki ŋanaboncə kə mə.

¹³ Ti disrə, kə wəbē Pilat eyif kə sɔ: «Mes mələc mələrəm mmə ŋambonc am mə, məfəne mi ba?»

¹⁴ Mba ali toloku tin Yesu enaluksə fe kə, ti tenawosəs wəbē Pilat kusu pəpəŋ.

Wəbē Pilat osom a padif Yesu

Mark 15.6-14; Luk 23.13-23; Isaŋ 18.39-40

¹⁵ Kəsata ka Kəcepər ka Mələkə Medif, wəkiriŋ ka sədare sa Yude encsake afum yeŋən kəren o kəren tataka ta kəsata kanke, fum wəkin ayi dəbili dacə nwe kənay ka afum kəncfanj mə.

¹⁶ Təm tatəkə wəyi dəbili wələma enayi nwe tewe tən tenasam dətəf mə, pacwe kə Yesu Barabas.

¹⁷ Ntə ŋanalonkanə mə, kə Pilat eyif ŋa: «Yesu Barabas kə Yesu nwe aŋwe Krist mə, an'ə nəfanj isak kə yeŋən-ε?»

¹⁸ Pilat enacərə a kəraca kənasəŋe ŋalək Yesu ŋaber kə dəwaca.

¹⁹ Təm ntə Pilat enandə dənkiti mə, kə wəran kən osom pakəloku kə: «Ta tələm o tələm tey'am dacə kə fum wələmpu wəkawə! Bawo pibi pa məkə intərəna belbel icwəpəp teta fum wəkawə.»

²⁰ Kə alonjə apəŋ kə abeki ŋagbiŋər kənay ka afum kəloku a pasake ŋa Barabas, padif Yesu.

²¹ Kə wəbē Pilat eyif kənay: «Afum akanjə mərəŋ an'ə nəfanj a pasake nu yeŋən-ε?» Kə ŋalukse kə: «Barabas!»

²² Kə Pilat eyif ŋa sɔ: «Ak'indeyənə oŋ Yesu nwe aŋwe Krist mə?» Kə fəp fəloku: «Məcaŋ kə dətək yeṗəmpəl!»

²³ Kə Pilat əŋgbəkərə sɔ kəyif ŋa: «Pələc pere p'əyɔ-ε?» Mba kə kənay ka afum kənanjkanə kəkule-kule: «Məcaŋ kə dətək yeṗəmpəl!»

²⁴ Ntə Pilat enacərə a əfətam tes o tes, kə pidikce pa kənay ka afum pəmbək kəbek dəm, k'elək domun k'embikənə waca fər ya afum kiriŋ, k'oloku: «Isarə fe kiciya ka defi da fum wəkawə. Nən'endesarə kiciya ka kədif kən!»

²⁵ Kə afum fəp ŋaloku: «Səwosə kəsarə teta defi dən, səna kə awut asu!»

²⁶ Kə Pilat esake afum aŋe Barabas, kə Barabas əŋkə yeŋən. Ntə Pilat elip kəsom pasutə Yesu tərənkanə mə, k'ember kə afum dəwaca a pacan kə dətək yeṗəmpəl.

Asədar ŋafani Yesu

Mark 15.16-20; Luk 23.11; Isaŋ 19.2-3

²⁷ K'asədar a Pilat ŋankekərə Yesu tedisrə ta kələ kən kəpəŋ, kə ŋalonjka dənjbənjk dadəkə fəp ndə denakel kə mə.

²⁸ K'asədar ŋawurə Yesu yamos yən kə ŋamber kə burumus beyim.

²⁹ Kə ŋandunə kə aŋgbəŋkələ ŋa bəŋk nŋe ŋanacəp kə dərəmp mə, kə ŋamber kə kəgbo dəkəca kətət kəyənə kə kəŋgbasar k'abə, kə ŋancəpə kə suwu ŋacfani kə, ŋacloku: «ŋyif əm, wəbē ka aSuyif!»

³⁰ Kə ŋayukər Yesu lin kə ŋalək kəgbo ŋacsut kə dərəmp.

³¹ Ntə ŋalip kəfani Yesu mə, kə ŋawurə kə burumus bəkə ŋanaber kə mə, kə ŋamber kə sɔ yamos yən. Kə ŋankekərə kə kəkəcaŋ kə dətək yeṗəmpəl.

Ancan Yesu dəkətək kəpəmpəl

Mark 15.21-32; Luk 23.26-43; Isaŋ 19.16-24

³² Ntə asədar ŋancwur dare mə, kə ŋanəŋk wəkun wəka dare da Siren wələma nwe ancwe Siməŋ mə, kə ŋancəmbər kə yeṗəpəp ya kəgbanjə tək yeṗəmpəl nyə anakə kəcaŋ Yesu mə.

³³ Kə ŋanəkə ŋabəp kəfo nkə aŋwe Kolkota mə, itə tatəkə «Kəfo ka Kəmbəmbələ.»

34 K'asɔdar ɲasɔŋ Yesu wɛn wɔnɔŋkɛl pɛdɔkɛt, mba nte ɛnatɛm wi temer mɔ, ɛnawosɛ fɛ wi kɛmun.

35 Nte ɲalip kɛcaŋ kɔ dɛtɔk yɛpɛmpɛl mɔ, kɔ ɲaŋkot yampunɲun teta kɛyer yamos yɔn.†

36 Kɔ ɲandɛ ɲacbum kɔ.

37 K'antɛp kɔ domp takɛrɔŋ yecicɛs nyɛ yɛnaloku tes nte tɔsɔŋɛ k'andif kɔ mɔ: «Fum wɛkawɛ Yesu ɔfɔ, wɛbɛ ka aSuyif.»

38 Anacaŋ sɔ Yesu kɛsɛk dɛtɔk yɛpɛmpɛl tɛm tin kɔ calbante mɛrɔŋ, wɛkin pɛyi kɔ kɛca kɛtɔt, wɛkɔ pɛyi kɔ kɛca kɛmeriya.

39 Afum acepɛr ɲaclɔmɛs kɔ ɲacfɛk kɔ domp.

40 ɲacloku: «Mɛna nwe mɛncekɛli kɛlɔ kɛpɔŋ ka Kanu, mɛcɛmbɛr sɔ ki mata maas disrɛ mɔ, mɛyacnɛ mɛnasɛrka! Kɔ tɔyɔnɛ a Wan ka Kanu mɛyɔnɛ-ɛ, mɛtor ɔŋ dɛtɔk yɛpɛmpɛl yayɛ!»

41 Alɔŋnɛ apɔŋ, atɛksɛ sariyɛ s'aSuyif kɔ abeki sɔ ɲancfani Yesu ɲacloku:

42 «ɛnayac alɔma, mba ɔfɔtam kɛyacnɛ nkɔnsɛrka! Wɛbɛ ka Yisrayel ɔyɔnɛ: Awa pɛtor ɔŋ ma dɛtɔk yɛpɛmpɛl yayɛ, tɔsɔŋɛ sɛgbɛkɛr kɔ kɛlaŋ kosu!

43 ɛŋgbɛkɛr Kanu amera, awa Kanu kɛyac kɔ ɔŋ ma, kɔ tɔyɔnɛ Kanu kɛmbɔtɛr kɔ. Bawo oloku: «Wan ka Kanu iyɔnɛ!»

44 Calbante aŋɛ anacaŋ kɔ Yesu mɔ ɲaclɔmɛs kɔ tin tayi.

Defi da Yesu

Mark 15.33-41; Luk 23.44-49; Isaŋ 19.28-30

45 Pɛndeyi daŋ kɔ kubump kɛntɔr dɛntɔf fɛp haŋ salifana.

46 Salifana sɛndɛbɛp, kɔ Yesu ɔŋkule-kule: «*Eloyi, Eloyi, lema sabaktani?*» Itɔ tatɔkɔ: «Kanu kem, Kanu kem, ta ake tɔ mɛsak'em-ɛ?»

47 Kɔ afum alɔma akɔ ɲanayi di mɔ, ɲanane kɔ dim. ɲancloku kɛfɔtɔ disrɛ a Aŋnabi Eli eyi kɛwe.

48 Kɔ fum wɛkin ɛyɛksɛ kɛkɔlɛk yangba, nyɛ ɛnapuk dɛmɛncɔncɔ mɔ, k'ɛnɛpsɛr yi dɛkɛmɔta k'ɛncɛnc kɔ yi a pɛmun.

49 Mba kɔ akɔ ɲaloku: «Mɛkar ma, pamɔmɛn belbel kɔ tɔyɔnɛ Eli endeder kɛdeyac kɔ-ɛ.»

50 Kɔ Yesu ɔŋkule sɔ pɛpɔŋ, a k'olukɛ Kanu afɔkɛl ɲɔn.

51 Tɛm tatɔkɔ tɔ kɛloto kɛlɛl nke kɛŋkɛŋk tɔksɔ ta kɛlɔ kɛpɔŋ ka Kanu mɔ kɛŋgbɛrɛ dacɔ, kɛyɛfɛ takɛrɔŋ haŋ tantɔf. Kɔ antɔf ɲɛyɛfɛ kɛyikɛɛ pɛpɔŋ kɔ masar mɛŋgbɛrɛ,

52 kɔ cufu cɛŋgbite, kɔ cɛbel ca afum a Kanu alarɛm ɲafɔtɛ afi dacɔ.

53 Kɔ ɲayɛfɛ dɛcufu nte Yesu ɔfɔtɛ afi dacɔ mɔ, kɔ ɲambɛrɛ Yerusalɛm dare ndɛ ampusɛ Kanu mɔ, kɔ ɲamentɛrne afum alarɛm.

54 Wɛbɛ k'asɔdar wɛRom kɔ amarɛnɛ ɔn asɔdar akɔ ɲanayi di ɲacbum kɛbel ka Yesu mɔ, ɲanɛsɛ pɛpɔŋ nte ɲananɔŋk antɔf kɛyikɛɛ, kɔ tɔkɔ tɛnayi kɛfi ka Yesu mɔ, kɔ ɲaloku: «Wɛkawɛ, Wan ka Kanu yati ɛnayi!»

55 Aran alarɛm ɲanacɛmɛ pɛbɔlɛ ɲacmɔmɛn, aran aŋɛ ɲanasol kɔ Yesu kɛyɛfɛ Kalile kɛdebɛɛ kɔ mɔ.

56 Aran akakɔ dacɔ, Mari wɛka Makdala, Mari iya wɛka Sak kɔ Isifu, kɔ iya ka awut arkun a Sebede.

Antɔrɛ Yesu dɛkufu

Mark 15.42-47; Luk 23.50-56; Isaŋ 19.38-42

57 Nte dɔfɔy dɛmbɛp mɔ, kɔ wɛrkun wɛka daka wɛlɔma ender, wɛka dare da Arimate ɛnayi, pacwe kɔ Isifu. Nkɔn sɔ wɛɛpsɛ Yesu darɔŋ wɛlɔma ɛnayi.

58 Kɔ wɛrkun nwe ɔŋkɔ ndena Pilat k'ɔŋkɔ pɛtola kɔ kɛbel ka Yesu. Kɔ Pilat osom a pasɔŋ kɔ ki.

59 Kɔ Isifu ɛlɛk kɛbel ka Yesu, k'ɛnɛpsɛr ki kasaŋke ka kɛloto kɛtelɛr kɛfu,

† 27:35 Mɛmɔmɛn Yabura 22.18 27:46 Yesu ɔŋgbɛkɛrɛ moloku ma Dawuda Yabura 22.2

⁶⁰ k'ontore kábel ka Yesu dákufu nke anatátore wáfi káresna má, kufu nke nkón Isifu anayók ka nkónsárka dátasar má, k'osunce dákáberé da kufu kanjka tasar tópon, k'ónjka.

⁶¹ Awa, Mari wéka Makdala kó Mari nwe ényáone iya ka Sak kó Isifu má njanayi di, nandé natefárne kufu.

Kábum ka kufu

⁶² Dóckósák da tataka tolompánséne dósák da kánesám, aloné apón k'aFarisi njasol kó njanjka ndena Pilat,

⁶³ kó njaloku: «Mariki, sáncem-cémmé a wáyemé wákawé énaloku nte ényayi wáyej má: «Tataka ta maas ta defí dem, indéfóte afi daco.»

⁶⁴ Awa, mäsóm afum njábum kufu kón hanj tataka ta maas, ta acépsé on daréj njadedé njakiyé kábel kón, njakafále káloku afum: «Nónánjk, ófóte afi daco!» Yem yayóko yendebék só yecépár yóckó-cóckó.»

⁶⁵ Kó Pilat oloku njá: «Iwosé káséj nu asódar, náyo njá njábum kufu kanjka pámo tóko náfan ti má.»

⁶⁶ Awa, kó njanjka njalompás tobum ta kufu nke, kó njásunce ki tasar pápon, kó njancámber afum njábum ki.

28

Yesu káfóte kón afi daco

Mark 16.1-10; Luk 24.1-12; Isaj 20.1-10

¹ Dóckósák da dósák da kánesám, sandéj bátbát, Mari wéka dare da Makdala kó Mari wálóma njander kámómán kufu.

² Gbáncana babóko kó antóf njeyikcé pápon, bawo méleke ma Mariki ménator dántóf kádebinjáli tasar, méndé só pi káronj.

³ Méleke mamáko ménayi pámo pámot pa dákóm, yamos ya mi yeféré ponj.

⁴ Kó asódar abum a kufu njáyikéne kánesé, njámómpné pámo nte njánfi má.

⁵ Mba kó méleke moloku aran: «Ta nána nánesé, bawo incáre a Yesu wéko anacájan dáták yepámpál má, náyi káten.

⁶ Eyi fé dé, ófóte afi daco pámo tóko énaloku ti má. Náder námómán nnó káfo nke anaboc kó má.

⁷ Nákufe nákoloku acépsé on daréj a Yesu ófóte afi daco, awa a nájkóbáp kó Kalile, difó nájkónánjk kó. Nácéjkál: «Tatóko t'iyóna toloku nu.»

⁸ Kó aran áje njámbole kufu nke kátána kánesé kó pábotu pápon disré, kó njáyeké kákoloku ti acépsé a Yesu daréj.

⁹ Gbáncana babóko kó Yesu ender aran áje tekirinj k'eyif njá: «Iyif nu!» Kó aran áje njalótárne kó njancápe kó suwu kó njásumpár kó wécák teta káelás kón.

¹⁰ Kó Yesu oloku njá: «Ta nánesé, náko náloku awénc im ája a njáko Kalile, a difó njandekónánjk im.

Abum kufu njálómár abé mes mmé ménacépár nde dákufu má

¹¹ Nte aran áje njánayi dápó káko má, awa kó abum a dákufu alóma njámberé dare kó njálómár aloné apón mes máko ménacépár má fáp.

¹² Nte njalónkane kó abeki má, kó njántájné káséj asódar akáko pásam pélarám,

¹³ kó njásom asódar akáko nte: «Náde náloku: «Acépsé on daréj njanderna njakiyé kó, tétájné sádiré.»

¹⁴ Kó wákirinj éne tí-é, sánkácére kálok-lokár kó, nte tónsóné ta antóras nu má.»

¹⁵ Kó asódar njámán pásam kó njáyo tóko analoku njá má. Kó taruku pa yem papóko pásam aSuyif daco hanj máko.

Yesu émentárne acépsé on daréj

Mark 16.14-18; Luk 24.36-49; Isaj 20.19-23; Asom 1.6-8

¹⁶ Kɔ acɛpsɛ a Yesu darɛɲ aɲɛ wɛcɔ kɔ pin ɲaɲkɔ Kalile, nde tɔrɔ tɔkɔ Yesu ɛnaboncɛr ɲa mɔ.

¹⁷ Ntɛ ɲanɛɲk Yesu mɔ, kɔ ɲantontnɛnɛ kɔ, mba kɔ alɔma ɲa dacɔ ɲanalip fɛ kɛlanɲ tetɔn.

¹⁸ Kɔ Yesu ɔlɔtɛrɛnɛ ɲa, k'olokɔ: «Kanu kɛsɔɲ im kɛtam fɛp kɛyɛfɛ dɛKɔm haɲ dɛntɔf.

¹⁹ Nɛkɔ, nɛsɔɲɛ afum a tɔf ya doru fɛp kɛyɔnɛ acɛpsɛ em darɛɲ, nɛcgbɛt ɲa dɛromun tewɛ ta Kas, ta Wan kɔ t'Amɛra Nɛcɛmpɪ,

²⁰ nɛctɛksɛ ɲa kɛlɛlɛs mosom mɔkɔ isom nu mɔ fɛp. Awa kɔ ina iyi nu dacɔ dɔsɔk o dɔsɔk haɲ doru delip.»

MARK

Kəsəkəs ka Kíbaru Kátót teta Yesu nkε Mark encicəs mɔ

Kíbaru Kátót ka Mark buk bin ba Kədəm Kəfu bɔ bəyɔnɛ sɛbuk nɛɛ mən̄kələ daco nɛɛ səlɔku tecepərənɛ doru ta Yesu Krist mɔ. Buk mbɛ o mbɛ sɛbuk saɲsɛ mən̄kələ daco, «Taruku ta Kíbaru Kátót» t'an̄we bi. Matiye, Mark, Luk kɔ Isan̄ n̄anacicəs sɛbuk saɲsɛ defi da Yesu Krist tadarən̄. Ancəm-cəm̄nɛ a taruku tantɛ tɔ ananun̄kɛnɛ kəcicəs meren wəco camət-tin (60) kəbɛp ka meren wəco camət-mɛrən̄ (70) n̄tɛ kəkom ka Yesu Krist kəncɛpər mɔ. Acərə taruku alarəm n̄ancəm-cəm̄nɛ a dare da Rom anacic buk bambɛ, teta kəyɛnkəs bəkəc ya alan̄ a Yesu aka Rom. Mark, n̄wɛ anacərə sɔ tewɛ ta «Isan̄ Mark» mɔ, wanapa ka asom a Yesu Pol kɔ Barnabas enayi. Mba kəpɛ kən̄ tewɛ kənacop n̄tɛ enasak kəkət marənt teta kəsamsər tosom ta Yesu mɔ (Asom 13.13). N̄tɛ tencepər mɔ, Mark enader pəkət marənt kɔ Barnabas (Asom 15.37-39). Anacərə Mark kəyɔnɛ ka wanapa wətət ka Piyɛr (1 Piyɛr 5.13). Ali n̄tɛ kəyi doru ka Yesu kən̄atɔcepər fɔr ya Mark kirin̄ mɔ, acərə taruku n̄ancəm-cəm̄nɛ a Mark enamen̄kərnɛ moloku ma sede sa Piyɛr m̄mɛ m̄yɔnɛ mogbu ma Taruku ta Mark mɔ. DəKíbaru Kátót kan̄kɔ disrɛ, Mark oloku teta acɛpsɛ a Yesu darən̄ kɔ mɛtəkɛ ma Yesu teta tɛm tɛlpəs ta doru.

Tokotərənɛ ta Taruku ta Kíbaru Kátót ka Mark

1. Mark ementər buk (1.1-13)
2. Mark oloku təkətɛnɛ mes ma Yesu n̄tɛ enayi Kalile mɔ (1.14-8.21).
3. Kɔ tɛyɛfɛ danda, k'oloku kəkɔ marənt ka Yesu Yerusalem (8.22-10.52).
4. Dəkəlpəsɛr, kɔ Mark encicəs tecepərənɛ doru ta Yesu Krist nde Yerusalem kələkɛnɛ defi kɔ kəfɔtɛ kən̄ afi daco (11.1-16.8).

Taruku ta Aɲnabi Saɲ Batis

- 1 Dəkəcop da Kíbaru Kátót teta Yesu Krist* Wan ka Kanu dɔ dandɛ.
- 2 Deyi pəmɔ n̄tɛ ancic ti nde buk ba sayibɛ Esayi disrɛ mɔ:
«Indekəkərə wəsom kem fɔr yam kirin̄ pəkəlomp's'am dɔpɔ.
- 3 Fum wəkɔ dim dən̄ deyi kəwɔr nde dətɛgbərə mɔ ɔfɔ:
«Nəlompəs dɔpɔ da Mariki,
nəlompɛ sɛpɔ sən̄ sa wɛcək!»
- 4 Itɔ Aɲnabi Saɲ Batis enaderɛnɛ nde dətɛgbərə, pəkawandi a pagbət afum dərɔmun teta kəsəkpər bəkəc n̄acəmɛ pəlompɔ darən̄, n̄tɛ tən̄sɔnɛ Kanu kədən̄aɲnɛnɛ n̄a kiciya kəɲan mɔ.
- 5 Afum aka atɔf n̄a Yude kɔ aka Yerusalem fɔr n̄anckɔ nde eyi mɔ, n̄acsɔtər kɔ kəgbət dərɔmun teta Kanu, nde kəngbəkɔ ka Yurden n̄acɛn̄ kiciya kəɲan afum daco.
- 6 Yamos ya cəfon ca yəkɔmɛ yɔ Saɲ enɛbɛrnɛ, pəcgbəncnɛ bɛlɛt ba akata defi. Cəlan̄kəma c'əncsəm̄ kɔ mɛsɛ ma cəmə ca dəkulum.
- 7 Pəcdəɲk: «Fum eyi kəder im tadarən̄, n̄wɛ ɔyɔ fən̄əntər pətəs im mɔ, isɔtɔ fɛ dofum dɔtulnɛnɛ isikəli cɔfta cən.
- 8 Ina, dərɔmun in̄gbət nu teta Kanu, mba nkən̄ dəAmera N̄ecempɪ n̄a Kanu ende pəcgbət nu.»
- 9 Mata maməkɔ kɔ Yesu ender kəyɛfɛ Nasarɛt dare da Kalile, k'əsɔtər Saɲ kəgbət dərɔmun teta Kanu nde kəngbəkɔ ka Yurden.
- 10 Yesu endepɛ dərɔmun, gbəncana babəkɔ k'ɛn̄əɲk kəm kəngbɛrɛ, k'ɛn̄əɲk sɔ Amera n̄a Kanu n̄ɔtorər kɔ pəmɔ antantoriya.
- 11 Kɔ dim dontor kəyɛfɛ dəkəm: «Wan kem m̄yɔnɛ n̄wɛ imbətər mɔ, mən̄'əbət im mes belbel.»
- 12 Gbəncana babəkɔ kɔ Amera n̄a Kanu n̄ɛɲkəkərə Yesu nde dətɛgbərə.

* **1:1** Krist = Tewɛ ta dəkəcəmɛ da n̄wɛ Kanu kəyɛk-yɛk kəyɔnɛ ka wəyac ka afum a doru mɔ. **1:2** Malaki 3.1 **1:3** Esayi 40.3

¹³ K'encepárené di mata wáco manjále (40), Sentani sácwakás kásóje kó káciya. Sem ya dákulúm yó ñanayi, meleké mečekéas kó.

Acépsé darəŋ a Yesu acəkə-cəkə anje manjále

¹⁴ Nte analíp kásóŋ Saŋ káber dábili má, kó Yesu ender Kalile, pácdəŋk Kíbaru Kátot ka Kanu,

¹⁵ pácloku: «Tém tɛmbəp kó débé da Kanu dálotərné. Nəsákrəp bəkác nəlomp, nəgbəkər kəlan Kíbaru Kátot ka Kanu!»

¹⁶ Nte Yesu eyi kácepər agbep ɲa kəba ka Kalile kəsək má, k'ənəŋk Siməŋ kó Andəre wenc ka Siməŋ, ɲacgbal manta dákbəba, bawo awent ɲə ɲanayóné.

¹⁷ Kó Yesu oloku ɲa: «Nəder nəcəps'em darəŋ, indesóje nu kəyóné awent a afum.»

¹⁸ Gbəncana babəkó kó ɲasak manta manjan kó ɲancəmé Yesu darəŋ.

¹⁹ Nte əŋkó kirin pəpic má, k'ənəŋk Sak wan ka Sebede kó wenc Isan ɲje ɲanayi abil ɲanjan disre ɲaclompəs-lompəs manta má.

²⁰ Gbəncana babəkó k'ewe sá akakó mērəŋ nte təŋsəje ɲayóné acépsé on má. Kó ɲasak kas kəŋan Sebede debil kó akó ɲacbəc má, kó ɲancəpsé Yesu darəŋ.

Fum nwe ɲəŋk ɲeléc ɲəntərəs kó má

²¹ Kó ɲambéré dare da Kaparnam. Nte ɲəŋkó dákatola Kanu da aSuyif simiti, dáśək da kəŋesəm má, kó Yesu oncop kətəkse.

²² Cusu cənwos ɲa kətəkse kən, bawo enctəkse pəmá fum nwe ɲntəmpər kətam má, enctəkse fé pəmá atəkse sariyé s'aSuyif.

²³ Tənatəŋne wərkun wələma nwe ɲəŋk ɲeléc ɲenabéré má pəyi dákatola Kanu da aSuyif dadəkó disre, pákule-kulé:

²⁴ «Ta ake tó məmbərəné mes mosu-ε, Yesu wəka Nasaret? Dəkələsər su mänder ba? Səncərə belbel nwe məyóné má: Wəcəmpi wəka Kanu!»

²⁵ Kó Yesu ɲɲgbəŋ-gbəŋər ɲi, pácloku: Məməp kusu! Məwur fum wəkawé dərís.

²⁶ Kó ɲəŋk ɲeléc ɲowur kó dərís ɲecyikéc kó pəpəŋ, ɲockulé-kulé sá pəpəŋ.

²⁷ Kó cusu cəwos afum fəp, ɲacgbəkəléné taŋan: «Tere tó tantε-ε? Kətəkse kəfu, débé dere! ɲntəmpər ali débé da yəŋk yeléc, nyé yəŋléləs mosom mən má!»

²⁸ Kó debeki da tewe tən desamsər katəna katəna məmpəmpə ma Kalile fəp.

Yesu entaməs acuy alarəm

²⁹ Nte ɲawur dákatola Kanu da aSuyif má, nkən Sak kó Isan ɲəŋkó ndena Siməŋ kó Andəre.

³⁰ Iya wəka wəran ka Siməŋ enafəntərə ta entamnε-ε, fiba fənayi kó, gbəncana babəkó k'aloku Yesu tetən.

³¹ K'əncəŋne, k'osumpər kó kəca k'eyekti, kó fiba fəsak kó, k'eyerəs afum yeri.

³² Nte dáfəy dender, kó dec deŋkalé má, k'əŋkéré kó acuy fəp kó ɲje yəŋk yeléc yəntərəs má.

³³ Kó afum a dare fəp ɲaləŋkané nde kusunka ka dákelə.

³⁴ K'entaməs acuy alarəm ɲje ɲancəcuné docu yamayama má, pácbéləs yəŋk yeléc yelarəm. Encsak fé yəŋk yeléc yolok-loku, bawo yənacərə kó.

Yesu ɲəkətəné Kalile

³⁵ Bətbət ta pəntayə wanəkəra-ε, k'eyéfé k'owur kəkó ka kəfo kəyer-yer kələma, k'əŋkó pəcəmé kətola Kanu.

³⁶ Siməŋ kó asol on ɲambəlker kəten kó.

³⁷ Nte ɲanəŋk kó má, kó ɲaloku kó: «Fəp fəyi kəten əm.»

³⁸ Kó Yesu oloku ɲa: «Paŋkən kəfo kələma, nde sədare nse səlótərné má, nte təŋsəje dəndo sá idəŋk Kíbaru Kátot má, bawo itó iwuréné.»

³⁹ Kó Yesu ɲəkətəné atəf ɲa Kalile fəp, páckawandi Kíbaru Kátot dákatola Kanu d'aSuyif, pácbəlsənə sá yəŋk yeléc.

Yesu entamás wácunε sen

⁴⁰ Kó wácunε sen wóloma ender nnó Yesu eyi má, k'encáp suwu pácletsenε Yesu: «Kó máfan ti-ε, mántam kásákás im.»

⁴¹ Kó Yesu óyónε kó nónófór, k'entenc kó káca, k'ongbuñenε kó, k'oloku: «Ifañ ti, mäsák!»

⁴² Gbáncana babáko kó sen sásak kó, k'ósák.

⁴³ Kó Yesu embelás kó pácťin-tin kó:

⁴⁴ «Ta máloku ti fum ó fum, mba mákó mámentárnε wólónε, mákenε kó polónε teta kásákás kam pámá tákó Musa encic ti má, tendeyónε afum fáp kácáε a mántamnε.»

⁴⁵ Mba wárkun nwe, nte nkón ójkó má, k'eyεfe kádánk ti pápón, pácsamsárenε toloku tatákó, kó tósónε Yesu kátótam só káberε dare. Dare kásák encyi, mofó meyer-yer mmε afum njanató kácyi má, afum njancder kó káyεfe mofó fáp.

2*Yesu kátamás kón fum wátótam kákót*

¹ Nte mata máloma mencepár má, kó Yesu ender Kaparnam. K'ane a Yesu eyi déker,

² k'afum alarém njalónkanε han kó dákécámε delip ali nde dákésunka. Yesu páccam nja toloku ta Kanu.

³ K'anjúkεε kó wáfi wécák nwe afum májkále njanagbanne má.

⁴ Nte agbanne ón njanatótam kákekáεε kó han nde Yesu eyi má teta délay da afum, kó njampεε káló káronj* njasurenε da Yesu enacámε má, kó njafeni da njanatorene yala nye wátótam kákót wákakó enafántáεε má.

⁵ Nte Yesu enánk kálan kánan má, k'oloku wáfi wécák: «Wenc im, anjanen'am kiciya kam.»

⁶ Atáksε sariyε s'aSuyif alóma anε njanandε di má, njaccém-cémne débákác nte:

⁷ «T'ake tónlok-lokε tantε-ε? Kálómás k'endε Mariki! An'entam kánjanenε kiciya kó pántóyónε Kanu sona-ε?»

⁸ Kó Yesu encáεε gbáncana babáko amera njón disre mécém-cémne mmε ménayi atáksε sariyε akakó má. Kó Yesu eyif nja: «T'ake tó mécém-cémne mame meyinε nu-ε?»

⁹ Mosóm méránj má mame, tosóm tere tótócúca káloku wáfi wécák-ε: «Anjanen'am kiciya kam,» kó káloku: «Máyεfe, málek pokó pam, mákót?»

¹⁰ Awa, indeyó nu tantε, nte tónsónε nácáεε a ina, Wan ka Wárkun, intómpár kátam kánjanenε ka kiciya nnó doru dandε.» Kó Yesu oloku wáfi wécák:

¹¹ «Ilok'am: Máyεfe, málek pokó pam, mákó nde ndaram!»

¹² Kó wárkun nwe eyεfe, k'élék gbáncana babáko pokó pón, k'owur fór ya afum fáp kirin, nte towosás afum cusu má, kó fáp fájkor-koru Kanu njaloku: «Sántanánk fé towurεne ta tantε!»

Yesu ewe Lewy kácepse kó daránj

¹³ Kó Yesu ójkó só káca ka dákába. Kó afum alarém njander nnó eyi má, páctáksε nja.

¹⁴ Nte eyi kácepár má, k'enánk Lewy wan ka Alfe, pándε nde angbancan nja abanás dut. Kó Yesu oloku kó: «Mácep's'em daránj,» kó wákakó eyεfe k'encepse kó daránj.

¹⁵ Nte njanadi yeri nda Lewy, kó abanás dut alarém kó aciya njandε kó Yesu kó acεpse ón, bawo afum akakó njanacepse kó daránj má, njanala.

¹⁶ Nte aFarisi kó atáksε sariyε s'aSuyif † njanánk Yesu pácdi yeri kó abanás dut kó aciya má, kó njayif acεpse a Yesu daránj: «Ta ake t'endinε yeri káfo kin kó abanás dut kó aciya-ε?»

¹⁷ Yesu nwe enane ti má, oloku nja: «Báfó atamnε njafán wáten cól de, mba acuy. Inderεne fé teta káwe k'alompu, mba teta aciya.»

Yesu kó kusunj

* **2:4** Dándo atáf nja Palestin, anjalkán di wóló darenc, nte tónsónε afum njactam kácpε wóló káronj, njacsali má. † **2:16** *WáFarisi/aFarisi* = Kágba k'ábeki aSuyif anε njacepárér njasektárenε sariyε kó máyó mokur ma aSuyif má.

¹⁸ Dəsək dələma, acepse a Sanj darəŋ kə aFarisi ŋasun. K'afum aləma ŋander ŋayif Yesu: «T'ake tə acepse a mənə darəŋ ŋantəsunje-ε, nte acepse a Sanj darəŋ kə aFarisi ŋaŋsun mə?»

¹⁹ Kə Yesu eyif ŋa: «Afum aŋe awe kəgbanne mə ŋantam kəsun ŋasəroyi wəfura kəsək ba? Tem nte ŋayi wəfura kəsək mə, ŋafəsun.

²⁰ Dəsək dende bəp nde ŋandegbeyene kə wəfura mə, awa ŋandesun dəsək dadəkə.»

²¹ «Ali fum əfəfəpəre kəpol ka kəloto kəfu yamos yeməce-məce, kə pəyənə fe ti-ε kəpol ka kəloto kəfu kaŋkə kəŋjos-ŋosu yamos yeməce-məce yayəkə, təsəŋe yamos yayəkə kəwale pətas kəwale kəkəkə-cəkə.

²² Fum o fum əfəber wen wofu dətələba pa akata pokur, kə məyə ti-ε, wen wenwesəli tələba, məyi oŋ məsətə fe wen, məsətə fe sə tələba. Wen wofu, dətələba pofu!»

Yesu kə dəsək da kəŋesəm nde ampuse Mariki mə

²³ Dəsək dələma da kəŋesəm nde ampuse Mariki mə, Yesu pəccali dale, acepse ən darəŋ ŋasol kə nkən, kə ŋayefe kəcŋosuru səbomp sa mənəgben.

²⁴ Kə aFarisi ŋayif Yesu: «Məcəkəl! Ta ake tə ŋaŋyənə nte Sariye səntəwose kəyə dəsək da kəŋesəm nde ampuse Mariki mə?»

²⁵ Kə Yesu eyif ŋa: «Ali katin nəkarəŋ fe dəYecicəs Yosoku təkə Dawuda ənayə nte ənayi dəpəcuca, dor dəyə kə, nkən kə akə ŋanasol mə ba?

²⁶ Nte Dawuda ənabere kələ ka Kanu disre tem ta wəkiriŋ ka alonə Abiyatar mə, pəsəm cəcom nce anclonə Kanu, cəcom nce Sariye sənawose alonə gbəcərəm kəsəm mə. Mba Dawuda ənasəm ci, k'əsəŋene sə cələma asol ən.»

²⁷ Kə Yesu oloku ŋa: «Kanu kənawure dəsək da kəŋesəm nde ampuse kə mə teta kəmar ka afum, mba kənawure fe afum teta dəsək da kəŋesəm de!

²⁸ Ti təyənə Wan ka Wərkun əyənə mariki ali ma dəsək da kəŋesəm nde ampuse Mariki mə.»

3

Yesu entaməs wərkun dəsək da kəŋesəm nde ampuse Mariki mə

¹ Kə Yesu olukus nde dəkətola Kanu da aSuyif. Dəndo, wərkun wələma ənayi di pədəmtər kəca.

² Kə aFarisi* ŋaŋkəkce kə pəyənə a Yesu əŋkətaməs kə dəsək da kəŋesəm nde ampuse Mariki mə-ε, nte təŋsəŋe ŋayemsene kə mə.

³ Awa, k'oloku wərkun nwe ənadəmtər kəca mə: «Məyefe məcəmə nnə afum dacə.»

⁴ Kə Yesu eyif ŋa: «Cəke cə Sariye səwose dəsək da kəŋesəm nde ampuse Mariki mə-ε: Kəyə ka pətət ba, ka pələc? Kəyac fum ba, ka kədif kə?» Mba kə akəkə ŋancaŋk.

⁵ Awa, kə Yesu əməmən ŋa dəcəro fəp faŋan dəmetele disre, kə kətəyənə kəŋan nənəfər kəntərəs kə dəbəkəc. K'oloku wərkun nwe: «Mətenci kəca!» Kə wərkun nwe entenci ki, kə kəca kən kəntamne.

⁶ Kə aFarisi ŋawur dəkətola Kanu danəŋ kəkənəŋkene kə afum a Herodu nte təŋsəŋe ŋatəŋne tedife ta Yesu mə.

Afum alarəm ŋander Yesu

⁷ Kə Yesu əŋkə ntende dəkəba kə acepse ən darəŋ. Kə kənay k'afum kəncəmə Yesu darəŋ, aŋe ŋanayefe təf ya Kalile kə Yude mə,

⁸ aka Yerusalem, aka Idume, aka mokuru ma kəŋgbəkə ka Yurden kə akə ŋayi Tir kə Sidəŋ kəsək mə. Kənay k'afum kaŋke ŋancne mes fəp mme Yesu əncyə mə, kə ŋander nnə eyi mə.

⁹ Kə Yesu oloku acepse ən darəŋ a ŋalompse kə abil ŋin, nte təŋsəŋe ta kənay kədegbəcərəne kə mə.

* 3:2 WəFarisi/aFarisi = Kəgba k'abeki aSuyif aŋe ŋacepərəŋ ŋasektərəne sariye kə məyə mokur ma aSuyif mə.

¹⁰ Bawo enctaməs afum alarəm, akə ŋanayə docu mə fəp ŋancmɛpne kə nte təŋsəŋe ŋatam kəgbuŋene kə mə.

¹¹ Nte yəŋk yelec yencnəŋk Yesu mə, yonctontnene kə dəntəf, yockule-kule: «Məna, Wan ka Kanu məyənə!»

¹² Mba Yesu pəctiŋ-tiŋ yi, pəcməne yi kəloku afum nwe əyənə mə.

Yesu eyek-yek asom ən wəco kə mɛrəŋ

¹³ Kə Yesu empɛ nde tərə kəron, k'ewe akə enafəŋ mə, kə akakə ŋander nnə eyi mə.

¹⁴ K'eyek-yek afum wəco kə mɛrəŋ, k'əsəŋ ŋa tewe ta «asom», nte təŋsəŋe ŋayi kə nkən, pəcsom ŋa kəkədənək Kibaru Kátat mə,

¹⁵ k'əsəŋene ŋa sə dəbe dəbelsene yəŋk yelec.

¹⁶ Mewe ma afum wəco kə mɛrəŋ aŋe enayek-yek mə mame: Siməŋ nwe Yesu enasəŋ tewe ta Piyer mə,

¹⁷ Sak wan ka Sebede, kə Isəŋ wənc ka Sak aŋe enasəŋ tewe ta «Bowanerses» mə. Itə tatako «Awut a pəkule-kule pa dəwe».

¹⁸ Kə Yesu endenər sə Andəre, Filip, Barteley, Matiyə, Təma, Sak wan ka Alfe, Tade, Siməŋ wəKanaŋ,

¹⁹ kə Yudas wəka dare da Keriyot nwe enader pəber Yesu aterene ən dəwaca mə.

Afum a Yesu ŋafəŋ kəkəkəre kə dəker

²⁰ Nte tencepər mə, kə Yesu olukus nde enayi decikəra mə, kə afum ŋalonkanə sə. Yesu kə acəpse ən darəŋ ŋanatam fe kədi yeri yati.

²¹ Nte aka kəlo disre a Yesu ŋane ti mə, kə ŋawur kəkəsumpər kə, bawo ŋanaloku: «Dotəŋkulu deyi kə.»

Yesu engbekəl yem nyə ambonce kə mə

²² Atəksə sariyɛ s'aSuyif aŋe ŋanayefe Yerusalem mə ŋaloku: «Yesu əyə Belsebul, wəkiriŋ wəka yəŋk yelec! Nkən əŋsəŋe Yesu kəbeləs ka yəŋk yelec!»

²³ Kə Yesu ewe ŋa pəctəkse ŋa mes pəctubcəne mi mələm: «Cəke cə Sentani səntam kəbeləs Sentani-ɛ?»

²⁴ Kə atəf ŋeyerene ŋisərka-ɛ, atəf ŋaŋəko ŋəfəsətam kəcəmə.

²⁵ Kə aka kəlo kin ŋayerene taŋan-ɛ, kəlo kaŋkə kəfəsətam kəcəmə.

²⁶ Awa, kə Sentani səyefərne sisərka-ɛ, səfətam kəcəmə gbɪŋ. Ta si tənliɪp tɛm tatako.

²⁷ Ali fum əfətam kəberə kəlo ka wəka səkət disre, pəfoŋət daka dən ta onuŋkene pəsekət wəka səkət wəkəkə-ɛ, a pədefoŋət daka da kəlo kən.

²⁸ Kance icloku nu ti, andenəŋnene afum kiciya kə kələməs nke ŋələməs Mariki mə fəp,

²⁹ mba nwe o nwe əŋləməs Amera Nəcempi ŋa Kanu mə, afədekəŋəŋene kə, endesare kiciya kaŋkə doru o doru.»

³⁰ Kə Yesu oloku ŋa ti, bawo ŋanaloku: «ŋəŋk ŋelec ŋeyi kə.»

Iya kə awənc a Yesu

³¹ Iya kə awənc a Yesu ŋander, ŋacəmə dabanɟa, kə ŋasom pawene ŋa Yesu.

³² Kəŋay ka afum kənandə kəkəl kə, k'aloku kə: «Iya kam, awənc əm aŋa arkun kə aran ŋancəmə dabanɟa, mən'ə ŋayi kəten.»

³³ Kə Yesu oloku: «Iya kem k'awənc im aŋa, are ŋə-ɛ?»

³⁴ K'ənkətene fər kəməmən ka akə ŋanandə ŋakəl kə mə, k'oloku: «Iya kem k'awənc im aŋa ŋ'akanɟe!»

³⁵ Bawo nwe o nwe endeyə tefəŋ ta Kanu mə, nkən əyənə wənc im, wəkire kə iya kem.»

4

Totubcəne ta wəbəf

¹ Kó Yesu oluksàrne sò kàctàkse nde agbèp ña kàba. Kó kánay ka afum alaràm kànkò kàlonkàne nnò eyi m̀, kó t̀s̀òñe kó kàbèke debil, k'endè. Kó kánay ka afum akakò f̀p̀ kàncàmè agbèp ña kàba.

² Kó Yesu èntàkse ña mes mèlaràm p̀t̀ubcèné mi m̀l̀m̀, k'oloku ña kàtàkse kàn disrè:

³ «Nàcàñkàl: Kó ẁb̀òf owur kàkògbal defet.

⁴ Ntè èncgbal defet m̀, kó mèngbèn m̀l̀m̀a mèntèmpènè d̀p̀, mba kó bèmp yènder ỳs̀m̀ mi.

⁵ Kó mèngbèn m̀l̀m̀a mèntèmpènè antòf ña masar k̀r̀oǹ nde k̀b̀of k̀laràm k̀nat̀ỳi m̀. Ntè antòf ñenadàm m̀, kó mèngbèn mamàkò mompoǹ katàna.

⁶ Mba ntè nne yènadewonè m̀, kó buma yayàkò yowosàrenè, bawo yènayò f̀ è ncònc.

⁷ Kó mèngbèn m̀l̀m̀a mèntèmpènè d̀b̀èñk̀, kó bèñk̀ yèmpè kó yèndi mi, kó t̀ñs̀òñe mèngbèn m̀t̀t̀ kàtòkom.

⁸ Kó mèngbèn m̀l̀m̀a mèntèmpènè antòf ñòtòt k̀r̀oǹ, kó mompoǹ kó mèsàñk̀, kó mèl̀ps̀ar k̀s̀òñ yòkom. Kó m̀l̀m̀a m̀oǹkom ẁcò maas (30), m̀l̀m̀a ẁcò camèt-tin (60) kó m̀l̀m̀a tassar tin (100).»

⁹ Kó Yesu oloku: «M̀ana nwe m̀nyò l̀ñàs yènenè m̀, m̀ane ti!»

Ta ake t̀ Yesu èntàkse d̀motubcèné-è?

¹⁰ Ntè ñàngbèyèné k̀s̀àk m̀, acèpsè a Yesu dar̀ñ añe ẁcò kó mèr̀ñ kó akò ñàñkèl kó m̀ ñayèfè k̀ỳifèt kó teta mes m̀m̀ èntàkse ña p̀t̀ubcèné mi m̀l̀m̀ m̀.

¹¹ K'oloku ña: «Ǹana ñò Kanu k̀s̀òñe k̀c̀arè kance k̀gb̀òp̀nè ka d̀b̀e da Kanu, mba akò, motubcèné gb̀c̀aràm m̀ ñane,

¹² ti t̀s̀òñe nte: «Ñàngb̀at̀nè belbel, mba ñaf̀oǹñk̀, t̀s̀òñe ñaccàñkàl belbel, mba ñaf̀c̀arè t̀l̀m̀ o t̀l̀m̀, p̀t̀òỳonè ti-è, kó ñaluksàrne Kanu, Kanu k̀ñàñnèñe ña!»»

Yesu oloku tedisrè ta totubcèné ta ẁb̀òf

¹³ Kó Yesu eyif ña s̀: «Ǹanc̀arè f̀ è totubcèné tantè! Awa, c̀ake c̀ò ǹantam k̀c̀arè motubcèné f̀p̀-è?

¹⁴ Ẁb̀òf, Toloku ta Kanu t'òmb̀òf.

¹⁵ Afum añe ñayi d̀p̀ d̀acò m̀, ñ'amb̀òfè Toloku ta Kanu. Kó ñane ti-è, gb̀ancana babàkò Sentani s̀ader s̀abaǹar ña Toloku T̀t̀t̀ ntè anab̀òf ña m̀.

¹⁶ Kó mèngbèn m̀kò anab̀òf k̀òfò ka masar m̀, m̀ỳonè afum añe ñañne Toloku, ñabaǹ ti p̀botu disrè,

¹⁷ mba ñaf̀wosè ncònc* k̀tor ña, p̀p̀ic̀ p̀ò ñancàmè ti dar̀ñ. Kó p̀c̀uca kó k̀t̀r̀as k̀ander teta Toloku t̀t̀k̀-è, ñsàk ti f̀ew gb̀ancana babàkò.

¹⁸ Anab̀òf m̀l̀m̀a d̀b̀èñk̀, ña ñaỳonè afum añe ñañne Toloku ta Kanu,

¹⁹ mba p̀yèñki pa tèm t̀t̀k̀, p̀bas pa daka kó mes m̀l̀m̀a medi toloku t̀t̀k̀, t̀s̀òñe ti k̀t̀k̀om.

²⁰ T̀l̀p̀as, anab̀òf m̀l̀m̀a antòf ñòtòt. Antòf ñòtòt ñòỳonè afum añe ñañne toloku ta Kanu, ñabaǹ ti, ñas̀òñe ti k̀kom, ntè ẁcò maas (30), t̀kò ẁcò camèt-tin (60), kó t̀l̀m̀a tassar tin (100).»

Totubcèné ta lamp

²¹ Kó Yesu eyif ña s̀: «Amber lamp d̀k̀fàla kó p̀ỳonè f̀ è ti k̀f̀anc d̀antòf ba? Bafò andèt di k̀dèt d̀m̀ ba?

²² Bawo ntè o ntè t̀ngb̀òp̀nè m̀, tendewur d̀s̀àk d̀l̀m̀a. Ntè o ntè t̀ỳonè t̀gb̀òp̀nèné m̀, m̀nè tedewur t̀ỳò afum wàñk̀ara.

²³ Kó fum òyò l̀ñàs yènenè-è, p̀ane ti!»

²⁴ Kó Yesu oloku ña s̀: «Ǹk̀emb̀arne t̀kò ǹñne m̀: Potubcè p̀kò ǹantubcè akò m̀, ip'andek̀s̀otubcè nu, padèñarè nu s̀.

²⁵ Wákò òyò pàlarám mọ ambereṅe kò sọ, mba wákò òyò pepic mọ, ambanjẹr kò yati pòkò òyò mọ.»

Totubcēne ta menḡben mmē momponḡ misarka mọ

²⁶ Kò Yesu oloku sọ: «Dèbè da Kanu deyi pámọ nte wàrkun endewur pàcgbal menḡben mọbòf dántòf mọ,

²⁷ tọyòne a endirè kò endirè fè-è, pibi kò danḡ, menḡben momponḡ, mèbèk ta encàre ti nte o nte-è.

²⁸ Antòf ḡḡsḡḡe yòbòf kàponḡ: Antòf ḡisarka ḡḡsḡḡe yòbòf kàponḡ: Pàcop buma, menḡben mocop kàwuràs dàbuma, melas.

²⁹ Menḡben mánckónalòl, pàber mi kàtetiya, bawo tèm tètèl ta mi tèmberp.»

Totubcēne ta tenḡben tefet

³⁰ Kò Yesu eyif sọ: «Ak'andetubcēne dèbè da Kanu-è? Totubcēne tere t'andeloke di-è?

³¹ Dèbè da Kanu deyi pámọ tenḡben tefet mpè ambòf pèfete pètas yòbòf ya dántòf fèp mọ,

³² mba k'ambòf pi-è, pèpè pèbèk pètas yòbòf fèp ya dèlakò, pàsḡḡ wara wàpḡḡ tàsḡḡe bèmp ya darenc kàctam kàndè kàtəkàp ka ki dántòf.»

³³ Dàmotubcēne mèlarám Yesu oncloku ḡa moloku ma Kanu, kàbèp ka tókò ḡactam kàcàre mọ.

³⁴ Yesu onclok-lokèr fè afum fèp ta pàyòne motubcēne-è, mba kò ḡanḡbèyne-è, oncloku acèpse òn darḡḡ tedisre ta mi fèp.

Yesu ontore-tore afef

³⁵ Dàsàk dadàkò yati nte pàmbye mọ, kò Yesu oloku acèpse òn: «Pacali ntende mokuru.»

³⁶ Nte acèpse òn darḡḡ ḡasak kàny ka afum mọ, Yesu pàyi debil kò ḡanḡkèrè kò. Cibil cəlòma cànayi kò kəsàk.

³⁷ Kò afef ḡḡpḡḡ ḡeyefe kàwur, yam yècberè debil hanḡ kò abil ḡefanḡ kèlare domun.

³⁸ Yesu nkàn pàfántàre, pàfakène pàdèmət, pàcdirè nde abil darḡḡ. Kò acèpse òn ḡantimi kò ḡacloku: «Wətàkse, kàfi kò sànder, kò mọyi ta mawe ti daka-è?»

³⁹ Nte entime mọ, k'ḡḡḡbḡḡ-ḡbḡḡḡr afef, k'oloku kàba: «Màcàḡk, mətòr!» Kò afef ḡesak, kò pàyò yen!

⁴⁰ Kò Yesu eyif ḡa: «Ta ake tò nàferène fòr tantè-è? Nàntayò fè kèlanḡ hanḡ ndekəl ba?»

⁴¹ Kò kànesè kàpḡḡ kàsumpèr ḡa, kò ḡayifène anḡe kò akò: «Ake fum wəkawè òyòne-è, nte afef kò kàba yencàme tefanḡ tòn darḡḡ mọ?»

5

Yesu entamàs wàrkun nwe yòḡk yèlèc yènyayi mọ

¹ Kò Yesu òḡkò ntende kàba mokuru nde kulum ka Kerasa.

² Nte endewur debil mọ, kò fum wəlòma owur cufu dacò, ḡḡḡk ḡèlèc ḡeyi kò. K'ender pàcàme kò fòr kirinḡ.

³ Fum wəkakò dàndo cufu dacò enayi, fum o fum enctam fè kəkòt kò, ali ḡbèkce.

⁴ Tèlarám àncyò fèc dàwècək packòte kò ḡbèkce, mba onccopu ḡbèkce pàctep-tepi fèc, ali fum enayò fè səkət sàcàmbàrsè kò.

⁵ Pàyi dàndo cufu dacò kò mərə kàronḡ tèm fèp, pibi kò danḡ, pàckule-kule, pàcbopàrne masar.

⁶ K'èḡḡḡk Yesu pàbòlè, k'ender pàcàpè kò suwu fòr kirinḡ,

⁷ k'ḡḡkule-kule pàpḡḡ: «Yesu Wan ka Kanu nkè kàyi darenc mọ, ta ake tò màmberène mes mem-è? Ilètsen'am teta tewe ta Kanu, ta mətərəs im!»

⁸ Bawo Yesu enaloku kò: «Màwur wàrkun wəkawè, màna ḡḡḡk ḡèlèc.»

⁹ Kò Yesu eyif kò: «Càke cò anḡw'am-è?» K'oloku Yesu, ««Kàny» k'anḡw'em, bawo sàla.»

¹⁰ K'ḡḡḡbècàr kàlètsène Yesu a ta pàsḡḡe kò kàwur dəkulum.

¹¹ Dàndo tərə kàronḡ sàp yèlarám yènyayi di yòcsàmət.

¹² Kó yònk yeléc yelètsenè Yesu: «Màkekàre su nde sòp yayè yeyi mǎ, nte tǎnsǎnje sàberè yi disrè mǎ.»

¹³ Kó Yesu owosenè yi. Kó yònk yeléc yowur dáfum kó yembèrè dásòp, kó sòp yeyèkse kàtor dákàba yeyèfè dǎtǎrǎ. Dèlay da sòp yayòkò dèncbèp wul mèrèj (2.000). Kó yèngbàtse, kó yefis-fis dǎndo dákàba.

¹⁴ K'akék a sòp ànje nyàekse kó ñasamsàrenè toloku tǎtǎkò dare kó sǎdare sàkàsàk, kó afum ñander kǎdemǎmǎn tǎkò ténacèpèr mǎ.

¹⁵ Nte ñander nnǎ Yesu eyi mǎ, kó ñambèp fum wǎkò ñònk ñeléc ñòncòrǎs mǎ, pèsàkèp pǎnde kó amera ñòn fèp, nkòn nwè «kǎnay» kǎnayi mǎ. Afum ànje ñanader kǎmǎmǎn mǎ, ñanese.

¹⁶ Afum akò ñananǎnk tǎkò ténacèpèr mǎ, ñalòmǎr ader tǎkò ténasòtò wǎkò yònk yeléc yòncòrǎs mǎ kó sòp.

¹⁷ Awa! Kó nyàfèfè kǎlètsenè Yesu, a pǎbòlè atǎf ñañan.

¹⁸ Nte òjkò kàberè debil mǎ, fum nwè yònk yeléc yòncòrǎs mǎ elètsenè Yesu a pǎwosè nyayi kó nkòn.

¹⁹ Yesu enawosenè fè kó ti, mba k'oloku kó: «Màkò ndaram, ndena afum am, mǎlòmǎr ña mes mmè Mariki òyǎn'am mǎ fèp, nǎnǎfǎr nde òyǎn'am mǎ.»

²⁰ Kó fum nwè yònk yeléc yenayi mǎ òjkò pǎcòp kǎdǎnk dǎSǎdare Wǎcò mes mmè Yesu enayǎnè kó mǎ fèp. Kó tenciyanè afum fèp.

Wan ka Yayirǎs kó wǎran wǎcu

²¹ Kó Yesu òjkò nde kàba mokuru, kó afum kǎnay ñalòjkanè kó kàsàk, nkòn pǎyi kàba kàsàk.

²² Kó wǎkirin ka dákàtola Kanu da aSuyif, nwè ancwè Yayirǎs mǎ ender. Nte enǎnk Yesu mǎ, k'ontontnè kó dǎntǎf, k'osumpèr kó wècàk.

²³ K'elètsenè kó pǎlarǎm: «Dákàfi wǎyècǎra kem eyi. Mǎder mǎdènjǎr kó waca, nte tǎnsǎnje pǎtamnè pǎyi sǎ doru mǎ.»

²⁴ Kó Yesu ñanjò kó fum nwè. Kó kǎnay ka afum kǎsol kó ña, ñacgbàcàrenè kó càsàk fèp.

²⁵ Dǎndo, wǎran wǎlǎma enayi di, docu da kǎwur mecir deyì kó ténasòtò meren wǎcò kó mèrèj.

²⁶ Ténatǎrǎs wǎran wǎkàkò pǎlarǎm, teta atèn cǎl ànje enanǎnk, pǎsǎnjè ti daka dǎkò enayǎ mǎ fèp, mba ali mètèn enasòtò fè, mènè nte docu dǎn dèncnǎnkane kó mǎ.

²⁷ Nte wǎran nwè ene pǎcloku teta Yesu mǎ, k'ender kǎnay ka afum tadarèj, k'òngbunjenè yamos ya Yesu,

²⁸ bawo onclokunè: «K'ìngbunjenè yamos yǎn-è, intamnè.»

²⁹ Gbǎncana babòkò kó docu dǎn da kǎwur mecir dèsakè, k'encàrenè dǎris a docu dǎn dèntamnè.

³⁰ Kó Yesu encàrè gbǎncana babòkò a sǎkǎt sǎlǎma sǎwur kó dǎris, k'ènkafǎlǎrnè kǎnay pǎcyif: «Anò ogbunjenè yamos yem-è?»

³¹ Kó acèpse òn darèj ñaloku kó: «Mǎnǎnk nte kǎnay kǎngbàcàren'am waca fèp mǎ, mǎcyif sǎ a anò ogbunjen'em-è?»

³² Mba k'ènkafǎli fǎr kǎmǎmǎn nwè enagbunjenè yamos yǎn mǎ.

³³ Nte enacàrè tǎkò teyi kó mǎ, kó wǎran eyèfè kǎyikcè, k'enesè, k'ender pǎtempnè kó wècàk dǎntǎf, k'oloku kó kance fèp.

³⁴ Mba kó Yesu oloku kó: «Wan kem, kǎlan kam kǎntamàs àm, mǎkǎnè abàkàc ñoforu, docu dam dèntamn'am.»

³⁵ Yesu enayi kǎlòk-loku nte afum ñanader kǎyèfè ka ndena wǎbè ka dákàtola Kanu da aSuyif mǎ, ñacloku Yayirǎs: «Wan kam wǎran efi, ta ake tǎ mǎndesòtǎrse wǎtǎkse-è?»

³⁶ Mba Yesu enalòm fè moloku manjan nte o nte, k'oloku wǎbè ka dákàtola Kanu da aSuyif: «Ta mǎnesè, mǎlan gbàcàrǎm.»

³⁷ Yesu enawosè fè nwè o nwè pǎcǎmè kó darèj, mènè Piyèr, Sak kó Isan wènc ka Sak.

³⁸ Kó ñander ndena wábe ka dákátola Kanu da aSuyif, dándo kó Yesu enáñk tákó afum ñanckafále-kafále má, afum ñacbok, ñackule-kule pápáñ.

³⁹ Kó Yesu embere k'eyif ña: «Ta ake tó ñañkafálené-kafálené, ñacbok tante-é? Wan wákawé efi fé, kádiré k'ende.»

⁴⁰ Kó afum ñayefe káfani Yesu. Mba kó Yesu embelás ña fáp, k'ewe wáyecára kas kó kere kó akó enasolé má, k'embere nde wáyecára enayi má.

⁴¹ K'osumpár wan wéran káca, k'oloku kó: «*Talita kum*», itó tatákó: «Wáyecára, iclok'am, máyefe!»

⁴² Gbáncana babókó kó wan wéran eyefe, k'oncop kákót. Wáyecára wákakó enasótó meren wáco kó meráñ, kó cusu cawos ña pápáñ.

⁴³ Kó Yesu embenásne ña, a ta fum o fum pécáre ti, k'oloku ña kásóñ wan yeri.

6

Aka Nasaret ñalanj fe Yesu

¹ Nte Yesu eyefe di má, k'ónkó dare dón Nasaret, kó acépse on ñancáme kó daráñ.

² Nte simiti, dásók da káñesám dambáp má, k'eyefe kátáksé nde dákátola Kanu da aSuyif. Kó afum alarém acáñkál anje cusu cánawos teta metáksé mán má, ñañyiftene: «Deke máme menyefe kó-é? Kécáre kákátene mes káre kó kanje asóñ kó má? Cáke có waca wón wáñyó mes méwéy-wéy máme-é?»

³ Bafó kamder ófó, wan ka Mari, wenc ka Sak, Yoses, Yuda kó Simáñ ba? Bafó akire on ñayi su de daco ba?» Mes mamákó menasóñe ña kátágbekár kó kálanj.

⁴ Kó Yesu oloku ña: «Afófati kálelás sayibe, mène nde ndórón, akoméne on daco kó aka káló kón disre.»

⁵ Ali tes téwéy-wéy enatam fé káyó di, mène nte enatamás acuy aláma, pádenjér ña waca má.

⁶ Kó pánciyane Yesu, bawo aka di ñanabut kálanj. K'encepár-cepár sádare sácásák sa dátóf fáp páctáksé.

Kásom ka acépse anje wáco kó meráñ

⁷ Nte ewe acépse on daráñ wáco kó meráñ má, kó Yesu eyefe kásom ña meráñ meráñ, pácsóñ ña fánántér fátame yáñk yelec.

⁸ K'endenjér ña káclóku a ta ñatámpárené daka o daka teta dápó, mène kágbo gbácáram. K'oloku ña: «Ta nátámpárené kácom, alába, ta nágbáncáne pásam dáfi,

⁹ mba náberne cófita cin gbóñ, ta náberne sáburumus meráñ.»

¹⁰ Kó Yesu oloku ña só: «Káló nke náberne má, náyi ki disre hanj náyefe káfo kanjko.

¹¹ Kó táyóne káfo kálóma afum ñawose fé kábanj nu, ñawose fé kácáñkál nu, kó nánde kácyefe di-é, nákonj káfál ka wécák wonu, ti tendeyóne ña sede a ñanabanj fé nu.»

¹² Kó acépse on ñañkó, ñaccam nte tóñsóñe ñañsákpár bákác, ñañlomp.

¹³ Kó ñámbelás yáñk yelec yeláram, ñacsop acuy alarém moró, ñactamás ña.

Defi da Sañ Batis

¹⁴ Kó Herodu nwé enatámpár débe da Kalile má, ene páclóku teta Yesu, bawo tewe tón tenasam, páclóku: «Sañ ófó, wákó encgbát dáromun teta Kanu má, nkón ófóte afi daco, itósóñe nte entam káyóne mes méwéy-wéy má.»

¹⁵ Alóma ñaclóku: «Eli ófó,» aláma ñaclóku só: «Sayibe só, nse sáwurene sayibe sa tem tokur anja má.»

¹⁶ Mba nte Herodu ene mes mamákó má, k'oloku: «Sañ nwé inasom k'anjbinti domp má, nkón ófóte afi daco!»

¹⁷ Herodu yati enasom afum, ñasumpár Sañ ñakot kó, ñámbér kó dábili teta Herodiyad wéran ka wenc Filip, nwé Herodu enabanjér kó páncé má.

¹⁸ Sañ onclóku Herodu: «Sariye sámón'am kánence wéran ka wenc am.»

¹⁹ Herodiyad enater Sañ páfanj kádif kó, mba enctam fé,

²⁰ bawo Herodu ɔncsɔŋ Saŋ pələl, pəcərə sɔ a wərkun wəlompɔ Saŋ ɔyɔnɛ, pəsək sɔ, Herodu ɛncəkəkəs kɔ. Kɔ Herodu endecəŋkəl Saŋ-ɛ, pəncyi kɔ yamayama, mba kəcəŋkəl kɔn kəncbət kɔ.

²¹ Kɔ dɔsək dende dɛbɛp ndɛ Herodu ɛnaboc kəsata ka teren toluksər ta kəkom kɔn mɔ, k'ewe asəŋkɛnɛ ɔn dɛbɛ, abɛ asɔdar, k'abeki a Kalile kəkɔ di yeri.

²² Kɔ wan ka wəran kɔn Herodiyad embɛrɛ k'empisɛ, kɔ tɔmbɔt Herodu kɔ abɛ akɔ ŋanayi di mɔ. Kɔ Herodu oloku wəyecərə: «Məwer im paka mpɛ o mpɛ məfanj mɔ, isɔŋ əm pi.»

²³ K'endɛrmɛ kɔ toloku ntɛ: «Mpɛ məŋwer im mɔ, iŋsɔŋ əm pi, ali pɔyɔnɛ dɛbɛ dem kəsək kin.»

²⁴ Kɔ wan wəran owur k'ɔŋkɔ pəyif kɛrɛ: «Ak'iŋkɔwer kɔ-ɛ?» Kɔ kɛrɛ oloku kɔ: «Domp da Saŋ Batis.»

²⁵ Kɔ wan wəran embɛlkər kəluksərɛ ndɛ wəbɛ eyi mɔ pəkɔwer kɔ: «Ifan a məsɔŋ im gbəncana bambɛ depəlet domp da Saŋ Batis.»

²⁶ K'abɔc ŋembɛrɛ wəbɛ Herodu, mba teta kədərəm kɔn kɔ akɔ ŋanayi di mɔ, ɛnafan fɛ kəbupərə kədərəm kɔn.

²⁷ Kɔ wəbɛ osom gbəncana babəkɔ wəsɔdar a pəkɛrɛ kɔ domp da Saŋ. Kɔ wəsɔdar ɔŋkɔ pəgbinti Saŋ domp dɛbili.

²⁸ K'aŋkɛrɛ domp da Saŋ depəlet. Kɔ Herodu ɔsɔŋ di wəyecərə, kɔ nkɔn ɔsɔŋ di kɛrɛ.

²⁹ Ntɛ acɛpsɛ a Saŋ Batis ŋanɛ ti mɔ, kɔ ŋander ŋalɛk kəbɛl kɔn kɔ ŋawup.

Yesu ɔsɔŋ afum wul kəcəmət yeri

³⁰ Kɔ asom ŋalɔŋkanɛ Yesu kəsək, kɔ ŋalɔmər kɔ tɔkɔ ŋanayɔ kɔ tɔkɔ ŋanatəksɛ mɔ fəp.

³¹ Kɔ Yesu oloku ŋa: «Nəder nnɔ kəsək, nnɔ kəfo kəyer-yer, nəŋesəm pəpic.» Bawo afum alarəm ŋancder ŋaclukus, ŋanayɔ fɛ tɛm tedi yeri yati.

³² Kɔ ŋambɛrɛ debil kəkɔ kəfo kəyer-yer.

³³ Kɔ afum alarəm ŋanəŋk ŋa ntɛ ŋanckɔ mɔ, kɔ ŋanɛpəl ŋa. Kɔ afum a sədare səcəsək ŋayɛksɛ sɔ kəkɔgbintərɛ ŋa.

³⁴ Ntɛ Yesu ontor debil mɔ, k'ɛnəŋk kənay ka afum alarəm, k'ɔyɔnɛ ŋa nɔnɔfɔr, bawo ŋanayi pəmɔ ŋkesiya nyɛ yɔntɔyɔ wəkɛk mɔ, k'ɛyɛfɛ kətəksɛ ŋa mes məlarəm.

³⁵ Ntɛ dec dɛncɔpɛ mɔ, kɔ acɛpsɛ ɔn ŋalɔtərɛ ŋacloku kɔ: «Kəfo kəŋkɛ kəyɔ yer-yer, dec deyɛ kəlɔp,

³⁶ məlɔku ŋa ŋakɔ ŋatɛn yeri, ntɛ tɔŋsɔŋɛ ŋakɔ ŋawayɛnɛ yeri dɛmadare məfɛt məfɛt, kɔ sədare səcəsək mɔ.»

³⁷ Mba kɔ Yesu oloku ŋa: «Nənasərka nəsɔŋ ŋa yeri.» Kɔ acɛpsɛ ŋayif kɔ: «Ntɛ məfanj mɔ səkɔ səwayɛ afum akanɛ fəp yeri pəsam mpɛ pɛmbəp gbəlɛŋ masar mərəŋ mɔ ba?»

³⁸ Kɔ Yesu eyif ŋa: «Cəcom cəkɛ cɔ nəyɔ-ɛ? Nəkɔ nəmɔmən.» Ntɛ ŋanjkɔ ŋamɔmən mɔ, kɔ ŋaloku Yesu: «Cəcom kəcəmət kɔ lop mərəŋ.»

³⁹ Kɔ Yesu oloku acɛpsɛ ɔn ŋadəs afum cəgba cəgba yika yobuk kəronj.

⁴⁰ Kɔ ŋandəs afum cəgba ca tasar tin (100) kɔ cəgba ca wəco kəcəmət (50).

⁴¹ Kɔ Yesu ɛlɛk cəcom nɛ kəcəmət kɔ lop nyɛ mərəŋ, k'ɛyɛkti fɔr darenc, k'eyif Kanu barka. K'entepi cəcom k'ɛyɛfɛ ci kəsɔŋəs acɛpsɛ ɔn, ŋayerəs ci afum. K'eyer sɔ lop yayɔkɔ afum fəp.

⁴² Kɔ fəp fəsəm ci kɔ ŋanɛmbərə,

⁴³ k'alukɛ yeri cəcom kɔ lop yɛlpəs cəfala nɛ wəco kɔ mərəŋ.

⁴⁴ Arkun aŋɛ ŋanasəm cəcom cacəkɔ mɔ, ŋanabəp arkun wul kəcəmət (5.000).

Yesu ŋkət kəba kəronj

⁴⁵ Ntɛ tɛncɛpər mɔ, gbəncana babəkɔ kɔ Yesu ɛntarɛ acɛpsɛ ɔn kəbɛrɛ debil ŋanɔŋkɛnɛ kəcali mokuru məkɔ, ntɛndɛ Betsayida, nkɔn pəcgbəcɛnɛ kəlɔku kənay ka afum kəlulukus ndaranan.

⁴⁶ Nte elembàrnè ña m̀, k'ònkò kátola Kanu nde t̀r̀ k̀r̀on.

⁴⁷ Nte d̀f̀oy d̀emb̀p̀ m̀, abil ñeyi k̀ba d̀ac̀, nk̀ǹ sona p̀ỳi d̀ant̀f̀.

⁴⁸ K̀ Yesu eǹnk̀ t̀k̀ p̀nacuca ac̀p̀s̀e òn k̀nas̀ m̀, bawo afef̀ ño ñancgbofnè, pibi p̀b̀l̀e k'ender nǹ ñayi m̀ p̀ck̀t̀ k̀ba k̀r̀on k̀k̀c̀ep̀r̀ ña.

⁴⁹ Nte ac̀p̀s̀e òn ñaǹnk̀ k̀ p̀ck̀t̀ k̀ba k̀r̀on m̀, k̀ ñaf̀t̀o a tub̀eri t̀, k̀ ñaǹkulè-kulè,

⁵⁰ bawo f̀p̀ fanan ñancǹnk̀ k̀, k̀ k̀nesè k̀ỳi ña. Mba gb̀ncana bab̀k̀ k̀ Yesu olok̀-
lok̀r̀ ña, p̀cloku: «Ǹb̀k̀nè! In'òf̀, ta ǹnesè!»

⁵¹ K̀ Yesu emb̀r̀e debil k̀ afef̀ ñesak k̀wur. K̀ cusu c̀wos̀ ña.

⁵² Bawo ac̀p̀s̀e òn ñanac̀r̀e f̀e nte o nte teta c̀com, p̀nas̀k̀ f̀e ña aǹ Yesu òf̀-è.

Yesu entam̀s̀ acuy nde at̀f̀ ña Kenesarèt

⁵³ Nte ñalip k̀cali k̀ba k̀ ac̀p̀s̀e òn m̀, k̀ ñamb̀p̀ at̀f̀ ña Kenesarèt k̀ ñaǹkot di abil.

⁵⁴ Ñandetor debil k'anèp̀l Yesu,

⁵⁵ k̀ afum a at̀f̀ ñaǹk̀ f̀p̀ ñayek̀sè k̀der, ñack̀r̀e acuy d̀s̀ap̀oko nǹ o nǹ ancne a Yesu eyi m̀.

⁵⁶ Nǹ o nǹ encb̀r̀e m̀, p̀ỳonè tadare k̀ p̀ỳonè f̀e ti dare d̀p̀r̀, k̀ p̀ỳonè f̀e ti d̀k̀ulum, ancboç acuy abaǹka ñp̀r̀, p̀clètsenè Yesu k̀wosè acuy ñagbuñenè ali dobol da burumus b̀n. Acuy anè o anè ñancgbuñenè di m̀, ñanctam̀nè.

7

K̀t̀k̀sè nkè atem ñanatak̀sè m̀

¹ aFarisi* k̀ at̀k̀sè sariyè s'aSuyif al̀ma anè ñanader k̀ỳfè Yerusalèm m̀, ñalonkane nde Yesu eyi m̀, ñakèl k̀.

² K̀ ñaǹnk̀ ac̀p̀s̀e a Yesu dar̀ǹ akin akin ñacdi yeri ta waca waǹan ẁs̀k̀-è, it̀ tat̀k̀ ta ñasump̀r̀ saliye-è.

³ Awa, aFarisi k̀ aSuyif f̀p̀ ñancdi f̀e yeri ta ñambikènè waca ñasump̀r̀ saliye-è, bawo ñanac̀m̀e m̀ỳo mokur maǹan dar̀ǹ.

⁴ K̀ ñalukus k̀ỳfè nde abaǹka ñp̀r̀-è, ñancdi f̀e yeri m̀nè ñalip k̀sump̀r̀ saliye, ñanac̀m̀e s̀ m̀ỳo mokur m̀larèm dar̀ǹ, p̀m̀ t̀yak̀s ta m̀mb̀l, m̀ndè, k̀ ỳb̀r̀e domun†.

⁵ aFarisi k̀ at̀k̀sè sariyè s'aSuyif ñayif Yesu: «Ta ake t̀ ac̀p̀s̀e am ñandine yeri waca waǹan weyik-yik, ta ñas̀k̀sne saliye, ñac̀m̀e t̀ỳo tokur ta atem dar̀ǹ-è?»

⁶ K̀ Yesu oloku ña: «Esayi enaloku belbel tetonu c̀sayibè, ǹna abaǹenè k̀lomp, p̀m̀ t̀k̀ ancic ti m̀: «Afum akanè d̀cusu gb̀c̀r̀m̀ ñaǹlèl̀s im, mba b̀k̀c̀ yaǹan ỳmb̀l'em p̀p̀r̀.»

⁷ K̀sali nke ñanctolan'em ñacloǹn'em m̀ k̀ỳo f̀e d̀k̀c̀m̀e, bawo mosom m̀m̀ ñant̀k̀sè m̀, afum ñap̀r̀ mi, baf̀ Kanu.»

⁸ Ǹsak mosom ma Kanu, ǹc̀m̀e m̀ỳo mokur ma afum dar̀ǹ.»

⁹ K'oloku ña: «P̀f̀f̀r̀enè nu k̀f̀ǹ tosom ta Kanu, ǹc̀c̀m̀e m̀ỳo mokur monu dar̀ǹ.

¹⁰ Bawo Musa enaloku: «M̀lèl̀s wisi k̀ wiri,» k'oloku s̀: «Nwè oǹlok-lok̀r̀ kas k̀ p̀ỳonè f̀e ti k̀r̀e p̀lèc m̀, padif ẁk̀ayi.»

¹¹ Mba ǹna ǹǹloku: «K̀ fum oloku kas k̀ p̀ỳonè f̀e ti k̀r̀e-è, paka p̀k̀ p̀marna is̀ǹ òm k̀mar kam m̀, is̀ǹ pi Kanu,»

¹² ti disr̀e ǹna ǹwosè a ta p̀ỳonè s̀ kas k̀ k̀r̀e t̀l̀m o t̀l̀m.

¹³ Ǹnimè tat̀k̀ toloku ta Kanu m̀ỳo mokur m̀m̀ ǹnct̀k̀sè m̀. Ǹnỳo mes m̀lèc m̀larèm m̀m̀ m̀wurènè mam̀k̀ m̀.»

M̀ỳo m̀m̀ m̀ǹs̀nè fum k̀t̀s̀k̀ m̀

* **7:1** ẀFarisi/aFarisi = K̀gba k̀abeki aSuyif anè ñacèp̀r̀r̀ ñasèkt̀r̀enè sariyè k̀ m̀ỳo mokur ma aSuyif m̀. † **7:4** Yecic̀s yokur ỳl̀ma yendeǹr̀ «k̀ s̀c̀om», k̀ p̀ỳonè f̀e ti-è, «k̀ k̀f̀nc.» **7:7** Esayi 29.13 **7:10** K̀wur 20.12, Sariyè 5.16 **7:10** K̀wur 21.17, ALewy 20.9

14 Kó Yesu ewe sò kánay ka afum, k'oloku ña: «Nácə̀nkəl im belbel, nácə̀rɛ sò!

15 Daka o daka deyi fɛ todoru ta fum nde demberɛ kó disrɛ dɔ̀nsə̀ɲe kó kətəsək mɔ. Mba nte toɲwur dáfum mɔ tɔ̀nsə̀ɲe kó kətəsək.

16 Nácə̀nkəl belbel, kó tɔ̀yɔ̀ne nɔ̀yɔ̀ lə̀ɲəs nəcne-ɛ.»

17 Nte Yesu olukus dəkɛr mɔ, pə̀bɔ̀le kánay ka afum, kó acɛpse ɔ̀n ñayif kó teta totubcɛne tatako.

18 K'eyif ña: «Nə̀na sɔ̀, nəsərɔ̀yi kətɔ̀cə̀rɛ disrɛ ba? Nə̀ncə̀rɛ fɛ a daka o daka nde deɲyɛfɛ todoru dɛbɛrɛ dáfum mɔ, dɔ̀fɔ̀sə̀ɲe kó kətəsək?

19 Bawo daka dadəkɔ̀ dɔ̀fɔ̀bɛrɛ kó dɛbəkək, mba dəkɔ̀r demberɛ kó, kó telip-ɛ pə̀wure di dəkofi.» Ti disrɛ, Yesu ɛnasəkse alaɲ ɔ̀n yeri fə̀p.

20 K'oloku sɔ̀: «Nte toɲwur dáfum mɔ, tɔ̀nsə̀ɲe kó kətəsək.

21 Bawo dɛbəkək mɛcɛm-cɛmnɛ mɛlɛc moɲwur: Dowon, deke, kədif ka fum,

22 kəsumpər dalakɔ̀, dɛcɛlək, mɛcɛm-cɛmnɛ ma kə̀yɔ̀ mes mɛlɛc, cə̀mpə̀nɔ̀n, dɛyamayama, kəraca, kəlɔ̀məs ka Mariki, kədɔt banca kəlɛc dotonkulu disrɛ.

23 Mes mɛlɛc maməkɔ̀ fə̀p dáfum moɲwur, mə̀csə̀ɲe kó kətəsək.»

Wə̀ran wə̀cikə̀ra ɛlaɲ Yesu

24 Kó Yesu ɛyɛfɛ də̀ndo k'ə̀ɲkɔ̀ atɔ̀f ña Tir. K'ə̀ɲkɔ̀ pə̀bɛrɛ kəlɔ̀ kəlɔ̀ma. ɛnafaj fɛ nwe o nwe pə̀cə̀rɛ ti, mba ɛnatam fɛ kə̀yi kə̀gbə̀pne disrɛ.

25 Wə̀ran wəlɔ̀ma nwe ɲə̀ɲk ɲɛlɛc ɲɛnatə̀ɲkəlɛ wan kən wə̀ran mɔ, ɛnane gbə̀ncana babəkɔ̀ pacloku tetən, kó wə̀ran nwe ender pətə̀mpɛne Yesu wɛcək də̀ntɔ̀f.

26 Wə̀ran wəkakɔ̀ wə̀Kresi ɛnayi, pakom kó Siriya Fenisiya. K'ontola Yesu a pə̀bɛləs ɲə̀ɲk ɲɛlɛc ɲɲe ɲeyi wan kən mɔ.

27 Kó Yesu oloku: «Mə̀kar kə̀rɛsna awut ɲanə̀mbə̀rɛ, bawo pə̀ntesɛ fɛ kəlɛkər awut kə̀com mələ̀mɛ ki cen.»

28 Mba kó wə̀ran nwe olukse Yesu: «Mariki, mɛcen amɛsa də̀ntɔ̀f mɛɲyi mɛcdi yeri yɛlpəs ya awut.»

29 Kó Yesu oloku wə̀ran nwe: «Teta toloku tam, mə̀kɔ̀, ɲə̀ɲk ɲɛlɛc ɲowur wan kam wə̀ran.»

30 Nte wə̀ran nwe embɛrɛ ndə̀rən mɔ, k'ə̀mbə̀p wan nwe pə̀fə̀ntərə dəkə̀fə̀nc. Nə̀ɲk ɲɛlɛc ɲowur kó.

Yesu ɛntaməs wə̀rkun nwe ɛnatɔ̀ kəcne ta ɔ̀ɲlok-loku sɔ̀ mɔ

31 Kó Yesu ɛyɛfɛ atɔ̀f ña Tir, k'oluksə̀rne ta Sidə̀ɲ kə̀ca ka kə̀ba ka Kalile, k'ɛncali atɔ̀f ña Sədare Wə̀co.

32 K'ə̀ɲkɛrɛ kó wətə̀ne nwe ɛnctarpɛne kəlɔ̀k-loku mɔ, k'alɛtsɛne kó kə̀dɛɲər kó kə̀ca.

33 Kó Yesu ɛɲkɛrɛ wətə̀ne kakɔ̀ kəsək pə̀bɔ̀le kánay ka afum, k'ə̀mbɛr kó tɛlɛr dɛlɔ̀ɲəs, k'oyuk lin k'osoptɛ kó yi tɛlɛr dətɛmɛr.

34 K'eyɛkti fər darenc teta kətola Kanu, k'ɛmpɛne kifir pə̀pə̀ɲ, k'ə̀ncɔ̀p kusu kə̀ɲan: «*Effatal!*», ti tɔ̀yɔ̀ne «Mə̀gbite!»

35 Gbə̀ncana babəkɔ̀, kó lə̀ɲəs yɔ̀n yɛɲgbite, kó temer pən pesikəlɛ. K'olok-loku pə̀cɛmpi cə̀lɛɲ.

36 Kó Yesu oloku ña kətɔ̀loku ti ali fum, mba təkɔ̀ Yesu ɔ̀ncmə̀ne ña ti mɔ, itɔ̀ ɲanɔ̀dɔ̀ɲk ti.

37 Cusu cə̀nawos afum pə̀pə̀ɲ, ɲacloku: «Mes mme ɔ̀ɲyɔ̀ mɔ fə̀p mɛntesɛ! ɔ̀ɲsə̀ɲe atə̀ne kə̀ne, pəsə̀ɲe atɔ̀lok-loku kəlɔ̀k-loku!»

8

Yesu ɔ̀sə̀ɲe afum wul maɲkəlɛ kə̀nə̀mbə̀rɛ

1 Mata maməkɔ̀, nte kánay ka afum kəlɔ̀ma sɔ̀ kə̀natə̀yɔ̀ yeri yedi mɔ, k'ewe acɛpse ɔ̀n darə̀ɲ, k'oloku ña:

2 «Nə̀nɔ̀fər deyi'm teta kánay ka afum kaɲkɛ. Mata maas ɲayi kó ina, ɲayɔ̀ fɛ sɔ̀ paka o paka pedi.

³ K'isòñe ña kálukus nde ndaranjan ta ñandi peri-ε, ññese ta dis dákólól ña dápó, bawo alóma pábòle pò ñayefe.»

⁴ Kò acepse òn darəñ ñayif kò: «Awa, deke antam kəsótó cəcom nce andenembərsə ña, nnò kəfo kəyer-yer kanke mò?»

⁵ Kò Yesu eyif ña: «Cəcom cəke cò nəyó-ε?» Kò ñaloku kò: «Cəcom camət-merəñ.»

⁶ Awa, k'oloku kənay a ñande dəntəf. Nte elək cəcom nce camət-merəñ mò, k'eyif Kanu barka, k'entep-tepi ci, k'eyefe kəsòñəs ci acepse òn darəñ nte təñsòñe ñayerəs ci kənay k'afum mò.

⁷ Molop mólóma mənayi sò. Nte elip kəyif Kanu barka teta mi mò, k'oloku a payer sò mamòkò.

⁸ Kò kənay ka afum kəndi kò kənembəre, k'asótó cəfala camət-merəñ cəlarə cəcom cəlpəs.

⁹ Kənay ka afum kanke kənabəp afum wul mankəle (4.000), nte telip mò, kò Yesu elembərne ña.

¹⁰ Gbəncana babòkò k'embere debil kò acepse òn darəñ, kò ñanjò sədare sa Dalmanuta.

aFarisi ñawer Yesu tégbəkəre təwəy-wəy

¹¹ Kò aFarisi ñander, kò ñancop kəgbəkələne kò Yesu, nte ñafan kəsumpər kò dəmoloku mò, kò ñawer kò tégbəkəre təwəy-wəy tólóma nte tementər a Kanu kəsom kò mò.

¹² Kò Yesu ontore kifir pəpəñ, k'eyif: «Ta ake tó dətəmp dandə denwene tégbəkəre təwəy-wəy nte tementər a Kanu kəsom im mò-ε? Kance icloku nu: Afəmentər dətəmp dandə tégbəkəre nte o nte.»

¹³ Nte elip kəlok-lokər ña mò, kò Yesu esak ña, k'embere sò debil kəkò ka mokuru.

Lebin da aFarisi kò da Herodu

¹⁴ Acepse a Yesu darəñ ñanapəlarnə kələk cəcom. Kəcom kin gboñ kò ñanayo dəndo debil.

¹⁵ Kò Yesu oloku ña tosom nte: «Nəmepi fər, nəkəmbərne lebin da aFarisi kò da Herodu.»

¹⁶ Kò acepse ñayefe kəgbəkələne tanjan, bawo ñanayo fe cəcom.

¹⁷ Kò Yesu encərə tes nte ñancocərəne kiti mò, k'eyif ña: «Ta ake tó nəmbocərəne kiti nəcloku a nəyó fe cəcom-ε? Nəntasótó fe mera han ndəkəl? Nəfocərə? Nəna nəmbiyə səbomp?»

¹⁸ Nəyó fər, mba nəfənənk? Nəyó ləñəs, mba nəfəne? Nəncəm-cəmnə fe,

¹⁹ nte inatep-tepe arkun wul kəcamət (5.000) cəcom kəcamət mò, cəcom cəlpəs cəfala cəke cò nənasótó-ε?» Kò acepse ñaloku Yesu: «Wəco kò merəñ.»

²⁰ «Nte inatep-tepe afum wul mankəle (4.000) cəcom camət-merəñ mò, cəfala cəke cò nənasótó cəcom cəlpəs-ε?» Kò ñaloku Yesu: «Cəfala camət-merəñ.»

²¹ Kò Yesu eyif ña: «Han ndəkəl nəntacərə fe ba?»

Yesu entaməs wətənənk nde Betsayida

²² Yesu kò acepse òn ñander Betsayida. K'anke kò wətənənk k'alətsəne kò, a pədeñ kò kəca.

²³ Kò Yesu osumpər wətənənk wəkakò kəca k'enkekəre kò dare kəsək. K'oyukər kò lin dəfər, k'endenər kò waca, pəcyif kò: «Məñnənk paka pəlóma ba?»

²⁴ Kò wətənənk emepi fər pəcloku: «Inənk afum, inənk ña pəmò tək, mba ñanjət.»

²⁵ Kò Yesu əngbəkəre sò kədeñ kò waca dəfər, nte wətənənk nwe endegbəkəre kəmepe fər pəpəñ mò, k'entamne, pəcnənk pəwanəkəra.

²⁶ Kò Yesu elembərne kò, pəkò nde ndəron, k'oloku kò: «Ta məbere dare de!»

Piyer oloku a Yesu əyənə wəyək-yək

²⁷ Kò Yesu ñawur kò acepse òn darəñ ntende dare da Sesari sa Filip. Nəyi dápó, k'eyefe kəyifət acepse òn: «Nte afum ñanjoku mò, an'iyənə-ε?»

²⁸ Kò acepse ñaloku kò: «Alóma ñaloku a Anñabi San Batis, kò alóma a Eli, kò alóma sò a sayibe səlóma.»

²⁹ Kó Yesu eyif ña: «Pecemcemne ponu, an'iyone-ε?» Kó Piyer oloku: «Mána, Krist* máyone.»

³⁰ K'entij-tij ña kátoloku tetón ali fum.

Yesu endəjk defi dən kə kəfəte kən

³¹ Kó Yesu oncop kətəkse ña pəclenε: «Mene patərəs Wan ka Wərkun pəlarəm. Abeki, alonε apəñ, kó atəkse sariye sa aSuyif ñandewenəs kó, padif kó, mba pəfəte afi dacó kó tataka ta maas tencepər-ε.»

³² Yesu oncloku moloku mamε pəsoku pəs. Kó Piyer ewe Yesu kəsək, k'eyefe kənal kó.

³³ Mba Yesu olukus, k'əñgbətnε acεpsε ən, k'əñgbəñ-gbəñər Piyer: «Məkafəl'em kumunt darəñ, mána Sentani! Iw'am tewe ta Sentani bawo məfocem-cemne pəmó Kanu, mba pəmó afum.»

³⁴ Kó Yesu ewe kənay ka afum kó acεpsε ən darəñ, k'oloku ña: «Kó fum εfan kəcεps'em darəñ-ε, wəkayı pəsak kəcem-cemne teta nkənsərka, pəgbəñne kətək kən kəpəmpəl pəcam'em darəñ.

³⁵ Bawo nwε o nwε εñsεp kəyac kəyi doru kən mə, kəndesalpər kó, mba nwε o nwε kiyi doru kən kəñsalpər kó teta ina kó Kibaru Kátat mə, endeyac ki.

³⁶ Dəkəcəmə dere dó təyó fum kəsətó kən doru kərəkər, kiyi kən doru kəsələr kó-ε?

³⁷ Ake fum entam kəsəñ kəwurse ka kiyi kən doru-ε?

³⁸ Nwε o nwε elapərn'em kó moloku mem dətəmp da aciya kó asumpər dalakó dandε dacó mə, Wan ka Wərkun sə endekəlapərne wəkayı k'endeder nərə da Kas disre, kó mələkε mecempi.»

9

¹ Kó Yesu oloku acεpsε ən sə: «Icloku nu kance: Afum aləma ñayi nnə, añε ñantədefi ta ñantanəñk dəbe da Kanu dedereñε fənəntər-ε.»

Kətəjkəle ka Yesu

² Nte mata camət-tin mencepər mə, kó Yesu elek Piyer, Sak kó Isəñ k'əñkekəre ña kəsək nde dətərə teñeci, kó ñambəkəre. Kó Yesu əñkə pətəñkəle fər yañan kirin.

³ Kó yamos yən yomot pəfer mpε fum o fum əntətam kəcem yi yefere pəmó tatəkó mə.

⁴ Añnabi Eli kó Añnabi Musa ñawurər Piyer, Sak kó Isəñ, kó ñanəñk afum akanε mērəñ ñaclok-loku kó Yesu.

⁵ Kó Piyer oloku: «Wətəkse, pəntese su kəyi nnə. Pacəmbər ñgbancan maas: Njin ñam, ñin ña Añnabi Eli kó ñin ña Añnabi Musa.»

⁶ Piyer εnacəre fe tələm o tələm nte əñkəloku mə, bawo kənese kənasumpər ña pəpəñ.

⁷ Kó kəp kəñgbəpər ña katəkəp, kó dim dowur kəp kəñkó disre: «Wəkawε wan kem nwε imbətər mə əfó. Nəcəñkəl kó!»

⁸ Gbəncana babəkó kó ñaməmən kəsək, ñanəñk fe sə fum mēne Yesu sona.

⁹ Nte ñanctor dətərə mə, kó Yesu entij-tij ña kátoloku təkó ñanəñk mə fum, hañ Wan ka Wərkun pəfəte afi dacó.

¹⁰ Kó acεpsε añε maas ñaməñkərne toloku tatəkó, ñacyiftene tañan: «Cəke cə kəfəte afi dacó kəloku-ε?»

¹¹ Kó ñayif Yesu: «Ta ake tó atəkse sariye s'aSuyif ñañloke a mēne Añnabi Eli pənuñkene kəder kəresna-ε?»

¹² Kó Yesu oloku ña: «Eli ender kəresna kədelompəs mes fəp. Ta ake t'ancice a mēne patərəs Wan ka Wərkun pəlarəm, pawenəs kó-ε?

¹³ Mba iloku nu a Eli ender, kó afum ñayó kó təkó ñafan mə, pəmó təkó Yecicəs Yosoku yoloku tetón mə.»

Yesu entaməs wan nwε ñəñk ñələc ñenatorñkulu mə

* **8:29** Krist = «Wəsom ka Kanu» tokule tó = «Nwε Kanu kəyεk-yεk kəsom mə teta kəyac afum a Kanu.»

14 Nte Yesu, Piyer, Sak kó Isan nander nabap acepse alpás a Yesu darəŋ mɔ, kó nanəŋk kənay ka afum alarəm kəkəl nja, atəksə sariyε s'aSuyif nəcgbəkələnε kó nja.

15 Nte kənay ka afum kəndenəŋk Yesu mɔ, kó cusu cəwos nja, kó njaɛksərne kədeyif kó.

16 Kó Yesu eyif acepse ɔn: «Ake nəyi kəgbəkələnε kó nja-ε?»

17 Kənay ka afum disre kó fum wəlɔma olukse Yesu moloku: «Wətəksε, wan kem inker'am, nwe ɔyɔ nəŋk nje nɛnyamsε kó kəlɔk-loku mɔ.

18 Kəfo nkε o nkε encəme nɛbεrε kó mɔ, difɔ nɛŋgbal kó dəntɔf, wan pəwure kəfoc dəkusu, pəcŋanərəne sek, pəcyenkarənε. Iletsenε acepse am darəŋ nabeləs nəŋk nɛlɛc njanε, mba nantam fε.»

19 Kó Yesu eyif nja: «Dɛtɛmp dətɔlan, ake tɛm t'indesɔyi kó nənə-ε? Icəme nu dəntɔf han tɛm tere-ε? Nəkər'em kó.»

20 K'ankerε kó wan nwe. Nte nəŋk nɛlɛc nɛndenəŋk Yesu mɔ, kó nɛyikəc wan pəpəŋ, k'entɛmpənε dəntɔf pəcbəŋkələ, pəcwure kəfoc dəkusu.

21 Kó Yesu eyif wan nwe kas: «Kəyεfε ake tɛm tɔ tantε tenyi kó-ε?» Kó kas oloku Yesu: «Kəyεfε pəfɛtε.

22 Tɛlarəm nəŋk nɛlɛc njanε nɛŋgbal kó dənenc, tɔlɔma dərɔmun nte tənɔŋnε nɛdif kó mɔ. Mba kó tɔyɔnε məntam tɔlɔma-ε, məyɔnε su nənɔfər məmar su!»

23 Kó Yesu oloku kó: «Məlɔku a kó məntam-ε? Antam kəyɔ mes fəp, kó tɔyɔnε patəmpər kəlan-ε.»

24 Gbəncana babəkó kó wan kas oŋkulε pəpəŋ: «Ilan! Kəlan kem kəmbut, mba məmar im!»

25 Nte Yesu ənəŋk kənay ka afum kəcyekse kəder mɔ, k'ɛŋgbəŋ-gbəŋər nəŋk nɛlɛc pəcloku nji: «Məna nəŋk nɛlɛc nətɔlɔk-loku, nətɔne, in'ɔŋsom əm, məwur wan wəkawε dərɔs, ta məbεrε kó sɔ!»

26 Kó nəŋk nɛlɛc nɔwur wan wəkawε dərɔs nɔckulε-kulε pəpəŋ, nɛcyikəc kó pəpəŋ. Kó wan eyi pəmɔ efi, kó afum alarəm njaloku a efi.

27 Mba kó Yesu osumpər kó kəca, k'eyekti kó, kó wan encəme.

28 Nte Yesu njalukus dəkər kó acepse ɔn mɔ, kó njaɛfε kəyifət kó yəkɔk: «Ta ake tɔ sənəsərka səntənətame kəbələs nji-ε?»

29 Kó Yesu oloku nja: «Dokom da yəŋk yɛlɛc dandε, kətola Kanu gbəcərəm kəntam kəwure yi dəfum.»

Yesu əŋgbəkərε sɔ kədəŋk defɔ dən kó kəfɔtε kən

30 Nte Yesu eyεfε dəndo mɔ, k'encali Kalile, ənafan fε a pacərə ti.

31 Encəkse acepse ɔn pəcloku nja: «Dəkəbər afum dəwaca Wan ka Wərkun eyi, nandedif kó, pəfɔtε afi dacɔ kó mata maas mencepər-ε.»

32 Mba toloku tantε tənəsəkər fε acepse ɔn, nəcnesε kəyifət kó.

An'ɛbək dəkəcəmε-ε?

33 Yesu kó acepse ɔn njan kó Kaparnam. Nte nambərε dəkər mɔ, kó Yesu eyεfε kəyifət nja: «Teta ake tɔ nəndenagbəkələnənε dəpɔ-ε?»

34 Mba acepse ɔn njanaloku fε kó tes o tes, bawo njanagbəkələnε dəpɔ, kəcərə ka nwe embək dəkəcəmε mɔ.

35 Ti disrε, kó Yesu endε, k'ewe acepse ɔn anε wəcɔ kó mɛrəŋ, k'oloku nja: «Kó fum εfan kəyɔnε wəcəkɔ-cəkɔ-ε, wəkayi pəyɔnε wədarəŋ ka fəp, pəyɔnε sɔ wəmarəs ka fəp.»

36 Kó Yesu ɛlɛk wanfɛt, k'ɛnɛknε kó nja dacɔ, k'oloku nja:

37 «Nwe o nwe emban wanfɛt pəmɔ wəkawε tewe tɛm mɔ, emban sɔ inasərka. Nwe o nwe emban im mɔ, bafɔ ina gbəcərəm emban, mba emban sɔ nwe osom im mɔ.»

Nwe ɔntɔtər su mɔ, əmbətər su

38 Kó Isan oloku kó: «Wətəksε, sənəŋk fum wəlɔma pəcbɛlε yəŋk yɛlɛc tewe tam, kó səsɛp kəmənε kó ti, bawo wəkayi encəme fε su darəŋ.»

³⁹ Kə Yesu olukse moloku: «Ta nəməne kə ti, bawo ali fum eyi fe nwe entam kəyone tewe tem teḡbekəre tewey-wey pəckəlip wəkayi pəloku pələc pem mə.

⁴⁰ Ti disre, nwe əntəce su mə, wəkayi efañ su.

⁴¹ Nwe o nwe əsəñ nu domun təmbəl katin teta kəyone konu aka Krist mə, kance icloku nu: Wəkayi əfədekəbut kəsətə kəway kən kətət.»

Kəberne kəpəñ

⁴² Kə Yesu embenne na nte: «Mba kə fum əsəñe wanfet wəkin kəlonje awut akanje dacə nwe eḡbekər im kəlan kən mə-ε, kiti ka wəkayi kəyən kətəs təkə aḡkotərəne kə tasar pəpəñ dəkilim paləm kə dəkəba mə.

⁴³ Kə kəca kam kəndəsəñ'am kəciya-ε, məḡbinti ki! Bawo kəberε kiyi kam ka doru o doru məyə kəca kin kəncepər kələm kam yahanama dənenc nde dəntənimε mə, məyə waca mərəñ.

⁴⁴ *

⁴⁵ Kə təyone kəcək kam kəñsəñ'am kəciya-ε, məḡbinti ki. Kəberε kiyi kam ka doru o doru məyə kəcək kin kəncepər kələm kam yahanama məyə wəcək mərəñ.

⁴⁶ †

⁴⁷ Kə təyone dəfər dam dəñsəñ'am kəciya-ε, məkakti di. Kəberε kam akip na dəbe da Kanu dəntəf məyə dəfər din kəncepər kələm kam yahanama məyə fər mərəñ.

⁴⁸ Dəndo, «yet nye yəñsəm dis mə yəfəfi, nənc nde dəncəf dis mə dəfənimε.»

⁴⁹ Bawo nwe o nwe andekəyek-yekər kə nənc da kədusum pəmə nte anyek-yekər mər dəperi mə.

⁵⁰ Mər paka pətət pə. Mba kə mər mēndence-ε, ak'antam kədəktəse sə mi-ε? Nəyi nənasərka pəmə mər, nəyine pəforu kə akə.»

10

Yesu kətəksə kən teta kəcenεε ka anencεε

¹ Nte Yesu eyefe dəndo mə, k'əñkə atəf na Yude ntende mokuru ma kəḡbəkə ka Yurđen. Kə kənay ka afum alarəm kəñkə sə kəlonkanε kə kəsək. Kə Yesu oncop kətəksε na, pəmə təkə əncyə ti mə.

² K'aFarisi nander bawo nanafañ kəcəpε kə towul dəmoloku, kə nayaif kə: «Sariye səwose wərkun kəce wəran kən ba?»

³ Kə Yesu oloku na: «Cəke cə Musa εnasom nu-ε?»

⁴ Kə nəloku: «Nte Musa εnaloku mə, a məcic areka nēcene wəran a mədewurεε kə.»

⁵ Kə Yesu oloku na: «Teta bəkəc yonu yeyənki tə Musa εnacice tosom tante.

⁶ Mba dəkəcop da doru kə Kanu kəsel na wərkun kə wəran.

⁷ Ti təsəñe nte wərkun εñsake kas kə kere, pəsektərne wəran kən mə,

⁸ afum akanje mərəñ nəkafəle nayaone tεsem tin. Ti disre nayaone fe sə afum mərəñ, mba tεsem tin.

⁹ Ta fum pəḡbey təkə Kanu kənbəmbərəne mə!»

¹⁰ Nte nəluku dəker mə, kə acεpsε ən nayaife kəyifət kə teta moloku maməkə.

¹¹ Kə Yesu oloku na: «Nwe ence wəran kən pəkə pənence wələma mə, dəkəcəme da wəsumpər dalakə d'eyine wəran wəkəkə.

¹² Kə wəran ence wos, wərkun wələma pənence kə-ε, nkən sə dalakə d'eyi.»

Yesu kə awut

¹³ Afum nənckere Yesu awut afet nte təñsəñe pəcdeñər na waca teta kətolanε na pətət. Mba kə acεpsε ən nayañbəñ-ḡbəñər na.

* **9:44** Yecicəs yəḡbəkəre yələma yendeñər: «Yahanama, yet nye yəñsəm dis mə yəfəfi, nənc nde dəncəf dis mə dəfənimε.»

† **9:46** Yecicəs yokur yələma yendeñər: «Dəndo yet nye yəsəm dis yəfəfi, dəndo nənc dəfənimε hañ dabada.» **9:48**

Esayi 66.24 **10:6** Dəkəcop 1.27 **10:8** Dəkəcop 2.24

14 Ntɛ Yesu ɛnɛ́nk ti mɔ́, kɔ́ pɛ́ntɛ́lɛ kɔ́, k'oloku ña: «Nɛ́sak awut ñader nnɔ́ iyi mɔ́, ta nɛ́yamsɛ́r ña káder, bawo, afum aɲɛ ñayi pɛ́mɔ́ awut afet akanɛ́ mɔ́, ña ñayɔ́ dɛ́bɛ da Kanu.

15 Kance icloku nu: Nwɛ o nwɛ ɔ́ntɔ́faynɛ́ dɛ́bɛ da Kanu pɛ́mɔ́ wanfet mɔ́, ɔ́fɔ́dekɔ́bɛ́rɛ di disrɛ́.»

16 Kɔ́ Yesu ɛ́lɛk awut k'ɔ́ntɔ́mpɛ́r, k'ɛ́yɛ́fɛ́ kátolanɛ́ ña pátót, pácɔ́ɔ́ɲ ña waca dásabomp.

Yesu kɔ́ wɔ́rkun wɔ́ka daka

17 Ntɛ Yesu osumpɛ́r dɔ́pɔ́ kákɔ́ mɔ́, kɔ́ fum wɛ́lɔ́ma ɛ́yɛ́ksɛ́ k'ende pácɔ́pɛ́ kɔ́ suwu pácɔ́yif kɔ́: «Wɛ́táksɛ́ wátót, cáke cɔ́ pɛ́mar im káyo, ntɛ́ tɔ́ɲsɔ́ɲɛ́ isɔ́tɔ́ kiyi wáyeɲ ka doru o doru mɔ́-ɛ́?»

18 Kɔ́ Yesu ɛ́yif kɔ́: «Ta ake tɔ́ mɔ́wen'em <Wátót>-ɛ́? Ali fum ɔ́yɔ́nɛ́ fɛ́ wátót, mɛ́nɛ́ Kanu sona gbɔ́ɲ.

19 Mɛ́ncɛ́rɛ́ mosom ma Kanu: <Ta mɛ́dif fum, ta mɛ́sumpɛ́r dalakɔ́, ta mɛ́kiyɛ́, ta mɛ́banɛ́ fum sede sa yem, ta mɛ́dir fum, mɛ́lɛ́lɛ́s wisi kɔ́ wiri.»

20 Kɔ́ fum nwɛ́ oloku Yesu: «Wɛ́táksɛ́, ilɛ́lɛ́s mamákɔ́ fɔ́p káyéfɛ́ isɔ́rɔ́fɛ́tɛ́.»

21 Kɔ́ Yesu ɔ́mɔ́mɛ́n kɔ́, kɔ́ tetɔ́n tɔ́mbɔ́t kɔ́. Kɔ́ Yesu oloku kɔ́: «Tes tin gbɔ́ɲ tobut ɔ́m: Mákɔ́ mɛ́camɛ́s daka ndɛ́ mɔ́yɔ́ mɔ́ fɔ́p, mɛ́sɔ́ɲ pɛ́sam papákɔ́ atɔ́yɔ́ daka. Kɔ́ mɔ́yɔ́ ti-ɛ́ mɛ́ndekɔ́sɔ́tɔ́ daka dɛ́larɛ́m ndɛ́ dákɔ́m. Kɔ́ mɛ́lip-ɛ́, mɛ́der mɛ́cɛ́ps'em darɔ́ɲ.»

22 Kɔ́ dis dɛ́ndɛ́ncɛ́ fum nwɛ́ kɛ́nɛ́ toloku ta Yesu, k'owur pɛ́mɔ́ncnɛ́, bawo ɛ́nayɔ́ daka dɛ́larɛ́m.

23 Kɔ́ Yesu ɔ́mɔ́mɛ́n acɛ́psɛ́ ɔ́n k'oloku ña: «Pɛ́ncuca aka daka káberɛ́ ka akip ña dɛ́bɛ́ da Kanu dántɔ́f!»

24 Kɔ́ pɛ́nciyánɛ́ acɛ́psɛ́ ɔ́n teta moloku mamákɔ́. Mba kɔ́ Yesu ɔ́ngbákɛ́rɛ́ sɔ́: «Awut em, pɛ́ncuca káberɛ́ akip ña dɛ́bɛ́ da Kanu dántɔ́f!

25 Pɛ́fɛ́fɛ́rɛ́nɛ́ yókɔ́mɛ́ káberɛ́ abi ña tɛ́sɛ́mbɛ́ pɛ́tas wɔ́ka daka káberɛ́ ka akip ña dɛ́bɛ́ da Kanu dántɔ́f.»

26 Kɔ́ toloku tatákɔ́ tɛ́nanɲkanɛ́ kɛ́wosɔ́s acɛ́psɛ́ ɔ́n cusu, kɔ́ ñayiftɛ́nɛ́: «Awa an'entam ɔ́ɲ káfis-ɛ́?»

27 Kɔ́ Yesu ɔ́mɔ́mɛ́n ña, k'oloku: «Afum ñafótam ti, mba Kanu kántam ti, bawo Kanu kántam mes fɔ́p.»

28 Kɔ́ Piyɛ́r ɛ́yɛ́fɛ́ kɛ́lɔ́ku kɔ́: «Sɛ́na sɛ́sak ca fɔ́p ntɛ́ tɔ́ɲsɔ́ɲɛ́ sɛ́ncɛ́m'am darɔ́ɲ mɔ́.»

29 Kɔ́ Yesu oloku kɔ́: «Kance icloku nu: Fum ɛ́yi fɛ́ nwɛ́ ɛ́sakɛ́ teta ina kɔ́ Kíbaru Kátót: Kɛ́lɔ́, awɛ́nc, akirɛ́, kɛ́rɛ́, kas, awut kɔ́ pɛ́yɔ́nɛ́ fɛ́ ti antɔ́f-ɛ́,

30 wákayi ɔ́ɲsɔ́tɔ́ tɛ́m tante ayi mɔ́ tasar tin ta yayákɔ́ mɛ́sak mɔ́ fɔ́p, káyéfɛ́ wɛ́lɔ́, awɛ́nc, akirɛ́, cɛ́rɛ́, awut kɔ́ ntɔ́f kátɔ́rɛ́s disrɛ́, pɛ́sɔ́tɔ́ sɔ́ kiyi wáyeɲ ka doru o doru tɛ́m tekirinɲ.

31 Akirinɲ alarɛ́m ñandekɔ́yɔ́nɛ́ adarɔ́ɲ, kɔ́ adarɔ́ɲ ñayɔ́nɛ́ akirinɲ.»

Yesu ɛ́ndɛ́ɲk sɔ́ tamaas defi dɔ́n kɔ́ káɲtɛ́ kɛ́n

32 Dɔ́pɔ́ ñanayi kápe ka Yerusalem, kɔ́ Yesu ɛ́yi ña kirinɲ, bákɛ́c yɛ́nalɛ́cɛ́-lɛ́cɛ́ acɛ́psɛ́ ɔ́n, afum akɔ́ ñanacɛ́mɛ́ ña darɔ́ɲ mɔ́, ñanɛ́sɛ́. Kɔ́ Yesu ɛ́lɛk sɔ́ Asom ɔ́n aɲɛ́ wáco kɔ́ mɛ́rɔ́ɲ, k'ɛ́yɛ́fɛ́ kɛ́lɔ́mɛ́r ña tákɔ́ tendesɔ́tɔ́ kɔ́ mɔ́.

33 K'oloku ña: «Nɛ́cɛ́ɲkɛ́l im, Yerusalem ayi kápe, andekɔ́lɛ́k Wan ka Wɔ́rkun pabɛ́r kɔ́ alɔ́ɲnɛ́ apɔ́ɲ kɔ́ atáksɛ́ sariyɛ́ s'aSuyif dɛ́waca. Kɔ́ ñandenɔ́r kɔ́ sariyɛ́ sa defi, ñabɛ́r kɔ́ sɔ́ atɔ́yɔ́nɛ́ aSuyif dɛ́waca,

34 akakɔ́ ñafani kɔ́, ñayuksɛ́r kɔ́ lin, ñasutɛ́ kɔ́ tɔ́rɔ́ɲkɔ́n, ñadif kɔ́. Kɔ́ mata maas mencepɛ́r-ɛ́, pɛ́fɔ́tɛ́ afi dacɔ́.»

Teyif ta Sak kɔ́ Isanɲ

35 Kɔ́ awut a Sebede aɲɛ́ mɛ́rɔ́ɲ Sak kɔ́ Isanɲ ñander ñaloku Yesu: «Wɛ́táksɛ́, sáfanɲ mɔ́yɔ́nɛ́ su ntɛ́ sándetol'am mɔ́.»

36 Kɔ́ Yesu ɛ́yif ña: «Cáke cɔ́ nɛ́fanɲ a iyɔ́nɛ́ nu-ɛ́?»

³⁷ Kó ñalukse Yesu: «Məwose su wəkin kənd'am kəca kətót kó wəkó kəca kam kəmeriya nde nərə da debeki dam.»

³⁸ Kó Yesu oloku ña: «Nəncəre fe nte nəyi kətola mə. Nəntam kəwose kətərəs pəmə nke ina indesəto mə ba? Nəntam kəcəme pucuy fər kirin mpe pender kəbər im mə ba?»

³⁹ Kó ñaloku: «Səntam ti.» Kó Yesu oloku ña: «Awa, nəna sò nəndesəto kətərəs nke indesəto mə, nəsəto sò pucuy pəpəñ mpe pendebər im mə.»

⁴⁰ Mba nte tɔyone kənd'em kəca kətót kó kəca kəmeriya mə, bafó in'əñsəñ ki. Afum akó aməñke mofó mende maməkó mə, ña ñayó mi.»

⁴¹ Kó pəntele acepse ɔn añe wəco nnó Sak kó Isan ñayi mə.

⁴² Kó Yesu ewe ña, k'oloku: «Nəncəre a akó ancəre kətəmpər debe nde tɔf yələma mə, ñantasərne afum añan, səkət sò akirin a tɔf yayókó ñaṅkətene kətam afum añan kəronj.

⁴³ Mba tatókó teyi fe nnó nəna nəyi mə, nte tɔyone mə, nwe eñfan kəbek dəkəcəme nu daco mə, pəmar wəkayi pəyone wəbəce konu,

⁴⁴ nwe o nwe eñfan kəyone wəkirin nu daco mə, pəmar pəyone wəcar ka fəp.

⁴⁵ Wan ka Wərkun ender fe padebəce kó, mba ender kədebəce afum pəsəñ sò kiyi kən wəyən pəwurus kəñay ka afum.»

Yesu entaməs wətəñk

⁴⁶ Kó ñander Yeriko. Nte Yesu encyefe Yeriko ñasol kó acepse ɔn darəñ kó kəñay ka afum alarəm mə, kó wətola wətəñk wələma, Bartime wan ka Time pənde dɔpó kəsək.

⁴⁷ Kó Bartime ene a Yesu wəka Nasaret ɔfó, k'eyefe kəkule-kule: «Wan ka Dawuda, Yesu, məyən'em nənɔfər!»

⁴⁸ K'afum alarəm ñaṅbəñ-gbəñər kó a pəcañk, mba pəcnañkanə kəkule-kule: «Wan ka Dawuda, məyən'em nənɔfər!»

⁴⁹ Kó Yesu encəme k'oloku: «Nəwe kó.» Kó ñawe wətəñk ñacloku kó: «Məbəkne, məyefe, ew'am.»

⁵⁰ Kó wətəñk eləm duma dəkəronj, k'oyokne kəyefe, k'əñkó nde Yesu eyi mə.

⁵¹ Kó Yesu eyif kó: «Cəke cə məfan a iyən'am-ε?» Kó wətəñk oloku: «Wətəkse, iluksərne sò kəñk!»

⁵² Kó Yesu oloku kó: «Məkó, kəlanj kam kəntaməs əm.» Gbəncana babókó, k'oluksərne sò kəñk, k'encəme Yesu darəñ.

11

Yesu embere Yerusalem

¹ Nte Yesu kó acepse ɔn darəñ ñalətərne Yerusalem mə, pəsərəyi kəca ka Betfase kó Betani ntende təró ta Tək ya Olif kəsək, k'osom acepse ɔn darəñ mərəñ,

² pəcloku ña: «Nəkó nde dare dandə nəntəfərne mə, kó nəndena kəcbere di-ε, nəñkəbər di sɔfale sɔfət nse fum o fum entatənde kərəsna kəronj mə. Nəsikəli si, nəker'em.

³ Kó tɔyone fum pəyif nu: «Ta ake tó nəñyone ti-ε?» Nəloku kó: «Bawo Mariki efan si. K'elip-ε, əñkó ndekəl lukse si nnó.»

⁴ K'acepse a Yesu darəñ añe ñaṅkó, kó ñambər sɔfale sɔfət nse pakot si dabanjka kumba kəsək dɔpó, kó ñasikəli si.

⁵ Afum aləma añe ñanayi dənda mə ñayif ña: «Cəke cə nəyi kəyó-ε? Ta ake tó nəñsikəle sɔfale sasókó-ε?»

⁶ Kó ñaloku tókó Yesu enaloku ña mə, k'akakó ñawose ña kəsikəli si.

⁷ Kó ñaṅkenə Yesu sɔfale nse, kó ñadenjər si suma səñan sakəronj, kó Yesu endə si kəronj.

⁸ K'afum alarəm ñamper-pere kó suma səñan sakəronj dɔpó, kó aləma ñamboce kó bat dɔpó nyə ñanacep dəkulum mə.

⁹ Afum akó ñanckót kó tekirin, kó akó ñanacəme kó darəñ mə ñackule-kule:

«Hosana!* Kanu kəpocε pətət nwε enderεnε tewe ta Mariki mə!

¹⁰ Kanu kəpocε pətət dəbe da kas kosu Dawuda nde deyι kəder mə!

Hosana pələl peyi Kanu nke kəyi dəKəm mə!»

¹¹ K'embere Yerusalem nde kələ kəpəη ka Kanu. Nte elip kəməmən cəsək cən mə, kə pibi pender, Yesu kə acεpse ən wəco kə mērəη ηawur kə ηaηkə Betani.

Yesu ontolanε kətək pələc

¹² Dəckəsək nte ηacwur Betani mə, dor dənayo Yesu.

¹³ K'enəηk pəbələ kətək ka yokom ya fik kəkumtər bəpər, k'əηkə kəməmən kə pəyənε a əηsətər ki pedi-ε, mba nte embəp ki mə, enanəηk fε pokom o pokom mənε bəpər, bawo bafə tēm tokom ta fik tənayi.

¹⁴ Kə Yesu oloku kətək: «Ta fum o fum pədi sə yokom ya mənə!» Kə acεpse ən darəη ηane ti.

Yesu nde kələ kəpəη ka Kanu

¹⁵ Kə ηaηkə Yerusalem. Nte Yesu embere kələ kəpəη ka Kanu mə, k'eyεfε kəbeləs acaməs fəp kə akə ηancway dəndo kələ kəpəη mə. K'ηηgbaləs mεsa ya asəkpər pəsam kə səcəm sa acaməs ntantoriya,

¹⁶ enawosε fε nwε o nwε kəsare-sare ca pəcepərənε dəndo kələ kəpəη disre.

¹⁷ Kə Yesu εntəkse ηa pəcloku: «Bafə Kanu kəloku dəYecicəs: «Andewe kələ kem dəkətola Kanu da afum a təf ya doru fəp.» Mba nənə nəηkafəli ki təgbəkεnε ta calbante.»

¹⁸ Aləηne apəη kə atəkse sariyε s'aSuyif ηane kə dim, kə ηantən təkə ηantam kədif kə mə. Nancnεsε kə, bawo cusu cənawos afum fəp teta mətəkse mən.

¹⁹ Nte dəfəy dəmbəp mə, Yesu kə acεpse ən darəη ηawur dare.

Yesu kə kətək kəwosərənε

²⁰ Bətbət, nte ηayi kəcepər mə, kə acεpse ən darəη ηanəηk kətək ka fik kəwosərənε haη ntəntəl.

²¹ Kə Piyer encəm-cəmne təkə tənacepər mə, k'oloku Yesu: «Wətəkse, məməmən kətək ka fik nke mənətolanε pələc mə, kəwosərənε.»

²² Kə Yesu oloku ηa: «Nəgbəkər kəlaη konu Kanu.

²³ Kance icloku nu: Nwε oηloku tərə tantε: «Məyεfε nnə məkə mələmnε dəkəba,» kə məntənesər-nesər dəbəkəc, mba məlaη a təkə məloku mə tənγi-ε, aηyən'am ti.

²⁴ It'əsəηε nte iloku nu: Nte o nte tə nəloku kətola Kanu disre mə, nəlaη a nəηsətə ti, aηyənε nu ti.

²⁵ Kə təyənε nəndetola, pəyənε nəmēηkε fum mətεlε-ε, nəηaηnεnε kə, nte təηsəηε Kas konu nke kəyi nde dəKəm mə, kəηaηnεnε sə nənə pələc ponu.

²⁶ [†]

Deke dəbe da Yesu dəηyεfε-ε?

²⁷ Kə Yesu ηalukus Yerusalem kə acεpse ən, nte ηancəkət nde kələ kəpəη ka Kanu mə, aləηne apəη, atəkse sariyε s'aSuyif kə abeki a dətəf ηander ηabəp Yesu

²⁸ kədəyif kə: «Kətam kərə kə mənγənε mamε-ε? An'əsəη əm kətam nke mənγənε mes mamε mə-ε?»

²⁹ Kə Yesu oloku ηa: «Teyif tin gboη t'indeyif nu, nəluks'em ti, ina sə iloku nu kətam nke inγənε mamε mə.

³⁰ Kəgbət dəromun ka Saη dəkəm kəncyεfε ba, ka nda afum? Nəluks'em toloku.»

³¹ Mba kə ηayεfε kəgbəkəlεnε taηan: «Kə səlukse ndəkəl a dəkəm kəgbət kən kənayεfε-ε, eηyif su: «Ta ake tə nənatolaηε Saη-ε?»

* **11:9** Hosana = toloku ta kusu ka Arame tə, it'oloku «O Mariki, məyac su!» **11:9** Yabura 118.25-26 **11:17** Esayi 56.7 **11:17** Yeremy 7.11 † **11:26** Yecicəs yokur yələma yendeηar moloku mame: «Mba kə nənə nəntəηaηnεnε akə-ε, Papa konu nwε eyi nde dəkəm mə əfəηaηnεnε sə nənə kəciya konu.»

³² Kə səloku a nda afum kəncyefε-ε, apayo! Pəyo wəywey dənda!» Nəncnesε kənay ka afum, bawo fəp fənacəre a Saŋ sayibe yati s'ənayəne.

³³ Kə ŋalukse Yesu moloku: «Səncəre fε.» Kə Yesu nkən oloku ŋa sə: «Ina sə, ifəloku nu kətam nke inyənε mamε mə.»

12

Totubcəne ta abəc ŋgbəŋkələ ya wən alεc

¹ Kə Yesu eyefe kəlok-lokər ŋa dətətotubcəne: «Fum wələma εnabəf ŋgbəŋkələ ya wən. Kə fum nwe əsəne yi saŋka haŋ k'əŋkər, k'əŋkay dəkəfəcəs da wi, k'əncəmbər tetek tobumε. Nte elip mə, k'əŋkə yəbəc ya abəf ŋa ŋgbəŋkələ ya wən yayəkə afum aləma, ŋatəŋne kə akakə kəcsəŋ kə kəway, kə nkən owur k'əŋkə marənt.

² Nte tεm tepim tεmbəp mə, kə fum nwe osom wəcar nda abəf a ŋgbəŋkələ ya wən, kəkəbaŋ yokom ya wən yəkə pəmar pasəŋ kə kəway kən mə.

³ Kə abəc a ŋgbəŋkələ ya wən ŋasumpər kə, kə ŋasut, kə ŋasak, k'olukus waca wəsəkər.

⁴ Kə wəka ŋgbəŋkələ nwe osom sə wəcar wələma, kə abəc a ŋgbəŋkələ ya wən aŋε ŋasut sə wəkakə domp, kə ŋalapəs kə dəmələməs.

⁵ Kə mariki mme məŋgbəkəre sə kəsom wələma, kə abəf aŋε ŋasumpər wəkakə kə ŋandif. Abəc akanε ŋanasut alarəm, ŋacdif alarəm.

⁶ Wan kən nwe əmbətər mə, sona s'ənacəme kə oŋ. K'osom wəlpəs wəkakə nnə ŋayi mə, pəcloku: «Ŋaŋkələləs wəkawε, wan kem əfə!»

⁷ Kə abəc a ŋgbəŋkələ ya wən aŋε ŋalokεne: «Wələk kən ke əfə, wəkawε! Nəder, padif kə, ke kəndeyənε kosu.»

⁸ Kə ŋasumpər kə, kə ŋandif, kə ŋaŋgbal kəbel kən saŋka tadarəŋ.»

⁹ Kə Yesu eyif ŋa: «Cəke cə wəka ŋgbəŋkələ endeyə-ε? Wəka ŋgbəŋkələ ender pədifət abəc akakə, pələk abəc aləma, pəsəŋ ŋa yəbəc ya ŋgbəŋkələ yən.

¹⁰ Nənakaraŋ fε Yecicəs Yosoku yayε ba?: «Togbu mpe acəmbər kələ ŋanace mə, pənader pəyənε oŋ togbu pətət, pa dacə.

¹¹ DəMariki tεyefe, tes tə nte tenciyanε su dəfər mə.»»

¹² Kə akiriŋ aSuyif ŋafaŋ kəsumpər Yesu, mba kə ŋanese kənay ka afum. Nənacəre a tetəŋan tə Yesu εnalokεne totubcəne tatəkə. Kə ŋasak Yesu, kə ŋaŋkə.

Akiriŋ aSuyif ŋafaŋ kəcəpe Yesu towul

¹³ Kə akiriŋ aSuyif ŋasom nnə Yesu eyi mə aFarisi kə afum a Herodu aləma, nte təŋsəŋε ŋacəpe Yesu towul, ŋasumpər kə dəmoloku mə.

¹⁴ Kə akakə ŋander ŋaloku kə: «Wətəkse, səncəre a məlomp, məfənesε kələsər tewe, məfəkiti fum tənəŋk tən, dəpə da Kanu yati də məntəkse afum dəkance. Awa, sariye səwose su kəsəŋ Sesar* wəbe wəka təf ya Rom dut ba, ka ta səsəŋ kə di?»

¹⁵ Nte Yesu εnacəre ŋa kəyənε abanεne kələmp mə, k'olukse ŋa: «Ta ake tə nəŋwakəs em-ε? Nəkər'em gbələŋ bin ba pəsam, ider iməmən.»

¹⁶ Kə ŋaŋkεre kə gbələŋ bin. K'eyif ŋa: «Alulu ŋa ana ŋə ŋaŋε kə yecicəs yayε-ε?» Kə afum aŋε ŋaloku: «Ya Sesar wəbe wəka Rom yə.»

¹⁷ Kə Yesu oloku ŋa: «Awa, nəsəŋ Sesar pəkə pəyənε pən mə, kə Kanu sə pəkə pəyənε pən mə.» Kə cusu cəwos ŋa pəpəŋ tetən.

Teyif ta kəfətε afi dacə

¹⁸ K'aSadisi† aŋε ŋaloku a fum əfəyefe defi mə, ŋander ŋayif Yesu:

¹⁹ «Wətəkse, nte tə Musa εnacice su: «Kə fum efi ta əyo wan, mba pəsak wəran-ε, pəmar wənc ka wəfi pələk wəcəbokəra wəkakə pənεnce, pəsəŋ wənc wəfi yuruya.»

12:11 Yabura 118.22-23 * **12:14** Sesar tewe tə, nte anasəŋ nwe o nwe ətəmpər dəbe da təf ya Rom mə. † **12:18** ASadisi = kəgba ka afum aSuyif aŋε ŋancəm-cəmne a kəyefe defi kəyi fε, məlekε meyi fε, yəŋk kə arkifin yeyi fε mə. Məməmən sə Asom 23.8

²⁰ Awənc aña camət-mērəñ ñanayi. Kə wəcəkə-cəkə enence, k'efi əsak fə yuruya.

²¹ Kə wəka mērəñ enence, nkən sə k'efi əsak fə yuruya. Itə pənayi wənc wəka maas,

²² ali wəkin awənc aña akanə camət-mērəñ ənasak fə yuruya. Ntə ñalip kəfis-fis mə, kə wəran sə efi.

²³ Ti disrə, kə dəsək dəyefə da afi dendeber, an'endeyə wəran-ə? Bawo afum akanə camət-mērəñ ñananence kə!»

²⁴ Kə Yesu oloku ña: «Nənəñk it'əsəñe nte nənciyane mə. Nəncərə fə Yecicəs Yosoku, nəncərə fə sə fənəntər fa Kanu.

²⁵ K'afi ñandefətə afi dacə-ə, ñafəde ñacnencene, ñandeyi pəmə mələkə mme meyi Kanu kəsək mə.

²⁶ Kəcloku a fum endefətə afi dacə, nəñkarañ fə buk ba Musa ba? Ntə Kanu kənaloku Musa nde dərəntəm mə: «In'əyənə Kanu ka Abraham, Kanu ka Siyaka, Kanu ka Yakuba!»

²⁷ Bafə Kanu ka afi k'əyənə, mba ka ayi wəyən. Nəna nəsolnə fə kance!»

Tosom təkə telele tetas mosom fəp mə

²⁸ Kə wətəkse sariyə s'aSuyif wələma, nwe enane ña sim ñacgbəkələne mə, ənəñk a Yesu olok-lokər ña belbel, k'ender pəcyif Yesu: «Tosom tere təkək dəkəcəmə mosom fəp dacə-ə?»

²⁹ Kə Yesu oloku kə: «Tosom tayi təyənə: «Məcəñkəl Yisrayel! Mariki, Kanu kosu sona gboñ s'əyənə Mariki.

³⁰ Məbətərə Mariki Kanu kam abəkək ñam fəp, afəkəl ñam fəp, məcemcemne mam kə səkət sam fəp.»

³¹ Təcənc ta ti təyənə: «Məbətər wənc əm pəmə təkə məmbətərne mə.» Tosom tələma teyi fə nte təkək tetas mame mērəñ mə.»

³² Kə wətəkse sariyə nwe oloku kə: «Tentesə, Wətəkse, məloku ti kance disrə: A Mariki sona sən gboñ s'əyənə Kanu, a wələma eyi fə kə pəntəyənə nkən-ə,

³³ məbətər kə abəkək ñam fəp, kə dosoku domp dam fəp, kə səkət sam fəp, məbətər wənc əm pəmə təkə məmbətərne mə. Mosom maməkə məyə dəkəcəmə metas yəcəl nyə ancəfə Mariki mə kə yoloñne yələma fəp.»

³⁴ Ntə Yesu ənəñk a wətəkse sariyə wəkawə oloku təkə pəmar mə, kə Yesu oloku kə: «Məmbələ fə kəberə akip ña dəbe da Kanu dəntəf.» Ali fum ənabəkne fə sə kəyifət kə toloku tələma.

Krist kə Dawuda

³⁵ Yesu pəctəkse nde kələ kəpəñ ka Kanu: «Cəke cə atəkse sariyə s'aSuyif ñantam kələku a Krist‡ wan ka Dawuda gbəcərəm əfə-ə?»

³⁶ Amera Nəcempi ñenasəñe nkən Dawuda yati kələku nte: «Mariki Kanu oloku Mariki mem: «Məder mənd'em nnə kəca kem kətət hañ iclip kəboc aterene am wəcək wam dəntəf.»»

³⁷ Nkən Dawuda yati ewe wəsom wəka Kanu «Mariki», cəke cə Mariki entam kəyənə wan ka Dawuda-ə?» Kənay ka afum alarəm kəncəñkəl Yesu pəbotu disrə.

Yesu oloku kənay ka afum kəkembərne ka atəkse sariyə

³⁸ Yesu oncloku kənay ka afum dəmetəkse mən: «Nəkembərne atəkse sariyə s'aSuyif, ñambətər kəcacəne suma səpəñ, pacyif ña kəyif kələl mofə mme ambəpsəne mə,

³⁹ pacsəñ ña səcəm səkirin sa dəkətəla Kanu da aSuyif, pacsəñ ña dəkəndə d'abə mofə medi yeri dəcəsata.

⁴⁰ Nəcəñsər acəbokəra daka danan, ñacbəlsə sali nte təñsəñe pagbəkərə ña mə. An-dəkəkiti ña kiti kəyənki.»

Кəpocə ka wəcəbokəra wətəyə daka

12:26 Kəwur 3.6 **12:30** Sariyə 6.4-5 **12:31** ALewy 19.18 ‡ **12:35** Krist = Wəbe nwe Kanu kəyək-yək mə, Wəyək-yək ka Kanu **12:36** Yabura 110.1

⁴¹ Dəndo kələ kəpəŋ ka Kanu, Yesu pənde pətəfərnə kanjərə, pəgbətne nte kənay ka afum kəmbər ki pəsam mə. Aka daka alarəm njanber ki pəsam pəlarəm.

⁴² Kə wəcəbokərə wətəyə daka wələma ender pəboc fəreŋk mərəŋ nfe fənapice dəkəcəme mə.

⁴³ Kə Yesu ewe acəpse ən darəŋ k'oloku ŋa: «Kance icloku nu: Wəcəbokərə wətəyə daka wəkawə ompoce pətəs akə fəp aŋe namboc pəsam kanjərə disre mə.

⁴⁴ Bawo, pecerne paŋan pə akə fəp namboc, mba nkən, kətəyə kən daka disre omboc pəkə əyə gbəcərəm pedi mə.»

13

Yesu oloku a andeəsər kələ kəpəŋ ka Kanu

¹ Nte Yesu owur kələ kəpəŋ ka Kanu disre mə, kə wəcəpse kən darəŋ wəkin oloku kə: «Wətəksə, məməmən masar məpat mətət, məməmən wələ wəpəŋ wa kələ kəpəŋ ka Kanu!»

² Kə Yesu oloku kə: «Məŋnəŋk wələ wəpəŋ wawə! Tasar pəfədedeŋse tasar kəroŋ nnə, mpe antədewuŋ mə.»

Pələc kə kətərəs

³ Nte Yesu ende nde tərə ta Tək ya Olif pətəfərnə kələ kəpəŋ ka Kanu mə, Piyer, Sak, Isan kə Andəre ŋayefe kəyifət kə njabəkərə:

⁴ «Mələku su ake tem tə tatəkə tendeyi-ε? Təgbəkərə tere tendementər kələre ka mes mamə məloku mə fəp-ε?»

⁵ Kə Yesu eyefe kələku ŋa: «Nəkembərne ta fum o fum pəsəŋe nu kəsələ!

⁶ Afum alarəm nandeder nəcbanəne kəbəcə tewe tem, nəcloku nu: «In'əfə, wəsom wəka Kanu!» Nəndetalər kənay ka afum alarəm.

⁷ Kə nəndene pəcloku teta kəwan kə pəyənə fe ti, pəcfor teta ki-ε, ta nənese! Məne mes maməkə meyi, mba təfədeyənə kərəsna kəlip ka doru de.

⁸ Bawo afum a atəf nələma nandeyefərəne kə afum a atəf nəcuru, dəbe deyefərəne kə dəbe. Antəf kəyikcə kə dor yendeyi mofo mələarəm. Maməkə fəp mendeyi pəmə kəcop ka pucuy pa dokombəra.

⁹ Nəkembərne nənasərka nte tentam kəbəp nu mə. Andekəkərə nu dəŋkiti d'aSuyif, andesut nu dəkətəla Kanu da aSuyif dəlarəm. Nəndeloku təkə nəncərə tetem mə akirin a sədare səpəŋ kə abe a təf ələma fər kirin.

¹⁰ Məne pədəŋkər kərəsna Kibaru Kətət afum a təf ya doru fəp.

¹¹ K'andekəkərə nu kəkəber ŋa dəwaca-ε, ta nənese təkə nəŋkələku mə, mba nəloku təkə aŋkəsəŋ nu gbəncana babəkə mə, bawo bafə nən'endekələk-loku, mba Amera Nəcempi ŋa Kanu.

¹² Wənc wəndekəsəŋ wənc pədif. Tatəkə tə kas kəndekəsəyə wan kən. Awut nandekəcəme akombəra aŋan dəbəkəc, nəsəŋ ŋa pədif.

¹³ Fəp fəndeter nu teta tewe tem, mba nwe endebəkne ti haŋ mes maməkə melip mə, Kanu kəndeyac kə.»

Pəyikyik pələsər pəpəŋ mpe Mariki enter mə

¹⁴ «Kə nəndənəŋk pəyikyik pələsər pəpəŋ mpe Mariki enter mə, pənde nnə pəntəmar pi kəyi mə, a afum akə nandeyi Yude mə pəmar nəcəkse nəcə mərə kəroŋ. Pəmar wəkaraŋ ka buk bambə pəcərə tantə!

¹⁵ Nwe ŋyi dabanjka mə, ta pəberə kələ kən disre kəkələk paka.

¹⁶ Nwe ŋyi dale mə, ta pəlucus nde ndərən kəkələk duma dən.

¹⁷ Pucuy pere pə tendeyənə abəkəs, kə aŋe nandə nəcmesər dəsək dadəkə mə!

¹⁸ Nətəla Kanu ta pucuy pəpəkə peder dəreŋ.

¹⁹ Bawo mataka mamáko mányóné mataka ma kátarás, nké kántoyó káwuréne káyefe nte Kanu kálompás doru má han ndékál, fum o fum afósótórás pámó tátáko.

²⁰ Mba Mariki Kanu pánatábelár mataka mamáko-é, k'ali fum áfódekáfis. Mba énelélar mataka mamáko teta ané ényáek-yék má.

²¹ Kó fum wálóma olóku nu: «Mámámán: Krist eyi nná,» «Mámámán: Eyi nde,» ta nálan wákayi.

²² Bawo abanéné káyóné Krist kó sayíbe sa yem ndandewur doru. Nade njacyó mégbekáre kó mes méwéy-wéy nte tónsóné, kó tóyóné njactam-é, njatalár akó Kanu kánáyek-yék má.

²³ Nákembárne belbel, ilóku nu mes máme ta méntabáp-é!»

Káder ka Wan ka Wárkun

²⁴ «Mba mataka mamáko, kó pucuy papáko pencepár-é, pándeyó gbáráp, njof njófódesómar,

²⁵ cós cándetempné káyefe dákom, fánántár fa kóm fándeyikcé.

²⁶ Awa, andenánjk Wan ka Wárkun pácder dákap kó fánántár fálarám kó náró da debeki dán.

²⁷ Endesom méleke an dámámpámpá ma doru fáp kálonka ka ané ényáek-yék má dámonjkubut mánkále ma dákom kó antóf.»

Kátáksé nké káták ka fik kásóné má

²⁸ «Nátákás totubcéne nte káták ka fik kámentár má: Kó wara wa ki wécanjk wéléjk-é, nácére a kátán kálotárne.

²⁹ Nána só, kó nándenánjk mes mamáko mécder-é, nácére a Wan ka Wárkun álotárne yati.

³⁰ Kance iclóku nu: Détemp dandé dáfócepár ta mes máme fáp meyi-é.

³¹ Kóm kó antóf yendesále, mba molóku mem máfódesále.»

Fum o fum áfócaré tém nte Mariki endeder má

³² «Nte tóyóné ta dások, kó páyóné fé ti, ta tém nte doru dendelip má, fum o fum éncaré fé ti, ali méleke mmé meyi dákom má fáp, ali wan, méne Papa sona gboné écaré ti.

³³ Nákembárne, ta nádónás, bawo náncaré fé tém nte tendeyi má.

³⁴ Pándeyi pámó nte wárkun endekó maránt, pásak kálo kón, pásóné acar an nwe o nwe yébac yón, pásom wábum kákembárne kumba.

³⁵ Nána só nákémbárne, bawo náncaré fé tém nte wáka kálo endeder má: Téntam káyóné dáfana, cékékana, dásokana kó páyóné fé ti-é bátbátana.

³⁶ Ta páder pábáp nu nácdire.

³⁷ Tánté injlóku nu má, injlóku ti fáp, nákémbárne!»

14

Abé njaseké Yesu téjkándám

¹ Cásata ca Kácepár ka Méleke medif kó ka Cácom cátónánkál lebin pámar cáyí kó mata méróné mencepár-é. Alóné apón kó atáksé sariyé s'aSuyif njánten kásumpár Yesu cápánpán dísré, njadif kó.

² Bawo njáncloku a ta pásumpár kó dások da kásata, ta tedesóné páyamayama pedeyi afum daco.

Wáran osop Yesu labundé dáromp

³ Nte Yesu ényai Betani má, ndena Simón wácuné sen, kó wáran wálóma émbére tétóné njácdi yeri. Wáran nwe pátámpár tákábó pa alabatár* pélaré labundé da nar tép, labundé deyenki káway. K'osuncu tákábó mpé, k'olonósár labundé ndé fáp Yesu dáromp.

⁴ Kó pántéle afum álóma, kó njáyifné: «Ta áké tó élésáre-lésáre labundé dandé-é?»

^{13:25} Esayi 13.10; 34.4 * ^{14:3} Tákábó pa alabatár = Tákábó mpé anclompse tasar péfer pépat. Anwe tasar pótót mpé «alabatár».

⁵ Anatam di kəcəməs haŋ pəsam gbəleŋ masar maas, pasəŋ pi atəyɔ daka.» Kə pənteleŋ ɲa nnə wəran nwe eyi mə.

⁶ Mba kə Yesu oloku: «Nəce kə! Ta ake tə nəcəmənε kə darəŋ-ε? Təyɔ tətət t'əyɔ nnə ina iyi mə.

⁷ Atəyɔ daka, ɲayi nu daco tɛm fəp, nəntam kəyənε ɲa pətət tɛm nte o nte nəŋfan mə. Mba ina, nəfədey'em tɛm fəp.

⁸ Ɔyɔ təkə entam mə. Onuŋkənε kəsop im labundε kəlompəs ka kəbel kem a pacwup ki.

⁹ Kance icloku nu: Nnə o nnə andedəŋk Kibaru Kətət doru dandε kərkər mə, aŋloku sə təyɔ tətət ta wəran wəkawε kəcəm-cəməs ka doru.»

Yudas efaŋ kəsəŋ Yesu abε a aloŋne

¹⁰ Yudas wəka dare da Keriyot, nwe enayi acεpse a Yesu darəŋ aŋε wəco kə mərəŋ daco mə, əŋkə pəbəp abε a aloŋne, nte təŋsəŋε pəber Yesu ɲa dəwaca mə.

¹¹ Nte aloŋne ɲancəŋkəl moloku mən mə, kə pəmbət ɲa, kə ɲaloku kəsəŋ kə pəsam. Yudas pəcten təyɔ nte endekəber Yesu ɲa dəwaca mə.

Yesu eyi kədi yeri ya Pak kə acεpse ən darəŋ

¹² Dəsək dəcəkə-cəkə da kəsata ka Cəcom cətənəŋkəl lebin, dəsək ndε ancləŋne ɲkesiya ya Kəcepər ka Mələkε medif mə, kə acεpse a Yesu darəŋ ɲayif kə: «Deke məfan səkəlomps'am yeri ya kəsata ka Kəcepər ka Mələkε medif-ε?»

¹³ Kə Yesu osom acεpse ən darəŋ mərəŋ, k'oloku ɲa: «Nəkə dare, nəŋkənəŋk wərkun pəsare apampε ɲa domun pəder, kədefayne nu. Nəcəmε kə darəŋ,

¹⁴ ndε əŋkəberε mə, nəloku wəka kəb: «Wətaksε oloku: Deke dəkəb dəyi ndε indedi yeri ya kəsata ka Kəcepər ka Mələkε medif kə acεpse em darəŋ-ε?»

¹⁵ Endəkəmentər nu dəkəb dəpəŋ kəb darenc, palompəs di belbel ca fəp yeyi di. Dəndo nəŋkəlompse su yeri ya kəsata kaŋkə.»

¹⁶ Kə acεpse ən darəŋ ɲaŋkə, kə ɲambere dare, kə ɲambəp ca fəp pəmə təkə enaloku ɲa ti mə. Kə ɲalompəs yeri ya kəsata kaŋkə.

¹⁷ Kə dəfəy dəmbəp, k'ender kə acεpse ən wəco kə mərəŋ.

¹⁸ Tɛm nte ɲanandε dəmesa ɲacdi yeri mə, kə Yesu oloku: «Kance icloku nu: Wəkin nu daco, nwe eyi kədi yeri kə ina mə, endeber im aterεnε em dəwaca.»

¹⁹ Kəmənɔnε disre kə ɲayεfε kəyifət kə: «In'əfə ba?»

²⁰ Kə Yesu oloku ɲa: «Wəkin nəna akanε wəco kə mərəŋ daco, nwe səmber waca dap din disre kədi yeri mə.

²¹ Wan ka Wərkun endefi, pəmə təkə ancic ti mə. Mba pələc pere peyi wərkun wəkawε endeber Wan ka Wərkun aterεnε ən dəwaca mə! Kənatəkom ka wərkun wəkawε kənatam kətesε kə!»

Mariki kəpaŋne kən yeri, kəpus kə acεpse ən

²² Nte ɲancdi yeri mə, kə Yesu εlek kəcom, k'eyif Kanu barka, k'entepi ki k'əsəŋəs ɲa pəcloku: «Nəbaŋ, dis dem də.»

²³ K'εlek sə təmbəl ta wən, nte elip kəyif Kanu barka mə, k'əsəŋəs ɲa kə ɲamun fəp faŋan.

²⁴ K'oloku ɲa: «Mecir mem mə, mmε aloŋ teta kəcaŋəs danapa da Kanu kə kənay ka afum mə.

²⁵ Kance icloku nu: Ifəsəmun wən haŋ dəsək ndε indegbəkəre sə kəmun wi, ndε dəbe da Kanu mə.»

²⁶ Nte ɲalip kələŋəs melenəŋ mokor-kore Kanu mə, kə ɲawurnε ntende kəca ka tərɔ ta Tək ya Olif.

Yesu oloku a Piyεr endece kəcəre kən

²⁷ Kə Yesu oloku ɲa: «Nəna akanε fəp nəndelukus im darəŋ, bawo Yecicəs Yosoku yoloku: «Indesut wəkək, ɲkesiya yəsamsər.»

28 Mba k'indefəte afi dacə-ε, indekəkar nu Kalile.»

29 Kə Piyer oloku kə: «Ali fəp fəlukus əm darəη, ina ifəlukus əm darəη.»

30 Kə Yesu oloku kə: «Kance iclok'am: Pibi pampε yati, məndegbəkəl kəmaas a mənçərə f'em a kicipi kəccam taməη.»

31 Mba Piyer pəçgbəkəl ti pəpəη: «Ali səcfi kə mənə, ifəgbəkəl a incər'am.» Acəpsε a Yesu darəη akə fəp toloku tin tayi tə ηancloku.

Yesu εsali Ketseməne

32 Kə ηambəp kəfo nkε anjwe Ketseməne mə, k'oloku acəpsε ən darəη: «Nəndε nnə tēm nte inəkətola Kanu mə.»

33 K'elək Piyer, Sak kə Isan. Kə kənεε kəpəη kəncop kəsumpər Yesu kə abəkəç ηelεçε-lεçε kə.

34 K'oloku ηa: «Abəkəç ηənənkanε kədenc'em pəmə ifi. Nəyi nnə, ta nədirε!»

35 Nte Yesu əmbələne ηa pəpic mə, k'embəlkər kəcəp tobu dəntəf, k'ontola nte tənşəηε, kə tentam kəyi-ε, tēm tocuca tatəkə təbələ kə.

36 Pəcloku: «Aba, Papa, mən'etam mes fəp, məbələn'em təmbəl pa kətərəs pampε. Ti disrε, bafə təkə ifan mə de, mba nte mənə məfan mə.»

37 Kə Yesu ender pəbəp acəpsε ən darəη ηacdirε. K'eyif Piyer: «Siməη, kədirε kə məndε ba? Məntam fε kətədirε ali dec din?»

38 Ta nədirε, nətola Kanu nte tənşəηε ta nəmbərə kəwakəs disrε mə. Pəmbas mera yonu kəyə pətət, mba nəyə fε səkət kəyə ti.»

39 Kə Yesu əmbələ sə, pəçgbəkərə totola Kanu tin tatəkə.

40 Kə Yesu olukus, k'ender pəbəp acəpsε ən darəη ηacdəηəs, nte fər yenaləl ηa mə, ηanacərə fε toloku nte ηanlukε kə mə.

41 Kə Yesu əηgbəkərə sə kəder tamaas k'əηgbəη-ğbəηər ηa: «Nəndirε sə, kəηesəm kə nəndε! Telip! Nəcənkəl: Tēm tēmbəp, ambər Wan ka Wərkun aciya dəwaca.

42 Nəyεfε, pəηkən, nwe eyi kəber im afum dəwaca mə, ələtərne.»

Asədar ηasumpər Yesu

43 Yesu pəsərəlok-loku, kə Yudas nwe εnayi acəpsε a Yesu anε wəçə kə mērəη dacə mə, ender pəsələ kənay ka afum anε ηanatəmpər-təmpər sakma, kə tək yosutnεne mə. Aləηne apəη, atəkε sariyε s'aSuyif kə abeki ηanasom ηa.

44 Yudas nwe εncber Yesu aterεne ən dəwaca mə, εnasəη asədar tēmənçε nte: «Nwe inəkəcup mə, nkən əfə wəkakə. Nəsumpər kə, nəkekərə, nəgbəkərə kə belbel.»

45 Gbəncana babəkə kə Yudas ender, k'ələtərne Yesu, k'ewe kə: «Wətəkε,» k'oncup kə.

46 Kə afum akakə ηantəpsər Yesu waca, kə ηasumpər kə.

47 Wəkin acəpsε ən darəη dacə owurε dakma dən, k'εncəp wəcar ka wələηne wəpəη aləηəs, k'əηgbinti ηi.

48 Kə Yesu oloku ηa: «Nəwur kədəsumpər im, nətəmpər-təmpər sakma kə tək yosutnεne pəmə nte inyənε kalbante mə.

49 Dəsək o dəsək incyi nu dacə ictəkε nde kələ kəpəη ka Kanu, ta nənder nəsumpər im-ε. Mba tatəkə tenyi nte tənşəηε Yecicəs Yosoku yelare mə.»

50 Kə asol ən fəp ηasak Yesu, kə ηayəkε.

51 Wətəmp wələma εnacəmə Yesu darəη, pəğbalərne kələto gbəcərəm. Kə ηasumpər kə,

52 mba wəkakə εnasalpər ηa, k'εsakərəne ηa kələto kəηkə εnəğbalərne mə, k'eyəkε pəwur fos.

Yesu fər ya aboc kiti apəη

53 Kə ηankekərə Yesu ndena wələηne wəpəη. Abε a aləηne fəp, abeki kə atəkε sariyε s'aSuyif ηambəpsεne.

54 Piyer εncəmə ηa darəη, pəcəmən ti pəbələ, haη nde kələ kəpəη ka wələηne wəpəη, nde abanka disrε. Pəndε kə abum, pəcsayε nεnc kəsək.

⁵⁵ Alonɛ apɔɔn k'aboc kiti aSuyif fɔp ɔancten sede nse sɔnakɔbanɛ ɔa moloku mɔkɔ ɔnakɔdenɛ Yesu, nte tɔɔsɔnɛ padif kɔ mɔ, mba ɔanasɔtɔ fɛ.

⁵⁶ Afum alarɛm ɔnɔncɔncɛ kɔ yem, mba yem yayɔkɔ yoncsurɛnɛ fɛ.

⁵⁷ Alɔma ɔaccop kɔbɔncɛ kɔ yem nyɛ:

⁵⁸ «Sɔne kɔ pɔcloku: ‹Indelɔsɔr kɔlɔ kɔpɔɔn ka Kanu kanɛ waca wa fum wolompɔs mɔ, mata maas disrɛ icɔmbɔr kɔlɔma nkɛ waca wa fum wɔntɔdelompɔs mɔ.›»

⁵⁹ Ali yem yayɔkɔ yenasurɛnɛ fɛ kɔyɔnɛ ka sede.

⁶⁰ Kɔ wɔlonɛ wɔpɔɔn ɛyɛfɛ afum dacɔ, k'eyif Yesu: «Mɔfɔlukɛ su tɔlɔm o tɔlɔm ba? Cɔke cɔ mɔɔlɔku teta moloku ma sede mmɛ akanɛ ɔambɔnc am mɔ?»

⁶¹ Mba kɔ Yesu ɛncanɛ, olukɛ fɛ toloku nte o nte. Kɔ wɔlonɛ wɔpɔɔn eyif kɔ sɔ: «Mɔn'ɔyɔnɛ Krist, Wan ka Kanu nkɛ anɛkor-koru mɔ ba?»

⁶² Kɔ Yesu oloku: «In'ɔfɔ. Nɔndenɔnɛ Wan ka Wɔrkun pɔndɛ kɔca kɔtɔt ka Kanu nkɛ kɔntam mes fɔp mɔ, pɔcder nɔrɔ da debeki dɔn disrɛ dɔkɔp ka dɔKɔm.»

⁶³ Kɔ wɔlonɛ wɔpɔɔn ɛwali-wali yamos yɔn k'eyif: «Sede sɔre sɔ pɔmar payif-ɛ?»

⁶⁴ Nɔne tɔkɔ ɔlɔmɔs Kanu mɔ. Cɔke cɔ nɔncɛm-cɛmnɛ-ɛ?» Kɔ fɔp fɔloku a pɔmar padif kɔ.

⁶⁵ Kɔ afum alɔma ɔayɛfɛ kɔyukɔsɔr Yesu lin, ɔackump kɔ kɔro, ɔacsut kɔ ɔkulma, ɔacloku: «Awa Sayibe, mɔloku su an'osut ɔm-ɛ?» Kɔ abum ɔambanɛ Yesu kɔ ɔaferɔs kɔ waca dɔkanca.

Piyɛr ɛnce kacɔrɛ Yesu

⁶⁶ Tɛm nte Piyɛr ɛnayi tantɔf nde sanɛka disrɛ mɔ, kɔ wɔcar wɔyɛcɔra wɔkin wɔka wɔlonɛ wɔpɔɔn ender.

⁶⁷ Nte ɛnɔnɛ Piyɛr pɔcsayɛ mɔ, k'ɛnɛbɔtɛnɛ kɔ, k'oloku kɔ: «Mɔna sɔ Yesu wɔka Nasaret nɔnayi.»

⁶⁸ Kɔ Piyɛr ɛnɛbɛkɔl ti pɔcloku: «Incɔrɛ fɛ, incɔrɛ fɛ nte mɔna mɔfanɛ kɔloku mɔ!» K'owur kɔkɔndɛ sanɛka tadarɔn, nde dɔkɔbɛrɛ. Kɔ kicipi kɔncam.†

⁶⁹ Kɔ wɔcar wɔran nwe ɛnɔnɛ kɔ, k'ɔnɛbɔkɔrɛ sɔ ti kɔloku akɔ ɔnayi di mɔ: «Wɔlɔma ɔfɔ wɔkawɛ sɔ.»

⁷⁰ Mba kɔ Piyɛr ɛnɛbɛkɔl sɔ. Pɔwɔn fɛ, anɛ ɔnayi di mɔ, ɔaloku sɔ Piyɛr: «Sɔlanɛ ti, afum akanɛ wɔkin mɔyɔnɛ, bawo mɔna sɔ wɔka Kalile mɔyɔnɛ.»

⁷¹ Kɔ Piyɛr ɛyɛfɛ kɔderɔm: «Kanu kɔtɔrɔs im kɔ pɔyɔnɛ a kɔyɛmɛ k'indɛ-ɛ! Indɛrɔm a incɔrɛ fɛ fum wɔkawɛ nɔnɛle mɔ!»

⁷² Gbɔncana babɔkɔ kɔ kicipi kɔncam sɔ tamerɔn. Kɔ Piyɛr ɛncɛm-cɛmnɛ toloku tɔkɔ Yesu ɛnaloku kɔ mɔ: «Mɔndɛgbɛkɔl kɔmaas a mɔncɔrɛ f'em a kicipi kɔccam tamerɔn.» Kɔ Piyɛr ɛyɛfɛ kɔbɔk.

15

Yesu fɔr ya Pilat kirinɛ

¹ Nte bɔtbɔt bɛmbɔp mɔ, alonɛ apɔɔn kɔ abeki, atɔkɛ sariyɛ kɔ aboc kiti aSuyif fɔp, ɔalonɛkanɛ kɔkɔtɔnɛ nte andɛyɔ Yesu mɔ. Nte ɔalip kɔkɔt kɔ mɔ, kɔ ɔamber kɔ Pilat dɔwaca.

² Kɔ Pilat eyif kɔ: «Mɔn'ɔyɔnɛ wɔbɛ ka aSuyif ba?» Kɔ Yesu olukɛ kɔ: «Mɔn'oloku ti.»

³ Alonɛ apɔɔn ɔnatɔmpɔrɛ kɔ meyɛmsɛnɛ mɛlarɔm.

⁴ Kɔ Pilat eyif kɔ sɔ: «Mɔfɔloku nte o nte? Mɔne mame ɔambɔnc am mɔ fɔp!»

⁵ Mba Yesu ɛnalukɛ fɛ kɔ sɔ toloku nte o nte, ti tɛnawɔsɔs Pilat kusu pɔpɔn.

Anɛkiti Yesu kɔfi

⁶ Awa kɔren o kɔren kɔsata ka Kɔcɛpɔr ka Mɛlɛkɛ Medif, Pilat ɛncsake afum yɛnɔn wɔyi dɔbili wɔkin nwe ɔanɛfan mɔ.

⁷ Tɛm tatɔkɔ fum wɔlɔma ɛnayi dɔbili pɔcwe kɔ Barabas nwe anabɛr dɔbili teta kɔdif fum, nte ɔnayɛfɛ kɔyɛnɛkɔr abɛ a dɔtɔf sɔbomp mɔ.

† 14:68 Yɔgbɔkɔrɛ ya yɛcicɔs yokur yɔlɔma yɔyɔ fɛ: «Kɔ kicipi kɔncam.»

⁸ Kə kənay ka afum kəmpə, kə nəyefə kəyifət a payəne nə təkə ambət kəyənə nə mə.

⁹ Kə Pilat eyif nə: «Isakəre nu wəbe wəka aSuyif ba?»

¹⁰ Bawo Pilat enacəre a kəraca ka alohne apəh kənasəne nə kələk Yesu nəber kə dəwaca.

¹¹ Mba kə alohne apəh nəgbinəh kənay ka afum, nte təhəne pasake nə yeəhən Barabas mə.

¹² Kə Pilat əngbəkəre sə: «Cəke cə nəfan a iyə nwe nəhwe wəbe ka aSuyif mə-ε?»

¹³ Kə nəyefə kəkule-kule: «Məcah kə dətək yepəmpəl!»

¹⁴ Kə Pilat eyif nə: «Pələc pere p'əyə-ε?» Mba kə afum nənanəkanə kəkule-kule pəpəh: «Məcah kə dətək yepəmpəl!»

¹⁵ Kə Pilat enəcəm-cəmnə kəyə təfan ta kənay ka afum: K'əsakə nə yeəhən Barabas. Nte elip kəsom pasute Yesu tərəkən mə, k'ember kə afum dəwaca a pacəh kə dətək yepəmpəl.

Asədar nəfani Yesu

¹⁶ Kə asədar nəhəkəre Yesu nde abəhəka nə kələ kəpəh ka Pilat, kə nəwe dəngbəkə dadəkə fəp.

¹⁷ K'asədar nəber Yesu duma d'abə deyim, kə nəndəhəh kə dəromp əngbəkələ nə bəkə yodu.

¹⁸ Kə nəyefə kəfani kə nəcyif: «Nəyif əm, wəbe ka aSuyif.»

¹⁹ Kə nəsutə Yesu domp kəgbo, kə nəyəkəh kə lin, nənut suwu teta kəfani kə.

²⁰ Nte nəlip kəfani kə mə, kə nəwure kə duma d'abə deyim kə nəber kə yamos yən. Kə nəhəkəre kə kəkəcah kə dətək yepəmpəl.

Ancəh Yesu dətək yepəmpəl

²¹ Kə asədar nəwe fum wələma nwe enayefə dale mə, pacwe wəkəyi Siməh wəka dare da Sireh, papa ka Aleksandəh kə Rifis, kəkəgəhəne tək yepəmpəl nyə anakə kəcah Yesu mə.

²² Kə nəhəkəre Yesu kəfo nke əhwe Kolkota mə, itə tatəkə «Kəfo ka Kəmbəmbələ».

²³ Kə asədar nəfan kəsəh Yesu wən wənəkəl acəl nəhə əhwe «mir» mə, mba Yesu enawose fə wi kəmun.

²⁴ Kə asədar nəncəh Yesu dətək yepəmpəl, kə nəyerəne yamos yən, nəkote ti yəmpunpən nyə nwe o nwe əhəkəre nde ndəhən mə.

²⁵ Walaha wənəyi nte nəncəh Yesu dətək yepəmpəl mə.

²⁶ Tecicəs nte tə nənacic kəmentəh ka tes nte tənəsəne k'andif kə mə: «Wəbe ka aSuyif.»

²⁷ Kə nəncəh Yesu dətək yepəmpəl kə calbante mərəh, wəkən pəyi kə kəca kətət, wəkə pəyi kə kəca kəmeriya.

²⁸ [*]

²⁹ Acepəh nəcləməs Mariki Yesu, nəcfək kə domp. Nəcloku: «Məna nwe mənəkəli kələ kəpəh ka Kanu, məcəmbəh sə ki mata maas disre mə,

³⁰ məyəcne mənasərka, mətor dətək yepəmpəl yayə!»

³¹ Alohne apəh kə atəkse sariyə s'aSuyif, nə sə nəncəfani Yesu nəcloku: «Enayac aləma, mba əfətəm kəyəcne nkənsərka!»

³² Krist, wəbe ka Yisrayel pətor əh mə dətək yepəmpəl, nte təhəne sənək sələh sə ti mə!» Afum akə anacəh kə Yesu mə, nəncləməs kə sə.

Defi da Yesu

³³ Pəndeyi dəh, dec dosurəne afum dəsəbomp, kə kubump kəntor dətəf fəp, tənabələ kətənc həh salifana.

³⁴ Salifana səndəbəp, kə Yesu əhkule-kule: «Eloyi, Eloyi, lema sabaktani?» Itə tatəkə: «Kanu kem, Kanu kem, ta ake tə məsak'em-ε?»

³⁵ Afum aləma akə nənəyi di mə nənəne kə dim. Nəncloku kəfətə disre: «Məkəhəkəl, Aənəbi Eli eyi kəwe tatəkə.»

* **15:28** Yecicəs yokur yəkəkə-cəkə yələma yəyə fə moloku mame: «Tatəkə tə tecicəs tənəmentərne, nte tənəloku: «K'ancəmbəh kə calbante dacə.» (Məməməh sə Luk 22.37 kə Esayi 53.12.) **15:34** Yabura 22.1

³⁶ Kə fum wələma eyekse, k'ənkə pəpuk yangba dəməncəncə, k'ənepsər yi dəkəmotə, k'əsəŋ Yesu a pəmun, pəcloku: «Nəkar ma, paməmən belbel kə təyənə a Eli endeder kədetorə kə-ε.»

³⁷ Mba kə Yesu owurə dim dəpəŋ, k'əŋgbin kifir.

³⁸ Kə kəloto kələl nke kəŋkəŋk təkə ta kələ kəpəŋ ka Kanu mə kəŋgbere daco, kəyefe takəron hən tantəf.

³⁹ Nte anəŋk Yesu kəgbin kən kifir mə, kə wəbe k'asədar wəRom nwe enayi di pətəfərne kə mə, oloku: «Fum wəkawε, Wan ka Kanu yati enayi.»

⁴⁰ Aran sə ŋanacəme pəbələ ŋacməmə. Aran akanε daco: Mari wəka Makdala, Mari iya wəka Sak wəfet kə Yoses, kə wəran wələma nwe ancwe Salome mə.

⁴¹ Aran akakə ŋanacəme Yesu darəŋ, ŋacbəce kə nte enayi Kalile mə, kə aran alarəm aləma aŋe ŋanape kə nkən Yesu Yerusalem mə.

Ambər Yesu dəkufu

⁴² Dəfəy dəmbəp, mba nte pənayənə dəsək da kəlompəsənə simiti dəsək da kəŋesəm mə,

⁴³ wəka Arimate wələma nwe ancwe Isifu mə embəkne, k'ənkə ndena Pilat kəkətola kə kəbel ka Yesu nte tənəŋe pəwup ki mə. Isifu, fum wəpəŋ enayi aboc kiti aSuyif daco, nwe kəder ka dəbe da Kanu kənas mə.

⁴⁴ Kə pənciyənə Pilat kəne a Yesu elip kəfi katəna. Kə Pilat ewe wəbe wəsədar k'eyif kə, kə təyənə a Yesu efina pəwon-ε?

⁴⁵ Nte wəbe wəsədar oloku kə təkə tenayi mə, kə Pilat owosε Isifu kələk kəbel ka Yesu.

⁴⁶ Kə Isifu əway arəfən ŋa kəloto kətələr, k'ontorə Yesu dətək yepəmpəl, k'ənepsər kə ŋi, k'omboc kə dəkufu nke anayək dətasar mə. Nte elip mə, k'embinəkəli tasar mpe enasuncε dəkəbere da kufu kəŋkə mə.

⁴⁷ Mari wəka Makdala kə Mari, iya ka Yoses, ŋacgbəkəre nde kəfo nke anaber kə mə.

16

Yesu kəfəte kən afi daco

¹ Nte simiti dəsək da kəŋesəm dencepər mə, dəkəkəsək sandəŋ, kə Mari wəka dare da Makdala, Mari iya ka Sak, kə wəran wələma Salome ŋaway moro mobotu ambənc, kədesop mi kəbel ka Yesu.

² Tataka ta sandəŋ bətbət suy, kə ŋander nde dəkufu.

³ Ŋacyiftənə tanan: «An'əŋkəbinəkəle su tasar təkə asuncε dəkəbere da kufu mə-ε?»

⁴ Ŋandeyekti fər, kə ŋanəŋk tasar pəpəŋ papəkə pəbinəkəli pi.

⁵ Nte ŋancbəre dəkufu mə, kə ŋanəŋk wətemp wələma pəndε kəca kətət, pəberne duma dobolu defer, kə ŋanesε.

⁶ Kə wətemp nwe oloku ŋa: «Ta nənesε. Yesu wəka Nasarət nəntən, wəkə anacəŋ dətək yepəmpəl mə. Ɔfəte afi daco, eyi fε nnə! Nənəŋk kəfo nke k'anaboc kə.

⁷ Mba nəkə nəloku acəpsε ən darəŋ kə Piyer a Yesu eyi nu kirin kəkə Kalile: Difə nəŋkənəŋk kə, pəmə təkə enaloku nu ti mə.»

⁸ Kə aran aŋe ŋawur dəndo dəkufu kə ŋayekse, ŋacyikce, cusu cəwos ŋa. Ali tes ŋanaloku fε fum, bawo ŋananese.

Yesu ementərne Mari wəka Makdala

⁹ [Nte Yesu əfəte defi mə, bətbət ba tataka təkəkə-cəkə ta tataka toluksər, k'owurər kərəsna Mari wəka Makdala, wəkə Yesu enabeləs yəŋk yelεc camət-merəŋ mə.

¹⁰ Kə Mari wəka Makdala əŋkə pəloku moloku maməkə akə ŋanakə kə nkən, ŋayi kəbal ka defi da Yesu, ŋacbok mə.

¹¹ Nte afum akanε ŋanane a eyi wəyən, a nkən Mari wəka Makdala enanəŋk kə mə, ŋanaləŋ fε ti.

Yesu ementərne acəpsε ən darəŋ

¹² Ntε tatəkə tencepər mə, kə Yesu ementərne sə teyi tələma acəpsε ɔn darəŋ mērəŋ aŋε ɲanckə dəkulum mə.

¹³ Kə akakə mērəŋ ɲander sə ɲaloku ti acəpsε a Yesu darəŋ alpəs akə. Ɲa sə, ɲanalan ƒε ɲa.

Yesu ementərne acəpsε ɔn darəŋ aŋε wəco kə pin

¹⁴ Telpəs ɔŋ, kə Yesu ementərne acəpsε ɔn darəŋ aŋε wəco kə pin, tεm ntε ɲacdi yeri mə, k'enal ɲa kəbut kəŋan kəlan kə kəyεŋk dɔmp kəŋan, bawo ɲanalan ƒε akə ɲananəŋk kə ntε enafɔtε afi dacə mə.

¹⁵ Kə Yesu oloku ɲa: «Nəkə doru dandε ƒəp, nəkə nəcam Kibaru Kətət nnə afum a doru ƒəp ɲayi mə.

¹⁶ Məna nwe məŋyɔne wəlan, məsɔtə kəgbət dəromun teta Kanu mə, aŋyac əm, mba məna nwe məntolan mə, antərəs əm dəsək da kəkiti.

¹⁷ Nənəŋk məgbəkəre mme mendesole aŋε ɲandeyɔne alan mə: Tewe tεm tendesɔŋε ɲacbeləs yəŋk yelεc. Ɲande ɲaccəp cusu nce ɲanatɔcərə mə.

¹⁸ Ɲande ɲacsumpərə bok waca. Pomun pəkəntəŋ mpe o mpe pə ɲamun pəfɔyɔ ɲa tələm o tələm. Ɲande ɲacdeŋ acuy waca, akakə ɲactamne.»

Yesu olukus Kanu kəsək

¹⁹ Mariki Yesu, ntε elip kələk-lokər ɲa mə, k'ampene kə dəKəm, k'əŋkə pəndε Kanu kəsək.]*

²⁰ Kə acəpsε a Yesu darəŋ ɲaŋkə mofɔ ƒəp kəkəsamsər Kibaru Kətət. Mariki εncbəc kə ɲa, pəcsəŋε dəməgbəkəre mme ɲancwure, paclan moloku maməkə.†

* **16:19** Yecicəs yecəpər yokur mērəŋ, kə yələma nyε alan mə, yɔyɔ ƒε moloku melpəs ma kibaru kaŋkε kəyεƒε sora 9 haŋ 19. Moloku mamε dəyecicəs yofu yelpəs meyi. † **16:20** Moloku mme meyi ƒε Yecicəs Yosoku yokur ƒəp: «Mba pəpic pə ɲancloku asol a Piyer ntε anasom ɲa kələku mə. Ntε tencepər mə, Yesu nkənsərka osom ɲa kəkəkərə kawandi kəpus nkε kəntəlɪp mə kəyεƒε nde dec dempe kəkə ka nde dəŋkalε mə, kəyac ka doru o doru nkε kəntəlɪp mə. Amina»

Kibaru Kətət ka Luk

Kəberε ka kəcop moloku ma Luk

- ¹ Nte afum alarəm ɲancop kəlompəs ka mes mme menacepər su dacə mə,
² pəmə təkə akə ɲananəɲk mi dəkəcop, akə ɲanasom kəloku ka afum toloku ta Kanu mə.
³ Kələləs kam, Teyofil, itə pəwuren'em fə pəntese ina sə, nte inten mi belbel kəyεfε dəkəcop mə. Awa, isəɲ'am mi kəcəre dəmecicəs pəmə təkə inatəkəs mi mə,
⁴ nte təɲsəɲε məcəre kance ka mes mme antəks'am mə.

*Mələkε moloku kədəkom ka Aɲnabi Saɲ**

⁵ Təm nte Herodu enayəne wəbe ka atəf ɲa Yude mə, wəloɲne ka Kanu wələma enayi pacwe kə Sakary, wəka kəgba ka aloɲne nke ancwene wətem Abiya mə enayəne. Wəran kən pəwur dokom da Aruna, pacwe kə Elisabet.

⁶ Məɲəɲ maɲan fəp ɲanalomp fər ya Kanu kirin, ɲacəme sə dəpə kə mosom ma Mariki fəp darəɲ pəmə təkə pəmar mə.

⁷ Mba ɲanayə fε wan, bawo Elisabet enayəne fε wəran wəkombəra, məɲəɲ maɲan fəp ɲanasikər.

⁸ Dəsək dələma Sakary pəcbəc yebəc yən ya kəloɲne ka Kanu, bawo kəgba kəɲan kənəkə kətəmpər kəloɲne kaɲkə.

⁹ Pəmə təkə aloɲne a Kanu ɲaɲyə ti mə, k'anjbal kəla†, kə kəla kəmentər Sakary dəsək dadəkə kəberε ka dəkəfo kəcempi ka kələ kəpəɲ pəkəmotε Mariki curay.

¹⁰ Afum alarəm ɲanayi nde dabanja **ɲaclok-lokər Kanu** təm tatəkə ancəmot curay mə.

¹¹ Awa, kə mələkε ma Mariki mowurər Sakary, məcəme nde kəca kətət ka tetek nte aɲmotε Mariki suray mə.

¹² Nte Sakary enəɲk mələkε mme mə, kə pəyi kə yamayama, kə kənesε kəsumpər kə.

¹³ Mba kə mələkε mme moloku kə:

«Ta mənesε Sakary,

bawo Kanu kələk kətola kam:

Elisabet, wəran kam, endekom'am wan wərkun

məde məwe kə tewe ta Saɲ‡.

¹⁴ Wan wəkəkə endesəɲ'am kəyεkti domp pəbət əm sə mes,

kəkom kən kəndesəɲε afum alarəm kəselsər.

¹⁵ Bawo fum wəpəɲ endeyi fər ya Mariki kirin,

əfəde pəcmun member, əfəde pəcmun yomunəs nyε yencisəs mə,

endelarε **Amera** ɲəcempi **ɲa Kanu** pəsəɲəyi kεre dəkər.

¹⁶ Endelukse awut a Yisrayel alarəm nnə Mariki, Kanu kəɲan kəyi mə.

¹⁷ Kanu kəndesak Saɲ pəyi Wəbe kirin kədərene amera kə fənəntər ya wədəɲk wəka Kanu Eli.

Endekafəli bəkəc ya cas nnə awut ɲayi mə,

bəkəc ya atanj ləɲəs nnə kəsək domp ka alompu kəyi mə,

pəlompəs afum aɲε ɲandeyi kiyi ka Mariki təm fəp mə.»

¹⁸ Kə Sakary eyif mələkε: «Cəke cə indecərene, a kance kə-ε? Bawo wətem iyəne kə wəran kem sə embek.»

¹⁹ Kə mələkε məsəɲε kə kəcəre, mocloku kə : «Ina əyəne Yibirila nwe encəme Kanu fər kirin mə! Asom im kəsom dəm kədəlok-lokər əm, ilok'am toloku tətət tantε.

* **1:4 Saɲ Batis** = «Yaya», itə «Saɲ, wəgbət afum dəromun teta kəsəkəs bəkəc yaɲan.». † **1:9 K'anjbal kəla** = tatəkə tə ancyek-yek wəloɲne aloɲne dacə nwe pəmar kəberε kəfo kəcempi kəkəmotε Kanu curay nde kələ kəpəɲ mə. Kə kəla kəmentər nwe Kanu kəfan mə. ‡ **1:13 Saɲ** = «Yaya»

²⁰ Mba nte mǎntolanj moloku mem mǎ, mǎfǎdesǎtam kǎlok-loku hanj dǎsǎk nde tendeyi mǎ, tǎm nte Kanu kǎndefan mǎ.»

²¹ Nte afum fǎp ƚackar Sakary nde dabanjka mǎ, kǎ pǎnde pǎciyanε ƚa, bawo oncwon dǎndo kǎfo kǎcempi.

²² Sakary endewur, entam fε kǎlok-lokǎr ƚa, kǎ afum ƚancǎre a Kanu kǎsǎƚε Sakary kǎnǎƚk tes tolma dǎndo kǎfo kǎcempi disre. Kǎ Sakary ǎyǎne wǎtǎtam kǎlok-loku, k'eyεfε kǎlok-lokǎre ƚa waca.

²³ Nte mataka mǎn ma yεbǎc mencepǎr mǎ, k'olukus nde kǎlǎ kǎn.

²⁴ Pǎwon fε, kǎ wǎran kǎn Elisabet embekǎs. K'ǎƚgbǎrne yof kǎcamǎt, pǎcloku:

²⁵ «Nte tǎ Mariki ǎyǎn'em, entεp onj kǎdewose kǎwur'em malap nnǎ afum ƚayi mǎ.»

Mελεκε moloku kǎdekom k'Arƚnabi Yesu

²⁶ Nte Kǎbekǎs ka Elisabet kǎsǎtǎ yof camǎt-tin mǎ, kǎ Kanu kǎsom mελεκε mǎn Yibirila nde dare dǎkǎ ƚƚwe Nasaret mǎ, atǎf ƚa Kalile,

²⁷ ndena wan wǎran wǎtǎcǎre wǎrkun, nwe ancwe Mari mǎ. Isifu wǎka dokom da Dawuda encfac kǎ.

²⁸ Kǎ mελεκε mεmbere ndena Mari, kǎ moloku: «Pǎbǎt ǎm, mǎna nwe Kanu kǎmar kifǎli mǎ! Mariki osol'am!»

²⁹ Kǎ toloku tatǎkǎ tǎsǎƚε kǎ pǎyi Mari yamayama. K'eyifnε nte kǎyif kanjka kǎloku mǎ.

³⁰ Kǎ mελεκε moloku kǎ:

«Ta mǎnese Mari, bawo mǎsǎtǎ kǎmar kifǎli nke kǎyεfε ndena Kanu mǎ.

³¹ Mǎnǎƚk fε! Kǎbekǎs kǎ mǎnder, mǎkom wan wǎrkun, mǎde mǎwe kǎ tewe ta Yesu.

³² Fum wǎpǎƚ endeyi, pacwe kǎ wan ka Wǎbe wǎka darenc,

Mariki Kanu Kǎpǎƚ kǎndesǎƚ kǎ kǎƚgbasar § ka dεbe da Dawuda, wǎtem kǎn.

³³ Nkǎn endekekǎre dεbe da doru o doru nnǎ aka dolom da Yakuba * ƚayi mǎ, dεbe dǎn dǎfǎdelip.»

³⁴ Kǎ Mari eyif mελεκε: «Cǎke cǎ tatǎkǎ tentam kǎyi-ε, bawo incǎre fε wǎrkun?»

³⁵ Kǎ mελεκε moloku kǎ:

«**Amera** Njεcempi **ƚa Kanu** ƚendeder ǎm, fǎnǎntǎr fa Wǎbe wǎka darenc fǎkump ǎm katǎkǎp kǎn.

Itǎ endesǎƚε wan nwe andekom mǎ kǎcemp, packule kǎ «Wan ka Kanu.»

³⁶ Mǎnǎƚk fε! Elisabet wǎkomεne kam, nkǎn sǎ embekǎs wan wǎrkun detembǎra dǎn disre. Nkǎn nwe ancule kǎtǎkom mǎ, ƚof ƚǎn ƚa camǎt-tin ƚa kǎbekǎs ƚeyi ƚaƚε,

³⁷ bawo Kanu kǎfǎtarpεne tes o tes.»

³⁸ Kǎ Mari oloku: «Kanu kǎyǎn'em tatǎkǎ mǎntεp kǎcloku mǎ. Wǎcar ka Kanu Kǎpǎƚ iyǎne. Intola teyi pǎmǎ tantε mǎlok'im ti mǎ.» Kǎ mελεκε mεyεfε kǎ day kǎ mǎƚkǎ.

Mari kǎkǎtǎs ndena Elisabet pǎkǎnǎƚk kǎ

³⁹ Mata mamǎkǎ, kǎ Mari eyεfε kǎkǎ katǎna katǎna dare da Yuda dǎlǎma, nde atǎf ƚa dǎmǎrǎ.

⁴⁰ K'ǎƚkǎ pǎbere kǎlǎ ka Sakary, k'eyif Elisabet.

⁴¹ Elisabet endene kǎne dǎm kǎyif ka Mari, kǎ wan εεp kǎ dǎkor. Kǎ **Amera** Njεcempi **ƚa Kanu** ƚelare katin Elisabet,

⁴² kǎ ƚǎsǎƚε Elisabet kǎgbǎƚε kǎloku:

«Kanu kǎmpoc'am pǎtǎt aran fǎp dacǎ,

⁴³ Ak'iyǎne nte iya wǎka Wǎbe kem endeder kǎyif im mǎ?

⁴⁴ Nte ine kǎyif kam mǎ, kǎ wan εεp im dǎkor pǎbotu disre.

⁴⁵ Pǎbǎt nwe enalanj mǎ, bawo nte Kanu Kǎpǎƚ kǎnaloku kǎ mǎ tendeyi.»

§ 1:32 *Kǎƚgbasar* = «dǎcǎm da dεbe», ti tǎyǎne tεgbekǎre ta dεbe. * 1:33 *Aka dolom da Yakuba* = «afum aka Yisrayel»

Telen ta Mari tokor-korɛ Kanu

⁴⁶ Kə Mari oloku oŋ:

«Iŋkor-koru Kanu Kəpəŋ kətam kem fəp,
Kanu kəpocɛ pətət pokom pa kor kam!

⁴⁷ Amera ŋem ŋelare pəbotu teta Kanu Kəpəŋ Wəyac kem,

⁴⁸ bawo owose kəgbal fər nnə ina, wəcar kən wəfəfər iyi mə.

Ǝy, kəyɛfɛ ndəkəl haŋ tɛm fəp, afum ŋande ŋaclok'im a pəmbət im,

⁴⁹ bawo Wəka fənəntər nwe ɔyən'em mes məpəŋ mə,
tewe tən tencemp!

⁵⁰ Kəbət ka Kanu amera kəŋyɛfɛ dɛtɛmp kə dɛtɛmp
akə ŋalɛləs ki mə.

⁵¹ Kəmentər fənəntər fa kəca kən:
kə kəsamsər afum akə ŋanabək bəkək mə,

⁵² kə kəŋgbal abɛ apəŋ dɛbɛ danjan
kə kəncəmbər afəfər kirin.

⁵³ Kə kəsəŋɛ kənɛmbərə pətət aŋɛ dor dɛnayo mə,
kə kəmbɛləs akə ŋanayo daka mə waca wəsəkər.

⁵⁴ Kə kənder kədəmar aka Yisrayel, amarəs ɔn:
kəmpələrɛ fɛ kəmentər dobotu amera dən

⁵⁵ a Abraham kə yuruya yən ta doru o doru
—pəmə təkə ɛnaloku ti atem asu mə.»

⁵⁶ Kə Mari ŋayi kə Elisabət haŋ yof maas, k'olukus ndɛ ndərən.

Kəkom ka Aŋnabi Saŋ Batis†

⁵⁷ Kə tɛm tɛmbəp nte pənamar Elisabət pəkom mə, k'ɔŋkom wan wərkun.

⁵⁸ Andɛ ɔn kə akomɛnɛ ɔn ŋane, a Kanu kəntorɛ kə pəforu disrɛ, kə pəmbət ŋa fəp faŋan.

⁵⁹ Tataka ta camət-maas ta kəkom kən, kə ŋander kədəkənc ka wan, kə ŋasəŋɛnɛ kə tewe
ta kas Sakary.

⁶⁰ Mba kə kɛrɛ ɛlɛk moloku, k'oloku: «Ala, Saŋ sɔ andewe kə.»

⁶¹ Mba afum ŋaloku kə: «Ali fum eyi fɛ dokom dam nwe aŋwe tewe tante mə.»

⁶² Kə afum ŋayɛfɛ kəyifətɛ kas waca, tewe ta wan nte ɛfan pawɛ kə mə.

⁶³ Kə Sakary ewe tabam, k'encic: «Saŋ sɔ andewe kə.» Kə pənciyanɛ afum fəp.

⁶⁴ Kə kusu kən kəmɛpɛ katina, kə temer tən tɛyɛfɛ, k'ɛyɛfɛ kəkər-koru Kanu.

⁶⁵ Kə kənɛsɛ kəyi andɛ ɔn fəp, kə mes maməkə mɛmbaŋ atəf ŋa Yude fəp, pacyifətɛnɛ mi.

⁶⁶ Nwɛ o nwɛ ene pacloku mi, tenyi kə dɛbəkək, ŋacyifnɛ: «Ake wan wəkəkə endeyɔnɛ
oŋ-ɛ?» Kə fənəntər fa Kanu Kəpəŋ fəncəmə kə darəŋ.

Telen ta Sakary tokor-korɛ Kanu

⁶⁷ K'Amɛra Nəcempi ŋa **Kanu** ŋelare Sakary papa ka Saŋ, k'ɛyɛfɛ kədəŋk moloku mɛmɛ
Kanu kənasəŋ kə kəloku mə, pəcloku:

⁶⁸ «Iŋkor-kor'am mənə Mariki, Kanu ka aka Yisrayel,
bawo kənder kəmar afum ɔn, kə kəmbaŋ ŋa.

⁶⁹ Kəwurɛ su wəyac wəpəŋ,
dokom da Dawuda, wəmarəs kən.

⁷⁰ —Itə Kanu kənalok-ləkɛ cusu ca adəŋk ɔn acempi kəyɛfɛ nte pənawon mə—

⁷¹ kənasəŋ su temer kədəbaŋ su atɛrɛnɛ asu dəwaca
kə kətam ka akə ŋantəfaŋɛ su pətət mə.

⁷² Itə kənamentərə amera ŋobotu ŋa ki atem asu,
kə kəncɛm-cɛmnɛ **kəcaŋəs kəcempi kəŋan kəyi tes tin.**

† 1:56 Saŋ Batis, məməmən 1.6

⁷³ Pəmɔ **kæderəm** kanjko Kanu kənadεrme Abraham wətem kosu, itɔ elase su ki,

⁷⁴ a kɔ kəndebaŋ su aterεne asu dəwaca-ε,

kəndesəŋε su tem tatəko packor-koru kɔ bəkəc yoforu disre,

⁷⁵ nte təŋsəŋε pakor-koru kɔ decempi kɔ dolompu disre fɔr yən kirin
kiyi kosu doru fəp mɔ.

⁷⁶ Kɔ mənə wan kem, wədəŋk wəka Wəbe wəka darenc ɔ andew'am.

Mənə endeyi Mariki kirin, məclompəs səpɔ sən.

⁷⁷ Məkɔ məsəŋε afum ɔn kəcərə a Kanu kənder kədeyac ŋa,
kəŋaŋnεne ŋa kiciya kəŋan.

⁷⁸ Ey! Teta dεrεnc kɔ dobotu amera da Kanu kosu,

kəmot su pəwanjərə pa darenc, mpe powurεne kɔ pəwanjərə pa dec dεpence mɔ.

⁷⁹ Nte təŋsəŋε akɔ ŋayi kubump kɔ akɔ ŋayi katəkəp ka defi dəntɔf mɔ, ŋasɔtɔ pəwanjərə,
kəsɔle su sɔ dɔpɔ da pəforu.»

⁸⁰ Kɔ wan embek, pəcɔtɔ fənəntər fa amera. K'eyi dəndo dətεgbərə han dəsək nde
enamentərne nnɔ afum aka Yisrayel ŋayi mɔ.

2

Kəkom ka Aŋnabi Yesu (Isa)

Mat 1.18-25

¹ Mata maməkɔ mɔ, Okustu wəbe wəpəŋ wəka tɔf ya Rom fəp, osom kəlɔm ka afum aŋε
ŋanayi dεbe dən dəntɔf mɔ fəp.

² Kəlɔm kəcəkɔ-cəkɔ kanjko kənayi tem nte Okustu εnacəmbər Kureniyo, pəyɔne wəbe ka
atɔf ŋa Siri mɔ.

³ Kɔ afum fəp ŋaŋkɔ kəsəŋne mewe nwe o nwe nde dare dən dɔpəŋ nde aŋkom kɔ mɔ.

⁴ Kɔ Isifu nkən sɔ empe kəyεfe dare da Nasaret atɔf ŋa Kalile kəkɔ dare da Dawuda nde
aŋwe Betlehem mɔ, bawo Isifu wəka kəlɔ kɔ dokom da Dawuda dɔ εnayɔne.

⁵ Nte təŋsəŋε pəsəŋne tewe kɔ Mari, wəran nwe εncfac mɔ, wəkakɔ pəbekəs.

⁶ ŋanasəɔyi di, kɔ tem ta Mari tokom tembəp,

⁷ k'ɔŋkom wan kən wəcəkɔ-cəkɔ wərkun. K'ɔfəktər kɔ dəkəloto, k'ɔŋkɔ pəboc kɔ dətəŋku
nte anberε yɔcɔl yeri mɔ, bawo ŋanasɔtɔ fε kəfo dəndo dəkərwəŋse.

Mεleke ma Kanu mowurər akεk yɔcɔl

⁸ Atɔf ŋin ŋaŋkɔ ŋεnayɔ akεk aŋε ŋancεpərəne pibi dəkulum kəbum ka yɔcɔl yaŋan mɔ.

⁹ Kɔ mεleke ma Kanu Kəpəŋ mowurər ŋa, kɔ **pəmot pa debeki da Kanu Kəpəŋ** pεŋkel
ŋa. Kɔ kənese kəpəŋ kəyi ŋa.

¹⁰ Mba kɔ mεleke moloku ŋa: «Ta nənese! Bawo toloku tətət tɔ inder kədeloku nu, nte
tendebɔtəs afum fəp bəkəc mɔ:

¹¹ Məkɔ, nde dare da Dawuda disre, aŋkomε nu wəyac, nwe ɔyɔne Wəbe, nwe Kanu
kəyεk-yεk mɔ. *

¹² Nte tendeyɔne nu tεnεpələ taka ti: Nəŋkəbəp kənaka pafəktər ki dəkəloto, kəfəntərə
dətəŋku nte amberε yɔcɔl yeri mɔ.

¹³ Gbəncana babəkɔ kɔ kənay ka mεleke ma darenc kəmεpne katina məcəkɔ-cəkɔ kəkɔr-
koru ka Kanu, mocloku:

¹⁴ «**Debeki da Kanu** deyɔ darenc, bəkəc yɔfɔr akɔ ŋayi dəntɔf ak'əmbɔtər ŋa mɔ!»

Akek kəkɔ kəŋan Bet Lεhem

¹⁵ Nte mεleke mesak ŋa kɔ mεmpe darenc mɔ, kɔ akεk ŋalokεne: «Awa, pəŋkən han
Betlehem, pakɔ pənəŋk təkɔ teyi mɔ, nte Kanu Kəpəŋ kəsəŋε su kəcərə mɔ.»

* **2:11** *Wəsom ka Kanu* = «Krist» tokule tɔ = «Nwe Kanu kəyεk-yεk kəsom mɔ».

16 Kɔ akɛk ɲambɛlkɛr kɛkɔ, kɔ ɲaɲkɔ ɲabɔp Mari kɔ Isifu, kɛnaka kɛfɛntɛrɛ tanjku pɛbɛrɛ pa yɔcɔl yeri.

17 Ntɛ ɲalip kɛnɛɲk ti mɔ, kɔ ɲalɔm tɔkɔ analoku ɲa teta wan kakɔ mɔ.

18 Akɔ ɲanacɛɲkɛl moloku mɔkɔ akɛk ɲanclɔmɛr ɲa mɔ fɔp, kɔ menciyane ɲa.

19 Kɔ Mari ɛmɛɲkɛrne moloku mamɔkɔ fɔp, pɛccɛm-cɛmnɛ mi debɛkɛc.

20 Kɔ akɛk ɲaluksɛrne sɔ nde ɲanayɛfɛ mɔ, ɲaccam **debeki** da Kanu, ɲanckor-koru Ki teta moloku mɔkɔ mɛlɛkɛ mɛnaloku ɲa, a kɔ ɲanɛɲk sɔ mi mɔ.

Kɔwure ka Aɲnabi Yesu doru

21 Ntɛ kɛkom ka wan kɛsɔtɔ mata camɛt-maas mɔ, k'aɲkɛnc kɔ, k'awe kɔ Yesu, tewe ntɛ mɛlɛkɛ mɛnaboncɛr ɲa, ta antabɛkɛs kɔ mɔ.

Kɔmentɛr ka Aɲnabi Yesu nde kɛlɔ kɛpɔɲ ka Kanu

22 Ntɛ mataka maɲan ma kɛsɔkɛsnɛ melip pɛmɔ ntɛ sariyɛ sa Musa sɛloku ti mɔ, kɔ ɲaɲkɛkɛrɛ kɔ Yerusalem kɛkɔmentɛr kɔ Wɔbɛ Kanu.

23 ɲanayɔ mɔyɔ mɔkɔ ancic buk ba sariyɛ sa Wɔbɛ disrɛ mɔ: «Awut arkun acɔkɔ-cɔkɔ aɲɛ aran ɲaɲkom mɔ fɔp, pɛmar pasɔɲ ɲa Wɔbɛ Kanu ɲayɔnɛ acɛmpɛ.»

24 Pɛmar sɔ akombɛra a wan wɛkakɔ ɲalɔɲnɛ Kanu «mɔpay mɛrɔɲ, kɔ pɔyɔnɛ fɛ ti-ɛ, ntantoriya yowut mɛrɔɲ,» pɛmɔ tɔkɔ aloku ti sariyɛ sa Wɔbɛ disrɛ mɔ.

25 Tɛm tatɔkɔ fum wɛlɔma ɛnayi Yerusalem pacwe kɔ Simeyɔɲ. Fum wɛlɔmpu ɛnayi pɛcɛmɛ dɔpɔ da Kanu darɔɲ, pɛckar nwe endeyac Yisrayel mɔ, **Amera Nɛcɛmpɛ ɲa Kanu** ɲɛnayi kɔ kɛrɔɲ.

26 Amera Nɛcɛmpɛ ɲaɲɔkɔ ɲɛnasɔɲɛ kɔ kɛcɛrɛ, a ɔfɔfi ta ɛnɔɲk Krist, wɔbɛ nwe Kanu Kɛpɔɲ kɛyɛk-yɛk mɔ.

27 Kɔ **Amera Nɛcɛmpɛ ɲa Kanu** ɲɔncɔɲɔs kɔ, k'ɔɲkɔ nde **kɛlɔ kɛpɔɲ ka Kanu**. Ntɛ akombɛra a Yesu ɲaɲkɛkɛrɛ kɔ kɛkɔyɔnɛ kɔ tɔkɔ sariyɛ sɛloku mɔ,

28 kɔ Simɔɲ ɛlɛk wan dɔwaca k'eyif Kanu barka pɛclɔku:

29 «Wɔbɛ, mɛntam ɔɲ kɛsak wɛcar kam pɛfine abɛkɛc ɲɔforu pɛmɔ tɔkɔ mɛnaloku ti mɔ,

30 bawo fɔr yem yati yɔ inɔɲkɛ ntɛ mɔyɔ kɛyac ka afum am mɔ—

31 Nwe mɛlɔmpɛs afum fɔp fɔr kirin mɔ—

32 endeyɔnɛ pɛmɔ pɛmot mpɛ pendesɔɲ afum a tɔf ya doru fɔp pɔwanjɛra it'ɔɲsɔɲɛ ɲacɛrɛ Kanu. Nwe endeyɔnɛ pɛlɛl pa afum am, aka Yisrayel.»

Simɔɲ kɛloku ka tɔkɔ Kanu kɛndeyɔ mɔ

33 Kɔ pɛnciyane akombɛra a Yesu ntɛ Simɔɲ onclɔku teta Yesu mɔ.

34 Kɔ Simeyɔɲ ontolanɛ ɲa, k'oloku Mari iya wɛka Yesu: «Kanu kɛɲkɛrɛ wan wɛkawɛ kɛdesɔɲɛ aka Yisrayel alarɛm kɛtɛmpɛnɛ, pɔyɛkti sɔ alarɛm. Paka pa Kanu pɔ mpɛ pendesɔɲɛ afum kɛgbɛkɛlɛnɛ mɔ.

35 Endɛbɛr pɔwanjɛra bɛkɛc ya akɔ ɲayɔ mɛcɛm-cɛmnɛ mɔgbɔpɛnɛ mɔ. Kɔ mɔna Mari, pɛcuy pendefut'am abɛkɛc pɛmɔ tɔkɔ kɛɲgbasar kɛɲfutu mɔ.»

Wɛdɔɲk wɛka Kanu wɛran Hana

36 Wɛdɔɲk wɛran wɛlɔma ɛnayi pacwe kɔ Hana, wan ka Panuyɛl, wɛka kusɔɲka ka Asɛr. Wɛran wɛsikɛr ɛnayi. ɛnalɔ nda wɛrkun meren camɛt-mɛrɔɲ kɛyɛfɛ ntɛ anagbaɲnɛ kɔ mɔ.

37 Kɔ wos ende pɛfi, k'eyi ɔɲ ta ɔyɔ wɛrkun-ɛ. Hana pɛsɔtɔ meren 84 k'eyi, ta ɔmbɔlɛ **kɛlɔ kɛpɔɲ ka Kanu**-ɛ pɛcbɛc mɛfan ma Kanu dan kɔ pibi **kɛlɔk-lokɛr Kanu** kɔ kɛsɔɲ disrɛ.

38 Kɔ nkɔn ɔɲkɔ sɔ pɛbɛrɛ di tɛm tatɔkɔ Simɔɲ onclɔku teta wan pɛckor-koru sɔ Kanu mɔ, pɛcyif Kanu nɔwali, pɛclɔku teta wan akɔ ɲanckar Kanu kɛdeyac Yerusalem mɔ.

Kɛlukus ka Nasarɛt

39 Ntɛ akombɛra a Yesu ɲalip kɛyɔ ka mɔyɔ mɔkɔ aloku sariyɛ sa Kanu Kɛpɔɲ disrɛ mɔ, kɔ ɲalukus nde ndaranɲan Kalile, nde dare da Nasarɛt.

⁴⁰ Awa, wan pəcbək, pəcsəto fənəntər. Pəlarə kəcərə kəkətene mes, kəmar kifəli ka Kanu kəyi kə kəronj.

Aḡnabi Yesu kəkə ka nde Kələ kəpəḡ teren tən ta wəco kə mərəḡ

⁴¹ Kəren o kəren, akombəra a Yesu ḡanckə Yerusalem kətəḡne kəsata ka aSuyif ka Kəcepər ka Mələkə Medif.†

⁴² Nte Yesu əsəto meren wəco kə mərəḡ mə, kə akombəra ən ḡasole kə kəkətəḡne kəsata ka Kəcepər ka Mələkə Medif dəndo Yerusalem pəmə təkə ḡancyə ti kəren o kəren mə.

⁴³ Nte mataka ma kəsata melip mə, kə akombəra a Yesu ḡasumpər dəpə kəlukuś ndaraḡan, mba kə wan Yesu nkən eyi Yerusalem, ta akombəra ən ḡancərə ti-ε.

⁴⁴ Akombəra ən ḡanacəm-cəmne a Yesu ḡasol kə alukuś, kə ḡaḡkət tataka tin. Kə ḡantən Yesu akomene kə acərene ḡan daco.

⁴⁵ Mba ḡananəḡk fε kə. Kə ḡaluksərne sə Yerusalem ḡacten kə.

⁴⁶ Mata maas disre, kə ḡaḡkə ḡanəḡk kə nde **kələ kəpəḡ ka Kanu** disre, pənde atəksε daco pəccəḡkəl ḡa, pəcyifət ḡa moloku.

⁴⁷ Aḡe ḡanccəḡkəl kə mə fəp, cusu cənawos ḡa dosoku domp dən, kə moloku mme onclukse ḡa mə.

⁴⁸ Nte akombəra ən ḡanəḡk kə mə, kə pənciyane ḡa. Kə kere eyif kə: «Wan kem, ta ake to məyone su tante-ε? Papa kam kə ina, bəkəc yelecε-lecε su kəten kam!»

⁴⁹ Kə Yesu eyif ḡa: «Ta ake to nəntən'em-ε? Nəncərə fε a mēne isumpər yebəc ya Papa kem?»

⁵⁰ Mba akombəra ən ḡanacərə fε tedisre ta toloku tatəkə.

⁵¹ Kə Yesu eyefe kə ḡasol kə akombəra ən kəkə ka Nasaret, bawo Yesu enaleləs ḡa. Kə iya kən eməḡkərne dəbəkəc mes maməkə fəp.

⁵² Yesu pəcbərəne kəcərə kəkətene mes kətət, pəcnaḡkane kəbək, pəcsəto kəmar kifəli ka Kanu kə afum.

3

Kawandi ka Aḡnabi Saḡ

Mat 3.1-12; Mark 1.1-8; Isaḡ 1.19-28

¹ Teren ta wəco kə kəcəmət ta wəbe wəka atəf ḡa Tiber, tem tatəkə sə Pəḡse Pilat pəyone wəbe wəka atəf ḡa Yude, Herodu nkən pəyone wəbe ka atəf ḡa Kalile, wenc Filip pəyone wəbe wəka təf mərəḡ: nde Iture kə atəf ḡa Tirakoniti. Lisaniyas pəyone wəbe nde atəf ḡa Abilen.

² Tem ta aləḡne a Kanu apəḡ Hana kə Kayifa tenayi sə. Kə toloku ta Kanu tender Saḡ, wan ka Sakary, nde dətəḡbərə.

³ Kə Saḡ əḡkət sədare fəp nse səyi kəḡḡbəkə ka Yurden kəsək mə, pəckawandi kəḡbət afum dəromun teta kəsəkpər bəkəc ḡacəme pələmpu darəḡ, nte təḡsəḡe Kanu kədəḡaḡneḡe ḡa kiciya kəḡan mə.

⁴ Pəmə təkə ancic mi nde buk ba moloku ma sayibe Esayi mə:

«Fum wəkə dim dən deyi kəwur nde dətəḡbərə mə əfo:

Nələmpəs dəpə da Mariki.

Nələmpε səpə sən sa wəcək!

⁵ Andelas mərə daco fəp,

mərə kə pəḡeci fəp yendetor,

Səpə sənūtəsne fəp səndelomp,

Səpə səcumbul-cumbul fəp, andeyukur si,

⁶ Afum fəp ḡandenəḡk kəyac ka Kanu.»

† **2:41** *Kəsata ka kəcepər* = Kəsata kəpəḡ ka Yisrayel kə, nke kəncəm-cəməs ḡa təkə melekε menclifət awut acəkə-cəkə a Misira a məcək akəḡan mə.

⁷ Afum alarəm akə ɲancder nkən Saɲ pədegəbət ɲa dəromun teta Kanu mə, ɲə oncloku ti: «Nəna aɲe nəyi pəmə ɲkisin mə! An'əsəɲe nu kəcəre nte aɲyeksər kiti ka Kanu nke kəyi kəder mə-ε?»

⁸ Awa nəde nəcyə məyə mətət mme meɲmentər a nə səkpər mera kə nəncəme pəlompu darəɲ mə. Ta pəbət nu kəcəm-cəmne: «Abraham əyənə wətem kosu.» Ey, icloku nu, nənəɲk masar məme ba? Kanu kəntam kəkafəli mi məyənə awut a Abraham.

⁹ Ndekəl oɲ tomunt pelip kəcəme kəcəp ka tək haɲ nde ntəntəl ya yi: Kətək nke o nke kəntəkəkom yokom yətət mə, ancəp ki, pələm dənenc.»

¹⁰ Kə cəgba ca afum cəyefe kəyifət kə: «Cəke cə səndeyə oɲ-ε?»

¹¹ K'oloku ɲa: «Məna nwe məɲyə suma məerəɲ mə, məpocə wəkə əntəyə mə, məna nwe məɲyə yeri mə, məpocə wəkə əntəyə mə.»

¹² Kə abanəs dut ɲander a Saɲ pəgbət ɲa dəromun teta Kanu, ɲacyifət kə: «Wətəkse, cəke cə pəmar sədeyə oɲ-ε?»

¹³ K'oloku ɲa: «Ta nədenər mpe o mpe antəloku nu kəbaɲ mə.»

¹⁴ Kə asədar ɲayif kə sə: «A səna-a, cəke cə pəmar səyə oɲ-ε?» K'oloku ɲa: «Ta nəmentər nwe o nwe fənəntər, ta nədenə sə nwe o nwe yem, kəway konu kətəɲne nu.»

¹⁵ Nte afum fəp ɲanayi kəkər mə, kə ɲaɲyifne dəbəkək kə pəyənə bafə Saɲ əyənə Krist, nwe Kanu kəpəɲ kəyək-yək mə.

¹⁶ Kə Saɲ olukse ɲa: «Ina dəromun inɲəbət nu teta Kanu de, mba wələma eyi kəder nwe əyə fənəntər pətəs im mə, ali bənda ya cəfta cən isətə fe yati dofum isikəli ci. Wəkəkə, **Amera Nəcempi ɲa Kanu** disre kə nenc yə ende pəcgbət nu.

¹⁷ Pəcəme dəkur pətəmpər kərebe dəwaca pəcgbap, pəgbey məɲgben mətət mme endeməɲkərne dəkələ mə, mba pəcəf fonta dənenc nde dəntənimə mə.»

¹⁸ Saɲ oncloku sə afum moloku mətət pəcyenəkəs ɲa sə bəkək belbel.

¹⁹ Mba kə Saɲ ənal wəbe Herodu teta Herodiyad, wəran nwe ənabanər wənc k'ənence mə, kə teta mes məlec məkə Herodu ənayə mə.

²⁰ Kə Herodu ende pənaɲkanə kələsər: k'osumpər Saɲ, k'ember kə dəbili.

Kəsəkəs ka Aɲnabi Yesu

Mat 3.13-17; Mark 1.9-11

²¹ Nte afum ɲasətə kəgbət dəromun teta Kanu mə, kə Yesu nkən sə əsətə kəgbət dəromun. Eyi **kələk-ləkər Kanu**, kə kəm kəɲgbite,

²² kə **Amera Nəcempi ɲa Kanu** ɲontorər kə pəmə antantoriya. Kə dim dontor kəyefe dəkəm: «Wan kem məyənə nwe imbətər mə, mən'əbət im mes belbel.»

Akombəra a Aɲnabi Yesu

Mat 1.1-17

²³ Yesu ənasətə meren 30, a pədecop yəbəc yən. Wan ka Isifu ənayi pəmə tatəkə anacəm-cəmne ti mə, wəka Heli,

²⁴ wəka Matat, wəka Lewy, wəka Melki, wəka Yannay, wəka Isifu,

²⁵ wəka Matatiyas, wəka Aməs, wəka Nahum, wəka Hesəli, wəka Nakay,

²⁶ wəka Mahat, wəka Matatiyas,

wəka Semeyin, wəka Yosək, wəka Yoda,

²⁷ wəka Yohanay, wəka Resa, wəka Sorobabel,

wəka Salatiyel, wəka Neri,

²⁸ wəka Melki, wəka Adi, wəka Kosam,

wəka Elmadam, wəka Er,

²⁹ wəka Yesu,* wəka Eliyəser, wəka Yorim,
wəka Matat, wəka Lewy,
³⁰ wəka Simeyən, wəka Yuda, wəka Isifu,

wəka Yonam, wəka Eliyakim,
³¹ wəka Meleya, wəka Menna, wəka Matata,
wəka Natan, wəka Dawuda,

³² wəka Yisay, wəka Yobed, wəka Bos,
wəka Sala, wəka Nasən,
³³ wəka Aminadab, wəka Admin,

wəka Arni, wəka Hecərən,
wəka Perεc, wəka Yuda,
³⁴ wəka Yakuba, wəka Siyaka, wəka Abraham,

wəka Terah, wəka Nahor,
³⁵ wəka Seruk, wəka Rehu, wəka Pεlek,
wəka Heber, wəka Sala,

³⁶ wəka Kayinan, wəka Arpaksad,
wəka Semy, wəka Nuha, wəka Lemεk,
³⁷ wəka Metusela, wəka Henok,

wəka Yerεdu, wəka Mahalalel, wəka Kenan,†
³⁸ wəka Enos, wəka Set,
wəka Adama, wəka Kanu.

4

Sentani kəfan kəsənje Anabi Yesu kəciya*
Mat 4.1-11; Mark 1.12-13

¹ Kə Yesu ender kəyεfe Yurdən, pəlarε **Amera Nεcempi ηa Kanu**. Kə Amera ηənkekəre kə nde dətεgbəre,

² nde Nənjk Nεlec ηenawakəs kəsənje kə kəciya mata wəco maηkəle (40) disre mə. Ali paka εnadi fe mataka maməkə disre, nte mataka maməkə melip mə, kə dor dəyo kə.

³ Kə Nənjk Nεlec ηoloku kə: «Kə təyənε a Wan ka Kanu məyənε-ε, məloku on tatar tante təyənε kəcom.»

⁴ Kə Yesu oloku sentani: «Ancic ti dəbuk ba sariye sa Kanu: «Bafə kəcom gbəcərəm kənsənje fum kəyi ka doru.»»

⁵ Kə sentani səmpənε kə sə tofo teηeci kəron, tεm tepic kə səmentər Yesu təf ya doru fəp.

⁶ Kə səloku kə: «Indəsən əm katam fəp kə da təf yayε fəp, bawo anasən im yi, ina sə ictam kəsən yi nwe o nwe infaη mə.

⁷ Awa, kə mənə məntontnən'em fər kirin-ε, yayε fəp yam yo yəηyənε.»

⁸ Kə Yesu oloku sentani: «Ancic dəYecicəs yosoku: «Mariki Kanu kam pəmar mətontnənε fər kirin, nkən gbəcərəm pəmar məcsalənε.»»

⁹ Kə sentani sənkekəre kə sə Yerusalem, kə sənjkə səcəmbər kə nde dətεlempən pa **kəlpəη ka Kanu** kəron. Kə səloku Yesu: «Kə pəyənε a Wan ka Kanu məyənε-ε, məyokε on ma nno dəntəf. Bawo dəYecicəs Yosoku ancicəs:

¹⁰ «Kanu kəndesom mεlekε on anje ηandε kəcbum əm mə.»

* **3:29** Yesu = ceHebərə «Yosuwe» † **3:37** Kenan = ceKresi «Kayinam» * **4: Sentani** = ceKresi «diyabolos» = «wəfor», ito wəbe wəka yənjk yεlec, ηi ηəsənje afum kəciya, wəter ka Kanu wəcəkə-cəkə ηə əyənε. **4:4** Sariye 8.3

11 K'ancic sɔ: «Nɔndetɔmpɛr ɛm dɛwaca ntɛ tɔɲsɔɲɛ ta mɛmpɛt tasar mɔ.»

12 Kɔ Yesu oloku Sentani: «Ancicɛs dɛYecicɛs Yosoku: «Ta mɛcɔɲɛs Mariki Kanu kam kɛyɔ ka tes tɛwɛy-wɛy tɔn.»»

13 Ntɛ Nɔɲk ɲɛlɛc ɲɛlip kɛwakɛs Yesu kɛciya mɔ, kɔ ɲɔmbɔlɛ kɔ haɲ tɛm tɔlɔma.

Aɲnabi Yesu kɛcɔp ka yɛbɔc yɔn Kalile

Mat 4.12-17; Mark 1.14-15

14 Kɔ Yesu olukus Kalile kɔ fɛnɔntɛr fa Amera ɲa Kanu disrɛ, kɔ tewe tɔn tɛsam dɔtɔf fɛp.

15 Pɛctɛksɛ afum nde dɛkɛtɔla Kanu daɲan, kɔ afum fɛp ɲaɲlɛlɛs kɔ.

Kɛbɛlɛs ka Aɲnabi Yesu nde Nasarɛt

Mat 13.53-58; Mark 6.1-6

16 Kɔ Yesu ender Nasarɛt nde anadusum kɔ mɔ. K'ɛmbɛrɛ dɛkɛtɔla Kanu da aSuyif simiti, dɛsɔk da kɛɲɛsɛm nde ampuse Mariki mɔ, pɛmɔ tɔkɔ ɔncyɔ ti mɔ. K'ɛyɛfɛ kɛkɛkaraɲ dim dɔpɔɲ,

17 k'asɔɲ kɔ buk ba wɛdɔɲk wɛka Kanu Esayi. K'emperi buk, k'ɛmbɔp da ancic:

18 «Amera ɲa Mariki ɲɛy'im kɛrɔɲ,
bawo Kanu kɛyɛk-yɛk im

ntɛ tɔsɔɲɛ iloku afum atɔyɔ daka toloku tɔtɔt mɔ.

Kanu kɛsom im kɛdedɔɲk kɛyac ka acar aɲɛ asumpɛr dɛkɛwan mɔ.†

Ideloku atɔnɔɲk a ɲandenɔɲk,

kɛdekekɛrɛ aɲɛ ɲayi kɛtam disrɛ mɔ, bɛkɛc yoforu disrɛ

19 kɛdedɔɲk kɛren ka kɛmar nke Kanu kɛndenɔɲɲɛnɛ afum sɛbe nɛɛ ɲantɔmpɛr mɔ.»

20 Ntɛ Yesu elip kɛkaraɲ mɔ, k'ɛnɛp buk, k'ɔsɔɲ bi wɛmarɛs nwe ɛnatɔmpɛr teta sɛbuk mɔ, k'ɔɲkɔ pɛndɛ. Akɔ ɲanayi dɛkɛtɔla Kanu da aSuyif disrɛ mɔ fɛp kɔ ɲaɲgbɔtnɛ kɔ.

21 Kɔ Yesu ɛyɛfɛ kɛlok-lokɛr ɲa: «Mɔkɔ toloku tecic tatɔkɔ nɔnɛ mɔ, tɛlarɛ.»

22 Kɔ fɛp fɛmentɛr kɔ ntɛ pɛmbɔt kɔ nnɔ eyi mɔ, kɔ tɔkɔ pɛnciyɛnɛ ɲa moloku mɔtɔt mme moncwur kɔ dɛkusu mɔ, kɔ ɲaɲyiftɛnɛ: «Bafɔ wan ka Isifu ɔfɔ ba?»

23 Kɔ Yesu oloku ɲa: «Incɛrɛ a nɛndelok'im capafɔ nce: «Wɛtɛn cɔl, mɛtamɛsnɛ mɛnasɛrka!» Nɛndesɔlok'im: «Sɔnɛ mes mɔkɔ mɛncɛpɛrɛnɛ Kaparnam mɔ fɛp, mɛyɔ sɔ mes min mayi nnɔ aɲkom ɛm mɔ.»»

24 Kɔ Yesu oloku ɲa sɔ: «Kance k'indeloku nu: Ali sayibɛ afɔselɛnɛ belbel nde aɲkom kɔ mɔ.

25 Kance kɔ kaɲkɛ indesɔlokɔ nu mɔ: Aran aɲɛ awos aɲa ɲanafi Yisrayel mɔ ɲanala tɛm ta Eli, tɛm ntɛ kɛm kɛnɔgbɔtnɛ meren maas yof camɛt-tin mɔ, a kɔ dor dɔpɔɲ dosumpɛr atɔf mɔ.

26 Mba kɛnasom fɛ Eli nda nwe o nwe, mɛnɛ nda wɛran wɛtɔlɔ wɛlɔma, nde Sarepta nde atɔf ɲa Sidɔɲ.

27 Acunɛ sen alarɛm ɲanayi sɔ Yisrayel tɛm ta sayibɛ Elise. Mba ali wɛkin ɲa daco anasɛkɛs fɛ, mɛnɛ Naman wɛka Siri.»

28 Ntɛ afum akɔ ɲanayi dɛkɛtɔla Kanu da aSuyif, ɲanane moloku mamɔkɔ mɔ, kɔ mɛtɛlɛ meyi fɛp faɲan.

29 Kɔ ɲayɛfɛ kɛbɛlɛs kɔ kɛwureɲɛ dare, kɔ ɲaɲkɛkɛrɛ kɔ nde tɔrɔ tenjɛci ta dare da Nasarɛt kɛrɔɲ nde ɲanacɛmbɛr dare daɲan mɔ, kɛkɔwɛn kɔ pɛtɛmpɛnɛ.

30 Kɔ Yesu ɛmbɛrɛ-bɛrɛ ɲa daco, k'ɔɲkɔ.

Fum nwe ɲɔɲk ɲɛlɛc ɲɛnakafɛli-kafɛli mɔ

Mark 1.21-28

31 Kɔ Yesu ontɔr dare da Kaparnam atɔf ɲa Kalile. K'ɔɲkɔ pɛctɛksɛ simiti, dɛsɔk da kɛɲɛsɛm.

† 4:18 Kɛdedɔɲk kɛyac ka acar aɲɛ asumpɛr dɛkɛwan mɔ kɔ pɛyɔnɛ fɛ ti-ɛ, «Kɛdeloku acar kɛsak kɛɲan ɲayi tɛfan taɲan.»

4:19 Esayi 61.1-2

³² Cusu cənaʋos ɲa kətəkse kən, bawo moloku mən mənayo fənəntər.

³³ Fum wəloma enayi dəndo dəkətola Kanu da aSuyif, nwe ɲəŋk ɲələc ɲənayi mə, pəckule-kule pəpən:

³⁴ «Ta ake tɔ məmberene mes mosu-ε, Yesu wəka Nasaret? Dəkələsər su mənder ba? Səncərə belbel nwe məyənə mə: Wəcempɪ wəka Kanu!»

³⁵ Kɔ Yesu ɲɲgbəŋ-gbəŋər ɲi, pəcloku: «Məmɛp kusu! Məwur fum wəkawε dərɪs!» Kɔ ɲəŋk ɲələc ɲɲgbal fum wəkakɔ dəntɔf afum daco, kɔ ɲowur kɔ dərɪs, ali pələc ɲənayo fε kɔ.

³⁶ Kɔ cusu cəwos afum fəp, kɔ ɲayefe kəyifətene: «Ake toloku tɔ tante-ε? Fənəntər kɔ kətam kən k'ɔŋlok-lokərə yəŋk yələc, yəcbələ ɲa.»

³⁷ Kɔ tetən tɛsam məmpəmpə ma dətɔf fəp.

Aɲnabi Yesu kətamas kən acuy alarəm

Mat 8.14-17; Mark 1.29-34

³⁸ Nte Yesu eyefe dəndo dəkətola Kanu da aSuyif mə, k'əŋkɔ ndena Simən. K'əŋkɔ pəbəp iya wəka wəran ka Simən pəcyikcəne fiba fəpən, kɔ akakɔ ɲayefe kələtsene Yesu a pəmar kɔ.

³⁹ Kɔ Yesu entilsərne wəran nwe k'ɲɲgbəŋ-gbəŋər fiba fafəkɔ, kɔ fiba fəsak kɔ. Gbəncana babəkɔ kɔ wəran nwe eyefe k'eyerəs afum yeri.

⁴⁰ Nte dec dɛŋkalɛ mə, aɲe ɲənayo acuy aɲe ɲanccune docu dəyamayama mə, kɔ ɲəŋkene ɲa Yesu. K'endenəsər ɲa waca fəp, kɔ ɲantamne.

⁴¹ Kɔ yəŋk yələc yolokus afum alarəm darən, yockule-kule: «Mən'əyənə Wan ka Kanu!» Kɔ Yesu ɲɲgbəŋ-gbəŋər yi, ta ɔŋwose a yolok-loku-ε, bawo yənacərə a nkən əyənə Wəbe nwe Kanu kəyek-yek mə.

Aɲnabi Yesu kəkawandi kən dəkətola Kanu da aSuyif

Mat 4.23; Mark 1.35-39

⁴² Dec dendesək, kɔ Yesu owur k'əŋkɔ nde kəfo kəyer-yer kələma. Kɔ afum alarəm ɲawur kəten kɔ, kɔ ɲəŋkɔ ɲabəp kɔ dəndo kəfo kəŋkɔ. ɲanafaŋ fε kəsak Yesu pəkɔ.

⁴³ Mba k'oloku ɲa: «Nəsak im ikədəŋk sɔ sədare sələma moloku mətɔt ma dəbe da Kanu, bawo itɔ anasom'em.»

⁴⁴ Kɔ Yesu ɲɲkawandi Kibaru Kətɔt dəndo dəkətola Kanu da aSuyif nde sədare sa Yude.

5

Yesu kəwe acεpsε ɔn darən acəkə-cəkə

Mat 4.18-22; Mark 1.16-20

¹ Dəsək dələma, Yesu pəcəme agbep ɲa kəba ka Kenesaret, afum ɲamɛpne kɔ ɲaccəŋkəl toloku ta Kanu.

² K'ənəŋk dəndo kəba kəsək cibil mərəŋ, nce awent ɲanawur disre, ɲacyak manta maŋan mə.

³ Kɔ Yesu embekε abil ɲin disre, ɲɲe ɲənayənə ɲa Simən mə, k'oloku kɔ a pəbələne agbep pipic. K'ende debil pəctəkse kənay kəŋkɔ kənacəme dəntɔf mə.

⁴ Nte εsak kəlok-loku mə, k'oloku Simən: «Məcəŋne nde pəntukme mə, nəgbal manta monu nəsumpər lop.»

⁵ Kɔ Simən oloku kɔ: «Wəkiriŋ, pibi pampε fəp səcgbal manta, mba ali paka səsɔtɔ fε. Mba nte məloku ti mə, kəgbal k'inder manta.»

⁶ Nte ɲɲgbal manta mə, k'osumpər lop yelarəm han kɔ manta moncop kəwale.

⁷ Kɔ ɲawe anapa aŋan akɔ ɲənayi abil ɲa mərəŋ ɲəkɔ disre mə, kədəmar ɲa. Kɔ akakɔ ɲander, kɔ ɲalas cibil cacəkɔ mərəŋ han cəcfan kəkale.

⁸ Nte ɲəŋk tatəkɔ mə, kɔ Simən Piyer entempene Yesu wεcək dəntɔf, k'oloku: «Wəbe, məbəl'em! Fum wəciya iyənə.»

⁹ Kɔ kusu kəwos kɔ, nkən kɔ akɔ ɲənayi mə fəp, teta lop yəkɔ ɲanasumpər mə.

¹⁰ Itə pənayi sə asol a Siməŋ, Sak kə Isəŋ, awut a Sebede. Kə Yesu oloku Siməŋ: «Ta mənəsə! Kəyefə məkə, afum ŋə mənɔde məcfəkəs oŋ.»

¹¹ K'asumpər lop akakə ŋampənɛ cibil dɛgbɛp, kə ŋasak ca fəp, kə ŋancəmə Yesu darəŋ.

Yesu əsəkəs wətətamnɛ

Mat 8.1-4; Mark 1.40-45

¹² Dare dəlɔma də Yesu ɛnayi. Kə wərkun wəlɔma nwe sen sənəsumpər dis fəp mə, ender. Nte ɛnəŋk Yesu mə, k'ɛntɛmpənɛ dəntɔf, k'ɛncəpɛ Yesu tobu, k'ɛlɛtsɛnɛ kə: «Mariki, kə məfan ti-ɛ, məntam kəsəkəs im.»

¹³ Kə Yesu ɛntɛnc kəca, k'ɔŋgbuŋɛnɛ kə, k'oloku: «Ifan ti, məsək!» Gbəncana babəkə kə sen səsək fum wəkəkə.

¹⁴ Kə Yesu oloku kə: «Ta məloku ti fum o fum, mba məkə məmentərnɛ wəlɔŋnɛ. Məkenɛ kə polɔŋnɛ teta kəsəkəs kam pəmɔ təkə Musa encic ti mə, tendeyɔnɛ afum fəp kəcərə a məntamnɛ.»

¹⁵ Tewe tən tɛncsam kəsam dəm, afum alarəm ŋaclɔŋkanɛ kəcəŋkəl kə, kətɛn ka kətaməs ka docu danan.

¹⁶ Mba kə Yesu owur afum daco, k'ɔŋkə nde dətɛgbərə **dəkəlok-lokər Kanu.**

Yesu kətaməs kən fum nwe ɛnatətam kəkət mə

Mat 9.1-8; Mark 2.1-12

¹⁷ Dəsək dəlɔma Yesu pəctəkse. AFarisi kə atəkse a sariyɛ ŋandɛ. Ŋayefɛ-yefɛ sədare sa tɔf ya Kalile kə Yude, kə dare da Yerusalem. Kə fənəntər fa Kanu Kəpəŋ fəyi kə Yesu, nte tɔŋsəŋɛ pəctaməs acuy mə.

¹⁸ Kə afum ŋander, ŋagbaŋnɛ fum nwe efi wɛcək mə dəpoko, ŋacɛp kəbərə kəkəboc kə fər ya Yesu kirin.

¹⁹ Nte dɛlay da afum dəsəŋɛ ŋa kətəsətə dəkəbərə mə, kə ŋampɛsɛ kələ kəron, kə ŋəŋkə ŋafeni kələ darenc kəfo kəlɔma, kə ŋantore wətəkət nwe pəyi dəyala yən afum daco, Yesu fər kirin.

²⁰ Nte Yesu ɛnəŋk kələŋ kəŋan mə, kə Yesu oloku fum nwe: «Wərkun, aŋaŋnɛn'am kiciya kam!»

²¹ Atəkse sariyɛ kə aFarisi ŋayefɛ kəcɛm-cɛmnɛ, ŋacyifnɛ: «Fum wərə ɔfə wəkawɛ ɔŋlɔməs Mariki mə? An'ɛntam kəŋaŋnɛnɛ kiciya, kə pəntɔyɔnɛ Kanu sona-ɛ?»

²² Kə Yesu ɛncərə pɛcɛm-cɛmnɛ paŋan, k'eyif ŋa: «T'ake tə məcɛm-cɛmnɛ mamɛ meyinɛ nu-ɛ?»

²³ Mosom mɛrəŋ mə mamɛ, tosom tere tətɔcuca kəlɔku: «Aŋaŋnɛn'am kiciya kam,» kə kəlɔku: «Məyefɛ, məkət-ɛ?»

²⁴ Awa indeyɔ nu tantɛ nte tɔŋsəŋɛ nəcərə a ina, Wan ka Wərkun, intəmpər kətam nno doru dandɛ kəŋaŋnɛnɛ ka kiciya: Kə Yesu oloku wəfi wɛcək, «Ilok'am: Məyefɛ! Mələk poko pam, məlukus nde ndaram!»

²⁵ Gbəncana babəkə kə wərkun nwe ɛyefɛ fər yaŋan kirin, k'ɛlɛk poko pən, k'osumpər dəpə kəkə nde ndəron pəckor-koru Kanu.

²⁶ Kə cusu cəwos afum fəp, kə ŋa sə ŋayefɛ kəkə-koru Kanu. Kə kənəsɛ kəyi ŋa, ŋaclɔku: «Sənəŋk məkə nte səntatənəŋk mə.»

Yesu kəwɛ kən Lewy

Mat 9.9-13; Mark 2.13-17

²⁷ Nte tatəkə tɛncɛpər mə, kə Yesu owur k'ɛnəŋk wəbaŋəs dut wəlɔma, nwe ancwɛ Lewy mə, pəndɛ nde aŋgbancan ŋa abanəs dut. Kə Yesu oloku kə: «Məcɛps'em darəŋ.»

²⁸ Kə Lewy ɛsak mes fəp, k'eyefɛ k'ɛncɛpsɛ Yesu darəŋ.

²⁹ Kə Lewy ɔŋkə pəbocɛ Yesu kəsata kəpəŋ nde ndəron. Abanəs dut alarəm ŋanayi di, ŋandɛs-ndɛs dəmesa kə afum alɔma kə Yesu.

³⁰ AFarisi kə atəkse sariyɛ s'aSuyif ŋaccəpənɛ, ŋacyif acɛpsɛ a Yesu darəŋ: «T'ake tə nəndinɛ yeri, nəcmunəs kəfo kin kə abanəs dut kə aciya-ɛ?»

³¹ Mba Yesu oloku ɲa: «Bafɔ atamnɛ ɲafan wɛtɛn cɔl de, mba acuy ɲafan kɔ.

³² Bafɔ alompu ɲɔ inder kɔwe, mba aciya, nte tɔɲsɔɲɛ ɲasɛkpɛr bɛkɛc, ɲacɛmɛ pɛlompu darɛɲ.»

Yesu kɔ kɛsun

Mat 9.14-17; Mark 2.18-22

³³ Kɔ ɲaloku Yesu: «Acɛpɛ a Saɲ darɛɲ kɔ aFarisi, ɲaɲsun tɛm fɛp ɲaccɛpɛs, mba kɔ aka mɛna ɲandi yeri ɲacmun.»

³⁴ Mba kɔ Yesu eyif ɲa: «Nɛntam kɛsɔɲɛ afum aɲɛ awe kɛgbɔɲɛ mɔ kɛsun, ɲasɔɔyi wɛfura kɛsɛk ba?

³⁵ Dɔsɔk dendebɛp ndɛ ɲandɛgbɛyɛnɛ kɔ wɛfura mɔ, awa ɲandesun dɔsɔk dadɔkɔ.»

³⁶ Kɔ Yesu oloku ɲa sɔ capafɔ nɛɛ: «Ali fum ɔfɔwali kɛpol dɛkɛloto kɛfu kɛkɔfapɛrɛ yamos yɛmɛcɛ-mɛcɛ. Bawo tɔɲsɔɲɛ kɛpol ka kɛloto kɛfu kaɲkɔ ɛwali mɔ, kɛtɔmar yamos yɛmɛcɛ-mɛcɛ yayɔkɔ ɛfan kɛlompɛs mɔ.

³⁷ Fum o fum ɔfɔbɛr wɛn wofu dɛtɔlɔba pa akata pokur. Kɔ mɔyɔ ti-ɛ, wɛn wɛɲwɛsɛli tɔlɔba, wɛn wolɔɲɛ. Mɔyi oɲ mɛsɔtɔ fɛ tɔlɔba, mɛsɔtɔ fɛ sɔ wɛn.

³⁸ Mɛbɛr wɛn wofu dɛtɔlɔba pofu!

³⁹ Fum o fum omun wɛn wokur ɔfɔsɔfan wofu, bawo oloku: «Wokur wɛntɔɲɛ.»»

6

Aɲnabi Yesu kɔ dɔsɔk da kɛɲɛsɛm ndɛ ampuse Mariki mɔ

Mat 12.1-8; Mark 2.23-28

¹ Nte Yesu ɛncɛali dɛlɛ dɔsɔk dɔlɔma da kɛɲɛsɛm ndɛ ampuse Mariki mɔ, * kɔ acɛpɛ ɔn darɛɲ ɲayɛfɛ kɛcɲosuru sɛbomp sa mɛɲgbɛn ɲacsɔm.

² Kɔ aFarisi alɔma ɲayif ɲa: «Ta ake tɔ nɔɲyɔnɛ nte Sariyɛ sɛntɔwosɛ kɔyɔ dɔsɔk da kɛɲɛsɛm mɔ?»

³ Kɔ Yesu eyif ɲa: «Nɔɲkaraɲ fɛ Yecicɛs Yosoku disɛ tɔkɔ Dawuda ɛnayɔ, nte dor dɛnayɔ kɔ, nkɔn kɔ akɔ ɲanasol mɔ ba?

⁴ —Nte Dawuda ɛnabɛrɛ kɛlɔ kɛpɔɲ ka Kanu mɔ, k'ɛlɛk cɛcom nɛɛ anclɔɲɛ Kanu mɔ, k'ɔsɔm ci, k'ɔmpocɛ sɔ asol ɔn akɔ dor dɛnayɔ mɔ, mba alɔɲɛ gbɛcɛrɛm ɲɔ Sariyɛ sɛnawosɛ kɛsɔm ci.»

⁵ Kɔ Yesu oloku ɲa: «Wan ka Wɛrkun ɔyɔnɛ mariki ma dɔsɔk da kɛɲɛsɛm ndɛ ampuse Mariki mɔ.»

Fum wɛfi kɛca

Mat 12.9-14; Mark 3.1-6

⁶ Kɔ dɔsɔk dɔlɔma da kɛɲɛsɛm ndɛ ampuse Mariki mɔ dendebɛp, kɔ Yesu ɔɲkɔ ndɛ dɛkɛtɔla Kanu da aSuyif pɛctɛkɛ afum. Wɛrkun wɛlɔma ɛnayi di pɛdɛmtɛr kɛca kɛtɔt.

⁷ Atɛkɛ sariyɛ kɔ aFarisi ɲaɲkɔkɛ Yesu belbel, kɔ pɔyɔnɛ a ɔɲkɔtamɛs fum dɔsɔk da kɛɲɛsɛm ndɛ ampuse Mariki mɔ. ɲanayɔ ti nte tɔɲsɔɲɛ ɲasɔtɔ teyɛmsɛnɛ kɔ mɔ.

⁸ Mba Yesu ɛnacɛrɛ mɛcɛm-cɛmɲɛ maɲan, k'oloku wɛrkun nwe ɛnadɛmtɛr kɛca mɔ: «Mɔyɛfɛ mɛcɛmɛ nnɔ afum dacɔ.» Kɔ wɛkɛkɔ ɛyɛfɛ, k'ɛncɛmɛ.

⁹ Kɔ Yesu eyif ɲa: «Icyif nu ma: Cɛke cɔ Sariyɛ sɛwosɛ dɔsɔk da kɛɲɛsɛm ndɛ ampuse Mariki mɔ-ɛ? Kɔyɔ ka pɛtɔt ba, ka pɛlɛc? Patamɛs fum ba, ka pace kɔ pɛfi?»

¹⁰ Awa, kɔ Yesu ɔmɔmɔn ɲa dɛcɛrɔ fɛp faɲan, k'oloku wɛrkun nwe: «Mɛtenci kɛca!» Kɔ wɛrkun nwe ɛntenci ki, kɔ kɛca kɔn kɛntamnɛ.

¹¹ Mba kɔ pɛntɛlɛ acicɛs a sariyɛ kɔ aFarisi pɛpɔɲ, kɔ ɲayɛfɛ kɛgbɛkɛlɛnɛ tɛta pɛlɛc mpɛ ɲantam kɔyɔ Yesu mɔ.

* **6:1** *Simiti, dɔsɔk da kɛɲɛsɛm ndɛ ampuse Mariki mɔ* sariyɛ sɛmɔnɛ aHebɛrɛ fɛp kɛbɛc tataka ta camɛt-mɛrɔɲ lokun o lokun. Difɔ aɲwe simiti «simiti, dɔsɔk da kɛɲɛsɛm».

Yesu kəyək-yək Asom ən wəco kə mərəŋ

Mat 10.1-4; Mark 3.13-19

¹² Təm tatəkə, kə Yesu empɛ nde dətərə kəkəsali, k'əŋkə pəcepərəne pibi fəp kəlok-lokər Kanu.

¹³ Ntɛ dec dəsək mə, k'ewe acɛpsɛ ən darəŋ, k'eyək-yək ŋa dacə afum wəco kə mərəŋ, aŋɛ ɛnasəŋ tewe ta «asom» mə.

¹⁴ K'ewe Siməŋ, nwɛ Yesu ɛnasəŋ tewe ta Piyer mə, kə wɛnc Andərə, Sak, Isəŋ kə Filip, Bartelemy,

¹⁵ Matiye, Təma, Sak wan ka Alfe, Siməŋ wəsimsɛ teta atəf,

¹⁶ Yude wan ka Sak, kə Yudas wəka dare da Keriyot nwɛ ɛnader pələpsər kəber Yesu aterɛne ən dəwaca mə.

Yesu pəctəkɛ pəctaməs

Mat 4.23-25

¹⁷ Kə Yesu ŋantor kəyɛfɛ dətərə kə ŋa, k'əŋkə pəcəmə kəfo kətəŋnɛne nkɛ acɛpsɛ ən darəŋ alarəm, kə kəŋay ka afum alarəm: Afum aka Yude fəp, dare da Yerusalem, kə afum aka kəba kəsək nde sədare sa Tir kə Sidəŋ.

¹⁸ Afum akaŋɛ fəp ŋanader kədəcəŋkəl kə, pətaməsɛne sə docu daŋan. Afum aŋɛ yəŋk yɛlɛc yəŋctərəs mə, ŋanatamɛ.

¹⁹ Afum fəp ŋacɛp kəgbuŋɛne kə, bawo fənəntər fəncwur kə nfe fəŋctaməs acuy fəp mə.

Pətət kə pələc

Mat 5.1-12

²⁰ Kə Yesu əməmən acɛpsɛ ən darəŋ, k'oloku:

«Pəbət nu nəna atəyɔ daka,

bawo nən'eyi akip ŋa dəbɛ da Kanu dəntəf!

²¹ Pəbət nəna aŋɛ dor dəyɔ tantɛ mə,

bawo nəndenembərə!

Pəbət nu, nəna aŋɛ nəyi kəbok mə,

bawo nəndesel!

²² Pəbət nu kə afum ŋandeter nu-ɛ, ŋacbeləs nu, ŋacləməs nu, ŋacləsər nu mewe bawo nəlan dim da «Wan ka Wərkun.»

²³ Nəde nəwoləs kə dəsək dadəkə dendeder-ɛ, nəyok-yokɛne pəbotu, bawo kəpocɛ kəpəŋ kəŋkar nu nde darenc. Təntɛ tə atem aŋan ŋancyɔ adəŋk a Kanu.

²⁴ Pələc peyi nu nəna aŋɛ nəyɔ daka mə!

Bawo nəlip kəsətə pɛnɛmpəsɛ ponu mpɛ pənamar nu kədəkəsətə mə.

²⁵ Pələc peyi nu nəna aŋɛ ca fəp yɛlar mə,

bawo dor dendəkəyɔ nu!

Pələc peyi nu nəna aŋɛ nəyi kəsəl mə,

bawo nəndəkəyi kəbal kə kəbok disrɛ!

²⁶ Pələc peyi nu nəna aŋɛ afum fəp ŋandeloku pətət ponu mə,

təntɛ tə atem aŋan ŋancyɔ kə akə ŋancbaŋɛne kəyɔne Sayibe sa Kanu mə.»

Kəbətər ka aŋɛ ŋanter nu mə

Mat 5.38-48; 7.12

²⁷ «Mba, iŋloku ti nəna aŋɛ nəncəŋkəl im mə: Nəbətər aterɛne anu, nəyɔ pətət aŋɛ ŋanter nu mə!

²⁸ Nətolanɛ pətət aŋɛ ŋantolanɛ nu pələc mə, nətolanɛ aŋɛ ŋaŋləməs nu mə!

²⁹ Kə fum efer əm kəca dəkanca-ɛ, məcencɛ kə sə akanca ŋa mərəŋ ŋəkə. Kə fum ɛləkər əm burumus-ɛ, məcɛ kə sə pələk duma dam.

³⁰ Məpocɛ nwɛ o nwɛ ontol'am mə, kə fum ɛləkər əm paka mpɛ pəyɔne pam mə, ta məwərəs kə pi.

³¹ Nəyɔne afum təkə nəfaŋ a ŋayɔne nu mə.

³² Kò tǎyǎne nǎbǎtǎr gbǎcǎrǎm akò ñambǎtǎr nu mǎ, kǎway kǎre kǎ nǎngbǎkǎr sǎ mera-ε? Ali aciya ñambǎtǎr aṅe ñambǎtǎr ña mǎ!

³³ Kò pǎyǎne a akò ñaṅyǎne nu pǎtǎt mǎ gbǎcǎrǎm ño mǎṅyǎne pǎtǎt-ε, kǎway kǎre kǎ mǎntam kǎgbǎkǎr amera-ε? Ali aciya, bafò tatǎkò tǎ ñaṅyǎ pǎmǎ nǎna ba?

³⁴ Kò pǎyǎne a akò nǎyǎ amera kǎdelukse nu mǎ gbǎcǎrǎm ño nǎntam kǎbǎr-ε, kǎway kǎre kǎ nǎna nǎntam kǎgbǎkǎr amera-ε? Bawo ali aciya sǎ ñambǎr aciya nte tǎṅsǎṅe ña kǎdesǎtǎ pǎtǎṅṅene payi mǎ.

³⁵ Nǎbǎtǎr ater anu, nǎbǎr ña nǎwure kǎlukse debe dadǎkò amera. Nǎndesǎtǎ kǎpocǎ kǎpǎṅ, nǎyǎne sǎ awut a Wǎbe wǎka darenc, bawo Kanu kǎntese nnò apǎlǎrne pǎtǎt kǎ ayenki bǎkǎc ṅayi mǎ.

³⁶ Nǎbǎtǎ mera pǎmǎ tǎkò Papa konu ǎmbǎt amera mǎ.»

Ta nǎcin afum alǎma

Mat 7.1-5

³⁷ «Ta nǎcin fum, afǎkǎcin nu. Ta nǎkiti akò nte tǎṅsǎṅe ta andesǎkiti nǎna mǎ. Nǎṅaṅṅene akò, andekǎṅaṅṅene nu.

³⁸ Nǎpocǎ, andekǎpocǎ nu. Andekǎber nde yuba yonu yǎpǎṅ ya duma donu potubcǎ pǎtǎt, pasumpǎr, pasǎṅk-sǎṅk, pǎlonǎr. Bawo potubcǎ mpe nǎntubcǎ mǎ, ip'andekǎsǎtubcǎ nu kǎlukse nu kǎway.»

³⁹ Kò Yesu olok-lokǎr ña capafǎ: «Wǎtǎnǎṅk entam kǎkǎtǎne wǎtǎnǎṅk ba? Kò pǎyǎne fe ti-ε merǎṅ maṅan fǎp mǎ ṅantǎmpǎne abi disre.

⁴⁰ Ali wǎcǎpse darǎṅ wǎkin eyi fe nwe embek dǎkǎcǎme pǎtas wǎtǎkse kǎn mǎ, mba wǎcǎpse darǎṅ nwe entǎkse belbel mǎ, eyi pǎmǎ wǎtǎkse kǎn.

⁴¹ Ake'sǎṅe nte mǎngbǎtne ayika ṅṅe ṅeyi wenc ǎm dǎrǎfǎr mǎ, mba ta mǎṅṅaṅk tǎmbonk ta kǎtǎk mpe peyi mǎnasǎrka dǎrǎfǎr mǎ-ε?

⁴² Pǎlompǎ pǎ ba, kǎloku wenc ǎm: «Wenc im mǎwose a ilin ǎm ayika ṅṅe ṅey'ǎm dǎrǎfǎr mǎ,» mba dǎfǎr da mǎna dǎyǎ tǎmbonk ta kǎtǎk? Mǎna wǎbanǎne kǎlomp! Mǎlinne kǎresna tǎmbonk ta kǎtǎk dǎfǎr dam, it'ǎṅsǎṅ'am kǎnǎṅk belbel ayika ṅǎkò mǎfan kǎlin wenc ǎm dǎrǎfǎr mǎ.»

Kǎtǎk kǎ yokom ya ki

Mat 7.16-20; 12.33-35

⁴³ «Kǎtǎk kǎtǎt kǎfǎkom yokom yelec, kǎtǎk kǎtǎtamne kǎfǎkom yokom yǎtǎt.

⁴⁴ Kǎtǎk nke o nke kǎ, yokom ya ki y'ǎṅṅepǎle ki. Afǎpim cǎyabe† kǎ wen ‡ dǎbǎṅk.

⁴⁵ Fum wǎtǎt nde abǎkǎc ṅǎn ṅǎtǎt ṅṅlek mǎyǎ mǎtǎt, kǎ fum wǎlec nde abǎkǎc ṅǎn ṅṅlek ṅṅlek mǎyǎ melec. Bawo nte o nte kusu kǎṅloku mǎ, ti teyi nde dǎbǎkǎc.»

Wǎlǎ merǎṅ

Mat 7.24-27

⁴⁶ «Ta ake tǎ nǎṅwen'em «Mariki! Mariki!» ta nǎṅyǎ mes mǎkò inloku mǎ-ε?

⁴⁷ Nwe o nwe eder im, pǎne moloku mem, pǎkǎt mi, imentǎr nu nwe onwurene mǎ:

⁴⁸ Owurene fum nwe eyi kǎcǎmbǎr kǎlǎ pǎkay dǎntǎf haṅ pǎtukme belbel, pǎcǎmbǎr kǎlǎ kǎn tasar teyǎṅki kǎron. Ali wǎcafǎn pǎtuf pǎlarǎm, mǎncaca meyekse, kǎlǎ kǎn kǎfǎtam kǎwunǎ, bawo anacǎmbǎr ki gbini.

⁴⁹ Mba nwe o nwe ene moloku mem, ta ṅṅkǎtǎne mi-ε, fum wǎkǎkò ṅawurene kǎ nwe encǎmbǎr kǎlǎ kǎn katina dǎntǎf, ta ṅṅkay pǎtukme pǎcǎmbǎr ki tasar kǎron mǎ. Kò wǎcafǎn ontuf, mǎncaca meyekse-ε, kǎlǎ kanǎkò kǎṅwunǎ katina, kǎlece few!»

7

Aṅnabi Yesu kǎtamǎs kǎn wǎcar ka wǎbe ka asǎdar 100

Mat 8.5-13

† **6:44** Cǎyabe = CǎTabo «figue» ‡ **6:44** Pokom mpe ponkom nde Yisrayel, pi pǎkò aṅfǎc kǎsǎtǎ member mme aṅwe «wen» mǎ.

¹ Nte Yesu elip kəlok-lokər afum anje ɲancɔŋkəl kə mə, k'emberɛ dare da Kaparnam.

² Dəndo kəfo kanjə, wəbe k'asɔdar wəRom wəlɔma ɛnayə wəcar nwe tetən tənayenjk kə mə. Wəcar wəkakə ɛnatamnɛ fɛ, pəcfan kəfi.

³ Nte wəbe k'asɔdar nwe ene pacloku teta Yesu mə, k'osom abeki aSuyif alɔma, ɲakəwɛnɛ kə Yesu pədetaməsɛ kə wəcar kən.

⁴ Kə abeki akakə ɲander ɲabəp Yesu kə ɲaletɛnɛ kə ɲacgbəkɛrɛ, ɲacloku: «ɔyɔ dofum ndɛ pəmar məyɔnɛ kə ti mə,

⁵ bawo wəbe wəkawɛ əmbətər atəf ɲosu, nkən ɛnacəmbər dəkətola Kanu da aSuyif dosu.»

⁶ Kə Yesu əɲkə kə ɲa. ɲanabəlɛnɛ fɛ kəlɔ ka wəbe wəsɔdar, kə wəsɔdar osom anapa ən kəkəlɔku kə: «Mariki, ta mətərəsɛ, bawo isətɔ fɛ dofum defaynɛn'am ndɛ kəlɔ kem disrɛ.

⁷ It'əsəɲɛ nte inasərka intənəkə nnə məyi mə. Mba məloku tolɔku tin, wəbəcɛ kem ɛntamnɛ.

⁸ Bawo ina wəkawɛ yati abɛ em ɲ'iyi dəntəf, k'ina sɔ iyɔ asɔdar alɔma anje ɲay'im dəntəf mə. K'iloku wəkin: «Məkə,» wəkayi əɲkə. K'iloku wəkə «Məder,» wəkayi ender. K'iloku wəcar kem: «Məyɔ nte-ɛ,» əɲyɔ ti.»

⁹ Nte Yesu ene moloku maməkə mə, kə teta wəsɔdar nwe tenciyanɛ kə. K'ɛɲkafələ, k'ɛntɛfərɛnɛ kənay k'afum akə ɲanacəmɛ kə darən mə, k'oloku: «Iclɔku nu, ali ndɛ Yisrayel inanəɲk fɛ kələn pəmɔ kanjkɛ!»

¹⁰ Kə asom a wəsɔdar nwe, ɲalukus ndərən. Kə ɲabəp wəcar nwe ɛnatə-tamnɛ mə, pətamnɛ kɛɲ.

Yesu əsəɲɛ wəfi kəfətɛ

¹¹ Nte telip mə, k'əɲkə dare ndɛ ancwɛ Nayin mə. Atəkəs ən kə afum alarəm ɲanasol kə nkən kəkə.

¹² Nte ɲabətərɛnɛ kəberɛ ka dare mə, kə ɲambəpɛnɛ kə afum ɲancəkɛrɛ fum wəfi dəkəwup, mba fum nwe sona gbɔɲ sɔ kɛrɛ ɛnakom kə, wos pəfi sɔ. Afum alarəm a dare dadəkə ɲancəkɛrɛ wəfi wəkakə dəkəwup.

¹³ Kə Yesu ɛnəɲk wəran nwe, k'əyɔnɛ kə nənəfər, k'oloku kə: «Ta məbok!»

¹⁴ Kə Yesu əncəɲɛ k'əɲgbuɲɛnɛ kanjkəra ka wəfi. Anje ɲanatəmpər kə mə ɲancəmɛ. Kə Yesu oloku: «Wətəmp, in'olok'am: Məyɛfɛ!»

¹⁵ Kə wəfi ɛyɛfɛ k'ɛndɛ, k'oncop kəlok-loku. Kə Yesu olukɛ wəfi nwe kɛrɛ.

¹⁶ Kə fəp fənɛsɛ, kə ɲayɛfɛ **kəcam debeki** da Kanu, ɲacloku: «Wədəɲk wəkə Kanu wəpən ɛyɛfɛ su dacɔ! Kə Kanu kənder kəmar afum ən!»

¹⁷ Kə təyɔ ta Yesu tatəkə tɛsam atəf ɲa Yude fəp, kəbəp ka sədare səkə səɲkɛl Yude mə.

Asom a Aɲnabi Saɲ

Mat 11.2-19

¹⁸ Kə acɛpɛ a Aɲnabi Saɲ darən ɲanjkə ɲaloku kə mes maməkə fəp. Kə Saɲ ewɛ acɛpɛ ən darən dacɔ afum mɛrən,

¹⁹ k'osom ɲa kəkəyif Mariki kə pəyɔnɛ nkən əyɔnɛ nwe eyi kəder kədeyɛc afum a Kanu mə, kə təyɔnɛ fɛ nkən-ɛ, pəmar pakar sɔ wəlɔma ba?

²⁰ Nte ɲambəp Yesu mə, kə afum anje ɲayif kə: «Saɲ Batis osom su kədeyif əm: «Mən'əyɔnɛ nwe eyi kəder mə, ka pəmar səkər sɔ wəlɔma ba?»»

²¹ Afum akakə anasom mə ɲanjkə ɲabəp Yesu pəctaməs docu da atətamnɛ alarəm, lanyiru, anje yəɲk yɛlɛc yɛncəmɛ darən mə, k'əsəɲɛ atənəɲk alarəm kənəɲk.

²² Kə Yesu olukɛ ɲa: «Nəkə nəloku Saɲ təkə nənəɲk kə təkə nənɛ mə:

Atənəɲk ɲanəɲk, atətam kəkət ɲanjkət,

k'asəkəs acunɛ sen, atəne ɲane,

afi ɲafətɛ, anjkawandi Kibaru Kətət nnə atəyɔ daka ɲayi mə.

²³ Pəbət nwe əntədəsak kəgbəkər im kələn kən * mə!»

* 7:23 kəsɔlɛ

²⁴ Nte asom a Saŋ aŋe ŋalukus mɔ, kɔ Yesu eyefe kɔloku kɔnay ka afum teta Saŋ pɔcyif: «Ake nɔnakɔ kɔmɔmɔn nde dɔtegbɔre-ε: Fum nwe efane pɔmɔ awo nŋe afef ŋeyikɔc mɔ ba?

²⁵ Mba anɔ nɔnakɔ oŋ kɔmɔmɔn di-ε, wɔrkun wɔsɔkɔp belbel ba? Mba nɔcɔre a asɔkɔp belbel nde wɔlɔ w'abe wɔ ŋande pɔtɔt disre.

²⁶ Mba anɔ nɔnakɔ oŋ kɔmɔmɔn-ε, Sayibe ba? Ey, icloku nu, Saŋ encepɔr Sayibe fɔp dɔkɔcɔme.

²⁷ Tetɔn t'ancicɔs nde Yecicɔs Yosoku disre: «Indekekɔre wɔsom kem fɔr yam kirin pɔkɔlomp's'am dɔpɔ.»

²⁸ Kɔ Yesu oloku: «Icloku nu, aŋe aran ŋaŋkom mɔ fɔp, ali wɔkin eyi fe nwe encepɔr Saŋ dɔkɔcɔme mɔ. Mba nwe efete nde dɔbe da Kanu dɔntɔf mɔ, ɔyɔne nwe encepɔr Saŋ dɔkɔcɔme mɔ.

²⁹ Afum aŋe ŋanane kɔ kɔlɔk-loku mɔ fɔp, kɔbɔp awerɔs dut, kɔ ŋawose dolompu da Kanu. Ti disre kɔ ŋawose a Saŋ pɔgbɔt ŋa dɔromun teta Kanu.

³⁰ Mba aFarisi kɔ atɔkse a sariye ŋanawose fe nte Kanu kɔnafanɔ ŋa mɔ, kɔ ŋafati a Saŋ pɔgbɔt ŋa dɔromun teta Kanu.

³¹ An'indetubcɔne afum a dɔtemp dande-ε? Anɔ ŋawurene-ε?

³² Aŋe ŋɔ ŋawurene: Ŋawurene awut aŋe ŋande kɔfo nke afum fɔp ŋambɔpsene mɔ, a ŋacwene kɔkɔloku:

«Sɔfulane nu luk, kɔ nɔntɔpise!

Kɔ sɔlenɔse nu melenɔ ma defi, kɔ nɔntɔbok.»

³³ Bawo nte Saŋ Batis, nwe encgbɔt afum dɔromun enader mɔ, oncsuŋ, ta oŋmun wen-ε, kɔ nɔloku a ɔyɔ ŋɔŋk ŋele!

³⁴ Kɔ Wan ka Wɔrkun ender, pɔcdi yeri pɔcmun wen kɔ nɔloku: «Wɔcelɔk kɔ wɔcis ɔfo, wanapa ka abanɔs dut k'aciya!»

³⁵ Mba awut a kɔcɔre kɔkɔtɔne mes ka Kanu ŋawose dolompu da ki.»

Yesu nde kɔlɔ ka Simɔŋ wɔFarisi

³⁶ Kɔ wɔFarisi wɔlɔma ewe Yesu kɔkɔdi yeri kɔ nkɔn. Kɔ Yesu embere nde kɔlɔ ka wɔFarisi wɔkakɔ, k'ɔŋkɔ pɔnde amɔsa kirin.

³⁷ Wɔran wɔciya wɔlɔma enayi dare dadɔkɔ, k'ene a Yesu ŋayi kɔdi yeri nde kɔlɔ ka wɔFarisi. Wɔran wɔkakɔ elɔk tɔkɔbɔ pa alabatɔr pɔlare labunde,

³⁸ k'ɔŋkɔ pɔcɔme Yesu kumunt darɔŋ pɔsumpɔr kɔ wɔcɔk. K'eyefe kɔbok pɔccaŋkɔse mɔncɔr mɔn wɔcɔk wa Yesu, k'efɔŋte wɔcɔk wa Yesu cɔfon cɔn, pɔccup wi, pɔclɔŋsɔr wi labunde.

³⁹ Nte wɔFarisi nwe enawe Yesu nde ndɔrɔn, enɔŋk tatɔkɔ mɔ, k'olokune dɔbɔkɔc: «Fum wɔkawɔ ɔŋyɔne wɔdɔŋk wɔka Kanu-ε, k'encɔre wɔran nwe oŋgbuŋene kɔ mɔ, fum nwe ɔyɔne mɔ—Wɔran wɔciya.»

⁴⁰ Kɔ Yesu elɔk moloku, k'oloku: «Simɔŋ, iyɔ toloku tɔlɔma tolok'am.» Kɔ Simɔŋ oloku kɔ: «Mɔlɔk'im ti, Wɔtɔkse.»

⁴¹ «Wɔbɔs-bɔsɔr wɔlɔma afum merɔŋ ŋanatɔmpɔre debe: Wɔkin nwe pɔtɔmpɔre kɔ gbeti mɔncɔmbɔl masar kɔcamɔt (500), kɔ wɔka merɔŋ pɔtɔmpɔre kɔ mɔncɔmbɔl 50.

⁴² Mba nte wɔbɔs-bɔsɔr nwe enɔŋk fɔ alekɔr ɔn sɔbe ŋayɔ fe gbeti bolukse kɔ mɔ, k'ɔŋaŋne merɔŋ maŋan fɔp. Akakɔ merɔŋ anɔ endenaŋkanɔ kɔbɔtɔr kɔ pɔtas wɔkɔ-ε?»

⁴³ Kɔ Simɔŋ oloku kɔ: «Pɔwuren'em, a wɔkɔ enatɔmpɔre kɔ gbeti bɔlarɔm mɔ.» Kɔ Yesu oloku kɔ: «Gbɔs, mɔloku kance!»

⁴⁴ Kɔ Yesu ɔŋkafɔle k'ɔntɔfɔrne wɔran nwe, k'oloku Simɔŋ: «Mɔnɔŋk wɔran nwe? Imberɔna nnɔ kɔlɔ kam mba mɔsɔŋna f'em domun ibikɔne wɔcɔk, mba nkɔn encaŋkɔse wɔcɔk wem mɔncɔr mɔn, k'efɔŋte wi cɔfon cɔn.

⁴⁵ Māncupna f'em, mba nkən kəyefē nte imberena nnə mə, a k'oncop kəcupəs im wēcək mə, haŋ ndəkəl itə eyi kəyə.

⁴⁶ Məsopna f'em moro dərōmp,† mba wəran wəkawē osop im labundē dəwēcək.

⁴⁷ Itə əsəŋe nte intam kəlōk'am a, kiciya kəlarəm nke enciya mə, aŋaŋnēnē kə ki, bawo nkən əmbətər pənaŋkanē. Məna nwe aŋaŋnēnē pipic mə, pipic pə məmbətər.»

⁴⁸ Kə Yesu oloku wəran nwe: «Aŋaŋnēn'am kiciya kam.»

⁴⁹ Afum aŋe ŋanandē amesa kiriŋ kə nkən mə, ŋancop kəclokunē dəbəkək: «An'əfə wəkawē eŋaŋnēnē ali kiciya mə?»

⁵⁰ Mba kə Yesu oloku wəran: «Kəlaŋ kam kəyac əm, məkənē abəkək ŋoforu.»

8

Aran aŋe ŋaŋsol kə Yesu mə

¹ Nte tēyefē dānda mə, kə Yesu ende pəckət sədare səpəŋ kə səfət sa dətəf fəp, pəckawandi pəcdəŋk Kibaru Kətət ka dēbē da Kanu. Ŋasol kə Asom ən wəco kə mēraŋ,

² kəberēnē ka aran alōma aŋe enataməs docu da dis kə da yəŋk yelēc mə: Mari wəkə ancwē «Wəka Makdala» mə, nwe anabeləs yəŋk yelēc camət-mēraŋ mə,

³ Yohanna (wəran ka Cusa, wəlompəs ka mes ma kələ disrē ka Herodu), Susan kə aran alarəm alōma aŋe ŋancwūrē daka daŋaŋ kəmar ka Yesu kə Asom ən mə.

Capafə ca wəbəf

Mat 13.1-9; Mark 4.1-9

⁴ Kə kənaŋ ka afum alarəm ayefē sədare səlōma ŋamepəne kə. Kə Yesu oloku totubcēnē nte:

⁵ «Nte wəbəf owur kəkəgbal defet dən mə, eyi kəgbal defet kə mēŋgben məlōma mēntempnē dəpə. Afum ŋacnas-nas mi, kə bēmp yender yəsəm mi.

⁶ Kə mēŋgben məlōma mēntempnē antəf ŋa masar kəroŋ. Nte mompon mə, kə mowos, bawo mēnasətə fē pədəm.

⁷ Kə mēŋgben məlōma mēntempnē dəbēŋk, kə bēŋk yompon kə mēŋgben maməkə, kə yendi mi.

⁸ Kə mēŋgben məlōma mēntempnē antəf ŋətət kəroŋ. Nte maməkə mompon mə, kə yəŋkoməs, kə popon mpe o mpe pəŋkom mēŋgben tasar tin (100).» Yesu oncloku toloku tatəkə, pəcgbəŋe: «Məna nwe məŋyə ləŋəs yenēnē mə, mənē ti!»

Ta ake tə Yesu oncloke totubcēnē-ε?

Mat 13.10-17; Mark 4.10-12

⁹ Kə acēpsē Yesu darəŋ ŋayif kə nte totubcēnē tatəkə toloku mə.

¹⁰ K'olukse ŋa: «Nəna ŋə Kanu kəsəŋe kəcərə kance kəgbəpnē ka dēbē dən, mba kə akə dəmotubcēnē aloku ŋa ki, ti təsəŋe nte:

«Ŋaŋgbətne belbel mba ŋafəŋəŋk,

ŋacəŋkəl belbel mba ŋafəcərə.»»

Yesu kəlōku tedisrē ta capafə ca wəbəf

¹¹ «Tedisrē ta totubcēnē tante tēntē: Defet, Toloku ta Kanu tə.

¹² Mēŋgben mme mēntempnē dəpə dacə mə, mi məyənē afum aŋe ŋaŋne mə, Ŋəŋk Ŋelēc ŋeder ŋeliŋ ŋa dəbəkək Toloku ta Kanu təkə enane mə, nte təŋsəŋe payaməsər ŋa kəlaŋ nke kəntam kəyac ŋa mə.

¹³ Mēŋgben məkə meyi kəfo ka masar mə, məyənē afum aŋe ŋanckənane Toloku ta Kanu, pəbət ŋa mə. Mba ŋayə fē ncənc,* ŋalaŋ tēm təlōma, kə tēm teyēŋki tender ŋa-ε, ŋasak ti few.

† 7:46 Aka Yisrayel moro mə ŋancsop acikərə aŋaŋ alet

* 8:13 Kəntəntəl, ntəntəl = «kəcənc», «ncənc»

¹⁴ Mɛngbɛn mmɛ mɛntɛmpɛnɛ dɔbɛŋk mɔ, mi mɔyɔnɛ afum aɲɛ ɲancɛŋkɛl Toloku ta Kanu, kɔ ɲalasɛrnɛ mes mɔpɔŋ mmɛ mendi toloku tatɔkɔ mɔ: Mɛcɛm-cɛmnɛ mɛlarɛm, kɛsɔtɔ ka daka kɔ mɛfan mobotu ma doru, mɔfɔsɔŋɛ ti kɛkom yokom yololu.

¹⁵ Mɛngbɛn mmɛ meyi antɔf ɲɔtɔt mɔ, afum ɲɔ aɲɛ ɲancɛŋkɛl Toloku abɛkɛc ɲɔtɔt ɲosoku, ɲamɛŋkɛrnɛ ti, ɲacɛmɛ ti darɛŋ mɔ, ɲa ɲaɲsɔŋ yokom yɔtɔt.»

Totubcɛnɛ ta lamp

Mark 4.21-25

¹⁶ «Nwɛ o nwɛ ɔfɔmot lamp a pɛgbɔpɔr di kɛfala, ɔfɔsɔbɛrsɛnɛ di kɛfɔnc dɛntɔf, mba endɛt di kɛdɛt dɛm, nɛ tɔŋsɔŋɛ aɲɛ ɲambɛrɛ dɛkɛlɔ mɔ, ɲanɛŋkɛnɛ pɔwanɲɛra.

¹⁷ Paka mpɛ o mpɛ pɔŋgbɔpɛnɛ mɔ, andɛtam pi kɛnɛŋk. Tes nɛ o nɛ aɲmɛŋk mɔ, andɛtam ti kɛcɛrɛ, towur tɔyɔ afum wanɲɛra.

¹⁸ Nɛkɛmbɛrnɛ tɔkɔ nɛncɛŋkɛl mɔ, bawo andɛkɔbɛrɛnɛ wɛkɔ ɔyɔ mɔ, pabelɔr wɛkɔ ɔntɔyɔ mɔ ali pɔkɔ ɛŋgbɛkɛr amera kɔyɔnɛ pɔn mɔ.»

Iya kɔ awɛnc a Yesu

Mat 12.46-50; Mark 3.31-35

¹⁹ Kɔ iya ka Yesu kɔ awɛnc ɔn ɲander ɲabɔp kɔ, mba ɲanctam fɛ kɛlɔtɛrnɛ kɔ nɛ afum ɲala mɔ.

²⁰ K'aɲkɔ paloku Yesu: «Iya kam kɔ awɛnc ɔm aɲa ɲancɛmɛ ndɛ dabanɲka, mɛna ɲafan kɛnɛŋk.»

²¹ Kɔ Yesu oloku: «Iya kem k'awɛnc im aɲa, ɲayɔnɛ aɲɛ ɲancɛŋkɛl toloku ta Kanu ɲacɛmɛ sɔ ti darɛŋ mɔ.»

Yesu kɛcɛmbɛrɛs kɛn afɛf ɲɔpɔŋ

Mat 8.23-27; Mark 4.35-41

²² Dɔsɔk dɔlɔma kɔ Yesu ɛmbɛkɛ debil kɔ acɛpɛ ɔn darɛŋ. K'oloku ɲa: «Pacali ntɛndɛ kɛba mokuru.» Kɔ ɲayɛkti abɛla kɛkɔ.

²³ ɲayi kɛcali, kɔ Yesu endirɛrnɛ. Kɔ afɛf ɲɔpɔŋ ɲɛyɛfɛ kɛwur dɛkɛba kɔ abil ɲɛfan kɛkalɛ, kɔ ɲayi dɛpɔwɛy-wɛy.

²⁴ Kɔ acɛpɛ ɔn darɛŋ ɲander ɲatimi kɔ, ɲackulɛ-kulɛ: «Wɛtɛksɛ! Wɛtɛksɛ! Kɛfi kɔ sɛnder!» Nɛ entimɛ mɔ, k'ɛyɛfɛ kɛgbɛŋ-gbɛŋɔr afɛf kɔ yam yɔpɔŋ yɔkɔ yɛnɛyɛfɛ mɔ, kɔ yɛsak few. Kɔ pɔyɔ yɛŋ, ali tes ancne fɛ sɔ.

²⁵ Kɔ Yesu eyif ɲa: «Deke kɛlanɲ konu kɛyi-ɛ?» Nɛ ɲanɛsɛ a kɔ cusu cɔwɔs ɲa mɔ, kɔ ɲayifɛnɛ aɲɛ kɔ akɔ: «An'ɔfɔ wɛkawɛ? Wɛkawɛ ɛŋgbɛŋ-gbɛŋɔr ali afɛf kɔ yam, yɛcɛmɛ sɔ tɛfan tɔn darɛŋ mɔ!»

Yesu kɛtamɛs ka fum nwɛ yɔŋk yɛlɛc yɛnacɛmɛ darɛŋ mɔ

Mat 8.28-34; Mark 5.1-20

²⁶ Yesu kɔ acɛpɛ ɔn ɲanɲkɔ mokuru ndɛ kulum ka Kerasa, ndɛ pɛntɛfɛrɛnɛ kɔ atɔf ɲa Kalile mɔ.

²⁷ Nɛ Yesu owur debil mɔ, kɔ fum wɛlɔma wɛka dare dadɔkɔ endɛr pɛcɛmɛ kɔ fɔr kirinɲ, nkɔn yɔŋk yɛlɛc yɛlarɛm yɛnɛyɛ mɔ. Kɛyɛfɛ nɛ pɛnawon mɔ, ɛncbɛrnɛ fɛ duma, ɛnɛyɛ fɛ dɛkɛlɔ, mɛnɛ pɔyi ndɛ cufu dacɔ.

²⁸ Nɛ fum nwɛ ɛnɛŋk Yesu mɔ, kɔ ɲanɲk ɲɛlɛc ɲɔsɔŋɛ kɔ kɛkulɛ-kulɛ pɔpɔŋ, k'ɛntɛmpɛnɛ Yesu wɛcɛk dɛntɔf, k'oloku pɔpɔŋ: «T'ake tɔ mɛmbɛrɛnɛ mes mem-ɛ, Yesu Wan ka Kanu nkɛ kɛyi darenɛ mɔ? Iletsɛn'am ta mɛtɔrɛs im!»

²⁹ Fum wɛkakɔ ɛnaloku ti bawo Yesu oncloku ɲanɲk ɲɛlɛc ɲɛ ɲɛnabɛrɛ fum wɛkakɔ dɛris pɔwon mɔ kɛwur. Cɔkɔ-cɔkɔ, anckɔtɛrɛnɛ fum wɛkawɛ gbɛkɛcɛ dɔwɛcɛk kɔ afɛc ɲɔpɔŋ, mba onccopu yi, ɲanɲk ɲɛlɛc ɲosolɛ kɔ ɲɛkɛkɛrɛ ndɛ dɛtɛgbɛrɛ.

³⁰ Kɔ Yesu eyif kɔ: «Cɛkɛ cɔ aɲw'am-ɛ?» Kɔ fum nwɛ oloku Yesu: «Ina aɲwɛ <Kɛnɛy>.» K'oloku ti bawo yɔŋk yɛlɛc yɛlarɛm yɛnacɛmɛ kɔ darɛŋ.

³¹ Kɔ yɔŋk yɛlɛc ɲyɛ yɛlɛtsɛnɛ Yesu kɛsak yi, ta pɔsɔŋɛ yi kɛwur yɔkɔ dɛpɔŋal-ɲal.

³² Awa, ɲanabolene fe sɔp yelarəm nyɛ yɔncsɔmɔt dɛndo tɔrɔ kɛronɲ mɔ. Kɔ yɔŋk yeɛc yeletsene Yesu kɛce yi yeberɛ dɛsɔp nyɛ, kɔ Yesu owosene yi.

³³ Kɔ yɔŋk yeɛc yowur dɛfum, kɔ yɔŋkɔ yember�ɛ dɛsɔp. Kɔ sɔp nyɛ fɛp yontor kɛyɛfɛ dɛtɔrɔ, kɔ yɔŋkɔ yotor dɛkɛba, kɔ yɛŋgbɔtsɛ, kɔ yefis-fis fɛp.

³⁴ Nte akɛk sɔp aɲɛ ɲanɔŋk ti mɔ, kɔ ɲayɛkse kɔ ɲanɲkɔ ɲasamsɛrɛne toloku tatɔkɔ dare kɔ aka sɛdare sɛkɛsɛk.

³⁵ Kɔ afum ɲander kɛmɔmɛn tɔkɔ tenacepɛr di mɔ. Kɔ ɲander nnɔ Yesu eyi mɔ, kɔ ɲambɛp fum wɛkɔ yɔŋk yeɛc yɛnawur dɛris mɔ, pɛsɛkɛp pɛnde Yesu dɛntɔf, kɔ amera ɲɔn fɛp, afum aɲɛ ɲanader kɛmɔmɛn mɔ ɲanesɛ.

³⁶ Afum akɔ ɲananɔŋk tɔkɔ tenacepɛr mɔ, ɲalɔmɛr akɔ ɲanader kɛmɔmɛn tɔkɔ anayac kɔ mɔ.

³⁷ Kɔ afum a atɔf ɲa Kerasa fɛp ɲaletsene Yesu a pɛyɛfɛ ndaranɲan pɛkɔ, bawo ɲanananɲkane kɛnesɛ. Kɔ Yesu embɛrɛ debil, k'olukus.

³⁸ Fum wɛkɔ Yesu ɛnalukɛ yɔŋk yeɛc darɔŋ mɔ, ɛletsene Yesu a pɛtam kɛce kɔ pɛyi kɔ dɛntɔf. Mba kɔ Yesu ombupɛrɛ kɔ pɛcloku:

³⁹ «Mɛlukus nnɔ ndaram. Mɛkɔ mɛcloku afum tɔkɔ Kanu kɛyɔn'am mɔ fɛp.» Kɔ fum nwe ɔŋkɔ pɛloku dare disɛ fɛp mes mɛkɔ Yesu ɛnayɔne kɔ mɔ.

*Wan wɛran wɛka Sayirus, kɔ wɛran wɛkɔ ɛnagbuɲɛne yamos ya Yesu mɔ
Mat 9.18-26; Mark 5.21-43*

⁴⁰ Yesu kɛlukus kɔn, kɔ afum ɲanɲkɔ ɲafayne kɔ, bawo fɛp fɛnckar kɔ.

⁴¹ Tɛm tatɔkɔ fum wɛlɔma ɛnader pacwe kɔ Yayirɔs, nwe ɛnayɔne wɛbɛ ka dɛkɛtola Kanu da aSuyif mɔ. Kɔ Yayirɔs ontontne k'osumpɛr Yesu wɛcɛk, pɛclɛtsene kɔ kɛwosɛ kɛder ka kɛlɔ kɔn.

⁴² Bawo ɛnayɔ wan wɛran wɛkin gbon, nwe ɛnasɔtɔ meren wɛco kɔ mɛrɔŋ mɔ, pɛfi. Nte Yesu ɛyɛfɛ kɛkɔ mɔ, kɔ kɛnay kɛmɛpne kɔ han ɲacyamɛsɛr kɔ kɛɲɛsɛm.

⁴³ Wɛran wɛlɔma ɛnayi di, pɛyɔ docu da kɛwur mecir tenasɔtɔ meren wɛco kɔ mɛrɔŋ ta pɛncɛmbɛrɛs-ɛ. Wɛran nwe ɛnabɛrɛse daka dɔn fɛp nnɔ atɛn cɔl ɲayi mɔ, nte tɔɲsɔɲɛ patamɛs kɔ mɔ. Mba ali fum ɛnatam fe kɛtamɛs kɔ.

⁴⁴ Kɔ wɛran nwe ɔlɔtɛrne Yesu tadarɔŋ, k'ɔŋgbuɲɛne dobol da yamos yɔn. Gbɛncana babɔkɔ kɔ kɛwur mecir kanɲkɔ kɛnayi kɔ mɔ kɛsake.

⁴⁵ Kɔ Yesu eyif: «Anɔ ogbuɲɛn'em-ɛ?» Nte afum fɛp ɲambupɛrɛ ti mɔ, kɔ Piyɛr oloku: «Wɛtɛkse afum ɲanɲkɛl ɛm waca nwe fɛp!»

⁴⁶ Kɔ Yesu oloku: «Fum wɛlɔma ɔŋgbuɲɛn'em, bawo incɛrɛ a fɛnɔntɛr fɛlɔma fɛwur im dɛris.»

⁴⁷ Nte wɛran nwe ɛncɛrɛ a Yesu ɛncɛrɛ a fum ɔŋgbuɲɛne kɔ mɔ, k'ender pɛcyikɛ, k'ɛntɛmpɛne Yesu wɛcɛk dɛntɔf. K'oloku afum fɛp fɔr kirin tes tɔkɔ tenasɔɲɛ kɔ kɛgbuɲɛne ka duma da Yesu mɔ, kɔ tɔkɔ docu dɔn dɛnatamne gbɛncana babɔkɔ mɔ.

⁴⁸ Kɔ Yesu oloku kɔ: «Wan kem, kɛlan kam kɛntamɛs ɛm, mɛkɔne abɛkɛc ɲoforu.»

⁴⁹ Yesu eyi kɛlok-loku kanɲkɔ, kɔ fum wɛlɔma ɛnder kɛyɛfɛ ka ndena wɛbɛ ka dɛkɛtola Kanu da aSuyif da dare, k'ender pɛloku: «Wan kam efi, ali mɛntɔrɛs fe sɔ wɛtɛkse kɛkɔ di.»

⁵⁰ Mba Yesu ɛnane fum nwe kɛlɔku ka wɛbɛ wɛka dɛkɛtola Kanu da aSuyif defi da wan kɔn, k'oloku wɛbɛ nwe: «Ta mɛnesɛ! Mɛlan gbɛcɛrɛm, wan kam ɛntamne.»

⁵¹ Nte ɲander dɛkɛr mɔ, Yesu owosɛ fe fum kɛberɛ kɔ nkɔn mɛne Piyɛr, Isan, Sak, wan wɛran nwe kas kɔ kɛrɛ gbɛcɛrɛm, ɲɔ ɛnawosɛ kɛberɛ nnɔ wan wɛran wɛfi nwe eyi mɔ.

⁵² Kɔ afum fɛp ɲambok ɲaclɔm pɛcuy paɲan tetɔn. Kɔ Yesu oloku: «Ta nɛbok! Efi fe, kɛdirɛ k'ɛnde.»

⁵³ Kɔ afum ɲayɛfɛ kɛfani Yesu, bawo afum aɲɛ ɲanacɛrɛ a wan wɛran nwe efi.

⁵⁴ Kɔ Yesu osumpɛr wan wɛran nwe kɛca, k'olokɛ dim dɔpɔɲ: «Wan kem, mɛyɛfɛ!»

⁵⁵ Kɔ amera ɲɔn ɲoluksɛrne kɔ dɛris, gbɛncana babɔkɔ k'ɛyɛfɛ, kɔ Yesu oloku a pasɔŋ kɔ yeri.

⁵⁶ Kɔ cusu cəwos akombəra aka wan wəran nwe, kɔ Yesu oloku ɲa a ta ɲaləmər nwe o nwe nte tencepər mə.

9

Yesu osom acepse ɔn darəɲ wəco kɔ mɛrəɲ

Mat 10.5-15; Mark 6.7-13

¹ Kɔ Yesu ewe acepse ɔn darəɲ aɲe wəco kɔ mɛrəɲ, k'ɔsəɲ ɲa fənəntər fa kətam ka kəbɛləs yəɲk yɛləc fəp, kɔ kətaməs ka docu.

² Kɔ Yesu osom ɲa kəkɔdɔɲk dəbe da Kanu, kɔ kətaməs ka acuy.

³ K'oloku ɲa: «Ta nətəmpərəne daka o daka teta dɔpɔ, ta nətəmpər togbo, ta nətəmpər tɔlɔba, ta nətəmpər tocom, ta nətəmpər pəsam, ta nwe o nwe pətəmpər səburumus mɛrəɲ.

⁴ Kɔ nəndekɔberɛ kələ nke o nke-ε, nɔyi di, difɔ nəndekɔyɛfɛ a nəsumpər dɔpɔ donu kəkɔ.

⁵ Nnɔ o nnɔ afum ɲantəkɔwosɛ nu kəyi mə, kɔ nəndewur dare dadɔkɔ-ε, nəkɔɲ-kɔɲ wɛcək wonu, it'endeyɔnɛ sede a ɲanabaɲ fɛ nu.

⁶ Kɔ asom aɲe ɲawur ɲackɔt sədare, ɲacdɔɲk toloku tɔtɔt ta Kanu, ɲactaməs acuy mofɔ fəp.

Pəciyanɛ pa Herodu

Mat 14.1-12; Mark 6.14-29

⁷ Nte Herodu nwe ɛnatəmpər dəbe Kalile ene mes mme mencepər mə, kɔ pənciyanɛ kɔ, bawo alɔma ɲancloku a Saɲ ɔfɔ, nkən ɔfɔtɛ afi dacɔ,

⁸ alɔma ɲacloku, a Eli edɛr, alɔma ɲacloku, a wədɔɲk wəka Kanu wəcɔkɔ-cɔkɔ wəlɔma oluksərɛ sɔ kəder.

⁹ Kɔ Herodu nkən oloku: «Inagbinti Saɲ domp! An'ɔyɔnɛ fum wəkawɛ aɲloku tetɔn mə-ε?» Kɔ Herodu ɛfaɲ kənɔɲk kɔ.

Yesu kəsəɲɛ ka afum wul kəcāmət (5000) kənɛmbərə

Mat 14.13-21; Mark 6.30-34; Isaɲ 6.1-14

¹⁰ Kɔ asom ɲander ɲalukɛ Yesu tɔkɔ ɲanayɔ mə fəp. Kɔ Yesu ɛlək ɲa kɔ ɲawurnɛ kəsək, ntende dare da Betsayida.

¹¹ Kɔ afum ɲancərə kəwur kəɲan kɔ ɲancepse ɲa darəɲ. Kɔ Yesu owosɛ ɲa kəder, k'ɔɲkɔ pəcloku ɲa teta dəbe da Kanu, k'ɛntaməs sɔ aɲe ɲanatɔtamnɛ mə.

¹² Nte dec dəyɛfɛ kəkələ mə, kɔ acepse ɔn ɲalɔtərɛ kɔ ɲacloku: «Məyɔ ɔɲ məsək afum akaɲe ɲakɔ ɲatɛn dəkədirɛ kɔ yeri nde sədare səcsək kɔ dɛmadare mɛfɛt mɛfɛt mme mɛɲkɛl nnɔ mə, bawo dətɛgbərə ayi wəkawɛ.»

¹³ Kɔ Yesu oloku ɲa: «Nənasərka nəsəɲ ɲa yeri.» Kɔ acepse ɔn ɲayif kɔ: «Cəcom kəcāmət kɔ lop mɛrəɲ gbəcərɛm yɔ səyɔ, məfaɲ ɔɲ a səkɔ səwayɛ kənay kanke yeri ba?»

¹⁴ Mba afum aɲe ɲancbəp arkun wul kəcāmət (5000). Kɔ Yesu oloku Asom ɔn: «Nəyɔ ɲa ɲalɔɲkanɛ arkun wəco kəcāmət wəco kəcāmət (50-50).»

¹⁵ Kɔ asom ɔn ɲayɔ tɔkɔ Yesu ɛnaloku ɲa kəyɔ mə, kɔ ɲandəs ɲa fəp.

¹⁶ Kɔ Yesu ɛlək cəcom nce kəcāmət kɔ lop nyɛ mɛrəɲ, k'eyɛkti fər darenc, k'eyif Kanu barka. Kɔ tɛyɛfɛ dənda k'entepi cəcom nce a k'ɛndəsəɲəs ci acepse a ɲayerəs kənay kanke.

¹⁷ Kɔ fəp fəsɔm ci kɔ ɲanɛmbərə. Nte anawɛtəs yeri yɛləpəs nyɛ mə, yɛnayɔ cəfala wəco kɔ mɛrəɲ.

Piyɛr oloku a Yesu ɔyɔnɛ nwe Kanu kəyɛk-yɛk mə

Mat 16.13-19; Mark 8.27-29

¹⁸ Dəsək dɔlɔma Yesu **pəclock-lokər Kanu** taciɲa, acepse ɔn darəɲ ɲalɔɲkanɛ kɔ kəsək. Kɔ Yesu eyif ɲa: «Toloku ta afum, anɔ iyɔnɛ-ε?»

¹⁹ K'acepse ɔn darəɲ ɲaloku kɔ: «Nte alɔma ɲaloku mə, a Aɲnabi Saɲ məyɔnɛ, k'alɔma ɲaloku a Eli məyɔnɛ, alɔma a sayibɛ səlɔma sɔ məyɔnɛ nwe ɛyɛfɛ afi dacɔ mə.»

²⁰ Kɔ Yesu eyif ɲa sɔ: «Pɛcɛmɛmnɛ ponu, an'iyɔnɛ-ɛ?» Kɔ Piyɛr oloku Yesu: «Krist wɔyɛk-yɛk wɛka Kanu mɔyɔnɛ.»

Yesu kɛcam defi dɔn kɔ kɔdeyɛfɛ kɔn afi daco

Mat 16.20-28; Mark 8.30-9.1

²¹ Kɔ Yesu entin-tin ɲa kɛcaɲkɛ ti, ta ɲaloku ti ali fum.

²² K'ɔnɔcɛr a pɛnamar dis dɔlɔl Wan ka Wɛrkun belbel. Abeki, alonɲɛ apɔɲ kɔ atɔksɛ sariyɛ ɲandewɛnɛs kɔ, padif kɔ, pɛfɔtɛ afi daco tataka ta maas.

²³ K'oloku afum fɔp nte: «Kɔ fum ɛfan kɛcɛps'em darɔɲ-ɛ, wɛkayi pɛsak kɛcɛm-cɛmnɛ teta nkɔnsɛrka, pɛgbɔɲɛ kɛtɔk kɔn kɛpɔmpɔl dɔsɔk o dɔsɔk, pɛcɛm'em darɔɲ.

²⁴ Bawo, nwe o nwe ɛɲsɛp kɛyac kɛyi doru kɔn mɔ, kɔɲsalpɛr kɔ, mba nwe o nwe kiyi kɔn doru kɔɲsalpɛr kɔ tetem mɔ, endeyac ki.

²⁵ Dɛkɛcɛmɛ dere dɔ tɔyɔ fum kɛsɔtɔ kɔn doru kɔrkɔr-ɛ, kɔ pɔyɔnɛ a wɛkayi eyi kɛsɔlɛ kɔ pɔyɔnɛ fɛ ti wɛkayi pɛclɛsɛrnɛ-ɛ?

²⁶ Nwe o nwe ɛlapɛrn'em kɔ moloku mem, Wan ka Wɛrkun endekɔsɔdɔmnɛ lapɛrnɛ mɛna wɛkayi k'endeder nɔrɔ da debeki dɔn, da Papa, kɔ da mɛlɛkɛ mecɛmpɛ-ɛ.

²⁷ Icloku nu kance: Afum akin akin ɲayi nnɔ kɛfɔ kanɲkɛ aɲɛ ɲantɔdefi ta ɲantanɔɲk kɛder ka dɛbɛ da Kanu-ɛ.»

Piyɛr, Isanɲ kɔ Sak ɲanɔɲk Yesu pɔyi pɔmotu pa debeki da Kanu disrɛ

Mat 17.1-8; Mark 9.2-8

²⁸ Nte Yesu oloku moloku mamɔkɔ mɔ, kɔ mata camɛt-maas mencepɛr, k'ɛlɛk Piyɛr, Isanɲ kɔ Sak, kɔ ɲampɛ tɔrɔ kɛrɔɲ **kɔkɔtola Kanu**.

²⁹ Yesu eyi kɛsali, kɔ kɛrɔ kɔn kɛsɔkpɛr, kɔ yamos yɔn yɛnɔɲkanɛ kɛfɛrɛ yocmotɔr-motɔr.

³⁰ Pɔwɔn fɛ kɔ afum mɛrɔɲ ɲayɛfɛ kɔlɔk-loku kɔ nkɔn: Anɲabi Musa kɔ Anɲabi Eli ɲanayi,

³¹ aɲɛ ancɔnɔɲk **pɔmot pa pɔlɛl** pa debeki da Kanu disrɛ mɔ. ɲacloku Yesu kɛkɔ kɔn nkɛ kɔɲkɔyi Yerusalem mɔ.

³² Tɛtɔɲɛ Piyɛr k'asol ɔn ɲacdirɛ pɔpɔɲ. Nte ɲantime mɔ, kɔ ɲanɔɲk Yesu pɔmot pa debeki da Kanu disrɛ, kɔ afum mɛrɔɲ akɔ ɲanacɛmɛ kɔ nkɔn mɔ.

³³ Tɛm nte afum akakɔ mɛrɔɲ ɲancgbɛyɛnɛ kɔ Yesu mɔ, kɔ Piyɛr oloku kɔ: «Wɛtɔksɛ pɛntɛsɛ su kiyi ka nnɔ. Sɛcɛmbɛr **ɲgbancan ɲɛcɛpɛ-ɛpɛ** maas, ɲin ɲam, ɲin ɲa Musa, kɔ ɲin ɲa Eli.» Piyɛr ɛnacɛrɛ fɛ nte oloku mɔ.

³⁴ Nte oncloku tatɔkɔ mɔ, kɔ kɛp kɛnder kɛgbɔpɛrnɛ ɲa kɔ kɛnɛsɛ kɛsumpɛr acɛpsɛ a Yesu darɔɲ nte ɲananɔɲk kɛp kanɲkɔ kɛcder kɛgbɔpɛrnɛ ɲa mɔ.

³⁵ Kɔ dim dowur kɛp kanɲkɔ disrɛ, docloku: «Wɛkawɛ ɔyɔnɛ wan kem, nkɔn iyɛk-yɛk: Nɛcɔɲkɛl kɔ!»

³⁶ Nte ane dim dadɔkɔ mɔ, k'anɔɲk Yesu pɛcɛmɛ sona. K'acɛpsɛ a Yesu darɔɲ ɲancanɲk ali fum ɛnaloku fɛ sɔ wɛkɔs tɔlɔma nte ɛnɔɲk mɔ mata mamɔkɔ.

Yesu kɛtamɛs ka wan nwe ɲɔɲk ɲɛlɛc ɲɛnatonɲkulu-tonɲkulu

Mat 17.14-18; Mark 9.14-27

³⁷ Dɛckɔsɔk nte ɲantɔr kɔyɛfɛ dɛtɔrɔ mɔ, kɔ afum alarɛm ɲander kɛdefaynɛ Yesu.

³⁸ Kɔ fum wɛlɔma ɔɲkulɔrnɛ kɛnay kanɲkɔ daco: «Wɛtɔksɛ, ilɛtsɛn'am mɛmɔmɔn wan kem, bawo wɛkin wɛkawɛ gbɔɲ iyɔ.

³⁹ ɲɔɲk ɲɛlɛc ɲɔlɔma ɲɛmbɛrɛ kɔ, kɔ ɲɔsɔɲɛ kɔ kɛkulɛ-kulɛ gbɔncana babɔkɔ, kɔ ɲeyikɛc kɔ pɔpɔɲ, kɔ ɲɔsɔɲɛ kɔ kɛfɔc kɛwɔr kɔ dɛkusu, kɔ ɲɔlɔlɔs kɔ dis, pɔɲyɛɲk a ɲɛndesak kɔ.

⁴⁰ Ilɛtsɛnɛ acɛpsɛ am darɔɲ kɛbɛlɔs ka ɲi, mba ɲantam fɛ ti.»

⁴¹ Kɔ Yesu ɔɲkulɔrnɛ: «Nɛna afum a dɛtɛmp da tɛm tantɛ dɛkafɔlɛ-kafɔlɛ, dɔtɔlanɲ Kanu, ake tɛm t'indɛsɔyi kɔ nɛna-ɛ? Tɛm cɛkɛ tɔ pɛmar sɔ icɛmɛ nu dɛntɔf-ɛ? Mɛkɛrɛ wan kam nnɔ.»

⁴² Nte wan wɛkakɔ ɔnclɔtɔrnɛ Yesu mɔ, kɔ ɲɔɲk ɲɛɲgbal kɔ dɛntɔf kɔ ɲeyikɛc kɔ pɔpɔɲ. Mba kɔ Yesu ɛɲgbɔɲ-gbɔɲɛr ɲɔɲk ɲɛlɛc ɲaɲɔkɔ, k'ɛntamɛs wan wɛkakɔ, k'ɔsɔɲ kɔ kas.

⁴³ Kɔ cusu cəwos afum fəp kənanjɔk ka fənəntər fəpən fa Kanu.

Yesu kəgbəkərə kən kəloku defi dən

Mat 17.22-23; Mark 9.30-32

Ntɛ mes maməkɔ Yesu əncyɔ mə mecciyənɛ afum mə, k'oloku acɛpsɛ ɔn darəŋ:

⁴⁴ «Nəna nəsu ləŋəs, nəcəŋkəl belbel moloku mamɛ: Kəbɛr k'ander Wan ka Wərkun afum dəwaca.

⁴⁵ Mba acɛpsɛ ɔn darəŋ ŋanacərə fɛ tedisrɛ ta toloku tatəkɔ oncloku mə. Tɛnəgbəpne ŋa, ntɛ tənɔŋɛ ta ŋancərə ti mə. Kɔ ŋanesɛ kəyifət kɔ tedisrɛ ta toloku tatəkɔ.

Anɔ ecepər nu fəp-ɛ?

Mat 18.1-5; Mark 9.33-37

⁴⁶ K'acɛpsɛ ɔn darəŋ ŋayɛfɛ kəyifətɛnɛ ntɛ tənɔŋɛ ŋacərə nwe encepər ŋa dəkəcəmə mə.

⁴⁷ Yesu nwe ɛnacərə mɛcɛm-cɛmnɛ mmɛ meyi ŋa dəcor mə, ɛlɛk wan wəfɛt wəkin, k'ɛncəmbərɛnɛ kɔ.

⁴⁸ Kɔ Yesu oloku ŋa: «Nwe o nwe ɛban wanfɛt wəkawɛ kəban kətət tetem mə, ɛmban sɔ inasərka pətət. Nwe o nwe ɛban im, ɛmban sɔ wəkɔ osom im mə. Bawo fum wəkɔ ɛncəmbərɛnɛ dəkəcəmə dəfɛt mə, ɔyənɛ wəkɔ encepər nu fəp mə.»

Nwe ɔntɔc'am mə, ɛfan əm

Mark 9.38-40

⁴⁹ Kɔ Isan ɛlɛk moloku k'oloku: «Wətəkɛ sənənəŋk fum wəlɔma pəcbɛləsɛ yəŋk yɛlɛc tɛwɛ tam, kɔ səfan kəmənɛ kɔ, bawo wəkayi ɛncəmə f'am darəŋ pəmɔ sənə.»

⁵⁰ Kɔ Yesu oloku kɔ: «Ta nəmənɛ kɔ ti, bawo fum nwe ɔntɔc'am mə, ɛfan əm.»

Dare dəlɔma da Samari kəfati kəban ka Yesu

⁵¹ Ntɛ dəsək dɛlɛk da Yesu doru dənclɔtəs mə, k'olokunɛ a mənɛ pəkɔ Yerusalem gbəs.

⁵² K'osom afum alɔma ŋayi kɔ kirin. Kɔ akakɔ ŋayi kirin kɔ ŋanjkɔ ŋabəp dare da Samari dəlɔma, ntɛ tənɔŋɛ ŋalompəsɛnɛnɛ kɔ mə.

⁵³ Mba kɔ aka dare dadəkɔ ŋafati kəban kɔ, bawo Yerusalem ŋanckɔ.

⁵⁴ Ntɛ afum aŋɛ ŋanəŋk ti mə, acɛpsɛ a Yesu darəŋ, Isan kɔ Sak ŋaloku: «Wətəkɛ, məfan səlɔku nɛnc dɔtɔr kəyɛfɛ dəkəm dɛləsər ŋa?»

⁵⁵ Kɔ Yesu ɛŋkafɛlɛ k'ɛntɛfərɛnɛ ŋa, k'ɛgbəŋ-gbəŋər ŋa.

⁵⁶ Kɔ ŋayɛfɛ kɔ ŋanjkɔ dare dəlɔma.

Aŋɛ ŋafan kəcəmə Yesu darəŋ mə

Mat 8.19-22

⁵⁷ Ntɛ ŋanayi dəpɔ kəkɔ mə, kɔ fum wəlɔma oloku kɔ: «Indecəm'am darəŋ nnɔ o nnɔ mənɛkɔ mə.»

⁵⁸ Kɔ Yesu oloku kɔ: «Məsəŋk məyɔ bi dəkədirɛ kɔ bɛmp yəyɔ wəlɔ dəkədirɛ, mba ina Wan ka Wərkun iyɔ fɛ kəfo nkɛ intam kəbɔc dɔmp dem mə.»

⁵⁹ Kɔ Yesu oloku fum wəlɔma: «Məcəm'em darəŋ.» Kɔ fum wəkakɔ oloku kɔ: «Mariki, məwos'em kərəsna ikɔ iwup papa kem.»

⁶⁰ Kɔ Yesu oloku fum wəkakɔ: «Məcə afi ŋawup afi, kɔ mənə, məkɔ mədəŋk dɛbɛ da Kanu.»

⁶¹ Kɔ fum wəlɔma oloku: «Kəcəm'am k'inder darəŋ Wəbɛ, mba məkar ikɔ kərəsna ɛlɛmbərɛnɛ aka kəlɔ kem disrɛ.»

⁶² Kɔ Yesu oloku kɔ: «Nwe o nwe ɛdebiftɛ cənə a wəkayi pəcəmən tadarəŋ mə, ɔyɔ fɛ dəkəcəmə akip ŋa dɛbɛ da Kanu dəntɔf.»

10

Kəsom ka acɛpsɛ darəŋ 72

Mat 10.7-16

¹ Nte tatəkō tencepər mō, kō Wəbē eyek-yek sō afum 72 alōma, k'osom ŋa mērəŋ mērəŋ ŋayi kō tekiriŋ kəkōt ka sədare kō mofō fəp mme pənamar kō kəkō mō.

² K'oloku ŋa: «Dale detel dəmbək, mba atel ŋampice. Nələtsene Mariki ma kətēl pəberene sō atel alōma aŋe ŋandetele kō mō.

³ Awa! Isom nu nəŋkōyi pəmō nte menkesiya menyi calma dacō mō.

⁴ Ta nətəmpərəne pəsam pa delek, ta nətəmpərəne lōba, ta nətəmpərəne cōfta, ta nəyifene sō kō fum o fum dōpō.

⁵ Kəlō nkē o nkē nāndekəbere mō, nəkulē kərəsna: «Kanu kaberse pəforu kəlō kaŋkē!»

⁶ Kō pəyōne, fum wəka pəforu eyi kəlō kaŋkō-ε, pəforu ponu penyi kō kəron, kō pəyōne fē ti-ε, pəforu papəkō poluksərne nu.

⁷ Nəyi kəlō kaŋkō, nədi yeri, nəmun domun da kəlō kaŋkō, bawo pəmar wəbəc pəsəto kəway kən. Ta nəccal-cali wəlō de!

⁸ Dare nde o nde nəbere a pabaŋ nu mō, nədi yeri yəkō aŋsəŋ nu mō.

⁹ Nətaməs acuy akō ŋayi di mō, nəloku ŋa: «Dəbe da Kanu dəlōtərne nu.»

¹⁰ Dare nde o nde nəkō ta ambaŋ nu mō, nəkō nde aban̄ka ŋaŋan nəloku:

¹¹ «Səŋkəŋər nu kəfəl ka dare donu ali nkē kəsopte su dəwecək mō, səlukse nu ki, nətam kəcəre a dəbe da Kanu dəlōtərne.»

¹² Icloku nu a dəsək nde Kanu kəndekiti afum fəp, tōyō nte andeyō dare dandē mō, tendeyenk tetas ta aka dare da Sodom.»

Sədare nse sɔfati kəlanj mō

Mat 11.20-24

¹³ «Pələc pəpəŋ peyi məna dare da Korasin! Pələc pəpəŋ peyi məna, dare da Betsayida! Bawo kō tōcyōne a mes mēwēy-wēy mme Kanu kənayō nnō ndoronu mō, m'anayō aka sədare sa Tir kō Sidəŋ-ε, kō ŋanasəkpər bəkəc pəwon, ŋacəme pəlompū darəŋ, ŋaberne yamos ya kəbal, ŋande ŋaməncne!

¹⁴ It'endesəŋe dəsək nde Kanu kəndekiti afum fəp mō, pəndeyenkər nəna pətās aka sədare sa Tir kō Sidəŋ.

¹⁵ Kō nəna aka Kaparnam, nəncem-cemne a andepene nu haŋ dəkəm ba? Ala! Andetore nu dəntəf haŋ nde afum afi ŋayi mō.

¹⁶ Nwe encəŋkəl nu mō, encəŋkəl im. Kō nwe eŋwenəs nu mō, ewenəs sō ina, k'ewenəs wəkō osom im mō.»

Kəlulus ka acɛpse darəŋ 72

¹⁷ Kō afum 72 aŋe anasom mō ŋalulus pəbotu disre kō ŋaloku: «Wəbē! Ali yəŋk yelec fəp yeŋayi su dəntəf tewe tam.»

¹⁸ K'oloku ŋa: «Indenanəŋk Sentani kətəmpene kəyefe darenc pəmō təkō pəŋmot mō.

¹⁹ Nəcəŋkəl: Isəŋ nu kətam kəkōt ka bok kō mekalencər kəron kələkene fənəntər fa ater anu fəp, daka o daka dəfətam kəyamse nu ti.

²⁰ Mba ta pəbət nu nte yəŋk yelec yeŋayi nu dəntəf mō, mba pəbət nu nte ancic mewe monu nde darenc, ndena Kanu mō.»

Pəbotu pa Yesu

Mat 11.25-27; 13.16-17

²¹ Tenatəŋne, **Amera Nəcempi ŋa Kanu** ŋəsəŋe pənan̄kanē kəbət Yesu, k'oloku: «In̄kor-kor'əm Papa, Mariki ma dəkəm kō dəntəf, bawo məmen̄kər mes maməkō acəre kəkətene mes kō asoku səbomp, kō məmentər mi afət dəkəcəme. Ey, Papa, bawo tatəkō tō məfan̄ ti.

²² Icloku nu a Papa kem ember im ca fəp dəwaca. Nwe o nwe encəre fē nwe əyōne Wan mō, kō pəntəyōne Papa-ε. Nwe o nwe encəre fē sō nwe əyōne Papa mō, kō pəntəyōne Wan-ε, kō afum akō Wan eŋfan̄ kəmentər kō mō.»

²³ Kō Yesu eŋkafəle k'entəfərne acəpse ən darəŋ, k'eyel dim, pəcloku ŋa: «Pəmbət aŋe ŋaŋnəŋk məkō nəyi kənəŋk mō!

²⁴ Bawo sayibe sɛlarɛm kɔ abɛ a tɔf yɛlarɛm ɲanafaɲ kɛnɛɲk mamɛ nɛyi kɛnɛɲk mɔ, mba ɲananɛɲk fɛ mi, ɲanafaɲ kɛnɛ mamɛ nɛyi kɛnɛ mɔ, mba ɲanane fɛ mi.»

Totubcɛnɛ ta wɔSamari wɔtɔt

²⁵ Kɔ wɔtɔksɛ sariyɛ s'aSuyif wɔlɔma ɛyɛfɛ k'oloku Yesu, ntɛ ɛfaɲ kɛcɛpɛ kɔ towul dɛmoloku mɔ. K'eyif Yesu: «Wɔtɔksɛ, cɛkɛ cɔ pɛmar im kɛyɔ, isɔtɔ kiyi wɔyɛɲ ka doru o doru-ɛ?»

²⁶ Kɔ Yesu eyif kɔ: «Cɛkɛ cɔ ancic nde buk ba sariyɛ-ɛ? Cɛkɛ cɔ mɛɲkaraɲ bi disrɛ-ɛ?»

²⁷ Kɔ fum nwe oloku Yesu: «Pɛmar mɛbɔtɛrɛ Mariki Kanu abɛkɛc ɲam fɛp, afɔkɛl ɲam fɛp, sɔkɛt sam fɛp, kɔ mɛcɛm-cɛmnɛ mam fɛp. Kɔ telip-ɛ, mɛbɔtɛr wɛnc ɛm pɛmɔ tɔkɔ mɛmbɔtɛrnɛ mɔ.»

²⁸ Kɔ Yesu oloku kɔ: «Mɔlɔku ti belbel, mɛyɔ tatɔkɔ ntɛ tɔɲsɔɲ'am kɛyi wɔyɛɲ mɔ.»

²⁹ Mba ntɛ wɔbɛ wɔka sariyɛ nwe ɛfaɲ kɛmentɛr dolompu dɔn mɔ, k'eyif Yesu: «An'ɔyɔnɛ wɛnc im-ɛ?»

³⁰ Kɔ Yesu ɔɲgbɔkɛrɛ moloku k'oloku: «Fum wɔlɔma ɛnayɛfɛ Yerusalem pɛckɔ Yeriko. Kɔ wɔfum wɔkɔkɔ ɔɲkɔ pɛbɛrɛ afum alɛc dacɔ, kɔ afum alɛc akakɔ ɲambaɲɛr kɔ daka dɔkɔ ɛnatɔmpɛr mɔ fɛp, kɔ ɲasut kɔ haɲ pɛcbut kɛfi, kɔ ɲasumpɛr dɔpɔ kɔ ɲaɲkɔ.

³¹ Kɔ tosurenɛ wɔlɔɲnɛ wɔlɔma osolnɛ sɔ dɔpɔ din dadɔkɔ. Ntɛ wɔlɔɲnɛ nwe ɛnɛɲk fum wɔkɔ anasut mɔ, k'encepɛr dɔpɔ ntende pɛbɔlɛ kɔ.

³² Kɔ wɔLewy wɔlɔma ender sɔ kɛfo kin kaɲkɔ, kɔ wɔkɔkɔ sɔ ɛnɛɲk fum nwe, kɔ nkɔn sɔ encepɛr ntende pɛbɔlɛ kɔ.

³³ Kɔ wɔSamari wɔlɔma nwe ɔnckɔ marɛnt mɔ, ender pɛbɔp fum wɔkawɛ ntɛ ɛnɛɲk kɔ mɔ, kɔ nɔnɔfɛr deyɛ kɔ.

³⁴ Kɔ wɔSamari nwe ɔlɔtɛrnɛ fum nwe, k'olɔɲɛr runc yɔn member, k'ɔmbɔy yi moro, k'ɛsɛktɛr yi. Kɔ wɔSamari nwe ɛlɛk fum wɔkɔkɔ k'enderɲ kɔ pɔkɔtɛnɛ pɔn kɛrɔɲ, k'ɛɲkɛkɛrɛ kɔ karwanɲɛ kɛlɔma, k'ɔɲkɔ pɛbɔc kɔ di, k'ɛncɛmɛ tetɔn.

³⁵ Dɔckɔsɔk kɔ wɔSamari nwe owurɛ gbɔlɛɲ mɛrɛɲ ba pɛsam, k'ɔsɔɲ bi wɔka karwanɲɛ. K'oloku kɔ: «Mɛgbɛkɛrɛ kɔ, mɛpɛ o mɛpɛ mendesɔɲ kɔ mɔ, indeluks'am pi dɛkɛlukus dem.»

³⁶ Kɔ Yesu ɔnɔcɛr: «Afum akanɲɛ maas dacɔ anɔ mɛna mɛncɛm-cɛmnɛ kɛyɔnɛ ka wɛnc ka fum wɔkɔ afum alɛc ɲanasut mɔ?»

³⁷ Kɔ wɔbɛ wɔka sariyɛ nwe oloku: «Nwe ɛnamentɛr kɔ amera ɲɔbotu mɔ.» Kɔ Yesu oloku wɔbɛ wɔka sariyɛ nwe: «Awa, mɛna sɔ mɛkɔ mɛyɔ tatɔkɔ.»

Yesu ndena Marta kɔ Mari

³⁸ Yesu ɲayi dɔpɔ kɛkɔ kɔ acɛpɛ ɔn darɛɲ, kɔ ɲambɛrɛ dare dɔlɔma, kɔ wɛran wɔlɔma pacwɛ kɔ Marta, ɛmbaɲ kɔ nde ndɔrɔn.

³⁹ Marta ɛnayɔ wɛnc wɛran wɔlɔma nwe ancwɛ Mari mɔ, kɔ wɛnc nwe ɔɲkɔ pɛndɛ Wɔbɛ dɛntɔf, pɛccɛɲkɛl moloku mɛn.

⁴⁰ Marta nkɔn pɛsumpɛr yɛbɛc yɛlarɛm. Kɔ Marta ender pɛlɔku Yesu: «Wɔbɛ tɔfɔtɛrɛs ɛm tantɛ wɛnc im wɛran ende pɛnd'am dɛntɔf pɛsakɛr'em yɛbɛc yayɛ sona mɔ? Mɔlɔku kɔ pɛde pɛmar im.»

⁴¹ Kɔ Yesu oloku kɔ: «Marta, Marta! Mɛyi kɛcɛm-cɛmnɛ kɔ kɛsimɛ tɛta mes mɛlarɛm.

⁴² Mba tes tin gbɔɲ tɔyɔ dɛkɛcɛmɛ. Mari ɛlɛk da pɛntɛsɛ mɔ, afɔsɔbaɲɛr kɔ dɛnda.»

11

Yesu kɔ sali

Mat 6.9-13; 7.7-11

¹ Dɔsɔk dɔlɔma Yesu **pɛclɔk-lokɛr Kanu** kɛfo kɛlɔma. Ntɛ elip mɔ, kɔ wɛcɛpɛ kɔn darɛɲ wɔlɔma eyif kɔ: «Wɔtɔksɛ, mɔtɔksɛ su kɛlɔk-lokɛr Kanu, pɛmɔ tɔkɔ Saɲ ɛnatɔksɛ acɛpɛ ɔn darɛɲ kɛlɔk-lokɛr Kanu mɔ.»

² Kɔ Yesu oloku ɲa: «Kɔ nɛnde nɛctɔla Kanu-ɛ, nɛlɔku: Kas kosu!

Məsəñe paleləs decempi da tewe tam topus.

Məsəñe a dəbe dam dedər!

³ Məpocə su dəsək o dəsək kəcom kosu.

⁴ Məñanənə su kiciya kosu

pəmə nte səñanənə nwe o nwe enciyanə su mə.

Ta məsak su səyə mes mmə məñsəñe su kəciya mə.»

⁵ Kə Yesu oloku ɲa sə: «An'entam kəyə wəkəs wəkin nu dacə, nwe ɲyefe cək-cək pəkə pəbəp wanapa kən nde ndərən pəcloku kə: «Wanapa məbər im cəcom maas,

⁶ bawo wəbət kem wələma edər nde nderem cək-cək cance, mba ali paka iyə fe mpe ɲsəñ kə pədi mə.»

⁷ Kə wanapa kən wəkəkə, eyi dukələ mə oloku kə: «Ta mətərs im! Anğbət kumba, səfəntərə kə awut em, ifətam kəyefe isəñ əm cəcom.»

⁸ icloku nu ti: Ali pəyənə a əfəyefe pəsəñ kə ci bawo wanapa kən əfə, endeyefe pəsəñ kə daka o daka nde efañ mə, bawo wanapa kən ɲgbəc gbəs a mənə pəsəñ kə.

⁹ Kə ina, iloku nu: Nətola, nəndəsətə. Nəten, nəndenəñk. Nəsut-sut kumba, andegbite nu.

¹⁰ Bawo nwe o nwe ontola Kanu mə, ompocə kə. Nwe o nwe entən mə, ɲñəñk. Nwe o nwe ɲñsut-sut kumba mə, anğbite kə.

¹¹ Kas kərə kəyi nu dacə, nke wan kən ontola kə alop, pəsəñ kə abok mə?

¹² Kə pəyənə fe ti-ε, wan kən pətola kə ames ɲegbən, nkən pəsəñ kə tekələncər-ε?

¹³ Kə pəyənə a nəna aɲe nələcə mə, nəncərə kəsəñ awut anu ca yətət-ε, Kas kəndənəñkənə kəsəñ Amera Nəcempi ɲən kəyefe dəKəm aɲe ɲantola kə ɲi mə!»

Yesu kalukse moloku ma yem nye anabonca kə mə

Mat 12.22-30; Mark 3.22-27

¹⁴ Dəsək dələma Yesu pəcbələs ɲəñk ɲələc ɲɲe ɲenasəñe fum wələma kətəlok-loku mə. Nte ɲəñk ɲələc ɲəñəkə ɲowur kə mə, kə wətəlok-loku wəkəkə eyefe kələk-loku, kə cusu cəwos kənay k'afum fəp.

¹⁵ Mba kə afum aləma ɲaloku: «Belsəbul, wəkiriñ wəka yəñk yələc, embəlsə yəñk yələc.»

¹⁶ Nte aləma ɲafəñ kəsumpər kə dəmoloku mə, kə ɲawer kə a pəmentər **təyə tɛgbəkərə tɛwɛy-wɛy tin nte tementər a Kanu kəsom kə mə.**

¹⁷ Mba nte Yesu ɲnacərə pəcəmcəmnə pañan mə, k'oloku ɲa: «Atəf o atəf nye ɲɲyefərne ɲisərka mə, ɲɲləpsər kələcə. Wələ wa ɲi wətəmpənə win win.

¹⁸ Awa, kə pəyənə a Sentani səyi kəyefərne sisərka-ε, cəke cə dəbe da si dəntam kəcəmə gbıñ-ε? Bawo nəloku a Belsəbul imbəlsə yəñk yələc.

¹⁹ Kə təyənə ina Yesu, Belsəbul imbəlsə yəñk yələc-ε, afum anu oñ, an'ə ɲambəlsə yəñk yələc-ε? Ti təsəñe nte akəkə yati ɲandeyənə akiti anu mə.

²⁰ Mba kə təyənə a kətam ka Kanu k'imbəlsə yəñk yələc-ε, awa dəbe da Kanu dender hañ nno nəyi mə.

²¹ Kə fum wəka səkət əntəmpər posutnənə-ε, ombum daka dən belbel ta tələm o tələm tənəñk di-ε.

²² Mba kə fum wələma nwe embək kə fənəntər endər pəsut kə kəyefərənə pətam kə-ε, wəkəkə embañər kə yosutnənə yən nye ɲalanə mə, pələk daka dən fəp pəyerəs.

²³ Nwe əntəyi kə ina mə, enter im, mba nwe əntələñkan'em mə, əsamsər'em.»

Kəlucus ka ɲəñk ɲələc

Mat 12.43-45

²⁴ «Nte ɲəñk ɲələc ɲəñəkə ɲowur fum nwe dəris mə, ɲɲcyara-yara mofə mowosu ɲɲctən dəkəñesəm, mba ɲenasətə fe, kə ɲolokunə: «Ilucus nde kələ kem nke inawur disre mə.»

²⁵ Nte ɲolucus mə, kə ɲembəp kələ kañkə pafəñ ki, palompəs ki belbel.

²⁶ Awa! Kò ñàṅk ñéḗc ñàṅkò ñàṅkò, ñéṭen yàṅk yéḗc camət-merəṅ nyé yèṅaṅkane kàḗcè yèṭas ñi mò, kò yemberé kàḗc disrè kò yèṅde. Nte tencepər mò, kò pàḗc pəṅaṅkane fum nwe pəṭas təkò pəṅayi kò təkəkò-cəkò mò.»

Pətət posoku

²⁷ Yesu eyi kəloku moloku maməkò, kò wəran wəloma oṅkulərne kəṅay ka afum akakò dacò: «Pəbət kor nke kəṅabəkəs əm mò, kò mēsè mmè anamesər'am mò!»

²⁸ Mba kò Yesu oṅkule: «Pəbət aṅe ṅancəṅkəl toloku ta Kanu, ṅameṅkərne ti mò!»

Kəwe ka tɔyɔ tɛgbɛkərɛ tɔlɔma ntɛ tɛyɛfɛ nde Kanu kəyi mɔ

Mat 12.38-42

²⁹ Nte kəṅay ka afum kəncmɛpne Yesu mò, k'eyɛfɛ kəloku: «Dɛtemp dɛḗc dɛntesɛ fɛ. **Tɛgbɛkərɛ ntɛ tementər a Kanu kəsom im mɔ** tɔ ṅayi kəwer im, mba ali tin afəsəmentər ṅa kò pəyənɛ fɛ ta Yunusa-ɛ.

³⁰ Bawo təkò teta Yunusa tənayənɛ aka Niniwe tɔyɔ tɛgbɛkərɛ tɛwɛy-wɛy mò, itɔ teta Wan ka Wərkun tendesəyənɛ dɛtemp dantɛ tɔyɔ tɛgbɛkərɛ tɛwɛy-wɛy.

³¹ Wəbera ka atəf ṅɛ ṅeyi Yisrayel kəca kətət mò, endetime dəsək da kiti kò afum a dɛtemp dandɛ, pəboncɛ ṅa kətəwosɛ kəcəṅkəl kəcərə kəkətɛnɛ mes kətət, bawo pəbəlɛ p'ɛnayɛfɛ kədecəṅkəl kəcərə kəkətɛnɛ mes kətət ka Sulemani. Mba fum eyi dɛ nwe ɛntas Sulemani dəkəcəmɛ mò.

³² Afum a Niniwe ṅandeyɛfɛ dəsək ndɛ Kanu kəndeboc kiti ka afum fəp mò, ṅaboncɛ afum a dɛtemp dandɛ kətəsəkpər bəkəc, bawo kawandi ka Yunusa kənasəṅɛ aka Niniwe kəsəkpər bəkəc yaṅan yéḗc kò ṅalomp. Fum eyi nu dacò nwe ɛntas Yunusa dəkəcəmɛ mò.»

Capafɔ ca lamp da dis

Mat 5.15; 6.22-23

³³ «Fum nwe o nwe əfəmot lamp pəkəṅk di kò pəyənɛ fɛ ti-ɛ pəmɛṅk di, mba pəfos pə ancəmbər di nte tənəṅɛ aṅe ṅambərə mò ṅaṅəṅk pəwəṅkəra.

³⁴ Dəfər dam dəyənɛ lamp da dis. Kò dəfər dam dɛntesɛ-ɛ, dis dam fəp doṅmotnɛ, mba kò dəfər dam dəntətesɛ-ɛ, dis dam sɔ kubump kò dɛṅyi.

³⁵ Məkəmbərne ta pəwəṅkəra mpe pey'am dərɛs mò pəyən'am kubump.

³⁶ Kò dis dam domot ta tofo o tofo teyi nte teyi kubump mò, tɛm tatəkò dis dam fəp demar, pəmò təkò lamp doṅmot əm kò dendemar-ɛ.»

Yesu kəboncɛ aFarisi kə atəksɛ a sariyɛ kiciya

Mat 23.1-36; Mark 12.38-40

³⁷ Nte Yesu ɛṅayi kəlɔk-lɔku mò, kò wəFarisi wəloma ɛlətsɛnɛ kò kəkədi yeri dəsək dadəkò ndɛ ndərən. Kò Yesu ɛmbərə k'əṅkò pəndɛ aməsə kirin.

³⁸ Kò pənciyanɛ wəFarisi nwe nte Yesu ɛnatəsumpər saliye * kərəsna a pədɛdi yeri mò.

³⁹ Mba kò Wəbɛ oloku kò: «Nəna aFarisi, apəlet kò apət takəron yə nəṅsəkəs, mba bəkəc yonu disrɛ nələsərne deke dərɛs kò kəyɔ mes mɛḗc.

⁴⁰ Nəna atəcərə mes, Kanu nke kəlompəs tadarəṅ mò, bafɔ ki kəlompəs sɔ tɛdisrɛ ba?†

⁴¹ Nəpocɛ atəyɔ daka mpe pɛṅyi səpət kò dəpəlet yonu mò, fəp fa yi fəndesək nnə ṅayi mò.

⁴² Mba pəḗc peyi nu nəna aFarisi! Bawo nən'əṅsəṅ Kanu farilɛ fa mɛrket kò maləṅkan, mba nəcsak dolompu kò kəbətər ka Kanu. Maməkò mò pəmar pacyɔ, mba ta nəcpələrne kəcyɔ mɛlpəs məkò de.

⁴³ Pəḗcər nu nəna aFarisi, bawo nəmbətər pacsəṅ nu dəkəndɛ mofo mmè aṅlɛləs nu mò, ndɛ dəkətola Kanu da aSuyif kò kəyif kələl ndɛ ambəpsɛnɛ mò.

⁴⁴ Pəḗc peyi nu, bawo ṅayi pəmò cufu nce antəgbɛkərɛ mò, packət ci kəron ta ancərə-ɛ.»

* **11:38** CəFarisi, kò fum əṅkə kədi yeri-ɛ, mənɛ pəgbət kərəsna waca dərɔmun. † **11:40** Kanu nke kəlompəs tadarəṅ mò, bafɔ ki kəlompəs sɔ tɛdisrɛ ba? kò pəyənɛ fɛ ti-ɛ, «nwe olompəs tadarəṅ mò, bafɔ nkən olompəs sɔ tɛdisrɛ ba?»

⁴⁵ Kɔ fum wɛlɔma atɔksɛ a sariyɛ daco ɛlɛk moloku, k'onkulɔrnɛ: «Wɛtɔksɛ, kɔ mɛloku tatako-ɛ, mɛnɔsunu sɔ sɛna!»

⁴⁶ Kɔ Yesu oloku: «Pɛlɛcɛr sɔ nɛna, atɔksɛ a sariyɛ! Bawo nɛn'ɛnɔsarɛsɛr afum yɛsarɛ nyɛ yoncuca kɛsarɛ mɔ, ta nɛnɔwosɛ kɛgbunɛnɛnɛ yi ali tɛlɛr tonu-ɛ.»

⁴⁷ «Pɛlɛcɛr pɛyi nu! Bawo nɛn'ɛncɛmbɛrɛ cufu ca sayibɛ masar mɛcɛm-cɛmɛs, sayibɛ anɛ atɛm anu nɛnadifɛt mɔ.

⁴⁸ Kɛmentɛr kɔ mɛndɛ tantɛ a mɛna sɔ mɛwosɛ mɔyɔ ma atɛm anu mamɔkɔ, bawo nɛ nɛnadifɛt sayibɛ sa Kanu, kɔ nɛna nɛcɛmbɛr cufu cɛnɛn!

⁴⁹ It'ɔsɔnɛ kɛcɛrɛ kɛkɔtɛnɛ mes ka Kanu disrɛ, kɛloku: «Indekɛnɛ nɛna sayibɛ kɔ asom.» Kɔ nɛnadifɛt anɛ, kɔ nɛntɛrɛs akɔ.

⁵⁰ It'ɛndɛsɔnɛ afum a tɛm tantɛ kɛdekɔsarɛ kiciya ka kɛdif ka sayibɛ sanɔsɛ fɛp, kɛlɛk nɛtɛ doru doncop mɔ,

⁵¹ kɛyɛfɛ mɛcir ma Abɛl, haɛ kɛbɛp ka ma Sakary, nɛwɛ anadif anɛgbip kɔ **tetek tolonɛ** daco mɔ. ɛy, iloku nu ti: Andekɔyif ti afum a dɛtɛmp dandɛ.»

⁵² «Pɛlɛcɛr pɛyi nu, nɛna atɔksɛ sariyɛ! Bawo nɛlinɛ tasapa pa kɛcɛrɛ. Nɛnasɛrka nɛmbɛrɛ fɛ, nɛyamsɛr sɔ akɔ nɛfafɛn kɛbɛrɛ mɔ nɛbɛrɛ.»

⁵³ Nɛtɛ Yesu owur ndɛ kɛlɔ kɛnɛkɔ mɔ, kɔ pɛntɛlɛ atɔksɛ sariyɛ kɔ aFarisi nnɔ eyi mɔ. Kɔ nɛyɛfɛ kɛgbɛn-gbɛnɛr kɔ, nɛacyifɛt kɔ mes fɛp,

⁵⁴ nɛaccɛpɛ kɔ mowul, nɛtɛ tɛnɔsɔnɛ nɛnanɛnɛ kɔ yɛm dɛmoloku mɔ.

12

Nɛkɛmbɛrnɛ ta nɛbanɛnɛ dofum

Mat 10.26-27

¹ Tɛm tatako afum wul wul nɛanalɔkanɛ, pɛwureɛnɛ pɛmɔ nɛadɛnɔsɛrɛnɛ, kɔ Yesu oloku acɛpsɛ ɔn darɛn kɛrɛsna: «Nɛkɛmbɛrnɛ lebin da aFarisi ndɛ dɔyɔnɛ kɛbanɛnɛ dofum mɔ.

² Tes o tes tɔgbɔpɛnɛ teyi fɛ nɛtɛ antɔdecɛnɛ paloku mɔ, nɛtɛ o nɛtɛ tɔnɛgbɔpɛnɛ fɛ nɛtɛ antɔdecɛrɛ mɔ.

³ It'ɔsɔnɛ nɛtɛ o nɛtɛ anɛloku nu kubump mɔ, nɛgbɔkɛrɛ ti kɛloku danɛ pɛn, kɔ nɛtɛ nɛnɛmɛnkɛs fum dɛlɛnɛs dukulɔ mɔ, andɛdɛnɛk ti pɛpɛnɛnɛ mofo mɛbɛpsɛnɛ.»

Nɛwɛ pɛmar nɛnɛsɛ mɔ

Mat 10.28-31

⁴ «Icloku nu ti, nɛna anapa ɛm: Ta nɛnɛsɛ anɛ nɛnadif dis gbɛcɛrɛm, kɔ tɛyɛfɛ dɛnda ta nɛntam tɔlɛm o tɔlɛm sɔ mɔ.

⁵ Indɛmentɛr nu nɛwɛ pɛmar nɛnɛsɛ mɔ: Nɛnɛsɛ nɛwɛ ɛndif pɛkafɛlɛ sɔ pɛtam kɛlɛm ɛm yahanama mɔ. ɛy! Icloku nu, nɛkɛn pɛmar nɛnɛsɛ!

⁶ Bafɔ gbɛnɛnɛ kɛcamɛt y'ancamɛs fɛrɛnkɛ mɛrɛnɛ? Awa! Icloku nu a Kanu kɛfɛpɛl ali nɛnɛn yi daco.

⁷ Ali dɛlay da cɛfon ca domp donu Kanu kɛncɛrɛ di fɛp. Ta nɛnɛsɛ, nnɔ Kanu kɛyi mɔ nɛyɔ dɛkɛcɛmɛ ndɛ dɛmbɛk dɛtas da gbɛnɛnɛnɛ yayɔkɔ mɔ!»

Amera Nɛcɛmpɛ nɛna Kanu nɛndɛtɔksɛ pɛmar acɛpsɛ a Yesu kɛloku mɔ

Mat 10.32-33; 12.32; 10.19-20

⁸ «Icloku nu ti: Nɛwɛ o nɛwɛ owosɛ afum fɛrɛ kirinɛ a ina Yesu ɔyɔ kɔ mɔ, Wan ka Wɛrkun ɛndɛsɔrɛmnɛwosɛ nnɔ fɛrɛ ya mɛlɛkɛ a Kanu kirinɛ, a wɛkɛnɛ fum wɛkakɔ ɔyɔnɛ.

⁹ Mba mɛna nɛwɛ mɛndɛkɔbupɛrɛ kɛcɛrɛ kem afum fɛrɛ kirinɛ mɔ, Wan ka Wɛrkun ɛndɛkɔsɔrɛmnɛ simɛ mɛna wɛkayi mɛlɛkɛ a Kanu fɛrɛ kirinɛ.

¹⁰ Nɛwɛ o nɛwɛ onɛloku pɛlɛcɛ pa Wan ka Wɛrkun mɔ, andɛkɔnɛnɛnɛnɛ wɛkayi, mba nɛwɛ o nɛwɛ ɔlɛmɛs **Amera Nɛcɛmpɛ nɛna Kanu** mɔ, afɛdɛkɔnɛnɛnɛnɛ kɔ.»

¹¹ «K'andɛ pɛckɛkɛrɛ nu ndɛ dɛkɔtola Kanu da aSuyif, kɔ pɛyɔnɛ fɛ ti nda aboc kiti, kɔ pɛyɔnɛ fɛ ti abɛ-ɛ, ta nɛcɛm-cɛmnɛ pɛlarɛm tɛyacnɛ tonu, kɔ tɔkɔ nɛnkɛloku mɔ,

12 bawo **Amera N**ecempi **ɲa Kanu** ɲendekətəkse nu gbəncana babəkə təkə pəmar nəndekəloku mə.»

Capafɔ ca wəka daka wətɔcərə tes

13 Kɔ fum wəlɔma oloku Yesu kənay kanjko disre: «Wətəksɛ, məloku wenc im a səyerɛnɛ kɛ kosu!»

14 Kɔ Yesu oloku fum wəkakɔ: «An'ɛcəmbər im kəyɔnɛ ka wəboc kiti nu dacɔ, kɔ pəyɔnɛ fɛ ti, wəyer nu daka donu-ɛ?»

15 Kɔ tɛyɛfɛ dənda, kɔ Yesu oloku ɲa: «Nəkembərɛnɛ kəbətər ka kəyɔ daka dɛlarəm, bawo bafɔ daka dadəkɔ dɔtəmpər tecepərənɛ ta fum doru, ali wəkayi pəyɔ daka dɛlarəm.»

16 Kɔ Yesu oloku ɲa capafɔ cəlɔma: «Fum wəka daka wəlɔma ɛnayɔ ntɔf nɛ yenctesɛ yəbɔf mə.»

17 Pəccɛm-cɛmnɛ, pəcyifnɛ: «Cəke cɔ indeyɔ-ɛ? Bawo iyɔ fɛ kəfo nke ɲkəlɔŋka yetɛl yem fəp mə.»

18 Kɔ fum nwe olokunɛ, «Ntɛ tɔ indeyɔ: Kəwəkək k'ɲkɔ cɛɛ cem, isɛl nce cəmbɛk mə, ilɔŋka ci disre malɔ kɔ ca yem yəlɔma.»

19 Kɔ tɛyɛfɛ dənda-ɛ, ilokunɛ dɛbəkək: «Iyɔ daka dɛlarəm dɛmɛɲkərɛnɛ meren mɛlarəm. ɲɛsəm oɲ, idi, imun, iwoləs.»

20 Mba kɔ Kanu kəlɔku kɔ: «Məna Wətɔŋkulu, Wətɔcərə tes! Pibi pa məkɔ yati pɔ andewer əm kiya kam doru. Təkɔ mələmpəs mə, anɔ məndesakərə ti-ɛ?»

21 Kɔ Yesu ɔnɔcər: «Itɔ pəyi fum nwe endelɔŋka daka dən, a ta Kanu kəɲnəɲk kəyɔ kən daka mə-ɛ.»

Kəlanj Kanu

Mat 6.25-34

22 Kɔ Yesu oloku acɛpsɛ ɔn darəɲ: «It' ɔsəɲɛ ntɛ iloku nu: Ta nəcɛm-cɛmnɛ pəlarəm tecepərənɛ tonu doru, paka mpɛ nəndedi mə. Ta nəcɛm-cɛmnɛ sɔ teta dis donu pəkɔ nəndɛbɛrɛnɛ mə.»

23 Bawo kəyi wəyɛɲ kəncɛpər yeri, kɔ dis dɛncɛpər yamos.

24 Nəkəkɛ bɛmp yaser: Yɔfɔgbal defet, yɔfɔtɛl, yɔfɔmɛɲkərɛnɛ, yɔyɔ fɛ cɛɛ, mba Kanu kəɲsəɲ yi yeri. Nəna nəncɛpər bɛmp yayəkɔ dəkəkɛmɛ!

25 Fum wərə eyi nu dacɔ nwe mɛcɛm-cɛmnɛ mən mɛntam kəbəlɔs kiya kən doru ali kururu katin gbɔɲ mə-ɛ?

26 Kɔ pəyɔnɛ a nəfɔtam ali tes tɛfɛt-ɛ, ake nəɲkəkɛm-cɛmnɛnɛ təkɔ tɛncəmə mə?

27 Nəkəkɛ ntɛ yɛɛɲk ya dale yompon mə: Yɔfɔbɛc, yɔfɔdu yamos, mba icloku nu, ali wəbɛ Sulemani kɔ daka da debeki dən fəp ɛnasɔtɔ fɛ yamos nɛ yenatesɛ pəmɔ pɛɛɲk papəkɔ pin mə.

28 Yika yeyi məkɔ dale, alna pacləm yi dənɛnc, mba Kanu kəɲsəɲɛ pəmar yi. Nəna, apicɛ kəlanj, nəntam kəlanj tes tin: Pipicɛ oɲ cəke o cəke, Kanu kəndɛbɛr nəna apicɛ kəlanj yamos pəncɛpər tatəkɔ.

29 Kɔ nəna, ta nətərəsnɛ kəcɛm-cɛmnɛ teta yeri yəkɔ nəndɛ nəcdi mə, ta nəcɛm-cɛmnɛ teta yomunəs yəkɔ nəndɛ nəcmunəs mə.

30 Bawo mes maməkɔ mə atɔcərə Kanu a doru dandɛ ɲantɛn tɛm fəp. Mba nəna, Kas konu kəncərə a pəmar nəyɔ ca yayəkɔ.

31 Nətɛn dɛbɛ da Kanu, nkən Kanu endɛdɛɲərə nu ca yayəkɔ.»

Daka kiya ka darenc

Mat 6.19-21

32 «Ta mənɛsɛ, nəna acɛps'ɛm darəɲ! Bawo pəmbɔt Papa konu kəsəɲ nu dɛbɛ.

33 Nəcaməs daka donu, nəpocɛ kəway kanjko atɔyɔ daka. Ntɛ təɲsəɲɛ nəmɛɲkərɛnɛ daka da alna ndena Kanu mə. Daka da ndena Kanu dɔfɔlip! Dəndo wəke eyi fɛ nwe ɔɲɔtərɛnɛ di mə. Ate ɲeyi fɛ nɲɛ ɲəɲsəm di mə.

34 Bawo kəfo nke daka donu dɛɲyi mə, difɔ abəkək ɲonu ɲɛɲyi.»

Abac aɲe ɲambum mɔ

³⁵ «Nəgbəncɛ səbɛlɛt dəfi, nəmot səlamp sonu, nəcəmə belbel!

³⁶ Nəyi pəmɔ abum aɲe ɲandekar wəbɛ kəɲan kəder kəyɛfɛ dənɟbaɲɛ mɔ, nte tənɟɔɲɛ wəkakɔ ɔncəkɔnader pəsut-sut kumba, ɲa ɲagbitɛ kɔ ki katəna mɔ.

³⁷ Pəbət acar akakɔ wəbɛ kəɲan, ɔncəkɔnader pəbəp kɔ pəckar kəgbite kɔ mɔ. Amina! Icloku nu ti: Endegbəncɛ bɛlɛt, pədəs acar akakɔ dəmɛsa kəkɔdi yeri, nkən pəyerəs ɲa yi.

³⁸ Ali pəyɔnɛ a cək-cək c'ender, kɔ pəyɔnɛ fɛ ti-ɛ dəsɔka, mba k'embəp ɲa ta ɲandirɛ-ɛ, pəbət ɲal!»

³⁹ «Nəcərə nte belbel a kɔ wəka kəlɔ ɛncərə tɛm nte wəke endeder mɔ-ɛ, ɔfɔsak kɔ pəbɛrɛ kəlɔ kən disrɛ.

⁴⁰ Nəna sɔ, nəcəmə nəckar! Bawo Wan ka Wərkun endeder tɛm nte nəntɔyɔ kɔ amera mɔ.»

*Wəbəc wəlompu kɔ wəbəc wətəlomp**Mat 24.45-51*

⁴¹ Kɔ Piyer eyif Yesu: «Wəbɛ, sənə gbəcərəm ɲɔ mənɟloku capafɔ cancɛ, ka fəp fɔ mənɟloku ci ba?»

⁴² Kɔ Mariki oloku: «Wəcəmbər-cəmbər daka wərə esektərɛ mariki mən, pəckətɛnɛ amera kəyɔ pətət-ɛ? Nkən ɔyɔnɛ nwe mariki ɔɲloku: «Isɔɲ əm yɛbəc nyɛ: Məcsɔɲ yeri afum aɲɛ ɲayi kəbəc'em mɔ, tɛm nte pəmar mɔ.»

⁴³ Pəbət wəmarəs wəkakɔ mariki mən mender məbəp kɔ pəsumpər yɛbəc nyɛ ɛnasom kɔ mɔ!

⁴⁴ Iloku nu ti, kance kɔ: Mariki mən mendesɔɲɛ kɔ kəyɔnɛ ka wəcəmbər-cəmbər ka daka dən fəp!

⁴⁵ Mba kɔ wəmarəs olokunɛ debəkək: «Mariki mem ɛntayɛfɛ fɛ kəder,» pəyɛfɛ kəsut ka amarəs arkun kɔ aran, pəcdi yeri, pəcmun han pəcis-ɛ,

⁴⁶ mariki ma wəmarəs wəkakɔ endeder dəsək ndɛ ɔntɔyɔ kɔ amera mɔ, dec ndɛ ɔntəcərə mɔ, pəbɛləs wəmarəs wəkakɔ, pətərəs kɔ pəpɔɲ pəmɔ təkɔ antərəs acar atənɛnɛ mariki maɲan mɔ.

⁴⁷ Wəcar nwe ɛncərə tɛfan ta mariki mən mɔ, ta olompəsɛnɛ kɔ mɔ, ta ɔɲyɔ təkɔ mariki mən ɛfan mɔ, aɲsut wəcar wəkakɔ kəsut kəpɔɲ.

⁴⁸ Mba wəcar nwe ɔntəcərə tɛfan ta mariki mən mɔ, pəciya-ciya kəlompəs mɔ, wəcar wəkakɔ pəpic pɔ aɲsut kɔ. K'anəsɔɲ fum pəlarəm-ɛ, pəlarəm p'anwer kɔ. K'anəsɔɲ kɔ kəmɛɲk pəlarəm-ɛ, aɲnaɲkanɛ kəwer kɔ pəlarəm.»

*Teta Yesu tɔsɔɲɛ afum kəgbeyɛnɛ**Mat 10.34-36*

⁴⁹ «Nənc d'inder kəbɛr doru, k'ifanɛ di kəmar!

⁵⁰ Pəmar isɔtɔ kəgbət dəromun teta Kanu, kɔ kəɲwon im kəyi.

⁵¹ Nəncəm-cəmɛnɛ a pəforu p'ɲkɛrɛ kəsɔɲ doru ba? Ala de, mba icloku nu a kəgbey k'ɲkɛrɛ.

⁵² Kəyɛfɛ ɔɲ tantɛ aɲɛ o aɲɛ ɲayi kəcəmət kəlɔ disrɛ mɔ, ɲandegbeyɛnɛ akɔ ɲayi maas akɔ ɲayi mɛrɔɲ.

⁵³ Kas kəgbey wan kən wərkun, wan wərkun pəgbey kas, kɛrɛ kəgbey wan kən wəran, wan wəran pəgbey kɛrɛ, kəncərə kəgbey wəran ka wan kən, wansɔ pəgbey kəncərə.»

*Kəcərənɛ ka kəm**Mat 16.2-3*

⁵⁴ Kɔ Yesu oloku sɔ kənay ka afum: «Kɔ nənəɲk kəp kəgbəpərɛ ntende dec dɛɲkalɛ mɔ, nəɲkulɛ katina: «Kəder kɔ wəcəfən endeder!» Pəfɔwon wəcəfən pəder.

⁵⁵ Mba kɔ nənəɲk afɛf ɲa kəca kətət ɲocwur-ɛ, nəloku: «Kəwonɛ kɔ pənder,» təkɔ nəɲloku ti mɔ, itɔ tɛɲyi.

⁵⁶ Nəna Abaɲɛnɛ dofum! Nəntam kəcərə mɛgbəkərə ma təkɔ antɔf kɔ kəm yɛɲyi mɔ. Ta ake tɔ nəntɔtam kəcərənɛ tɛgbəkərə ta tɛm tantɛ nəyi mɔ-ɛ?»

Maten katəŋne kə wəterəne kam

Mat 5.25-26

⁵⁷ «Ta ake tə nəntəcərəne nənəsərka təkə pəmar nəyɔ mə-ε?

⁵⁸ Kə mändekə kə wəyefərəne kam dəŋkiti-ε, məwose nətəŋne dəpə kərəsna. Kə pəyɔne fε ti-ε, eŋkekər'am dabε. Wəboc kiti pəsəŋ əm wəsədar nwe əŋkəber əm dəbili mə.

⁵⁹ Iclok'am məfəwur dəndo ta məlip kəlukse tapəsam pəkə məntəmpərə kə mə-ε.

13

Nəsəkpər mera, nəcəme pələmpu darəŋ, kə pəyɔne fε ti-ε, nəŋfi!

¹ Tεm tatəkə kə afum aləma ŋanader ŋələmər Yesu təkə Pilat enadifət aKalile aləma nte ŋancləŋne Kanu mə. Itə tatəkə Pilat enanəŋkəl mecir ma afum kələŋne kəŋan.

² Kə Yesu oloku ŋa: «Nəncəm-cəmnε a k'anadifət aKalile akakə tatəkə-ε, a tementər oŋ a ŋananəŋkanε kəciya ŋatas aKalile alpəs akə anatədif mə ba?

³ Ala! Icloku nu: Mba kə nəntəsəkpər mera nəcəme pələmpu darəŋ-ε,* tatəkə tə nəndeləsərne fəp pəmɔ akakə.

⁴ Kə pəyɔne fε ti-ε, afum aŋε wəco kə camət-maas aŋε kələ ka Siloye kənawəkərne kədif mə, nəncəm-cəmnε a ŋa ŋananəŋkanε kəciya ŋatas aka Yerusalem alpəs aŋε ba?

⁵ Ala, icloku nu, mba kə nəntəsəkpər mera nəcəme pələmpu darəŋ-ε, nəna sə fəp nəŋfi pəmɔ ŋa!»

Capafə ca kətək kəkom nke kənatəyɔ yokom mə

⁶ Kə Yesu oloku sə capafə nce: «Fum wələma enabəf kətək ka fik dalε dən dacə. K'ender kətən yokom ya ki, mba k'embəp kətək ka fik nke ta kəŋkom-ε.

⁷ Awa, k'oloku wəbəc kən wəkə oncbumε kə dalε mə: «Meren maas mə mamε nte inder kərim yokom ya kətək kəŋke mə, mba ifəsətə. Awa məcəp ki! Ta ake tə kəndecəməne, kəbaŋ antəf gbəcərəm-ε?»

⁸ Kə wəbum ka dalε oloku kə: «Mariki, məsak kətək kəkom kəŋke kəren nke gbəcərəm pəməmən sə. Indekay haŋ inəŋkər, iber ma sə ncek-cək-a.

⁹ Kə tatəkə teyi-ε, tələma kəŋkom dok, kə pəyi fε ti-ε, məcəp ki.»

Yesu kataməs ka wəran wələma dəsək da kəŋesəm ndε ampuse Mariki mə

¹⁰ Kətəksε kə Yesu encndε dəkətola Kanu da aSuyif dələma dəsək da kəŋesəm ndε ampuse Mariki mə.

¹¹ Wəran wələma enayi dənda nwe ŋəŋk ŋelεc ŋenasəŋε kətəkət kəyεfε meren wəco kə camət-maas mə. enanutnε, ta entam kətencε-ε.

¹² Nte Yesu enəŋk wəran nwe mə, k'ewe kə, k'oloku kə: «Wəran, docu dam dəsək əm.»

¹³ Kə Yesu endəŋ kə kəca. Gbəncana babəkə kə wəran nwe entencε, k'eyεfε **kəcam** debeki da Kanu.

¹⁴ Mba kə pəntεlε wəbe wəka dəkətola Kanu da aSuyif dadəkə, nte Yesu enataməs wəran wəkəkə simiti, dəsək da kəŋesəm mə, kə wəbe nwe oloku afum: «Mata camət-tin meyi mmε pəmar pacbəc mə, nəder nətən kətaməsne mata maməkə disrε, mba ta nəder dəsək da kəŋesəm da Kanu.»

¹⁵ Kə Yesu oloku kə nte: «Nəna abəŋene dofum: Dəsək da kəŋesəm ndε ampuse Mariki mə, an'əntəgbeki wana wən, kə pəyɔne fε ti-ε, səfale sən pəkekərə kəkəmun-ε?»

¹⁶ A wəran nwe owur dokom da Abraham, a kə Sentani səsumpər səkot kəyεfε meren wəco kə camət-maas mə, pəmar fε pasikəli kə bənda yayəkə dəsək da kəŋesəm ba?»

¹⁷ Yesu kələku moloku maməkə, kə təsəŋε ater ən fəp kələpərne, mba pənabət kənay fəp, məyɔ məpəŋ maməkə Yesu əncyɔ mə.

Capafə ca tɛŋgben tɛfɛt

Mat 13.31-32; Mark 4.30-32

* **13:3** Nəntubi itə «Nəsəkpərə məyɔ mətət məyɔ mεlεc.»

18 Kɔ Yesu eyif sɔ: «Ake dɛbɛ da Kanu dowurɛnɛ-ɛ? Ak'indetubcɛnɛ di-ɛ?»

19 Tɛngbɛn tɛfɛt† nte fum ɛlɛk, pɛbɔf dale dɔn disrɛ mɔ. Tɛngbɛn tatɔkɔ topon, pɔyɔnɛ kɛtɔk kɛpɔŋ, bɛmp yeder yɔlɔ wara wawɔkɔ kɛrɔŋ mɔ.»

Totubcɛnɛ ta lebin

Mat 13.33

20 Kɔ Yesu oloku sɔ: «Ak'indetubcɛnɛ dɛbɛ da Kanu-ɛ?»

21 **Dɛbɛ da Kanu** dowurɛnɛ pɛmɔ lebin ndɛ wɛran ɛŋlɛk pɛnɔktɛrɛnɛ di kɛmbefe kilo wɛcɔ mɛrɛŋ (20) mɔ. Kɔ kɛmbefe fɔp kɛmpɛ!.»

Capafɔ ca dɔkɔbɛrɛ dɛwɛkɛnɛ

Mat 7.13-14; 21-23

22 Nte Yesu ɛncali sɛdare sɛfɛt kɔ sɛpɔŋ kɔkɔ ka Yerusalem mɔ, pɛctɔksɛnɛ sɔ afum.

23 Kɔ fum wɛlɔma eyif kɔ: «Wɛtɔksɛ, afum apic ŋɔ Kanu kɛndekɔyɔc ba?» Kɔ Yesu oloku ŋa:

24 «Nɛna sɔ nɛsɛp kɛdekɔbɛrɛ dɔkɔbɛrɛ dɛwɛkɛnɛ dadɔkɔ, bawo icloku nu: Afum alarɛm ŋandɛsɛp kɛbɛrɛ ka di, mba ŋafɔdekɔtam.»

25 «Kɔ wɛka kɛlɔ endekɔyɛfɛ pɛcɔŋ kumba, nɛna aŋɛ nɛŋyi doru mɔ, nɛdɛyɛfɛ kɛsut-sut kumba, nɛcloku: «Mariki mɛgbitɛ su!» Tɛm tatɔkɔ endɛlukɛ nu: «Incɛrɛ fɛ kɛca nkɛ nɛyɛfɛ mɔ!»

26 Tɛm tatɔkɔ tɔ nɛndekɔcɔp kɛloku: «Sɛnadi yeri, sɛmun kɔ mɛna, mɛctɔksɛ ndɛ sɛpɔ sɛpɔŋ sa dare dosu.»

27 Nkɔn pɛcloku nu, «Incɛrɛ fɛ aka ndɛ nɛyɔnɛ mɔ! Nɛbɔl'em day, fɔp fonu nɛŋyɔ mes mɛlɛc!»

28 Difɔ kɛbɔk kɔ kɛŋaŋɛrɛnɛ sek kɛndekɔyi, kɔ nɛŋkɔnɛŋk Abraham, Siyaka, Yakuba kɔ sayibɛ sa Kanu fɔp dɛbɛ da Kanu disrɛ, palɛm nɛna dabanɔka.

29 Afum ŋandɛdɛr kɛyɛfɛ kɛca nkɛ dec dɛmpɛ kɔ nkɛ dec dɛŋkalɛ mɔ, kɛca kɛtɔt, kɔ kɛmɛrya, ŋader ŋandɛ dɛmɛsa ndɛ dɛbɛ da Kanu dɛntɔf.

30 Ti disrɛ, adarɔŋ ŋayi aŋɛ ŋandekɔyɔnɛ akirinɔ mɔ, kɔ akirinɔ ŋayi aŋɛ ŋandekɔyɔnɛ adarɔŋ mɔ.»

Yesu kɔ Yerusalem

Mat 23.37-39

31 Tɛm tatɔkɔ, kɔ aFarisi alɔma ŋander ŋaloku kɔ: «Mɛyɛfɛ nnɔ mɔkɔ! bawo Herodu ɛfan kɛdif ɛm.»

32 Kɔ Yesu oloku ŋa: «Nɛkɔ nɛloku ayɔfɛn ŋaŋɔkɔ: Kɛbɛlɛs yɔŋk yɛlɛc kɔ kɛtamɛs k'iyinɛ mɔkɔ kɔ alna, a indɛlɔpɛs yɛbɔc yem tataka ta maas.

33 Mba mɛnɛ ikɔt mɔkɔ, alna kɔ dɔsɔkɔ, bawo pɛmar fɛ wɛdɛŋk wɛka Kanu pɛfi kɛfo kɛcuru ta pɔyɔnɛ Yerusalem-ɛ.»

34 «Yerusalem, Yerusalem, mɛna nwɛ mɛndif sayibɛ mɔ, mɛcca-cas aŋɛ Kanu kɛŋsom nnɔ mɛyi mɔ, isɛp pɛlarɛm kɛlɔŋka ka awut am pɛmɔ nte acɔkɔ ŋokombɛra ŋɔŋlɔŋka awut banca ya ŋi dɛntɔf mɔ! Mba mɛnawosɛ fɛ ti.

35 Awa nɛcɛŋkɛl! Andɛsakɛrɛ nu kɛlɔ konu kɛyɔ fos. Mba icloku nu: Nɛfɔsɔnɛŋk im, han tɛm tɛbɔp nte nɛndɛloku:

«Kanu kɛpɔcɛ pɛtɔt nwɛ endɛrɛnɛ tewɛ ta Mariki mɔ.»»

14

Yesu kɛtamɛs ka wɛcuy wɛlɔma

1 Simiti, dɔsɔk da kɛŋɛsɛm dɔlɔma, k'awe Yesu ndɛ kɛlɔ ka wɛbɛ ka aFarisi wɛlɔma kɛkɔdi yeri, kɔ akakɔ ŋaŋkɔkɛcɛ kɔ.

2 Kɔ fum wɛlɔma nwɛ docu dɛnakɛfɛs mɔ, pɛcɛmɛ kɔ fɔr kirinɔ.

† 13:19 Tɛngbɛn tɛfɛt = tɛngbɛn tɛfɛt ta tɔk ya dale, nte tompon mɔ-ɛ, kɛtɔk ka ki kɛmbɛk pɛtas tɔk yɔlɔma ya dale.

³ Kɔ Yesu eyif ataksɛ a sariyɛ kɔ aFarisi: «An'wosɛ kɛtamɛs ka wɛtɔtamnɛ simiti, dɔsɔk da kɛɲɛsɛm ba, ka afɔwosɛ?»

⁴ Kɔ afum aɲɛ ɲancaɲk. Awa kɔ Yesu oɲgbuɲɛnɛ wɛtɔtamnɛ nwe, kɔ wɛkakɔ ɛntamnɛ, k'ɛsak kɔ a pɛkɔ.

⁵ Ntɛ tencepɛr mɔ, kɔ Yesu eyif ɲa: «An'eyi nu daco nwe wan kɔn, kɔ pɛyɔnɛ fɛ ti wana wɔn wentɛmpɛnɛ dɛkɛlɛmp dɔsɔk da kɛɲɛsɛm, ta ɛmpɛnɛ wi dɔsɔk dadɔkɔ yati mɔ-ɛ?»

⁶ Kɔ abɛ akakɔ ɲantɔtam kɛlukɛ kɔ mɔcɔp.

Ntɛ aɲyɛk-yɛk dɛkɛndɛ, kɔ ntɛ aɲwɛnɛ fum tes mɔ

⁷ Kɔ Yesu olok-lokɛr afum aɲɛ anawe dɛkɛsata mɔ, bawo ɛnakɔkɛ ntɛ akakɔ ancg-butɛlɛnɛ dɛkɛndɛ dɔcɔkɔ-cɔkɔ mɔ. K'oloku ɲa:

⁸ «Kɔ fum ew'am kɛkɔtɔɲnɛ kɛsata ka kɛgbɔɲnɛ kɔn-ɛ, ta mɛkɔ mɛndɛ dɛkɛndɛ dɔcɔkɔ-cɔkɔ, bawo tɔlɔma wɛka kɛsata ewɛ sɔ fum wɛlɔma kɛsata kaɲkɔ, nwe ɛncepɛr mɛna mɔ.

⁹ Ta tɔsɔɲɛ wɛkɔ ewɛ nu kɛsata mɔ, kɛdelok'am: «Mɛyɛfɛ mɛsakɛrɛ nwe dɛkɛndɛ dadɔkɔ.» Kɛlapɛrɛnɛ kɔ mɛɲkɔ kɛyɛfɛ dɛkɛndɛ dɔcɔkɔ-cɔkɔ dadɔkɔ kɛkɛndɛ dadarɛɲ dɔkɔ.

¹⁰ Mba, k'aw'am kɛsata-ɛ, mɛkɔ mɛndɛ dɛkɛndɛ dadarɛɲ, ntɛ tɔɲsɔɲɛ nwe ew'am kɛsata mɔ k'ender pɛnɛɲk ɛm-ɛ, pɛlok'am: «Wanapa, mɛcɔɲnɛ kirin.» Awa tɛm tatɔkɔ mɛna mɛlɛlɛ nnɔ afum aɲɛ nɛɲkɔpɔɲnɛ amɛsa kɛdi yeri mɔ.

¹¹ Nwe o nwe oyoknɛ mɔ, andɛtorɛ kɔ. Nwe o nwe ontɔrɛ banca mɔ, andɛpɛnɛ kɔ.»

¹² Kɔ Yesu oloku fum nwe ɛnawe kɔ kɛsata mɔ: «Kɔ mɛwɛ afum kɛdi yeri yɛraɲ, kɔ pɛyɔnɛ fɛ ti yɔrɔfɔy-ɛ, ta mɛwɛnɛ yi akos'am aɲa, ta mɛwɛnɛ yi awɛnc ɛm aɲa, ta mɛwɛnɛ yi akɔmɛnɛ am, ta mɛwɛnɛ yi andɛ am aka daka. Ntɛ tɔɲsɔɲɛ ta ɲadɛtam kɛlukɛ ayɛk ɲa kɛwɛnɛ yeri mɔ.

¹³ Mba kɔ mɛndɛwɛnɛ afum yeri-ɛ, mɛwɛ atɔyɔ daka, lanyiru, atorɛr kɔ atɔnɛɲk.

¹⁴ Tɛm tatɔkɔ pɛbɔt ɛm, bawo ɲayɔ fɛ daka ndɛ ɲaɲkɔluks'am kɛway ka pɛtɔt papɔkɔ mɔ. Kanu gbɛcɛrɛm kɛndɛkɔtam kɛluks'am kɛway kaɲkɔ, ndɛ ayɔ pɛtɔt ɲandɛkɔyɛfɛ defɛ mɔ.»

Capafɔ ca yeri ya kɛsata

Mat 22.1-10

¹⁵ Ntɛ afum ɲane moloku mamɛ mɔ, kɔ fum wɛlɔma nwe ɛnandɛ dɛmɛsa mɔ, oloku Yesu: «Pɛbɔt mɛna nwe mɛndɛkɔdi yeri ndɛ akip ɲa dɛbɛ da Kanu dɛntɔf mɔ!»

¹⁶ Kɔ Yesu oloku fum wɛkakɔ: «Fum wɛlɔma ɛnaboc kɛsata kɛpɔɲ, k'ewɛnɛ ki afum alarɛm.

¹⁷ Ntɛ tɛm ta kɛdi yeri yayɔkɔ tendɛbɛp mɔ, k'osom wɛcar kɔn kɛkɔloku afum aɲɛ ewɛ kɛsata mɔ: «Nɛder! Alip kɛcɔɲ.»

¹⁸ Mba kɔ kan-kan ɛyɛfɛ kɛlɛtsɛnɛ kɔ. Kɔ wɛcɔkɔ-cɔkɔ oloku kɔ: «Mɛɲaɲnɛn'em, dalɛ d'iway idɔ pɛmar ikɔ imɔmɛn. Ilɛtsɛn'am ta mɛsumpɛr'em ti!»

¹⁹ Kɔ wɛka mɛrɔɲ oloku kɔ: «Iway cɛna cɛbifti wɛcɔ, ic'ifaɲ kɛkɔwak. Ilɛtsɛn'am ta mɛsumpɛr'em ti!»

²⁰ Kɔ wɛka maas oloku sɔ: «Intɛp kɛcgbaɲnɛ, itɔ intɔtam kɛkɔnɛ!»

²¹ Kɔ wɛcar nwe ɛnder pɛlukɛ mosom mamɔkɔ mariki mɔn, kɔ pɛntɛlɛ kɔ, k'oloku wɛcar: «Mɛkɔ katɛna ndɛ mofɔ mɔpɔɲ kɔ ndɛ sɛpɔ sɛpɔɲ sa dare! Mɛwɛn'em atɔyɔ daka, lanyiru, atorɛr kɔ atɔnɛɲk.»

²² Kɔ wɛcar ɛnder pɛloku kɔ: «Mariki ntɛ mɛsom im mɔ telip, mba yeri yɔsɔrɔcɛmɛ!»

²³ Kɔ mariki mɔn oloku kɔ sɔ: «Mɛkɔ sɛpɔ sa dɛkulum kɔ dɛɲgbancan, mɛloku afum ɲabɛrɛ ntɛ tɔɲsɔɲɛ kɛlɔ kem kɛlarɛ mɔ.»

²⁴ Bawo, icloku nu: Arkun akakɔ inanunɲɛnɛ kɛwɛ kɛsata kaɲkɛ mɔ, ali wɛkin ɔfɔsɔdi yeri ya ki.»

Cɛkɛ cɔ aɲyi a patam kɛyɔnɛ wɛcɛpsɛ ka Yesu darɛɲ-ɛ

Mat 10.37-38

²⁵ Kɛnɛy kɛnacɛmɛ Yesu darɛɲ, kɔ Yesu ɛɲkafɛlɛ, k'oloku ɲa:

²⁶ «Məna nwe məncəps'em darəŋ mə, pəmar mətam kəce wisi kə wiri, kə wəran kam, kə awut am, awənc əm aŋa arkun, akire am kə kiyi kam doru yati, kə pəyi fə ti-ε, fum wəkakə əfətam kəyənə wəcəpsə kem darəŋ.

²⁷ Məna nwe o nwe məntəwosə kətərəs kə kəfi mə, məfətam kəyənə wəcəpsə kem darəŋ.

²⁸ Bawo nəna akanə dacə, məna nwe məŋfan kəcəmbər kələ mə, məfəndə kərəsna mələm daka dəkə məŋkəberse teta kələ kam mə, kə pəyənə a daka dadəkə dentam kəlip kəcəmbər ka kələ kaŋkə-ε.

²⁹ Mba kə nəncop kəcəmbər kələ ta nəlip kəcəmbər ki, nwe o nwe ənəŋk ki mə, endesələr nu

³⁰ pəcloku: «Afum akanə ŋancop kəcəmbər kələ mba ŋantam fə ki kələpəs.»

³¹ Itə pəyi wəbe nwe əŋfan kəkəsutənə kə wəbe wələma mə, mənə pəndə pəməmən kə pəyənə, afum wul wəco (10.000) ŋantam kəsutənə kə afum wul wəco mərəŋ (20.000) aka wəbe wəkə ŋaŋkəsutənə mə.

³² Kə pəyənə fə ti-ε, ŋaŋsərəbələnə, wəbe wəka afum wul wəco (10.000) pəsom nda wəbe wəka afum wul wəco mərəŋ (20.000) wəkə ŋaŋkəsutənə mə, nte pəmar pəkət ta ŋasutənə mə.

³³ Awa, məna nwe o nwe məntəce ca yəkə məyə mə, məfətam kəyənə wəcəpsə kem darəŋ.»

Mər mmə məndəncə mə

Mat 5.13; Mark 9.50

³⁴ «Paka pətət pə mər məyənə, mba kə mər məndəncə-ε, ak'antam mi kəbətse-ε?

³⁵ Mər mədənc məfətesə tēm tatəkə antəf, məfətesə nček-ček ya yəbəf, mənə pagbal mi dəyika. Məna nwe məŋyə ləŋəs məcne mə, mənə ti!»

15

Capafə ca aŋkesiya ŋŋe ŋenasələ, k'anəŋk sə ŋi mə

Mat 18.12-14

¹ Abaŋəs dut kə afum aciya ŋalətərnə Yesu kəkəcəŋkəl kə.

² AFarisi kə acicəs a sariyə ŋaccəpənə: «Fum wəkawə əŋselənə aciya, pəwosə kədi yeri kə ŋa.»

³ Mba kə Yesu oloku ŋa capafə nce:

⁴ «Nəna afum akanə dacə, an'əŋyə ŋkesiya tasar tin (100), a ŋin ŋəsələr kə, ta əsak yəkə wəco camət-maŋkələ kə camət-maŋkələ (99) dətegbərə kəkəten ŋin ŋəkə ŋəsələr kə mə, haŋ pənəŋk ŋi-ε?

⁵ Kə wəkayı əŋkə pənəŋk ŋi-ε, pəgbaŋnə ŋi amera ŋobotu disrə,

⁶ əncəkənbərə nde ndərən, ewe anapa ən kə andə ən nde ndərən, pəloku ŋa: «Nəwoləs kə ina, bawo inəŋk aŋkesiya ŋem ŋəkə ŋenasələr im mə.»

⁷ Icloku nu: Pəbotu pəŋkəyi darənc teta fum wəkin nwe əŋkəsəkpər amera pəcəmə dəpə dolompu darəŋ mə, pətəs teta afum wəco camət-maŋkələ kə camət-maŋkələ (99) aŋə pəntəmar kəsəkpər mera, bawo ŋalomp mə.»

Capafə ca pəsam gbələŋ mpə pənasələ, k'anəŋk sə pi mə

⁸ «Kə pəyənə fə ti-ε, wəran wəre əŋyə pəsam gbələŋ wəco, a gbələŋ bin bəsələr kə ta omot lamp, ta efəŋ kələ, ta entən pi belbel, haŋ pənəŋk pi mə?

⁹ Kə wəran nwe ənəŋk pəsam gbələŋ mpə-ε, əŋwe anapa ən, kə andə ən, pəloku ŋa: «Nəwoləs kə ina bawo inəŋk pəsam gbələŋ mpə pənasələr im mə.»

¹⁰ Icloku nu, pəbotu peyi mələkə a Kanu dacə teta fum wəciya wəkin gbəŋ nwe əŋsəkpər amera pəcəmə pəlompu darəŋ mə.

Capafə ca wətemp wəsələ, k'anəŋk kə sə mə

¹¹ Kə Yesu oloku sə: «Fum wələma əŋyə awut arkun mərəŋ.

¹² Kə wəkə efete mə, oloku kas: «Papa məsəŋ im da pəmar idesətə ke kam mə.» Kə kas eyer daka dən awut ən akanje merəŋ dacə.

¹³ Nte mataka mepic mencepər mə, kə wan wəfet encaməs daka dəkə enasətə mə fəp. K'osumpər dəpə k'əŋkə pəbəlɛ, atəf ŋocuru. Nde enakə pəyi yamayama pəcləsər-ləsər daka dəkə enayə mə.

¹⁴ Nte wan nwe elip kədi daka dən mə, kə dor dəpəŋ dəmbere atəf ŋəŋəkə enayi mə, kə ca yoncop kəbut kə.

¹⁵ K'əŋkə pəyi nda fum wələma wəka atəf ŋəŋəkə, wəkə enasəŋ kə kəkək ka səp yən mə.

¹⁶ Wan nwe pəfaŋ kədi yeri ya səp, mba ali fum enasəŋ fe kə yi.

¹⁷ Awa, k'eyefe kəcem-cəmne teyi tən, k'olokune: «Afum cəke ŋayi kəbəc ndena papa kem aŋje ŋayə cəcom cəlarəm mə, a ina icfine nnə dor.

¹⁸ Kəyefe k'inder ikə ndena papa kem ikə iloku kə: Papa inciya Kanu, k'inciya sə mənə.

¹⁹ Imbut pələli mpe pəmar məsumpər'em pəmə wan kam mə. Mba məsumpər im oŋ pəmə wəbəc kam.»

²⁰ Kə wan nwe elək dəpə k'olokus ndena kas.»

«Əsərəbəlɛ, kə kas enəŋk kə, kə nənəfər dəpəŋ dosumpər kə. Kə kas eyekse kəkəfayəne kə, k'enepsərne kə dəkilim, k'oncup kə.

²¹ Kə wan oloku kə: «Papa, inciya Kanu, k'inciya'am, pəmar fe sə məsumpər im pəmə wan kam.»

²² Mba kə kas kəloku acar ən: «Nəkere duma dətət nəber kə! Nəber kə kurunde dətələr, nəsəŋ kə cəfta!

²³ Nəkere tana tetifi təkə, nədif pi. Padi yeri, pawoləs!

²⁴ Bawo wan kem wəkawə nəŋnəŋk mə, enafi, mba olukus sə kəder doru! Enasələ, mba inəŋk kə səl!» Kə ŋayefe kəwoləs.

²⁵ Tənətəŋne Coco pəyi dale. Nte wəkakə ender pələtərne kələ kəŋan mə, k'ene təkə aŋfer pacpise mə.

²⁶ Kə Coco ewe wəcar wəkin k'eyif kə tes nte teyi kələ kəŋan mə.

²⁷ Kə wəcar oloku Coco: «Wenc əm eder, mba nte olukus kətamne disre mə, itə papa kam endife tana petifi pəkə.»

²⁸ Kə pəntelɛ Coco nwe, ta efaŋ sə kəbere deker-ɛ. Kə kas owur kəkələtsene kə.

²⁹ Mba kə wan wəcəkə-cəkə nwe oloku kas: «Meren mələrəm mə mamɛ, iy'am darəŋ icbəc'am pəmə wəcar, ali dəsək din ingbekəl fe mosom mam, mba ali dəsək din sə mənə məsəŋ f'em tir idif səwoləs kə anapa em.

³⁰ Mba nte wan kam wəkawə ender mə, nwe əŋkə pələsər-ləsər daka dam kə aran ayamayama mə, nkən taŋ məndife kə tana petifi pəkəl!»

³¹ Kə kas kəloku Coco, «Mənə wan kem, sən'eyi de kə mənə, daka nde o nde iyə nnə mə, dam dəl!

³² Mba pəmar yati paboc kəsata, pawoləs: Bawo wenc əm wəkawə məŋnəŋk mə, enafi, k'olokus sə kəyi doru. Enasələ, k'anəŋk kə sə.»»

16

Capafə ca wəcəmbər-cəmbər daka

¹ Kə Yesu oloku acəpse ən darəŋ: «Fum wəka daka wələma enayə wəcəmbərə-cəmbərə daka, k'ander payemseɛne kə, a eŋləsər-ləsər daka da mariki mən.

² Kə mariki mən mewe kə, pəcloku kə: «Cəke c'ine tetam-ɛ? Məsəŋ'em kəcəre təkə mənəcəmbər-cəmbər daka dem mə, bawo məfəsəyənɛ wəcəmbər-cəmbər daka dem.»

³ Kə wəcəmbər-cəmbər daka nwe olokune dəbəkəc: «Cəke c'indeyə-ɛ, bawo wəka daka nwe oloku kəwur'em kəcəmbər-cəmbər daka dən? Iyə fe fənəntər kədeyənɛ wəbifti antəf, ilapərne sə kəctola.

⁴ Incərə ɔŋ nte indeyɔ, a afum ɲabaŋ im wɔlɔ waŋan disre kɔ wəkawɛ owur'em kəcəmbər-cəmbər daka dən-ɛ.)

⁵ Kɔ wəcəmbər-cəmbər daka nwe ewe fum wəcəkɔ-cəkɔ wəkɔ enatəmpərə mariki mən debe mɔ. K'eyif kɔ: «Cəke cɔ məntəmpərə mariki mem debe-ɛ?»

⁶ Kɔ wəkakɔ oloku kɔ: «Moro ma olif kokos tasar tin (100).» —«Awa, məlek areka, mändɛ məcic: 50.»

⁷ K'eyif sɔ wəlɔma: «A mənə-a, cəke cɔ məntəmpərə-ɛ?» Kɔ wəkakɔ oloku: «Malɔ busul tasar tin (100).» —«Awa, mändɛ məlek areka, məcic 80.»

⁸ Kɔ wəka daka nwe ɔŋkor-koru wəcəmbərə-cəmbərə kən daka wətəlomp nwe nte ɔŋkət belbel mɔ. Awa, afum a doru ɲancərə kəyɔ mes taŋan pətəs akɔ ɲayɔnɛ aka pəwaŋkəra mɔ.»

⁹ Kɔ Yesu ɔnɔcər: «Icloku nu: Nətɛnɛ daka dətəsək anapa, itɔ ɔŋsɔŋɛ kɔ dendelip-ɛ, pabaŋ nu nde nəŋkəyi doru o doru mɔ.

¹⁰ Mənə nwe aŋlaŋ teta tes tɛfɛt mɔ, antam sɔ kəlaŋ əm teta tes tɔpɔŋ. Mənə nwe məntəlomp teta tes tɛfɛt mɔ, məfəlomp teta tes tɔpɔŋ.

¹¹ Kɔ məntəlomp kəcəmbər-cəmbər ka daka dətəsək ndɛ deyɪ doru dandɛ mɔ, an'endesəŋ əm kəcəmbər-cəmbər ka daka dosoku-ɛ?

¹² Kɔ məntəlomp teta daka da fum-ɛ, an'endesəŋ əm ndɛ dɔyɔnɛ dam mɔ-ɛ?

¹³ Ali wəcar wəkin ɔfɔtam kəbəcə abɛ mɛrəŋ. Kɔ teyi-ɛ, enter wəkin pəbətər wəkɔ, kɔ pəyɔnɛ fɛ ti-ɛ, pəsektərɛnɛ wəkin, pəbər wəkɔ kumunt. Nəfɔtam kəbəcə Kanu kɔ pəsam tɛm tin.»

Moloku mənəŋksəl ma Yesu

Mat 11.12-13; 5.31-32; Mark 10.11-12

¹⁴ AFarisi, aŋɛ ɲanabətər pəsam mɔ, kənɛ ka moloku mamɛ, kɔ ɲayɛfɛ kəfani Yesu.

¹⁵ Kɔ Yesu oloku ɲa: «Nənə, nəncəmbərɛnɛ afum alompu nnɔ awɛnc nu aŋa ɲayi mɔ, mba Kanu kəncərə nu bəkək, bawo nte afum ɲampɛnɛ darenc mɔ, itɔ Kanu nkən ence.

¹⁶ Tɛm ta Sariyɛ sa Musa kɔ ta sayibɛ tənawon haŋ tɛm ta Saŋ. Kəyɛfɛ ɔŋ tɛm tatəkɔ, k'ancop kədəŋk Kibaru Kətət ka dəbɛ da Kanu, nwe o nwe kəsıməsɛ k'endɛ kəbɛrɛ ka di dəntɔf.

¹⁷ Mba pəfəfərənɛ kəm kɔ antɔf kəsɔlɛ, pətəs tofo tɛfɛt ta pecic pin* pa sariyɛ kətɛmpɛnɛ.

¹⁸ Nwe ence wəran kən pəkɔ pənɛncɛ wəlɔma mɔ, dəkəkəmɛ da wəsumpər dalakɔ d'eyi. Nwe o nwe ɛnɛncɛ wəran nwe wos ence mɔ, dəkəkəmɛ da wəsumpər dalakɔ d'eyi.»

Capafɔ ca wəka daka kɔ Lasar

¹⁹ «Wəka daka wəlɔma ɛnayi, pəcbɛrɛnɛ yamos yətət, yeyɛŋki kəway. Dəsək o dəsək pəyi pətət disre, pəcdi yeri yətət.

²⁰ Kəlɔ kən kirɪŋ, fum wətɔyɔ daka o daka wəlɔma, nwe ancwe Lasar mɔ, pəyɔ runc, pəfəntərə kusɔŋka kən.

²¹ Lasar nwe pəfaŋ kəcburuk yeri nyɛ yɛntɛmpɛnɛ-ɛmpɛnɛ amɛsa dəntɔf ɲa wəka daka nwe mɔ, pədi. Mba kɔ cen yender yɛcnɛntəs runc yən.

²² Kɔ Lasar efi, kɔ məlɛkɛ mender məlɛk kɔ, kɔ mɛŋkəkərə kɔ kəkɔŋɛsəm ndɛ Abraham kəsək. Kɔ wəka daka nwe ender pəfi, k'awup kɔ.

²³ Nde kəfo nkɛ afi ɲaŋkɔ mɔ, kɔ wəka daka eyɛkti fɔr, k'ɛnəŋk pəbɔlɛ Abraham kɔ Lasar pəcŋɛsəm kɔ kəsək.

²⁴ Kɔ wəka daka nwe ɔŋkulərɛnɛ: «Papa Abraham, məyən'em nənɔfɔr! Məsom Lasar pəgbət tɛlɛr tən dəromun pəder pəcaŋkəs im temer, bawo kətərə k'indɛ nnɔ nɛnc dandɛ.»

²⁵ Kɔ Abraham oloku kɔ: «Wan kem, məcɛm-cɛmɛnɛ a mənəsɔtɔ daka dam nte mənayi doru mɔ, kɔ Lasar nkən ɔsɔtɔ pəcuy kiyi kən doru. Ndəkəl ɔŋ, kəŋɛsəm k'eyi, mənə məyi sɔ dəmnɛ pəcuy.

* **16:17** Itɔ ɔyɔnɛ cəsoma «sigire»

26 Kɔ tɛyɛfɛ dɛnda-ɛ, dobo dɔpɔŋ deyi su daco kɔ nɛna nte tɔŋsɔŋɛ nwe ɛɲfan kɛcepɛr pɛder nnɔ sɔyi mɔ, ta ɛntam-ɛ.»

27 Kɔ wɛka daka nwe oloku: «Iɛtsɛn'am, Papa, mɛsom Lasar nde kɛlɔ ka papa kem.

28 Bawo, iyɔ di awɛnc aŋa kɛcamɛt, Lasar pɛkɔ pɛloku ŋa nte teyi nnɔ mɔ, nte tɔŋsɔŋɛ ta ŋa sɔ ŋadeder nnɔ pɛcuɣ pampɛ peyi mɔ.»

29 Kɔ Abraham oloku: «Ala, awɛnc ɛm aŋa ŋayɔ Musa kɔ adɛŋk a Kanu. ŋacɛŋkɛl ŋa.»

30 Kɔ wɛka daka nwe oloku Abraham: «Ala, Papa, kɔ fum ɛyɛfɛ nnɔ afi ŋayi mɔ pɛkɔ pɛlok-lokɛr ŋa-ɛ, ŋaŋsɛkpɛr mera ŋacɛmɛ pɛlompɔ darɛŋ.»

31 Kɔ Abraham oloku kɔ: «Kɔ ŋantɔcɛŋkɛl Musa kɔ adɛŋk a Kanu-ɛ, ali fum ɛyɛfɛ nnɔ afi daco, ŋafɔkɔcɛŋkɛl wɛkayi.»»

17

*Kiciya kɔ kɛŋaŋɛ ******

Mat 18.6-7; Mark 9.42

1 Kɔ Yesu oloku acɛpɛ ɔn darɛŋ: «Pɛfɔtam kɛyi ta mes meyi mme mɛsɔŋɛ fum kɛlonɛ mɔ. Mba pɛɛc peyi nwe ɔŋsɔŋɛ mi kɛyi mɔ.

2 Pɛfɛfɛrɛnɛ kɛkot wɛkayi tasar tɔpɔŋ dɛkilim pagbal kɔ dɛkɛba, kɔ pɛyɔnɛ wɛkayi pɛsɔŋɛ wɛfɛfɛr wɛkin kɛlonɛ-ɛ*.

3 Nɛkɛmbɛrɛnɛ belbel!

Kɔ wɛnc'ɛm enciya-ɛ, mɛgbɛŋ-gbɛŋɛr kɔ. **K'ɛsɛkpɛr amera pɛcɛmɛ pɛlompɔ darɛŋ-ɛ**, mɛŋaŋɛnɛ kɔ.

4 Kɔ wɛnc'ɛm enciy'am camɛt-mɛrɛŋ dɔsɔk din disrɛ-ɛ, a pɛluksɛrɛnɛ kɛder'ɛm camɛt-mɛrɛŋ pɛcɛlok'ɛm: «Kɛsɛkpɛr k'inder amera few, incɛmɛ pɛlompɔ darɛŋ-ɛ,» mɛŋaŋɛnɛ kɔ.»

5 Kɔ asom a Yesu darɛŋ ŋaloku Wɛbɛ: «Mɛbɛrɛnɛ su kɛlan!»

6 Kɔ Mariki oloku ŋa: «Kɔ nɛntɔmpɛr kɛlan nke kɛyi pɛmɔ tɛngben tɛfɛt mɔ, nɛntam kɛloku kɛtɔk nke: Mɛgbuktɛ nnɔ mɛkɔ mɛcɛmɛ nde dɛkɛba, kɛtɔk kɛŋkɔ kɛyɔ tɛfan tonu.»

7 «Nɛna akanɛ daco, anɔ ɔyɔ wɛcar nwe embifti, kɔ pɛyɔnɛ fɛ ti wɛkayi pɛckɛk, a pɛckɛnɛyɛfɛ dalɛ, pɛloku kɔ: «Mɛder katɛna mɛder mɛndɛ dɛmɛsa!»

8 Nte ɔŋloku kɔ mɔ: «Mɛlompɛs'em yeri yem, mɛbɛrɛnɛ duma mɛsɔŋ im yeri, haŋ ilip kɛdi yeri imun. K'ilip-ɛ, mɛna mɛdi yeri mɛmun.»

9 Wɛka wɛcar kɛkɔ ɛnyɛk-yɛkɛs kɔ bawo ɔyɔnɛ kɔ mes mɛkɔ ɛfan mɔ ba? Ala!

10 Tin tayi tɔ kɔ nɛna, kɔ nɛlip k'ɔyɔ mes mɛkɔ afaŋɛr nu mɔ fɛp-ɛ, nɛloku: «Acar gbɛcɛrɛm ŋɔ sɔyɔnɛ. Nte pɛmar su kɛyɔ mɔ, tɔ sɔyɔ.»»

Yesu katamɛs kɛn acunɛ sen wɛco

11 Yesu eyi kɛkɔ Yerusalem, kɔ Yesu ɛyɛfɛ kɛcali atɔf ŋa Samari kɔ ŋa Kalile daco.

12 Eyi kɛbɛrɛ tadare tɔlɔma, kɔ afum wɛco acunɛ sen alɔma ŋander ŋafaynɛ kɔ, kɔ ŋancɛmɛ pɛbɔlɛ.

13 Kɔ ŋampɛnɛ sim ŋacloku: «Yesu, Mariki, mɛyɔnɛ su nɔnɔfɔr!»

14 Nte Yesu ɛnɛŋk ŋa mɔ, k'oloku ŋa: «Nɛkɔ nɛmentɛrɛnɛ alɔŋnɛ nde kɛlɔ kɛpɔŋ ka Kanu.» Afum aŋɛ ŋayi kɛkɔ, kɔ pɛyɔnɛ a ŋasɔk a kɔ ŋandɛbɛrɛ di.

15 Nte wɛkin ɛnɛŋkɛnɛ pɛtamɛnɛ mɔ, k'oluksɛrɛnɛ pɛccam debeki da Kanu dim dɔpɔŋ.

16 K'ɛfɛntɛrɛ dɛntɔf, k'osumpɛr Yesu wɛcɛk, k'eyɛk-yɛkɛs kɔ.† Fum wɛkakɔ, wɛSamari ɛnɛyi.

17 Kɔ Yesu eyif kɔ: «Bafɔ asɔkɛs afum aŋɛ wɛco? Deke alpɛs aŋɛ camɛt-maŋkɛlɛ ŋayi-ɛ?

18 Ali wɛkin ɛncɛm-cɛmɛnɛ fɛ kɛluksɛrɛnɛ **pɛdecam debeki da Kanu**, mɛnɛ wɛcikɛra wɛkin wɛkawɛ?»

19 Kɔ Yesu oloku kɔ: «Mɛyɛfɛ mɛkɔ, kɛlan kam kɛyɛc ɛm.»

* 17:2 Pɛsɔŋɛ fum wɛfɛfɛr wɛkin kɛlonɛ = pɛsɔŋɛ fum wɛfɛfɛr kɛciya † 17:16 K'eyɛk-yɛkɛs kɔ = «k'eyif Yesu barka teta kɛtamɛs kɛn.»

Kader ka debe da Kanu
Mat 24.23-28,37-41

²⁰ Nte aFarisi nayif Yesu tem nte debe da Kanu dendeder ma, k'oloku na: «**Debe da Kanu** dafoder pagbatne di fap.

²¹ Afokule di, «Id'ende nna!», «Idako nde!» Bawo debe da Kanu nana na deyi daco.»

²² Nte Yesu elip kaloku na ti ma, k'oloku acepse on daran: «Dasoak dendebap nde nandefan kanank dasak din da Wan ka Warkun ma, mba nafosanank di.

²³ Andeloku nu: «Eyi nna!» ka payone fe ti-e «Eyi nde!» Ta nadeka di, ta nadeyeksarne kaka di.

²⁴ Ti disre, dasak nde Wan ka Warkun endeder ma pandeyi pam nte pamot pansan pawankara pa darenc kayefe kasak kin han ka meran ma.

²⁵ Mba mene patara papan karesna, afum a tem tante jawenas ka.

²⁶ Taka tenacepar tem ta Nuha ma, tendecapar so dasak da Wan ka Warkun.

²⁷ Afum nancdi yeri, nacmun, arkun ka aran nacnencene han dasak nde Nuha enabere debil ma: Ka kutup kander nke kanamalak afum fap ma.

²⁸ Pandeyi pam tem ta Lot. Afum nancdi yeri, nacmun, nacway, naccamas, nacbaf, naccambar walo.

²⁹ Mba dasak nde Lot owur Sodom ma, nenc ka parbal yanatuf Sodom ka yemalak ca ya di fap.

³⁰ Ita pandeyi dasak nde andementar Wan ka Warkun ma.»

³¹ «Dasak dadaka nwe enyi dabanaka ma, ta pabere dakalo palek ca yan. Fum nwe tembap dale ma, ta palukus nde ndoran.

³² Nacem-cemne waran ka Lot.‡

³³ Mana nwe mandesep kamejk kayi doru kam ma kandesalpar am, ka mana nwe kanjalpar ma, mandesamejk ki.

³⁴ Icloku nu: Pibi papaka, afum meran nandefantare kafanc kin, palek wakin, pasak waka meran.

³⁵⁻³⁶ Aran meran nandeyi kaco kirir kin, palek wakin pasak waka meran. §

³⁷ Ka acepse on daran nayif ka: «Deke tatoka tendekayi-e, Mariki?» Ka Yesu olokse na: «Nde pefi peyi ma, difo yofan yendebapsene.»

18

Capafɔ ca waran nwe wos efi ma, ka waboc kiti

¹ Ka Yesu oloku na capafɔ, kamentar na a mene naclok-lokar **Kanu** tem o tem ta dis dalal na.

² K'oloku: «Dare dalama denayi dayo waboc kiti nwe enato kacnese Kanu ma, ali fum ta elelas-e.

³ Dare dadaka dayo so waran watolo walama nwe encder pacloku ka: «Maboc'em kiti ka wayefarene kem daco!»

⁴ Ka waboc kiti nwe efatar ka han, k'ende palokune debakac: «Ali nte intocare Kanu, ta ilelas nwe o nwe ma,

⁵ nte waran nwe wos efi, alalas im dis ma, iboce ka kiti ka wayefarene kan daco, nte tendesone ka katogbokare-gbokare so kader ma, padenankane kalalas im dis.»

⁶ Ka Mariki onocar: «Nacanjkal nte waboc kiti watolomp onloku ma.

⁷ Kanu nkan ofadekaboce afum on ane kiti ba, ane jambokar ka pibi ka dan ma? Endesone na kawon kakar ba?

⁸ Icloku nu: Ofadesone na kawon kakar, endeboc na kiti katana katana. Mba ka Wan ka Warkun endeder-e, endebap kalan doru ba?»

17:27 Dakacop 6.9-7.24 17:29 Dakacop 19.24 ‡ 17:32 Mamaman Dakacop 19.26 § 17:35-36 Andenar yeyicac yolama «Arkun meran nandeyi dale din dayi, pasumpar wakin pasak waka.»

Capafɔ ca wɛFarisi kɔ wɛwerɛs dut

⁹ Kɔ Yesu oloku sɔ capafɔ nce afum alɔma aɲɛ ɲanacɛm-cɛmnɛ kɛlomp, a ɲacfani akɔ mɔ:

¹⁰ «Kɔ afum mɛrɛɲ ɲampɛ kɛkɔtola Kanu nde **kɛlɔ kɛpɔɲ ka Kanu**, wɛkin nwe pɛyɔnɛ wɛFarisi, wɛkɔ pɛyɔnɛ wɛwerɛs dut.

¹¹ WɛFarisi nwe pɛcɛmɛ pɛclok-lokɛr Kanu dɛbɛkɛc nte: «Kanu, iyif ɛm barka* nte intɔyi pɛmɔ afum alpɛs akɔ ɲayɔnɛ abanɛs ca ya afum mɔ, ta ɲalomp, ɲacsumpɛr dalakɔ, nte intɔyi pɛmɔ wɛwerɛs dut nwe mɔ.

¹² Kɛmɛrɛɲ k'ɲɛsuɲ dɔsɔk doluksɛr disrɛ, icsɔɲ sɔ farilɛ fɛp fa yɔsɔtɔ yem.»

¹³ Wɛwerɛs dut nwe nkɔn pɛcɛmɛ pɛbɔlɛ, pɛcnesɛ kɛyɛkti fɔr darenc yati, mba pɛcsut-sutnɛ abɛkɛc kɛclokɔ: «Kanu mɛɲaɲɲɛn'em, ina wɛciya!»

¹⁴ Iclɔku nu: Fum wɛkakɔ ɛnalomp nnɔ Kanu kɛyi mɔ, a k'endelukus nde ndɔrɔn. Mba wɛFarisi ɛnalomp fɛ nnɔ Kanu kɛyi mɔ. Nwe o nwe ɔɲyoknɛ mɔ, andetɔrɛ kɔ. Nwe o nwe ɔtɔrɛ banca mɔ, andepɛnɛ kɔ.»

*Yesu kɛtolanɛ kɔn awut afɛt**Mat 19.13-15; Mark 10.13-16*

¹⁵ Afum ɲanckɛrɛ Yesu ali cɛnaka nte tɔɲsɔɲɛ pɛcɛnɛɲɛr ɲa waca teta kɛtolanɛ ɲa pɛtɔt. Nte acɛpse ɔn darɛɲ ɲanɛɲk ti mɔ, kɔ ɲaɲgbɔɲ-gbɔɲɛr ɲa.

¹⁶ Mba kɔ Yesu ɔlɔtɛrnɛnɛ awut pɛclokɔ: «Nɛsak awut ɲader nnɔ iyi mɔ! Ta nɛyamsɛr ɲa kɛdɛr; bawo afum aɲɛ ɲayi pɛmɔ awut afɛt akanɛ mɔ, ɲa ɲayɔ dɛbɛ da Kanu.

¹⁷ Awa! Kance iclɔku nu: Nwe o nwe ɔntɔfaynɛ dɛbɛ da Kanu pɛmɔ wanfɛt mɔ, ɔfɔdɛkɔbɛrɛ di disrɛ.»

*Wɛrkun wɛka daka dɛlarɛm**Mat 19.16-30; Mark 10.17-31*

¹⁸ Kɔ wɛbɛ wɛlɔma eyif kɔ: «Wɛtɛkɛ wɛtɔt, cɛkɛ cɔ pɛmar im kɛyɔ, isɔtɔ kiyi wɛyɛɲ ka doru o doru-ɛ?»

¹⁹ Kɔ Yesu eyif kɔ: «Ta ake tɔ mɛwɛn'em «Wɛtɔt»-ɛ? Ali fum ɔyɔnɛ fɛ wɛtɔt, mɛnɛ Kanu sona gbɔɲ.

²⁰ Mɛncɛrɛ mosom ma Kanu: Ta mɛsumpɛr dalakɔ, ta mɛdif fum, ta mɛkiyɛ, ta mɛbanɛ fum sɛdɛ sa yem, mɛlɛlɛs wisi kɔ wiri.»

²¹ «Ilɛlɛs mamɔkɔ fɛp kɛyɛfɛ isɔrɔfɛtɛ,» fum wɛkakɔ pɛclokɔ.

²² Nte Yesu ene kɔ dim mɔ, k'oloku kɔ: «Awa tes tin gbɔɲ tobut ɛm: Mɛcamɛs daka ndɛ mɛyɔ mɔ fɛp, mɛyɛr pɛsam papɔkɔ atɔyɔ daka, mɛndɛkɔsɔtɔ daka dɛlarɛm ndɛ dɛKɔm. Kɔ mɛlip-ɛ, mɛdɛr mɛcɛps'em darɛɲ.»

²³ Nte fum nwe ene moloku ma Yesu mɔ, kɔ abɔc ɲɛmbɛrɛ kɔ, bawo ɛnɛyɔ daka pɛcɛpɛrɛr.

²⁴ Nte Yesu ɛnɛɲk abɔc ɲɛmbɛrɛ kɔ mɔ, k'oloku: «Pɛncuca aka daka kɛbɛrɛ ka akip ɲa dɛbɛ da Kanu dɛntɔf.

²⁵ Pɛfɛfɛrɛnɛ yɔkɔmɛ kɛbɛrɛ ka abi ɲa tɛsɛmbɛ pɛtas wɛka daka kɛbɛrɛ ka akip ɲa dɛbɛ da Kanu dɛntɔf.»

²⁶ Aɲɛ ɲanccɛɲkɛl Yesu mɔ ɲayif kɔ: «Awa, an'ɛntam ɔɲ kɛfis-ɛ?»

²⁷ Kɔ Yesu oloku ɲa: «Nte tɛntambɛr afum mɔ, Kanu kɛntam ti.»

²⁸ Kɔ Piyɛr oloku: «Sɛna sɛsak yosɔtɔ yosu nte tɔɲsɔɲɛ sɛncɛm'am darɛɲ mɔ.»

²⁹ K'oloku ɲa: «Awa! Kance iclɔku nu: Fum eyi fɛ, nwe ɛɲsak kɛlɔ, wɛran, awɛnc, akomɛnɛ, kɔ awut teta dɛbɛ da Kanu,

³⁰ ta wɛkayi ɔɲkɔsɔtɔ pɛla pɛcɛpɛrɛr doru dandɛ, pɛsɔtɔ sɔ kiyi wɛyɛɲ ka doru o doru tɛm tekiriɲ.»

*Yesu ɛndɛɲk tamaas defɛ dɔn kɔ kɛdɛyɛfɛ kɔn afɛ daco**Mat 20.17-19; Mark 10.32-34*

* **18:11** *Iyif'ɛm barka* = Iyek-yekɛs'ɛm

³¹ Kɔ Yesu ɛlɛk Asom ɔn wɔco kɔ mɛrɛn, k'oloku ɲa: «Nɛcɛnɲɛl im, Yerusalɛm ayi kɛpɛ. Mes mmɛ sayibɛ a Kanu ɲanacɛs teta Wan ka Wɛrkun mɔ fɛp, mendekɔlarɛ.

³² Bawo andekɔlɛk kɔ pabɛr atɔyɔnɛ aSuyif dɔwaca. Andekɔfani kɔ, andekɔtɔrɛs kɔ, andekɔyuksɛr kɔ lin,

³³ andekɔsutɛ kɔ tɔrɛnɲɛn, a padedif kɔ. Tataka ta maas ta defi dɔn pɛfɔtɛ afi daco.»

³⁴ Mba Asom ɔn ɲanane fɛ ti tɔlɔm o tɔlɔm. ɲanacɛrɛ fɛ ntɛ tatɔkɔ toloku mɔ.

Yesu kɔtamɛs kɔn wɔtɔnɲɛk

Mat 20.29-34; Mark 10.46-52

³⁵ Ntɛ ɲayi kɔlɔtɔrɛnɛ Yeriko mɔ, tɛtɛnɲɛ wɔtɔnɲɛk wɔlɔma pɛndɛ dɔpɔ kɛsɛk pɛctola.

³⁶ K'ene pɔkɔt pa kɛnɔy, k'eyif daka ndɛ dender mɔ.

³⁷ K'aloku kɔ: «Yesu wɛka Nasarɛt eyi kɛcɛpɛr!»

³⁸ K'ɔnɲɛkɔlɛrɛnɛ: «Yesu wan ka † Dawuda, mɛyɔn'em nɔnɔfɔr!»

³⁹ Aɲɛ ɲanasol kɔ Yesu ɲayi kɔ tekirinɲ mɔ, ɲayɛfɛ kɛgbɛnɲ-gbɛnɲɛr kɔ a pɛcɛnɲk, mba pɛcɛnɲkanɛ kɛkulɛ-kulɛ: «Wan ka Dawuda, mɛyɔn'em nɔnɔfɔr!»

⁴⁰ Kɔ Yesu ɛncɛmɛ, k'osom a pakɛrɛ kɔ fum nwɛ. Ntɛ alɔtɔrɛnɛnɛ kɔ mɔ, k'eyif kɔ:

⁴¹ «Cɔkɛ cɔ mɛfan a iyɔn'am-ɛ?» K'oloku: «Mariki, iluksɛrɛnɛ sɔ kɛnɲɛk!»

⁴² Kɔ Yesu oloku kɔ: «Mɛluksɛrɛnɛ sɔ kɛnɲɛk! Kɛlanɲ kam kɛntamɛs ɛm.»

⁴³ Gbɛncana babɔkɔ kɔ fum nwɛ oluksɛrɛnɛ sɔ kɛnɲɛk, k'eyɛfɛ k'ɛncɛmɛ Yesu darɛn **pɛccam debeki** da Kanu. Ntɛ afum fɛp ɲanɲɛk tatɔkɔ mɔ, kɔ ɲayɛfɛ kɛkɔr-kɔru Kanu.

19

Yesu kɔ Sasey

¹ Ntɛ Yesu ɛmbɛrɛ Yerikɔ mɔ, k'ɛncali dare.

² Awa, kɔ fum wɔlɔma, nwɛ ancwɛ Sasey, nwɛ ɛnɔyɔnɛ wɔbɛ ka awɛrɛs dut, pɛyɔ daka dɛlarɛm,

³ pɛctɛn kɛcɛrɛ fum nwɛ aɲwɛ Yesu mɔ, mba ɛnctam fɛ ti, bawo afum ɲanala, nkɔn pɛbumpsɛnɛ.

⁴ Kɔ fum nwɛ ɛncɛpɛr kirinɲ k'ɔnɲkɔ pɛfɛrɛnɲk dɛkɔtɔk ntɛ tɔnɲɔnɲɛ kɔ kɛnɲɛk Yesu mɔ, bawo dif'ɛnakɔ kɛcɛpɛr.

⁵ Ntɛ Yesu ɛmbɛp kɔtɔt kanɲkɔ dɛntɔf mɔ, k'eyɛkti fɔr k'ɛnɲɛk fum nwɛ, k'oloku kɔ: «Sasey mɛkufɛ mɔtor, bawo ndɛ kɛlɔ kam inɲkɔ mɔkɔ iyi.»

⁶ Kɔ Sasey ɛmbɛlkɛr kɔtor, k'ɛmbanɲ Yesu pɛbotu disrɛ.

⁷ Ntɛ afum ɲanɲɛk ti mɔ, kɔ ɲayɛfɛ kɛcɔpɛnɛ, ɲacloku: «Ndena fum wɛciya ɔnɲkɔ pɛyi.»

⁸ Mba Sasey nwɛ ɛnacɛmɛ mariki fɔr kirinɲ mɔ, oloku: «Mariki, indɛsɔnɲ atɔyɔ daka daco da kɛsɔtɔ kem. Nwɛ o nwɛ inananɲkanɛ kɛbanɲɛr pɛlarɛm mɔ, indɛsɔnɲ wɛkayi kɛmanɲkɛlɛ ka tɔkɔ inabanɲɛr kɔ mɔ.»

⁹ Kɔ Yesu oloku kɔ: «Mɔkɔ, Kanu kɛyɔc aka kɛlɔ kanɲkɛ, bawo mɛna sɔ wɛka Abraham mɛyɔnɛ!

¹⁰ Bawo Wan ka Wɛrkun endɛr kɛdɛtɛn kɔ kɛyɔc ka aɲɛ ɲanasɔlɛ mɔ.»

Capafɔ ca mɛncɛmbɛl ma kɛma

Mat 25.14-30

¹¹ Afum ɲayi kɛcɛnɲɛl Yesu. Kɔ Yesu ɔnɔcɛr capafɔ cɛlɔma, bawo ɲanalɔtɔrɛnɛ Yerusalɛm, afum ɲaccɛm-cɛmnɛ a dɛbɛ da Kanu dɔnɲkɔwɛr gbɛncana babɔkɔ.

¹² Kɔ Yesu oloku: «Fum wɔtɔt tokom wɔlɔma, ɛnɔyɛfɛ k'ɔnɲkɔ atɔf ɲobol-bolu kɛkɔtɛn dɛbɛ a pɛdɛdɛr.

¹³ Kɔ fum nwɛ ɛwɛ acar ɔn wɔco, k'ɔsɔnɲ ɲa nwɛ o nwɛ tɛncɛmbɛl pa kɛma kɛpɔnɲ kin, k'oloku ɲa: «Nɛckafɛlɛ-kafɛlɛ pi waca hanɲ icder.»

† 18:38 Wan ka Dawuda = Ti tɔyɔnɛ tokulɛ ta aYisrayɛl = «wɛyɔc kɛnɲan.»

14 Mba afum aka dare dadakò ñanater kò, kò ñasom kəkəloku nde fum nwε ɔnckò kəten dɛbɛ mɔ: «Səfan fɛ a fum wəkawε pəyɔnɛ su wəbɛ!»

15 Kò fum nwε ɔɲkò pəsɔtɔ dɛbɛ, ntɛ olukus mɔ, k'ewe acar ɔn aɲɛ wəco kədəcərə ntɛ nwε o nwε ɛɲkafəli-kafəli waca mɔ.

16 Kò wəcar wəcəkɔ-cəkɔ ender, k'oloku: «Mariki, isɔtɔ wəco wa kɛma kəɲkò mənəsɔɲ im mɔ.»

17 Kò fum nwε oloku: «Tentesɛ, wəcar wətət məyɔnɛ, bawo məlomp teta tes tɛfɛt. Ti tendesɔɲɛ a isɔɲ am kəyɔnɛ wəbɛ ka sədare wəco.»

18 Kò wəcar wəka mɛrɔɲ ender, kò wəkakò oloku kò: «Mariki, kəcamət ka kəɲkò mənəsɔɲ im mɔ, k'isɔtɔ kədəɲər ka ki.»

19 Kò fum nwε oloku sɔ wəkakò: «Isɔɲ əm sədare kəcamət, məyɔnɛ wəbɛ kəɲan.»

20 Kò wəlɔma ender pəloku: «Mariki kɛma kam kəɲkɛ, inafəktər ki dəkəloto kətət imɛɲk.

21 Inanes'am, bawo fum wəcuca məyɔnɛ: Məɲlɛk mɛpɛ məntəboc mɔ, məpim nde mənatəbɔf mɔ.»

22 Kò fum nwε oloku wəmarəs kən: «Moloku mam m'indekit'əm, mənə wəcar wələc! Mənacərə a incuca, k'ɲlɛk mɛpɛ intəboc mɔ, icpim mɛpɛ intəbɔf mɔ.

23 Ak'enasɔɲɛ ntɛ mənatəsɔɲ pəsam pem amɛɲk pəsam mɔ-ɛ? Kò ntɛ ilukus mɔ, k'imban pəsam pem isɔtɔ sɔ pi kəroɲ kəntaɲgbɛ.»

24 K'oloku afum akò ñanayi di mɔ: «Nəbanər kò kɛma kəɲkò, nəsɔɲ ki wəkò ɔsɔtən'em kilo wəco mɔ.»

25 Kò afum ɲaloku: «Wəbɛ, wəkakò ɔsɔtɔ wəco!»

26 Kò fum nwε oloku ɲa: «Icloku nu: Mənə nwε məyɔ mɔ, amberɛnɛ sɔ mənə wəkayi. Mba mənə nwε məntəyɔ mɔ, ambanər əm ali pəkò məyɔ mɔ.

27 Tamɛrɔɲ tayi, nəker'em ater'em aɲɛ ñanatəfan a iyɔnɛ ɲa wəbɛ mɔ, nəfay ɲa mera fər yem kirin.»»

Yesu kəkò kən Yerusalem

Mat 21.1-11; Mark 11.1-11; Isaj 12.12-19

28 Ntɛ Yesu elip kəloku afum moloku maməkò mɔ, k'osumpər dɔpɔ afum kirin kəkò Yerusalem.

29 Ntɛ Yesu ɔlətərnɛ sədare sa Bɛtfase kò Bɛtani mɔ, kəca ka tərɔ təkò aɲwe tərɔ ta Tək ya Olif mɔ, kò Yesu osom acɛpsɛ ɔn darəɲ mɛrɔɲ,

30 pəcloku ɲa: «Nəkò nde dare nde antɛfərnɛ mɔ, kò nəɲkəbɛrɛ-ɛ, nəɲkəbər di sɔfale sɔfɛt pakot si, nɛ fum o fum ɛntatəndɛ mɔ. Nəsikəli si, nəker'em.

31 Kò tɔyɔnɛ fum pəyif nu: «Ta ake tɔ nəɲsikələ si-ɛ?» Nəloku kò: «Bawo Mariki ɛfan si.»»

32 Kò afum aɲɛ anasom mɔ ɲaɲkò, kò ɲaɲkò ɲabər sɔfale sɔfɛt pakot si pəmɔ təkò Yesu ɛnaloku ɲa mɔ.

33 ɲayi kəsikəli sɔfale sɔfɛt, kò asərka ɲayif ɲa: «Ta ake tɔ nəɲsikələ sɔfale sasəkɔ-ɛ?»

34 Kò acɛpsɛ ɔn darəɲ mɛrɔɲ aɲɛ ɲaloku aka sɔfale: «Mariki ɛfan si.»

35 Kò afum aɲɛ ɲaɲkɛnɛ Yesu sɔfale sɔfɛt nɛ, kò ɲandɛɲsər si suma səɲan sakəroɲ, kò Yesu ɛndɛ si kəroɲ.

36 Təkò ɔnckò kirin mɔ, itɔ afum ɲancper-pere kò suma səɲan sakəroɲ dɔpɔ.

37 Ntɛ ɲalətərnɛ Yerusalem nde pətəmbələr pa tərɔ ta Tək ya Olif mɔ, kò pəmbət kəɲay kəɲkò kənacɛpsɛ kò darəɲ mɔ fər. Kò ɲayɛfɛ kəkər-koru Kanu pəpəɲ, bawo ɲananəɲk **mes mɛwɛy-wɛy mmɛ Kanu kəmməntər mɔ.**

38 Kò ɲaloku:

«Kanu kəpocɛ pətət wəbɛ nwε enderɛnɛ tewɛ ta Mariki mɔ!

Pəforu peyi dəkəm,

kò pələl peyi Kanu mofɔ mɛɲɛci ma dəkəm!»

39 AFarisi akin akin akò ɲanayi kəɲay kəɲkò dacɔ mɔ, ɲaloku Yesu: «Mariki, məloku acɛpsɛ am darəɲ ɲacaɲk!»

40 Kò Yesu oloku ɲa: «Kò ɲancaɲk-ɛ, masar moɲkule-kule!»

Yesu kabok kɛn teta Yerusalem

⁴¹ Nte ɲalɔtɛrne Yerusalem, a kɔ Yesu ɛnɔɲk dare mɔ, k'eyefe kabok teta di,

⁴² k'oloku: «Yerusalem, mɛn'encɛre mɔkɔ tɔkɔ ɲɲɔ pasɔtɔ pɛforu mɔ! Mba ndekɛl tatɔkɔ tɔɲgbɔpɛn'am, mɛfɔtam ti kɛnɔɲk.

⁴³ Bawo dɔsɔk dendeder nde ater am ɲandenɔɲkɛr ɛm kandɛ, ɲakɛl ɛm, a ɲadɛgbɛcɛren'am waca fɛp mɔ.

⁴⁴ ɲandelɛsɛr ɛm haɲ awut am, ali tasar tin ɲafɔdesakɛr'am mpe pendedɛɲsɛ pɔlɔm kɛronɲ mɔ, bawo mɛnacɛre fɛ tɛm nte Kanu kɛnader kɛmar ɛm mɔ!»

Yesu kabɛrɛ kɛn nde kɛlɔ kɛpɔɲ ka Kanu

Mat 21.12-17; Mark 11.15-19; Isaɲ 2.13-22

⁴⁵ Nte Yesu ɛmbɛrɛ nde **kɛlɔ kɛpɔɲ ka Kanu** mɔ, k'eyefe kabɛlɛs acamɛs.

⁴⁶ K'oloku ɲa: «Dɛyɛcicɛs, Kanu kɛlɔkɛ: «Kɛlɔ kem, dɛkɛtɔla Kanu dɔ kɛndeyɔnɛ,» mba nɛna nɔɲkafɛli ki tɔgbɔkɛnɛ ta calbante.»

⁴⁷ Dɔsɔk o dɔsɔk Yesu ɛnɔtɔksɛ afum dɛndo **kɛlɔ kɛpɔɲ ka Kanu** disrɛ. Aloɲnɛ apɔɲ, atɔksɛ sariyɛ s'aSuyif, kɔ abeki a dɔtɔf ɲactɛn kɛdif kɔ.

⁴⁸ Mba ta ɲancɛre nte ɲɲɲɔ, bawo afum fɛp ɲancɛɲkɛl moloku ma Yesu, ta ɲafan kɛbut ali toloku tɔn tin kɛnɛ-ɛ.

20*Deke kɛtam mes ka Yesu kɛyɛfɛ-ɛ?*

Mat 21.23-27; Mark 11.27-33

¹ Dɔsɔk dɔlɔma, nte Yesu eyi kɛtɔksɛ afum nde **kɛlɔ kɛpɔɲ ka Kanu** mɔ, pɛcloku moloku mɔtɔt. Aloɲnɛ apɔɲ, kɔ atɔksɛ a sariyɛ s'aSuyif kɛlɛkɛnɛ abeki a dɔtɔf ɲamberɛr kɔ,

² kɔ ɲaloku Yesu: «Mɛlɔku su ma: Kɛtam kɛre kɔ mɛyɔnɛ mes mamɛ, kɔ pɛyɔnɛ fɛ ti-ɛ, mɛbɔncɛr su nwe ɔsɔɲ ɛm kɛtam kanɲkɔ mɔ.»

³ Kɔ Yesu oloku ɲa: «Ina sɔ, k'iyif nu k'inder toloku tin. Nɛluks'em ti:

⁴ Kɛgbɛt dɛromun ka Saɲ dɛkɔm kɛncyɛfɛ ba, ka nda afum?»

⁵ Kɔ ɲayɛfɛ kɛgbɛkɛlɛnɛ taɲan, ɲaclɔku: «Kɔ sɛlukɛ ndekɛl a dɛkɔm kɛgbɛt kɛn kɛnɲayɛfɛ-ɛ, ɛɲyif su: «Ta ake tɔ nɛnatɔlanɛ Saɲ-ɛ?»

⁶ Kɔ sɛlɔku a nda afum kɛncyɛfɛ-ɛ, aka dɔtɔf fɛp ɲancacas su, bawo fɛp fɛnacɛre a Saɲ sayibɛ s'ɛnɲayɔnɛ.»

⁷ Kɔ ɲalukɛ Yesu: «Sɛncɛrɛ fɛ.»

⁸ Kɔ Yesu oloku ɲa: «Ina sɔ, ifɔlɔku nu kɛtam nkɛ ɲɲɲɔnɛ mamɛ mɔ.»

Totubɛnɛ ta abɛc a ɲgbɔɲkɛlɔ alɛc

Mat 21.33-46; Mark 12.1-12

⁹ Kɔ Yesu eyɛfɛ kɛlɔk-ɔkɛr afum dɛtotubɛnɛ nte: «Fum ɛnabɔf ɲgbɔɲkɛlɔ ya wɛn, k'ɔsɔɲ yi abɛc alɔma, ɲatɔɲnɛ kɔ akakɔ kɛcsɔɲ kɔ kɛway, kɔ nkɛn owur k'ɔɲkɔ marɛnt mowonu.

¹⁰ Nte tɛm tepim tɛmbɛp mɔ, kɔ wɛka ɲgbɔɲkɛlɔ osom wɛcar nɲɔ abɛc ɲayi mɔ, kɛkɔbanɲ yokom ya wɛn nyɛ pɛmar ɲasɔɲ kɔ kɛway kɛn mɔ. Mba kɔ abɛc a ɲgbɔɲkɛlɔ ɲasut kɔ, kɔ ɲasak, k'olukus waca wɔsɔkɛr.

¹¹ Kɔ wɛka ɲgbɔɲkɛlɔ nwe ɔɲgbɔkɛrɛ sɔ kɛsom wɛcar wɛlɔma, kɔ abɛc akakɔ ɲasut sɔ fum nwe, kɔ ɲalapɛs kɔ, kɔ ɲasak, nkɛn sɔ k'olukus waca wɔsɔkɛr.

¹² Kɔ wɛka ɲgbɔɲkɛlɔ osom sɔ wɛka maas, kɔ abɛc a ɲgbɔɲkɛlɔ ɲambɔpɛr sɔ wɛkakɔ, kɔ ɲambeɛs kɔ.

¹³ Kɔ wɛka ɲgbɔkɛlɔ nwe eyifnɛ: «Cɛke c'indeyɔ-ɛ? Wan kem nwe imbɔtɛr mɔ indesom. Tɔlɔma ɲɲɲɔlɛlɛs wɛkakɔ.»

¹⁴ Mba nte abɔf a ɲgbɔɲkɛlɔ ɲanɔɲk wan ka wɛka ɲgbɔɲkɛlɔ mɔ, kɔ ɲalokɛnɛ: «Wɛlɛk kɛn kɛ ɔfɔ, wɛkawɛ. Padif kɔ nte tɔɲsɔɲɛ ɲgbɔɲkɛlɔ yede yɔyɔnɛ yosu mɔ.»

15 Kɔ abɛc anjɛ ɲasumpɛr wan ka wɛka ɲgbɔɲkɛlɔ, kɔ ɲawurɛnɛ kɔ sanjka tadarɛɲ, kɔ ɲandif.»

Kɔ Yesu eyif acɛɲkɛl ɔɲ, «Cɛke cɔ wɛka ɲgbɔɲkɛlɔ nwe endeyɔ ɲa-ɛ?»

16 Kɔ Yesu ɔnɔcɛr: «Wɛka ɲgbɔɲkɛlɔ pɛder pɛdifɛt abɛc akakɔ fɛp, pɛbanj sɔ ɲgbɔɲkɛlɔ yɔɲ pɛsɔɲ yɛbɛc ya yi abɛc alɔma.» Ntɛ afum ɲane moloku mme mɔ, kɔ ɲaloku: «Ta tatɔkɔ tɛtam kɛyi!»

17 Kɔ Yesu ɛɲkafɛli kɛro k'ɔmɔmɔn ɲa, k'eyif: «Cɛke cɔ Yecicɛs Yosoku yayɛ yoloku ɔɲ-ɛ?: <Togbu mɛ acɛmbɛr kɛlɔ ɲanace mɔ, pɛnader pɔyɔnɛ ɔɲ togbu pɔtɔt, pa dacɔ.>

18 Nwe o nwe entɛmpɛnɛ pi kɛroɲ mɔ, entɛpɛ. Mɛna nwe pɛntɛmpɛnɛ sɔ kɛroɲ mɔ, pomputuk ɛm.»

*Atɔkse a sariyɛ s'aSuyif ɲafɔɲ kɛcɛpɛ Yesu towul
Mat 22.15-22; Mark 12.13-17*

19 Atɔkse a sariyɛ kɔ alɔɲnɛ apɔɲ ɲactɛn kɛtɛp Yesu waca tɛm tatɔkɔ, bawo ɲanacɛrɛ a tɛtanjan t'ɛnalokɛ totubcɛnɛ tatɔkɔ. Mba ɲacnɛsɛ afum akɔ ɲanayi di mɔ.

20 Ntɛ ɲanafɔɲ kɛsumpɛr Yesu dɛmoloku mɔ, kɔ ɲasom atɛnɛs mes anjɛ ɲanabanjɛnɛ kɛyɔnɛ alompu, ntɛ tɔɲsɔɲɛ ɲatam kɛbɛr kɔ wɛbɛ dɛwaca, nwe ɛnatɛmpɛr kɛtam kɔ fɛnɔntɛr fa dɛbɛ da Rom mɔ.

21 Kɔ afum anjɛ anasom mɔ, ɲancaɲ Yesu moloku: «Wɛtɔkse, sɛncɛrɛ a moloku mame mɔɲloku mɛctɔkse mi afum mɔ mɔsɔk. Mɛfɔkiti fum kɛnɔɲk kɛn, mba dɔpɔ da Kanu yati dɔ mɛntɔkse afum dɛkance.

22 Awa, mɛloku su ma, pɛmar sɛsɔɲ dut dosu Sesar wɛbɛ wɛka tɔf ya Rom ba, ka ta sɛsɔɲ kɔ di?»

23 Mba kɔ Yesu ɛnɛpɛl towul tanjan, k'olukɛ ɲa:

24 «Nɛmentɛr im pɛsam gbɛlɛɲ bin. Alulu ɲa ana ɲeyi pɛsam papɔkɔ-ɛ, kɔ tɛwɛ ta wɛkayi?» Kɔ ɲaloku, «Sesar wɛbɛ wɛka Rom.»

25 Kɔ Yesu oloku ɲa: «Awa, nɛsɔɲ Sesar pɔkɔ pɔyɔnɛ pɔn mɔ, kɔ Kanu sɔ pɔkɔ pɔyɔnɛ pɔn mɔ.»

26 Afum anjɛ ɲanatam fɛ kɛsumpɛr kɔ dɛmoloku kɛnay nkɛ dacɔ. Mba ntɛ moloku ma Yesu mɛnaciyanɛ ɲa mɔ, kɔ ɲancaɲk.

*Kɛyif ka kɛdɛyɛfɛ ka defi afi dacɔ
Mat 22.23-33; Mark 12.18-27*

27 Kɔ aSadisi anjɛ ɲanaloku a fum ɔfɔyɛfɛ defi mɔ, ɲander ɲayif Yesu moloku mme:

28 «Wɛtɔkse, ntɛ tɔ Musa ɛnacicɛ su: <Kɔ fum efi pɛnɛncɛ mba ta ɛsak wan-ɛ, wɛnc ka wɛfi, pɛlɛk wɛcɛbɔkɛra pɛsɔɲ wɛnc wɛfi yuruya.>

29 Awɛnc camɛt-mɛrɛɲ ɲanayi. Kɔ wɛcɔkɔ-cɔkɔ ɛnɛncɛ, k'efi, ɛsak fɛ wan.

30 Kɔ wɛka mɛrɛɲ ɛnasɛr wɛran wɛka wɛnc,

31 kɔ tɛyɛfɛ dɛnda kɔ wɛka maas ɛnasɛr kɔ. Tatɔkɔ tɔ tɛnakɔ hanj kɔ awɛnc anja anjɛ camɛt-mɛrɛɲ fɛp ɲanɛncɛ wɛran nwe, mba nwe o nwe ɛsak fɛ wan.

32 Tɛlpɛs ɔɲ, kɔ wɛran sɔ efi.

33 Ti disrɛ, kɔ dɔsɔk dɛyɛfɛ da afi dɛndɛbɛp-ɛ, an'endɛlɛk wɛran wɛkawɛ-ɛ? Bawo afum akanjɛ camɛt-mɛrɛɲ ɲananɛncɛ kɔ!»

34 Kɔ Yesu oloku ɲa: «Arkun kɔ aran a doru dandɛ ɲaɲɲɛncɛnɛ.

35 Mba anjɛ andekiti panɔɲk dolompu danjan mɔ, pɛmar ɲafɔtɛ afi dacɔ ɲayi sɔ wɛyɛɲ doru ndɛ dɛnder mɔ, ɲafɔdɛ ɲacnɛncɛnɛ.

36 ɲafɔtam sɔ kɛfi, bawo pɛyi ɲa pɛmɔ mɛlɛkɛ, ɲa ɲandeyɔnɛ awut a Kanu, bawo Kanu kɛyɛkti ɲa dɛdefi.

37 Musa oloku pɛsɔku pɛs a afi ɲandɛfɔtɛ ntɛ Kanu kɛnaloku kɔ ndɛ tɛrɛntɛm mɛpɛ pɛncmar mɔ. Dɛndo Musa ɛwɛ Mariki: <Kanu ka Abraham, Kanu ka Siyaka, Kanu ka Yakuba.>»

³⁸ Kɔ Yesu ɔnɔcɛr, «Bafɔ Kanu ka afi k'ɔyɔnɛ, mba ka ayi wɔyɛn, bawo nnɔ Kanu kɔyi mɔ, fɛp fɛnɔyi wɔyɛn.»

³⁹ Kɔ acicɛs a sariyɛ alɔma nɔlɛk moloku, kɔ nɔlɔku: «Wɛtɔksɛ, mɔlɔku belbel!»

⁴⁰ Kɔ nɔnesɛ sɔ kɔyif kɔ moloku mɔlɔma.

Wɔyɛk-yɛk wɔka Kanu kɔ Dawuda

Mat 22.41-46; Mark 12.35-37

⁴¹ Kɔ Yesu oloku nɔ: «Cɔke cɔ antam kɔlɔku a Krist wan ka Dawuda gbɛcɛrɛm ɔfɔ-ɛ?

⁴² Bawo Dawuda nkɔn yati oloku buk ba Yabura Dawuda disrɛ:

«Mariki Kanu ɛnaloku Mariki mem:

Mɔder mɔnd'em nnɔ kɛca kem kɛtɔt,

⁴³ haɲ iclip kɛbɔc atɛrɛnɛ am wɛcɛk wam dɛntɔf.»

⁴⁴ Kɔ Dawuda ewe wɛsom wɔka Kanu «Mariki mɔn», cɔke cɔ wɔkakɔ ɛntam kɔyɔnɛ wan kɔn-ɛ?»

Yesu oloku a pakɛmbɔrnɛ mɔyɔ ma atɔksɛ sariyɛ

Mat 23.1-36; Mark 12.38-40

⁴⁵ Ntɛ afum nɔyi kɛcɛɲkɛl Yesu mɔ, k'oloku acɛpsɛ ɔn darɛɲ:

⁴⁶ «Nɔkɛmbɔrnɛ atɔksɛ sariyɛ s'aSuyif: Nɔmbɔtɔr kɛcacɛnɛ suma sɔpɔɲ, nɔmbɔtɔr pacyif nɔ kɔyif kɛlɛl mofɔ mmɛ ambɔpsɛnɛ mɔ, nɔmbɔtɔr pacsɔɲ nɔ sɛcɔm sɛkirinɲ sa dɛkɔtɔla Kanu da aSuyif, pacsɔɲ nɔ dɛkɛndɛ d'abɛ mofɔ medi yeri dɛcɛsata.

⁴⁷ Nɔcbaɲsar acɛbɔkɛra daka darɛɲ, nɔcbɔlsɛ sali ntɛ tɔɲsɔɲɛ pagbɛkɛrɛ nɔ mɔ. An-dɛkɔkiti nɔ kiti kɔyɛnki!»

21

Kɔpɔcɛ ka wɔran wɔtɔyɔ daka nwɛ wos ɛnafi mɔ

Mark 12.41-44

¹ Kɔ Yesu eyɛkti fɔr, k'ɛnɛɲk ntɛ aka daka nɔncbɛr kɔpɔcɛ kɔɲan kanɲkɛra ka pɛsam ka **kɛlɔ kɔpɔɲ ka Kanu** mɔ.

² K'ɛnɛɲk sɔ wɛcɛbɔkɛra wɔtɔyɔ daka pɔcbɛr fɛrɛɲk mɛrɛɲ.

³ K'oloku: «Kance icloku nu: Wɛcɛbɔkɛra wɔtɔyɔ daka wɔkawɛ ompɔcɛ pɔtas akɔ fɛp.

⁴ Bawo afum fɛp, pɛcɛrnɛ paɲan pɔ nɔmbɛr kɔpɔcɛ kɔɲan, mba nkɔn, kɔtɔyɔ kɔn daka disrɛ ombɔc pɔkɔ ɔyɔ gbɛcɛrɛm pedi mɔ.»

Yesu oluku a andɛlɔsar kɛlɔ kɔpɔɲ ka Kanu

Mat 24.1-2; Mark 13.1-2

⁵ Afum alɔma nɔncloku tɛta **kɛlɔ kɔpɔɲ ka Kanu**: «Kɔntɛsɛ k'alompɔsɛ ki masar mɛpat mɔtɔt kɔ ca yɔtɔt ya ki nyɛ aɲsɔɲ Kanu kɔpɔcɛ mɔ.» Kɔ Yesu oloku:

⁶ «Dɔsɔk dɛndɛdɛr, mamɛ nɔɲgbɔtnɛ mɔ fɛp andɛwuɲ mi. Tasar pɔfɔdɛdɛɲsɛ tasar pɔlɔma kɛrɔɲ.»

Pɔlɛc kɔ kɛtɔrɔs

Mat 24.3-14; Mark 13.3-13

⁷ Kɔ nɔyif kɔ: «Wɛtɔksɛ, ake tɛm tɔ tatɔkɔ tendeyi-ɛ? Tɛgbɛkɛrɛ tɛrɛ tendɛmɛntɛr a mes mamɔkɔ mɛmbɔp-ɛ?»

⁸ Kɔ Yesu oloku nɔ: «Nɔkɛmbɔrnɛ, ta nɛsaknɛ patalɔr nu! Bawo afum alarɛm nɔndɛdɛr nɔcbaɲɛnɛ kɛbɔcɛ tɛwɛ tɛm, nɔcɔlɔku nu: «In'ɔfɔ, wɛsom wɔka Kanu,» «Tɛm tɛmbɔp!» Mba ta nɛdɛcɛmɛ nɔ darɛɲ!

⁹ Kɔ nɛndɛnɛ pɔcɔlɔku tɛta kɔwan, k'afum a dɔtɔf nɔyɛɲkɛr abɛ aɲan bɛkɛc-ɛ, ta nɔnesɛ. Pɛmar mamɔkɔ monɔɲkɛnɛ mɛdɛr kɛrɛsna, mba bafɔ ndɛkɛl doru dandɛ dɛndɛlip.»

¹⁰ K'oloku nɔ sɔ: «Afum a tɔf nɔndɛyɛfɛrɛnɛ kɔ afum alɔma, dɛbɛ dɛyɛfɛrɛnɛ kɔ dɛbɛ.

11 Antəf ηendeyikce pəpəη mofə mələma, dor kə docu dendeyi. Mes mēwēy-wēy mendeyi, kə **məgbəkəre məpəη mmē mendeyefe nde Kanu kəyi mə.**

12 Mba maməkə mendebəp, pasumpər nu, patərəs nu, pasəη nu kəkəkiti dəkətola Kanu da aSuyif a padeber nu dəbili. Andekəkəre nu nda abe a təfkə akirinə a sədare səpəη aləma kəkəkiti nu teta tewe tem.

13 Tatəkə tendemar nu kəloku ka təkə nəncəre tetem mə.

14 Ta nəcem-cemne pəlarəm tēyacne tonu.

15 Ina wəkawē yati in'endekəsəη nu moloku kə kəcəre kəkətene mes nkē ater anu nwē o nwē əntədetam kəgbekəl mə.

16 Akomene, awenc aηa, anapa, kə abət anu yati ηandekəber nu aterene anu dəwaca, andesəηe alarəm kəfi nu dacə.

17 Fəp fəndeter nu teta tewe tem.

18 Mba ali kəfon konu ka dərəmp kin kəfədesəle.

19 Kə nəmberene kəsumpər belbel-ε, nəndeyacne nəyi doru.»

Yesu endəηk kədələsər ka Yerusalem

Mat 24.15-21; Mark 13.14-19

20 «Kə nəndenəηk asədar ηakel Yerusalem-ε, nəcəre tem tatəkə a kələsər ka di kələtərne.

21 Tem tatəkə akə ηayi Yude mə, ηayekse kəpərne ka dəmərə. Akə ηayi Yerusalem dacə mə, ηawur. Akə ηayi dəkulum mə, ta ηabere sə dare de.

22 Bawo dəsək dadəkə d'andeboc kiti, nte təηsəηe mes mmē anacic mə fəp meyi.

23 Pucuy pere pə tendeyəne abekəs, kə aηe ηande ηacmesər dəsək dadəkə mə! Bawo pəyənki pəpəη pendeyi dəsək dadəkə dətəf, kə metele məpəη ma Kanu nnə afum akakə ηayi mə.

24 Sakma sə andedifəte ηa, təf fəp yosumpər-sumpər ηa yekekəre ηa pəbəle. Tem tatəkə afum acuru ηaban Yerusalem, haη tem nte asəη ηa mə teclip.»

Kəder ka Wan ka Wərkun

Mat 24.29-31; Mark 13.24-27

25 «Məyə məgbəkəre mmē mēyefe nde Kanu kəyi mə mendeyi dədec, dəηof kə dəcəs. Dəntəf, bəkəc yendelece-lece afum teta pukule-kule pa dəkəba kə yam ya ki.

26 Afum ηandefine kənese ka kəcem-cemne ka təkə tendeder dəntəf mə, bawo fənəntər fa kəm fəndeyikce.

27 Tem tatəkə tə andenəηk Wan ka Wərkun kəder kəp kəroη, dəfənəntər fəlarəm, kə dəηərə da debeki dən.

28 Kə məyə maməkə mendecop kəder-ε, nəlomp, nəyekti səbomp, bawo kəsəη konu kəway kələtərne.»

Cəke cə kətək kəkom kənatəksε-ε?

Mat 24.32-35; Mark 13.28-31

29 Kə Yesu oloku ηa totubcene tin: «Nənəηk kətək kəkom* kə tək yeləpəs nyε.

30 Nənckənanəηk yi yeləηk, nəcəre katin a kətən kələtərne.

31 Nəna sə, kə nəndenəηk mes maməkə mecder-ε, nəcəre a dəbe da Kanu dələtərne.

32 Kance icloku nu: Dεtemp dandε dəfəcəpər ta mes mamē fəp meyi-ε.

33 Kəm kə antəf yendesəle mba moloku mem məfədesəle.»

Ta nədirərne!

34 «Nəkembərne belbel! Ta nəsak bəkəc yonu yetasərne cəsata kə kəcis, kə kəcem-cemne ka doru dandε, kə pəyi ti tatəkə-ε, dəsək dəpəη dadəkə dendebəpən'am,

35 pəmə nte manta mēηgbəpərne lop mə. Bawo dəsək dadəkə dendebəpəne afum a doru fəp.

* 21:29 CəTabo «figuier»

³⁶ Ta nādirārne, **nāclok-lokər Kanu** tēm fəp, nte tən̄səŋe nāde nəsətə fən̄ntər fəmulpene mes məkə mendeder mə fəp, nādekə nēcəme, nāmentərne Wan ka Wərkun, ta nəlāpərne.»

³⁷ Dəsək dadəkə, Yesu pəctəkse afum dāndo **kəlō kəpəŋ ka Kanu**, k'owur kəkəcepərēne pibi nde aŋwe «Tərō ta Tək ya Olif» mə.

³⁸ Afum fəp, kə dec dəsək-ε, ŋanckə nde **kəlō kəpəŋ ka Kanu** kəkəcəŋkəl kə.

22

Abε kataŋne kəyō ka Yesu pələc

Mat 26.1-5; Mark 14.1-2; Isaŋ 11.45-53

¹ Kəsata ka Cəcom cətən̄ŋkəl lebin nke aŋwe kəsata ka Kəcepər ka Mələke medif mə kənālbtərne.

² Aloŋne apəŋ kə atəkse sariye s'aSuyif ŋayefe kəten nte ŋaŋyō a ŋadif Yesu mə, mba ŋacnese afum.

Yudas kəwose kən kəmar abε a aSuyif a ŋasumpər Yesu

Mat 26.17-25; Mark 14.10-11

³ Kə Sentani səmbere Yudas, nwe ancwe «Wəka dare da Keriyot» mə, nwe ancləm acəpse a Yesu wəco kə mērəŋ dacō mə.

⁴ Kə Yudas ŋkə ŋanenene kə abε a aloŋne kə asədar aŋe ŋancbum **kəlō kəpəŋ ka Kanu** mə, təkə pəmar pəber Yesu ŋa dəwaca mə.

⁵ Kə pəmbət ŋa, kə ŋantəŋne kəsəŋ kə pəsam.

⁶ Kə Yudas owose, k'eyefe ŋ kəten tōyō nte ŋyō a pəber Yesu ŋa dəwaca ta afum ŋancərə ti mə.

Yesu kəsəŋ ka kəlompəs yeri ya kəsata ka Kəcepər

Mat 26.17-25; Mark 14.12-21; Isaŋ 13.21-30

⁷ Kə dəsək da kəsata ka Cəcom cətən̄ŋkəl lebin dēmbəp nde pəmar padif aŋkesiya ŋoloŋne ŋa Kəcepər ka Mələke medif mə.

⁸ Kə Yesu osom Piyer kə Isaŋ, pəcloku ŋa: «Nəkə nəlompse su yeri ya kəsata ka Kəcepər ka Mələke Medif*, nte tən̄səŋe səde sədi yi mə.»

⁹ Kə ŋayif Yesu: «Deke məfan a səlompəs yi-ε?»

¹⁰ Kə Yesu oloku ŋa: «Kə nāndena nəcberε dare disre-ε, nəŋkəbərēne kə wərkun wələma pəsare apampε ŋa domun. Nēcəme kə darəŋ haŋ nde kəlō kəŋkə ŋkəberε mə.

¹¹ Nəlōku wəka kəlō kəŋkə: «Wətəkse osom su a səder səyif'am: Deke dəkəlō deyi nde indedi yeri ya kəsata ka Kəcepər ka Mələke Medif kə acəpse em darəŋ-ε?»

¹² Endəkəmentər nu kəlō darenc, dəkəlō dəpəŋ palompəs di belbel. Dāndo kəfo kəŋkə kə nəŋkəlompəs yeri ya kəsata.

¹³ Kə acəpse ŋn darəŋ ŋaŋkə ŋabəp ca fəp pəmō təkə Yesu enaloku ŋa ti mə, kə ŋalompəs yeri ya kəsata kəŋkə.

Kəyer ka kəcom ka kəsata ka Kəcepər

Mat 26.26-30; Mark 14.22-26

¹⁴ Nte tēm tēmbəp mə, kə Yesu endε dēmesa kədi yeri kə Asom ŋn.

¹⁵ Kə Yesu oloku: «Pəmbas im kədi yeri ya kəsata ka Kəcepər ka Mələke Medif yayε kə nāna, a idetərō.

¹⁶ Bawo iclok'un, ifəsədi yi, haŋ tēm nte teta yi tendekolare nde akip ŋa dəbe da Kanu dāntəf mə.»

¹⁷ Kə Yesu εlek təmbəl, k'eyif Kanu barka, k'oloku: «Nələk təmbəl tantε, nəyerēne pedisre pa pi,

¹⁸ bawo icloku nu, ifəsəmun wən haŋ dəbe da Kanu dedε.»

* **22:8** Kəsata ka Kəcepər ka Mələke Medif CəKresi = Pak

19 Kɔ tɛyɛfɛ day, kɔ Yesu ɛlɛk kɛcom, nte elip kɛyif Kanu barka† mɔ, k'entepi ki, k'ɔsɔŋɔs ɲa pɛcloku: «Dis dem dɔ dandɛ, ndɛ asɔŋɛ tetonu mɔ. Nɛdɛ nɛcyɔ ti nte tɔŋsɔŋɛ nɛccɛm-cɛmn'em mɔ.»

20 Nte ɲalip kɛdi yeri mɔ, k'ɛlɛk sɔ tɔmbɔl ta wɛn, pɛcloku: «Mecir mem mmɛ meyi dɛtɔmbɔl tantɛ mɔ, m'andeloŋɛ tetonu, mi mendecanɔs danapa dofu da Kanu kɔ nɔna.

21 Ti disrɛ, fum nwe endebɛr im aterɛnɛ em dɔwaca mɔ, endɛ nnɔ amɛsa ɲaŋɛ kɔ ina.

22 Wan ka Wɛrkun endefi, pɛmɔ tɔkɔ ancic ti mɔ, mba pɛlɛc peyi fum wɛkakɔ endebɛr kɔ aterɛnɛ ɔn dɔwaca mɔ.»

23 Kɔ acɛpsɛ a Yesu darɔŋ ɲayɛfɛ kɛyiftɛnɛ dɔnda, an'eyi su dacɔ nwe endebɛr kɔ aterɛnɛ ɔn dɔwaca mɔ?

An'ecɛpɛr nu fɔp dɔkɛcɛmɛ-ɛ?

24 Kɔ kɛgbɛkɛlɛnɛ kɔpɔŋ kɛyɛfɛ acɛpsɛ a Yesu darɔŋ dacɔ, tɛta kɛcɛrɛ ka nwe ɛmbɛk dɔkɛcɛmɛ pɛcɛpɛr ɲa dacɔ fɔp mɔ.

25 Kɔ Yesu oloku ɲa: «Abɛ a tɔf ɲantasɛrɛnɛ afum aŋan, aŋɛ ɲaŋkɔtɛnɛ kɛtam nnɔ ɲayi mɔ. Abɛ akakɔ ɲacwɛnɛ «Ayɔ mes mɔtɔt.»

26 Bafɔ tin tayi tɔ kɔ nɔna! Mba mɛnɛ nwe encɛpɛr nu fɔp mɔ, pɛyi pɛmɔ nwe ɛfɛtɛ nu dacɔ fɔp mɔ. Nwe ɔyɔnɛ wɔbɛ mɔ, pɛyi pɛmɔ wɛmarɛs.

27 Bawo, nwe encɛpɛr nu mɔ ɔyɔnɛ, nwe endɛ dɛmɛsa mɔ ba, ka nwe ɛŋkɛrɛ kɔ yeri dɔnda mɔ? Bafɔ nwe endɛ dɛmɛsa mɔ ɔfɔ? Kɔ ina, iyi nu dacɔ, pɛmɔ nwe ɛŋkɛrɛ nu yeri dɛmɛsa mɔ.»

28 «Nɔn'ɛnasimɛs kɔ ina tɛm nte inayi pɛcucca disrɛ mɔ.

29 It'ɔsɔŋɛ nte isɔŋ nu dɛbɛ pɛmɔ nte papa kem ɛnasɔŋ im di mɔ:

30 Nte tɔŋsɔŋɛ nɛdi yeri, nɛmun amɛsa ɲɛm kɔrɔŋ ndɛ akip ɲa dɛbɛ dem dɛntɔf mɔ. Nɛndɛ sɛcɔm sa dɛbɛ kɔrɔŋ, nɛckiti cɛsunɲka wɛcɔ kɔ mɛrɔŋ ca Yisrayel.

Yesu ɛndɔŋk a Piyɛr endebanɛnɛ kɛtɔcɛrɛ kɔ

Mat 26.31-35; Mark 14.27-31; Isan 13.36-38

31 Kɔ Yesu oloku Simɔŋ Piyɛr: «Simɔŋ, Simɔŋ! Mɛkɛmbɔrɛnɛ! Sentani sɛntola kɛdɛs-dɛs'un dɛsifitɛ pɛmɔ kɛcom.

32 Mba intolan'am, nte tɔŋsɔŋɛ ta abɛkɛc ɲɛkafɛl'am‡ mɔ. Kɔ mɛndɛdɛr'im-ɛ, mɛyɛŋkɛs bɛkɛc ya awɛnc'am aŋa.»

33 Kɔ Piyɛr oloku kɔ: «Mariki, iwosɛ kɛkɔ dɛbili, kɔ pɛyɔnɛ fɛ ti-ɛ, ifi kɔ mɔna.»

34 Mba kɔ Yesu oloku kɔ: «Piyɛr, iclɔk'am, mɛndɛgbɛkɛl mɔkɔ kɛcɛr'em kɛmaas a kicipi kɛccam.»

Pɛsam pa delek, alɔba, kɔ dakma

35 Kɔ Yesu eyif ɲa: «Nte incsom nu ta inɲɔŋ nu pɛsam, ta inɲɔŋ nu alɔba ɲɛbɛrɛ yamos, ta inɲɔŋ nu cɔfta cɛbɛrɛnɛ mɔ, paka penayi yi dacɔ mpɛ nɛnatɔ-sɔtɔ mɔ ba?» Kɔ acɛpsɛ ɔn darɔŋ ɲaloku: «Ala! Ali pin penayi fɛ.»

36 Kɔ Yesu oloku ɲa: «Nɛkɛl mes mɛsɛkprɛ! Mɔna nwe mɔŋyɔ pɛsam mɔ, mɛlɛkɛnɛ pi. Mɔna nwe mɔŋyɔ alɔba ɲɛbɛrɛ yamos mɔ, mɛlɛkɛnɛ ɲi, kɔ mɔna nwe mɛntɔyɔ dakma mɔ, mɛcamɛs yamos yam, mɛway din!

37 Bawo, iclɔk'un: Mɛnɛ tɔkɔ ancic mɔ tɛlarɛ nnɔ iyi mɔ: «Analɔm kɔ calbante dacɔ.» Nte tɔyɔnɛ temi mɔ, tɔmbɔlɛ fɛ sɔ kɛlip.»

38 Kɔ acɛpsɛ ɔn darɔŋ ɲaloku kɔ: «Wɔbɛ mɛban ɲakma nɛ mɛrɔŋ.» Kɔ Yesu oloku ɲa: «Pɛntɔŋnɛ tantɛ.»

Yesu kɛlɔk-ɛlɔkɛr Kanu ndɛ tɔrɔ ta Olif

Mat 26.36-46; Mark 14.32-42

† 22:19 Kɛyif Kanu barka = «kɛkor-koru Kanu» kɔ pɛyɔnɛ fɛ ti-ɛ, «kɛyif Kanu nɔwali tɛta kɛcom» ‡ 22:32 Ta abɛkɛc ɲɛkafɛl'am, kɔ pɛyɔnɛ fɛ ti-ɛ, «ta kɛlan kam kɛsolɛ»

39 Pəmō təkō ɔncyō ti mō, Yesu endewur k'ɔŋkō nde tōrō ta Tək ya Olif. K'acɛpsɛ ɔn ɲancəmɛ kō darəŋ.

40 Ntɛ ɲambəp kəfo kəŋkō mō, k'oloku ɲa: «Nətola Kanu ta nəsaknɛ nəbɛrɛ kəwakəs disrɛ.»

41 K'ɔmbəlɛnɛ ɲa pəmō kəlɛm ka tasar katin, k'ɛncəp suwu, k'ontola Kanu,

42 pəcloku: «Papa kō məwosɛ-ɛ, məbəlɛn'em tɔmbəl pa kətərəs pampɛ. Ti disrɛ, ta tɛfan tem teyi, mba tam teyi.»

43 Kō mɛlɛkɛ məloma mowurər kō kəyɛfɛ darenc, kədəyɛŋkəs kō abəkək.

44 K'abəkək ɲɛlɛcɛ-lɛcɛ kō, k'ɛyɛfɛ kəlɔk-lɔkər Kanu, k'abəkək ɲɛmpɛ kō, kō kawonɛ kən kəyi pəmō ntɛ mocul ma mecir mendetɛmpɛnɛ dəntɔf mō.

45 Kō Yesu ɛsak sō kətola Kanu kəŋkō ɛnayı mō, k'ɔŋkō pəbəp acɛpsɛ ɔn darəŋ ɲadirenɛ bəkək yɛrɛnc.

46 Kō Yesu eyif ɲa: «Ta ake tō nəndirenɛ-ɛ? Nəyɛfɛ, **nətola Kanu** ta nəsaknɛ nəbɛrɛ kəwakəs disrɛ!»

Kəsumpər ka Yesu

Mat 26.47-56; Mark 14.43-50; Isaŋ 18.3-11

47 Yesu pəsərɔlɔk-lɔku, kō kənay k'afum kənder, fum wəkō ancwe Yudas, nwe ɛnayı acɛpsɛ a Yesu darəŋ aŋɛ wəcō kō mɛrəŋ dacō mō, pəyi ɲa kirin. K'ɔlɔtərnɛ Yesu kəkɔcup kō.

48 Kō Yesu oloku kō: «Yudas, kəcup kō məndɛlɛkɛ Wan ka Wərkun məbɛr kō ater ɔn dəwaca!»

49 Ntɛ asol a Yesu ɲanəŋk tatəkō tɛnakɔcɛpər mō, kō ɲayif Yesu: «Wəbɛ, səntam kəsutnɛnɛ sakma sosu ba?»

50 Kō fum wəkin acɛpsɛ a Yesu darəŋ dacō, ɛncɛp wəcar ka wəlɔŋnɛ wəpəŋ aləŋəs ɲa kəca kətɔt, k'ɛŋgbinti ɲi.

51 Kō Yesu ɛyac ɲa pəcloku: «Nəcə tatəkō!» K'ɔŋgbuŋɛnɛ aləŋəs ɲa fum wəkakō, k'ɛntamɛ.

52 Kō Yesu ɛŋkafələ k'ɛntɛfərnɛ alɔŋnɛ apəŋ, abɛ a abum a kələ kəpəŋ ka Kanu kō abeki a dətɔf aŋɛ ɲanader kəsumpər kō mō: «Nənder nətəmpər sakma kō tək yosutnɛnɛ, pəmō ntɛ nənder kəsumpər kalbante mō.

53 Dəsək o dəsək sən'encyi nde **kələ kəpəŋ ka Kanu** kō nənə, ali fum ɛnasumpər f'em. Ndekəl ɔŋ, tɛm tonu tɛbəp, kō kətam ka kubump.»

Piyɛr ɛmbaŋnɛ kətɔ-cərə Yesu

Mat 26.57-58,69-75; Mark 14.53-54,66-72; Isaŋ 18.12-18,25-27

54 Ntɛ ɲalip kəsumpər Yesu mō, kō ɲaŋkəkərə kō nde kələ ka wəlɔŋnɛ wəpəŋ. Mba Piyɛr pəcməmən ti pəbələ.

55 K'amot nɛnc abanƙa dacō k'andɛ di kəsək. Kō Piyɛr ɛndɛ ɲa dacō.

56 Ntɛ wəcar wəyɛcərə wəloma ɛnəŋk kō pəndɛ ɲa dacō nɛnc kirin mō, k'oloku: «ɲa ɲayina kō fum wəkawɛ.»

57 Kō Piyɛr ɛŋgbəkəl wəran nwe, pəcloku: «Wəran, incərə fɛ fum wəkawɛ!»

58 Pəwon fɛ kō wəloma ɛnəŋk kō, k'oloku: «Məna sō akin ayi ɲə nəyənɛ.» Kō Piyɛr oloku wərkun nwe: «Ala! Bafō akin ayi ɲə səyənɛ.»

59 Kō dec din dɛncɛpər, kō fum wəloma ɛŋgbək kəlɔku: «Fum wəkawɛ ɔŋwurenɛ kənayı kō Yesu, bawo wəKalilɛ ɔfɔ.»

60 Kō Piyɛr oloku: «Məna, ina incərə fɛ tantɛ mənƙɛrɛ kəlɔku mō.» ɲayi kəlɔk-lɔku kō kicipi kəncam.

61 Kō Mariki ɛŋkafələ k'ɛŋgbətɛ Piyɛr. Kō Piyɛr ɛncɛm-cɛmɛnɛ toloku təkō Mariki Yesu ɛnaloku kō mō: «Məndɛgbəkəl kətɔcər'em kəmaas a kicipi kəccam.»

62 Kō Piyɛr owur nde dabanƙa, k'ɔŋkō pəbok belbel.

Kalomas ko kasut ka Yesu
Mat 26.67-68; Mark 14.65

⁶³ Arkun ane nancbum Yesu ma nafani ko, nacsut ko.

⁶⁴ Nackump ko kero, a nacyifat ko nte: «Awa Sayibe, maloku su an'osut am-e?»

⁶⁵ Ko nales-les ko moloku malomas melarom.

Yesu nde aboc kiti apone for kirin
Mat 26.59-66; Mark 14.55-64; Isan 18.19-24

⁶⁶ Nte dec dasak ma, ko abeki a dotof, alonne apone, k'atakse sariye s'aSuyif nambepasene. Ko nankekere Yesu nde aboc kiti aSuyif nayi ma.

⁶⁷ Ko nayif ko: «Ko poyone a man'oyone Krist-e, maloku su ti.» Ko Yesu oloku na: «K'iloku nu ti-e, nefolan ti,

⁶⁸ k'iyif nu so moloku-e, nefoluks'em mi.

⁶⁹ Kayefe ndekal, Wan ka Warkun pende Kanu nke kantam mes fap ma kasak.»

⁷⁰ Ko afum fap nambasene: «Man'oyone on Wan ka Kanu ba?» K'oloku na: «Nan'oloku ti: Nkon iyone.»

⁷¹ Ko nayiftene: «Sede sare so pamar payif-e? Sana yati, sen'enene ko ti dakusu.»

23

Yesu for ya Pilat kirin
Mat 27.1-2,11-14; Mark 15.1-5; Isan 18.28-38

¹ Ko nayefe fap fanan, ko nasole Yesu kakekere ko nde for ya Pilat kirin.

² Ko nayefe kayemsenene ko, nacloku: «Wakawe sanka sabap pacgbinar afum kayenkar su sabomp, nafati kasone wabe ka doru fap dut, pacwene so «Wayek-yek waka Kanu, wabe waka atof.»

³ Ko Pilat eyif ko: «Man'oyone wabe ka aSuyif ba?» Ko Yesu olukse ko: «Man'oloku ti.»

⁴ Ko Pilat oloku walone wapon waka kelo kapon ka Kanu ko kanay ka afum: «Inank fe tolom o tolom nte pamar pasumpare warkun wakawe ma.»

⁵ Mba ko nangbac gbes, kaloku: «Afum no engbinar, pactakse afum atof na Yude disre fap kayefe atof na Kalile nde enacop ma, han no.»

Yesu for ya Herodu kirin

⁶ Nte Pilat ene teta Kalile ma, k'eyif ko: «Waka Kalile mayone ba?»

⁷ Nte Pilat ene a waka Kalile ofo ma, k'oloku a fum wakawe, Herodu pamar pakiti ko. K'oloku a pakenene ko Herodu nwe enayi mata mamako Yerusalem ma.

⁸ Nte Herodu enank Yesu ma, ko pambot ko, bawo enten kanank ko kayefe nte panawon ma, teta mes mako encne pacloku ton ma, poyo amera kanank ko, poyo **tyo tgbekere nte teyefe nde Kanu kayi ma** for yon kirin.

⁹ Ko Herodu eyifat Yesu mes melarom, mba Yesu enalukse fe ko nte o nte.

¹⁰ Alonne apone ko atakse sariye s'aSuyif nanayi di, nacnan Kane kayemsenene ko.

¹¹ Herodu ko abum on nafani ko, ko nayo ko paled paled, ko namber ko duma d'abe, ko nasone ko a pakenene Pilat.

¹² Dasak dadako yati do Pilat ko Herodu nanabot on, nanaterene coko-coko.

Antonne kadif Yesu
Mat 27.15-26; Mark 15.6-15; Isan 18.39-19.16

¹³ Ko Pilat ewe alonne apone, abe a dotof, ko afum.

¹⁴ K'oloku na: «Nanker'em fum nwe a nkon engbinar afum kayenkar sabomp. Mba for yonu kirin iyifat ko, ali tes tin inank fe nte oyo mes mane nambonco ko ma, nte pamar padife ko ma.

¹⁵ Herodu so enank fe ali tin, bawo olukse su ko. Awa! Fum wakawe oyo fe nte o nte pamar padife ko ma.

16 Kəsak kə k'inder k'andelip kəsut kə-ε.»

17 Kəsata ka Kəcepər ka Mələke Medif nke o nke, Pilat εncsake afum yeηən wəyi dəbili wəkin.

18 Kə kənay kəmbəηene fəp kəkule-kule: «Mədif wəkawe! Məsake su Barabas yeηən!»

19 Anaber Barabas dəbili teta kədif fum, nte ηanayefe kəyeηkər abe a dətəf səbomp mə.

20 Kə Pilat nwe εnafan kəsak Yesu mə, ηηgbəkəre sə kəyif ti kənay ka afum.

21 Mba ηancule-kule: «**Məcaη kə dətək yeηəmpəl!** Məcaη kə!»

22 Kə Pilat eyif ηa sə tamaas: «Pələc pere p'əyə-ε? Inəηk fe nte o nte pəmar padife kə mə. Kəsak kə k'inder k'alip kəsut kə-ε.»

23 Kə ηampene sim kəbupəre a pacan kə dətək yeηəmpəl. Kə sim səηan səηkalərne.

24 Kə Pilat owose kəyə təkə ηanafan mə.

25 Kə Pilat εsak yeηən Barabas wəkə ηanawer kə mə. Barabas nwe anaber dəbili teta kədifətene, kə kədif ka fum mə. Kə Pilat elek Yesu, k'ember ηa dəwaca ηayə kə təkə ηanafan mə.

Kəcaη ka Yesu

Mat 27.32-44; Mark 15.21-32; Isaη 19.17-27

26 Nte ηayi kəkekəre Yesu mə, kə ηambəpene kə wərkun wəloma pacwe kə Siməη, wəka dare da Sireη εnayi pəyefe dale, kə ηaηgbəηsər kə tək yeηəmpəl nyε anakə kəcaη Yesu mə a pəcəme kə darəη pəkəkəre yi.

27 Kə kənay ka afum alarəm kə aran ηancəme kə darəη ηacsut-sutne bəkəc ηacyəne kə nənəfər.

28 Kə Yesu ηηkafəle nnə ηayi mə, k'oloku: «Aran a Yerusalem, ta nəboke tetem! Mba nəboke te tonu kə ta awut anu!

29 Bawo dəsək dendeder ndε andeloku: «Pəmbət aran aηe ηantəbəkəs mə, pəmbət cor nce cəntəkom mə, kə mεse mme məntəmesər mə!»

30 Afum ηandeloku mərə dəsək dadəkə: «Mətempene su kəroη!» kə mofə meηeci, «Məgbəpərne su!»

31 Bawo k'ayə ti kətək kəcaηk-ε, cəke cə andeyə kəwosu-ε?

32 Kə ηasolene sə kəkekəre calbante mērəη aηe anakədifene kə Yesu mə.

33 Nte ηambere kəfo kəloma nke aηwe «Kəmbembəle» mə, kə ηancaη kə dətək yeηəmpəl dəndo, kələkene calbante akakə mērəη, wəkin pəyi kə kəca kətət, wəkə pəyi kə kəca kəmeriya.

34 Kə Yesu oloku: «Papa məηaηnene ηa, bawo ηancəre fe nte ηayi kəyə mə.» Kə asədar akaηe ηayerene yamos yən ηakote ti yampuηpuη.

35 Afum ηacəme, ηacməmən. Abε ηacfani Yesu, ηacloku: «Bawo εyac akə, pəyacne oη ma nkənsərka, kə pəyəne a Krist əyəne, Wəsom nwe Kanu kəyek-yek mə-ε!»

36 Kə asədar sə ηancəηne kəkəfani Yesu, kə ηasəη kə mənəncə.

37 ηacloku: «Kə pəyəne a mən'əyəne wəbe ka aSuyif-ε, məyacne oη ma, mənəsərka!»

38 Anacic kə domp takəroη: «Wəkawe əyəne wəbe ka aSuyif.»

39 Kalbante kin akakə anacaη mə, pəcləməs Yesu, pəcloku: «Bafə mən'əyəne Krist Wəyek-yek wəka Kanu ba? Məyacne oη ma, kə səna!»

40 Mba kə kalbante kamerəη kəηkə anacaη mə, kəηgbəη-gbəηər kə, kəcloku: «Cəpə məfənesε Kanu ba, mənə nwe andeyə pəmə səna mə?»

41 «Ta səna, kance kə, tantε tə pəmar pasəη su kəway ka mēləsər mosu. Mba wəkawe əyəfe tələm o tələm tēlec.»

42 K'oloku: «Yesu məde məcem-cəmn'em kə məndəkəberε akip ηa dəbe dam dəntəf-ε.»

43 Kə Yesu oloku kə: «Kance kə, iclok'am: Məkə, sən'əηkəyi Ariyana kə mənə.»

Defi da Yesu

Mat 27.45-56; Mark 15.33-41; Isaη 19.28-30

⁴⁴ Daŋ denabəp, dec dosurenε afum dəsəbomp, kə kubump kəntor dəntəf fəp, tenabəle kətenc haŋ salifana.

⁴⁵ Dec denakale, pənabiyε. Kə kəloto kələl nke kəŋkəŋk təkso ta kələ kəpəŋ ka Kanu mə, kəŋgbere dacə.

⁴⁶ Kə Yesu oŋkulərne dim dəpəŋ: «Papa, ilek amera ŋem, k'imber əm dəwaca!» Nte elip kələku moloku maməkə mə, k'efi.

⁴⁷ Nte wəbe k'asədar wəRom enəŋk mes maməkə mənacepər mə, k'oŋkor-koru Kanu pəcloku: «Kance kə, fum wəkawε wəlompu yati enayi!»

⁴⁸ Nte kənay ka afum aŋε ŋanader kədətəŋne mes maməkə mə, ŋanəŋk nte tenacepər mə, kə ŋalukus ŋacsut-sutne bəkəc nənəfər.

⁴⁹ Aŋε ŋanacəre Yesu mə fəp, kə aran akə ŋanacəmbər kə kəyεfe Kalile mə, ŋanacəme pəbəle, ŋacməmən təkə mes mencepər mə.

Kəber ka Yesu dəkufu

Mat 27.57-61; Mark 15.42-47; Isaŋ 19.38-42

⁵⁰ Wərkun wələma pacwe kə Isifu. Enayəne aboc kiti aSuyif dacə, fum wətət, pələmp.

⁵¹ Nkən enawose fe kətəŋne kəsek ka moloku maməkə, kə məyə ma akə. Wəka dare da Arimate enayəne, atəf ŋa Yude, pəckar dəbe da Kanu.

⁵² K'oŋkə nde Pilat eyi mə, k'ontola kə kəbel ka Yesu.

⁵³ K'ontore kə dətək yeppəmpəl* nde anacəŋ kə mə, k'enepsər kə kasəŋke ka kəloto kətelər, k'oŋkə pəboc kə nde dəkufu nke anayək dətasar mə. Kufu kənayi nke anatəwup fum o fum ki disre kərəsna mə.

⁵⁴ Yuma yenayi, dəsək da kələmpəsne simiti, dəsək da kəŋesəm nde ampuse Mariki mə dəcfaŋ kəcop.

⁵⁵ Aran aŋε ŋanasol kə Yesu kəyεfe Kalile mə, ŋander kə Isifu, kə ŋaməmən kufu disre, kə ŋanəŋk təkə anaboc Yesu mə.

⁵⁶ Nte ŋalip kəməmən kə mə, kə ŋalukus dare, kəkələmpəs moro kə labunde da dərīs. Dəsək da kəŋesəm nde ampuse Mariki mə kə ŋaŋesəm pəmə təkə Kanu kəsom ti mə.

24

Yesu kəyεfe kən afi dacə

Mat 28.1-10; Mark 16.1-8; Isaŋ 20.1-10

¹ Tataka ta sandeŋ bətbət suy, kə aran aŋε ŋaŋkə sə dəndo dəkufu, ŋakekəre moro mobotu ambənc mme ŋanalompəs mə.

² Kə ŋaŋkə ŋabəp pabīŋkəli tasar təkə anasunce kufu mə,

³ kə ŋamberε, mba ŋanabəp fe kəbel ka Mariki Yesu.

⁴ Nte tes tatəkə tenciyanε ŋa mə, kə arkun mērəŋ ŋawurər ŋa, ŋaberne yamos yomotər-motər.

⁵ Kənese kəŋan disre, kə aran ŋancəp cəro fəp faŋan dəntəf. Mba kə afum aŋε mērəŋ ŋayif ŋa: «Ta ake tə nəntene wətəfi afi dacə-ε?»

⁶ Eyi fe nnə! Ɔfəte afi dacə! Nəcem-cemne təkə enaloku nu nte enayi atəf ŋa Kalile mə.

⁷ Nte oncloku: «Mene palək Wan ka Wərkun paber kə aciya dəwaca, **ŋacəŋ kə dətək yeppəmpəl**, pəyεfe defi tataka tən ta maas.»

⁸ Kə ŋancem-cemne toloku ta Yesu tatəkə.

⁹ Kə ŋayεfe dəndo dəkufu kəkələku ti asom a Yesu aŋε wəco kə pin, kəbəp ka afum alpəs akə.

¹⁰ Mari wəka Makdala, Yohanna, Mari wəka Sak kə aran aləma, aŋε ŋananəŋk sə mes maməkə mə, ŋaloku sə tin tayi asom a Yesu.

¹¹ Mba moloku maməkə mənayi ŋa pəmə nte atəŋkulu ŋandelok-lokər ŋa mə, ŋanalaŋ fe moloku ma aran akakə.

* 23:53 *Dətək yeppəmpəl* it'əyone «kətək ka kəpəndən.»

¹² Kɔ Piyer eyefe, k'eyekse kəkɔ nde dəkufu. Nte ontulne kəməmən mɔ, enəjk fe daka o daka mēne mopol ma kəloto məkɔ menafəntəre dəntɔf mɔ. K'eyefe k'əjkɔ ndərən, pəciyanε kɔ təkɔ enəjk mɔ.

Nde dɔpɔ da Emayus

Mark 16.12-13

¹³ Dəsək din dadəkɔ, acεpse a Yesu darəj mērəj ηackɔ dare dɔlɔma nde ancwe Emayus mɔ, dare dənayi, nde dənabələne Yerusalem kəkɔt ka dec mērəj mɔ.

¹⁴ Afum akanε mērəj ηaclokεne mes məkɔ mencepər mɔ fəp.

¹⁵ Nəyi kəlokεne mes maməkɔ, ηacgbekələne, kɔ Yesu ɔlətərne ηa, kɔ ηasol.

¹⁶ Mba paka pɔlɔma pencyaməs ηa kənepəl kɔ.

¹⁷ Kɔ Yesu eyif ηa: «Ake moloku mɔ nəyi tante nəjkɔ mɔ?» Kɔ ηancəme, kɔ dis dəndence ηa.

¹⁸ Kɔ wəkin wəkɔ ancwe Kəleyopas mɔ, oloku kɔ: «Məna sona gbɔj, məna eyi məkɔ Yerusalem nwe ɔntɔcərə nte tencepər mata mame mɔ?»

¹⁹ K'eyif ηa sɔ: «Ake?» Kɔ akakɔ ηaloku kɔ: «Nte tencepər teta Yesu wəka Nasaret, nwe enayəne wədəjk wəka Kanu wəpəj mɔ. enamentər ti dəmɔyɔ kɔ dəmoloku, fər ya Kanu kirin, kɔ nnɔ afum ηayi mɔ.

²⁰ Alɔnne apəj asu, kɔ abε asu aka dɔtɔf ηalɛk kɔ, kɔ ηamber kɔ afum dəwaca, **k'ancan kɔ dətɔk yεpəmpəl.***

²¹ Səncem-cemne fɔ nkən enader kəwurəs pəban Yisrayel, mba mame oj fəp, tataka ta maas tɔ tante, nte mes mame mencepər mɔ.

²² Kance kɔ: A aran alɔma ηayi su dacɔ, anε ηasəjε kɔ pəciyanε su mɔ. ηanuηkenena kəkɔ nde dəkufu,

²³ nte ηantənanəjk kəbel ka Yesu mɔ, kɔ ηander ηaloku su a mɛlɛke mowurərna ηa, kɔ moloku a eyi doru.

²⁴ Kɔ afum alɔma ηayina su dacɔ, kɔ ηəjkɔ dəndo dəkufu, kɔ akakɔ ηəjkɔ ηabəp mes pəmɔ təkɔ aran ηalokuna su mɔ, mba nkən, ηa ηanəjkna fe kɔ.»

²⁵ Kɔ Yesu oloku ηa: «Nəna afum atəsək səbomp, bəkəc yonu yonwon kəlan moloku mme adəjk a Kanu ηanaloku mɔ!

²⁶ Pənamar dis dɔləl Krist Wəyεk-yεk wəka Kanu tante a pədeberε debeki dən dən disre?»

²⁷ Kəyefe ka buk ba Musa kəbəp ka yecicəs yecempi ya adəjk a Kanu alpəs anε fəp, kɔ Yesu ɔləmər ηa təkɔ Yecicəs Yosoku fəp yoloku tetən mɔ.

²⁸ Nte ηələtərne tadare təkɔ ηanckɔ mɔ, kɔ Yesu ɔyɔ pəmɔ nte ηfəj kəcepər pəkɔ pəbɔle mɔ.

²⁹ Mba kɔ ηaməne kɔ kəcepər, ηacloku: «Məyi nnɔ kɔ səna, dec dɛfəj kəkale, kəbiye kɔ pənde. Kɔ Yesu emberε kəkəyi di kɔ ηa.»

³⁰ Nənde dɛmesa kəkədi yeri, kɔ Yesu ɛlɛk kəcom, k'eyif Kanu barka, k'entepi ki k'əsəj ηa.

³¹ Kɔ fər yanjan yemepε, kɔ ηanepəl kɔ, mba k'əsələ sɔ fər yanjan kirin.

³² Kɔ afum anε ηayefe kəlokεne: «Pəyina fe pəmɔ nte nenc dɛjyi su dəcɔr, nte endenasəkəsε su moloku mecic nde dɔpɔ mɔ?»

³³ Kɔ ηayefe gbəncana babəkɔ kɔ ηalukus Yerusalem, kɔ ηəjkɔ ηabəp acεpse darəj a Yesu anε wəco kɔ pin ηaclɔjkane kɔ asol anjan,

³⁴ ηacloku: «Kance kɔ: Wəbe ɔfəte afi dacɔ, k'əjkɔ pəwurər Siməj!»

³⁵ Kɔ afum anε mērəj ηaləm sɔ təkɔ tənacepər dɔpɔ mɔ, kɔ təkɔ ηananepəl kɔ kətepi kən kəcom pəsəj ηa mɔ.

Yesu kəmentərne kən acεpse ɔn darəj

Mat 28.16-20; Mark 16.14-18; Isəj 20.19-23; Asom 1.6-8

* **24:20** K'ancan kɔ = «ampandən kɔ dəkətɔk» kɔ «anjɛk kɔ dəkətɔk»

³⁶ Nəyi kələku moloku maməkə, kə Yesu nkənsərka owurər ŋa, k'oloku: «Pəforu peyi nu!»

³⁷ Kə ayek-yek ŋontorər ŋa, kə ŋanesε, kə pəyi ŋa pəmō nte ŋaŋnəŋk tuberi mō.

³⁸ Mba kə Yesu eyif ŋa: «Ta ake tō pəyinε nu yamayama tantε-ε, ta ake tō nəŋgbekəlneε dəbəkεc-ε?»

³⁹ Nəmōmən ma wεcək wem kə waca wem-a, ina əfō yati! Nəgbuŋen'em, nəmōmən! Tuberi tōyō fε sεm, tōyō fε bεnt. Mba ina, iyō yayōkō fəp.»

⁴⁰ Yesu eyi kələku moloku maməkə, k'ementər ŋa waca wən kə wεcək.

⁴¹ Mba nte pənananŋkanε kəbət ŋa haŋ ta ŋantam kələŋ mō, kə ŋayi pəciyanε disrε. Kə Yesu eyif ŋa: «Nəyō paka pələma pedi ba?»

⁴² Kə acεpse ən darəŋ ŋawurε alop ŋenəkət ŋin kə ŋasəŋ kə.

⁴³ Kə Yesu εlek alop ŋaŋəkō k'əsəm ŋi fər yaŋan kirinŋ.

⁴⁴ Nte elip kəsəm alop ŋŋε mō, k'oloku ŋa: «Mes mamε m'inclək'un nte inayi kə nəna mō. Mεnε mes məkō ancic tetem Tawureta Musa, yecicəs yecempi ya adəŋk a Kanu kə Yabura Dawuda mō fəp meyi.»

⁴⁵ Kə Yesu əsəŋε ŋa kəsək səbomp nte təŋsəŋε ŋacərə Yecic ya Kanu fəp mō.

⁴⁶ Kə Yesu oloku ŋa: «Nte tō ancic dəYecicəs Yosoku, a dis dendeləl Krist, kə tεyεfε dənda-ε, pəfōtε afi dacō tataka tən ta maas.

⁴⁷ Mεnε pacam kəsəkpər mera pacəmε pələmpu darəŋ tewe tən, kəyεfε ka Yerusalem, nte təŋsəŋε paŋaŋnεnε afum a təf ya doru fəp kiciya kəŋan mō.

⁴⁸ Nən'əyənε sede sa mes mamε.

⁴⁹ Kə ina, kəkεrε nu k'inder daka ndε Papa kem εnasəŋ temer kəsəŋ nu mō. Nəyi nno dare dandε haŋ Kanu kələs nu fənəntər fa darenc.»

Yesu kəpε kən darenc

Mark 16.19-20; Asom 1.9-11

⁵⁰ Kə Yesu osolε ŋa k'εŋkekərə dare kəsək ntende Betani, nte ŋambəp di mō, k'εmpεnε waca darenc, k'ontolanε ŋa.

⁵¹ Eyi kətolanε ŋa, k'εsak ŋa, k'ampεnε kə dəkəm.

⁵² Kə ŋancəpε kə mobu kəsəŋε kə pələli, kə ŋalukus Yerusalem, pəbotu disrε.

⁵³ Tεm o tεm ŋanckō oŋ ndε **kələ kəpəŋ ka Kanu**, ŋackor-koru Kanu.

Yebac ya Asom a Yesu

Asan asom a Yesu temer ta kader ka Amera Necempi na Kanu

¹ Wanapa Teyofil,

Inacicas kitabu kem kacaka-caka disre mes mme Yesu enacop kayo ko katakse ma,

² han dasak nde anapene ko darenc, nte elip kasom asom an Amera Necempi na Kanu disre, ane enayek-yek ma.

³ Asom akako na Yesu enamentar kance ka mes melarəm nte enayefe pucuy pa defi ma. K'owurar na mata 40 payi wayen, pacloku na mes ma debe da Kanu.

⁴ Dasak daloma nte nayi kadi yeri ko Yesu ma, k'oloku na: «Ta nabale dare da Yerusalem, mba nakar tes nte Papa enasən temer kadesən ma, tako nanane icloku ma:

⁵ Daromun San encgbat afum teta Kanu, mba nana kəgbat daromun daAmeran Necempi na Kanu disre ko nandesoto mata mamε.»

Kape ka Yesu dakam

⁶ Ako nanalonkanε ma ko nayif Yesu: «Wabe, tem tante to mandelompase Yisrayel debe ba?»

⁷ K'oloku na: «Tencame fe nu dapo kacare ka tem ko dasak nde Apa Kanu encemcemne kayo tefan tan katam kon disre ma.

⁸ Mba nandesoto fanantar ko Ameran Necempi na Kanu nendeder nu-ε, tem tatoko nendeyone atəne ane mes menceper far yanjan kirin ma nde dare da Yerusalem, atof na Yude fap ko atof na Samari kakabap capac ca doru fap.»

⁹ Nte elip kaloku tatoko ma, afum ane nanayi di ma fap nanagbatne Yesu nte ancpenε ko ma, ko kap kanjamp ko, nanctam fe so kanank ko.

¹⁰ Nte Asom an nanagbatne kom Yesu pacpe darenc ma han k'asole. Gbancana babako ko meleke meren memberne yamos yomotar-motar mementarne na,

¹¹ ko moloku: «Afum a Kalile, ta ake to nancamene kamaman kom-ε? Yesu, wakako empe dakam far yonu kirin ma, tante nəngbatne ko pacpe ma, t'endesoder.»

Wacanc ka Yudas

¹² K'asom a Yesu nalukus Yerusalem kayefe nde taro tako anwe «Taro ta tak ya Olif», mpe pəntəbolenε dare ma. Pəbol-bolu mpe dine da asuyif doncwose fum kakot pabap simiti, dasak da kanesam ma.

¹³ Nte nambere dare ma, ko nampε dakalo da kəron nde nannde ma. Afum ane nanayi di ma: Piyer, Isan, Sak ko Andare, Filip ko Toma, Bartelemy ko Matiyε, Sak wan ka Alfe, Siman wəsimse teta atof, ko Yudas wan ka Sak.

¹⁴ Fap fanan kəfo kin ko nancko katola Kanu tem o tem ko aran, kabap ka awenc a Yesu, ko iya kon Mari.

¹⁵ Dasak daloma mata mamako disre, afum ane nanayi di ma, nancko han afum tasar tin ko waco meren (120). Ko Piyer eyefe awenc an daco, k'oloku:

¹⁶ «Awenc im anja: Panamar yecicε ya dakitabu yelare. Ti disre Ameran Necempi na Kanu nne Dawuda enanunkenε kaloku teta Yudas, nwe enasole ane nanasumpar Yesu ma.

¹⁷ Analom Yudas su daco, sapanne yebac yin yayi.

¹⁸ Nte elip kasotone abaf pasam pa kiciya kon ma, k'enjbeke, k'entempene tekirin k'ewaline kor ko tənne sumpa son fap kasamsar dantof.

¹⁹ Tes to nte aka Yerusalem fap nanacare ma, ti tenasənε pawe dale dadako «Hakeldama», ito tatoko kusu kanan «Dale da mecir».*

²⁰ Bawo anacic nde Yabura Dawuda disre:

* **1:19** «Kiciya ka Yudas», mamaman Matiyε 26.47-53, 27:3-8.

«Kalo kon kayo fos,
ali fum ta payi ki!»

K'εnacicas so:

«Walo ma palek dakacame don!»

21-22 Mene pamamane afum ane nancambær su tem nte Yesu encpe pæctor ko sana ma, mene wakın payi su daco nwe endeyone wæthne mes mme menacepær for yon kirin kayefe ka Yesu afi daco, mene wakayi so payone wænatone mes fæp kalek kægbat ka Sanj teta Kanu, hanj dæsak nde Yesu enayefe su daco ma.»

23 Awa ko namentær afum meræj: Matiyas, ko Isifu nwe ancwe Barsabas, pacdenær ko so tewe ta Yusutu.

24 Ko nantola Kanu nte: «Wæbe, mana nwe mæncære bækec ya fæp ma, mamentær su gbasna wakın nwe mælek kædeconc Yudas akanje meræj daco ma.

25 Tæsonje wakayi kæcop su daco yebac yon, palek dakacame nde Yudas enasak a k'õkõ kæfo nke kæmar ko ma.»

26 Ko nanjot yampunpun † ko tosurene Matiyas nwe anaberene Asom ane wæco ko pin ma.

2

Kæder ka Amera Næcempi na Kanu

1 Nte Dæsak da kæsata ka Tataka ta wæco kæcamæt denabær ma, alan a Yesu fæp nanalonkanæ kæfo kin.*

2 Gbancana babako ko pukule payefe dakom mpe penawurene pukule pa afef næpæn ma, ko pelas kalo kanjo nanande disre ma.

3 Ko memer mowurær na mme menawurene ma nenc ma. Ko meyeræsene fæp fanan, ko temer tentæpne nwe o nwe dæto bu.

4 Ko Amera Næcempi na Kanu nender na fæp, ko nayefe kæcop nwe o nwe kusu kæcuru. Amera Næcempi nancsonje na kæcop tatoko.†

5 Awa tem tatoko aSuyif asumpær dine gbin ane nanayefe tæf ya doru fæp ma, nanande dare da Yerusalem.

6 Nte nane pukule mpe ma, ko nayekse kækõ di. Ko pænciyane acikæra fæp nte nane afum a Kalile naccop nwe o nwe kusu k'acækæra ma.

7 Pæciyanæ, ko kusu kæwos kanjo disre, ko nayifene: «Afum akanje nalok-loku ma, bafõ aka Kalile næ ba?»

8 Ake'sonje nte sana daco, fum o fum ene naccop kusu kon ma?

9 AParto, aMede, aka Elam, aka Mesopotami, aka Yude, aka Kapados, aka Ponto, ko aka Asi,

10 aka Firiki, aka Panjili, aka Misira, aka Libi ande a atof na Siren, aRom,

11 aSuyif ko acikæra ane nanctubucne pætæt pa dine da aSuyif ma: Aka Krit, aka Arabi, sanje na nacloku cusu cosu mes mæpæn ma Kanu!»

12 Ko cusu cæwos na ko payi na yamayama, ko nayifene tanan: «Cæke cæ tantæ toloku-ε?»

13 Mba ko alo ma nanjani na, nacloku: «Member mobotu ma nanembære!»

Kæcam ka Piyer

14 Ko Piyer eyefe k'encame ko asom a Yesu ane wæco ko pin, k'empenne dim pæcloku kanay nke: «Afum a Yude ko nana ane nænde dare da Yerusalem ma, næsu lænæs, næcænkæl belbel moloku mem! Næcære ti:

1:20 Yabura 69.26; 109.8 † 1:26 Nte nanafan kæcære tefan ta Kanu ma, ko namber ca yowurene meræj dæloba. Pin tewe ta Matiyas, pækõ tewe ta Barsabas. Dækæwure da yi, ko wakın (Matiyas) æsõtõ. * 2:1 Kæsata ka Tataka ta wæco kæcamæt: Mæmæmæn ALewy 23.15-21, Sariye 16.9-11. Itõ kæren o kæren aSuyif namboc kæsata ka kætel tatoko tataka ta wæco kæcamæt (50) ko kæsata ka Kæcepær kæncepær-ε. † 2:4 Mæmæmæn 1.5,8 (toloku ta kæsonje temer Amera Næcempi na Kanu.)

15 Afum akanje njancis fe pamo tako nacemcemne ti mo, bawo batbat b'ayi bambé. †

16 Mba tako anjabin Yowel enaloku mo teyi kacepar:

17 «Ko Kanu kaloku mata melpas:

«Indesamsar Amera nem nno afum fap naya mo.
Awut anu arkun ko aran nande nacdank cäsayibe-e.
Indesän awut atemp anu kanank ka moyo mem,
indeweräpas so afum anu atem.»

18 «Ey,» Kanu kaloku, «Indeyeräs Amera Necempi nem acar em arkun ko aran,
mata mamako, nandedank cäsayibe-e.

19 Indementar mes meweywey melaräm dakom
ko megbekare ma Kanu nno dantof: Mecir, nenc, ko acul na kinime.

20 Dec dendesäkrä kubump,
ko Hof nesäkrä mecir.

Mamako mendecepar a dösoak da Wäbe dedebap,
dösoak dadako dembek ko dentesä.

21 Nwe o nwe endekorne Mariki mo endefis.»

22 Afum aka Yisrayel, nacankäl moloku mamé! : Yesu wäka Nasaret, fum nwe Kanu
kamentäre nu debeki dön mo, dömes mewey-wey, dömapon, dömegebekare pamö tatoko
nancäre ti mo,

23 fum wakawé anasän nu kadif kön pamö tako Kanu kanawose ti ko käsän taktene ta ti
mo. Nanim ko nancan ko datok yerämpäl kamar ka waca wa acikära. §

24 Kanu käyeki ko kangbintar ko päcuy pa defi, bawo defi denatam fe kämenkärne ko.

25 Dawuda enanunkené kaloku däyecicäs yecempi teta Yesu:

«Incänk Mariki tem fap för yem kirin,
ifayikke, bawo ey'im kaca katot.

26 It'osän nte abäkac nem njei dakäsata mo, ko temer tem tesikälä döpäbotu.
Dis dem yati dendekänesämé kägbekar amera.

27 Bawo mäfödekösak im dabiya
mäfödekösak wäsoku kam päte.

28 Mäsän'em käcäre säpö sa käceparäne doru,
kiyi kam ina käsak kändekölas im päbotu.»

29 Awenc im anja! Näwose iloku nu nte kälän disre teta wätem Dawuda: Enafi, k'awup
ko, ko kufu kön käyi su so mäko dacö.

30 Mba nte Dawuda enayöne sayibe mo, encäre so a Kanu kanaderme ko a kändedäs
wansö kön wälöma döcäm da dëbe dön karonj.

31 Dawuda enanunkené pänäjk käyefe ka Krist dakufu *, enanänk nte tendeder mo
k'oloku ti: a anasak fe Krist dabiya, dis dön denate fe dakufu.

32 Yesu wakako, Kanu käyeki ko, säna fap säyöne sede aka ti.

33 Ko Kanu kämpene Yesu käfo käleli, k'endäs ko kaca kön katot. Ko Yesu osätär nkön apa
Kanu Amera Necempi nje analoku kadesän mo, k'eyeräs tatoko nänäjk ko näne mo.

34 Bafö Dawuda enapre darenc, nkön yati oloku:

«Mariki Kanu oloku Mariki mem: «Mänd'em nno kaca kem katot,

35 han iclip käböc aterene am wecäk wam dantof mänas-nas nja.»

36 Pamar aka Yisrayel fap nacäre ti belbel: Kanu känasänje Yesu käyöne wäbe wäyek-yek
kön, Yesu wakako näncan datok yerämpäl mo.»

37 Nte afum nane moloku mamako mo, ko mosumpär nja, ko najif Piyer ko asom a Yesu
ako: «Awenc su anja, cäke cö pämar säyö on-é?»

† 2:15 Bawo batbat b'ayi bambé = itö kusu ka aka Kresi koloku: «Dec maas da dösoak dö dandé» = 9:00, bärbat. 2:21
Yowel 2.28-32 § 2:23 Acikära = afum atätämpär sariye, atayöne aSuyif. 2:28 Yabura 16.8-11 * 2:31 Krist = Wäbe
nwe Kanu käyek-yek mo, Wäyek-yek ka Kanu 2:35 Yabura 110.1

³⁸ Kɔ Piyer oloku ɲa: «Nəsəkpər mera yonu, nəlomp! Nwε o nwε pəsətɔ kəgbət dərɔmun tewe ta Yesu Krist disrε, nte tɔɲsɔɲε pəɲaɲənɛnɛ kiciya ka wəkayi mə, nəndesɔtɔ sɔ Amera Nəcempi ɲa Kanu.

³⁹ Bawo, kəpocε nke Kanu kənasɔɲε temer mə, konu kɔ, kɔ awut anu kəbər ka akɔ ɲayi pəbɔlε mə, haɲ kəɲay ka afum nke Wəbε Kanu kosu endewe mə.»

⁴⁰ Kɔ Piyer oloku ɲa sɔ moloku mɛlarəm nte tɔɲsɔɲε ɲanɛnɛ kɔ mes mme mənacɛpər fər yɔn kirin mə. K'ɛɲgbinɲər ɲa, pəcloku: «Nəyacnε dɛtɛmp dandɛ dɛɲkafələ-kafələ mə!»

⁴¹ Afum alarəm ɲawosε kəgbət dərɔmun teta Kanu. Dəsək dadəkɔ afum wul maas (3.000) ɲambɛrɛnɛ akɔ ɲananunɲkɛnɛ kəlan mə.

⁴² Kɔ ɲancəɲkəl tɛm fəp kɔ belbel mɛtəkse ma asom a Yesu, kiyi kəɲan tes tin, kəpəɲnɛ kəɲan dap da yeri,† kɔ kətola Kanu.

⁴³ Kɔ kənesε kəsumpər nwε o nwε bawo Kanu kəncmentərε mes mɔpɔɲ kɔ mes mɛwɛy-wɛy mɛlarəm waca wa asom a Yesu.

⁴⁴ Akɔ ɲanalan mə fəp ɲanayi tes tin ɲacyerɛnɛ mpε o mpε ɲaɲsɔtɔ mə.

⁴⁵ Kɔ ɲancaməs daka dəkɔ ɲanayɔ mə, kɔ ɲayer pəsam papəkɔ ɲacməmən təkɔ pəcucanɛ pɛncɛpərɛnɛ mə.

⁴⁶ Dəsək o dəsək ɲanclɔɲkanɛ nde kəlɔ kəpɔɲ ka Kanu, ɲacdinɛnɛ yeri kəfo kin nde wəlɔ wəɲan, ɲacdinɛ yi mera yobotu kɔ bəkɛc yoforu.

⁴⁷ Nəckor-koru Kanu, kɔ mes maɲan məmbət afum fəp. Kɔ Mariki nkən ɛmbɛrɛnɛ dəsək o dəsək kəgba ka aɲε encyac mə.

3

Wəbəc wətəkət ɛntamnɛ

¹ Dəsək dəlɔma Piyer kɔ Isan ɲampɛ nde kəlɔ kəpɔɲ ka Kanu dec dərɔfɔy, dec nde antola Kanu mə.

² Tosurɛnɛ pasarɛ wəbəc nwε aɲkɔmε kətəkət mə. Dəsək o dəsək anckekərε kɔ padəs nde kusunɲka ka kəlɔ kəpɔɲ ka Kanu. Dəndɔ wəbəc nwε onctolanɛ daka nənɔfər disrε afum aɲε ɲancbɛrɛ kəlɔ kəpɔɲ mə. Kusunɲka nke ancwε «Kusunɲka Kətət».

³ Nte ɛnəɲk Piyer kɔ Isan aɲε ɲanckɔ kəbɛrɛ kəlɔ kəpɔɲ mə, k'ɛyɛfɛ kətola akakɔ nənɔfər disrε.

⁴ Piyer kɔ Isan ɲaɲgbətne kɔ, kɔ Piyer oloku: «Məgbətne su!»

⁵ K'ɛɲgbətne ɲa pəckar kədəsətər ɲa paka pəlɔm.

⁶ Mba kɔ Piyer oloku oɲ: «Ali pəsam iyɔ fε, mba mpε iyɔ mə, ip'indesɔɲ'am: Tewe ta Yesu Krist wəka Nasarɛt, məyɛfɛ, məkət!»

⁷ Gbəncana babəkɔ kɔ ɲasumpər kɔ kəca kətət kɔ ɲayekti, wɛcək kɔ məgbəlkɔc mən yɛncɛp.

⁸ Kəsərne katin k'ɛyɛfɛ k'ɛncəmɛ, k'ɛlɛk wɛcək kəkət. K'osol kɔ ɲa, kɔ ɲambɛrɛ kəlɔ kəpɔɲ ka Kanu disrε, pəckət, pəcyokε, pəckor-koru Kanu.

⁹ Kɔ afum fəp ɲanəɲk fum nwε pəckət, pəckor-koru Kanu.

¹⁰ Ancnɛpəl kɔ, nkən ɛncndɛ nde kəlɔ kəpɔɲ nde «Kusunɲka Kətət», pəctolanɛ daka nənɔfər disrε. Kənesε kɔ pəcianɛ kəmbər afum fəp teta təkɔ tɛnabər kɔ mə.

Moloku ma Piyer nde kəlɔ kəpɔɲ ka Kanu

¹¹ Nte fum nwε ɛnader pəyi oɲ ta ɛɲyɛfɛ Piyer kɔ Isan dəntɔf mə, kənesε disrε kɔ afum fəp ɲayekse kəkɔ nde akɛr ɲɲε aɲwε «Akɛr ɲa Sulemani», nde Piyer kɔ Isan ɲanayi mə.

¹² Nte Piyer ɛnəɲk ti mə, k'oloku afum: «Aka Yisrayel! Ake'sɔɲε nte tantɛ t'enciyanɛ nu mə? T'ake tɔ nəɲgbətneɛ su pəmɔ fənəntər fosu, kɔ pəyɔnɛ fε ti-ε, dosoku dosu disrε dəsɔɲε fum wəkawε kəkət?»

¹³ Bafɔ tatəkɔ tɔ de! Mba ti disrε, Kanu ka atem asu Kanu ka Abraham, Kanu ka Siyaka, kɔ Kanu ka Yakuba kəɲayek-yekəs wəmarəs kən Yesu. Mba nkən nənə nənəlɛk, kɔ nəsɔɲ abɛ, nəcə kɔ fər ya Pilat kirin, ali nte Pilat ɛnacɛm-cɛmnɛ kəsak kən mə.

† 2:42 Kəpəɲnɛ kəɲan dap da yeri = cəKresi «kətɛpɛnɛ kəcom kəyɛrɛnɛ ki mə»

¹⁴ Nāna nānace nwe ɔyɔne wacempi kɔ wɔlompɔ kɔ nɔloku a pawose kəsakε nu wɔdifɔt afum dare disrε.

¹⁵ Nānadif wəkiriŋ wəka doru, mba Kanu kənasɔŋε kɔ kəfɔtε afi dacɔ. Sən'ɔyɔne atəŋne aka ti.

¹⁶ Anasɔŋ fənɔntər fum wəkawε nəŋgbətne kɔ nāncərə mɔ. Kəlan kən Yesu gbəcərəm kəsɔŋ fum wəkawε fənɔntər. Kəlan kən Yesu kəsɔŋ kɔ kətamnε ken fər ya fəp fonu kirin.

¹⁷ Ndekəl ɔŋ, awenc im aŋa, incərə a kətɔcərə konu kənasɔŋε nu kəyɔ tatəkɔ, nāna kɔ abε anu.

¹⁸ Kanu kənalas təkɔ kənanuŋkenε kəloke cusu ca sayibε ɔn fəp mɔ: A pənamar dis dɔlɔl Krist, wəyεk-yεk kən.

¹⁹ Nəsəkpər bəkəc yonu, nəluksərne nte tɔŋsɔŋε pəŋaŋnεne kiciya konu mɔ,

²⁰ nte tɔŋsɔŋε Wəbε Kanu pəgbəkərə sɔ kəkərə nu tɛm ta kəŋesəm, Yesu nwe ananuŋkenε kəyεkyεke nu mɔ.

²¹ Nkɔn kəm kəntɔmpər han tɛm nte mes mmε Kanu kənalokε tɛm tobol-bolu cusu ca sayibε ɔn səcempi mɔ mɛlarε.

²² Aŋnabi Musa ɛnaloku: «Wəbε, Kanu konu, endekərə nu sayibε pəmɔ ina. Fum wəkin wəka awenc anu dacɔ endeyi, nədə nəcəŋkəl moloku maməkɔ endε pəcloku nu mɔ fəp.

²³ Nwe o nwe ɔntɔdecəŋkəl wədəŋk wəkakɔ mɔ, andeləsər kɔ. Endeməlke afum a Kanu dacɔ.»

²⁴ Sayibε fəp kəyεfε aŋnabi Samiyel han aŋε ŋanacɔnc kɔ mɔ, ŋanaloku teta mataka maməkɔ, kɔ ŋaŋdəŋk mi.

²⁵ Nāna, awut a sayibε ŋɔ nəyɔne, kɔ nəyɔne sɔ awut a temer təkɔ Kanu kənacəŋs kɔ atem anu mɔ, kəcloku Abraham: «Afum a doru fəp ŋandesɔtɔ kəpocε kətɔt kem teta kəbənda ka dokom dam.»

²⁶ Te tonu tɔ, Kanu kənanuŋkenε kəyεkti wəcar kən, k'osom kɔ kədetolanε nu, pəsəkpər nu nwe o nwe abəkəc ŋən ŋɛlɛc, ŋɔyɔne kɔ ŋɔtɔt.»

4

Piyer kɔ Isan fər ya aboc kiti aSuyif kirin

¹ Piyer kɔ Isan ŋanayi kəlok-lokər afum tɛm nte aloŋne a kəlo kəpɔŋ ka Kanu ŋanabere kɔ wəbε ka asɔdar aŋε ŋancbum ki mɔ, kɔ aSadisi.

² Pənətɛlε ŋa nte ŋanane Piyer kɔ Isan ŋactəkse afum a fəp fəndefɔtε afi dacɔ pəmɔ nte Yesu ɔfɔtε afi dacɔ mɔ.

³ Kɔ ŋasumpər Piyer kɔ Isan, kɔ ŋandəs ŋa pacbum ŋa dəbili han dɔckəsək, bawo pənabiyε.

⁴ Afum alarəm alɔma aŋε ŋanane moloku maŋan mɔ, ŋanalan, dɛlay danan dɛnabəp arkun wul kəcəmɔt (5.000).

⁵ Dɔckəsək abε aŋan, abeki apɔŋ a dɔtɔf, kɔ atəkse a yecicəs ya Aŋnabi Musa ŋambəpsenε Yerusalem

⁶ kɔ wəloŋne wəpɔŋ Anas, kɔ Kayifa, Isan, Aleksandər, kɔ akɔ ŋanayɔne aka kəbənda ka dokom da aloŋne apɔŋ mɔ.

⁷ Kɔ ŋancəmbər Piyer kɔ Isan fər yaŋan kirin kəyifɔt: «Fənɔntər fərə, kɔ tewe ta ana tɔ nəyɔne tante-ε?»

⁸ Awa kɔ Amera Nəcempi ŋa Kanu ŋɛlarε Piyer, kɔ ŋɔsɔŋε kɔ kəloku ŋa: «Abε a afum kɔ abeki a dɔtɔf:

⁹ Ayifɔt su məkɔ teta pətɔt mpe ayɔne wəlanyuru mɔ, kɔ nte antaməs kɔ mɔ.

¹⁰ Nəcərə ti belbel, fəp fonu kəbəp ka aYisrayel: Tewe ta Yesu Krist wəka Nasaret, wəkɔ nənacan dətək yepəmpəl, akɔ Kanu kənasɔŋε kɔ kəfɔtε afi dacɔ mɔ, tewe tən tɔsɔŋε nte fum wəkawε ɛncəme nu dacɔ pətamnε mɔ.

¹¹ Nkɔn Yesu ɔyɔnɛ togbu mpɛ nɔna acɛmbɛr kɛlɔ nɔnafani mɔ, mba ɛnayɔnɛ togbu pɔtɔt pa dacɔ.»

¹² Nkɔn gbɛcɛrɛm ɛntam kɛsɔŋ su kɛfis. Kanu kɛnasɔŋ fɛ tewe tɔlɔma ta fum nnɔ doru dandɛ ntɛ pɛmar payacnɛnɛ mɔ.»

¹³ Ntɛ abeki aŋɛ ŋanɔŋk Piyɛr kɔ Isan ŋabɛknɛ mɔ, kɔ pɛnciyane ŋa, bawo ŋanacɛrɛ a afum gbɛcɛrɛm ŋanayi aŋɛ ŋanatɔtɛkɛs mɔ. Kɔ ŋanɛpɛl ŋa dacɔ akɔ ŋanayi kɔ Yesu mɔ.

¹⁴ Mba ntɛ abeki apɔŋ ŋancnɔŋk fum nwe anatamɛs pɛcɛmɛ ŋa fɔr kirin mɔ, ŋanayɔ fɛ toloku.

¹⁵ Kɔ aboc kiti aSuyif ŋaloku Piyɛr kɔ Isan kɛwur ka dɛkɛlɔ ndɛ ancyifɛt ŋa mɔ, kɔ ŋamɛŋksɛnɛ taŋan,

¹⁶ kɔ ŋayifɛnɛ: «Cɛke c'andeyɔ afum akanɛ-ɛ? Bawo tɔsɔkɛr aka Yerusalem fɛp a ŋa ŋasɔŋɛ kɔ tɛgbɛkɛrɛ ta Kanu tantɛ teyi. Afɔtam kɛgbɛkɛl ti.

¹⁷ Mba, ntɛ aŋyɔ a ta tɛsam nnɔ afum ŋayi mɔ, pabɛŋnɛ ŋa, pamɔnɛ ŋa kɛclɔk-locɛr nwe o nwe tewe tatako.

¹⁸ Kɔ ŋawe ŋa, kɔ ŋambɛŋnɛ ŋa kɛtɔlɔku kɔ kɛtɔtɛksɛ afum tewe ta Yesu.

¹⁹ Piyɛr kɔ Isan ŋayif ŋa: «Pɛmar fɔr ya Kanu kirin palelɛs nɔna patas Kanu Nkɔn ba? Nɔna nɛmɔmɔn ti belbel,

²⁰ bawo sɛna sɛfɔtam kɛyi ta sɛlɔku tɔkɔ sɛnɔŋk kɔ tɔkɔ sɛnɛ mɔ-ɛ.»

²¹ Kɔ aboc kiti ŋanɔbɔkɛrɛ sɔ kɛbɛŋɔsnɛ ŋa, kɔ ŋasak ŋa. Nɛnasɔtɔ fɛ tes ntɛ andɛŋɛ ŋa a patɔrɛrsɛ ŋa ti mɔ bawo afum fɛp ŋanckor-koru Kanu teta tɔkɔ tɛnacepɛr fɔr yanɔn kirin mɔ.

²² Fum nwe ɛnasɔtɔ tɛgbɛkɛrɛ ta kɛtamɛs tatako mɔ, ɛnatam kɛsɔtɔ meren wɛcɔ mankɛlɛ pɛcepɛr.

Katola ka alan

²³ Ntɛ asak Piyɛr kɔ Isan mɔ, kɔ ŋanɔkɔ ŋalɔmɛr afum aŋan tɔkɔ alɔŋnɛ apɔŋ kɔ abeki a dɔtɔf ŋanalɔku ŋa mɔ.

²⁴ Ntɛ ŋane moloku mame mɔ, kɛtɔŋnɛ disrɛ kɔ ŋampɛnɛ sim nnɔ Kanu kɛyi mɔ, ŋaclɔku: «Wɛbɛ, mɛna nwe mɛlɔmpɛs kɛm, antɔf, kɛba kɔ ca yɔkɔ yeyi ki mɔ fɛp,

²⁵ dɛAmerɔ Nɛcɛmpi ŋɔ mɛnalɔkɛ kusu ka kas kosu Dawuda wɛmarɛs kam: «Akesɔŋɛ ntɛ mɛtɛlɛ mɔpɔŋ mɛncɛpɛrɛr afum a tɔf mɔ?

Akesɔŋɛ ntɛ afum ŋantɔŋnɛ mes mɛmɛ mɔntɔdɛlɛpsɛr mɔ?

²⁶ Abɛ a doru kɔrkɔr ŋalɔmpɛsnɛ teta kɛyɛfɛrɛnɛ,

kɔ akirin ŋalɔŋkanɛ kɔ ŋantɔŋnɛ pɛlɛc

nnɔ Wɛbɛ Kanu kɔ wɛyɛk-yɛk kɔn ŋayi mɔ.»

²⁷ Bawo kance, Herodu kɔ Pɔŋsɛ Pilat ŋantɔŋnɛ pɛlɛc dare dandɛ disrɛ atɔyɔnɛ aSuyif kɔ aYisrayel nnɔ wɛmarɛs kam wɛcɛmpi Yesu eyi mɔ, nwe mɛnaye-k-yɛk mɔ.

²⁸ Nɛnayɔ mes fɛp mɛmɛ mɛnanunɔkɛnɛ kɛwɔsɛ kɛyɔ mɔ.

²⁹ Nɛkɛlɔ ŋ, Wɛbɛ, mɛgbɛkɛrɛ kɛbɛŋɔsnɛ kɛŋan, mɛsɔŋɛ acar am kɛbɛknɛ kɛlɔku tolɔku tam kance disrɛ.

³⁰ Mɛtɛnci kɛca ntɛ tɔsɔŋɛ kɛtamɛs, mɛgbɛkɛrɛ, kɔ mes mɛwɛy-wɛy meyi tewe ta wɛcar kam wɛsɔku Yesu.

³¹ Ntɛ ŋalip kɛtɔla Kanu mɔ, kɔ kɛfo kɛŋkɔ ŋanalɔŋkanɛ mɔ kɛyikɛ, kɔ Amerɔ Nɛcɛmpi ŋɔsɔŋɛ fɛp faŋan kɛlɔku tolɔku ta Kanu kɛbɛknɛ disrɛ.

Alan Yesu ŋawɔsɛ kɛyɛrɛnɛ daka danɔn

³² Kɛnay nkɛ kɛnalɔŋ mɔ, ŋasɔtɔ bɛkɛc yin yayi, kɔ ŋayɔnɛ sɔ akin ayi. Nwe o nwe onclɔku fɛ a nkɛn sona ɔyɔ daka dɔn, mba a fɛp faŋan fɔ ŋanapaŋnɛ di.

³³ Asom a Yesu ŋancɔlɔku tɔkɔ ŋananɔŋk kɛfɔtɛ ka Mariki Yesu afi dacɔ mɔ. Kɔ kɛmar ka Kanu kɛyi alan fɛp kɛrɔŋ.

³⁴ Afum akanɛ daco, nwe o nwe abakac nɛnalɛɛ fɛ sɔ teta kətɔyɔ kɔn daka, bawo anɛ nɔnayo dale, kɔ pɔyɔnɛ fɛ ti wɔlɔ mɔ, nɔnacamɔs yi. Kɔ nɔnkerɛ kɔway ka ca yayɔkɔ,

³⁵ kɔ nɔmbocɔr ki asom a Yesu dɛntɔf. Kɔway kanjɔ k'ancyer nwe o nwe kɔ tɔkɔ pɔcuca peyi kɔ mɔ.

³⁶ Isifu wɔka kor ka Lewy enayi, nwe asom a Yesu nancwe Barnabas mɔ, itɔ tatɔkɔ kusu kɔnan «Wɛcɔpɔs bɛkɛc.» Nde dare da Sipɔr anakom kɔ.

³⁷ Nkɔn enacamɔs antɔf nɛ enayo mɔ, k'ɛnkerɛ kɔway kanjɔ fɔp k'ender pɔbocɔr ki asom a Yesu dɛntɔf.

5

Ananias kɔ Safira

¹ Wɔrkun wɔlɔma enayi pacwe kɔ Ananias, kɔ wɔran kɔn Safira, kɔ nancamɔs antɔf nɔnan.

² Kɔtɔnɛ disrɛ kɔ wɔran kɔn, k'Ananias embelɔr kɔway ka antɔf nɔnɔkɔ k'ɛnkerɛ kɔway kɔlɔpɔs nke k'ɔnkɔ pɔbocɔr ki asom a Yesu dɛntɔf.

³ Kɔ Piyɛr eyif kɔ: «Ananias, ake'sɔnɛ nte mɔwosɛ Sentani sɔsɔn am kɔyembɔr Amɛra Nɛcɛmpi mɔ? Mɔmbelɔr kɔway ka dale.

⁴ Nte dale dandɛ dɛnayoɔnɛ dam mɔ, ak'ɛnasɔnɛ ta mɔmɛnkɔrɛnɛ di-ɛ? Ali nte mɔnacamɔs di mɔ, pɔsam pɔpɔkɔ, bafɔ pam pɛnayi ba? Akɛsɔn'am kɔyɔ tantɛ-ɛ? Bafɔ afum nɔ mɔyembɔr de, mba Kanu!»

⁵ Nte Ananias ene moloku mamɔkɔ mɔ, k'ɛntɛmpɛnɛ, k'ɛngbin kifir, k'ɛfi. Kɔ kɛnɛsɛ kɔpɔn kɔsumpɔr akɔ nɔnane ti mɔ fɔp.

⁶ K'atɛmp nɔyɛfɛ kɔ nɔnɛpsɔr kɔ arɔfɔn, kɔ nɔnkɔ nɔwup.

⁷ Nte dec maas dɛncɛpɔr mɔ, kɔ wɔran ka Ananias embɛrɛ, ta ɛncɛrɛ tɔkɔ tɛnacɛpɔr mɔ.

⁸ Kɔ Piyɛr eyif kɔ: «Mɔlɔk'im ma kance: Kɔway kanjɛ kɔ nɔncamɔs dale ba?»

Kɔ wɔran nwe oloku «ɛy, kɔway kanjɔ yati kɔ.»

⁹ Kɔ Piyɛr oloku kɔ: «Akɛsɔnɛ nte nɔntɔnɛ kɔ nɔwak Amɛra nɔ Wɔbɛ mɔ-ɛ? Mɔcɛrɛ a anɛ nɔwup wos ɔm mɔ, nɔyi nde dɔkusɔnka, kɔkɛkɛrɛ kɔ nɔnder sɔ mɔna.»

¹⁰ Gbɛncana babɔkɔ k'ɛntɛmpɛnɛ kɔ wɛcɔk dɛntɔf, k'ɛngbin kifir. Kɔ atɛmp nɔmbɛrɛ kɔ nɔmbɔp kɔ pɔfi. Kɔ nɔnkɛkɛrɛ kɔ, kɔ nɔnkɔ nɔwup wos kɛsɔk.

¹¹ Kɔ kɛnɛsɛ kɔpɔn kɔsumpɔr kɔlɔnkɛnɛ ka alan fɔp kɔ akɔ nɔnane moloku mamɔkɔ mɔ.

Asom a Yesu nɔnatɔmpɔr mes mɛwɛy-wɛy mɛlarɔm ma Kanu

¹² Asom a Yesu nɔncyɔ mɛgbɛkɛrɛ kɔ mes mɛwɛy-wɛy mɛlarɔm mɛnɛnayi afum daco mɔ. Alan fɔp nɔnacɔmɛ kɔfo kin nde akɛr nɛnɛ ancwe «Akɛr nɔ Sulemani» mɔ.

¹³ Afum alpɔs nɔncnɛsɛ kɔnɔnkɔl nɔ, mba nɔncyɛkyɛkɔs nɔ.

¹⁴ Kɔnɔy ka arkun kɔ aran anɛ nɔnalan Wɔbɛ mɔ, nɔncla ɔn kɔla dɔm.

¹⁵ Packɛrɛ atɔtamnɛ sɔpɔ fɔp packɛrɛ nɔ dɔyala kɔ dɔsɔpoko nte tɔsɔnɛ kɔ Piyɛr ɛndɛr-ɛ, andulu nɔn gbɔcɔrɔm nɛtam kɔbɔp wɔlɔma mɔ.

¹⁶ Kɔnɔy ka afum anɛ nɔnɔyɛ sɔdare nɛsɛ sɔnakɛl Yɛrusalɛm mɔ, nɔncyɛkɛsɛ kɔkɛrɛ Yɛrusalɛm atɔtamnɛ nde asom a Yesu nɔnɔyɛ afum anɛ yɔnk yɛlɛc yɛnasɔn dɔtɔnkulu mɔ, fɔp fanɔn anatamɔs nɔ.

Antɔrɔs asom a Yesu teta kɔlan kɔnan

¹⁷ Wɔlɔnɛ wɔpɔn kɔ aSadisi anɛ nɔsol mɔ nɔyɛfɛnɛ kɔrɔca.

¹⁸ Kɔ nɔntɔp asom a Yesu waca kɔ nɔmbɛr nɔ dɔbili.

¹⁹ Pibi pɔpɔkɔ disrɛ kɔ mɛlɛkɛ ma Wɔbɛ Kanu mɛngbiti cumba ca bili babɔkɔ, kɔ mowurɛnɛ nɔ. Kɔ mɛlɛkɛ moloku nɔ:

²⁰ «Nɔkɔ kɔlɔ kɔpɔn, nɔloku afum moloku kɔ mes fɔp ma tɔkɔtɛnɛ ta doru dandɛ.»

21 Nte njane moloku mamako ma, ko asom a Yesu njanko batbat suy nde kelo karon, ko njancop katakse di afum.

Ko wolonje waron ender ko ako enasole ma. Ko njawe aboc kiti alpas aSuyif ko abeki aron aka Yisrayel fap, ko njasom a pako pawurene asom a Yesu dabili, pakerε.

22 Ko asodar njafɔ njako afum anje njawur njambap fe ja dabili, ko njalukus. Ko njanko njaloku ti abe anje njanasom ja ma, njacloku:

23 «Sankɔ sabap cumba ca bili pacan ci belbel, abum a ci njaceme dakaceme danan, mba sangbiti ali fum sambap fe bili disre.»

24 Nte njane moloku mamako ma, ko panyi wabe ka asodar a kelo karon ko alonje aron yamayama teta afum akanje, ko njayifne cɔke cɔ tes tante tendelapasar-ε?

25 Ko fum walama ende paloku ja: «Afum anje nanaber dabili ma jayi nde kelo karon, njactakse afum.»

26 Asodar a kelo karon ko wabe kajan njanko kalex asom a Yesu, ko njankerε ja poforu disre, bawo njananesε afum kɔca-cas ja.

27 Nte asodar njankerε asom a Yesu ma, ko njancambap ja far ya aboc kiti aSuyif kirin. Ko wolonje waron eyifat ja,

28 k'oloku: «Bafɔ sanamone nu katakse so afum teta tewe tante ba? Nelas Yerusalem metakse monu! Ko naloku gbes a mene nolonar su palec pa defi da fum wakawε.»

29 Piyer ko asom a Yesu njaloku: «Kacanjale Kanu kancepar ka afum!

30 Kanu ka atem asu kenasone Yesu kafote dadeffi, nwe nanacan dakatak yepampal ma.

31 Kanu kandasarne ko kesak bawo nkɔn ayone wakirin ko wayac, nte tansone pason aka Yisrayel kesakpar bakac njaceme dapo da Kanu daron, panjanene ja kiciya kajan ma.

32 Sana sayone atone a moloku ko mes mamako fap, sana ko Amera Necempi nje Kanu kason anje njalelas ko njawose toloku ton ma.»

33 Pnatete aboc kiti anje njancanjel ja ma hanj pcepapar, ko njafan kadif ja.

34 Mba wəFarisi walama enayi ja dacɔ, pacwe ko Kamaliyel. Wetakse sariye enayi, nwe afum fap njanabatər ma. K'eyefe aboc kiti aSuyif dacɔ, k'oloku a pawurene afum akanje karesna,

35 k'oloku: «Arkun a Yisrayel! Nakembarne belbel nte nandeyo afum akanje ma.

36 Towon fe, Tudas enadot banca, afum masar manjale (400) njanacek ko daron. Mba anamalak ko, afum ako enasole ma fap k'ambelas ja. Ali wakin anasak fe.

37 Nte tatako tencepar ma, ko Yudas wəKalile eyefe tem nte anlom afum a dotaf ma. K'osole so afum alarəm. Nkon so anamalak ko, anje enasap kakafali kaceme ko daron ma fap, ko njasamasar.

38 Ndekəl icloku nu, ta nacepsar afum akanje, nasak ja njako. Ko payone a mefan, ko payone fe ti moyo manjan nda fum menyefe-ε, mendesole.

39 Mba ko payone a nda Kanu menyefe-ε, nafodetam kasolene mi de! Nakemarne kadeyefarene ko Kanu de!» Ko njane moloku mamako Kamaliyel enasap kaloku ja ma.

40 Ko njawe asom a Yesu, ko njasut ja, ko njamone ja katasolok-loke tewe ta Yesu, ko njasak ja.

41 Ko asom a Yesu njawur ja aboc kiti aSuyif dacɔ. Ko pambot ja kataras kajan teta kalelas ka tewe ta Yesu.

42 Dɔsak o dɔsak payone nde kelo karon ka Kanu ko payone fe ti nde walo wajan, njanasak fe kacetakse ko kacam moloku matat: A Yesu ayone Krist, wabe nwe Kanu kayek-yek ma.

6

Ayek-yek arkun camat-marənj kamar ka asom a Yesu

1 Mata mamako nte acapse a Yesu njancla kala dam ma, aSuyif acop kusu ka Kresi jayefe kacopasne teta ako njancop Ebare ma. Aran acop cəKresi anje awos anjan njafi ma njancsoto fe yeri pamə acop Ebare dɔsak o dɔsak ko andeyer-ε.

² Kɔ Asom waco kɔ merɛn ɲawe kɛnay ka acɛpɛ a Yesu kɛnɛnkɛnɛ, kɔ ɲaloku: «Pɛmar fɛ su kɛsak kɛcam kɔ kɛtɛksɛ toloku ta Kanu teta kɛyɛr yeri.

³ Awa awɛnc su aɲa, nɔyɛk-yɛkɛnɛ arkun camɛt-merɛn, aɲɛ afum ɲancɛrɛ kɛyɔ mera yɔtɔt mɔ, ɲalare sɔ Amera ɲɛcɛmpi ɲa Kanu kɔ kɛcɛrɛ kɛkɔt. Sɛsɛn ayɛk-yɛk anu akakɔ yɛbɛc yayɔkɔ.

⁴ Sɛna sɛsumpɛr belbel kɛtola ka Kanu kɔ yɛbɛc ya kɛcam kɔ kɛtɛksɛ toloku ta Kanu tɛm fɛp.»

⁵ Kɔ moloku mamɔkɔ mɔmbɔt afum fɛp, kɔ ɲayɛk-yɛk Etiyɛn, fum wɛlan ɲa Kanu wɛpɔn, pɛlarɛ Amera ɲɛcɛmpi ɲa Kanu, kɔ Filip, kɔ Pirɔkɔr, kɔ Nikanɔr, kɔ Timon, kɔ Parmenas, kɔ Nikola, wɛka dare da Antiyɔk, nwe ɛnayɔnɛ wɛcikɛra kɛbɛrɛ ka dinɛ da aSuyif mɔ.

⁶ Kɔ ɲaɲkɔ ɲamentɔr ayɛk-yɛk akakɔ asom a Yesu nte ɲalip kɛtola Kanu mɔ, kɔ ɲanden ɲa waca kɛdɛs kɛɲan.

⁷ Moloku ma Kanu mmɛ anctɛksɛ mɔ mɛncsam kɛsam dɛm, kɔ acɛpɛ a Yesu ɲala katɛna katɛna Yerusalem, kɔ aloɲnɛ Kanu alarɛm ɲawosɛ kɛlan Yesu.

Kɛsumpɛr ka Etiyɛn

⁸ Kanu kɛnamar Etiyɛn kɔ kɛsɛn kɔ kɛtam kɛyɔ ka mes mɛwɛy-wɛy kɔ mɛgbɛkɛrɛ mɔpɔn ma Kanu afum daco.

⁹ Afum alɔma aka dɛkɛtola Kanu da aSuyif aɲɛ ancwɛ ki «kɛlɔ ka Awur dacar» mɔ, ɲanayinɛ fɛ Etiyɛn. ɲa ɲanayɔnɛ afum aka atɔf ɲa Siren, aka dare da Aleksandɔr kɔ afum a atɔf ɲa Silisi, kɔ aka atɔf ɲa Asi. Nte tɔ kɔ ɲambɛrɛ kɛgbɛkɛlɛnɛ kɔ Etiyɛn.

¹⁰ Mba ɲanatam fɛ kɛsumpɛr kɔ dɛmoloku, bawo Amera ɲɛcɛmpi ɲa Kanu ɲɛnasɛn kɔ kɛlɔk-lɔkɛ dɛcɛrɛn.

¹¹ Ti disrɛ, kɔ afum akakɔ ɲasɛn calbante pɛsam aɲɛ ɲanaloku nte: «Sɛna sɛnɛnɛ kɔ kɛlɔmɛs Musa kɔ Kanu!»

¹² Kɔ ɲambɛrɛs afum mɛr kɛyɛfɛ abeki a dɔtɔf han atɛksɛ sariyɛ. Kɔ ɲasumpɛr Etiyɛn, kɔ ɲaɲkɛkɛrɛ kɔ fɔr ya aboc kiti aSuyif kirin.

¹³ Kɔ ɲaɲkɛnɛnɛ sɔ calbante akakɔ ɲanawosɛ kɛyɛmɛ mɔ, ɲacloku: «Fum wɛkawɛ eyi fɛ nte o nte mɛnɛ kɛlɔku pɛlɛc pa kɛfo kɛsoku kanke kɔ sariyɛ sa Musa.

¹⁴ Sɛnɛnɛ kɔ pɛcloku a Yesu wɛNasaret wɛkawɛ endɛlɛsɛr kɛfo kanke, pɛsɛkpɛr sɔ mɔyɔ mmɛ Musa ɛnasakɛ su mɔ.»

¹⁵ Aboc kiti aSuyif fɛp ɲanagbɛtnɛ Etiyɛn, bawo kɛro kɛn kɛncmot pɛmɔ ka mɛlɛkɛ.

7

Etiyɛn nde fɔr ya aboc kiti kirin

¹ Kɔ wɛloɲnɛ wɛpɔn wɛka kɛlɔ kɛpɔn ka Kanu eyif Etiyɛn: «Itɔ teyi ba?»

² Kɔ Etiyɛn oloku: «Awɛnc im aɲa, Papa kem aɲa, Nɛcɛɲkɛl im! Kanu nkɛ debeki dɔn dɔɲmot mɔ kɛnawurɛr Abraham, wɛtɛm kosu, nte ɛnayi Mesopotami, ta ɛntadɛdɛr kɛndɛ Haran mɔ.

³ Kɔ Kanu kɛlɔku Abraham: «Mɛwɛr atɔf ɲam, dɛɲkom dam, mɛkɔ nde atɔf ɲɛɛ indɛkɛmentɔr ɛm mɔ.»

⁴ Kɔ Abraham owur atɔf ɲa Kaldi, k'ɔɲkɔ pɛndɛ dare da Haran. Dɛndo, nte defɛ da kas dɛncɛpɛr mɔ, kɔ Kanu kɛncɛpɛrɛnɛ kɔ atɔf ɲaɲɛ nɛndɛ oɲ ndɛkɛl mɔ.

⁵ Kanu kɛnasɛn fɛ Abraham kɛ atɔf ɲaɲɛ, ali dɛkɛcɛmbɛr kɛcɛk, mba kɛnalɛkɛ kɔ temer kɛdɛsɛn kɔ ɲi kɛbɛp kɛbɛnda ka dokom dɔn kɔ nkɛn ɛncɛpɛr-ɛ, mba tɛm tatɔkɔ ta ɛntayɔ wan-ɛ.

⁶ Kɔ Kanu kɛlɔku Abraham nte: «Kɛbɛnda ka dokom dam kɛndɛyi dɛcikɛra atɔf ɲɔlɔma. Andɛkɛcɛmbɛr ɲa di dacar, patɔrɛs ɲa merɛn masar maɲkɛlɛ (400).

⁷ Mba afum aka atɔf ɲaɲɔkɔ ɲandɛkɛcɛmbɛr ɲa dacar mɔ, in'ɛndɛkɛbɔcɛr ɲa kiti. Kɔ tɛncɛpɛr-ɛ, ɲandɛwur ɲadɛkor-kor im nnɔ kɛfo kanke.»

8 Nte tatokɔ tencepɛr mɔ, kɔ Kanu kɛncanɔs kiyi kɛn tetin kɔ Abraham, ti tɔyɔnɛ kɛmɛnɔkɛrɛ ka kɛkɛnc arkun. Ti disrɛ kɔ Abraham ɔnkom Siyaka, k'ɛnɔkɛnc kɔ tataka tɔn ta camɛt-maas. Itɔ Siyaka ɛnayɔ sɔ Yakuba, kɔ Yakuba ɔyɔ sɔ ti awut ɔn arkun wɛco kɔ mɛrɛn, aɲɛ nɔyɔnɛ cas ca cusunɔka wɛco kɔ mɛrɛn ca Yisrayel mɔ.

9 Nte atem asu, awut a Siyaka, nɔanayɔnɛ wɛnc kɛnɔn Isifu kɛraca mɔ, kɔ nɔncamɔs kɔ nte tɔnɔnɛ pakekɛrɛ kɔ Misira mɔ. Mba Kanu kɛnɔyi kɔ Isifu,

10 kɛnɔyɔc kɔ pɛcucɔ fɛp. Kanu kɛncmar Isifu, kɛcsɔn kɔ kɛcɛrɛ kɛkɔt nde Firawona wɛbɛ ka Misira fɛr kirinɔ. Firawona ɛnasɔn Isifu dekirinɔ da Misira kɔ da kɛlɔ kɛn disrɛ fɛp mɔ.

11 Kɔ dor dɔpɔn dende deyi Misira fɛp kɔ atɔf nɔ Kananɔ. Pɛcucɔ pɛnabɛk, atem asu nɔncsɔtɔ fɛ yeri.

12 Kɔ Yakuba ende pɛnɛ a cɛgbay cɛyi Misira, k'osom tɔcɔkɔ-cɔkɔ awut ɔn aɲɛ nɔntɔnɛ atem asu mɔ.

13 Tamɛrɛn, kɔ Isifu ɔwurɛrɛ awɛnc ɔn, nte tɔ kɔ Firawona ɔsɔtɔ kɛcɛrɛ ɔn akomɛnɛ a Isifu.

14 Kɔ Isifu osom awɛnc ɔn a pakɛrɛ kɔ kas Yakuba, kɛlɛkɛnɛ ka afum ɔn fɛp, aɲɛ nɔncbɔp afum wɛco camɛt-mɛrɛn kɔ kɛcamɛt (75) mɔ.

15 Kɔ Yakuba ɔntɔr atɔf nɔ Misira. Difɔ ɛnafi, kɔ atem asu alɔma.

16 K'anɔkekɛrɛ cɛbel cɛnɔn Sɛkɛm, k'anɔkɔ pawup nde kufu nkɛ Abraham ɛnawayɛ pɛsam nɔ kusunɔka ka Hamɔr kɛyi mɔ.

17 Tɛm nte pɛnamar a Kanu kɛlas temer nte kɛnalɛkɛ Abraham mɔ tɛnalɔtɛrɛnɛ. Kɔ dokombɛra dɛmbɛk, kɔ afum nɔnɔla ɔn kɛla dɛm Misira,

18 haɲ kɔ wɛbɛ wɛlɔma ender pɛndɛ dɛbɛ da atɔf nɔnɔkɔ nwe ɛnatɔcɛrɛ Isifu mɔ.

19 Wɛbɛ wɛkakɔ ender pɛncɛmpɛs, pɛctɔrɛs atem asu. K'ende pɛsɔnɛ nɔ kɛsak cɛnaka cɛnɔn, nte tɔnɔnɛ ta akakɔ nɔntam kɛyi doru mɔ.

20 Tɛm tatokɔ t'anakom Musa, nwe ɛnabɔt Kanu kɛnɔnɔk mɔ. K'antɔmpɛr kɔ yof maas nde kɛlɔ ka kas disrɛ,

21 mba nte tɔyɔ tɛnatɔyi mɛnɛ kɛgbal kɛn mɔ, kɔ wan ka wɛbɛ ka Misira wɛran ɛfir kɔ, k'ɔnɔkɔ pɛdusum pɛyɔ kɔ wan.

22 Kɛcɛrɛ kɛkɔt fɛp k'aMisira k'anadusumɛ Musa, k'ɔsɔtɔ fɛnɔntɛr dɛmolokɔ kɔ dɛmɔyɔ.

23 Nte Musa ɔsɔtɔ meren wɛco manɔkɛlɛ (40) mɔ, k'ende pɛcɛm-cɛmnɛ kɛkɛnɔnɔk awɛnc aɲa, afum a Yisrayel.

24 Kɔ Musa ɔnɔkɔ pɛtɔnɛ wɛnc wɛkin wɛka Misira paccakɛra, k'ɛncɛmɛnɛ wɛnc wɛkakɔ anctɔrɛs mɔ. K'olukɛ ayɛk nɔ wɛnc, k'endif wɛMisira.

25 Kɔ Musa ɛncɛm-cɛmnɛ a awɛnc aɲa nɔntam kɛcgbɛkɛrɛ a Kanu kɛntam kɛbɔn nɔ kɔ nɔncɛmɛ kɔ darɛn-ɛ, mba nɔnacɛrɛ fɛ ti.

26 Dɔckɔsɔk, kɔ Musa ɔnɔkɔ pɛbɔp aYisrayel mɛrɛn nɔcsutɛnɛ, k'ɛyɔc nɔ, k'olompɛs nɔ dacɔ. K'ɛyif nɔ: <Ta ake tɔ nɔnɔsutnɛnɛ tante-ɛ? Dɛwɛnca dɔ nɔyɔ!>

27 Mba wɛkɔ ɛncɛkɛra wɛnc mɔ, ɛwɛn Musa pɛcyif: <An'ɔsɔn ɛm kɛyɔnɛ wɛbɛ kɔ wɛbɔc kiti sɛna dacɔ-ɛ?>

28 Kɛdif im kɔ mɛfanɔ ba, pɛmɔ tɔkɔ mɛndifsa wɛMisira mɔ?>

29 Kɔ molokɔ mamɔkɔ mɔsɔnɛ Musa kɛyɛkɛ, k'ɔnɔkɔ pɛndɛ decikɛra atɔf nɔ Madiyanɔ. Difɔ ɛnakom awut arkun mɛrɛnɔ.

30 Nte meren wɛco manɔkɛlɛ mencepɛr (40) mɔ, kɔ mɛlɛkɛ mowurɛr Musa nde tɛgbɛrɛ ta tɔrɔ ta Turisnina dɛmemer ma nɛnc nde dɛncmar dɛrɛntɛm mɔ.

31 Nte Musa ɛnɔnɔk ti mɔ, kɔ pɛnciyanɛ kɔ kɛnɔnɔk ka tes tɛwɛy-wɛy tatokɔ, nte ɔncɛnɛnɛ kɛkɛgbɛkɛrɛ mɔ, kɔ dim da Wɛbɛ Kanu dender kɔ:

32 <In'ɔfɔ, Kanu ka atem am: Kanu ka Abraham, ka Siyaka kɔ ka Yakuba!> Musa pɛcyikɛ, ta ɔnɔwɛsɛ sɔ kɛgbɔtɛnɛ di-ɛ.

³³ Kɔ Wɔbɛ oloku kɔ: «Mɔwure cɔfta cam dɔwɛcɛk, bawo kɛfo kanjɔ mɛncɛmɛ mɔ, kɛfo kɛcɛmpɪ kɔ.

³⁴ Inɛnjɔ pɛcuy pa afum em anjɛ njayi Misira mɔ, ine kɪgbis kɛjan: Kɛtor k'inder ideyac ja. Nɛkɛl on, mɔder isom ɛm Misira.»

³⁵ Musa wɛkakɔ njanace a njaloku: «An'ɔsɔnj ɛm kɛyɔnɛ wɔbɛ kɔ wɔboc kiti sɛna dacɔ-ɛ?» Nkɔn Kanu kɛnasom pɛyɔnɛ wɔbɛ kɔ wɔyac, kɛberɛnɛ ka mɛlɛkɛ mɛmɛ mɛnawurɛr kɔ nde dɛrɛntɛm mɔ.

³⁶ Nkɔn Musa ɛnawurɛnɛ aYisrayel Misira pɛcyɔ mes mɛwɛy-wɛy kɔ mɛgbɛkɛrɛ ma Kanu, nde kɛba Kɛyim kɔ nde dɛtɛgbɛrɛ, meren mɛmɛ wɔco manjɛlɛ (40) disrɛ.

³⁷ Nkɔn Musa wɛkakɔ yati ɛnaloku aYisrayel: «Kanu kɛndekɛrɛ nu sayibɛ pɛmɔ ina, nwɛ kɛndeyɛk-yɛk awɛnc anu dacɔ mɔ, pɛsom kɔ nnɔ nɛyi mɔ.»

³⁸ Nkɔn Musa, ntɛ afum njanalɔnjkanɛ nde dɛtɛgbɛrɛ mɔ, nkɔn ɛnayɔnɛ sɔ wɔcɛpɛrɛnɛ moloku atɛm asu dacɔ kɔ mɛlɛkɛ mɛmɛ monclɔk-locɛr kɔ nde dɛtɔrɔ ta Turisnina mɔ. K'ɔsɔtɔ moloku meyi wɔyɛnj, ntɛ tɔnjɔnjɛ sɛcɛrɛ mi mɔ.

³⁹ Atɛm asu njanafanj fɛ kɛcɛnjɛl kɔ, kɔ njawɛnɛs kɔ. Njanacɛm-cɛmɛnɛ dɛbɛkɛc kɛlɔksɛrɛnɛ Misira.

⁴⁰ Kɔ atɛm asu njaloku Aruna, «Mɛlompɛsɛ su mɛrɛnjka, mɛmɛ mɛndɛsolɛ su mɔ, bawo Musa nwɛ owurɛnɛ su Misira mɔ, sɛncɛrɛ fɛ ntɛ tɔsɔtɔ kɔ mɔ.»

⁴¹ Mata mamɔkɔ, kɔ njalompɛs tɛrɛnjka ta tura, kɔ njalɔnjɛ nnɔ tɛrɛnjka kirinj, kɔ njamboɛc kɛsata yɛbɛc ya waca wanjan.

⁴² Mba kɔ Kanu kɛmber ja kumunt, kɔ kɛsake ja kɛkor-koru ca ya dɛrɛnc. It'ancic ti buk ba sayibɛ disrɛ:

«Nɛna aka Yisrayel,
meren wɔco manjɛlɛ (40) mɛmɛ nɛncɛpɛrɛnɛ dɛtɛgbɛrɛ mɔ, in'ɔ nɛncdifɛ sɛm kɛlɔnjɛ disrɛ
ba?

⁴³ Nɛnakekɛrɛ abal ja tɛrɛnjka ta Mɔlɔk
kɔ tɛrɛnjka ta kɔs ka kanu konu Refanj.

Nɛnapat mɛrɛnjka tɛta kɛctontnɛnɛ ka mi fɔr kirinj!

Ti disrɛ kɛkɛkɛrɛ nu k'inder decikɛra Babilɔnj tadaranj.»

⁴⁴ Atɛm asu njanayɔ dɛndo dɛtɛgbɛrɛ anjbanɛn ja sɛdɛ njɛ anamɛnjɔ walakɛ wa masar nwɛ Kanu kɛnacɛcɛ Musa mɔ. Tatɔkɔ tɔ wɔlɔk-locɛr ka Musa ɛnaloku kɔ a pɛyɔ, a njowurɛnɛ kɔ njɔkɔ ɛnanɛnjɔ mɔ.

⁴⁵ Ntɛ atɛm asu njasɔtɔ njɛ mɔ, kɔ njanjɛkɛrɛ nde atɔf njɛ Kanu kɛnabelɛs afum fɔr yanjan kirinj mɔ. Yosuwe pɛyɔnɛ ja wɛkirinj. Anjbanɛn njanjɔkɔ njɛnɛyi di hanj tɛm ta Dawuda.

⁴⁶ Kɔ Dawuda ɔsɔtɔ kɛmar ka Kanu, k'ontola sɔ kɛsɔnj kɔ kɛfo nkɛ njkɔcɛmbɛrɛ Kanu ka Yakuba dɛkɛyi mɔ.

⁴⁷ Mba Sulemani ɛnɛdɛr pɛlɔ kɛlɔ kanjɔ.

⁴⁸ Mɛnɛ ntɛ Wɔbɛ wɛka dɛrɛnc ɔntɔwosɛ kɛyi paka disrɛ mpɛ kɛca ka fum kɛlompɛs mɔ, pɛmɔ tɔkɔ sayibɛ sɛlɔku ti mɔ:

⁴⁹ «Wɔbɛ oloku:

«Kɔm kɛyɔnɛ dɔcɔm dem da dɛbɛ,

kɔ antɔf njɔyɔnɛ dɛkɛcɛmbɛr dem wɛcɛk.

Akɛ kɛlɔ kɔ nɛyi kɛcɛmbɛr em-ɛ?

Kɛfo kɛrɛ k'inde icnjɛsɛm-ɛ?

⁵⁰ Bafɔ kɛca kem kɛlompɛs mɛmɛ fɛp ba?»

⁵¹ Nɛna afum atanjɛ lɛnjɛs, ayɔ bɛkɛc pɛmɔ bilakoro! Hanj mɔkɔ nɛna nɛyi kɛwɛnɛs Amɛra Nɛcɛmpɪ ja Kanu pɛmɔ atɛm anu!

⁵² Sayibɛ sɛrɛ atɛm anu njanatɔtɔrɛs-ɛ? Njanadif anjɛ njananɔnjɛnɛ kɛdɛnjɔ kɛdɛr ka Wɔlompɔ nwɛ nɛna nɛnasɔnj onj a kɔ andif mɔ.

⁵³ Nəna aŋe nənasətə sariye sa Musa nse mēleke ma Kanu menaloku kə mə, mba nənakətene fe si, nəmēŋkərne fe sə si.»

Kədifka Etiyen

⁵⁴ Nte Etiyen onclok-loku mə, afum akə ŋancne moloku maməkə mə, pənananŋkane kətēle ŋa haŋ ŋancŋaŋərəne sek nnə eyi mə.

⁵⁵ Mba Amēra Nēcempi ŋa Kanu ŋencbəc Etiyen dərīs. K'ēŋgbətne kəm, k'ēnəŋk nərə da debeki da Kanu, Yesu pəcəme Kanu kəsək.

⁵⁶ K'oloku: «Inəŋk kəm kəgbite, Wan ka Wərkun pəcəme Kanu kəsək!»

⁵⁷ Kə afum aŋe ŋaŋkule-kule pəpəŋ, kə ŋasuncne ləŋəs, kə ŋawetne fəp faŋan kəkəbəp Etiyen.

⁵⁸ Kə ŋambeləs kə haŋ kə ŋawurene kə dare, kə ŋanca-cas kə masar. Atəŋne aka ti ŋanaboc suma saŋan sa kəroŋ wətēmp dəntəf, nwe ancwe Sol mə.

⁵⁹ Nte ŋancca-cas kə mə, kə Etiyen ontola pəcloku: «Mariki Yesu, məbaŋ amēra ŋem.»

⁶⁰ Nte tə kə Etiyen encəp suwu, k'ŋnkule-kule: «Wəbe, ta məsarsər ŋa kiciya kaŋke!» Nte elip kəloku tatəkə mə, k'ēŋgbin kifir.

8

¹ Sol enawose kədif ka Etiyen.

Sol anctərəs kəlŋkane ka alaŋ Yesu

Dəsək dadəkə d'anacop kətərəs kəlŋkane ka alaŋ Yesu dəndo Yerusalem. Kə alaŋ fəp faŋan ŋasaməsər nde təf ya Yude kə Samari, mēne asom a Yesu.

² Kə afum alompu aləma ŋawup Etiyen, kə ŋambok kə belbel.

³ Kə Sol nkən eyefe kətərəs ka kəlŋkane ka alaŋ Yesu, pəcberē dəwələ waŋan, pəcwurene ŋa, pəcsumpər arkun kə aran, pəcber ŋa dəbili.

Filip kəcəm kən moloku mətət atəf ŋa Samari

⁴ Alaŋ aŋe ŋanasaməsər mə, ŋanccam moloku mətət mofo fəp mme ŋanccepər mə.

⁵ Filip nwe enator dare da Samari mə, enccam teta Krist, nwe Kanu kəyek-yek kəyone Wəbe mə.

⁶ Kənay k'afum kətəŋne disre ŋanccəŋkəl belbel təkə Filip oncloku mə, nte ŋancne kə ŋacnəŋk sə megbəkəre ma Kanu mme əncyə mə.

⁷ Yəŋk yelec yonckule-kule kəwur afum alarəm dərīs aka dare dadəkə. Anataməs atorər kə afum alarəm akə ŋanafi wəcək mə.

⁸ Kə pəbotu pəpəŋ pəmbere dare da Samari.

⁹ Wərkun wələma enayi di pacwe kə Siməŋ. Enawon dare dadəkə, pəyone dure, pəcsəŋe aka Samari cusu kəwos, pəcwenē sə fum wəpəŋ.

¹⁰ Afum fəp kəyefe wanfət haŋ wəbeki ŋanaleləs kə, ŋacloku: «Fum wəkawe əyone fənəntər fa Kanu, fənəntər fəkə aŋwe «Fəpəŋ» mə.»

¹¹ ŋanacəme kə darəŋ, bawo enawon kəwosəs ŋa cusu teta dureya dən.

¹² Mba nte ŋanalaŋ moloku ma Filip, nwe enccam moloku mətət ma dēbe da Kanu kə tewe ta Yesu Krist mə, k'əŋgbət arkun kə aran dəromun teta Kanu.

¹³ Kə Siməŋ nkən yati eləŋ moloku ma Filip, k'owose kəgbət dəromun. K'encəme Filip dəntəf tēm fəp. Nte Siməŋ enəŋk megbəkəre kə mes mēwey-wēy ma Kanu mme mencyi mə, kə kusu kəwos kə.

¹⁴ Nte asom a Yesu ŋanayi Yerusalem kə ŋane a aka Samari ŋawose toloku ta Kanu mə, kə ŋasom Piyer kə Isaŋ kəkə di.

¹⁵ Nte Piyer kə Isaŋ ŋantor dare da Samari mə, kə ŋantolane ŋa nte təŋsəŋe ŋasətə Amēra Nēcempi ŋa Kanu mə,

¹⁶ bawo haŋ tēm tatəkə Amēra Nēcempi ŋenatorər fe nwe o nwe kəresna dəndo. Mēne kəgbət dəromun gbəcərəm kə ŋanasətə tewe ta Yesu Krist.

17 Awa Piyer kɔ Isan ɲandenɲar ɲa waca, kɔ ɲasɔtɔ Amera Ɗecempi ɲa Kanu.

18 Nte Simɔɲ enanɔɲk a kadenɲar kɛca ka asom a Yesu gbacɛrɛm kɛnasɔɲ afum Amera Ɗecempi mɔ, k'ɛɲkɛrɛ ɲa pɛsam pɛcloku:

19 «Nɛsɔɲ im ina sɔ kɛtam! Nwe o nwe indedenɲar waca mɔ, wɛkayi pɛsɔtɔ Amera Ɗecempi ɲa Kanu.»

20 Mba kɔ Piyer oloku kɔ: «Kanu kɛsɔɲɛ mɛlɛcɛ kɔ pɛsam pam, bawo mɛncɛm-cɛmɛnɛ kɛsɔtɛnɛ pi kɛpocɛ ka Kanu!

21 Mɛna mɛyɔ fɛ daka, mɛyɔ fɛ tofokɛl nnɔ tes tante disrɛ, bawo abɛkɛc ɲam ɲolomp fɛ fɔr ya Kanu kirinɲ.

22 Mɛlɛksɛrɛnɛ Wɛbɛ Kanu, mɛlɛtsɛnɛ kɔ, mɛtola kɔ nte tɔɲsɔɲɛ pɛɲaɲɲɛn'am mɛcɛm-cɛmɛnɛ mɛlɛc ma abɛkɛc ɲam mɔ, kɔ Kanu kɛwosɛ ti-ɛ.

23 Bawo inɔɲk a mɛcɛm-cɛmɛnɛ mɛlɛc ma kɛraca mɛntam ɛm, kɔ kɛtɔlomp kɛsekɛt ɛm.»

24 Kɔ Simɔɲ oloku kɔ: «Nɛtolan'em Kanu Wɛbɛ, nte tɔɲsɔɲɛ mame nɛloku mɔ ta tɔlɔm o tɔlɔm tɔsɔt'em.»

25 Piyer kɔ Isan ɲancam nte ɲananɔɲk kɔ tɔkɔ ɲanane teta Yesu mɔ, kɔ ɲalukus Yerusalem, ɲaccam toloku tɔtɔt ta Kanu sɛdare sɛlarɛm sa Samari.

Filip kɔ wɛrkun wɛpɔɲ wɛka atɔf ɲa Ecopi

26 Mɛlɛkɛ ma Wɛbɛ mɛlɔma mender nde Filip eyi mɔ mocloku: «Mɛkɔ ntende kɛca kɛtɔt, mɛsolnɛ dɔpɔ deyer-yer nde dɛɲyɛfɛ Yerusalem doctor Kasa mɔ.»

27 Kɔ Filip ɛyɛfɛ katin, k'ɛntas. Wɛrkun wɛpɔɲ wɛka Ecopi ɛnayi pabane kɔ. Nkɔn ɛnatɔmpɛr kɛcɛmbɛr-cɛmbɛr ka daka da Kandas, wɛbera wɛka atɔf ɲa Ecopi fɛp. Ɛnader Yerusalem kɛdekor-koru Kanu.

28 Kɛlukus k'ɛncndɛ ndɔrɔn pɛndɛ pɛyɛksɛnɛ pɔn kɛrɔɲ, pɛckaranɲ pɛpɔɲ buk ba aɲnabi Esayi.

29 Kɔ Amera ɲa Kanu ɲoloku Filip: «Mɛcɔɲɛnɛ mɛlɔtɛrɛnɛ pɛyɛksɛnɛ mɛrɛ.»

30 Kɔ Filip ɛyɛksɛ kɛkɔ dɛndo, k'ɛne wɛka Ecopi nwe pɛckaranɲ buk ba aɲnabi Esayi. K'eyif kɔ: «Mɛncɛrɛ nte mɛyi kɛkaranɲ mɔ ba?»

31 Kɔ wɛEcopi nwe oloku Filip: «Cɛke c'intam ti kɛcɛrɛ-ɛ, k'intɔyɔ nwe ɛntɛks'em mɔ?» K'oloku Filip a pɛpɛsɛ pɛndɛ kɔ kɛsɛk pɛyɛksɛnɛ pɔn kɛrɔɲ.

32 Moloku ma Buk mɛbɛ ɛnckaranɲ mɔ mɛnayɔnɛ mɛmɛ:

«K'ɛɲkɛkɛrɛ kɔ dɛkɛdɛf pɛmɔ aɲkɛsiya.

Pɛmɔ aɲkɛsiya ɲowut ɲɲɛ ɲɔntɔkɛlɛ-kɛlɛ wɛfon wɛka ɲi dɛntɔf mɔ, ɛnawani fɛ kusu.

33 Owoɛ kɛtɔrɛ kɔn banca, k'ambanɲar kɔ kance kɔn.

An'ɛndetam kɛlɔm teta kɛbɛnda ka dokom dɔn-ɛ?

Bawo anim kiyi kɔn doru antɔf ɲaɲɛ kɛrɔɲ.»

34 Kɔ wɛrkun wɛbanɛ nwe eyifɛnɛ Filip: «lɛtsɛn'am, mɛlok'im: Tes ta ana tɔ sayibɛ sɛloku tante-ɛ? Ta nkɔn wɛsɛrka ba, ka fum wɛcuru?»

35 Kɔ Filip ɛlɛk moloku k'ɔncɔp dɛmoloku ma Buk babɛkɔ, k'oloku kɔ toloku tɔtɔt ta Yesu.

36-37 Nte ɲanasolnɛ dɔpɔ ɲackɔ mɔ, kɔ ɲaɲkɔ ɲabɛp domun. Kɔ wɛrkun wɛbanɛ oloku: «Domun dɔ dandɛ: Ak'ɛndeyamɛs ɔɲ kɛgbɛt kem dɛromun teta Kanu-ɛ?»*

38 Kɔ Filip oloku a pɛcɛmbɛr pɛyɛksɛnɛ, kɔ ɲantor dɛromun. kɔ Filip ɛɲgbɛt kɔ dɛromun teta Kanu.

39 Nte ɲampɛ dɛromun mɔ, kɔ Amera Ɗecempi ɲa Wɛbɛ Kanu ɲɛmpɛnɛ Filip. Ti disrɛ, wɛbanɛ wɛka Ecopi nwe ɛnɔɲk fɛ kɔ sɔ, k'osolnɛ dɔpɔ dɔn abɛkɛc ɲobotu disrɛ.

40 Kɔ Filip ɔɲkɔ pɛnɔɲkɛnɛ dare da Asot. K'oloku moloku mɔtɔt ma Kanu sɛdare fɛp nɛsɛ ɛncɛpɛr mɔ, hanɲ k'ɔɲkɔ pɛbɛp dare da Sesari mɔ.

8:33 Esayi 53.7 * 8:36-37 Yecicɛs yɔlɔma aɲɛɲar moloku mɛlɔma: «Kɔ Filip oloku: «Kɔ mɛlanɲ abɛkɛc ɲam fɛp-ɛ, sɛntam ti.» Kɔ wɛEcopi wɛbanɛ oloku: «lanɲ a Yesu Krist ɔyɔnɛ Wan ka Kanu.»»

9

Kanu kancambər Sol dərə dətət

22.3-16; 26.9-20

¹ Tem tatəkə Sol pəbenəsne kədifət acəpse a Mariki darəŋ, k'əŋkə ndena wəlonne wəpəŋ wəka kələ kəpəŋ ka Kanu.

² Kə Sol ewer wəlonne wəpəŋ reka teta wələ wa dəkətola Kanu da aSuyif nde Damas, nte təŋsəŋe k'embəp di akin akin-ε, pəyənne arkun pəyənne aran aŋe ŋancəme dərə da Yesu darəŋ mə, pətam kəsumpər ŋa pəkekəre Yerusalem.

³ Dərə Sol enayi pəclətərne dare da Damas, gbəncana babəkə kə pəmot pəyefe dəkəm, kə pəsəŋ pəwanəkəra mpe penakel kə mə.

⁴ K'entempene dəntəf. K'ene dim nde denayif kə: «Sol! Sol! T'ake tə məntərəs em-ε?»

⁵ Kə Sol eyif kə, «Wəbe, mənə an'əfə-ε?»

«Ina, Yesu iyənne, nwe məyi kətərəs mə.

⁶ Mba məyefe, məberε dare, aŋkəlok'am təkə pəmar məyə mə.»

⁷ Kə arkun aŋe ŋanasol kə nkən Sol mə ŋancəme, ta ŋantam kəlok-loku-ε kənese disre, ŋacne dim mba ta ŋaŋnəŋk fum-ε.

⁸ Kə Sol eyefe dəntəf pəmepe fər, mba ta eŋnəŋk paka o paka-ε. K'asumpər kə kəca, k'ambərsene kə dare da Damas.

⁹ K'eyi di mata maas ta eŋnəŋk-ε, əfədi peri, əfəmun.

¹⁰ Dəndo dare da Damas wəcəpse wəka Mariki darəŋ wələma enayi di pacwe kə Ananiyas. Kə Wəbe oloku kə kənəŋk disre: «Ananiyas!»

K'owose: «Iyi nnə, Mariki!»

¹¹ Kə Mariki oloku kə: «Məkə dərə dəkə aŋwe <Dolompu> mə, məkə məten nde kələ ka Yudas fum wəkə aŋwe Sol mə, wəka dare da Tarəs əyənne. Bawo ontola Kanu,

¹² kə Kanu kənamentər kə kənəŋk disre fum nwe aŋwe Ananiyas mə pəberər kə. K'endenər Sol waca, nte təŋsəŋe kə sə kənəŋk mə.»

¹³ Mba Ananiyas olukse: «Wəbe, inene afum alarəm ŋacləm pələc mpe fum wəkəkə əyə afum am acempi nde Yerusalem mə.

¹⁴ Nnə kəfo kəŋke yati kə alonne apəŋ aSuyif ŋanawure Sol a pədesumpər nwe o nwe ombonc tewe tam mə.»

¹⁵ Mba kə Wəbe oloku Ananiyas: «Məkə! Bawo fum wəkəkə paka pə mpe inayek-yek kəkətene tewe tem nnə abe a təf ya doru kə aka Yisrayel fər kirin mə.

¹⁶ Ina yati in'endementər Sol pəcu y fəp pəkə pəmar pədeceperene teta tewe tem mə.»

¹⁷ Kə Ananiyas əŋkə. Nte embəp kələ kəŋkə mə, k'embere, k'endenər Sol waca. K'oloku: «Sol Wenc im, Mariki Yesu, nwe enawurər əm nde dərə nde mənasolne məcder Damas mə, osom im nte təŋsəŋ'am sə kənəŋk, a məlare sə Amera Nəcempi ŋa Kanu mə.»

¹⁸ Gbəncana babəkə, kə ca yəŋkəŋe kə dəfər pəmə wokwok, kə fər yən yəntam sə kəcnəŋk. Kə Sol eyefe, k'əsətə kəgbət dəromun teta Kanu.

¹⁹ Nte elip kədi yeri mə, k'əsətə sə fənəntər.

Sol kəcam kən toloku ta Kanu dare da Damas

Kə Sol encepərēne mataka mələma kə acəpse a Mariki Yesu akə ŋanayi dare da Damas mə.

²⁰ K'eyefe kəcam katina dəwələ wa dəkətola Kanu da aSuyif, pəcloku a Yesu Wan ka Kanu əyənne.

²¹ Kə pənciyanε afum fəp aŋe ŋancne polok-loku pa Sol mə, kə ŋayif: «Bafə nkən nde Yerusalem encfəŋ kəmələk aŋe ŋancbonc tewe tantε mə ba? Bafə kəsumpər kəŋan k'enaderene nnə, pəkekəre ŋa nde alonne apəŋ ŋayi mə ba?»

²² Mba Sol pəcsətə kəsətə dəm kətam pəcsəŋe aSuyif aŋe ŋanayi dare da Damas mə kəcianε, kəcmentər a Yesu əyənne Krist, wəbe wəyək-yek wəka Kanu.

²³ Nte mataka móloma mencepær mǎ, aSuyif anje ñanayi Damas mǎ ñantǎñne kǎnim ka Sol.

²⁴ Kǎ Sol ende pǎcǎre tetǎñne tanjan. ASuyif ñancbum danj kǎ pibi kǎdewur kǎn dare nte tǎñsǎñne ñatam kǎnim kǎ mǎ.

²⁵ Mba pibi papǎkǎ kǎ acǎpse a Mariki Yesu darǎñ ñamber kǎ dǎkǎsaksaka, kǎ ñayokene kǎ damba da sanja sa dare darǎñ.

Kǎyi ka Sol Yerusalem

²⁶ Nte Sol emberǎ Yerusalem mǎ, k'ejsep kǎñǎkǎlene acǎpse a Mariki Yesu darǎñ. Mba fǎp fǎncnese kǎ, ta ñalan a nkǎn sǎ òyǎne wǎcǎpse wǎka Yesu darǎñ-ǎ.

²⁷ Mba kǎ Barnabas ǎlek kǎ, kǎ ñanjǎ nde asom a Yesu ñayi mǎ. Kǎ Barnabas ǎlǎmǎr ña nte Sol enanǎñk Mariki dǎpǎ, a kǎ Yesu olok-lokǎr kǎ mǎ, kǎ nte tewe ta Yesu kǎnasǎñne kǎ kǎbǎkne kǎlok-kǎloku mǎ.

²⁸ Sol ǎnckǎ pǎcder kǎ ña dǎndo Yerusalem pǎclok-loke kǎlanj disre tewe ta Mariki.

²⁹ Sol pǎclok-loku, pǎcgbekǎlene kǎ afum aKresi, mba, ña sǎ, ñacten kǎnim kǎ.

³⁰ Nte awenc alanj ñancǎre ti mǎ, kǎ ñasǎñne Sol kǎtor Sesari, k'ǎlek dǎpǎ k'ǎñkǎ dare da Tarǎs.

³¹ Kǎlonjkanǎ ka alanj Yesu a atǎf ña Yude, atǎf ña Kalile kǎ atǎf ña Samari, ña fǎp ñanayi pǎforu disre. Alanj Yesu ñancǎpǎsene bǎkǎc, ñayine kǎnese ka Wǎbǎ Kanu disre. Amera ñecempi ña Kanu ñencmarǎs kǎlonjkanǎ ka alanj Yesu, ti disre ñancla kǎla dǎm.

Kǎtamǎs ka Eney

³² Piyer nwe enccepær sǎdare sasǎkǎ fǎp mǎ, ǎnader pǎtor sǎ ndena afum acempi anje ñanandǎ dare da Lida mǎ.

³³ K'ǎñkǎ pǎbǎp di fum nwe ancwe Eney mǎ, ta ǎñkǎt-ǎ, pǎfǎntǎre debik meren camǎt-maas disre.

³⁴ Kǎ Piyer oloku kǎ: «Eney, Yesu Krist ǎntamǎs ǎm! Mǎyǎfe mǎna wǎsǎrka mǎner abik ñam!» Gbǎncana babǎkǎ k'ǎyǎfe, k'ǎncǎme.

³⁵ Nte aka Lida kǎ aka Sarǎñ fǎp ñanǎñk kǎ mǎ, kǎ ñanjǎfǎli mera yanjan nnǎ Mariki eyi mǎ.

Kǎyeki ka Tabita defi

³⁶ Wǎran wǎcǎpse ka Mariki Yesu darǎñ wǎlǎma ǎnayi dare da Yope, pǎcwe kǎ Tabita. Kusu kǎñan disre ancwe kǎ sǎ Dorkas, ti tǎyǎne «were». Wǎran wǎkǎkǎ ǎncyǎ mes mǎtǎt melarǎm, kǎ kǎmar.

³⁷ Mata mamǎkǎ disre, k'ǎfǎntǎre docu, k'ǎfi. K'ǎmbike kǎbel kǎn, k'ǎmpene ki nde dukulǎ da kǎlǎ darenc.

³⁸ Nte acǎpse a Mariki Yesu darǎñ ñane a Piyer eyi Lida nde dǎlǎtǎrne dare da Yope mǎ, kǎ ñasom arkun merǎñ kǎkǎletsene kǎ: «Ta mǎwon kǎcepær nde ndorosu.»

³⁹ Kǎ Piyer ǎyǎfe kǎ ñanjǎ kǎ asom anje merǎñ. Nte ñamberǎ mǎ, k'ǎmpene kǎ nde dukulǎ da kǎlǎ darenc. K'ǎcǎbokǎra fǎp ñander ñabǎp kǎ ñacbok, ñacmentǎr kǎ sǎbrumus kǎ yamos nyǎ Dorkas ǎnalompǎs nte ǎnayi kǎ ña mǎ.

⁴⁰ Kǎ Piyer owurene afum fǎp nde doru, k'ǎncǎp suwu, k'ǎontola Kanu tetǎn. Nte elip mǎ, k'ǎñkǎfǎle nde kǎbel kǎyi mǎ, k'ǎoloku: «Tabita, mǎyǎfe!» Awa kǎ Tabita emepi fǎr, nte ǎnǎñk Piyer mǎ, k'ǎyǎfe, k'ǎndǎ.

⁴¹ Kǎ Piyer ǎsǎñ kǎ kǎca, k'ǎyeki kǎ. K'ǎewe afum acempi kǎ acǎbokǎra, k'ǎmentǎr ña Tabita pǎyi wǎyenj.

⁴² Kǎ aka dare da Yope fǎp ñancǎre ti, kǎ alarǎm ñancop kǎlanj Mariki.

⁴³ Kǎ Piyer eyi dare da Yope mataka melarǎm, ndena Simǎñ wǎlǎma nwe encbǎc kata mǎ.

10

Kǎwe ka Piyer ndena Kǎrneli

¹ Warkun waloma enayi Sesari pacwe ko Korneli, payone wabe ka kagba ka asodar tasar tin (100). Kagba kanjo k'ancwe «Kagba Itali.»

² Nkon ko aka kelo kon disre fap nancnese Kanu, nacame tefan ta ki daraj. Korneli oncyone afum nonofar, pactola Kanu tem fap.

³ Dəsək däloma dec dərəfəy, k'enənk pəsoku pəs kənənk disre, melleke ma Kanu mäloma mebere nde kelo kon disre, ko mewe ko: «Korneli!»

⁴ K'engbatne mi, ko kanese kayi ko, k'eyif mi: «Acake Wabe?»

Ko melleke mamoko moloku ko: «Motola mam ko kayone kam afum nonofar, mes mamoko fap mēmpē nde Kanu far kirin, ko kancem-cemne mi.

⁵ Məsom on afum dare da Yope nakowen'am fum waloma nwe ajwe Simon ma, padenar ko tewe ta «Piyer».

⁶ Ndena Simon waloma eyi, wakako wabac kata ofo, kelo kon kayi kaba kasak.»

⁷ Nte melleke mamoko menalok-lokar ko mo menadelukus, ko Korneli ewe amarəs on meraj ko wasodar wacame mefan ma Kanu daraj waloma ajwe nanayi ko dantof mo.

⁸ Nte Korneli elip kəlmər asodar on mes mako menacepar nkon ko melleke daco mo, k'osom na Yope.

⁹ Dackəsək, nte nanayi dərə, a naclotərne dare da Yope mo, ko Piyer empese aker na kelo kon kakəron kəkətola Kanu, tenatəjne dan decbər.

¹⁰ Ko dor dəyə ko, k'efan kədi yeri. Tem təkə anayi kəlompəse ko yeri mo, k'enənk tes täloma nte tēyefē dəKanu mo.

¹¹ K'enənk kəm kəgbite, paka päloma mpe penawurenē ko manta mərənj mme ana-sumpər monkubut mankəle mo, montor han ko mēfəntərə dantof.

¹² Sem dokom fap yenayi manta mamoko disre, kayefe sem ya wecək mankəle, yelinje-linje han kabər bemp ya darenc.

¹³ Ko dim däloma doloku ko: «Piyer, Məyefē, mədif, məsom!»

¹⁴ Ko Piyer oloku: «Ala Wabe! Təlm o təlm tentasəne f'em kəsəm paka mpe sariye səməne mo.»

¹⁵ Tamərənj ko dim nde dolok-lokar ko so: «Paka mpe Kanu kəcempəs mo, ta mənə məyik-yikəs pi.»

¹⁶ Ko teyi kəmaas, pəwon fē k'ampənē dəkəm manta mamoko menayə sem mo.

¹⁷ Ko tedisre ta kənənk kanjo teyi Piyer yamayama. Tem tatəko to asom a Korneli, nte amentər na kelo ka Simon ma, ko nanjo ki nde dəkusunja.

¹⁸ Ko jawe, ko najif ko payone fo kelo kanjo ko Simon nwe andenar tewe ta «Piyer» mo eyi-ε.

¹⁹ Nte Piyer eyi kəcem-cemne tedisre ta kənənk kon mo, ko Amera na Kanu noloku ko: «Arkun maas naji nde dabanja nacten əm.

²⁰ Mətor, nəsol nəko ko na, ali kanese ta kay'im, bawo In'osom na.»

²¹ Ko Piyer ontor k'eyif arkun ajwe: «Ina nəntən, ta ake to nənderenē nnə-ε?»

²² Ko jaloku ko: «Korneli, wabe waka asodar tasar tin (100), fum walompu pacnese Kanu, nwe aSuyif fap nacare dətət dən akə nanjoku mes mən mətət mo, ndərən Kanu kəsəm melleke mosoku, a pəsak su sədew'am pəkəcənkəl əm nte pəmar məloku ko mo.»

²³ Awa ko Piyer emberse na deker, k'osənj na dəkiyi.

Dackəsək ko Piyer eyefe, k'ənjko ko na. K'awənc alənj a dare da Yope aləma nacəmbər ko.

²⁴ Ko nambere Sesari dackəsək, Korneli packar na, k'ewe akomene on aləma nde ndərən ko anapa on atət.

²⁵ Kabere ka Piyer, ko Korneli njko pəfayne ko, k'entempene ko wecək dantof. K'encəpe ko suwu.

²⁶ Mba ko Piyer eyekti ko, k'oloku: «Məyefē, ina so fum iyəne.»

²⁷ Najy kəlok-loku ko Korneli, k'emberē k'embəp afum alarəm njalonkanē.

²⁸ Kə Piyer oloku ɲa: «Nəncərə a aməne aSuyif kəbət kə acikəra, kə pəyone fe ti-ε, pəberε ndərən. Mba Kanu kəmentər im a pəmar fe a pakule fum o fum a eyik-yik, kə pəyone fe ti-ε, pəmar fe sə a pakule fum o fum a əsək fe fər ya Kanu kirin.

²⁹ It'əsəne nte məsom a pakəw'em mə, k'inder ali ta incemcemne-ε. Ndekəl iyif əm, T'ake tə məwen'em-ε?»

³⁰ Kə Kərneli oloku: «Təsətə mata maɲkələ ictola nnə nderem, dəfəy dendeber. K'inəɲk fər yem kirin wərkun wələma pəberne yamos yomotər-motər.

³¹ Kə fum wəkəkə oloku: «Kərneli, Kanu kəmbaɲ kətola kam, k'encemcemne sə kəyone kam afum nənəfər.

³² Məsom fum dare da Yope pakəwen'am Siməɲ nwe andenər tewe ta «Piyer» mə, nde kələ ka Siməɲ, wəbəc kata, nwe kələ kən kəyi kəba kəsək mə.»

³³ K'isom katina fum, kə mənə məsətə abəkək ɲətət kəder. Ndekəl oɲ səyi fəp fosu Kanu fər kirin, sədecəɲkəl moloku məkə Wəbe osom əm kəloku mə.»

Moloku ma Piyer ndena Kərneli

³⁴ Awa kə Piyer elek moloku, k'oloku: «Kance: Incərə oɲ a Kanu kəyi fe kəsək kin.

³⁵ Mba afum fəp dacə mənə nwe məɲnese Kanu, məcəme pəlompu darəɲ mə, Kanu kəmbaɲ əm.

³⁶ Kanu kənakenε aka Yisrayel toloku, pəcloku ɲa moloku mətət ma pəforu mpe Yesu Krist eɲkere afum fəp mə: Nkən əyone Wəbe ka afum fəp.

³⁷ Nənə nəncərə təkə teyi Yude fəp mə, Kalile tenacop, nte Saɲ enadəɲk kəgbət dəromun mə.

³⁸ Kanu kənabəy Yesu wəka Nasaret Amera Nəcempi ɲən kə fənəntər. Nnə o nnə enccepər mə, əncyə pətət, pəctaməs afum fəp aɲe amera ɲelεc ɲəntərəs mə, bawo Kanu kənayi kə nkən Yesu.

³⁹ Səyone atəɲne a mes fəp mme Yesu enayə nde atəf ɲa aSuyif kə Yerusalem mə. Nkən nwe ɲananim, ɲacaɲ kə dəkətək mə,

⁴⁰ mba Kanu kənasəne kə kəfəte dədefi tataka tən ta maas. Kə kəsəɲ kə kəmentərne,

⁴¹ bafə nnə afum fəp ɲayi mə, mba nnə atəɲne mes aɲe Kanu kənanuɲkenε kəyek-yek, kə səna aɲe sənadi yeri, səmun kə nkən nte enafəte afi dacə mə.

⁴² K'osom su kəloku afum, səmentər a nkən Yesu, nkən ə Kanu kəncəmbər kəyone nwe endeboce afum afi kə ayi wəyeɲ kiti mə.

⁴³ Sayibe fəp sənaloku tetən: Nwe o nwe εgbəkər kələɲ kən Yesu mə, endesətə nde Kanu kəyi mə kəɲaɲneε ka mes mən mεlec teta tewe ta Yesu.»

Atəyone aSuyif ɲəsətə Amera Nəcempi ɲa Kanu

⁴⁴ Moloku maməkə mə Piyer enayi kəloku, nte Amera Nəcempi ɲa Kanu ɲenatorər afum akə ɲancəɲkəl moloku mən mə.

⁴⁵ Cusu cənawos alaɲ a Kanu, akənc akə ɲanader kə Piyer mə, kənəɲk a kəpocε ka Amera Nəcempi kənasaməsər kəbər haɲ acikəra aɲe ɲantəyone aSuyif mə,

⁴⁶ bawo ɲancne ɲa kəkər-koru Kanu cusu c'acikəra.

Awa kə Piyer əɲgbəkəre:

⁴⁷ «Antam kəfatεne kəgbət afum dəromun nnə akaɲe ɲəsətə Amera Nəcempi pəmə səna mə ba?»

⁴⁸ K'oloku a pagbət akakə dəromun tewe ta Yesu Krist. Kə ɲaletseε Piyer kəyi dədo mataka mələma.

11

Piyer kəsəksər alaɲ a Yerusalem mes məkə mənacepər dare da Yope mə

¹ Asom a Yesu kə awenc aɲa alaɲ aɲe ɲanayi atəf ɲa Yude mə ɲane a acikəra, aɲe ɲantəyone aSuyif mə, ɲawose toloku ta Kanu.

² Nte Piyer enape Yerusalem mə, kə afum aɲe anakənc mə ɲayefe kənal kə,

³ ɲacloku: «Mɛmbɛrɛ ndena afum aɲɛ antɔkɛnc mɔ, kɔ mɛndi yeri kɔ ɲa, bawo aSuyif ɲanamɔnɛ ti!»

⁴ Awa kɔ Piyɛr ɛyɛfɛ kɛlɔmɛr ɲa tin tin tin mes mɔkɔ mɛnacɛpɛr mɔ:

⁵ «Ina, nde dare da Yope inayi, dɔsɔk dadɔkɔ ictola Kanu kɔ kɛnɛɲk kɛnder im. Ti disrɛ, k'inɛɲk paka pɔlɔma pɔctor powurɛnɛ kɔ manta pasumpɛr pi monkubut maɲkɛlɛ, kɔ pontor kɛyɛfɛ dɛkɔm haɲ nnɔ inayi mɔ.

⁶ Ntɛ inagbɛtnɛ pi disrɛ mɔ, k'inɛɲk sɛm ya wɛcɛk maɲkɛlɛ, sɛm ya dop, yeliɲɛ-liɲɛ, kɔ bɛmp ya dɛkɔm.

⁷ K'ine sɔ dim doclok'im: «Mɔyɛfɛ Piyɛr! Mɛdif, mɛsɔm.»

⁸ K'iloku: «Ala Wɛbɛ! Tɔlɔm o tɔlɔm tentasɔɲɛ f'em kɛbɛr paka pɔtɔcɛmp dɛkusu, mpɛ Kanu kɛmɔnɛ kɛdi mɔ.»

⁹ Kɔ dim ndɛ dɔɲgbɔkɛrɛ sɔ kɛyɛfɛ dɛkɔm: «Paka mpɛ Kanu kɛncɛmpɛs mɔ, ta mɛna mɛlɔkɛ pi kɛtɔcɛmp!»

¹⁰ Kɔ teyi kɛmaas, pɛwɔn fɛ kɔ ca nyɛ fɛp yolukus sɔ dɛkɔm.

¹¹ Gbɛncana babɔkɔ, kɔ arkun maas aɲɛ anasom nde nderem kɛyɛfɛ dare da Sesari mɔ, ɲander ɲacɛmɛ dɛkusunɲa ka kɛlɔ kɛɲkɔ sɛnayi mɔ.

¹² Kɔ Amera ɲɛcɛmpi ɲolok'im a sɛsol sɛkɔ kɔ ɲa, ali inɛsɛ fɛ. Kɔ awɛnc asu aɲa alaɲ camɛt-tin aɲɛ ɲacɛm'em darɛɲ, kɔ sɛɲkɔ sɛbɛrɛ ndena Kɔrneli.

¹³ Kɔ Kɔrneli oloku su ntɛ ɛnanɛɲk mɛlɛkɛ nde ndɔrɔn, kɔ moloku kɔ: «Mɛsɔm fum dare da Yope pakɔ wen'am Simɔɲ, wɛkɔ andɛɲɛr tewɛ ta «Piyɛr» mɔ.

¹⁴ Nwɛ endelok'am moloku mmɛ mɛndɛyac ɛm, kɛbɛp aka kɛlɔ kam disrɛ fɛp mɔ.»

¹⁵ Iyi kɛlɔk-lɔku, kɔ Amera ɲɛcɛmpi ɲa Kanu ɲontɔrɛr ɲa pɛmɔ ntɛ ɲɛnatorɛr sɛna sɔ dɛkɛcɔp mɔ.

¹⁶ Awa k'incɛm-cɛmnɛ toloku ta Mariki ntɛ ɛnaloku: «Dɛromun Saɲ ɛnagbɛt afum, mba nɛna Amera ɲɛcɛmpi ɲa Kanu ɲɔ nɛndɛsɔtɔnɛ kɛgbɛt dɛromun tɛta Kanu.»

¹⁷ Kɔ pɛyɔnɛ a kɛpɔcɛ kin kayi kɔ ɲanasɔtɛr Kanu pɛmɔ sɛna aɲɛ sɛlaɲ Yesu Krist mɔ-ɛ, an'inatam kɛyɔnɛ-ɛ ntɛ ɲɲkɔyamsɛr Kanu mɔ?»

¹⁸ Ntɛ ɲane moloku mamɔkɔ mɔ, kɔ bɛkɛc yontɔr ɲa, kɔ ɲaɲkor-koru Kanu, ɲacloku: «Kanu kɛsɔɲ sɔ acikɛra aɲɛ ɲantɔyɔnɛ aSuyif mɔ kɛtam kɛsɛkpɛr bɛkɛc, ntɛ tɔɲsɔɲɛ ɲasɔtɔ tɛcɛpɛrɛnɛ doru ntɛ Kanu kɛfaɲ mɔ!»

Kɛlɔɲkanɛ ka alaɲ Yesu nde dare da Antiyɔk

¹⁹ Ntɛ andif Etiyɛn mɔ, k'ancɔp kɛtɔrɛs afum alaɲ kɔ tɔsɔɲɛ ɲa kɛsamsɛr. Alɔma ɲanakɔ atɔf ɲa Fenisi, alɔma ɲakɔ Sipɛr, alɔma ɲakɔ haɲ Antiyɔk, ɲanclukɛ fɛ nwɛ o nwɛ sɔ toloku ta Kanu mɛnɛ aSuyif gbɛcɛrɛm.

²⁰ Afum akakɔ daco, alɔma ɲanayi, aɲɛ ɲanader dare da Antiyɔk kɛyɛfɛ ka sɛdare sa Sipɛr kɔ Siren mɔ, ɲancɛpɛr aKɛk, ɲacloku ɲa toloku tɔtɔt ta Mariki Yesu.

²¹ Kɛca ka Mariki kɛnayi alaɲ akakɔ kɛrɔɲ. Kɔ afum alarɛm ɲayɔnɛ alaɲ, kɔ ɲaɲkafɛli bɛkɛc yaɲaɲ nnɔ Mariki eyi mɔ.

²² Kɔ moloku mamɔkɔ mɛmbɛrɛ kɛlɔɲkanɛ ka alaɲ Yesu ka Yerusalem dɛlɔɲɛs, k'asom Barnabas Antiyɔk.

²³ Kɛbɛrɛ kɔn di, ntɛ ɛnadenɛɲk pɛtɔt kɔ pɛbotu mpɛ Kanu kɛnayɔnɛ alaɲ a Antiyɔk mɔ, kɔ pɛmbɔt kɔ. K'ɛɲgbɛɲɛr ɲa kɛgbɛkɛr ka Mariki mɛra yaɲaɲ fɛp kɛlaɲ disrɛ.

²⁴ Barnabas fum wɛtɔt ɛnayi. Kɛlaɲ kɛnayi kɔ dɛbɛkɛc kɔ Amera ɲɛcɛmpi ɲa Kanu ɲeyi kɔ sɔ darɛɲ. Kɔ afum alarɛm ɲancɛmɛ dɔpɔ da Mariki darɛɲ.

²⁵ Kɔ Barnabas ɛɲkɔ dare da Tarɛs kɛlɛk Sol.

²⁶ Ntɛ Barnabas ɛnɛɲk Sol mɔ, k'ɛɲkɛkɛrɛ kɔ Antiyɔk. Terɛn tin camcam, ɲactɔɲɛnɛ kɛlɔɲkanɛ ka alaɲ, kɔ ɲaɲtɛkɛ kɛnay ka afum. Dɛndo Antiyɔk, difɔ anacɔp tɔcɔkɔ-cɔkɔ kɛwɛ acɛpɛ a Mariki Yesu darɛɲ «aka Krist.»*

* **11:26** Aka Krist = cɔTabo «chrétiens», itɔ tɔkɔ kusu ka Kresi «kristianos», itɔ'mɛntɛr cɔBaka «aɲɛ ɲawurɛnɛ Krist mɔ».

²⁷ Mata mamakɔ, kɔ sayibe sa Kanu salɔma nantor dare da Antiyɔk kayefe Yerusalem.

²⁸ Wakin enayi na daco pacwe kɔ Akabus, k'eyefe, kɔ Amera Necempi nasɔne kɔ kadɔnk a dor dendeyi doru fɔp. Dor dadakɔ denader deyɔ tem nte Kalod enayone wabe ka taf ya Rom fɔp mɔ.

²⁹ Kɔ acɛpse a Yesu nancem-cemne kafek teta kamar ka awenc ana alan ane nanayi atɔf na Yude mɔ, nwe o nwe kɔ nte enatam kafek mɔ.

³⁰ Ita nanayo: Kɔ nasom Barnabas kɔ Sol kakenɛ ki abeki ane nanayi kalonkanɛ ka alan a Yude mɔ.

12

Kadifka Sak, kɔ kabɛr ka Piyɛr dɔbili

¹ Tem tatɔkɔ tɔ wabe waka atɔf Herodu enatɔpsɛr afum alan alɔma waca teta katɔrɛs kɔnan.

² K'endife Sak wenc ka Isan dakma.

³ Nte Herodu enanɔnk a mɔyɔ mɔn mamakɔ mɔncɔt aSuyif mɔ, k'encem-cemne sɔ katɔp Piyɛr waca, nte tɔnsɔne pɛcanɛr kɔ mɔ. Mataka ma kasata kɔpɔn ka aSuyif menayi: Kasata ka cɔcom cɔtɔnɔnkɔl lebin.

⁴ Nte Herodu osumpɛr Piyɛr, k'embɛr kɔ dɔbili mɔ, k'ɔsɔn cɛgba mankɔle ca asɔdar kabum kɔn, kɛgba o kɛgba kanayɔ asɔdar mankɔle. Encem-cemne kabocɛr Piyɛr kiti fɔr ya afum fɔp kirin kɔ kasata ka Kɛpɛr ka Mɛlɛkɛ Medif kɛncɛpɛr-ɛ.

⁵ Ancbum Piyɛr dɔbili, mba afum alan nanctolanɛ kɔ belbel nnɔ Kanu kayi mɔ tem fɔp.

Kawure ka Piyɛr dɔbili

⁶ Nte dɔsɔk nde Herodu enacem-cemne kabocɛr Piyɛr kiti dembɔp mɔ, pibi papɔkɔ, pakote Piyɛr gbekce mɛrɔn, pɛfantɛrɛ pɛcdire asɔdar mɛrɔn daco. Nde dakumba, asɔdar nanacɛmɛ sɔ dɔndo nɔcbum bili.

⁷ Gbancana babakɔ, kɔ wɔsom waka darenc, mɛlɛkɛ ma Wabe, mender, kɔ pɔmot pɔsɔn pɔwanɔkɛra bili disre. Kɔ mɛlɛkɛ mmɛ mentimi Piyɛr m'ocsut-sut kɔ kasɔk, kɔ moloku kɔ: «Mɛyefe katana!» Kɔ gbekce yɔnkɔne kɔ dawaca.

⁸ Kɔ mɛlɛkɛ moloku kɔ: «Mɛlɛk yamos yam, mɛbɛrne cɔfta cam!» Kɔ Piyɛr ɔyɔ mamakɔ fɔp. Kɔ mɛlɛkɛ moloku kɔ sɔ: «Mɛbɛrne yi, mɛcɛm'em darɔn!»

⁹ Kɔ Piyɛr encɛmɛ mɛlɛkɛ mmɛ darɔn. Enacɛrɛ fe a kamar ka mɛlɛkɛ kanɔkɔ a kance kɔ: kɔnanɔnk ka darenc kɔ nkɔn enacem-cemne.

¹⁰ Nte nɛncɛpɛr abum acɔkɔ-cɔkɔ kɔ aka mɛrɔn mɔ, kɔ nambɔp kumba ka fec nke kanatɛfɛrne dare mɔ. Kɔ kumba kɔngbitɛ kisɛrka fɔr yanɔn kirin, kɔ nawur, kɔ nasumpɛr dɔpɔ dɔlɔma. Gbancana babakɔ, kɔ mɛlɛkɛ mesak Piyɛr.

¹¹ Nte pɛndecɛrɔne Piyɛr mɔ, k'oloku: «Incɛrɛ on a Wabe osomna mɛlɛkɛ mɔn, mede mɛban im waca wa Herodu disre, kɔ pɛlec pɔkɔ aSuyif nanafan'em mɔ fɔp.»

¹² Nte encɛrɛ ti on mɔ, k'ɔnkɔ nde kɔlɔ ka Mari, iya waka Isan, nwe ancdenɛr tewe ta «Mark» mɔ, nde afum alarɛm nanalonkanɛ nactola Kanu mɔ.

¹³ Nte Piyɛr osut-sut kumba ka dakɛbɛrɛ mɔ, kɔ wɛyɛcɛra wɔlɔma pacwe kɔ Rodu, ɔncɔne kɔkɔcɔnkɔl.

¹⁴ Kɔ Rodu enɛpɛl dim da Piyɛr, mba pɛbotu disre ɛngbiti fe kumba. K'eyɛkse kɔkɔloku afum ane nanayi dakɔlɔ mɔ a Piyɛr endɛr, k'encɛmɛ dakumba.

¹⁵ Kɔ afum naloku Rodu: «Mɔna mɛntamne fe!» Mba k'ɛngbɛc a tɔkɔ oloku mɔ itɔ teyi. Kɔ naloku: «Mɛlɛkɛ mɔn mɔ!»

¹⁶ Piyɛr nkɔn pɛcsut-sut kasut-sut dɛm kumba. Nte nɛngbiti kumba kɔ nanɔnk Piyɛr mɔ, kɔ cusu cɔwɔs na.

¹⁷ K'olok-lokɛrɛ na kɛca a nɛcanɔnk, k'ɔlɔmɛr na nte Wabe owure kɔ dɔbili mɔ. K'oloku: «Nɔloku ti Sak kɔ awenc asu.» K'owur k'ɔnkɔ kɛfo kɔlɔma.

¹⁸ Nte dec dɔsɔk mɔ, kɔ pɔyamayama pɔpɔn peyi asɔdar daco: Akesɔtɔ Piyer-ε, Deke eyi-ε?

¹⁹ Kɔ Herodu osom a paten Piyer, mba njananɛnk fe kɔ. K'ombocɔr asɔdar akakɔ nancbum Piyer mɔ kiti, kɔ Herodu oloku a padif nja. Nte telip mɔ, kɔ Piyer eyefe atɔf nja Yude, k'ontor dare da Sesari kɔkɔcepɔrenε di tem tɔlɔma.

Kafi ka wɔbe Herodu

²⁰ Herodu enayi kɔyefɔrenε kɔ aka sɔdare sa Tir kɔ Sidɔn. Mba kɔtɔnne disre aka sɔdare sasɔkɔ nander nɔbɔp Herodu. Nte nɔsɔp kɔsɔtɔr Bɔlastus nwe enayɔne wɔtɔmpɔr ka mes ma kɔlɔ disre ma wɔbe Herodu mɔ, pɔmar nja kɔsɔtɔr Herodu pɔforu, bawo ndrɔn tɔf yanjan yɔncsɔtɔ yeri.

²¹ Nte tataka tanjan tetɔnne tembɔp mɔ, kɔ Herodu embɛrne yamos yɔn ya dɛbe, pɔnde nde anɔbancan nɔn pɔclɔk-locɔr nja.

²² Tem nte afum fɔp nancule-kule, a nɔclɔku: «Bafɔ dim da fum dɔ dandε, mba da kanu dɔ!»

²³ Gbɔncana babɔkɔ kɔ mɛlekε ma Wɔbe mosut kɔ, bawo enayek-yekɔs fe Kanu, kɔ yet yoncop kɔsɔm kɔ, k'efi.

²⁴ Toloku ta Wɔbe tencsam oɔ kɔsɔm dɔm tɔckɔ kirinɔ.

²⁵ Barnabas kɔ Sol nte nɔlip kɔkɔtɛnε kɔsɔm kɔnjan nde dare da Yerusalem mɔ, kɔ nɔlukus, nɔclɛkɛnε Isan, nwe anɔndenɔr tewe ta «Mark» mɔ.

13

Ayek-yek Barnabas kɔ Sol kɔkɔtɛnε ka moloku ma Kanu

¹ Kɔlonkanε ka alan nje njanayi dare da Antiyɔk mɔ, sayibe-e kɔ atɔkse njanayi nja daco: Barnabas, Simeyɔn nwe anɔndenɔr tewe ta «Wɔbi» mɔ, Lusiyus wɔka Siren, Manahɛn nwe anadusum kɔfɔ kin kɔ Herodu wɔbe wɔka topoc tin k'ayer atɔf kɔmanɔkɔle-ε, kɔ Sol.

² Dɔsɔk dɔlɔma, alan akakɔ nancor-koru Kanu, nɔsunεnε sɔ, kɔ Amɛra Nɛcɛmpi nja Kanu nɔloku: «Nɛcɛmbɔr em kɔsɔk Barnabas kɔ Sol, teta yebac yɔkɔ inawenε nja mɔ.»

³ Nte alan nɔlip kɔsun kɔ kɔtola Kanu mɔ, kɔ nɔndenɔr Barnabas kɔ Sol waca, kɔ nɔsom nja.

Kayi ka Barnabas kɔ Sol nde Sipɔr

⁴ Nte Amɛra Nɛcɛmpi nja Kanu nɔsom Barnabas kɔ Sol mɔ, kɔ nɔntor atɔf nja Selusi, dɔndo nɔnalek abil kɔ nancali kɔkɔ ka mɔkuru ma Sipɔr.

⁵ Nte nɔmbɛrε Salamin mɔ, kɔ nɔncɔp kɔlukse toloku ta Kanu nde dɔkɔtola Kanu da aSuyif. Isan enayi di pɔcmar nja.

⁶ Nte nancali mɔkuru han dare da Pafɔs mɔ, kɔ nɔmbɔp di fum wɔwɛnɔkε wɔlɔma pɔcwenε sayibe, mba ta ɔyɔnε si-ε. WɔSuyif enayi, pacwe kɔ Bar-Yesu.

⁷ Wɔwɛnɔkε wɔkakɔ ndena Serkus Polu enayi, nwe enayɔnε wɔkirin wɔka sɔdare sa atɔf nɔnɔkɔ mɔ. Nkɔn Serkus Polu wɔrkun wɔcɛmpi dɔmp enayi. K'ender k'ewe Barnabas kɔ Sol pɔcten kɔnenε nja toloku ta Kanu.

⁸ Elimas, itɔ tatɔkɔ «wɔwɛnɔkε» kusu kɔnjan, encgbekɔl moloku ma Barnabas kɔ Sol, pɔcten kɔkɔfɔli kɔlan ka wɔkirin Serkus Polu.

⁹ Mba Sol, nwe ancwe sɔ Pol mɔ, Amɛra Nɛcɛmpi nɛyi kɔ darɔn, k'ɛnɔbɔtnε Elimas.

¹⁰ Kɔ Sol oloku kɔ: «Mɔna wɔkakɔ mɔla mowul kɔ yem mɔ, wɔka amɛra nɛlɛc, wɔter pɔlompɔ fɔp, mɔfɔsak kɔkɔfɔli-kɔfɔli sɔpɔ sa Wɔbe Kanu nse sɔlomp mɔ ba?

¹¹ Nɔkɔl kɔca ka Wɔbe kɔy'ɔm kɔrɔn: Wɔtɔnɔnk mɔndeyɔnε! Tem tendebɔp, mɔndeyi ta mɔnɔnk pɔwanɔkɔra pa dec-ε.»

Gbɔncana babɔkɔ kɔ fɔr yɔyɔ kɔ pafulu kɔ kubump kɔwɛkɔrne kɔ. K'eyefe kɔnana-nana pɔcten kɔca nkε kɔnkɔsumɔr kɔ kɔsolε mɔ.

¹² Nte wəkiriŋ ka dətəf enəŋk nte tenacepər mə, k'oyəne wəlan. Metəkse mme enanene Barnabas kə Sol teta Wəbe mə menabət kə dəbəkək.

Pol kə Barnabas dare da Antiyək nde Pisidi

¹³ Nte Pol kə asol ən nayeƒe dare da Pafəs mə, kə nayeƒti abela kəkə ka Perke, nde atəf nja Panfili. Kə Isan Mark engbey nja, k'olukus Yerusalem.

¹⁴ Kə nayeƒe Perke nəcəme dəpə danan darəŋ han Antiyək, atəf nja Pisidi. Kə njan kə dəkətola Kanu da aSuyif simiti, dəsək da kəŋesəm, kə nandε.

¹⁵ Nte alip kəkaran Tawureta Musa kə Sayibe mə, kə abε a kələ ka dəkətola da Kanu nde njaloku Barnabas kə Pol: «Awenc asu nja, kə nəyə toloku tecəpəse abəkək nte nəŋfan kəluku afum mə, nəloku ti.»

¹⁶ Kə Pol eyefε, k'ondot kəca, k'oloku: «Arkun a Yisrayel, kə nənna alpəs anε nəŋnese Kanu mə, nəcəŋkəl!

¹⁷ Kanu ka afum akanε, Kanu ka Yisrayel, kə nayeƒk-yek atem asu, kə kəsəŋε nja kəla tēm nte njanayi decikəra Misira mə, kə Kanu kin kan kəkə kəwurene nja atəf njanəkə fənəntər fa kəca kən.

¹⁸ Kə kələke nja mes mēlec maŋan nde dətεgbəre meren wəco maŋkələ (40).

¹⁹ Nte Kanu kənim afum a cusun ka camət-merəŋ nde atəf nja Kanan mə, kə kəsəŋ atəf njanəkə afum ən nte tənəŋε nəyəne nja ke mə.

²⁰ Mes maməkə fəp mənawon meren masar maŋkələ kə wəco kəcamat (450).

Nte tatəkə tencepər mə, kə Kanu kəsəŋ nja aboc kiti, anε njanatəmpər dəbe da aka Yisrayel mə han kəbəp ka tēm ta an nabi Samiyel.

²¹ Kə tēyefε dənda kə aka Yisrayel nja wawer Kanu wəbe. Kə kəsəŋ nja Sawul wan ka Kis pəyəne nja wəbe meren wəco maŋkələ (40). Fum wəka kusun ka Benjamine enayi.

²² Nte Kanu kəfan Sawul mə, kə kəsəŋ nja wəbe Dawuda, nwe Kanu kənaloke nte mə: «Inəŋk Dawuda wan ka Yisay, fum əfə nwe səwurene bəkək mə, incem-cemne a endeyə mēfan mem fəp.»

²³ Kəbənda ka dokombəra da nkən Dawuda, difə Kanu kənasəŋ kəkə kom ka Yesu Krist kədəyənε ka nwe endeyac afum a Yisrayel, pəmə nte kənasəŋ ti atem asu temer mə.

²⁴ Ta Yesu entader-ε, Saŋ enacam kəgbət dəromun, nte tənəŋε afum a Yisrayel fəp nja səkpər bəkək yanjan yətəfərne Kanu mə.

²⁵ Nte Saŋ encləpəs yebac nyε Kanu kənasom kə mə, encyif: «Pēcem-cemne ponu, an'iyənε-ε? Nwe nəncem-cemne a nkən iyənε mə, bafə nkən iyənε de! Mba endeder tadarəŋ tem nwe pəntəmar im yati kəsikəli cəfta dəwəcək mə.»

²⁶ Awenc im nja, nənna awut aka dokom da Abraham, kə nənna akə nəŋnese Kanu mə, səna nja anakere toloku nte tendeyac su mə.

²⁷ Mba aka Yerusalem kə abε anjan njanacəre fε fum nwe Yesu enayənε mə. Njanəgbəkəre fε sə moloku ma sayibe mme anckaran simiti o simiti dəsək da kəŋesəm mə, mba njanader njalas moloku maməkə nte njanabocər Yesu kiti mə.

²⁸ Njanəsətə fε nte o nte təkə pənamar a njadife Yesu mə, mba kə nantola Pilat kədif kən.

²⁹ Nte njalip kəyə mes fəp məkə anacic tetən mə, kə nantore kə dətək yepəmpəl, kə njan kə njaboc kə dəkufu.

³⁰ Mba Kanu kənasəŋε kə kəfətε afi dacə.

³¹ Kə Yesu owurər mataka mēlarəm akə njanape kə nkən kəyefε Kalile kəkə ka Yerusalem mə. Nja nyanəne on anε njanatəŋne kəyefε ka Yesu afi dacə mə, nja njan tam sə kəlukse ti afum aləma.

³² Kə səna toloku tətət tatəkə tə səloku nu: Temer mpe anasəŋ atem asu mə,

³³ Kanu kəlase su ti belbel, səna dokomēne danan, kəyektı ka Yesu, pəmə təkə ancic ti Yabura Dawuda ya mēreŋ disre mə: «Wan kem məyənε,

bawo in'okom am kayefe mako.»

³⁴ Kanu kanaloku a kandeyekti ko afa daco, nte tansone ta oluksarne pate mo. Ti tenasone peloku:

«Indesone nu memer mosoku mme inasone Dawuda mo, memer mme moyone kance mo.»

³⁵ Ita Kanu kalokene kfo kaloma Yabura Dawuda disre: «Mafodesak Wosoku wakam pate dakufu.»

³⁶ Dawuda nkon enabac tefan ta Kanu detemp don disre, k'efantere k'efi, k'awup ko nde atem on kasak, k'ente dakufu.

³⁷ Mba fum nwe Kanu kanasone kafote afa daco mo, nkon enate fe.

³⁸ Awenc im ana, nacre ti: Teta nkon Yesu t'ancame nu kansonene ka kiciya, kiciya nke sariye sa Musa sanatotam kasokase nu mo.

³⁹ Ti disre, nwe o nwe engbekar kalan kon Yesu mo, Kanu kandesokas ko.

⁴⁰ Nakembarne nte tansone mes mako sayibe njancic mo ta mebap nu:

⁴¹ «Nemoman nana afum ane nambotar kafani mo!

Nayi pacyane disre, nasole!

Bawo ina kayo k'inder tes toloma kiyi konu doru kanke disre, tes nte nantodelan ko fum oloku nu ti-e.»

⁴² Nte Pol ko Barnabas jawur dakatola Kanu da aSuyif mo, ko afum jaltsene na kader so simiti dosok da konesam doko dender mo kadegbokare moloku min mayi.

⁴³ Nte kanay kasaktene mo, aSuyif alaram ko ako jambere dine d'aSuyif mo nancepse Pol ko Barnabas kalok-loku kajan disre. Ko akako nasep kacapas na bakac teta kasumpar kamar ka Kanu.

⁴⁴ Simiti dosok da konesam nde denaconc mo, ko aka dare fap jalonkane kakocankal toloku ta Wabe.

⁴⁵ Nte aSuyif nananank kanay ka afum mo, ko jayo karaca kapon. Ko jayefe kagbekal Pol, jaclomas ko.

⁴⁶ Pol ko Barnabas jambakne kaloku na: «Nana yati panamar a pacop kalukse toloku ta Kanu. Mba nte nanabupare ti, ko nancem-cemne a pamar fe a nasoto kiyi wayen ka doru o doru mo, ndekal on sana sendekafale sako ndena ako nantoyone aSuyif mo.

⁴⁷ Bawo Wabe osom su nte:

«Isone'am kayone pawankara pa taf, nte tsonne makekare kayac ka afum han nde cepar ca doru fap cayi mo.»

⁴⁸ Nte afum nane ti mo, ko pambot atoyone aSuyif dabekac. Ko njakor-koru toloku ta Wabe, ane Kanu kanacambare kiyi wayen ka doru o doru mo, ko jayone alan.

⁴⁹ Ko toloku ta Wabe tesamasar dotaf fap.

⁵⁰ Mba ko aSuyif aloma njangbiner aran abeki akor-koru Kanu, ko abeki a dare, ko njancop kataras Pol ko Barnabas teta kalan kajan ko jambelas na dare danan.

⁵¹ Pol ko Barnabas njankoner na kafal ka wacak wajan, ko toyone sede sa kafati kajan kacankal toloku ta Kanu, ko njanko Ikoniyon. *

⁵² Pambot acerse a Yesu darone, ko Amera Necempi na Kanu nenayi ko na.

14

Pol ko Barnabas nde dare da Ikoniyon

13:33 Yabura 2.7 **13:34** Esayi 55.3 **13:35** Yabura 16.10 **13:41** Habakuk 1.5 **13:47** Esayi 49.6 * **13:51** Njankoner na kabof ka wacak wajan = pamo tako Mariki Yesu enaloku ti acerse on darone mo: a dare o dare doko njanko a tawose kacankal toloku ta Kanu mo, a njankoner dare dadoko kabof ka wacak wajan. Ti tenmentar a njancepar dare dadoko ako antawose kacankal toloku ta Kanu.

¹ Dando dare da Ikoniyon, Pol ko Barnabas nambere dakatola Kanu da aSuyif. Ko jaloku moloku mme menasone aSuyif ko aKresi alaram kagbekar Yesu kalan ma.

² Mba ko aSuyif ayeŋki sabomp ane nambere afum atoyone aSuyif mer kater ka awenc ana alan.

³ Ti disre, Pol ko Barnabas nambolase kiya kanan dando dare dadoko. Ko jalok-loke kagbekar mera yanjan teta MARIKI. Ko MARIKI asoŋ na fanontar fayone mes mewey-wey ko megbekere, pamentar so kance ka mes mako Pol ko Barnabas nancam kamar kon disre.

⁴ Ko kanay ka afum a dare dadoko nayersene. Aloma nanayine aSuyif, aloma nayine asom a Yesu.

⁵ Mba, aSuyif ko acikera kabap ka abe anan nanalompasne kakataras Pol ko Barnabas kaca-cas kanan masar han jadif na.

⁶ Nte Pol ko Barnabas hane ti ma, ko hayekse kakoyacne nde Listar ko Derbe, sadare sa ataf na Likayoni, ko sakasak sayi.

⁷ Dando so nancam toloku totot ta Yesu.

Pol ko Barnabas nde dare da Listar

⁸ Fum walama enayi Listar payone watonkulu, wacak won wenafi. Kayefe nte ankom ko ma, ali onkot fe. Enande,

⁹ paccanjel moloku ma Pol. Ko Pol engbatne ko. Nte enank a watonkulu yo kalan nke kantam kayac ko ma,

¹⁰ ko Pol oloke ko dim doroŋ: «Meyefe! Macame wacak wam karon, malomp!» Ko warkun nwe oyokne, k'eyefe k'encame kakot.

¹¹ Ko kanay ka afum akako nanank nte Pol yo ma, ko afum kanay nampene cাবেbe njaloku cəLikayoni: «Canu cantanjale afum ko cantor nno ndorosu!»

¹² Ti tenasone nawe Barnabas «Sus», nawe Pol nkon «Hermes», bawo Pol nkon encerepene moloku.*

¹³ Waloŋene ka Sus enakere mura ko yenekas nde dakabere da kalo ka dakalonne nde deyi nde dare dakusu ma. Pnabas ko kalonne mi, nkon ko kanay ka afum nno Pol ko Barnabas hayi ma.

¹⁴ Mba nte asom a Yesu Barnabas ko Pol hane ti ma, ko nawal-wali yamos yanjan, ko nambere afum daco njakule-kule:

¹⁵ «Anapa! Ta ake to nayone tante-e? Sana so, afum no sayone, palompas su tin tayi pamona. Saloku nu toloku totot nte tonsone nasak mes meyamayama mame ma! Nakafalar Kanu for nke kayi wayen ma, Kanu nke kalompas kom, antaf ko kaba, ko ca yoko yeyi ki ma fap.

¹⁶ Detemp dako denacepar ma, Kanu kanawosene afum a taf ya doru fap njactam kacame doru daran dako nanfan ma.

¹⁷ Ali nte nkon Kanu kanatasak kamentar nu dotot damoyo mon ma, bawo kansoŋ nu wacafan, kansoŋe so yobofyonu kakom palaram, ko kansoŋ nu so yeri yelaram, ko kanclas nu so pabotu dabakac.»

¹⁸ Ali nte Pol ko Barnabas njaloku moloku mamako ma, pacuca penayi na kayamsar ka kanay kanjo kalonne cəna nce nanafan kalonne na ma.

¹⁹ Ko aSuyif aloma nander kayefe Antiyok na Pisidi ko Ikoniyon, ko nasep han ko njantalər kanay ka afum akako. Nte to ko kanay ka afum ane hayefe kaca-cas Pol. Telpas ko njalinəs ko han dare kasak, njacem-cemne a efi.

²⁰ Mba nte acepse a Yesu daran njadekel Pol ma, k'eyefe, k'oluksarne dare. Dockasak ko nanjo dare da Derbe, nkon ko Barnabas.

Kalukus ka Pol ko Barnabas Antiyok ataf na Siri

* 14:12 Dine da aKresi «Sus» enayone wabe ka canu, ko «Hermes» enayone wacerepene kon moloku.

21 Nte Pol ko Barnabas nambap dare da Derbe ko nancam dando toloku totot ta Yesu. Ko nasoto di afum alaram ane nanalan teta Yesu mo. Nte to ko nalek dapo kalukus ka Listar, Ikoniyon ko Antiyok na Pisidi.

22 Ko nacapas accepse daraj bakac, nacgbinar na kayine kalan, nacloku: «Ko sana, mene seceporene pacuy pelaram a sacbere nde akip na debe da Kanu dontof.»

23 Ko nayek-yek na abeki dakalonkane fap da alan. Nte nalip katola Kanu ko kasun mo, Pol ko Barnabas nasaj na Mariki nwe nanagbekar kalan mo kabum kanan.

24 Ko nancepar dapo da atof na Pisidi ko nambere atof na Panfili.

25 Nte nalip kaloku toloku ta MARIKI dare da Perke mo, ko nantor dare da Atali.

26 Dando Atali, difo Pol ko Barnabas nanalek abil ko nancali kaka Antiyok na Siri, dare nde anatolane na kamar ka Kanu teta yebac nye nanalip mo.

27 Nte nambere mo, ko nalonka alan a Antiyok fap, ko nalom toko Kanu kanayone na mo, ko toko nkon Kanu kanasone atoyone aSuyif kalan mo.

28 Pol ko Barnabas nawon dando dare dadoko ko accepse a Mariki Yesu daraj.

15

Kabapsene ka alan nde Yerusalem

1 Afum aloma nanayefe atof na Yude, nactakse awenc anja alan nte: Ko nantoyo pakenc nu pamo toko toyo tokur ta Musa toloku ti mo, Kanu kafadewose kayac nu.

2 Nte Pol ko Barnabas nangbekalene ko arkun akako kalijene kanan moloku mo, ko nantagne a nkon Pol ko Barnabas kabap ka akin akin arkun akako daco, nako Yerusalem kakonone moloku mamako nno asom a Yesu ko abeki a kalonkane ka alan for kirin.

3 Ko kalonkane ka alan a Antiyok nasaj na daka nde panamar a najo teta marant mo. Nte nancepar atof na Fenisi ko atof na Samari mo, ko nalomar na nte atoyone aSuyif nanakafali bakac yanjan nno Mariki eyi mo, nacsone awenc anja alan fap pabotu.

4 Nte nambere Yerusalem mo, ko kalonkane ka alan, asom a Yesu, ko abeki a kalonkane namban na. Nte to Pol ko Barnabas nalom toko Kanu kanayo fap ko na mo.

5 Awa ko aFarisi aloma ane nanayone alan mo nayefe ko naloku: «Pamar pakenc atoyone aSuyif, pagbinar na so kaleles sariye sa Musa.»

6 Asom a Yesu ko abeki a alan aka Yerusalem nanabapsene kakomaman ka tes tatoko.

7 Nte kagbekalene kawon na daco mo, ko Piyer eyefe k'oloku: «Arkun, awenc im anja, nancare ti: A pawon nte Kanu kanayek-yek im nana daco kacam ka Kibaru Katot ka Yesu, nte tonsone atoyone aSuyif natam kane ti ko kalan ti mo.

8 Kanu kancare bakac ya afum, Ki yati kamentar a kamban atoyone aSuyif, bawo kasaj na so Amera Necempi pamo sana.

9 Ali kagbey kafet engbey fe su ko atoyone aSuyif, bawo kalan k'osokas na bakac.

10 Ndekal on, ta ake to nafan kadakatere Kanu-e? Nte nafan kasarsar accepse a Yesu tes tocu nte, kayefe atem asu han sana yati santotam kasare mo.

11 Mba salan a andeyac su kamar ka Mariki Yesu disre pamo na atoyone aSuyif.»

12 Kanay ka afum fap nanacanj, k'ancanjkal on moloku ma Barnabas ko Pol. Ko nalom mes mewey-wey ko megbekare mme Kanu kanasone na kayo atoyone aSuyif daco mo.

13 Nte nalip kaloku mo, ko Sak endenar: «Awenc im anja! Nancanjkal im!

14 Simeyaji lom toko-toko nte Kanu kanader kayek-yek tof ya doru fap daco, afum ane najone akon mo.

15 Ita moloku ma sayibe mosolne ko moloku ma Simeyaji pamo nte ancic ti mo:

16 Ko Mariki oloku: «Ko tante tencepar-e, indeder so.

Indeyeki so abal na Dawuda nje nenatempene mo,

indeyeki samba sa abal nanjoko,

Indecambor ni so nolomp,

17 nte tonsone afum alpäs naten ina Mariki mo.

Ɛy, dətɔf fəp nyɛ anakornɛ tewe tem mɔ.»

Mariki oloku nte, nwe ɔɲɔ mes maməkɔ mɔ

¹⁸ Ɛnasɔɲɛ mi kəcərə kəyefe nte pənawon mɔ.»

¹⁹ It'ɔsɔɲɛ nte, ina Sak, inwose sɔ a ta patərəs atɔyɔnɛ aSuyif aɲɛ ɲantefərne nnɔ Kanu kəyi mɔ.

²⁰ Mba pacice ɲa a ɲakembərne pətɔcemp mpe pɛyefe nnɔ kətola mɛrəɲka kəyi mɔ, kɔ dalakɔ, kɔ kəsɔm ka sem nyɛ antɔfay mɔ, ɲakembərne sɔ kəmun mecir.

²¹ Kəyefe detemp dɔcəkɔ-cəkɔ, Musa ɔyɔ sɔdare fəp afum aɲɛ ɲaloku tetɔn mɔ, bawo aɲkaraɲ Tawureta tɔn simiti o simiti dɔsək da kəɲesəm nde dəkətola Kanu da aSuyif.»

Areka ɲəkɔ anakenɛ alaɲ atɔyɔnɛ aSuyif mɔ

²² Asom a Yesu kɔ abeki kəbɔp ka kəlonkane ka alaɲ Yesu kərəkɔr ɲande ɲaməmən a pəmar payek-yek ɲa dacɔ afum alɔma akɔ pəmar a pasom Antiyək mɔ, kəberɛnɛ ka Pol kɔ Barnabas. Ti disre kɔ ɲayek-yek afum mɛrəɲ aɲɛ ɲanatəmpər delel awɛnc aɲa dacɔ mɔ: Yudas wəkɔ ancwe sɔ Barsabas mɔ, kɔ Silas.

²³ Kɔ ɲasom ɲa kɔ areka nyɛ:

«Awɛnc anu, asom a Yesu kɔ abeki kɔ alaɲ ɲancice nu areka, nənə awɛnc su aɲa aka Antiyək, aka Siri, aka Silisi aɲɛ ɲantɔyɔnɛ aSuyif mɔ:

Səyif nu!

²⁴ Səne a afum asu alɔma aɲɛ ɲawur nnɔ ndorosu mɔ, ɲantərəs nu kɔ ɲampempe nu moloku maɲan, mme səntɔsom ɲa mɔ.

²⁵ Nte sənɛnɛnɛ akɔ səntəɲne ti mɔ, itɔ sənəɲk a pəntese səyɛk-yek afum, səsom ɲa nde nəyi mɔ, kəberɛnɛ ka Barnabas kɔ Pol, aɲɛ səmbɔtər mɔ,

²⁶ afum aɲɛ ɲancaməs kiya kəɲan doru tewe ta Mariki Yesu Krist mɔ.

²⁷ Itɔ səsom Yudas kɔ Silas ɲakɔ ɲaloku nu nte teyi areka ɲaɲɛ disre mɔ.

²⁸ Pənabas Amɛra Nəcempi kɔ sənə sɔ, a pəntese fe a sənunəkər nu mes məkɔ nəntɔtam kəsare mɔ, mɛnɛ mes məkɔ mɛmar nu kəsumpər mɔ:

²⁹ Ta nəsom sem nyɛ aloɲnɛnɛ mɛrəɲka mɔ, nəbəlɛnɛ mecir kɔ sem nyɛ antɔfay mɔ, nəbəlɛnɛ sɔ dalakɔ. Pəmar nəkembərne mes maməkɔ fəp.

Kanu kəsɔɲɛ a nətamne.»

³⁰ Nte anasak asom aɲɛ mɔ, kɔ ɲawurnɛ kəkɔ Antiyək. Kɔ ɲaɲkɔ ɲalɔɲka di alaɲ, kɔ ɲasɔɲ ɲa areka ɲaɲkɔ.

³¹ K'aɲkaraɲ ɲi kɔ pəmbɔt ɲa, bawo areka ɲaɲkɔ ɲɛnacəpəs ɲa bəkɛc.

³² Yudas kɔ Silas aɲɛ ɲanayɔnɛ sɔ sayibe mɔ ɲancgbiɲər awɛnc aɲa alaɲ kɔ ɲacəpəs ɲa sɔ bəkɛc dɛmoloku mɛlarəm.

³³⁻³⁴ ɲanayi dəndo Antiyək haɲ, kɔ awɛnc aɲa alaɲ ɲatolane ɲa marənt moforu, kɔ afum a Antiyək ɲasak ɲa kəlucus nde asom aɲan ɲayi mɔ.

³⁵ Mba tem tatəkɔ Pol kɔ Barnabas ɲanayi Antiyək, kəberɛnɛ kəɲan kɔ afum alarəm alɔma, ɲactəksɛ, ɲaccam sɔ toloku tətɔt ta Mariki.

Pol kɔ Barnabas ɲaɲgbeyɛnɛ

³⁶ Nte mataka mɔlɔma mencepər mɔ, kɔ Pol oloku Barnabas: «Səluksərne səkənəɲk awɛnc su aɲa sɔdare nse sənadəɲk toloku ta Mariki mɔ, nte tɔɲsɔɲɛ səcərə nte ɲayi mɔ, kɔ təkɔ ɲasumpər toloku tatəkɔ mɔ.

³⁷ Barnabas nkɔn ɛncfaɲ kəkɛnɛnɛ Isan, wəkɔ aɲwe sɔ «Mark» mɔ.

³⁸ Mba Pol nkɔn ɛnawose fe ti, ɛnacɛm-cɛmnɛ a pəmar fe kələkɛnɛ Mark, bawo dəndo Paɲfili Mark ɛnasak ɲa pəfati kəcəmbər ɲa kəkətɛnɛ ka yebac yəkɔ anasom ɲa mɔ.

³⁹ Kəgbəkəlɛnɛ kəɲan kənayɛɲk haɲ kɔ tɔsɔɲɛ ɲa kəgbeyɛnɛ. Nte tɔ kɔ Barnabas ɛlek Mark kɔ ɲambəkɛ debil kɔ ɲancali kəkɔ Sipər.

⁴⁰ Nte Pol enayek-yek Silas ma, awenc ana alaj nantolane ko, nactola Mariki a pabum na kamar kon disre, ko najko.

⁴¹ Koko kanan, ko nancali taf ya Siri ko Silisi, naccapas alaj aka di bakac.

16

Timote encambar Pol ko Silas

¹ Pol enabere dare da Derbe, k'onko so Listar. Dando wacepsa Yesu daraj walama enayi pacwe ko Timote, kere payone waSuyif nwe enader palaj Yesu ma, mba kas payone waKresi.

² Awenc ana alaj aka Listar ko Ikoniyon nanatagne kayo kon mes motot.

³ Ko Pol efan kakekare Timote, k'elek ko k'enkanc teta aSuyif ako nanayi ataf najoko ma, bawo fap fanacare a Timote kas waKresi enayi.

⁴ Sadare nse nanccepar ma, nanclukse moloku mme asom a Yesu ko abeki alaj a Yerusalem nanasom na kakotene ma, nte tansaje alaj atoyone aSuyif nacame mi daraj ma.

⁵ Alonkane alaj naccapas bakac kalan disre, nacbene kala dask o dask.

Pol enasato kanaj kayefe darenc

⁶ Nte Amara Necempi na Kanu nyamse Pol ko Silas kaloku toloku totot ta Kanu ataf na Asi ma, ko nancali ataf na Firiki ko ataf na Kalat.

⁷ Nte najotarne ataf na Misi ma, ko nasep koko ataf na Bitini, mba Amara na Yesu nenawosene fe na ti.

⁸ Ko nasolne ataf na Misi ko nantor dare da Torowas.

⁹ Pibi disre ko Pol asato kanaj kayefe ka darenc. Ti disre, waka Masedon pacame ko kasak pacletsene ko: «Mader Masedon, mamar su!»

¹⁰ Pol enadesato kanaj kanjo, ko santen katina koko ka ataf na Masedon, sacboc ti a Kanu kawe su kakocam di toloku totot ta Yesu.

Ludy kalan kon Mariki Yesu

¹¹ Ko sayefe Torowas ko sayekti abela ko santefarne koko ka Samotiras, dackasak ko sambere Neyapoli.

¹² Ko sayefe dando, ko sajko Filipi, dare dapan da ataf na Masedon daloma nde aka Rom alaram nanande ma. Ko sanceparene mataka maloma dare dadako.

¹³ Simiti dask da kanesam ko sawur dare dakusu kengboko kasak, nde sanacem-cemne kifo nke santam katola Kanu ma. Ko sande kalok-lokar aran ane nanalonkane di ma.

¹⁴ Waran walama enayi na daco pacwe ko Ludy, paccamas celoto ca kare. Pakom ko dare da Tiyatir. Wakor-koru Kanu enayi. Paccanjel su, ko Mariki engbiti ko abakac, nte tansaje ko kacne belbel moloku mme Pol oncloku ma.

¹⁵ Nte anagbat ko daromun teta Kanu ma, Ludy ko aka kalo kon disre, k'ewe su kayi nde ndaron mataka maloma, pactola: «Ko nancem-cemne a ilaj Mariki belbel-e, nader nno nderem, nayi nno ko sana.» K'eletsene su kayi di.

Kacajar ka Pol ko Silas nde bili ba Filipi

¹⁶ Dask daloma sacko dakatola Kanu da aSuyif, ko wayecara wacar walama ender pabap su, payo najk nje najsanje ko kaloku nte tender ma. Wayecara nwe oncsotone ti nno abe on nayi ma pasam pelaram teta kaloku kon mes mme mender ma.

¹⁷ Ko wayecara nwe encapse su daraj Pol ko sana, packule-kule: «Afum akanje acar a Kanu nke kayi darenc ma jo! Dapo da kayac do nayi kamentar nu!»

¹⁸ Nte wayecara oyo mes mamako mata melaram ma, ko talolas Pol dis. K'enkafale, k'oloku najk: «Tewe ta Yesu Krist ilok'am, mawur wayecara wakawe daris!» Gbancana babako ko najk najoko jowur ko daris.

¹⁹ Nte abe on nanajk a tsotone tanan pasam tsolar na ma, ko nassumpar Pol ko Silas, ko najkekare na nde abanja na dare daco abe a dare for kirin.

²⁰ Kɔ ɲaɲkɔ ɲamentɔr ɲa aboc kiti, ɲacloku: «Afum akanɛ pɔyamayama pɔ ɲayi kɛbersɛnɛ dare dosu. ASuyif ɲɔ ɲayɔnɛ,

²¹ aɲɛ ɲayi kɛcam mɔyɔ maɲan mɛ pɛntɔmar su kɛwosɛ kɔyɔ ka mi, sɛna aɲɛ sɔyɔnɛ aka Rom mɔ.»

²² Kɔ kɛnay ka afum ɲayɛfɛ kɔ ɲancɛmɛ ɲa dɛbɛkɛc. Kɔ aboc kiti a dare dadɔkɔ ɲawurɛ ɲa yamos, k'asutɛ ɲa cɛɲgban-gban.

²³ Ntɛ alip kɛsut ɲa pɛlarɛm mɔ, kɔ ɲamber ɲa dɛbili, kɔ abɛ ɲaloku wɛbum bili a pɛkɛmbɛrnɛ ɲa belbel.

²⁴ Ntɛ wɛbum bili ene moloku mamɔkɔ mɔ, k'ɛmbɛr ɲa ndɛ bili mbɛ ɲantɔtam kɛwur mɔ, k'ɔɲkotɛrɛnɛ ɲa wɛcɛk mɛmbɔɲk ma tɔk.

²⁵ Cɛk-cɛk cɛndɛbɔp, Pol kɔ Silas ɲactola Kanu, ɲaclɛɲɔs mɛlɛɲ mokor-korɛ Kanu, kɔ ayi dɛbili ɲaɲnɛ sim sɛɲan.

²⁶ Gbɛncana babɔkɔ kɔ antɔf ɲeyikɛ pɛpɔɲ, kɔ tɔsɔɲɛ kɛlɔ ka bili tantɔf kɛcɛkɛlɛ. Kɔ cumba fɛp cɛɲgbite, kɔ gbekɛ fɛp yɔɲkɔɲɛ.

²⁷ Kɔ wɛbum bili entimɛ, k'ɛnɛɲk ntɛ cumba ca bili cɛɲgbite mɔ, k'owurɛ dakma dɔn pɛckɔ kɛdɛfɛnɛ, bawo ɛnacɛm-cɛmnɛ a afum aɲɛ ambɛr dɛbili mɔ ɲayɛksɛ.

²⁸ Kɔ Pol ɔɲkule-kule pɛpɔɲ: «Ta mɔyɔnɛ pɛlɛc, sɔyi nnɔ fɛp fosu!»

²⁹ Kɔ wɛbum bili ewe nɛnc, k'ɛmbɛrɛ katɛna katɛna, k'ɔɲkɔ pɛtɛmpɛnɛ fɔr ya Pol kɔ Silas kirɲ, pɛcyikɛ kɛnɛsɛ disrɛ.

³⁰ K'owurɛnɛ ɲa ndɛ doru k'eyif ɲa: «Abɛ, cɛkɛ cɔ pɛmar iyɔ ntɛ tendɛyac im mɔ-ɛ?»

³¹ Pol kɔ Silas ɲaloku kɔ: «Mɛlanɲ Mariki Yesu, andekɔyac ɛm, mɛna kɔ aka kɛlɔ kam disrɛ fɛp.»

³² Kɔ ɲaloku kɔ toloku ta Mariki, kɔ afum akɔ ɲanayi ndɛ kɛlɔ kɛn mɔ fɛp.

³³ Pibi papɔkɔ kɔ wɛbum bili ɛlɛk ɲa, k'ɛɲkɛkɛrɛ ɲa kɛkɔyak gbali yanɲan. Wɛbum bili kɔ afum ɔn fɛp ɲasɔtɔ gbɛncana babɔkɔ kɛgbɛt dɛromun tɛta Kanu.

³⁴ K'ɛmpɛnɛ ɲa ndɛ ndɔrɔn, k'ɛncɛmbɛr amɛsa, kɔ ɲawolɔs kɔ aka kɛlɔ kɛn disrɛ pɛbotu pa kɛlanɲ kɛn Kanu.

³⁵ Ntɛ dec dɔsɔk mɔ, kɔ aboc kiti a dare ɲasom afum aɲan alɔma kɛkɔloku wɛbum bili: «Mɛsak afum akanɛ.»

³⁶ Kɔ wɛbum bili olukɛ moloku mamɔkɔ Pol: «Aboc kiti a dare ɲasom afum nnɔ iyi mɔ, a isak nu. Awa nɛwur nɛkɔnɛ bɛkɛc yoforu.»

³⁷ Mba kɔ Pol oloku ɲa: «Ntɛ ɲalip ɔɲ kɛsut su fɔr ya afum kirɲ mɔ, ta aɲkiti su-ɛ, sɛna aɲɛ sɔyɔnɛ aka Rom mɔ, ɲabɛr su dɛbili. Nɛkɛl ɔɲ yɔkyɔk yɔ ɲandɛfanɲ kɛsak su ba? Tatɔkɔ tɔfɔyi, ɲader ɲasɛrka ɲasak su!»

³⁸ Kɔ asɔdar ɲaɲkɔ ɲalukɛ moloku mɛmɛ aboc kiti, kɔ ɲanɛsɛ ntɛ ɲanane a Pol kɔ Silas aRom ɲɔ ɲayɔnɛ mɔ.

³⁹ Kɔ aboc kiti a dare ɲander ɲalɛtsɛnɛ Pol kɔ Silas kɛɲaɲnɛ, kɔ ɲasak ɲa. ɲacloku a ɲawur dare dandɛ.

⁴⁰ Ntɛ ɲawur dɛbili mɔ, Pol kɔ Silas ɲaɲkɔ ndɛna Ludy. Kɔ ɲanɛɲk awɛnc aɲa alanɲ, kɔ ɲacɛpɛs ɲa bɛkɛc. Kɔ ɲasumpɛr dɔpɔ, kɔ ɲaɲkɔ.

17

Pol kɔ Silas ndɛ dare da Tɛsaloni

¹ Ntɛ ɲancepɛr Aɲfipoli kɔ Apoloni mɔ, kɔ ɲambɛrɛ dare da Tɛsaloni, ndɛ aSuyif ɲanayɔ kɛlɔ ka dɛkɛtola Kanu mɔ.

² Kɔ Pol ɔɲkɔ pɛmɔ tɔkɔ ɔncyɔ mɔ, simiti dɔsɔk da kɛɲɛsɛm maas ɲacgbɛkɛlɛnɛ dɛyɛcicɛs yɛcɛmpɛ kɔ ɲa.

³ Pol ɛncmentɔr ɲa pɛsɔk pɛs dɛyɛcicɛs Yosoku a pɛnamar dis dɔlɔl Krist, a pɛdɛyɛfɛ afi dacɔ. Pol ɔncloku ɲa: «Yesu nwe indɛɲkɛr nu tetɔn mɔ, nkɔn ɔyɔnɛ Krist, wɛbɛ nwe Kanu kɛyɛk-yɛk mɔ.»

⁴ Anasep han k'ejkafeli aloma na daco ko nalan ti, ko nancame moloku ma Pol ko Silas daran, kabap ka akor-koru Kanu aKresi alarəm, kalexene so aran abeki aloma.

⁵ Mba ko aSuyif aka dare da Tesaloni aloma nayo karaca. Ko nalonka afum alec aloma dapo daco, ko nayekti payamayama dare disre. Ko nanke namerne kelo ka Yason, nacten Pol ko Silas kakekare na kanay ka afum far kirin.

⁶ Nte nanatonank Pol ko Silas mo, ko nalinəs Yason ko awenc ana alan aloma far ya abe a dare kirin. Nackle: «Afum akanje nankefeli-kafeli doru dande far mo, nayi on no,

⁷ ko Yason nkan emban na!» Afum akanje far nance moloku mme wabe waka taf ya Rom far oloku mo, nacloku a wabe walama eyi, pacwe ko Yesu!»

⁸⁻⁹ Ti tenasone nayekti payamayama kanay ka afum daco. Nte abe a dare nane ti mo, ko nambaner Yason ko awenc ana alan pasam, ko nasak na.

Pol ko Silas nde dare da Bere

¹⁰ Pibi papako disre ko awenc ana alan nasak Pol ko Silas kaka dare da Bere. Nte nambere di mo, ko nanke nde dakatola Kanu da aSuyif.

¹¹ Akako nanabot mes natas aka Tesaloni, ko nancankel toloku ta Kanu belbel pobotu disre. Nacakce so Yecicəs Yosoku belbel dasak o dasak kacare ko payone a moloku min mayi mo ko tako Pol ko Silas nanloku na dakatola Kanu mo.

¹² Ko afum alarəm na daco nayone alan, kalexene aran aKresi ane nanabek dakacame mo, ko arkun alarəm.

¹³ Mba nte aSuyif aka Tesaloni nanadecare a Bere so Pol eyi kacam toloku ta Kanu mo, ko nander so dendo kadeyekti payamayama naberəs kanay ka afum daco.

¹⁴ Ko awenc ana alan nambelkar kakekare Pol kaca ka dakaba, mba Silas ko Timote nayi dendo Bere.

¹⁵ Afum ane nanasole Pol mo, nanakekare ko han dare da Aten. Dakelukus danan ko Pol osom na nde Silas ko Timote nayi mo, a nabelar ko katana katana.

Pol nde dare da Aten

¹⁶ Nte Pol enkar Silas ko Timote nde dare da Aten mo, kanank ka dare dadoko delare meranka kanacu ko Pol debakac.

¹⁷ Pol encgbekelene ko aSuyif ko aloma ako nanader kaker-koru Kanu nde dakatola d'aSuyif mo, pacgbekelene so dasak o dasak ko afum ako nancyi nde abanka na dare mo.

¹⁸ Acapse metakse ma Epikuru ko ma Seno daran aloma nander nacan ko moloku. Aloma nacloku: «Welok-loku fo wakawe! Caka c'efan kaloku tante?» Ako nacloku: «Wakawe pawurene pamo nte endecam teta canu cacikara mo!» Nanaloku ti bawo toloku tatot ta Yesu ko kayefe kan afi daco ko Pol oncloku.

¹⁹ Awa ko nalek Pol, ko nankekare ko tepesa mpe ancwe Areyopako mo karon, ko nayif Pol: «Moloku su katakse kafu kanke mayi kaloku ta ki mo,

²⁰ bawo moloku mame mayi kaloku mo, moyone lones yosu mofu. Safan kacare tedisre ta mi.»

²¹ Awa damayo ma aka dare da Aten ko acikara ane nanayi di mo far, nancceperene di tem tanan far kacloku, ko payone fe ti-e, naccankel moloku mofu.

²² Pol pacame tepesa ta Areyopako karon, k'oloku: «Arkun a dare da Aten, inank a afum asumpar dine belbel na nayone.

²³ Nte indenakot dare donu mo, k'inank meranka monu, k'inkakce tetek tolonne tonu toloma pacic ti nte: «Ta kanu nke antacare mo.» Awa tes tako nanke-koru ta nancare ti mo, tatako yati t'inder kaloku nu.

²⁴ Kanu nke kalompas doru ko daka nde dayo mo far, nkan nwe ayone Wabe waka kam ko antof ofotam kayi kelo karon nke alompase waca wa fum teta kaker-koru kan mo.

²⁵ Waca wa fum wofotam kamar Kanu kayi, pamo nte kanfaner fum tolom mo. Nkan ompoce afum yeyine yanjan doru, karene kifir ko katore, kabap ka ca yelapas nye far.

²⁶ Dɔfum wɛkin Kanu kɛwure tɔf ya afum alpɛs a doru anɛ fɛp, nte tɔnsɔnɛ nɛndɛ antɔf fɛp kɛronɔ mɔ. Kɔ Kanu kɛnanunɛnɛ kɛcic cɛlɛncɛr ca tɔf yayɔkɔ fɛp. Kɔ kɛlompɛs dɛrɛn kɔ kɛtɛn teren o teren disrɛ.

²⁷ Kanu kɛnayɔ ti nte tɔnsɔnɛ nɛtɛn kɔ hanɔ nɛnɛnk kɔ kɛbuma-buma disrɛ mɔ, bawo Kanu kɛmbɔlɛ fɛ nwe o nwe.

²⁸ Nte tɔ nɛnɛ moloku mame: «Nkɛn ɔsɔnɛ su kɛyi doru, nkɛn ɔnsɔnɛ su kɛcɛpɛ, nkɛn ɔsɔnɛ su kɛyi tantɛ ayi mɔ.» Itɔ alɛnɛ anu alɔma nɛlɔku:

«Kɛbɛnda ka dokom da Kanu kɔ sɛna sɔ sɛyi.»

²⁹ Kɔ pɛyɔnɛ a kɛbɛnda ka dokom dɔn kɔ sɛna sɔ sɛyi-ɛ, pɛmar fɛ a pacɛm-cɛmnɛ a Kanu kɛwureɛnɛ kɔ kɛma, kɔ gbɛti, kɔ pɛyɔnɛ fɛ ti-ɛ, tasar mpɛ fum ɛncɛm-cɛmnɛ k'ɛmpatɛ dɛcɛrɛnɔ dɔn mɔ.

³⁰ Kanu kɛnacɛpsɛr fɛ afum akɔ nɛnɛyi tɛm nte anatɔcɛrɛ mes mɔ, mba kɛfanɔ onɔ afum a doru fɛp a nɛsɛkpɛr bɛkɛc.

³¹ Kɔ Kanu kɛmbɔnc dɔsɔk ndɛ kɛndɛkɔbɔcɛ afum a doru fɛp kiti kɛlompɛ mɔ. Kanu kɛnayɛk-yɛk fum nwe ɛndɛkɔbɔc kiti kanɔkɔ mɔ, kɛnasɔnɛ afum fɛp kɛcɛrɛ wɛkayi nte kɛnayɛkti kɔ afi dacɔ mɔ.»

³² Nte nɛnɛ Pol pɛclɔku tɛta kɛyɛfɛ ka defɛ mɔ, kɔ alɔma nɛyɛfɛ kɛfani kɔ, mba alɔma nɛlɔku: «Sɛndɛsɔcɛnɔkɛl ɛm kɛlɔku ka tatɔkɔ dɔsɔk dɔlɔma.»

³³ Kɔ Pol owur nɛ dacɔ, k'ɔnɔkɔ.

³⁴ Kɔ afum alɔma nɛsɛmpɛr moloku mɛn kɔ tɔsɔnɛ nɛ kɛyɔnɛ ka alanɔ a Yesu, pɛmɔ Denis wɛka kɛgba ka Areyopako, wɛran wɛlɔma pacwe kɔ Damaris, kɔ afum alɔma.

18

Pol nde dare da Kɛrɛnt

¹ Nte tatɔkɔ tɛncɛpɛr mɔ, kɔ Pol ɛyɛfɛ dare da Atɛn k'ɔnɔkɔ Kɛrɛnt.

² K'ɔnɔkɔ pɛbɛp di wɛSuyif wɛlɔma pacwe kɔ Akila, nwe anakom dare da Pɔnt mɔ, pɛtɛp kɛcɛdɛr atɔf nɛ Itali kɔ wɛran kɛn Pirsila, bawo wɛbɛ Kɛlod ɛnalɔku a aSuyif fɛp nɛawur Rom. Kɔ Pol ɔnɔkɔ pɛbɛp nɛ.

³ Nte tɛnasurɛnɛ nɛpanɛnɛ yɛbɛc yin yayi mɔ, kɔ ɛyi ndaranɛn, nɛacɛbɛc, nɛaclompɛs cɛbal.

⁴ Simiti o simiti dɔsɔk da kɛnɛsɛm Pol ɛncgbɛkɛlɛnɛ kɛlɔ ka dɛkɛtɔla da aSuyif pɛcɛpɛr dɛmolɔku a aSuyif kɔ aKresi nɛawosɛ kɛcɛmɛ moloku mɛn darɛnɔ.

⁵ Nte Silas kɔ Timote nɛnɛator Masedon mɔ, kɔ Pol ɛncɛmɛ onɔ gbɛcɛrɛm kɛcam tolɔku tɔtɔt, pɛcsɔnɛ aSuyif kɛlanɔ a Yesu ɔyɔnɛ nwe Kanu kɛyɛk-yɛk mɔ.

⁶ Mba nte aSuyif nɛancgbɛkɛl kɔ nɛaclɛmsɛnɛ kɔ mɔ, k'ɔnɔkɔnɔ-kɔnɔr kɛfɛl ka yamos yɔn tɛta kɛyɛnk kɛnanɔ sɛbomp nnɛ ɛyi mɔ, k'ɔlɔku: «Doru donu deyi nu dɛwaca! Kɔ ina, isɔk ti disrɛ. Ndɛkɛl onɔ, nda atɔyɔnɛ aSuyif indɛkɔ.»

⁷ Kɔ Pol ɛyɛfɛ di, k'ɔnɔkɔ nda Titi Yusutu wɛkor-koru Kanu wɛlɔma, nwe kɛlɔ kɛn kɛnasɛnkɛrɛnɛ kɔ dɛkɛtɔla Kanu da aSuyif mɔ.

⁸ Krispɔs, wɛbɛ ka kɛlɔ ka dɛkɛtɔla wɛlɔma ɛnalɛnɔ tɛta Mariki kɔ aka kɛlɔ kɛn disrɛ fɛp. Kɔ aKɛrɛnt alarɛm anɛ nɛnɛccɛnɔkɛl mɔ nɛnɛyɔnɛ alanɔ, k'ɛnɔgbɛt nɛ dɛromun tɛta Kanu.

⁹ Pibi disrɛ kɔ Mariki olɔku Pol kɛnɛnɔkɔ disrɛ: «Ta mɛnɛsɛ! Mɛlɔk-lɔku, ta mɛcɛnkɛ de,

¹⁰ bawo ina iyi kɔ mɛna! Fum o fum ɔfɔsɛmpɛr ɛm kɛca kɛyɔ ɛm tes tɛlɛc, bawo iyi afum alarɛm dare dɛndɛ disrɛ.»

¹¹ Kɔ Pol ɛyi nɛ dacɔ teren tin kɔ yof camɛt-tin pɛctɛksɛ nɛ tolɔku ta Kanu.

¹² Tɛm tatɔkɔ tɔ Rom dɛnadɛs Kaliyɔnɔ kɛyɔnɛ ka wɛbɛ ndɛ atɔf nɛ Akaya. Kɔ aSuyif alɔma nɛntɛnɛnɛ kɛyɛfɛrɛnɛ kɔ Pol, kɔ nɛnɛkɛkɛrɛ kɔ dɛnkiti.

¹³ Kɔ nɛlɔku: «Fum wɛkawɛ, afum n'ɛfanɔ a nɛakor-koru Kanu nɛcɛmɛ dɔpɔ dɔn darɛnɔ, dɔpɔ ndɛ dɛnciyɛnɛ kɔ ndɛ sariyɛ sɛlɔku mɔ.»

¹⁴ Pol ɛyɛfɛ kɛkɔlɔku, mba Kaliyɔnɔ olɔku aSuyif: «Pɛcyɔnɛ a fum ɛndif, kɔ pɛyɔnɛ fɛ ti, tes tɛlɛc tɔpɔnɔ tɔlɔma tɔyɔ-ɛ, k'ɛncɛnɔkɛl nu, nɛna aSuyif!

¹⁵ Mba nte pəyɔnɛ a dɛmoloku, dɛmewe, kɔ pəyɔnɛ fɛ ti, teta sariyɛ sonu nɛna asarka sɔ nɛyi kɛgbɛkɛlɛnɛ mɔ, nɛna nɔ tatɔkɔ tɔmɔmɔn. Ina intola fɛ kɛyɔnɛ wɛbɔc kiti kanjɔkɔ.»

¹⁶ Kɔ Kaliyɔn embelɛs nɔ dɛndo dɛnjkiti.

¹⁷ Kɔ aSuyif nɔnjɔkɔ nɔsumpɛr Sɔstɛn wɛbɛ wɛka dɛkɔtola Kanu waca, kɔ nɔyɛfɛ kɛsut kɔ dɛndo dɛnjkiti, mba Kaliyɔn ɛnawe fɛ ti ali daka.

Pol olukus Antiyɔk

¹⁸ Kɔ Pol owon dare da Kɔrɛnt mataka mɔlɔma, k'ender pɛlɛmbɛrnɛ awɛnc nɔja alan, k'ɛlɛk abil kɛkɔ atɔf nɔ Siri, nkɔn, Pirsila kɔ Akila. K'ofonnɛ domp nde dare da Sɛnjɔrɛ kɛmentɛr ka kɛlip ka tes nte ɛnadermɛ teta Kanu mɔ.

¹⁹ Nte nɔmbɛrɛ dare da Efesi mɔ, kɔ Pol ɛsak Pirsila kɔ Akila. Kɔ Pol ɔnjɔkɔ kɛlɔ ka dɛkɔtola Kanu da aSuyif kɔ nɔnjɔgbɛkɛlɛnɛ kɔ nɔja.

²⁰ Kɔ akakɔ nɔntola kɔ kɛyi ka dɛndo dare dɔnɔn kɛrɛsna, mba ɛnawosɛ fɛ.

²¹ K'ɛlɛmbɛrnɛ nɔ pɛclɔku: «Indelukus nɔnɔ ndoronu kɔ Kanu kɛwosɛ-ɛ.» K'ɛlɛk abil dare da Efesi,

²² k'ontor dare da Sesari nde ɛnacɔp mɛrɛnt mɔn mɔ. K'ɛmpɛ kɛrɛsna Yerusalem kɛkɔyif alan. Nte elip mɔ, k'ontor dare da Antiyɔk nɔ Siri.

²³ Nte tɛm tɔlɔma tɛncɛpɛr mɔ, kɔ Pol ɔnjɔkɔ k'ɛncɛpɛr atɔf nɔ Kalat kɔ Firiki pɛccɛpɛs acɛpsɛ a Yesu bɛkɛc fɛp.

Apolos nde sɔdare sa Efesi kɔ Kɔrɛnt

²⁴ WɛaSuyif wɛlɔma ancwe Apolos, ɛnader Efesi. Dare da Aleksandɛr* dɔ anakom kɔ, fum wɛcɛrɛ kɛlɔk-lɔku ɛnayi, pɛcɛrɛ sɔ Yecicɛs Yosoku belbel.

²⁵ Dɔpɔ da Mariki dɔ anatɔksɛ kɔ, kɔ kɛsumpɛr ka mes belbel, kance k'onclɔkɛ, pɛctɔksɛ teta Yesu, mba mɛnɛ kɛgbɛt dɛromun ka Saɔn gbɛcɛrɛm kɔ ɛnacɛrɛ.

²⁶ K'ɛyɛfɛ kɛlɔk-lɔkɛ kɛlanɔ disrɛ nde dɛkɔtola Kanu da aSuyif. Nte Pirsila kɔ Akila nɔane kɔ kɛlɔk-lɔku mɔ, kɔ nɔlɛk kɔ ndaranɔn, kɔ nɔmbɛrɛnɛ kɔ kɛtɔksɛ kɛcɛrɛ kɛnjɔkɔ kɛnabut kɔ teta dɔpɔ da Kanu mɔ.

²⁷ Nte Apɔlɔs ɛnacɛm-cɛmnɛ kɛcɛpɛr ka Akaya mɔ, kɔ awɛnc nɔja alan nɔnjɔnɔnɔr kɔ. Kɔ nɔncicɛ acɛpsɛ a Yesu darɔn nɔje nɔyi Akaya mɔ areka, nɔaclɔku nɔ kɛbanɔ kɔ belbel. Nte ɛmbɛrɛ mɔ, k'ɛntɛsɛ afum aka di, akɔ kɛmar ka Kanu kɛnasɔnɛ kɛyɔnɛ alan mɔ.

²⁸ Bawo fɛnɔntɛr fɔ Apɔlɔs ɛncgbɛkɛlɛ aSuyif fɔr ya afum alarɛm kirinɔ pɛsɔnɛ nɔja kɛcɛrɛ dɔYecicɛs Yosoku a Yesu ɔyɔnɛ wɛbɛ nwe Kanu kɛnayɛk-yɛk mɔ.

19

Pol nde dare da Efesi

¹ Tɛm nte Apolos ɛnayi Kɔrɛnt mɔ, Pol nwe ɛnacɛpɛr sɔdare sa mɔrɔ mɔ, ontɔr dare da Efesi. K'ɛmbɛp di acɛpsɛ a Mariki Yesu darɔn alɔma.

² K'ɛyif nɔja: «Nɛnasɔtɔ Amera Nɛcɛmpi nɔja Kanu kɛyɛfɛ nte nɛnɔyɔnɛ alan Yesu mɔ ba?»

Kɔ nɔlɔksɛ Pol: «Sɛntane fɛ yati teta Amera Nɛcɛmpi.»

³ Kɔ Pol eyif nɔja sɔ: «Kɔ kɛgbɛt dɛromun kɛrɛ kɔ nɛsɔtɔ-ɛ?»

Kɔ nɔlɔksɛ Pol: «Kɛgbɛt ka Saɔn.»

⁴ Kɔ Pol olɔku: «Kɛgbɛt dɛromun ka Saɔn, kɛsɛkpɛr mɛra yati kɛnayi teta Kanu. Mba Saɔn onclɔku afum a nɔalan wɛkɔ ɛndɛdɛr nkɔn tadarɔn mɔ, itɔ tatɔkɔ Yesu.»

⁵ Nte nɔane molɔku mamɔkɔ mɔ kɔ nɔsɔtɔ kɛgbɛt dɛromun tɛwɛ ta Mariki Yesu.

⁶ Kɔ Pol ɛndɛnɔr nɔja waca, kɔ Amera Nɛcɛmpi nɛnder nɔja, kɔ nɔyɛfɛ kɛcɔp cusu nɛcɛ nɔntɔcɛrɛ mɔ, nɔacdɛnjɔk sɔ molɔku mɔtɔt mɛmɛ Kanu kɛnasom nɔja kɛdɛnjɔk mɔ.

⁷ Arkun akakɔ nɔncbɛp wɛcɔ kɔ mɛrɔnɔ.

* **18:24** Aleksandɛr = dare dɔpɔnɔ nde Misira nde afum alarɛm a doru fɛp nɔnjɔkɔ kɛtɔkɛs mes.

8 Kɔ Pol embere dakatola Kanu da aSuyif, paclok-loke di kabakne disre han yof maas, pacgbekelene, pacsep kasone afum kacere mes ma debe da Kanu.

9 Mba nte ayenki sabomp aloma nancfati kalan ma, nacfani dopo da Mariki nno kanay kai ma. Kɔ Pol ambale na, k'elekene acerse a Yesu daran aloma, ko nawenne kasak, ko najlok-lokarene dɔsak o dɔsak nde dakatakse da Tirano.

10 Tatoko tenawon meren meren, ko tasona aSuyif ko aKresi ane nanayi atof na Asi ma kane toloku ta Mariki.

Awut a Sefa

11 Kanu kansone waca wa Pol kayo mes mewey-wey mme menacuca kanank ma.

12 Tenasone pacbacase acuy celoto, ko payone fe ti-e kapol nke kengbuene Pol ma, ko ayɔ ti-e, docu doncwur wakayi, ko yank yelec yocwur so wakayi davis.

13 Kɔ aSuyif aloma najkas-kas mofa melaram, ko natubucne Pol kabalas ka yank yelec nno acuy nayi ma, nacloku: «Ilok'am: Mawur wacuy wakawe tewe ta Yesu wako Pol encam ma.»

14 Walonne wapan waka aSuyif waloma enayi pacwe ko Sefa. Awut on atemp camat-meren na nancyo moyo mamako.

15 Mba ko nawak kabalas nank neler-e, ni noloku na: «Yesu, incere ko. K'inepel so belbel fum nwe Pol ayone ma, mba nana, an'o nayone-e?»

16 Kɔ fum wako nank neler nenayi ma engbaporne na kayefarene, k'entam na fap k'ombopar-bopar atemp ane, ko nayekse fap fanan dis fos ko nasak kalo.

17 ASuyif ko aKresi aka dare da Efesi nancere toloku tatoko, ko kanese kai na fap, ko nalelas on tewe ta Mariki Yesu.

18 Afum alaram ane nanawose kalan Yesu ma, nancder naccen far ya afum fap kirin palec mpe nancyo ma.

19 Kɔ afum ako nanayone dure ma, nancere sabuk sanan sa dure ko nancof si far ya afum fap kirin. Kaway ka sabuk sasoko kanabap mencambal ma gbeti wul waco kacamat (50.000).

20 Ti disre katam ka Mariki disre ko toloku ta Kanu tesamsar ko tɔtɔ fentanar.

Payamayama dare da Efesi

21 Nte tencepar ma ko Pol olompasne kaka dare da Yerusalem pacceporene tof ya Masedon ko Akaya. K'oloku: «K'in kabere Yerusalem-e, mene idekɔsomaman Rom.»

22 Kɔ Pol osom Masedon amar on meren Timote ko Erasto, mba ko nkon Pol eyi mataka maloma atof na Asi.

23 Tem tatoko to payamayama papon penayi Efesi teta dopo da kalan ka Mariki Yesu.

24 Wagbec waloma enayi di, pacwe ko Demeteri, pactubucne kalompas ka walo wa terenka mpe ancwe Artemi ma. Agbec a walo wa gbeti wawako nancotone wi daka delaram.

25 Kɔ Demeteri olonka agbec ko ako nancdine yebac yayoko ma, k'oloku na: «Arkun! Nancere ti belbel a yebac yaye y'andine.

26 Mba nanank ko nane a nno Efesi kabap ka atof na Asi Pol pampe esep kasone afum alaram kalan han packafali na mera kaloku a merenka mme waca wa fum wolompas ma, bafɔ canu co.

27 Moloku mamako mentam kasone yebac yosu keler. Tasona so teta kalo ka terenka Artemi toyo so aboc. Afode so pacloku a Artemi terenka a kanu ko, kanu karan nke afum fap najkor-koru nno atof na Asi, ko doru karkar ma.»

28 Nte afum nane moloku mamako ma, ko metele menceparer na, ko nayefe kakule-kule: «Artemi kanu ka Efesi kayone kapon!»

29 Kɔ payamayama papoko posumpar dare fap, katenne disre ko afum nambapsene abanka nanan napon. Ko nalinas asol a Pol Kayus ko Aristarko, ane nanayefe Masedon ma, ko najkekere.

³⁰ Pol enafan kəkomentərne afum fər kirin, mba acεpse a Yesu darəη ηanawosene fe kə ti.

³¹ Abε aləma a atəf ηa Asi, aηe ηanayəne anapa a Pol mə, ηanasom afum nnə eyi mə ηacletsene kə a ta pəkə dəndo abanηka ηanjan ηəpəη de!

³² Kə pəyamayama poncop afum dacə, aηe ηackul-kulene nte, akə ηackul-kulene təkə. Afum alarəm ηa dacə ηanacəre fe nte o nte anabəpsenene mə.

³³ Kənay kanəkə dacə kə afum aləma ηaləməη Aleksandər, nwe aSuyif aləma ηanacəηəs kəkəlok-loku fər ya afum kirin mə. Kə Aleksandər efek kəca, pəfan kəlok-loku pəyacne.

³⁴ Mba nte ηanadenepəl a Aleksandər wəSuyif əyənə mə, kə fəp fəyefe kəkule-kule han dec merəη: «Artemi kanu ka Efesi kəyənə kəpəη!»

³⁵ Kə wəbe wələma wəka di entam kətore-tore afum bəkəc pəcloku: «Arkun a Efesi, an'ətəcəre a dare da Efesi dətəmpər kəbum ka kələ kəpəη ka kanu kosu Artemi kə tərənka tən mpe pontor kəyefe darenc mə-ε?

³⁶ Fum əfətam kəgbekəl tatəkə, pəmar nənde nəcaηk ta nəbelkər kəyə nte o nte.

³⁷ Nte təsək mə, afum aηe nəηkεre mə ηaləsər fe kələ kosu kəpəη, ηaləməs fe sə kanu kosu Artemi.

³⁸ Kə Demeteri kə awenc aηa apanne ən yebac ηayə kəbəkene teta fum-ε, dəkəboc kiti deyi kə aboc kiti ηayi, dəndo pəmar ηakə ηabokene!

³⁹ Kə nəyə sə tobokene tələma-ε, andekəlompəs ti pəmə təkə sariye səloku ti mə nde aboc kiti ηanlənkanə mə.

⁴⁰ Nəkembərne, bawo antam kəbonce su kəsəηe pəyamayama pampε kəyi, teta mes mamε mencepər de məkə mə, bawo ali toloku səfətam kəsətə kəloku nte təsəηe afum kəbəpsene tante mə.» Nte wəbe elip kəloku tatəkə mə, k'oloku nwe o nwe kəluku nde ndərən.

20

Pol nde təfya Macedon kə Kresi

¹ Nte pəyamayama pəsak mə, kə Pol εwe acεpse a Yesu darəη, k'encəpəs ηa bəkəc. Nte elip kələbərne ηa mə, k'əηkə Masedon.

² Nte encepər atəf ηanəkə mə, k'encəpəs alan bəkəc dəmoloku mēlarəm, k'ender atəf ηa Kresi.

³ K'eyi di yof maas. Təm nte enadefan kəyekti abela kəkə ka atəf ηa Siri mə, k'asəηe kə kəcəre a aSuyif ηantəηne kəyə kən pələc, k'encəm-cəmne kəluku sərne sə dəpə da atəf ηa Masedon.

⁴ Afum aηe ηanacəmbər kə mə, ηanayəne: Sopateri wan ka Purus wəka Bere, Aristarko kə Sekondu aka Tεsaloni, Kayus wəka Dεrbe, Timote, Tikiko, kə Tirofimo aka atəf ηa Asi.

⁵ Afum akakə ηanayi su kirin kəkə, kə ηanəkə ηakar su Torowas.

⁶ Kə sənə nte mataka ma kəsata ka cəcom cətəyə lebin mencepər mə, kə səlek abil dare da Filipi. Mata kəcəmət disre kə səmbəp ηa dare da Torowas, nde sənacepərne mata camət-merəη mə.

Kəcəpər kələpəs ka Paul dare da Torowas

⁷ Tataka təcəkə-cəkə ta tataka toluksər, kə səlonkane kətepi ka kəcom. Pol nwe pənamar kəkə dəcəkəsək mə eyi kəlok-lokər ηa, k'əmbəlse moloku han cək-cək.

⁸ Səlamp səlarəm sənayi dəndo dukulə da darenc dadəkə sənalənkanə mə.

⁹ Wətəmp wələma pacwe kə Eyutik enandε binəkəli ba wunder kəron tēm tatəkə Pol onclək-loku mə. Kə mere mēηgbəpərne kə, k'entəmpene kəyefe dukulə dakəron da maas. Ankələk kə, tətəηne efi.

¹⁰ Kə Pol ontor, k'əηkə pəsipne kə, k'ələk kə dəwaca, k'oloku: «Ta pəyi nu yamayama. Eyι wəyən!»

11 Nte Pol empere so ma, k'entepi kacom kasom, k'oncop so moloku mon han dasaka. Nte elip ma, k'ojko.

12 K'anjere watemp wakako payi wayen, ko toyone tacepse bakac toron.

Marant kayefe Torowas han Mileto

13 Sana, sananunken kerek abil kaka dare da Asos nde Pol enaloku a sendekerek ko ma, bawo karoru k'enafan kaka.

14 Nte enabap su Asos ma, ko salek ko kaka ka Mitilen.

15 Nte sayefe kekali dakaba danda ma, ko sambere dackasak Kiyo. Dackasak dameran ko sangbunene Samos, tataka ta maas ko sambap Mileto.

16 Pol enafan kacepar dare da Efesi takaron ta encambaras di-e, nte tansone ta owon so Asi ma. Yerusalem enbelkar kabap, ko tentam kayi-e, a dasak da kasata ka tataka ta waco kacamot decbap.

17 Tem nte enayi Mileto ma, k'osom dare da Efesi kakowene ko abeki a kalonkanen ka alan aka di.

18 Nte nander kawe kon ma, ko Pol oloku na nte: «Nancare fap fonu toko isumpar nu ma, kerek dasak dacka-caka nde incambap kacak atof na Asi ma.

19 Imbace Mariki katore banca disre, ichok, ictoro, bawo aSuyif nancfan kay'em paled.

20 Tes o tes tentam katese nu iloku nu ti for ya afum kirin kaka han dawalo wonu disre, ali tin imenkar fe nu.

21 K'ingbinar so aSuyif ko akresi kasakpar bakac jakafale nno Kanu kayi ma, jagbekar kalan Mariki mosu Yesu.

22 Ndekai on Amera na Kanu nesekat im, Yerusalem injo. Incare fe nte tajakabap im di ma,

23 mene Amera Necempi na Kanu nonlok'im dare o dare nte: A katoro k'inder, paber im dabili.

24 Teta ina, mes ma ina daran meyi, tafan ta ina toyone kakotene kasom nke asom im ma, mes mme Mariki Yesu olok'im kayo ma fap m'ifan kayo, nte toyone kamentar sede sa Kibaru Katot ko kamar ka Kanu ma.

25 Ndekai on intas, incare a nafsananj im, nana fap ane inacepar kacam debe da Kanu ma.

26 Ilip kaloku nu moloku fap mme Kanu kenasom im kaloku nu teta kayac konu ma. Ko nantoyo on toko inatakase nu ma, te mi teyi fe so ti,

27 bawo iloku nu mafan ma Kanu fap, ali tin imenkar fe nu.

28 Nakembarne nenasarka kabap ka alan ane yayi pamo yocal nye Amera Necempi na Kanu nasan nu kerek ma. Nakembarne kalonkanen ka alan a Kanu, mecir mon yati masotone na.

29 Incare a k'indekat-e, afum alec nandetaras kalonkanen konu pamo calma cawey-wey nce cantasak yocal ma.

30 K'incare a aloma nana daco yati nandeyefe kaloku yem, nte tansone acepse alan jacame na daran ma.

31 Nade nakembarne, ta napeler a meren mme maas pibi ko dan isak fe kaloku nu damencar a nakembarne!

32 Ndekai on isan nu Kanu ko toloku ta kajanen kon. Toloku tatoko tentam kacapas nu bakac ko kasan nu ke, nana ane nayone afum on ma.

33 Inafan fe pasam, inafan fe kema, inafan fe yamos ya fum.

34 Nana yati nancare a waca wem wawe w'imbace katen ka yeri yem ko ya afum ane insole ma.

35 Imentar nu a ko manbac tatoko-e, mene namar atoyo fanontar. Maccem-cemne moloku ma Mariki Yesu, nkon nwe enaloku: «Kapoce kancepar kasoto.» »

36 Nte Pol elip kaloku moloku mamako ma, k'encap suwu katola Kanu ko na fap fanan.

37 Afum fap kabok disre janepsarne Pol dakilim jaccup ko,

³⁸ nɔnɔfɔr denananɔkanɛ kɛyi ɔa nte Pol ɛnaloku a ɔafɔsɔnɔɔk kɔ mɔ. Nte telip mɔ, kɔ ɔancɛmbɛr kɔ nde dɛkɛtɛnta.

21

Pol ɔɔkɔ Yerusalem

¹ Nte sɛmbanɔrnɛ ɔa mɔ, kɔ sɛyɛkti abɛla kɛkɔ ka Kɔs. Dɔckɔsɔk kɔ sɛncepɛr sɔ han ɔrodu, kɔ sɛyɛfɛ dɛndo kɔ sɔɔkɔ dare da Patara.

² Nte sɛmbɔp di abil nɔɔ ɔɛncɛcali kɛba kɛkɔ ka ntende atɔf ɔa Fenisi mɔ, kɔ sɛmbɛkɛ ɔi, kɔ sɛncali.

³ Sɛnadɛtɛfɛrnɛ Sipɛr, kɔ sɛsak si kɛca kɛmeriya, kɔ sɔɔkɔ kɛca ka atɔf ɔa Siri, kɔ sɔɔkɔ sɔpɛ dare da Tir nde pɛnamar abil ɔɔtɔrɛ ca yɔkɔ ɔɛnayo disrɛ mɔ.

⁴ Nte sɛnabɔp di acɛpɛ a Yesu mɔ, kɔ sɛyi di mata camɛt-mɛrɔɔ. Kɛcɔɔɔs ka Amɛra ɔa Kanu disrɛ kɔ ɔanɔɔɔɔɔɔ Pol a ta pɔpɛ Yerusalem.

⁵ Nte kiyi kosu dɛndo kɛnalip mɔ, kɔ sɔɔkɔ. Kɔ alɔɔ fɔp ɔancɛmbɛr su, kɛyɛfɛ aran kɛbɔp awut han kɔ sɛwur dare disrɛ, kɔ sɔɔkɔ sɛcɔp suwu dɛndo dɛɔɔɔɔp kɛtɔla Kanu.

⁶ Nte sɛnalɛmbɛrnɛ ɔa mɔ, kɔ sɛmbɛkɛ debil, kɔ ɔa ɔalukus ndarɔɔɔɔɔ.

⁷ Kɔ sɛna, kɛlɔpɔs kosu kɛkɔt kɔ sɛmbɛkɛ dare da Tir kɛkɔ ka dare da Pɛtɔlɛmay. Nde sɛnakɔ sɛyif awɛnc asu ɔɔa alɔɔ mɔ, kɔ sɛncepɛrɛnɛ di dɔsɔk din.

⁸ Dɔckɔsɔk dɔ sɛnayɛfɛ di kɛkɔ dare da Sesari. Dɛndo sɛnabɛrɛ kɛlɔ ka Filip, wɛcam ka tolɔku tɔtɔt, nwe ɛnayɔnɛ wɛkin ka afum camɛt-mɛrɔɔ ɔɔa anayɛk-yɛk Yerusalem mɔ. Kɔ sɛncepɛrnɛ dɛndo mata camɛt-mɛrɔɔ.

⁹ Filip ɛnayɔ awut aran mɔɔkɛlɛ ɔɔa ɔanɔtɔcɛrɛ arkun mɔ, ɔɔa ɔancdɔɔk molɔku mɛmɛ Kanu kɛncmar ɔa kɛcam mɔ.

¹⁰ Nte sɛnaye di mataka mɛlarɛm mɔ, kɔ sayibɛ sɛlɔma sɛntɔr dare da Sesari kɛyɛfɛ ka atɔf ɔa Yude, pacwe kɔ Akabus.

¹¹ Nte ɛncder nɔɔ sɛyi mɔ, k'ɛlɛk bɛlɛt ba Pol, k'ɔɔkɔtɛnɛ wɛcɛk kɔ waca. K'olɔku: «Nɛcɔɔkɛl nte Amɛra Nɛcɛmpɛ ɔa Kanu ɔlɔku mɔ: Fum nwe ɔyɔ bɛlɛt bambɛ mɔ, tante tɔ abɛ aSuyif alɔma ɔandekot kɔ Yerusalem, ɔabɛr kɔ atɔyɔnɛ aSuyif dɛwaca.»

¹² Nte sɛnɛ tolɔku tɔtɔkɔ kɔ afum akɔ ɔanaye su kɛsɛk mɔ, kɔ sɛlɛtsɛnɛ Pol ta pɔpɛ Yerusalem.

¹³ Mba kɔ Pol oluksɛ su: «Ta ake tɔ nɛmbokɛ, nɛsɔɔ'ɛm abɛkɛc kɛlɛcɛ-ɛ? Iwosɛ kɛkɔt kem, iwosɛ sɔ kɛfi kem Yerusalem tɛta tɛwɛ ta Mariki Yesu.»

¹⁴ Nte anasɛp kɔ antɔtam Pol dɛmolɔku mɔ, kɔ sɛnce kɔ. Kɔ sɛntɔla: «Kanu kɛsɔɔɔɔ tɛfan ta Mariki teyi!»

¹⁵ Nte sɛncepɛrɛnɛ mataka mamɔkɔ dare da Sesari mɔ kɔ sɛlɔmpɔsɛnɛ, kɔ sɛlɛk dɔpɔ kɛpɛ ka Yerusalem.

¹⁶ Kɔ sɛsol kɔ acɛpɛ a Yesu alɔma ɔɔa sɛnader kɛyɛfɛ ka dare da Sesari mɔ. Kɔ ɔanɔkɛkɛrɛ su nda fum wɛlɔma nwe pɛnamar sɛyi ndɔrɔn mɔ, pacwe kɔ Manasɔɔ. WɛSipɛr ɛnaye, ɛnayɔnɛ wɛcɛpɛ wɛka Yesu darɔɔ kɛyɛfɛ nte pɛnawɔn mɔ.

Pol ndena Sak

¹⁷ Kɛbɛrɛ kosu Yerusalem, kɔ awɛnc asu ɔɔa alɔɔ ɔnasɛlɛnɛ su pɛbotu disrɛ.

¹⁸ Dɔckɔsɔk kɔ sɛsol kɔ Pol, kɔ sɔɔkɔ ndena Sak. Kɔ abɛki a kɛlɔɔkanɛ ka alɔɔ a Yerusalem fɔp ɔambɔpsɛnɛ dɛndo.

¹⁹ Kɔ Pol ɛfaynɛ ɔa, k'ɛyɛfɛ kɛlɔmɛr ɔa tin tin tin mɛs fɔp mɛmɛ Kanu kɛnamar kɔ kɛyɔ aSuyif dacɔ mɔ.

²⁰ Nte ɔalip kɛcɔɔkɛl Pol mɔ, kɔ ɔayɛk-yɛkɔs Kanu. Kɔ ɔalɔku Pol: «Mɛmɔmɔn wɛnc kosu, afum asu wul wɛlarɛm ɔayɔnɛ alɔɔ a Yesu kɔ ɔasumpɛrɛnɛ sɔ Sariyɛ waca mɛrɔɔ.

²¹ Awa aSuyif alɔma ɔacɛm-cɛmmɛ kɛnɛ a kɛtɛkɛ kam disrɛ a mɛlɔku aSuyif ɔɔa ɔaye ɔayɔ afum acuru dacɔ mɔ a ɔasak sariyɛ sa Musa: Ta ɔakɛnc awut, ta ɔacɛmɛ mɔyɔ mokur ma aSuyif darɔɔ.

²² Cäke c'andeyo-ε? Bawo ñan Kane a mänder nnö.

²³ Awa mäyo təkō sändelok'am mō. Səyo nnö arkun mankälē añe ñanasōñ Kanu temer mō.

²⁴ Mälēk ña, näkō kälō kəpōñ ka Kanu, mäsökəsne kō ña. Kō məwose-ε, mälēk kəwure pəsam pa kəway kəñan ka kəlonne, nte təñsəñe ñafonne səbomp mō. Ti disre fəp fəndetam kəcəre a mes məkō asəñe ña kəcəre tetam mō fəp mäyōne fe kance, a mēna sō yati mälēlēs teta sariye sa Musa.

²⁵ Nte təyōne ta atəyōne aSuyif añe ñayōne alañ mō, sənəñk a pəntese kəcice ña reka kəboce ña tənc: A ta ñasəm sem nye alonñene mērəñka mō, ta ñamun mecir, ta ñasəm sem nye antəfay mera mō, ta ñasumpər dalakō.»

²⁶ Dəckəsək kō Pol ēlek afum añe, kō ñancop kəsökəsne, k'embere kälō kəpōñ ka Kanu disre, k'əñkō pəbonc dəsək nde kəsökəsne kəñan kəndelip mō, kō dəsək nde andelonñene nwe o nwe mō.

Kəsumpər ka Pol nde kälō kəpōñ ka Kanu disre

²⁷ Dəkäləpəsər da mataka maməkō camət-mērəñ, nte aSuyif alōma añe ñayefe atəf ña Asi ñanəñk Pol kälō kəpōñ ka Kanu disre mō, kō ñampene bəkəc ya afum fəp, kō ñasumpər kō.

²⁸ ñackule-kule: «Arkun a Yisrayel, nəder nəmar su! Wəkawe entəkse afum fəp kəfo o kəfo təkō təntətesē afum asu, sariye sosu, kō nnö kəfo kanke mō! Ali aKresi embersene ña nnö kälō kəpōñ ka Kanu, k'eyik-yikəs kəfo kəsoku kanke!»

²⁹ ñanabokene nte bawo təcəkō-cəkō ñananəñk Pol kō Tirofimo wəka Efesi ñasol dare disre, kō ñancem-cemne a Pol enabersene kō kälō kəpōñ ka Kanu disre.

³⁰ Kō dare mälmal deyi yamayama, kō afum ñayefe waca fəp kō ñasumpər Pol, kō ñalinəs kō kəwurene aban ka ña kälō kəpōñ ka Kanu disre, k'ancanəs cumba katina.

³¹ Nte ñanayi kəsəp kədif kō mō, k'anjkō paloku wəbe wəsədar wəRom a pəyamayama peyi Yerusalem fəp.

³² Gbāncana babəkō kō wəbe wəsədar wəpōñ nwe ēlek asədar kō abe añan alōma kō ñayekse kəkō di. Nte aSuyif ñanəñk asədar añe kō abe añan mō, kō ñasak kəsut Pol.

³³ Kō wəbe wəpōñ wəsədar nwe əncəñne, k'osumpər Pol, k'osom a pakote kō gbekce mērəñ. K'eyif fum nwe əyōne mō, kō təkō əyō mō.

³⁴ Kəñay kanjkō dacō, alōma ñackule nte, akō ñackule təkō. Nte enader pəyi oñ ta eñne təlōm o təlōm teta pəyamayama papəkō mō, kō wəbe oloku a pakekəre Pol dəkədire da asədar.

³⁵ Nte Pol embəp dəkusunka mō, kō asədar ñasipne kō, bawo ñananesene kō pələc pəkō afum ñanafan kəyō kō mō.

³⁶ Kəñay ka afum kənacəme Pol darəñ, ñackule: «Pamələk kō!»

Pol kəyacne kən dāmολου

³⁷ Tem nte anadekəfan kō kəbersene dəkədire da asədar mō, kō Pol eyif wəbe wəsədar cəkresi: «Añwos'em kəlok'am tes təlōma ba?» Kō wəbe eyif kō: «Məncəre kəcəp cəkresi ba?»

³⁸ Bafō wəMisira mäyōne, wəkō entep kəcsəñe pəyamayama kəyi mō, məkere adifət afum wul mankälē (4000) nde dətəgbəre ba?»

³⁹ Kō Pol oloku: «Awōñ! Ina, wəSuyif iyōne, dare da Tarəs atəf ña Silisi ankom im, fum wəka dare dəpōñ de! Intol'am, məwose ilok-lokər afum.»

⁴⁰ Kō wəbe wəsədar owose kō ti. Kō Pol empē k'encəme dəkusunka, k'efek afum kəca. Kō afum fəp ñancanjk, k'əncəpər ña cəEbre, kusu ka aSuyif aka di.

22

¹ «Awənc im aña, Abek'em aña!» Pol oncloku, «Nəcəñkəl oñ moloku mme iyō meyacne mō.»

² Nte ñane pəccəpər ña kusu kəñan cəEbre mō, kō pənanjkane kəyō yen.

K'oloku:

³ «WəSuyif iyəne, pakom im dare da Tarəs, atəf ɲa Silisi. Mba nnə dare dandɛ d'andusum im nnəna Kamaliyel nwe afum fəp ɲancərə mə. Nwe ɛntəks'em belbel sariyɛ sa atem asu mə, k'inasumpər sə teta Kanu belbel kə abəkəc fəp, pəmə tantɛ pəyi nənə sə məkə mə.

⁴ K'inatərəs afum aləma aɲɛ ɲanacəmə dɔpə da Yesu dandɛ darəɲ mə haɲ kə ɲafi. K'injot aran kə arkun, k'imber ɲa dəbili.

⁵ Wəlɔɲnɛ wəpəɲ kə abeki a dətəf fəp ɲayəne atəɲnɛ aka ti. Inasətər ɲa reka kəkənɛ afum em aka Damas, nde inckə kəkəsumpər alaɲ akə ɲanayi di mə, ikɛɛ ɲa fər ya abɛ kirinɲ nde Yerusalem pakəsut.

Pol ələm tɛcəmə tən dɔpə dətət

⁶ Dɔpə inayi iclətərnɛ Damas, daɲ pɛɲ, gbəncana babəkə, kə pəmot pəpəɲ pɛyɛfɛ darenc kə pɛɲkɛl im pəwəɲkərə.

⁷ K'intɛmpɛnɛ dəntəf, k'ine dim ndɛ donclək'im: «Sol, Sol, ta ake tə məntərs'em-ɛ?»

⁸ K'iyif: «Mariki, mənə an'əfə-ɛ?»

K'olok'im: «Ina, Yesu wəka Nasarət iyəne, nwe mənə məyi kətərəs mə.»

⁹ Afum aɲɛ sənəsol mə ɲananəɲk pəwəɲkərə papəkə belbel, mba ɲanane fɛ dim da nwe onclək-lokər im mə.

¹⁰ K'iyif kə: «Cəke cə pəmar iyə-ɛ, Mariki?»

Kə Mariki olək'im: «Məyɛfɛ, məkə dare da Damas, dəndo aɲkələk'əm təkə pəmar əm kəyə mə fəp.

¹¹ Mba nte pəwəɲkərə pa pəmot papəkə pənəsəɲ'em kətənəɲk mə, afum akə sənəsol mə ɲasumpər im kəca kə ɲaɲkəkər'em haɲ kə imberɛ Damas.

¹² Mba fum wələma ɛnayi di pacwe kə Ananiyas, pəcəmə tɛfan ta Kanu darəɲ pəmə təkə sariyɛ sələku ti mə. Nwe aSuyif aɲɛ ɲanandɛ di ɲanacərə dətət amera mə.

¹³ Kə Ananiyas ender nnə iyi mə, k'ɛncəm'em kəsək, k'olok'im: «Sol, wənc im, məluksərne sə kənəɲk.» Gbəncana babəkə k'inəɲk nkən Ananiyas.

¹⁴ Kə Ananiyas olək'im: «Kanu ka atem asu kəsəɲ əm kəcərə ka tɛfan tən, mənəɲk Wəlompɛ, mənə sə dim dən,

¹⁵ bawo mändəkəyənɛ kə sedɛ fər ya afum fəp kirinɲ ta nte mənəɲk kə nte mənə sə mə.

¹⁶ Ndekəl oɲ ta ake tə məyi kəwɔnɛ-ɛ? Məyɛfɛ məyə pagbət əm dərɔmum teta Kanu, payak kiciya kam kəwe ka Mariki disrɛ.»

Kəsom ka Pol decikərə

¹⁷ Nte ilukus Yerusalem mə, ictola nde kələ kəpəɲ ka Kanu, kə kənəɲk kənder im kəyɛfɛ darenc.

¹⁸ Ti disrɛ, k'inəɲk Mariki Yesu, nwe ɛnalok'im: «Məkufɛ məwur Yerusalem, bawo ɲafədewosɛ kənə sedɛ səkə məsumpər tetem mə.»

¹⁹ K'iloku kə: «Mariki, ɲancərə a inckə dəkətola Kanu da aSuyif, icsut, icber afum dəbili aɲɛ ɲanaləɲ tetam mə.

²⁰ Nte analoɲ mecir ma sedɛ sam Etiyən mə, ina wəkawɛ yati inayi di, kə mes maɲan məmbət im. In'ɛnamɛɲkɛ akakə ɲanadif kə mə yati yamos.»

²¹ Mba kə Mariki olək'im: «Məkə! Pəbələ pə ina indesom əm, nde atəyənɛ aSuyif ɲayi mə.»»

Pol kə wəbɛ wəsədar wəRom

²² Afum ɲanacəɲkəl kə haɲ tɛm nte ɛnaloku toloku tatəkə mə, mba ndekəl oɲ kə ɲampɛnɛ sim ɲacloku: «Pamələk kə! Ta pasak fum pəmə wəkawɛ pəyi doru.»

²³ Kə ɲaɲkule-kule, kə ɲaɲgbal suma sənəɲ kə ɲələm kəbof darenc.

²⁴ Kə wəbɛ wəsədar wəRom osom asədar ɔn a pabɛrsɛnɛ kə dəkədɛrɛ daɲan. K'oloku a pasut Pol nte tənɔsəɲɛ pələku-loku, pacərə tɛ təkə ɔyɔ nte təsəɲɛ afum kəkule-kule tetən mə.

²⁵ Nte anakot Pol kəkəsut kə mə, kə Pol eyif wəbɛ wəsədar wəkə ɛnayi di mə: «Awos'am kəsut wəkə wəRom nwe antəkiti mə ba?»

²⁶ Nte wabe wasadar nwe ene toloku tatako ma, k'ank'o payif wabe wasadar wapan, pacloku: «Cake mandeyo-e? Wekom waRom ofo.»

²⁷ Ko wabe wapan wasadar waRom ender k'eyif ko: «Melok'im kance, wekom waRom mayone ba?»

Ko Pol owose: «Ey.»

²⁸ Ko wabe wapan wasadar waRom nwe oloku so: «Ina, pasam pelarem p'isotone kayone ka waRom!»

Ko Pol oloku: «Ina, ankom em ti kakome dam.»

²⁹ Gbancana babako, ako panamar nasone Pol kalok-loku ma jambale, ko wabe wasadar enese, k'encare a wekom waRom yati nk'on wabe wasadar asone k'ankot.

Pol nde for ya aboc kiti kirin

³⁰ Dackasak wabe waka asadar nwe pafan kacare tes tako asuyif akako jambonce Pol ma, k'oloku a pasikeli ko, k'oloku so alonene apone ko aboc kiti asuyif fep kalonkane. Ko wabe enkere Pol k'encambor ko for yanjan kirin.

23

Pol kayacne kon nde for ya aboc kiti kirin

¹ Pol pagbatne aboc kiti asuyif ane, k'oloku: «Ko ina, awenc im ana, amera nosoku pes n'inkatene for ya Kanu kirin han mako.»

² Ananias walone wapan oloku ako nanayi Pol kasak ma a naffer ko kaca dakanca.

³ Ko Pol oloku ko: «Kanu kandesut am, mayone pamo damba dete nde ancem alom nfer ma! Mende nno mekit im pamo tako sariye seloku ma, mba meloku a pasut im, tako sariye samone mo!»

⁴ Afum ako nanayi di ma, naloku: «Walone wapan ka Kanu mayi so kalomas ba?»

⁵ Ko Pol olukse na: «Awenc im ana, incare fe a nk'on yone walone wapan. Ita ancic daYecicas Yosoku disre disre: «Pamar fe malomas wakirin waka afum am.»»

⁶ Nte tenayone a alonkane nanayi kasak kin asadisi ko kank'o aFarisi ma. Ko Pol eyefe k'emnene dim dendo aboc kiti asuyif nancyifat ko ma: «Awenc im ana! Ina so, waFarisi iyone, wan ka aFarisi! K'ancambor im kakiti-e, kalan kem a afi nandeyefe defi kasone ti!»

⁷ Nte Pol oloku moloku mamako ma, ko kagbekalene kayi aFarisi ko asadisi daco, ko kagbeyene kayi.

⁸ Ko asadisi naloku a kayefe defi kayi fe, meleke meyi fe, yank ko arkifin yeyi fe. AFarisi kaca kajan, janalan a mamako fep meyi doru.

⁹ Ko sim samp'e han, ko atakse sariye kaca ka aFarisi nayefe ko jambupare papan, nacloku: «Sanank fe nte o nte telec nno fum wakawe eyi ma! Ancare fe: Toloma nank, ko payone fe ti-e, meleke molok-lokar ko.»

¹⁰ Nte kagbekalene kanccone on kaccone dam kirin ma, ko wabe wasadar wapan enese a ta nawatari-watari Pol, k'oloku asadar a nator nako nalek Pol nalukse ko nde asadar jandire ma.

¹¹ Dackasak pibi ko Mariki ender Pol kanank disre, k'oloku: «Mabakne! Tako manayan'em sede for ya aboc kiti nde Yerusalem ma, mene mako so mayan'em si Rom.»

Kasek kadifka Pol

¹² Nte dec dasak ma, k'asuyif aloma nasek kadif Pol, ko nantanne kasone temer katodi yeri, katamun han naclip ti.

¹³ Afum ane nanasek kadif Pol kank'o ma, nanck'o han nacepar afum waco mankale.

¹⁴ Ko nanck'o nabap alonene apone ko abeki a dotof kakoloku na: «Sasone temer katodi peri ta santalip kadif Pol-e.»

15 Nana on ndekal kabap ka aboc kiti aSuyif, nakɔ natola wabe wəsɔdar pakere nu Pol pəmɔ nte nanfan kaməmən tetɔn belbel mɔ. Səna səncəme səckar kədif kən ta entabəp nu-ε.»

16 Nte wan ka wəkirε ka Pol ene pacloku toloku ta kəcəpε kɔ towul pədife pən mɔ, k'ɔnkɔ nde asɔdar ɲandirε mɔ, k'embere k'oloku ti Pol.

17 Kɔ Pol ewe wəsɔdar wəpəɲ wəlɔma k'oloku kɔ: «Məsolε wətəmp nwe məkenε kɔ wabe wəsɔdar wəRom, bawo efan kəsəɲε kɔ kəcəpε toloku təlɔma.»

18 Kɔ wəsɔdar wəkakɔ elɛk kɔ, kɔ ɲankɔ ndena wabe wəsɔdar wəRom.

K'oloku kɔ: «Kelmani Pol ew'em k'olok'im a iker'am wətəmp wəkawε, a efan kəsəɲ'am kəcəpε toloku təlɔm.»

19 Kɔ wabe wəsɔdar wəRom osumpər kɔ kəca kɔ ɲawurnε kəsək. K'eyif kɔ: «Ake toloku tɔ məyɔ nte məfan kəlɔk'im mɔ-ε?»

20 Kɔ wətəmp nwe oloku: «ASuyif alɔma ɲantəɲne a ɲawer əm alna Pol mətorene ɲa kɔ ndena aboc kiti aSuyif, pəmɔ nte nanfan kəyifət kɔ ɲaməmən tetɔn belbel mɔ.

21 Mba məsəp ta ɲatam əm dəmoloku de! Bawo afum wəco maɲkələ kɔ təlɔm ɲa daco ɲayi kəcəpε Pol towul pədife pən. ɲasəɲne temer kətədi yeri, kətəmun ta ɲantanim kə-ε. Təm tantε ɲalip kəlompəsne. Kəwosε kam gbəcərəm kɔ ɲayi kəkar.»

22 Kɔ wabe wəsɔdar wəRom eməɲkəs wətəmp nwe a ta pəlɔmər sɔ nwe o nwe toloku tataɔ oloku kɔ mɔ, k'əsak kɔ, k'ɔnkɔ.

Pol nde fər ya wabe Felikəs kirin

23 Kɔ wabe wəsɔdar wəRom ewe asɔdar ɔn apəɲ mərəɲ, k'oloku ɲa: «Nələk asɔdar masar mərəɲ (200), ayeksene fələs wəco camət-mərəɲ, kɔ atəmpər mbəncəran masar mərəɲ (200), ɲalompəsne kəkɔ ka Sesari pibi-ana.

24 Nəlompəs sɔ fələs, nte təɲsəɲε pakene wabe Felikəs Pol pəyi wəyən mɔ.»

25 Kɔ wabe wəsɔdar wəRom encicε Filikəs areka ɲne ɲenaloku nte mɔ:

26 «Ina, Kolodu Lisiyas, incic'am areka ɲanε mənna wabe kem Felikəs, icyif əm.

27 Wərkun wəkawε, aSuyif alɔma ɲalɛk kɔ ɲackɔ kənim. Mba alok'im a wəkom wəRom ɔfɔ, it'əsəɲ em kəder kɔ asɔdar em kəbanjər ɲa kɔ.

28 Nte ifan kəcəpε tes nte amboncε kɔ mɔ, k'intorene kɔ nde aboc kiti aSuyif ɲayi mɔ.

29 K'inəɲk, k'amboncε kɔ tes-ε, kəgbekələne kɔ nkε kəɲkotərəne sariyε sənjan mɔ, mba ali tes eləsər fε nte pəmar padife kɔ, kɔ pəyənε fε ti-ε, paber kɔ dəbili mɔ.

30 Nte alok'im kəsək kədif ka wərkun wəkawε on mɔ, itɔ inken'am kɔ katəna. K'ilokene aboncε ɔn tes, ɲakɔ ɲabokene tetɔn nɔn mənna məyi mɔ. Dənda ɔfɔ ləɲtaɲ.»

31 K'asɔdar ɲayɔ pəmɔ tataɔ wabe kəɲan enasom ɲa mɔ. Kɔ ɲalɛk Pol kɔ ɲankekəre kɔ pibi disrε haɲ Antipatiri.

32 Dɔckəsək kɔ asɔdar alɔma ɲaluksərne nde ɲandirε mɔ, kɔ ɲasak ayeksene fələs ɲakekəre kɔ.

33 Nte ɲambere Sesari mɔ, kɔ ɲasəɲ areka ɲanɔkɔ Felikəs wabe ka dətɔf, kɔ ɲamentər kɔ Pol.

34 Nte wabe ka dətɔf elip kəkaraɲ areka ɲne mɔ, k'eyif Pol wəka atɔf ɲere məyənε-ε. Nte ene a wəka Silisi ɔyənε mɔ,

35 kɔ wabe Felikəs oloku: «Indecəɲkəl əm kɔ aboncε am tes ɲandeder-ε.» K'osom a pacanər Pol nde bili bəkɔ bənayi nde abanɲa ɲa wabe Herodu mɔ.

24

Amboncε Pol mes

1 Nte mata kəcəmət mencepər mɔ, kɔ wəlɔɲne wəpəɲ Ananiyas ontor kɔ abeki a dətɔf alɔma kɔ wəgbekələne wəkin pacwe kɔ Tertulu. Kɔ ɲanɲkɔ ɲabokene nɔn wabe wəka dətɔf eyi mɔ teta Pol.

² Kɔ wɔbɛ ka dɔtɔf osom k'awe Pol, kɔ Tertulu oncop moloku mɔn nte: «Wɔbɛ, mɔn'ɔsɔŋɛ nte sɔyine bɛkɛc yoforu mɔ. Kɛkɔtɛnɛ dɛbɛ kam kɛtɔt, kɔ kɛsɛkpɛr ka mes mɔlɔma teta atɔf ŋɔsu ŋaŋɛ, bawo mɔnayay ŋi nte tender mɔ.

³ Wɔbɛ Felikɛs wɛlɛlɛs kosu, sɔŋsɔtɔ pɛtɔt papɔkɔ tɛm fɛp kɔ mofɔ fɛp. Sɔnyek-yekɛs'am ti.

⁴ Mba nte intɔfanj kɛlɛkɛr ɛm tɛm tɛlarɛm mɔ, it'intolan'am kɛcɛŋkɛl su abɛkɛc ŋɔtɔt disrɛ tɛm tepic.

⁵ Sɔŋkɔkɛ a fum wɛkawɛ wɛbɛrɛs afum dacɔ ɔyɔnɛ, nkɔn ɔŋsɔŋɛ aSuyif fɛp kɛgbɛkɛlɛnɛ doru mofɔ fɛp. Wɛkiriŋ wɛka kɛgba ka afum a Nasaret ɔyɔnɛ.

⁶⁻⁷ ɛnafan yati kɛyik-yikɛs kɛlɔ kɛpɔŋ ka Kanu, itɔ sɛnasumpɛrɛ kɔ.

⁸ Mɔna Wɔbɛ mɔntam kɛyifɛt kɔ, mɛtɛn kɛcɛrɛ kɔ pɛyɔnɛ a tɔkɔ sɛmbɔncɛ kɔ mɔ kance kɔ-ɛ.»

⁹ Kɔ aSuyif aŋɛ ŋanayi di mɔ, ŋambanɛ Tertulu, kɛcloku: «Itɔ teyi yati!»

Pol fɔr ya Felikɛs kirin

¹⁰ Nte wɔbɛ ka dɔtɔf ɛfɛk Pol kɛca a pɛlɔk-loku mɔ, kɔ Pol oloku nte: «Wɔbɛ, incɛrɛ a meren mɛlarɛm mɔ mɔyi atɔf ŋaŋɛ mɛkiti. Kɛlanj kanj kɔ disrɛ k'indelokɛn'am kɛyac kem.

¹¹ Tentacepɛr fɛ mata wɛcɔ kɔ mɛrɔŋ nte impɛ dare da Yerusalem kɛkɔkor-koru Kanu, mɔntam ti kɛyifɛt.

¹² Ambɔp f'em kɛlɔ kɛpɔŋ ka Kanu, ambɔp f'em dɛkɔtɔla Kanu da aSuyif, ambɔp f'em dare disrɛ sɛcgbɛkɛlɛnɛ kɔ afum, kɔ pɛyɔnɛ fɛ ti-ɛ, icgbiŋɛr afum kɛyɛfɛrɛnɛ.

¹³ Nafɔtam sɔ kɛcmentɛr ɛm kance ka tes tɔkɔ ŋambɔncɛ em mɔ.

¹⁴ Kance intam kɛwɔsɛ nnɔ fɔr yam kirin a Kanu ka atɛm em k'iŋkor-koru, k'incɛmɛ dɔpɔ da Kanu darɔŋ ndɛ ŋa ŋancɛm-cɛmnɛ a yem yɔ mɔ. Mba ina ilan nte o nte ancic dɔYecicɛs Yosoku Tawureta Musa kɔ Sayibɛ mɔ.

¹⁵ Injɛbɛkɛr teta Kanu tɔlɔma amera, nte ŋa abɔnc'em mes ŋa sɔ ŋaŋgbɛkɛr mera mɔ: It'ɔyɔnɛ a Kanu kɛndeyɛkti afi, alompɔ kɔ atɔlompɔ.

¹⁶ It'ɔsɔŋɛ nte ina sɔ injɛp tɛm fɛp kɛkɔtɛnɛ amera ŋɔtɔt fɔr ya Kanu kɔ afum kirin mɔ.

¹⁷ Nte meren mɛlarɛm mencepɛr mɔ, k'inder nnɔ Yerusalem kɛdemar afum em, k'ilɔŋnɛ sɔ Kanu.

¹⁸ Kɔ ŋaŋkɔ ŋabɔp im icsɔkɛsnɛ kɛlɔ kɛpɔŋ ka Kanu disrɛ, bafɔ afum ŋalɔŋkanɛ di, bafɔ pacgbɛkɛlɛnɛ de.

¹⁹ Mɛnɛ aSuyif a atɔf ŋa Asi alɔma akɔ ŋanayi di mɔ, ŋa ŋɔ pɛmar kɛdɛr nnɔ mɔyi mɔ ŋacɔnc'em mes, kɔ pɛyɔnɛ a ŋantɔmpɛr em mi-ɛ.

²⁰ Kɔ pɛyɔnɛ fɛ ti-ɛ, afum akanjɛ ŋaloku tes tɛlɛc nte abɔc kiti aSuyif ŋananɛŋk im nte ŋanakit'im mɔ.

²¹ Mɛnɛ pɛyɔnɛ tolɔku tɔkɔ inalokɛ dim dɔpɔŋ, icɛmɛ ŋa dacɔ mɔ de: «Teta kɛdɛyɛfɛ defi nkɛ ilan mɔ, it'ancɛmbɛr'em mɔkɔ kiti nnɔ fɔr yam kirin!»

²² Tɛnabɔp paloku Felikɛs belbel mes ma dɔpɔ da Mariki Yesu, k'olukɛsɛ kiti dɔsɔk dɔlɔma, pɛcloku: «Kɔ wɔbɛ wɛsɔdar wɛRom Lisiyas endɛdɛr-ɛ, indɛmɔmɔn tes tonu.»

²³ Kɔ wɔbɛ ka dɔtɔf oloku wɛsɔdar a pɛcɔŋɛr kɔ, mba ta pɛkɔt kɔ, ta pɛmɔnɛ sɔ afum ɔn kɛmar kɔ mes mɔlɔma.

Pol fɔr ya Felikɛs kɔ Durusil kirin

²⁴ Nte mataka mɔlɔma mencepɛr mɔ, Felikɛs ŋasɔl kɔ wɛran kɔn, Durusil, wɛSuyif ɛnayi, kɔ ŋander, kɔ ŋasom pakɔwɛnɛ ŋa Pol. Kɔ ŋancɛŋkɛl kɔ kɛlɔku ka kɛlanj kɔn Yesu Krist.

²⁵ Mba nte Pol ɛnatɛfɛrnɛnɛ moloku mɔn teta pɛlompɔ, teta kɛsumpɛrnɛ, kɔ kiti nkɛ kɛndɛdɛr mɔ, kɔ kɛnɛsɛ kɛyi Felikɛs. K'oloku Pol: «Pɛntɔŋnɛ mɔkɔ tantɛ. Mɔkɔ kɛrɛsna. K'indɛsɔtɔ tɛm-ɛ, indɛsɔw'am.»

²⁶ Felikɛs ɛnafɔtɔma a Pol ɔŋkɔsɔŋ kɔ pɛsam. It'oncsomɛsɛ tɛm fɛp, pakɔwɛnɛ kɔ Pol ŋaloku-loku.

²⁷ Kɔ ɲayi ti disre haɲ kɔ meren merɛɲ mencepɛr, k'asɛkpɛr Felikɛs dɛbɛ, k'andɛs Pɛrsiyus Fɛstus. Mba ntɛ Felikɛs ɛnafan kɛbɔtɛs abɛ aSuyif mera mɔ, k'ɛsak Pol dɛbili.

25

Awe Pol fɔr ya wɛbɛ wɛka tɔfya Rom fɔp kirin

¹ Kɛdɛs ka Fɛstus dɔcɔm da dɛbɛ tataka ta maas, k'eyɛfɛ dare da Sesari kɛkɔ ka Yerusalem.

² Alɔɲɛ apɔɲ kɔ afum alɛl a dɔtɔf aSuyif ɲaɲkɔ ɲabokɛnɛ nnɔ eyi mɔ, tɛta Pol.

³ Kɔ ɲaɲgbɛc ɲactola Fɛstus kɛmar kɛɲan pakɛrɛ Pol Yerusalem, mba kɔ ɲalompɛs towul mpɛ ɲantam kɛdifɛ Pol dɔpɔ mɔ.

⁴ Kɔ Fɛstus oloku ɲa a ancaɲɛr Pol dare da Sesari, a nkɔn yati pɛmar pɛkɔ di mata mamɔkɔ.

⁵ K'endenɛr, «Afum acɛrɛ kɛlok-loku aɲɛ ɲayi nu dacɔ mɔ, ɲasol kɔ ina, sɛkɔ. Kɔ fum wɛkawɛ ɛnalɛsɛr tɛs-ɛ, ɲakɔ ɲalɔm kɛbokɛnɛ kɛɲan dɛndo.»

⁶ Fɛstus ɛnacepɛrɛnɛ fɛ mata camɛt-maas, kɔ pɛyɔnɛ fɛ ti-ɛ mata wɛcɔ Yerusalem, k'olukus dare da Sesari. Dɔckɔsɔk k'ɛndɛ dɛɲkiti, k'osom a pakɛrɛ Pol.

⁷ Ntɛ Pol ender mɔ, kɔ aSuyif aɲɛ ɲanator Yerusalem mɔ ɲaɲkel kɔ, kɔ ɲamboncɛ kɔ mes mɔpɔɲ mɛlarɛm, mɛnɛ ɲanatɔtam kɛsɔkɛs mɔ.

⁸ Pol oncloku kɛyacnɛ kɔn: «Ali tɛs ilɛsɛr fɛ! Inciya fɛ sariyɛ sa aSuyif, inciya fɛ kɛlɔ kɛpɔɲ ka Kanu, inciya fɛ Sesar.»

⁹ Fɛstus, nwɛ ɛnafan kɛbɔtɛs aSuyif mera mɔ, eyif Pol: «Mɛfan kɛpɛ Yerusalem pakɛkit'ɛm di fɔr yem kirin ba?»

¹⁰ Kɔ Pol oloku: «Fɔr ya dɛɲkiti da Sesar y'incɛmɛ kirin tante, difɔ pɛmar pakit'im. Ali tɛs ilɛsɛrɛ fɛ aSuyif, pɛmɔ tatɔkɔ mɛna yati mɛncɛrɛ ti mɔ.

¹¹ Kɔ pɛyɔnɛ a inciya, kɔ pɛyɔnɛ a iyɔ ntɛ o ntɛ pɛmar padif'em mɔ-ɛ, ifɔtola a paɲaɲɲɛn'em. Mba kɔ pɛyɔnɛ a mes mɛmɛ ambonc'em mɔyɔnɛ fɛ kance-ɛ, pɛmar fɛ nwɛ o nwɛ pɛsɔɲ im ɲa. Intɔla ti wɛbɛ wɛka tɔf ya Rom fɔp pakit'im.»

¹² Awa Fɛstus, ntɛ ɲalip kɛmɔmɛn mes mɛmɛ kɔ amar ɔn mɔ, k'oloku: «Ntɛ mɛloku a Sesar mɛfan a pakit'ɛm mɔ, kɛkɔ kɔ mɛnder Rom pakɛkit'ɛm.»

Pol fɔr ya Akripa kɔ Bernis kirin

¹³ Ntɛ mataka mɛlɔm mɛncepɛr mɔ, wɛbɛ Akripa kɔ wɛkirɛ kɔn Bernis ɲander dare da Sesari, kɛdeyif Fɛstus.

¹⁴ Ntɛ ɲawak di kɛwon mɔ, kɔ Fɛstus ɔlɔmɛr wɛbɛ nwɛ tɛta Pol, pɛcloku: «Felikɛs ɛnasak fum wɛlɔma dɛbili.

¹⁵ Ntɛ inakɔ Yerusalem mɔ, alɔɲɛ apɔɲ kɔ abeki a dɔtɔf aSuyif ɲanabokɛnɛ tɛtɔn, ɲactola kɛdif kɔn.

¹⁶ K'iloku ɲa a aRom ɲafɔsɔɲ fum kɛdif ta wɛkayi ɲantatɛfɛrɛnɛ kɔ aboncɛ ɔn mes-ɛ, pɛyacnɛ moloku mɔkɔ amboncɛ kɔ mɔ.

¹⁷ It'ɔsɔɲɛ ntɛ ɲatɔwon kɛderɛnɛ nnɔ mɔ. Dɔckɔsɔk, k'ɛndɛ dɛɲkiti, k'isom a pakɛrɛ fum wɛkakɔ.

¹⁸ Ntɛ aboncɛ ɔn mes ɲander mɔ, ali tɛs ɲamboncɛ fɛ kɔ ntɛ inafɔtɔnɛ kɔ mɔ.

¹⁹ ɲaɲgbɛkɛlɛnɛ kɛgbɛkɛlɛnɛ dɛm tɛta dinɛ daɲan, kɔ tɛta Yesu wɛlɔma, nwɛ efi mɔ, mba kɔ Pol nkɔn oloku a eyi wɛyɛɲ.

²⁰ Kɔ ina, ntɛ intɔcɛrɛ ntɛ indeloku tɛta mes ma dinɛ daɲan mɔ, k'iyif Pol, kɔ pɛyɔnɛ ɔɲwɔsɛ kɛkɔ Yerusalem pakɛkiti kɔ dɛndo-ɛ.

²¹ Mba Pol ontɔla ntɛ ɛfan mɔ: A wɛbɛ kosu wɛlɛl pɛkiti kɔ, it'ɔsɔɲɛ ntɛ iloku a pacanɛr kɔ haɲ ictam kɛkɛnɛ kɔ Sesar wɛbɛ wɛka tɔf ya Rom fɔp.»

²² Kɔ Akripa oloku Fɛstus: «Ina sɔ, ifan kɛcɛɲkɛl fum wɛkawɛ.» Kɔ Fɛstus oloku: «Alna mɛncɛɲkɛl kɔ.»

²³ Dackasak Akripa ko wakire kon Bernis nanderene asos navesne, ko namberende dukulo dako ankiti mo, ko abe aron asodar aRom, ko afum alel a dare. Ko Festus osom k'ankere Pol.

²⁴ Awa ko Festus oloku: «Wabe Akripa, ko nana fap fonu ane nayi su daco mo, nanank fum wakawe, teton to aSuyif alaram akanje nambokene nno iyi mo. Kayefe Yerusalem han nno, jackule-kule a pamar fe payi doru.

²⁵ Ko ina, inank fe nte o nte pamar a padife ko mo. Mba nte nkon wesarika ontola a wabe kosu walel pakiti ko mo, it'incem-cemne kadekene ko Pol wakawe.

²⁶ Nte intayo nte o nte tosoku tecice wabe kosu walel teta fum wakawe mo, it'inkere ne ko for yonu kirin, panankane mana wabe Akripa, nayifat ko nte tansone isoto toko indecic mo.

²⁷ Bawo, pawuren'em kayi samne, kason kelmani packekere Rom ta masokas kacic mes mako ambonce ko mo-e.»

26

Pol kayacne kon nno Akripa eyi mo

¹ Ko Akripa oloku Pol: «Awos'am kaloku-loku tetam.»

Ko Pol ondot kaca kalek moloku kayacne.

² «Pambot im, Wabe Akripa, kanankne mako ideyacne nno mayi mo mes mme aSuyif aloma nambonc em mo.

³ Mancere belbel mes mokur anja ma aSuyif ko kagbekelene ka mi. Iletsen'am macankal im belbel.

⁴ ASuyif fap nancere nte tenayone teyi tem kayefe dowut dem mo, dakacop nte inayi afum em daco Yerusalem mo.

⁵ Nancar'em kayefe nte panawon mo, nantam so kabonc ti, bawo for yanjan yati nanatone mes ko mayo ma doru dem fap, a cFarisi c'inayi, kagba ka afum ako nanananankane kayenk mes dine dosu mo.

⁶ Mako ayi kakit'im, bawo ingbekar amera temer nte Kanu kanason atem asu mo.

⁷ Cusunka cosu nce waco ko meron cansali tem fap, dan ko pibi, nayo amera kasoto ka kaleke temer kanjo. Wabe, teta kagbekar amera kanjo ko aSuyif nambonc em mes.

⁸ Teta ake to nantofane kalan a Kanu kansone fum kafote dedefi-e?

⁹ Ina wakawe yati, inacem-cemne kasimas ko tewe ta Yesu waNasaret sapo fap.

¹⁰ It'inayo Yerusalem, ina wakawe yati inaber afum acempi alaram dabili katam disre nke abe a alone nanason im mo. Nte nancloku kadif kanjan mo, ina so incwose ti.

¹¹ Incko dawalo wa dakatola Kanu da aSuyif fap, ictoras alan, incgbac na kalomas tewe ta Yesu. Pactel'em nno nayi mo, incbelas na han sadare sacuru.»

Pol alom kakafale kon amera

¹² «Ti tenasone dasak nde indeko dare da Damas mo, katam ko kasom ka abe a alone aron.

¹³ Dan decfan kabap, Wabe Akripa, k'inank dendo dapo pawankara mpe penakel im ko afum ako sanasol mo. Pamtot mpe panayefe dakom mo, pocmot petas dec.

¹⁴ Ko santempene fap fosu dantof, k'ine dim doclok'im cEbre: «Sol, Sol, ta ake to mantoras em-e? Ta ake to mambare pamo wana cangbangban ca mariki mam dantof-e.»

¹⁵ K'iyif: «Mariki, an'of-e?»

K'oluks'em: «In'of Yesu, nwe mana mayi katoras mo.

¹⁶ Mba mayefe macame wacak wam karon. Macere tes nte tason'em kawurar am mo: Iyek-yeke am kayone ka wabace kem, mayone so watonne mes mako manank nno iyi mo ko mako indesawurar am mo.

¹⁷ Indeban am afum am akanje dawaca ko atoyone aSuyif nda ane indesom am mo,

¹⁸ kəkəmepi ɲa fər. Nte tənɲəne ɲawur dəkəbump ɲatefərne pəwan̄kəra, ɲawur kətam ka Sentani ɲayi kətam ka Kanu disre mə. Kə ɲalaɲ im-ε, ɲandesəto kəɲaɲne ka kiciya kəɲan, ɲasəto dəkəcəme afum dacə aɲe ɲayəne aka Kanu mə.»

Pol oloku yebac yən

¹⁹ «Ti disre, Wəbe Akripa, iyen̄kər fe kənəɲk nke kəɲyefe darenc mə domp.

²⁰ Mba inacam kərəsna nnə afum aka Damas kə aka Yerusaləm, kəbər ka afum aka atəf ɲa Yude fəp haɲ atəyənə aSuyif. Iloku ɲa kəsəkpər bəkəc ɲakafəle nnə Kanu kəyi mə, ɲayə məyə mətət mme meɲmentər kəsəkpər kəɲan bəkəc mə.

²¹ Tante tenasəne kə aSuyif ɲasumpər im nde kələ kəpəɲ ka Kanu disre, ɲacfaɲ kədif im.

²² Mba kəbum ka Kanu kəsəɲ'em kəyi doru haɲ məkə, iyənə sede sən nnə awut kə abeki ɲayi mə. Ifəloku nte o nte sayibe kə Musa ɲanatəloku mə,

²³ kəcərə a Krist endekekərə pəcuca, k'əyənə wəyefe wəcəkə-cəkə defi-ε, nkən endecam teta pəwan̄kəra nnə aSuyif kə atəyənə aSuyif ɲayi mə.»

Pol kəfaɲ kən kəsəne Akripa kəlaɲ

²⁴ Nte Pol oncloku moloku mən meyacnene mə, kə Festus oɲkulərne: «Pol cəpə mətamne fe? Kətəkəs kam kəlarəm kəsəɲ'am kətətamne.»

²⁵ Kə Pol oloku: «Daka o daka dəyə f'em. Intamne keɲ, Wəbe kem wələl, Festus! Moloku ma kance kə molompu m'iyi kələku.

²⁶ Wəbe encərə maməkə fəp, it'ɲloke mi kəlaɲ disre fər yən kirin̄. Incərə a məcərə mes maməkə fəp, bawo menacepər fər ya afum kirin̄.

²⁷ Wəbe Akripa, məlaɲ sayibe ba? Incərə belbel a məlaɲ ɲa!»

²⁸ Kə Akripa oloku Pol: «Kə məsəp kəberene pəpic-ε, məɲsəɲ'em kəyənə wələɲ Krist.»

²⁹ Kə Pol oloku: «Təyənə a ndekəl kə pəyənə fe ti-ε, tekirin̄, intola kə Kanu kəwose-ε, kəyefe mənə haɲ akə ɲayi kəcəɲkəl im məkə mə, nəyi pəmə ina, mba ta gbekce yaye yeyi ti de.»

³⁰ Awa wəbe ka atəf, wəbe ka sədare səlarəm, Bernis, kəbər ka afum akə ɲanandə kə ɲa mə fəp ɲayefe.

³¹ Nte ɲancwur mə ɲaclokenə: «Fum wəkawe əyə fe nte o nte pəmar padife kə, kə pəyənə fe ti-ε paber kə dəbili mə.»

³² Kə Akripa nkən oloku Festus: «K'antam kəsak fum wəkawe pətə-yənə fə ewe wəbe wəka Rom-ε.»

27

Aɲkekərə Pol Rom

¹ Nte antəɲne oɲ a səbəkə debil kəkə ka atəf ɲa Itali mə, k'asəɲ Pol kə afum aləma akə ɲanayi dəbili mə wəsədar wəpəɲ wələma nwe ancwe Yuliyus mə. Wəbum ka wəbe wəka Rom enayənə, k'asom kə kəkəkəs ɲa.

² Kə səmbəkə dəbil kəyefe ka dare da Adaramit kəkə ka cəgbep ca Asi kə səɲkə səpe. Aristarko wəMasedon wəka dare da Tesaloni enayi su dacə.

³ Dəckəsək kə səmbere Sidəɲ. Yuliyus nwe əncyə Pol mes mətət mə, owose kə kəkə ndena anapa ən kəkətenər ɲa kəmar kələma.

⁴ Nte səyefe dəndo mə, kə səsumpər kəca ka Sipər bawo səncgbofne afef.

⁵ Nte səncali kəba nke mēnc mōɲsut təf ya Silisi kə Paɲfili mə, kə səɲkə sətor dare da Mira, atəf ɲa Lisi.

⁶ Dəndo kə wəbe wəsədar əsəto dəndo abil ɲe ɲanakəyefe dare da Aleksandər kəkə ka Itali mə, k'embek su ɲi disre.

⁷ Mataka məlarəm disre səckət meten dəkəba. Pəcuca disre pə sənadəbər Sinidi, mba nte afef ɲenatəwose su kəkə pəbələ mə, kə səsumpər agbep ɲa atəf ɲa Kret, kə səncepər Salmən.

⁸ Kɔ sɛŋgbɔfɔnɛ dobo dadɔkɔ pɛcuca disrɛ, kɔ sɛŋkɔ sɛbɛp kɛfo kanjɔ anjwe «Cɛtɛnta Cɛtɛt,» ta pɛmbɔlɛnɛ di kɔ dare da Laseya-ɛ.

⁹ Ntɛ tɛm tɛlarɛm tencɛpɛr, akɔ kɛkɔtɛnɛ abil kɛncyɔ kɛyɔ dɛm wɛywey mɔ, kɔ mata ma kɛsuŋ mencepɛr-ɛ. Kɔ Pol ɛŋgbɛnɛr ŋa:

¹⁰ «Anapa, inɛŋk a kɛkɔt kosu kanjɛ kɛyɔ wɛywey. Abil kɔ yɛcamɛs yɔkɔ yeyi ŋi disrɛ mɔ yendelɛɛ, sɛna anjɛ sɛyi ŋi disrɛ mɔ yati sɛtɔrɔ.»

¹¹ Mba wɛbɛ wɛsɔdar pɔlanj wɛgbɛk abil kɔ wɛka ŋi, ta ewe moloku ma Pol daka-ɛ.

¹² Ntɛ tendɛŋɛrnɛ ti mɔ, kɛtɛnta kɛnatɛsɛ fɛ kɛcɛpɛrɛnɛ dɛrɛŋ. Kɔ ayi a abil ŋanɔkɔ disrɛ alarɛm ŋaloku kɛyɛfɛ ka di ŋabelɛr Fenik, kɛtɛnta ka Krɛt nke kɛŋkɛŋkɛnɛ afɛf ŋɛdɛrɛŋ mɔ.

Afɛf ŋɔpɔŋ ŋɔsut dɔkɔba

¹³ Kɔ afɛf ŋɛpic ŋɛyɛfɛ kɛwɛr kɛca kɛtɛt, kɔ ŋancɛm-cɛmnɛ a ŋantam kɛyɔ tɛfanj tanjan. Kɔ ŋayɛkti abɛla ŋanjan kɔ ŋasolnɛ dobo da Krɛt, ŋagbɛpɛnɛ di.

¹⁴ Pɛwɔn fɛ kɔ afɛf ŋɔpɔŋ ŋɔkɔ ancwɛ «ɛrakilɔŋ» mɔ ŋowɛr kɛyɛfɛ ka mɔrɔ ma dare.

¹⁵ Kɔ afɛf ŋanɔkɔ ŋɛyɛfɛ kɛcɛrnɛnɛ abil ta antam sɔ kɛcɛmɛ afɛf ŋanɔkɔ kirin-ɛ, kɔ sɛsaknɛ kɔ ŋɛŋkɛkɛrɛ su ndɛ ŋɛnafanj mɔ.

¹⁶ Sɛyi kɛcɛpɛr mokuru mɛfɛt mɔlɔma tantɔf, mmɛ ancwɛ Koda mɔ, kɔ sɛntam pɛcuca disrɛ kɛcɛmbɛrɛs abil.

¹⁷ Ntɛ sɛlinɛrnɛ ŋi mɔ, kɔ anjɛ ŋayi kɛbɛc abil disrɛ mɔ ŋanɔkɛtɛ ŋi bɛnda yɔkɔ yɛnayɔnɛ yɛmɛŋkɛrnɛ mɔ, ŋacnɛsɛ kɛkɔlɔŋɛ agbɛp ŋa atɔf ŋa Siriti, bawo kɛrɛrɛ ka asɛnc kɛnanyi di. Kɔ ŋanɔgbal anjka, mba afɛf ŋɔsole ŋa.

¹⁸ Ntɛ afɛf ŋɛnananjan kɛnɛ kɛyikɛc su mɔ, dɔckɔsɔk kɔ ŋanɔgbalɛs yɛcamɛs yɔlɔma dɔkɔba.

¹⁹ Tataka ta maas, kɔ abɛc a debil ŋasumpɛr gbalanji ba abil dɛwaca kɔ ŋanɔgbal bi dɔkɔba.

²⁰ Mataka mɛlarɛm disrɛ dec kɔ cɔs yɔncwɛr fɛ, afɛf ŋɛcbɛk onj kɛbɛk dɛm, tɛlpɛs kɔ sɛwɛrɛ mɛra kɛyi sɔ doru.

²¹ ŋanadi fɛ yeri kɛyɛfɛ ntɛ pɛnawɔn mɔ. Itɔ kɔ Pol ɛyɛfɛ k'ɛncɛmɛ ŋa dacɔ, k'oloku: «Anapa, pɛcyɔnɛ a nɛnacɛŋkɛl im ta nɛyɛfɛ Krɛt nɛyɛkti abɛla-ɛ, kɔ nɛmbumnɛna pɛcu y pampɛ pɔsɔtɔ su, kɔ ca nyɛ yɔsɔlɛr su mɔ.

²² Mba ndɛkɛl onj, intola a ancɛpɛs nu bɛkɛc, bawo ali fum ɔfɔfi nu dacɔ, mɛnɛ abil ŋɛndelɛɛ.

²³ Itɔ nnɔ pibi mɛlɛkɛ mɔlɔma ma Kanu nke iyɔnɛ wɛkɔn kɔ nke injkor-koru mɔ, mowurɛrn'em.

²⁴ Kɔ molok'im: «Ta mɛnɛsɛ, Pol! Mɛnɛ mɛcɛmɛ fɔr ya wɛbɛ ka tɔf ya Rom fɛp kirin, tetam tɔ Kanu kɛsake akanjɛ nɛyi abil ŋanɛ disrɛ mɔ fɛp kɛyi doru.»

²⁵ Nɛcɛpɛsɛnɛ bɛkɛc arkun, bawo ilanj tɔkɔ Kanu kɛlɔkun'em mɔ tendeyi.

²⁶ Mba mɛnɛ pakɔlɔŋɛ mokuru mɔlɔma.»

²⁷ Pibi pa wɛcɔ kɔ manjɛkɛlɛ p'anakɔ pafɛcɛrɛnɛ su kɛba ka Adiriya. Pibi dacɔ kɔ akɔtɛnɛ abil ŋancɛrɛ a alɔtɛrnɛ antɔf ŋowosu.

²⁸ Kɔ ŋantɔrɛ paka pelel pakɔtɛr pi kɛbɛnda, kɔ ŋanɛŋk a putukum pɛmbɛp mɛtɛr wɛcɔ maas kɔ camɛt-tin. Kɔ ŋancɔŋnɛ kirin kɔ ŋawak sɔ, kɔ ŋanɛŋk a pɛtukum pɛmbɛp mɛtɛr wɛcɔ mɛrɛŋ kɔ camɛt-mɛrɛŋ.

²⁹ Ntɛ ŋanesɛnɛ abil kɛcɛŋɛrɛnɛ masar mɔ, itɔ ŋanagbalɛ anjka manjɛkɛlɛ tadarɛŋ, kɔ ŋandɛ ŋackar pɛwanjɛrɛ, mba pɛcwɔn ŋa.

³⁰ Mba ntɛ abɛc a debil ŋanafanj kɛyɛksɛr abil mɔ, kɔ ŋantɔrɛ agbanjɛ, ŋaclɔku a ŋakɔ ŋagbal anjka tekirin ta abil.

³¹ Kɔ Pol olɔku wɛbɛ wɛsɔdar kɔ asɔdar, «Kɔ afum akanjɛ ŋantɔyi debil-ɛ, nɛfɔtam kɛyi doru.»

³² Kɔ asɔdar ŋancɔpu bɛnda ya agbanjɛ, kɔ ŋasak ŋi kɔ ŋɛntɛmpɛnɛ.

³³ ŋayi kɛkar dec kɛsɔk, kɔ Pol ewɛnɛ fɛp fosu kɛkɔdi yeri, k'oloku: «Mɔkɔ tataka ta wɛcɔ kɔ manjɛkɛlɛ ntɛ nɛyi kɛkar, ta nɛndi yeri mɔ.

³⁴ Intola nu oᅇ kᅁdi yeri, bawo pᅁmar nᅁdi yi nte tᅁᅇsᅁᅇ nᅁyacne mᅁ. Ali wᅁkin nu dacᅁ, kᅁfon kᅁn ka dᅁromp kᅁfᅁsᅁlᅁr kᅁ!»

³⁵ Nte Pol elip kᅁloku tataᅁkᅁ mᅁ, k'elᅁk kᅁcom k'eyif Kanu barka fᅁr ya afum fᅁp kirinᅇ, k'entepi ki, k'eyefe ki kᅁsᅁm.

³⁶ Kᅁ fᅁp fᅁncᅁp bᅁkᅁc kᅁ ᅇayefe kᅁsᅁm cᅁcom.

³⁷ Sᅁnayi afum masar merᅁᅇ wᅁco camᅁt-merᅁᅇ kᅁ camᅁt-tin (276) akᅁ ᅇanayi abil ᅇaᅇᅁkᅁ disre mᅁ.

³⁸ Nte fᅁp fᅁᅇembᅁre mᅁ, kᅁ ᅇaᅇᅁbal malᅁ melpᅁs dᅁkᅁba nte tᅁᅇsᅁᅇ abil ᅇᅁberene kᅁfoy mᅁ.

Kᅁloᅇe ka abil

³⁹ Nte dec dᅁsᅁk mᅁ, abᅁc a debil ᅇananepᅁl fe antᅁf, mba ᅇananᅁᅇk kerere, kᅁ ᅇancem-cemne kᅁcᅁᅇs abil ᅇaᅇ ᅇabᅁp ki.

⁴⁰ Kᅁ ᅇasikᅁli aᅇka kᅁ yontor dᅁkᅁba, kᅁ ᅇasikᅁlene sᅁ bᅁnda ya yas nye ancgbeke abil mᅁ. Kᅁ ᅇayᅁkti abela abil dᅁkᅁro, kᅁ afef ᅇelᅁk ᅇa, kᅁ ᅇᅁncᅁᅇs abil kᅁca ka dᅁkerere.

⁴¹ Mba kᅁ ᅇaᅇᅁkᅁ ᅇaᅇᅁt kerere acir merᅁᅇ dacᅁ, kᅁ kᅁro ka abil kᅁmᅁtne desᅁnc, ᅇentam fe sᅁ kᅁcᅁᅇne kirinᅇ. Kᅁ yam yᅁpᅁᅇ yender yosut abil ᅇaᅇan kᅁ ᅇelᅁsᅁr ᅇi tadarᅁᅇ.

⁴² Kᅁ asᅁdar ᅇancem-cemne kᅁdif ka kelmani-e, ta wᅁlᅁma pᅁᅇerᅁᅇ pᅁyeksᅁr ᅇa.

⁴³ Mba wᅁbe wᅁsᅁdar nwe ᅇnacem-cemne kᅁmar Pol ta efi dᅁkᅁba mᅁ, eyamsᅁr asᅁdar kᅁyᅁ ka tᅁfan taᅇan, k'oloku akᅁ ᅇanacᅁre kᅁᅇerᅁᅇ mᅁ ᅇanunᅇene kᅁtor dᅁkᅁba ᅇaᅇerᅁᅇ nte tᅁᅇsᅁᅇ ᅇaᅇe pᅁwosu mᅁ.

⁴⁴ Afum alpᅁs akᅁ ᅇandeleᅇ cᅁbam kᅁ cᅁpom ca abil ᅇaᅇerᅁᅇ ᅇabᅁp ᅇa dᅁndo dᅁpᅁwosu. Kᅁ afum fᅁp ᅇampe dᅁpᅁwosu, ali wᅁkin tes tenasᅁto fe.

28

Pol eyi Malit

¹ Nte sᅁmpᅁ ta tᅁlᅁm o tᅁlᅁm tᅁsᅁto fum mᅁ, k'aloku su a mokuru mamᅁkᅁ m'anᅇwe Malit.

² Kᅁ afum aka di ᅇasumpᅁr su belbel. Kᅁ ᅇaᅇᅁkekᅁre su kᅁkᅁsaye nᅁnc nde ᅇanacᅁl teta wᅁcafᅁn wᅁkᅁ ᅇnacᅁp kᅁtuf kᅁ kᅁfe mᅁ.

³ Pol ᅇnawᅁtᅁs yancan yᅁlᅁma nye ᅇnayi kᅁcᅁl dᅁnᅁnc mᅁ, mba teta pᅁwon, kᅁ dᅁf dowur yancan disre kᅁ dᅁndᅁtᅁrne kᅁ dᅁkᅁca.

⁴ Nte aka atᅁf ᅇaᅇᅁkᅁ ᅇanᅁᅇkᅁ dᅁf dᅁdᅁtᅁrne Pol dᅁkᅁca mᅁ, kᅁ ᅇalokene: «Fum wᅁkawᅁ tᅁlᅁma wᅁdif afum ᅁyᅁne, bawo ᅇntᅁp kᅁccafe dᅁkᅁba, mba Pᅁlompᅁ powose fe nkᅁn kᅁyi doru.»

⁵ Mba kᅁ Pol ᅁwes abok ᅇᅇe dᅁnᅁnc, ali ta pᅁncu kᅁ-e.

⁶ Afum akakᅁ ᅇackar a pᅁᅇkᅁkᅁf kᅁ dᅁnda abok ᅇᅇnadᅁtᅁrne mᅁ, kᅁ pᅁyᅁne fe ti-e pᅁᅁmpᅁne pᅁfi. Nte ᅇaᅇᅁkar kᅁ pᅁwon ta ᅇaᅇᅁᅇᅇkᅁ tᅁlᅁm o tᅁlᅁm tᅁsᅁto kᅁ mᅁ, kᅁ ᅇasᅁkpᅁr tᅁcem-cemne taᅇan, kᅁ ᅇaloku a kanu kᅁ ᅁyᅁne.

⁷ Kᅁfo kanᅇkᅁ kᅁsᅁk antᅁf ᅇᅁpᅁᅇ ᅇᅇnayi di ᅇa fum wᅁbeki wᅁpᅁᅇ wᅁka mokuru mamᅁkᅁ wᅁlᅁma, pacwe kᅁ Pubiliyu. Nkᅁn ᅇnasᅁᅇ su dᅁkiyi dᅁtᅁt mata maas.

⁸ Papa ka Pubiliyu ᅇnafᅁntᅁre ta ᅇntamne-e, fiba kᅁ kupur yeyi kᅁ. Kᅁ Pol ᅇmberᅁr kᅁ, k'ᅁntola Kanu, pᅁcᅁᅇᅇr kᅁ waca, k'ᅇntamᅁs kᅁ.

⁹ Ti disre kᅁ acu aka mokuru alpᅁs akᅁ ᅇander sᅁ, kᅁ ᅇa sᅁ ᅇantamne.

¹⁰ Kᅁ aka dare ᅇalelᅁs su belbel, nte sᅁndeyefe kᅁkᅁ mᅁ, k'asᅁᅇ su ca yᅁkᅁ pᅁnamar su kᅁyᅁ mᅁ fᅁp.

Pol kᅁbᅁp kᅁn Rom

¹¹ Nte sᅁncepᅁrene yof maas mᅁ, kᅁ sᅁsᅁto abil ᅇᅇe ᅇeyefe dare da Aleksandᅁr, kᅁ ᅇencepᅁrene dᅁrᅁᅇ mokuru ma Malit mᅁ. Abil ᅇaᅇᅁkᅁ ᅇ'ancwe «Diyᅁskur.»

¹² Nte sᅁmberᅁ dare da Sirakus mᅁ, kᅁ sᅁyi di mata maas.

¹³ Kɔ sɔyɛfɛ dɔndo, sɔsolnɛ agbɛp kɔ sɛnɔkɔ sɔsumpɛr dare da Resiyo. Kɔ afɛf ɲa kɔca kɔtɔt ɲɛyɛfɛ dɔckɔsɔk, mata mɛrɛɲ disrɛ kɔ sɛmbɛp dare da Pusɔl.

¹⁴ Difɔ sɛnabɛp awɛnc su aɲa alaɲ akɔ ɲanatola su kɔyi di mata camɛt-mɛrɛɲ mɔ. Tɔkɔt tante tɔ sɛnakɔt kɔbɛrɛ dare da Rom.

¹⁵ Awɛnc su aɲa alaɲ a dare da Rom aɲɛ ɲanane tetosu mɔ, ɲander kɛfaynɛ su haɲ nde makit ma Apiyus, kɔ nde ancwɛ Dɔkiyi Maas mɔ. Ntɛ Pol ɛnɔɲk ɲa mɔ, k'eyif Kanu barka, k'ɛmbɛrɛnɛ sɔ kɛcɛp abɛkɛc.

¹⁶ Ntɛ sɛmbɛrɛ Rom mɔ, k'awosɛ Pol kɔyi taciɲa kɔ wɛsɔdar wɛkɔ oncbum kɔ mɔ.

Pol kacam kɔn toloku tɔtɔt ta Kanu Rom

¹⁷ Ntɛ mata maas mencepɛr mɔ, kɔ Pol ewe afum alɛl aSuyif aɲɛ ɲanayi Rom mɔ. Ntɛ ɲambɛpsɛnɛ mɔ, k'oloku ɲa: «Awɛnc im aɲa, ali tes ilɛsɛrɛ fɛ afum asu, ali tes ilɛsɛr fɛ ta mes mosu mokur ma atɛm asu, mba ɲanasumpɛr im nde Yerusalem kɔ ɲamber im aRom dɔwaca.

¹⁸ Ntɛ ayifɛt im mɔ, abɛ akakɔ ɲanafan kɛsak im, bawo ɲananɔɲk fɛ ntɛ o ntɛ pɛmar padif'em mɔ.

¹⁹ Mba aSuyif ɲawosɛ fɛ. Ti tɛnasɔɲ'em kɔwɛ kiti ka wɛbɛ ka tɔf ya Rom fɛp ta ifan kɔbɔncɛ afum em tes-ɛ.

²⁰ Tes tɔtɔkɔ tɔsɔɲɛ ntɛ ifan kɔnɔɲkɛ nu, isɔɲɛ nu ti kɛcɛrɛ mɔ, bawo tɛta kɛgbɛkɛr amera ka afum a Yisrayel kɛsɔɲɛ ntɛ ambɛr im gbɛkɛcɛ yayɛ mɔ.»

²¹ Kɔ afum alɛl a Rom ɲaloku kɔ: «Ali areka ɲɛfɛt ɲin sɛsɔtɔ fɛ kɔyɛfɛ atɔf ɲa Yude tetam. Ali awɛnc su aɲa wɛkin ender fɛ pɔloku su pɛlɛc pam.

²² Mba sɛfan a sɛn'am kɛlok-loku mɛna yati tɔkɔ mɛncɛm-cɛmnɛ mɔ, bawo sɛncɛrɛ a kɛgbɛkɛlɛnɛ kɔyi mofɔ fɛp tɛta kɛgba nɛkɛ mɔyi mɔ.»

²³ Kɔ ɲambɔc tataka, kɔ ntɛ dɔsɔk dadɔkɔ dɛmbɛp mɔ alarɛm ɲander nda Pol kɛcɛɲkɛl kɔ. Kɔ Pol ɛncmɛntɛr ɲa pɛsɔku pɛs dɔYecicɛs Yosoku disrɛ mes ma dɛbɛ da Kanu fɛp, kɔyɛfɛ sariyɛ sa Musa kɛbɛp yecicɛs ya Sayibɛ. Kɔyɛfɛ bɛtɛtɛt haɲ dɔfɔy kɔ Pol ɛncsɛp kɛsɔɲɛ ɲa kɛlan tɛta Yesu.

²⁴ K'ɛɲkafɛli afum alɔma kɛlan tɔkɔ oncloku mɔ, mba alɔma ɲanalan fɛ ti.

²⁵ Ntɛ afum ɲancsakɛtɛnɛ kɛgbɛkɛlɛnɛ disrɛ dɔndo onclok-loku mɔ, kɔ Pol endɛɲɛr ntɛ gbɛcɛrɛm: «Amera Nɛcɛmpi ɲa Kanu ɲenalok-lokɛr atɛm anu belbel, dɔYecicɛs Yosoku ya aɲɲabi Esayi,

²⁶ ntɛ t'ɛnaloku:

«Mɛkɔ nnɔ afum akanɛ ɲayi mɔ, mɔloku:

Nɛndewon kɛcɛɲkɛl, mba nɛfɔdɛcɛrɛ!

Nɛndewon kɛgbɛtɛnɛ, mba nɛfɔdɛnɔɲk few,

²⁷ bawo sɛbɔmp sa afum akanɛ sɛfɔtam kɛcɛrɛ,

ɲasunc lɛɲɛs, kɔ ɲamɛp fɛr

ntɛ tɔɲsɔɲɛ ta ɲanɔɲkɛ yi,

ntɛ tɔɲsɔɲɛ ta ɲanɛnɛ lɛɲɛs yaɲan.

Ta bɛkɛc yaɲan yɔsɔɲɛ ɲa kɛcɛrɛ,

ɲadɛkafɛlɛ, ɲaluksɛrɛnɛ nnɔ iyi mɔ, tɔsɔɲɛ itamɛs ɲa.»

²⁸⁻²⁹ Nɛcɛrɛ a kɛɲɔɲnɛ ka Kanu kanɛkɛ atɔyɔnɛ aSuyif ɲ'anakɛrɛ ki, ɲa ɲandɛcɛɲkɛl ki.»

³⁰ Kɔ Pol eyi kɛlɔ kɛɲkɔ ɔncsɔɲ kɔway mɔ merɛn mɛrɛɲ, difɔ akɔ ɲancfan kɛnɔɲk kɔ mɔ fɛp ɲancbɛp kɔ.

³¹ Pol pɛccam dɛbɛ da Kanu, pɛctɔksɛ afum tɛta Mariki Yesu Krist kɛlan fɛp disrɛ, ali tes ta ayamsɛr kɔ-ɛ.

Sak

An'ɔ Sak ɔyɔnɛ-ɛ, t'ake tɔ pɛmar pakaraŋɛnɛ areka ɲɔn-ɛ?

Areka ɲɛfɛt ɲaŋɛ ɲɔyɔnɛ yɛciɛs ya moloku ma Kanu, nɛɛ alaŋ a Krist ɲambɔtɔr kɛkaraŋ doru dandɛ fɛp mɔ. Wɛnc ka Yesu, Sak, ɛnaciɛs ɲi nte tɔŋsɔŋɛ alaŋ aka Krist ɲacɛpɛs bɛkɛc yaŋaŋ, ali tɔyɔnɛ a ɲanayi dɛpɛcuca. AKresi ɲaŋkule «Sak», aHɛbɛrɛ ɲa ɲakule «Yakuba». Tewe tin tayi tɔ.

Sak ɛnayɔnɛ wɛbɛki wɛlɛl acɔkɔ-cɔkɔ a kɛlɔŋkanɛ ka alaŋ ndɛ Yerusalem dacɔ. Dɛndo Yerusalem Sak ɛnayi, nte kɛbɛpsɛnɛ kɛpɔŋ ka abɛki kɛnacɛpɛr mɔ. K'ɛmar Paul kɔ Barnabas kɛsɔtɔ ka moloku kɔ mɔkɔt mɔtɔt nte ɲanagbɛkɛlɛnɛ kɔ aSuyif alɔma tɛta kɛkɛnc ka atɔyɔnɛ aSuyif mɔ. Antam kɛnɛŋk mes mamɔkɔ ndɛ buk ba Yɛbɛc ya Asom a Yesu disrɛ, sapitɛr 15.

Nnɔ areka ɲaŋɛ disrɛ, Sak ɛnacɔŋɛs alaŋ a Yesu nte tɔŋsɔŋɛ ɲamentɔr kɛlaŋ kɛŋaŋ kɛtɔt dɛmɔyɔ mɔtɔt mɔ. ɛnatɔkɛ alaŋ tɔkɔ pɛmar ɲatam kɛsumpɛr kɛlaŋ kɛtɔt kɔ dinɛ dosoku ndɛ Kanu kɛmbɔtɔr mɔ.

Sak ɛnaloku alaŋ a ɲakɛmbɛrnɛ kɛbɔtɔr ka mes ma doru, k'ɔlɔm tin tin tin tɔkɔ tɔyɔnɛ kɛbɔtɔr ka Kanu kɔ kɛbɔtɔr ka afum alɔma mɔ.

Itɔ areka ɲa Sak nɛɛ ɲɛyɛŋkɛs alaŋ bɛkɛc haŋ mata mosu mamɛ ayi mɔ.

Sak

Kɔyif

¹ Ina Sak, wɛcar ka Kanu kɔ Mariki Yesu Krist, incicɛ nu areka ɲaŋɛ nɔna afum a Kanu cusuŋka wɛcɔ kɔ mɛrɔŋ (12) aŋɛ ɲasamsɛr doru mɔ, ɲɲyif nu!

Kɛlaŋ kɔ kɛcɛrɛ

² Awɛnc'im aŋa alaŋ, kɔ nɛncɛpɛrɛnɛ pucuca pɔlɔm-ɛ, nɛcɛm-cɛmnɛ pi pɛbotu disrɛ,

³ bawo nɛncɛrɛ kɔ kɛlaŋ kɛncɛp kɛwakɛs fɔr kirɲ-ɛ, kɔŋsɔŋ kɛkar kɛbol-bolu.

⁴ Mba pɛmar kɛkar konu kɛbol-bolu kaŋkɔ kɛtesɛ, kɛlɛpsɛr sɔ, nte tɔsɔŋɛ nu kɛbɛk kɛbɛk dɛm ta nte o nte tɔŋbut kɛlaŋ konu mɔ.

⁵ Mba kɔ afum alɔma ɲayi nu dacɔ aŋɛ kɛcɛrɛ kɛkɔt kɛmbut mɔ-ɛ, pɛmar ɲa ɲatola ki Kanu, ɛndɛsɔŋ ɲa ki. Bawo Kanu kɛmpocɛ afum fɛp abɛkɛc ɲɔtɔt ta kɛnal'ɔm-ɛ.

⁶ Mba mɛnɛ mɔtola Kanu kɛlaŋ disrɛ ta kɛlaŋ kam kɛmbut-ɛ! Bawo mɔna nwe mɔntolanɛ kɛnɛsɛrnɛ disrɛ mɔ, mɔyi pɛmɔ yam ya dɛkɛba, nyɛ afɛf ɲɛɲyɛkti ɲɛwɛn kɛsɛk mɔ.

⁷ Ta fum wɛkakɔ pɛcɛm-cɛmnɛ kɛsɔtɔr paka mpɛ o mpɛ yopocɛ yɔn dacɔ,

⁸ bawo fum wɛkakɔ ɔntɔmpɛr fɛ tɔyɔ tin, ɔfɔcɛrɛ dɔpɔ ndɛ o ndɛ ɔŋsumpɛr dɔyɔkɔt yɔn mɔ.

Wɛka daka kɔ wɔtɔyɔ daka

⁹ Pɛmar wɛnc kosu wɛlaŋ wɔtɔyɔ daka pɛpus, bawo Kanu kɛndɛpɛnɛ kɔ.

¹⁰ Pɛmar wɛka daka pɛpus, bawo Kanu kɛndɛtɔrɛ dɛkɛcɛmɛ dɔn, ɛndɛkɛcɛpɛr pɛmɔ pɛlɛŋk pa dɛkulum.

¹¹ Kɔ dec dowur-ɛ, nne yowon yowosɛs yika, yɛlɛŋk ya yi yɛtɛmpɛnɛ, dɛtes da yi dɔsɔlɛ. Itɔ pɛyi sɔ wɛka daka, ɔŋsɔlɛ dɛmɔsumpɛr-sumpɛr mɔn.

Pucuca kɔ mɛwakɛs

¹² Pɛbɔt fum nwe ɛmbɛr mɛwakɛs mɔ! K'ancɛrɛ kɔ dɛkɛcɛmɛ dɔtɔt-ɛ, ɔŋkɔsɔtɔ kɛway kɛtɔt ka kiyi kɛn doru nke Mariki ɛnasɔŋ temer kɛsɔŋ afum aŋɛ ɲambɔtɔr kɔ mɔ.

13 Ta nwe o nwe pəwakəs pələc mpe mēfan mən mēndelinərne kə mēcpene kə abəkəc a pəloku: «Kanu kəwak kəsəŋ'em kəciya,» bawo afətam kəsəŋe Kanu kəciya, kə nkən Kanu kəfəsəŋe fum o fum kəberē kiciya disre.

14 Mba nwe o nwe mēfan mən mēlec mēŋlinərne kə kəwakəs kəyə tes tēlec, mēcpene kə abəkəc.

15 Kə mēfan mēlec mēmbəkəs-ε, mokom kiciya, kiciya kəbəkəs kəkom defi.

16 Awenc'im aŋa aŋe imbətər mə, ta nəwose a pətiŋkər un,

17 bawo kəpocə kətət kə kətəŋne nke o nke darenc kəŋyefe. Kanu Kas nke kəlompəs yomotər-motər ya darenc mə, otore ki, nkən Kanu nke kəntəsəkpər ali kəməpər ka fər mə.

18 Bawo tatəkə t'enafan ti k'onkome su sə tamērəŋ toloku ta kance, nte təŋsəŋe payəne yebanəs yəcəkə-cəkə ya yolompəs yən dacə mə.

Mene fum wətət pəyə məyə mətət!

19 Nəcərə tante belbel awenc'im aŋa: Pəmar nwe o nwe pəcelək kəcəŋkəl, ta pəbelkər kəlok-loku, pəcwon kətēle kə,

20 bawo mətēle məfəsəŋ kəlomp fər ya Kanu kirin.

21 Nəlinne pəyikyik fəp kə mes mēlec fəp mme nəcyə mə, nəbanje waca mērəŋ toloku nte anatəp nu. Toloku nte tentam kəyac kəyi konu doru mə.

22 Nəcəme toloku darəŋ, ta nəyənne acəŋkəl gbəcərəm aŋe ŋantiŋkərne mə!

23 Nwe o nwe edecəŋkəl toloku ta ŋkət ti mə, owurēne fum nwe endeməmənne kəro demem mə.

24 K'elip kəməmənnne belbel-ε, pəkə, pəpələrne katəna alulu* ŋən təkə ŋeyina mə.

25 Məna nwe məŋkəkce sariye sətəŋne sətət nse səsikəli afum mə, məsumpər si belbel, bafə məyənne wəcəŋkəl ka si gbəcərəm nwe empələr mə de, mba wəcəŋkəl nwe encəme mes məyə mətət ma si darəŋ belbel mə. Pəbət fum nwe encəme si darəŋ mə.

26 Kə fum encem-cemne kəyənne wəka dinə ta eŋkembərne kəloku-loku-ε, abəkəc ŋən ŋeyi kənempəs, dinə dən dəsək fe.

27 Dinə dosoku nde dəntəyə ali tēbelək ta pəbir-bir nde fər ya Kanu Papa kosu kirin mə dəyənne nte: Nəgbəkəre awut aŋe akere kə akas aŋa ŋafi mə, kə aran aŋe awos aŋa ŋafi mə dəpucuca paŋan. Nəkembərne mes mēlec ma doru fəp.

2

Ta nəcəməne fum

1 Awenc'im aŋa, kə nəlan Mariki kosu Yesu Krist nwe debeki dən dəmbək mə-ε, ta nəcəməne afum!

2 Kə fum emberē nde kəbə ka dəkətola donu Kanu pəberne kurunde ka kema dətələr pəberne yamos yətət, wələma wətəyə daka sə pəberne pəberne yamos yələc-ε,

3 nəŋkafəli fər nnə wəberne yamos yətət eyi mə. Nəloku kə: «Məna, mənde nnə dəcəm dətət nde!» Mba nəloku wətəyə daka: «Məna, məcəme nde», kə pəyənne fe ti-ε, nəloku kə: «Mənde nde dətəgbəkəle pəkə.»

4 Kə nəyə tatəkə-ε, bafə nəmbocne tatəkə kiti ba? Pəmar fe nu kəyə ti!

5 Nəcəŋkəl awenc'im aŋa aŋe imbətər mə: Kanu kəyek-yek atəyə daka doru dandē nte ŋantam kəbək kəlan mə, ŋasətə ke ka dəbe da Kanu nke enasəŋ temer kəsəŋ aŋe ŋambətər kə mə.

6 Mba nəna, nəfər-fərəs atəyə daka! Bafə aka daka akakə ŋantərəs un, bafə ŋa ŋaŋkekəre nu dəbe kəkəcaŋər nu ba?

7 Bafə ŋa ŋaŋləməs tewe tətət ta Mariki ba?

8 Kə pəyənne a nəcəme sariye sa abe darəŋ pəmə təkə Yecicəs Yosoku yoloku ti mə: «Məbətər wenc əm pəmə təkə məmbətərne mə!» Kə nəyə ti-ε, nəyə belbel.

* 1:24 Alulu = «andulu» 2:8 ALewy 19.18

⁹ Mba k̄o n̄anc̄am̄en̄e afum-ε, n̄anciya t̄em tat̄ok̄o, sariye s̄amar k̄asump̄ar un aciya, bawo n̄al̄el̄as f̄e si.

¹⁰ K̄o fum̄ en̄c̄am̄e sariye f̄ap dar̄əj̄ mba p̄aciya toloku tin gboj̄ ta si-ε, sariye s̄amar k̄asump̄ar'əm̄ bawo m̄al̄el̄as f̄e si f̄ap.

¹¹ Bawo n̄w̄e en̄aloku: «Ta m̄asump̄ar dalak̄o!» m̄o, en̄aloku s̄o: «Ta m̄adif fum!» Ti disr̄e, k̄o m̄asak k̄asump̄ar dalak̄o mba m̄adif fum-ε, p̄amar sariye s̄asump̄ar'əm̄, bawo m̄al̄el̄as f̄e si.

¹² P̄amar n̄alok-loku k̄o n̄əȳo p̄əm̄o afum̄ āj̄e āj̄k̄okitine sariye n̄se s̄əs̄əj̄ afum̄ akak̄o k̄əsik̄al̄e m̄o.

¹³ Af̄ad̄ek̄əȳəne n̄ən̄əf̄ər fum̄ n̄w̄e ɔ̄nt̄əȳəne ak̄o n̄ən̄əf̄ər m̄o, bawo n̄ən̄əf̄ər d̄etam̄ kiti.

K̄al̄an̄ k̄o m̄əȳo

¹⁴ Ake d̄ək̄ac̄am̄e d̄o tat̄ok̄o d̄əȳo-ε, aw̄enc'īm̄ āj̄a, fum̄ k̄əcloku: «l̄an̄» mba k'ɔ̄nt̄o k̄əc̄ment̄ər ti d̄əm̄əȳo m̄ət̄ət-ε? K̄al̄an̄ k̄an̄k̄o k̄əntam̄ k̄əȳac̄ k̄o ba?

¹⁵ K̄o w̄enc'əm̄ w̄ər̄kun̄ k̄o p̄əȳəne f̄e ti, w̄enc'əm̄ w̄ər̄an̄ p̄əyi ta əȳo yamos, ta əȳo yeri ȳən̄ ya d̄əs̄ok-ε,

¹⁶ mba k̄o n̄ələmb̄ər̄ne ɲa: «Kanu k̄əsol̄e nu! Kanu k̄əs̄əj̄ nu yamos ȳət̄ət! Kanu k̄əs̄əj̄ nu yeri ȳel̄ar̄əm!» ta n̄əs̄əj̄ ɲa ca ȳək̄o yombut̄ ɲa m̄ə-ε, ake d̄ək̄ac̄am̄e d̄o t̄əȳo-ε?

¹⁷ It̄o k̄al̄an̄ n̄k̄e k̄ənt̄əment̄ər̄ne d̄əmes m̄əȳo m̄ət̄ət m̄o k̄al̄an̄ k̄əfi k̄o k̄əȳəne.

¹⁸ Mba fum̄ w̄əl̄əma p̄əloku: «M̄əna m̄əȳo k̄al̄an̄, k̄o ina iȳo mes m̄əȳo m̄ət̄ət.» Ina icyif̄ ɲa: «M̄əment̄ər'īm̄ c̄əke c̄o k̄al̄an̄ k̄əntam̄ k̄əyi ta mes m̄əȳo m̄ət̄ət meyi-ε. K̄o p̄əȳəne ina-ε, d̄əmes m̄əȳo m̄ət̄ət mem̄ in̄ment̄ər̄ k̄al̄an̄.»

¹⁹ M̄əna m̄əl̄an̄ a Kanu kin̄ k̄o. M̄əȳo ti belbel. It̄o ȳəj̄k̄ ȳel̄an̄ s̄o, mba yeyi k̄əȳik̄c̄en̄e k̄ən̄es̄e.

²⁰ M̄əntam̄ne f̄e ba? M̄əfan̄ k̄əc̄ərə, a k̄al̄an̄ n̄k̄e k̄ənt̄əsol̄ k̄o mes m̄əȳo m̄ət̄ət m̄o k̄əȳo f̄e d̄ək̄ac̄am̄e ba?

²¹ Ak'enas̄əj̄e Kanu k̄əl̄əm̄ bemb̄a bosu Abraham̄ w̄əl̄omp̄u-ε? Teta mes m̄ən̄ m̄əȳo, bawo en̄as̄əj̄ wan̄ k̄ən̄ Siyaka nde d̄ət̄etek̄ teta k̄əl̄əj̄n̄en̄e k̄o Kanu.

²² M̄ən̄əj̄k̄ k̄al̄an̄ k̄ən̄ k̄o mes m̄ən̄ m̄əȳo m̄ət̄ət m̄ən̄asump̄ər̄en̄e: D̄əmes m̄ən̄ m̄əȳo m̄ət̄ət, k̄al̄an̄ k̄əment̄ər̄ne a k̄əmbut̄ f̄e k̄o.

²³ Tante t̄o yecic̄əs̄ ȳen̄alare, k̄əcloku: «Abraham̄ en̄alan̄ Kanu, k̄o Kanu k̄əl̄əm̄ k̄o w̄əl̄omp̄u teta k̄al̄an̄ k̄ən̄.» K'awe k̄o wanapa ka Kanu.

²⁴ N̄ən̄əj̄k̄ ti ōj̄, Kanu k̄əf̄ən̄əj̄k̄ dolomp̄u da fum̄ teta k̄al̄an̄ k̄ən̄ gb̄əc̄ər̄əm̄, mba k̄əm̄əm̄ən̄ s̄o mes m̄ən̄ m̄əȳo m̄ət̄ət.

²⁵ Ti t̄en̄ayi s̄o teta Rahabu w̄ər̄an̄ w̄əyamayama, baf̄o d̄əmes m̄ən̄ m̄əȳo m̄ət̄ət Kanu k̄ən̄al̄əm̄ k̄o w̄əl̄omp̄u, n̄t̄e w̄ər̄an̄ n̄w̄e en̄aban̄ asom̄ aka Yisrayel̄ m̄o, k'ɛ̄j̄k̄af̄al̄e k'ement̄ər̄ ɲa d̄əp̄o d̄əl̄əma m̄o ba?

²⁶ It̄o p̄əyi s̄o dis̄ nde d̄ənt̄əsol̄ k̄o ni m̄o defi, k̄al̄an̄ n̄k̄e k̄ənt̄əsol̄ k̄o mes m̄əȳo m̄ət̄ət m̄o k̄əfi.

3

K̄ac̄əmb̄ər̄ temer

¹ Aw̄enc'īm̄ āj̄a, ta n̄əw̄os̄e k̄əla k̄əȳəne ka at̄əks̄e, bawo s̄əna āj̄e s̄ənt̄əks̄e m̄o, an̄d̄ək̄əboce su kiti n̄k̄e k̄ənd̄ək̄əȳəj̄k̄ k̄ət̄as̄ ka afum̄ alp̄əs̄ ak̄o m̄o.

² Anciya f̄ap̄ fosu m̄əȳo m̄əl̄ar̄əm̄. K̄o fum̄ ɔ̄nt̄o k̄əcciya d̄ət̄ok̄o ōj̄loku m̄o, fum̄ w̄əl̄omp̄u ɔ̄f̄o, n̄w̄e entam̄ k̄ac̄əmb̄ər̄ dis̄ d̄ən̄ f̄ap̄ t̄ək̄o ɛ̄j̄fan̄ m̄o.

³ Āj̄gb̄əm̄əs̄ f̄al̄es̄ f̄ec̄ d̄əcusu n̄t̄e t̄əj̄s̄əj̄e ȳec̄am̄e t̄ef̄an̄ tosu dar̄əj̄ m̄o, antam̄ k̄əsol̄e dis̄ dayi f̄ap̄.

⁴ N̄əc̄em̄-c̄em̄ne s̄o cibil̄ c̄əp̄əj̄: K̄o afef̄ ɲəp̄əj̄ ɲəw̄en̄ ci-ε, ɲas̄ ɲəf̄et̄ ɲəj̄k̄af̄al̄i ɲi, w̄əgb̄ək̄ p̄ək̄ək̄ərə ɲi n̄n̄o o n̄n̄o ɛ̄j̄fan̄ m̄o.

⁵ Temer sɔ, paka pɛfɛt pɔ pɔyɔnɛ dɔris, mba pɛntam kɛpus kɛyɔnɛ ka paka pɔkɔ pɔɲsɔɲɛ mes mɔpɔɲ kɛyɛfɛ mɔ. Nɛcɛm-cɛmnɛ nɛnc dɛfɛt ndɛ dɛntam kɛcɔf kulum kɛpɔɲ mɔ!

⁶ Temer ta fum sɔ nɛnc dɔ! Paka pɛlɛc pɔ mpɛ peyi su dɔris mɔ, pi pɛɲyik-yikɛs dis dosu fɛp. Pi pɛndikɛc nɛnc da yahanama kɛyi kosu doru fɛp.

⁷ Fum ɛntam kɛcɛmbɛr sɛm ya doru tɛfan tɔn: Sɛm ya dɔp fɛp, bɛmp, yeliɲɛ-liɲɛ kɔ sɛm ya dɛkɛba. Ayi kɛcɛmbɛr sɛm ya doru fɛp tɛfan ta fum, k'ɛncɛmbɛr yi tɛfan tɔn.

⁸ Mba fum ɔfɔtam kɛcɛmbɛr temer tɛfan tɔn: Paka pɛlɛc pɔ kɔ peyi kɛkafɛlɛ-kafɛlɛ tɛm fɛp, pɛlarɛ mɔkɛn* tɛp mɛmɛ mɛɲɲif mɔ.

⁹ Pi pɔ sɔɲkor-kɔrɛ nwe ɔyɔnɛ Mariki kɔ Papa mɔ, mba sɔ pi pɔ sɛntolanɛ pɛlɛc afum aɲɛ Kanu kɛlɔmpɛs ɲawurɛnɛ kɔ nkɔn mɔ.

¹⁰ Moloku ma kɛtolanɛ pɛtɔt kɔ ma kɛtolanɛ pɛlɛc kusu kin kanke kɔ moɲwur. Awɛnc im aɲa, pɛmar fɛ teyi tatɔkɔ de!

¹¹ Kɛlɔmp kin kɛfɔsɔɲ domun dobotu kɔ dodokɔt.

¹² Awɛnc im aɲa, akomp ɲeyi nje ɲɔɲkom mɛntambɛnc mɔ ba? Kɔ pɔyɔnɛ fɛ ti, alembɛra ɲɔɲkom comp ba? Kɛlɔmp ka domun dodokɔt kɛfɔtam kɛsɔɲ domun dobotu.

Kɛcɛrɛ nkɛ kɛyɛfɛ darenc mɔ

¹³ Fum eyi nu dacɔ nwe ɛncɛm-cɛmnɛ kɛsɔk dɔmp, pɔyɔ sɔ kɛcɛrɛ kɛkɔt mɔ ba? Pɛmar wɛkakɔ pɛmɛntɔr ti dɛmɛs mɔn mɔtɔt mosumpɛr, pɛbɔtɛ mi amera kɔ kɛcɛrɛ kɛkɔt.

¹⁴ Mba kɔ nɛntɔmpɛr bɛkɛc yɛlarɛ kɛraca kɛdɔkɔt kɔ amera ɲa kɛlɛknɛ-ɛ, nɛsak kɛpuse kɛcɛrɛ konu mes, nɛcyɛmsɛnɛ kance.

¹⁵ Kɛcɛrɛ kɛkɔt kanke bafɔ darenc kɛyɛfɛ, mba nnɔ dɛntɔf kanke kɛyɛfɛ dɛkɛcɛm-cɛmnɛ ka fum kɔ ka yɔɲk.

¹⁶ Bawo nnɔ o nnɔ kɛraca kɔ amera ɲa kɛlɛknɛ ɲɛɲyi mɔ, pɔyamayama kɔ mɔyɔ mɛlɛc fɛp mɛɲyi di.

¹⁷ Mba kɛcɛrɛ kɛkɔt nkɛ kɛyɛfɛ darenc mɔ, kɛnuɲkɛnɛ kɔ kɛncɛmp, kɔ tɛyɛfɛ dɛnda kɔ kɛyɔ pɛforu, dɛrɛnc, kɛcɛɲkɛl moloku ma afum, kɛla nɔnɔfɔr kɔ mɔyɔ mɔtɔt, kɛfɔyer fum, kɛfɔtɛnsɛr fum kɛbɔt.

¹⁸ Pɛmɔ fum nwe ɔmbɔf mɛɲgbɛn mɔtɔt dɛntɔf k'ɔsɔtɔ yetɛl yɔtɔt mɔ, atɛn pɛforu aɲɛ ɲambɔf pɛforu disrɛ mɔ, ɲandesɔtɔ yetɛl ya dolompu.

4

Kɛbɔtɔr ka ca ya doru

1 ¹ Deke kɛwan kɛlarɛm kɔ deke kɛgbɛkɛlɛnɛ kɛlarɛm kɛɲyɛfɛ nu dacɔ-ɛ, kɔ pɛntɔyɔnɛ dɛmɛfan mɛlɛc mɛmɛ moɲsutɛnɛ dis donu fɛp disrɛ mɔ?

² Nɛfan ta nɛsɔtɔ-ɛ. Nɛɲif fum, kɔ nɔyɔnɛ afum kɛraca, mba nɛfɔtam kɛsɔtɔ nte o nte. Nɛbɛrɛnɛ kɛcɔp kɛlarɛm kɔ kɛwan kɛlarɛm, mba nɔyɔ fɛ, bawo nɛntola fɛ Kanu.

³ Nɛntola Kanu ta nɛsɔtɔ-ɛ, bawo bɛkɛc yɛlɛc yɔ nɛntolanɛ, nte tɔɲsɔɲɛ nɛtam kɛsɔtɔ kɛlɛsɛr-lɛsɛr tɛta mɛfan monu mɔ.

⁴ Asumpɛr dalakɔ! Nɛncɛrɛ fɛ a kɛyɔnɛ wanapa ka doru dandɛ kɛyɔnɛ wɛtɛrɛnɛ ka Kanu ba? Mɛna nwe mɛɲfan kɛyɔnɛ wanapa ka pɛlɛc pa doru mɔ, mɛsɔɲɛnɛ kɛyɔnɛ ka wɛtɛrɛnɛ ka Kanu.

⁵ Yɛcicɛs Yosoku yolok-loku fɛ samnɛ, kɛcloku: «Kanu kɛfan haɲ kɔ amera nje ɛnabɛr su mɔ ɲɛmbas kɔ.»

⁶ Mba kɛmar ka kɛbɔt amera nkɛ ɔsɔɲ su mɔ kɛmbɛk, itɔ Yɛcicɛs yoloku: «Kanu kɛntɛfɛrnɛ alɛknɛ, mba atɔlɛknɛ ɲɔ Kanu kɛɲsɔɲ kɛmar ka kɛbɔt kɔn amera.»

⁷ Itɔ pɛmar nɔyi Kanu darɔɲ, kɔ nɔyɛɲkɛr ɲɔɲk ɲɛlɛc sɛbɔmp-ɛ, ɲɛɲyɛksɛr nu pɛbɔlɛ.

⁸ Nɛlɔtɛrnɛ Kanu, ki sɔ kɛɲlɔtɛrnɛ nu. Nɛsɔkɛsnɛ waca nɛna aciya! Mɛsɔkɛsnɛ abɛkɛc mɛna nwe o nwe mɛntɔtɔmpɛr pɛcɛm-cɛmnɛ pin mɔ!

* 3:8 Mɔkɛn = mɔkɔn 4:6 Capafɔ 3.34

⁹ Nɛnɛnɛ tɛlɛr kɛyi konu pucuca, nɛndɛ kɛbal ka pi, nɛbok! Kɛsel konu kɛsɛkɛrɛr kɛyɔnɛ nu kɛbok ka kɛbal, pɛbotu ponu pɛyɔnɛ nu kɛmɔncnɛ.

¹⁰ Nɛtorɛ banca nnɔ Mariki eyi mɔ, k'ɛndɛpɛnɛ nu.

Ta mɛyɛmsɛnɛ wɛnc ɛm wɛlan

¹¹ Awɛnc'im aɛa, ta nɛyɛmsɛnɛnɛ! Nwɛ ɛnyɛmsɛnɛ wɛnc, kɔ pɛyɔnɛ fɛ ti-ɛ, pɛkiti kɔ mɔ, sariyɛ s'eyi kɛyɛmsɛnɛ, sariyɛ s'eyi kɛkiti. Kɔ mɛɛkiti sariyɛ, ta mɛyɔnɛ fum nwɛ ɛncɛmɛ si darɛɛ mɔ-ɛ, wɛboc kiti ka si mɛyɔnɛ.

¹² Bawo Kanu sona kɛsɔɛ su sariyɛ, ki kɛntam kɛboc kiti. Kanu sona kɛntam kɛyɛ, kɔ pɛyɔnɛ fɛ ti-ɛ, kɛmɛlɛk. An'ɔ mɛna mɛyɔnɛ ɔɛ-ɛ, mɛna nwɛ mɛɛkiti wɛndɛ kam mɔ?

Ta mɛlɛknɛ

¹³ Nɛcɛɛkɛl'im, ndɛkɛl ɔɛ nɛna aɛɛ nɛɛlɔku: «Mɔkɔ kɔ pɛyɔnɛ fɛ ti alna dare ndɛ dɔ sɛɛkɔ, sɛkɔcɛpɛrɛnɛ di teren tin, sɛɛkɔcamɛs, sɛsɔtɔ pɛsam pɛlarɛm.»

¹⁴ Ta nɛncɛrɛ tɔkɔ doru donu dɛɛyi nu alna mɔ! Doru donu dowurɛnɛ kibi nke kɛntuf tɛm tɛpic kɛsɛkɛ sɔ mɔ.

¹⁵ Mba nɛ tɔ pɛmar nɛlɔku: «Kɔ Mariki ɛfan ti-ɛ, sɛɛyi doru, sɛyɔ nɛ kɔ pɛyɔnɛ fɛ ti-ɛ tɔkɔ.»

¹⁶ Mba nɛyɛk-yɛkɛsɛnɛ kɔ nɛlom. Kɛlom fɛp mɛs mɛlɛc mɔ kɛyɔnɛ.

¹⁷ Kɔ fum ɛncɛrɛ tɔkɔ aɛyɔ pɛtɔt ta ɛyɔ pi-ɛ, wɛkɛkɔ ɔyɔ tɛs tɛlɛc.

5

Kɛbɛɛnɛ ka aka daka

¹ Ndɛkɛl ɔɛ nɛcɛɛkɛl'im, nɛna aka daka! Nɛbok nɛsɛɛɛ-sɛɛɛ tɛta pɛcuy mɛpɛ pɛndɛbɛp nu mɔ!

² Daka donu dɛntɛ, yɛt yɔsɛm yɛmɔs yonu.

³ Kɛma konu kɔ gbɛti bonu yɔsumɛrɛ mɛrka. Mɛrka mɛmɛ mɛɛkɔyɔnɛ sɛdɛ nɛsɛ sɛndɛkɔsumɛrɛ nu kiti mɔ, mɛrka mɛcsɛm dis donu pɛmɔ nɛnc mɔ. Mataka mɛlpɛs mɛmɛ nɛwɛtɛs daka.

⁴ Nɛnɛɛk! Kɛway nke nɛnɛgbɛk abɛcɛ anu dalɛ mɔ, kɛɛkɛlɛ. Kɛbɛkɛnɛ ka atɛl anu kɛɛkɔ kɛbɛrɛ Mariki ma asɔdar a darenc dɛlɛɛɛ.

⁵ Nɛnɛcɛpɛrɛnɛ doru donu kɛsɔtɔ daka dɛlarɛm disrɛ kɔ nɛncɛpɛrɛr tɛfan tonu. Bɛkɛc yonu yɛnɛnɛmbɛrɛ pɛmɔ nɛ asɛɛɛs pɛcɔl yɛrɛ pɛtɔf tɛta dɛsɛk ndɛ aɛkɔfay pi mɔ.

⁶ Nɛnɛboc kiti nɛsɛɛɛ pɛdif fum wɛlompu, nwɛ ɛntɛgbɛkɛl nu mɔ.

Kɛkar kɔ kɛtola

⁷ Nɛnɛnɛ nɛkar awɛnc'im aɛa alɛɛ, haɛ Mariki pɛcɛdɛr. Nɛnɛɛk tɔkɔ wɛbɛfti dalɛ ɛɛkar yɛtɛl yɔtɔt ya antɔf mɔ: ɛncɛrɛ a mɛnɛ wɛcafɛn ka mɛlɔfɛ kɔ wɛka dɛrɛɛ dɛlpɛs pɛtuf kɛrɛsna.

⁸ Nɛna sɔ, nɛnɛnɛ nɛkar, nɛyɛɛk bɛkɛc, bawo kɛdɛr ka Mariki kɛlɔtɛrnɛ.

⁹ Ta nɛbokɛrɛnɛ, awɛnc'im aɛa alɛɛ, nɛ tɛɛsɛɛ ta Mariki ɛɛkiti nu mɔ. Wɛkiti ɛlɔtɛrnɛ, pɛmbɔlɛ fɛ sɔ pɛbɛrɛ!

¹⁰ Awɛnc'im aɛa alɛɛ, nɛcɛm-cɛmɛnɛ sayibɛ-e aɛɛ ɛnalɔk-lɔkɛ tɛwɛ ta Mariki mɔ. Nɛtubucnɛ kɛkar kɛbol-bolu ka aɛɛ ɛnanɛbɛr pucuca mɔ.

¹¹ Nɛnɛɛk tɔkɔ sɛntam kɛlɔku a pɛmbɔt aɛɛ ɛnanɛbɛr pucuca mɔ. Nɛnɛnɛ pɛcɛlɔku kɛkar kɛbol-bolu ka Yobu, nɛncɛrɛ tɔkɔ Mariki ɛnɛyɔnɛ kɔ tɛlpɛs mɔ. Mariki ɛla nɛnɛɛfɛr k'ɛmbɔt amɛra.

¹² Pɛnanɛkanɛ, awɛnc'im aɛa, ta nɛdɛrɛmɛ darenc, ta nɛdɛrɛmɛ antɔf, ta nɛdɛrɛmɛ kɛdɛrɛm nke o nke. Mba dɛmɛdɛrɛm monu pɛmar mɛlɔku: «ɛy» kɔ pɛyɔnɛ kɛncɛ kɔ-ɛ, mɛlɔku: «Ala» kɔ pɛyɔnɛ a bɛfɔ kɛncɛ kɔ-ɛ, nɛ tɛɛsɛɛ ta nɛntɛmpɛnɛ kiti dɛntɔf mɔ.

¹³ Fum eyi nu dacɔ nwɛ eyi pɛcucɛ mɔ ba? Pɛmar pɛtola Kanu. Fum eyi pɛbotu nu dacɔ ba? Pɛlɛɛs mɛlɛɛ ma kɛkɔrɔkɔrɔ Kanu.

¹⁴ Fum wətətamnɛ eyi nu dacɔ ba? Pəmar fum wəkakɔ pəwe abeki a kəlonɲkanɛ ka alaɲ, ɲatola Kanu tetɔn, ɲabɔy kɔ moro mɛpic dərɔmp tewe ta Mariki.

¹⁵ Kɔ fum ontola Kanu kɔ kəlaɲ-ɛ, kətola kɔn kəndesɔɲɛ wətətamnɛ kətamnɛ. Mariki ɛɲyɛkti kɔ pəcəmbər, k'ɛnayo mes mɛlɛc-ɛ, Kanu kəndɛɲaɲnɛnɛ kɔ mi.

¹⁶ Nəcɛɲsɛnɛ kiciya konu, nətolanɛnɛ, nɛ təɲsɔɲɛ nətamnɛ mə. Kətola ka fum wəlɔmpu kəyɔ fənɔntər nɛ fəntam kəsəkpər mes mə.

¹⁷ Eli fum ɛnayi pəmɔ səna. Pəctola pəyɛɲki fəp wəcafən kətɔdɛr, kɔ wəcafən ɔntɔtuf haɲ meren maas kɔ yof camət-tin.

¹⁸ Kɔ Eli ontola sɔ Kanu, kɔ wəcafən ontuf sɔ, kɔ antɔf ɲəsɔɲ sɔ yokom.

¹⁹ Awɛnc'im aɲa, kɔ wəkin ɛɲgbaymɛ kance-ɛ, wəlɔma ɛntam kəliɲərɛnɛ kɔ pəsɔlnɛnɛ kɔ dɔpɔ da kance.

²⁰ Wəkakɔ pəcərə nɛ: Nwɛ ɔɲsɔlnɛnɛ wəciya dɔpɔ da Kanu mə, endeyac kɔ defi, pəkufun mes mɛlɛc mɛlarəm.

1 Isaiaj

An'ɔ Isaiaj ɔyɔn-ε, t'ake tɔ pəmar pakaraŋεnε areka ηɔn-ε?

Areka ηɔcɔkɔ-cɔkɔ ηa Isaiaj ηɔ ηaŋε nηε anacic meren wəco camət-maas kɔ kəcamət (85) kəbəp ka meren wəco camət-manjkəle kɔ kəcamət (95) nte kəkom ka Krist kənacəpər mɔ. Isaiaj enamentərne fε kəyɔnε ka wəcicəs ka areka ηaŋε, mba sapitər səcɔkɔ-cɔkɔ səmentər a fɔr yɔn kirin yɔ kəyi ka Yesu doru kɔ kəfɔtε kən afi dacɔ kɔ mes maməkɔ mənəcəpər (1.1-3). Tecicəs ta areka ηa Isaiaj tɔlɔtərεnε kəwurεnε kɔ tecicəs nte ambəp dəkawandi ka Isaiaj mɔ. Ancəm-cəmne a Isaiaj enacicəs Kawandi kən kɔ reka nyε maas dare da Efesi, nde enandε mɔ: Areka ηa Isaiaj ηɔcɔkɔ-cɔkɔ, ηa mɛrəŋ, kɔ ηa maas.

Isaiaj enacicε alan fəp tɛm nte kəlonkane ka alan kənayi dəpəcucca pa afum alɔma aŋε ancwε «acərə» mɔ. Afum akakɔ ηancəm-cəmne a Yesu Kanu yati enayɔnε, bafɔ fum enayi nwe ɔyɔnε dis kɔ mecir pəyi antɔf kəron mɔ. It'əsəŋε Isaiaj kəcicəs kəsəŋε kəcərə a fɔr yɔn kirin mes ma kəyi doru ka Yesu kənəcəpər haŋ nkənsərka pəcgbuŋεnε Yesu waca wɔn yati (1.1-3). Isaiaj enacic areka ηaŋε nte təŋsəŋε pəlas pəbotu pən mɔ (1 Isaiaj 1.4), pəsəŋε alan kətɔciya (1 Isaiaj 2.1), pəbum alan mətəksε ma yem (1 Isaiaj 2.26), pəyɛnkəs alan bəkək kəsəŋε ηa kəcərə a ayac ηa (5.13).

Tokotərεnε ta moloku ma areka

1. Isaiaj ementər areka ηɔn, k'oloku tes nte təsəŋε k'ancic ηi mɔ (1.1-4).
2. Isaiaj enasəksər afum nte Kanu kəyɔnε pəwanjkəra mɔ, pəmar pəcəpərεnε doru kəyi dəpəwanjkəra pəmɔ təkɔ Yesu enəcəpərεnε di mɔ (1.5-3.10).
3. Nte tencəmε ti darəŋ mɔ, Isaiaj enacəm-cəməs tosom nte təyɔnε ta kəbətərεnε mɔ (3.11-5.12).
4. Moloku melpəs (5.13-21).

Toloku ta kiyi wəyɛŋ

¹ Təkɔ tənayi kəyεfε dəkəcɔp, nte sənane, nte sənənəŋkε fɔr yosu, nte sənagbəkərə kɔ waca wosu wɔŋgbuŋsərεnε ti mɔ, ti təyɔnε toloku ta kiyi wəyɛŋ.

² Awa kiyi wəyɛŋ kəmentərne, kɔ sənəŋk ki, səndəŋk sede sa ki, səloku nu kiyi wəyɛŋ ka doru o doru, nkε kənayi Kas kəsək akɔ kəmentərne su mɔ.

³ Səndəŋkər nənə nte sənənəŋk kɔ sənə mɔ, nte təŋsəŋε nənə sɔ nətəŋne kɔ sənə, patəŋne fəp fosu kɔ Kas kɔ wan kən Yesu Krist mɔ.

⁴ Tatəkɔ, sənə, səncic ti, nte təŋsəŋε pəbotu posu pɛlarε mɔ.

Kanu pəwanjkəra pə

⁵ Tosom nte sənənεnε Krist mɔ, tɔ səndəŋkər nu, ti təyɔnε Kanu pəwanjkəra pə, kubump nkε o nkε kəyi fε kɔ.

⁶ Kɔ səloku a səntəŋne kɔ nkən mba səckət dəkubump-ε, kəyεmε kɔ səndε, səyi fε kəcyɔ nte kance kəloku mɔ.

⁷ Mba kɔ səndəkət pəwanjkəra disrε, pəmɔ təkɔ nkənsərka eyi pəwanjkəra mɔ-ε, səyi kətəŋne disrε kɔ akɔ ηayi dəpəwanjkəra mɔ, mecir ma Yesu wan kən mēndəsəkəs su pəciya fəp.

⁸ Kɔ səloku a səyɔ fε kiciya-ε, kətinjkərne kɔ səndε, kance kəyi fε su.

⁹ Kɔ səwosε kəcεŋ kiciya kosu-ε, Kanu kəŋyɔ təkɔ kənaloku mɔ, kəlomp, kəndəŋaŋnεnε su kiciya kosu, kəsəkəs su pətəlomp fəp.

¹⁰ Kɔ səloku a sənciya fε-ε, səsəŋε pəyi pəmɔ Kanu wəyεmε əfɔ, toloku tən teyi fε su.

2

Krist ender kəmar su

¹ Awut em, incic'on tantε nte təŋsəŋε ta nənciya mə. Mba kə fum enciya-ε, səyɔ wəmar nwe eyi nde Papa kəsək mə, Yesu Krist, wəlɔmpu.

² Nkən yati əyənε polonŋε mpe ponkump kiciya kosu mə, bafə kiciya ka səna gbəcərəm, mba ka aka doru dandε fəp.

³ Kə səmənjkərne mosom ma Kanu-ε, səntam kəcloku a səncərə kə.

⁴ Nwe onłoku: «Incərə kə» ta wəkayi emənjkərne mosom mən-ε, wəyemε əfə, kance kəyi fε kə.

⁵ Mba nwe emənjkərne toloku tən mə, kance kəyi wəkayi, kəbətər ka Kanu kəmbut fε kə. Nte təŋsəŋε a səncərə a səyi kə nkən:

⁶ Nwe onłoku kəyi kə Kanu mə, pəmar pəkət pəmɔ Yesu.

⁷ Nəna aŋε imbətər mə, bafə tosom tofu t'incic'on, mba tosom tokur nte nənasətə kəyεfε dəkəcop mə. Tosom tokur tatəkə təyənε toloku təkə nənane mə.

⁸ Kəca kələma, tosom tofu t'incic'on nte təyənε kance nnə Krist eyi mə kə nnə nəna nəyi mə, bawo kubump kəncəpər kə pəwanjkəra pa kance peyi on kəmar.

⁹ Nwe onłoku kəyi dəpəwanjkəra mba wəkayi pəter wənc wəlan mə, əsərəyi dəkubump.

¹⁰ Nwe əmbətər wənc wəlan mə eyi dəpəwanjkəra, nnə eyi mə, nte o nte teyi fε nte təmpət kə mə.

¹¹ Mba nwe enter wənc wəlan mə, dəkubump eyi kəkət, encərə fε nde eyi kəkə mə, bawo kubump kəsəŋε kə fər kətənəjk.

Kətfərne ka doru kə ka ater a Krist

¹² Kəcic'on k'indε awut em,
bawo aŋaŋnən'on kiciya konu teta tewe ta Krist.

¹³ Kəcic'on k'indε, papa aŋa,
bawo nəncərə wəkə enayi kəyεfε dəkəcop mə.

Kəcic'on k'indε, nəna atəmp,
bawo nəntam Wələc, Sentani.

¹⁴ Incic'on awut em,
bawo nəncərə Papa Kanu.

Incic'on papa aŋa,
bawo nəncərə wəkə enayi kəyεfε dəkəcop mə.

Incic'on nəna atəmp,
bawo nəyɔ səkət,
kə toloku ta Kanu teyi nu,
kə nəntam Wələc, Sentani.

¹⁵ Ta nəbətər mes ma doru, ta nəbətər sə daka da doru. Kə fum əmbətər mes ma doru-ε, kəbətər ka Papa Kanu kəfəyi kə.

¹⁶ Bawo daka o daka ndε deyi doru mə, bafə ndena Papa Kanu dənyεfε, mba da doru dandε də. Kəyεfε tefan tɛlɛc ta dis kəkə tefan tɛlɛc ta fər kəbər ka kəlan ka kədət banca ka kəsətə ka daka dadəkə, maməkə fəp doru dandε dəyɔ mi.

¹⁷ Doru dandε dendelip kə mɛfan mɛlɛc ma di, mba mənə nwe məncəmε tefan ta Kanu darəŋ mə, mənji wəyən doru o doru.

¹⁸ Awut em, dec dəlpəs d'ayi dandε! Nənane pacloku a wəter ka Krist endeder. Kance kə: Ater a Krist ŋala on ndəkəl. It'əsəŋε nte səncərənε a dec dəlpəs dəmbər mə.

¹⁹ Njanawur kətəŋne kosu disrε, mba bafə akosu ŋanayi. Bawo ŋanayənε akosu-ε, kə ŋanader ŋayi kə səna. Tementərne ali wəkin ŋa dacə enayənε fε wəkosu.

²⁰ Kə nəna, nəsətər Krist Aməra Nəcempi, it'əsəŋε nte fəp fonu nəncərə kance mə.

²¹ Incic'on, tøyone fe a nancære fe kance, mba bawo ali yem yin yeyi fe dækance nke nancære mæ.

²² An'oyone wøyeme, kə pəyone fe nwe ence kəloku a Yesu oyone Krist mæ-ε? Awa wəkakə oyone wəter ka Krist, wəkakə ece Papa Kanu kə Wan.

²³ Nwe o nwe ence Wan mæ, oyə fe sə Papa Kanu. Nwe owose pəloku sə teta Wan mæ, nkən oyə sə Papa Kanu.

²⁴ Kə nəna, nəmenkərne təkə nənane kəyefe dəkəcop mæ. Kə nəmenkərne təkə nənane kəyefe dəkəcop mæ-ε, nəna sə nənyi dəWan kə dəkas.

²⁵ Temer nte Krist enasəŋ su mæ, tøyone kiyi wəyeŋ ka doru o doru.

²⁶ Incic'on tante teta akə ŋantiŋkər'un mæ.

²⁷ Kə nəna, kəbøy ka Amera Nəcempi ŋəkə nənasətər Krist mæ, kəyi nu. Kəder ka fum kədetəks'on kəyə fe dəkəcəme nnə nəyi mæ, bawo kəbøy kən kəntəks'on mes fəp. Kəbøy ka Amera Nəcempi kaŋkə kəyone kance, kəyə fe yem. Awa! Nəsumpər kəyi dəKrist pəmæ təkə kəbøy ka Amera Nəcempi kənatəks'on mæ.

Awut a Kanu

²⁸ Ndekəl oŋ awut em, nəsumpər kəyi dəKrist, nte təŋsəŋe pəyone tēm nte o nte Krist endementərne mæ, patəmpər kəbəkne ta malap mme o mme məsəŋe su kəbəlε kə tēm ta kəder kən.

²⁹ Kə nancære a Krist olomp-ε, nəcære sə a nwe o nwe əŋkət pəlompu disre mæ, dokom da Kanu d'eyefe.

3

¹ Nəməmən ma kəbətər kəpəŋ nke Papa Kanu əsəŋ su mæ, kəbətər kaŋkə kəsəŋe pacwe su «awut a Kanu.» Nə ŋə səyone yati! K'afum a doru ŋantəcære su-ε, tøyone a ŋancære fe Kanu.

² Nəna aŋe imbətər mæ, ndekəl oŋ awut a Kanu ŋə səyone. Teyi nte səndeyi mæ tentamentərne fe kəresna. Mba səncære a tēm o tēm nte Krist endementərne mæ, səndewurəne kə nkən, bawo səndenəŋkə kə pəmæ təkə eyi mæ.

³ Nwe o nwe ətəmpər kəgbəkər amera kaŋkə, əŋsəkəsne pəmæ təkə Krist əsək mæ.

⁴ Nwe o nwe enciya mæ, bafə sariye sa Kanu s'encəme darəŋ. Bawo kiciya, kəyeŋkər ka sariye sasəkə domp kə.

⁵ Awa! Nəncære ti, Krist enamentərne kədeliŋ kiciya. Kə nkən, kiciya kəyi fe kə.

⁶ Nwe o nwe eyi kə Krist mæ, əfəciya. Nwe o nwe enciya mæ encære fe kə, ali katin enəŋk fe kə.

⁷ Awut em, ta fum o fum pətiŋkər nu! Nwe əŋyə tes tolompu mæ, wəlompu əfə, pəmæ təkə Krist olomp mæ.

⁸ Nwe enciya mæ dəŋəŋkə ŋelεc eyefe, bawo ŋəŋkə ŋelεc ŋenaciya kəyefe dəkəcop. Kə Wan ka Kanu enamentərne-ε, teta kələsər ka yebəc ya ŋəŋkə ŋelεc kənayi.

⁹ Nwe o nwe əŋyefe dokom da Kanu mæ əfəciya, bawo defet da Kanu, nde dəyone toloku tən mæ, deyi kə. Wəkayi əfətəm kəciya bawo dəKanu eyefe.

¹⁰ Ti tøyone tənepələ ta ayefe dokom da Kanu kə ayefe dokom da ŋəŋkə ŋelεc: Nwe o nwe əntəyə pəlompu mæ, bafə dokom da Kanu d'eyefe, tin tayi tə kə nwe əntəbətər wənc wəlan mæ.

Pabətərəne!

¹¹ Tosom tante tə nənane kəyefe dəkəcop: Pabətərəne!

¹² Ta payə pəmæ Kayen, nwe enayefe dəWələc, Sentani, k'endif wənc mæ. T'ake t'enadife kə-ε? Bawo yebəc yən yenalomp fe, ya wənc yolomp.

¹³ Awənc im aŋa, ta teciyənən'on k'afum a doru ŋanter nu-ε.

¹⁴ Səna, səncære a nde defi deyi mæ səyefe, kə səŋkə nde kiyi wəyeŋ kəyi mæ, bawo səmbətər awənc asu alaŋ. Nwe əntəbətər wənc mæ, eyi nde defi deyi mæ.

¹⁵ Nwε o nwε enter wεnc mɔ wɛdif fum ɔfɔ. Nɛncɛrɛ ali wɛdif fum wɛkin, kiyi wɛyɛn ka doru o doru kɛyi fɛ kɔ.

¹⁶ Tante tɔɲsɔɲɛ su kɛcɛrɛ kɛbɔtɛr: Krist ɔsɔɲ kiyi wɛyɛn kɔn teta sɛna. Sɛna sɔ pɛmar sɛsɔɲ kiyi wɛyɛn kosu teta awɛnc asu alaɲ.

¹⁷ Mba kɔ fum wɛlɔma ɔyɔ daka da doru, pɛnɛɲk wɛnc wɛlaɲ pɛyi dɛpɛcuca, mba pɛgbɔtɛr wɛnc wɛkakɔ abɛkɛc-ɛ, cɛke cɔ kɛbɔtɛr ka Kanu kɛyi wɛkayi-ɛ?

¹⁸ Awut em, ta payɔ kɛbɔtɛr ka dɛmoloku kɔ dɛtemer gbɛcɛrɛm, mba payɔ kɛbɔtɛr nkɛ kɛɲmentɛrɛnɛ dɛmɔyɔ kɔ dɛkance mɔ.

Kɛlaɲ ka afum Kanu fɔr kirin

¹⁹ Tatɔkɔ tɔɲsɔɲɛ su kɛcɛrɛ a aka kance ɲɔ sɛyɔnɛ, bɛkɛc yosu yɔfɔr Kanu fɔr kirin.

²⁰ Bawo kɔ bɛkɛc yosu yoloku a sɛnciya-ɛ, Kanu kɛmbɛk kɛtas yi, kɔ kɛncɛrɛ mes fɛp.

²¹ Nɛna aɲɛ imbɔtɛr mɔ, kɔ bɛkɛc yosu yɔntɔloku su a sɛnciya-ɛ, sɛyɔ kɛbɛknɛ nde Kanu kɛyi mɔ.

²² Ntɛ o ntɛ sɛntola mɔ sɛɲsɔtɛr kɔ ti, bawo sɛmɛɲkɛrɛnɛ mosom mɔn, kɔ sɛɲyɔ sɔ mes mmɛ mɔmbɔt kɔ mɔ.

²³ Tosom tɔn tɛntɛ: Pagbɛkɛr tewɛ ta wan kɔn Yesu Krist kɛlaɲ, pabɔtɛrɛnɛ pɛmɔ tosom tɔkɔ ɛnasom su mɔ.

²⁴ Mɛna nwε mɛmɛɲkɛrɛnɛ mosom mamɔkɔ mɔ, mɛyi dɛKanu, pɛmɔ ntɛ Kanu kɛyi dɛmɛna wɛkayi mɔ. Amera Nɛcɛmpi ɲɔkɔ ɛnasɔɲ su mɔ, ɲɔɲsɔɲɛ kɛcɛrɛ a Kanu kɛyi su.

4

Amera ɲa Kanu kɔ ɲa wɛtɛrɛnɛ kɔn

¹ Nɛna aɲɛ imbɔtɛr mɔ, ta nɛlaɲ akɔ ɲabaɲɛnɛ kɛyɔ Amera mɔ fɛp. Mba nɛkɔkɛɛ yi ntɛ tɔɲsɔɲɛ nɛtam kɛcɛrɛ kɔ pɛyɔnɛ ya dɛKanu yɔ-ɛ, bawo sayibɛ sa yem sɛlarɛm sɛsamsɛr doru.

² Tante disrɛ nɛntam kɛcɛrɛ a Amera ɲa Kanu ɲɔ: Amera ɲɲɛ o ɲɲɛ ɲɔɲwosɛ kɛcɛrɛ a Yesu Krist ɛnader pɛyɔnɛ fum mɔ, ɲa Kanu ɲɔ.

³ Mba amera ɲɲɛ o ɲɲɛ ɲɔntɔwosɛ kɛloku a Yesu ɛnader cɛfum mɔ, bafɔ ɲa Kanu ɲɔ, ɲa wɛtɛr Krist ɲɔ. Nɛnane paɛloku a kɛdɛr kɔ wɛtɛr ka Krist ɛndɛ, ndɛkɛl ɔɲ eyi doru.

⁴ Nɛna awut em, aka Kanu ɲɔ nɛyɔnɛ, kɔ nɛntam sayibɛ sa yem, bawo nwε eyi nu mɔ, ɛntas nwε eyi doru mɔ.

⁵ ɲa, aka doru ɲɔ. Ti tɔsɔɲɛ ntɛ moloku maɲan mɔyɔnɛ ma doru mɔ, kɔ doru dɛncɛɲkɛl ɲa.

⁶ Sɛna, aka Kanu ɲɔ sɛyɔnɛ. Nwε ɛncɛrɛ Kanu mɔ, ɛncɛɲkɛl su. Nwε ɔntɔyɔnɛ wɛka Kanu mɔ ɔfɔcɛɲkɛl su. Ti tɔsɔɲɛ su kɛcɛrɛ amera ɲa kance kɔ amera ɲa kɛtiɲkɛr.

Kanu, kɛbɔtɛr kɔ

⁷ Nɛna aɲɛ imbɔtɛr mɔ, pabɔtɛrɛnɛ, bawo kɛbɔtɛr dokom da Kanu dɔ kɛyɛfɛ. Nwε o nwε ɔbɔtɛr, dokom da Kanu d'ɛyɛfɛ, k'ɛncɛrɛ sɔ Kanu.

⁸ Nwε ɔntɔbɔtɛr mɔ, ɛncɛrɛ fɛ Kanu ali katin, bawo Kanu, kɛbɔtɛr kɔ.

⁹ Tante tɔ kɛbɔtɛr ka Kanu kɛnamentɛrɛnɛ su dacɔ: Kɔ Kanu kɛsom wan kɔn sona doru ntɛ tɔɲsɔɲɛ pɛmar su sɛsɔtɛr kɔ kiyi wɛyɛn mɔ.

¹⁰ Kɛbɔtɛr kaɲkɔ, bafɔ sɛn'ɔbɔtɛr Kanu, mba nkɔn ɔbɔtɛr su.

Kɔ Kanu kɛmbɔtɛr su haɲ kɔ kɛsom wan kɔn, nwε ɔyɔnɛ polɔɲɛ mɲɛ pɔɲkump kiciya kosu mɔ.

¹¹ Nɛna aɲɛ imbɔtɛr mɔ, kɔ Kanu kɛmbɔtɛr su tante-ɛ, pɛmar sɛna alaɲ sɔ fɛp pabɔtɛrɛnɛ.

12 Ali katin fum o fum eḡbətne fe Kanu. Kə səmbətərene-ε, Kanu kəḡyi su dacə, kəbətər kən kəfəbut su.

13 Tantε tə səntam kəcəre a səyi dəkənu, kə Kanu kəyi dəsəna: Bawo əsəḡ su Amera ḡən.

14 Kə səna səḡbətne, kə səyənε sede a Papa osom Wan kədeyənε wəyac ka doru.

15 Nwε o nwε oḡwose kəloku a Yesu əyənε Wan ka Kanu mə, Kanu kəḡyi kə, nkən sə pəyi dəkənu.

16 Kə səna, səncəre kəbətər nke Kanu kəmbətər su mə, kə səḡbekər kəbətər kaḡkə kəlanḡ. Kanu, kəbətər kə. Nwε eḡyi kəbətər disre mə, eyi dəkənu, Kanu kəyi dəwəkayi.

17 Kə kəbətər kosu kəntəbut-ε, təḡsəḡε su kəbəkne dəsək ndε Kanu kəḡkiti su mə. Ta ake-ε? Bawo kiyi kosu doru kəwurene kə ka Yesu Krist.

18 Kənesε kəyi fe kəbətər disre. Kə kəbətər kəntəbut-ε, kəmbeləs kənesε. Bawo kənesε kəncem-εməs a kətərəs kəndeder. Wənesε, kəbətər kəmbut kə.

19 Kə səna, səmbətər, bawo Kanu kənanuḡkenε kəbətər su.

20 Kə fum oloku: «Imbətər Kanu» mba pəter wənc wəlanḡ-ε, wəyeme əfə, bawo nwε əntəbətər wənc nwε eḡḡnəḡk mə, əfətam kəbətər Kanu nke əntənəḡk mə.

21 Tosom tantε tə Kanu kənasom su: Nwε əmbətər Kanu mə, pəmar pəbətər sə wənc.

5

Kətam kosu ka doru

1 Nwε o nwε elan a Yesu əyənε Krist mə, fum wəkakə dokom da Kanu d'eyefe. Nwε o nwε əmbətər wəkəmbəra mə, əmbətər sə nwε eyefe dokom da wəkayi mə.

2 Kə səmbətər Kanu, səcəme sə mosom mən darəḡ-ε, səntam kəcəre a səmbətər awut a Kanu.

3 Bawo kəbətər ka Kanu kəyənε a səmeḡkərne mosom mən. Mosom maməkə məfətərəs,

4 bawo nwε o nwε eyefe dokom da Kanu mə, əntam doru. Tes nte təsəḡε su kətam doru mə, it'əyənε kəlanḡ kosu.

5 An'əyənε wətam ka doru-ε, kə pəyənε fe nwε elan a Yesu əyənε Wan ka Kanu mə?

6 Nkən Yesu Krist nwε εnader su kə domun da kəḡbət kən dərəmun kə mecir ma defi dən mə, bafə domun ḡbəcərəm d'εnakεε, mba domun kə mecir. Amera ḡəsəḡ sede sasəkə, bawo Amera ḡəyənε kance.

7 Awa ca maas yəsəḡ sede sa ti:

8 Amera, domun kə mecir, ca yayε maas fəp yəntəḡne ti.

9 Kə səwose sede sa afum-ε, sede sa Kanu səmbək sətəs si. Bawo sede sa Kanu səntəḡne kəsəḡ sede teta Wan kən.

10 Nwε eḡḡbekər kəlanḡ kən ndε Wan ka Kanu eyi mə, əyə sede sasəkə d'nkənsərka. Nwε əntəlanḡ Kanu mə, eḡḡbekəl kance nke Kanu kənaloku mə, bawo eḡḡbekər fe kəlanḡ kən dəsede nse Kanu kəsəḡ teta Wan kən mə.

11 Sede sasəkə səmentər a Kanu kəsəḡ su kiyi wəyənḡ ka doru o doru. Kiyi wəyənḡ kaḡkə, dəkəwan kən kəyi.

12 Nwε əyə Wan mə, əyə sə kiyi wəyənḡ. Nwε əntəyə Wan ka Kanu mə, əfəyə kiyi wəyənḡ.

Kiyi wəyənḡ ka doru o doru

13 Tatəkə, incic'on ti, nte təḡsəḡε nu kəcəre a nəyə kiyi wəyənḡ ka doru o doru mə, nəna aḡe nəḡbekər kəlanḡ konu ndε tewe ta Wan ka Kanu teyi mə.

14 Kəbanḡse nke səyə nnə tewe ta Wan ka Kanu teyi mə kəyənε, kə səntola kə paka mpe o mpe tefanḡ tən disre-ε, εmbanḡ su.

15 Kə pəyənε a səncəre a εmbanḡ su-ε, mpe o mpe pə səntola kə, səḡsətər kə pi.

16 Kə fum εnəḡk wənc wəlanḡ pəc̣ciya kiciya nke kəntəsəle kə dədəfi mə, pətolanε kə Kanu, wənc wəkakə əḡsətə kiyi wəyənḡ. Afum akə ḡanciya kiciya nke kəntəsəle dədəfi mə, ḡ'inḡloku taḡan. Kiciya kəyi nke kəsəle dədəfi mə, bafə kiciya kaḡkə k'inḡloku a patolanε ki de.

17 Kətəlompe nke o nke, kiciya kə. Mba kiciya kəyi nke kətəsəle dədəfi mə.

¹⁸ Səncərə a nwe o nwe eyefe dokom da Kanu mə, əfəciya. Bawo nwe eyefe dokom da Kanu mə ombum wəkayi, Wələc, Sentani, əfəgbuḡene kə.

¹⁹ Səncərə a aka Kanu ḡə səyone, mba aka doru fəp ḡayi kətam ka Wələc, Sentani dəntəf.

²⁰ Mba səncərə sə a Wan ka Kanu enader kədesəḡ su kəsək domp, nte təḡsəḡe səcərə nwe əyone Kance mə. DəKance ayi, dəkəmar ka Wan kən Yesu Krist. Nkən əyone Kanu ka kance yati kə kiyi wəyey ka doru o doru.

²¹ Awut em, nəkəmbərne mərəḡka.

2 Isan

An'ɔ Isan ɔyɔn-ε, t'ake tɔ pɛmar pakaraŋεnε areka ηɔn ηa mεrɔŋ-ε?

Isan wɛsom wɛka Yesu εnacicɛs areka ηɔn ηa mεrɔŋ nηε meren wɛco camɛt-maas kɔ kɛcamɛt (85) kɛbɛp ka meren wɛco camɛt-manjkɛle kɔ kɛcamɛt (95) nte kɛkom ka Yesu Krist kɛnacepɛr mɔ. Isan εnamentɔrne fε kɛyɔnε ka wɛcicɛs ka areka ηaŋε, mba encwene nkɔnsɛrka «Wɛbeki». Moloku ma Areka ηa mεrɔŋ ηa Isan mɔlɔtɔrne kɛsurenε mme ambɛp Kawandi kɔn mɔ. Tatɔkɔ tɔ tentam kɛyi pɛmɔ tɔkɔ oloku teta tosom ta Yesu mɔ, a pabɔtɔrenε aŋε kɔ akɔ. Kɔ nte oloku kɛbɔtɔr ka Yesu dɛmosom mɔ (1.5-6, Isan 15.9-10). Ancem-cemne a Isan wɛsom wɛka Yesu εnacicɛs Kawandi kɔn kɔ reka yɔn maas tɛm nte εnayi dare da Efesi mɔ. Isan εnacicɛs kɛlonkane ka alaŋ a Yesu nke εnawe «Wɛran wɛyɛk-yɛk kɔ awut ɔn»^{*} mɔ. Tɛfaŋ ta Isan nte tɛnasɔŋε kɔ kɛcicɛs areka ηaŋε mɔ tɛnayɔnε kɛyɛŋkɛs kɛlonkane ka alaŋ bɛkɛc pɛsɔŋε ηa kɛbumne mɛtɔkse ma yem.

Tokotɔrenε ta moloku m'areka

1. Isan oncop areka pɛcbɔnc akɔ ancicε ηi mɔ pɛcyifεnε ηa sɔ (1.1-3).
2. Kɔ tɛyɛfε dɛnda-ε pɛcyɛŋkɛs kɛlonkane ka alaŋ a Yesu bɛkɛc, pɛccem-cemɛs ηa sɔ tosom tɔkɔ tɛmbɛk mosom fɛp mɔ (1.4-6).
3. Kɔ tencepɛr-ε, Isan oloku afum kɛkɛmbɔrne atinjkɛr afum aŋε ηander mɔ (1.7-11).
4. Kɛlonkane ka alaŋ a Yesu nke eyi mɔ, k'elɛpsɛr kɛyif (1.12-13).

Kɛyif

¹ Ina, wɛbeki, incic areka nηε kɛkɔ nda wɛran nwe Kanu kɛyɛk-yɛk mɔ† kɔ awut ɔn aŋε imbɔtɔr yati mɔ. Bafɔ ina sona ɔbɔtɔr nu, mba akɔ ηancɛrε kance mɔ fɛp.

² Imbɔtɔr nu teta kance nke kɛyi su kɔ kɛndeyi su doru o doru mɔ.

³ Papa Kanu kɔ Yesu Krist wan ka Papa ηasɔŋ su kɛmar kifɛli, nɔnɔfɛr kɔ pɛforu dɛkance kɔ dɛkɛbɔtɔr mɔ.

Tosom nte asɔtɔr Papa mɔ

⁴ Bel-bel bɔ pɛmbɔt im kɛbɛp awut am alɔma ηackɔtɛnε kance, pɛmɔ tɔkɔ Papa osom su ti mɔ.

⁵ Ndekɛl ɔŋ, mɛna wɛran nwe Kanu kɛyɛk-yɛk mɔ‡, intol'am nte iyi kɛcic'am mɔ: Pabɔtɔrenε! Bafɔ tosom tofɔ tɔ, mba nte sɛnasɔtɔ kɛyɛfε dɛkɛcop da kɛlaŋ kosu mɔ.

⁶ Kɛbɔtɔr kɛyɔnε: Pɛmar pakɔt mosom ma Kanu pɛmɔ tɔkɔ kɛloku mi mɔ. Tatɔkɔ tɔyɔnε tosom nte pɛmar nɛkɔt mɔ, pɛmɔ tɔkɔ nɛnane ti kɛyɛfε dɛkɛcop da kɛlaŋ konu mɔ.

⁷ Atinjkɛr afum alarɛm ηasamsɛr doru, ηafati kɛwɔsε kɛloku a Yesu Krist kance disrε ɔyɔnε fum. Wɛtinjkɛr afum wɛkakɔ wɛtɛr ka Krist ɔyɔnε.

⁸ Nɛkɛmbɔrne nɛnasɛrka nte tɔŋsɔŋε ta yokom ya yɛbɛc yonu yɔsɔlɛr nu mɔ, mba nɛsɔtɔnε ti kɛway kɛtɔŋnɛnε ka ti.

⁹ Mɛna nwe o nwe ɔŋkɔ pɛbɔlε, mba ta mɛyi kɛtɔkse ka Krist mɔ, mɛyɔ fε Kanu. Mɛna nwe mɛnyi kɛtɔkse kanjkɔ disrε mɔ, mɛyɔ Kas kɔ Wan.

¹⁰ Kɔ fum ender pɛy'un dacɔ mba ta εŋkɛrε kɛtɔkse kanjkɔ-ε, ta mɛbaŋ kɔ nde ndaram, ta mɛyif kɔ yati.

¹¹ Bawo mɛna nwe mɛyif kɔ mɔ, wɛmar kɔn mɛyɔnε dɛyɛbɛc yɔn yɛlɛc.

Moloku mɛlpɛs

* : Isan pɛtubcɛnε kɛlonkane ka alaŋ a Yesu kɔ «wɛran wɛyɛk-yɛk kɔ awut ɔn.» † **1:1** Wɛran nwe Kanu kɛyɛk-yɛk mɔ kɔ awut ɔn = kɛlonkane ka alaŋ Yesu ‡ **1:5** Wɛran nwe Kanu kɛyɛk-yɛk mɔ = Kɛlonkane ka alaŋ a Yesu.

¹² Ali nte moloku melar im kaloku nu ma, ifan fe kaloku nu mi d'areka nēcicās. Mba ingbekar amera kakonank un, ilok-lokar nu patefarenε nte tansane pabotu posu pelare ma.

¹³ Awut a wakire kam nwe Kanu kayek-yek ma § nayif nu.

3 Isan

An'ɔ Isan ɔyɔn-ε, t'ake tɔ pəmar pakaraŋεε areka ηɔn ηa maas-ε?

Isan wəsom wəka Yesu enacicəs areka ηa maas ηaŋε. Enacicəs ηi meren wəco camət-maas kɔ kəcamət (85) kəbəp ka meren wəco camət-manjkəle kɔ kəcamət (95) nte kəkom ka Yesu Krist kənacepər mə (85-95). Isan enamentərne fe kəyɔne ka wəcicəs ka areka ηaŋε, mba encwene nkənsərka «Wəbeki» (1.1). Towurεne tayi tɔyɔ d'areka ηa mērəŋ ηa Isan (1.1). Ancem-cəmne a kəlonkane ka alaŋ a Yesu ηɔ Isan enacicse Kawandi kən kɔ reka yɔn maas nte enandε dare da Efesi mə. Wəlaŋ wəlɔma nwe ancwe Kayu mə, nkən Isan enacicse areka ηaŋε. Pəclokər-lokər Kayu d'areka pəmɔ wanapa kən, Isan pəcsom kɔ kəfayne alaŋ a Yesu acikəra aŋε ηaŋkət atɔf disre mə.

Tokotərεε ta moloku ma areka

1. Isan ementər areka ηɔn (1.1).
2. Isan eyenjkəs Kayu abəkəc kəmentər dofum nnɔ awenc aŋa ηayi mə (1.2-8).
3. Kɔ tɔyεfe dənda, k'oloku teta afum mērəŋ: Diyotərəf kɔ Demeteri (1.9-12).
4. Dəkəlpəsər k'encan areka ηɔn (1.13-14).

Kəyif

¹ Ina, wəbeki, incic areka nŋε kəkɔ nda məna Kayu, nwe imbətər yati mə.

² Məna nwe imbətər mə, intola mes mam fəp məkət belbel, mətamne pəmɔ nte amera ηam ηəŋkət belbel mə.

³ Pənbət im belbel nte awenc asu alaŋ alɔma ηanader ηalok'im nte məyi dəkance kɔ təkɔ mənjkətεne sɔ ki mə.

⁴ Tes o tes tenanjkane fe kəbət im, mənε kəne a awut em ηayi kəkət kance disre.

Kəyεŋkε ka kəlaŋ ka Kayu

⁵ Məna nwe imbətər mə, məmentər kəyεŋkε ka kəlaŋ kam dəmes mam məyɔ fəp mme mənyɔne awenc asu alaŋ haŋ acikəra mə.

⁶ Nənatəŋne kəbətər ka Kanu kam nnɔ kəlonkane k'alaŋ kəyi mə. Məmar ηa ηasɔtɔ ca nce pəmar ηa kəyɔ mərənt maŋan disre mə, pəmɔ təkɔ Kanu kəfaŋ ti mə.

⁷ Bawo teta tewe ta Krist tɔ ηawurεne, ali paka ηawer fe atolaŋ.

⁸ Pəmar səna sɔ səbaŋ afum akakɔ nte tɔŋsəŋε papaŋne yebəc teta kance.

Diyotərəf kɔ Demeteri

⁹ Incice kəlonkane k'alaŋ areka ηɔlɔma, mba Diyotərəf nwe dekirin dəmbət mə, owosε fe kəbaŋ su.

¹⁰ It'ɔsəŋε, k'indeder-ε, indesəksər nu mes məkɔ əŋyɔ mə fəp, təkɔ enyemsene su mə. Tatəkɔ tɔfətəŋne kɔ, pəcfati kəməŋk awenc alaŋ acikəra, pəcyamsər sɔ akɔ ηaŋfaŋ kəməŋk ηa mə, pəcbeləs ηa kəlonkane ka alaŋ dacɔ.

¹¹ Məna nwe imbətər mə, ta mətubucne pələc pa fum, mba pətət. Nwe o nwe əŋyɔ pətət mə, wəka Kanu məyɔne. Nwe əŋyɔ pələc mə, encərə fe Kanu.

¹² Teta Demeteri, alaŋ fəp ηantəŋne a fum wətət əfɔ. Təkətεne tən pətət tementər sɔ belbel a fum wəlɔmpu əfɔ. Səna səndəŋər sɔ sede sosu tetən, kɔ mənçərə a kəsumpər kosu sede kance kɔ yati.

Kəyif kəlpəs

¹³ Iyɔ mes mɛlarəm mecic'am mba ifaŋ fe kəloku nu mi d'areka ηecicəs.

¹⁴ Intola ta pəwon sɔ sənəŋkεne, mba ingbəkər amera kəkənəŋk un, ilok-lokər nu patεfərəne.

¹⁵ Kanu kəsəŋ əm pəforu! Anapa asu ŋayif əm. Iyif anapa, nwε o nwε kə tewe tən.